





M. V. 40.

81

13-17, B, 92

GRATIANI CANONES

GENUINI AB APOCRYPHIS DISCRETI,

CORRUPTI AD EMENDATIONUM CODICUM FIDEM EXACTI,

DIFFICILIORES COMMODA INTERPRETATIONE ILLUSTRATI

OPERA ET STUDIO

CAROLI SEBASTIANI BERARDI

PRESBYTERI VNELIENSIS,

In Regio Athenæ Jurisconsultorum Collegio adscripti,

Et Jurisprudentiæ Studiis in Regia Academia Præfecti.

PARTIS II. TOM. PRIMUS.



TAURINI, MDCCLIV.

EX TYPOGRAPHIA REGIA.

INDEX CAPITUM,

Quæ in hoc Secundo Volumine continentur.

De Canonibus Pontificum Maximorum nomine a Gratiano relatis.		pag.	n.
Cap. 1. De Canonibus Clementi adscriptis.	-	-	8.
Cap. 2. De Capitibus Anacleti nomine inscriptis.	-	-	28.
Cap. 3. De Capitibus Evaristi.	-	-	48.
Cap. 4. De Capitibus Alexandri.	-	-	55.
Cap. 5. De Sixto I.	-	-	66.
Cap. 6. De Telephoro.	-	-	68.
Cap. 7. De Hygino.	-	-	73.
Cap. 8. De Pio.	-	-	79.
Cap. 9. De Aniceto.	-	-	88.
Cap. 10. De Sotere.	-	-	92.
Cap. 11. De Eleutherio.	-	-	94.
Cap. 12. De Vittore.	-	-	97.
Cap. 13. De Zephyrino.	-	-	100.
Cap. 14. De Callisto.	-	-	104.
Cap. 15. De Urbano.	-	-	113.
Cap. 16. De Pontiano.	-	-	118.
Cap. 17. De Aniceto.	-	-	119.
Cap. 18. De Fabiano.	-	-	121.
Appendix de canone 26. cau. 32. qu. 7. nomine Fabii Papæ relato.		-	132.
Cap. 19. De Cornelio.	-	-	133.
Cap. 20. De Lucio.	-	-	135.
Cap. 21. De Stephano.	-	-	139.
Cap. 22. De Sixto II.	-	-	145.
Cap. 23. De Dionysio.	-	-	148.
Cap. 24. De Felice.	-	-	149.
Cap. 25. De Eusebio.	-	-	151.
Cap. 26. De Cajo.	-	-	158.
Cap. 27. De Marcelino.	-	-	161.
Cap. 28. De Marcello.	-	-	163.
Cap. 29. De Eusebio.	-	-	166.
Cap. 30. De Melchide.	-	-	171.
Cap. 31. De Julio.	-	-	176.
Cap. 32. De Liberio.	-	-	193.
Cap. 33. De Felice II.	-	-	197.
Cap. 34. De Damaso.	-	-	204.
Cap. 35. De Siricio.	-	-	226.
Cap. 36. De Anastasio.	-	-	233.
Cap. 37. De Innocentio.	-	-	237.
Cap. 38. De Zosimo.	-	-	281.
Cap. 39. De Bonifacio.	-	-	288.

Cap.

Cap. 40. De Celestino.	299.
Cap. 41. De Sixto III.	311.
Cap. 42. De Leone Magno.	313.
Cap. 43. De Hilario.	367.
Cap. 44. De Simplicio.	370.
Cap. 45. De Felice III.	373.
Cap. 46. De Gelasio.	376.
Cap. 47. De Anastasio II.	433.
Cap. 48. De Symmacho.	435.
Cap. 49. De Hormisda.	466.
Cap. 50. De Jobanne.	473.
Cap. 51. De Felice IV.	479.
Cap. 52. De Bonifacio II.	480.
Cap. 53. De Silverio.	481.
Cap. 54. De Vigilio.	483.
Cap. 55. De Pelagio.	485.
Cap. 56. De Jobanne III.	512.
Cap. 57. De Benediſto.	513.
Cap. 58. De Pelagio II.	514.

Imprimatur. Vic. Gen. S. Officiū.

V. Allemandi P. ac R.

Se ne permette la stampa. Morozzo per la Gran
Cancelleria.



PARS SECUNDA.

*De Canonibus Pontificum Maximorum nomine
a Gratiano relatis.*



EL quod Romanz Apostolicz Sedis dignitas maximo in honore habenda semper fuerit apud eos, qui in Ecclesiastica unitate consistunt; vel quod Viri singulari sapientia insignes, atque integerrimi ad illam evehi consueverint; vel etiam quod Christus Dominus pro non defutura Petri fide se rogaturum sponderit, illud certissimum est, Maximorum Pontificum Constitutiones, Responfa, Sententiasque ceteras publice propositas plurimum apud Viros Ecclesiasticos valuisse semper, ac valere, quoties de fide explicanda, de moribus formandis, ac de stabilienda disciplina Sacrorum agatur. Non omnium tamen hujusmodi sententiarum una, eademque ratio est; alia enim rescriptis vis, atque auctoritas inest; alia constitutionibus, quas *motu proprio* editas Pragmatici adpellant, alia regulis ad res Ecclesiasticas utiliter gerendas cuilibet prætstitis; imo & inter ipsa rescripta, quemadmodum inter constitutiones, & regulas universas singularia passim discrimina agnoscuntur.

Et quidem in primis rescriptorum duo sunt genera, quorum alia sunt adinstar familiarium Epistolarum, quoties scilicet Pontifices Maximi a quibusdam interrogantur, sive ob arctissimam, quam foveat amicitia, consuetudinem, sive consilii petendi causa, quasi a Viro doctissimo, vel piissimo, & fere paterna charitate in fideles omnes adfecto; alia adinstar potius legum sunt, ac constitutionum, quibus vel Leges Ecclesiasticæ jamdiu constitutæ declarantur interrogantibus, vel quid in certis locorum, temporum, aliisve id genus adjunctis agendum sit, ex auctoritate interroganti præcipitur. Prioris generis rescripta quamplurima cernuntur apud veteres. Si enim inter ipsos antiquissimos Episcopos jurisdictione; atque ordine

Tom. II. A dine

dine pares ea erat in rebus Ecclesiasticis administrandis mutua cura, ac sollicitudo, ut alter alterum identidem consulere in dubiis rebus, præsertim gravissimis, vel consulenti pro rei merito responderet, vel demum respondentem morem gerere prudentissime, quemadmodum ex vulgaris Augustini, Cypriani, Basilii, aliorumque epistolis facile liquet; Si ipsi etiam Pontifices Maximi aliquando nonnullorum Episcoporum consilia vehementer efflagitarunt; Sic Leo Magnus Paschalinum Lilybæum Episcopum de Cyclo Paschali consuluit; Et Siricius in epist. ad Mediolanensem Ecclesiam, quæ habetur inter Epistolas S. Ambrosii ait: *Optarem ut vicissim discurrentibus literis sospitatis indicio juvaremur vestro*; sane frequentius contingere poterat, ut ab Episcopis ceteris Romani Pontifices interrogarentur, quorum prudentiæ, sapientiæ, ac vigilantæ pastoralis summa fiducia habebatur. Hisce autem rescriptis nulla vis inerat obligandi, cum neque ipse rescribens in ea fuerit voluntate, ut obligaretur interrogans; nec qui rescriptum susceperat, ea mente interrogaverit, ut se obligaret.

Major sane habenda ratio est rescriptorum secundi generis, quoties scilicet Pontifex Maximus ita consulitur, ut dubia Sacrorum jura declaret, vel quid agendum sit, in certis propositis facti speciebus ipse constituat, & velut edicto decernat. Rescripta hæc adinstar Constitutionum sunt, & quasi Constitutiones interrogantes obligant. Ad hanc rem ita Augustinus in lib. 2. cap. 3. contra duas Pelagianorum epistolas: *Per Papæ rescriptum causa Pelagianorum finita est, totoque orbe post ejus damnationem damnati sunt, ac literis Innocentii tota hac de re dubitatio sublata est.* Jungatur his rescriptum Innocentii Papæ ad Concilium Carthaginense, & aliud ejusdem rescriptum ad Concilium Milevitanum. Exceptio est, si forte quædam asperitas in ipsis a suscipiente detegatur, unde constet Pontificis animum alicujus fraude circumventum fuisse, quemadmodum & iidem Pontifices animadvertendum voluerunt in cap. 5. de rescriptis, & in cap. 6. de præbendis, & dignitatibus. Verum enimvero adhuc hac in re deliberandum arbitror. Siquidem plura in rescriptis hujusmodi contineri solent; Et primo quidem præcipua ipsa rescripti sententia, sive pars illa rescripti, qua interrogationi satisfiat; deinde præfatio rescripti; tertio rationes sententiæ præcipuæ adjectæ; demum illa, quæ in rescribendo extra propositam speciem assuta fuerunt. Si præcipuam rescripti sententiæ observaverimus, nulla erit dubitatio, quin illa vim legis habeat, in eo enim animus Pontificis minime defuit, ut interroganti quidpiam agendum ex auctoritate indiceret; imo & ipse interrogans frustra ad Pontificem Maximum confugisset interrogando, quoties adhuc sibi liberum esse arbitraretur, a regulis propositis omnino recedere. Eadem ratione apud Romanos veteres, qui in Magistratu publico constituti erant Imperatoribus rescribentibus obtemperabant. Ast quæ in præfationibus, rationibus adjectis, ceterisque, quæ extra propositam speciem assuta fuerunt, potius ad ornatum orationis pertinent, nec ex eorundem Pontificum Maximorum voluntate obligandi vim habent. Non obligant hæc, quasi rescripti pars, quia in illis interroganti minime respondetur, ad quæ non pertinet interrogatio: Non obligant hæc quasi nova constitutio extra rescripti causam motu proprio a Pontifice lata, cum leges hac ratione ferri, aut edi non soleant. Alias enim pro lege recipiendum penitus esset, Patriarchas quatuor Orientales in quatuor animalibus Ezechielis Prophetæ fuisse præfiguratos, quod legimus in præfatione cap. 8. de majorit. & obed. pro lege itidem recipiendum esset, ideo cognationem intra quartum tantummodo gradum

gradum concludi, quia quatuor sunt humores in corpore, qui constant ex quatuor elementis, quæ est ratio adjecta in cap. 8. de consanguin. & adfinit., aut ideo non posse conjugem sine facultate ab altero conjugè obtemperare ad Monasticam vitam transire, quia una, eademque caro in Monasterio simul, & extra Monasterium sita esset, quæ est ratio adjecta in can. 19. & 21. cau. 27. qu. 2. juncto cap. 2. de conversione conjugatorum. Pro lege demum recipiendum esset, Sacramentum Baptismatis non in Sanctæ Trinitatis, sed tantum in Christi nomine expresso, valere, contra quam etiam hodie sentiant optimæ notæ Theologi, ac Canonum Cultores integerrimi, quod ita scripserit Nicolaus I. in can. 24. de conf. dist. 4., non quidem ut interrogantibus responderet, sed ut quid præter interrogationem adjiceret. Sunt hæc omnia, ut aiebam, ornamenta rescriptorum, venerabilia quidem ob dignitatem auctorum, non tamen adeo valent, ut vim generalis legis obtineant.

Maximum præ ceteris Pontificum Maximorum sententiis vim habent Constitutiones illæ, quæ editæ *motu proprio* a Pragmaticis adpellantur. Sunt autem, quæ in generalem Ecclesiæ universæ utilitatem feruntur, & quibus ut plurimum vel fidei, vel morum causæ definiuntur. De his ita scribit Tertullianus in libro de pudicitia: *Audis etiam editum esse propositum, & quidem peremptorium; Pontifex scilicet Maximus, quod est Episcopus Episcoporum, edicit: Ego, & machinæ, & fornicationis delicta penitentia fundis dimitto.* Hujusmodi Epistolarum, & Constitutionum multiplex divisio est. In primis ex eo, quod ad universos dirigantur, vel encyclicæ dicuntur, sive catholicæ, vel tractatoriz, sive tractatoriz. *Catholicæ* (ait Œcumenius in Commentario in epistolam Jacobi, cui *Catholicæ* nomen inscribitur) *dicuntur illæ epistolæ, quasi encyclicæ, non enim separatim gentem unam, aut civitatem, quemadmodum D. Paulus Romanos, aut Corinthios his epistolis alloquitur discipulorum Domini chorus, nimirum Petrus, Johannes, & Judas, sed in universum fideles omnes.* *Tractatoriz*, seu tractatoriz ita appellabantur a tractu, sive a circuitu, in quem mitti solebant Conciliorum celebrandorum gratia; atque hoc nomine donabantur etiam singulares Epistolæ Metropolitanarum, quibus ipsi Suffraganeos suos ad Synodum convocabant. Hinc Augustinus epist. 217. ait: *Tractatoria ad me 5. Idus Decembris venit jam finito die, & mevalde indispotum invenit, ut occurrere omnino non possem.* Item ratione qualitatibus, seu conditionis illorum, ad quos diriguntur epistolæ, ac constitutiones, modo Clericæ dictæ sunt, modo Diaconales, modo Episcopales. Et quidem Clericæ epistolæ licet aliquando vocarentur illæ, quæ a Clero scriptæ essent, quandoque tamen etiam illæ significabantur, quæ mitterentur ad Clerum. Clericarum epistolarum mentionem fecit Cyprianus in sua epist. 4. Diaconales ad Diaconos scribebantur, ac potissimum regulas continebant, juxta quas res, bonæque Ecclesiasticæ Diaconorum curæ commissa administrari deberent. Episcopales etiam Entronitice vocabantur, quas videlicet initio Pontificatus sui, non tam Pontifex Maximus ad universos Episcopos, quam Episcopi universi ad Collegas suos, ipsum etiam Pontificem Maximum scribebant, ut scilicet ea ratione recens consecratum Pontificem agnoscerent, ac salutarent. Etiam ratione rerum, de quibus in eisdem constitutionibus agitur, vel Denunciativæ dicuntur, vel Declarativæ, vel Indicativæ, vel Paschales, vel Salutatoriz, vel Synodales. Denunciativæ erant, quibus hæreticus, aut infidelis quispiam denunciabatur. Sic Flavianus scribebat ad Leonem Magnum, ut ceteris Episcopis Nestorium damnatum esse per epistolam significaret, & Augustinus in Commentario in Psalmum 36. serm. 2. agens de

Primisni damnatione ait: atque adeo non immemores puritatis Ecclesiæ, conducibile existimavimus, omnes sanctos Confacerdotes, & omnes Clericos, & omnes populos, qui se Christianos meminerunt, hac nostra trallatoria commoneri, ut omnes ejus communionem, usque damnati, diligenti cura horreant. Declarativz dicebantur, in quibus suborta aliqua hæresi, aliquando prodito nomine auctoris, Pontifices illam publice detestabantur, & fideles omnes monebant, ut ab illa se, quoad fieri posset, averterent. Indicativz epistolæ sunt, quibus hodie Pontifex Maximus utitur, ut notam faciat universæ Ecclesiæ defuncti cujuspiam Viri sanctitatem, quo in Ecclesia sacri eidem honores præstentur, idemque quasi intercessor in Cælo apud Deum agnitus exoretur; atque hujusmodi epistolæ apud veteres Episcopos frequentabantur, cum unusquisque ex Episcopis ceteris indicare soleret illos invictos Christi Athletas, qui in illorum Diocesi martyrii palmam dirarum vexationum tempore consequuti fuerant. Paschalis epistola erat, qua dies Paschalis festivitatis universæ Ecclesiæ per Pontificem Maximum indicabatur. *Primo loco* (est hic canon 1. Concilii Arelatenfis 1. quo Episcopi Pontificem Maximum alloquui perhibentur) *de observatione Paschæ Dominici, ut uno die, & uno tempore per omnem orbem a nobis observetur, & juxta consuetudinem litteras ad omnes tu dirigas.* Egi de hoc Canone in 1. parte hujus operis cap. 4. ad can. 26. de conf. dist. 3. Quid in saluatoris epistolis contineretur, non demonstrant perspicuis argumentis viri rerum antiquarum eruditi, quorum alii alias hujusmodi epistolarum imagines efformant, uti jam adnotavit Baluzius in tom. 2. miscellan. pag. mihi 83. Verosimile mihi videntur saluatoris epistolæ illæ fuisse, in quibus mutæ charitatis fovendæ causæ se se identidem sacri Anistites invicem salutabant. De Synodalibus epistolis vix quidquam adjicere juvat; ex ipso enim nomine percipitur designari eas, quæ Concilii celebrandi causâ ad Episcopos diriguntur. Imo & cur in variis epistolarum, ac constitutionum speciebus hujusmodi explicandis diutius immorer, cum satis superque de illis viri eruditissimi docuerint, quos adire, ac consulere studiosus quilibet commode poterit?

Potius ad postremum Pontificiarum sententiarum genus progredior, quod regularum nomine ab initio designabam. Porro ad triplicem classẽ hujusmodi regulas referendas censeo. In primam refero illas, quæ præstitui solent Legatis ad Synodum profecturis, vel jam Synodo præsentibus, ut iidem noverint quam Pontificis nomine sententiam palam faciant: in alteram refero illas, quibus Summus Pontifex cuidam Apoliticæ Sedis vice in certa Provincia fungenti declarat, quid ipsi gerendum incumbat. In postremam refero illas, quas idem Pontifex Maximus ad rectum Dioceseon singularum regimen Episcopis, aliisve Ecclesiasticæ jurisdictione pollentibus sequendas veluti mandato quodam indicit. Quoties de illis regulis agatur, quæ Legatis Pontificiis, aut in Concilia profecturis, aut jam Concilio præsentibus præstituuntur, nondum quidem ipsæ vim generalis legis obtinent, maximi tamen semper habitæ fuerunt; Etenim Episcopi ceteri in Concilium convenientes ut plurimum illas explorare a Legatis, atque juxta illas suffragium ferre ut plurimum visi sunt. In Concilio Ephesino generali post recitatam Nicænorum Patrum formulam, narrataque Nestorii causâ, qualis tum ex ejusdem epistolis ad Cyrillum, & Cyrilli rescriptis ad eundem deducebatur, statim dictum ab omnibus Episcopis fitur: *Sanctissimi Romani Episcopi scripta legantur.* Præterea *Juvenalis* (habentur & hæc in actis Concilii) *Hierosolymorum Episcopus dixit: Legantur & litteræ Sanctissimi, ac Reverendissimi Cælestini Romane Ecclesiæ Archiepiscopi, quas de*

file

fide perſcripſit. Poſtquam vero Cœleſtini epiſtolz, allaque Sanctorum Patrum veterum monumenta lecta ſunt, progreſſi ſunt ad damnationem Neſtorii Antiliſites Ephreſini ita afferentes. *Coaſti per Sacros Canones, & epiſtolam Sanctiſſimi Patris noſtri, & Commiſſarii Cœleſtini Romanę Eccleſię Epiſcopi lacrymis ſubinde perſuſi, ad lugubrem hanc contra eum ſententiam neceſſario venimus*. In Concilio etiam Chalcedonenſi, ut ſimilia omittam bene multa, præſertim in aſſione 1., exhibentur Epiſcopi omnes frequentiſſime poſtulave, ut legerentur Pontifici Leonis Magni epiſtolz, juxta quas ſuffragia ſua ipſi ferrent, vel confirmarent. Poſitiſimum vero Pontificias hæc præſtitutas regulas ſequi tenentur Legati, quorum poteſtas mandati fines excedero haudquaquam poteſt. Hinc in memorato Concilio Chalcedonenſi aſſione 1. Paſchaſinus Romanz Sedis Legatus ait: *Beatiffimi, atque Apoſtolici viri Papę urbis Romę, quę eſt caput omnium Eccleſiarum, præcepta habemus præ manibus, quibus præcipere dignatus eſt ejus Apoſtolatus, ut Dioſcorus Alexandrinorum Epiſcopus non ſedeat in Concilio, ſed audiendus intromittatur*. Hoc nos obſervare neceſſe eſt. Si ergo præcipit veſtra magnificentia, aut ille egrediatur, aut nos eximus: Et paulo infra: *Nos contra præcepta Beatiffimi, atque Apoſtolici Papę Gubernatoris Sedis Apoſtolice venire non poſſumus*. Porro ſi qua forte in Conciliis ſuborta difficultas fuit, unde eveniret, ut omnes Epiſcopi non eiſdem regulis conſentirent, non aliter ad proferendam ſententiam deveniendum quiſpiam conſuiſt, quam primum certior idem Pontifex Maximus fieret, quidque ipſe inter varias Epiſcoporum opiſiones ſentiret re maturiore conſilio diſcuſſa exploraretur, atque acciperetur. Quid enim aliud actum eſt in Carthagenſi Concilio anni 419.? Conveniant eo Pontificii Legati, edoſtque Zozimi Papę mandatis nonnulla Africanis Epiſcopis propoſuerant communi ſuffragio definienda: cum vero eadem eſſent apud Epiſcopos in diſcrimine poſita, eo deduſta res eſt, ſalva & Romanz, & Africanz Eccleſię pace, ut ad eundem Pontificem Maximum referrentur omnia; quo tandem reſcribente, quid agendum eſſet, non contentione pernicioſa, ſed fraterna potius charitate, quemadmodum in actis Concilii legimus, deliberaretur. Eſt hæc prudentiſſima rerum gerendarum ratio, ac diſcutiendarum, ut ſua auctoritas, atque juriſdictio unicuique ſervetur, & debita ſingulis reverentia, honorque pro officio, & dignitate exhibeatur.

Si vero de regulis illis agatur, quę priyatim ſervandę proponuntur Legatis in certa provincia conſtitutis, iſtę quidem venerabiles omnino ſunt, non tamen hujusmodi, ut ſtatim, & ſine ullo diſcrimine pro legibus habeantur. Quid enim ſi Legatus, qui Provincię mores compertos habet luculentiffime, diſcillimum arbitretur, mentem mandantis executioni mandari, imo etiam ex ejusdem executione pro ſingularibus temporum, vel locorum adiunctis rei potius Eccleſiaſticę perniciem imminere, quam commodum ſuſpicetur? *Romanus Pontifex*, inquit Bonifacius 8. in cap. 1. de conſtit., *locorum ſpecialium, & perſonarum ſingularium conſuetudines, & ſtatuta, cum ſint facti, & in factis conſtant, poteſt probabiliter ignorare*. Licebit ſane hæc in re, non quidem præſtitutas contemnere regulas, ſed ab illis ita temperare, ut reverentia indicenti ſervetur; quod fiet, ſi omnia Legatus literis renunciaverit, cauſatque ſimul expreſſerit, propter quas ab executione mandati cenſuerit abſtinendum. Leo Magnus, qui Julianum Coenſem Epiſcopum Pontifici Legationis munere decoraverat, ita ad eundem ſcribit in epiſt. 86. editionis Queſnellianę: *Conſulenti autem dilectioni tuę de his, in quibus putaveris ambiendum, non deeris relationibus tuis meę reſponſionis inſtruſſio &c.* Bonifacius 1. id perſpicue docet

et in epistola ad Rufum Episcopum Theſſalonicenſem Legatum ſuum his verbis : Credebamus poſt epistoſas noſtras pro Eccleſiaſtica diſciplinæ obſervatione tranſmiſſas omnibus aditum præſumptionibus præcludendum, cum ad conſultationem dilectionis tuæ præbuiſſemus debitum pro cauſarum æſtimatione reſponſum, conſtituentes ea debere ſervari, quæ Eccleſiaſtica exigit diſciplina. Sed quantum nunc tuæ Sanctitatis nobis relatio præſeſcit, apud plerique valuiſſe quod ſcripſimus, apud quosdam autem admonitionem noſtram ineffectuam cognovimus fuiſſe. Nec hoc fraternitati tuæ poſſumus imputare, cum te anxium pro commiſſa tibi Eccleſiarum ſollicitudine, & rebus, & literis ſentiamus. Vigilantiæ tuæ laudamus induſtriã, qui ne videaris tibi commiſſa negligere, id non prætermittis literis indicare, quod Sælis Apoſtolice debeat cenſura corrigere, hunc te Dei noſtri habere profeſſus timorem, quem prudentiſſimo ineſſe convenit Sacerdoti, qui tunc tibi eſſe poteris glorioſus, ſi ea, quæ curæ tuæ commiſſa ſunt, prodeſſe Eccleſiæ fuerimus experti &c.

Potiore ſane jure idipſum ſervandum erit, quoties de regulis illis ſermo inſtituitur, quæ Episcopis ad rectum Dioceſeos ſux regimen ſervandæ aliquando præſtituuntur. Non opus eſt pluribus, ubi Pontifices ipſi Maximi idipſum apertiſſimis verbis declaraverunt. Si quando aliqua tuæ fraternitati dirigitur, quæ animum tuum exaſperare videntur, turbari non debes . . . qualitatem negotii, pro quo tibi ſcribitur, diligenter conſiderans, aut mandatum noſtrum reverenter adimpleas, aut per literas tuas, quare alimply non poſſis, rationabilem cauſam præſentias, quia patienter ſuſtinebimus, ſi non feceris, quod prava nobis fuerit inſinuatione ſuggeſtum. Ita Alexander III. Ravennatem Episcopum alloquebatur in cap. 5. de reſcriptis; & in cap. 6. de præbendis, & dignitatibus inquebat: Si non poteſt ei ſine ſcandalo provideri, æquanimiter ſuſtinemus, ſi pro ea mandatum noſtrum non duxeris exequendum.

Si Codex Canonum a Paſchaſio Queſnellio editus nomine Codicis Canonum, & Conſtitutionum Eccleſiæ Romanæ genuinus eſſet, ac vetuſtiſſimus, adpareret jam ab antiquiſſimis Eccleſiæ ſæculis viguiſſe, ut in Codices Canonum referrentur Pontificum Maximorum ſententiæ; etenim in eo libello Innocentii Papæ reſcripta, Syricii, Zoſimi, Simplicii, Cœleſtini, Damasi, Gelasii, & Leonis Magni epistoſas continentur. Verum cum jam in præſatione univerſi hujus operis obſervat. 4. de fide codicis plurimum dubitaverim, non vetuſtorem noverim hujusmodi codicem producere, quam Codicem Dionyſii Exigui, qui tamen non epistolæ, ſententiaſve continet Pontificum Maximorum intermixtas Canonibus Conciliorum, ſed poſteriori, & quaſi ſeparato libello congeſtas. Neque enim epistolæ Pontificiæ ad Concilia minime pertinentes Conciliorum Canonibus, & actis prius interſeri conſueverunt, quam collectiones Canonum elucubrarentur juxta rerum, cauſarumque ordinem, neglecto temporis ordine, qui ut plurimum apud veteres ſervabatur. Verum enimvero ſive inter ipſos Conciliorum Canones, ſive ſeparatim, dandus erat in collectionibus Sacrorum monumentorum Pontificiis Conſtitutionibus locus, cum præſertim communi Collectorum omnium, ſive Latinorum, ſive Græcorum placito in collectiones redactæ fuerint nonnullorum dignitate inferiorum Patrum Eccleſiaſticorum ſententiæ. Uſ enim ſexcenta omittam, quæ in medium proferri poſſent exempla, vel unus Græcorum Codex manifeſtam rem faciet, in quo & Dionyſii, Petri, Athanaſii, Timothei, Theophili Alexandrinorum, & Gregorii Nazianzeni, & Baſilii Cæſareenſis, & Gregorii Nyſſeni, & Amphiloſchii Iconienſis, & demum Gennadii, Tarſiſque Conſtantiopolitanorum epistolæ continentur. In horum omnium

nium conspectu hæc Pontificibus Maximis reverentia debebatur , ut eorundem etiam decreta Canonibus accenserentur , præsertim cum & eorum dignitas ceteris Ecclesiarum dignitatibus longe antecellat , & plurimorum Pontificum eorundem gravis , eximiaque doctrina morum integritati conjuncta honorem huic sibi jure , & merito vindicaret .

Hinc autem inferre quispiam poterit , duplici ex causa quamplurima Pontificum Maximorum monumenta venerabilia apud omnes esse debere . Prima omnium monumentorum generalis est , atque ex auctoritate proficiscitur , quæ in omnibus Petri Apostolorum Principis Successoribus , & Christi Vicariis par omnino est , & æqualis . Altera nonnullorum peculiaris est , atque ab eximia quorundam Pontificum doctrina cum sanctitate vitæ conjuncta potillimum pendet . Plane aliquot extiterunt inter Pontifices Maximos , quos non tantum ob prærogativam dignitatis suæ posterior ætas colit , verum etiam Patrum Ecclesiasticorum nomine donandos voluit , quod nomen ob singularia fere divinæ sapientiæ suæ testimonia , sive ore tenus , sive scripto prodita ipsimet sibi apud omnes conciliarunt . Memorabo hæc honoris causa Leonem 1. & Gregorium 1. , qui & cognomento Magni vulgo adpellantur , quibus & Damasum adjiciam , quem eleganti ingenio præditum fuisse Hieronymus refert . Quoties igitur in hujusmodi Pontificum monumenta occurrerimus , nemo sane esse poterit , qui non illis eximium , & sorte etiam præ ceteris ampliorem honorem deferat , obsequens in eisdem tum ex potestate , tum ex sapientia Sacrarum Legum eximium Conditorem .

Erant hæc generaliter prænotanda in secunda hujus operis parte : etenim in codice Gratiani , in quo plurima Pontificum Maximorum Decreta congesta sunt , observare semper juvabit , quænam sit monumentorum omnium hujusmodi vis , atque conditio , ut æqua exinde singulorum ratio habeatur . De ordine in secunda hujus operis parte servando , nihil est , quod adjiciam ; Ille enim , idemque erit , quem in priorē parte , cum de Conciliorum Canonibus agerem , sequutus sum ; videlicet temporum rationem inibo , ut ab iis fragmentis Gratiani exordiar , quæ vetustissimis Pontificibus Maximis tribuuntur , atque ita quasi per gradus ad sequentium sæculorum Pontifices , monumentaque ipsis adscripta descendam , singula exacto critério discutiendo simul , atque ad optimos codices redigendo .



CAPUT PRIMUM.

De Canonibus Clementi adscriptis.

Quæ Clementi Romano apud Gratianum tributa legimus, quasi ex pluribus ejusdem Pontificis epistolis deprompta feruntur.

Ex epist. 1. ad Jacobum Fratrem Domini.

Apocrypha epistola est, partim a Rufino, partim ab Isidoro Mercatore confecta.

Ex epist. 2. ad eundem Jacobum.

Apocrypha epistola est a Mercatore confecta.

- Can. 2. dist. 80. ex integra Mercatoris epistola supplendus.
 Can. 1. dist. 93. potius ad epistolam Fabiano Papæ tributam exigendus.
 Can. 6. dist. 93. a Romanis Correptoribus ad integritatem restitutus.
 Can. 7. dist. 93. ex integra Mercatoris epistola supplendus.
 Can. 8. cau. 2. qu. 7. ad integram Mercatoris epistolam exigendus.
 Can. 5. cau. 6. qu. 1. ad integram Mercatoris epistolam exigendus.
 Can. 2. cau. 8. qu. 1. ex integra Rufini epistola supplendus.
 Can. 12. cau. 8. qu. 1. pertinet ad priorem epistolæ partem a Rufino editam.
 Can. 13. cau. 8. qu. 1. pertinet ad priorem epistolæ partem a Rufino editam.
 Can. 29. cau. 11. qu. 1. pertinet ad priorem epistolæ partem a Rufino editam.
 Can. 30. cau. 11. qu. 1. pertinet ad priorem epistolæ partem a Rufino editam.
 Can. 32. cau. 11. qu. 1. pertinet ad priorem epistolæ partem a Rufino editam.
 Can. 12. cau. 11. qu. 3. pertinet ad priorem epistolæ partem a Rufino editam.
 Can. 15. cau. 11. qu. 3. referendus ad canonem 1. dist. 93.
 Can. 16. cau. 32. qu. 7. parum, aut nihil Gratiani proposito accommodatus.
 Can. 24. de pæn. dist. 1. fere consonat cum sententiis Johannis Apostoli.
 Can. 4. dist. 23. consonat cum vulgatis omnibus exemplaribus.
 Can. 9. cau. 2. qu. 7. plurimum consonat cum sententia Justiniani.
 Can. 28. cau. 16. qu. 7. a Romanis Correptoribus restitutus.
 Can. 15. cau. 17. qu. 4. consonat cum canonibus Turonensibus, & Bracarenfis.
 Can. 13. de cons. dist. 1. idem est cum can. 28. cau. 16. qu. 7.
 Can. 39. de cons. dist. 1. fere consonat cum vulgatis epistolæ exemplaribus.
 Can. 40. de cons. dist. 1. ex integra epistola emendandus.
 Can. 23. de cons. dist. 1. ex integra epistola supplendus.

Ex epist. 3. ad omnes Episcopos.

Apocrypha epistola est, & a Mercatore conficta.

Ex epist. 5. ad discipulos Hierosolymis habitantes. Apocrypha epistola est.

His adicitur

Can. 2. dist. 25. ex libris recognitionum Clementis derivatus.
Can. 16. dist. 38. perperam de Episcopis a Gratiano expressus.
Can. 2. dist. 43. referendus potius ad libros recognitionum Clementis.
Can. 9. dist. 93. ex libris recognitionum Clementis derivatus.
Can. 11. cau. 11. qu. 3. ex integris epistola exemplaribus supplendus.
Can. 41. cau. 16. qu. 1. confirmatus in Concilio Triburiensi.
Can. 14. de cons. dist. 1. ex libris recognitionum Clementis derivatus.

Can. 14. dist. 37. ex libris recognitionum Clementis derivatus.
Can. 2. cau. 12. qu. 1. ad errores Nicolaitarum accedit.

Can. 30. de cons. dist. 2. pertinet potius ad Concilium Eugenti II.

A Sancto Petro Apostolorum omnium Principe, a quo Romana Ecclesia primum instituta est, exordium cepissem, si ea, quae Sancto Petro a Gratiano adscribuntur, potius ad Clementis epistolas non pertinerent. Tribuuntur illi canon 1. dist. 93., canon 12. & 13. cau. 8. qu. 1., can. 12. & 15. cau. 11. qu. 3. Verum hi in epistola Clementis 1. leguntur, ac non alia de causa Petro adscripti sunt, nisi quod in eadem epistola Petrus loquens inducitur. Clemens igitur Pontifex Maximus vetustissimus Pontificum est, ex quo Gratianus nonnulla se monumenta depromissee testatur, dummodo vulgatum Pontificum eorundem catalogum sequi malimus. Parum autem ad rem hanc meam facere potest curiosius investigare, vel quo anno Clemens universae Ecclesiae regimen suscepit, quoque anno obierit; vel qua ratione Apostolo Petro successerit. Sunt enim haec prorsus obscura, sive quod nulla hujusce causae vetustissima monumenta habeamus, sive quod argumenta, quae ex antiquis historicis quoquo modo deduci possent, non omnino consonent, & jamdiu diversi diversa senserint: Hinc auctor epistolarum ad Mariam Cassobolitam, quae Ignatio Martyri tribuuntur, Irenaeus lib. 3., Eusebius lib. 3. cap. 13. & alii testantur Petro, & Paulo successisse Linum, Lino Anacleto, & Anacleto Clementem. Multo aliter eosdem enumerat Optatus Milevitanus in lib. 2. adversus Parmenianum, cui Augustinus morem gessit in epist. 165. in veteri editione, ut Petro & Paulo successissent Linus a Paulo, & Clemens a Petro ordinati, & Clementi Anacleto. Epiphanius haeresi 27. postquam Petrum & Paulum recensuit, Linum statim memorat, deinde Cletum, postea Clementem. Auctor lib. 3. carminum adversus Marcionem, qui Tertulliano tribuitur, & Hieronymus in catalogo eadem tradunt, omisso dumtaxat Pauli Apostoli nomine. Tertullianus demum, alique nonnulli post Petrum statim Clementem collocant. Non mirum propterea erit, si varia Clementis Pontificatus tempora apud Scriptores Ecclesiasticos designentur: alii scilicet ab anno salutis 91. usque ad annum 100., alii ab anno 64. vel 65. usque ad 81. vel 83. Pontificatum gestisse scribunt, quin aliquid certi erui possit ex Eusebio, qui in annum 3. Trajani Imperatoris, sive in annum Christi 100. Clementis mortem retulit, quod Clemens ab Eusebio memoratus non sit idem cum Clemente Pontifice, sed quidam Flavius Clemens Consul Domitiani Imperatoris consobrinus, qui suscepta Christi fide circa ea tempora martyr occubuit. Frustra in rebus hujusmodi adlaborarem, praesertim quod viri eruditissimi

ditissimi recentioris ætatis minime desint, qui ad hanc rem discutiendam argumenta, quæ habere potuerunt, aptiora congererint. Satis mihi erit id vel obiter attigisse, ne forte quispiam suspicaretur, me Clementis Pontificis tempora certo designare voluisse, quod primum ipsi dederim post Petrum inter Pontifices Maximos locum.

Quod mea potius interest, in fragmentis Gratianis versatur, quæ Clementi Pontifici adscribuntur: atque in iis omnibus vix unum invenies, quod vere Clementi eidem tribui possit.

De epistola 1. ad Jacobum Fratrem Domini.

Quæ in primis appellatur Clementis epistola prior ad Jacobum Fratrem Domini directâ duos habet auctores, quorum unus alio recentior est. Prior epistolæ pars usque ad §. *Sed & nunc exponere jam quæ præcepit, Domino opem ferente, incipiam: Pænitemini, inquit, & veram agite pænitentiam* &c. est valde antiqua, & jam sub finem quarti sæculi a Rufino Torano edita, atque latino sermone exarata, quasi antea græce jam legeretur. Posterior ejusdem epistolæ pars primum apparuit apud Isidorum Mercatorem ætate longe recentiore. Quod forte ideo factum ab Isidoro suspicor, quod cum esset fidei epistolæ codicem editurus, noluit statim ab initio res a se confictas edere, sed quandam veluti rerum fidei præstationem a Rufino mutuatus est, quo commodius illuderet posteritati. Quamobrem jure dubitare poterimus, num potius jure rejicienda sit secunda epistolæ pars, quam prima rejiciatur; etenim si in Isidoro Mercatore deceptorem agnoscimus manifestum, insignem etiam in Rufino deceptorem nobis ostendit Hieronymus, qui Rufini indolem apprime perspectam habebat, eundemque non tam Hæresiarcham, quam Falsarium, & Corruptorem alienorum operum appellavit: & quamquam hujusmodi observatio per se jam sufficere videretur, ut fidem huic epistolæ ex duabus lacinis pravorumque auctorum opera elucubratæ, dissiptoque tempore assutis confectæ denegemus, non desunt tamen clarissima argumenta, quibus falsitatem ejusdem epistolæ demonstramus. En epistolæ exordium: *Clemens Jacobo Fratri Domini, & Episcopo Episcoporum regenti Hebreorum Sanctam Ecclesiam Hierosolymis, sed & omnes Ecclesias, quæ ubique Dei providentia fundatæ sunt cum Presbyteris, & Diaconibus, & ceteris omnibus Fratribus pax tibi sit semper.* Ex hac inscriptione Rufini mendacium arguimus. Quomodo enim Clemens ad Romanum Pontificatum evectus ad Jacobum Fratrem Domini scribere poterat, cum Jacobus jam pridem a pluribus annis occubisset? Obierat Jacobus Hieronymo teste, & historicis post ipsum universis anno 7. imperii Neronis. Anno 14. imperii ejusdem obiit Petrus. Quocumque propterea tempore Clemens Petro successisse dicatur, illud semper verum erit, jam vel septem annos effluxisse ab obitu Jacobi ad Clementis Pontificatum, atque ad hanc ipsam Clementis epistolam, in qua etiam de morte Petri nonnulla dicuntur. Præterea inverosimile est, tunc temporis Jacobum appellari potuisse *Episcopum Episcoporum, & omnium Ecclesiarum, quæ ubique fundatæ essent, Rectorem*; hujusmodi enim nomina a vetustissimis Patribus nusquam probari potuerunt in Episcopis; hinc Cyprianus in epist. ad Quintum ait: *Neque enim quisquam nostrum Episcopum se Episcoporum constituit*; cui consonat Gregorius Magnus in lib. 4. epist. 32. & epist. 36. ad Eulogium Alexandrinum. Quod si & integram perpendamus epistolam, nonnulla

nulla aut falsa, aut imprudenter dicta, nedum incomposita dignoscemus. Dicitur enim ibi S. Petrus *Primitia electionis Domini*, cui & primo Deus Pater Filium suum revelavit; quod sane a veritate procul situm est, si Petrus cum Andrea Apollolo conferatur, cum primum Andreæ, deinde Petri facta a Christo electio fuerit. De Petro ita scribit Ambrosius in lib. de Incarnatione cap. 4. *Primum egit confessionis, non honoris; fidei, non ordinis.* Item in eadem epistola legimus a Petro designatum fuisse Clementem, tanquam ipse Successorem, de quo sane apud omnes non constat etiam vetustissimos, quemadmodum jam superius attigi; imo & id falsum censuerunt Irenæus lib. 3., Eusebius lib. 3. cap. 13., Nicephorus Callistus lib. 3. cap. 2., & Ivo Carnotensis parte 5. cap. 237. ut omittam Epiphanium, Tertullianum, & Hieronymum in locis superius commemoratis. His accedit, in hac epistola induci Clementem laudes suas publice promulgantem, ita etiam, ut nemo vididus, nemo impensius exornasset, quod quam inverosimile sit, nemo non videt, præsertim cum agatur de viro sanctissimo, cujus acta ad modeliam composita erant, ac sobrietatem. Itaque ibi proponitur sanctum Petrum ita de Clemente dixisse: *Qui mihi ab initio usque in finem comes in omnibus fuit, & per hoc veritatem totius meæ prædicationis agnovit, qui in omnibus temptationibus meis socius extitit, fideliter perseverans, quem præ ceteris expertus sum Deum colentem, homines diligentem, castum, discendi studiis deditum, sobrium, benignum, justum, patientem, & scientem ferre nonnulorum etiam ex his, qui in verbo Dei influuntur, injurias.* Et paulo infra: *Quod si esset alius melior, si quis mihi alius adjutor tam sedulus adstitisset, si quis tam plenè doctrinæ meæ rationem cepisset, sed & Ecclesiasticas dispositiones a me tam plenè didicisset, habens alium talem, non te cogerem opus bonum suscipere nolentem.* Et multo postea inducitur Petrus a Clemente ipso postulans, ut Jacobum Fratrem Domini conscium faceret de ordinatione sua hac adjecta ratione. *Erit autem ei grande solatium, si didicerit, quod post me non imperitus vir aliquis, aut indolens, atque ignorans Divini Verbi mysterium, & Ecclesiastici Ordinis disciplinam, vel doctrinæ regulam nesciens suscepit cathedram meam; scit enim, quia si indolens, & inscius officium Doctoris accipiat, sine dubio discipuli, & auditores ignorantie tenebris obvoluti in interitum demergentur.* Quis sane crederet adeo fusa oratione Clementem ipsum suarummet laudum præconia prosequutum? Quod si & illam epistolæ partem consideremus, quam Mercatoris industria assutam fuisse prænotabam, ibidem legimus talem fidei professionem, quæ aliis non poterat convenire temporibus, quam quibus Arii jam, & Macedonii hæresis damnata fuerat; siquidem ibidem jam perspicue demonstratur Divinarum trium Personarum æqualitas his verbis: *Summam ergo totius fidei Catholicæ recensentes, in qua & integritas credulitatis ostenditur, & unius Dei omnipotentis, idest sanctæ Trinitatis æqualitas declaratur:* Et inferius de divina Verbi natura ita differitur, ac si jam Nicænæ fides fuisset prodita ibi: *Patrem autem cum audis, agnosce quod habeat filium veraciter genitum, sicut possessor dicitur, qui aliquid possidet, & dominus qui habet, cui dominetur. Deus ergo Pater secreti Sacramenti vocabulum est, cujus vere Filius est Verbum, & speculum, & charactèr, & imago vivens Patris viventis, in omnibus Patri similis, ejusdem naturæ in Divinitate genitus, & Gentiori per omnia coæqualis.* Non ita veteres Patres de Verbi Divini natura differere solebant ante Arianam hæresim, sed omnia potius obscuris formulis obvolvebant. Immo si Clemens a consueta loquendi phrasi recessisset, & clarius Verbi ejusdem Divini naturam explicasset, illud saltem præstintissent posteriores Ecclesiæ Patres, ut idem

Clementis testimonium Arianis obijcerent, quod unum disputationem omnem dirimere potuisset. At vero nemo ex Nicænis Patribus id præstitit, quod sane indicat quarto Ecclesiæ sæculo epistolam hanc fuisse prorsus ignotam. Post hæc supervacaneum erit plura adhuc argumenta congerere, ut Rufinus primum, deinde Isidorus de falsi crimine redarguantur. Unum illud adjiciam, in hac epistola de Paulo Apostolo nullam fieri mentionem, quod sane Clemens ad Jacobum scribens omittere non debuisset.

In medium nunc producamus Gratiani canones ex hac epistola depromptos, per spicuumque erit, quid de illis eruditus quispiam sentire debeat; neque enim dubitabit amplius, quo minus illos tanquam apocryphos, falsoque Clementi inscriptos rejiciat. Hujusmodi sane erit canon. 2. dist. 80. ex eadem depromptus epistola, & quidem in ea parte, quam Isidorus Mercator Rufino adjecit. Gratianus nonnulla omisit, ex quibus adjunctis ita fragmentum integrum habebimus. *In illis vero civitatibus, in quibus olim apud Echnicos Archiepiscopos eorum, atque primi legis Doctores erant; Episcoporum Primates poni, vel Patriarchas ordinavit, qui reliquorum Episcoporum judicia, & majora, quoties necesse foret, negotia in fide agitent, & secundum Dei voluntatem, sicut constituerunt sancti Apostoli, ita ut ne quis injuste periclitaretur, definirent. In illis autem Civitatibus, in quibus dudum apud prædictos erant Archiepiscopos (quos tamen minores tenebant, quam memoratos Primates) Archiepiscopos instituit præcepit, qui non tamen Primatum, sed Archiepiscoporum fruerentur nomine. Episcoporum quoque judicia, ut superius memoratum est, & majora Ecclesiarum negotia, si ipsi reclamaverint, aut aliquem timorem, aut istos, vel alios suspectos habuerint, ad jam dictos Primates, vel Patriarchas, ne aliquis nocenter periret, transferri perlocuit. (legunt alii: ne quis innocenter periret, transferri jussit.) In singulis vero reliquis civitatibus singulos, & non binos, vel ternos, aut plures Episcopos constituit præcepit, qui non Primatum, aut Archiepiscoporum, aut Metropolitanorum nomine, quia matres civitatum non tenent, sed Episcoporum tantum vocabulo potirentur, quoniam nec inter ipsos Apostolos par institutio fuit, sed unus omnibus præfuit. Postrema hæc verba videntur ex Leone Magno deprompta, qui in epist. ad Anastasium Thessalonicensem Episcopum cap. 11. ita scribit: Inter beatissimos Apostolos in similitudine honoris fuit quædam discretio potestatis, & cum omnium par esset electio, uni tamen datum est, ut ceteris præmineret. Quod autem a Clemente decretum dicitur, ne in una civitate duo Episcopi constituerentur, id referri melius posset ad canonem 8. Concilii Nicæni 1., ubi idipsum optime cautum reperimus. Ceterum ex hoc Gratiani fragmento uberius etiam colligere possumus, quam recte eadem epistola apocrypha dicatur, cum Archiepiscopi nomen, quod in hac epistola memoratur, longe recentius sit Clementis ætate, quemadmodum observavit jam Quæfnellius in notis ad epist. 9. Leonis Magni.*

Can. 1. Quæ Gratianus Sancti Petri nomine descripsit in can. 1. dist. 93. habentur in epistola eadem Clementis in ea parte, quæ a Rufino conficta est. Etenim inducitur ibidem Petrus Apostolus Clementem Ecclesiæ Dei præficiens, eundemque Romano populo commendans, ibi: *Si inimicus est alicui pro alibus suis &c.* usque ad illa verba: *Ecclesiam dispergit, & vastat.* Gratianus addidit verba illa: *iste Clemens*, ut sententiam integram redderet. In Concilio Metensi anni 888. nonnulla his prope-modum similia leguntur. can. 12. ibi: *Quæsitum est a Sancta Synodo, quid de iis sacra fieri auctoritas juberet, qui cum prædictis excommunicatis communionem habeant.*

Nam

Nam non tantum laici, verum etiam Presbyteri in celebratione Missæ excommunicatos recipiunt; & quid de his, qui in eadem excommunicatione mortui fuerint. Verum ad hæc tanta auctoritas prolata est. Sanctus Petrus Apostolus in ordinatione Sancti Clementis ita plebes alloquitur: Si inimicus est alicui pro actibus suis, vos cum illo nolite amici esse, & prudenter observare debetis, avertere vos ab eo, cui ipsum sentitis adversum, sed nec loqui his, quibus ipse non loquitur. Istius transgressores Sanctus Petrus, & omnis auctoritas excommunicat. Postrema autem verba dicti canonis 1. a vers. ideoque usque in finem jam observaverunt Romani Correctores in epistola Clementis desiderari, sed potius pertinere ad epistolam 1. Fabiano Papæ tributam opera Isidori Mercatoris. Referebantur in epistola Fabiani verba eadem Petri, quæ diximus legi in epistola Clementis ibi; unde & B. Apostolorum Princeps Petrus in ordinatione Clementis alloquens populum inter cetera ait: Si inimicus est (iste Clemens) alicui pro actibus suis . . . & Ecclesiam dispergit, & vastat. Ideoque charissimi his Apostolicis institutis vos monentes instruimus &c. Ex quibus constat verba illa: Si inimicus est, usque ad alia & Ecclesiam dispergit, & vastat continere sententiam Sancto Petro affictam. Cetera vero a versiculo ideoque charissimi esse orationem Fabiani, sive auctoris epistolæ Fabiano tributz, qui ex dictis Sancti Petri populum instituire se velle proficitur. Porro Gratianus, aut quicumque Gratiano auctor extitit, ex hac eadem Fabiani epistola integrum huiusmodi fragmentum depromsit, ex quo facile evenit & verba Petri, & Fabiani sententias in unam quodammodo orationem coaluisse. Quicumque auctor sit memorati fragmenti ex epistola Fabiani depromti, illud facile constat, usum fuisse ipsum fragmento Leonis Magni, qui in epistola ad Episcopos per Italiam in Quessnelliano codice octava ita scribit: Hanc ad dilectionem vestram epistolam misimus, . . . ut effecta certior Sanctitas vestra, Fratres charissimi, sollicitius agere dignetur, & cautius, nec ubi Manichea perversitatis homines plebes vestras facultatem ledendi, & huius sacrilegii possint invenire Deltores. His addere possumus verba Sancto Petro tributa in epistola Clementis etiam tribui eidem Apostolo in epist. 3. tributa Anacleto Papæ prope finem, ex quo ulterius constat Isidoro Mercatori maximè voluptati fuisse huiusmodi figmenta sæpe ac sæpius epistolis suis inferere, fortassis enim ille arbitrabatur, ex huiusmodi epistolarum sententiis invicem consonantibus majorem epistolis ipsis auctoritatem conciliari.

In priore epistolæ parte, quam Rufino adscripsimus, legitur canon 6. dist. 93., *Con. 6.* quem jam ad integrorum codicum fidem se Romani Correctores exegisse testantur. *dist. 93.* Similia Isidorus Mercator edixit in epistola 1. Anacleti, & in epist. 1. Evaristi, cujus fragmentum est in can. 11. dist. 93. Verum non arbitror ea ætate Diaconos adeo Episcoporum sollicitudinem attingisse, ut speculatores essent eorum, quæ in Ecclesia gererentur, & Episcopis cuncta renunciarent. Etenim nihil tale, aut primigenia ipsa Diaconorum institutio exigebat, qualis habetur in actibus Apostolorum, aut posterior Ecclesie consuetudo inexit; siquidem S. Isidorus Hispalensis, dum Diaconorum officium expenderet, & lib. 2. de Offic. Eccles. cap. 8., & epist. ad Ludifredum Cordubensem, nihil aliud Diaconos peragere posse scripsit, quam aut Sacerdotibus sacra facientibus ministrare, aut verbum Dei prædicare, aut oblationes in altari disponere. Forte Rufinus Diaconorum officia latius extendenda curavit, ut Hieronymi, quem maxime oderat, quique Diaconorum ambitum sæpe ac sæpius scripto contundebat, doctrinam, quoad fieri poterat, inanem redderet, veterumque Pontificum sententiis adversari clanculum demonstraret.

Can. 7.
dist. 93.

Canon 7. dist. 93. habetur in ea epistolæ parte, quæ adfuta est ab Isidoro Mercatore; cum enim pronuntiatum fuisset, Sacerdotes ceteris debere doctrina, sapientiaque præstare, hæc subiunguntur: *Sacerdotes vero sal terra, & mundi lumen docens præcepit in splendore bonorum operum Patrem glorificare Deum, de quibus Dominus ait: Beati estis, cum maledixerint vobis homines, & persecuti vos fuerint, & dixerint omne malum adversum vos, mentientes propter me. Gaudete, & exultate, quoniam merces vestra copiosa est in cælis. Sic enim persecuti sunt Prophetæ, qui fuerunt ante vos. Vos estis sal terræ; quod si sal evanuerit, in quo salietur? ex his supplere, unusquisque poterit memoratum canonem 7.*

Can. 8.
caus. 2.
q. 7.

Rursus in parte epistolæ, quæ est Isidori Mercatoris, legimus sententiam canonis 8. caus. 2. qu. 7. Sententiam dixi: verba enim Gratiani non eadem omnino sunt. Isidorus nonnullas descriperat christianæ vitæ regulas, atque inter cetera, hæc recepit: *Seniores venerari, & juniores diligere: Episcopos Sacerdotes suos, ac cunctos reliquos Ecclesiæ Ministros, atque omnem plebem sibi commissam verbo divino, & mandato instruere, ac dirigere, hosque omnes, & eorum Episcopos tota animi virtute diligere, ut oculos suos, quia oculi sunt illorum; Eorum præceptis in omnibus obedire, etiam si ipsi aliter, quod ab sit, agant, memores scilicet illius dominici præcepti, quæ dicunt, facite, quæ autem faciunt, facere nolite. Ipsi autem Episcopi si exorbitaverint, ab istis non sunt reprehendendi, vel arguendi, sed supportandi, nisi in fide erraverint. Illi ergo super istos sunt, non autem isti super illos, quantam major a minore nec argui, nec judicari potest. Nemo sane ex his statim non agnoscit voluntatem & scopum Mercatoris, qui causam Episcoporum tuendam susceperat. Cum enim Episcopi in frequentissimis Provincialibus Conciliis a Clericis suis molestiam paterentur, ubi præsertim suo muneri defuissent, nihil pressius urgeri Clericis inferioribus optabant, quam ut Clerici iidem humiliter suis subicerentur Episcopis, & sine discrimine imperantibus obedirent, aut morem gererent. Sed & liquido adspicimus, Isidorum eundem Mercatorem in iis abusum esse nonnullis Sanctorum Patrum monumentis, quæ alia methodo congesta Clementi adscribere non dubitavit. Nonnulla etenim Isidori sunt Hispalensis in lib. 3. Sententiar. cap. 39., nonnulla Concilii 5. Romani sub Symmacho, nonnulla demum S. Benedicti in regula cap. 4. art. 60. Ita scribit Isidorus Hispalensis: *Non est iudicandus a plebe rector inordinatus, dum magis noverint populi sui fuisse meriti perversi regimen suscepisse Pontificis. Nam pro meritis plebium disponitur a Deo vita Rectorum. . . . Rectores ergo a Deo iudicandi sunt, a suis autem subditis nequaquam iudicandi sunt. . . . quod si a fide exorbitaverit Rector, tunc eris arguendus a subditis; pro moribus vero reprobus tolerandus magis, quam distringendus a plebe est. In Concilio 5. Romano sub Symmacho hæc legimus: *Oves pastorem nec reprehendere, nisi a recta fide exorbitaverit, præsumant &c.* Et S. Benedictus ait: *Præceptis Abbatis in omnibus obedire, etiam si aliter, quod ab sit, ipse agat, memor illius dominici præcepti: quæ dicunt facite, quæ autem faciunt, facere nolite.***

Can. 5.
caus. 6.
qu. 1.

Sententiz huiusmodi de Episcopis ab inferioribus minime accusandis frequentissime occurrunt apud Mercatorem. Revera in hac eadem epistola simile propemodum fragmentum est, quod legimus in can. 5. caus. 6. qu. 1., cujus inscriptionem rectius exararunt Romani Correctores ibi: *Clemens Papa Jacobo Hierosolymorum Episcopo, cum antea legeretur: Metropolitano Episcopo.* Hic sane canon 5. est, in ea epistolæ parte, quæ opus est Mercatoris, ubi nonnulla tradit quasi ex Apostoli Petri doctrina deprompta his verbis: *Neminem ab adiutorio fratris se subtrahere instruat*

rebat (Petrus). Homicidas vero, & adulteros, ac cunctis criminalibus nexibus alligatos, & qui eis coaequales non erant, ab eorum vexatione, & accusatione docente Domino prohibebat, & nonnisi a coaequalibus aliquid eis inferri debere docebat; quia discipulum supra magistrum esse, aut ullam ei injuriam inferre, nullatenus debere oportet. Infames etiam omnes, & quos Primates, & leges saeculi non suscipiant, sed & laicos ab eorum accusatione, & vexatione semper repelli debere rogabat, & cunctos illi subditos esse precipiebat. Cunctorum Sacerdotum vitam superiorem, sanctioremque, ac discretam & secularibus, & laicis hominibus esse, & spirituales quoque, atque Sacerdotes super carnales, ac laicos semper constituendos docebat, quoniam pro minimo nobis esse debet, ut a talibus arguamur, & judicemur, vel ab humano die. Majores vero a minoribus nec accusari, nec judicari ullatenus posse dicebat; quoniam non solum hoc divinas, sed & leges saeculi inibere docebat. Ex his commodè Gratiani fragmentum suppleri poterit: utrum vero veritati consonum sit, quod scribit Isidorus, videlicet majorem a minore accusari non posse, idque tum a divinis, tum a saeculi legibus prae-
stitutum fuisse, facile intelligit unusquisque, qui noverit accusationes hujusmodi non solum in veteri Romanorum foro, sed & in Conciliis Ecclesiasticis passim fuisse, & sine ullo discrimine admissas.

In canone 2. cau. 8. qu. 1. fabella illa enarratur, quam in priore hujus epistolae parte addidit Rufinus, videlicet electio Clementis in Pontificem Maximum per ipsummet Petrum Apostolum facta. Quod quemadmodum in discrimine apud veteres omnes positum sit, jam superius observavi. Tantum & rursus animadvertendum, verba haec Clementi tributa minus apte fuisse, cum in ore Clementis propria fuisset ipsius laus, eademque maxime profusa Viro sanctissimo prorsus esset indigna: en integra epistolae verba: *In ipsis autem diebus, quibus vitam finem sibi immineere praesensit (Petrus), in conventu fratrum positus, apprehensa manu mea, repente consurgens in auribus totius Ecclesiae haec protulit verba: Audite me fratres, & conservi mei: quoniam, ut edocui sum ab eo, qui misit me, Domino, & magistro meo Jesu Christo, dies mortis meae instat, Clementem hunc Episcopum vobis ordino, cui soli meae praedicationis, & doctrinae cathedram trado: qui mihi ab initio usque in finem comes in omnibus fuit, & per hoc veritatem totius meae praedicationis agnovit, qui in omnibus tentationibus meis socius extitit, fideliter perseverans: quem praeter ceteris expertus sum Deum colentem, homines diligentem, castum, discendi studiis deditum, sobrium, benignum, justum, patientem, & scientem ferre nonnullorum (etiam ex his, qui in verbo Dei instituuntur) injurias.*

Ad eandem priorem epistolae partem a Rufino editam pertinet canon 12. cau. 8. qu. 1., qui Petri Apostoli nomine apud Gratianum refertur. Ibidem enim exhibitur Petrus populum alloquens in ordinatione Clementis, & docens, quznam sint Clericorum officia; atque ubi pervenit ad munera Cathedistarum ita loquens inducitur: *Qui catechizant, id est qui verbo instruunt incipientes, primo oportet, ut ipsi instrui sint; de anima enim agitur hominum. Et oportet eum qui docet, &c. quz legimus apud Gratianum.*

Rufinus in priore hujus epistolae parte disertam orationem rexit nomine Petri Clementem ordinantis, in qua expendit inter cetera, quznam sint Episcoporum, Presbyterorum, aliorumque Ministrorum officia; ac tandem ita concludit: *Verumtamen scitote cuncti, quod supra omnes vos labores Episcopus; quia unusquisque vestrum suum proprium fert laborem, ille vero suum, & singulorum. Propter quod o Clemens, tamquam*

Can. 2.
cau. 8.
qu. 1.

Can. 12.
cau. 8.
qu. 1.

Can. 17.
cau. 8.
qu. 1.

tamquam qui omnibus præesse te noveris, singulos prout potueris, juva, & singulos re-
leva, qui & singulorum onus, & sollicitudinem portas. Hæc verba sunt, quæ Petri
nomine retulit Gratianus in can. 13. cau. 8. qu. 1.

Can. 29.

30. & 32.

can. 11.

79. 1.

Ex hac ipsa Petri oratione, dum Clementem ordinare fingitur, recitata, tri-
deprompta fragmenta sunt apud Gratianum, videlicet canones 29. 30., & 32. cau.
11. qu. 1., & quidem canones 29., & 30. exhibent, quodnam futurum fuisset
Clementis officium, ut scilicet ipse a cura negotiorum secularium penitus abstine-
ret, ne forte illorum causa a prædicatione divini verbi abstinere cogeretur. Non
est cur epistolæ verba hoc in loco describam, cum eadem omnino sint apud Gra-
tianum, dummodo jungantur Correctorum Romanorum notæ ad illa verba: *Va-*
cantes laici. Quod autem Petrus prohibere fertur Clementi, post nonnulla id ipsum
Presbyteris peragendum jubet. Ubi enim exponit, quænam esse debeant Presby-
terorum officia ita subdit: *Si qui ex fratribus negotia habent inter se, apud cognito-*
res sæculi non judicentur, sed apud Presbyteros Ecclesiæ, quicquid illud est, dirimatur.
Legimus hæc in dicto can. 32. cau. 11. qu. 1. Si congestas hæc sententias cum
recentiorum Episcoporum, Presbyterorumque moribus comparare quispiam volue-
rit, facile agnosceret, inversum fuisse rerum gerendarum ordinem, ut quod pro-
prium Episcoporum esse dicebatur, id ipsi ut plurimum negligant, & Presbyteris
potissimum præstandum committant; viceversa, quod Presbyteris committendum
voluit epistolæ auctor, id Episcopi omnes sibi vindicaverint. Arque hanc distinc-
tionem Episcoporum, & Presbyterorum, qualis in ipsa Clementis epistola habetur,
si Gratianus observasset, non sane adeo laborasset, ut eadem fragmenta explicaret,
nec opus habuisset distinctione inter causas civiles, & criminales, quemadmodum
tradidit post dictum canonem 30. Illud etiam observare licet, Gratianum frustra ca-
nonem 32. adtulisse, ut rem conficeret, quam pertractabat. Cum enim ageret de
judiciis Clericorum, monumentum retulit, in quo non de Clericis tantum, sed &
de Fidelibus omnibus, etiam laicis agebatur, ut indicant ea verba: *Si quis ex fra-*
tribus, fratrum enim nomine Fideles omnes a Viris Apostolicis designabantur. Qui
de Clericorum judiciis specialiter scire nonnulla desideret, legat constitutionem
Leonis, & Anthemii in l. 33. cod. de Episc. & Cler., Novellas Justiniani 79.
85., & 123. cap. 21.

Can. 12.

can. 11.

qu. 3.

Rursum in can. 12. cau. 11. qu. 3. fragmentum legitur orationis Petri Apostoli
ad populum habitæ, ut finxit Rufinus in ordinatione Clementis; Postquam enim
Petrus proposuit populo fidei universo Clementem, quem in Antistitem susciperent,
subdit: *Ipsam ergo audite scientes, quia quicumque contristaverit Doctorem veritatis, pec-*
cet in Christum, & Patrem omnium exacerbat Deum, propter quod & vita carebit.
Hæc verba retulit auctor epistolæ 1. Alexandri Papæ ad omnes Orthodoxos per
diversas provincias directæ ibi: *A prædecessoribus nostris inhibuitur legimus, ut nemo*
contrister Doctores, neque accusationem adversus eos suscipiat. Ipse namque Apostolorum
Princeps in ordinatione B. Clementis populum instruens, ait: quicumque contristaverit
Doctorem veritatis, peccat in Christum, & Patrem omnium exacerbat Deum, propter
quod & vita carebit.

Can. 15.

can. 11.

79. 3.

De canone 15. cau. 11. qu. 3., nihil est, quod hic subjiciam specialiter, cum
referendus sit ad canonem 1. dist. 93., de quo superius egimus.

Verba Canonis 16. cau. 32. qu. 7. leguntur in eadem prior epistolæ parte, quam
Rufinus edidit. Inducitur ibi Sanctus Petrus in ordinatione Clementis ea tradens, quæ
ad

ad Presbyterorum attinent institutionem. In primis autem eosdem Presbyteros monet, ne fornicationis labe polluantur, subditque: *Et quid in omnibus peccatis adulterio gravius? secundum namque in pœnis obtinet locum, quoniam quidem primum illi habent, qui aberrant a Deo, etiam si sobrie vixerint.* Qui epistolam 2. Pii Papæ elucubravit idipsum propemodum edidit in illis verbis: *Non ergo gravius peccatum est fornicatio, quam sacrilegium, sed sicut majus est peccatum, quod in Deum committitur, quam quod in hominem, sic gravius est sacrilegium agere, quam fornicari.* Vides in hanc rem Augustinum lib. 4. contra Cresconium cap. 10. Quum autem dicitur adulterium habere secundum locum in pœnis, ad ordinem illum auctor hujus epistolæ respexit, qui in collectionibus Romanarum legum servatur; etenim in illis primo sermo fit de iis, qui majestatis læsæ crimine damnantur; deinde de adulteris; ex quo adparet epistolæ hujus auctorem sacrilegii crimen voluisse significari etiam sub nomine criminis læsæ majestatis, quasi sacrilegio divina majestas lædi videretur. Ceterum fragmentum hoc longe a Gratiani proposito abest, qui sibi proposuerat investigandum, an matrimonii vinculum per adulterium conjugis solum intelligeretur; Quamobrem non video, cur Gratianus idem, post dictum canonem 16. ita statim subjiciat: *His auctoritatibus evidentissime monstratur, quod quicumque causa fornicationis uxorem suam dimiserit, aliam illa vivente ducere non poterit.* Immo nec video, cur Gratianus idem ita nonnullorum, quæ superius adulterat, Patrum fragmenta explicaverit, ut diceret: *His ita respondetur: Hæ auctoritates de eis loquuntur, quorum continentiam carnalis infirmitas non impedit, vel de his, qui præstantes causam dissidii, aliorum conjunctione se reddiderunt indignos;* quasi aliquando contingere possit, ut per adulterium matrimonii vinculum dissolvatur. Verum agnosco, undenam. Gratianus harum distinctionum rationes exceperit, scilicet præcipue ex canone 18. eadem causa, & quæstione. Commodius propterea sermo de hac re instituendus erit, ubi idem canon 18. explicabitur.

Canon 24. de pœnit. dist. 1. depromptus est ex epistola eadem in ea parte, quam Isidorus adnexuit, ubi quasi ex Petri Apostoli præcepto ista Clemens tradere fingitur: *Homicidiorum vero tria genera esse dicebat, & penam eorum parilem esse docebat &c.* Qui hoc epistolæ istius fragmentum composuit, videtur aliqua excerptisse ex cap. 3. epist. 1. Johannis ibi: *Omnis, qui odit fratrem suum, homicida est.* Quod vero subjicitur, parilem esse triplicis, de quo agitur, homicidii penam, nescio, an constare quoquo modo possit, sive in civilium, sive in Ecclesiasticarum legum conspectu.

De epistola 2. ad Jacobum Hierosolymorum Episcopum.

Quæ nuper demonstrabant epistolam 1., quæ Clementis dicitur, apocrypham esse, illa maxima in parte docent, idem judicium de secunda epistola ferendum esse. Etiam hæc præcedenti ferme similem habet inscriptionem his verbis; *Clemens Romanæ Ecclesiæ Præsul Jacobo Hierosolymorum Episcopo;* arque hinc facile eruitur, quam inepte epistolæ auctor ad Apostolum scribendum voluit jamdiu vita functum, quemadmodum scripsimus, antequam Clemens in Pontificem Maximum eligeretur. Priora epistolæ verba hæc sunt: *Quoniam, sicut a 3. Petro Apostolo accepimus omnium Apostolorum Patre, qui claves Regni cælestis accepit, qualiter tenere debemus de-*

Tom. II.

C

Sacra-

Sacramentis, quæ geruntur in Sanctis, te ex ordine nos deceat instruere. Non videbatur hæc ad Apostolum ab ipsomet Christo Salvatore eruditum a Clemente scribenda, nec qui Petrum institutorem acceperat in divinis rebus, docere poterat Jacobum. ea, quibus accipiendis & Petrus, & Jacobus simul eodem tempore interfuerant. Prosequitur auctor epistolæ: Ad dominica autem mysteria tales eligantur, qui antea ordinationem suam conjuges suas non noverint. Quod si post ordinationem ministro altaris contigerit proprium invadere cubile uxoris, sacrarii non intret limina, nec sacrificii portitor fiat, nec altare contingat, nec ab offerentibus holocausti oblationem suscipiat, nec ad dominici corporis portationem accedat, nec aquam Sacerdotibus porrigat ad manus: essia forinscus claudat, minora gerat officia, urceum, sive calicem ad altare non suffervat. Quis non agnoscat hæc a praxi primi, aut secundi Ecclesiæ sæculi aliena? Non memoro barbaras loquendi phrasas, quæ Clementis ætati minime conveniunt. Observatione potissimum dignum est, quod dicitur, eos, qui uxorem duxerunt, non alias ordinibus initiari posse, quam in matrimonio conjuges suas non noverint, quod a severiore etiam disciplina distat, juxta quam deinceps soli bigami, aut qui viduæ juncti erant, a sacris ministeriis arcebantur. Immo & nusquam in Ecclesiâ obtinuit eos, qui in minoribus ordinibus constituti sunt, conjugio interdicti, quemadmodum heic interdicat Clemens. Satis hanc rem conficiunt, vel quæ scripsit Socrates in lib. 1. historię cap. 11. de Paphnutio Ægyptiorum Episcopo, qui in Nicæno Concilio anni 325. nondum continentię clericalis legem probare scivit, vel quæ decernuntur in can. 4. Concilii Gangrensis ibi: Quicumque discernit a Presbytero, qui uxorem habuit, quod non oporteat, eo ministrante, de oblatione percipere, anathema sit. Præterea in hac eadem epistola usurpantur nonnulla verba Jacobi Apostoli, quæ scilicet in ejus epistola catholica legimus cap. 4. ibi: Humiliamini in conspectu Domini, & exaltabit vos. Nolite detrabere alterutrum fratres, qui detrabit fratri, aut qui judicat fratrem suum, detrabit legi, & judicat legem. Si autem iudicas legem, non es factior legis, sed iudex. Unus est legislator, & iudex, qui potest perdere, & liberare. Tu autem quis es, qui iudicas proximum? Hæc omnia qui epistolam Clementis elucubravimus, descripsimus, quibus eundem Jacobum monere Clemens videtur. Cetera non memoro; exinde enim satis, superque liquere poterit, quodnam esse debeat de hac epistola, quodque jam fuerit eruditissimorum virorum iudicium. Sunt, qui hujus epistolæ autographum græcum fuisse dixerunt; verum nullibi illud adparet, & tantum ex loquendi formulis, quæ græcam eloquutionem sonare videntur, id posset quispiam augurari; proptereaque non est, cur non potius Isidoro Mercatori eandem epistolam tribuamus, qui primus eandem edidisse adparet, præsertim cum ipse Mercator non adeo fuerit dicendi ratione perpolitus, ut phrasas aut obscuras, aut barbaras non adhibuerit in scribendo.

Ex hac epistola depromptus est canon 4. dist. 23. in quo tamen nullum aliud vitium est, quam quod in ea legatur epistola, quæ deceptoris cujusdam manu sit elaborata.

Canon 9. cau. 2. qu. 7. ita erit ex integra epistola supplendus. *Qualis autem condemnatio, & qualis imminet maledictio his, qui in Patres peccant, divina nos docet Scriptura. Si enim Cham filius Noe, cum vidisset nudum suum Patrem, quoniam non cooperuisset Patria corporalis nuditatem, sed egressus nuntiavit eam fratribus, & illi vestimento cum cooperuerunt, ipse quidem Cham, & illi, qui ex eo nati sunt, sub maledictio facti sunt; qui autem cooperuerunt, magnam benedictionem meruerunt, multo magis illi*

Can. 9.
cau. 2.
qu. 7.

*At majore, & ampliore condemnatione digni sunt, qui Patribus obviare, aut contra eos insurgere moluntur; quoniam qui eis resistit, Deo resistit, & qui eis injuriam, vel contumeliam facit, Deo, cujus legatione funguntur, facit. Quoties integram hanc sententiam velit quispiam considerare, agnoscat non de accusationibus, quæ legis ordineervato fiant, sed potius de injuriis, & contumeliis non inferendis sermonem fuisse bidem institutum; proptereaque hoc fragmentum ad Gratiani propositum minime pertinere, qui de accusationibus agebat. Non dubito tamen, quin cum Gratiano plurimum convenerit Isidori Mercatoris mens, qui nihil antiquius habuit, quam, vadere frequentissime singulis, ne ad Prælatorum suorum accusationes uspiam levemant; quod vel ille satis abunde percipit, qui percurrit causæ septimæ questionem secundam, refertam omni ex parte istiusmodi monumentis Isidorianis, Pontificibus Maximis vetustissimis Evaristo, Marcellino, Julio, Eusebio, Fabiano, Sylvestro, Zephirino, Anacleto, Alexandro, & aliis nonnullis adscriptis, peculiariter vero contemplatur canonem 12. eadem causâ, & questione. Qui vero ejusdem canonis 9. sententiam ad meliores auctores redigere voluerit, conferat verba Justiniani Imperatoris in confessione adversus tria capitula ita scribentis: *Qualis autem sit condemnatio, & qualis imminet maledictio eis, qui in Patres peccant, docet nos & Divina Scriptura: si enim Cham filius Noe, cum vidisset nudum suum Patrem, quoniam non cooperuit Patris corporalem nuditatem, sed egressus nuntiavit eam fratribus, & illi testimonio eam cooperuerunt, ipse quidem Cham, & illi, qui ex ipso nati sunt, sub maledictione facti sunt, qui autem cooperuerunt, magnam benedictionem meruerunt, multo magis isti majore, & ampliore condemnatione digni sunt, qui ad Synodum minime pertinentem infamiam festinant per impietatem epistolæ, & Theodori, eidem Sanctæ Synodo applicare. Porro cum in his verbis integer fere Gratianus canon exhibeatur, is pfe ad Justinianum potius, quam ad Anacletum referendus videretur.**

Nulla ratione primo, aut secundo Ecclesiæ sæculo convenire potest, quod ex hac eadem Clementis epistola refertur in can. 28. cau. 16. qu. 7., & in can. 13. de conf. dist. 1. eisdem omnino verbis. Agitur ibi de Ecclesiis per loca congrua, & utilia edificandis, quæ vinis precibus dedicentur, & Sacerdotum curæ tradantur. At præterquamquod apud veteres disciplinæ christianæ historicis nulla adpareat Ecclesiarum dedicatio tempore Constantini Imperatoris antiquior, Ethnicorum diuitiimæ, ac frequentes vexationes hujusmodi Ecclesiis gravissimo erant impedimento. Apud Gratianum olim fragmenta hæc ita exhibebantur. *Ecclesias per congrua, & utilia facite loca, quas (ita in can. 28., sed in can. 13. legebatur: quæ) divinis precibus sacrari (ita in can. 28., sed in canone 13. legebatur: consecrari) oportet, & non a quoquam gravari. Melius recentes editiones habent post correctionem Romanam; etenim ita habent integra epistolæ ipsius exemplaria: Ecclesias per congrua, & utilia facite loca, quæ divinis precibus sacrare oportet, & in singulis Sacerdotes divinis orationibus Deo dicatos poni, quos ab omnibus venerari oportet, & non a quoquam gravari.*

Consonat cum vulgatis epistolæ exemplaribus canon 15. cau. 17. qu. 4., dummodo pro voce illa *subtrahum* legamus *subtrahā*: parum autem interest alterutriuscriptioni adhzrere, cum una semper habeatur, eademque sententia. Moneo nonnulla his familia legi in Concilio Turonensi 2. can. 25., & in Concilio Bracarenensi 3. can. 3. ibi: *sub hac quoque damnationis sententia & illi obnoxii tenebuntur, qui*

Can. 28.
can. 16.
qu. 7. &
can. 13.
de conf.
dist. 1.

Can. 15.
can. 17.
qu. 4.

qui Ecclesiastica ornamenta, vela, vel qualibet alia indumenta, atque etiam utensilia, sciendo in usus suos transfulerint, vel aliis vendenda, vel donanda crediderint.

Can. 39.
de conf.
dist. 1.

Canon 39. de conf. dist. 1. legitur eisdem verbis in hac ipsa epistola, in qua tamen levis varietas scripturæ adnotanda est; siquidem ubi Gratianus legit *cathedra* legunt alii: *cathedræ*; alii *canthara*; viri eruditi existimant venire hoc nomine non cathedras, in quibus Episcopi sedebant, nec suggestus, de quibus Episcopi orabant, sed potius pulpita, quæ super altario ponebantur, ut liber Evangeliorum in illis ad legentis Episcopi commodum collocaretur, quemadmodum hodie illa sunt, in quibus missalis liber apponitur.

Can. 40.
de conf.
dist. 1.

Post verba laudati canonis 39., statim in epistola sequuntur verba canonis 40. de conf. dist. 1., quæ integra hoc in loco referre iuvabit, cum nondum absoluta canonis hujus emendatio fuerit. Nemo per ignorantiam Clericus palla mortuum credat obvolvendum, aut Diaconus scapulas operire velit, quæ sunt in altari, aut certe quæ data est in mensam Domini. Qui hæc fecerit, vel leviter, quasi nihil, & negligenter habuerit divina mysteria, Diaconus triennio, sexque mensibus a dominico alienus erit altari, gravi percussus anathemate. Quod si clericum presbyter non communerit, decem annis, & quinque mensibus excommunicatus sit; proptereaquod de dominici Sacramentis subiecta sibi non communerit ministeria, & postea cum grandi humilitate matri reconcilietur Ecclesiæ. Pallas vero, & vela, quæ in Sanctuarii sordidata fuerint ministerio, Diaconi cum humilibus ministris juxta sacrarium lavent; non eicientes foras a sacrario velamina dominicæ mensæ, ne forte pulvis dominici corporis male decidat a Sindone foris abluta; & erit hæc operanti peccatum; idcirco intra sacrarium ministris præcipimus hæc sancta cum diligentia custodire. Sane pelvis nova comparetur, & præter hoc nihil aliud eangat. Sed nec ipsa pelvis velis apponatur lavandis, nisi quæ ad Dominici altaris cultum pertinent. Pallæ altaris solæ in ea laventur, & in alia, vela januarum. De velis autem januarum cura sit ostiariis ex admonitione majorum, ne quis negligens, aut ignarus ad velum januæ domus Domini manus incondite tergat; sed statim coercitus discat omnis homo, quia velum atrii domus Domini sanctum est. Hæc omnia a Mercatore depromta videntur, partim ex Concilio Arvernensi cap. 3. & 5., ex Concilio Antistiodorensi cap. 12. & 13., partim ex Gregorii Magni Sacramentario titulo de ordinatione Subdiaconi. Verba Gregorii Magni in Sacramentario hæc sunt: Oblationes, quæ veniunt in altare panes propositionis appellantur. De istis oblationibus tantum debet in altari poni, quantum populo sufficere, ne aliquid putridum in sacrario remaneat. Pallæ vero, quæ sunt in substratvrio, in alio vase debent lavari, in alio corporales pallæ. Ubi pallæ corporales lavatæ fuerunt, nullum linteamen ibidem aliud debet lavari, ipsa aqua in baptisterio debet vergi. In Concilio Arvernensi anni 535. sub Rege Theodeberto celebrato, cui Episcopi quindecim subscripserunt, nonnulla relatæ sententiæ simillima habentur in can. 3. his verbis: observandum, ne pallis, vel ministris divinis defunctorum corpora obvolvuntur.

Can. 23.
de conf.
dist. 2.

Canon 23. de conf. dist. 2. legitur fere in principio ejusdem epistolæ usque ad illa verba custodire debent; post quæ ita legendum est: ne qua putredo in sacrario inveniatur, ne (cum negligenter agitur) porcioni corporis Domini gravis inferatur injuria. Communio enim corporis Domini nostri Jesu Christi si negligenter erogetur, & presbyter minora non curet admonere officia, gravi anathemate, & digna humiliationis plaga feriat. Certe tanta in altario holocausta offerantur, &c. quæ descripsit Gratianus usque ad illa verba: custodienda sunt Sacramenta. Post quæ sequuntur ea, quæ

ux legi diximus in can. 39. de conf. dist. 1., deinde ea, quæ in can. 40. de conf. dist. 1. retulimus; ac tandem statim subjicitur: *Præcipimus etiam, ne excommunicatus Ecclesia, sive laico de fragmentis oblationum Domini ponatur ad mensam, unde scis, qui passim sacrarii panes indignis impendis; unde nosti si a mulieribus mundi sunt, quibus impendis? Hinc & David &c.* Rursum hæc legimus apud Gratianum in isto canone 23. de consecrat. dist. 2. a vers. *Præcipimus etiam, usque in finem.* Io autem argumento, quo ex facto Davidis panes propositiones accepturi usus est Mercator, usus quoque est Isidorus Hispalensis in lib. 1. cap. 18. de officiis: *Relegamus libros regnorum, & inveniemus Sacerdotem Abimelech de panibus propositionis noluisse prius dare David, & pueris ejus, nisi ante eos interrogaret, utrum mundi essent pueri a mulieribus, non utique ab aliens, sed a propriis conjugibus; & ipsi eos audisset ab heri, & nudius tertius vacasse ab opere conjugali, nunquam panes, eos prius negaverat, concessisset.* Tantum interest inter propositionis panes, & Corpus Christi, quantum differt inter corpus, & umbram, inter imaginem, & veritatem, inter exemplaria futurorum, & ea ipsa, quæ per exemplaria figurabantur. Quapropter eligenti sunt aliqui dies, quibus prius homo continencius vivat, quo ad tantum Sacramentum ignius accedere possit. Unum adhuc observatione dignum est, videlicet quam parum ceceat ea verba Clementi ad Jacobum scribenti adtribuere: unde scis tu, qui passim sacrarii panes indignis impendis &c. quasi Jacobus Apostolus passim indignis Eucharistiae Sacramentum ministrasset, quod eidem Apostolo injurium maxime, & non recte contumelie argumentum videtur.

De epistola 3. ad omnes Episcopos.

Quæ tertia Clementis epistola dicitur, hanc habet inscriptionem: *Clemens urbis Romæ Episcopus, omnibus Coepiscopis, Presbyteris, Diaconis, ac reliquis Clericis, & multis Principibus majoribus, minoribusve, omnibusve generaliter Fidelibus benedictio, caritas, & gloria; in gratia Dei, quæ data est nobis in Christo Jesu Domino nostro.* Sunt qui putant ex nonnullorum vetustorum codicum fide hanc esse de Græco in latinum idioma conversam a Rufino Aquilejensi, a quo editam diximus epistolam Clementis nomine primam. Verum id maxime incertum est, & verosimilius est idem Mercatorem ejusdem auctorem esse; atque ideo Rufino aliquid tribui, ad hæc epistola quamplurima fragmenta continere excerpta ex libris recognitionum ipsius Clementis, quos latine Rufinus se edidisse testatur: Jamdiu agnovit hæc Johannes Richardus, qui in tertiz epistolæ præfatione ita scribit: *Admonendus est hoc, ea, quæ hic leguntur pulcherrime commixta, tamquam cumulo, hæc eadem in recognitionum libris sparsim legi, ut verisimile videatur mihi, hanc a studio aliquo Clementis conscriptam potius, quam ab ipso Clemente.* Verum enim vero sive a Rufini, sive a Mercatoris codicibus hanc epistolam primum hauerimus, par erit auctoritas, nec alterutrius fides apud nos prævalebit, utpote in aliis monumentis recensendis minus probata. Ipsamet nuper memoratæ epistolæ inscriptio nonne eandem veritatem prorsus, & a Clemente abjudicandam perspicue demonstrat? Quinam enim potuerunt Clementis ætate cuncti illi Principes majores, minoresque, ad quos ista ipsa dirigitur? Si nomine Principum intelligendos velis Ecclesiarum duces, pastores, parum apta erit interpretatio, cum *Coepiscopos, Presbyteros, Diaconos,*

ac



ac reliquos clericos speciali nomine jam auctor epistolæ przsignasset, & frustra post istos memoraret majores, minoresve Principes. At si nomine Principum laicos nobiliores, & publica jurisdictione pollentes significatos arbitreris, facile in difficultatem incidet ex eo subortam, quod Magistratus Rempubliam Clementis tempore administrantes, Ecclesiam potius odissent, diris vexationibus insequerentur, nec hujusmodi esse possent, ad quos una cum fidelibus omnibus epistolæ encyclica dirigeretur. Sed & id clarius dignoscetur, si integram epistolam percurramus; simulque Gratiani fragmenta integræ epistolæ accomodemus; non enim solum sententias inveniemus tempori illi vetustissimo parum conformes, sed etiam nonnullas agnoscemus congestas lacinias ex variis apocryphis monumentis; & præsertim ex libris recognitionum Clementi adscriptis a quodam deceptore inordinate congestas.

Can. 14.
cau. 11.
qu. 3.

Exorditur auctor epistolæ Sacerdotes admonens, ut populos doceant, admonensque populos, ut Episcopis suis; quasi Deo obtemperant; ac subdit: *Si autem vobis Episcopis non obedierint omnes Presbyteri, Diaconi, ac Subdiaconi, & reliqui Clerici, omnesque Principes tam majoris ordinis, quam inferioris, atque reliqui populi, tribus, & lingue non obtemperaverint, non solum infames, sed & extorres a regno Dei, & consortio fidelium, ac a liminibus sanctæ Dei Ecclesiæ alieni erunt.* Ex his supplere juvabit canonem 11. cau. 11. qu. 3. atque in eodem fragmento rursum factam mentionem de Principibus majoris ordinis, & inferioris, quam sane Clementis ætati minime convenire posse adnotabam. Quomodo vero Clemens infamiz poenam tunc irrogare potuerit, nemo facile explicabit, cum primo, & secundo Ecclesiæ nascentis sæculo infame potius vulgo haberetur Christo nomen dare, ac viris Ecclesiasticis indulgere. Retulit eadem fere verba nonnullis omisiss Concilium Triburienſe anni 895. can. 8. ibi: *nemo contemnat, neque transgrediatur damnum Episcopis superpositum. Sciat, & abhorreat in epistola B. Clementis dictum contra se scriptum. Si vobis Episcopis non obedierint omnes tam majoris, quam & inferioris ordinis, atque reliqui populi, tribus, & lingue, non solum infames, sed etiam extorres a regno Dei, & consortio fidelium a liminibus Sanctæ Dei Ecclesiæ alieni erunt.*

Can. 2.
dist. 25.

Post hæc prosequitur epistolæ auctor obedientiz virtutis laudes, quam unusquisque Episcopis suis exhibere debet, nonnulla adjiciens Episcopi uniuscujusque gratia, quem Dei vice populos regere scribit, ita concludens: *Audire ergo cum attentius oportet, & ab ipso suscipere doctrinam fidei, monita autem vitæ a presbyteris inquirere, a Diaconis vero ordinem discipline.* Hic est canon 2. dist. 25., atque eadem verba deprompta videntur ex lib. 3. recognitionum falso Clementi tributarum ad Jacobum Fratrem Domini, ubi proponitur Petrum Apostolum in ordinatione Zachari Episcopi: ita dixisse: *Zachæum hunc vobis ordinavi Episcopum, sciens cum timore Dei habere. . . . Audite ergo cum attentius, & ab ipso suscipite doctrinam fidei, monita autem vitæ a Presbyteris; a Diaconibus vero ordinem discipline.*

Can. 16.
dist. 38.

Postquam vero edocuerit Clemens ad Episcopum pertinere curam fidei, ac proinde ad Episcopum accedere debere, quicumque fidei nomen dare, ac baptismum suscipere cupit, hæc ait: *Nullus enim propter opprobrium senectutis, aut juvenutis, vel nobilitatem generis a parvulis, & minus eruditis, siquid forte est utilitatis, aut salutis inquirere negligat; Sc. quæ legimus in canone 16. distinct. 38., quem Gratianus de Episcopis perperam intellexit, ac scripsit, cum tamen ad eos pertineat, qui ad Christi fidem venturi essent, & Sacramentum baptismatis suscepturi; hi enim monendi erant, ut minime recusarent a Sacerdotibus, aut doctrina minus excultis, aut*

est etate minus provectis instrui in fide; atque edoceri. Hæc etiam sententia deprompta videtur ex lib. recognitionum Clementis, ubi Gamaliel inducitur, ita universum Israelitarum populum alloquens: *Si ego Gamaliel neque eruditionis meæ, neque senectutis opprobrium duco discere aliquid a parvulis, & ab imperitis, siquid forte est utilitatis, aut salutis acquirere, (qui enim rationabiliter vivit, scit, quia nihil est anima preciosius) quomodo non omnibus hoc amabile est, cunctisque exoptatum, ut quæ ignorat, discat, quæ didicerit, doceat?*

Hinc auctor epistolæ occasionem arripuit quamplurima tradendi, quibus ad obedientiam fideles omnes excitaret, post quæ ita prosequitur: *Quapropter cunctis fidelibus, & summopere omnibus Presbyteris, & Diaconis, & reliquis Clericis attendendum est &c.* quæ legimus in can. 41. cau. 16. qu. 1., in quo ad evincendam epistolæ hujus falsitatem, luculentissimum habemus argumentum; etenim mentio fit de Parochiis Presbyterorum, quasi jam Clementis etate jam institutæ Parochiæ fuissent, quod nemo in rebus Ecclesiasticis vel leviter eruditus dixerit. Ceterum similia nonnulla constituta legimus in Concilio Triburiensi anni 895. can. 32., ibi: *In epistola Beati Papæ Clementis legitur: Attendendum summopere est omnibus Presbyteris, & reliquis Clericis, ut nihil absque Episcopi proprii licentia agant; non utique missas sine ejus jussu ququam Presbyterorum in sua Parochia agat. Similiter & reliqui populi, majores scilicet, & minores per ejus licentiam, quidquid agendum est, agant. Animæ vero eorum ei creditæ sunt: ideo omnia ejus consilio agere debent, & eo inconsulto nihil.*

Can. 41.
cau. 16.
qu. 1.

Verba Gratiani postrema in dicto can. 41. hæc alia statim excipiunt: *Similiter & reliqui populi, majores scilicet, ac minores per ejus licentiam quidquid agendum est, agant, nec sine ejus permisso a Parochia abscedant; vel in ea adventantes morari presumant. Animæ vero eorum ei creditæ sunt: ideo omnia ejus consilio agere debent, & eo inconsulto nihil. Quicumque enim obediunt Episcopis suis, videntur aliquid gratiæ conferre Deo: Qui autem eis non obediunt, indubitanter rei, & reprobis existunt.* Hæc cum nonnullis sequentibus retulit Gratianus in can. 9. dist. 93., cujus scriptura cum integris epistolæ exemplaribus penitus consonat, præsertim postquam Romani Corredores inscriptionem fragmenti emendarunt; etenim olim tribuebatur Concilio Parisiensi, quemadmodum canon 8. eadem dist. 93.; interea vero juvabit adnotare minus aptam illam loquendi formulam, quæ populi in majores, ac minores distribuuntur, quæ fidelium partitio ignota est toti vetustati, ne dixerim cuique investigare volenti, quid per eam significetur: Adnotare præterea juvabit sententiam hanc decerpam fuisse ex lib. 2. recognitionum Sancto Clementi tributarum; Cum enim sibi referatur disputatio illa famigerata inter Simonem cognomento Magum, & Petrum Apostolum, ita loquens Petrus inducitur: *Pax vobis sit omnibus, qui parati estis dare dexteræ veritati* (sic iudices disputationi aures præbentes Petrus obtestabatur) *quicumque enim obediunt ei, videntur quidem aliquid gratiæ referre Deo; porro autem isti ad eo donum summi muneris consequuntur justitiæ ejus semitis incedentes; propter quod primum est omnium justitiæ Dei, regnumque ejus inquirere.* Atque vel ex hoc facile constat, quam longe distet auctor epistolæ in memorato fragmento ad archetypum suo, quem sibi sequendum proposuerat; Quod enim auctor recognitionum de illis tradidit, qui veritati morem gerunt, auctor epistolæ illis accommodat, qui in singulis Diocesium Episcopis suis obtemperant.

Post

Can. 14.
de conf.
dist. 1.

Post pauca auctor epistolæ suadet, ut obedientiam Episcopis servemus, et præsertim ratione, ne alibi sacra fiant, nisi in locis ab Episcopo consecratis, quasi jam Clementis ætate solennes temporum dedicationes in usu esse cepissent. Notandum tamen est in nonnullos Gratiani codices recentiores mendum irrepsisse, qui principio hæc exhibent: *Hic ergo, idest in præsentī vita, oportet non agnoscere &c.* cum vetusti Gratiani codices, & integra epistolæ ipsius exemplaria potius habeant: *Hic ergo, idest in præsentī vita oportet nos agnoscere &c.* Sed & hic Ilidorus Mercator abusus est nonnullis verbis, quæ Sancto Petro adversus Simonem Magum, ut diximus, disputaturo affinxit auctor recognitionum Clementis in lib. 2. ibi: *Hic ergo, hoc est in præsentī vita positus, oportet vos agnoscere voluntatem Dei, ubi & agendi locus est*; Ex quo magis magisque constat epistolam hanc ex variis rerum apocrypharum laciniiis inordinate fuisse congestam. Non est tamen dubitandum, disciplinam hanc in laudato canone traditam fuisse quarto sæculo jam receptam, quemadmodum constat ex canone penultimo Concilii Laodiceni, ibi: *quod non oporteat in domibus oblationes celebrari ab Episcopis, vel Presbyteris.*

Can. 2.
dist. 43.

In vetustis Gratiani exemplaribus Origeni adscribitur can. 2. dist. 43., cujus verba leguntur prope finem hujus epistolæ Clementi adscriptæ, ex qua Romani Correctores inscriptionem ejusdem canonis emendatam voluerunt. Qui epistolam hanc effinxit, ita differit de iis, qui inobedientes Episcopis fuerint, ut ex evangelico præcepto nulla illorum habenda sit ratio. *Et si iterum in mandatis habemus &c.* Ita legenda sunt priora canonis verba; quemadmodum posteriora hoc modo: *non intelligentia propositi nostri.* Quoniam vero eadem omnino leguntur in lib. 2. recognitionum Clementis in principio, verosimile mihi videtur, Gratianum voluisse auctorem recognitionum laudare, dum canonis suo Origenis nomen inscripsit, ex eo forte, quod habuerit codicem Rufini Aquilejensis, in quo & scripta Origenis, & libri isti recognitionum continerentur; Etenim Rufinus e Græco idiomate non tam libros recognitionum, ut ipse ait; sed & plura Origenis, cui plurimum adhærebat, scripta in latinum transtulit. Itaque si Gratiani canon ex libro memorato recognitionum est repetendus, adnotandum est in principio libri 2. referri factum Petri cum Simone, quem Magum appellant, disputaturi; antequam enim Petrus cum Simone congrederetur; fingitur nonnulla de Simonis ejusdem indole & moribus cum Clemente ita differuisse... *Opportunum mihi nunc, & necessarium videtur de his, quæ imminēt, aliqua discutere, idest de Simone. Scire enim velim, quibus sit moribus, & quibus artibus. Quod mihi, si quis scit, indicare non cesset, refert enim ista prænoscere. Nam si in mandatis habemus, ut venientes ad civitatem &c.* quæ integra habentur apud Gratianum in dicto can. 2. eisdem omnino verbis, ex quibus liquido constat hæc ipsa minime pertinere ad Gratiani propositum; Quod enim de Simonis Magi moribus Petrus cum Simone disputaturus fingitur investigasse, id illi accommodatur, qui est investigaturus consecrandi Episcopi indolem, & mores; quæ duo longè omnino distant, & toto cælo.

De epistola 5. Clementis.

Quarta omiffa epistola ex iis, quæ Clementi tributæ sunt, quod ex ea nihil depromserit Gratianus, ad quintam statim progredior, quæ hunc exhibet titulum: *Dilectissimis fratribus, & discipulis Hierosolymis cum charissimo fratre Jacobo Corpiscopo habitantibus Clemens Episcopus*. Hæc autem inscriptio jam sufficit, ut opinor, ad redarguendum epistolæ hujus auctorem falsi conscium; Præterquamquod enim fingitur, Clementis Romani tempore adhuc Jacobum Apostolum Hierosolymitanam Ecclesiam rexisse, quod ab historicorum fide longe aberrat, quemadmodum superius diximus; aliena etiam sunt a veterum, & primi, vel secundi sæculi disciplina, quæ ibidem de communi Clericorum vita asseruntur. Quis enim credat jam tum, erecta fuisse Ecclesiasticorum virorum collegia, nisi simul arbitretur talem fuisse veterum Antistitum imprudentiam, ut Clericorum omnium cætum optimam christiani gregis partem Ethnicorum furori uno propemodum istu mastrandum, & perdendum objicerent? Immo quis credat adeo communis vitæ bonum Clementi placuisse, ut eam tamquam unicuique fideli necessariam prædicasset, & bonorum divisionem ab ipso fere mundi exordio factam *per iniquitatem* originem habuisse, uti in ejusdem epistolæ initio legimus? Pudendum autem est, & nonnisi homine perditissimo dignum, quod dicitur, adeo singulas res unicuique esse debere communes, ut etiam promiscuus conjugum usus sit: *in omnibus autem* (ita epistolæ auctor) *sunt sine dubio & conjuges: & sicut non potest dividi aer, neque splendor solis, ita nec reliqua, quæ communiter in hoc mundo omnibus data sunt ad habendum dividi debere, sed habenda esse communia*. Oh præclara sane effata, & Clemente viro sanctissimo, & Pontifice Maximo digna! Nihil ad hanc rem addendum post ista videretur, ut hujusmodi sententias a Clemente abjudicaretur; verum adhuc nonnulla sunt, quæ in falsitatis suspensionem vehementius etiam inducunt. Siquidem narratur factum Ananiz, & Sapphiræ, de quo agitur in cap. 5. Actuum Apostolicorum, quodque fingitur ipse Clemens cognovisse, & vidisse, cum tamen Anania & Sapphira suprema pœna affecti divino singulari judicio fuerint, antequam Petrus Romam venisset, suorumque laborum socium Clementem sibi adjunxisset. Quoties de epistolæ hujus auctore queratur, nolim tale, tantumque crimen in Isidorum Mercatorem inferre, licet primum ex ejusdem collectione emeruisse eadem videatur. Corrupti, scio, Mercator nonnulla disciplinæ Ecclesiasticæ capita, verum quæ ad fidem, & mores pertinent, etiam corrupisse illum non ausim asserere. Potius generalis illa vitæ communio, & promiscuus conjugum usus indicabit auctorem hujus epistolæ fuisse quemdam ex hæresi Nicolaitarum jamdudum ab Ecclesia damnatorum. Quidquid vero sit de hac re, minime dubitandum erit, quin fragmenta hujus epistolæ inter decreta canonum non fuissent a Collectore sæculo collocanda.

Et quidem si ad unum canonem 14. dist. 37. redigeretur oratio, nihil forte improbandum reperiretur, nihil enim aliud ibidem statutum adparet, quam Clericos universos sacris doctrinis potissimum incumbere debere. Unum observatu dignum adparet, eadem fere verba legi Petro Apostolo tributa in libro 10. recognitionum Clementis, quæ imitari voluit auctor epistolæ, ut facilius legentibus illuderet.

Tom. II.

D

Verum

Gen. 14.
dist. 17.

Can. 2.
can. 12.
qu. 1.

Verum quoties in conspectum adducatur canon 2. cau. 12. qu. 1., is ipse agnoscetur, ex quo tot apocryphi monumenti argumenta deducebamus. Ibi & de communi fidelium omnium vita, & de promiscuo conjugum usu, & de Anania, & Sapphira sermo instituitur, ex quibus indicium sane gravissimis apocrypham esse epistolam deducebamus. Ut vero integrum Gratiani fragmentum expendam, in quo tota propemodum epistola describitur, priora verba exhibent epistolæ inscriptionem, quam superius retuli, una observans, Clementem ad Jacobum Apostolum scribere minime potuisse. Epistolæ initium consistit in vers. *communis vita*, ex quo adparet, quam falso omnibus necessario præstituta dicatur vita communis prima Ecclesiæ ætate. In vers. *communis enim* etiam liquet, quam temere dicatur *per iniquitatem* rerum dominia fuisse divisa, atque inter homines distributa. In vers. *denique* pudenda agnoscitur illa de promiscuo uxorum usu sententia. Romani Correctores, ut hanc canonis partem emendarent, asseruerunt, in nonnullis exemplaribus illam desiderari: verum licet hic conatus in meliorem Canonis lectionem laude dignissimus sit, non est tamen omnino certum definire, utrum ea verba ad epistolam pertineant, necne; cum & in antiquis editis exemplaribus Gratiani, & in ipsis antiquis editis exemplaribus epistolæ legantur. Immo cum adpareat, verba hæc epistolæ deprompta esse maxima in parte ex libris recognitionum Sancto Clementi adscriptis, in quibus integra hujusmodi sententia continetur, nullatenus dubitaverim asserere, & ipsam in epistola Clementi tributa facile contineri. Porro in lib. 10. recognitionum quidam Ethnicus fenex inducitur petens erudiri a Clemente, & nonnullis propositis difficultatibus ex veterum Philosophia depromptis ita Clementem ipsum alloquitur: *Sed neque furtum malum esse, quod enim deest alicui, aufert ab alio qui habet, quod quidem oportebat libere sumi, & publice, sed quia occulte fit, in hoc magis illius, a quo clam aufertur, inhumanitas redarguitur. Communis enim usus omnium, que sunt in hoc mundo, omnibus esse hominibus debuit; sed per iniquitatem alius hoc suum dicit esse, & alius illud, & sic inter mortales divisio facta est, denique Græcorum quidam sapientissimus (Platonem hic designari vulgo putant) hæc ita sciens esse, ait, communia debere esse amicorum omnia: In omnibus autem sunt sine dubio & conjuges; & sicut non potest, inquit, dividi aer, neque splendor solis, ita nec reliqua, quæ communiter in hoc mundo data sunt, omnibus ad habendum dividi debere, sed habenda esse communia. Quicumque hæc recognitionum verba cum epistola Clementi tributa contulerit, facile agnoscat epistolam hanc in parte depromptam fuisse a libro recognitionum, ac propterea reprobata illam clausulam, quemadmodum non in recognitionem libris, ita nec in epistola ipsa desiderari. Quæ habentur in vers. *unde & Dominus usque ad illa verba, sed & omnibus prædicanda sunt*, consonant omnino cum vulgatis omnibus epistolæ exemplaribus. Post hæc statim subsequuntur, quæ retulit Gratianus in can. 14. dist. 37. a principio usque in finem; quæque superius diximus etiam ex libris recognitionum fuisse deprompta. Deinde hæc inmediate in epistola habentur: *Incertum est enim etiam juvenibus vite tempus, senibus autem jam nec incertum est; nec enim dubitatur, quin quantumcumque est, quod putatur superesse, breve sit, & ideo tam juvenes, quam senes oportet de conversione, & penitentia valde esse sollicitos, & satagere, ut de reliquo ornent animam suam ornamentis dignissimis, idest dogmatibus veritatis, decore pudicitie, splendore justitie, candore pietatis, aliisque omnibus; quibus comptam esse decet rationabilem mentem. Unde consilium dantes &c. usque in finem, ubi tamen nonnulli legunt, *sategitis***

etis. Hinc ita concludit auctor epistolæ, & cum oratione assidua Dei gratiam obtinere merueritis, tunc sine suspitione mali interitus vota possint celebrari festiva. Deus utem pacis sit cum omnibus vobis Amen. En integram epistolam, quam etiam, ut patet, fere integram in duobus fragmentis Gratianus descripserat.

De can. 30. de conf. dist. 2.

In priore hujus operis parte cap. 52., & pag. 488. adnotaveram canonem 30. de conf. dist. 2. falso fuisse Clementi Pontifici Maximo inscriptum, potius autem tribui debuisse Concilio Eugenii II. ubi canone 33. eadem verba leguntur. Idipsum observaverunt jamdiu Romani Correctores, quibus adicere possumus Franciscum De-Roye de juribus honorificis in Ecclesia cap. 3. qui hæc præterea scripsit: Gratianus . . . canonem illum perperam adscribit Clementi Papæ; Correctores Romani post Anselmum Lucensem eum recte adscribunt Eugenio II., & addendum ex Synodo Romana. Sed forsitan non tam bene addunt: a laicorum loco; cum tamen Holstenius ex ipso autographo utriusque illius Synodi scribat tantum a laicorum nempe honoribus, nam & constat quosdam ex laicis semper in Ecclesia quosdam habuisse honores, ut suis quibusque locis videbimus. Qui forte adhuc voluerit hunc canonem ad certa Clementi Papæ tributa fragmenta referre, non dubito, quin si non verbo tenus, saltem sententia facile reperiatur. In libro 2. constitutionum, quæ a S. Clemente editæ dicuntur cap. 61. ita legimus: Tu vero o Episcopo . . . cum Ecclesiam Dei convocas, veluti magnæ navis gubernator jube cum omni scientia catus celebrari, præcipiens Diaconis, tamquam nautis, ut disponant loca fratribus, tamquam epibatis cum omni diligentia, & sanctitate. Ac primum sit longa domus . . . in ejus medio sit Episcopi sedes, ad ejus utrumque latus consideant Presbyteri, & Diaconi adstant, succinili, & expediti . . . Horum (idest Diaconorum) cura laici in altera sedeant cum omni quiete, & ordine; mulieres quoque separatim sedeant silentium servantes . . . Si quis invenitur extra locum seclere, increpetur a Diacono, veluti proreta, & in suum locum reducat. Et quidem hæc probari fortasse possent, nisi de libris hisce constitutionum Apostolicarum merito dubitarem. Etenim ipsimet Trullani Patres, qui alias nonnulla apocrypha veterum monumenta receperunt, constitutiones istas omnino rejecerunt, ita statuentes in can. 2. Quoniam autem in canonibus Apostolorum præceptum est, ut eorundem Sanctorum Apostolorum per Clementem constitutiones susceperimus, quibus olim ab iis, qui a fide aliena sentiunt, ad labem Ecclesiæ adspargendam adulterina quadam, & pietate aliena introducta sunt, quæ divinorum nobis decretorum elegantem, ac decoram speciem obsecurarunt, has constitutiones ad gregis edificationem, & securitatem conducibiliter rejecimus, hæreticæ pravitatis factus nequaquam admittentes, & germanæ, ac integræ Apostolorum doctrinæ inferentes. Itaque concludere potius juvabit disciplinam, quæ in laudato canone 30. præstituitur, recentioribus potius Ecclesiæ saculis congruere, ex errore autem tributam Papæ Clementi, quia forte nonnulla his similia in illis constitutionibus legerentur, quæ Clementi eidem adscriptæ fuerunt.

CAPUT II.

De Capitibus Anacleti nomine inscriptis.

Tres Anacleto tribuuntur epistolæ, ex quibus nonnulla apud Gratianum deprompta fragmenta videntur.

- | | |
|--------------|--|
| Ex epist. 1. | <ul style="list-style-type: none"> Can. 3. dist. 43. consonat cum vetustioribus exemplaribus. Can. 6. dist. 83. consonat cum epistolis Ennodii. Can. 10. dist. 93. non convenit proposito Gratiani. Can. 3. cau. 2. qu. 6. ad melioris notæ codices exigendus. Can. 2. cau. 3. qu. 4. referendus ad interpretationes Aniani. Can. 13. cau. 3. qu. 6. jungendus cum can. 1. cau. 25. qu. 2. Can. 15. cau. 3. qu. 6. referendus ad can. 13. ead. cau. & qu. Can. 7. cau. 6. qu. 1. ex Ennodii epistolis congestus. Can. 1. cau. 12. qu. 2. jungendus cum can. 6. ead. caus. & quest. Can. 6. cau. 12. qu. 2. ex recentioribus Patrum decretis congestus. Can. 18. cau. 17. qu. 4. referendus ad can. 6. cau. 12. qu. 2. Can. 1. cau. 25. qu. 2. jungendus cum can. 18. cau. 17. qu. 4. Can. 59. de conf. dist. 1. consonare nequit cum veterum disciplina. Can. 10. de conf. dist. 2. jungendus cum can. 59. de conf. dist. 1. |
| Ex epist. 2. | <ul style="list-style-type: none"> Can. 2. dist. 21. referendus, & exigendus ad sententias Isidori Hispalensis. Can. 18. dist. 45. referendus ad epistolam Pauli ad Titum iuncta interpretatione Hieronymi. Can. 2. dist. 64. jungendus cum can. 1. dist. 75. Can. 2. dist. 66. veterum traditioni contrarius. Can. 1. dist. 67. veterum traditioni in postrema parte adversatur. Can. 1. dist. 75. cum disciplina veterum non omnino consentaneus. Can. 11. dist. 79. a perpetua disciplina Ecclesiæ destituit. Can. 6. dist. 84. Isidoro potius Hispalensi inscribendus esset. Can. 1. dist. 99. non congruit temporibus Anacleti. Can. 15. cau. 2. qu. 7. ex integris exemplaribus supplendus. Can. 1. cau. 6. qu. 1. referendus ad canonem 11. dist. 79. |
| Ex epist. 3. | <ul style="list-style-type: none"> Can. 2. dist. 22. ex integris exemplaribus restituendus. Can. 3. dist. 80 non convenit temporibus Anacleti. Can. 12. cau. 2. q. 7. referendus potius ad Isidorum Hispalensem. Can. 2. cau. 3. qu. 5. referendus potius ad Ambrosium Mediolanensem. Can. 15. cau. 6. qu. 1. referendus potius ad Isidorum Hispalensem. Can. 14. cau. 24. qu. 3. exigendus ad sententias Isidori Hispalensis. |

Can.

Adjiciuntur.

Apocryphi omnes.

- Can. 4. dist. 93. est potius Romani Concilii sub Zaccharia.
 Can. 14. cau. 2. qu. 7. referendus potius ad con. 5. cau. 2. qu. 7.
 Can. 3. cau. 5. qu. 3. referendus ad Concilia Eugenii, & Leonis Pontificum.
 Can. 28. cau. 7. qu. 1. non congruit temporibus Anacleti.

Non de temporibus tantum, quibus Anacletus Petri sedem Romæ tenuerit, nec dumtaxat de gradu, & ordine successionis ejusdem disputare consueverunt viri eruditi; sed & de Anacleto ipso, quem nonnulli a catalogo Pontificum Maximorum expungunt, quasi figmentum ab imperitiis inventum, ea præcipue ratione, quod ejus veteres Patres minime meminerint, aut saltem illum cum Cleto confuderint, quemadmodum deducere conati sunt ex Epiphonio hæresi 27., Eusebio lib. 3. cap. 13., & Nicephoro Callixto lib. 3. cap. 2. Gratianus ipse, cujus codicem expendimus, visus est Anacletum omisisse in inscriptione canonis 48. de consecr. dist. 1., ubi Telephorum Papam a Petro fuisse septimum prædicat, cum octavus dicendus esset potius numerato Anacleto; videlicet post Petrum hæc tradi consueverunt Pontificum nomina: Linus, Clemens, Cletus, Anacletus, Evagrius, Alexander, Sixtus, Telephorus. Nolo hac in controversia cum eruditissimis hominibus congregari, vel ex eo quod non desint, qui rem hanc universam abunde satis, & plusquam abunde diluciderint, inter quos adire quispiam posset Natalem Alexandrum in Hist. Eccles. 1. sæculi dissert. 14., & præsertim in scholio dissertationi adjecto; vel ex eo quod parum aut nihil referre possit ad Gratianorum Canonum interpretationem. Sane quotquot fragmenta possid hunc collectorem Anacleto tributa fuerunt, ea omnia apocrypha omnino monumenta sunt, quemadmodum paulo inferius nitide demonstrabo. Quamobrem illud prænotasse sufficiat, vel extiterit Anacletus iste, vel idem cum Cleto fuerit, vel forte omnino fictitius sit habendus, certum apud omnes esse, neminem hujus nominis Pontificem recenseri post annum a Christo natum 120., ut propterea, quotquot Anacleto tribuuntur epistolæ decretales, aut ad finem primi, aut ad initium secundi Ecclesiastici sæculi referendæ essent. Hinc quoties demonstraretur epistolas Anacleto inscriptas primæ illi ætati minime convenire, definiri profecto poterit, fidem omnem illis esse jure optimo denegandam.

De epistola 1.

Epistola Anacleti nomine prima hanc exhibet inscriptionem: *Anacletus Servus Christi Jesu, in Sede Apostolica Domino serviens, Episcopis omnibus, & ceteris cunctis fidelibus, qui coæqualem nobiscum sortiti sunt fidem: gratia vobis, & pax, atque consolatio multiplicentur a Domino in sæcula.* Videtur hujus inscriptionis exemplum de promptum ex epist. 1. Apostoli Petri, cujus etiam magna pars in hanc eandem. Anacleti epistolam translata est. Item nonnulla furatus est auctor ex cap. 5. epistolæ S. Jacobi. Quod autem magis dignum est observatione, pertinet ad fragmenta quædam, quæ de prompta sunt ex epistola 1., quam falso Clementi Papæ adscriptam suis locis ostendimus, ut omittam ea, quæ ex interpretatione Aniani in Constitutiones Theodosianas, quæ ex S. Ambrosio in lib. de dignitate humanæ conditionis

tionis cap. 3., quæ ex Hieronymo in Psalmum 44., quæ ex Ennodio, & ex aliis derivata fuerunt; hæc enim omnia clarissime evincunt, epistolam istam nemini ex vetustissimis Pontificibus tribui ullo modo posse. Quid memorem plura factæ Scripturæ loca in hanc epistolam relata non ex alia, quam ex Hieronymi interpretatione? Præterea diversa vocabula illic occurrunt, quæ nonnisi posteriore ætate apud Romanos recepta fuerunt. Hujusmodi est nomen *Apocrisarium*, quod quinto demum Ecclesiæ sæculo apud Latinos audiri cæpit, item nomen *Patriciorum* ad recentiora tempora referendum, quemadmodum animadvertit Antonius Augustinus in collectione Adriani 1. cap. 9. Nomina præterea memorantur *Patriarcharum*, & *Primarum*, quæ an convenient primo, vel secundo Ecclesiæ sæculo affirmare nufquam audeam. Quod si illa verba Anacleti consideremus, quibus Christiani-fideles omnes ita solatur: *Uobisque compatimur, & auxilium ferre . . . parati sumus*, quis non videat putidum deceptoris mendacium, qui ita Anacletum loquentem inducit, quasi posset vexatis undequaque fidelibus Ethnicorum tyrannide opem ferre, qui ceteroqui ne se quidem adversus impios tueri potuisset. Demum, ut cetera omittam, quid non probat adversus epistolam hanc intexta illa iudiciorum Ecclesiasticorum figura, qualis primum obinuit post novellas Justiniani constitutiones? in ea præsertim parte, qua definitum adparet, in iudiciis, & controversiis, & laicos Magistratus, & Episcopos concurrere debuisse ibi: *coram Patriarcha, aut Primato Ecclesiastico, & coram Patricio seculari judicentur negotia in commune*. Porro nemo non agnoscit, quantum a veritate distet hæc juradicentium societas illa ætate, qua publicis Magistratibus nihil magis infensum esse poterat, quam nomen Christianorum, & præsertim sacrorum Antistitum.

Can. 3. dist. 43. Ad hanc epistolam pertinet canon 3. dist. 43., & quidem in ea parte, in qua auctor indicare conatur ea, quæ ad officium doctoris pertinent. Consonant verba canonis cum vetustioribus exemplaribus, nec quidpiam continent, quod notatum dignum adpareat, nisi forte quis observandum arbitretur pro voce illa *intentione*, legi in aliquibus exemplaribus *institutione*.

Can. 6. dist. 83. Post verba dicti canonis 3. statim sequitur in epistola ipsa canon 6. dist. 83. his verbis: *Nihil autem est illo pastore miserius &c.* Pergit enim ibidem auctor in tradendis præceptis ad rite exercendum doctoris officium; & quidem priora verba usque ad vers. *perdit enim* consonant cum integris epistolæ exemplaribus; cetera jam sunt a Romanis Correctoribus emendata; auctor autem epistolæ eadem promittit ex libris epistolarum Ennodii, ubi scilicet ita scribit Ennodius: *Perdit laboris memoriam mens terrenis obligata carceribus. Sicut artium in suo quaque opere invenitur mater instantia, ita Noverca eruditionis est negligentia*.

Can. 10. dist. 93. Pseudoanacletus paulo inferius tradit, quæ munera sint a Sacerdotibus obeunda, inter cetera præsertim instruere populos saluberrimis doctrinis, quod ut demonstret, adducit illud Evangelii apud Lucam cap. 7. *Beatus est, quicumque non fuerit scandalizatus in me*; & subdit: *Ille procul dubio scandalizatur in Deum, qui recte non docet, & qui ejus scandalizat Episcopum, vel Sacerdotem*. Eadem fere verba repetuntur apud eum, qui epistolam ad Stephanum Archiepiscopum Concilii Mauritanicæ, & ad universos Africanæ provincie Episcopos Damaso affinxit. Sunt autem in canone 10. dist. 93. perperam adducta ad rem Gratiani, qui exinde proposuerat demonstrare minores Ecclesiæ ordines majorebus subesse debere.

Non-

Nonnulla sunt apud Gratianum disjuncta fragmenta, quæ huc singula referre juvabit, tamquam ex uno propemodum hujus epistolæ contextu deprompta, videlicet canon 3. cau. 2. qu. 6. canon 13. & 15. cau. 3. qu. 6., canon 6. cau. 12. qu. 1. canon 18. cau. 17. qu. 4., & can. 1. cau. 25. qu. 2., quibus addere possem canonem 1. cau. 12. qu. 2. ad hanc verius epistolam, quam ad Stephanum referendum. Igitur Anacletus prope finem epistolæ universos alloqui fideles, ut eodem ad mutuum dilectionem invitet, & subdit: *Et qui abstulerit aliquid Patri, vel matri &c.* Sequuntur hic, quæ integra habentur in dicto canone 6. cau. 12. qu. 2. cujus postrema verba subsequuntur hæc alia: *atque homicida ante suspectum iusti iudicis esse deputabitur.* Ex his autem omnibus restituendum arbitror dictum canonem 1. cau. 12. qu. 2. & statim: *qui rapit pecuniam proximi sui iniquitatem operatur, qui autem pecuniam, vel res Ecclesiæ abstulerit, Sacrilegium facit.* Hic est canon 18. cau. 17. qu. 4. Post hæc ita subjicit auctor epistolæ: *Privilegia enim Ecclesiarum, & Sacerdotum Sancti Apostoli jussu Salvatoris, intemerata, & inviolata omnibus decreverunt manere temporibus. Leges Ecclesiæ Apostolica firmamus auctoritate, & peregrina iudicia submovemus.* Hic est canon 1. cau. 25. qu. 2., cujus postrema verba Gratianus jam adtulerat in can. 13. cau. 3. qu. 6., & inconcinnam, maleque congestam epistolam prosequutus hæc de Ecclesiasticis iudiciis annexuit: *Unde & Dominus mentionem faciens Loth per Moysen loquitur, dicens: ingressus es quidem, inquit, ut advena; numquid ut iudices? unaqueque provincia (sunt hæc in can. 15. cau. 3. qu. 6.) tam juxta Ecclesiæ, quam juxta sæculi leges suos debet iustos, & non iniquos habere iudices, & non externos, nisi Apostolicæ Sedis hujus decreverit auctoritas, quatenus quicumque causam habuerit, apud suos iudices iudicetur, & non ad alienos causa vagandi stimulantem protervia suam despiciens patriam, transseat: sed ad duodecim ejusdem provincie iudices, ad quorum iudicium omnes causæ civitatum referantur, deferantur negotium. Si autem fuerit Ecclesiasticum apud Episcopos (interveniente Primæ) siquidem major causa fuerit, si vero minor, Metropolitano. Si vero fuerit seculare, apud ejusdem ordinis viros iudicio tamen Episcoporum; cum Apostolus privatorum causas magis Ecclesiis deferri, & ibidem Sacerdotali iudicio terminari voluit. Omnis enim oppressus libere Sacerdotum (si voluerit) appellet iudicium, & a nullo prohibeatur, sed ab his succiatur, & liberetur. Si autem aut difficiles causæ, aut majora negotia orta fuerint, ad majorem sedem referantur. Et si illis facile discerni non poterunt, aut iuste terminari, ubi fuerit Summorum congregata congregatio, quæ per singulos annos bis fieri solet, & debet, iuste, & Deo placite coram Patriarcha, aut Primæ Ecclesiastico, & coram Patrio seculari iudicentur negotia in commune. His etiam descripsi, unaque ad optimos codices exegi canonem 3. cau. 2. qu. 6. Plane quicumque in tam inordinatam, & variis incompositis lacinis contextam verborum farraginem intenderit, facile conjiciet non tam illam improbi deceptoris opus esse, quam eandem ad suos fontes redigendam esse; videlicet Bonifacii Moguntini epist. 19. ad Ethibaldum, Concilii Cabilonensis 2. can. 51., Concilii Moguntini can. 5., Leonis Magni epist. 84. ut omittam codicem Justinianum, & Theodosianum. Bonifacius itaque in epistola 19. superius memorata ita Ethibaldum alloquitur: *Præterea nuntiatum est nobis, quod multa privilegia Ecclesiarum, & Monasteriorum fregisses, & abstulisses inde quasdam facultates. Et hoc si verum est, peccatum grande esse dignoscitur, restantem Sacra Scriptura, quæ ait: qui abstulerit aliquid patri, vel matri, & dicit: hoc non est peccatum, homicidæ particeps est. Pater noster sine dubio Deus est, qui nos creavit, Mater nostra Ecclesia**

Can. 3.
cau. 2.
qu. 6.
Can. 13.
& 15.
cau. 3.
qu. 6.
Can. 1.
& 6. c.
12. qu.
2. Can.
18. cau.
17. qu.
4. Can.
1. cau.
25. q. 2.

Ecclesia, quæ nos in baptismo spiritualiter generavit. Ergo qui Christi pecunias, & Ecclesiæ fraudabit, vel rapit, homicida ante conspectum iusti iudicis deputabitur. De quo quidam sapientium dicebat: qui rapit pecuniam proximi sui, iniquitatem facit: qui autem pecuniam Ecclesiæ abstulerit, sacrilegium facit. Hæc si quisquam retulerit ad canonem 1. & 6. cau. 12. qu. 2., & can. 18. cau. 17. qu. 4., facilius auctorem eorundem Canonum agnoscat Bonifacium Moguntinum, quam Anacletum. Consonat etiam aliquantisper canon 51. laudati Concilii Cabilonenfis 2. anni 813, ibi: *Sciant (Prælati) eos fratres suos esse, & unum secum habere Patrem Deum, cui clamant: Pater noster, qui es in cælis, & unam Matrem Sanctam Ecclesiam, quæ eos in temerato sacri fontis utero genuit.* Similia leguntur in can. 5. Concilii Moguntini ejusdem anni. Ceterum in collectione de raptoribus, quæ adjecta Concilio Carisiaco anni 857. legitur in tom. 2. Capitularium Francorum editionis Parisiensis anni 1677. pag. 91. eisdem fere verba leguntur quasi ab Anacleto Pontifice prodierint. Quæ autem sequuntur de peregrinis judiciis submovendis, uti in dicto can. 1. cau. 25. qu. 2., & in can. 13. cau. 3. qu. 6. videntur deprompta ex l. 10. cod. Theodos. de accusation. & inscript. ibi: *Ultra Provinciæ terminos accusandi licentia non progrediatur: oportet enim illic criminum judicia agitari, ubi facinus dicatur commissum: Peregrina autem judicia præsentibus legibus coercemus.* Quod subdit epistolæ auctor de Moyse Dei nomine alloquente Loth, illis verbis: *ingressus es quidem ut advena, numquid ut iudices?* Sodomitarum potius est Gen. 19., qui Loth eundem objurgabant, perperamque propterea ad rem propositam protrahum fuit. Nemo vero non videt, quæ de judiciis sequuntur, deprompta fuisse ex epistola Innocentii Papæ ad Viâtricium Rothomagensem in ea parte, quæ a Gratiano refertur in can. 26. cau. 11. qu. 1., & in can. 14. cau. 3. qu. 6. De duodecim iudicibus eligendis, quoties de causis Episcoporum agatur, perspicua est Concilii Carthaginensis vulgo 2. constitutio in cap. 10., quod retulit Gratianus in can. 4. cau. 15. qu. 7., & similia propemodum edidit Mercator in epist. 1. Zephirini ad Episcopos Siciliæ, in epist. 2. Fabiani ad Episcopos Orientales, & in epist. 8. Pelagii II. ad Episcopos, qui illicita vocatione Johannis Constantinopolitani ad Synodum conveniant. Præterea nonnulla ibidem deprompta videntur ex can. 9. Concilii Chalcedonensis, quem legimus apud Gratianum in can. 46. cau. 11. qu. 1., nonnulla etiam ex can. 9. Concilii Carthaginensis vulgo 3., ubi postquam definitum est Clericos iudices sibi eligere debere Conclericos suos, subicitur: *cum privatorum Christianorum causas Apostolus ad Ecclesiam deferri, atque ibi determinari præcipiat, uti legimus in can. 43. cau. 11. qu. 1. in fine.* Demum quæ de causis difficilioribus traduntur in dicto can. 3. cau. 2. qu. 6. videntur in parte deprompta ex epistola Leonis Magni ad Anastasium Thessalonicensem, quæ est 84. in vulgatis codicibus, & 12. in editione Quæfnellii cap. 1., & 7., ad quod refertur canon 2. dist. 18. apud Gratianum.

Canon 2. cau. 3. qu. 4. habetur fere in principio ejusdem epistolæ; sed in prioribus verbis non omnino consonant codices universi; ubi enim vulgati, & Gratianus habent: *Beatus Prædecessor noster Clemens*, nonnulli legunt: *Beati Apostoli, & Prædecessor noster Clemens*. Porro, quæ ibidem Clementi tribuuntur, repetere quisque poterit ex can. 5. cau. 6. qu. 1., is enim est Pseudoclementis locus, ad quem referre se voluit auctor epistolæ Anacleti, qui propterea vel ex hoc egregium se deceptorem exhibuit. Ceterum nonnulla hoc in loco expressa videntur ex Aniano

ad interpretationem legis 1. Cod. Theodos. de Apollatis ibi: *ut testandi licentia denegeretur, qui Christianæ Religionis, & nominis dignitatem neglexerint.* Quibus verbis lidorus Mercator non tam uti voluit in consarcinanda hac Anacleti epistola, sed etiam in epistola 2. Eutyriani ad Episcopos Siciliæ, & in epist. 1. Felicis 2. ad Aegyptios. Apud Eutyrianium hæc leguntur: *Omnibus quoque similiter accusandi, vel testificandi licentia denegetur, qui Christianæ Religionis, & nominis dignitatem, & suæ legis, vel sui propositi normam, aut regulariter prohibita neglexerint.* Apud Felicem hæc habentur: *Ut testificandi, vel accusandi licentia denegetur his, qui Christianæ Religionis, & nominis dignitatem, & suæ legis, vel sui propositi normam, aut regulariter prohibita neglexerint.*

Postquam auctor hujus epistolæ fuso stilo improbaverit Episcoporum accusationes, hæc subjicit: *Si autem omnia in hoc sæculo vindicata essent, locum divina judicia non haberent; supervacuis enim ad beneficia laborat impenditis, qui solem certas facibus adjuvare. Ideo si aliquis putat se Deo in hoc placere, quod servus suos accusat, & ut meliores fiant, dicit se hoc agere, in vanum laborat, & plus invidiæ stimulis agitur, quam charitatis; quoniam gratiæ plenitudo adjunctione non indiget, nec ulla requirit commendationis augmenta.* Gratianus hæc retulit in canonem 7. cau. 6. qu. 1., cujus sententia publico bono, & societatis humanæ incolumitati, si generatim accipitur, adversatur. Quis enim sponte non videat, hinc adeo effrenem delinquendi facultatem pravissimo cuique homini relinqui, quoties impunita humano judicio crimina sunt, ut nihil sanctum superfit, quod non temeretur, ac nefarie violeto? Timenda sunt, fateor, & quidem potissimum divina judicia: quid tamen, si improbi homines etiam in eo gravissime peccant, quod divina judicia, quæ ex cæcitate mentis forte non noverint, aut vix perceperint, non expavefcunt? sed video, quibus abusus fuerit verbis epistolæ auctor; videlicet Ennodium imitari studuit, imo & ejusdem verba usurpavit, quæ habentur in lib. 2. epist. 19. ad Constantium ibi: *Quæ est ista libertas, si vales, edisserat, ubi hoc datur solum velle, quod puniat, aut quare electionem nominet, ubi unam tantum partem asserit fuisse concessam? Quod si veritate subsisteret, locum divina judicia non haberent. Quid enim boni a nobis Deus noster velle quæreret, qui appetentiam ejus de voluntate subtraxerat? Et epist. 22. ad Faustum: Supervacuis ad beneficia laborat impenditis, qui solem certas facibus adjuvare: gratiæ plenitudo adjunctione non indiget: nec ulla requirit commendationis augmenta, quem ad amicitiarum cumulum merita pertulerunt.*

Solemnitates illæ, quæ præscribuntur in canone 59. de consecr. dist. 1., non obscure indicant epistolam hanc eandem, ex qua ille depromptus est, Anacleti nullo modo esse posse. Qua enim ratione officia Ecclesiarum ita distribui poterant eo tempore, quo necesse potius habebant fideles, ut in recessus se se abducerent, aut in latebris secretissimis civitatum sacra celebrarent? quod autem ibidem dicitur, ministros Episcopi lateri adstantes custodire illum debere a malevolis hominibus, parum cum recta ratione consonat, immo nec consonat cum integra Anacleti sententia. Fingitur enim in primis Episcopus Ministrorum Sacrorum, non secus ac milium, corona vallatus; deinde ministri ipsi tali vultu, & oris habita depinguntur, ut præni esse debeant, contrito corde, & spiritu humiliato. Ex hoc Pseudo-Anacleti fragmento vulgatum illud prodixisse arbitror, Diaconos, ac præsertim Diaconorum Principem, qui Archidiaconus dicitur, tanquam Episcopi oculos con-

siderari, quemadmodum etiam deceptor asseruit in epistola Clementis 1. ad Jacobum, cujus fragmentum est in can. 6. dist. 93.

Can. 10.
de conf.
dist. 3.

Jure optimo a Romanis Correcoribus redactus est ad hanc PseudoAnacleti epistolam canon 10. de conf. dist. 2., quemadmodum laudari apud Burchardum noverant in cap. 77. lib. 3. Revera nemo non videt pertinere ipsum ad canonem. 59. de conf. dist. 1., & utrumque ex eodem loco depromptum esse. Quod vero ibi dicitur, ab Apostolis fuisse statutum, ut omnes perfecta consecratione communicent, videtur referendum ad canones vulgo Apostolicos 9., & 10., qui juxta Dionysium Exiguum ita habent. *Siquis Episcopus, aut Presbyter, aut Diaconus, vel quilibet ex Sacerdotali catalogo, facta oblatione, non communicaverit, aut causam dicat, ut si rationabilis fuerit, veniam consequatur; aut si non dixerit, communione privetur, tanquam qui populo causa lectionis extiterit, dans suspensionem de eo, qui sacrificavit, quod recte non obtulerit. Omnes fideles, qui ingrediuntur Ecclesiam, & scripturas audientes, non autem perseverant in oratione, nec sanctam communionem percipiunt, velut inquietudines Ecclesie commoventes, convenit communione privari.* Hic autem canon Apostolis adscriptus non alius sane est, quam qui in Antiocheno Concilio editus est num. 2. ibi: *Omnes, qui ingrediuntur (sequor Dionysium interpretem) Ecclesiam Dei, & Scripturas Sacras audiunt, nec communicant in oratione cum populo; sed pro qualiam intemperantia se a perceptione sacre communionis avertuunt, hi de Ecclesia removeantur, quamdiu per confessionem penitentia fructus ostendant &c.*

De epistola 2.

Anacletus Episcopus universis Episcopis in Italia constitutis: ita sese habet inscriptio epistolæ 2. Anacleto tributa, quam tamen facile ab Anacleto viri eruditi gravissimis argumentis abjudicant. Est enim illa contexta ex variis veterum Patrum fragmentis, Damasi, Hieronymi, Augustini, Gregorii Magni, Isidori Hispalensis, aliorumque perperam confarcinatis, quibus intermixta sunt quædam ab Anacleti ætate, sicut a recta ratione, veterumque omnium fide prorsus aliena. Singula heic initio non memoro, quæ absurda videri omnibus possent; facile enim vel ex ipsis Gratiani canonibus modo expendendis constabunt.

Ex hac epistola depromptum scimus canonem 2. dist. 21., in quo & maximi Pontificatus, & inferioris Episcopatus, & Presbyteratus exordia traduntur. Et quidem in ea parte, in qua dicitur Episcopos in locum Apostolorum successisse, nihil est, quod quisquam reprehendat, cum apud omnes Ecclesie Patres id testissimum sit: verum in expendenda & Summi Pontificatus, & Presbyteratus institutione longe a veritate aberravit, qui hanc epistolam nomine Anacleti composuit. In primis enim, ubi ostendit Apostolos omnes pari consortio cum Petro honorem, & potestatem accepisse, subdit Apostolos ipsos sibimet veluti Principem constituisse Petrum, quasi Petri Primatus non ex Divina, sed ex Apostolica potius lege constitutus primum fuerit, contra quam antiquissima Ecclesiarum omnium traditio doceat. Deinde quid minus aptum afferri poterat, ubi sermo faciendus erat de origine Presbyterorum, quam dicere, illos in vicem septuaginta duorum discipulorum Christi Domini fuisse institutos? Sane discipulos Christi septuaginta duos Presbyteratus ordine nunquam insignitos fuisse, vel ex eo facile colligitur, quod, uti Bi-

nus

nus rectissime animadvertit, Philippus, & Stephanus, nec non alii quinque Diaconi ab Apostolis actor. 6. ordinati, erant ex numero eorundem discipulorum, testante Epiphanio haresi 20. Quomodo autem fuissent Diaconorum ordini adscripti, qui jam inter Presbyteros locum habuissent? At si Presbyteri constituti non erant, nec idem erat inter Presbyteros recenferi, ac recenferi inter discipulos, qua ratione dixisset Anacletus Presbyteros in locum discipulorum successisse? Hac in parte arbitror epistolæ auctorem voluisse ad Presbyteros generatim protrahere, quæ a Concilio Neocæsarensi canone penult. de Chorepiscopis dicta sunt ibi: *Chorepiscopi quoque ad exemplum quidem, & formam septuaginta videntur esse: ut comministri autem propter stultitiam, quod erga pauperes exhibent, honorentur.* Nonnulla præterea in hunc canonem derivata sunt ex lib. 2. de offic. Eccles. cap. 5. Isidori Hispalensis ibi: *In novo autem Testamento post Christum Sacerdotalis ordo a Petro Apostolo capis: ipsi enim primus datus est Pontificatus in Ecclesia Christi.* Sic enim loquitur ad eum Dominus: *Tu es (inquit) Petrus, & super hanc petram ædificabo Ecclesiam meam, & portæ inferi non prævalebunt adversus eam; & tibi dabo claves regni celorum.* Hic ergo ligandi, solvendi que potestatem primus accepit, primusque ad fidem populum virtute suæ prædicationis adduxit; Siquidem & ceteri Apostoli cum Petro par consortium honoris, & potestatis acceperunt, qui etiam in toto orbe dispersi Evangelium prædicaverunt; quibusque decedentibus successerunt Episcopi, qui sunt constituti per totum mundum in Sedibus Apostolorum. Et in cap. 6. Chorepiscopi, idest Vicarii Episcoporum, juxta quod canones ipsi testantur (referenda hæc sunt ad memoratum canonem Neocæsarensis) instituti sunt ad exemplum septuaginta seniorum tamquam Sacerdotes propter sollicitudinem pauperum. Notatu digna arbitror hæc Isidori verba: *ad exemplum septuaginta seniorum*, quibus clarius canonem Neocæsarensis expressit Sanctus Hispalensis Antistes; non enim de Chorepiscopis ita loquuti sunt Neocæsarenses Patres, quasi Chorepiscopi successissent in locum 72. discipulorum Christi Domini; etenim discipuli Christi Domini in numerum Sacerdotum relati non fuerant, uti nuper cum Binio observabam; sed referenda sententia est ad illos septuaginta seniores, quos Deus Optimus Maximus ad populi Judaici regimen assumendos Moysi præscripsit, Numerorum cap. 11. ibi: *Dixit Dominus ad Moysen. Congrega mihi septuaginta viros de senibus Israel, quos tu nosti, quod senes populi sint, ac magistri: & dices eos ad ostium tabernaculi sæderis, faciesque ibi stare tecum; Ut descendam, & loquar tibi, & auferam de spiritu tuo, tradamque eis, ut sustentent tecum onus populi, & non tu solus graveris.* Porro nemo non videt in dicto canone 2. auctorem epistolæ Anacleti, non tam verbis Isidori usum fuisse, quam abusum, eadem quidem fere verba imitando, sed nonnulla adeo varie describendo, ut integram, optatamque Isidori sententiam corrumpere; neque enim apud Isidorem legimus; aut Primatum Petri a ceteris Apostolis fuisse institutum, aut Presbyteros in locum seniorum successisse, sed Chorepiscopos, aut agi de septuagintaduobus discipulis Christi Domini, sed potius de septuaginta senioribus, quos in Moysi auxilium Deus designandos jusserat. Unum adhuc restat, quod observemus in illis Gratiani verbis: *prætaxato debet fieri ordine*, etenim in pluribus editionibus legitur: *prætaxato debet fieri ordine*. Si verborum significationem consideremus, eadem esse videtur utrobique sententia, qua præscribitur ordinationem Sacerdotum ea ratione fieri debere, qua superius cautum fuerat. Quod autem superius cautum erat, legimus in can. 11. dist. 79., & can. 1. cau. 6. qu. 1., de quibus inferius agam.

Can. 18.
dist. 45.

Canon 18. dist. 45. in eadem epistola legitur prope finem, in ea scilicet parte, qua fingitur Anacleus Episcopus omnes hortari, ut veram sequantur sapientiam, & rectam doctrinam populis tradant. Ad hanc rem auctor epistolæ usus est verbis Apostoli Pauli Titum alloquentis in epist. 1. cap. 1. *Oportet Episcopum sine crimine esse . . . non percussorem . . . , sed hospitalem . . . amplectentem eum, qui secundum doctrinam est, fidelem sermonem, ut potens sit exhortari in doctrina sana, & eos, qui contradicunt, arguere.* In epistola Anacleti hæc leguntur: *ideo & docere alios, & nos ipsos (prout Dominus dederit) providere debemus. Sane percussor ille doctor dicitur, qui sermone inutili conscientiam percussit infirmorum, ideo tenere vos, & omnes fideles oportet, eum, qui secundum doctrinam est, fidelem sermonem, ut potens sit consolari in doctrina sana, & contradicentes redarguere, & recte viventes, atque rectam fidem tenentes consolidare.* Interpretatio illa epistolæ Pauli, juxta quam percussoris nomine is intelligitur, qui sermone inutili conscientiam percussit infirmorum, ex S. Hieronymo deprompta est ad dictum cap. 1. epistolæ ad Titum.

Can. 2.
dist. 64.
Ecan. 1.
dist. 75.

Quæ Gratianus mutilata retulit in can. 2. dist. 64., eadem integra descripsit in can. 1. dist. 75. Habetur autem hæc sententia in hac Anacleti epistola fere in principio, ejus auctor imitari studuit constitutionem Concilii Nicæni can. 4. ibi: *Episcopum convenit maxime quidem ab omnibus, qui sunt in provincia, Episcopis ordinari. Si autem hoc difficile fuerit, aut propter instantem necessitatem, aut propter itineris longitudinem, tribus tamen omnimodis in idipsum convenientibus, & absentibus quoque pari modo decernentibus, & per scripta consentientibus; tunc ordinatio celebretur. Firmitas autem eorum, quæ geruntur, per unamquamque provinciam Metropolitanis tribuatur Episcopo. Qui epistolam Anacleti composuit, recessisse videtur a disciplina veteris Ecclesiæ, quæ Metropolitanis onus novæ Episcoporum celebrandæ electionis imposuerat, uti constat ex postremis verbis nuper relati Nicæni canonis; etiam ille statutum ab Anacleto voluit, ut ordinationes Episcoporum auctoritate Apostolica celebrarentur. Sane olim non fuisse necessariam, universa propemodum vetusta monumenta docent; Hinc in Synodo Chalcedonenſi actione 2. Stephanus Episcopus Ephesus ostensus fæ canonice electum ait: *Me quadraginta Episcopi Aſiani ſuffragio clariffimorum & Primatum, & totius reverendiſſimi Cleri, & omnis civitatis ordinaverunt; & S. Cyprianus in epist. 68. ita describit generalem Episcopaliū electionum formam: Diligenter de traditione Divina, & Apostolica observatione observandum est, & tenendum, quod apud nos quoque, & fere per provincias universas tenetur, ut ad ordinationes rite celebrandas ad eam plebem, cui Præpositus ordinatur, Episcopi ejusdem Provinciæ proximi quique conveniant, & Episcopus eligatur plebe præſente, quæ ſingulorum vitam pleniffime noſcit, & uniſcujuſque aſſum de ejus converſatione perſpexit. Quod & apud vos ſæſum videmus in Sabini Collegæ noſtri ordinatione, ut de univerſæ fraternitatis ſuffragio, & de Episcoporum, qui in præſentia convenerant, quique de eo ad vos literas fecerant, judicio, Episcopatus ei deferretur, & manus ei in locum Baſilidis imponeretur.* Illud forte ad hanc rem dici poſſet, Anacleti diſciplinam ſingulari eſſe ſolius Italiæ, cujus ad Episcopos epistola hæc ſcripta erat. Verum, ſi jam Italia Anacleti tempore in plures erat diviſa provincias, id aſſerere non audeſſem, niſi authentica ad hanc rem demonſtrandam adparerent monumenta. Sed & alia exoptarem authentica monumenta, quibus probare omnino poſſem, quod ſubdiſtur a Pſeudo-Anacleto de ſacra unſione more Apoſtolorum, & Moſis, exemplo etiam Prophetarum, & Regum in Sacris ordinationibus adhibita, ea ſuper adjecta incomta loquendi*

loquendi formula: *quia omnis sanctificatio constat in Spiritu Sancto, cujus virtus invisibilis Sancto Chrismati est permixta.*

Post verba dicti canonis 1. dist. 75. hæc statim sequuntur cum memorato Nicæno canone 4. plurimum convenientia: *Quod si simul omnes convenire minime poterunt, assensum tamen suis precibus præbent, ut ab ipsa ordinatione animo non desint.* Porro & Hierosolymitarum primus Archiepiscopus &c. Hic est canon 2. dist. 66. in quo ex vetustis exemplaribus legendum erit: *dantibus formam eorum, ut non minus &c.* Etenim Gratianus omisit vocem *eorum*. Sed ista de ordinatione Jacobi descripta puram, putamque fabellam continere. Quis enim in sacra jurisprudentia etiam hospes sibi persuadere possit, Jacobum jamdiu a Chritomet ipso inter Apostolos habitum, ordinatum deinde fuisse in Episcopum a tribus Coapostolis Petro, Jacobo altero, & Johanne? Sane Jacobum a Christo Domino Episcopatus sui potestatem accepisse testantur veteres Patres, Epiphanius hæresi 78., Hieronymus ad Galatas cap. 1., Eusebius lib. 7. cap. 14., Chrysostronus in acta homil. 3., & in 1. Chor. homil. 38., & Gregorius Turonensis histor. lib. 1. cap. 27. Quod si licet adversus auctorem apocrypharum epistolarum apocryphis etiam monumentis contendere, quid contra non probat auctor recognitionum Clementis lib. 1. ibi: *Ecclesia Domini in Hierusalem constituta copiosissime multiplicata crescebat per Jacobum, qui a Domino ordinatus est in Episcopum relictissimis dispensationibus gubernata.*

Statim inde subsequitur in epistola Anacleti canon 1. dist. 67., quo tamen Gratianus non omnino integre demonstrare potuit, quod demonstrandum intenderat, videlicet & Presbyteros, & Chorepiscopos ab uno tantum Episcopo posse ordinari; etsi enim de Presbyteris sermo instituitur in canone 1., & sequenti, nihil tamen simile de Chorepiscopis statutum adparet. Sententia hæc videtur a deceptore deprompta ex canone 2. ex vulgo Apostolicis ibi: *Presbyter ab uno Episcopo ordinetur, & Diaconus, & reliqui Clerici.* Postrema autem pars hujus capituli, qua traditur Clericos infra Diaconorum gradum constitutos, tribus tantummodo testimonium præbentibus olim potuisse ordinari, videtur adversari canon 22. Concilii Carthaginensis 4. ibi: *ut Episcopus sine consilio Clericorum suorum Clericos non ordinet, ita ut civium conviventiæ, & testimonium quærat.* Est canon 6. dist. 24.

Jungendi simul erunt Gratiane canon 11. dist. 79., 6. dist. 84., & 1. cau. 6. qu. 1., omnes enim in hac Pseudo-Anacleti epistola ita leguntur: *Ejectionem quæque, ut supra memoratum est, summorum Sacerdotum (intellige Episcoporum, quemadmodum ex integro contextu deducitur) sibi Dominus reservavit (est hic canon 11. dist. 79.), licet electionem eorum bonis Sacerdotibus, & spiritualibus populis concessisset.* Electionem enim illorum taliter Apostolus fieri jubet; *quis sine crimine est, unius uxoris virum, filios habentem fideles, non in accusatione luxuriæ, aut non subditos, & reliqua.* Si enim sine crimine Sacerdos eligi præcipitur, (hic est canon 1. cau. 6. qu. 1.) nullatenus ab hominibus, criminibus irretitis, accusari, aut calumniari permittitur; nec ab aliis, quam ab his, qui sine crimine sunt, & juxta electionem, si necessitas fuerit, aut ipsi volendo Domino servire elegerint, Sacerdotesque sine crimine fieri, & ordinari possint, & tales per omnia fuerint, quales eligi Sacerdotes jubentur. Porro & Moysi præcipitur (hic est canon 6. dist. 84.), *ut eligas Presbyteros; unde & in proverbis dicitur: gloria senum canities.* Hæc vero canities sapientiam designat, de qua scriptum est, *canities hominum prudentia est.* Cumque nongentos, & amplius annos ab Adam usque ad Abraham vixisse homines legerimus, nullus alius prius appellatus est Presbyter, idest

Can. 2.
dist. 66.

Can. 1.
dist. 67.

Can. 11.
dist. 79.
Can. 6.
dist. 84.
Can. 1.
cau. 6.
qu. 1.

ideſt ſenior, niſi Abraham, qui multo paucioribus vixiſſe annis convincitur. Non ergo propter decrepitam ſenectutem, ſed propter ſapientiam Presbyteri nominantur. Sic integram tradiſi ſententiam, non tam ut diſjuncti Gratiani canones rurſum una conſtitarent, quam ut depravata Gratiani editio emendaretur. Verum, quod magis obſervandum eſt, illud adparet, fragmenta iſthæc vel a generalibus ſacrorum canonum regulis deſectere, vel, ubi non deſectunt, ex aliorum veterum Patrum laciniis eſſe contexta. In primis enim æquis non videat & præcipuis ſacrorum canonum regulis, & inveteratæ Eccleſiæ univerſæ conſuetudini, ac diſciplinæ adverſari, quæ leguntur in dicto can. 11. diſt. 79., videlicet Episcoporum ejectionem divino iudicio reſervatam eſſe? Num aut Pontifices Maximi, aut Provincialia olim Concilia, aut etiam Generalia hac poteſtate caruerunt, ubi aut Eccleſiarum neceſſitas, aut utilitas improbos Episcopos deſiciendos exigeret? Sane parum fuit in Eccleſiaſticiſti monumentis verſatus, qui huiusmodi ſententias atroxit. Quod ſi rationem conſideremus, qua auctor epistolæ dicta ſua comprobabat, quæque habetur in dicto can. 1. cau. 6. qu. 1., clarius etiam liquebit, quam inania ſint huiusmodi monumenta. Ideo enim nuſpam ejiciendos eſſe Episcopos dicitur, quia ex Apoſtoli Pauli præcepto nonniſi optimi, integerrimæque vitæ homines ad Episcopatum ſunt promovendi; quaſi aut humana iudicia adeo ſemper certa ſint, ut error in electionibus admitti nequeat a Clericis, & populis, iſque revera juſtiſſimus ſemper ſit, qui pro juſtiſſimo viro habetur; aut homo ſemel juſtus, ab juſtitia unquam declinare non poſſit, ut deſcendi a gradu ſuo mereatur. Si ita eſſet, cur non Neſtorius, non Euſebius Nicomediænſis, non ceteros hæreticorum Antefignanos Episcopos, a quibus antiquitas ſacra ſemper abhorruit, pro viris ſanctiſſimis haberemus? Quod demum reſeritur in can. 6. diſt. 84. ex libris Iſidori Hiſpalenſis depromptum eſt; ita enim Doct̃or eximius ſcribit in lib. 2. de Offic. Eccleſiaſt. cap. 7. in fine: Presbyteri autem merito, & ſapientia dicuntur, non ætate. Nam Moſi præcepit Deus, ut eligat Presbyteros, unde & in proverbiiſ dicitur, gloria ſenum canities. Quæ eſt hæc canities? baud dubie, quin ſapientia, de qua ſcriptum eſt: canities hominum prudentia eſt. Cumque nongentos, & amplius annos ab Adam uſque ad Abraham vixiſſe homines legamus, nullus alius appellatus eſt prius preſbyter, ideſt ſenior, niſi Abraham, qui paucioribus annis vixiſſe convincitur. Non ergo propter decrepitam ſenectutem, ſed propter ſapientiam Presbyteri nominantur. Quod ſi ita eſt, miror, cur inſipientes conſtituantur.

Can. 1.
diſt. 99.

Canon 1. diſt. 99. ad hanc eandem epistolam pertinet, & quidem eiſdem omnino verbis. Aſt nonnulla ibidem congeruntur ab Anacleſi temporibus penitus aliena. Provincias quidem Romano populo ſubditas multo ante Chriſti adventum diviſas fuiſſe, ut ſingulis ſinguli Præſides præficerentur, nemo ignorat; immo juxta varietatem temporum varia quoque fuit provinciarum diſtributio, quemadmodum erudite tradit Sigonius in lib. 2. de antiquo jure provinciarum cap. 1. Num vero hæc diviſio renovata ab Apoſtoliſ fuerit, & B. Clemente, nemo facile ſibi perſuaſerit; niſi forte id ita intelligatur, ut Apoſtoli, eoſque ſequentes Pontifices Maximi Episcopos ibi inſtituere conſueverint, ubi major civitas eſſet, præſertim ibi, ubi Præſides provinciarum morabantur; immo etiam decurſu temporis Metropolitanani conſtituti fuerint ad provinciarum regimen pluribus ordinatis Episcopis in eadem provincia, ſequendo diviſionem provinciarum, qualis a Romano populo facta jampridem fuerat. Verumtamen mentio illa Regum Anacleſi temporibus minime con-

convenit; cum imperio Romani populi provinciarum singulorum subderentur. Præterea idipsum dicendum erit de mentione Patriarcharum, Primatum, & Comitum. Porro Patriarcharum nomen, & dignitas primum obtinuisse videtur apud Montanistas sub finem quarti Ecclesiæ sæculi, quemadmodum perspicue colligitur ex Hieronymo epist. olim 54. ad Marcellam ibi: *Apud nos Apostolorum locum Episcopi tenent, apud eos (Montanistas) Episcopus tertius est: Habent enim primos de Pepusa Phrygiæ Patriarchas, secundos, quos appellant Cenonas, atque ita in tertium, idest pene ultimum locum Episcopi devolvuntur, quasi exinde ambitiosior religio fiat, si quod apud nos primum est, apud illos novissimum sit.* Baronius ad annum 533. §. 36. notat peculiare fuisse Gorhis, ut Metropolitans Patriarcharum nomine donarent, quod & de Vandalis asserit ad annum 570. §. 10. Primates Anacleti temporibus nec dum instituti fuerant; immo sunt ex eruditis, qui demonstrant Primatum primam mentionem factam legi in Carthaginensi Concilio vulgo 2. sub finem quarti sæculi celebrato can. 12. quo tamen tempore nomine Primatum apud Africanos Episcopi ætate seniores intelligebantur, non illi, quos fux civitatis dignitas ad altiorem gradum evehere quoquo modo poruisset, uti constat facile ex S. Augustino epist. 217., & 261. Demum mentio Comitum ab Anacleti temporibus dissonat; etenim, uti recte animadvertit Garfias Loaisa in Concilio Toletano 8., primus Comitum dignitatem instituit Adrianus Imperator, cujus imperii exordium incidit in annum 119., cum videlicet Adrianus Senatui quemdam domesticum habere cœpisset, qui Comitatus Cæsaris dictus est, ea de causa, quod Senatores in illud collegium redacti comitarentur Principem peregre proficiscentem, eundemque consilio tum in bello, tum in pace adjuvarent. Ita refert Spartianus in Adriano, ex quibus luculentius semper colligi potest, epistolam hanc, ac propterea etiam dictum canonem 1. dist. 99., falso Anacleto Papæ adscriptam esse.

Canon 15. cau. 2. qu. 7. ita restituendus est ex integris exemplaribus huius epistolæ. *Accusatio quoque eorum, super qua nos consulere voluistis, nonnisi ab idoneis, & probatissimis viris, qui & suspicionibus, & sceleribus careant, fieri debet; quia Dominus Sacri sui Corporis tractatores a vilibus, & reprobis, ac non idoneis personis infamari noluist, nec calumniari permisit: sed ipse proprio flagello peccantes Sacerdotes a templo ejecit; unde liquet, quod Summi Sacerdotes, idest Episcopi a Deo sunt iudicandi, non ab humanis, aut prave vitæ hominibus lacerandi, sed potius ab omnibus fidelibus portandi, ipso Domino exemplum dante, quando per se ipsum, & non per alium vendentes, & ementes ejecit de templo, & mensas nummulariorum, & cathedras vendentium proprio evertit flagello, & ejecit de templo; & sicut alibi ait: Deus struit in Synagoga Deorum; in medio autem Deos decernit, & alibi: ego dixi Dii estis, & filii excelsi omnes. Nullus enim (ut reor) invenitur inter nos, qui vellet suum servum ab alio, quam a se iudicari. Quod si præsumtum fuerit, aut multa ipse indignatione irascitur, aut potius ultionem querit super eum. Si vero hoc inter homines agitur, quid putatis faciet Deus Deorum, & Dominus Dominantium, qui ultionem suorum promisit non differre servorum? Unde & ipse per Prophetam loquitur dicens, Deus ultionum Dominus, Deus ultionum libere egit &c. & Apostolus inquit: Tu quis es, qui iudicas servum alienum? Suo enim Domino stat, & cadit. Et ipse: nolite iudicare invicem, sed hoc iudicate magis, ne ponatis offendiculum fratri, vel scandalum: & Dominus per Prophetam inquit, qui vos tangit, tangit pupillam oculi mei. Nam si aliquis nunc in malum oculos alicujus principis incipit trahere, manifeste reus Majestatis iudicatur, & infamis efficitur, aut po-*

Can. 15.

cau. 2.

qu. 7.

tius capitali sententiæ subjacet; Hæc, fratres, valde cavenda sunt, & quod homines nolunt sibi fieri, Deo Deorum non debent inferre, ne forte irascatur Dominus, & faciat vindictam eorum, etiam in eos, qui non peccaverunt, quia peris sepiissime iustus pro impio. Imitandus est etiam Propheta, per quem Dominus ait, perambulabam in simplicitate cordis mei, in medio domus meæ. Non ponam coram oculis meis verbum Belial; Loquentem in abscondito contra proximum suum, hunc interficiam; & hi cavendi sunt, de quibus Salomon ait, sicut noxius est, qui mittit lanceas, & sagittas in mortem, sic vir, qui fraudulenter nocet amico suo, & cum fueris deprehensus, dicite, ludens feci. Sicut carbonem ad prunas, & ligna ad ignem, sic homo iracundus suscitatur rixas. Verba susurrionis quasi simplicia, & perveniunt ad intima ventris. Et si detractores quorumcumque graviter judicantur, & in perditionis laqueum cadunt, multo magis laceratores, & detractores, atque accusatores memoratorum Dei famulorum, atque persecutores damnantur, & in barathrum, nisi se correxerint, & per eorum satisfactionem condignam egerint penitentiam, indubitanter vadunt, & vindicibus flammis exuruntur. Quapropter oportet ab his cavere, & non solum non facere, sed nec facientibus consentire, quia non solum qui faciunt damnantur, sed qui consentiunt facientibus. De talibus, & his similibus ipsa veritas ait: Vulpes foveam habent, & volucres cæli nidos, filius autem hominis non habet, ubi caput suum reclinet, id est in talibus non habitat Dominus, nec ipsi manent in eo. Et Salomon loquitur dicens: qui fodit foveam, incidet in eam, & qui voluit lapidem, revertetur ad eum: lingua fallax non amat veritatem, & os lubricum operatur ruinas. Grave est saxum, & onerosa arena, sed ira stulti, utroque gravior. Hominem, qui calumniatur animæ sanguinem, si usque ad lacum fugerit, nemo sustinet. Qui se jactat, & dilatat, jurgia concitat. Qui sperat in Domino, salvabitur. Qui confidit in corde suo stultus est, qui autem graditur sapienter, ipse laudabitur. Qui fortiter premit ubera ad eliciendum lac, exprimit butyrum. Qui vehementer emungit, elicit sanguinem, & qui provocat iras, producit discordias. Hæc, & alia periculosa considerantes Apostoli, statuerunt, ne facile commoverentur, aut lacerarentur, vel accusarentur columnæ Sanctæ Dei Ecclesiæ, quæ Apostoli, & Successores eorum non immerito dicuntur. Sed si quis adversus eos, vel Ecclesias eorum commotus fuerit, aut causas habuerit, prius ad eos recurrat charitatis studio, ut familiari colloquio commoniti, ea fiant, quæ sananda sunt, & charitative emendent, quæ iuste emendanda agnoverint. Si autem aliqui eos, priusquam hoc egerint, lacerare, accusare, aut infestare præsumserint, excommunicantur, & minime absolvantur, antequam per satisfactionem (ut jam dictum est) condignam egerint penitentiam, quoniam injuria eorum ad Christum pertinet, cujus legatione funguntur. Integræ descripsi auctoris epistolæ sententiam, ad quam Gratiani canon omnino referri possit. Sane quæ hoc loco traduntur, illa sunt, quibus Pseudoanacletus viam sibi sternebat, ad ea, quæ paulo post tradidit de Episcopis humana auctoritate non deiciendis, quæque habentur in can. 11. dist. 79. Ceterum appareat, eundem abusum esse iis, quæ Isidorus Hispalensis asseruit in cap. 39. lib. 3. sententiarum ibi: Reiores ergo a Deo iudicandi sunt, exemplo Domini, qui per se vendentes columbas, & nummulariorum mensas proprio evertit flagello, & projecit a templo; vel etiam, sicut dicit Psalmista, Deus stetit in Sinagoga Deorum, in medio autem Deos discernit. Item abusus est verbis Concilii Aurelianensis 5. cap. 17. ibi: Placuit etiam, ut si quæcumque persona contra Episcopum, vel alios Ecclesiæ se proprium crediderit habere negotium, prius ad eum recurrat charitatis studio, ut familiari additione commonitus, sanare ea debeat, quæ in querimoniam deducuntur, &c. Omitto illa

illa Scripturæ Sacræ monumenta, quæ ibidem describuntur, non ex antiqua interpretatione, sed potius ex versione Hieronymi, quæ omnia luculentissime semper ostendunt, quam perperam huiusmodi fragmenta Anacleto tributa fuerint.

De epistola 3.

Quæ rationes aperte demonstrant priores duas epistolas falso Anacleto tributas fuisse, ex ferme omnes abunde etiam demonstrant, eidem Anacleto falso tribui epistolam tertiam ita inscriptam: *Anacletus Servus Christi Jesu in Apostolica sede a Domino constitutus, & a S. Petro Apostolorum Principe Presbyter ordinatus, omnibus Episcopis, ac reliquis Christi Sacerdotibus, salutem*: etenim in hac Primatum Ecclesiasticorum mentio fit, ac Patriarcharum, quod nomen posteriore demum ætate, in Ecclesia invaluisse superius diximus; item dicitur ibidem Presbyteros in locum septuaginta Christi Discipulorum, quemadmodum Episcopos in vicem Apostolorum, successisse, quod falsum esse superius ostendimus, cum probaremus septuaginta Discipulos Sacerdotii prærogativa nunquam fuisse functos, quod sciamus in electione septem Diaconorum ab Apostolis facta, in Diaconos tunc primum fuisse electos aliquot ex ipsis Discipulis, uti refertur in actis Apostolorum cap. 6. Quid propterea memorem auctorem hujus epistolæ vulgata Sancti Hieronymi versione usum fuisse, item nihil aliud antiquius habuisse, quam illa omnia recantare, quæ passim in omnibus ferme Mercatoris epistolis legimus? Quid memorem silentium veterum Scriptorum, & stilum omnino barbarum, quorum omnium causa huiusmodi epistolæ ab cruditis universis hodie rejiciuntur? Sunt hæc omnibus Mercatoris epistolis communia, in quibus longiore stilo recensendis actum agere viderer. Illa sufficiens attingere, quæ in ipsis Gratiani fragmentis obvia habebantur.

Initio epistolæ, postquam traditum fuit Episcopos locum Apostolorum occupare, *Can. 3. dist. 80.*
& Presbyteros tenere locum 72. Discipulorum, ita subjicitur: *Episcopi autem non in castellis, aut modicis civitatibus debent constitui, sed presbyteri per castella, & modicas civitates, atque villas debent ab Episcopis ordinari, & ponti, singuli tamen per singulos titulos suos. Et Episcopus non ab uno, sed a pluribus debet Episcopis ordinari, & (ut dictum est) non ad modicam civitatem, ne vilescat nomen Episcopi, aut alicubi, sed ab honorabilem urbem titulandus, & denominandus est. Presbyter vero ad quemcumque locum, vel Ecclesiam in eo constitutam est præficiendus, atque in ea diebus vitæ suæ duraturus. Amplius quam isti duo ordines Sacerdotum nec nobis a Deo collati sunt, nec Apostoli docuerunt. Plura sunt in hoc canone, quæ ab Anacleto ætate proflus sunt aliena: Ita enim de Ordinibus Ecclesiasticis statuitur, quasi jam Anacleto tempore Parochiæ institutæ fuissent, singulisque civitatibus ita singuli Episcopi assignati, ut & Diocæseon singularum, & Parochiarum fines adpareant. Quis autem ignorat Parochiarum, & Parochorum institutionem recentiori ætati tribuendam fore? Præterea auctor hujus epistolæ perspicue videtur usus fuisse canonibus recentiorum Conciliorum; Nam in Concilio Laodiceno can. 57. ita definitum est: *Quod non oporteat in villis, vel agris Episcopos constitui, sed visitatores, cui consonat canon 6. Concilii Sardicensis.**

Post relata epistolæ verba progreditur auctor ad designandas varias Episcoporum rationes, Primatum scilicet, Patriarcharum, Archiepiscoporum, aut Metropolit. *Can. 2. dist. 22.*
— *Tom. II.* *B* *tanorum*

tanorum, & subdit: *Hec vero Sacrosancta Romana, & Apostolica Ecclesia* (hic est canon 2. dist. 22., quem integrum hoc loco referam, quod nonnulla a Gratiano omissa fuerint, nec omnia a Romanis Correctoribus restituta) *non ab Apostolis, sed ab ipso Domino Salvatore nostro primatum obtinuit, & eminentiam potestatis super universas Ecclesias, ac totum Christiani populi gregem affecta est, sicut ipse B. Petro Apostolo dixit: Tu es Petrus, & super hanc petram edificabo Ecclesiam meam, & porta inferi non prevalebunt adversus eam: & tibi dabo claves regni calorum, & quaecumque ligaveris super terram, erunt ligata & in caelo, & quaecumque solveris super terram, erunt soluta & in caelo. Adhibita est etiam societas in eadem Romana urbe Beatissimi Apostoli Pauli vasa electionis, qui uno die, uno quoque tempore gloriosa mortem cum Petro sub Principe Nerone agonizans coronatus est; & ambo Sanctam Romanam Ecclesiam consecrarunt, aliisque omnibus urbibus in universo mundo eam sua praesentia, atque venerando triumpho pratulerunt; & licet pro omnibus assidua apud Deum omnium Sanctorum effundatur oratio, his tamen verbis Paulus Beatissimus Apostolus Romanis proprio chirographo pollicetur, dicens: Testis enim est mihi Deus, cui servo in spiritu meo in evangelio filii ejus, quod sine intermissione memoriam vestri facio semper in orationibus meis. Prima ergo Sedes est caelesti beneficio Romanae Ecclesiae; quam, ut memoratum est, Beatissimi Petrus, & Paulus suo martyrio consecrarunt. Sic Roma (hanc etiamnum desiderantur apud Gratianum) quae prius erat, Cacodemonis artificio, omnium errorum mater, & cultrix, excussa tenebris, & vanis superstitionum ritibus abjecta, filiorum Dei, exorto sole iustitiae, facta est copiosa propagatrix. Secunda autem Sedes (rursum etiam sequitur Gratianus) apud Alexandriam B. Petri nomine a Marco ejus discipulo, atque Evangelista consecrata est, quia ipse & in Aegypto primum verbum veritatis directus a Petro predicavit, & gloriosum suscepit martyrium: cui venerabilis successit Abilius. Tertia autem Sedes apud Antiochiam, ejusdem, idest B. Petri, Apostoli nomine habetur honorabilis, quia illic, priusquam Romam veniret, habitavit, & Ignatium Episcopum constituit, & illic primum nomen Christianorum novellae gentis exortum est. Reliquae vero, (haec rursus omittuntur apud Gratianum etiam post Romanam correctionem), ut praediximus in quodam tomo, proximitatem vivantes epistola, vobis conscriptas direximus. Inde namque & B. Apostoli inter se statuerunt, ut Episcopi singularum scirent gentium, quis inter eos primus esset, quatenus ad eum potior eorum sollicitudo pertineret. Nam & inter B. Apostolos quaedam fuit discretio, & licet omnes essent Apostoli (hanc iterum prosequitur Gratianus) Petro tamen a Domino est concessum, & ipsi inter se idipsum voluerunt, ut reliquis omnibus praesesset Apostolis, & Cephas, idest caput, & principium teneret Apostolatus. Qui & eandem formam suis Successoribus, & reliqui Apostoli Episcopis (Romani Correctores ex vetustissimo exemplari Vaticanae Bibliothecae legendum maluerunt: & reliquis Episcopis) tradiderunt. Et non solum hoc in novo testamento est constitutum, sed etiam in veteri fuit: unde scriptum est, Moyses, & Aaron in Sacerdotibus ejus, idest primi inter eos fuerunt. Et quamvis ita ordinatum fuerit (hanc etiam desiderantur apud Gratianum) nemo tamen quod suum est querit, sed quod alterius; unde ait B. Apostolus Paulus: unusquisque placeat proximo suo in bonum ad edificationem, & sicut ipse Salvator suis ait discipulis: qui major est vestrum, erit minister vester, & reliqua. Et licet super his aliqua dicta fuerint, repetentes tamen saepius admonemus, ut semper in omnibus; & ab omnibus nitentur elationes mentis, & corporis, & quanto major unusquisque videtur esse, tanto sit humilior, sicut Dominus Salvator noster non venit ministrari, sed ministrare. Et si frater*

frater aliquis præcõpatus fueris in aliquo dellito, vos, qui spirituales estis, insinuate eum in spiritu lenitatis. Si quæ vero causæ difficiliores inter vos ortæ fuerint, ad hujus Sanctæ Sedis apicem eas quæ ad caput referre, ut Apostolico terminentur iudicio, quia scilicet Dominum velle, ab eoque ita constitutum esse antedictis testimoniis declaratur. Hæc vero Apostolica Sedes (iterum Gratianus) cardo, & caput, ut præstatum est, omnium Ecclesiarum a Domino, & non alio, est constituta; & sicut cardine ostium regitur, sic hujus Sanctæ Sedis auctoritate omnes Ecclesiæ Domino disponente reguntur. Sic integra est Pseudo-Anacleti sententia, qua modo falsa nonnulla, & a veterum fide aliena narrantur, modo aliqua referuntur, quæ ex aliis Ecclesiasticis recentioribus monumentis excerpta noscuntur. In primis enim quod dicitur de Alexandrina Sede, videlicet Marco Petri discipulo successisse Abilium, falsitatis reuincitur ab historicis, communi consensione tradentibus Marco successisse Anianum, & Aniano Abilium. Idipsum notandum est in Successoribus Petri in Sede Antiochena; etenim Pseudo-Anacletus mentionem facit Ignatii, quasi primus Petro successerit, cum tamen ante Ignatium jam successissent Zaccheus, & Evodius. Præterea quis in laudatis verbis non videat auctorem hujus epistolæ studuisse, ut imitaretur verba Concilii Romani 1. sub Gelasio? ibi. Sancta Romana, Catholica, & Apostolica Ecclesia nullis synodicalis constitutis ceteris Ecclesiis prælata est, sed evangelica voce Domini, & Salvatoris nostri primatum obtinuit: Tu es Petrus, inquit, & super hanc petram edificabo Ecclesiam meam, & portæ inferi non præualebunt adversus eam, & tibi dabo claves regni cælorum: & quæcumque ligaveris super terram, erunt ligatæ & in cælis, & quæcumque solveris super terram, erunt solutæ & in cælis. Cui data est etiam societas Beatissimi Pauli Apostoli vasis electionis, qui non diverso, sicut hæretici garrunt, sed uno tempore, uno eodemque die gloriosa morte cum Petro in urbe Roma sub Cæsare Nerone agonizans coronatus est, & pariter supradictam S. Romanam Ecclesiam Christo Domino consecravit, talemque omnibus urbibus in universo mundo sua præsentia, atque venerando triumpho prætulerunt. Est ergo prima Petri Apostoli Sedes Romana Ecclesia, non habens maculam, neque rugam, nec aliquid hujusmodi. Secunda autem Sedes apud Alexandriam B. Petri nomine a Marco ejus discipulo, & Evangelista consecrata est. Ipseque a Petro Apostolo in Ægyptum directus verbum veritatis prædicavit, & gloriosum consummavit martyrium. Tertia vero Sedes apud Antiochiam ejusdem Beatissimi Petri nomine habetur honorabilis, eo quod illic, priusquam Romam venisset, habitavit, & illio primum nomen Christianorum novella gens exortum est. Illa autem verba Pseudo-Anacleti: inde namque & B. Apostoli inter se statuerunt, ut Episcopi singularum scirent gentium, quis inter eos primus esset, deprompta perspicue videntur ex canone 35. Apostolorum juxta editionem Dionysii Exiguæ ibi: Episcopos gentium singularum scire convenit, quis inter eos primus habeatur, quem velut caput existimus &c., qui sane canon non Apostolorum est, sed exhibet paucis sententiam Concilii Antiocheni can. 9. Item verba illa Pseudo-Anacleti: Nam & inter B. Apostolos quædam fuit discretio, deprompta noscuntur ex epist. Leonis Magni ad Anastasium Thessalonicensem 12. apud Quænellium cap. ult. ibi: quantiam & inter Beatissimos Apostolos in similitudine honoris fuit quædam discretio potestatis, & cum omnium pater esset electio, uni tamen datum est, ut ceteris præmineret. De Cephæ nomine, quod caput & principium Apostolorum interpretaretur, ita Isidorus Hispalensis habet in lib. 7. originum cap. 9. Cephas dictus; eo quod in capite sit constitutus Apostolorum. Responsum enim græce caput dicitur, & ipsum nomen in Petro Syrus est. Quod demum de majoribus

joribus caussis ad Romanum Episcopum referendis subjicitur, aut ex memorata Leonis Magni epistola ad Anastasium Thessalonicensem decerptum est, ubi Anastasio vice commissi Apostolicæ Sedis Pontifex Maximus majora sibi negotia referavit; aut ex epistola 2. Vigili Papæ ad Eutherium ibi: Nulli vel tenuiter sentienti, vel pleniter sapienti dubium est, quod Ecclesia Romana fundamentum & forma sit Ecclesiarum, a quo omnes Ecclesias principium sumxisse nemo recte credentium ignorat. Quoniam licet omnium Apostolorum par esset electio, B. tamen Petro concessum est, ut ceteris præcemeret, unde & Cephas vocatur, quia capus est, & principium omnium Apostolorum, & quod in capite præcessit, in membris sequi necesse est. Quamobrem Sancta Romana Ecclesia ejus merito Domini voce consecrata, & Sanctorum Patrum auctoritate roborata, Primatum tenet omnium Ecclesiarum, ad quam tam summa Episcoporum negotia, & judicia, atque querelæ, quam & majores Ecclesiarum quæstiones, quasi ad caput, semper referenda sunt. Omitto hoc in loco, quod in hac epistola dicitur, de quodam tomo, quo auctor hujus epistolæ proficitur de variis Episcoporum gradibus, ac dignitatibus differuisse. De hoc enim tomo jam antea ita scripserat: Aliæ autem primæ civitates, quas vobis conscriptas in quodam tomo mittimus, a Sanctis Apostolis, & a Beato Clemente, sive a nobis Primates Predicatores acceperunt. Sane adparet, quam putum mendacium hoc adstruat, quo fingitur Pontifex Anacletus integrum edidisse codicem ad distinctionem singularum Dioceseon, cujus sane codicis, ne levissimum quidem, superest in tota antiquitate vestigium.

Can. 2. Sequitur post pauca in eadem epistola canon 2. cau. 3. qu. 5. cujus verba melius referenda fuissent nomine Ambrosii Mediolanensis, ita scribentis in epist. 64. cau. 3. ad Siagrium Veronensem, ad tuendam puellam quandam sine justo accusatore damnatam: Si leges publicas interrogas, accusatorem exigunt: Si Ecclesiæ, duobus, inquit, & tribus testibus stat omne verbum: sed illis testibus, qui ante besternum, & nudius tertius non fuerint inimici, ne irati nocere cupiant, ne lachry ulcisci se se velint. Inoffensus igitur affectus testium queritur &c.

Hinc epistolæ auctor ita progreditur, ut Episcopis suadeat, ne malis invicem emulationibus se se prosequantur, sed potius se mutuo diligant, concluditque iis verbis, quæ recitantur a Gratiano in can. 15. cau. 6. qu. 1., ubi jam Romani Correctores adnotarunt paulo aliter legi in duobus antiquis exemplaribus, quam legatur apud Gratianum. Notari insuper debent nonnulla alia edita esse exemplaria, in quibus vice illorum Gratiani verborum, nos ipsos diripiunt, legitur: nos ipsos decerpunt. Qui hunc canonem rectius referre volet, & tanquam authenticum Viri Gravissimi documentum, referat illum ex S. Isidoro Hispalensi, cujus hæc verba sunt in lib. 3. sententiarum cap. 38. Deteriores sunt, qui sive doctrina, sive exemplis vitam, moresque bonorum corrumpunt his, qui substantias aliorum, prædique diripiunt. Hi enim ea, quæ extra nos, sed tamen, quæ nostra sunt, auferunt, corruptores vero morum proprie nos ipsos decipiunt, quoniam divitiæ hominum mores eorum sunt. Multum ergo distant damna morum a damnis temporalium rerum: dum ista extra nos sunt, mores vero in nobis. Postrema hæc Isidori verba in fragmento quidem Gratiani desiderantur, habentur tamen paulo infra in epistola Anacleti, ex quibus magis magisque adparet, auctorem hujus epistolæ in ea efformanda præ oculis Isidori sententias habuisse.

Can. 12. Immo & in sequentibus statim verbis, quæ habentur in can. 12. cau. 2. qu. 7. exhibetur aliud Isidori Hispalensis fragmentum depromptum ex eodem lib. 3. cau. 2. qu. 7. sen-

sententiarum cap. 39., cum enim Isidorus Hispalensis dixisset pro meritis plebium a Deo disponi Rectorum vitam, ut si forte Episcopi temporalia potius, quam spiritualia sectari videantur, non ideo statim deiciantur a plebe, quæ jampridem sibi Episcopum minus dignum elegerat, hæc statim subdit: *Sententia damnantur Cham filii Noe, qui suorum præpositorum culpas in publico produnt, sicut Cham, qui Patris pudenda non operuit, sed deridenda monstravit, habituri Sem meritum, & Japhet, qui reverenter operiunt, quæ Patres suos excessisse cognoscunt; si tamen Patrum facta non diligant, sed tantum operiant, nec imitentur.* Sane si hæc conferas cum can. 12. memorato, nil erit dubitandum, quominus ea verba ex Sancto Hispalensi Antiquitate referri potuissent omissis apocryphis Anacleti monumentis. Siquis etiam hæc referre vellet ad sententiam Justiniani Imperatoris, quam superius referebam ad canonem 9. cau. 2. qu. 7., per me licebit, dummodo aliud propositum apud Justinianum fuisse sciat, quam quod erat apud Isidorum Hispalensem, & quod intendit Pseudo-Anacletus.

Nondum ab Isidoro Hispalensi recedendum erit, quem in sequentibus ejusdem epistolæ verbis adhuc agnoscimus. Siquidem Pseudo-Anacletus prosequitur ajendo neminem ex fidelibus in plebibus constitutum posse adversus Clerum, & præsertim Episcopos concitare tumultus; & si concitaverit, admonitusque non reconcilietur Præposito suo, communione privari, subiecta hac ratione: *Quoniam tam Sacerdotes, quam reliqui fideles omnes summam curam habere debent de his, qui pereunt: quatenus eorum redargutione aut corrigantur a peccatis, aut (si incorrigibiles adparuerint) ab Ecclesia separentur.* Hæc retulit Gratianus in can. 14. cau. 24. qu. 3. verum pertinent ipsa ad Isidorum Hispalensem, qui in lib. 3. sententiarum cap. 46. de Sacerdotum officio agens, inquit: *Sacerdotes curam debent habere de his, quæ pereunt, ut eorum redargutione aut corrigantur a peccatis, aut, si incorrigibiles existunt, ab Ecclesia separentur.* Hinc autem nemo non videt, auctorem epistolæ Anacleti non tam aliena suffuratum fuisse fragmenta, quam sententias optimas corrupisse; etenim Isidorus Hispalensis eam jurisdictionem, quæ incorrigibiles separantur ab Ecclesia, Episcopis tribuit; aut auctor epistolæ communem eam auctoritatem inesse voluit tam in Sacerdotibus, quam in reliquis fidelibus.

De reliquis fragmentis Anacleto tributis.

Superfunt adhuc fragmenta nonnulla per Gratianum Anacleto tributa. In primis occurrit canon 4. dist. 93., qui non tam Anacleti, quam Zachariæ nomine inscribitur. Et quidem Zachariæ rectius tribuetur, quoties habenda ratio sit Romani Concilii sub eodem celebrati, in quo idem canon editus adparet. Verum apud Anacletum minime reperiri potest, imo ab ejusdem Pontificis ætate maxime alienus facile demonstratur. Revera Anacleti tempore nemo non videt eam non potuisse imponi Episcopis obligationem, ut quotannis, omni occasione seposita liminibus Apostolorum Petri & Pauli præsentarentur. Quænam enim tunc Petri & Pauli limina dicebantur? Qui rursus fieri poterat, ut sævientibus Ethnicorum vexationibus Romam superstitionum egrégium vindicem acerrimam convenirent, nulla temporum hujusmodi habita ratione, quod idem est, atque

omni

omni occasione seposita? Decebant potius hæc Zachariæ tempora, qui medio octavo sæculo summum tenebat Pontificatum, non Anacleto, cuius tempora teterima erant in perniciem Ecclesiæ. Jamvero ego agnoverim, unde fieri potuerit, ut hujusmodi decretum Zachariæ simul, & Anacleto tribueretur. Factum hoc arbitror ex adnotatione alicujus Interpretis, vel Glossographi, cum enim ibidem statueretur, Episcopos Romanæ Provinciæ debere quotannis Romam ire, eosque, qui iusta existente causa nequiverint, id se chirographo suo significare, quod est juxta *Sanctorum Patrum, & canonum instituta*, id quidem Concilio Romano Zachariæ Pontificis congruere videbatur, sed ut *Sanctorum Patrum, & canonum instituta* ibidem memorata designarentur, voluit Glossographus id ab Anacleto repetere, alludens fortasse ad *congregationem Summorum*, quæ Romæ congregari consueverat, juxta illud quod dicitur in epist. 1. Anacleto adscripta, sive in can. 3. cau. 2. qu. 6.; aut alludens ad id, quod dicitur in epist. 2. eidem Anacleto tributa, sive in can. 2. dist. 64., videlicet, quoties facienda imminet Episcoporum ordinatio apud Summum Pontificem, Comprovinciales Episcopos Romam currere debere, aut, si nequeant, consensum suum scripto significare. Quicumque tamen sit hujusmodi locus, ad quem Gratiani fragmentum referamus, parum, aut nihil intererit, cum quocumque res modo se habeat, de apocryphis semper monumentis disceptetur, uti ex superius dictis abunde liquet.

Can. 14. cau. 2. qu. 7. jam visus est eruditissimis non quidem ad Anacleto pertinere, sed potius ad Eusebium in epist. 1. ad Episcopos Galliarum, in qua eadem propemodum verba leguntur, quæ habemus apud Gratianum in can. 5. eadem causa, & questione. Quid vero interest, an hæc Eusebii nomen, an potius Anacleti præferant, cum æque & Eusebii, & Anacleti monumenta ejusdem esse existimantur auctoris, qui Mercator Isidorus audit? Non est sane, cur de fragmenti hujus auctoritate disputetur, vel ex eo uno, quod exhibeantur Laici oppido Episcopis suis infesti, quasi temporibus Anacleti, quæ fere Apostolica erant, non unus esset fidelium omnium spiritus, qualem fuisse germana veterum monumenta testantur. Non esset prorsus inverosimilis opinio eorum, qui suspicarentur in hoc fragmento contigisse, quod in aliis nonnullis contigit apud Gratianum: videlicet dictum canonem 14. nihil aliud esse, quam breviationem capituli 15. sequentis a quodam Glossographo, & codicis editore adjectam, proindeque factum, ut utrumque fragmentum Anacleti nomine laudaretur. Hæc porro in specie verba canonis 14. jure optimo erunt ad verba sequentis canonis exigenda. Nolo omittere similia etiam nonnulla legi in epistola 3. Anacleto tributa, sive in can. 2. cau. 3. qu. 5.

Can. 3. cau. 5. qu. 5. In prima parte hujus operis cap. 52. jam demonstravi auctorem canonis 3. cau. 5. qu. 5. Concilium Romanum Eugenii II., & Leonis IV. Gratianus perpetuum illum Anacleto adscripserat. Verum hujusmodi sententia Anacleto ipsi convenire nequitum potest. Dicitur illic Episcopos, & Sacerdotes non per se, sed per advocatum debere causas tam suas, quam Ecclesiarum in foro proponere, nisi de publico crimine agendum esset. Porro hæc constitutio supponere videtur, jam temporibus Anacleti ejusmodi fuisse Ecclesiam nostram, ut bona, & jura adquisivisset, quorum causa in fori quandoque discrimina adduceretur. Sed quis ignorat, tum Ecclesiam non iam acquirere potuisse, cum Romani Senatus auctoritate nec dum probata fuisset, & tanquam Collegium illicitum, immo & diris

vexationibus obnoxio habere? Præterea hæc disciplina abhorrebat a disciplina iudiciorum, & fori, quæ non patiebatur, quempiam nisi in persona propria suis actionibus in iudicio experiri. Testimonium præbet veteris regulæ Justinianus princip. instit. de iis, per quos agere possumus. Et quidem in primis ab hac juris subtilitate recessum est Lege Hostilia favore illorum, qui apud hostes essent, aut Reipublicæ causa abessent. Deinde infirmitatis, & senectutis ratio haberi coepit, quemadmodum Cicero perhibet in lib. 2. ad Herennium cap. 13. ibi: *Ex æquo, & bono jus constat, quod ad veritatem, & utilitatem communem videtur pertinere, quod genus & major annis sexaginta, & cui morbus causa est, cognoscere dat, ex eo novum jus constitui convenit, ex tempore, & ex hominis dignitate.* Hoc generale jus, quo nemo, certis exceptis casibus, poterat pro alio in iudicio agere, vigeat adhuc temporibus Ulpiani l. 123. ff. de regulis juris, cui nonnulli addunt legem 5. si usuf. petatur (quamquam parum recte, cum quæzatur ibi de usufructuario agente non ad excludendum procuratorem, sed potius ad excludendum proprietarium). Quid plura? Primum circa finem quarti sæculi auctoritate Arcadii & Honorii Imperatorum data facultas singulis est per procuratorem agendi l. 26. cod. de procuratoribus; & de causis Ecclesiasticis specialiter nullum antiquius monumentum habemus l. 6. §. 3. cod. de his, qui ad Ecclesiam confugiunt. Demum in memorato Gratiani canone notatu digna differentia est inter causas civiles, & criminales; ubi enim statutum est Episcopos, & Sacerdotes per alios constitutos advocatos agere debere, causæ criminales excipiuntur, quod sane recentiorum indigat receptam iudiciorum prudentiam, quæ in civilibus tantummodo causis permisit uti procuratoribus. Nihil addo de advocati nomine, rerum Ecclesiasticarum defensoris; hoc enim recentioribus Ecclesiæ sæculis in usu tantummodo fuisse, vel ille perspicue noverit, qui vix in evolendis Ecclesiasticis monumentis laboraverit. Quæ omnia perspicue demonstrant, memoratum Gratiani fragmentum nullo jure tribui Anacleto posse.

Canon 28. cau. 7. 1. nullo modo tribui Anacleto potest, vel ex eo, quod ibi-
dem mentio fiat de altaribus in aliena Ecclesia non dedicandis, cum Ecclesiarum,
altarumque dedicatio quarto demum sæculo celebrari coeperit, quemadmodum eru-
diti viri testantur, & probant. Verosimile ego arbitror hunc canonem editum esse
post octavum Ecclesiæ sæculum in aliqua peculiari Synodo, quæ Gratiano nota-
fuerit, nostris autem temporibus prorsus ignota, in qua quidem sententia illa ipsa
fuerit, quam Gratianus ibi proponit, sed de more medix illius ætatis ita consti-
tura, ut deprompta ex vetustissimis Patribus adpateret. Etenim tunc erat in mo-
numentis, & canonibus Ecclesiasticis elucubrandis consuetudo, ut nihil definiretur,
quod non ex antiquissimis fragmentis Sanctissimorum virorum excerptum videretur.
Exemplo esse potest rei huic maxime accommodus canon 11. Capitularis Aquif-
granensis anni 789. ibi: *Item in eodem Concilio (Antiocheno), simul & in Sardi-*
centesi, nec non & in decretalibus Innocentii Papæ, ut nullus Episcopus in alterius Pa-
rochia ordinationes aliquas audeat facere, vel negotia peragere, quæ ad eum non perti-
nent. Paucis hic perstricta est, renovataque sanctio Concilii Antiocheni can. 13.,
Concilii Sardicentis can. 18., & Innocentii Papæ epist. 7., non quod ibidem
& memoratorum Conciliorum, & laudati Innocentii verba continerentur, sed veluti
per indicem paucis comprehenderetur. Potuisset addi canon 35. ex vulgo Aposto-
licis, & canon 2. Concilii Constantinopolitani I. Ex his sane constat fieri etiam
potuisse, ut quod nonnulli statuerant ex canonibus vetustissimorum Conciliorum,
vide-

Can. 28.
can. 7.
§. 1.

videlicet Episcopos ultra Diocesanos suos fines nihil agere posse, alii statuerint, quasi ex Anacleti sententiis depromptum, non quidem referendo Anacleti ejusdem verba, sed potius sententias illius respiciendo. Porro, qui Epistolas Isidorianas Anacleto tributas, pro germanis Anacleti Epistolis accepisset, minime dubitare poterat, quin similes sententias ex Anacleto laudaret; Etenim in epist. 1. hæc leguntur: *Privilegia Ecclesiarum, & Sacerdotum Sancti Apostoli jussu salvatoris intemerata, & inviolata omnibus decreverunt manere temporibus*. Et in Epistola 2. *Reliqui vero Sacerdotes a proprio ordinentur Episcopo*; quæ omnia nonnihil cum fragmento Gratiani conveniunt; facileque propterea in aliam reducta formam ampliorem Anacleti nomine referri poterant.

CAPUT III.

De Capitibus Evaristi.

Capita Evaristi nomine a Gratiano laudata hæc sunt.

Ex epist. 1. ad
Africanos Episcopos.
Apocryphiomnes.

Can. 11. dist. 93. ad alia Patrum monumenta exigendus.
Can. 1. cau. 30. qu. 5. non convenit Evaristi temporibus.

Ex epist. 2. ad
Episcopos Ægypti.
Apocryphiomnes.

Can. 20. cau. 2. qu. 1. exigendus ad sententias Gregorii Magni
Can. 1. cau. 2. qu. 7. exigendus ad sententias Isidori Hispalensis.
Can. 17. cau. 2. qu. 7. cum veteribus Sanctorum Patrum monumentis consonat.
Can. 21. cau. 2. qu. 7. jungendus cum can. 17. ead. caus. & quæst.
Can. 4. cau. 3. qu. 2. non convenit temporibus Evaristi.
Can. 11. cau. 7. qu. 1. non potest congruere germanæ canonum discipline.
Can. 10. cau. 30. qu. 5. referendus ad can. 20. cau. 2. qu. 5.

Addendus.

(*Can. 4. cau. 26. qu. 6. est potius Herardi Turonensis.*)

Vulgaris traditio est apud eos, qui veterum Pontificum Catalogum exacto studio texuerunt, Evaristum Pontificatum Maximum suscepisse anno Domini 112, obiisse autem anno 121. Verum quotquot epistolæ apud Collectores nonnullos ipsi tribuuntur, & quotquot fragmenta apud Gratianum eidem adscribuntur, apocrypha singula sunt, & simul cum ceteris Isidori Mercatoris capitibus rejicienda.

De Epistola I.

Quæ primo loco Epistola circumfertur hanc habet inscriptionem: *Dilectissimis fratribus universis Africæ regionis Episcopis Evaristus*; & in fine: *Data 9. Kalendas*

das Aprilis Valente, & Vetere Vv. c.c. Coss. Hic sane Consulatus incidit in annum Domini 98., quæ propterea si vera omnia essent, concludere oporteret Evaritum scripsisse epistolam quatuordecim annis circiter prius, quam Romanus Episcopus esset. Et quidem hujus epistolæ initium auctor excepit ex epistola Innocentii Papæ ad Exuperium Episcopum Tholosanum, uti constat ex utriusque collatione.

Exordium Epistolæ Evaristi.

Consulentibus vobis, fratres charissimi, quid super his, quæ in vestris continebantur scriptis, visum nobis esset, vel quid docilis ratio persuaderet, aut quid a Beatis Apostolis nobis traditum, aut custoditum remaneret, optantes (ut retulistis) nostris institui documentis hæc vero rescribimus. Siquidem dilectio vestra normam secuta prudentium, ad Sedem Apostolicam referre maluit, quasi ad caput, quid deberet de rebus dubiis custodire potius, quam usurpatione præsumere.

Exordium Epistolæ Innocentii.

Consulenti tibi, frater charissime, quid de preposita specie unaquaque sentirem, pro capiti intelligentiæ meæ, quæ sunt visa, respondi, quid sequendum vel docilis ratio persuaderet, vel auctoritas lectionis ostenderet, vel custodita series temporum demonstraret. Equidem dilectio tua institutum secuta prudentium ad Sedem Apostolicam referre maluit, quid deberet de rebus dubiis custodire potius, quam usurpatione præsumere, quæ sibi viderentur, de singulis obtinere.

Sic se se habet Epistolæ initium, ex quo adparet nihil aliud in tota epistola contineri, quam Evaristi rescriptum, quo Africanis interrogantibus satisfacere videtur. Porro colligitur ex illis, quæ subiecta in epistola legimus, triplicem factam interrogationem. Ad primam pertinet canon 11. dist. 93. de septem diaconis in unaquaque civitate ordinandis, quod dicitur, quasi ab Apostolis constitutum jamdiu fuisset; quod tamen potius referendum esset aut ad epistolas Pseudoclementis, in quibus diaconi oculi Episcopi esse dicuntur, can. 6. dist. 93., aut ad epistolas Pseudoanacleti can. 59. de cons. dist. 1. aut ad Concilium Neocæsareense can. 14. sive can. 12. dist. 95. vel ad canonem 16. Concilii Trullani. Ceterum Sozomeni temporibus nondum disciplina invaluerat generalis, juxta quam in omnibus civitatibus septem diaconi constituti essent, ipse etenim ait in lib. 7. historiarum cap. 12. *Diaconi apud Romanos hactenus non plures sum, quam septem ad similitudinem eorum, qui ab Apostolis ordinati fuerunt; apud alios vero haudquaquam definitus est numerus diaconorum.* Licet autem septenarius diaconorum numerus jam ubique vigeret, hujusmodi tamen esse non poterat sanioris cujusque judicio, quemadmodum ab auctore memoratæ epistolæ traditur, ut scilicet custodiant Episcopum prædicantem, ne aut ipse ab insidiatoribus quouomodo infestetur, aut laedatur a suis, aut verba divina detrahendo, aut insidiando polluantur, vel despiciantur, sed veritas spirituali redeat fervore, & pax prædicata labiis animi cum voluntate concordet. Non enim diaconi aut ab Apostolis excubiarum instar ordinati fuere, aut unquam armis instructi quasi milites ad custodiam Episcopi, vel Ecclesiæ vigilarunt. Abusus videtur hujus epistolæ auctor verbis Isidori Hispalensis in lib. 2. de offic. Ecclesiasticis ita scribentis: *Decreverunt Apostoli, vel successores Apostolorum, ut per omnes Ecclesias septem diaconi, qui sublimiore gradu essent ceteris, circa aram Christi quasi columnæ altaris assisterent,*

Can. 11.
dist. 91.

rent, & non sine aliquo septenarii numeri mysterio. Hi sunt enim, quos in *Apocalypsi* legitimus, septem Angeli tubis canentes. Ili sunt septem candelabra aurea. Hi voces tonitruorum. Ipsi enim clara voce in modum præconis admonent cunctos, sive in orando, sive in flectendo genua, sive in psallendo, sive in lectionibus audiendo, ipsi etiam ut aures habeamus ad Dominum, clamant, ipsi quoque evangelizant: sine ipsis Sacerdos nomen habet, officium non habet &c. Præterea posteriora verba dicti canonis quæ non videat deprompta fuisse ex epistola Innocentii Papæ ad Victricium Rhotomagensem cap. ult., ubi postquam nonnulla de velandis virginibus tradita fuerunt, ita subiicitur: Hæc itaque regula, frater charissime, si plena vigilantia fuerit ab omnibus Dei Sacerdotibus observata, cessabit ambitio, veritas spiritali fervore flagrabit, pax prædicata labiis cum voluntate anime concordabit.

Can. 1.
can. 30.
§. 5.

Ad secundam interrogationem pertinet canon 1. cau. 30. qu. 5. in illis verbis: Similiter custoditum, & traditum habemus, ut uxor legitime viro jungatur. Aliter enim legitimum (ut a Patribus accepimus, & a Sanctis Apostolis, eorumque successoribus traditum invenimus) non fit conjugium, nisi ab his, qui super ipsam feminam dominationem videntur habere, & a quibus custoditur, uxor petatur, & a parentibus, aut propinquiorebus sponsetur, & legibus docetur, & suo tempore sacerdotaliter (ut mos est) cum precibus, & oblationibus a Sacerdote benedicatur, & a paronymis (ut consuetudo docet) custodita, & consociata a proximis tempore congruo petita legibus detur, & solemniter accipiat, & biduo, vel triduo orationibus vacent, & castitatem custodiant, ut bone soboles generentur, & Domino in alibus suis placeant. Taliter enim & Domino placebunt, & filios non spurios, sed legitimos, atque hereditabiles generabunt. Quapropter, filii charissimi, & merito illustres, fide catholica suffragante ita peracta legitima scitote esse connubia; aliter vero præsumpta non conjugia, sed aut adulteria, aut concubernia, aut supra, vel fornicationes potius, quam legitima conjugia esse non dubitate, nisi voluntas propria suffragata fuerit, & vota succurrerint legitima. Hæc sane omnia, ex quibus supplendum erit Gratiani fragmentum, Evaristi temporibus minime congruunt. Quod enim ibi dicitur tum demum, cum sacrorum administrorum benedictione celebrantur conjugia, filios legitimos, atque hereditabiles gigni, neque Ecclesiæ legibus consentaneum erat, cum leges Ecclesiasticæ nihil de successione hæreditariis constituissent, aut constituere potuissent, præsertim cum Magistratus publici Ecclesiam ipsam, nedum leges ecclesiasticas odio prosequerentur; neque legibus civilibus consentaneum esse poterat, quibus videlicet turpe videri potuisset, & quodammodo superstitiosum apud Ethnicos legislatores, matrimonia Christianorum ritibus consecrari. Præterea, licet olim apud Romanos necessitas immineret nuptiis filiabus postulandi consensum Parentum, nullibi tamen cautum legitimus, quod in hac epistola dicitur, propinquorum etiam consensum requisitum fuisse. arg. 1. 2. ff. de ritu nuptiarum. Neque aliquando necessaria coniugii celebrandis fuit constitutio dotis, uti definierunt Imperatores l. 3. cod. Theodos. de nuptiis ibi: Si donationum ante nuptias, vel dotis instrumenta defuerint, pompa etiam, aliaque nuptiarum celebritas omittatur, nullus æstimet ob id deesse, recte alias inito matrimonio, firmitatem, vel ex eo natis liberis iura posse legitimorum auferri &c. & quidem jam antea Papinianus idipsum responderat de dotalibus tabulis in l. 31. in fine principii ff. de donationibus, & l. 4. in fine ff. de pignoribus, quibus addi possunt leges 9. & 13. cod. de nuptiis. Ceterum Hincmarus Rhemensis memorato Evaristi fragmento usus est in opusculo de divortio Hilarii, & Tetbergæ pag. 328.

edi-

editionis Parisiensis anni 1615., & nonnulla his similia leguntur in can. 13. Concilii Carthaginensis vulgo 4., seu in can. 5. cau. 30. qu. 5. & can. 33. dist. 23.

Hæc satis essent ad monumenta Gratiani expendenda, operæ tamen prærium arbitror nonnulla hic adicere de tertia interrogatione, eique data Evaristi, uti fingitur, responsione, ex qua magis, magisque perspicuo constat epistolam hanc integram germanam haberi nullo modo posse. Auctor epistolæ fingit Evaristum pro stremo loco interrogatum fuisse, utrum ex divinis Personis solus Pater vere Deus dicendus sit, an etiam Filius. Hæc porro disputatio ad quartum sæculum pertinet, quo Ariani de Verbi Dei natura acerrime disceptarunt, neque debuera Evaristi tempore definiri, quod tum in dubitationem minime deducebatur. Imo (quod pro monstro est) Evaristus in responsione ista usus est verbis Idacii Clari, sive, ut Chiffletio placuit, Vigilii Tapfensis in lib. adversus Varimadum Arianzæ sectæ diaconum (vixit Idacius prope finem sæculi iv., & Vigilius prope finem sæculi v.), ex quibus liquet, hujus epistolæ auctorem sine discrimine posteriorum scriptorum collegisse fragmenta, eaque vetustissimis viris sanctissimis mendaciis suis intertexta attribuisse, sive convenient temporibus, sive dissonarent.

De Epistola 2.

Qua censura ab Evaristo epistolam priorem, eadem & posteriorem viri eruditissimi adjudicant. Ita hæc inscribitur: *Evaristus urbis Romæ Episcopus omnibus per Ægyptum Domino conglutinatiss fratribus in Domino salutem*: Et in fine: *Data Kalendis Novembr. Gallo, & Bradua Viris Claris. Cess.* Incidit hic consulatus in annum Christi 108., aut, uti aliis placet, 110., & sic quadriennio, vel biennio ante, quam Evaristus Summum Pontificatum adipisceretur. Priora epistolæ verba defumta videntur ex epistola Leonis Magni ad Dioscorum Alexandrinum, uti pater ex utriusque collatione.

Initium Epistolæ Evaristi.

Verba Leonis Magni.

Unum nos, fratres, sentire oportet, *Unum enim nos sentire oportet, & agere, ut, sicut legimus, in nobis esse cor, & una anima esse probetur.*

Hinc Pseudo-Evaristus progreditur ad decantatum illud conjugium mysticum, quod inter Episcopum, & Ecclesiam esse dicitur; & sane hoc quousque sobrie, prudenterque a sacrorum canonum cultoribus memoretur, quemadmodum ejus mentionem fecerunt nonnulli veteres Patres, inter quos Ambrosius de dignit. Sacerd. cap. 4., & auctor epistolæ 32. lib. 12. inter epistolas Gregorii Magni, non erit contemnenda loquendi formula; quum autem eo per Isidorum Mercatorem deducta res est, ut passim, & in singulis negotii qualitatibus spiritualis & carnalis conjugii comparatio in medium prodierit, frugi hominibus stomachum mover, alios vero ad risum provocat. Debemus hæc monumenta Mercatori, qui de rebus sacratissimis ineptissime ut plurimum differvit. Isidori verba Gratianus retulit in can. 11. cau. 7. qu. 1., ubi post illa, aut innupta permaneat, ita legendum ex integris

Can. 11.
cau. 7.
qu. 1.

exemplaribus erit: *Unde & Dominus loquitur in Evangelio dicens, si quis viderit mulierem ad concupiscendum eam jam mæchatus est eam in corde suo.* Episcopum vero &c. Quis plane non videat, quantum a germana sacrorum canonum, & literarum ratione distet hujusmodi sententia, qua translationes Episcoporum adulteriis æquiparantur, imo ita res exprimitur, quasi Episcopus translatus *Ecclesiam suam adulterare* dicatur. Qua autem fronte poterat auctor epistolæ huic rei accommodare verba illa Christi Domini apud Mattheum cap. 5. *Si quis viderit mulierem ad concupiscendum eam, jam mæchatus est eam in corde suo,* quæ Gratianus ipse, qui ceteroquin nullum delectum habere consuevit, omisit, quod, ut suspicor, referre erubuerit. Porro quis sibi persuadeat, comparisonem illam utriusque conjugii, illius videlicet, quod inter virum est, & uxorem, & illius, quod inter Episcopum, & Ecclesiam esse dicitur, adeo urgeri posse, ut in utroque eadem omnino regula proponi, servarique debeat, imo & eisdem loquendi formulis uti nos deceat, quemadmodum eisdem utitur Isidorus? quomodo adulterum appellabimus Episcopum de una in aliam Diocesim transeuntem, qui in alia Diocesi non diversam, sed eandem esse Ecclesiam noverit, cum Ecclesia una, eademque semper sit in singulis Diocesibus? Quod si adulteros dicemus Episcopos de una in aliam provinciam, aut civitatem transeuntes, licebit quoque poligamos appellare veteres illos Antistites, eosque Apostolicos, qui in plures civitates, provinciasque migrabant ante divisionem dioceseon, quod scilicet plures Ecclesias, sive ut melius loquar, diversas ejusdem Ecclesiæ partes instruerent. Poligamum item, aut adulterum Isidorus Mercator Sanctorum ipsius Petrum Apostolorum Principem appellare non erubesceret, si scivisset de Antiochena ad Romanam Ecclesiam transivisse. Quod si forte, exceptionem adferat Mercator in iis, qui iusta de causa transeunt, aut translati fuisset deprehenduntur, oportet, ut vel tradat in conjugiiis adulteria posse ex causa committi, vel a suspecta duplicis conjugii comparatione prorsus absteat. Quas autem ad incitas sese non redigit, qui pudenda edere voluit Sacre Jurisprudentiæ monstra?

Can. 4. His generaliter traditis progressus est Isidorus Mercator ad consuetam illam
cau. 3. sententiam suam, quam in omnibus epistolis a se confectis recinere solet, videlicet Episcopos a nemine *dilacerandos* esse, sive accusandos. Quod sane, quemadmodum in illis omnibus epistolis legitur, quæ apud Mercatorem vetustissimis Pontificibus Maximis tribuuntur, eo clarius ostendit eas omnes epistolas unius deceptoris manu esse elaboratas, qui, si stilum pro Pontificum diversitate immutare nescivit, nec in eo studium posuit, ut diversas in singulis epistolis sententias exprimeret. Habentur illa in can. 4. cau. 3. qu. 2., in quo nonnulla interferuntur, quemadmodum ab Evaristi ætate prorsus aliena, ita ex recentioribus Conciliorum sanctionibus deprompta. Quod enim in primis dicitur, Episcopos in civitatibus tantum non minimis posse constitui) referendum videtur vel ad canonem 57. ex Laodicensis, vel ad canonem 7. ex Sardicensibus; Deinde quod dicitur in locum viventium Episcoporum alios constitui non potuisse, referendum videtur ad canonem 12. Concilii 5. Aurelianensis. Sed & tempore Anacleti quænam occasio esse poterat expellendorum Episcoporum, vel Episcopatum ex ambitu creandorum; cum tunc temporis quicumque Episcopatum desideraret, ut Apostoli utar phrasi, bonum opus desideraret, idest viam sibi ad labores gravissimos pro Christo, & Ecclesia exantlandos pararet? nihil heic memoro infamiz pœnam, & exclusionem

ab honoribus Ecclesiasticis ab Evaristo indictam adversus Episcopos, qui adulteri appellantur ea significatione, qui sumitur adulterium in verbis antea laudatis, idest in can. 11. cau. 7. qu. 1. Nihil demum memoro, quod in fine canonis legitur, Aegiptiorum, de quibus in epistola agitur, Episcoporum negotia auctoritate Sedis Apostolicæ potuisse, imo debuisse terminari; quæ omnia nemo non videt, quomodo possint Evaristi temporibus convenire?

Sequitur paullo infra ad eandem rem canon. 1. cau. 2. qu. 7. his verbis: *Non est itaque a plebe, aut vulgaribus hominibus arguendus, vel accusandus Episcopus, licet sit inordinatus, quia pro meritis subditorum disponitur a Deo vita Rellorum exemplo Davidis peccantis, ac comparatione Principum, qui ex merito plebis prevaricantur. Sacerdotes enim exquirere debent peccata populorum, & sagaci sollicitudine unumquemque probare juxta testimonium Domini per Hieremiam loquentis: Probatores, inquit, dedi te populo meo robustum, & scies, & probabis viam eorum. Ideo ista dico, quia insidiator bona sapissime solet convertere in malum, & in electis ponit maculam. Sane in his abusibus videtur Mercator sententia Ildori Hispalensis, qui in lib. 3. sententiarum cap. 39. ita scribit: Non est itaque judicandus (notanda vox judicandus, quod enim de judicio non ferendo Sanctus Hispalensis Antistes agebat, ad accusationes non proferendas transtulit Ildorus Mercator) a plebe Rellor inordinatus, dum magis noverint populi, sui fuisse meriti perversi regimen suscepisse Pontificis. Nam pro meritis plebium disponitur a Deo vita Rellorum exemplo David peccantis ad comparationem Principum, qui ex merito plebis prevaricantur; & in cap. 46. Sacerdotes exquirere debent peccata populorum, & sagaci sollicitudine unumquemque probare, juxta testimonium Domini ad Hieremiam loquentis: Probatores, inquit, dedi te in populo meo robustum, ut scias probare vias eorum. Item nonnulli deprompta sunt ex cap. 11. Ecclesiastici ibi: Bona enim in mala convertens insidiatur, & in electis imponit maculam.*

Statim ita sequitur auctor epistolæ Evaristi. *Unde si qui sunt vituperatores, aut accusatores Episcoporum, vel reliquorum Sacerdotum, non oportet eos a iudicibus Ecclesiæ audiri, antequam eorum discutiatur æstimationis suspicio, vel opinio, qua intentione, qua fide, qua temeritate, qua vita, qua conscientia, quoque merito; si pro Deo, aut pro vana gloria, aut inimicitia, vel odio, aut cupiditate ista præsumserint, nec ne. Hic est canon 17. cau. 2. qu. 7., cujus sane sententia plurimum consonat cum vetustissimis canonibus, videlicet can. 8. Concilii Carthaginensis vulgo 3., can. 6. Concilii Constantinopolitani, can. 2. Concilii Chalcedonenis, quibus addere possumus Gregorium Magnum lib. 11. epist. 52.*

Cum dicto canone 17. jungendus commode esset canon 21. cau. 2. qu. 7., etenim post verba canonis 17. ita sequitur in epistola: *Hæc omnia fideliter sunt perferenda, & diligenter pertrahenda. Nam sunt nonnulli, qui præpositos suos perversè reprehendunt, si vel parum ipsis molesti extiterint.*

Amplius pergit Evaristus, statim subdens: *Idcirco recto oculo Primates Ecclesiarum (nomen Primatum suspectum est eruditibus, & velut temporis Evaristi minus aptum) utiliter provideant, ne quisquam eorum innocens vexetur, aut scandalizetur, intendentes sententiæ Domini, qua ait: Siquis scandalizaverit unum de pusillis istis, melius est illi, ut suspendatur mola asinaria in collo ejus, & demergatur in profundum maris &c. Deus autem omnipotens &c. hic est canon 20. cau. 2. qu. 1. quem rursum Gratianus, non tamen integrum, retulit in can. 10. cau. 30. qu. 5. ubi quæ postremum locum in epistola obtinent, priore loco, & e converso, quæ priorem, poste-*

posteriore loco interfecta scribuntur, quamobrem canon hic 10. ad d. can. 20. erit referendus. Verba fere eadem laudavit Concilium Triburiense anni 895. cap. 22., ibi: *Deus omnipotens cum omnia nuda, & aperta sint oculis ejus, ut in epistola Evaristi Papæ scriptum legimus, quo nos a dubiis, & incognitis sententiam proferre compeſceret, mala Sodomæ noluit audita judicare, priusquam manifeste agnosceret, quæ dicebantur, unde ipse ait: descendam, & videbo, utrum clamorem, qui venit ad me, opere compleverint, an non est ita, ut sciam. Quo exemplo moniti, ne ad proferendam sententiam unquam præcipientes simus, aut temere, indiligenterque discussa quæque pro modo judicemus, sed exemplo Domino descendamus, videamus, & iusto examine criminosos diligenter perſcrutemur, sicut ipse Sodomam, ut videamus, utrum clamorem populi compleverint, nec ne. Nam mala audita nullum moveant; sed ante audita diligenter inquirat.* Deprompta autem omnia fuerunt ab auctore epistolæ ex lib. 19. cap. 23. moralium Gregorii Magni ibi: *qua in re notandum video, ne ad proferendam sententiam unquam præcipientes esse debeamus, ne temere indiscussa judicemus, ne passim, dicta sine probatione credamus. Quod proſello perpetrare perimescimus, si auctoris nostri subtilius falsa pensamus. Ipse quippe ut nos a præcipitata sententiæ prolatione compeſceret, cum omnia nuda, & aperta sint oculis ejus, mala tamen Sodomæ noluit audita judicare, qui ait: clamor Sodomorum, & Gomorreorum multiplicatus est, & peccatum eorum aggravatum est nimis; descendam, & videbo utrum clamorem, qui venit ad me, opere compleverint, an non est ita, ut sciam &c.*

De can. 4. cau. 26. qu. 6.

Non Evaristo Papæ, ut apud Gratianum adſcribitur, sed potius Herardo Turo-nensi Episcopo tribuendus est canon. 4. cau. 26. qu. 6. etenim vir ille eximius inter capitula, quæ Diocesi suæ observanda proposuit, ita scripsit num. 59. *Ut Presbyteri de oculis iustione Episcopi penitentes reconcilient, & sicut supra præmissimus, infirmantes absolvant, & communicent.* Verba illa, sicut supra præmissimus, referri, ut arbitror, debent ad caput 21. ejusdem Herardi ibi: *ut in infirmitate positi absque dilatione reconcilientur, & viaticum viventes accipiant, & benedictione sacra-ti olei non careant; vel etiam ad caput 56. ibi: ut Presbyteri chrisma, oleum, & eu-charistiam semper habeant, ut parati inveniantur.* Et quoniam Herardus in suis capitulis perſtringere voluit canones editos in Capitularibus suarum Provinciarum, juvabit plurimum huc etiam adferre caput 206. lib. 6. Capitularium Francorum in editione Baluziana his verbis: *Quia varia necessitate præpedimur canonum statuta de reconciliandis penitentibus pleniter observare, propterea omnino non dimittatur, ut unusquisque Presbyter iustione Episcopi de oculis tantum, quia de manifestis Episcopos convenit judicare, statim post acceptam confessionis penitentiam singulis data oratione communicari. Morientibus vero sine cunctamine communio, & reconciliatio præbeatur. Invenimus itaque Gratiani fragmenti auctorem, huc usque, quod noverim, a nomine indicatum. Dicam modo, qua ratione fieri potuerit cur apud Gratianum, canon idem Evaristo potius fuerit adscriptus. Sane Gratianus secutus fuit Ivonem, Ivo Burchardum, apud quem primum Evaristi nomen legitur. Sed Burchardus errore nominis, aut scripturæ deceptus potuit pro Herardo Evaristum ponere, nisi dicere velimus, quod ego verosimilius arbitror, id profectum ex eo esse, quod*

Bur-

Burchardus nollet memorare Capitularia Francorum, aut collectiones illas, quæ Francorum eorundem Capitularibus maxime adfines essent. Etenim alias sæpe, ac sæpius demonstravi, Burchardum ea de causa erratis compluribus dedisse occasionem; ut enim apud Germanos scribebat, quo tempore Franci erant Germanis invisi, e re sua esse putavit Burchardus, si a Francorum Capitularibus nominandis abstineret, & quoties opus esset, nomina, inscriptionesque mutavit, & tenebras recentioribus canonum studiosis frequentissime offudit. Itaque Burchardus pro Herardo scribere potius voluit Evaristum, ratus etiam apud Evaristum, aut saltem inter epistolas Evaristo tributas nonnihil simile adinveniri; nam in epistola 2. Evaristi, quam superius apocrypham esse ostendi, hæc legimus inter cetera: *Sacerdotes exquirere debent peccata populorum, & sagaci sollicitudine unumquemque probare juxta testimonium Domini per Jeremiam loquentis; Probatecrem inquit, dedi te populo meo robustum, & scies, & probabis viam eorum.*

CAPUT I V.

De Capitibus Alexandri.

Tres vulgo proferuntur epistolæ nomine Alexandri I. Pontificis, ad quas referri debent sequentes canones apud Gratianum.

- | | |
|---|--|
| Ex epist. 1. | $\left\{ \begin{array}{l} \text{Can. 16. cau. 2. qu. 7. ex integris exemplaribus supplendus.} \\ \text{Can. 9. cau. 3. qu. 4. consonat potius cum capitibus Hadriani Papæ.} \\ \text{Can. 14. cau. 11. qu. 1. nonnihil consonat cum can. 43. cau. 11. qu. 1.} \end{array} \right.$ |
| Apocryphi omnes. | |
| $\left\{ \begin{array}{l} \text{Can. 1. cau. 15. qu. 6. emendandus ex integris exemplaribus.} \\ \text{Can. 1. de conf. dist. 2.} \\ \text{Can. 8. de conf. dist. 2.} \\ \text{Can. 20. de conf. dist. 3.} \end{array} \right. \text{ simul jungendi, & ab Alexandri temporibus prorsus alieni.}$ | |
| Ex epist. 2. | $\left\{ \begin{array}{l} \text{Can. 2. dist. 94. non pertinet ad rem Gratiani.} \\ \text{Can. 91. cau. 1. qu. 1. referendus ad canonem 5. cau. 3. qu. 1.} \\ \text{Can. 5. cau. 3. qu. 1. ex integris exemplaribus supplendus.} \end{array} \right.$ |
| Apocryphi omnes. | |
| Ex epist. 3. | $\left\{ \begin{array}{l} \text{Can. 5. §. ult. cau. 3. qu. 1. referendus ad sententias Gregorii Magni.} \\ \text{Can. 16. cau. 6. qu. 1. consonat cum aliis veterum fragmentis.} \end{array} \right.$ |
| Apocryphi omnes. | |
| Adjicitur. | (Can. 4. cau. 6. qu. 4. exhibet disciplinam octavi, aut noni sæculi. |

AB anno Christi 121. Romanum Episcopatum tenuit Alexander per decem, & amplius annos, cui Ildorus Mercator tres epistolas adscripsit.

De epistola 1.

Alexander Episcopus omnibus Orthodoxis per diversas provincias Christo Domine famulantibus. Sic habet epistolæ prioris inscriptio; & in fine legitur: *data 9. Kal. Augusti Trajano, & Heliano viris clariss. Coss.* Vel ex his subscribendi formulis apparet inscitia Mercatoris; siquidem, ut silentio præteream Trajanum cum Heliano nullum unquam Consulatum gessisse, sub Consulatu Trajani Alexander nondum Pontifex erat inauguratus, videlicet postremus Trajani Consulatus incidit in annum æræ Christianæ 114. atque hæc per se jam sufficiunt ad demonstrandum epistolam hanc inter apocryphas jure optimo recensendam esse; Neque enim opus erit amplius, ut ostendamus, quod jam alii perfecerunt viri eruditissimi, epistolam hanc eandem ex pluribus nonnullorum Patrum fragmentis esse quasi ex laciniiis hinc illinc quæsitis contextam, ac confarcatam, scilicet sententiis Hieronymi, Procli, Ithacii Clari, Siricii Papæ, Ennodii, Concilii Carthaginensis vulgo 3., & Concilii 3. Bracarenfis, & epistolæ Clementis Papæ ad Jacobum Fratrem Domini ex interpretatione Ruffini, de cujus auctoritate jam satis superius dictum est suo loco.

Ad hanc epistolam pertinet in primis canon 14. cau. 11. qu. 1. Conqueritur enim initio epistolæ Alexander, quod Episcopi jaceant Subditorum vexationibus (quis non agnoscat hic consuetam, atque in omnibus epistolis recantatam Mercatoris sententiam?) Secundo etiam ita conqueritur. *Est enim & hoc ad Sanctam Sedem perlatum, quod pudet dicere, & non solum Sacerdoti, sed etiam omni Christiano nomini inimicum, idest quod nonnullos Episcopos, (legunt aliqui, nonnulli Episcopos) vel Sacerdotes aut metu compellunt, aut vi extorquent, aut fraude decipiunt aliquas confessionis suæ in alteram partem, quam debeant, aut pro suarum non requisitione rerum, aut quod deterius est pro alieni erroris secta scripturas facere, & propriis manibus roborare, & coram populis recitare, atque confiteri. Aliquos dicunt carceribus, & ergastulis recludi, ut saltem his territi infidiis deviant Domini Sacerdotes, & suis saveant voluntatibus.* Hæc habentur in §. est etiam can. 1. cau. 15. qu. 6., quem Gratianus aliis hujus epistolæ fragmentis sine ordine scripturæ adtexuit. Conqueritur tandem Alexander, quod Episcopi coram publicis iudicibus accusarentur a subditis, quum potius causæ Episcoporum ad Ecclesias deferri divina, aut Apostolica auctoritate debuissent. Verba habentur in can. 14. cau. 11. qu. 1. ibi: *Relatum insuper est ad hujus Sanctæ, & Apostolicæ Sedis apicem &c.* Tria hæc erant capita, de quibus proponitur conquestus Alexander apud Orthodoxos omnes, & de quibus in sequentibus nonnulla tractat, subdens aliqua ad Sacramentorum disciplinam, doctrinamque fidei pertinentia. At vero num singula hæc temporibus Alexandri convenire possent, admodum vereor. Quæ enim de controversiis fidelium Episcoporum judicio finiendis, declinandisque Magistratibus publicis decernuntur, non facile concipere possum, qua ratione dirarum in christianos vexationum tempore contingere valuissent. Verum, si fateri velimus, quod admodum verosimile est, quemadmodum Isidorus Mercator ex variis veterum fragmentis singula texere consuevit, dicemus sane, Mercatorem ipsum hujusmodi sententias excerptisse ex canone 9. Concilii Carthaginensis vulgo 3., sive ex can. 43. cau. 11. qu. 1.

Tribus itaque memoratis capitibus satisfactorius Alexander, exorditur ab improbandis accusationibus Episcoporum, (consueta Isidori Mercatoris cantilena), ubi etiam de Primatibus mentionem facit, quorum sane officia nondum instituta fuisse temporibus Alexandri viri eruditi testantur. Asserit autem, Episcopos esse divini oculi pupillam, quam si quis tangit, Deum ipsum tangere videatur, exemplo ducto ab eo, qui *Principis secularis oculos laceraret, aut amoveret, quem reum criminis majestatis futurum adfirmat*. Sane temporibus Alexandri majestas in nemine ex Principibus sita erat, sed tantum in Romano populo, cum adhuc incolumis esset, & integra Romanæ Reipublicæ ratio, & primum de hac criminis specie actum fuisse videtur tempore Arcadii, & Honorii in l. quisquis 5. cod. ad leg. jul. majest., quo deinde exemplo concludit, quemadmodum rei læsæ majestatis humanæ facti morti traduntur, ac perpetua notantur infamia, ita eos, qui persequuntur Episcopos, non morte quidem damnari, quia Deus non vult mortem peccatoris, sed perpetua infamia notari, & exilio dignos judicari finitimo. Sunt hæc in can. 9. cau. 3. qu. 5., quæ nemo sanus accommodare poterit temporibus Alexandri. Quomodo enim audire possumus Alexandrum exilium reis hominibus minitantem, quando scimus ipsummet coactum dirarum in Ecclesiam persecutionum causâ, ut in recessibus lateret, quasi in exilio? Posteriora autem illa verba: *de quibus a temporibus Apostolorum, & infra ista tenemus, atque decreta habemus, quibus eorum accusandi Episcopos, vel testificandi in eos vocem obstruimus, quos non humanis, sed divinis alibus mortuos esse scimus*, percipere difficili ratione possum. Qui porro sunt non humanis, sed divinis alibus mortui? Num Ethnici, qui non vivere divinis rebus dici jure potuissent? At de his minime loquebatur Alexander, cum ad Orthodoxos per diversas provincias Christo Domino famulantes scriberet; atque si Ethnicos allocutus fuisset, frustra adversus illos infamiam notam inurebat, aut exilium minitabatur, cum apud Ethnicos aut infamis, aut exul Alexander ipse haberetur. Video tamen, undenam hæc apud Isidorum Mercatorem profecta fuerint. Imitari voluit Mercator phrasim Hadriani Papæ relata in can. 53. cau. 2. qu. 7., & repetitam a Pelagio 2. in can. 6. cau. 3. qu. 5., ubi Monachi divinis legibus mortui appellantur, quibus propterea prohibitum esse constat, ne Episcopos accuset. Verba Hadriani hæc sunt: *Placuit eorum accusanti Sacerdotes, & testificandi in eos vocem obstruere, quos non humanis, sed divinis vocibus mortuos esse scimus*. Apud Gratianum paucis ita perstringitur hæc sententia: *Monachi Sacerdotes accusare, vel in eos testificari non possunt*. Si igitur verba Pseudo-Alexandri de Monachis, quemadmodum posteriore ætate dicta fuerunt, intelligamus, jam novum falsitatis argumentum habebimus, ex quo Mercatorem redarguamus, quatenus jam tum statuta Monachorum Alexandro adtribuere voluerit.

Pertinent hæc, quæ huc usque adferebam, ad priorem epistolæ partem, de accusationibus Episcoporum non recipiendis. Pergit auctor epistola ad secundam questionem, quæ proposita fuit in illis verbis, quæ superius referebam ad canonem 14. cau. 11. qu. 1. juncto §. est etiam canonis 1. cau. 15. qu. 6., atque ad eam rem ita fingitur Alexander respondere: *Similiter si hujusmodi personis (idest Episcopis, quorum de accusatione superius egerat Mercator) quædam Scriptura quoquo modo per metum, aut fraudem, aut per vim extorta fuerint (hic est canon 1. cau. 15. qu. 6. apud Gratianum, ubi mentio fit Sacerdotum, & Ecclesiæ auctorum, sive aliorum, contra quam in exemplaribus integris habeatur, ex eo fortassis, quod in*

Tom. II.

H

sequenti

Can. 1.
can. 15.
qu. 6.

sequenti ejusdem epistolæ capite de adoribus, seu auctoribus, seu, ut aliis placet legere, auditoribus Ecclesiæ agatur, quemadmodum inferius observabo ad canonem 16. cau. 2. qu. 7.) vel ut se liberare possint, quocumque ab eis conscriptæ, vel roboratæ fuerint ingenio, ad nullum eis præjudicium, aut nocumentum pervenire censemus : neque ullam eis infamiam, vel calumniam, aut a suis sequestrationem bonis unquam, auctore Deo, & Sanctis Apostolis, eorumque successoribus, suslinere permittimus. Confessio vero in talibus non compulsa, sed spontanea fieri debet (hic Gratianus nonnulla omittit, quæ in fine canonis recitat; ita autem legendum est ex integra epistola) ipso attestante, qui ait; ex corde enim procedunt homicidia, adulteria, fornicationes, blasphemie, & cetera quæ sunt ad hoc pertinentia. Nec tantum attendenda sunt, quæ sunt, quantum quo animo fiant, quorum exempla si omnia scribere ceperimus, antequam dies, quam exempla, deficient. Unde & illud est, quod Dominus ad munera Abel respexit, & non ad Cain, quia magis incendit ad offerentis animum, quam ad ea, quæ offeruntur. Inde & Dominus per Prophetam inquit: Dominus scit cogitationes hominum: & per Osæ ait: In gurgure tuo fit tuba, quasi aquila super domum Domini, & reliquus. Et Dominus ait in Evangelio: Tu autem cum oraveris, intra culiculus tuum, & clauso ostio ora patrem tuum; omnis enim confessio, quæ fit ex necessitate, fides non est: & Apostolus ait: Corde enim creditur ad justitiam, ore autem confessio fit ad salutem. Amplius autem respicit Deus ad cogitationes, & spontaneas voluntates, quam ad alius, qui per simplicitatem, aut per necessitatem sunt. Confessio ergo in talibus non extorqueri debet, sed potius sponte propteri; pessimum est enim de suspitione, aut extorta confessione quemquam judicare, cum magis inspektor cordis sit Dominus, quam operis, & potius inquirat Dominus cogitationes puras, & voluntates bonas, quam labia mendacia: unde & Dominus per Prophetam loquens ait: populus iste labiis me honorat, cor autem eorum longe est a me. Pejus malum fore non æstimo, quam christianos suis invidere Sacerdotibus. Novit enim Dominus, qui sunt ejus. Non potest autem humano condemnari examine, quem Deus suo reservavit iudicio. Si omnia namque in hoc sæculo vindicata essent, locum divina non haberent iudicia. Posteriora hæc verba plurimum consonant cum iis, quæ Anacleti nomine descripsit Gratianus, & quæ ego jam ad Ennodii sententias redegi ad can. 7. cau. 6. qu. 1. Ceterum ex his omnibus, quæ integra descripsi, illis junctis, quæ superius adferebam ad canonem 14. cau. 11. qu. 1. restituendus erit, emendandusque diuinus canon 1. cau. 15. qu. 6. atque hanc eandem sententiam jam retulerat Hincmarus Rhemensis in lib. de divortio Lotharii, & quidem nomine Beati Alexandri Martyris gloriosi, & post Beatum Petrum quartæ Apostolicæ Sedis Pontificis.

Can. 16.

cau. 2.

54. 7.

Post verba Pseudo-Alexandri nuper descripta statim hæc sequuntur in epistola : Quod autem ad alios iudices prius non debeant, quam ad Sacerdotes, vel auditores (legunt alii auctores) Ecclesiæ accusari, ita a tempore Apostolorum, & infra, observatum, & definitum invenimus. Si quis erga Episcopum, aut auctores (rursus alii legunt : auctores) quamlibet querelam, vel actionem iuste se habere crediderit, ipse redemptoris sit (cujus alio nostra est institutio) riarum non immemor, sed sedulor egregius, qui cum malediceretur, non maledicebat, sed tamquam ovis coram rudente se obtulit, ac pro suis persecutoribus in Cruce pendens apud Patrem intercessit: non prius primates, aut alios iudices adeat, quam ipsos, a quibus se læsum æstimat, conveniat familiariter, & non semel, sed sæpissime, ut ab eis aut suam justitiam accipiat, aut justam exaltationem. Boni nempe, & vere christiani hominis est, rem ipsam omnibus amicitie, ac pacis le-

gitus

gibus prius tentare, quam in iudicio, ubi frequenter amarissimus animæ rancor innasce-
tur, suum jus pertinaciter experiri. Siquis enim cum Deo, qui pacis est auditor, habi-
tare cupiat, ei necesse est, ut pacem inquirat. Si autem secus egerit, & ab ipsis, &
ab aliis communione privetur, tanquam Apostolorum, Patrumque aliorum contemptor.
Ex his supplere juvabit verba canonis 16. cau. 2. qu. 6., quæ non solum a Gra-
tiano, verum etiam a vetustioribus collectoribus Ivone, & Burchardo paucis per-
stricta fuerant. Verum nemo non videt in his, quantum ab Alexandri temporibus
huiusmodi epistola discrepet: mentio enim Ecclesiæ Primatum, aliorumque iudi-
cum in causis Ecclesiasticis appellandorum non convenit cum disciplina secundi sæ-
culi. Sed præcipue mentio *Aldorum*, qui in aliis exemplaribus *Audiores*, vel *Au-
ditores* nominantur, maxime suspecta est: Siquidem actoris nomen vel sumitur pro
eo, qui causam agit, & litem intendit, ut apud Paulum lib. 2. sententiarum tit. 1.
vel sumitur pro eo, qui fundum colit, quasi villicus, quæ significatione de actori-
bus loquitur Paulus idem in lib. 3. sententiarum tit. 7. In Ecclesiasticis monu-
mentis mentio frequentissime fit *Aldorum* Ecclesiæ, quod nomen de illis intellige-
batur, qui Ecclesiastica prædia possidebant, eademque colere curabant, qui etiam
aliquando *Aldonarii* dicti sunt. Hos memorat Gregorius Magnus lib. 1. epist. 9.
42., & 53., lib. 5. epist. 44., lib. 7. indict. 2. epist. 13, 44., 101., & 102., lib.
9. epist. 15., & 46., lib. 10. epist. 3., & 41., & lib. 12. epist. 3., & 20. Igitur
licet actores bonorum Ecclesiæ noti esse potuerint quinto, aut sexto Ecclesiæ sæ-
culo, quæ nimirum ætate Ecclesiasticum patrimonium augeri cæpit, prioribus ta-
men tribus, aut quatuor sæculis huiusmodi officium supervacaneum erat; hinc in
Concilio Carthaginensi, quod vulgo primum dicitur, referuntur ad annum 348.
vetitum fuit can. 6., & 8. Clericis, ne *Aldores* existerent, quo nomine intellex-
erunt eos, qui administrationem, vel procurationem alienorum bonorum gere-
bant, ut adpareat incognitam jam tum fuisse actionem, seu procuracionem prædio-
rum Ecclesiæ. Quamobrem eo luculentius constat Isidorum Mercatorem decipere
nos omnino voluisse, qui talia in Ecclesiis priorum temporum agnovit officia,
quæ nonnisi tardius in Ecclesia instituta sunt. Non ignoro nonnullos extitisse, qui
ut ab hac se extricarent difficultate, Mercatoris epistolæ defensori actorum no-
men pro Episcopis intellexere. Venia tamen illorum dixerim, sententias Merca-
toris ejusdem non satis apprimè perceperunt. Etenim Mercator actores ab Epi-
scopis distinguit, immo ita de actoribus loquitur, quasi plures essent in eadem
Ecclesia, & Episcopis subiecit ibi: *Siquis erga Episcopum, aut actores, quolibet*
querelam &c.

Progredior nunc ad postremam epistolæ partem, in qua Alexander fingitur non-
nulla tradere de Sacramentorum administratione. Huc pertinent canones 1., & 8.
de consecr. dist. 2., & can. 20. de consecr. dist. 3., quorum omnium verba hec
iuncta subjiciam, ut ex eo facilius agnoscamus, quam infelix fuit Isidorus Mer-
cator in variis, dissitisque sententiis confarcinandi, iisdemque omnibus a discipli-
na priorum temporum penitus alienis. In Sacramentorum quoque oblationibus (hic est
canon 1. de consecr. dist. 2.) *que inter missarum solemnias Domino offeruntur, Passio Do-
mini miscenda est, ut ejus, cujus Corpus, & Sanguis conficitur, Passio celebretur, ita,
ut repulsis opinionibus superstitionum panis tantum, & vinum aqua permixtum in Sacri-
ficio offerantur. Non debet enim, ut a Patribus accepimus, & ipsa ratio docet, in Ca-
lice Domini aut vinum solum, aut aqua sola offerri, sed utrumque permixtum, quia*

utramque ex latere ejus in Passione sua profluxisse legitur. Ipsa vero veritas nos instruit Calicem, & panem in Sacramento offerre, quando ait: Accipite Jesus panem, & benedixit, deditque Discipulis suis, dicens; Accipite, & manducate, hoc est enim Corpus meum, quod pro vobis tradetur: similiter postquam canavit, accepit Calicem, deditque Discipulis suis dicens: Accipite, & bibite ex eo omnes: quia hic est Calix Sanguinis mei, qui pro vobis fundetur in remissionem peccatorum; crimina enim, atque peccata oblatis his Domino sacrificiis delentur. Idcirco & Passio ejus in his commemoranda est, qua redempti sumus, & sapienter recitanda, atque hæc Domino offerenda. Talibus hostiis delectabitur, & placabitur Dominus, & peccata dimittet ingentia; nihil enim in sacrificiis (hic est canon 8. de conf. dist. 2.) majus esse potest, quam corpus, & Sanguis Christi, nec ulla oblatio hac potior, sed hæc omnes præcellit. Quæ pura conscientia Domino offerenda est, & pura mente sumenda, atque ab omnibus veneranda: & sicut potior est ceteris, ita potius excoli, & venerari debet. Aquam enim sale conspersam (hic est canon 20. de conf. dist. 3., cujus sane verba nemo non videt, quam perperam antecessitibus jungantur) populus benedicimus, ut ea cuncti adpersi sanctificentur, & purificentur, quod & omnibus Sacerdotibus faciendum esse mandamus. Nam si cinis virtuale adpersus sanguine populum sanctificabat, atque mundabat, multo magis aqua sale adpersa, divinisque precibus sacra populum sanctificat, atque mundat. Et si sale adperso per Heliseum Prophetam sterilitas aquæ sanata est, quanto magis divinis precibus sacra sterilis verum aufert humanarum, & coinguinatos sanctificat, atque mundat, & expurgat, & cetera bona multiplicat, & insidias diaboli avertit, & a phantasmatibus versutis homines defendit? Quicumque congestas hujusmodi sententias accurate perpenderit, facile agnoscat in primis nonnulla ex variis Sanctorum veterum Patrum fragmentis esse indigesta methodo confarcinata; immo & barbaris loquendi formulis involuta, item non consonare vetustissimæ Ecclesiasticæ disciplinæ. Quis enim non adpernabitur ineptas illas scribendi formulas, quibus dicitur in Sacramentorum oblationibus esse miscendam Domini passionem, item in morte Christi vinum, & aquam ex latere ejus fluxisse, cum non vinum, sed sanguis aqua mixtus teste Evangelista effluerit? Item in ea parte, in qua scribitur panem, & vinum aqua commixtum offerendum esse in altari, facile agnoscat quipsiam sententias Concilii Carthaginensis vulgo tertii cap. 24., Concilii Bracarensis 3. cap. 1., Concilii Aurelianensis 4. cap. 4., Cypriani epist. 63., & Ambrosii de Sacramentis lib. 5. cap. 1. Sed præ ceteris notanda est Mercatoris inscitia in verbis illis, quæ habentur initio dicti canonis 20. de consecr. dist. 3. Quæ sane nulla ratione cohærere præcedentibus possunt. Statuerat auctor epistolæ oblationem Corporis, & Sanguinis Domini pura mente sumendam esse, & præ ceteris excolendam; atque hanc subijcit statim rationem: *Aquam enim sale conspersam populus benedicimus &c.* Quid porro commune habet aqua sale conspersa cum oblatione Corporis, & Sanguinis Domini? Præterea istiusmodi aquæ salis adpersione benedicendæ nulla erat temporibus Alexandri Ecclesiæ disciplina, siquidem quum Donatistæ falsis aquæ uterentur in suis consecrationibus, redarguti fuerunt ab Optato Milevitano, ea potissimum de causa, quod sale aquam sanctificare niterentur. En ipsamet Optati verba in lib. 6. adversus Parmenianum ita scribentis: *Jam illud quale est, quare in multis locis etiam parietes lavare voluistis, & inclusa spatia salsa aqua spargi præcepistis? O aqua; quæ dulcis a Deo creata es, super quam ante ipsius natalem mundi Sanctus Spiritus ferebatur! O aqua, quæ, ut purum faceres orbem, lavisti terram! O*

aqua

aqua, quæ sub Moyse, ut naturalem amaritudinem perderes, indulgata ligno tot populorum pectora suavissimis haustibus satiasti! Restabat tibi post promotionem non leviter degradari: præsentia Moysi in te amaritudo moritur, & a Schismaticis hodie cum Catholicorum turba dulcedo tua vexatur: pares patimur bellum, pares expellamus vindicem. Deum &c. Si igitur temporibus Optati Milevitani usus aquæ sale benedicendæ tantum apud Donatistas invaluerat, nondum Ecclesiastica lege probatus, quomodo Mercator eum usum referre potuit ad constitutiones Alexandri? Prosequitur Mercator, & ait, multo magis aquæ sale consperx vim sanctificandi inesse, si cinis vitulæ adpersus sanguine veterem populum emundaverat. Hoc sane argumentum a potiori ratione deductum, ut scholæ loquuntur, parum valeret apud eum, qui divinas institutiones Ecclesiasticis institutionibus præferre sciverit; sciverit præterea ex divina institutione cinerem vitulæ adpersum sanguine vim habuisse emundandi populum, aquæ autem sale benedicendæ disciplinam debere nos Ecclesiasticis, & quidem recentioribus institutis. Immo & heic nemo non videt abusum fuisse Mercatorem sententiæ Pauli Apostoli, qui ex eo, quod sanguine adpersus cinis vitulæ vim habuerat emundandi populum, merito deducendum voluit, potiori jure, Sanguine Christi sanctificari populum, & mundari.

De epistola 2.

Epistolæ posterioris Alexandro tributæ hæc est inscriptio: *Dilectissimis fratribus omnibus Episcopis per diversas constitutis regiones Alexander Episcopus.* Sed vel una Consularis notæ adjectio: data 7. Kal. Novembris Trajano, & Heliano viris clariss. Consulibus apocrypham esse epistolam docet; quippe eadem est consularis nota, quam priori epistolæ idem Mercator adjecit, falsa in primis, cum Trajanus nupquam Consulatum gesserit cum Heliano, deinde minus conveniens Alexandro, cum postremus Consulatus Trajani inciderit in annum 114., & sic pluribus annis ante Pontificatum Alexandri. Sed præter hæc auctor epistolæ secutus est vulgatam Hieronymi interpretationem sacrarum literarum, item usus est verbis Concilii Lateranensis sub Martino I. anni 649., plurimaque composuit, quæ passim repetere, consuevit in reliquis epistolis, quas & aliis Romanis vetustissimis Pontificibus tribuit.

Initium hujus epistolæ habetur in can. 5. cau. 3. qu. 1., qui sane jungendus erit cum can. 91. cau. 1. qu. 1., & can. 2. dist. 94., ut enim Gratianus singulorum hujusmodi fragmentorum sententiam corrumpit, ita omnia restituere oportebit. Nulli fratres dubium est (ita auctor epistolæ in principio, & Gratianus in dicto can. 5. cau. 3. qu. 1.) quia boni a malis semper persecutionem patiuntur, & tribulantur. Propter quod humiliemur sub potenti manu Dei, ut liberet nos in tempore tribulationis. Nam sicut leo rugiens circuit, querens, quem devoret, sic Diabolus non cessat circuire, & querere, quos ex fidelibus perdat, & maxime illos, quos ardentiores in servicio Salvatoris, & eique familiares invenerit: Familiares dico eos, quos sibi sacrari, & in ordine Apostolatus constitui voluit. Ipsi enim pro populo interpellant, & populi peccata comedunt, (hæc etiam habentur in dicto can. 91. cau. 1. qu. 1.) quia precibus suis, & oblationibus ea delent, atque consumunt. Qui quanto digniores fuerint, (hæc omisit Gratianus in dicto can. 5. cau. 3. qu. 1.) tanto facilius pro necessitatibus

Can. 2.
dist. 94.
can. 91.
cau. 1.
qu. 1.
Can. 5.
cau. 3.
qu. 1.

tibus, pro quibus clamant, exaudiuntur. Multum enim, ut ait B. Jacobus Apostolus, valet deprecatio iusti assidua. Qui enim vos persequitur, ipsum, cujus legatione fungimini, persequitur, quia sicut ipse filius Dei mediator fuit Dei, & hominum, ita & vos ejus vice in Ecclesia estis constituti, ut inter Deum, & homines legatione fungamini. Si quis autem legationem vestram impedit, (hic est canon 2. dist. 94.) non unius, sed multorum profectum avertit. Et sicut multis nocet, ita a multis arguendus est, & bonorum societate arcendus; & quia Dei causam impedit, & statum conturbat Ecclesie, ideoque ab ejus liminibus arceatur. Ab omnibus quoque talis est cavendus, & non in communionem fidelium usque ad satisfactionem recipiendus. Est enim statutum olim, ut qui statum conturbat Ecclesie, ab ejus liminibus arceatur, nec cum fidelibus communicet, qui eorum bona avertit. Vos ergo si dilectionem habueritis ad invicem, & unanimes fueritis, facile tales superare poteritis. Si vero, quod absit, discordes fueritis, & camino dente vos derodere ceperitis, non solum eos non superabitis, sed & vobis ipsis nocebitis, atque ab eis superabimini, & innocenter forte peribitis. Qui autem ex vestro collegio fuerit (iterum hic profectus Gratianus in dicto canone 5. cau. 3. qu. 1.) & ab auxilio vestro se subtraxerit (Ivo legit hoc modo: qui autem ex vestro collegio fugerit, & ab auxilio vestro se subtraxerit &c.) magis Schismaticus, quam Sacerdos esse probabitur. Ecce, inquit propheta, quam bonum, & quam jucundum habitare fratres in unum. Illi vero in unum non habitant, qui a fratrum solatio se subtrahunt, aut, quod deterius est, fratribus infidias præparant, aut laqueos ponunt. Hic desinit Gratianus; nam §. Dominum pertinet ad epistolam tertiam, de qua inferius.

Nonnulla digna observatione sunt in hisce Gratiani fragmentis ita ad integros codices exactis. In primis enim in can. 5. cau. 3. qu. 1., quemadmodum & in can. 91. cau. 1. qu. 1. Sacerdotes dicuntur populi peccata comedere, ea significatione, quod precibus suis, & oblationibus eadem deleant; quod quidem perperam dictum sit, nemo non videt; cum sive in sacris literis, sive apud Sanctos Patres Sacerdotes peccata populi comedere, nihil aliud sit, quam querimonia quadam adversus improbos aliquot Sacerdotes, qui de oblationibus a populo in peccatorum suorum remissionem factis ita disponunt, ut non suis, aut Ecclesiarum, aut fratrum necessitatibus subveniant, sed potius liberæ, effrenique indulgeant voluntati. Huc pertinent verba Osee cap. 4. vers. 8. ibi: Peccata populi mei comedent, & ad iniquitatem eorum sublevarunt animas eorum... & comedent, & non saturabuntur, & fornicati sunt, & non cessaverunt, quoniam Dominum dereliquerunt in non custodiendo. Præterea redarguendus est jure, & merito Gratianus, dum ea, quæ in hac epistola leguntur ad Episcopos, tamquam Apostolorum successores, atque etiam tamquam Dei Optimi Maximi legatione fungentes, pertinentia, quasi dicta de legatis Apostolicæ Sedis recenset in dicto can. 2. dist. 94. Illa autem verba, quæ legenda sunt post canonem 2. dist. 94., est enim statutum olim, ut qui statum conturbat Ecclesie, ab ejus liminibus arceatur, ad quem nam ex veteribus canonibus referri commode poterunt, nisi illis temporibus compositam fingamus epistolam, quibus jam canones illi, qui Apostolici dicuntur, Apostolorum nomine prodissent? etenim in canone 10. ex illis apud Dionysium Exiguum fideles inquietudines Ecclesie commoventes communionem privantur.

De epistola 3.

Alexander Episcopus omnibus divino Sacerdotio fungentibus pax, & misericordia multiplicetur, & sapientia, atque bona voluntas in omnibus augeatur, & fructificetur in Domino. Sic habet inscriptio epistolæ 3., quæ Alexandro tribuitur. Nota Confularis apocrypham evincit epistolam; etenim dicitur data Kal. Maji Heliano, & Vessere viris clariss. Coss. Incidit hic Consulatus in annum Christi 118. triennio ante, quam Alexander summum Ecclesiæ Pontificatum obtinuisset. Sed & vulgata Hieronymi versio in Sacræ Scripturæ fragmentis describendis, quam auctor epistolæ hujus secutus est, item variz veterum Doctorum Augustini, Gregorii, & Patrum Concilii Hispalensis 2. sententiæ, quas auctor idem imitari studuit, in causa fuerunt, cur ab eruditis communi consensione inter spurias veterum Pontificum epistolæ hæc jamdiu amandari debuit. Porro potissimus hujus epistolæ scopus est, ut averrantur Sacerdotes ab accusationibus Confacerdotum, quod unum Isidori Mercatoris manum indicat; atque huc pertinet canon 16. cau. 6. qu. 1., cujus verba ita sunt describenda: *Summa enim iniquitas est, fratres detrabere, & accusare: unde scriptum est, omnis, qui detrahit fratri suo, homicida est, & omnis homicida non habet partem, aut hereditatem in regno Dei.* His autem videtur auctor epistolæ imitatus sententiæ Concilii Carthaginensis in can. 4. dist. 46., Augustini in can. 28. dist. 1. de penitentia, aut etiam suæ Synodi Romanæ in can. 50. cau. 2. qu. 7.

Can. 16.
cau. 6.
qu. 1.

Prope finem ejusdem epistolæ, ubi dicitur, neminem debere accusationibus vexare Sacerdotes, hæc leguntur: *Ait enim Apostolus de infidelium ignorantia: Si cum cognovissent, nunquam Dominum gloriæ crucifixissent. Crucifigunt enim Dominum, qui eum in Sacerdotibus suis persequuntur, quia Crux a cruciatu dicitur; magnum vero cruciatum sustinet, qui vim patitur.* Hæc eadem ipsa sunt, quæ retulit Gratianus in can. 5. cau. 3. qu. 1. §. ult. Nemo autem non dixerit hujus epistolæ auctorem, abuti voluisse iis, quæ tradit Gregorius Magnus in homil. 37. in Evangelia his verbis: *Veritas subdendo manifestat dicens: Qui non bajulat crucem suam, & venit post me, non potest meus esse Discipulus: Crux quippe a cruciatu dicitur: & duobus modis Crucem Domini bajulamus, cum aut per abstinentiam carnem afficimus, aut per compassionem proximi necessitatem illius nostram putamus.*

Can. 5.
§. ult.
cau. 3.
qu. 1.

De can. 4. cau. 6. qu. 4.

Auctor Palearum apud Gratianum fragmentum quoddam Alexandri Papæ nomine adjecit in can. 4. cau. 6. qu. 4. Non potest sane is canon tribui Alexandro 2., etenim & idem habetur apud Burchardum Alexandro II. vetustiore in lib. 1. cap. 59. Neque tribui jure posset Alexandro I., cum temporibus Alexandri I. minime conveniant ea, de quibus agitur: Agitur nempe de Metropolitanis, ad quos ab Episcopis Comprovincialibus fuerit appellatum, item de sententiis Synodalibus Episcoporum, quæ omnia illa ætate custodiri non poterant, aut inveni, cum Ecclesia universa disquis Ethnicorum vexationibus adhuc quassaretur. Quid ergo? ego palearum auctorem reprehendendum non arbitror, quem Ivonis collectio scellerat, quem

quemadmodum sefellerat Ivonem Burchardus. In Burchardo itaque sisto, atque in primis ex eo tanquam verustiore collectore fragmentum istud ita describo: *Ex decret. Alexandri Papæ: Si Metropolitanus a quocunque Comprovinciali Episcopo bis fuerit in causa propria appellatus, & cum audire distulerit, in proxima Synodo negotii sui habeat licentiam exercendi, & quidquid propter justitiam a Comprovincialibus suis fuerit statutum, debet custodiri.* Qui paleas apud Gratianum adiecit, omisit illa verba: *bis fuerit*, nescio qua de causa. Hæc autem forte quispiam interpretaretur, ut scilicet tum demum liceret Episcopo ad iudicium Synodi provocare, quum Metropolitanus bis postulatus causam audire distulerit: Non improbo penitus istiusmodi interpretationem, quæ palam esse videtur, atque facillima. Liceat tamen mihi paulo aliter hæc interpretari, unde commodius auctores, & tempora hujus canonis demonstrare possim. Media Ecclesiæ ætate, idest post imperium Romanum ad Occidentales translatus, nonnulli Metropolitz cæperunt Primatum nomine appellari, ii videlicet, quorum provincia satis ampla esse poterat, & pluribus insignita Metropolitibus. Hinc operæ pretium fuit coercere ambitum plurium Metropolitatum, qui se Primates dici malebant, quin tamen quidpiam haberent, unde jure Primatum dignitatem nanciscerentur, quemadmodum habet Angilramus in capitulis cap. 25. Erant igitur tunc Archiepiscopi Primatibus subditi: Erant etiam Archiepiscopi, qui nullum supra se constitutum Primatem habebant, sed immediate Pontifici Maximo subdebantur. At vero tam Archiepiscopi, qui nullum superiorem Primatem agnoscebant, quam Primates ipsi, omnes Synodo seu Provinciali, seu Nationali subdebantur. Hinc sæpissime constitutum scimus ab Archiepiscopis subditis Primates, a Primatibus Provinciales Synodos fuisse appellatas, & ab Archiepiscopis Primati minime subditis, Synodi ipsius judicia fuisse expectata. Sic interpretari commode juvat canones illos Conciliorum mediæ ætatis, quibus appellationem ab Archiepiscopis modo ad Synodum, modo ad Primatem interponendam esse statutum est. Primatem appellandum esse a sententia Archiepiscopi statutum legitur in lib. 7. Capitular. Francorum cap. 83. & 314., & in addit. 4. cap. 25., in Capitulis Angilramni cap. 6., quibus addere possem canones 7. & 15. cau. 2. qu. 6. Viceversa a sententiis Metropolitanorum interpositam fuisse appellationem ad Concilia Provinciarum legitur in lib. 7. Capitularium can. 102. & in capitulis Angilramni cap. 12. Ecclesiastica Ordo ita constitutus facilem omnino viam struebat ad judicia Ecclesiastica; judicabat enim primo Episcopus, deinde Archiepiscopus, postea Primas, aut Concilium Provinciale, ubi nullus Primas extitisset; ac propterea triplex proferri iudicium in unaquaque Provincia poterat, ut ea ratione contentiones omnes in provincia finirentur, quemadmodum abunde tradidi ad canonem 5. cau. 6. qu. 4. Difficultas supererat in causis Episcoporum, quæ in prima, ut ajunt, instantia coram Archiepiscopis instituendæ fuissent; & quidem, ubi Archiepiscopus Primati suberat, tres adhuc sententiæ, post quas nulla amplius appellatio fieret, & perpetuæ contentiones non essent, expectari poterant; prima scilicet sententia ab Archiepiscopo, altera a Primato, a Concilio postrema. Ubi vero Archiepiscopus Primati non suberat, duplex tantum sententia probabatur, prior Archiepiscopi, posterior Concilii. Itaque Episcopi, quorum, quemadmodum & publicæ rei, intererat lites in provincia finire, & quantocius, novam induxerunt disciplinam, qua fieret, ut Archiepiscopi bis in una, eademque causa cognoscere, & sententiam ferre valerent. Sic in additione 4. Capitularium Francorum cap. 28. legitur: *U*

accusato, vel iudicato in aliqua causa Episcopo liceat iterare iudicium &c., &c. in lib. 6. Capitularium cap. 64. ita legitur: *Si litem habuerit Episcopus cum alio Episcopo non alterius, sed sue Provinciae iudices quaerat: & ut iudicatio in aliqua causa Episcopo liceat iterare iudicium, &c.* Retractari igitur Episcoporum causa poterat coram Metropolitano, ac tum demum post alteram Metropolitani sententiam, Concilii iudicium appellabatur. En vero nitidam, ut arbitror, Gratiani fragmenti interpretationem meam; tum demum enim ibi dicitur referendam esse causam ad Concilium, cum Metropolitano *bis* a quocumque Comprovinciali Episcopo appellatus eum audire distulerit, quia mos erat, Episcopos causas suas duplici iudicio persequi coram Metropolitano. Quae interpretatio si doctis viris placeat, futurum erit, ut Gratiani fragmentum, de quo agimus, referant ad mediam aetatem, octavum scilicet, vel nonum Ecclesiae saeculum, forte etiam tribuant alicui deperdito Gallicanae Ecclesiae Capitulari, cujus nomen de more suo reticere voluerit Burchardus, ejusque vice nomen inscribere Alexandri Papae. Ego sane nonnulla similia reperio in Francorum Capitularibus lib. 7. cap. 102. ibi: *Canones Africanae provinciae, vel etiam decreta Nicana inferioris gradus Clericos, sive ipsos Episcopos suis Metropolitanis apertissime commiserunt. Prudentissime enim, iustissimeque deservierunt quaecumque negotia in suis locis, ubi orta sunt, finienda; maxime quia unicuique concessum est, si iudicio offensus fuerit cognitorum, ad concilia suae provinciae, vel etiam universalia, provocare.* Dicere praeterea quispiam posset, canonem memoratum esse Burchardi non merum Collectorem agentis, sed Episcopum aliquid in Diocesi sua statuentem ad disciplinae Ecclesiasticae normam; eundemque voluisse quasi ex Alexandro depromptum adferre, quod in epistolis Alexandro tributis cura Episcoporum gravatorum videatur Episcopis superioribus demandata, ut scilicet Primates; aut Metropolitae paratos sese semper exhibeant ad tuendos Episcopos adversus calumnias adversantium. Verba Alexandro tributa sunt in fine epistolae 2. ibi: *Dominus vobis commisit Ecclesiam suam, ut pro omnibus laboretis, & cunctis oppressis opem ferre non negligatis. Unde & Dominus per Prophetam loquitur dicens: Hac dicit Dominus: iudicate mane iudicium, & eruite vi oppressum de manu calumniantis, ne forte egrediantur quasi ignis indignatio mea, & succendantur, & non sit qui extinguat. Vos ergo, qui in summa specula a Domino constituti estis, attendere eos, & opprimere oportet, qui in fratres seditiones, & scandala excitant, ne simul cum eis pereatis.*



C A P U T V.

De Sixto I.

Licet Isidorus Mercator duas epistolas decretales Sixto I. falso tribuerit, unicam tamen, posteriorem videlicet, memoravit Gratianus, ex qua sunt sequentes canones.

Apocryphi omnes. { *Can. 4. cau. 2. qu. 6. ex integra epistola supplendus.*
 Ex epist. 2. { *Can. 1. cau. 8. qu. 5. jungendus cum can. 4. cau. 2. qu. 6.*
 Can. 41. de conf. dist. 1. ex integra epistola supplendus.

Adjicitur. (*Can. 17. cau. 3. qu. 6. pertinet potius ad Capitula Hadriani Papæ.*

VIta sancto Alexandro successus in ejus locum est Sixtus patria Romanus anno Domini 132. juxta vulgarem Chronologorum traditionem; vixitque usque ad annum 142. De priore epistola ipsi a Mercatore tributa nullam heic mentionem faciam; Tantum de posteriore; quam & apocrypham esse, & a Sixti ejusdem ætate prorsus alienam multa demonstrent, & quidem perspicua argumenta. Ejus inscriptio hæc est: *Sixtus universalis Apostolicæ Ecclesiæ Episcopus omnibus Episcopis in Domino salutem.* Porro ex Gregorio Magno lib. 4. epist. 36., 38., & 39. abunde liquet, neminem ex antiquioribus Pontificibus Maximis universalis Episcopi titulo se se nominasse; neque enim ulla tum erat occasio explicandi talem titulum, cum omnes in Primatum Romani Episcopi consentirent; ac demum hujusmodi vocabula in usu esse cæperunt, cum Græcorum Patriarcharum ambitio cohibenda fuit, recolendumque frequenti memoria, eos Romano Episcopo subjici. In fine epistolæ hæc habetur temporis nota. *Data 9. Kal. Aprilis Hadriano, & Vero viris clariss. Coss.* Siquis evolverit veterum Romanorum annales, nullibi reperiet hujusmodi Consulatum, immo ab anno 132. usque ad annum 142., quibus Pontificatum tenuit Sixtus nullum Consulatum gessit Hadrianus. Isidorus Mercator, qui in notis consularibus non erat satis edoctus, hoc nobis argumentum gravissimum præbet, quo tot, tantaque ipsius mendacia detegamus. Quod si sententias hujus epistolæ perscrutari velimus, agnosceremus facile Mercatoris ejusdem manum, eo ut plurimum tendentem, ut accusationes Episcoporum declinandas velit a Metropolitanis, aut Conciliis provincialibus, adversus receptam priorum temporum disciplinam. Non memoro latinæ elocutionis barbariem, quæ sane secundo Ecclesiæ sæculo non convenit illi, qui & Romæ natus erat, & Romæ degebat. Non memoro etiam illa, quæ ex Sozomeno, ex Concilio Romano s. sub Symmacho, & Martino I. describuntur, ex quibus omnibus clare liquet, quænam nostra, omniumque debeat esse de subjectis Gratiani fragmentis sententia.

Et quidem huc in primis pertinet canon 41. de conf. dist. 1., qui referendus est ad priora hæc epistolæ verba, immo & ex eisdem supplendus: *Cognoscat vestra sapientia, charissimi fratres, quia in hac Sancta Sede Apostolica a nobis, & reliquis Episcopis, ceterisque Domini Sacerdotibus, statutum est, ut sacra vasa non ab aliis, quam a sacris, Dominoque dicatis contineantur hominibus; indignum enim valde est,*

*Can. 41.
de conf.
dist. 1.*

ut sacra Demini vasa, quaecumque sint humanis usibus serviant, aut ab aliis, quam a Domino famulantibus, eique dicatis traſſentur viris: ne pro talibus præſumptionibus iratus Dominus plagam imponat populo suo, & hi etiam, qui non peccaverunt, mala patientur, aut pereant, quia perit justus sc̃pissime pro impio. Priora hujus fragmenti verba, quibus videtur insinuari, Sixtum nonnulla in Concilio Episcoporum Romæ celebrato statuſſe, Gratianus omiſit, aut quicumque Gratiano auctor extitit: videbatur enim absurdum, tempore dirarum vexationum fingere celebratum. Romæ Concilium a Sixto, ad quod plures Episcopi confluiſſent. Revera nemo hæc percipere poterit, niſi ex iis ſit, qui Iſidoro Mercatori velint adhærere proſuſus, & quibuscumque figmentis, aut fabulis delectentur. Præterea ſententia illa poſtrema, Perit justus sc̃pissime pro impio, mihi non ſatis apta videtur, immo divinæ æquitati quandam injuriam ingerere.

Poſt pauca in eadem epiſtola hæc leguntur: Si quis vero veſtrum pulſatus fuerit in aliqua adverſitate, licenter hanc Sanctam, & Apoſtolicam appellet Sedem, & ad eam, quaſi ad caput, ſuffugium habeat, ne innocens damnetur, aut Eccleſia ſua detrimentum patiat. Si autem ei neceſſe fuerit, eamque appellare minime auſus fuerit, & vocatus tamen ab hac Sancta Sede fuerit, non veniat venire, ſed conſeſſim, ut ei nuntiatur, venire ſeſtinet, & cauſas, pro quibus vocatus eſt, prudenter diſponat, atque ſi neceſſe aliquid corrigere fuerit, cum hiſ, quos hic primos invenierit, corrigat. Ad Eccleſiam tamen ſuam non prius revertatur, quam literis Apoſtolicis, vel formatis pleniter inſtruſtus, atque purgatus ſit, ſi fuerit unde: ut poſtquam domum reverſus fuerit, agnoſcant vicini ſui, qualiter hic ſua, aliorumque cauſa diſcuſſa fuerit, quatenus eam abſque aliqua ambiguitate nunciare, & prædicare omnibus poſſit. Ab hac enim Sancta Sede, a Sanctis Apoſtoliſ tueri, deſcendi, & liberari Episcopi juſſi ſunt, ut ſicut eorum diſpoſitione, ordinante Deo, primitus ſunt conſtituti, ſic hujus Sanctæ Sedis (cujus diſpoſitioni eorum cauſas, & judicia ſervaverunt) proteſtatione futuris temporibus ſint ab omnibus perverſitatibus ſemper liberi. Unde culpanſur hi, qui aliter circa fratres egerint, quam hujus Sedis Reſtoribus placere cognoverint. Sunt hæc, quæ Gratianus reſtulit in can. 4. cau. 2. qu. 6., & in can. 1. cau. 8. qu. 5. Nemo autem non agnoſcit in eiſdem conſuetas Mercatoris cantilenas, quas in omnibus ferme epiſtoliſ ab eo conſeſſis audimus. Mirari ſane debemus, qua ratione potuiſſet Sixtus Episcopus univerſos admonere, ut in quacumque adverſitate conſugerent ad Romanam Sedem, quaſi tunc temporis non zque vexaretur diris perſecutionibus Ethnicorum Romana Eccleſia, ac ceteræ vexarentur, aut quaſi in Romana Eccleſia ceteri Episcopi tutum quodammodo aſilum, aut etiam patrocinium invenire potuiſſent.

De can. 17. cau. 3. qu. 6:

Romani Correſtores jamdiu agnoverunt canonem 17. cau. 3. qu. 6. Sixti Pontificis eſſe non poſſe, immo & obſervaverunt apud Ivonem laudari nomine Eleutheri, aut Felici I. Ego ſane non dubitarem, quin canon ille aut Eleuthero, aut Felici tribuendus eſſet, ſi germanæ, & genuinæ forent epiſtolæ: ex quibus idem depromptus dici poſſet. Proferam in primis epiſtolam Eleutheri ad Episcopos Galliæ, in qua hæc leguntur: De accuſationibus vero comprouincialibus ita legiſſe eſſe ſtatutum: ſiquis ſuper quibuſlibet criminibus Clericum pulſandum crediderit, in

provincia, in qua consistit ille, qui pulsatur, suas exerceat actiones, nec astimet eum alibi, aut longius ad iudicium protrahendum. Illi vero, qui pulsatus fuerit, si iudicem suspectum habuerit, liceat appellare. Proferam præterea epistolam Felicis I. ad Paternum, ubi ita habetur: Si quis super quibuscumque criminibus Clericum pulsandum crediderit, in provincia, in qua consistit ille, qui pulsatur, suas exerceat actiones: nec astimet eum accusator alibi, aut longius protrahendum ad iudicium. Illi vero, qui pulsatus fuerit, liceat appellare Primates. Hæc porro si cum Gratiani fragmento conferantur, adparebit ab illo minime distare, & potius Eleuthero, aut Felicis nomen fuisse inscribendum. Sed, ut liquet, parum id interest, cum memorata loca Eleuthero, aut Felici falso tributa sint ab Isidoro Mercatore, eodemque jure tribui potuerint Sixto a Gratiano. Neque vero hujusmodi sententia convenire potest temporibus vetustissimorum memoratorum Pontificum; vix enim sub Leone, & Anthemio Imperatoribus hæc statuta de provincialibus judiciis audiri cœperunt, quemadmodum liquet ex l. 33. cod. de Episc. & Clericis. Non est contemnenda altera Romanorum Correctorum observatio, qui adnotarunt in vetustis aliquot Gratiani exemplaribus Sixti nomen desiderari, & haberi hanc tantummodo inscriptionem: item, quasi videatur laudari eadem Romana Synodus, ad quam pertinebat caput præcedens. Porro canon 16. præcedens est Synodi Romanæ, cujus nomine apud Gratianum aliquando accepta fuerunt capitula Hadriani Papæ, uti ostendi in parte 1. cap. 45., atque in eisdem capitulis Hadriani, idest in collectione Hadriani Ingelramno data cap. 8. eadem verba leguntur, quæ in memorato canone 17. ibi: Si quis Clericus super quibuscumque criminibus pulsatus fuerit, in provincia, in qua consistit ille qui pulsatur, suas exerceat actiones, nec astimet eum alibi, aut longius ad iudicium protrahendum. Illi vero, qui pulsatus fuerit, si iudicem suspectum habuerit, liceat appellare. Atque hæc eadem sententia eisdem omnino verbis translata est in Capitularia Francorum, uti adparet ex additione 4. Capitularium cap. 18. in editione Parisiensis anni 1677.

CAPUT VI.

De Telephoro.

Telephoro Papæ sequentia tribuuntur,

- | | | |
|------------------|---|--|
| Apocryphi omnes. | { | Can. 4. dist. 4. supplendus ex integris epistolæ exemplaribus. |
| | | Can. 1. cau. 3. qu. 9. supplendus ex integris epistolæ exemplaribus. |
| | | Can. 8. cau. 6. qu. 1. jungendus cum can. 1. cau. 3. qu. 9. |
| | | Can. 48. de cons. dist. 1. supplendus ex integris epistolæ exemplaribus. |

Imperante Antonino Pio ab anno 142. usque ad initium anni 154. Summum Pontificatum gessit Telephorus natione Græcus, si fides est auctori libri Pontificationis; & quidem sub Antonini imperio (erat enim vir suavissimus indole) videbatur Ecclesia a diutinis vexationibus paulisper quiescere; sed Ethnicorum Imperatoris adstan-

adstantium lateri invidia plurimum potuit, ut rursus Ecclesia concuteretur, qua de re etiam factum est, ut Telephorus ipse martyr occubuerit, uti testantur Irenæus lib. 3. cap. 3., & Tertullianus in carmine contra Marcionem lib. 3. in fine. Prodiit ex officina Isidori Mercatoris unica hujus Pontificis nomine epistola, cui hæc est inscriptio. *Charissimis fratribus, & dilectissimis Episcopis Telephorus Romanæ urbis Archiepiscopus salutem in Domino.* Nota consularis hæc adjicitur: *Data 15. Kal. Martii Antonino, & Marco viris claris. Consulibus.* Ex hac tantummodo nota consulari facile evincunt viri eruditi, hanc epistolam inter apocryphas jure, ac merito recensendam; etenim nullus esse potuit sub Telephoro consulatus Marci cum Antonino. Neque fortassis quispiam observaret, intelligendos hæc esse binos consulatus Marci Aurelii Antonini cum Antonino Augusto, qui inciderunt in annum Domini 142., & annum 147., nam contra jam observaverunt viri hæc in rebus versatissimi, in primis Consulum non nomina, sed cognomina potissimum adnotari consuevisse; deinde Antoninum Augustum a Marco distingui non debere, cum ipse Marcus Antoninus dictus fuerit; demum hanc epistolam convenire non posse anno 142., in quem incidit primus hujusmodi consulatus; quia Sixtus Telephori prædecessor obierit eodem anno 8. idus Aprilis, & hæc epistola edita perhibetur 15. kal. Martii. Sed & alia sunt argumenta gravissima, quibus Mercator hac in re, ut in ceteris, de mendacio arguatur. Dum enim sacrarum literarum testimonia referuntur, accepta sunt ex interpretatione Hieronymi, passim etiam memorantur recentiorum Patrum, & Scriptorum sententiæ, quales sunt Damasi, Procli, Isidori, & Aniani interpretis, ut alios omittam, atque etiam præteream vulgarem illam Mercatoris traditionem, quæ in Episcoporum, ac Clericorum accusationibus versatur, quemadmodum jam multoties fuit animadvertendum. Priora hujus epistolæ verba hæc sunt: *Credimus sanctam fidem vestram in Apostolorum eruditione fundatam hanc tenere, & hanc populis universis exponere, quæ, videlicet a constitutis Apostolorum, eorumque successorum nulla ratione dissentit, per quos justum est ceteros erudiri.* Hæc porro vel ad minimum apicem sunt ipsissima verba epistolæ Damasi ad Episcopos Illyrici. Prosequitur sub Telephori nomine Mercator ibi: *Quapropter cognoscite a nobis, & a cunctis Episcopis in hac Sancta, & Apostolica Sede congregatis statutum esse, ut septem hebdomadas ante Sanctum Pascha omnes Clerici in sortem Domini vocati a carne jejurent, quia sicut discretæ esse debet vita Clericorum a laicorum conversatione; ita & in jejunio debet fieri discretio. Et sicut laici, & seculares homines nolunt eos recipere in accusationibus, & infamationibus suis, ita nec Clerici debent eos recipere in impulsationibus suis; quoniam in omnibus discretæ debet semper esse, & segregata vita, & conversatio Clericorum ac secularium laicorum: & sicut hi amplius sunt applicati divinis cultibus, & familiares Domini dicuntur Salvatoris, ita moribus, & conversatione, atque sanctitate debent esse distincti. Hæc ergo septem hebdomadas omnes Clerici a carne, & deliciis jejurent, & hymnis, & vigiliis, atque orationibus Domino inhaerere die, noctique fudeant. Hic, ut liquet, est canon 4. dist. 4., in quo tamen describendo nonnulla Gratianus omisit, ex his propterea supplenda. Interea vero ex hoc fragmento ita ad integros codices exacto liceat plura, ac plura deducere, ex quibus magis magisque adpareat, falsam prorsus epistolam esse. Præ primis exhibetur Clericorum vita, qualis sæculo demum Ecclesię quinto esse cœpit, sejuncta a conversatione laicorum, quasi jam Telephori ætate communem vitam Clerici ducerent, quod non tam illis temporibus factum non fuisse scimus, quam fieri*

Com. 4.
dist. 4.

fieri nullo modo debuiffe, ne forte Ethnicorum sœvitia Christianos, ac præsertim Clericos insequentium Clericos ipsos sub uno tecto viventes unico impetu perdere potuiffet. Præterea Concilium illud, quod Romæ a Telephoro una cum *Episcopis cunctis* celebratum dicitur, eadem ipsa de causa fictitum dici debet; neque enim vexationum dirarum temporibus potuerunt in urbe imperiali cunctorum Episcoporum conventus fieri causa religionis maxime apud Romanos invisæ. Quid vero erat grave illud negotium, quod in hoc cunctorum Episcoporum concilio fuerat pertractandum? Jejunium septem hebdomadarum a Clericis celebrandum, inquit Mercator. Sed si hæc constituta antiquissimis Conciliis tribuimus, oportebit redarguere Augustinum, qui in tract. 17. ad caput 5. Johannis, sive in can. 25. de conf. dist. 5. nullum aliud, nisi quadragesimæ jejunium ante Pascha celebratum in Ecclesia agnoscit. Vehementius autem redarguere oportebit Patres Aurelianeses, qui in can. 6. de consecr. dist. 3. nullum aliud ante Pascha celebrandum jejunium indixerunt, quam quadragesimæ, rejecto jejunio quinquagesimæ, quod apud nonnullos usu recipiebatur. Hæc adeo vera sunt, ut viri eruditi fragmentum illud, quod Ambrosio tribuitur in can. 5. dist. 4., ab eodem Ambrosio abjudicent, hæc potissimum de causa, quod memoretur ibidem, Telephorum septem hebdomadarum jejunium instituisse. Quamobrem parum tuta hujusmodi exempla sunt, quæ ad probandam opinionem suam Gratianus adhibuit; postquam enim asseruit moribus utentium leges confirmari, quemadmodum moribus utentium in contrarium infirmantur, hoc adduxit exemplum de jejunio septem hebdomadarum a Telephoro constituto, quod ideo asserit non obligasse, quia moribus receptum non fuit. At vero nemo non videt, quam infirma sint hæc argumenta ex apocryphis monumentis omnino deprompta. Uterius infirmum quoque argumentum est, quod depromitur ex accusationibus, & infamationibus, ut dicitur, Clericorum, ad adstruendum jejunium septem hebdomadarum ratione Clericorum. Quid enim commune habet diversitas judicii Clericalis cum diversitate jejunii? Præterquamquod nemo videre usquam potest, quomodo temporibus Papæ Telephori vera existerent ea, quæ de judiciis tum laicorum, cum Clericorum traduntur. Sicut laici, inquit Telephorus, & seculares homines nolunt eos recipere in accusationibus, & infamationibus, (notatu digna est hæc vox infamationibus, quæ & minus apta est, & minus latina, proptereaque inconveniens temporibus Telephori) suis, ita nec Clerici debent eos recipere in impulsationibus suis. Peterem ergo quinam nomine laicorum, & secularium hominum tunc intelligerentur? Num Ethnicis Magistratus? At quis inde percipiet, Telephorum potuisse statuere Ethnicos Magistratus non posse recipi in accusationibus Clericorum, quo tempore ne dum Clerici, sed christiani omnes religionis causa vexabantur? Num viri fideles? At qui erant viri fideles laici, qui accusationes Episcoporum suorum, ac Clericorum in suis iudiciis declinarent, dum Clericorum, ac præsertim Episcoporum religio tunc esset perspicuissima, ac probatissima? Capiet qui velit hujusmodi nugæ Mercatoris, ineptissimasque sententias.

Utinam vero hic finem haberent Mercatoris commenta. Prosequitur ille his
 Can. 48. verbis: *Nocte vero Sanctæ Nativitatis Domini Salvatoris missas celebrent, & hymnum
 de conf. angelicum in eis solemmiter decantent; quoniam & eadem nocte ab Angelo pastoribus nuntiatus est, sicut ipse veritas testatur dicens: Pastores erant in regione eadem vigilantes, & custodientes vigilas noctis supra gregem suum: & ecce Angelus Domini stetit juxta illos*

illos, & timuerunt timore magno, & dixit illis Angelus: nolite tremere. Ecce enim evangelizo vobis gaudium magnum, quod erit omni populo, quia natus est vobis hodie Salvator, qui est Christus Dominus in civitate David. Et hoc vobis signum: invenietis infantem pannis involutum, & positum in praesepe. Et subito facta est cum Angelo multitudo militie caelestis laudantium Deum, & dicentium: Gloria in altissimis Deo, & in terra pax hominibus bonae voluntatis. Reliquis enim temporibus, missarum celebrationes ante horam diei tertiam minime sunt celebrandae, quia & eadem hora Dominus crucifixus est, & super Apostolos Spiritus Sanctus descendisse legitur. Hac sane est canon. 48. de cons. dist. 1., ubi nonnulla Gratianus omisit ex illis supplenda. Vvaneipen in observationibus ad tertiam partem decreti Gratiani expendens hoc Gratiani fragmentum ita notat: ex Pseudodecretali Telephori Papae asseritur can. 48. excepta nocte Nativitatis Domini missarum solennia celebranda non esse ante horam diei tertiam, quia & eadem hora Dominus crucifixus est, & super Apostolos Spiritus S. descendisse legitur: Hac nimis aperte recentiore aetate referunt, ut vel hoc solo titulo hac decretalis merito suppositicia rejiciatur.

Sequamus Mercatorem, & ad ejus sententias, qualescumque tandem sint, Gratiani fragmenta exigamus. Ita ille: Ab Episcopis autem idem Angelicus hymnus pro tempore, & loco missarum sollemniter celebrandus est, atque sollemniter recitandus; ipsi enim, qui proprio ore Corpus Domini corpuscunt, ab omnibus sunt audiendi, obediendi, atque timendi, & non dilacerandi, aut detrahendi, quia a quibus se Domini populus benedici, salvari, & instrui cupit, nullatenus debet eos arguere, nec vulgus in eorum accusatione suscipi. Populus enim ab eis docendus est, & corripiendus, & non ipsi ab eo, quia non est discipulus supra magistrum. Nullo modo igitur Domini Pontifices, & reliqui Sacerdotes, quibus Domini commissa est plebs, rite populum possunt corrigere, si deceptionis se cognoverint laqueo infestari: unde justum est omnes in universo orbe Doctores legis ea, quae legis sunt, sapere, & non Sacerdotes Domini labiis suis, aut quibuslibet machinationibus maculare. Dum enim ipsos disponunt, aut cupiunt maculare, potius se ipsos maculant, & vulnerant. Dei ergo accusat ordinationem, qui eos, qui ab eo constituntur, Sacerdotes accusat, vel damnari cupit. A quibus se omnes fideles cavere debent, quia non solum qui faciunt, sed etiam qui consentiunt facientibus, rei sunt. Christus enim Dei filius Dominus noster humano generi salutem condonans plenam de nobis ait: qui vos recipit, me recipit, & qui vos spernit, me spernit. Si ergo Dominus in eis recipitur, & rejicitur, procul dubio ipsis sunt, qui in eo rejicitur, vel suscipitur. Et tu qui es, qui iudicas servum alienum? Proculdubio transgressor es legis Dei, & Apostolorum, atque Prophetarum, & non solum harum, sed etiam legum humanarum. Omnes enim leges tam divinae, quam & humanae alienum servum judicare prohibent. Quid putas erit de te, cum transgressores, & concultores legis Dei damnabuntur? Profecto & tu damnaberis, quia postposuisti mandatum Dei, & tuam adimplesti voluntatem. Quoniam sicut digni sunt vita, qui mandatum Dei adimplent, atque custodiunt, ita rei, & perdigni sunt morte, qui ea postponunt, & in vanum ducunt. Est enim in Apostolicis scriptum institutis: alterius vitam nemo laceret, & de malo alieno os suum non coinquinet. Accusatores vero, & accusationes, quas leges saeculi non admittunt, & nos submovemus. Et accusatori omnino non credi decernimus, qui absente adversario causam suggerit ante utriusque partis justam discussionem. Nec hi, qui non sunt idonei, suscipiantur ad accusationem, & omnes qui adversus Patres armanur, infames esse censemus. Patres enim omnes venerandi sunt, non respondendi, aut insidiandi. Hi sunt Gratiani canon. 1. cau. 3. qu. 9., & 8. cau. 6.

Can. 1.
cau. 3.
qu. 9.
Can. 8.
cau. 6.
qu. 1.

qu.

qu. 1. ad integrosum codicum fidem restituti, in quibus plura leguntur & a recta ratione dissona, & invicem parum, vel nihil connexa: in prioribus enim verbis quis probe intelliget, ideo hymnum Angelicum esse in sacris solemnibus celebrandum, quod Sacerdotes ab omnibus audiendi sint, *obediendi*, ut ait Mercator, *non dilacerandi*, aut *detrahendi*? Quid rursus habent hæc commune cum accusationibus Episcoporum non admittendis, qua de re mirum in modum agere solet Pseudo-Isidorus in suis decretalibus? Interea vero insulsam aliam Mercator adjicit rationem, cum scribit, ideo non esse recipiendas accusationes Episcoporum, quia Episcopi sunt Servi Christi, ac servi a solo Domino suo debent judicari. Si quid ista valent, non tam Episcopi, quam laici omnes, christiani præsertim, a nemine erunt arguendi, aut accusandi, quia nemo est, præcipue ex christianis, qui Dei se, aut Christi servum non profiteatur lubentissime. Præterea ibidem dicitur, esse *Apostolicis scriptum institutis: alterius vitam nemo laceret, & de malo alieno os suum non coinquinet*; quæ sane nullibi in Apostolorum scripturis reperire uspiam poterimus; sed tantummodo apud Isidorum Hispalensem, qui in lib. 2. Synonymorum cap. 9. ait: *Alienam vitam non laceres: de malo alieno os tuum non coinquines*. Verba canonis 1. cau. 3. qu. 9. sunt Aniani interpretis ad librum 11. codicis Theodosiani tit. 39. lege 9.; quemadmodum ex interpretatione legis 13. eodem titulo aliquot deprompta legimus ex iis, quæ habentur in §. ult. canonis 8. cau. 6. qu. 1., cum quo conferenda erit epistola Procli ad Domnum Antiochenum, ubi dicitur eos infamia notari, *qui adversus Patres armantur*. Nihil his omnibus addo post hæc, vel quia satis superque constat, epistolam hanc una cum Gratiani fragmentis ex illa depromptis nullum posse Ecclesiasticæ disciplinæ aptum monumentum adferre, vel quia in iis, quæ in epistola sequuntur, nihil superest, quod ad Gratiani canones pertineat.



CAPUT VII.

75

De Hygino.

En subiecta Gratiani Fragmenta, quæ Hygini Papæ nomen præferunt.

Apocryphi omnes. { *Can. 52. cau. 2. qu. 7. potius Aniani interpretis.*
Can. 4. cau. 9. qu. 3. consonat cum canone 9. Concilii Antio-
cheni.

Ex epist. 1. (*Can. 1. cau. 3. qu. 4. ad integros epistolæ codices exigendus.*

Adjiciuntur. { *Can. 14. cau. 17. qu. 4. est potius Pœnitentialis editi ab Antonio*
Augustino.
Can. 4. cau. 35. qu. 10. sæculo undecimo, aut duodecimo confusus.
Can. 3. de consecr. dist. 1. pertinet potius ad Capitularia Fran-
corum.
Can. 19. de conf. dist. 1. pertinet ad excerptiones; Egeberti Ebor-
acensis.
Can. 38. de conf. dist. 1. potius convenit Eugenio II.
Can. 100. de conf. dist. 4. potius est Theodori Cantuariensis.

POst Telephorum anno 152. imperante Antonino Pio, & sævientibus adhuc adversus Ecclesiam vexantium Ethnicorum animis successit in Romano Pontificatu Hyginus, quem alii Hyginium vocant; & post annos quatuor martyrii palmam adeptus est, anno videlicet 156. Huic Pontifici duas epistolas Mercator adscripsit, quæ non majorem, quam ceteræ, fidem merentur.

De Epistola 1.

Epistola 1. hanc habet inscriptionem: *Hyginus in Christi nomine almæ urbis Romæ Episcopus, cunctis in Apostolica fide, & doctrina degentibus salutem;* & in fine data 17. Kal. Octobris Magno, & Camerino Consulibus. Ex hoc autem facile colligi potest, hanc ipsam epistolam falso Hygino fuisse tributam, etenim Consulatus Magnei, & Camerini incidit in annum Christi nati 140., & nonnisi post annos duodecim Hyginus in Pontificem Maximum electus est. Præterea hujus epistolæ auctor passim de more suo usus est fragmentis recentiorum Patrum, videlicet Leonis Magni, Martini I., Hadriani I., Ennodii, Concilii I. Arelarensis, & Ithacii Clari. Ipsa epistolæ materies satis etiam indicat, eandem recentiore manu editam esse, etenim initio nihil pressius persequitur auctor, quam Christum Dominum esse Filium Dei, & Filium Dei verum Deum esse, eandemque cum Patre habere substantiam, seu naturam, quæ doctrina adeo perspicue tradita, non ab alio, aut non

Tom. II

K

alii

aliis temporibus palam fieri poterat, quam quibus jam Arianorum hæresis exorta fuisset. Sed continere non potuit Mercator diutius, quin post sublimem de Verbi Divini natura disputationem statim descenderet ad accusationes Episcoporum methodo nulla servata. Postquam enim scripsit: *Nec Patrem aliquo tempore credimus præcipisse, ut major sit Filio, nec Filium postea natum esse, ut Divinitate Patris minoretur*, statim subiicit: *Ceterum, fratres, salvo in omnibus Romanæ Ecclesiæ privilegio nullus Metropolitanus absque ceterorum omnium comprovincialium Episcoporum in stantia, aliquorum causas audiat eorum; quia irritæ erunt aliter actæ, quam in conspectu eorum omnium ventilatæ, & ipse, si fecerit, coerceatur a fratribus*. Verba hæc retulit Gratianus in can. 4. cau. 9. qu. 3. at vero quis non miratur tam inordinatam sententiarum, verborumque congeriem? num necessarium, aut opportunum videri cuiquam poterat, quo ad accusationes Episcoporum certis cum solemnitatibus instituendas deveniretur, multa præjacere ad probandam Divinam Verbi Dei naturam, eandemque cum Patre substantiam? Porro verba hæc nuper relata habentur in collectione Hadriani I. Ingilramno data cap. 14., & nonnihil consonant cum canone 35. ex Apostolicis, & canone 9. Concilii Antiocheni. Verba canonis Apostolici hæc sunt ex Dionysio Exiguo. *Sed nec ille, idest Metropolitanus, præter omnium conscientiam faciat aliquid; sic enim unanimitas erit, & glorificabitur Deus per Christum in Spiritu Sancto*. Verba Antiocheni canonis habentur in can. 2. cau. 9. qu. 3.

Post hæc in epistola sequuntur ea, quæ Gratianus retulit in can. 52. cau. 2. qu. 7. eisdem omnino verbis, quæ Isidorus Mercator non dubitavit integra repetere, sive in epistola Lucio Papæ supposita, sive in epistola adscripta Julio. Ceterum nec Hygini sunt, nec Iulii, nec Lucii, sed potius ad Anianum interpretem pertinent ad leg. 15. cod. Theodos. de accusation. ita scribentem: *In criminalibus causis, vel objectionibus per mandatum nullus accuset, nec si per rescriptum Principis hoc potuerit impetrare. Sed ipse, qui crimen intendit præsens per se accuset, inscriptione præmissa*.

De Epistola 2.

Posterior epistola, cujus hæc habetur inscriptio: *Hyginus Papa Atheniensibus salutem*, pares habet apocryphi monumenti notas, ac prior; etenim eadem est consularis nota, videlicet consulatus Magni, & Camerini; qui, ut diximus, incidit in annum Christi 140., & sic 12. annis ante, quam Hyginus Pæm sedem occuparet. Brevis admodum est hæc epistola, & composita ex variis sacrarum literarum fragmentis, omnibus tamen ex versione Hieronymi, quam unam sequi novetur de more suo Mercator. Ad hanc epistolam pertinet canon 1. cau. 3. qu. 4., cujus verba ita sunt ex integris exemplaribus describenda. Postquam fingitur Hyginus mandare Atheniensibus, ne cum Ethnicis, aut alienæ religionis hominibus conjugia celebrent, aut conversentur, ita loquens inducitur: *unde alieni erroris socium a sui propositi tramite recedentem, aut Apostolicæ Sedis iussionibus inobedientem suscipere non possumus, nec impetere recte credentes, vel Sanctorum Patrum iussionibus obtemperantes permittimus, quia inter fideles, & infideles magna debet esse discretio*. En tandem quid intendere de more suo Isidorus volebat, scilicet aliqua hæc inter-

serere

serere de accusationibus piorum virorum, quas ab aliis non ejusdem religionis, fideique confortibus noluit instituendas. Intereat enim Mercatoris identidem hujusmodi sententias interjicere, ut suo proposito satisfaceret.

De ceteris capitibus Hygino tributis.

Sex adhuc supersunt capita apud Gratianum Hygino Pontifici adscripta, quæ tamen omnia minus Hygino, aut temporibus Hygini conveniunt. Primus est canon 14. cau. 17. qu. 4. Palearum auctor laudavit fragmentum ex Hygino: aliqui collectores, inter quos Burchardus, laudaverunt ex Julio. Sed nec Hygino, nec Julio tribui potest, at potius alicui pœnitentiali post nonum, aut decimum sæculum: Revera in Pœnitentiali, quod Antonius Augustinus Romanum appellavit atque editi, idem omnino legitur tit. 4. cap. 17. line ulla inscriptione auctoris his verbis: *Incendisti Ecclesiam, aut consensisti: Si fecisti, Ecclesiam restitue, & pretium tuum, idest Vvireldum (fortasse Vviregildum, cujus mentio sæpissime fit in legibus Longobardorum) pauperibus distribue, & quindecim annos pœniteas.* Idipsum habetur in pœnitentiali Burchardi, quem ad usum Ecclesiæ suæ Burchardus edidit in lib. 19. suæ collectionis, ubi inter cetera hæc leguntur: *Incendisti Ecclesiam, aut consensisti? Si fecisti, Ecclesiam restitue, & precium tuum, idest Vvireldum tuum pauperibus distribue, & 15. annos per legitimas serias pœniteas.*

Can. 14.
cau. 17.
qu. 4.

Porro non temporibus Julii, cove minus Hygini, occasio esse poterat ulla infligendi pœnas adversus eos, qui Ecclesias incendio perdidissent; vix enim jam tum contructa templa reperiet quispiam; aut si contructa adpareant, nemo ex Christianis facile adducebatur, ut eadem incendio dirueret; atque adversus Ethnicos, qui odio fidei Ecclesias incendissent, frustra pœnas pecuniarias Pontifex Romanus indixisset. Hæc incendiariorum libido potius cerni potuit post octavum sæculum, quemadmodum constat ex legibus eodem tempore latis. Nam in Capitulari Childerici III. Regis circa annum 744. cap. 26. adversus incendiarios alienarum ædium pœna indicta est, ut ædificia restituerent, & quidquid arserit, componerent, & præter pœnam solidorum 60., publica pœnitentia multarentur. Et in Capitulari Caroli Magni anni 798. tit. 38. §. 1. statutum legimus: *Siquis Ecclesiam sanctificatam, vel ubi reliquiæ sanctorum reconditæ sunt, incenderit, vel infra ipsa Ecclesia, aliquam expolationem de altari, aut infra Ecclesiam aliquid tulerit, octo mille denariis, qui faciunt solidos ducentos, culpabilis judicetur, excepto capitale, & delatura.* Demum in alio Capitulari ejusdem Caroli Magni anni 789. cap. 3. definitum scimus: *Siquis . . . ipsam Ecclesiam igne cremaverit, morte moriatur.* Itaque incendiariorum hujusmodi scelus ut perpetrari consuevit octavo Ecclesiæ sæculo, ita eodem tempore puniri debuit, & adversos eosdem incendiarios pœnitentia definiri, ac properterea non Hygino, aut Julio vetustissimis Pontificibus, sed recentioribus pœnitentialibus memorandum fragmentum jure, ac merito tribuamus.

Alter est canon 4. cau. 35. qu. 10. sed de eo nihil propemodum hoc in loco adjiciendum videtur post ea, quæ diximus in ad can. 3. cau. 35. qu. 10. in cap. ult. prioris partis, ubi demonstratum est, secundum, tertiumque genus adfinitatis vix undecimo Ecclesiæ sæculo agnatum fuisse, & demum in Lateranensi Concilio reprobatum, uti constat ex cap. 8. de consangu. & adfinitate.

Can. 4.
cau. 35.
qu. 10.

Can. 3.
de conf.
dist. 1.

Tertius est canon 3. de conf. dist. 1. Apud vetustiores collectores verba hujus canonis sejuncta recententur; ac separatim duobus Pontificibus Hygino, & Evaristo tributa. Burchardus in lib. 3. cap. 21. hæc refert ex decretis Hygini: *Ut Ecclesiæ destruxæ, ubi aut plures sint, quam necesse sit, aut majoris magnitudinis, quam ut ex rebus ad eas pertinentibus restaurari possint, Episcopi providentia modus inveniantur, qualiter consistere possint.* Et in cap. 27. ex decretis Evaristi Papæ ita habet. *Omnes Basilicæ cum Missa semper debent consecrari.* Hæc autem decreta frustra quæseris, sive inter epistolas Evaristi, sive inter epistolas Hygini. Potius pertinent ad Capitularia Regum Francorum, aut ad Longobardorum leges: Revera in Capitulari Ludovici Pii apud Vormacias habito anno 829. cap. 3. hæc leguntur: *De Ecclesiis destruxis, ut Episcopi, & Missi inquisitionem faciant, utrum per negligentiam, aut impossibilitatem destruxæ sint.* Et ubi negligentia inventa fuerit, Episcopali auctoritate emendare cogantur hi, qui eas restaurare debuerant. Si vero per impossibilitatem contigit, ut aut plures sint, quam necesse sit, aut majoris magnitudinis, quam ut ex rebus ad eas pertinentibus restaurari possint, Episcopus modum inveniat, qualiter congrue emendari, & consistere possint. His consonat Concilium Vormaciense can. 55., liber tertius legum Longobardarum tit. 1. cap. 45., liber 3. Capitularium cap. 275., & additio 4. cap. 97. Capitula Hlotarii Imperatoris tit. 5. cap. 35., quibus addere juvabit Reginonem lib. 1. de Ecclesiasticis disciplinis cap. 39. Quod vero Hygino, aut Evaristo tribuerentur, id Burchardo debemus, cui nimis grave erat apud Germanos scribenti Francorum Capitularia commemorare. Hinc non tam nomina auctorum in inscriptionibus canonum hujusmodi de more suo immutavit, quam brevioribus verbis sententias Conciliorum perstrinxit; propterea juvabit eosdem canones ad integros, incorruptosque codices exegisse.

Can. 19.
de conf.
dist. 1.

Quartus est canon 19. de consecr. dist. 1., quem primus Hygini Papæ nomine recensuit Burchardus in lib. 3. cap. 11., & 12. Melius inscribendum forte fuisset fragmentum Vigilii, quemadmodum ex Vigilio refert Ecgebertus Eboracensis in excerptionibus can. 141. ibi: *Vigilius Papa: si motum fuerit altare, denuo consecratur Ecclesia. Si parietes tantum mutantur, & non altare, sale, & aqua exorcizetur. Si homicidio, vel adulterio fuerit violata, diligentissime expurgetur, & denuo consecratur.* Exhibent hæc disciplinam octavi sæculi, qua florebat Ecgebertus, sive ipse. Vigilii Papæ decreta recte laudavit, sive falso. Illud interea memorasse juvabit, hæc Hygini temporibus nullo modo convenire, sive quod tunc temporis aut nulla essent erecta publice templa, eove minus in usu essent templorum consecrationes, aut reconciliaiones, sive quod salis, & aquæ benedictiones: nondum receptæ forent, quemadmodum jam superius ostendi ad canonem 20. de consecr. dist. 3. Quod si quis amplius in hac re deliberandum putaret, ob oculos ponerem epistolam Anselmi Cantuariensis Episcopi ad Vvilelmum Abbatem, ex qua constat nihil in hac materie moti altaris apud veteres constitutum tum apparuisse, (vivebat autem Anselmus initio duodecimi sæculi.), sed tantum nonnulla oretenus tradita accepisse. Anselmi verba hæc sunt: *de quo quidem (id est de moto altari) neque in decretis, neque in canonibus memini me aliquid legisse, sed a quodam Episcopo aulici, quod in decretis Eugenii Papæ legitur, saltare motum iterum consecrandum. De his cum domino Papa Urbano locutus sum, assistentibus quibusdam Episcopis; sed Papa dicebat, mensam altaris motam nec reconciliandam, nec iterum consecrandam, nec amplius in altare reputandam. Alii vero dicebant tantum reconciliandam, nullam tamen*

auct.

audoritatem offendentes. In hoc autem omnes concordant, quod violato principali tota Ecclesia cum altari iterum consecranda est, nec Ecclesia consecranda est sine consecratione altaris, aut principalis, aut alicujus alterius in eadem Ecclesia. In his autem omnes concordant, cum quibus locutus sum, excepta altaris mensa. Item si aliqua pars Ecclesie destruita reficitur, aut nova sit, altari immo, aqua tantum ab Episcopo benedicta adspargendam dicunt. Ratio autem, quam a me quaesivisti, hæc mihi videtur super his: Altare non fit propter Ecclesiam, sed Ecclesia propter altare &c. Liqueat ex his sæculi 12. initio nihil ab Anselmo Cantuariensi prodi potuisse, quam canonem quendam Eugenii nomine vulgo traditum, qui sane alius esse non potest, quam memoratus 19. apud Gratianum paullo diversa inscriptione relatus, idest, non ex Eugenio, sed ex yginio, quemadmodum apud Burchardum, & Ivonem. Idipsum etiam in hac re servandum tradebat Ivo Carnotensis in epist. 72. Imo & in epist. 80. scribit de motione altaris, & reiteratione consecrationis, se nihil in antiquis canonibus reperisse, sed tantum nonnulla legisse apud Burchardum nomine Concilii Meldensis. Deceptus heic fuit Ivo; etenim, quæ ibidem ex Burchardo laudat, eadem sunt cum dicto canone 19. apud Gratianum, seu cum can. 11. lib. 3. apud Burchardum, ubi tamen nomine Hygini Papæ fragmentum ipsum refertur; deceptus, inquam, est ex inscriptione tum præcedentis, tum subsequæ capitis apud ipsum Burchardum, quibus nomen Meldensis Concilii inscriptum est. Ex quibus magis, magisque constat fragmentum ab Ecgerberto primum Eboracensi editum non satis firmum esse posse disciplinæ Ecclesiasticæ monumentum, licet ex eo apud Ecclesiasticos Scriptores nonnulla probari poterint, & consuetudine recipi, quemadmodum liquet ex memoratis tum Anselmi Cantuariensis, tum Ivonis epistolis.

Quintus est canon. 38. de consecr. dist. 1., quem sane ab Hygini temporibus alienum esse vel materies ipsa demonstrat; sive quod consecratarum Ecclesiarum, sive quod monasteriorum ibidem fiat mentio, cum tamen Hygini tempore nulla aut ædificata fuerint templa, aut constructa monasteria. Nomine Hygini Papæ refertur tum apud Burchardum, cum apud Ivonem, qui tamen in postremis verbis scripserunt: *in laicorum opera non debent admitti*. Sed suspicor ubique erratum esse aut amanuensium, aut typographorum oscitantia, ut pro Hygini nomine scribendum sit nomen Eugenii, quod facile evenire potuit ex ipsa utriusque vocis consonantia. Id auguror ex fragmentis Petri Cantoris Parisiensis, qui duodecimo sæculo, & ipsis Gratiani temporibus floruit. Inter fragmenta a Petito edita in observationibus & notis ad Pœnitentiale Theodori Cantuariensis pag. 133. editionis Parisiensis anni 1677. hæc referuntur ex lib. de Sacramentis ex codice MS. Petri Cantoris cap. 35. *Queritur deinde de lapidibus sive de lignis, quæ fuerunt in structura fabricæ Ecclesiasticæ, utrum disrupa fabrica, illa possint ad communes usus assumi. Videntur super hoc iura prodere Clemens Papa, & Eugenius, & quasi contrahendum quod non possit. Sed dubitatur, utrum ad officinas fratribus necessarias, puta capitulum, dormitorium, sive refectorium possit assumi. Quod primo non videtur verum, quia lapides illi, & ligna sacra sunt, loca vero talia vel non profana, vel omnino ita sacra. Ex hoc fragmento nonnihil luminis adfertur Gratiano canonum, non tam ad illius auctorem dignoscendum, quam ad ejusdem interpretationem. Et quidem in primis huiusmodi jurisprudentiæ auctor una cum Clemente non Hyginus, sed Eugenius auctor indigitatur; quorum Pontificum nomina non alia de causa ad*

eam

Can. 38.
de consecr.
dist. 1.

eam rem memoravit Petrus Cantor, nisi quod respexerit ad canones 38., & 39. de conf. dist. 1., quorum prior ille est, quem Hygino tributum legimus, posterior, quem Clementi. Porro de posteriore jam egimus suo loco. De priore ita iudicabimus, ut eum commodius tribuamus Eugenio II., cujus ætate, & dedicari templa, & monasteria erigi potuerunt. Porro Eugenius II. in epist. ad Rathfredum Favianensem Episcopum, aliosque hæc habet inter cetera de Episcopis: *vobis posterisque vestris poterunt esse proficui, si ad restorationem Ecclesiarum propter nomen Domini de possessionibus vestris, quas redditus, dotisque earum fama divulgante quondam fuisse moveritis, æternam sufficientiam vobis comparantes eisdem Ecclesiis ipsæ conferatis &c.* Hæc Eugenii II. verba in causa esse potuerunt, cur nonnulli traderent ex Eugenii constitutione, quemadmodum & ex sententiis Clementis Papæ juxta dictum canonem 39. de conf. dist. 1. tigna dirutarum Ecclesiarum in alium præter Ecclesiarum earundem, usum converti non posse. Circa decimum autem, aut undecimum sæculum dubitari cœpit, num monasteriis saltem usui esse possent; cumque tum obtineret bona Ecclesiastica facile monasteriis addici, quemadmodum erudite demonstrat Wanespén in parte 2. jur. Eccles. univers. tit. 33. cap. 5., id præsertim, monachis ipsis urgentibus, facile exceptio addi potuit de monasteriis, quasi lapides, & ligna dirutarum Ecclesiarum restaurandis monasteriis aut erigendis commode inservirent; Si enim ob corruptos Clericorum mores iura Ecclesiastica Clericorum transferri potuerunt ad monachos, cur ruentium templorum fragmenta non concederentur monasteriis? atque hæc ratio erat, cur monachi hanc traderent exceptionem regulæ generali. Quæ licet adhuc Gratiani ætate in dubio versaretur, quemadmodum probat memoratum Petri Cantoris fragmentum; post receptum tamen Gratiani decretum, in disciplinam veteris Ecclesiasticam abivit, quasi germanum veterum Ecclesiæ Patrum monumentum.

Can. 100. De canone 100. de consecr. dist. 4. nihil est, quod hoc loco subjiciam. Est ille Theodori Episcopi Cantuariensis, non Hygini Papæ; ideoque commodius agam de eo in tertia hujus operis parte, ubi de eodem Theodoro specialiter differemus.



De Pio .

Pio Pontifici sequentia apud Gratianum capita tribuuntur .

Apocryphi omnes.	{	<i>Can. 4. dist. 83. est potius Hormisdæ Pontificis epist. 25.</i>
Ex epist. 1.		<i>Can. 3. cau. 3. qu. 4. est potius Isidori Hispalensis .</i>
		<i>Can. 9. cau. 6. qu. 1. est potius Symmachi , & Isidori Hispalensis .</i>
		<i>Can. 21. de pœn. dist. 3. pertinet potius ad Homilias Cæsarii .</i>
		<i>Can. 21. de conf. dist. 3. non convenit temporibus Pii .</i>
		<i>Can. 23. de conf. dist. 5. idem est cum can. 21. de pœn. dist. 3.</i>
Ex epist. 2.	{	<i>Can. 18. cau. 11. qu. 1. exigendus ad leges codicis Theodosiani .</i>
		<i>Can. 5. cau. 12. qu. 2. exigendus ad leges codicis Theodosiani .</i>
		<i>Can. 12. cau. 17. qu. 4. ex integra epistola supplendus .</i>
Adjiciuntur.	{	<i>Can. 6. dist. 11. non congruit Pii Papæ temporibus .</i>
		<i>Can. 3. dist. 33. est potius Concilii x1. Toletani .</i>
		<i>Can. 15. cau. 20. qu. 1. pertinet ad Capitularia Francorum .</i>
		<i>Can. 10. cau. 22. qu. 1. pertinet ad Novellas Justiniani , & ad Pœnitentiale Romanum .</i>
		<i>Can. 1. cau. 22. qu. 5. est potius Theodori Cantuariensis .</i>
		<i>Can. 2. cau. 22. qu. 5. est potius Theodori Cantuariensis .</i>
		<i>Can. 7. cau. 33. qu. 2. pertinet ad Francorum Capitularia .</i>
		<i>Can. 27. de conf. dist. 2. ex Pœnitentiali Romano Antonii Augustini ; seu ex capitulis Theodori Cantuariensis .</i>

ETiam apud vetustissimos scriptores controversia fuit, utrum Hygino Pius, an potius Anicetus successerit. Anicetum enim ante Pium recensent Optatus Milevitanus lib. 2. contra Parmenianum, Augustinus epistola 165., & Hieronymus de Scriptoribus Ecclesiasticis: vulgo tamen magis receptum est Pium Hygino, & Pio Anicetum successisse, quod ita scripserint Eusebius in chronico, Epiphanius hæresi 27., Nicephorus Callistus lib. 3. cap. 25., & tres alii, qui eodem tempore vixere, Hegefippus apud Eusebium lib. 4. cap. 21., Irenæus lib. 3. cap. 2. & 4., & Tertullianus lib. 3. carminum contra Marcionem. Itaque Pius juxta posteriorem hanc fide dignissimorum scriptorum opinionem ab anno 156. Pontificatum tenuit usque ad annum 165., vel, ut aliis placet, ab anno 158. usque ad annum 167. Plures autem huic Pontifici epistolæ tribuuntur, & numero quatuor. Posteriores duæ scriptæ feruntur ad Justum Viennensem Episcopum, exque ob stili simplicitatem, rerumque, de quibus agitur, argumenta non inconvenientia primis Ecclesie temporibus, nonnullis etiam eruditissimis viris germanæ visæ sunt, & authenticæ. Meum non est in hac re ferre sententiam, cum Gratianus ex duabus tantummodo prioribus capita quædam excerpterit.

De

De Epistola 1.

Prodiit Epistola 1. Pii apud Isidorum Mercatorem sub hoc titulo: *omnibus Ecclesiis, in eadem, qua sumus, fide & doctrina manentibus, Pius Apostolice Sedis Archiepiscopus*. Et in fine: *Data 7. idus Aprilis Claro, & Severo viris clarissimis Conf.* Falsitas hujus consularis notæ apocrypham hanc epistolam esse demonstrat. Siquidem temporibus Pii Papæ nullus fuit Clari, & Severi Consulatus, sed Severus fuit Consul cum Sylvano anno 157., & Clarus fuit Consul cum Cethego anno 172., & propterea Pio jam vita functo. Ex ipso præterea Archiepiscopi nomine, quod sibi Pius usurpat, placet nonnullis Mercatorem, tanquam falsarium accusare; ajunt enim nomen hoc in Ecclesiasticis fastis longe recentius esse, & vix auditæ ceptum prope finem quarti sæculi apud Epiphanium in Panario hæresi 68., & 69., & Gregorium Nazianzenum in oratione 21. prope finem. Sed & alia sunt argumenta, quibus ipsam epistolam tanquam supposititiam cognoscimus, videlicet sacrarum literarum testimonia ex interpretatione Hieronymi relata, congestæ ibidem sententiæ plures recentiorum Patrum, scriptorumque, Leonis Magni, Concilii 5. Romani sub Symmacho, Hormisdæ, Isidori Hispalensis, Hadriani 1., & Sixti Pithagoræi. Id etiam constabit apertius, quoties analyticæ epistolam expendimus, unaque fragmenta Gratiani exegerimus. Exorditur Mercator ex tribus Sacræ Scripturæ fragmentis ex S. Paulo congestis, ex epist. 2. ad Thessalon. cap. 1., ex epistola ad Colossenses, cap. 2. & 3. Post quæ hæc sequuntur: *Ceterum nosse vos volumus, quod Pascha Domini die Dominica annuis solemnitatibus sit celebrandum. Istitis ergo temporibus Hermes doctor fidei, & scripturarum effulsit inter nos. Et licet nos idem Pascha prædicta die celebremus, quia tamen quidam inde dubitarunt, ad corroborandas animas eorum, eidem Hermæ Angelus Domini in habitu pastoris apparuit, & præcepit ei, ut Pascha die Dominico ab omnibus celebraretur. Unde & vos apostolica auctoritate instruimus omnes eadem servare debere, quia & nos eadem servamus: nec debetis a capite quoquomodo dissidere.* Hic est canon 21. de cons. dist. 3. Auctor libri Pontificalis, qui Damasus tribuitur, scribit Hermem fuisse fratrem Pii Pontificis, eundemque esse, qui librum scripsit Pastoris, mandatumque ab Angelo accepit, ut Paschatis dies die Dominica celebraretur. Si hæc vera essent, etiam hac de causa memoratum Gratiani fragmentum a Pio adjudicaretur, quem credibile non est ita honorifice de fratre suo voluisse loqui, ut eum doctorem fidei, & scripturarum effulsisse scriberet. Quidquid tamen sit, illud omnino fabellam sapit, quod dicitur a Pio Pontifice constitutum esse, ut Pascha sanctum die Dominica celebraretur. Etenim posterioribus temporibus fuerunt de hac ipsa re gravissimæ controversiæ, quæ non nisi post diutinas discussiones, concertationesque definiri potuerunt; quando facile dirimi potuissent aut ex hac Pii epistola, aut ex Hermis traditione; si jam tum aut Pii epistola, aut indicata hæc Hermis traditio extitisset. Nolo in præsentia investigare auctoritatem libri Pastoris, quem ab Hermæ compositum dicunt; etenim suo loco de ipso sermo erit instituendus. Tantum dixero in ipso libro, quatis hodie apud nos custoditur, nihil omnino de celebratione Paschatis reperiri, ut propterea vel alius Pastoris liber querendus esset, vel de egregio, pudendoque mendacio Mercator sit jure, ac merito redarguendus.

Can. 21.
de cons.
dist. 3.

Post

Post hæc rursus auctor epistolæ nonnulla usurpat verba Pauli in cap. 2. epist. ad Colossenses, quibus fideles hortatur, ne traditionibus hominum decipiantur, sed Christum tantummodo audiant, qui Sedem Apostolicam Ecclesiæque omnium caput esse præcepit, & subdit: *Sine dubio qui contra mandata Dei agit, peccat, & qui consensum præstat erranti: quid enim prodest illi suo errore non pollui, qui consensum præstat erranti?* Hic est canon. 4. dist. 83. Postrema hæc verba sunt Hormisdæ Pontificis epist. 25., laudata etiam in capitularibus Francorum lib. 7. cap. 386., & in additione 4. cap. 8..

Oves enim (sunt verba epistolæ præcedentibus junctæ, quæ Gratianus refert in can. 9. cau. 6. qu. 1.) pastorem suum non reprehendant, plebs vero Episcopum non accuset, nec vulgus eum arguat, quoniam non est discipulus super magistrum, neque servus supra Dominum. Episcopi autem a Deo sunt judicandi, qui eos sibi oculos elegit. Nam a subditis, aut prava vitæ hominibus non sunt arguendi, vel accusandi, aut lace- randi, ipso Domino exemplum dante, quando per se ipsum, & non per alium vendentes Sacerdotes, & euentes eiecit de templo, & mensas nummulariorum proprio evertit flagello, & eiecit de templo; & sicut alibi per Prophetam loquitur: Deus stetit in Synagoga Deorum, in medio autem Deos discernit. Gratianus nonnulla ex his omisit, quæ omnia Isidorus Mercator depromsit partim ex Concilio Romano 5. sub Symmacho, ubi legimus, oves, quæ pastori suo commisse fuerint, eum reprehendere non debere; partim ex Isidoro Hispalensi lib. 3. sentent. cap. 39. ita scribente: *Rektores ergo a Deo judicandi sunt, a suis autem subditis nequaquam judicandi sunt, exempti Domini, qui per se vendentes columbas, & nummulariorum mensas proprio evertit flagello, & projecit a templo, vel etiam sicut dicit Psalmista: Deus stetit in Synagoga Deorum, in medio autem Deos discernit.* Pergit auctor epistolæ. *Siquis vero a suo proposito retrorsum exorbitaverit (retulit hæc Gratianus in can. 3. cau. 3. qu. 4.), & iussu Apostolicæ Sedis libenter transgressus fuerit, infamias efficitur.* Reprehari ergo oportet eorum redargutiones, qui in vestra fide suspecti sunt; fides autem, & conversatio primum scrutanda est, & denuo qui irreprehensibiles adparuerint, sunt recipiendi, & non prius. In his quoque imitatus est Mercator verba Isidori Hispalensis, qui loco nuper commemorato ita scribit: *Quod si a fide exorbitaverit Rektor, tunc eris arguendus a subditis.* Post hæc nonnulla adjicit Mercator ad accusatorum qualitates pertinentia, quos non aliter admittendos inquit, quam si probata fuerit eorum vita, addita ratione, quia boni semper infestantur a malis. Boni enim cum malis, ait, licet mixti sint, in Ecclesia vix concordare inveniuntur, quoniam dissimilis est eorum cogitatio, voluntas, & alius. Nihil enim prodest homini jejunare, & orare, & alia religionis bona agere, nisi mens ab iniquitate revocetur, & ab oblationibus (legunt alii: obtestationibus) lingua cobibetur. Relata hæc sunt apud Gratianum tum in can. 21. de pœnit. dist. 3., tum in can. 23. de conf. dist. 5. Hæc sane videtur depromisse Isidorus ex Casario, qui in Homil. 23. hæc agebat: *Noverimus nihil prodesse, si carnem nostram jejuniis, ac vigiliis affligamus, & memem nostram non emendemus Quid enim prodest afflictio corporalis si linguam nequitiis, & obtestationibus polluamus?* Progreditur Mercator. *Unde ait Propheta: Cohibe linguam tuam a malo, & fac bonum.* Nemo enim bonum faciens alteri verbo, aut facto nocere vult; quanto minus in suspicionem debet venire fidelis homo, ut dicat, aut faciat ea, quæ pati non vult? quia omnis suspicio potius repellenda est, quam approbanda, vel recipienda. Sunt hæc, quæ Gratianus retulit in fine dicti canonis 9. cau. 6. qu. 1.,

Tom. II.

L

quæ-

quæque consonant eum sententia 168. Sixti Pithagoræ ibi: *Quod fieri non decet, neque in suspensionem veniat, quasi id feceris*: & sententia 169. *Quod pati non vis ab alto, neque id facias*. Quamquam vero optimæ sint, & optimo viro dignæ hujusmodi sententiæ, quæ sane ad ipsum naturale jus referri possent, tamen parum recte judicialibus accusationibus Episcoporum accommodantur; si enim ideo nemo debet Episcopum in judicio accusare, quia nemo facere debet, quod ipse pati nollet, non tam accusationes Episcoporum, quam ceterorum hominum forent reprobandæ, cum ea ratio omnibus, & omnium accusationibus sit prorsus communis. Interea verò nemo in hæc fragmentis omnibus non agnoscit manum Mercatoris, qui in cunctis epistolis suis nihil premissius prosequi solet, quam Episcoporum accusationes præsertim coram Metropolitanis, ut eas omnino vetustissimis canonibus reprobatas fuisse doceat.

De Epistola 2.

Eadem propemodum argumenta, ex quibus prior epistola falso tributa ostenditur Pio, demonstrant etiam falso tributam fuisse posteriorem, ad Italicos Fratres directam. In primis enim Pius se Romanæ Urbis *Archiepiscopum* nominat, quæ appellatio recentior esse ab eruditis dicitur; deinde usurpantur Sacre Scripturæ testimonia juxta versionem Hieronymi; & in fine epistolæ consularis nota designat consules Clarum, & Severum, quam non convenire Pii temporibus nuper ad epistolam priorem ostendi. Nonnulla præterea sunt argumenta singularia, quæ in expendendis Gratiani fragmentis palam faciam. Post brevem epistolæ præfationem hæc leguntur. *Ad Sedem autem Apostolicam perlatum est, quod sint inter vos contentiones, & emulationes. Et prædia divinis usibus tradita quidam humanis applicant usibus, & Domino Deo, cui tradita sunt, ea subtrahunt, ut suis usibus inserviant. Quapropter ab omnibus illius usurpationis contumelia depellenda est, ne prædia usibus secretorum cælestium dicata a quibusdam irrudentibus vexentur. Quod si quispiam præsumserit, sacrilegus habeatur, & sicut sacrilegus judicetur.* Huc referendus erit canon 5. cau. 12. qu. 2., quæ tamen sententia temporibus Pii nulla ratione congruit. Quænam enim tunc esse poterant prædia Ecclesiastica, de quibus hæc constitutio intelligeretur? Primus Imperator Constantinus facultatem fecit Ecclesiæ, ut bona immobilia possideret l. 1. cod. de Sacros. Eccles., neque enim ante quartum sæculum Ecclesia tanquam collegium licitum haberi potuit, utpote publica Romanorum auctoritate nondum probata, ut potuisset acquirere juxta ea, quæ traduntur in l. 20. ff. de rebus dubiis, & l. 8. cod. de hæred. instituend. Quod si fortassis fidelium nonnullorum largitate potuissent Ecclesiæ prædia possidere ad usus sacros, hæc constitutio Pii non adversus Christianos, sed adversus Ethnicos potius lata videretur; Ethnicus enim, non Christianus, occasionem dare potuissent huic decreto, utpote qui res Christianorum perdere assidue moliebantur; proptereaque frustra Pii Papæ intercessisset auctoritas. Video autem, undenam Isidorus Mercator nonnulla ex memoratis verbis excerptit. Abusus ille fuit verbis Honorii, & Theodosii, qui in constitutione 40. lib. 16. tit. 2. in codice Theodosiano ita sanxerunt: *Illius usurpationis contumelia depellenda est, ne prædia usibus secretorum cælestium dicata sordidorum munerum fasce vexentur.*

Idem

Idem dicendum omnino erit de can. 12. cau. 17. q. 4., cujus verba in eadem epistola paullo inferius leguntur ibi: *Et sicut qui Ecclesiam Dei vastat, & ejus prædium, & donaria expoliat, & invadit, fit sacrilegus, sic & ille qui ejus Sacerdotes insequitur, sacrilegii reus existit, & sacrilegus judicatur. Amulamini, fratres, charissimam meliora, & nolite talia agere, nec eis commisceri, aut consentire, qui talia agunt: quoniam non solum qui talia agunt, sunt hujus criminis rei, sed qui facientibus consentiunt. Non ergo gravius peccatum est fornicatio, quam sacrilegium; sed sicut majus est peccatum, quod in Deum committitur, quam quod in hominem, sic gravius est sacrilegium agere, quam fornicari. Rursum hic de prædiis Ecclesiasticis sermo instituitur, quæ sane nulla temporibus Pii esse poterant. Præterea indigna Pontifice Pio est hujusmodi sententiarum conjunctio: quid enim commune habent postrema verba de fornicatione concepta cum iis, quæ superius traduntur de illis, qui Ecclesias Dei vastant, aut expoliant? Facile noverit istiusmodi emblemata Mercatoris, qui fragmentum hoc integrum, quemadmodum descripsi, perpenderit, non corruptum, sicuti apud Gratianum habetur. Facile præterea noverit manum Mercatoris, dum nonnulla hic de more suo interfert de iis, qui Dei Sacerdotes insequuntur, sive accusant.*

Postrema epistolæ verba hæc sunt: *De cetero (salva in omnibus Apostolica auctoritate) quæcumque sunt ad religionis observantiam pertinentia, locis suis, & a suis Diæcesibus Synodis audiantur. Et si quis Sacerdotum, vel reliquorum Clericorum suo Episcopo inobediens fuerit, aut insidias ei paraverit, aut contumeliam, & convinci potuerit, mox Curie tradatur. Qui autem facit injuriam, recipiat hoc, quod inique gessit: corrumpunt enim mores bonos colloquia prava. Evigilate iusti, & nolite peccare. Ex his verbis restituendus erit canon 18. cau. 11. q. 1. Vellem autem scire ab Ilidoro Mercatore, quid esse potuerit apud Pium tradi Curie eos, qui Episcopo suo inobedientes extiterint, aut insidias ei paraverint, vel contumeliam. Non aliter explicari hæc singula possent, quam detegendo Ilidori mendacia, qui ad suas sententias detorsit duplicem constitutionem Imperatorum, quæ habetur in codice Theodosiano. Prior est in lib. 16. tit. 2. num. 23. ibi: *Qui mos est caussarum civilium, iidem in negotiis Ecclesiasticis obtinendi sunt; ut, si qua sunt in quibusdam dissensionibus, levibusque delictis ad religionis observantiam pertinentia, locis suis, & a suis Diæcesibus Synodis audiantur.* Posterior est num. 39. ibi: *Quemcumque Clericum indignum officio suo Episcopus judicaverit, ab Ecclesiæ ministerio segregaverit, aut si qui professum sacre religionis sponte dereliquerint, continuo sibi eum curia vindicet.**

De reliquis capitibus Pio tributis.

Difficilius est suis auctoribus tribuere alia, & quidem plura fragmenta, quæ apud Gratianum Pio adscribuntur. Exhibetur in primis canon 6. dist. 11., quem quidem ad antiquiores capitum Ecclesiasticorum collectores reducere, & ex ipsis supplere fas erit. Labbeanz editio Conciliorum Veneta anni 1728. habet fragmentum hujusmodi, ut ibi dicitur, excerptum ex codice sexdecim librorum lib. 3. cap. 19., quemadmodum etiam habetur apud Burchardum in lib. 3. cap. 124. his verbis: *Petistis enim per Hylarium chartularium nostrum a beate memorie decessore nostro, ut omnes vobis retro temporum consuetudines servarentur, quæ a B. Petri Apostolorum.*

Principis ordinationum initiis hactenus vetustas longa servavit. Et nos quidem juxta seriem relationis nostræ consuetudinem laudamus, quæ tamen contram fidem catholicam nihil usurpare dignoscitur. Caput illud ita integre descriptum conjecturas gravissimas habet, quibus illud a Pio Pontifice abjudicemus. Institutum enim in primis Charitularii Romanæ Ecclesiæ officium indicat jam pacatas fuisse Romanæ Ecclesiæ res; non enim hujusmodi munera aut institui, distribuique, aut expleri commodè poterant, nisi post redditam Ecclesiæ pacem. Deinde non potest convenire Pio Pontifici, quod dicitur a Beati Petri ordinationis initio vetustatem longam intercessisse. Vix enim a Petro ad Pium centum circiter anni effluerant, ut proinde caput hujusmodi recentiori Pontifici commodius tribuendum videatur. Fortassis autem referendus erit ad Gregorium Magnum, qui in epist. 75. lib. 1. ita ad universos Numidiz Episcopos scribebat: Petistis per Hilarium Charitularium nostrum a beate memoriæ prædecessore nostro, ut omnes vobis retro temporum consuetudines servarentur, quas a B. Petri Apostolorum Principis ordinationum initiis hactenus vetustas longa servavit. Et nos quidem juxta seriem relationis vestræ consuetudinem, quæ tamen contra fidem Catholicam nihil usurpare dignoscitur, inviolatam permanere concedimus, sive de primatibus constituendis, ceterisque capitulis, exceptis his, qui ex Donatistis ad Episcopatum perveniunt, quos proveri ad primatus dignitatem, etiam cum ordo eos ad locum eundem deferat, modis omnibus prohibemus. Sufficiat autem illis commissæ sibi plebis tantummodo curam gerere.

Can. 3.
dist. 33.
Minus integrum retulit Gratianus canonem 3. dist. 33., qualis habetur apud vetuliores canonum collectores. Nam Burchardus in cap. 72. lib. 3. ita scripsit: Ex decretis Pii Papæ cap. 6. Bene siquidem majorum regulis definitum est, ut demoniis, aliisque passionibus irretitis mysteria sacra tractare non liceat, cui præcepto consensu rationis adhibito id communiter definitimus, ut nullus de his, qui aut in terram arrepti a demonibus eliduntur, aut quolibet modo vexationis incursum efferuntur, vel sacris audeant ministrare altaribus, vel indiscussi se divinis ingerant Sacramentis, exceptis illis, qui corporum incommoditatibus dediti, sine hujusmodi passionibus in terram approbantur elisi. Qui tamen & ipsi tamdiu erunt ab officii sui & ordine, & loco suspensi, quousque unius anni spacio per discretionem Episcopi inveniantur ab incursum demonum alieni. Sic ad melius, pleniusque exemplar exactum Gratiani fragmentum, minus aptum videtur, ut recte Pio Pontifici tribuatur. Etenim auctor canonis non novum quidpiam se constituere profiteretur, sed id renovat, quod jam majorum regulis definitum fuisse dicit: quod sane Pio Papæ tribui nequit, cum nemo ex Pii ejusdem majoribus adduci possit, ad quem hujusmodi constitutio referatur. Præterea auctor canonis idipsum tradit consensu rationis adhibito communiter definitivisse, quæ verba significant in pleno Episcoporum Concilio editam sanctionem. Quicumque igitur hæc Pio Pontifici tribui posse affirmaverit, docebit prius & locum & tempus Concilii ab eodem Pontifice celebrati. Ego, ut verum fatear, video hoc fragmentum recentius esse Gelasio Papa, & ad decretum Gelasii, quod habetur in can. 5. dist. 33. referendum esse, quod initio capitis dicitur: Majorum regulis definitum est, ut demoniis &c. Quod si Gelasii decretum majorum regulæ adpellari potuit, non dubitavero hujusmodi caput pertinere ad sæculum octavum, aut nonum, quibus scilicet temporibus similia aut condita, aut renovata fuisse decreta scimus. Plane Regino in libro de Ecclesiasticis disciplinis idipsum commemorandum arbitrarus est, ut Clerum suum erudiret lib. 1. cap. 43. In libris etiam Capitularium Francorum renovatum

vatum idipsum est lib. 7. cap. 69. editionis Parisiensis anni 1677., & Hincmarus Rhemensis in epistola ad Clerum, & plebem Bellovacensem, in qua formam insinuat recte electionis Episcoporum ac Clericorum, monebat inter cetera, ut egeret populus, ne demoniis, similibusque passionibus irretitum eligeret. Posset huc etiam referri canon 29. Concilii Eliberitani: ibi: *Energumenum, qui ab erratis spiritu exagitatur, hujus nomen neque ad altare cum oblatione esse recitandum, neque permittendum, ut cum sua manu in Ecclesia ministraret.* Verum Eliberitani Concilii canones parum conferre possunt ad stabiliendam Ecclesiasticam veterem disciplinam, quemadmodum tradidi suo loco. Quid vero plura huc adferam, cum tandem inveniari memorati fragmenti Gratiani germanos auctores? Sunt illi Tolletani Patres in Concilio 11. anni 675., ubi can. 13. eadem ipsa leguntur, quæ superius integra retuli ex Burchardo. Tantum heic subdam verba illa Concilii: *majorum regulis definitum est, posse etiam referri ad canonem 16. Concilii Arausiacani 1., ubi hæc habentur: Energumeni non solum non assumendi sunt ad ullum ordinem Clericatus, sed & illi, qui ordinati jam sunt, ab imposito officio sunt repellendi.*

Non opus est, ut ad hanc rem demonstrandam, & minus probam Burchardi fidem ostendendam aliunde petam argumenta; cum id perspicuum adpareat in canone 15. cau. 20. qu. 1., quem primus Pio Papæ Burchardus tribuit in cap. 18. lib. 8. ibi: *Ut virgines non velentur ante xxv. annos ætatis, nisi forte necessitate periclitantis pudicitie virginalis, & non sunt consecrandæ alio tempore, nisi in Epiphania, & albis Paschalibus, & in Apostolorum natalitiis, nisi causa mortis urgente.* Hæc porro Pii Papæ esse non possunt, quum illius ætate nulla essent condita sacrarum virginum monasteria; in quibus velatæ custodirentur. Potius autem depromtus erat ex Capitularibus Francorum, juncta collectione Reginonis. Porro in Capitulari Caroli Magni anni 789. cap. 45. hæc leguntur: *Item in eodem (idest Africano Concilio) ut virgines non velentur ante vigintiquinque annos, nisi rationabili necessitate cogent.* Cui subiecta sunt Antiocheni Concilii verba ibi: *Item placuit, ut quicumque Episcoporum necessitate periclitantis pudicitie virginalis, cum vel petitor potens, vel raptor aliquis formidatur, vel si aliquo mortis periculoso scrupulo compuncta fuerit, ne non velata moriatur, aut exigentibus parentibus, aut his, ad quorum curam pertinet, velaverit virginem, seu velavit intra vigintiquinque annos ætatis, non ei obste Concilium, quod de isto annorum numero constitutum est.* Confirmatum id fuit in Capitulari anni 794. cap. 44., redactumque in lib. 1. Capitularium cap. 45. & lib. 5. cap. 227. Regino Prumiensis hæc eadem in suum codicem relaturus laudans quidem ex Concilio Antiocheno, quemadmodum & in Capitularibus laudabantur, ita scripsit in lib. 2. cap. 177. *Ut virgines non velentur ante viginti annos ætatis, nisi forte necessitate periclitantis pudicitie virginalis; & ut Gelasius Papa dicit, nisi in Epiphania, & in Albis Paschalibus, & in Apostolorum Natalitiis non sunt consecrandæ, nisi causa mortis urgente.* Apparet itaque, Burchardum tam ex Capitularibus Francorum, quam ex Reginone caput integrum composuisse, ipsumque in causa fuisse, quod recentiores Collectores Burchardum imitati Pio Pontifici tribuerint, quod illi tribui minime poterat, sed potius recentioribus auctoribus acceptum ferre debuissent.

Canon 10. cau. 22. qu. 1. licet ab Ivone, & Burchardo etiam Pio Papæ tribuatur, Pii tamen hullatenus esse potest, cum mentio fiat Synodi, ad quam spectaret judicium de iis, qui per creaturas jurent, quod sane non alio tempore statui potest.

Can. 15.
cau. 20.
qu. 1.

Can. 10.
cau. 22.
qu. 1.

poterat, nisi postquam decreta fuerunt celebrandarum quotannis Synodorum tempora; præsertim vero, si Burchardi lectionem sequamur, qui in postremis verbis, ubi Gratianus legit: *acerrime corripitur*, scripsit: *a Synodo corripitur*. Nomina enim Synodi eo in loco intelligitur Synodus Provincialis, ad quam Episcoporum causæ olim referebantur. At Pii ætate nullus adhuc erat Conciliorum Provincialium usus. Romani Correctores jamdiu indicaverunt, undenam decreptum fuerit hoc fragmentum, videlicet ex Novella 77. cap. 1., cujus tamen verba non referre, sed imitari collector canonum studuit, ita scilicet, ut quæ ibidem curæ Præfidi urbi demandantur, curæ Episcopali commissa videantur apud Collectorem canonum, qui voluit civilis Reipublicæ prudentiam commodè ad Ecclesiasticos viros traducere. Idipsum propemodum legere unusquisque poterit in Pœnitentiali Romano edito ab Antonio Augustino, ubi tit. 2. cap. 10. sine ullæ auctoris inscriptione ita habetur: *Si jurasti per capillum Dei, aut per caput ejus, vel alio modo blasphemia contra Deum usus fueris, si semel nefciens fecisti, septem dies in pane, & aqua pœniteas. Si secundo, vel tertio increpatus fecisti, quindecim dies in pane, & aqua pœniteas. Si per cælum, aut per terram, sive per solem, aut lunam, aut per aliam aliquam creaturam, quindecim dies pœniteas*.

Can. 7. De canone 1., & 2. cau. 22. q. 5. nihil hoc in loco agendum puto, commodius enim de ipsis habebitur sermo, ubi de Theodoro Cantuariensi, ejusdemque pœnitentiali differendum erit; tunc autem demonstrabo capita hæc non ad Pium Pontificem, sed ad Theodorum illum spectare.

Can. 7. Iterum Burchardus Pii nomen adscripsit fragmentis Capitularium Francorum. cau. 33. in lib. 6. cap. 37., quem secutus Gratianus idem Pii nomen adtribuit cau. 7. cau. 33, quæ 2. Ipsum *senioris* nomen, quod in fine canonis legitur, quodque passim pro Domino recentiore ætate usurpatum novimus, perspicue indicat canonem nulla ratione Pio tribui potuisse. Cur vero argumenta frustra quaramus? quando caput idem legitur apertissime in Capitulari Ludovici Pii anni 829. tit. 3. cap. 3. his verbis: *Quicumque propria uxore derelicta vel sine causa interfecit aliam, duxerit uxorem, armis depositis publicam agat pœnitentiam. Et si contumax fuerit, comprehensatur a Comite, & ferro vincitur, & in custodia mittatur, donec res ad nostram notitiam deducatur*. Eadem habentur in lib. 2. legum Longobardarum tit. 13. cap. 5. in lib. 5. Capitular. cap. 300., in additione 4. eorundem Capitularium cap. 118. in canonibus Isaac Episcopi Lingonensis cap. 6. tit. 2., & apud Reginonem lib. 2. cap. 76. Sane Burchardus nonnulla immutavit, quæ ad corporales pœnas a Ludovico Pio indictas pertinebant, quarum vice anathematis pœnam indixit, quod jam fecerat Isaac Lingonensis in tit. 3. canonum cap. 7. ibi: *Hi vero seculares, qui conjugale consortium absque culpa graviore dimittunt, vel etiam dimiserunt, nullas causas discordiæ probabiliter proponentes, & propterea sua matrimonia dimittunt, ut aut inlicita aut aliena præsumant, si antequam apud Episcopos Comprovinciales discordiæ causas dixerint, & priusquam uxores judicio damnentur, abjecerint, a communione Ecclesiæ, & sancti populi cætu, pro eo, quod conjugium, & fidem maculant, excludantur*. Dicendum adhuc superest de posterioribus illis verbis: *Eadem lex erit illi, qui senioreni ego arbori interfecerit*, quæ in Capitularibus desiderantur. Hanc porro adjectionem ego arbori factam ab aliquo studio, qui, quod statutum erat de viris uxores occidentibus, ad uxores extendere voluit, quæ viros suos amore secundi conjugii occiderint; quod perspicuum erit, si nomine *senioris* virum intelligamus, quemadmodum

ali-

aliquando scimus usurpatum. Sic apud Reginonem lib. 2. cap. 85., & Burchardum lib. 6. cap. 39. legimus: *Si mulier maritum suum causa fornicationis veneno interficit, aut quacunque arte perimere facit, quia dominum, & seniore suum occidit, decem annis pœniteat.* Sane senioris nomen vulgo pro domino habitum est in legibus Longobardorum; at si ita generaliter in canone isto acciperetur, parum ea adjectio cum superioribus consonaret. Quamobrem aptior mihi ea videtur vocabuli significatio, si specialiter pro marito intelligamus, cum alias nulla sit vocabuli improprietas, quod illud alicubi pro marito acceptum fuisse noverimus.

Canon 27. de consecr. dist. 2. habetur in Pœnitentiali Antonii Augustini Romano, titulo 5. cap. 10. his verbis: *Si vero per negligentiam aliquid de sanguine Domini stillaverit in terram, linguabitur, tabula radetur. Si non fuerit tabula, ut non conculcetur, locus corradetur, & igne consumetur, & cinis intra altare recondetur, & Sacerdos quadraginta diebus pœniteat. Si super altare stillaverit calix, sorbeat Minister stillam, & tribus diebus pœniteat. Si per linteam altaris ad aliud stilla pervenerit quatuor diebus pœniteat; si usque ad tertium, novem diebus pœniteat; si usque quartum, quindecim diebus pœniteat, & linteamina, quæ tetigerint stillam, tribus vicibus Minister abluat, calice supposito, & aqua ablutionis sumatur, & juxta altare recondatur. Eadem propemodum leguntur in Capitulis Theodori Cantuariensis a Petito editis cap. 51. ibi: *Si vero per negligentiam de calice aliquid stillaverit in terram, tabula radetur; si non fuerit tabula, ut non conculcetur, locus corradetur, & in igne consumetur, & cinis intra altare recondetur, & Sacerdos quadraginta dies pœniteat. Si super altare stillaverit calix, sorbeat Minister stillam, & tres dies pœniteat, si usque ad tertiam, novem dies, si usque ad quartam, quindecim dies. Et linteamina, quæ tetigerint stillam, tribus Minister abluat vicibus calice subtus posito, & aqua ablutionis sumatur, & juxta altare recondatur. Similia quædam habentur in judiciis Gregorii Papæ 3. cap. 28. ibi: *Si super altare stillaverit calix, sorbeat Minister stillam, & tribus diebus pœniteat, & linteamina, quæ tetigerint stilla, per tres abluantur vires, calice subterposito, aqua ablutionis in ignem projiciatur.* Non igitur Pio Papæ tribuenda erant hæc a nuperis collectoribus, sed potius editis Pœnitentialibus, in quibus passim de similibus Sacerdotum delictis, ac pœnitentia actum est.**

Can. 27.
de consec.
dist. 2.



CAPUT IX.

De Aniceto.

Canones Aniceti Papæ nomine apud Gratianum editi sunt
frequentes.

Apocryphi omnes.

- Can. 21. dist. 23. ex integris epistolæ exemplaribus supplendus.*
Can. 4. dist. 64. supplendus ex integris epistolæ exemplaribus.
Can. 1. dist. 66. iungendus cum can. 4. dist. 64.
Can. 2. dist. 99. non congruit Aniceti temporibus.
Can. 5. cau. 9. quæst. 3. referendus ad canonem 9. Concilii Antiocheni.
Can. 6. cau. 9. qu. 3. non congruit temporibus Aniceti.

AN Pius, an potius Anicetus Hygino successerit, in præcedentis capitis initio satis discussum arbitror, ut propterea illorum sit opinio recipienda, qui Anicetum Pio successisse ferunt. Horum itaque vestigia prementes, asseremus Anicetum ab anno 167., usque ad annum 175. summum Pontificatum gessisse, quo anno martyrii palmam adeptus est sub Marco Aurelio, & Lucio Vero. Unicam hujus nomine composuit epistolam Isidorus Mercator, cui hæc adposita fuit inscriptio: *Anicetus universis Ecclesiis per Galliæ provincias constitutis in Domino salutem.* Hæc autem data epistolam claudit. *Data 8. Kal. Junii Gallicano, & Rufino viris clariss. Coss.* Mercator in hac parte se se fere semper veterum consulum imperium ostendit: etenim nullus unquam Consulatus extitit Gallicani simul & Rufini, immo nec sejuncti tempore Aniceti consules fuerunt. Legimus quidem Romulum Gallicanum gessisse consulatum cum Antillio Vetere, sed anno 152. sub Telephoro. Scimus item Lucium Antonium Rufinum consulatum gessisse cum Servio Octavio Læna, seu Pontiano, sed anno 133. sub Sixto. Scimus rursus Cuspium Rufinum consulatum gessisse cum Lucio Quadrato, sive, ut aliis placet, cum Lucio Torquato, sed anno 144. sub Telephoro. Scimus demum Brutium Præsentem, & Marcum Antonium Rufinum consulatum gessisse, sed anno 155. sub Hygino. Attamen consulatum Gallicani, aut Rufini sub Aniceto penitus ignoramus. Plura alia nobis idem Isidorus argumenta suppeditavit, ex quibus etiam in hac epistola, ut in ceteris aliis, cum tamquam insignem deceptorem agnosceremus. Nam usus vulgatz Hieronymi versionis, nomina Archiepiscoporum, Prælatum, & Patriarcharum usurpata, compositæ sine ordine sententiæ recentiorum Patrum, ac Conciliorum perspicue indicant, epistolam nullatenus Aniceti temporibus congruere, nec propterea Aniceto ipsi esse tribuendam. Constabunt hæc vel in ipsis Gratiani fragmentis, quæ modo sunt expendenda.

Can. 4. dist. 64. & c. 1. dist. 66. Exorditur Anicetus verbis Leonis Magni, quæ habentur in epist. ejus 32., deinde statim subdit: *De ordinationibus vero Episcoporum, super quibus nos consulere voluistis, olim in Sancti Prædecessoris nostri Anacleti ordinationibus quædam jam decreta reperimus; scimus enim Beatissimum Jacobum, qui dicebatur iustus, qui etiam secundum*
car-

carne frater Domini nuncupatus est, a Petro, Jacobo, & Johanne Apostolis Hierosolymorum Episcopum esse ordinatum. Si autem non minus, quam a tribus Apostolis tantus vir fuit ordinatus Episcopus, patet profecto eos formam insituentem Domino tradidisse, non minus, quam a tribus Episcopis Episcopum ordinari debere. Sed crescente numero Episcoporum, nisi necessitas interveniret, debent etiam plures augeri; idest si Archiepiscopus diem obierit, & alter ordinandus Archiepiscopus electus fuerit, omnes ejusdem Provinciae Episcopi ad sedem Metropoleos conveniant, ut ab omnibus ipse ordinetur. Oportet autem, ut ipse, qui illis omnibus praeesse debet, ab omnibus illis eligatur, & ordinetur; reliqui vero provinciales Episcopi, si necesse fuerit, ceteris consentientibus, a tribus jussu Archiepiscopi consecrari possunt Episcopis. Sed melius est, si ipse cum omnibus eum, qui dignus est, elegerit, & cuncti pariter sacraverint Pontificem. Et licet istud necessitate cogente concessum sit, illud tamen, quod de Archiepiscopi consecratione praedictum est, atque praeceptum, idest ut omnes suffraganei eum ordinent, nullatenus immutari licet, quia qui illis praest, ab omnibus Episcopis, quibus praest, debet constitui. Sin aliter praesumptum fuerit, viribus carere non dubium est, quia irrita erit ejus secus alia ordinatio. Ex his supplendi erunt apud Gratianum canon 4. dist. 64., & canon 1. dist. 66., quos depravavit ipse Collector, atque corruptit. Interea vero nonnulla adnotare, exinde juvabit, ex quibus facile deducetur, monumenta hanc vetustissimis Pontificibus adscribi nullatenus posse. Quod enim in primis memoretur epistola Anacleti Pontificis, quz numero 2. est ex Isidorianis, & cujus eadem propemodum verba hic repetuntur, indicat Isidorum de suis meritis saepius gloriarı. Quod autem subditur, Jacobum Fratrem Domini a tribus Apostolis fuisse in Episcopum ordinatum, Petro videlicet, Jacobo, & Johanne, pudendum mendacium est: quid enim hujusmodi ordinatione opus habebat Jacobus? Apostoli omnes Episcopalem potestatem a Christo Domino acceperant, immo de Jacobo veterum Patrum traditio testatur, quemadmodum superius animadverti cap. 2. ad canonem 2. dist. 66.: Neque major ratio esse poterat, cur Jacobus frater Domini a Petro, Jacobo, & Johanne ordinaretur, quam e converso ab Jacobo fratre Domini Petrus, Jacobus, & Johannes. Præterea ibidem ex divina traditione per Apostolos significata asseritur constitutum, ut a tribus saltem Episcopis consecratio fieret Episcoporum, quando tamen aliter docet canon primus ex Apostolicis, qui, licet Apostolicus verus, non sit, quinti sane sæculi exhibet Ecclesiasticam disciplinam. Nihil addo de ordinationibus Metropolitanarum, quas ab omnibus Provinciae Episcopis celebrandas vult Isidorus in unum convenientibus; siquidem docere deberet Isidorus idem, jam tum fuisse provincias distributas, institutos Archiepiscopos, ac potuisse conventus fieri Episcoporum Provinciales, quæ omnia nonnisi recentioribus sæculis demonstrarentur.

Pergit auctor epistolæ, & ait: Ipse autem Archiepiscopus nihil de eorum causis, aut de aliis communibus juxta statuta Apostolorum, absque cunctorum illorum agas consilio, nec illi, nisi quantum ad proprias Parochias pertinet, sine suo; quoniam tali gaudeat concordia Altissimus, & gloriatur in membris suis. Hic est canon 5. cau. 9. qu. 3., ubi Apostolorum statuta illa memorantur, quæ demum posteriore ætate prodierunt; videlicet canon 35. ex Apostolicis, quo statutum legimus apud Dionysium Exiguum, Episcopos nihil peragere sine conscientia illius, qui primus inter ipsos habetur, quemadmodum eum, qui primus habetur, sine conscientia Episcoporum. Potius autem hæc tribuenda sunt Concilio Antiocheno can. 9., cujus sententia est in can. 2. cau. 9. qu. 1.

Can. 5.
cau. 9.
qu. 3.

Can. 2. Sequuntur post hæc verba can. 2. dist. 99. a Romanis Correctoribus ad integros
dist. 99. epistolæ codices exacta, ubi eadem traduntur de Primatum, atque Archiepiscoporum
officiis, ac nominibus, quasi hæc ab Apostolis ipsis constituta fuissent.

Can. 6. Nondum vero recedit Mercator a Metropolitanis. Nam itatim hæc subiicit: Si
cau. 9. autem aliquis Metropolitanorum inflatus fuerit &c. quæ habentur in can. 6. cau. 9.
qu. 3. ubi auctor epistolæ de more suo nihil omittendum censuit de iudiciis Episcopalis.
94. 3. Notanda sane sunt postrema canonis verba: ut vindicta de eo fiat, & ceteri
timorem habeant. Quomodo enim hisce verbis terrere Episcopos omnes Anicetus poterat, qui una cum omnibus Episcopis insævientibus Ethnicis terrebatur, si in eo aliquid minx Ethnicorum valebant?

Can. 21. Post nonnulla, hæc sequuntur prope finem epistolæ. Prohibete, fratres, per uni-
dist. 23. versas regionum vestrarum Ecclesias, ut Clerici, (qui laicis, & simplicibus, virtutis, honestatis, pudicitie, & gravitatis exemplar esse debent, ac seipso, tanquam signum purioris vite rutilioribus ad imitationem prudenter exhibere) juxta Apostolum comam non nutrant, sed desuper caput in modum spheræ radant, quia sicut discreti debent esse in conversatione, ita & in tonsura, & omni habitu discreti debent apparere. Ex his supplere quisque poterit canonem 21. dist. 23., cujus sententiam non integram retulit Gratianus. Quod si hæc expendere lubeat abjectis nonnullorum præjudiciis, facile constabit Aniceti temporibus non congruere, ac tantominus Apostoli præceptum haberi. Quis enim sibi facile persuadeat, vetustissimis temporibus Clericos ita incessisse, ut a laicis distinguerentur vestibus, ea præsertim ratione, ut comam deponerent, & desuper caput in modum spheræ raderent? Mos iste, aut lex, si qua fuisset, minus opportuna, dicenda foret; quid enim aliud esset, quam Clericos aut lulis Ethnicorum magis magisque exponere, immo & facilius perdendos, mandandosque exhibere? Num ii, qui latebras quærebant, ut sævitiam gentium evitarent, signa corporalis habitus gerebant, quibus facilius secernerentur a ceteris, ac dignoscerentur? Præterea ubinam demonstratur Apostoli præceptum, quod Mercator commemorat? Nullum sine aliud esse potest, quam quod habetur in epist. 1. ad Corinth. cap. 10. ibi: Vir quidem, si comam nutriat, ignominia est illi. Sed hæc generalia sunt, & communia tam laicis, quam Clericis, & ad veterum mores pertinent, quibus turpe viris habebatur comam laxare. Immo & posteriore ætate sicut barbam, ita & comam nutrire penitentibus injungebatur, quemadmodum. Isidorus docet in libris officiorum apud Rhabanum in epist. ad Heribaldum ibi: Hi, qui penitentiam gerunt, capillos, & barbam nutriant, ut demonstrent abundantiam criminum, quibus caput peccatoris gravatur. Capilli enim pro vitis accipiuntur, sicut scriptum est: & crinibus peccatorum suorum unusquisque confringitur. Et quidem tondebantur apud veteres capilli, non radebantur, quemadmodum docet Gregorius Magnus in lib. 1. epistolarum epist. 24. his verbis: unde velle ad Ezechielem dicitur. Sacerdotes caput suum non radant, neque comam nutrant; sed tonsentes attondeant capita sua. Quid enim signant capilli in capite, nisi exteriores cogitationes inmente? ... Quia ergo cuncti, qui præsumunt, habere quidem sollicitudines exteriores debent, nec tamen eis vehementer incumbere; Sacerdotes velle & caput prohibentur radere, & comam nutrire, ut cogitationes carnis de vita subditorum nec a se funditus amputent, nec rursum ad crescendo nimis relaxent: unde bene dicitur: tonsentes tondeant capita sua, ut videlicet curæ temporalis sollicitudinis, & ad quantum necesse est prodant, & tamen recedant citius, ne immoderatus excrescant ... quasi capilli in capite Sacerdotis ser-

... nutrantur

vantur, ut cutem cooperiant, & refecantur, ne oculos claudant. Itaque si Gregorii Magni tempore nondum obtinuit, immo vetitum est Sacerdotes caput radere, cur Mercator de radendis capillis Apostolicum fingit præceptum, cur renovare conatur præceptum ipsum per Aniceti decretales? Quod Clerici in detonso capite coronam capillorum paulo laxiorum relinquerent, receptum fuit in Ecclesia septimo circiter sæculo, quemadmodum adparet ex Concilio Toletano 4. anni 630. can. 41. ibi. *Omnes Clerici, vel leñiores, sicut Levitæ & Sacerdotes detonso superius toto capite inferius solam circuli coronam relinquant, non sicut bucusque in Galliciæ partibus facere leñiores videntur, qui prolixis, ut laici, comis in solo capitis apice modicum circulum tondent. Ritus enim iste in Hispania huc usque hæreticorum fuit. Hanc eandem tonsuræ formam exhibuit sæculo 7. S. Germanus Patriarcha Constantinopolitanus in theoria rerum sacrarum, Gregorius Turonensis de vitis Patrum cap. 17., & Beda lib. 4. historiz Anglorum cap. 1. Ceterum prioribus Ecclesiæ sæculis nulla in exteriore corporis habitu distinctio fuit inter Clericos, laicosque fideles: hinc Hieronymus epist. 17. ait: quicumque novissimus fuerit, hic primus putatur: in veste, nulla discretio, nulla admiratio: utcumque placueris incedere, nec detractionis est, nec laudis &c.*

CAPUT X.

De Sotere.

Capita Soteri tributa hæc sunt.

Ex epist. 2. (*Can. 25. dist. 23. non congruit temporibus Soteris.*

Adjiciuntur. { *Can. 16. cau. 22. qu. 4. est potius Bedæ.
Can. 58. de conf. dist. 1. est potius Concilii Toletani XI.
Can. 61. de conf. dist. 1. referendus ad Capitularia Francorum.
Can. 17. de conf. dist. 2. est potius Concilii 2. Cabilonensis.*

AUctor libri Pontificalis, qui Damasô tribuitur, refert Soterem ultra novem annos Pontificatum Maximum gessisse. Sed viri eruditi, inter quos Severinus Binius, quatuor tantummodo annis illum in Pontificatu vixisse contendunt, scilicet ab anno 175. qui est 13. Aurelii Imperatoris, usque ad annum 179. imperante, adhuc Aurelio. Porro tunc temporis Marcus Aurelius Imperator christianis gratus, a quibus beneficia quædam acceperat, constituit literis ad Senarum datis, nequis ex eo tantummodo accusaretur, quod christianus esset; quamobrem Ethnicis Christiani nominis inimicis occasio oblata fuit, ut Christianis crimina quædam affingerent, ut eosdem coram publicis Magistratibus accusarent. Pater id ex literis martyrum Lugdunensium apud Eusebium lib. 5. cap. 1. Hinc licet Christiani ob id apertissime non damnarentur, quod Christo nomen dedissent, quotidie tamen alio prætextu vexabantur, inter quos ipsemet Soter cruciatus obiit, vir ceteroqui optimus,

purus sceleris, afflictarum Ecclesiarum, indigentiumque solatium, ut Dionysius Alexandrinus refert. Duas hujus Pontificis nomine apud Isidorum Mercatorem habemus epistolas. Prior ad Campanos scripta fertur Rustico, & Aquilino Consulibus. Sed cum Rusticus, & Aquilinus consulatum gesserint anno 164., & sic annis undecim, antequam Soter in Pontificem eligeretur, jure optimo a viris eruditis epistola inter apocryphas recensetur. Sed, ad rem meam quod attinet, non ulterius in hac immoror, cum Gratianus nullum ex eadem fragmentum exceperit.

De epistola 2.

Altera hanc habet inscriptionem: *Dilectissimis fratribus per Italie provincias Sanctis constitutis Episcopis Soter Papa*; & data est 19. Kal. Junii, Cethego & Claro viris clariss. Coss. Hic consulatus incidit in annum 172., & propterea triennium antequam Soter in Pontificem fuisset electus. Quamobrem grave argumentum subest, ut sicut ceteras, ita & has Isidori merces rejiciamus. Neque vero alia ad hanc rem ipsam deesse possunt argumenta: priora epistolæ verba hæc sunt: *Divinis præceptis, & Apostolicis monitis informamur, ut pro omnium Ecclesiarum statu impigro vigilemus affectu, ut siquid usquam reprehensioni invenitur obnoxium, celeri sollicitudine ab ignorantie imperitia, & præsumptionis usurpatione revocemus. Quis statim in his non agnoscit & stilum, & verba ipsa Leonis Magni, qualia leguntur in epist. 4. juxta veteres editiones? Quidnam vero est, quod celeri sollicitudine erat revocandum, corrigendumque Soteri? En verba epistolæ subsequencia, quæ refert Gratianus in can. 25. dist. 23. *Sacratas Deo feminas, vel Monachas, sacra vasa, vel sacratas pallas penes vos contingere, & incensum circa altaria deferre perlatum est ad Apostolicam Sedem: quæ omnia reprehensione, & vituperatione plena esse, nulli religiosorum sapientium dubium est. Quapropter hujus Sanctæ Sedis auctoritate hæc omnia vobis rescare funditus, quanto citius poteritis, censemus: & ne pestis hæc latius divulgetur per omnes provincias, abstergi citissime mandamus.* (hic quidem concluditur Gratiani caput. Labet autem cum Mercatore progredi, ut exinde liqueat, quam inordinata congeratur rerum, sententiarumque farrago). *Ait enim Apostolus: respondi enim vos uni viro virginem castam exhibere Christo. Illa est enim virgo Ecclesia, sponsa unius viri Christi, quæ nullo se patitur errore, vel inhonestæ reprehensione vitari, ut per totum mundum una sit nobis unius castæ communionis integritas. Unde confurgite, charissimi, cum Deo; & adsistite ei induentes arma spiritus adversus malignantes contra fidem ejus &c.* Nemo non videt, quantum distant posteriora hæc a prioribus, & quantum priora dissonent ab ætate Soteris: vel una Monacharum mentio vix quinq. to, aut sexto sæculo epistolam hanc tribui posse demonstrat.*

De ceteris capitibus Soteri tributis.

Sunt adhuc nonnulla Soteri adscripta, quæ ejusdem Pontificis minime sunt, nec eisdem a quoquam veterum adtributa. Ex his est imprimis canon 16. cau. 22. qu. 4. Primus Burchardus ex cap. 3. decretorum Soteris Papæ laudavit lib. 12. cap. 18.

Can. 16.
cau. 22.
qu. 4.

18. Vetusiores Collectores non ex Sotere, sed ex Beda se describere professi sunt. Sic Regino Prumiensis lib. 2. cap. 323. habet: ex dictis Bedz Presbyteri: *Si aliquid forte nos incautius iurasse contigerit, quod observatum pejorem vergat in exitum, illud consilio salubriori mutandum noverimus, ac magis instante necessitate perjurandum nobis, quam perfetto juramento in aliud crimen majus esse divertendum.* Hæc porro eadem sunt cum Gratiani verbis: immo Gratianus idem eadem ipsa Bedz nomine retulit in can. 6. cau. 22. qu. 4., habenturque in homilia ejusdem in decollat. S. Johannis.

Burchardus etiam primus in cap. 73. lib. 3. Soteris Papæ nomine retulit verba canonis 58. de conf. dist. 1., qui propterea posterioribus Collectoribus canonum falsis suis inscriptionibus occasionem dedit errandi. Auctor palearum facile deceptus est; non tamen Gratianus, qui in can. 15. cau. 7. qu. 1. idem decretum retulit, sed nomine Concilii Toletani XI., quod jam nos suo in loco expendimus in priore hujus operis parte, ubi de Conciliis Toletanis differimus.

Quod si nullam debemus Burchardo fidem in inscriptione dicti canonis 58. de conf. dist. 1., quem ipse nomine Soteris laudavit in lib. 3. cap. 73. num fides præstanda erit in capite sequenti, seu 74., quod ita inscripsit: *ex eodem? Illius sententiam, & verba exhibet Gratianus in can. 61. de conf. dist. 1., ubi Correctores Romani adnotarunt similia propemodum legi in Concilio Moguntino I. cap. 43. Cardinalis Bona lib. 1. rerum liturgicarum cap. 13., asserit hoc caput falso tributum esse Soteri ea de causa, quia Soteris tempore nondum irrepererat abusus missæ solitarie. Primum enim hæc consuetudo penes Monachos esse cœpit, cum illorum nonnulli Sacerdotio insigniri cœperunt; ut enim solitarie vitæ institutione gloriabantur, ita & solitario in loco sacra mysteria sine testibus celebrabant: quod post sæculum octavum occasionem dedit nonnullis Conciliis improbandi. Apud Reginonem nomine Concilii Nannetensis refertur in lib. 1. cap. 191. hoc decretum: *Definivit Sanctum Concilium, ut nullus presbyter solus præsumat missam cantare: cui enim dicit, Dominus vobiscum, aut sursum corda, aut gratias agamus Domino Deo nostro, cum nullus sit, qui respondeat? aut in canone, & omnium circumstantium, cum nemo adsit? aut quem invitat ad orationem, cum dicit, oremus, cum nullus sit, qui secum oret?* Quapropter periculosa superstitio, maxime a monasteriis Monachorum exterminanda est. Hæc retuli, ut constaret ex his Burchardum caput suum composuisse, & paucis perstrinxisse, una etiam constaret, Monachorum præcipue causa decreta hujusmodi fuisse edita, ac proinde Soteri temporibus, quibus necdum Monachi existerant, minime convenire. Forte autem Burchardus facile adductus est, ut nomen Soteris inscriberet, quia hanc constitutionem inter Francorum Capitularia relata agnoverit; ipse vero a recensendis Francorum Capitularibus sibi proposuerat abstinendum. Sane in lib. 5. Capitularium cap. 159. similia leguntur his verbis: *Nullus Presbyter, ut nobis videtur, solus missam cantare recte valet: quomodo enim dicit Dominus vobiscum, vel sursum corda admonere habere, & alia multa his similia, cum alius nemo cum eo sit?* Similia quoque statuta legimus in Concilio Parisiensi 6. lib. 1. cap. 48., relata in additionem 2. Capitular. cap. 9. Similia demum in capitulis Herardi Turonensis cap. 28.*

Burchardum denique incusare debemus, si Soteris nomine ipse primum, deinde Gratianus inscripserint canonem 17. de conf. dist. 2., qui potius referendus erat ad Francorum Capitularia, videlicet ad canonem 47. Concilii Cabilonensis 2. quem

Can. 58.
de conf.
dist. 1.

Can. 61.
de conf.
dist. 1.

Can. 17.
de conf.
dist. 2.

quem hodie habemus in additione 3. Francorum Capitularum cap. 67. eisdem omnibus verbis, quibus apud Gratianum descriptus est. Ipsa autem poenitentium mentio, qui quotannis in cœna Domini Eucharistiæ sumendæ causâ reconciliati dicuntur, recentiorē, & mediæ ætatis indicat Ecclesiasticam disciplinam, ut vel ex ea ratione a Soterq̃ Pontifice idem canon abjudicandus videatur.

CAPUT XI.

De Eleutherio.

Ex epistola Eleutherii ad provincias Galliæ hi canones descripti sunt.

Apocryphi omnes.

- Can. 4. cau. 2. qu. 1. pertinet ad commentaria in Paullum Ambrosio tributa.
- Can. 55. cau. 2. qu. 7. consonat cum can. 3. dist. 83. & can. 3. dist. 86.
- Can. 3. cau. 3. qu. 3. ex integris epistolæ exemplaribus supplendus.
- Can. 17. cau. 3. qu. 7. perperam Sixti nomine laudatus.
- Can. 2. cau. 3. qu. 9. est potius Concilii 4. Carthaginensis, & Aniani Interpretis.
- Can. 7. cau. 3. qu. 6. ex integris exemplaribus emendandus:
- Can. 11. cau. 30. qu. 5. pertinet ad l. 1. cod. Theod. de judiciis, juxta interpretationem Aniani.

SOteri in Pontificatu successit Eleutherius Marco Aurelio imperante anno 179., vixitque usque ad annum 194. fortassis primus ex Pontificibus, qui non martyrio vitam compleverit; quamquam enim alicubi martyris nomine appelletur, minime probari exinde potest, illum vere martyrem occubuisse; novum enim non est apud veteres eos etiam dictos fuisse martyres, qui nonnulla pro Christi nomine sustinuerint, etiamsi martyres non occubuerint. Isidorus Mercator unam Eleutherio epistolam adfinxit, hac inscriptione: *Eleutherius Episcopus universis Ecclesiis per Galliæ provincias Domino militantibus in Domino salutem*; fertur autem data 5. Idus Julii Paterno, & Bradua viris clarissimis Coss. Verum nullus alius legitur Paterni consulatus in consularibus fastis, nisi cum Torquato, illeque incidit in annum Christi 125., ac proinde longe ante Pontificatum Eleutherii. Quod argumentum ad enervandam Mercatoris fidem adeo grave visum est illis, qui facile decipi se sinunt, ut conati fuerint Paterni nomen immutare, illiusque vice substituere Triarium Maternum, qui cum Marco Aurelio Bradua consulatum gessit anno Christi 187. Sed frustra ad hujusmodi vocum immutationes confugitur, ubi tota epistola argumentum est fictitii monumenti. Hinc viri gravissimi æque ac eruditissimi eandem rejicere non dubitarunt, inter quos sunt, Baronius ad annum 147. §. 2., Contius in notis ad canonem 11. cau. 30. qu. 5., & Antonius Augustinus in cap.

8. collectionis Hadriani I. Porro præterquamquod hujus epistolæ auctor vulgata Hieronymi versionem sequatur, usurpat passim sententias recentiorum scriptorum, nimirum Leonis Magni, auctoris Commentarii in Paulum sub titulo Ambrosii, Conciliorum Carthagenensis 4., & Toletani 6., item legum codicis Theodosiani juncta interpretatione Aniani. Initio hujus epistolæ post usurpata sententiam Leonis Magni, nonnulla præfatur de promiscua comestione escarum, tradens, nihil esse, quod evitare quisquam debeat, quasi in Gallicanis provinciis Tatiani hæresis grassaretur. Post hæc vero, nullo rerum ordine servato, ad accusationes Clericorum transit, ad quas Ildorus Mercator post innumeras digressiones sæpe numero revertitur, his verbis: *De accusationibus ergo Clericorum, super quibus consulti sumus, quia omnes eorum accusationes difficile est ad Sedem Apostolicam deferre, finitiva Episcoporum tantum judicia huc deferantur, ut hujus Sanctæ Sedis auctoritate finiantur, sicut ab Apostolis, eorumque successoribus, multorum consensu Episcoporum, jam definitum est. Nec in eorum Ecclesiis alii aut præponantur, aut ordinentur, antequam hic eorum iuste terminentur negotia. Quoniam, quamvis liceat apud Provinciales, & Metropolitanos, atque Primate eorum ventilare accusationes, vel criminationes, non tamen licet definire secus, quam prædictum est. Reliquorum vero Clericorum causas apud Provinciales, & Metropolitanos, ac Primate & ventilare, & iuste finire licet.* Hæc retulit Gratianus in can. 7. cau. 3. qu. 6., sed verbis adeo turbatis, inverfoque ordine descriptis, ut non eadem prorsus videantur. Jure autem postulare quispiam a Mercatore posset, ubinam de Apostolicis constitutionibus, quas ipse ad rem propositam commemorat, constet? Vereor, ne nomine constitutionum ab Apostolis, eorumque successoribus multorum consensu Episcoporum editarum intellexerit statuta Concilii Sardicensis can. 4., ubi nonnulla his maxime consentanea definita deprehendimus, & sic Eleutherium inducat recentioris Concilii jura commemorantem.

Can. 7.
cau. 1.
qu. 6.

Pergit Mercator: *Judicantem tamen oportet cuncta rimari, & ordinem rerum plena inquisitione discutere, interrogandi, ac proponendi, adjiciendi præbita patientia ab eo, ut ibi alio ambarum parium limitata sit pleniter, nec litigantibus iudex prius sua velit sententia obviare, nisi quando ipsi jam peractis omnibus nihil habeant in questione, quod proponant; & tandem alio ventiletur, quousque rei veritas inveniat. Frequenter interrogare oportet, ne aliquid prætermisum fortasse remaneat, quod anelli conveniat.* Hic est canon 11. cau. 30. qu. 5., cujus verba integræ fere excerpta sunt ex codice Theodosiano lib. 2. tit. 18. l. 1., & interpretatione Aniani eidem legi subiecta; hinc atq. ad hunc canonem. Contius: *Adulterinam esse hanc Eleutherii epistolam vel ex hoc fragmento liquet, hæc enim sunt verba Constantini Imperatoris in l. 1. cod. Theodof. de iudiciis, quæ plusquam centum post Eleutherium annis sunt a Constantino rescripta, quæ illius epistolæ fabricator suppresso nomine compilavit.*

Can. 11.
cau. 30.
qu. 5.

Sequitur statim in epistola verba canonis 3. cau. 3. qu. 3., fed alia est sententia epistolæ Eleutherio tribuere, alia Gratiani: etenim in integra epistola sermo fit de induciis, quæ concedi debent; ut iudex in causa cognoscat, nequid omisum in causa appareat, neve præpropere sententia dicatur. En ipsamet epistolæ verba integræ: *Nec litigantibus iudex prius sua velit sententia obviare, nisi quando ipsi jam peractis omnibus nihil habeant in questione, quod proponant; & tandem alio ventiletur, quousque rei veritas inveniat. Frequenter interrogare oportet, ne aliquid prætermisum fortasse remaneat, quod anelli conveniat. Inducie enim non modicæ ad inquirendum dandæ sunt, ne aliquid præpropere agi a quacunque parte videatur, quia per subreptionem multa proveniunt.*

Can. 3.
cau. 3.
qu. 3.

Nihil

Con. 4. *can. 2.* *qu. 1.* *24.* *1.* Nihil tamen (pergit ulterius Mercator) absque legitimo, & idoneo accusatore fiat; nam & Dominus noster Iesus Christus Judam furem esse sciebat, sed quia non est accusatus, ideo non est ejectus. Retulit hæc Gratianus in can. 4. cau. 2. qu. 1., de prompta autem sunt ex commentariis in caput 5. epist. 1. ad Corint., quæ Ambrosio tribuuntur.

Can. 17. *can. 3.* *qu. 7.* Post pauca ad eandem rem pertinentia, hæc sequuntur. De accusationibus vero comprovincialibus ita legitur esse statutum: siquis super quibuslibet criminibus quemlibet Clericum pulsantem crediderit, in provincia, in qua consistit ille, qui pulsatur, suas exerceat actiones, nec æstimet eum alibi, aut longius ad iudicium protrahendum. Illi vero, qui pulsatus fuerit, si iudicem suspectum habuerit, liceat appellare. Est hic canon 17. cau. 3. qu. 7.; quem Gratianus perperam Sixto adscripsit, quemadmodum jamdiu observaverunt Romani Correctores. Nonnihil autem his, quæ ibidem traduntur, consonat lex 3. libri 49. ff. tit. 16.

Can. 2. *can. 3.* *qu. 9.* Progreditur Isidorus in sua epistola, quem sequitur Gratianus in can. 2. cau. 3. qu. 9. his verbis: Caveant etiam iudices Ecclesiæ, ne absente eo, cujus causa ventilatur, sententiam proferant, quia irrita erit, immo etiam & causam in Synodo pro facto dabunt. Proditoris vero nec calumnia, nec vox audiat. Priora hæc verba excerpta sunt usque ad §. proditoris ex cap. 30. Concilii 4. Carthaginensis anni 398. ibi: Caveant iudices Ecclesiæ, ne absente eo, cujus causa ventilatur, sententiam proferant, quia irrita erit, immo & causam in Synodo pro facto dabunt. A §. proditoris leguntur apud Anianum in interpretatione legis 2. tit. 10. lib. 10. codicis Theodosiani; cum enim in lege 2. ita legatur: Nemo delatorem plus potest cognoscere, quam ille, qui injuriam per ejus sustinuit nequitiam, Anianus addidit hoc glossema: siquis proditor futurus est, nec calumnia, nec vox illius audiat. Etsi vero non haberemus recentiora hæc monumenta, ad quæ redigendæ adparerent Mercatoris sententiæ, proindeque Eleutherio falso tributz viderentur, ipsa tamen mentio Synodorum, quibus rei gestæ rationem ab Episcopis reddendam esse præscribitur, satis demonstrat, hæc nonnisi recentiori ætati convenire.

Can. 55. *can. 2.* *qu. 7.* Canon 55. cau. 2. qu. 7., quem repetit Gratianus tum ex Innocentio in can. 3. dist. 83., tum ex Johanne 8. in can. 3. dist. 86.; habetur in fine epistolæ hujus, ubi tamen Eleutherius sibi ipsi adversari fingitur; nam in præcedentibus verbis ita scribit: Igitur omne pondus, & circumstantia adversariorum nocumenta per patientiam, fratres, comprimere satagite; deinde mutata sententia in posterioribus, quæ habentur in dicto can. 55., vult non patienter ferenda esse nocumenta adversantium, sed deturbandos esse perversos, illorumque facinoribus obviandum.



De Victore.

Ex duabus prioribus Victoris epistolis legimus apud Gratianum
sequentes canones.

- Apocryphi om-
nes. { *Can. 7. cau. 2. qu. 6. exigendus ad canonem 17. Concilii Chalcedonenſis.*
Can. 22. de conf. diſt. 3. in parte depromptus ex Leone Magno.
- Ex epist. 1. {
- Ex epist. 2. (*Can. 12. diſt. 90. conſonat cum integris epistolæ exemplaribus.*

Anno Domini 194. post Eleutherii obitum successit in Romano Episcopatu Victor, quem gessit usque ad annum 201. vel, ut aliis lubet, 203. Quatuor apud Collectores Victoris nomine exhibentur epistolæ, quarum duæ posteriores scriptæ sunt ad Desiderium Viennensem, & ad Paracodam Episcopum. De his sermo non est instituendus, quod apud Gratianum minime memorentur. Immo-rabor tantum in duabus prioribus, quæ ex officina Mercatoris depromptæ fuerunt.

De epistola 1.

Priorem epistolam ita auspicatus est Isidorus: *Victor Romanæ, ac universalis Ecclesie Archiepiscopus, Theophilo Episcopo, & cunctis fratribus in Alexandria Domino famulantibus, in Domino salutem*, hac subiecta consulari nota: *data 13. Kal. Augusti Commodo, & Grævione viris clariss. Coss.* Hæc sola sufficerent, ut auctorem epistolæ de perspicuo mendacio argueremus. Ut enim omittam, quod alias monui, nomen *Archiepiscopi* nonnisi recentiore ætate usurpari in Ecclesia consuevisse, quis erat Theophilus ille tempore Victoris Alexandrinæ urbis Episcopus? In Alexandrina Sede, ut constat ex catalogo Eusebii, & Nicephori, anno 191. Juliano successit Demetrius, qui usque ad annum 234. Episcopus fuit. Unus autem in Alexandrinorum Episcoporum numero recensetur Theophilus, sed qui vixit ab anno 385. usque ad annum 412., proptereaque multo post tempora Victoris. Noverunt difficultatem hanc, qui pro hac epistola Victori vindicanda laborant, quorum alii propterea pro Theophilo Alexandrino Theophilum Cæsariensem supposuerunt de Amanuensium incuria conquerentes, alii varias urbes in medium protulerunt, quæ Victoris tempore Alexandrinæ nomine donabantur. Qui Theophilum Cæsariensem pro Theophilo Alexandrino supponunt, conjecturam capiunt ex Beda, qui scripsit Victorem ad Theophilum Cæsariensem epistolam direxisse, ei suæ vices committens, ut Romani Episcopi nomine ad causam Quartodecimanorum finiendam Concilium celebraret. Sed esto a Victore scriptam epistolam ad Theophilum Cæsariensem, non est tamen illa, de qua agimus in præsentia. Jam id agnovit Baronius ad annum 198. §. 6. ita de hac epistola scribens: *Porro eam longe diversam*

Tom. II.

N

ess

esse ab ea, cujus meminit Beda, quæ a Victore ad Theophilum Cæsariensem scripta fuit, cum illi vices suas delegavit, ut convocato Concilio de ea re ageret, omnes puto facile intelligere. Revera in epistola Mercatoris nihil tale continetur, ex quo constet, Theophilum fuisse a Pontifice delegatum. Idipsum agnovit Doviatius in lib. 2. prænotionum canonicarum cap. 25. §. 27. ita de Victore verba faciens: *Ab eo tamen ex Eusebio lib. 5. historiæ ecclesiæ. cap. 22. discimus scriptam epistolam ad Theophilum non Alexandrinum, sed Cæsareæ in Palestina Episcopum, cujus meminit Beda. Verum hanc ab illa, quæ ad Theophilum Alexandrinum scripta dicitur, diversam fuisse constat, ex eo, quod ibi Theophilo Cæsariensi vices suas delegasse Victor memoratur, ut convocato Concilio de Paschatis celebratione inter Orientis Episcopos ageretur.* Qui vero plures proferunt Alexandrinæ urbes, ingenio potius commento, quam sincere difficultatem evadere student; oporteret enim, ut non obscuram quandam urbem, aut oppidum indicarent, sed saltem Metropolim, de qua commode explicaretur epistolæ inscriptio, quæ non tam data fertur ad Episcopum Alexandrinum, quam ad cunctos fratres in Alexandria Domino famulantes, quorum nomine in Pontificum epistolis venire solent Episcopi, ad quos fortassis Mercator in Alexandrinæ provincia existentes epistolam dirigebat. Quid vero in hoc uno immorer, quoties alia suppetunt argumenta, & quidem gravissima, ex quibus a Victore epistola facile rejiciatur? Relata superius consularis nota Victori minime congruit, ut rursus agnovit Baronius loco laudato. Inter Romanos Consules nullus usquam adparuit Gravius. Quod si quispiam Amanuensium oscitantiam arguens, Glabrio nem potius legendum existimaret, non proinde germanam Victoris notam adponeret; etenim Glabrio nis consulatus incidit in annum Christi 188., aliquot annis ante Victoris Pontificatum. Sed & perspectissimus Mercatoris stilus in hac epistola adparet; vel quia sermo instituitur, ut in epistolis cæteris, de Episcoporum accusationibus, quod sane mihi gravissimum argumentum videtur, observanti, nihil pressius a Mercatore ipso agitur fuisse, atque discussum. Item usus vulgatz versionis scripturarum, recentiorumque Patrum testimonia in eadem epistola inordinate congesta, videlicet Leonis Magni, & Isidori Hispalensis, manifeste indicant manum Mercatoris; quæ omnia, quidquid alii in contrarium conentur, perspicue demonstrant epistolam Victori nullatenus tribui posse.

Can. 22.
de conf.
dist. 3.

Quæ si vera sunt, liquet inde, quænam nostra debeat esse sententia de can. 22. de conf. dist. 3. Habetur is in epistolæ exordio post præfationem ex verbis epistolæ 53. S. Leonis petita. Et quidem Gratiani verba cum epistola ipsa consonant. Sed quod dicitur infideles infames effici non congruit temporibus Victoris; nam tunc temporis infames potius vocabantur christiani, & tales vulgo habebantur, & demum infamiz nota apostatis inusta est a christianis imperatoribus ex lege 11. tit. 39. lib. 11. codicis Theodosiani. Præterea postrema ejusdem canonis verba in vers. *Hæc vero statuta deprompta videntur ex epist. 54. Leonis Magni cap. 3. juxta veteres editiones.*

Can. 7.
caus. 2.
qu. 6.

Post nonnulla ex Isidoro Hispalensi petita gradum facit Mercator ad judicia Ecclesiastica his verbis: *Similiter ea vos judicare ad Apostolicam delatum est Sedem, quæ præter nostram vobis definire non licet auctoritatem, idest Episcoporum causas. Unde ita constitutum liquet a tempore Apostolorum, & deinceps placuit, ut accusatus, vel judicatus a comprovincialibus in aliqua causa Episcopus licenter appellet, & aseat Apostolicæ Sedis Pontificem; qui aut per se, aut per vicarios suos ejus retrahari negotium pro-*

procuret, & dum iterato iudicio Pontifex causam suam agit, nullus alius in ejus loco ponatur, aut ordinetur Episcopus: quoniam quamquam a comprovincialibus Episcopis accusati causam Pontificis scrutari liceat, non tamen diffiniri inconsulto Romano Pontifice permiffum est; cum B. Petro Apostolo non ab alio, quam ab ipso dictum sit Domino: Quaecumque ligaveris super terram, erunt ligata & in caelo, & quaecumque solveris super terram, erunt soluta & in caelo. Et alibi in institutis legitur Apostolicis: Siquis putaverit se a proprio Metropolitano gravari, apud Patriarcham, vel Primatem Diocesanos, aut penes universalis Apostolicæ Ecclesiæ iudicetur sedem. Postrema hæc verba illa sunt, quæ retulit Gratianus in can. 7. cau. 2. qu. 6., & ferme eadem descripsit nomine Sixti II. in canone 15. eadem causa, & questione. Quis in his omnibus non videat Mercatorem abusum fuisse canonibus 4., 5., & 7. Concilii Sardicenis, item can. 17. Concilii Chalcedonensis? quorum omnium sententiam paulo variis tradidit verbis, unaque quasi Apostolorum institutionem retulit, immo quasi idem Christus Dominus eadem constituisse; quemadmodum paulo infra idem Mercator subjunxit, abutens Scripturarum divinarum testimonio ibi: Et quis est, qui iudicat eum, quem Dominus sibi, & huic Sanctæ Sedi reservare voluit iudicandum? Ait namque Dominus per Prophetam Esaiam. (cap. 50.) Dominus Deus auxiliator meus, ideo non sum confusus &c. Bone Deus? quam pudenda, & indigesta sententiarum congeries? Quid enim commune habent Esaiæ verba cum accusationibus Episcoporum ad Romanam Sedem deducendis, ut ex Esaiæ testimonio præceptum divinum deducat Mercator, quo constitutum asseveret, Episcoporum iudicia Sedi Apostolicæ reservari? Sunt illa Esaiæ verba, quibus profitetur se non extimescere adversantium minas, quod a Domino adjuvaretur. Hæc sane non de Episcopis tantum, sed de omnibus generatim Dei fidelibus usurpari possent facile. Sed quid ultra moror in his? Pudet in his sacrarum literarum extorsionibus diutius versari.

De Epistola 2.

Epistolæ posterioris inscriptio hæc est: *Victor Ecclesiæ Romanæ, & urbis Archiepiscopus universis Episcopis per Africam constitutis in Domino salutem.* Data autem est Kal. Septembribus Laterano, & Rufino viris clariss. Cess. Nihil est, quod in hoc consulatu improbemus, cum Lateranus, & Rufinus consules fuerint anno 199. ac propterea Victoris tempore. Verum Archiepiscopi nomen, quod in inscriptione epistolæ occurrit, item divisio Ecclesiarum *Romanæ, & Urbis* non satis convenit Victori, ut propterea non dubium sit, & has Isidori merces rejicere. Adfunt enim & alia argumenta, quibus utimur ad Mercatoris epistolâ dignoscendas. Revera & principium epistolæ hujus exhibet verba S. Leonis Magni epist. 4. cap. 2. in veteri editione, & in totius epistolæ constructione usus est auctor vulgata Hieronymi versio, quod, quemadmodum familiare fuit Mercatori, ita Victori Papæ convenire nullatenus poteit.

In hac epistola legitur canon 12. dist. 90., cujus verba omnino consonant cum integris epistolæ exemplaribus; videtur autem Mercator imitari voluisse Paulum Apostolum ad Corinthios scribentem epist. 1. cap. 12., se audivisse contentiones, atque emulationes inter Corinthios factas esse, eosdem propterea ad mutuam benevolentiam pro Apostolico, quoungebarur, munere excitantem.

CAPUT XIII.

De Zephirino.

Ex duabus epistolis Zephirino Papæ tributis exhibet Gratianus sequentes canones.

Apocryphom-
nes.

Ex epist. 1.

- Can. 2. dist. 16. paulisper varius in diversis exemplaribus.*
Can. 8. dist. 38. est potius Prosperi in lib. sentent. apud Augustinum.
Can. 5. cau. 2. qu. 1. est potius interpretatio Aniani in leges Theodosii.
Can. 8. cau. 2. qu. 6. non congruit temporibus Zephirini.
Can. 11. cau. 2. qu. 7. jungendus cum can. 10. cau. 3. qu. 4.
Can. 10. cau. 3. qu. 4. jungendus cum can. 11. cau. 2. qu. 7.
Can. 1. cau. 3. qu. 8. non congruit Zephirini temporibus.
Can. 13. cau. 3. qu. 9. consonat cum l. 4. & sequ. cod. quom. & quando iudex.
Can. 2. cau. 5. qu. 4. idem est. cum can. 1. cau. 3. qu. 8.

Ex epist. 2.

- Can. 3. dist. 75. consonat cum canonibus Concilli Chalcedonensis, & Laodicensi.*
Can. 6. cau. 2. qu. 2. non congruit Zephirini temporibus.

His adjicitur. (*Can. 6. cau. 2. qu. 1. non congruit Zephirino.*)

SI Baronium sequamur, anno demum 203. successit Victori Zephirinus, aliis autem placuit ad annum 201. referre initia ejusdem Pontificatus; vixit vero usque ad annum 219., sive ut Baronio visum est ad annum 221. Duas Isidorus Mercator Zephirino epistolas tribuit, ex quibus Gratianus fragmenta nonnulla depromsit.

De Epistola 1.

Priori epistolæ hic inest titulus: *Romanae urbis Archiepiscopus Zephirinus omnibus per Siciliam constitutis Episcopis in Domino salutem: & data est: Kalendis Octobris Saturnino, & Gallicano viris clariss. Coss.* Sane nullibi constat, Gallicanum gessisse consulatum, nisi anno 152., quo tempore Telephorus Pontificiam Sedem tenebat. Quod si argueret quispiam Amanuensem, & loco Gallicani Gallum inscribendum fore arbitraretur, habebit quidem Consulatum Saturnini, & Galli; verum cum hic consulatus incidit in annum 200., nondum Zephirini tempora attinget. Hinc facile apparet, eam recte hæc epistola ab eruditissimis viris jamdiu rejecta fuerit. Et quidem id eo facilius unusquisque probabit, quo clarius agnoscat consuetas Mercatoris formulas in eadem epistola usurpatas, item sententias complures

res ex recentioribus excerptas, videlicet ex Concilio 3. Carthaginensi, ex Leone, Prospero, Vigilio, Gregorio, codice Theodosiano junctis Aniani interpretationibus, & Sixto Pythagoreo, quarum nonnullas in expendendis Gratiani canonibus recenset.

Exorditur Pseudo-Zephirinus, utens verbis Hilari Papæ epistola 3., quibus fideles hortatur, ut divinis mandatis inhæreant, statimque subdit. *Sicut stellas cæli non extinguit nox: sic mentes fidelium firmamento inherentes Sanctæ Scripturæ, non obscurat mundana iniquitas.* Retulit hæc Gratianus in can. 8. dist. 38. quæ tamen melius laudata fuissent ex Prospero, qui in sentent. 120. apud Augustinum in psalmum 93. ad finem hæc habet. *sius tollat cæli non extinguit nox, sic mentes fidelium firmamento adherentes Sanctæ Scripturæ non obscurat mundana iniquitas.*

Hinc prosequitur auctor epistolæ his verbis: *Patriarchæ vero, vel Primates accusarum discutientes Episcopum non ante sententiam proferant finitivam, quam Apostolica fultis auctoritate, aut eum seipsum confiteatur, aut per innocentes, & regulariter examinatos convincatur testes. Qui minori non sint numero, quam illi discipuli fuerunt, quos Dominus ad adjumentum Apostolorum eligi præcepit, idest septuaginta duo.* Nonnulla ex his retulit Gratianus in can. 5. cau. 2. qu. 1. ex epistola Felicis ad Paternum, quæ ideo hoc loco integra describere volui, ut liquidius inde constaret, quam dissonæ sint Mercatoris sententiæ in epistola congestæ: ut enim omittam, nomen Patriarcharum, & Primatum gravissimam suspensionis falsi conjecturam præbere, dixerim hæc deprompta esse ex Aniani interpretatione in leg. 1. tit. 40. lib. 9. codicis Theodosiani, ibi: *Judex criminofum discutiens non ante sententiam proferat capitalem, quam aut eum confiteatur, aut convictus vel per innocentes testes, vel per confectos criminis sui, aut homicidium, aut adulterium, aut maleficium commississe manifestius convincatur.* Quod vero subditur de testium numero, ut totidem esse debeant, quot fuere Christi discipuli, videlicet duo supra septuaginta, ridiculum omnino est, & nonnisi Mercatore dignum; quid enim commune est testibus ad judicium discussionis causa vocatis cum discipulis Christi? Porro si tot testes expectandi sunt, donec quispiam reus gravissimorum etiam scelerum damnetur, vix erit, qui admissi cuiuscumque pœnam luet, cum maximo Reipublicæ detrimento.

Detractores quoque, qui divina auctoritate eradicandi sunt, & auctores inimicorum, ab Episcopali submovemus accusatione, vel testimonio; hæc summerum quispiam minorum accusationibus impetatur, aut dispareat. Sic prosequitur Mercator, quæ verba Gratianus sejuncta retulit in can. 11. cau. 2. qu. 7. & can. 10. cau. 3. qu. 4. Nemo heic non agnoscit consuetas ejusdem Mercatoris sententias, quas ad nauseam usque in omnibus a se confidis epistolis repetere non erubuit.

Sequamur Isidorum ita scribentem: *Neque in re dubia certa judicetur sententia; nec ullum judicium, nisi ordinabiliter habitum teneatur. Absens vero nemo judicetur, quia & divine, & humane hoc prohibent leges.* Priora hæc vero, ex Gregorio Magno deprompta videntur, qui in epist. 30. lib. 8. hæc ait: *Grave est satis, & indecens, ut in re dubia certa dicatur sententia.* Posteriora vero laudat Gratianus in can. 13. cau. 3. qu. 9., ubi cum humanæ leges memorantur, quibus prohiberetur est, ne absentes judicentur, indicat auctor epistolæ sibi jam notas extitisse leges 4. 5. 7. & 10. cod. quomodo, & quando judex, quæ sane Zephirino agnita esse nequiverunt.

Can. 1. Jungendi simul sunt canon 1. cau. 3. qu. 8. & can. 2. cau. 5. qu. 4., ut inte-
 cau. 3. gra habeatur Pseudo-Zephirini sententia. Etenim post verba superius memorata.
 q. 8. itatim ita prosequitur auctor epistolæ. *Accusatores autem eorum omni careant suspicio-*
 Can. 2. *ne, quia columnas suas Dominus firmiter stare voluit, non a quibuslibet agitari: nullum*
 cau. 5. *namque eorum sententia a non suo iudice dista constringat, quia & leges sacculi idipsum*
 q. 4. *feri præcipiunt.* (hic Gratianus addidit *us codice lib. 7. tit. de sentent. & interlocutio-*
nibus omnium iudicum lege penult., cuius sane verba nescio qua ratione laudare po-
 tuerit Zephirinus) *Duodecim enim iudices quilibet Episcopus accusatus, si necesse fuerit,*
eligat, a quibus ejus causa iuste iudicetur; nec prius audiat, aut excommunicetur,
vel iudicetur, quam ipsi per se eligantur. & regulariter vocato ad suorum primo conven-
tum Episcoporum, per eos ejus causa iuste audiat, & rationabiliter discernatur. Fi-
nis vero ejus causæ ad Sedem Apostolicam deferatur, ut ibidem terminetur. Nec ante
finiatur, sicut ab Apostolis, vel successoribus eorum olim statutum est, quam ejus au-
thoritate fulciatur. Quæ postremo loco addita sunt apud Gratianum in dicto canone
 1., eadem sunt, quæ jam superius retuli ad canonem 13. cau. 3. qu. 9. Nemo non
 videt ea, quæ hoc in loco de duodecim iudicibus sunt constituta, excerpta fuisse
 ex Concilio Carthaginensi, quod secundum dicitur, & anni 390. cap. 10., & Car-
 thaginensi 3. anni 397. cap. 7., conclusionem vero in ea sententia sitam esse, quæ
 Isidoro Mercatori familiaris fuit, & ab ipso Apostolis auctoribus semper ad-
 scripta.

Can. 8. Nondum ab iudiciis Ecclesiasticis, eorundemque forma, ignota ceteroqui Zephi-
 cau. 2. rini temporibus, recedit Mercator, sed ait: *Ad eam quoque (idest ad Sedem Apo-*
 q. 6. *stolicam) ab omnibus, maxime tamen ab oppressis, appellandum est, & concurrendum quasi*
ad matrem, ut ejus uberibus nutriantur, auctoritate defendantur, & a suis oppressioni-
bis releventur, quia non potest, nec debet mater oblivisci filium suum. Legimus hæc
 eadem in can. 8. cau. 2. qu. 6., quæ familiares sunt Isidori phrasæ. Ceterum
 hæc ipsa convenire nullatenus possunt temporibus Zephirini, quo Pontificatum te-
 nente pristinas vexationes rursus excitavit Ethnicus adversus Ecclesiam sub impe-
 rio Severi; vexationis autem dirisimæ tempore frustra Zephirinus clamasset, ad Se-
 dis Apostolicæ auctoritatem defensionis causa confugiendum esse.

Can. 2. Sed hæc minime observabat incautus Isidorus, qui & in sequentibus docet plura
 dist. 16. privilegia jam tum Romanæ Sedi competiisse, eademque ex Apostolicis ipsis in-
 stitutionibus firmata, immo in ipsis Apostolorum canonibus inserta, ita subdens:
Septuaginta enim Apostoli sententias præfixerunt cum aliis quamplurimis Episcopis, &
servandas censuerunt. Hic est canon 2. dist. 16. apud Gratianum; Ubi tamen le-
 git Gratianus sexaginta, quemadmodum & Ivo legebat; nonnulli etiam legunt:
quingenta. Cum vero hic ad canones, qui Apostolici dicuntur, spectetur, abunde
 patet, non ab alio potuisse hanc epistolam fingi, quam ab eo, qui in Occiden-
 te vixit post Dionysium Exiguum; Dionysius enim primus fuit, qui canones Apo-
 stolicos latinis palam faceret; item non ab alio potuisse hanc epistolam fingi, quam
 ab eo, qui canones eosdem tamquam vere Apostolicos receperit, qualis esse po-
 tuit figmentorum omnium probator Isidorus Mercator. Ceterum etiamsi de cano-
 num Apostolicorum auctoritate non esset ambigendum, adhuc esset, in quo Mer-
 catorem redargueremus, cum ipse appellationes Episcoporum probatas in canoni-
 bus Apostolicis dixerit, quando tamen in eisdem canonibus ne vestigium quidem
 adpareat illius disciplinæ.

De epistola 2.

Posterioris epistolæ inscriptio hæc est *Charissimis fratribus per Ægyptum Domino militantibus Zephirinus Romanæ urbis Archiepiscopus*. Ex ipso Archiepiscopi nomine, eruditi jam notam colligunt falsitatis. Sed & gravior nota est in epistolæ data; eadem enim est cum ea, quæ adjecta fuit epistolæ priori ibi: *Data 7. Idus Novembris Saturnino, & Gallicano viris clariss. Coss.* Addere his possumus, auctorem epistolæ usum fuisse de more suo recentiorum Scriptorum sententiis, istasque indigesta methodo composuisse, depromptas ex Leone, Prospero, Concilio 3. Romano sub Symmacho, Gregorio Magno, aliisque. Item mentio Apocryphariorum, quorum mentio longe recentior est temporibus Zephirini, apocrypham epistolam esse significat. Demum gravissimum exhibetur ejusdem rei argumentum in iis, quæ ex hac ipsa epistola refert Gratianus in can. 6. cau. 2. qu. 2. dummodo integra sententia describatur ibi: *Nunciatum est enim Sedi Apostolicæ per Apocrypharios vestros quosdam fratrum nostrorum, Episcoporum videlicet, ab Ecclesiis, & Sedibus propriis pelli, suaque eis auferri suppeditilia, & sic nudos, & expoliatos ad judicia vocari, quod omni ratione caret, cum constituta Apostolorum, eorumque successorum, & præcepta imperatorum, ac constitutiones legum idipsum prohibeant, & Apostolicæ Sedis auctoritas idipsum fieri vetet. Præceptum est ergo in antiquis statutis, Episcopos ejusmodi, atque suis rebus expoliatos Ecclesias proprias recipere, & primo sua omnia eis reddi, & tum demum, si quis eos jussu accusare voluerit, æquo periculo facere, judices esse decernentes, Episcopos recta sapientes, & in Ecclesia convenientes, ubi testes essent singulorum, qui oppressi videbantur. Nec prius eos respondere debere, quam omnia sua eis, & Ecclesiis eorum legibus integerrime restituantur. Quis sane, crediderit temporibus Zephirini, quibus Imperatores fere omnes, inter ceteros Severus ejusdem Zephirini ætate, adversus Ecclesiam legibus latis, gladioque pugnaverant acerrime, posse effingi præcepta Imperatorum, qualia laudat Isidorus Mercator, quibus nemo ex accusatis Episcopis ante sententiam suis rebus spoliatur, aut deturbetur? Qui deplorabilem Ecclesiæ conditionem sub Zephirino agnoscere voluerit, ab Imperatoribus potius exagitatæ, adeat Eusebium lib. 6. histor. Eccles. cap. 1. Similia quidem legimus, receptaque scimus posteriore ætate, quemadmodum in Concilio 3. Romano sub Symmacho, in collectione Hadriani 1. anni 786. cap. 13. in lib. 6. Capitularium Francorum cap. 381., & ex lib. 7. historiz tripartitæ cap. 12. in cap. 3. additionis 4. Capitularium.*

Præter hunc alius est Gratiani canon in dist. 75. num. 3. ex hac epistola depromptus prope finem. Et quidem verba Gratiani cum verbis epistolæ consonant, videturque Pseudo-Zephirinus imitari ibidem voluisse statuta Concilii Chalcedonensis can. 6., & Concilii Laodiceni can. 12.

De Can. 6. cau. 2. qu. 1.

- Ad canonem 6. cau. 2. qu. 1. ita notavit Gratianus. *Item decrevit Zephirinus Papa; item Augustinus*. Nemo autem exinde colligat, quæ sequuntur, ad Zephirinum quoquo modo pertinere; etenim, ut liquet, sententiam continent alicujus Doctoris, qui divinas Scripturas interpretetur, non Pontificis Maximi aliquid facientis. Immo ipsamet Augustini adjectio a Gratiano facta indicat, Gratianum ipsum Augustino potius, non Zephirino frequentia tribuisse. Prior autem illa inscriptio: *item decrevit Zephirinus*, pertinet ad canonem præcedentem, quem Gratianus laudaverat nomine Felicis Papæ, videlicet, ut indicaret Collector, eadem etiam haberi apud Zephirinum. Revera eadem apud Zephirinum haberi superius demonstravi ad epistolam priorem, ad quam etiam exactum ideo volui canonem 5. cau. 2. qu. 1.

CAPUT XIV.

De Callisto.

Ad duas Callisti epistolæ apud Gratianum pertinent
sequentes canones.

- | | |
|-------------------------------------|---|
| Ex epist. 1.
Apocryphom-
nes. | <div style="display: inline-block; width: 10px; height: 100px; border-left: 1px solid black; margin-right: 5px;"></div> <p>Can. 1. dist. 12. consonat cum Leonis Magni, & Vigilii sententiis.</p> <p>Can. 1. dist. 76. non congruit Callisti temporibus.</p> <p>Can. 89. cau. 11. qu. 3. referendus ad Concilium Romanum sub Symmacho, & ad sententias Prosperi.</p> |
| Ex epist. 2. | <div style="display: inline-block; width: 10px; height: 100px; border-left: 1px solid black; margin-right: 5px;"></div> <p>Can. 14. dist. 50. veterum disciplinæ contrarius.</p> <p>Can. 18. cau. 2. qu. 7. consonat canonibus Conciliorum Carthaginensium.</p> <p>Can. 1. cau. 2. qu. 8. ex integris epistolæ exemplaribus emendandus.</p> <p>Can. 4. cau. 3. qu. 4. jungendus cum can. 2. cau. 35. qu. 2.</p> <p>* Can. 5. cau. 3. qu. 4. jungendus cum can. 22. cau. 11. qu. 1. & 9. cau. 23. qu. 3.</p> <p>Can. 1. cau. 3. qu. 5. } simul jugendi, & ex integris epistolæ</p> <p>Can. 12. cau. 3. qu. 5. } exemplaribus emendandi.</p> <p>Can. 3. cau. 3. qu. 9. idem est cum can. 1. cau. 2. qu. 8.</p> <p>Can. 15. cau. 3. qu. 9. omnino consonat cum exemplaribus epistolæ.</p> <p>Can. 39. cau. 7. qu. 1. non congruit Callisto Papæ.</p> <p>Can. 1. cau. 9. qu. 2. non convenit ætati Callisti.</p> <p>Can. 3. cau. 9. qu. 2. jungendus cum can. 1. cau. 9. qu. 2.</p> |

Can.

- Can. 7. cau. 9. qu. 3. congruit cum recentiorum Conciliorum canonibus.
 Can. 22. cau. 11. qu. 1. ex integris epistolæ exemplaribus emendandus.
 Can. 17. cau. 11. qu. 3. ex integris epistolæ exemplaribus emendandus.
 Can. 9. cau. 23. qu. 3. referendus ad canonem 22. cau. 11. qu. 1.
 Can. 2. cau. 35. qu. 2. non congruit Callisti temporibus.

POST mortem Zephirini successit in Pontificatu Callistus, illumque tenuit ab anno 219. usque ad annum 224., vel, ut aliis placet, ab anno 221. usque ad annum 226. *Selecti viri* (ait Antonius Augustinus in lib. 2. de emendatione Gratiani dialogo 4.) qui Romæ operam navarunt in Gratiano emendando Callisti 1. epistolas rejecerunt. Revera nihil est in iis, quod tanto Pontifici dignum haberi possit. Dux epistolæ sunt, & quidem ambæ a Mercatore confictæ.

De epistola 1.

Callistus Archiepiscopus Ecclesie Catholicæ urbis Romæ Benedicito Fratri, & Coepiscopo salutem in Domino. Hæc est inscriptio epistolæ 1. Callisto tributz, quæ data fertur 11. Kal. Decembris Antonino, & Alexandro viris clariss. Coss., & quidem consularis hæc nota in Callisti tempora incidit, videlicet in annum 224. Id tamen minime sufficit, ut eam tanquam germanam illius Pontificis epistolam agnoscamus; etenim præter Archiepiscopi nomen, quod in inscriptione occurrit, contra quam ferant Callisti tempora, plura alia supersunt argumenta, ex quibus eadem epistola rejiciatur. Apparent ibidem consueta Isidori Mercatoris indicia, qualia sunt præcipuus fermo institutus de accusationibus Episcoporum, usurpata verba recentiorum Patrum, Concilii Romani 5. & 6. sub Symmacho, Isidori Hispalensis, Gelasii, Leonis Magni, & Ambrosii, quibus addere possumus Anianum legum Theodosianarum interpretem.

Quæ Gratianus refert ex hac epistola in can. 1. dist. 76., habenturque in ejusdem epistolæ exordio, viris eruditissimis dicuntur non congruere ætati Callisti: Hinc Vvanespem in brevi commentario ad partem 1. Gratiani ad hunc canonem ait: Scitur hanc epistolam Callisto Papæ attribui, immo quod in ea mentio fiat jejuniis per quatuor tempora, falsitatem ejus evincit; quia sat expeditum est, ætate bujus Pontificis hæc quatuor temporum jejunia nondum fuisse determinata. Sane Tertullianus, qui in lib. de jejuniis cap. 14. varia jejuniorum tempora recensuit, de hoc quatuor temporum jejuniis ne verbum quidem fecit, neque alia Ecclesiastica jejunia agnovit, quam quartam, & sextam feriam, & Sabbatum Paschale, quod ipsum consonat Clementi Alexandrino lib. 7. Stromatum, Hieronymo lib. 2. in epist. ad Galatas cap. 4. Primus Leo Magnus de quatuor temporum jejuniis loquutus esse videtur in ferm. 8. de jejuniis decimi mensis ibi: Hujus observantiæ utilitas, dilectissimi, in Ecclesiasticis præcipue est constituta jejuniis, quæ ex doctrina S. Spiritus ita per totius anni circulum distributa sunt, ut lex abstinentiæ omnibus sit adscripta temporibus. Siqui-

Can. 1.
dist. 76.

dem jejunium vernum in quadragesima, æstivum in Pentecoste, autumnale in mense septimo, hyemale autem in hoc, qui est decimus, celebramus.

Can. 1. Post nonnulla, quibus Callistus hortatur omnes, ut in prædicta jejuniorum celebratione universi convenient, ita subditur: *Non decet a capite membra discedere, sed juxta Sacre Scripturæ testimonium omnia membra caput sequantur* &c. quæ habentur in can. 1. dist. 12., quæque ex parte deprompta videntur ex Leone Magno epist. 53. & 84. cap. 11. in veteri editione. Plane testimonium Sacre Scripturæ, ad quod in hac re se se refert Isidorus, nullibi adparet; potius autem laudandum fuisse Virgilii Papæ fragmentum, & depromendum ex ejus epist. 2. ibi: *quod in capite præcessit, in membris sequi necesse est.*

Can. 89. Absoluta oratione de jejunio, non obliviscitur Mercator morem suum, ut plura de Episcoporum accusationibus non admittendis tradat. Hinc pluribus congestis hinc illinc sententiis persequitur eos, qui Patres suos at Doctores (quo nomine Episcopos designare solet) oderunt, eaque occasione eos arguit, qui iniquis suis definitionibus adparent, ac subdit: *Nulli Imperatori, vel cuiquam pietatem custodienti licet aliquid contra mandata divina præsumere. Injustum ergo judicium, & definitio injusta regio metu, aut jussu, aut cuiuscumque Episcopi, aut potentis a iudicibus ordinata, vel alia non valeat. Homini religioso parum esse debet, inimicitias aliorum non exercere, vel non augere male loquendo, nisi etiam eas extinguere bene loquendo studuerit. Melior est in malis falsis humilis confessio, quam in bonis superba gloriatio.* Hæc verba sunt canonis 89. cau. 11. qu. 3., in quibus nemo potest agnoscere Callistum, qui eam de Imperatore Christiano insequente mentionem facere non poterat, nec inter Episcopos eos, qui potentiores sunt, & metum incutere valent, recensere. Video tamen, undenam hæc deprompta fuerint. Scilicet ex Concilio 6. Romano sub Symmacho, ubi hæc leguntur: *Non licet ergo Imperatori, vel cuiquam pietatem custodienti aliquid contra mandata divina præsumere, & post pauca. Injustum enim judicium, & definitio injusta regio metu, vel jussu a iudicibus ordinata non valet.* Huc etiam referenda sunt, quæ habet Prosper sentent. 179. apud Augustinum lib. 9. confessionum cap. 9. ibi: *Homini benigno parum esse debet inimicitias aliorum non excitare, vel augere male loquendo, nisi etiam eas extinguere bene loquendo studeat. Deum alia sententia Prosperi huc erit advocanda, qualis habetur apud Augustinum in Psalm. 93. ibi: Melior est in malis falsis humilis confessio, quam in bonis superba gloriatio.* Sunt hæc recentiorum Patrum fragmenta, quæ Isidorus de more suo vetustissimis Pontificibus inordinate composita adtribuit.

De epistola 2.

Multo plures habemus Gratiani canones ad epistolam 2. Callisti referendos, cui hic titulus inest: *Dilectissimis fratribus per Gallias constitutis universis Episcopis Callistus*; idemque subjicitur consulatus Alexandri, & Anthoni, qui in epistola præcedente, ea propterea incideret in annum 224. Sed Mercatoris stilus, qui idem, atque in ceteris, in hac epistola adparet, versio Sacre Scripturæ Hieronymiana, qua usus est auctor, usurpata recentiorum Patrum fragmenta, Concilii Antiocheni & Carthaginensis 4., Ambrosii, Augustini, Gregorii, quibus adjiciam Anianum legum Theodosianarum interpretem, præter consuetas inanes Mercatoris formulas Patrum

Patrum optimis sententiis intermixtas, minime sinunt, ut vir eruditus Callisto epistolam tribuat, quin potius rejicienda videbitur cum ceteris, quæ apud Mercatorem emerferunt. Non moror initio diutius in expendendis hujusmodi argumentis, quod ex canonibus Gratianis infra subjiciendis, atque ad integram epistolam exigendis facile constabunt.

Exorditur Callistus verbis utens Simplicii Papæ epist. 1., hortatus Episcopos omnes, ut Pontificis Romani fultis auctoritate nociva compeferent, illicita prohiberent. Num hæc Callisto conveniant in mediis vexationibus Ethnicorum fluctuanti, facile unusquisque arbitrabitur. Atque illico ad accusationes Episcoporum reprobandas accedit Mercator ibi: *Conspirationum vero crimina vestris in partibus vigere audivimus, & plebes contra Episcopos suos conspirare nobis manifestatum est. Cujus criminis astutia non solum inter Christianos abominabilis est; sed etiam inter Ethnicos, & ab exteris legibus prohibita. Et ideo hujus criminis reos non solum Ecclesiasticæ, sed etiam sæculi damnant leges, & non solum conspirantes, sed etiam consentientes eis. Antecessores vero nostri cum plurima turba Episcoporum, quicumque eorum in Sacerdotali honore sunt positi, aut existunt Clerici, honore, quo utuntur, cadere præceperunt, ceteros vero communioni privari, & ab Ecclesia extorres fieri jusserunt, omnesque simul utriusque ordinis viros infames esse censuerunt, & non solum facientes, sed & eis consentientes. Est hic canon 22. cau. 11. qu. 1., cujus verba ideo describere integra malui, quod nonnulla sint apud Gratianum emendanda. In hoc autem nemo non videt phrasas, & sententiam deceptoris Isidori, qui nullam omittit epistolam, in qua hæc ipsa non repetat, fingitque accusationes Episcoporum jamdiu ab Apostolica ætate fuisse lata lege improbatas, & quidem in Conciliis Ecclesiæ generalibus, aut quasi, quemadmodum indicare videntur verba illa: *Antecessores nostri cum plurima turba Episcoporum; fingit præterea infamiz pœnam infligi a Pontifice tertii Ecclesiæ sæculi, quo nimirum tempore infame vulgo erat esse christianum.**

Velut appendix præcedentis descriptæ sententiæ est canon 9. cau. 23. qu. 3., hujus enim verba immediate supponuntur præcedentibus, hoc modo: *Iustum est enim &c., quasi accusatores Episcoporum divina mandata contemnant, & inobedientes existant jussionibus veterum Patrum, ac propterea sint severius corrigendi. Notandum vero posteriora hujus canonis verba pertinere ad Gregorium Magnum, qui in lib. 12. epist. 11. ita scribit: Nam si (quod absit) Ecclesiasticam sollicitudinem, vigoremque negligimus, perdit desidia disciplinam, & animabus fidelium profecto nocebitur.*

Post verba ejusdem canonis 9. statim hæc sequuntur: *Hi vero in nullis accusationem sunt recipiendi, nec eorum, vel anathematizatorum vox ullum nocere, vel accusare possit.* Hæc habentur nonnullis a Gratiano immutatis in can. 5. cau. 3. qu. 4. qu. 4.

Sic reprobandarum accusationum finem fecit Pseudo-Callistus. Quoniam autem accusatores Episcoporum excommunicatione plectendos asseruit, hinc occasionem arripuit nonnulla de excommunicatis statuendi. Verba huc pertinentia legimus in can. 17. cau. 11. qu. 3., ubi Gratianus scripsit: *Excommunicatos quoscunque, cum tamen in epistola legatur: Excommunicatos quoque.* Ubi vero definitur, eos communicationi subiacere, qui excommunicatis communicare ausi fuerint, & quidem juxta Apostolorum institutionem, ad aliud referri nequit, nisi ad canonem 11. ex Apostolicis, quem ita expressit Dionysius Exiguus: *Siquis cum excommunicato saltem in domo simul oraverit, ipse communioni privetur.* Qui igitur ita scripsit, ea vivebat ætate, qua noti erant canones Apostolorum, nec ullo modo Callistus Papa ita definire valebat.

Can. 1.
3. & 7.
cau. 9.
qu. 2.

Progređitur Isidorus. Nemo quoque alterius terminos usurpet, nec alterius parochia-
num judicare, aut excommunicare præsumat; quia talis judicatio, vel ordinatio, aut ex-
communicatio, vel damnatio nec rata erit, nec vires ullas habebit, quoniam nullus alteri-
us iudicis, nisi sui, sententia tenebitur, aut damnabitur. Unde & Dominus loquitur
dicens: ne transgrediatis terminos antiquos, quos posuerunt Patres tui. Nullus autem Pri-
mas, vel Metropolitanus, Dicesanus Ecclesiam, vel Parochiam, aut aliquem de ejus
Parochia præsumat excommunicare, vel judicare, vel aliquid agere absque ejus consilio,
vel iudicio, sed hoc observet, quod ab Apostolis, ac Patribus, & Prædecessoribus nostris
est statutum, & a nobis confirmatum, idest: Siquis Metropolitanus Episcopus, nisi quod
ad suam solummodo propriam pertinet parochiam, sine consilio, ac voluntate omnium com-
provincialium Episcoporum extra aliquid agere tentaverit; gradus sui periculo subiacebit,
& quod egerit irritum habeatur, & vacuum. Sed quidquid de provincialium Coepiscoporum
causis, eorumque Ecclesiarum, & Clericorum, atque secularium necessitatibus age-
re, aut disponere necesse fuerit, hoc cum omnium consensu comprovincialium agitur Pon-
tificum, nec aliquo dominationis fastu, sed humillima, & concordia administratione, sicut
Dominus ait, non veni ministrari, sed ministrare; & alibi: qui major est vestrum, erit
minister vestri: & reliqua. Similiter & ipsi comprovinciales Episcopi cunctis cum ejus con-
silio, nisi quantum ad proprias pertinet parochias, agent juxta Sanctorum constituta Pa-
trum, qui quamvis aliquo temporum intervallo nos antecesserint, ab uno tamen, eodem-
que puritatis fonte veritatis, & fidei lumen hausimus, & eodem illustratore, & directo-
re spiritu Ecclesie Dei stabilitentur, & omnium Christianorum communem quasiverunt
utilitatem, ut uno animo, uno ore concorditer sancta glorificetur Trinitas in sæcula.
Nullus Primas, nullus Metropolitanus, nullusque reliquorum Episcoporum alterius adeat
civitatem, aut ad possessionem accedat, quæ ad eum non pertinet, & alterius Episcopi
est Parochia super cujusquam dispositione, nisi vocatus ab eo, cujus juris esse dignoscitur;
aut quidquam ibi disponat, vel ordinet, aut judicet, si sui gradus honore potiri vo-
luerit. Sin aliter præsumerit, damnabitur; & non solum ille, sed cooperatores, eique
consentientes, quia sicut ordinatio, ita eis & judicatio, & aliarum rerum dispositio prohi-
betur. Nam qui ordinare non poterit, qualiter judicabit? Nullatenus precul dubio judi-
cabit, aut judicare poterit. Descripsit hæc Gratianus in can. 1. 3. & 7. cau. 9. qu.
2., quæ nemo dixerit Callisto convenire posse, cujus ætate an Primatum, ac Metro-
polititanorum officia distributa ita fuerint, quemadmodum dicitur, nullius est
adeo aperte definire, quam Mercatoris. Mercatoris, inquam, qui huc adulescit,
quod legerat apud Anianum interpretem ad leg. 2. tit. 16. lib. 4. cod. Theodo-
siani ibi: Nullus alterius iudicis, nisi sui sententia tenebitur, qui etiam non dubi-
tavit adferre, & Callisto tribuere sententias recentiorum Conciliorum, Concilii An-
tiocheni can. 13. & 22., Concilii Constantinopolitani can. 2., Concilii Sardicen-
sis can. 3., & canonis 36. ex iis, qui vulgo Apostolici dicuntur, quibus omni-
bus cohibita est Episcoporum quorundam voluntas improba, qui de civitate in ci-
vitatem migrare, aut alienas possessiones invadere conabantur:

Can. 39.
cau. 7.
qu. 1.

Sed audiamus rationes a Mercatore subjeclas, quibus demonstrat neminem ex Epi-
scopis deferere posse Ecclesiam suam, & ad aliam migrare: statim subdit ille:
Quoniam sicut alterius uxor nec adulterari ab aliquo, vel judicari, aut disponi, nisi a
proprio viro, eo vivente permittitur, sic nec uxor Episcopi, quæ ejus Ecclesia, vel Pa-
rochia indubitanter intelligitur, eo vivente absque ejus iudicio, & voluntate alteri ju-
dicari, vel disponi, aut ejus concubitu frui, idest ordinatione, ullatenus conceditur. Ce-

tera

tera non recenseo, utpote quæ fufius defcribuntur apud Gratianum in can. 39., cau. 7. qu. 1., ubi obfervandæ funt Romanorum Correftorum notæ, animadvertentium pofterea verba in integris epiftolæ exemplaribus defiderari. Quis autem interea non horreat hæc portentæ verborum, & vix infigni deceptoræ digna, qualis erat Mercator? Apage a viro frugi inconcinnas hujusmodi phrafes, quibus dicitur, uxorem a folo marito poffe adulterari, ac difponi, & nemini præter Epifcopum conceffum effe *Ecclefie concubitu frui*. Præterea minus apta videtur interpretatio affingi verbis illis epift. Pauli ad Corinth. *Alligata eft uxor legi, quamdiu vir ejus vivit &c.* Ut de Ecclefia intelligantur, quæ viventi Epifcopo femper fubdatur, nec interea ab alio regi, adminiftrative poffit. Demum quod fubjicitur de translationibus Epifcoporum, ætati Callifti minime congruit, eo vel magis, fi de iis fermo fit, quæ Sedis Apoftolicæ demum auctoritate celebrentur.

A conjugio Epifcopali, & myftico, de quo ineptis turpibusque formulis locutus erat Mercator, occasione arrepta (incongrua fane methodus, & Callisto indigna) de matrimoniis fermonem inftituit, quæ non vult poffe confiftere inter eos, qui confanguinei appellantur. Defcribam integra epiftolæ verba, ad quæ exigendi erunt canones 2. cau. 35. qu. 2. & 4. cau. 3. qu. 4. *Conjunctio autem confanguineorum fieri prohibetur, quando hæc & divine, & ſeculi prohibent leges. Leges ergo divine hæc agentes, & eos, qui ex his prodeunt, non ſolum ejiciunt, ſed & maledictos appellant. Leges ergo ſeculi infames tales vocant, & qd. hereditate repellunt. Nos vero ſequentes Patres noſtros, & eorum veſtigiiſ inhxrentes, infamia eos notamus, & infames effe cenſemus; quia infamie maculis ſunt aſperſi. Nec eos viros, nec accuſationes eorum, quor. leges ſeculi rejiciunt, ſuſcipere debemus. (Quis enim dubitat leges humanas, verba hæc in parentheſi poſita in aliquibus codicibus deſiderantur, rationi, & honeſtati non repugnantem effe amplectendæ, præſertim ubi vel publicæ conſulunt utilitati, vel Eccleſiaſticæ dignitatis auctoritatem defendunt, ac pro adminiculo tuentur?) Eos autem confanguineos dicimus, quos Divine, & Imperatorum ac Romanorum, atque Græcorum leges confanguineos appellant, & in hereditatem ſuſcipiunt, nec repellere poſſunt. Italium enim conjunſiones nec legitime ſunt, nec manere poſſunt, ſed ſunt repellendæ, & ſiquæ auſu temerario tentatæ ſint, auctoritate Apoftolica reſcindendæ veniunt. Quiſquis ergo non eſt legitime conjunctus, vel abſque dotali titulo, ac benediſſione Sacerdotis conſtat copulatus, Sacerdotes vel legitime conjunctos criminari, vel in eos teſtificari minime poteſt, quoniam omnis inceſtus macula pollutus infamis eſt, & accuſare ſupradictos non permittitur. Non ſolum ergo hi rejiciendi ſunt, & infames efficiuntur, ſed etiam omnes eis conſentientes. Similiter de raptoribus, vel eis, qui ſeniores impetunt, fieri cenſemus. Hos ergo ſeculi leges interficiunt, ſed nos miſericordia præcæmæ ſub infamie nota ad poenitentiam recipimus. Nullo modo vldco, quæ ratione hæc Calliſto convenire valeant, ſive quod nonnulla falſa ſint, & a veritate illorum temporum aliena, ſive quod ita digeſta ſint, ut Pontifici maximo convenire nequeant. Quid enim ineptus dici poteſt hæc loquendi formula: *Infamia eos notamus, & infames effe cenſemus, quia infamie maculis ſunt aſperſi*? Deinde infamie nota tunc non a Summis Pontificibus inurebatur, ſed a publicis magiſtratribus, pœnes quos infame erat eſſe Chriſtianum. Præterea vellem a Mercatore, mihi demonſtrarentur leges illæ Romanæ, quæ Calliſti tempore Eccleſiaſticæ dignitatis auctoritatem defendebant, ac pro adminiculo tuebantur, quemadmodum ipſe reſert. Vellem iterum a Mercatore cognoscere, quæ de cauſa improbatas aſſen-*

ſup-

nuptias sine dotali titulo celebratas, quando veteris Romani juris principia in contrarium clamant, principia inquam, quibus jus Ecclesiasticum minime restitit unquam, cum constet etiam num sine dotalibus tabulis conjugia posse consistere. Num vero Sacerdotalis benedictio necessaria prorsus esset Callisti tempore, Isidorus demonstrandum relinquo; neque enim arbitror cuiquam in mentem venire posse incesti nomine donata tunc fuisse illa conjugia, quæ sine benedictione Sacerdotum contracta fuissent. His accedit divisio Imperii Romanorum, & Græcorum, quam memorat Mercator in illis verbis: *Imperatorum ac Romanorum, atque Græcorum*; quæve sine Callisto nota esse non potuit initio sæculi tertii.

Sed continere nequit Mercator, quin rursus ad accusationum materiem progrediatur, sive ut improbet accusationes adversus Episcopos factas, sive ut nonnullos graviorum criminum reos ab Episcopis accusandis excludat. Hinc post pauca subdit: *Quærendum est ergo in iudicio, cujus sit conversationis, & fidei* (is est canon 18. cau. 2. qu. 7.) *is, qui accusat, & is qui accusatur; quoniam hi, qui non sunt rectæ conversationis, ac fidei, & quorum vita est accusabilis non permittuntur majores natu accusare, nec quorum fides, vita, & libertas nescitur. Neque viles personæ in eorum recipiantur accusationem. Rimanda vero sum* (hic est canon 1. cau. 2. qu. 8.) *enucleatim personæ accusationum, quæ sine scripto difficile, per scriptum autem nunquam recipiantur. Quia per scripturam nullus accusare, vel accusari potest, sed propria voce, & præsentem eo, quem accusare voluerit, suam quisque agat accusationem. Nec absente eo, quem accusare voluerit, cuiusque accusatori credatur. Priora hujus fragmenti verba deprimata videntur ex catione 96. Concilii Carthaginensis 4. anni 398. ibi: Quærendum in iudicio, cujus sit conversationis, & fidei is, qui accusat, & is, qui accusatur; item ex can. 6. Concilii Carthaginensis 2. anni 397. ibi: Præterea sunt quamplurimi non bonæ conversationis, qui existimant majores natu, vel Episcopos passim, vageque in accusationem pulsandos, debent tam facile admitti, nec ne? Aurelius Episcopus dixit. Placet ergo caritati vestræ, ut is, qui aliquibus sceleribus irretitus est, vocem adversus majores natu non habeat accusandi? Ab universis Episcopis dictum est: Si criminosus est, non admittatur: Omnibus placet. Huc quoque referri posset fragmentum Pauli in lib. 5. sententiarum tit. 15. ibi: Eos, quos vitæ humilitas infamaverit, interrogari non placuit. Quæ vero in dicto canone 1. cau. 2. qu. 8. describuntur, consonare videntur cum lege 15. lib. 9. tit. 1. in codice Theodosiano juncta interpretatione Aniani. Ita habet constitutio: Accusari unumquemque per alterum non oportet. Interpretatio: In criminalibus causis, vel objectionibus per mandatum nullus accuset, nec si per scriptum Principis hoc potuerit impetrare: Sed ipse, qui crimen intendit, præsentem per se accuset &c.*

Ex iis, quæ ex integra epistola huc adtuli ad emendationem canonis 1. cau. 2. qu. 8. adparet eo referendum esse canonem 3. cau. 3. qu. 9., cujus verba Gratianus nonnihil depravaverat, ideoque ex illis, quæ superius descripta sunt, emendari commode poterunt.

Sequuntur illico in epistola verba canonis 15. cau. 3. qu. 9. ibi: *Similiter testes per quamcumque scripturam testimonium non proferant, sed præsentem de his, quæ videntur, & noverunt, veraciter testimonium dicant; Nec de aliis causis, vel negotiis dicant testimonium, nisi de his, quæ sub præsentia eorum alia esse noscuntur.*

Quæ sequuntur in epistola retulit Gratianus in can. 1. & 12. cau. 3. qu. 5., ubi etiam verba non prorsus integra retulit. Describam ego, qualia in optimis episto-

epistolæ exemplaribus habentur, ex quibus dein utrumque fragmentum poterit emendari. Accusatores vero consanguinei adversus extraneos testimonium non dicant, nec familiares, vel de domo prodeuntes; sed si voluerint, & invicem consenserint inter se parentes tantummodo testificentur, & non in alios. Nec accusatores, vel testes suspecti recipiantur, quia propinquitatis, & familiaritatis, ac dominationis affectio veritatem impedire solet. Amor carnalis, & timor, atque avaritia plerumque sensus hebetant humanos, & pervertunt opiniones, ut quæstum pietatem putent, & pecuniam quasi mercedem prudentiæ. Consonant hæc cum sententiis Julii Pauli in lib. 5. tit. 15., & cum Concilio Carthaginensi 7. can. 4. Nonnulla quoque ex Ambrosio deprompta esse videntur, qui in epist. 44. ita scribit: *Avaritia plerumque sensus hebetat humanos, & pervertit opiniones, ut quæstum pietatem putent, & pecuniam quasi mercedem prudentiæ; Et paullo ante scripserat: Nemo etiam in dolo loquatur ad proximum suum: Laqueus est in labiis nostris, & sepe unusquisque sermonibus suis non explicatur, sed involvitur. Fovea alta est os malevoli, grande innocentie præcipitium, sed majus malevolentie. Innocens, dum credit facile, cito labitur. Sed tamen iste lapsus refurgit; maledicus autem suis artibus præcipitatur, unde nunquam exiliat, atque evadat. Conderet ergo unusquisque sermones suos &c.* Liqueat hinc, quantum Ambrosii sententiam corruperit Isidorus, dum conatus est Callisto illam adscribere.

Tandem concludit epistolam Mercator solemnî mendacio, quod integrum habemus in canone 14. dist. 50., dum modo jungimus notas Correctorum Romanorum. Docet ibi Pseudocallistus generaliter, & indefinite eos errare, qui putant, Domini Sacerdotes post lapsum, si conlignam poenitentiam egerint, Domino ministrare non posse, & suis honoribus frui, si bonam deinceps vitam duxerint, & suum Sacerdotium conligne custodierint. Hæc plane non erant ita generaliter definienda; cum nemo vel in Ecclesiastica vetere disciplina hospes ignoret, quædam fuisse crimina, quibus etiam expiati Clerici ad pristinum gradum minime revocabantur. Novit id perspicue Gratianus ipse in eadem dist. 50., qui, cum quamplurimos ex sacris canonibus, sententiisque veterum Patrum sanctissimorum perpenderit, quibus Clerici semel ob crimina in poenitentium ordine consistentes, perpetuo ab officio sacro vacare debebant, non alia ratione scivit conciliare cum hoc Isidori monumenco, & similibus, quam distinctione adhibita inter privata, & inter publica crimina, quæ tamen distinctio veteribus ignota est. Imo & Gratianus idem distinctionem, hæc non quasi certam, sed subdubitans proponere videtur ad calcem canonis 32. his verbis: *Possumt & aliter distingui præmissæ auctoritates: Quorum enim crimina manifestæ sunt ante, vel post Ordinationem, a sacris Ordinibus deiciendi sunt; quorum autem peccata occulta sunt & satisfactione secreta secundum Sacerdotis edictum purgata, in propriis ordinibus remanere possunt.* Neque vero apud ipsum Gratianum constans fuit hujus distinctionis ratio; nam post canonem 24. inter eos, qui non odio criminis, sed amissione proprii gradus ad poenitentiam peragendam impulsî sunt, & eos, quos odium sceleris, & Dei amor ad poenitentiam induxerat, voluit, ut hi quidem, non illi post poenitentiam ad gradus Ecclesiasticos admitterentur. Deinde Gratianus anomadvertis, hæc parum, nihilve consistere, post canonem 32. varia comminiscitur, distinguens modo poenitentes desides a fervidis, modo difficilem agnoscens restitutionem in pristinos gradus, non vero impossibilem, modo distinguens rigorem juris ab æquitate, modo a publicis criminibus privata sejungens. Aliam præterea inest distinctionem in crimine homicidii singularem post canonem 35., videlicet in-

Can. 14.
dist. 50.

ter eos, qui dolo interfecerint, & eos qui necessitate compulsi, aut casu crimen admiserint. Sed post canonem 51. quasi a prioribus omnino recedens ita concludit: *Præmissis auctoritatibus lapsi permittitur, ut post penitentiam in suis ordinibus reparari valeant; ad majorem tamen confendere post lapsum nulla eis auctoritate permittitur, imo penitus prohibetur.* Hæc vero, quamquam jam multa essent, quibus satis veteribus canonibus factum videri potuisset, nōdum tamen difficultates omnes sustulerant. Quamobrem Gratianus iterum post canonem 60. distinguit inter poenitentes, qui cingulum secularis militiæ peracta poenitentia acceperunt, & illos, qui se adscribi militiæ denegarunt; distinxit item post canonem 61. inter poenitentiam minus solennem, & solennem. Hæc omnia observatione digna arbitratus sum, ut appareat; quanto conatu Gratiano opus fuerit, ut clementiorem disciplinam certis rationibus induceret, quam tamen incautus in apocryphis tantummodo monumentis traditam deprehendebat. Revera non fuit in hac sententia Tertullianus, qui suorum temporum disciplinam commemorans in lib. 3. contra Celsum ita scribit: *Christiani lapsi in crimen carnis rursus respicientes haud secus, quam redituros recipiunt; tantem post longioris meriti adprobationem, quam cum primum ad religionem discendam admitterentur, ea tamen conditione, ut quoniam lapsi sunt, excludantur in posterum ab omnibus dignitatibus, & magistratibus Ecclesiasticis.* Non est, cur ad singulos veteres Patres hanc sententiam, etiam hodie a viris eruditissimis valde probatam, exigam. Dixerim tantum, neminem ante Gratiani tempora contra sensisse; neque enim vel undecimo Ecclesiæ sæculo recepta adhuc fuerat distinctio inter privata, & publica crimina, cujus rei testis esse potest Petrus Damiani, qui loquens de iis, qui in sodomix crimen prolapsi fuerant, proficitur eos, sive clam, sive publice vitio irretiti sint, a proprio gradu perpetuo fore deiciendos. Eius verba sunt in libro, quem Gomorrhianum vocat, ibi: *Quidam Rectores Ecclesiarum circa hoc vitium humaniores forsitan, quam expedit, absolute decernunt propter res illos gradus, qui superius enumerati sunt (inter quos est peccatum pollutionis, quod quis secum committit) neminem a suo ordine debere deponi, eos autem solummodo non abnuunt degradari, quos ultimo actu, consummata scilicet sodomia cecidisse consiterit. Quæ procul dubio impia pietas non vulnus amputat, sed ut augeatur, fomitem subministrat. . . . Carnalis quippe cujuslibet ordinis homo magis formidat, & expavescit in conspectu hominum despicere, quam in supremi Judicis examine condemnari; ac per hoc mavult, quælibet annosæ poenitentiae sustinere laborem, quam sui gradus subjacere periculo. Sed, ut nobis videtur, valde præposterum est, ut consuetudinaliter hac putulenta contagione sedari vel ad ordinem procehi, vel in gradu persistere audeant jam promoti; quia & rationi contrarium, & canonicis Patrum sanctionibus probatur adversum. . . . Nec valet ab obtinendam honoris culmen assurgere, qui in mortalis culpæ daratrum non ambigitur cecidisse.* Ad Leonem 11. Pontificem Maximum opus suum direxerat Damianus, ab eodem in fine libri petens, ut sacrorum canonum decreta solerter inspiciens, spirituales, & prudentes viros ad consultum hujus necessarii indagationis ascisceret, sibi quæ super iis capitulis ita responderet, ut omnem dubitationis scrupulum tolleret. Cui petitioni ita Leo respondit: *Omnes illi, qui quavis quatuor generum, quæ dicta sunt, sorditate polluantur, prospella æquatis censura ab omnibus immaculatæ Ecclesiæ gradibus, tam sacrorum canonum, quam nostro judicio depelluntur.* Apertius Urbanus II. sui temporis disciplinam exhibet in epist. ad Constantiensem Episcopum his verbis: *De Presbyteris, Diaconis, Subdiaconis, qui post acceptum ordinem*

dinem in aliquo crimine lapsi fuerint, siue palam, siue clam, constat quidem canonum censura ab Ecclesiasticis eos officiis inhiberi; tuæ tamen providentiæ, discretionique committimus, utrum eorum aliqui, qui tamen infamiae notis non fuerint adpersi, necessitate Ecclesiæ urgente, & ipsorum sancta conversatione promerente in suis gradibus recuperari debeant. Hoc autem secundum indulgentiam dico, non secundum imperium. . . . Siquidem vero, quod absit, aut post acceptum, aut ante acceptum officium contigerit peccatorio quolibet eorum, quæ in lege morte multantur, siue palam, siue clam occupatum crimine inueniri, eos maxime, qui adhuc mundo vivunt, ab omni eos altaris ministerio sequestramus. Hæc probe, uti decet, matureque perpensa demonstrant, distinctionem illam vulgarem inter occulta, ac publica crimina purum, putumque esse. Gratiani commentum, ex falsis decretalibus Isidori inuestum, præ ceteris vero ex dicto canone 14. dist. 50., quam recentiore disciplinam etsi viri gravissimi non improbaverint penitus, Sacrosancta tamen Ecclesia in Conciliis generalibus, quoad per tempora licuit, conata est veterem usum restituere. Laudo hæc Concilium Tridentinum, in quo sess. 14. de reformat. præceptum est Clericis, ut, si quando etiam ob crimen occultum interdicti extra iudicium fuerint, nullomodo promoveri se curent ad ultteriores ordines, aut ad priores restitui, irrequisita suorum. Episcoporum voluntate.

CAPUT XV.

De Urbano.

Urbano Papæ tribuuntur hi canones.

Apocryphi omnes.	{	Can. 12. cau. 1. qu. 3. idem est cum can. 8. eadem causa, & questione.
Ex epistola unica.		Can. 27. cau. 11. qu. 3. consonat cum sententiis Gregorii Magni.
		Can. 9. cau. 12. qu. 1. non congruit Urbani temporibus.
		Can. 16. cau. 12. qu. 1. non congruit Urbani temporibus.
		Can. 26. cau. 12. qu. 1. ex integris epistolæ exemplaribus supplendus.
		Can. 13. cau. 17. q. 4. videtur depromptus ex legibus Theodosianis.
		Can. 1. de cons. dist. 5. consonat cum sententiis Hieronymi.
Adjiciuntur.	{	Can. 4. dist. 60.
		Can. 2. cau. 9. qu. 2.
		Can. 37. cau. 12. qu. 2.
		Can. 22. cau. 27. qu. 8.
		Can. 24. cau. 24. qu. 3.
		Can. 32. cau. 24. qu. 3.
		Can. 37. cau. 24. qu. 3.
		Can. 6. cau. 25. qu. 1.
		Can. 1. cau. 31. qu. 2.
	{ potius pertinent ad Urbanum II.	

De Epistola unica.

Non satis constat apud eruditos, a quo anno Urbanus Pontificatum auspiciatus fuerit; alii enim arbitrantur id contigisse anno 224., alii anno 226. die 21. Octobris. Quatuor annis Urbanum in Pontificatu vixisse, tradit auctor libri Pontificalis, vulgo tamen ex Vaticanis indicibus ad annos sex Urbani Pontificatus extenditur. Hinc alii rursus ferunt anno 231., alii 233. illum Pontificem obiisse martyrem sub Alexandro Severo. Quamcumque vero opinionem sequamur, convenire nullo modo potest Urbano tempus illud, quod designatum est in epistola unica ipsi tributa ab Isidoro Mercatore, quæ asseritur *data nonis Septembris Antonino, & Alexandro viris clariss. Coss.* Quomodo enim hæc poterunt explicari, cum nemo ante diem 21. Octobris anni 224., in quem incidit Consulatus Antonini, & Alexandri, Urbanum Pontificatum tenuisse arbitretur? Quod idem tenetur agnoscere ipsemet Isidorus Mercator, qui epistolam 2. Callisti, qui Urbanum præcesserat, datam voluit eodem anno, sive eisdem Consulibus Antonino, & Alexandro, & *octavo idus Octobris*. Neque vero video, quomodo mense Octobri scriberet Callistus, mense Septembri Urbanus, cum Urbanus Callisto successerit. Sunt hæc gravissima argumenta, quibus deceptorem agnoscimus utriusque epistolæ auctorem, qui ne in suis quidem rebus satis constans esse scivit, aut potuit. Urbani epistolæ hæc inest inscriptio: *Urbanus Episcopus omnibus Christianis in sanctificationem Spiritus, in obedientiam, & adspersionem sanguinis Domini nostri Jesu Christi salutem*: quibus verbis imitari auctor studuit Petrum Apostolum in epistola 1. Præter falsam consularem notam, hanc eandem epistolam apocrypham evincunt varia recentiorum Patrum fragmenta ibidem congesta, Gregorii Magni, Prosperi, quibus adjiciendæ sunt sententiæ codicis Theodosiani, quas non uno in loco Mercator interjicere consuevit, & Ecclesiasticorum Patrum dictis adsuere. Non memoro usum vulgatæ versionis sacrarum literarum, qui Urbano non congruit, non aliâ complura ab Urbani temporibus aliena, quæ inferius facile in Gratiani capitibus agnoscemus.

Can. 9. Ad principium epistolæ hujus pertinet canon 9. cau. 12. qu. 1. ab initio usque
 princip. ad illa verba, *sed erant illis omnia communia*. Sed nemo statim non videt, communem vitam fidelium, ac præsertim Clericorum nonnisi post redditam Ecclesiæ pacem potuisse suscipi. Quis enim percipiat, dirissimarum vexationum adversus Christianos tempore potuisse in unum convenire Clericos, & sub uno tecto degere? Nihil aliud profuisset vita hujusmodi communis, quam fidelibus, aut Clericis uno ictu perendis. Provocat Mercator ad actus Apostolicos, quorum verba refert ad demonstrandum, jam diu inter fideles statim post Christi adscensum communionem vitæ viguisse. Sed vita illa communis nihil erat aliud, quam omnes pie largientium subsidii sustentari. Vendebant pristini fideles agros, quorum pretia Apostolis tradita in singulos indigentes distribuerentur: Sed hæc communis Apostolica vita longe diversa est a communi vita Pseudo-Urbani, qui prædia fidelium non vendi, sed penes Ecclesiæ retineri ad communis vitæ Clericalis rationem incundam satius existimavit.

Id adparet perspicue ex subsequentibus epistolæ verbis, quæ retulit Gratianus in can. 16. cau. 12. qu. 1. usque ad illa verba: *quia domino offeruntur*. Hinc autem constat, quo jure censenda sint hæc monumenta adeo ab Urbani temporibus aliena; præsertim cum mentio ibidem fiat de prædiis Ecclesiasticis Ecclesiæ traditis, quæ nulla ratione possideri ab Ecclesiis potuissent: Neque enim apud Romanos Collegia ullo possidere poterant, nisi quæ Senatus auctoritate probata fuissent; Ecclesiam vero primus acquirendi capacem declaravit Constantinus Magnus in l. 1. cod. de Sacros. Eccles. Mentio præterea matricum Ecclesiarum nonnisi quarto, aut quinto sæculo congruit; cum nulla vetustissima Ecclesiæ ætate esset Ecclesia, nisi Episcopalis.

Post hæc definitur in epistola, reditus prædiorum Ecclesiasticorum in aliis usibus, quam Ecclesiasticis non esse impendendos, addita ratione, quia *vota sunt fidelium, pretia peccatorum, ac patrimonia pauperum*; quæ verba sunt Juliani Pomerii in lib. 2. de vita contemplativa cap. 9. & 16. Deinde post enarratam Ananiz, & Saphiræ historiam, qualis legitur in actibus Apostolicis cap. 5., ita concluditur. *Hæc, fratres, valde cavenda sunt, & timenda, quia res Ecclesiæ non quasi propriæ, sed ut communes, & domino oblatae, cum summo timore non in alios, quam in præfatos usus, sunt fideliter dispensandæ, ne sacrilegii reatum incurrant, qui eas inde abstrahunt, ubi iraditæ sunt, ne poenam, & mortem Ananiz, & Saphiræ incurrant, & (quod pejus est) anathema Maranatha fiant, etsi non corpore, ut Ananias, & Saphira, mortui ceciderint, anima tamen, quæ potior est corpore, mortua, & alienata a consortio fidelium casat, & in profundum barathri labatur*. Ex his nonnulla retulit Gratianus in can. 26. cau. 12. qu. 1., imo etiam huc referri quoquomodo posset canon 12. cau. 1. qu. 3., ex cujus lectione adparet, Collectorem noluisse verba ipsa, sed tantum sententiam Urbani describere, nisi tamen fortasse quispiam mallet illud fragmentum tribuere Urbano II., cum eadem propemodum legantur in can. 8. eadem causa & quæst. ex epistola Urbani II. ad Præpositum Ecclesiæ S. Jumentii. His omnibus adjicienda erunt verba canonis 13. cau. 17. qu. 4., sunt enim ea, quæ integram epistolæ ipsius sententiam conficiunt, cum statim in epistola hæc subdantur: *Unde attendendum est omnibus, & fideliter custodiendum, & illius usurpationis contumelia depellenda, ne prælia usibus secretorum celestium dedicata a quibusdam irruentibus vexentur. Quod si quis fecerit, post debitæ ultionis acrimoniam, quæ erga sacrilegos jure promenda est, perpetua damnetur infamia, & carceri tradatur, aut exilio perpetuæ damnationis utatur. Quoniam juxta Apostolum tradere oportet hujusmodi hominem Satanae, ut Spiritus salvus sit in die Domini*. Nonnulla ex his depromisit Mercator ex lege 40. lib. 16. tit. 2. Codicis Theodosiani, seu l. 5. cod. Justin. de Sacros. Eccles., ubi hæc leguntur: *Placet rationabilis Consilii tenore pensato distribua moderatione præscribere, quibus specialiter necessitatibus Ecclesiæ Urbium singulorum habeantur immunes. Prima quippe illius usurpationis contumelia depellenda, ne prædia usibus secretorum celestium dicata, sordidorum munerum fasce vexentur. Et paullo infra: Si quis contravererit, post debitæ ultionis acrimoniam, quæ erga sacrilegos jure promenda est, exilio perpetuæ deportationis uratur. Abusus sane est Isidorus legibus Theodosianis, dum Urbanum inducit poenas exilii, deportationis, infamiz, & carceris minitantem, qui tamen exul ab Urbe recedere cogebatur ob Ethnicorum vexationes infestas, & prope erat, ut interficeretur. Abusus præterea est verbis Apostoli, dum sententiam ab Apostolo latam adversus incestuosum Corinthium*

thium retulit quasi latam adversus eos, qui res Ecclesiasticas minus fideliter administrarent. Quid vero significare voluit Mercator illius pœnæ comminatione, quam graviorem esse dixit morte Ananiz, & Saphirz, vocavirque *anathema Maranatha*? Deprompta est hæc formula ex epist. 1. ad Corinthios cap. ult. in fine ibi: *Siquis non amat Dominum nostrum Jesum Christum, sit anathema. Maranatha.* Phrasis hæc rei Paulli erat valde accommodata, ac deceptoris Isidoro parum conveniebat. S. Hieronymus in libro de nominibus Hebraicis vocem *Maranatha* interpretatur: *Dominus noster venit.* Num vero hæc formula anathematis quidpiam gravius anathemati simplici adjiciat, incertum est apud eruditos. Arbitrantur nonnulli vocem *Maranatha* nihil aliud significare, quam confirmationem anathematis a Deo, aut coram Deo faciendam; eodem modo, quo solet in suis ritibus Ecclesia adjicere vocem *Amen*, quasi per eam quod factum, aut dictum est confirmetur; ac propterea vox *Maranatha* verbis Apostolis adjecta idem significabit, atque hæc: *Siquis non amat Dominum nostrum Jesum Christum, sit anathema. Amen.* seu *confirmet Deus*, seu *ita sit*, aut similia. Putant alii vocem *Maranatha* anathemati adjunctam significare gravissimam excommunicationis speciem, quæ scilicet nupiam amplius, ne in mortis quidem articulo, remittatur; quasi vox *Maranatha* significet, Deum in altera vita esse anathema confirmaturum, atque reum hujus anathematis æternis cruciatibus damnaturum. Alii demum sentiunt S. Paulum ideo eam usurpasse phrasim, quod prævideret Deum brevi Judæos omnes puniturum Jerosolymorum everfione, quasi iste fuerit Apostoli sensus: Qui non amat Dominum Jesum Christum sit anathema; quod Deus adveniens brevi ulciscetur in Judæis, qui, quoniam Christum minime dilexerunt, ita deplorandum suæ gentis excidium patientur. Meum non est inter varias sacrorum Interpretum opiniones sententiam ferre. Dixerim tamen, quod ad rem meam attinet, nullam ex hisce allatis interpretationibus Urbani, seu Mercatoris proposito convenire. Nam si Urbanum interpretari velimus, ut anathema indixerit *Maranatha*, ad significandam meram anathematis confirmationem, id non cohærebit integræ sententiæ Urbano tributæ, ubi apparet anathema hujusmodi fuisse usurpatum pro gravissima quadam specie anathematis, quæ gravior sit pœna mortis, quam divinitus perpassi sunt Ananias, & Saphira. Si vocem sumamus pro anathemate, quod nusquam sit remittendum, non ipse sibi met Urbanus constabit, dum subdit: *Quoniam juxta Apostolum tradere oportet hujusmodi hominem Satanæ, ut Spiritus salvus sit in die Domini.* Demum si vocem accipiamus pro eo anathemate designando, quo Paulus comminabatur Judæis Jerosolymorum everfionem, non video, qua ratione hæc anathematis specie infligenda, uti posset Urbanus. Agnoscenda potius, ut in ceteris, ita & hoc in loco crassa deceptoris imperitia, qui peregrinis vocibus in sacris literis optime adpositis uti maluit ad inanem ostentationem, sive suis convenirent sententiis, sive prorsus alienæ deprehenderentur.

Revertamur ad ea, quæ subdidit Isidorus: ibi: *Memoratis ergo argumentationibus, ac cultibus intantum Ecclesiæ, quibus Episcopi præfident, Domino adminiculante reverunt &c.* Leguntur hæc integra in fine canonis 16. cau. 12. qu. 1., cujus priora verba jam superius expendebam. At in his quis non videat, exhiberi florentissimum Ecclesiæ statum, qualis vix temporibus aureis, pœcatisque Constantini Magni agnoscere potuisset, qualis e contrario esse non poterat tempore Urbani, dum Ecclesia diris vexationibus quassabatur? Hinc quicumque ad interpretationem accesserit

Can. 16.
S. Memo
1619.
can. 12.
qu. 1.

rit illorum verborum in fine canonis descriptorum jam diſſa damnatione feriatur, operæ pretium habebit, ut hæc ſuperioribus neſtat; videlicet damnationem adgnoscat inſictam exilii, deportationis, infamiz, carceris, & anathematis, quod dicitur *Maranatha*, quæ omnia non convenire Urbano abunde ſuperius demonſtravimus.

Pergit auctor epistolæ, & ait in Eccleſiis conſtitutas, & præparatas fuiſſe ſedes excelsas, in quibus, quaſi in thronis, ſederent Epifcopi, idque ob honorem Epifcopalis dignitatis; concluditque: Ideo iſta prætulimus, cariffimi, ut intelligatis poteſtatem Epifcoporum, in eiſque Deum veneremini, & eos, ut animas veſtras, diligatis: & quibus illi non communicant, non communicetis, & quos ejecerint, non recipiatis. Valde enim timenda eſt ſententia Epifcopi, licet iniuſte liget aliquem, quod tamen ſummopere prævidere debet. Retulit hæc Gratianus in can. 27. cau. 11. qu. 3. Poſtremo hæc verba depromta videntur ex homilia 26. in Evangelia Gregorii Magni, ubi ita legitur: Sub magno moderamine Paſtores Eccleſiæ vel ſolvere ſolent, vel ligare. Sed utrum juſte, an injuſte obliget paſtor, paſtoris tamen ſententia gregi timenda eſt, ne is, qui ſubest, & cum injuſte forſitan ligatur, ipſam obligationis ſuæ ſententiam ex alia culpa mereatur. Quod autem de ſublimiore ſede Epifcopali in Eccleſia conſtituenda præmiſerat Mercator, depromſit ex canone 35. Concilii Carthaginenſis 4. ſive canone 10. diſt. 95.

Post hæc hortatur Urbanus fideles omnes, ut in fide, quam ſuſceperunt, firmiter perſeverent, & ſubdit: Et quicumque veſtrum communem vitam ſuſceptam habet, & vult ſe nihil proprium habere, videat, ne pollicitationem ſuam irritam facias &c. Habentur hæc in §. *Quicumque* can. 9. cau. 12. qu. 1., ex quibus adparet, apud Urbanum idem fuiſſe Chriſto dediſſe nomen, & votum emiſſiſſe, quo quiſque a ſe rerum ſuarum proprietatem penitus abdicaret, quod nemo ſanus dixerit, niſi qui Iſidori fragmenta ſupponeret, præſupponentis fideles univerſos omnia bona ſua in Epifcoporum manum tranſuſiſſe, a quibus dein alimenta ſuſciperent, quaſi Epifcopi Eccleſias, veluti Patres familias, adminiſtrarent.

In fine hujus epistolæ leguntur verba canonis 1. de conf. diſt. 5., quibus videtur Iſidorus imitari voluiſſe Hieronymum in lib. adverſus Luciferianos cap. 4., ubi plura Catholicis adverſus Luciferianum diſceptat ad hanc materiem pertinentia.

De ceteris canonibus Urbano tributis.

Sunt & alia fragmenta apud Gratianum, quæ Urbani Papæ nomen exhibent. Ii ſunt canon 4. diſt. 60., canon 2. cau. 9. qu. 2., canon 37. cau. 12. qu. 2., canon 21. cau. 23. qu. 8., canon 24. 32., & 37. cau. 24. qu. 3., canon 6. cau. 35. qu. 1., & canon 1. cau. 31. qu. 2. Non conſtat autem ex Gratiano ipſo, an potius ex Urbano I. an ex Urbano II. laudentur. Quoniam vero & plura ex ipſis Urbani II. vere ſunt, & in pluribus nonnulla continentur, quæ Urbano I. congruere nullatenus poſſunt, cum alias nullus ex illis inter Urbani I. fragmenta reperiatur, ſatius duxi de his canonibus agere, ubi de Urbano II. inferius ſermo eſt inſtituendus, excepto canone 4. diſt. 60., quem jam adſcripti Concilio Beneventano ſub Urbano II. celebrato in cap. 63. primæ partis.

CAPUT XVI.

De Pontiano.

Unum tantummodo caput Pontiani nomine retulit Gratianus.

{ *Is est canon 4. cau. 8. qu. 5. sed apocryphus.*

URbano vita functo successus est Pontianus anno 231., vel, ut aliis placet, anno 233. Diras sub ipsius Pontificatu vexationes passa fuit Ecclesia, inter quas Pontianus ipse martyr occubuit anno 235., vel si aliis fides, anno 237. Dux sunt illius nomine epistolæ, quarum prior scripta fertur ad Felicem Succribonum, & data Severo, & Quintiano Consulibus, seu anno 237., posterior sub eorundem consularu data hanc exhibet inscriptionem. *Pontianus Sanctæ, & universalis Ecclesiæ Episcopus omnibus recte Dominum colentibus, & divinum cultum amantibus salutem.* Ad hanc pertinet canon 4. cau. 3. qu. 5. ibi: *unde suspectos, aut inimicos, aut facile litigantes, & eos, qui non sunt bonæ conversationis, aut quorum vita est accusabilis, & qui rectam non tenent, & docent fidem, accusatores esse, & testes, & Antecessores nostri Apostolica repulerunt auctoritate, & nos submovemus, atque futuris temporibus excludimus.* Jam facile quisquam in istis agnoscet Isidori Mercatoris manum, ejusdemque sententias in pluribus ipsius epistolis usque ad nauseam repetitas. Porro ii, quos antecessores suos Pseudo-Pontianus illic adpellat, sunt auctores epistolarum decretalium, quas huc usque expendimus, seu nemo alius est, quam Isidorus Mercator. Ceterum, quæ in dicto canone 4. definita legimus, consonant cum sententiis Julii Pauli, qui in lib. 5. tit. 15. suspectos homines ab accusationibus rejicit, consonant cum cap. 58. Concilii 4. Carthaginensis, ubi testimonium ejus reprobatur, qui frequenter litigas, & ad accusandum, sive, ut alii legunt, ad causandum facilis est; consonant insuper cum cap. 6. Concilii Carthaginensis 2., ubi ad accusationes Episcoporum non admittuntur, qui non sunt bonæ conversationis; consonant demum cum can. 6. Concilii Constantinopolitani, & can. 2. Concilii Carthaginensis 7. ubi repelluntur a testimonio ferendo, aut accusationibus qui rectam non tenent, & docent fidem.

CAPUT XVII.

119

De Antero.

Canones Anteri nomine editi.

Ex epist. unica. Apocryphi omnes. { Can. 13. cau. 6. qu. 1. jungendus cum can. 15. cau. 9. qu. 3.
Can. 34. cau. 7. qu. 1. ad integra epistolae exemplaria exigendus.
Can. 15. cau. 9. qu. 3. consonat cum sententiis Isidori Hispalensis.
Can. 14. cau. 11. qu. 3. potius pertinet ad Hieronymum.

Vix mensem unum in Pontificatu vixit Anterus, a fine videlicet anni 235., vel, ut aliis placet, 237., usque ad initium anni 236., vel, ut aliis placet, 238. quidquid tradat auctor Pontificalis, qui ultra annos duodecim ejusdem Pontificatum extendit. Illius nomine unicam efformavit epistolam Isidorus Mercator nulla consulari nota adjecta, hac inscriptione: *Echarisimis fratribus per Beticam, atque Toletanam Provincias Episcopis constitutis Anterus Episcopus in Domino salutem.* Hæc porro inscriptio eruditis viris apocryphi monumenti suspicionem præbet; Siquidem nomen Toletanz Provinciæ non poterat memorabile esse tempore Anteri, quo Toletum humile adhuc oppidum erat. Id animadvertit Antonius Augustinus in collectionem Hadriani I. cap. 62. ita scribens: *Suspensum nomen est Toletanæ Provinciæ; cum illis temporibus Toletum oppidum fuerit minus nobile &c.* Quum vero Antonium Augustinum laudo, eum laudatum intelligo, qui vel ex origine, vel ex publicis officiis in Hispania gestis, vel ex longo in res antiquissimas studio, potuit, ac debuit rerum præsertim Hispanicarum esse longe eruditissimus. Præterea ad detegendam hujus epistolæ falsitatem plura supersunt argumenta, & illa ut plurimum, quibus utimur ad dignoscendam Mercatoris manum. Videlicet sacrarum literarum abusus, & quidem ex interpretatione Hieronymi, imitatio sententiarum, quæ pertinent ad recentiores Patres, Gregorium Magnum, Hieronymum, Isidorum Hispalensem, aliosque nonnullos. Illud singulare in hac epistola falsum legitur, quod inter Alexandrinos Episcopos quendam Eusebium recenset contra historicorum omnium fidem, apud quos a principio Ecclesiæ usque ad Anteri ætatem nullus Eusebius apparet, quemadmodum etiam fine teste recensetur inter Episcopos Ephesinos Felix quidam, quos fingit de una in aliam Ecclesiam Apostolica auctoritate translatos.

Præcipuus hujus epistolæ scopus pertinet ad Episcoporum translationes, ad quas etiam spectat canon 34. cau. 7. qu. 1., cujus verba leguntur fere in principio epistolæ ibi: *De mutatione ergo Episcoporum, unde S. Sedem Apostolicam consulere voluissis, scitote, eam communi utilitate, atque necessitate fieri licere, sed non libitu cujusquam, aut dominatione. Petrus Sanctus magister noster, & Princeps Apostolorum, de Antiochia utilitatis causa translatus est Romam, ut ibidem potius proficere posset. Eusebius quoque de quadam parva civitate Apostolica auctoritate mutatus est Alexandriam. Similiter Felix de civitate, qua ordinatus erat; electione civium propter doctrinam, & bonam vitam, quam habebat, communi Episcoporum, & reliquorum Sacerdotum consilio translatus est* Ephe-

Can. 34. cau. 7. 2^{da} 1^a.

Epheſum (heic Gratianus contra fidem omnium epistolæ exemplarium unum, aut alterum suæ ætatis collectorem secutus addidit: auctoritate hujus Sanctæ Sedis) *Non enim transiit de civitate ad civitatem, qui non suo libitu, aut ambitu hoc facit, sed utilitate quadam, aut necessitate aliorum hortatu, & consilio posteriorum transfertur: (hæc omiserat Gratianus) nec transfertur de minori civitate ad majorem, qui hoc non ambitu, nec propria voluntate fecit, sed aut vi a propria sede pulsus, aut necessitate coactus, aut utilitate loci, aut populi non superbe, sed cum humilitate (legit Gratianus: sed humiliter) ab aliis translatus, & inthronizatus est, quia homo videt in facie (Gratianus hæc omisit) Deus autem in corde. Et Dominus per Prophetam loquitur dicens: Dominus scit cogitationes hominum, quoniam vanæ sunt. Non ergo mutat sedem, qui non mutat mentem, nec mutat civitatem, qui non sua sponte, sed consilio, & electione aliorum mutatur: Non ergo migrat de civitate ad civitatem, qui non avaritiæ causa, nec sponte dimittit suam, sed ut jam dictum est, aut pulsus a sede sua, aut necessitate coactus, aut electione, & exhortatione Sacerdotum, & populorum translatus est ad alteram civitatem. Nam sicut Episcopi (rursus hic prosequitur Gratianus) habent potestatem ordinare regulariter Episcopos, & reliquos Sacerdotes, sic quoties utilitas, aut necessitas coegerit, supradictis modo mutare, & inthronizare potestatem habent. Gratianus hic rursus addidit: non tamen sine Sacrosanctæ Romanæ Sedis auctoritate, & licentia, quæ sane verba in omnibus ejusdem epistolæ exemplaribus desiderantur. Post nonnulla vero, quibus Isidorus eadem ferme repetit, habentur illa, quæ Gratianus retulit in fine dicti canonis 34. Porro in hoc monumento fabula illa detegitur tum Felicis Ephesini, cum Eusebii Antiocheni, de qua superius jam verba feci: Adparet præterea Mercatorem voluisse tradere species illas, quibus locum habere non possent constitutiones Concilii Antiocheni can. 21., Concilii Sardicensis can. 1., Concilii Chalcedonenſis can. 5., & Concilii Carthaginensis 4. can. 37., quibus decretum est, ne Episcopi de una in aliam civitatem transirent, aut de minori in majorem migrarent; quorum omnium Conciliorum rationem veluti longe recentiorum Anterus habere non poterat.*

Post hæc abunde pertractata plura coacervat indigesta methodo sacrarum literarum fragmenta epistolæ auctor, quæ sane singula nescio quis alius compaginare potuisset; & subdit: Propterea unicuique prævidendum est, ut summopere se custodiat, & utiliter se prævideat, ut cum dies extrema, finisque vitæ advenerit, non transeat ad perpetuam mortem, sed vitam æternam. Facta enim (recententur hæc apud Gratianum in can. 15. cau. 9. qu. 3. & in can. 15. cau. 6. qu. 1.) subditorum judicantur a nobis, nostra vero judicat Deus. Ex merito vero plebis (hæc omittit quidem Gratianus in dicto can. 15., sed describit in can. 15. cau. 6. qu. 1.) nonnumquam Episcopi depravantur, quatenus proclivius cadant, qui sequuntur. Capite languescente cetera corporis membra inficiuntur. Deteriores sunt (hæc etiam repetit Gratianus in dicto canone 15.) qui vitare, moresque bonorum corrumpunt, his, qui substantias aliorum, prædiæque diripiunt. Cetera non prosequor, utpote quæ eisdem verbis apud Gratianum recententur in dicto canone 13. Nonnulla autem ex his auctor hujus epistolæ depromsit ex Isidoro Hispalensi in lib. 3. sententiarum cap. 42. ibi: Facta subditorum judicantur a nobis, nostra vero judicat Deus & in cap. 38. ejusdem lib. 3. Ex merito plebis, nonnumquam Episcopi depravantur, quatenus proclivius corrumpant, qui sequuntur: capite languescente cetera corporis membra inficiuntur. Et pullo inferius: Deteriores sunt, qui sive doctrina, sive exemplis vitam, moresque bonorum corrumpunt his, qui substantias aliorum, prædiæque diripiunt.

diripiunt. Quæ sequuntur Hieronymi esse videntur in epist. 2. ita scribentis: *Cave quoque, ne aut linguam, aut aures habeas prurientes, id est, ne aut ipse aliis detrahas, aut alior audias detrahentes. Sedens, inquit, adversus fratrem tuum loquebaris, & adversus filium matris tuæ ponebas scandalum. Parce a detractione linguæ; custodi sermones tuos, & scito, quia pro . . . cuncta, quæ de aliis, tua conscientia judicaris . . . Nemo invito auditori libenter refert; effecti tui est non solum oculos castos servare, sed & linguam, nunquid de formis mulierum disputes, nec quid agatur in alia, domus alia per te unquam noverit. Et in epist. 13. idem Hieronymus habet: Habito simplicitatem columbæ, ne cuiquam machineris dolos, & serpentis astutiam, ne aliorum supplanteris insidiis. Qui hæc conferent adamussim cum dicto canone 13. apertissime agnoscent insignem. Plagiarium, qualis viris eruditissimis tandem apparuit Pseudo Isidorus,*

Idem omnino agnosceretur in canone 14. cau. 11. qu. 3., cujus verba subjici possent verbis dicti canonis 13. cau. 6. qu. 1., quemadmodum in epistola subjunguntur. Eadem plane habentur apud Hieronymum in epist. 1. & 4. In epistola 4. hæc legimus: *Non est humilitatis meæ, neque mensuræ judicare de ceteris, & de ministris Ecclesiarum finistrum quodpiam dicere. Verba epistolæ 1. sunt isthæc. Absit, ut quidquam finistrum de his loquar, qui Apostolico gradui succedentes Christi corpus sacro ore consueunt, per quos & nos Christiani sumus, qui claves regni cælorum habentes, quodammodo ante judicii diem judicant. Et paulo infra. Et in veteri quidem lege, quicumque Sacerdotibus non obtemperasset, aut extra castra positus lapidabatur a populo, aut gladio cervice subiecta contemptum expiabat cruore. Nunc vero inobediens spirituali murone truncatur, & ejus de Ecclesia rabido demonum ore dissecipitur.*

Can. 14.
cau. 11.
qu. 3.

CAPUT XVIII.

De Fabiano.

Fabiani Papæ nomine inscribuntur sequentes Canones.

- | | | |
|------------------|---|--|
| Apocryphi omnes. | { | Can. 7. cau. 3. qu. 4. jungendus cum sequentibus fragmentis. |
| Ex Epistola 1. | | Can. 4. cau. 6. qu. 1. supplendus ex integris Epistolæ exemplaribus. |
| | | Can. 16. cau. 11. qu. 3. ex integris Epistolæ exemplaribus emendandus. |
| Ex Epistola 2. | { | Can. 85. cau. 1. qu. 1. potius est Augustini. |
| | | Can. 6. cau. 2. qu. 7. supplendus ex integris Epistolæ exemplaribus. |
| | | Can. 38. cau. 2. qu. 7. jungendus cum can. 6. cau. 2. qu. 7. |
| | | Can. 2. cau. 3. qu. 1. emendandus ex integris Epistolæ exemplaribus. |
| | | Can. 6. cau. 3. qu. 1. est potius Procli Constantinopolitani. |
| | | Can. 1. cau. 4. qu. 4. ex integris Epistolæ exemplaribus emendandus. |
| | | Can. 3. cau. 6. qu. 1. non congruit Fabiani temporibus. |
| | | Can. 31. cau. 11. qu. 1. referendus ad canonem 18. cau. 11. qu. 1. |
| | | Can. 95. cau. 11. qu. 3. pertinet potius ad Gregorium Magnum. |
| | | Can. 18. de cons. dist. 3. ex integris Epistolæ exemplaribus supplendus. |

- Ex Epistola 3. { Can. 5. cau. 2. qu. 3. consonat cum *Aniano Legum Theodosianarum* interprete.
 Can. 1. cau. 2. qu. 6. { Simul jungendi, pertinent autem ad *Leges*
 Can. 2. cau. 2. qu. 6. { *Theodosianas*, iuncta interpretatione
 Can. 20. cau. 2. qu. 6. { *Aniani*.
 Can. 21. cau. 2. qu. 6. consonat cum principiis utriusque juris.
 Can. 1. cau. 3. qu. 6. referendus ad *Anianum* interpretem.
 Can. 2. cau. 3. qu. 6. consonat cum vulgatis Epistolæ exemplaribus.
 Can. 3. cau. 3. qu. 6. consonat cum vulgatis Epistolæ exemplaribus.
- Adjiciuntur. { Can. 10. dist. 90. est alicujus Pœnitentialis 10., vel 11. sæculi.
 Can. 18. cau. 6. qu. 1. pertinet potius ad libros pœnitentiales.
 Can. 3. cau. 35. qu. 2. est potius Theodori Cantuariensis.
 Can. 4. cau. 35. qu. 2. pertinet potius ad Gratianum ipsum.
 Can. 1. cau. 35. qu. 6. forte referendus ad Concilium Arojanum.
 Can. 16. de cons. dist. 2. pertinet potius ad Capitularia Francorum.

Nondum quieverat animus Ethnicorum adversus Christianos, cum Fabianus Pontifex electus est, anno videlicet 236., vel, ut alii malunt, 238., quamobrem martyrio coronatus est anno 250., vel, ut alii malunt, 255. Tres autem ejusdem nomine exhibentur apud Collectores Epistolæ, ex quibus fragmenta nonnulla a Gratiano recitantur.

De Epistola 1.

Dilectissimis ubique Catholicæ Ecclesiæ comministris Fabianus salutem in Domino. Ita se habet inscriptio prioris epistolæ, quæ fertur data kal Julii Maximino, & Africano viris clariss. Cos., inciditque propierea in annum 238. Etti vero in hoc nihil esse videatur, ex quo hanc epistolam a Fabiano objudicemus; multa tamen ex ipsis met epistolæ sententiis ad eandem rem demonstrandam habentur argumenta. Præterquamquod enim ejus auctor utatur verbis Scriptorum recentiorum, videlicet Rufini in interpretatione epistolæ 1. Heudoclemenus, Leonis Magni, Gregorii Magni, aliorumque, nonnulla recenset ab ipsis Fabiani temporibus aliena. Asseritur ibi a Fabiano institutum, ut septem diaconi in urbe Roma ordinarentur per septem civitatis regiones distributi; item subdiaconi septem, qui septem notariis præessent sanctorum martyrum gesta fideliter describentibus, mandatumque, ut idipsum ab unoquoque Episcopo in sua Provinciâ fieret: præ ceteris autem viri integerrimi ad gesta martyrum describenda seligerentur. Facile agnoscuntur in his merces Ildori. Quod enim ad septem diaconos attinet, ita quarto sæculo scribebat Sozomenus lib. 7. historiz cap. 19. *Diaconi apud Romanos hactenus non plures sunt, quam septem ad similitudinem eorum, qui ab Apostolis ordinati fuerunt, apud alios vero haudquaquam definitus est numerus diaconorum.* Si igitur Sozomeni ætate Romana consuetudo fuisse dicitur, non quidem ut septem diaconi essent constituti, sed ne plures constituerentur, quam septem; in aliis autem Provinciis nihil simile obtinere, quomodo fingi potest, Fabianum, quod in Romana urbe decreverat, faciendum

ciendum in ceteris Provinciis mandavisse? Quod si apud Isidorum Mercatorem valet, uti plurimum valet, Concilii Romani 2. sub Sylvestro Papa auctoritas; ipse falsitatis facile convinctur; nam in cap. 2. ejusdem Synodi legitur, tum primum a Sylvestro urbem in septem regiones distributam fuisse, singulisque regionibus singulos diaconos assignatos, cum antea Romæ diaconi tantum quinque consisterent. Idem facile mihi persuasum esse non potest, notarios acti martyrum describentes adeo solerter, & publica Ecclesiæ auctoritate apud veteres fuisse selectos, ut non aliter, quam virorum optimorum consilio, singula designarent, cum sciamus & indoctos, & simplices homines sanctos hoc officio fuisse, hodieque liquidum sit apud eruditos, plurimis mendis abundare martyrum acti. Ita Melchior Canus candide fitetur in lib. 11. de locis Theologicis cap. 6. *Dolenter dico potius, quam contumeliose, multo a Laertio severius vitas philosophorum scriptas, quam a Christianis vitas sanctorum, longeque incorruptius, & integrius Suetonium res Casarem exposuisse, quam exposuerunt Calbolici, non res dico imperatorum, sed martyrum, virginum, & confessorum.* His accedit Fabianum in hac epistola enarrare, venisse tunc Novatum ex Africa, ac separasse de Christi Ecclesia Novatianum, & quosdam alios Christi Confessores, & convertisse in pravam doctrinam, a qua suadet Pontifex ceteros, ut avertant se, & maximopere caveant. An hæc possint Fabiani ætati tribui, judicet unusquisque, postquam Baronium legerit ad annum 238. §. 9., & 10. ita scribentem: *In libro de Romanis Pontificibus hæc, quæ his repugnant, habentur in Fabiano. Post passionem vero ejus, nempe Fabiani, Moyses, & Maximus Presbyteri, & Nicrostratus diaconus comprehensi sunt, & in carcerem missi. Eodem tempore supervenit Novatus ex Africa, & separavit Novatianum de Ecclesia, & quosdam Confessores, postquam Moyses in carcere defunctus est, qui fuit ibi menses undecim. Sed & in Cornelio hæc in eandem sententiam. Sub hujus, Cornelii scilicet, Episcopatu Novatus Novatianum extra Ecclesiam ordinavit, & in Africa Nicrostratum. Hoc falso, confessores, qui se separaverunt a Cornelio cum Maximo Presbytero, qui cum Moysse fuit, ad Ecclesiam sunt reversi. Hæc quidem nonnisi Cornelii tempore facta Cyprianus quoque sæpe testatur. (Epist. 49. 56. & 76.) cuius auctoritate cum constet, non ante seductum esse Novatianum a Novato, nisi post schisma constatum adversus Cornelium Papam, nihil est, quod dici possit id factum fuisse tempore Fabiani. Nam & Cyprianus, qui summo studio Novati sordes omnes, quo caverent eum fideles, colligens, ob oculos omnium ponit, nullum ei crimen impingit, nullamque inurit notam, quod alias se ante electionem Cornelii ab Ecclesia separaverit. Rursum vero Pacianus adversus Novatianos agens, quum meminit Novatiani de iis, quæ ante sedem Cornelii gesserat, commendat ejus catholicam fidem, cum ait: *Cur igitur Novatianus tuus, ne falso quidem adhuc Episcopatu Sacerdos longe, antequam Cornelius Romæ Episcopus fieret, antequam Sacerdotio illius invideret, hæc suasisse? Habes Cypriani testimonium At in hanc ipsam hæresim Novatiani quando cæperunt? Audite quæso, & totum ordinem vestri erroris advertite: Cornelius jam Romæ Episcopus a sexdecim Episcopis factus, locum cathedræ vacantis acceperat: & illa, qua fuit præditus, castimonia virginali crebras persecutiones irati principis sustinebat. Tum forte quidam Presbyter Novatus ex Africa fraudatis in Carthaginiensi Ecclesia viduis, spoliatis pupillis, pecunia Ecclesiæ denegata, projecto extra domum patre, & eodem fame mortuo, nec sepulto, uxoris gravidæ utero calce percusso, Romam venit &c. Addit & de Novatiano postea ab ipso seducto. Sed & Eusebius in Chronico adventum Novati Romam ponit anno Cornelii primo, id denique omnes. Quicumque hæc**

sedulo considerabit, illico concludet, in hac epistola falsa omnino referri, & digna stylo mercatoris.

Can. 7. Jamvero, ut ad Gratiani canones accedam, ad hanc epistolam pertinet canon 7.
 cau. 3. qu. 4., & can. 4. cau. 6. qu. 1. Postquam enim epistolæ auctor docuerit,
 cau. 4. cavendum esse ab infidelibus, injustis, & malevolis hominibus, præserim vero
 cau. 6. hujusmodi homines repellendos ab accusationibus fore, quemadmodum legitur in
 qu. 1. dicto canone 7., subjicit: *A memoratis, si incorrigibiles adparuerint, vos in omnibus
 separatè; similiter ab omnibus, quos Apostolus commemorat, dicens, cum eis nec cibum
 sumere; quia & illi, sicut & isti, sunt repellendi, & ante satisfactionem Ecclesiæ non
 sunt suscipiendi . . . quamobrem non debent, nec possunt in accusationem fidelium suscipi.*
 Ex his supplere juvabit dictum canonem 4. Sed progrediamur cum Mercatore,
 quæ enim statim sequuntur, pertinent ad canonem 16. cau. 11. qu. 3. *Quamobrem
 non debent, nec possunt in accusationem fidelium suscipi, sed etiam ab eorum consortio
 usque ad jam diutam satisfactionem repelli, ne similes eis efficiantur, aut eorum excom-
 municationi subiaceant, quoniam sic Apostoli statuerunt, dicentes: Cum excommunicatis
 non est communicandum; & si quis cum excommunicatis avertendo regulas scienter psal-
 lat in domo, aut simul locus fuerit, aut oraverit, ille communione privetur.* Ex his
 emendandus erit laudatus canon 16. Nemo autem non videt, hujus epistolæ aucto-
 rem voluisse hoc in loco commemorare canonem 11. ex apostolicis juxta inter-
 pretationem Dionysii Exigui, ibi: *Si quis cum excommunicato saltem in domo simul
 oraverit, ipse communione privetur;* quæ verba potius pertinent ad canonem 2. ex
 Antiochenis, nomine apostolici canonis appellati posteriore ætate, non tempori-
 bus Fabiani. Agnoscat præterea unusquisque in omnibus hisce fragmentis manum
 Mercatoris, apud quem nihil antiquius fuit, quam de accusationibus, præsertim
 Episcoporum, & de accusationibus ipsis verba facere, quemadmodum liquet ex sin-
 gulis propemodum ejusdem epistolis, quas vetulissimis Pontificibus adscriptis.

De Epistola 2.

Altera Fabiani epistola hac inscriptione signatur: *Fabianus Episcopus urbis Romæ
 omnibus orientalibus Episcopis, & cunctis fidelibus in Domino salutem;* nulla ad-
 jecta consulari nota: Sunt autem in ipsa omnes Ildori Mercatoris characteres; ibi
 enim præter usurpata Hieronymianam sacrarum literarum interpretationem, oc-
 currunt frequentissime inordinatè congecta recentiorum Patrum monumenta, Con-
 cilia 2., & 7. Carthagenensis, item Concilii 3., & 5. Romani sub Symmacho,
 Siricii, Ambrosii, Hieronymi, Augustini, Innocentii, Procli, Ildori Hispanensis,
 & Gregorii Magni. Id facilius liquebit, quoties integram persequamur epistolam,
 ad ipsam singulos Gratiani canones exigendo. Exorditur Fabianus verba usurpans
 Zozimi epistola 1., profertens se Episcoporum interrogationibus respondere ob fra-
 ternam charitatem, & debitum obedientiæ. Hinc utitur verbis Gregorii Magni lib.
 7. epist. indict. 2. epist. 117., quæ tamen, cum de monachis concepta essent, ad
 rem suam accommodavit. Utraque collationis causa subijcio:

Verba

Cura est ergo vestrz solitudini adhibenda, ut ea, quæ sunt ab Apostolis, eorumque successoribus ordinata, & intelligente S. Spiritu inlita, nec dissimulatio negligere, nec aliqua præsumptio valeat perturbare. Sed sicut hoc, quod rationis exigebat utilitas, oportuit definiri, ita quod definitum est, non debet violari.

Cura est solitudinis adhibenda, ut ea, quæ pro quiete Monachorum, religiosoque conversationis fuerint ordinata, nec dissimulatio negligere, nec quædam valeat præsumptio perturbare. Sed sicut hoc, quod ratio exigit utilitatis, oportuit definiri, ita quod definitum est, nisi forte ubi major est auctoritas, non debet violari.

Erant hæc instar præfationis epistolæ a Mercatore præjacienda. Post quæ ad sua figmenta veniens ait: *Literis vestris vero inter cetera infertum invenimus, quosdam regionis vestræ Episcopos a vestro, nostroque ordine discrepare, & non per singulos annos in Cæna Domini chrisma consicere, sed duos, aut tres annos consecrationem sancti chrismatis semel altam conservare. Dicunt enim, ut in memoratis apicibus reperimus, nec balsamum per singulos annos posse reperiri, nec necesse fore per singulos annos chrisma consicere, sed dum una consecratio chrismatis abundat, altam fieri necesse non habere. Errant enim, qui talia excogitant, & mente vesana potius, quam recte sentientes hæc dicunt: In illa enim die Dominus Jesus, postquam cænavit cum discipulis suis, & lavit eorum pedes, sicut a Sanctis Apostolis Prædecessores nostri acceperunt, nobisque reliquerunt, chrisma consicere docuit. Ipsa enim lavatio pedum nostrum significat baptisum, quando sacri chrismatis unctione perficitur, atque confirmatur. Nam sicut ipsius diei solemnitas per singulos annos est celebranda, ita ipsius sancti chrismatis consecratio per singulos annos est agenda, & de anno in annum renovanda, & fidelibus tradenda; quia novum Sacramentum est per singulos annos, & jam dicto die innovandum, & vetus in Sanctis Ecclesiis cremandum. Ista a Sanctis Apostolis, & successoribus eorum accepimus, vobisque tenenda mandamus.* Verba isthæc nonnihil corrupta retulit Gratianus in can. 18. de cons. dist. 3., ex quo viri eruditi fallitatem epistolæ agnoscunt, licet eundem ad recentiorum disciplinam de innovando quotannis chrismate in Cæna Domini plurimum conduxisse profiteantur. At vero in ipsa Isidori sententia, solemnem non deceptorum tantum, sed & sacrarum rerum perturbatorem conspiciamus. Quis enim non stupeat, audiendo Fabianum præscribentem annuam chrismatis renovationem ex traditione Apostolica, & Christi Domini, ea addita ratione, quod lotio pedum a Servatore facta in die cænz baptismum significet, in baptisinate autem chrisma adhiberi inter sacras, statasque ceremonias soleat? Quid commune habet pedum lotio cum chrismatis renovatione?

Post hæc Isidorus utens nonnullis Siricii epist. 1., Innocentii epist. 25., Cælestini epist. ad Gallos, Augustini in lib. de pastoribus, Hieronymi epist. 83. sententiis, & quidem inordinate compositis, ad secundam transit epistolæ partem his verbis: *Consulere etiam nos, ut in prædictis literis vestris invenimus, super accusatione Sacerdotum voluistis, quæ oppido apud vos, ut in eisdem apicibus reperimus, crebrescit.* (de accusatione Episcoporum frequentissime edidit Isidorus Mercator in suis epistolis, imo nihil antiquius habuisse viderur hac materie, quam in omnibus ferme monumentis suis abunde pertrahat) *Significastis insuper plerosque attendere, multos*

Can. 18.
de cons.
dist. 3.

Can. 85.
cap. 1.
qu. 1.

multos in ipsis honoribus Ecclesiasticis non congruenter vivere sermonibus, & Sacramentis, quæ per eos populis ministrantur. O miseros homines, qui hoc intendo Christum obliviscuntur, qui & multo ante prædixit, ut legi Dei potius obtemperetur, quam imitandi videantur illi, qui ea, quæ dicunt, non faciunt, & traditorem suum tolerans usque in finem, etiam ad evangelizandum cum ceteris misit. Nam Apostoli talem consuetudinem non habuerunt, nec habendam docuerunt. Gratianus eadem retulit in can. 85. cau. 1. qu. 1., melius tamen referenda fuissent ex Sancto Augustino, a quo exhauribat olim Mercator, ut assigneret Fabiano. Revera Augustinus in lib. de penitentia medicina cap. 13. ita scribit: *An forte attendunt multos etiam in istis honoribus Ecclesiasticis præpositorum, & ministrorum non congruentes vivere sermonibus, & Sacramentis, quæ per eos populis ministrantur. O miseros homines, qui hoc intendo Christum obliviscuntur, qui tanto ante prædixit, ut legi Dei potius obtemperaretur, quam imitandi videantur illi, qui ea, quæ dicunt, non faciunt, & traditorem suum tolerans usque in finem etiam ad evangelizandum cum ceteris misit.*

Can. 6. Post pauca reversus ad Episcoporum accusationes auctor epistolæ docet, quinam
 & 38. ad easdem accusationes sint recipiendi, qui ab illis e contrario rejiciendi. Inter
 cau. 1. cetera inquit: *Ipsi ergo Apostoli, & successores eorum olim statuerunt, eos ad accusa-*
 qu. 7. *tionem non recipi, qui sunt suspecti, vel qui heri, aut nudius tertius, vel dudum fue-*
runt inimici, quoniam suspecti facti sunt, qui non sunt bonæ conversationis, vel quorum
vita est accusabilis, aut dubii in recta fide: Similiter quorum fides, vita, & libertas
nescitur, vel qui infamiae maculis sunt adpersi, aut sceleribus inrepti. Neque eos Sacer-
dores debere, vel posse, aut Clericos accusare, qui rite Sacerdotes heri non possunt, nec
sui sunt ordinis, quoniam sicut Sacerdotes, vel reliqui Clerici a secularium laicorum
excluduntur accusatione, ita illi ab istorum sunt excludendi, & alienandi criminatione;
& sicut isti ab illis, ita & illi ab istis non recipiantur; quoniam sicut domini sacerdo-
tum segregata debet esse conversatio ab eorum conversatione, ita & litigatio, quia servum
Dei non oportet litigare. Hæc verba ideo integra retuli, ut simul jungerentur, una-
que emendarentur canones 6., & 38. cau. 2. qu. 7. huc ambo referendi. Nemo
autem demonstrare poterit præceptum apostolicum, quod indicat Mercator de lai-
cis ab accusatione Clericorum excludendis, & e converso; imo nec demonstrare,
qua ratione judicialia præcepta a Fabiano constitui potuissent, præsertim de infami-
bilibus, criminum graviorum reis, aliisque ignotis fidei hominibus ab accusacione,
rejiciendis. Qui enim fidem Christianam minime sequebantur, non ad Episcoporum
judicia, sed magistratuum publicorum provocabant, siqua tamen dirigitur
persecutionum tempore Ecclesiastica judicia fangi possunt.

Can. 6. Sequuntur hinc nonnulla deprecata ex epist. 125. lib. 7. Gregorii Magni, con-
 cau. 1. eluditurque verbis illis, quæ integra recitavit Gratianus in can. 6. cau. 3. qu. 1.
 qu. 1. Mercator Isidorus ibi imitari voluit Proclum Constantinopolitanum, qui in episto-
 la ad Domnum Antiochenum (videfis actionem 14. Concilii Chalcedonenfis) ita scribit: *Deus ad hoc præordinavit tuam religiositatem, ut injustitias removes, & præsumptiones comprimas, & sacerdotio laboranti succurras, & opprobriis locum præbeas, sed ei, qui calumniam patitur, adjutorium feras, illum vere, qui calumniam facit, abscondas.*

Can. 3. Canon 3. cau. 6. qu. 1. eisdem verbis paullo postea legitur, in quo tamen ju-
 cau. 6. dicet unusquisque, num pœnam infamiae comminari illi Pontifici Maximo congruat,
 qu. 1. qui inter Gentium vexationes tanquam infamis una cum ceteris fidei christianæ confortibus habebatur.

Non-

Nondum ab accusationibus Episcoporum recedit Mercator, in quibus diutius consistendum voluit. Pergit autem his verbis: Statuerunt (Sancti Apostoli) ne accusarentur (Episcopi), aut si aliter fieri non possit, perdifficilis eorum feret accusatio; & a quibus, ut supradictum est, non praesumeretur, neque a propriis sedibus, aut Ecclesiis Episcopi ejicerentur. Quod siquo modo praesumptum fuerit, antequam & proprius locus, & sua omnia eis legibus redintegrarentur, nullatenus a quoquam accusarentur, aut criminarentur, nisi sponte elegerint, cuiquam pro talibus non responderent. Sed postquam, ut praefixum est, restituti fuerint, & sua omnia eis legibus redintegrata, dispositis, ordinatisque suis, magnum spatium tractandi causa eis concederetur. Et postea, si necesse fuerit, regulariter vocati venirent ad causam, & si justum visum fuerit, accusantium propositionibus sustentatione fratrum responderent. Nulla enim permittit ratio, dum ad tempus eorum bona, vel Ecclesiae, atque res ab amulis, aut a quibuscumque detinentur, ut aliquid illis objici debeat. Nec quisquam potest eis quoquomodo quidlibet majorum, vel minorum obijcere, dum Ecclesiis, rebus, aut potestatibus carent suis. Liqueat hinc, quam depravatum fuerit Gratiani fragmentum, quod legimus in can. 2. cau. 3. qu. 1., ubi etiam fit mentio Synodi, quasi jam temporibus Fabiani solerent statim anni temporibus Concilia celebrari juxta recentiorum disciplinam, ubi quoque adjecta obiter videntur verba illa: Sine auctoritate Romani Pontificis, quae in integris epistolarum exemplaribus desiderantur.

Statim persequitur Fabianus: Similiter statutum est, & nos eadem statuta firmantes statumus, ut si aliquis Clericorum suis Episcopis infusus, aut inhilator fuerit, eosque criminari voluerit, aut conspirator fuerit, ut mox ante examinatum iudicium curiae tradatur, cui diebus vitae suae deserviat, & infamis absque ulla restitutionis spe permaneat. Verba haec reuulsi Gratianus in can. 31. cau. 11. qu. 1. Quod vero de poena infamiz a Fabiano indicta occurrit, uti superius attigi, minime Fabiani temporibus convenire videtur. Eo autem minus congruit, Clericos in poenam admissi criminis perpetuo curiae tradi, quam poenam non tam ipse se praestituere ait Fabianus, quam a suis jam Praedecessoribus constitutam docet. Hi porro Praedecessores sunt, qui ediderant epistolam Pii Papae secundam, unde deproptus est canon 18. cau. 11. qu. 1., quem jam superius expendi, una demonstrans, quibusnam monumentis abusus fuerit deceptor Isidorus.

Nec ullus unquam praesumat accusator simul esse, & iudex, vel testis, quoniam in omni iudicio quatuor personas necesse est semper adesse, idest iudices electos, & accusatores, ac defensores, atque testes. Sic pergebat Isidorus Mercator, cujus verba Gratianus deinde descripsit in can. 1. cau. 4. qu. 4. imo & nonnulla adiecit: nisi dicere velimus adjecta jam fuisse a Glossographis in vetustioribus Collectionibus. Cum autem in hoc fragmento mentio fiat accusatorum, ac defensorum, liquet abunde, ibidem sermonem fuisse institutum de causis, seu iudiciis criminalibus, in quibus fieri potuisset locum iudicibus electis, quemadmodum tradit Mercator, & ex eo Gratianus, nemo facile dixerit, qui reuulsi juris disciplinam aliquatenus callent.

Tandem, cum multa favore Episcoporum dicta fuerint, concludit Isidorus Mercator verbis illis, quae legimus in can. 95. cau. 11. qu. 3., rectius autem laudari fuissent ex Gregorio Magno, qui lib. 4. epist. 7. haec habet: quia omnipotentem Dominum meruit, & contra statuta evangelica, contra sacratissimos canones agere aliquid nullo modo consentit.

De Epistola 3.

Non est opus diuturno labore ad agnoscendam Mercatoris manum in epistola 3., ejus inscriptio hæc est: *Dilectissimo fratri Hilario Episcopo Fabianus*, quæque data fertur 17. Kal. Novembris Africano, & Decio viris clariss. *Coss.* Quis ille Hilarius fuerit, non satis constat; tantum adparet, eum fingi unum ex occidentalibus Episcopis, quod conicitur ex illis verbis: *In occiduis partibus, in quibus moraris.* Ego suspicor, ideo Hilarii nomen a Mercatore confictum fuisse, quod Mercator in hac ipsa epistola elucubrandi præ oculis haberet epistolam Hilarii, seu Hilari Papæ. Revera priora hujus epistolæ verba omnino deprompta videntur ex epistola 3. ejusdem Pontificis. Hinc Mercator mutuari nomen potuit, quem Episcopo adfingeret illi, ad quem epistolam dirigere meditabatur. Ex tempore, quod epistolæ subsignatum est, ipsam apocrypham esse aperte dignoscimus. Etenim nullus in consulari catalogo apparet Consulatus Decii cum Africano. Africanus quidem Consul fuit anno 238., sed collegam habuit Maximum. Decius Consul fuit anno 251., & sequentibus, sed cum Grato, aliisve, nunquam vero cum Africano. Sed & stilum Mercatoris agnoscimus ex descriptione sententiarum, quæ & ex variis lacinis recentiorum Patrum inordinate compositz sunt, & plurimum conveniunt cum ceteris, quas vetustissimis Pontificibus idem Mercator adscripsit. Inilio conqueritur Fabianus, in occiduis partibus non solum Laicos, sed & Sacerdotes ex astutia diaboli premi, vexarique, atque, ut necessitati Ecclesiæ consulat, statuit, ne ab improbis, & alienæ fidei hominibus Sacerdotes Domini accusentur. Consuetæ hæc est Mercatoris cantilena, nihil enim aliud in epistolis a se confictis vehementius persequitur, ac reperit frequentius, utens verbis canonis 6. Concilii Carthaginensis 2., & Constitutionis 10. lib. 9. tit. 1. in codice Theodosiano. Post hæc ita prosequitur: *Unde oportet, si aliquis Episcoporum super certis accusetur criminibus, ut ab omnibus audiat, qui sunt in provincia, Episcopis, quia non oportet accusatum alicubi, quam in foro suo, audiri.* Est hic canon. 2. cau. 3. qu. 6., & in antiquissimis Conciliis sæpissime renovata sententia.

Can. 2.
cau. 3.
qu. 6.

Can. 21.
cau. 2.
qu. 6. Siquis vero judicem adversum sibi senserit, vocem appellationis exhibeat. Ita pergit Mercator, & ita ex Mercatore scripsit Gratianus in can. 21. cau. 2. qu. 6. Consonant hæc ipsis civilis juris principiis, a quibus nusquam recessit jus Ecclesiasticum.

Can. 1.
cau. 2.
qu. 6. Jungendi simul sunt canones 1. 2. & 20. cau. 2. qu. 6., juncti enim sunt in epistola Fabiani his verbis, quæ statim modo laudatis subjiciuntur; *Appellatorem autem non debet afflictio ulla, aut detentionis injuriare custodia, sed liceat appellatori viatam causam appellationis remedio sublevare, liceat etiam in causis criminalibus appellare: Nec vox appellandi denegetur ei, quem supplicio sententia destinavit.* Deprompta autem hæc sunt ex interpretatione Aniani in legem 2. tit. 30. lib. 11. codicis Theodosiani, & in leg. 15. & 20. ejusdem tituli; his enim in locis eadem omnino verba leguntur.

Can. 3.
cau. 2.
qu. 6. Sequuntur hinc verba canonis 3. cau. 3. qu. 6., & post illa, verba canonis 5. cau. 2. qu. 3. ibi: *Siquis ergo iratus crimen aliquod cuilibet temere objecerit, convictum non est pro accusatione habendam, sed permisso tractandi spatio, id, quod iratus dixit*

rit, per scripturam se probaturum esse fateatur, ut si fortasse respiciens, quæ præ iracundia dixit, iterare, aut scribere noluerit, non ut reus criminis teneatur. Habetur idipsum apud Anianum in interpretatione legis 5. tit. 1. lib. 9. codicis Theodosiani, dummodo pro illis Fabiani verbis: quæ præ iracundia dixit, legamus ex Aniano: post iracundiam quæ dixit.

Can. 5.
cau. 2.
qu. 1.

Aniani quoque est, quod legimus in can. 1. cau. 3. qu. 6., referendo propterea ad constitutionem 11. ejusdem libri in codice Theodosiano, ubi hæc scripta sunt: Qui crimen objicit, scribas se probaturum revera. Ibi causa agatur, ubi crimen admittitur, & qui non probaverit, quod objicit, penam, quam intulerit, ipse patiatur.

Can. 1.
cau. 3.
qu. 6.

De ceteris capitibus Fabiano adscriptis.

Canon 10. dist. 90., sicut alii nonnulli canones, Fabiano tribuuntur, qui tamen revera Fabiani non sunt. Qui primus dictum canonem 10. dist. 90. Fabiano adscripsit, is est Burchardus, qui in cap. 59. lib. 10. eadem omnino verba retulit; imo & alia subjecit sub nomine ejusdem Papæ in cap. 60. ibi: *Siquis non vult reconciliari fratri suo, quem odio habet, tandiu in pane, & aqua pœniteat, usque dum reconcilietur ei.* Ex quibus liquet, hæc potius a Burchardo deprompta fuisse ex quodam Pœnitentiali suæ ætatis (erant autem tunc temporis libri Pœnitentiales bene multi, & ferme in quibuscunque Ecclesiis varii) qui forte ad nostram usque ætatem minime pervenit. Porro in Pœnitentialibus libris commemorari solebant identidem nomina vetustorum Patrum, non quidem ut indicaretur sententias in Pœnitentialibus descriptas revera illius esse, sed gratia significandi, nonnihil de eadem re a vetustis eisdem Patribus pertractatum. Itaque in fragmentis Burchardi nuper memoratis, dum in Pœnitentiali descripta erant, adjectum fuerat forte Fabiani nomen, quod aliqua in epistola 3. Fabiano tributa legantur de iis, qui injuria affecti sunt, tenenturque reconciliari inimicis suis; atque ita Fabiani nomen ex Pœnitentiali facile potuit in Collectionem Burchardi transferri, & a Burchardo ad sequentes Collectores.

Can. 10.
dist. 90.

Idipsum contigit in can. 18. cau. 6. qu. 1., qui a Burchardo primum Fabiano Papæ tributus est in cap. 8. lib. 12., pertinet autem ad libros pœnitentiales; quemadmodum testis est Regino Prumiensis in lib. 2. tit. 324., qui ex pœnitentiali eadem propemodum verba ita describit: *Quicumque sciens perjuraverit, septem annos pœniteat, & post hæc communionem accipiat.* Habentur hæc eadem in pœnitentiali Halitgarii cap. 28. & in epistola Rhabani ad Heribaldum, quæ instar Pœnitentialis est, cap. 18. Ipsemet Burchardus ad regulam in Diocesi sua constituendam Pœnitentialem librum componens in lib. 19. suæ Collectionis, quem ex pluribus Pœnitentialium libris undique conquisitis exhauserat, hæc eadem definivit in cap. de perjurio: *Fecisti perjurium sciens, & alios in perjurium adduxisti, 49. dies in pane; & aqua, quod vulgus carrinam vocat, pœnitere debes, & septem sequentes annos, ita ut consuetudo est, observare debes.* Porro unde erat hæc consuetudo, nisi ex Pœnitentialibus sui temporis, repetenda? Item Regino Prumiensis in suo pœnitentiali, quem edidit lib. 1. de Ecclesiasticis disciplinis, septem annorum penitentiam perjuris indixit. Eum vero qui semel perjeraverit, non iterum esse ad testimonia ferenda, sive juramentum admittendum, ex eisdem Pœnitentialibus deducitur. Ete-

Can. 18.
cau. 6.
qu. 1.

Item. II.

R

nim

nim Regino post dictum caput 324. ita subdit in cap. 325. : *Ex penitentiali, ut supra: Siquis perjuraveris, ultra ad Sacramentum non admittatur.* Et in capitulis Herardi Turonensis cap. 12. *Semel perjurati ad testimonium non recipiantur.*

Can. 3. De canone 3. cau. 35. qu. 2. nihil hoc loco dicendum arbitror; etenim cum. cau. 35. agnoverim eundem potius ad Theodorum Cantuariensem Episcopum pertinere, qv. 2. nulla autem ratione Fabiano tribui potuisse, fatius videtur in tertia parte de illo verba facere, ubi de Theodoro agendum erit.

Can. 4. Non recedo ab observationibus Romanorum Correctorum ad canonem 4. cau. cau. 35. 35. qu. 2. suspicantium verba hæc non alicujus auctoris esse Ecclesiastici, sed Gratiani ejusdem, qui sententias suas dictis Patrum intermiscere solebat. Revera quæ subsequuntur, *Unde in Concilio apud Vermerias*, demonstrant, præcedentia verba Gratiani ejusdem esse, quæ ut vera demonstraret, caput Concilii Vermeriensis adferebat. Etenim Gratianus particulam illam *unde*, aut similes, quales sunt : *Hinc, ex his &c.* non consuevit adjicere, nisi post sua verba, ut patet in inscriptionibus canonis 1. cau. 22. qu. 5., canonis 12. & 38. cau. 24. qu. 3., & alibi passim.

Cm. 1. Canon 1. cau. 35. qu. 6. falso refertur nomine Fabiani Papæ, quamquam eo. cau. 35. nomine designetur apud Burchardum, & ex Burchardo apud Ivonem. Neque enim qu. 6. Fabiani tempore ulla erat occasio, qua in dirimendis consanguineorum conjugiiis certæ regulæ traderentur. Potius suspicor hunc canonem editum fuisse decimo, vel undecimo Ecclesiæ sæculo, qua nimirum ætate scimus consanguineorum conjugia spretis Ecclesiæ legibus frequenter celebrata fuisse, eamque ob rem in universis propemodum illius temporis Conciliis nihil pressius constitutum fuisse, quam incertas illas conjunctiones rescindi. Imo ego arbitror eundem canonem pertinere ad Concilium Trojanum sub Urbano II. celebratum, cujus licet acta perierint, generaliter tamen scimus, quænam ibidem discussa potissimum fuerint, ac definita. Compendium, ita dixerim, Synodaliū actionum habemus in can. 4. cau. 35. qu. 6., quem ita supplere debemus ex aliis Collectoribus : *Convenit Troja in Apulia Concilium Episcoporum fere 75., Abbatum 12. in quo actum de consanguinitatis linea conjugatis. Cum nemo tamen dictum Sacramenti impedimentum vellet assertionem firmare, præceptum est, ut Episcopi, quorum Diocesani sunt, eos per congrua spatia trina ad-vocatione conveniant. Tunc si duo vel tres viri, &c.* quæ legimus in dicto canone 4. (Si aliis lubeat eam editionem sequi, quam secutus sum in priorie parte hujus operis cap. 69., parum referet, cum utrobique, licet juxta diversos codices alia verba describantur, eadem tamen sententia retinetur.) Sane si integra Concilii acta haberentur, facile suspicor nos ibidem fragmentum Gratiani reperturos, quod habemus in dicto canone 1., præsertim quod Petrus Lombardus nomine Urbani eadem verba referat in lib. 4. sentent. dist. 41., Concilium vero Trojanum sub Urbano II. fuerit celebratum. Non est id a veritate alienum, quum Urbano II. hujusmodi monumentum a scriptoribus fere ætate non longe distitis, qualis erat Magister sententiarum, adscribatur, alias autem generaliter scimus de hac materie actum esse in Concilio Trajano Urbani II., cujus acta ex injuria temporis ad nos usque pervenire minime potuerunt. Non tamen hoc in loco omittam singularem observationem, quæ apud eundem Lombardum occurrit : videlicet memoratum fragmentum nonnullis verbis Gratiani reticitis descriptum habemus ibi : *Consanguineos vero extraneorum nullus accuset, vel consanguinitatem in Synodo computet, sed propinqui, ad quorum notitiam pertinet.* Si autem progenies tota defecerit, ab antiquioribus,

& veracioribus, quibus propinquitas tota nota sit, Episcopus canonice perquirat, & si inventa fuerit, separentur. Desiderantur igitur verba illa, quæ Gratianus, Ivo, & Burchardus habent: *Idest pater, mater, frater, soror, patruus, avunculus, amita, matertera, & eorum procreatio*, quæ vel a Burchardo ipso adjici, vel a Glossographo quopiam excipi potuerunt. Imo & sententiam ejus canonis ita intelligendam puto, ut non quidem absolute nemo ex extraneis admittatur ad accusandum in matrimonii consanguineorum; sed potius ne passim Episcopi accusationes recipiant, quæ aliquando familiarum concordiam abruptum ex odio nonnullorum, qui eo prætextu sæpe ac sæpius conficito familias turbant. Ipsamet Burchardi inscriptio id docet ad eundem canonem ita concepta: *Quod extranei, nisi ex necessario, discidium inter consanguineos facere non debeant*. Revera universa res hæc tota semper commissa fuit Episcoporum singulorum arbitrio. Ut enim omittam Concilium Moguntinum sub Karolo Magno celebratum cap. 53., & Capitulare 1. ejusdem Karoli anni 802. cap. 33., item canones Isaac Lingonensis tit. 4. cap. 2. 3. 4. 6. 10. & 12. ubi cautum legimus consanguinitatis discussionem totam ab Episcopi arbitrio pendere. Ne forte quispiam hæc antiquiora Trojano Concilio esse adferret, ac propterea per Trojanum Concilium immutata, me referam ad Concilium Londoniense posterius, sive anni 1102., ubi can. 24. ita legimus: *Ne cognati usque ad septimam generationem copulentur, vel copulati simul permaneant, & si quis hujus incestus conscius fuerit, & non ostenderit, ejusdem criminis se participem esse cognoscat*. Porro si generatim criminis conscii, illud ostendere præcipiuntur, non erit consanguineis tantum incestuosorum regulariter reservata accusatio; sed illud demum Trojano Concilio vetitum asseremus, ne passim accusationes hujusmodi, & sine accusantium discrimine recipiantur.

Primus Burchardus verba canonis 16. de consecr. dist. 2. retulit ex epistola Fabii Papæ cap. 4. in lib. 5. cap. 17. ibi: *Ut si non frequentius, vel ter laici homines communicent in anno, nisi forte quis majoribus quibuslibet criminibus impediatur, iusti, in Pascha, & Pentecoste, & Natali Domini*. Fabii Papæ nomen pro Fabiano ex imperitia librariorum scriptum reor, ne forte apud Burchardum talem insitiam affingamus, ut fragmenta canonum illi Pontifici tribuerit, qui nunquam extiterit. Verum nec Fabiani fragmentum est, sed potius pertinet ad Capitularia Regum Francorum, quorum nomine illud retulit Regino Prumiensis in lib. 1. cap. 195. Porro idipsum legimus in Concilio Turonensi III. anni 813. cap. 50., & ex eo in lib. 2. Capitularium cap. 45. ibi: *Ut si non frequentius, vel ter laici homines in anno communicent, nisi forte quis majoribus quibuslibet criminibus impediatur*. Cur vero Burchardus pro Capitularibus Francorum, Fabii potius, vel Fabiani Papæ nomen inscripserit, frustra quispiam sciscitaretur, cum jam pluries animadvertimus, Burchardum a laudandis Francorum Capitularibus abstinendum sibi proposuisse, ne rem ingratam faceret Germanis, apud quos debebat, quique res Francorum detestabantur.

Can. 16.
de cons.
dist. 2.

APPENDIX

De canone 26. cau. 32. qu. 7. nomine Fabii
Papæ relato .

Quod Burchardo contigit in can. 16. de conf. dist. 2. nuper expenso, ut scilicet nomine Fabii Papæ falso illud fragmentum inscriberetur, idipsum & apud Gratianum occurrit in can. 26. cau. 32. qu. 7., cum tamen ullum reperire non liceat Pontificem Maximum hujus nominis. Nonnulli pro Fabio Fabianum legendum esse putarunt, ac propterea in Labbeana Collectione recentioris editionis hoc idem fragmentum inter ea describitur, quæ a Gratiano tributa fuerunt Fabiano Papæ. Quamobrem satius duxi in hoc loco erratum detegere collectorum, monereque ex librorum forte oscitantia factum esse, ut Fabii Papæ nomen legeretur, ita, ut non pro Fabio Papa Fabianus, sed potius Julius Paulus fuerit memorandus. Similitudo vocis, & literarum huic errato potuit occasionem præbere; neque enim adeo difficile est ex his verbis *Julius Paulus*, hæc alia reddere *Fabius Papa*, præsertim ante inventionem Typographicæ artis, quo tempore vel codices parum exacte formati, vel impericia illorum, quibus de charta in chartam referre mandabatur, causam dederunt, ut a veterum exemplarium fide aliquando recederetur. Porro Julius Paulus celeberrimus ille est Jureconsultus, cujus fragmenta in libris sententiarum congesta hodie adhuc servantur: In libro autem 2. tit. 19. hæc leguntur: *Neque furiosus, neque furiosa matrimonium contrahere possunt, sed contractum matrimonium furore non tollitur.* Quis non agnoscat in his memoratum canonem 26. cau. 32. qu. 7.? Hæc vero probatissima fuit Romanorum Jurisconsultorum doctrina, quam etiam traditam habemus ab eodem Paulo in l. 16. §. ult. ff. de ritu nuptiarum, a Cajo in l. 8. ff. de sponsalibus, & ab Ulpiano in l. 6. ff. de his, qui sunt sui, vel alieni juris.



De Cornelio.

Fragmenta Gratiani sub nomine Cornelii Papæ hæc sunt.

Apocryphi omnes.	{	Can. 1. cau. 2. qu. 5.	{	<i>simul jungendi, & ex integris epis- tolæ exemplaribus supplendi.</i>
Ex epistola unica.		Can. 2. cau. 2. qu. 5.		
		Can. 3. cau. 2. qu. 5.		
		Can. 4. cau. 3. qu. 9. consonat cum verbis Concilii Chalcedonensis.		

Adjicitur. (Can. 16. cau. 22. qu. 5. pertinet potius ad Francorum Capitularia.

NON una est virorum eruditorum opinio in designandis Cornelii Papæ temporibus; etsi enim in eo universi conveniant, quod Cornelius ultra annum, & menses aliquot in Pontificatu non sederit, alii tamen ab anno 251., alii ab anno 254. ipsius Pontificatum auspicantur, & ad annum 252., vel 255. producunt. Adversus illum Novatianus Presbyter Romæ schisma excitavit, quo se, non Cornelium Pontificem Maximum eligi impenso studio curaverat. Sed Centumcellas ipse Cornelius fidei causa relegatus, brevi martyrii coronam obtinuit. Nonnulli huic Pontifici, & ab Isidoro Mercatore, & ab aliis tribuuntur epistolæ, de quibus singulis frustra verba facerem prolixius, cum ex unica tantum Gratiani fragmenta habeamus, ea videlicet, quæ apud Mercatorem secunda est sub hoc titulo: *Cornelius Episcopus Rufe* (legunt alii *Rustico*) *Coeptiscope in Domino salutem*; data fertur sub Consulatu Maximi, & Decii. In chronico Cassiodori nulla hujus Consulatus est mentio, imo cum sciamus Cornelium obiisse temporibus Galli, & Volusiani Imperatorum, nullus alius sub illorum Imperio Consulatus occurrit apud eundem Cassiodorum, quam Galli, & Volusiani, item Valeriani, & Gallieni. Baronius agnoscit quidem Consulatum Decii, & Maximi, & anno 254., & Sede vacante, antequam Cornelius Pontifex esset. Quidquid vero de notæ consularis falsitate disputari posset, non desunt argumenta gravissima, ex quibus hanc epistolam tanquam apocrypham dignoscamus. Ipsamet ibi Mercatoris manus, ipsemet stilus agnoscitur; etenim & vulgata Sacrarum literarum interpretatio Cornelio longe recentior frequenter usurpatur, multa præterea ex recentioribus Patribus, & Scripturibus deprompta recensentur, ex sententiis scilicet Concilii Carthaginensis 1. & 3., Concilii Chalcedonensis, Concilii Romani 5. sub Symmacho, Ambrosii, Hieronymi, Bonifacii Moguntini, Isidori Hispalensis, & aliorum. Demum celeberrima etiam inest Mercatoris nota, in eo, quid dicitur, Episcopos a nemine reprehendendos esse, eoque minus accusandos, qua loquendi formula nihil esse potuit antiquius omnium ejusmodi epistolarum auctori. In duas quodammodo partes distributa est hæc epistola, in priore quarum de jurejurando agitur, in posteriore de Episcoporum accusationibus. Non memoro præfationem, in qua nihil aliud continetur, quam verba Gregorii Magni epist. 32. lib. 12. Ad priorem epi-
stolæ

Can. 1. stolz partem spectant canones 1. 2. & 3. cau. 2. qu. 5. his verbis: *Sacramentum*
 2. 3. *autem hactenus a Summis Sacerdotibus, vel Dei ministris exigi, nisi pro fide recta, mi-*
 cau. 2. *nime cognovimus, nec spontaneos jurasse reperimus. Summopere ergo S. Jacobus Aposto-*
 qu. 5. *lus prohibens Sacramentum loquitur, dicens: Ante omnia, fratres mei, nolite jurare, ne-*
que per cælum, neque per terram &c. (hic sequuntur integra verba epistolæ Jacobi
cap. 5., nec non verba Christi Domini apud Mattheum cap. 5. vers. 33., post
quæ ita subditur) Hæc, frater charissime, ipse Dominus prohibet, idest non debere jurare.
Hæc Apostoli maxime omnes, hæc sancti viri prædecessores nostri, qui huic Sanctæ uni-
versali Apostolicæ Ecclesiæ præfuerunt ante nos. Hæc Prophetæ, & reliqui Sancti Do-
ctores per universum mundum dispersi ad prædicandum, juramenta fieri vetant. Quorum
nos exempla si cøperimus enumerare, aut in schedula hac inserere, ante deficiet hora-
diei, quam eorum exempla de hac causâ prohibita. Quæ nos sequentes Sanctorum Apo-
stolorum, eorumque successorum jura firmamus, & Sacramenta incauta fieri prohibemus.
Unde & ipse Dominus in tabulis lapideis, quas Moysi dedit, propria manu scripsit,
dicens: Vide ne assumas nomen Domini Dei tui in vanum, & reliqua. Nos autem,
ut paullo superius prælibavimus, Sacramentum Episcopis nescimus oblatum, nec unquam
fieri debet; quoniam, ut supra memoratum est, præceptum est a Domino non jurandum
&c. Ex his supplere unusquisque poterit fragmenta Gratiani, quæ satis concisa
sunt, nec integram Cornelii, aut cujusvis alterius epistolæ auctoris sententiam
exhibent. Porro quæ ibidem decernuntur de jurejurando Episcoporum prohibito,
vix demonstrari possunt ex Sacræ Scripturæ testimoniis ibidem relatis; Etenim
sive Christi Domini mandatum apud Matheum, sive Jacobi consilium non singu-
lare Episcopis proponitur, sed omnibus generaliter; ac propterea parum viden-
tur etiam convenire proposito Gratiani, qui ex hujusmodi monumentis conatur
demonstrare in dictâ quæstione 5. Sacerdotes prohiberi, ne jurent.

Ad posteriorem epistolæ partem spectat canon 4. cau. 3. q. 9., cujus verba om-
 nino conveniunt cum vulgatis epistolæ exemplaribus; quibus tamen, qui episto-
 lam ipsam composuit, imitari voluisse visus est Patres Concilii Chalcedonenis ini-
 tiu actionis 10. ibi: *Quæ adversus absentem facta sunt, vacentur. Hæc omnes dici-*
 mus. Nullus condemnat absentem.

Primus Burchardus in lib. 12. cap. 12. nomine Cornelii Papæ ea descripsit,
 quæ Gratianus habet in can. 16. cau. 22. qu. 5., atque occasionem errandi se-
 quentibus Collectoribus dedit. Regino eadem potius refert ex Francorum Capitu-
 laribus in lib. 2. de Ecclesiasticis disciplinis cap. 312., & quidem recte; nam in
 Capitulari Caroli Magni anni 789. cap. 62. inter cetera hæc legimus: *Sed &*
nobis honestum videtur, ut qui in sanctis habet jurare, hoc jejuna faciat cum omni bo-
nore, & timore Dei, & sciat se rationem redditurum Deo unusquisque vestrum ubicum-
que sit, sive intra Ecclesiam, sive extra Ecclesiam. Et ut parvuli, qui sine rationabili
etate sunt, non cogantur jurare. Hæc eadem relata sunt in lib. 1. Capitularium
cap. 61. juxta editionem Parisiensem anni 1677., & in librum 2. legum Longo-
bardorum tit. 55. cap. 22. Burchardus primum nonnulla immutavit: Etenim pro
illis verbis: Qui sine rationabili etate sunt, hæc alia supposuit: ante quatuordecim
annos, ut clarius forte Capitularium sententiam exprimeret. Deinde nomen Cor-
nelii inscripsit, quod a Capitularibus Francorum nominandis sibi duxerat abstinen-
dum; nomen autem Cornelii Papæ præ ceteris forte selegit, quod in epistola
ad Rufum Cornelio tributa, ut superius ostendimus, nonnulla de juramentis agantur.

De Lucio.

Ad Lucium sequentia pertinent.

Apocryphi omnes.	{	<i>Can. 14. cau. 6. qu. 1. pertinet ad sententias Sixti Pithagorici.</i>
Ex epistola ad Episcopos Gal- liæ, & Hispa- niæ.		<i>Can. 5. cau. 17. qu. 4. consonat cum aliis epistolis Mercatoris.</i>
		<i>Can. 9. cau. 24. qu. 1. est potius Agathonis in epist. ad Constan- tinum.</i>
		<i>Can. 60. de cons. dist. 1. supplendus ex integris epistolæ exem- plaribus.</i>
His adjunc- tur.	{	<i>Can. 1. dist. 80. est potius in epist. 2. Pseudo-Stephani.</i>
		<i>Can. 19. dist. 81.</i>
		<i>Can. 20. dist. 81.</i>
		<i>Can. 21. dist. 81.</i>

Lucium Pontificem martyrio vitam absolvisse testatur Cyprianus epist. 58. Quamvis vero Scriptores Ecclesiastici in eo conveniant, quod Lucius idem brevi temporis spatio Pontificiam Sedem tenuerit, imo & gravibus ærumnis pressus, inter cetera etiam aliquandiu relegatus, tamen in designandis Pontificatus hujus annis non satis consonant; aliis enim visum est adnotare annum 55., aliis annum 53., aliis triennium, & ultra, aliis octo mensium, aliis annum & plurimum mensium spatium designantibus. Meum non est de hac re fusius disputare, quemadmodum deceret in re valde difficili, & intricata; præsertim quod parum id valeret ad id, quod adgredior, conficiendum.

De epistola ad Episcopos Hispaniæ, & Galliæ.

Non omisit Lucium Isidorus Mercator, sed eidem unicam epistolam adscriptit sub hac epigraphe: *Dilectissimis fratribus omnibus in partibus Occidentalibus tam in Galliis, quam in Hispaniis consentientibus Lucius Episcopus in Domino salutem: Data autem est, Kalendis Aprilis, Gallo, & Volusiano viris Clariss. Coss. Qui putant Cornelium Papam Lucii prædecessorem Pontificatum gessisse ab anno 254., usque ad diem 14. Septembris anni 255., & demum Lucium successisse anno 255. die 19. Octobris, gravissimum exinde argumentum deducunt ad falsitatem hujus epistolæ demonstrandam; etenim, ut Baronius scribit, Gallus cum Volusiano binos gessit Consulatus, anno 254., & 255., proptereaque alterutro ex hisce annis scribere non poterat Lucius Kalendis Aprilibus, si anno 255. mense Octobri Cornelio successit. Non opus tamen est his observationibus, cum liquido alias constet de manu, & nullo deceptoris Isidori. Usurpata quippe Psalmorum interpretatio ab Hiero-*

Hieròhymo concinnata, usurpatz phrascs Concilii 1. Arelatenfis, Concilii 3. Carthaginenfis, Leonis Magni, Gregorii, Agathonis, & Sixti Pithagorici, aperte demonitranz, epistolam longe recentioris auctoritatis exiftere. Ego sane, si non aliud in hac epistola deprehenderem, quam prolixum institutum sermonem de accusationibus Episcoporum, & eorundem appellationibus, quæ materies præcipua est omnium Mercatoris epistolarum, nihil aliud ad agnoscendum deceptorem arbitror posse, aut debere expectari. Revera nihil in hac epistola pressius urgetur, imo & repetuntur, quæ jam decreta finguntur in Pseudo-epistolis Hygini, Pii, aliorumque, ut nulla amplius de hac re superesse dubitatio possit.

Can. 60.
de cons.
dist. 1.

Exordium epistolæ desumitur ex epistola 28. Leonis Magni juxta vulgatam editionem; conqueriturque Lucius, quod acceperit Gallicanæ, & Hispanicæ Ecclesiæ Episcopos angere, atque vexari, diripi præterea Ecclesiis dotes, atque eas oblationibus spoliari. (Num Ecclesiis suæ, ut vocant, dotes jam tum constitutz essent, judicet, qui sine præjudicatis opinionibus ad epistolas hujusmodi legendas acceperit) Solatur Episcopos, monens, ut hæc patienter ad exemplum Servatoris nostri sustineant, & subdit: *Propter tales* (idest Ecclesiarum malevolos insectores), *fratres, hortamur vos, sicut & in hac sancta Ecclesia constitutum habemus, ut semper testes vobiscum Sacerdotes, & Diaconos habeatis; & licet conscientia sufficere possit propria, tamen propter malevolos, juxta Apostolum, etiam testimonium vos oportet habere bonum ab his, qui foris sunt. Quoniam & in hac sancta Sede constitutum habemus, ut duo Presbyteri, vel tres Diaconi in omni loco Episcopum ne deserant propter testimonium ecclesiasticum.* Retulit hæc Gratianus in can. 60. de cons. dist. 1. nonnullis tamen additis, nonnullis autem omisiss. Verum hæc omnia parum congruunt temporibus Lucii, quibus Episcopi non facile tot Presbyteros, aut Diaconos suæ vitæ confortes, & testes inseparabiles habere poterant, cum cogerentur potius latebras quærere, ne exilio a suis Ecclesiis pellerentur, quemadmodum & ipse Lucius, & ejus prædecessor Cornelius depulsus fuerat. Illa vero antiqua statuta, quæ memorantur, ut scilicet Episcopi testes vitæ habeant Presbyteros, & Diaconos, quænam alia esse possunt, nisi monumenta Mercatoris, in quibus tradidit, aut vitam Clericorum debere esse communem, ut in can. 9. cau. 12. qu. 1., aut Episcopum Diaconorum corona stipari debere, ut in can. 11. dist. 93., & similibus? Præterea perperam usurpantur ad hanc rem verba Pauli 1. ad Timoth. cap. 3. *testimonium oportet habere bonum ab his, qui foris sunt; etenim cum auctor epistolæ ea referat, ut ostendat Presbyteros, aut Diaconos testes esse debere vitæ episcopalis, supponere videtur Episcopos, aut Diaconos foris esse, idest extra Ecclesiam ejectos.*

Can. 14.
cau. 6.
qu. 1.

Post multa, quibus docuit Lucius, accusationes Episcoporum non facile admitendas esse, Episcopos eisdem sua diœcesi contentos esse debere, cavendos præterea esse malevolos homines, hæc subjicit: *Scriptum est enim: melior est unus timens Deum, quam mille impij: sapiens vero non est omnis, qui nocet.* Postrema hæc verba referuntur apud Gratianum in can. 14. cau. 6. qu. 1., eademque omnino sunt cum sententia Sixti Pithagorici num. 292. juxta interpretationem Rufini.

Can. 8.
cau. 17.
qu. 4.

Prosequitur Mercator: *Res quæque Ecclesiarum vestrarum, & oblationes fidelium, quas significastis a quibusdam irruentibus vexari, vobisque, & Ecclesiis vestris auferri, indulgentem maximum est peccatum, testante ipsa scriptura, quæ ait, qui abstuleris aliquid patri, vel matri, & dicit, hoc non esse peccatum, homicidæ particeps est. Pa-*

ser ergo noster sine dubio Deus est, qui nos creavit; & mater nostra Ecclesia, quæ nos in baptismo spiritualiter generavit. Et ideo &c. Et post nonnulla: Hæc feri Prophetæ, hæc Apostoli, hæc Successores eorum, & omnium Catholicorum Patrum vetant decreta, & tales præsumptiones sacrilegium esse judicant. Quorum nos sequentes exempla omnes tales præsumtores, & Ecclesiæ raptores, atque suarum facultatum alienatores una nobiscum a liminibus sanctæ Matris Ecclesiæ anathematizatis Apostolica auctoritate pellimus, & damnamus, atque sacrilegos esse judicamus, & non solum eos, sed omnes consentientes eis; quia non solum qui faciunt, rei judicantur, sed etiam qui consentiunt facientibus. Par enim pœna & agentes, & consentientes deprehendit. Integram fere descripsi epistolæ sententiam, ex qua supplere quispiam possit canonem 5. cau. 17. qu. 4. j. quæ omnia, ubi collata fuerint cum epistola 2. Pii, cum epistola 1. Urbani, cum epistola 1. Anacleti, facile deprehenduntur, eadem ubique Mercatoris manu fuisse composita. Imo nemo non videt quam parum congruat Lucio sententia hujusmodi. Etsi enim ultro dandum sit, tunc temporis potuisse bona ecclesiastica exiltere, quæ facile alienarentur, aut dissiparentur, quos supponere alios oportet honorum Ecclesiæ concessorum raptores, nisi ethnicos homines, qui bono Ecclesiæ invadebant? De ethnicis autem hominibus, quomodo intelligi potest insidit in raptores pœna, ut ab Ecclesiæ communione repellerentur, nisi primum supponatur, ethnicos ad Ecclesiæ communionem admissos? Quod si hæc vera sunt, parum etiam congruet proposito Gratiani canon 5. memoratus. Ibidem enim Gratianus demonstrare nitebatur, bona Ecclesiæ ne ab ecclesiasticis quidem viris, siue a legitimis eorundem possessoribus, vel administratoribus alienari uspiam posse. At longe diversa est sacrorum administratorum, & ethnicorum diripientium ratio.

Post pauca leguntur in eadem epistola verba canonis 9. cau. 24. qu. 1., quibus Can. 9. exhibetur Lucius ceteros Episcopos hortans, ut in recta fide consistent. cau. 24. Sed verba ibidem usurpata eadem prope sunt cum iis, quæ scribebat Agatho Papa in 24. 1. epistola ad Constantinum Augustum in actione 4. Concilii 6. generalis.

De aliis Canonibus Lucii nomine relatis.

Quum occurrit mihi expendendus canon 1. dist. 80. Lucio Papæ adscriptus, etsi Can. 1. statim in epistola Lucii repertus a me minime fuerit, non dubitavi tamen, quominus eundem ad lûdorum Mercatorem referrem, cum in ipso & stilum, & sententias ipsis Mercatoris illico agnovissem: Neque diutius immorandum mihi fuit in querendo monumento illo, ex quo depromtus ille fuerat, præsertim cum in promptu esset Romanorum correctorum nunquam non laudanda solertia, indicantium epistolam Stephani Papæ numero 2., quam in sequenti capite rejiciam inter ceteras Mercatoris epistolas. Plane ibidem in cap. 6. hæc leguntur: Nulli enim dist. 80. Metropolitani, aut alii Episcopi appellentur Primates, nisi ii, qui primas sedes tenent, & quorum civitates antiqui primates esse censuerunt. Reliqui vero, qui ceteras Metropolitanas Ecclesias adepti sunt, non Primates, sed aut Archiepiscopi, aut Metropolitani vocentur. Urbes enim, & loca, quibus Primates præsidere debent, non a modernis, sed etiam multis ante adventum Christi sunt statuta temporibus, quorum Primates etiam gentiles pro majoribus etiam negotiis appellabant. In ipsa vero urbe, &c.

quemadmodum apud Gratianum. Consonant hæc cum epistola 1. Pseudoclementis, & cum epistola 2. Pseudo-Anacleti. Ceterum ipsa mentio Primatum, Archiepiscoporum, & Patriarcharum prioribus sæculis minime congruere potest; & vix convenire videretur temporibus Concilii Chalcedonenſis, cujus canone 17. decretum ſci-mus, juxta civiles, & publicas urbium formas, ac dignitates, eccleſiaſticarum, quoque Diceceſeon qualitate eſſe definiendam. Qui hunc canonem Lucio potius, quam Stephano tribuit, facile errare potuit ex eo, quod prius oculis haberet codicem, in quo ex ordine temporis hæ veterum Pontificum epistolæ continerentur, proptereaque poſt epistolæ Lucii ſequerentur illico epistolæ Stephani, quomobrem epistolæ Stephani potuerunt pro epistolis Lucii facile uſurpari.

Cam. 19. Falſo etiam nomine Lucii Papæ memorantur canones 19., 20., & 21. diſt. 81.,
20. & 21. quamquam tamen ad Iſidori ejusdem Mercatoris monumenta referri jure poſſint.
diſt. 81. Habentur illi in epist. 2. Clementis ad Jacobum Apoſtolum, quam ſuo loco rejecimus, ibi: *Ad Dominica autem myſteria tales eligantur, qui ante ordinationem ſuam conjuges ſuas non noverint. Quod ſi poſt ordinationem miniſtro altaris contigerit proprium invadere cubile uxoris, ſacrarii non intrent limina* (huc ſine pertinet dictus canon 20.), *nec ſacrificii portitor fiat, nec altare contingat, nec ab offerentibus holocausti oblationem ſuſcipiat, nec ad dominici Corporis portationem accedat, nec aquam Sacerdotibus porrigat ad manus: oſtia forinſecus claudat, minora gerat officia, urceum, ſive Calicem ad altare non ſuſſerat. Si forte quiſquam Presbyter, ſive Diaconus ſacrarii ſyndonem, vel velum ſubtralla vendiderit, Jude Iſcarioti ſimilis æſtimabitur. Qui propter cupiditatem fecerit hoc opus, noverit ſe ſupradicti Jude ſuſceptorum panam. Clericus vero ſolus* (hic eſt dictus canon 21.) *ad ſæminæ tabernaculum non accedat, nec properet ſine majoris natu Principis juſſione. Nec Presbyter ſolus cum ſola adjungatur, ſed duobus adductis teſtibus viſitet infirmam. Nec ſolus cum ſola ſæmina fabulas miſceat. Nec Archidiaconus, aut Diaconus ſub prætextu officii humilitatis frequentet domicilia matronarum, aut forte per clericos, aut domeſticos ejus matronæ mandent ſecreti aliquid. Si cognitum fuerit, & ille deponatur, & illa a liminibus arceatur Eccleſiæ. Sed ſi forte* (hic eſt canon 21.) *aliqua interceſſio fuerit, Episcopo ſuggeratur. Et ſi talis eſt, ad quam debeat ire, pio interveni ipſe pergat. Sin autem de latere ſuo dirigat, cum duobus, aut tribus, qui hoc ſanare debeant. Sane ad viſitandam mulierem infirmam nullus Clericus ingrediatur, niſi cum duobus, aut tribus. Nemo tamen Clericorum cum extranea habitet ſæmina, niſi proxima, aut ſoror fuerit. Et hoc cum magna ſollicitudine fiat. Non ignoramus malitias Satanae. Eſti vero hæc omnia Iſidorum Mercatorem auctorem habeant, non eſt tamen dubitandum, plurimum eadem convenire cum canonibus ſequentis ætatis, qua ſæpiſſime vetitum ſci-mus, ne Clerici cum mulieribus habitent, aut ſint iſtis familiares. Ita in Concilio Cabilonenſi 2. can. 46., Concilio Carthagenenſi 3. can. 5., Nicæno 2. can. 17., Epaonenſi can. 38., Turonenſi 2. cap. 17., Matifenſi 1. can. 2., For-Julienſi can. 12., Moguntino can. 10., aliſque quamplurimis. Ideo autem arbitror, Lucio Papæ tributa potius eſſe hæc fragmenta, quam Clementi, quia forte ad illorum marginem Lucii nomen adſcriptum eſſe poterat a quodam ſtudioſo, ut indicaretur, in epistola Lucii Papæ nonnihil ſimile contineri, ubi ſtatutum legimus, ut propter malevolos homines Episcopi ſuz vitæ teſtes habeant Sacerdotes duos, vel Diaconos tres, quemadmodum oſtendimus ad can. 60. de conſecr. diſt. 1.*

De Stephano.

Canones Stephano tributi.

Apocryphi omnes.

Ex Epistola 1.
ad Hilarium.

- Can. 17. cau. 6. qu. 1. emendandus ex integris Epistolæ exemplaribus.
Can. 42. de cons. dist. 1. supplendus ex integris Epistolæ exemplaribus.

Ex Epistola 2.
ad omnes
Episcopos.

- Can. 3. cau. 2. qu. 2. supplendus ex integris Epistolæ exemplaribus.
Can. 5. cau. 2. qu. 8. consonat cum legibus Theodosianis.
Can. 6. cau. 3. qu. 4. jungendus cum can. 8. cau. 3. qu. 5.
Can. 8. cau. 3. qu. 4. ad integra Epistolæ exemplaria exigendus.
Can. 8. cau. 3. qu. 5. supplendus ex integris Epistolæ exemplaribus.
Can. 4. cau. 3. qu. 6. consonat cum legibus Theodosianis.
Can. 1. cau. 3. qu. 11. pertinet ad leges Theodosianas, & Anianum interpretem.

Adjiciuntur.

- Can. 4. dist. 19. referendus ad Epistolam priorem ad Hilarium scriptam.
Can. 1. cau. 12. qu. 2. referendus ad Epistolas vel Lucii, vel Anacleti.

DUobus annis, & quatuor fere mensibus in Pontificatu maximo fuisse Stephanum fatentur universi, sed alii numerant annum 257. mense Aprili usque, ad mensem Augustum anni 259., alii annum 255. usque ad annum 257. Duas epistolas illi tribuit Mercator, ex quibus fragmenta nonnulla apud Gratianum existunt.

De Epistola 1. ad Hilarium.

Prior epistola, quæ dicitur *data quinto nonas Maji Valeriano, & Gallieno vivis clariss. Cos.*, hanc habet inscriptionem: *Dilectissimo Fratri, atque familiari amico Hilario Stephanus Episcopus intimæ charitatis salutem.* Num Consulatus Valeriani, & Gallieni Stephano convenire possit, non adeo facile disquiri potest ex eo, quod incerta sit, uti prænotabam, ejusdem Pontificis epocha. Ceterum difficile non est rationes invenire, ex quibus eadem epistola inter apocrypha Mercatoris monumenta recenseatur. Stylus enim ipse, quibus judiciorum ecclesiasticorum formam, præsertim Episcoporum accusationes, auctor persequitur, designatque eos, qui infames esse dicuntur, atque ab accusando repellit, jam Pseudoisidorum satis detexit, ut omittam cetera, illud præsertim, quod variz referantur recentiorum Patrum sententiæ, videlicet Magni Leonis, & Gregorii, quibus addere possem Anianum legum Theodosianarum interpretem. Præfatio, & clausula epistolæ hujus tota de-

Can. 17.
cau. 6.
qu. 1.

promta est ex epistola 46. Leonis Magni juxta veterem editionem, deinde in cap. 1. tota epistolæ causa, & ratio ita describitur: *Quod vero consulisti Sedem Apostolicam, qui sunt infames, aut qui ad gradus ecclesiasticos non sunt admittendi, & nosse te credimus, & pro auctoritate Sedis Apostolicæ te informare non denegamus, infames autem esse eas personas dicimus, quæ pro aliqua culpa notantur infamia, idest omnes, qui Christianæ legis normam abiciunt, & statuta ecclesiastica contemnunt. Similiter fures, sacrilegos, ac omnes capitalibus criminibus irretitos. Sepulchrorum quoque violatores, & Apostolorum, atque Successorum eorum, reliquorumque Patrum statuta libenter violantes, & omnes, qui adversus Patres armantur, qui in omni mundo infamia notantur. Similiter & incestuosos, homicidas, perjuros, raptos, maleficos, veneficos, adulteros, de bellis fugientes, & qui indigna sibi petunt loca tenere, aut facultates Ecclesiæ abstrahunt injuste, & qui fratres calumniantur, aut accusant, & non probant; vel qui contra innocentes principum animos ad iracundiam provocant, & omnes anathematizatos, vel pro sceleribus suis ab Ecclesia pullos, & omnes, quos ecclesiasticæ, vel sæculi leges infames pronuntiant. Hos vero non ad sacros ordines licet promoveri, nec servos ante legitimam libertatem, nec pœnitentes, nec bigamos, nec eos, qui curiæ deseruiunt, vel qui non sunt integri corpore, aut sanam non habent mentem, aut intellectum, aut inobedientes sanctorum decretis existunt, aut furiosi manifestantur. Hi omnes nec ad sacros gradus debent provehi, nec illi, nec liberti, neque suspecti, nec relictam fidem, vel dignam conversationem non habentes summos Sacerdotes possunt accusare. Hæc integra describenda censui, ut exinde emendaretur canon 17. cau. 6. qu. 1. ex eadem epistola depromptus; ut præterea observarentur clarius indigestæ Mercatoris phrasæ, sententizque. In primis enim supponit, Pontificem conquistum esse, interrogatumque de re, quam interrogans ipse jam noverat, ut suadent illa verba: & nosse te credimus. Deinde eos infames appellat, qui pro aliqua culpa notantur infamia. Sed hæc ipsa verba sunt Aniani interpretis in sententias Julii Pauli lib. 1. tit. 2. infames sunt, ait, qui propter aliquam culpam notantur infamia. Præterea nefcio, quomodo infames appellari possent a Stephano, qui Christianæ legis normam abjicerent, & statuta ecclesiastica contemnerent, quum ea xtate infame erat Christi nomen dare, & viris ecclesiasticis obedire. Videatur ad hanc rem lex 11. tit. 39. lib. 11. Codicis Theodosiani. Verba illa: *Omnes, qui adversus Patres armantur, qui in omni mundo infamia notantur*, sunt Procli Constantinopolitani in epist. ad Domnum Antiochenum actione 14. Concilii Chalcedonenfis. Catalogum illum facinorosorum homicin, incestuosorum, homicidarum, raptorum, maleficorum, adulterorum mutuatus est Isidorus ab Aniano in leg. 8. lib. 9. tit. 38. Codicis Theodosiani. Quod subditur inter infames illos haberi, qui de bellis fugiunt, videtur depromptum ex can. 3. Concilii Arelatenfis 1. ibi: *De his, qui arma projiciunt in pace* (legit ex Surio Binius: *in prælio, vel in bello*) placuit eos abstineri a communione. Servos ab ordinationibus arcendis statuit Concilium Aurelianense III. can. 25., Aurelianense V. can. 6., Toletanum IV. can. 19., Leo Magnus epist. 1. cap. 1. Gelasius epist. 9. De pœnitentibus habemus Constitutiones Concilii Nicæni can. 10., Toletani III. can. 2., Carthaginensis IV. can. 68., Epaonenfis can. 4., & aliorum complurium. Bigamos ab ordinibus avertunt Concilium II. Arelatenfe can. 26., Epaonenfe can. 2., Siricius epist. 1., & alii veteres Patres passim. Curiales quoque non esse ordinandos statuit Concilium Toletanum IV. can. 19., quemadmodum nec integros corpore, aut amentes idem Concilium Toletanum IV. can. 19., &*

Geli.

Gelasius epist. 9. Hæc porro omnia, quousque de sacris ordinationibus agimus, videntur consonare cum monumentis ecclesiasticis recentioris ætatis, ubi vero concluditur, easdem personas omnes ab accusationibus removeri, nescio an facile fuerit admittendum, ita ut etiam quoad accusandi potestatem, qui corpore minus integri sint, tanquam infames sint recensendi.

Pergit Isidorus, & post nonnulla ex epistolis Gregorii Magni depromta, ita subdit: *Vestimenta vero Ecclesiastica, quibus Domino ministratur, cultusque divinus omni cum honorificentia, & honestate a Sacerdotibus, reliquisque Ecclesiæ Ministris celebratur, & sacrata debent esse, & honesta, quibus aliis in usibus, cum Deo, ejusque servitio consecrata, & dedicata sint, nemo debet frui, quam Ecclesiasticis, & Deo dignis officiis. Quæ nec ab aliis debent contingi, aut fieri, nisi a sacratis hominibus, ne ultio, quæ Balthasar Regem percussit, super hæc transgredientes, & talia præsumentes venias divina, & corrumpere eos facias divinæ ultionis justum flagellum ad ima. Ex his supplere juvabit canonem 42. de consecr. dist. 1., in quo nonnulla desiderantur, quæ in integris epistolis hujus exemplaribus continentur. Hujusmodi autem decretum non videtur Stephano congruere, quum ejus ætate nulla sic decernendi præberetur occasio; etenim cum Sacrificia clanculum a viris Christianis celebrarentur, credibile non est, Clericos usos fuisse palam, & publice sacris vestibus, quasi secerni se a laicis exoptarent. Qui librum Pontificalis Damaso vulgo tributum composuit, facile hac in re deceptus est, qui in Stephano ita scribere non dubitavit: *Hic constituit, Sacerdotes, & Levitas vestibus sacratis in usu quotidiano non uti, & nisi in Ecclesia tantum.**

Can. 42.
de consecr.
dist. 1.

De epistola 2. ad omnes Episcopos.

Nescio, quomodo apud Mercatorem numero secunda prodierit epistola, cui hæc inscriptio inest: *Stephanus sanctæ, apostolicæ, & universalis Romanæ Ecclesiæ Episcopus omnibus per diversas Provincias constitutis Episcopis in Domino salutem*: Etenim data est eisdem Consulibus Valeriano, & Gallieno, quibus prior, & nono Aprilis, cum prior data fuerit quinto nonas Maii; quamobrem temporis ordine servato hæc ipsa illi esset anteferenda. Quid vero adversus Mercatorem opus est hujusmodi argumentis, qui dummodo voluntati suæ indulgeret, parum de reliquis sollicitus fuit? imo & in hac epistola data mense Aprilis mentionem fecit de alia epistola, quam ad Hilarium scripsit mense Maii. Minus sollicitus fuit de referenda veteri interpretatione Psalmorum, sed potius usus Hieronymiana; minus sollicitus fuit, ut abtineret a recitandis recentiorum Patrum fragmentis, Conciliorum scilicet Carthagenensium 4. sæculi, Conciliorum Romanorum sub Symmacho, Ambrosio, Procli, Leonis, Ennodii, Gregorii, & aliorum; dummodo de accusationibus Episcoporum non facile recipiendis, de juribus Metropolitaram in suffraganeos, juribus Primatum, & Patriarcharum multa differeret, ne animadvertens quidem, an Archiepiscoporum, Primatum, & Patriarcharum nomina tempore Stephani recepta in Ecclesia fuissent. In recentioribus editionibus Conciliorum epistola hæc in duodecim capita distribuitur. Loco Præfationis stant verba Leonis Magni, qualia habentur in epist. 40. in veteri editione, & subdit Stephanus se maxime affligi, quod Episcopi premerentur ab illis ipsis, a quibus *sustentari, & portari*

portari debuerant; conaturque solari Episcopos verbis ipsis Gregorii Magni in lib. 12. epist. 11. In capite 1. reprobantur accusationes Episcoporum a malevolis hominibus factæ, item spoliationes Ecclesiarum, & Episcoporum eorumdem, post quæ in capite 2. leguntur verba canonis 3. cau. 2. qu. 2., quem se ad integræ epistolæ exemplaria exegisse profitentur Romani Corretores, addere tamen iuvabit hæc in fine, quemadmodum in epistola legitur: *funditus restituant, quia hoc non solum ecclesiasticæ, sed etiam sæculi leges feri prohibent.* Quot sane incomposita monstra heic edidit deceptor? Ibi & mentio Primatum, & Synodorum regularium, & possessionum ecclesiasticarum, & iudiciorum ecclesiasticorum in causis possessionis bonorum, ac prædiorum; quæ omnia referri non possunt ad ætatem Stephani, quæ adhuc infesti Christianis, & Ecclesiis Ethnici erant infectores. Quæ vero esse poterant sæculi leges, quæ hæc in gratiam Episcoporum jampridem decreverant? Imo quæ leges ecclesiasticæ demonstrari poterunt? nisi fortasse Mercator provocet ad suas epistolas aliis Pontificibus adscriptas, in quibus similia adtexiit; aut provocet ad Concilium Romanum quintum sub Symmacho, sive ad disciplinam sexti sæculi. Provocavit quidem ad hæc constituta Mercator, quia eadem verba retulit ejusdem Synodi Romanæ.

Postquam vero in cap. 3. nonnulla tradidit de actoribus, & defensoribus Ecclesiarum, (nomina sane Stephano Papæ ignota prorsus), ita prosequitur in cap. 4. *Accusatores vero, & accusationes*, (hic est Canon 8. cau. 3. qu. 5.), *quas leges sæculi non recipiunt, & antecessores nostri prohibuerunt, & nos submovemus. Nullus enim alienigena, aut accusator eorum* (intellige Episcoporum, actorum, ac defensorum) *fiat, aut iudex. Unde & de Loth scriptum est: ingressus es ut advena, numquid ut iudices? Accusator autem vestrorum nullus sit servus, aut liberus, nullaque suspecta persona, aut infamis. Repellantur etiam: cohabitantes inimici, & omnes laici, quia infestationem blasphemie affectio amicitie incitare solet. Nec illi in vestra sunt suscipiendi accusatione, qui vos in sua nolunt recipere infamatione: Nullus anathema suscipiatur, nec a quoquam credantur, quæ ab eis vel dicuntur, vel conscribuntur. Eos quoque dico (sequitur hic caput 5.) anathematizatos esse, quos Episcopi suis scriptis anathematizaverunt, aut eorum statuta anathematizant.* Postrema hæc verba describuntur in can. 6. cau. 3. qu. 4. Non est cur diutius immorere in iis expendendis, cum frequentissime usurpatæ sint istæ phrasæ Mercatoris, cujus propemodum epistola proferri non potest, in qua similia non legantur ex recentioribus Conciliis partim, partim etiam ex legibus Theodosianis deprompta. Dicam dumtaxat, parum proficere potuisse ad rem Stephani verba illa Sodomitarum, quibus Loth alloquebantur: *Ingressus es, ut advena, &c.*, neque enim ab aliis, nisi a viris improbis, ideo reprehensus fuit Loth, alias divinitus maxime commendatus.

Post illa verba: *aut eorum statuta anathematizant*, hæc subditur ratio in eodem cap. 5. *Per scripta enim nullius accusatio suscipiatur. &c.*, quæ habentur in can. 5. cau. 2. qu. 8., quæ sane sententia excerpta videtur ex leg. 15. lib. 9. tit. 1. Codicis Theodosiani, ibi: *Accusari unumquemque per alterum non oportet, &c.* cui hæc subiacet interpretatio: *In criminalibus causis, vel objectionibus per mandatum nullus accuset, nec si per scriptum Principis, hoc potuerit impetrare, sed ipse, qui crimen intendit, præsens per se accuset, &c.*

Quæ habentur in cap. 6. jam retuli in præcedenti capite, ubi de Lucio agebatur; Lucii enim nomine referuntur a Gratiano in can. 1. dist. 80. Transeo ad caput

caput 8., in quo habentur canon 4. cau. 3. qu. 6., & canon 1. cau. 3. qu. 11. & can. 1. cau. 3. qu. 11.
 jungendi propterea, legendique hoc modo: *Ultra Provincie vero terminos accusandi licentia non progrediatur; sed omnis accusatio intra Provinciam audiat, & a Comprovincialibus terminetur, nisi ad Apostolicam Sedem fuerit appellatum. Et neganda est accusatis licentia criminandi, priusquam de crimine, quo premuntur, exuerint; quia non est credendum contra alios eorum confessioni, qui criminibus implicati sunt, nisi se prius probaverint innocentes, quoniam periculosa est, & admitti non debet rei adversus quemcumque confessio.* Verba canonis 4. cau. 3. qu. 6. quis dixerit esse Stephani Papæ, quando illis tantummodo demis: *Nisi ad Apostolicam Sedem fuerit appellatum*, integra legimus in lege 10. & 16. lib. 9. tit. 1. Codicis Theodosiani? Præterea & verba illa, quæ legimus in dicto can. 1. cau. 3. qu. 11. partim desumpta sunt ex lege 12. Codice Theodosiano lib. 9. tit. 1., partim ex interpretatione Aniani in eandem legem, dummodo pro illis verbis, qui criminibus implicati sunt, hæc substituantur ex Aniano, qui in criminibus accusantur.

Demum & in canone 8. cau. 3. qu. 4. abusus est Mercator recentioribus monumentis, quorum etiam sententias gravissimis difficultatibus intricavit. Ait enim: *Familiares vero, & sponte confessi, atque sceleribus irretiti non debent admitti, nec hi, qui hesternæ die, aut pridie, aut ante fuerunt inimici. Clericus ergo, qui Episcopum suum accusaverit, aut ei infidiator extiterit, non est recipiendus; quia infamis effectus est, & a gradu debet recedere, aut curiæ tradi serviturus. Laicis quoque, quamvis religiosi sint, nulli tamen de ecclesiasticis facultatibus aliquid respondendi legitur unquam attributa facultas. Scimus, dilectissimi, quia semper carnales spirituales solent persequi, & malevoli benevolos infamare, & lacerare. Ideoque Apostoli, & Successores eorum, ac reliqui Sancti Patres noluerunt fieri facilem Episcoporum accusationem, &c.* Integram descripsi sententiam, ut clarius exinde adpareret mens deceptoris, quam sane prorsus intelligere paucis, ut arbitror, datum est. Postulo enim ab illo, num Episcoporum accusationes aliquando recipiendas voluerit, an perpetuo improbandas? Si perpetuo improbandas cupit, cur ait minus faciles redditas Apostolorum, eorumque successorum Patrum ætate? Si vero aliquando recipiendas crediderit, quibus auctoribus accusationes erunt faciendæ? Non sane iis, qui Christiani non sunt; etenim in epistola Stephani ad Hilarium huiusmodi accusatio rejicitur, can. 17. cau. 6. qu. 1. Non Christianis laicis; hos enim in verbis nuper relatis, *quamvis religiosi sint*, removet Pseudo-Stephanus; non demum clericis, nam & hos remotos omnino, imo & infamia notatos ex eo ipso, quod accusant, eadem relata verba demonstrant. Quid ergo erit, quod in tota hac epistola contenditur? Sunt sane obscura emblemata vere digna Mercatore. Sed nonnulla etiam observare juvat in verbis illis, *Curie tradi serviturus*, quæ pœna clericis Episcopum suum accusantibus infligitur. Duplex est illius formulæ significatio; vel enim Curie addici idem sonat, ac publicis muneribus fungi in urbis, aut Reipublicæ utilitatem, quemadmodum deducitur ex leg. 39. tit. 2. lib. 16. Codicis Theodosiani, vel idem sonat, ac clericis incorrigibiles tradi ab Episcopo secularibus Magistratibus puniendos, pœnis corporalibus, quoties Ecclesia jam suo officio est functa, quo sensu hanc Curie traditionem usurpaverunt recentiores Pontifices Maximi in cap. 10. de iudiciis, cap. 7. de crimine falsi, & cap. 27. de verbor. signific. Baluzius in notis ad Petrum de Marca, ait, apud veteres, clericos reos gravissimorum criminum. Curie ideo addictos fuisse, quia cum a Magistratibus publicis capitali pœna prope essent,

essent, ut plecterentur, Episcoporum intercessione ab eadem vindicabantur, et tamen conditione, ut clerici iidem Curiz servirent, idest pœna servitutis publicæ damnarentur. Quæcumque vero generaliter placeat interpretatio, nulla sane potest Stephano Pontifici convenire. Non prior: cum enim Curiz traditio in epistola Stephani loco pœnæ habeatur, non potest eam obtinere significationem, qua intelligamus, clericos muneribus publicis addictos, præsertim quod officia publica, non Christianis, eove minus clericis facile tunc concederetur; neque in Episcoporum esse poterat potestate, ut Episcopi clericos suos, quoties libuisset, illis addicerent. Non posterior: quia etsi clerici accusassent Episcopos suos, Ethnicorum Magistratum Curia nullas infligebat pœnas, imo aliquando decernebat præmia, cum illis temporibus Curia constaret ex Ethnicis Magistratibus, quorum intererat potius Episcopos accusari. Non postrema, quia Episcoporum apud publicos Magistratus parum ea ætate valere potuisset intercessio, qua fieret, ut pœna reorum clericorum mitior fieret. Sed quid ulterius moror in expendendis figmentis deceptoris? Cura potius adhibenda est in detegendis monumentis authenticis, quibus abusus est Mercator, ut ad eadem omnia exigantur. Abusus itaque est auctor epistolæ lege Theodosianæ, quæ est numero 39. lib. 16. tit. 2. in Codice, ibi: *Quicumque clericum indignum officio suo Episcopus judicaverit, ab Ecclesiæ ministerio segregaverit, aut siquæ profectum sacræ religionis sponte dereliquerit, continuo sibi eum Curia vindicet*. Voluit Theodosius, clericos honore suo merito spoliatos, statim Curiz subjici, & quidem ita, ut Curia ipsa sibi subditum faceret, quemadmodum denotat *vindicandæ* verbum.

De ceteris Canonibus Stephano adscriptis.

Can. 4. Duo adhuc supersunt fragmenta nomine Stephani Papæ inscripta, quæ huc videntur referenda. Primus est canon 4. dist. 19., quem obscuri auctoris esse arbitror, & ejus, qui imitari voluerit auctorem epistolæ 1. ad Hilarium Stephano tributz, unde fieri deinde potuit, ut sententia ipsa Stephano tribueretur. Verba epistolæ hæc sunt: *Omnipotens Deus, in cujus manu sunt omnia . . . ipse te, tuosque & Divina, & Apostolicæ Sedis instituta illibata servare . . . concedat . . . Hæc illis partibus, quibus moraris, & in omnibus, quibus potueris, nota facito, & observare Apostolica mandato auctoritate, quia & nostri, nobisque commissi in sancta, & Apostolica, & universali Ecclesiâ omnes hæc observare nunc, & futuris temporibus profecti sunt*.

Alter est canon 1. cau. 12. qu. 2., qui non legitur quidem in epistolis Stephani, sed potius in epistola 1. Anacleto tributa, & in epistola unica Lucio adscripta. Verba Pseudoanaclei hæc sunt: *Qui abstulerit aliquid patri, vel matri, dicitque hoc peccatum non esse, homicidæ particeps est. Pater noster sine dubio Deus est, qui nos creavit; mater vero nostra Ecclesiâ, quæ nos in baptismo spiritaliter regeneravit. Ergo qui Christi pecunias, & Ecclesiæ rapit, aufert, vel fraudat, homicida est, atque homicida ante suspensum iusti Judicis esse deputabitur. Habentur hæc in can. 6. cau. 12. qu. 2. Verba Pseudolucii ita exprimuntur: *Res quoque Ecclesiarum vestrarum, & oblationes fidelium, quas significastis a quibusdam irrudentibus vobis, vobisque, & Ecclesiis vestris auferri indubitanter maximum est peccatum, testante**

stante ipsa scriptura , quæ ait : qui abstulerit aliquid patri , vel matri , & dicit hoc non esse peccatum , homicidæ particeps est . Pater ergo noster sine dubio Deus est , qui nos creavit , & mater nostra Ecclesia , quæ nos in baptismo spiritualiter generavit . Et ideo qui Christi pecunias , & Ecclesiæ aufert , fraudat , & rapit , homicidæ in conspectu Judicis esse deputabitur . Quomodo vero factum fuerit , ut hæc nomine potius Stephani scriberentur , facile est suspicari . Forte enim contigit Collectori , quod contigisse diximus ad canonem 1. dist. 80. ; scilicet canon 1. dist. 80. Lucio ascribitur , qui tamen habetur in epistola Stephani ; eadem ratione canon 1. cau. 12. qu. 2. Stephano tribuitur , cum habeatur in epistola Lucii . Causam errato dare potuit codex epistolarum veterum Pontificiarum , in quo epistola Stephani describuntur immediate post epistolam Lucii ; & Amanuensis facile errare potuit in nominibus Lucii ejusdem , & Stephani . Nisi fortasse quispiam dicere mallet , Collectorem Gratiano antiquiorem , verba hujus canonis retulisse quidem ex Lucio , vel Anacleto , sed nomen Stephani addidisse , ut indicaret nonnulla similia in epistolis Stephani reperiri , Gratianum vero nomen Stephani præ ceteris selegisse . En verba epistolæ 2. Stephani , quæ cum eodem fragmento aliquatenus congruere videntur . Audimus vos a quibusdam accusari ut vestra rapere possint , intantum ut Ecclesiæ , facultatesque vestre vastentur , ac deprædentur . Ista , charissimi , non oportet fieri , nec denuo replicari , tamen necesse est , ut quæ toties usurpantur , sæpius replicentur , & prohibeantur . Nam quidquid in sacratis Deo rebus , & Episcopis injuste agitur , pro sacrilegio reputabitur , quia sacra sunt , & violari a quoquam non debent . Verum parvi admodum referre debet , num Anacleto , num Lucio , num potius Stephano canon ille tribuatur , quando certum est unum , eundemque esse omnium hujusmodi epistolarum auctorem , quæ scilicet ex officina Mercatoris universæ prodierunt .

CAPUT XXII.

De Sixto II.

Sixti II. Papæ fragmenta .

Apocryphi
omnes .

Ex epistola 1.
ad Gratum .

- | | |
|---|---|
| { | Can. 5. cau. 2. qu. 6. referendus potius ad canones Sardicenses . |
| | Can. 15. cau. 2. qu. 6. referendus potius ad canones Chalcedonenses . |
| | Can. 5. cau. 3. qu. 6. referendus ad canones Sardicenses . |
| | Can. 10. cau. 24. qu. 1. pertinet potius ad Leonem Magnum . |

Ex epistola 2.
ad Episcopos
Hispaniæ .

- | | |
|---|---|
| { | Can. 19. cau. 2. qu. 7. consonat cum epistolis Eleutherii , & Julii . |
| | Can. 19. cau. 9. qu. 3. consonat cum aliis Mercatoris fragmentis . |

Nondum certa est Pontificum Epochæ in Sixto II. , etenim licet communiter tradant , eundem unicumtaxat anno gessisse Pontificatum , tamen alii volunt incidisse hunc in annum Christi 257. , alii in annum 260. S. Cyprianus refert martyrem Sixtum occubuisse mandato Valeriani Imperatoris , epistola 82.

T

De

De epistola 1. ad Gratum.

Isidorus Mercator duas epistolas sub Sixti II. nomine elucubravit. Prioris inscriptio hæc est: *Episcopus Sixtus Grato Coepiscopo salutem; & data fertur Kalendis Septembr. Valeriano, & Decio Viris clariss. Coss.* Falsa sane consularis nota, ex qua Viri eruditi jamdiu epistolam a Sixto abjudicaverunt. Decius enim jam obierat ab anno 254., sive, ut indicare videtur Cyprianus in epist. 5., tempore Cornelii Papæ; Valerianus autem nullum cum Decio gessit usquam consulatum; siquidem consul primo fuit cum Valerio Maximo anno 256., secundo cum Gallieno anno 257., tertio cum eodem Gallieno anno 258. Sunt etiam in hac epistola characteres Mercatoris, quem nemo cum difficultate fecerit. Præterquamquod enim eadem ibidem recitantur, quæ Mercatori materiem epistolarum omnium suppeditant, præsertim de causis Episcoporum, earumque ratione tractandis, habentur fragmenta complura ex recentiorum Patrum libris exhausta, Ithacii, Leonis, Gregorii Magni, quod Pseudo-Isidoro fuit valde familiare.

Et quidem exordium epistolæ depromptum est ex epistola olim 31. Leonis Magni, cujus verbis utens Sixtus gratulatur cum Coepiscopo Grato, quod Catholicam fidem valde diligere, & pravorum hominum detestaretur errorem; postquam vero aliqua adversus hæreses generaliter dixerit, ita subdit: *Memor enim sum me sub illius nomine Ecclesiæ præsidere, cujus a Domino Nostro Jesu Christo est glorificata confessio, & cujus fides nullum unquam fallit, sed omnes quidem hæreses destruit.* Intelligo autem mihi aliter non licere, quam ut omnes conatus meos ei causæ, in qua universalis Ecclesiæ salus infestatur, impendam. Hæc retulit Gratianus in can. 10. cau. 24. qu. 1., ubi tamen nonnulla ex iis, quæ retuli, sunt emendanda. Abusus est heic Mercator iterum verbis Leonis Magni ita scribentis in epist. olim 32.: *Memor enim sum me sub illius nomine Ecclesiæ præsidere, cujus a Domino Jesu Christo est glorificata confessio, & cujus fides omnes quidem hæreses destruit, sed maxime impietatem præsentis erroris expugnat, & intelligo mihi aliud non licere, quam ut omnes conatus meos ei causæ, in qua universalis Ecclesiæ salus infestatur, impendam.*

Post Leonis Magni fragmenta, perhibetur Sixtus plura producere in medium ad demonstrandum, divinam esse Filii Dei, eandemque cum Patre naturam, quæ sane non alii Pontifici Maximo convenire possunt, nisi illi, qui Arianorum hæresim jam subortam supponat, agnitamque oppugnet; neutiquam vero Sixto II. Hæc erant, de quibus fingeatur Sixtus a Grato interrogatus. Sed præcipuus Mercatoris scopus erat rejicere accusationes Episcoporum, quemadmodum in omnibus suis epistolis conatus est. Hinc subdit: *Audivimus, quod quidam erronei, & consentientes eis te, & reliquos infestent Episcopos, & Episcopos aliquos comprovinciales ad vestram infamiam, atque damnationem secum trahant.* Quapropter in hac Sancta Sede dudum a multis Episcopis constitutum erat, & modo ad vestrum, & ceterorum fratrum auxilium est denuo roboratum, ut omnes Episcopi, &c., quæ legimus in can. 5. cau. 2. qu. 6. At vero quodnam fuit Concilium hocce a multis Episcopis apud Sanctam Sedem celebratum, ut nonnulla de Episcoporum causis, & accusationibus decernerentur? Illud potius fuit Concilium Sardiense, in quo similia quædam constituta fuerunt

Can. 5.
cau. 2.
qu. 6.

fuerunt can. 7., cujusque nomen reticendum erat Isidoro Mercatori, ne Sixtum II. recentiorum faceret Concilio Sardicensi; aut, si fides est eidem Mercatori, illud fuit Concilium Nicænum, nam in epistola 2., quam Julio Papæ adscripsit, hæc tanquam Nicæni Concilii decreta refert in cap. 2. *Ut omnes Episcopi, qui in quibusdam gravioribus pulsantur, vel criminantur causis, quoties necesse fuerit, libera- Apostolicam appellent Sedem, atque ad eam, quasi ad matrem, confugiant.* Hæc eadem omnino sunt cum canone 5. cau. 2. qu. 6., quæque Isidorus Mercator Julii personam exhibens ex Nicæno Concilio laudare non dubitabat; referens autem personam Sixti II., quia Nicænum Concilium commemorare non audebat, generatim quasi statutum plurimum Episcoporum descripsit.

Clarius vero Mercator indicat se referre Concilii Sardicensis constitutiones in iis, quæ sequuntur, referunturque apud Gratianum in can. 5. cau. 3. qu. 6. Verba Sardicensis canonis retuli integra ad canonem 7. cau. 6. qu. 4. & canonem 36. cau. 2. qu. 6., cum quibus memoratum Gratiani fragmentum plurimum congruere videtur, nullaque propterea ratione Sixto II. tribui poterat, cui nota esse nequeverunt Conciliorum posterioris ætatis decreta.

Pergit Isidorus: *Et si quis putaverit se a proprio Metropolitano gravari, apud Primatem Diæceseos, aut penes universalis Apostolicæ Ecclesiæ Papam judicetur.* Verba sunt etiam a Gratiano relata in can. 15. cau. 2. qu. 6. nomine Sixti, & in canone 7. cau. 2. qu. 6. nomine Victoris in epistola ad Theophilum Alexandrinum. Utrobique Pseudo-Isidorum agnoscimus, qui modo Victoris, modo Sixti personam exhibere conatur. Ceterum quicumque ad authentica monumenta exigere, hæc ipsa voluerit, potius referet ad canonem 9., & 17. Concilii Chalcedonensis: In canone 9. hoc legimus: *Si autem cum ipsis Provinciæ Metropolitano Episcopus, vel Clericus habet querelam, petas Primatem Diæceseos, aut Sedem Regiæ Urbis Constantinopolitanæ, & apud ipsum judicetur.* Et can. 17. *Si quis a Metropolitano leditur, apud Primatem Diæceseos, aut apud Constantinopolitanam Sedem judicetur, sicut superius dictum est.* De istorum canonum Chalcedonensium auctoritate nihil est, quod heic adjiciam, cum suo loco fusius discussa res fuerit. Tantum dixerim, Isidorum Mercatorem in suis epistolis Romanæ Sedi tribuisse, quod Constantinopolitanæ ex græcis veteribus nonnulli quandoque tribuerunt.

De epistola 2. ad Episcopos Hispaniæ.

Dilectissimis fratribus per Hispaniarum Provincias constitutis Sixtus Episcopus in Domino salutem. Ita inscribitur epistola posterior, quæ data fertur 17. Kalendas Augusti Valeriano, & Decio Viris, Clariss. Coss. Hæc sane epistola, cum eodem præferat consules, dataque sit mense Septembri, debuisset, servato temporis ordine, alteri ad Gratum scriptæ anteferri, cum epistola ad Gratum data adpareat Kalendis Septembris. Sed hæc sunt Mercatoris insignis deceptoris notæ, qui & eos consules designavit, qui Sixto II. minime congruunt, ut jam ad priorem epistolam demonstrabam. Adparent præterea in hac eadem epistola eadem ipsæ sententiæ, quas Prædecessoribus Sixti frequenter adtribuit Pseudo-Isidorus, sententiæ præterea intertextæ recentiorum Patrum, Siricii, Leonis, Prosperi, Gregorii, Concilii Aurelianensis 5., & Romani 5. sub Symmacho, quibus addendus Anianus legum

Theodosianarum interpretes. Ipsummet epistolæ hujus initium depromptum ex epistola olim 54. Leonis Magni, quo proficitur *multiplicata esse totius Ecclesiæ Catholicæ gaudia*, conveniebat quidem Leoni Ecclesiastica pace jamdiu fruente, non decebat tamen Sixtum inter medias Ethnicorum vexationes excruciatum. Post quamplurima ex Gregorio Magno deprompta, aliisque recentioribus Patribus, devenitur ad accusationes, & judicia Episcoporum, atque inter cetera ita subjicitur: *Fr-*

Can. 19. *tres vero, quos timore terreno injuste damnastis, scitote a nobis jussu esse restitutos, qui-*
 cau. 9. *bus ex Sancti Petri, & Apostolica auctoritate omnia, quæ eis ablata sunt, integerrime*
 54. 3. *reddi præcipimus, si non vultis vos, & Principes vestri a Collegio nostro, & membris Ecclesiæ separari. Justo enim judicio Dei datur plerumque peccatoribus potestas, qua-*
Sanctos ipsius persequantur, ut qui spiritu Dei juvantur, & aguntur, fiant per laborum exercitiis clariores. Priora verba usque ad versiculum Justo enim relata sunt in ca-
none 19. cau. 9. qu. 3., ubi tamen quosnam Principum nomine intellexerit auctor epistolæ, difficillimum esset divinare. Versiculus autem Justo enim totus est Prof-
peri in sententiis num. 23. apud Augustinum in Psalmum 118. Generaliter vero hæc consonant cum pluribus aliis Mercatoris epistolis, inter cetera cum canone 3.
4. 5. & 6. cau. 2. qu. 2. Stephano, Eusebio, Julio, & Zephirino tributis.

Can. 19. Post pauca etiam legitur can. 19. cau. 2. qu. 7. cujus verba repetit Isidorus in epistola
 cau. 2. Eleutherii, integra etiam usque ad finem epistolæ in altera epistola Julio Papæ ad
 qu. 7. scripta ad Orientales Episcopos missa cap. 35.

CAPUT XXIII.

De Dionysio.

Duo tantummodo canones Dionysii nomine apud Gratianum habentur.

Apocryphi.

Ex epistola	{	Can. 23. cau. 2. qu. 7. consonat etiam cum ceteris Mercatoris epistolis.
ad Severum.		Can. 1. cau. 13. qu. 1. consonat cum Concilio Turonensi 1., & Leone Magno.

Dionysium Papam Pontificatum gessisse ab anno 258. usque ad annum 270. nonnulli tradunt, alii vero ab anno 261. usque ad annum 272. Et quidem ipsius nomine duæ habentur epistolæ, prima ad Urbanum Præfectum 4. Nonas Februarii Aureliano, & Basso Consulibus, qui consulatus incidit in annum 272., posterior ad Severum Episcopum 5. idus Septembris Claudio, & Paterno Consulibus, idest anno 270. qui consulatus si attendi deberent, locum mutare deberent epistolæ, ut posterior in vicem prioris in collectionibus decretalium juxta ordinem temporum efformatis subsisteretur. De epistola ad Urbanum Præfectum nihil est, quod verba faciam, quod Gratianus nulla exinde fragmenta defumserit. In altera paullisper immorabor, cui titulus: *Dionysius Episcopus Severo Episcopo salutem. Quem indicare voluerit sub Severi nomine Mercator, non satis liquet. Tantum liquet eum fuisse.*
 Episcopum

Episcopum Provincie Cordubensis ex hisce verbis: *De Ecclesiis ergo Parochianis, unde Apostolicam Sedem consulere voluisti, qualiter sint custodiende per Cordubensem Provinciam, ac dividendæ Sacerdotibus, nihil tuæ charitati melius nobis videtur intimare, quam ut sequaris, quod nos in Romana Ecclesia nuper egisse cognoscitur.* Duo hic occurrunt menda, quibus Mercatorem una agnoscamus, atque arguamus; in primis divisio Parochiarum ab Ecclesiis Cathedralibus Dionysii temporibus minime congruit, cum certum sit apud Viros eruditissimos prioribus, tribus saltem, Ecclesiis sæculis nullas alias fuisse Ecclesias, nisi Cathedralis. Deinde distinctio Provincie Cordubensis recentiora videtur tempora demonstrare, uti visum Garziz Loaisa in notis in decretum Gundemari §. 2. Præter hæc suos exhibet characteres in hac ipsa epistola Pseudo-Isidorus, qui ut plurimum sententiis utitur recentiorum Patrum. Leonis, & Gregorii, Anianum etiam frequentissime adducit Legum Theodosianarum interpretem, eorumque omnium sententias inordinate congestas ad suam rem traducere, aliquando etiam depravare conatur. Animadvertitur etiam in hac epistola compilatas quodammodo esse sententias Mercatoris, quas in ceteris epistolis suis sparsim effudit, de Episcoporum accusationibus, de infamibus, & similibus. Argumentum hujus rei perspicuum suppeditat vel unus canon 23. cau. 2. qu. 7., cujus verba non tam in hac epistola leguntur, quam apud Pium epist. 1., Hyginum epist. 2., Julium epist. 2. cap. 15., Stephanum epist. 1., & alios complures.

Can. 23.
cau. 2.
qu. 7.

Quod singulare in hac epistola contineri videtur, habemus in can. 1. cau. 13. qu. 1., ibi enim ordo describitur, juxta quem plebium, sive parochiarum fierent divisiones, quod sane Dionysii ætate non congruere nuper observabam. Quod Mercator in hac epistola tribuit Dionysio, ut Dionysius fuerit, qui Romæ Parochias distribuerit, Auctor Pontificalis tribuit potius Evaristo. Utrobique falso, cum recentior longe fuerit plebium sacra distributio, atque institutio Parochiarum. Non inficias autem iverim, nonnulla ex his, quæ in dicto fragmento describuntur, consonare cum authenticis recentiorum Patrum, & quidem optimis monumentis. Sic ubi Dionysius adstruit, neminem posse terminos alterius Parochie invadere, consonat id cum canone 9. Concilii Turonensis 1., & ubi statuitur, unumquemque suis terminis debere esse contentum, commode referri potest ad Leonem Magnum epist. 89. in vetere editione.

Can. 1.
cau. 13.
qu. 1.

CAPUT XXIV.

De Felice.

Capita Felicis Papæ nomine a Gratiano relata.

Apocryphi omnes.	{	Can. 5. cau. 2. qu. 1. est potius Aniani, & Concilii 4. Carthaginensis.
Ex Epist. 1.		
ad Paternum.		

Can. 11. cau. 3. qu. 6. referendus ad canonem 5. cau. 2. qu. 1.

Ex

Ex Epist. 2.
ad Episcopos
Galliz.

- Can. 8. cau. 3. qu. 2. consonat cum aliis Mercatoris sententiis.
Can. 11. cau. 3. qu. 9. referendus ad Paulli sententias.
Can. 18. cau. 3. qu. 9. referendus ad Paulli sententias.
Can. 3. cau. 3. qu. 10. nonnihil consonat cum can. 7. Concilii 3. Carthaginensis.
Can. 3. cau. 4. qu. 6. idem est cum can. 3. cau. 3. qu. 10.

Felices tempora designant alii ab anno 270. usque ad 275.; alii vero ab anno 272. usque ad eundem annum 275., quo illum martyrem occubuisse ferunt. Adversus errores Paulli Samosateni, & Sabellii epistolam scripsisse testantur Cyrillus Alexandrinus in Apologia, & Patres Concilii Chalcedonenfis in Aëione 1. Sed apud Isidorum Mercatorem, ceterosque recentiores canonum, sacrorumve monumentorum Collectores germanæ illius epistolæ nulla ratio habita est, sed potius illi fictitias epistolas aut ediderunt, aut retulerunt. Porro Pseudo-Isidorus tres Felices nomine epistolas edidit. Postrema, quæ scripta est ad Benignum Episcopum, huc non pertinet, cum apud Gratianum illius nulla mentio facta fuerit. De prioribus tantum sermo erit instituendus.

De Epistola 1. ad Paternum.

Charissimo, atque dilectissimo Paterno Coepiscopo Felix Episcopus in Domino salutem. Ita se habet inscriptio prioris epistolæ, quæ data est *Nonis Junii Claudio, & Aureliano viris clariss. Consulibus.* Hæc ipsa consularis nota apocrypham esse designat epistolam, cum consulatus Claudii juxta Baronium incidit in annum 270., & tum Claudius non cum Aureliano, sed potius cum Ovinio Paterno consulatum gesserit: imo etiam si eos sequi velimus, qui initia Pontificatus Felicis auspicantur ab anno 270., parum tamen valeret ejus anni designatio; etenim qui anno 270. Felicem electum Pontificem asserunt, ejusdem electionem referunt ad mensem Decembrem, proptereaque frustra assereretur, jam Nonis Junii Felicem decretales epistolas edidisse. Non opus est pluribus, ubi nulla desunt argumenta ad agnoscendam Mercatoris manum; siquidem & hic ea omnia repetita cernuntur, quæ solet in epistolis suis Mercator congerere, pertinentia ad accusationes Episcoporum, & judicia ecclesiastica, imo etiam usurpantur sententiæ recentiorum Scriptorum, Leonis, Prospéri, Gregorii, Concilii 4. Carthaginensis, & Aniani interpretis Legum Theodosianarum, quibus addere juvat sententias sacrarum literarum ex recentiori interpretatione relatas. Exordium hujus epistolæ illud ipsum est, quo utitur Leo Magnus in epistola 31. in veteri editione, & quo usus est idem Mercator in epistola ad Gratianum Sixto II. tributa. Deinde refertur proluxa sententia Gregorii Magni deprompta ex epist. 36. lib. 4., post quæ habentur verba canonis 10. cau. 3. qu. 4., canonis 11. cau. 2. qu. 7., quæ sunt Pseudo-Zephirini, & canonis 17. cau. 3. qu. 6., qui apud Gratianum Pseudo-Sixto tribuitur, & apud Ivonem Pseudo-Eleutherio. Hinc subditur: *Primates quoque accusatum discutientes Episcopum non ante sententiam proferrant damnationis, quam Apostolica freti auctoritate, aut reum se ipse constetatur, aut per innocentes, & canonicè examinatos testes convincatur. Aliter irritam esse censemus, & injustam Episcoporum damnationem, & idcirco a Synodo retrahendam, ita ut oppressis*

ab

Can. 5.
cau. 2.
qu. 1. &
Can. 11.
cau. 3.
qu. 6.

ad omnibus in cunctis subveniatur causis. Descripfit hæc Gracianus in can. 5. cau. 2. qu. 1., & ex eo nonnulla repetit in can. 11. cau. 3. qu. 6., ubi tamen omiffa illa fuerant: *Apostolica fressi auctoritate*, quæ Romani Corredtores adjecerunt. Ibi Mercator imitari voluit Anianum in leg. 1. lib. 9. tit. 40. codicis Theodosiani ita scribentem: *Judex criminofum discutiens non ante sententiam proferas capitalem, quam aut reum se ipse confiteatur, aut conviftus, vel per testes, vel per confcios criminis fui, aut homicidium, aut adulterium, aut maleficium commiffisse manifestius convincatur.* Quæ fequuntur, videntur deprompta ex cap. 28. Concilii 4. Carthaginenfis ibi: *Irriſam eſſe injuſtam Epifcoporum damnationem, & idcirco a Synodo retrahendam.* Non ulterius progredior, ad integram epistolam exhibendam ex variis hinc illinc subreptis fragmentis compoſitam; etenim quæ huc uſque tradita ſunt, ſufficiunt omnino ad oftendendum, quænam debeat haberi ratio memoratorum canonum Graciani.

De epistola 2. ad Episcopos Galliarum.

Quis non mirabitur monſtra Iſidori, in designandis temporibus epistolarum ſuarum? Succederat in Pontificatu Dionyſio Felix: Mercator vero epistolam Dionyſii ad Severum datam voluit 5. *Idus Septembris* Claudio, & Paterno conſulibus, epistolam autem ſecundam Felicis ad univerſos Episcopos per Galliarum provinciam conſtitutos ſcripſit datam ſub eorundem Claudii, & Paterni conſulatu, & *quinto Idus Auguſti*, propterea antequam Dionyſius Felicis Prædeceſſor literas miſerit decretales. Vel primo intuitu adparet, hanc poſteriore Felicis epistolam apocrypham eſſe. Præter quam quod enim designatus Claudii, & Paterni conſulatus incidat in annum 270., quo demum & menſe Decembri in Pontificem inauguratus eſt Felix, dignoſcuntur omnes notæ Mercatoris non ſolum eadem in ſingulis epistolis elato ore pronunciantis, imo & eiſdem perpetuo formulis utentis, verum etiam uſurpantis phraſes recentiorum ſcriptorum, Leonis, Gregorii, Chryſologi, Concilii Carthaginenſis 3., Romani 3. ſub Symmacho, & codicis Theodoſiani junctis interpretationibus Aniani. Epistolæ præſatio deſumpta eſt partim ex Petro Chryſologo in epistola ad Euthychetem, quæ habetur inter acta Concilii Chalcedonenſis. Deinde Felix reſert a ſe Romæ convocatum Concilium Episcoporum numero plarium, quam ſeptuaginta, in quo de Episcoporum accuſationibus ageretur, definireturque, quænam regulæ in judiciis Eccleſiaſticis eſſent ſervandæ. Inter cetera in hoc Concilio ſtabilita, legimus illa, quæ reſeruntur in can. 8. cau. 3. qu. 2., dummodo notas Romanorum Corredtorum attenderimus, qui fragmentum ad integros epistolæ codices exegerunt. Sane facile eſt in iſtis ſententiis agnoſcere Mercatorem, qui eadem propemodum tradit in epistola Stephani, Euſebii, & Zephirini, ut alios omittam, in can. 3. 4. & 6. cau. 2. qu. 2. Complura autem ex iſtis deprompta videntur tum ex codice Theodoſiano leg. 19. tit. 1. lib. 9., tum ex Concilio Romano 3. ſub Symmacho. In diſta l. 19. cod. Theod. hæc habentur: *Accuſationis ordinem jamdudum legibus inſtitutum ſervari jubemus: ut quicumque in diſcrimen capitis arceſſitur, non ſtatim reus, qui accuſari potuit, aſſimetur, ne ſubjeſtam innocentiam faciamus &c.* Et in diſto Concilio Romano: *Auſtoritatem ordinis corrigendi, ſicut poſcebant Eccleſiaſtica ſtatuta, in omnium, qui ibidem*

Can. 8.
cau. 3.
qu. 2.

conuenerant, Episcoporum presentia se dare professus est (Symmachus), sperans, ut visitator, qui contra religionem, contra statuta veterum, vel contra regulas maiorum, a parte Cleri, vel ab aliquibus laicis fuerat postulatus, ex ordinatione Antistitis, si- cut decebat sanctum propitium, prima fronte cederet, & omnia, quæ per suggestiones inimicorum suorum amiserat, potestati ejus legaliter ab honorabili Concilio redintegrarentur, & tanti loci Præsul regulariter prius statui pristino redderetur, & tunc non ante veniret ad causam, & si ita recte videretur, accusantium propositionibus responderet.

- Can. 1. Post ea leguntur verba canonis 1. cau. 5. qu. 3., quæ apud Gratianum nomi-
 can. 3. ne Romanæ Synodi ab Hadriano celebratæ laudantur, ibidemque de persona accu-
 qu. 10. satorum nonnulla quæruntur, decerniturque: Quod si accusatorum persone in judi-
 Can. 3. cio Episcoporum culpabiles adparuerint, ad arguendum non admittantur, nisi proprias
 cau. 4. causas asserere (non tamen criminales) vel Ecclesiasticas voluerint. Huc referendi
 qu. 6. erunt canon 3. cau. 3. qu. 10., & canon 3. cau. 4. qu. 6., utrobique enim eadem omnino
 legimus. Isidorus Mercator abusus hic esse videtur canone 7. Concilii Carthaginen-
 sis 3., sive canone 1. cau. 4. qu. 6., de quo tamen jam suo loco differuimus.
- Can. 11. Sequuntur verba canonis 11. cau. 3. qu. 9., & canonis 18. cau. 3. qu. 9.,
 & 18. quæ tamen melius, ac verius laudata fuissent ex libris sententiarum Pauli. De-
 cau. 3. scribam hic tum fragmentum epistolæ Mercatoris, tum ipsamet Pauli verba, ut
 qu. 9. clarius exinde liqueat, quo studio usus Mercator fuerit in hisce epistolis confar-
 cinandis.

Fragmentum Mercatoris.

Absente vero adversario non audiat
 accusator, nec sententia absente parte,
 alia a iudice dicta ullam obtinebit firmi-
 tatem: Neque absens per alium accusa-
 ri, aut accusare potest, nec affinis testis
 admittatur.

Verba Pauli.

In sententiis lib. 5. tit. 5.
*In causa capitali absens nemo damnatur,
 neque absens per alium accusare potest.*
 Et tit. 16.
*Neque accusator per alium accusare, ne-
 que reus per alium defendi potest.*

Sic se se habent monumenta Pseudo-Isidori, quæ tamen ipse refert, quasi in
 Synodò plurimum Episcoporum Romæ constituta.

Demum non omittere possum, quod fingitur in postrema hujus epistolæ parte,
 ubi statutum legimus, super memorias martyrum missas celebrandas esse, ea ra-
 tione, quod nonnulli Ecclesiarum perturbatores memorias martyrum execrarentur.
 Ego sane, cum aliorum testimonia desint, soli Pseudo-Isidoro parum fidendum
 existimo: Etenim peto ab auctore illius epistolæ num Christiani, num potius Eth-
 nici memorias martyrum execrarentur? Non sane Christiani, quos tunc martyrum
 egregia exempla ad inuictam in fide constantiam excitabant. Quod si de Ethnicis
 tantum id erit intelligendum, non video, qua ratione provideri æquo consilio po-
 terat martyrum honori, decernendo, Missas super martyrum cadaveribus celebra-
 ri, quum Ethnici æque & martyres ipsos, & Sacrosanctæ Eucharistiæ mysteria,
 sicut Religionem ipsam Christianam, detestabantur.

CAPUT XXV.

De Eutychno.

Sequentes canones Eutychno tribuuntur.

Apocryphi
omaes.

Ex epist. 2.

- Can. 18. cau. 2. q. 6. consonat cum aliis Mercatoris sententiis.*
Can. 3. cau. 2. qu. 8. supplendus, atque emendandus ex integris epistolæ exemplaribus.
Can. 11. cau. 3. qu. 4. consonat cum aliis Mercatoris sententiis.

Adjiciuntur.

- Can. 9. cau. 11. qu. 3. pertinet potius ad librum aliquem penitentialem.*
Can. 3. cau. 20. qu. 2. pertinet ad Concilium Parisiense 6.
Can. 17. cau. 22. qu. 1. est potius Theodulphi Aurelianensis.
Can. 31. cau. 23. qu. 8. est potius Concilii Ravennatensis.
Can. 2. cau. 28. qu. 1. est potius Theodori Cantuariensis.
Can. 3. cau. 28. qu. 1. est potius Theodori Cantuariensis.
Can. 7. cau. 35. qu. 6. est potius Reginonis Prumiensis.

IN locum Felicis substitutus fuit Eutychnus anno 275., vixitque usque ad annum 283. Ipsi ab Isidoro dux adscriptæ epistolæ fuerunt; Prior data Aureliano, & Marcellino Consulibus scripta est ad Johannem, & omnes Episcopos Batiæ: Sed de hac nihil est, quod in præsentia dicam, cum nulla sint apud Gratianum ex ea deprompta fragmenta.

De epistola 2.

Altera ita inscribitur: *Dilectissimis fratribus universis Episcopis per Siciliam constitutis Eutychnus*. Data autem est 13. Kal. Octobris Caro secundo, & Carino Consulibus, incidit propterea in annum 283., qui est Eutychni postremus. Notæ Mercatoris in hac epistola adparent, idest illius, qui nihil antiquius habuit, quam de accusationibus Episcoporum, Ecclesiasticisque judiciis constitutiones edere, & inter res suas fragmenta recentiorum Patrum, sacrarumque literarum interponere. Re vera initio epistolæ refertur integrum caput 1. epistolæ Pauli ad Ephesios, imo & nonnulla ex capite 2., ubi tamen aliquando etiam Hieronymi interpretationem sequitur auctor, qualis sane esse non poterat Eutychnus. Deinde ad iudiciorum Ecclesiasticorum formam stabiliendam devenitur his verbis: *Statuimus non ita in Ecclesiasticis agendum esse negotiis, sicut in secularibus. Nam in secularibus legibus, postquam vocatus quis venerit, & in foro decernere cæperit, non licet ei ante peractam causam recedere; in Ecclesiasticis vero, dicta causa, recedere licet, si necesse fuerit, aut si se prægravari viderit*. Retulit hæc Gratianus in can. 18. cau. 2. qu. 6. Sed ibidem facile Mercatoris manum agnoscimus, qui eadem omnino verba repetit in cap. 16. epistolæ

Can. 18.
can. 2.
qu. 6.

ad orientales, quam idem Felici II. adscriptur. Sed ille hisce in locis abusus videtur verbis Leonis Magni in epistola olim 54. esse scribentis *aliam verum secularium, aliam divinarum rationem*. Forte etiam abusus est canone 17. Concilii Chalcedonenfis, seu can. 1. cau. 16. qu. 3., ubi statutum scimus eos, qui sentiunt se a Metropolitano judicante gravari, posse ad superiores confugere. Num vero confugiendum sit ante finitum judicium, an finis iudicii sit potius expectandus, nulla in Ecclesiasticis monumentis certa argumenta habemus; neque a civilibus legibus desectendum in hac parte arbitraretur, ne Ecclesiasticorum iudicum ordinariorum iurisdictioni evacuetur. Et quidem hæc statui potuissent, ubi Ecclesiastica iudicia vigere cœperunt; At Eutyichiani ætati nemo non videt, nulla ratione congruere.

Prosequitur Eutyichianus: *Accusationis vero ordinem talem & dicimus, & servari jubemus, idest: Siquis Clericorum in crimine impetitur, non statim reus existimetur, qui accusari potuit, ne suspectam innocentiam faciamus: sed quisquis ille est, qui crimen intendit, in iudicium veniat, nomen rei indicet, vinculum inscriptionis arripas, custodiat similitudinem, habita tamen dignitatis æstimatione potiatur. Nec forte sibi noverit licentiam mentiendi, cum calumniantes ad vindictam poscat similitudo supplicii. Hæretici enim omnes, & suspecti, & excommunicati, homicidæ quoque, atque malefici, fures, sacrilegi, raptores, venefici, adulteri, & qui raptum fecerint, vel falsum testimonium dixerint, seu qui ad fortilegos, magosque concurrerint, nullatenus ad accusationem sunt admittendi. Ex his & supplendus, & emendandus est canon 3. cau. 2. qu. 8. cujus priora verba Mercator exceperit videtur ex lege ultima lib. 9. tit. 1. codicis Theodosiani, ubi ita legimus: *Accusationis ordinem jamdudum legibus institutum servari jubemus: ut quicumque in discrimen capitis arcessitur, non statim reus, qui accusari potuit, æstimeretur, ne suspectam innocentiam faciamus: Sed quisquis ille est, qui crimen intendit, in iudicium veniat, nomen rei indicet, vinculum inscriptionis accipiat, custodiat similitudinem, habita tamen dignitatis æstimatione, potiatur, nec impuniam fore noverit licentiam mentiendi, cum calumniantes ad vindictam poscat similitudo supplicii*. Quod vero de rejiciendis ab accusatione nonnullis gravissimorum criminum reis subjicitur, familiaria exhibet Mercatoris effata, qualia repetuntur in epist. 3. Eusebii, in epist. 1. Felicii II., & alibi passim.*

Subsequuntur statim verba canonis 11. cau. 3. qu. 4., quæ non Eutyichiani, sed Mercatoris esse, vel ex eo demonstratur, quod in epistola Felicii II. tributa eadem omnino legantur. Ceterum temporibus Eutyichiani nequitiam congruunt; neque enim inter acres Ethnicorum vexationes poterat Romanus Pontifex decernere, qui admittendi ad accusationes Christianorum, qui ab eisdem essent rejiciendi; neque ipse poterat indicare, quinam inter infames haberentur, quum tunc vel ipsi Christiani velut infames censebantur. Potius huc referri posset, quod scripsit Anianus in lib. 1. sententiarum Pauli tit. 2. ibi: *Infames ad agendas causas nec mandatum dare, nec suscipere ab altero posse*.

Nonnulla adhuc in epistola supersunt, quæ deprompta dignoscuntur ab Aniano in leg. 1. tit. 7. lib. 10. codicis Theodosiani, consonantque cum epist. 1. Anacleti, cum epist. 1. Felicii II., cum epist. 1. Eleutherii, cum epist. 2. Fabiani, cum epist. 1. Eusebii, & similibus, quæ omnia ad Mercatorem pertinere jampluries demonstratum est, & nemo hodie ignorat.

De ceteris canonibus Eutychno tributis .

Non est, cur de uno Gratiano conqueramur in fragmentis illis, quæ ipse attribuit Eutychno Papæ; ipse enim Burchardi fidem secutus esse videtur; Burchardus vero primus fuit, qui, nescio qua ratione, pluribus in locis falsas auctorum inscriptiones adiecit, nisi dicere velimus, illum ex aliis antiquioribus monumentis fuisse deceptum. Hujus rei argumentum in primis habemus in canone, 91. cau. 11. qu. 3. Nemo sane arbitrabitur, illum quoquomodo ad Eutychnum Pontificem referri posse. Ipsa mentio Abbatis, & Monachorum jam Sacerdotio insignitorum tempora denotat longe recentiora: Neque enim ante Benedicti Abbatis ætatem Abbatis nomen usurpari in occidente potuit; aut unquam ante nonum, vel etiam decimum Ecclesiæ sæculum Sacerdotio functos fuisse Monachos legimus. Primus tamen Burchardus in cap. 105. lib. 19. idem fragmentum nomine Eutychni referre non dubitavit, hac adjecta inscriptione: *Ex decret. Eutychni Papæ.* Verum ego non dubito, quin hoc fragmentum ad aliquod Pœnitentiale decimi, aut undecimi sæculi sit exigendum, quod clarius statim constabit, si integrum caput hic describatur, quale legimus apud Burchardum his verbis: *Si quis deserit, aut exceperit communionem de manu hæretici, & nescit, quod Catholica Ecclesia contradicit, postea intelligens, annum integrum pœniteat. Si autem scit, & neglexerit, & postea pœnitentiam egerit, decem annos pœniteat. Alii judicant septem, & humanius quinque annos pœniteat. Siquis permiserit hæreticum missam suam celebrare in Ecclesia Catholica, & nescit, 40. dies pœniteat. Si pro reverentia ejus, annum integrum pœniteat. Si pro damnatione Ecclesiæ Catholiæ, & consuetudine Romanorum, projiciatur ab Ecclesia, sicut hæreticus, nisi habeat pœnitentiam. Si habuerit, decem annos pœniteat. Si recesserit ab Ecclesia Catholica in congregationem hæreticorum, & alios persuaserit, postea pœnitentiam egerit, duodecim annos pœniteat. Quatuor annos extra Ecclesiam, & sex inter auditores, & duo adhuc extra communionem. De his in canone dicitur, ut decimo anno communionem sine oblatione recipiant. Si Episcopus, (en verba Gratiani), aut Abbas jubet Monacho suo pro hæreticis mortuis Missas cantare, non licet, & non expedit obedire eis; Si Presbytero contigerit, ubi Missam cantaverit, & alius recitaverit nomina mortuorum, & simul nominaverit hæreticos cum catholicis, si post Missam intellexerit, hebdomadam pœniteat; si frequenter fecerit, annum integrum pœniteat. Siquis autem pro morte hæretici Missam ordinaverit, & pro religione sua ejus reliquias ibi tenuerit, & nescit differentiam catholiæ fidei, & postea intellexerit, pœnitentiamque egerit, reliquias ibi debet igne concremare, & annum pœniteat. Si autem scit, & neglexerit, pœnitentia commotus, decem annos pœniteat. Si quis a fide catholica discesserit sine ulla necessitate, & postea ex toto animo pœnitentiam acceperit, tres annos extra Ecclesiam, idest inter audientes juxta Nicænum Concilium, septem annos in Ecclesia inter pœnites, & duos annos adhuc extra communionem pœniteat. Integrum referre volui Burchardi fragmentum, ut clarius exinde adpareret stilum heic exhiberi Pœnitentialis libri, nulla autem ratione tribui posse Eutychno Papæ, eo vel magis, quia facta Concilii Nicæni mentio dubitationem omnem, siqua adhuc superesset, penitus tolleret. Imo ego suspicor, forte illum esse librum Pœnitentiale-n ipsum a Burchardo editum ad disciplinam suæ Diocæses stabiendam; in quo sane mirum esse non debet, si Eutychni Papæ nomen laudaretur, quum es-*

Can. 91.
con. 11.
qu. 3.

neant, scientes hoc grande scelus esse, & in lege, & prophetis, siue evangelio prohibitum. Audivimus enim quosdam parvipendere hoc scelus, & levem quodammodo perjuris penitentiam modum imponere. Qui nosse debent, talem de perjurio, qualem & de adulterio, de fornicatione, de homicidio, & de ceteris criminalibus vitiis penitentiam imponendam. Siquis vero perpetrato perjurio, aut quolibet criminali peccato, timens penitentiam longam ærumnam, ad confessionem venire noluerit, ab Ecclesia repellendus est, siue a communione, & consortio fœdium, ut nullus cum eo comedat, neque bibat, neque oret, neque in suam cum domum recipiat.

Nescio quo fato contigerit, Eutychiano etiam tribui canonem 31. cau. 23. qu. 8. Con. 31.
cau. 23.
qu. 8. Primus sane, qui huic Pontifici fragmentum adscripsit, fuit Burchardus, quem de more suo secuti sunt Ivo, & Gratianus: Sed tempus est, auctorem germanum illius canonis exhibendi. Referendus ille erit ad Concilium Ravennatense 130. Episcoporum habitum sub Johanne VIII. anno 877. Porro ibidem can. 7. hæc legimus: Siquis homicidium, membrorum truncationem, domorum incendia fecerit, aut fieri jusserit, aut facienti consenserit, quousque de his legaliter, vel amicaliter coram Episcopo civitatis, aliisque civibus non emendaverit, ab Ecclesia privatum se esse agnoscat. Si ergo post secundam, & tertiam conventionem, cuncta, in quibus arguitur, non emendaverit, tanquam Ethnicus, & Publicanus ab omni Christianorum collegio separetur. Quicumque verba hæc cum Gratiani fragmento contulerit, minime dubitabit amplius, quin Gratiani canonem memorato Concilio adscribat, postquam præsertim etiam perperenderit, quæ ibidem definita legimus, Eutychiani Papæ temporibus nullatenus convenire.

Ex decretis etiam Eutychiani Papæ Burchardus in lib. 9. cap. 59. & 60. retulit verba canonis 2. & 3. cau. 28. qu. 1., unde profluxit erratum Gratiani. Pertinent potius ad Penitentiale libri Theodori Cantuariensis; quamobrem aibitor me opportunius de hisce fragmentis acturum, ubi de Theodoro Cantuariensi sermonem instituiam. Con. 2.
& 3.
cau. 28.
qu. 1.

Demum Burchardus est, qui in capite 91. & sequentibus libri 1. quamplurima tribuit Eutychiano, ab Eutychiani temporibus profus aliena, & nono, aut decimo Ecclesiæ sæculo convenientia. Inter illa legitur canon 7. cau. 35. qu. 6. apud Gratianum. Canonis hujus auctorem ego demonstrabo Reginonem Prumiensem. Duos ille libros de disciplinis Ecclesiasticis ediderat ad usum Ecclesiæ Trevirensis; & quamquam ut plurimum variorum canonum collectio appellari possint, tamen initio cujuscunque libri nonnulla proposuit Regino e penu sua; & quidem initio libri prioris plures tradidit regulas, quibus uterentur Clerici, & Episcopi; initio autem libri posterioris, ubi de laicis agendum sibi præcipue proposuerat, aliqua tradidit ad regimen Episcopale erga laicos; inter quæ hæc leguntur: Episcopus in Synodo residens post congruam allocutionem septem ex plebe ipsius parrachie, vel eo amplius, aut minus, prout viderit expedire, maturiores, honestiores, atque veraciores viros in medio debet evocare, & allatis sanctorum pignerebus unumquemque illorum tali sacramento constringat. Et in capite sequenti: Sacramentum Synodale. Amodo in antea quicquid nesci, vel audisti, aut postmodum inquisiturus es, quod contra Dei voluntatem, & rellam christianitatem in ista parrachia factum est, aut in futurum erit, si in diebus tuis e veneris, tantum ut ad tuam cognitionem quocumque modo perveniat, si scis, aut tibi indicatum fuerit, Synodalem causam esse, & ad ministerium Episcopi pertinere, quod nec propter amorem, nec propter timorem, nec propter præmium, nec propter paren-

Con. 7.
cau. 35.
qu. 6.

ET 2
CA. 113

parentelam, ullatenus celare debeas Episcopo de Treveris, aut ejus Misso, cui hoc inquirere jufferit, quodcumque te ex hoc interrogaverit. Sic te Deus adjuvet, & istæ sanctorum reliquiæ. Reliqui ita jurent: *Istud Sacramentum, quod iste juravis de synodali causa, quod tu illud observabis in quantum sapis, aut audisti, aut ab hac die in antea inquisiturus es. Sic te Deus adjuvet.* Hæc itaque formula erat a Reginone propoliæ, qua Episcopi laicos interrogarent de illis, quæ ad rectam Dioceseos administrationem pertinere videbantur. Ut autem pluribus ea formula placuit, atque ad varios Ecclesiarum codices transducta est, placuit quoque Burchardo, qui, ut majorem eidem vim tribueret, nomine Eutychiani illam inscribere non dubitavit.

CAPUT XXVI.

De Cajo.

Cajo hi tribuuntur canones apud Gratianum.

Apocryphi
omnes.
Ex epistola
unica.

- | | |
|---|--|
| { | <i>Can. 1. dist. 77. a Caji temporibus alienus.</i> |
| | <i>Can. 1. cau. 2. qu. 3. pertinet potius ad leges Theodosianas.</i> |
| | <i>Can. 25. cau. 2. qu. 7. non convenit temporibus Caji.</i> |
| | <i>Can. 1. cau. 3. qu. 1. consonat cum ceteris Mercatoris epistolis.</i> |
| | <i>Can. 5. cau. 3. qu. 2. jungendus cum can. 1. cau. 3. qu. 1.</i> |
| | <i>Can. 1. cau. 11. qu. 1. referendus potius ad leges Theodosianas.</i> |

Sub Diocletiano, & Maximiano martyrium passus est Cajus, quem alii Gajum vocant, anno 296., cum jam ab anno 283. Pontifex inauguratus fuisset. Hujus nomine habemus epistolam ita inscriptam: *Dilectissimo fratri Felici Episcopo Cajus*; & data fertur Kal. Martii Diocletiano VI., & Constantio II. Consulibus, seu anno 296. Caji postremo. Sed quis in eadem non agnosceret Mercatorem? Usurpatæ recentiorum Patrum sententiæ, repetita fragmenta, quæ passim a Mercatore ipso in epistolis suis describuntur ad accusationes Episcoporum pertinentia, & ad judicia Ecclesiastica, Pseudo-Isidorum facile detegunt. Persequar epistolam ipsam, unaque Gratiani fragmenta expendam.

Can. 25. Præfationis instar sunt proluxa verba Vigillii Papæ in epist. 1. ad Euthereum, **cau. 2.** quocum gratulatur in extremis mundi partibus Christianam fidem nitefcere, quem **34. 7.** etiam docet, quæ Romana tenet Ecclesia. Expectaret quispiam symbolum fidei: Sed non erat hæc cura Mercatoris: Ait enim: *Primo quidem scias, Paganos, & Hæreticos non posse Christianos accusare, aut vocem eis infamationis inferre.* Verba sunt hæc a Gratiano relata, imo & corrupta in can. 25. cau. 2. qu. 7. atque his eisdem loquendi formulis sæpissime usus est Pseudo-Isidorus. Num vero Ethnicos Paganorum nomine designare potuisset Cajus, non satis apud viros eximios probatum est; asserunt enim viri docti pro Ethnico Paganum primo usurpatum. fuisse ab Optato Milevitano in lib. 3. contra Parmenianum, & ab Augustino in lib. 2. retractationum cap. 43. Porro non primum Paganorum nomen in usu esse cæpit, quam ubi Imperatores Christianam fidem amplexi sunt, Ethnicaque super-

perstitutione dejecta Ethnicos potius odisse cœperunt; quos ejecerunt ab urbibus in pagos & villas, propierea ab incolendis pagis paganos nominatos.

Prosequitur Ilidorus, & ait: Deinde nemo unquam Episcopum apud Judices seculares, aut alios Clericos accusare præsumat. Referuntur eadem in can. 1. cau. 11. qu. 1. Quis sibi persuadeat Diocletiano Ecclesiam vexante eo progressum fuisse Romanum Episcopum, ut universos Agricoltas Ecclesiarum abs jurisdictione Magistratum publicorum legibus satis eximeret? Franciscus Florens in erudito Commentario ad hanc Gratiani quæstionem incredibile esse ait, tantum sibi vindicasse Cajum, & vix sub Christianis Imperatoribus eximi Episcopos cœpisse, quemadmodum constat ex lege 12. lib. 16. tit. 2. codicis Theodosiani lata anno 355. *Manusuetudinis nostræ, ajunt Imperatores, lege prohibemus in judiciis Episcopos accusari, ad quæ Anianus: Specialiter prohibetur, nequis audeat apud Judices publicos Episcopum accusare, sed in Episcoporum audientiam præferre non differat &c.*

Sequuntur hic tria Gratiani fragmenta, videlicet canon 1. cau. 2. qu. 3., canon 1. cau. 3. qu. 1., & canon 5. cau. 3. qu. 2. ita jungendi. *Et si quis Episcopus, Presbyter, aut Diaconus, vel quilibet Clerici apud Episcopos (quia alibi non oportet) a qualibet persona, quæ rite recipienda est, fuerint accusati, quicumque fuerit, siue ille sit sublimis vir honoris, siue ullius alterius dignitatis, qui hoc genus illaudabilis intentionis arripuerit, noverit probationis documenta se debere inferre. Siquis ergo circa hujusmodi personas (hic est canon 1. cau. 2. qu. 3.) non probanda detulerit, auctoritate hujus sanctionis intelligat, se jacturam infamie sustinere, ut damno pudoris estimationis dispendio discat sibi alienæ verecundie impune insidiari saltem de cetero non licere.* Hæc fere eadem deprompta sunt ex lege 41. lib. 16. tit. 2. codice Theodosiano ibi: *Clericos nonnisi apud Episcopos accusari convenit. Igitur si Episcopus, vel Presbyter, Diaconus, & quicumque inferioris loci Christianæ legis minister apud Episcopum, (siquidem alibi non oportet) a qualibet persona fuerint accusati, siue ille sublimis vir honoris, siue ullius alterius dignitatis, qui hoc genus laudabilis intentionis arripit, noverit docenda probationibus, monstranda documentis se debere inferre. Siquis ergo circa hujusmodi personas non probanda detulerit, auctoritate hujus sanctionis intelligat, se jacturæ famæ propriæ subiacere, ut damno pudoris, estimationis dispendio discat sibi alienæ verecundie impune insidiari saltem de cetero non licere.* Ceterum hæc nulla ratione Cajo congruere poterant, cum auctoritate sua infames declarare nequisset eos, qui ad Ethnicos publicos Magistratus causas judicarias deduxissent. Nam qualiter ad Concilium veniatur (pergit Mercator, verbaque sunt canonis 1. cau. 3. qu. 1.) aut qualiter de suis rebus expoliati, vel ejæti a sedibus propriis, aut qui accusatores sint recipiendi, quive non sint: aut qualiter ejæti, & expoliati sint omnia legibus redintegranda, quæ eis ablata sunt, & quia priusquam hoc factum fuerit, nullum crimen eis obijci poterit: & qualiter illis induciæ (hic notandus est canon 5. cau. 3. qu. 2.) post integram instaurationem anniversarie, vel sex mensium indulgentiæ sint: & qualiter sua omnia licenter, & pacifice absque ullius gravi impedimento disponere, & suorum amicorum, & Ecclesiasticorum Patrum consiliis uti debeant, sufficienter ab Apostolis, eorumque successoribus, ac nostris prædecessoribus statutum esse putamus. Quousque Mercator disciplinam, quam heic tradit, tribuit prædecessoribus Caji Pontificibus, facile percipio, quos indicare voluerit, eos scilicet, quibus plurimas epistolas adscripsit, quas jam recensuimus; verum si apostolica singuntur præcepta, quibus idipsum constitutum adpareat, de novo puden-

Can. 1.
cau. 11.
qu. 1.

Can. 2.
cau. 2.
qu. 1.
Can. 1.
cau. 3.
qu. 1.
Can. 5.
cau. 3.
qu. 2.

dendoque mendacio Mercatorem arguimus, cum nullibi constet de hac disciplina in apostolicis monumentis.

Fingit ulterius Pseudo-Isidorus, Cajum interrogatum fuisse de verbo incarnationis, & veritatis, cui interrogationi ut respondeat, plurima tradit ex Leone Magno de prompta epistola olim 97., & demonstrat Filium Dei Christum ita in forma hominis verum hominem esse, quemadmodum Deus in forma Dei, & Patri prorsus æqualis; clarius autem exprimit unam in Christo esse personam, duplicemque naturam, quæ sane nemini convenire possunt, nisi illi, qui post profligatas hæreses non solum Arii, sed & Nestorii, atque Eutychetis vixerit, qualis erat Leo Magnus, ad quem verba hujus epistolæ pertinent.

Can. 1. Tandem in fine epistolæ ita concluditur: De Episcoporum vero, & Presbyterorum, dist. 77. Diaconorumque, & sequentium Clericorum ordinationibus, sanctos Apostolos, & Successores eorum, & præcipue Anacleum, & præterea alios sufficienter statuisse cognoscimus; & idcirco non est necesse nunc replicari, nisi quod illi non statuerunt. Illud tamen nos statuentes vobis, & omnibus servare mandamus, ut ad Ordines Ecclesiasticos sic ascendant in Ecclesia, qui ordinari merentur: idest, si quis Episcopus esse meretur, sit primo Ostiarius, deinde Lector, postea Exorcista, inde sacretur Acolythus, demum vero Subdiaconus, deinde Diaconus, postea Presbyter, & exinde, si mereatur, Episcopus ordinetur. Ea verba canonis 1. dist. 77. quæ heic de Episcoporum ordinationibus statuta dicuntur a prædecessoribus Caji, præsertim ab Anacleto, pertinent ad epistolæ Mercatoris, specialiter ad epistolam 2. Anacleti, ex qua habemus apud Gratianum canonem 2. dist. 64. can. 1. dist. 67. can. 2. dist. 66. & can. 2. dist. 21. Num vero ea graduum distinctio, quam Cajus subjicit, jam temporibus Caji in Ecclesia existeret, an potius recentiorē disciplinam demonstret, sollicita opus non habet discussione. Ego tantummodo dixerim, non alibi de illa constare apud veteres, quam in Concilio Romano 3., ex iis, quæ falso tributa fuerunt Sylvestro Papæ: uno verbo; nihil aliud ad hanc rem produci vetustum potest, quam monumenta Mercatoris. Si germana ad hanc rem velimus adferre, progredi oportebit ad tempora Siricii Papæ, cujus verba habemus apud eundem Gratianum in can. 3. dist. 77.



CAPUT XXVII.

De Marcellino.

Epistolam 2. Marcellini ad Orientales memorat Gratianus in sequentibus capitibus.

Apocryphi
omnes.

- { Can. 3. cau. 2. qu. 7. idem est cum can. 3. cau. 11. qu. 1.
Can. 3. cau. 11. qu. 1. emendandus ex integris epistolæ exemplaribus.
Can. 7. cau. 11. qu. 1. ex integris epistolæ exemplaribus emendandus.
Can. 8. cau. 25. qu. 1. referendus ad Concilium Nicanum, & Rom. VI.
sub Symmacho.

PRæfuit Romanæ Ecclesiæ Marcellinus ab anno 296. usque ad 304. quo martyrii honore claruit, & siquæ aliquando fuit, maculam omnem eluit, quam contraxisse nonnulli asseruerunt, licet plures, & quidem eruditissimi, contrarium omnino senserint, inter quos Baronius ad annum 302. num. 96. & sequ. Apud Collectores Pontificiarum epistolarum dux proferuntur Marcellini nomine epistolæ. Prior ad Salomonem Episcopum scripta data fertur Diocletiano 6., & Constantio 2. Consulibus, seu anno 296. De hac non est cur sermonem instituamus, sed potius de posteriore data Consulibus Diocletiano 7., & Maximiano 6., sive anno 299.; ex hac enim una fragmenta aliquot habemus apud Gratianum. Illi hæc inest inscriptio: *Dilectissimis fratribus universis Episcopis per Orientales Provincias constitutis Marcellinus Episcopus*. Non est admodum difficile hujus auctorem Mercatorum agnoscere, quum & hic adpareant vividi ejusdem characteres. In primis enim recentiorum Patrum fragmenta ibidem congeruntur, præsertim Hormisdæ Pontificis epist. 65., Concilii Nicæni, & Romani 6. sub Symmacho; referuntur sacrarum literarum testimonia ex recentioribus interpretationibus, nihil aliud passim obtruditur, quam sententiæ Mercatori familiares de accusationibus Episcoporum, & judiciis ecclesiasticis, & quales propemodum habentur in epist. 1. Pseudo-Clementis, in epistola 1. Pseudo-Anacleti, in epist. 1. Pseudo-Alexandri, in epist. 2. Pseudo-Victoris, & alibi passim. Præterea in epistola fingitur, Orientalem Ecclesiam jamdiu ab Occidentali fuisse schimate concitato discissam, ac nuper alteram alteri reconciliatam, quod an verum sit, nemo asserere potest; quævetum schismatis, tum reconciliationis occasio, vel causa esse potuerit, vel eruditissimos latet. Demum inordinata sententiarum congeries, & farrago nullum, alium auctorem epistolæ denotat, quam imperitum hominem, non Pontificem. Maximum, publicæque leges in Ecclesia propONENTEM. Ut enim exemplum adferam, quid esse potest hæc verbis incoherens? *Detractiones tamen, & accusationes, atque persecutiones inter Christianos oppido vitandæ sunt, quia licet pauci simus in comparatione aliorum, si tamen unanimes fuerimus, facilius adversariis resistemus: Sanctus enim Protomartyr Stephanus lapidabatur, sed Jesus suscipiebat plagas; ideo unicuique providendum est, ne aliquem injuste judicet, aut puniat, ne Jesum judicet,*

dicet, aut puniat. Et Dominus in Evangelio ait: Nolite judicare, ut non judicemini &c.

Ad hanc epistolam pertinet in primis canon 7. cau. 11. qu. 1., ita enim in epistola legimus: *Quaecumque ergo conventiones inter Christianos ortæ fuerint, ad Ecclesiam deferantur, & ab ecclesiasticis viris terminentur. Quæ apud Gratianum sequuntur, recentiore manu in collectionibus canonum adjecta fuerunt, quod jam Romani Correctores animadverterunt. Ego vero non video, quomodo hæc Mercatoris sententia convenire possit cum alio hujus epistolæ fragmento superius descripto, quo omne judiciorum genus in Ecclesia divinitus vetitum prædicatur. Arbitror tamen, Mercatorem hoc in loco imitari voluisse Patres Carthaginenses in Concilio vulgo 3. cau. 9., quem expendi suo loco, ubi de can. 43. cau. 11. qu. 1.*

Post ea epistolæ verba, hæc alia subsequuntur: *Major autem non potest a minore judicari. Nec Episcopi Pontifici, a quo consecrari probantur, præjudicium ullum inferre possunt. Quod si præsumptum fuisse cognoscitur, viribus carere non dubium est, nec posse inter ecclesiastica ullo modo statui censeri. Clericus vero cujuslibet ordinis absque Pontificis sui permisso nullum præsumat ad seculare judicium intrare, nec laico quemlibet clericum liceat accusare. Huc pertinet canon 3. cau. 11. qu. 1., cujus postrema verba eadem etiam referuntur in cau. 3. cau. 2. qu. 7. Sane Gratianus hujusmodi verba turpiter admodum corrumpit, atque ubi Mercator nihil aliud contendit, quam neminem a clericis accusari posse, atque in judicium conveniri, nisi clericis facultatem Episcopi fecerint, Gratianus ita reddidit, ut nemo clericum versa vice convenire possit, nisi obtenta ab Episcopo facultate: & quidem sententia illa, quæ Marcellino tribuitur, vel ipsis Marcellini temporibus quodammodo congruere, posse videtur: quia scilicet clerici Episcoporum auctoritate in officio continerentur, ne forte passim ad publicos, & Ethnicos Magistratus confluerent, aliquando etiam ex vitiligandi libidine, neve exinde Ethnicis Magistratibus novæ præberentur occasiones clericos, & viros ecclesiasticos omnes insequendi. Revera hujusmodi constitutio edita est in Concilio Agathensi, cujus canonem etiam Gratianus corrumpit, quemadmodum suo loco tradidimus ad canonem 17. cau. 11. qu. 1. Quod vero subditur, a laicis clericos accusari non posse, id pura, putaque est Mercatoris traditio, & phrasis, quam repetit in Concilio Romano Sylvestri, in epist. 1. Pseudo-Clementis, & alibi.*

Verba canonis 8. cau. 25. qu. 1. leguntur prope finem epistolæ, ibi: *Omnis enim, quod irreprehensibile est, Catholica defendit Ecclesia* (hæc eadem verba habentur in Concilio Nicæno can. 9., quemadmodum apud Gratianum legimus in can. 4. dist. 81.) *Non licet ergo Imperatori* (hæc omittit Gratianus, sunt autem a Mercatore deprompta ex Concilio Romano 6. sub Symmacho) *vel cuiquam pietatem custodienti aliquid contra mandata divina præsumere: nec quidquam, quod evangelicis, prophetisque, & apostolicis regulis oberat, agere: Injustum enim judicium* (rursus heic prosequitur Gratianus), *& finis in iusta Regis metu, vel iussu ordinata non valeat: nec quicquam, quod contra evangelicæ, vel propheticæ, aut apostolicæ doctrinæ constitutionem, successorumve eorum, sive Sanctorum Patrum alium fuerit, statit, & quod ab infidelibus, aut hæreticis factum fuerit, omnino cassabitur.*

De Marcello.

Marcello Papæ tribuuntur.

Apocryphi omnes:		
Ex Epistola 1.	<div> <div>Can. 6. cau. 2. qu. 6.</div> <div>Can. 15. cau. 24. qu. 1.</div> </div>	<div> <div>Simul jungendi, & ex integris epistolæ</div> <div>exemplaribus emendandi.</div> </div>
Ex Epistola 2.	<div> <div>Can. 1. dist. 17. emendandus ex integris Epistolæ exemplaribus.</div> <div>Can. 16. dist. 96. consonat cum editio Valentini, & Valentis.</div> <div>Can. 5. cau. 3. qu. 9. consonat cum aliis Pseudo-Isidori fragmentis.</div> </div>	
Adjicitur	<div> <div>Can. 10. cau. 20. qu. 1. consonat cum germanis veterum Patrum</div> <div>fragmentis.</div> </div>	

Sunt nonnulli etiam ex veteribus, qui Marcellum cum Marcellino omnino confuderunt, ac Marcellino immediate Eusebium successisse scripserunt, fortasse ex nominum similitudine errantes. Contra tamen nomina, & numerum Pontificum recensuerunt Optatus Milevitanus lib. 2. contra Parmenianum, Augustinus epist. 165., alique, qui annos Marcelli numerant ab anno 304. usque ad annum 309. Marcellum a Marcellino distinxit Isidorus Mercator, qui & Marcello duas epistolas tribuit.

De Epistola 1.

Prior ex illis hoc titulo exprimitur: *Dilectissimis Fratribus universis Episcopis per Antiochenam Provinciam constitutis Marcellus*, dataque fertur kalendis Aprilis Maxentio, & Maximo viris clarissimis Consulibus, idest anno 309., si fides martyrologiorum auctoribus, Bedæ, & Anastasio, duos, & amplius menses post mortem ejusdem Marcelli, qui martyr occubuisse fertur sub Maxentio anno 309. 17. Kal. Februarii. Sunt isti perspicui Mercatoris characteres, qui de temporibus recte designandis vix aliquando sollicitus fuit. Non tamen his opus erat indiciiis, ut deceptorum detegeremus: etenim si hæc epistola cum ceteris Pseudo-Isidorianis conferatur, abunde liquebit eundem ubique stylum esse, easdem passim sententias ubique describi. Imo & heic referuntur fragmenta recentiorum Scriptorum, videlicet Acacii Constantinopolitani ad Simplicium, & Hilari ad Ascanium, Innocentii epist. 2. cap. 3., Leonis epist. 84. & 87., Vigili epist. 2., aliorumque, item nonnulla sacrarum literarum testimonia recitantur ex recentioribus interpretationibus.

Duo sunt apud Gratianum fragmenta ex hac epistola excerpta, videlicet canon 6. cau. 2. qu. 6., & canon 15. cau. 24. qu. 1., quæ ita legenda erunt ex integris ejusdem

Or. cau. 15. cau. 24. q. 1. e)usdem epistolæ exemplaribus. Rogamus ergo vos, fratres, ut non aliud doceatis, neque sentiatís, quam quod a B. Petro Apostolo, & a reliquis Apostolis, & Patribus accepistis; ipse enim est Caput totius Ecclesiæ, cui ait Dominus (hic est canon. 15. cau. 24. qu. 1.) Tu es Petrus, & super hanc petram ædificabo Ecclesiam meam, & reliqua. Hujus enim sedes primitus apud vos fuit, quæ postea, jubente Domino, Romam translata est, cui, adminiculante gratia divina, hodierna præsidemus die. Nec ab ejus dispositione vos deviare oportet, ad quam cuncta majora ecclesiastica negotia, divina disponente gratia, jussa sunt referri, ut ab ea regulariter disponantur, a qua sumere principia. Si vero vestra Antiochena, quæ olim prima erat, Romanæ cesserit Sedi, nulla est, quæ ejus non subiecta sit ditioni, ad quam omnes, quasi ad Caput, juxta Apostolorum, eorumque Successorum sanctiones, Episcopi, qui voluerint, vel quibus necesse fuerit suffugere, eamque appellare debent, (hæc sunt, quæ Gratianus paullo aliter descripsit in can. 6. cau. 2. qu. 6.) ut inde accipiant tuitionem, & liberationem, unde acceperunt informationem, atque consecrationem. Quod omnibus minime convenit denegare Episcopis, sed absque ulla custodia, aut excommunicatione, vel damnatione, vel expoliatione libere ire concedatur. Sic emendandi, exigendique erunt Gratiani canones, ubi plane dignoscimus sententias hæc parum convenire Marcello; cum enī ipse in discrimen adduceretur vitæ ex Ethnicorum vexationibus, quibus angebatur, minime poterat Antiochenis, ceterisque Episcopis ad Romanum Episcopum confugientibus incolunitatem polliceri, ac tuitionem.

De Epistola 2.

Oberat, ut diximus, Marcellus sub Consulatu Maxentii, & Maximi 17. Kalendas Februarii. Sed 16. Kalendas ejusdem mensis eisdem etiam Consulibus Maxentio, & Maximo epistolam dedisse dicitur, quæ apud Iliodorum Mercatorem posterior est, atque ita inscribitur: *Marcellus Episcopus Sanctæ, & Apostolicæ, & Catholicæ urbis Romæ Maxentio*. Sunt hæc rursus Mercatoris monumenta, qui mortuos Pontifices Maximos scribentes inducit, effingitque sub Imperatoribus, & Magistratibus Ethnicis, paucis tantum Romæ degentibus clam Christianis, iisque vexatis, Romam *Sanctam, & Catholicam Urbem* appellari. Sed quod magis temeritatem arguit Mercatoris, ad illius personam attinet, ad quem scripta fertur epistola, Maxentium scilicet. Is sane idem est, qui tum insequabatur Christianos, cujusque gladium Marcellus ipse perpeffus fuit, quod vel ipsa epistolæ verba demonstrant, ibi: *Charitas si in te habitaret, temperares animum a malis, sevirer desineres, Dei Ecclesiam, ac Sanctos ejus persequi cessares, tyrannidi modum imponeres, furorem cohiberes, humanitati inuigilares, modestiam amplectereris, & bonis potioribus frui satageres*. Et infra: *Tu ergo, qui nos suades cultum dimittere divinum, & a recta fide recedere, disique immolare, melius tibi foret, ut tu prius mutabilem te præberes Boni enim Principis, ac Regis est Ecclesias contritas, atque scissas restaurare, novas ædificare, & Dei Sacerdotes honorare, atque tueri*. Quis autem verosimile arbitretur, Marcellum ita ad hunc Maxentium scribere, ut eum edocere conetur disciplinam ecclesiasticam, quid scilicet in judiciis ecclesiasticis peragendum sit, quid in Conciliis, quid de induciis concedendis? Demum sese prodit Mercator in referendis fragmentis recentiorum Patrum, Leonis, & Gregorii; item in recitandis sacrarum literarum testimoniis ex Hieronymi interpretatione.

Ex

Ex hac epistola depromptus est canon 1. dist. 17., in cuius verbis non tantum reprehendendus est Isidorus, quam Gratianus ipse. Isidorus ita scripsit, ut facultatem concederet Maxentio Ethnico, & Fidelium infecutori celebrandi quorundam Episcoporum Concilia, ibi: *Quamquam quosdam Episcopos positis congregare*. Gratianus hæc ita retulit, quasi nulla penes Episcopos esset iurisdictio in Synodorum celebratione. Imo, ut his fidem adderet, huic fragmento hanc inscriptionem apposuerat: *Unde Marcellus Papa scribit Maxentio Episcopo, quasi Episcopis accommodandum Gratianus voluerit, quod ad hostem Fidei scripsisse Marcellum Mercator perhibuit*. Romani Correctores mendum gravissimum agnoverunt, non tamen adeo perspicue, ut decebat, rem explicarunt. Contenti enim fuerunt, dum ita notarent: *Maxentio: Antea legebatur Maxentio Episcopo: in tomis autem Conciliorum in epistola inscriptione est: ad Maxentium tyrannum. Sed in principio epistolæ est: Marcellus Maxentio, quæ lectio visa est retinenda*. Ita hodierna lectio Maxentii exhibet nomen, quin tamen appetere dignoscatur, quisnam sit ille Maxentius, num Episcopus, num tyrannus Fidelium infecutor. Jam vero quis ille fuerit, superius prodidi ex ipsismet huius epistolæ verbis nuper laudatis, ex quo magis magisque arguitur imperitia Mercatoris, etiam ubi dicitur Episcopos libellis appellationis uti a sententia Maxentii ad Sedem Apostolicam, quasi Maxentius Ethnicus pateretur sententias suas per Ecclesiasticos Antistites dijudicari, aut reformari.

In eadem epistola exhibetur Marcellus arguens Maxentium, quod Episcopus insequeretur, ejusque verba sunt in can. 16. dist. 96., ubi præceptum Apostolicum quoddam memoratur, quod sane omnibus huc usque ignotum est, neque ex alia penu prodire potest, quam ex ingenio Mercatoris. Potius autem erit editum, quoddam Valentiniani, & Valentis, quod refertur in lib. 7. cap. 9. historię tripartitę, quo cautum est, non debere fieri persecutiones, nec inferri fluctuationes, nec invadere laborantibus in agro dominico, neque expellere æterni Regis dispensatores.

Canon 5. cau. 3. qu. 9. eisdem verbis legitur in hac epistola, eademque continet, quæ jam decreta cernuntur in aliis Mercatoris epistolis, videlicet epist. 2. Pseudo-Felices, epist. 2. Pseudo-Stephani, & epist. 2. Pseudo-Julii.

De Canone 10. cau. 20. qu. 1.

Canon 10. cau. 20. qu. 1. nullo modo pertinere potest ad Marcellum Pontificem, cum mentio fiat monasteriorum, necnon puerorum monasteriis oblatorum, quod fane recentiore exhibet disciplinam. Ego sane nonnihil simile inveni in cau. 1. Concilii Toletani 2. de puerulis, qui a teneris annis parentum voluntate divinis ministeriis inter clericos addicuntur, sive in can. 1. dist. 28., non dubito tamen, quin hæc eadem simili ratione produci ab aliquo potuerint ad monachos, atque ita producta palam fieri sub ementito nomine, quale est nomen Marcelli Papæ apud Gratianum, & Collectores Gratiano vetustiores. Possent etiam hæc referri ad Concilium Aurelianense 5. anni 549., in quo ita definitum scimus can. 19. *Quicumque etiam puellæ seu propria voluntate monasterium expetunt, seu a parentibus offeruntur, annum in ipsa, qua intraverint, veste permanent; in his vero monasteriis, ubi non perpetuo tenentur inclusæ, triennium in ea, qua intraverint, veste permanent, & postmodum secundum statuta monasterii ipsius, in quo elegerint permanere, vestimenta religionis*

gionis accipiant, quæ si deinceps sacra relinquentes loca, propositum sanctorum seculi ambitione transcenderint, vel illæ, quæ in domibus propriis tam puellæ, quam viduæ, commutatis vestibus convertuntur, cum his, quibus conjugio copulantur, Ecclesiæ communionem priventur. Possent præterea referri ad canonem 18. S. Basilii ad Amphilochoium ita scribentis: Professiones autem ab eo tempore iudicamus, quo ætas rationis complementum habuerit. Non enim pueriles voces omnino in his esse ratas existimare oportet, sed eam, quæ supra sexdecim, vel septemdecim annos nata fuerit, rationisque compos, & diu examinata, probataque perseveraverit, & ut admittatur, precibus contendat, tum oportet in sacrarum Virginum catalogum referri, ejusque confessionem comprobare, & illius rejectionem inexorabiliter punire. Multas enim parentes, & fratres offerunt, & quidam eorum, qui eas cognatione attingunt, ante ætatem, non ex se ipsis ad calibatum incitatas, sed seculare quidpiam sibi met procurantes, quas non facile admittere oportet, donec aperte propriam suam sententiam perscrutari fuerimus. Atque hæc jurisprudentia probata generaliter fuit in legibus Longobardorum cap. 6. tit. 1. lib. 3., & in Capitulari Caroli Magni anni 805. cap. 14., quod modo legimus in cap. 109. lib. 1. Capitularium ibi: ut infantulæ ætatis puellæ non velentur antequam illæ eligere sciant, quid velint, & pulsentur, salva canonica auctoritate.

CAPUT XXIX.

De Eusebio.

Eusebio Papæ tribuuntur apud Gratianum sequentes canones.

Apocryphomnes. Ex epist. 1.	{	Can. 5. cau. 2. qu. 7.	} simul jungendi, & Eusebii temporibus minime convenientes.
		Can. 5. cau. 3. qu. 5.	
		Can. 4. cau. 5. qu. 5.	
		Can. 19. cau. 6. qu. 1. idem est cum can. 5. cau. 3. qu. 5.	
		Can. 20. cau. 6. qu. 1. est Gratiani.	
Ex epist. 2.	{	Can. 4. cau. 2. qu. 2.	} simul jungendi, supplendique ex integris epistolæ exemplaribus, ac referendi ad Concilium Romanum 5. sub Symmacho.
		Can. 13. cau. 2. qu. 7.	
		Can. 4. cau. 3. qu. 1.	
		Can. 6. cau. 3. qu. 2.	
		Can. 10. cau. 12. qu. 2.	
Ex epist. 3.	{	Can. 9. cau. 3. qu. 5. consonat cum aliis Mercatoris fragmentis, & legibus Theodosianis.	
		Can. 11. cau. 24. qu. 1. est potius Hormidæ Pontificis.	
		Can. 19. de cons. dist. 3. non congruit Eusebii temporibus.	
		Can. 4. de cons. dist. 5. ad integram epistolæ sententiam exigendus.	

Adjiciuntur.

- Can. 27. cau. 27. qu. 2. spectat potius ad Capitularia Francorum, vel ad Theodorum Cantuariensem.
 Can. 46. de conf. dist. 1. pertinet ad epilagum Romanæ Synodi sub Sylvestro.
 Can. 17. de consecr. dist. 5. pertinet potius ad Capitularia Francorum.

Quidquid auctor libri Pontificalis asserat, hoste eruditus viris persuasissimum est, Eusebii Pontificatum non diutius perdurasse, quam a mense Februarii anni 309. ad mensem Septembris anni 311. Mercator tres epistolas Eusebio tribuit, de quibus sigillatim sermo est instituendus.

De epistola 1.

Ita inscribitur prior Eusebii epistola: *Charissimis fratribus Domino Deo dilectis Episcopis omnibus per Gallicanas provincias constitutis Eusebius*; & data fertur 6. kal. Augusti Constantino Conf., quamvis Constantinus nullum Consulatam Eusebii tempore gesserit. Porro quicumque hanc epistolam cum aliis conferat, quas edidit Isidorus Mercator, omnes omnino invicem congruere deprehendet, siue ex unitate styli, siue ex similitudine sententiarum, ut nulla existere dubitatio possit, quin universæ eidem auctori tribuantur. Quid enim aliud ibi decantatur, quam accusationes Episcoporum improbandas esse, laicos non admittendos ad Clericorum accusationes, infames omnes abs iudiciis arcendos, & alia his similia Mercatoris effata, quæ passim in epistolis omnibus ad nauseam usque pronuntiantur? Non desunt præterea in hac epistola sententiæ aliquot depromtæ ex recentioribus Patribus, Gregorio, Proclo, & Leone Magno, quibus addere possumus Aniani interpretationes; nec non interpretationem Hieronymi in referendis sacrarum literarum testimoniis.

Quotquot apud Gratianum habentur canones ex hac epistola depromti, ad initium epistolæ pertinent; etenim post præfationem, in qua Gregorium Magnum lib. 2. epist. 36. indict. 10. imitatus est auctor, hæc ita leguntur: *De accusationibus vero Clericorum* (hic est canon 5. cau. 3. qu. 5.) *super quibus mandastis, scitote a tempore Apostolorum in hac Sancta Urbe servatum esse; accusatores, & accusationes, quas exterarum consuetudinum leges non adsciscunt, a Clericorum accusationibus submotas. Similiter laicos* (hæc omittuntur in dicto canone 5., sed habentur in can. 5. cau. 2. qu. 7.) *non accusasse Episcopos hactenus observatum, & constitutum est; quia ejusdem non sunt conversationis, & oppido eis quidam insensu existunt, quippe quum vitæ eorum & conversatio debet esse secreta, & a laicorum adibus remota; nec ab his impeti debeant, quorum castitatem, & gravitatem nolunt imitari, maxime cum nec hi eos in suis volunt recipere accusationibus. Et post nonnulla: idcirco & nos sequentes Patrum vestigia* (rursus hæc Gratianus refert in dicto canone 5. cau. 3. qu. 5.; repetitque in can. 19. cau. 6. qu. 1.) *pro salvatione Servorum Dei, quascumque ad accusationem personas leges publicæ non admittunt, his impugnandi alterum & nos licentiam submovemus. Et nullæ accusationes a iudicibus audiantur Ecclesiasticis, quæ legibus sæculi prohibentur. Quapropter illi, quibus indita non est ad unguem polita perfectio, talia scire debent; ita ut nec mutilentur, (forte legendum ventilentur) nec præponantur*

Can. 5.
cau. 3.
qu. 5.
Can. 5.
cau. 2.
qu. 7.
Can. 19.
cau. 6.
qu. 1.
Can. 4.
cau. 5.
qu. 5.

ponantur. Nec illi, qui aut in fide catholica (leguntur hæc in can. 4. cau. 5. qu. 5.) aut inimicitia suspecti sunt, ad pulsationem prædicatorum admittantur, quia veritatem professionis infidelitas, & inimicitia impedire solet. Nec illi credendi sunt, aut admittendi, qui aliorum sponte crimina consensur. Et ideo replicanda sollicitè eorum veritas, quam sponte prolata in illis vox habere non potest; hanc diversis cruciatibus, & (legunt alii e) latebris suis rigorosus tortor exigere debet, ut dum pænis corpora subijciuntur, quæ gesta sunt, fideliter, & veraciter exquirantur. Ita se habet integra Isidorianæ epistolæ sententia, in qua nonnulla facile reperiuntur Eusebio, ejusdemque temporibus incongrua; neque enim Eusebii ætate, aut Roma *Sandæ* urbs appellari poterat, quæ Gentium superstitionibus adhuc erat obnoxia; nec Clerici dici a laicis se-juncti, quasi jam tum Clericalis vitæ communio vigeret; nec laici fideles repudiasset Clericos in judiciis tamquam testes suorum gestorum, eove minus Clericos ipsos odisse, cum apud laicos venerabilis tunc haberetur, & vita Clericorum, & persona, nec rejei infideles ab accusationibus; aut enim de Ecclesiasticis judiciis sermo fieret, aut de publicis Magistratuum laicorum. Si de publicis judiciis intelligendus est Eusebius, frustra normam hanc sequendam Ethnicis Magistratibus Romanus dedisset Antistes. Si de Ecclesiasticis, frustra id statutum proponitur, quum conventus Ecclesiastici tunc fierent clanculum, siqui celebrabantur.

Can. 20.
cau. 6.
qu. 1.

Canonem 20. cau. 6. qu. 1. jam recte animadverterunt Romani Corredtores habere Gratianum ipsum auctorem, & in aliquot exemplaribus junctum esse superioribus Gratiani verbis. Ceterum minime inficias iverim, ibidem contineri sententias Isidoro Mercatori familiares: sic in epistola 2. Marcellini legimus: *Major autem non potest a minore judicari*, quæ etiam leguntur in epistola 1. Clementis, in epistola 2. Julii, & alibi passim.

De Epistola 2.

Eusebius Romanæ, & Apostolicæ Ecclesiæ Episcopus, dilectissimis in charitate Christi unanimis charitatis glutinò connexis fratribus per Alexandriam, & Ægyptum Domino militantibus, & rectam fidem tenentibus in Domino salutem. Ita exhibetur inscriptio epistolæ 2., quæ data fertur 9. kalendas Octobris sub Consulatu Constantini. Falso notatum a deceptore Consulatum hujusmodi jam ad priorem epistolam diximus. Sed & hic nonnulla argumenta habemus, ex quibus clarius demonstramus, hanc epistolam falso tributam Eusebio. Usurpat enim Eusebius verba Pauli in epistola 2. ad Corinthios cap. 1. 5. & 6., atque hac in re deridendum se se exhibet deceptor Isidorus, siquidem occasione hujus Paullianæ epistolæ ad Corinthios, videtur oblitus, se ad Alexandrinos, & Ægyptios scribere; nam subdit: *Os nostrum patet ad vos Corinthii*, creditque se Corinthios alloqui. Præterea non omittit decantatas toties sententias de accusationibus Episcoporum, de personis ad accusandum admittendis, rejeiendisve, in quibus manum Mercatoris agnoscamus; immo & subjicit hæc ad judicia Ecclesiastica pertinentia non tam Ecclesiasticis, quam etiam Regum legibus fuisse firmata. Quinam vero sint hi Reges, qui pro Episcopis leges Eusebii tempore tulerant, unusquisque jure ignorat, cum vel Regium nomen tum non esset apud Romanos acceptum. Demum in eadem epistola adparent identidem depravata sententiæ recentiorum Ecclesiæ Patrum, Leonis, Prosperi, Symmachi,

Iñdori Hispalensis, quibus addenda interpretatio sacrarum literarum ex Hieronymo deprompta.

Gratianei canones ad hanc epistolam pertinentes leguntur omnes prope finem epistolæ, ubi de Ecclesiasticis iudiciis agitur. Et quidem in primis legitur canon. 13. cau. 2. qu. 7. his verbis: *Oves ergo, quæ pastori suo commisse sunt, cum nec reprehendere, nisi a rella file exorbitaverit, debent, nec ullatenus accusare possunt, quia facta pastorum oris gladio ferienda non sunt, quamquam recte reprehendenda videantur.* *Ideo ista dicimus, quia in scripturis vestris* (sequitur hic canon 4. cau. 2. qu. 2.) *reperimus quosdam Episcopos vestris in partibus a propriis ovibus accusatos, aliquos videlicet ex suspitione, & aliquos ex certa ratione, & idcirco quosdam esse rebus suis expoliatos, quosdam vero a propria sede pulsos. Quos sciatis nec ad Synodum comprovincialem, nec ad generalem posse vocari, nec in aliquo iudicari, antequam cuncta, quæ eis sublatæ sunt, legitimis potestati eorum redintegrentur.* Prius ergo oportet (hic est canon 6. cau. 3. qu. 2.) *omnia illis legibus redintegrari, & Ecclesias, quæ eis sublatae sunt, cum omni privilegio sibi restitui, & postmodum non sub angusti temporis spatio, sed tantum temporis spatium eis indulgeatur, quantum expoliati, vel expulsi esse videntur, antequam ad Synodum convocentur, & ab omnibus quibusque suæ provinciæ Episcopis aulantur.* Nam nec convocari ad causam, nec dijudicari potest expoliatus, vel expulsus, quia non est privilegium, quo expoliari possit jam nudatus. Unde & antiquitus decretum est, ut omnes possessiones, & omnia sibi sublata, atque fructus cunctos ante litem contestatam percipitor, vel primas possessori restituat. Et alibi scriptum habetur: *ille qui violentiam perculit, universa in statu, quo fuerant, recipiat; & quæ possidet, securus teneat.* Et alibi in Synodalibus Patrum decretis, & Regum edictis legitur statutum: *Redintegrandæ sunt omnia expoliatis.* (hic est canon 4. cau. 3. qu. 1.) *vel ejectionis præsentialiter ordinatione Pontificum, & in eorum, unde absecesserunt, loca funditus revocanda, quæcumque conditione temporis, aut dolo, aut captivitate, aut virtute majorum, aut per quasvis causas res Ecclesiæ, vel proprias, aut substantias suas perdidisse noscuntur ante accusationem, aut regularem ad Synodum vocationem eorum, & reliqua.* Est etiam in antiquis Ecclesiæ statutis decretum, ut qui aliena invadit, non exeat impunitus, sed cum multiplicatione omnia restituat. Unde & in Evangelio scriptum est, *quot si quis aliquid defraudavi, reddo quadruplum, & in legibus sæculi cautum habetur* (hic est canon 10. cau. 12. qu. 2.) *qui rem surripit alienam, illi, cujus res direpta est, in decuplum (legit Gratianus undecuplum) quæ sublata sunt, restituat; & in lege divina legitur: maledictus omnis, qui transfert terminos proximi sui, & dicit omnis populus: amen.* Talia ergo non præsumantur absque ultione, nec exerceantur absque sua damnatione. Quæ apud Gratianum sequuntur in dicto canone 10. addita fuerunt a Burchardo; secuti deinde sunt Ivo, & Gratianus, item auctor Penitentialis Romani editi ab Antonio Augustino in cap. 1. tit. 4. Interea vero descripti integram Mercatoris sententiam, ut facile quispiam intelligeret, quænam opinari debeat studiosus sacrarum canonum in interpretatione memoratorum capitum apud Gratianum; in quibus sane nonnulla multo recentiora esse deprehenduntur, nonnulla ab Eusebio temporibus aliena. Alienum ab Eusebio temporibus est, quod dicitur de Generalibus, & Provincialibus Conciliis, de privilegiis Ecclesiasticis, iis præsertim, quæ dicuntur regia auctoritate concessa. Alienum item est, quod pro veteribus Ecclesiasticis decretis laudentur epistolæ Mercatoris veteribus Pontificibus adscriptæ; neque enim alibi reperire licet sententiis veterum, ad quas

Tom. II.

Y

Pseudo-

Can. 11.
can. 2.
qu. 7.Can. 4.
can. 2.
qu. 2.Can. 6.
can. 3.
qu. 2.Can. 4.
can. 3.
qu. 1.Can. 10.
can. 12.
qu. 2.

Pseudo-Eusebii monumenta referantur. Demum alienum est a temporibus Eusebii, quod fertur in sæculi legibus raptores in decuplum damnari; Leges enim Romanorum, quas unas laudare Eusebius poterat, ultra quadruplum penam furi raptore minime infligebant. Recentioris auctoris deprehenduntur priora verba, ea potissimum, quæ habentur in dicto can. 13. cau. 2. qu. 7. & can. 4. cau. 2. qu. 2., etenim familia legimus, in Concilio Romano s. sub Symmacho, ibi: *Oves, quæ pastoris suo commissa fuerint, cum nec reprehendere, nisi a recta fide exorbitaverit, præsumant, nec ullatenus pro quacunque re alia, nisi pro sua iniustitia, accusare audeant; quoniam pastorum alius gladio oris non sunt ferendi, quamquam recte reprehendi æstimentur, nec ullos Episcopos suis rebus expoliatis, vel a sedibus vi, aut dolo, aut quocunque ingenio pulsos, sicut & vos de nobis iudicastis, aut ad Synodum tam provincialem, quam generalem posse convocare, aut in aliquo iudicare, antequam cuncta, quæ eis sublata sunt, legibus potestati eorum pacifice per omnia redintegrentur, decernimus.* Prius ergo oportet omnia illis legibus redintegrari, & Ecclesias, quæ eis sublatae sunt, cum omni privilegio suo restitui: & postmodum non sub angustî temporis spatio, sed tantum temporis spatium eis indulgeatur, quantum expoliati, vel expulsi esse videntur, antequam ad Synodum convocentur, & ab omnibus quisque suæ provinciæ Episcopis audiantur. Nam nec convocari ad causam, nec dijudicari potest expoliatus, vel expulsus, quia non est privilegium, quod expoliari possit jam nudatus &c.

De Epistola 3.

Ejusdem Consulatus notam, quam priores, præsertim postrema hæc epistola, ex quo falsitatis argumentum recte deducitur. Ita isthæc inferibitur: *Dilectissimis fratribus universis Episcopis per Campaniam, & Tusciam constitutis Eusebius.* Loco præfationis stant verba Hormisdæ in epist. 25. aliquantisper a Mercatore corrupta. Hinc plures sententiæ referuntur ex illis, quas Mercator idem in epistolis suis solet recitare, sic dicitur criminationes adversus doctorem suscipi non debere, quod habetur apud Sixtum Pithagoreum in sentent. 250., nec peregrina iudicia fieri, quod legimus in lege 10. lib. 9. tit. 1. codicis Theodosiani, nec quemquam alterius iudicis, quam sui, sententia debere constringi, quæ verba pertinent ad legem 4. tit. 48. lib. 7. codicis Justiniani. Et post nonnulla rursum ex epistola 25. Hormidæ adjecta hæc sequuntur. *Sequentes itaque in omnibus Apostolicam regulam, (imitatur in his Mercator verba Johannis Constantinopolitani in libello ad Hormisdam, qui adjectus est epist. 51. ejusdem Pontificis) & prædicantes ejus omnia constituta ob custodiam Episcoporum, qui columna Ecclesiæ a Deo disti sunt, & ceterorum verorum Sacerdotum, firmantes cana Patrum statuta; statuimus iterum cum omnibus, qui nobiscum sunt, Episcopis, sicut dudum decretum reperimus, ut homicidæ, malefici, fures, sacrilegi, raptores, adulteri, incesti, venefici, suspelli, criminosi, domestici, perjuri, & qui raptum fecerunt, vel falsum testimonium dixerunt, seu qui ad sacrilegos, divinosque concurrerunt, simileque eorum; nullatenus ad accusationem, vel testimonium sint admittendi; quia infames sunt, & juste repellendi, quia funesta est vox eorum. Vocem enim funestam in omnibus interdici potius, quam audiri oportet.* Verba hæc retulit Gratianus in can. 9. cau. 3. qu. 5., eademque propemodum sunt, quæ jam Mercator descriperat in pseudo-epistola e. Eurychiani. Postrema autem verba deprecata videntur ex lege.

3. lib.

Can. 9.
cau. 3.
qu. 5.

3. lib. 9. tit. 6. in codice Theodosiano, ubi legimus, vocem funestam audiri non oportere.

Rursum post hæc utitur Pseudo-Isidorus verbis Hormisdæ in regula fidei post epistolam 9. & epist. 51. his verbis: *Prima enim salus est rectæ fidei regulas custodire, & a constitutis Patrum nullatenus deviare. Nec potest Domini nostri Jesu Christi prætermitti sententia dicentis: Tu es Petrus, & super hanc petram ædificabo Ecclesiam meam. Et hæc, quæ dicta sunt, verum probantur effectibus, quia in Sede Apostolica extra maculam semper est catholica servata religio. Sunt eadem hæc propemodum Hormisdæ verba, atque ex his postrema relata sunt in can. 11. cau. 24. qu. 1.*

Can. 11.
cau. 24.
qu. 1.

Hinc congerit auctor epistolæ nonnulla sacrarum literarum testimonia, quæ tamen ex recentiori interpretatione describuntur, proptereaquæ Eusebio tribui nullo modo possunt, & tandem prope finem epistolæ hæc subjiciuntur, quæ tamen cum præcedentibus minime consonant: *Crucis ergo Domini nostri Jesu Christi, quæ nuper nobis gubernacula S. Romanæ Ecclesiæ tenentibus quinto nonas Maji inventa est, in prædicto Kalendarum die inventionis festum vobis solemniter celebrare mandamus. Verba etiam fuit canonis 19. de consecr. dist. 3. Antonius Augustinus in lib. 1. dialogo 6. de emendit. Gratiani scribit, non recte convenire hæc, ut quinto nonas Maji Crux inventa dicatur, & festum inventionis kalendis celebrari mandetur. Sed illud præ ceteris reprobandum est, quod dicitur, Crucem Christi sub Eusebio inventam esse; Etenim testis est Eusebius lib. 3. historiæ eccles. cap. 46., Helenam post Constantinum Religioni Christianæ nomen dedisse; Constat præterea ex communi veterum Patrum, scriptorumque sententia, eandem Helenam jam absoluto Nicæno Concilio, & octuagenariam in somnis divinitus admonitam de requirenda Christi Cruce cogitasse, ac dein eandem reperisse adjutorio antiquissimorum Judæorum, & Christianorum. Ita Paullinus epist. 11. ad Severum, Hieronymus epistola ad Paullinum de instit. Monach., Ambrosius orat. in funus Theodosii, Chrysostomus homil. 84. in Johannem, Cyrillus Hierosolymitanus epist. ad Conitantes; Eusebius in Chronico, & lib. 3. de vita Constantinii cap. 29., Hieronymus in Chronico, Prosper in Chronico, Sulpitius lib. 2. Sacræ historiæ, Rufinus lib. 1. cap. 7. & 8., Theodoretus lib. 1. historiæ cap. 18., Sozomenus lib. 2. cap. 1., Socrates lib. 1. cap. 17., Gregorius Turonensis lib. 1. historiæ Francorum cap. 26., & demum Justinianus in novella 28. Si igitur communi omnium veterum consensione Helenæ Augustæ inventionem dominicæ Crucis debemus, & quidem postquam ipsa Christi fidem amplexa est, frustra sub Eusebio Pontifice Dominicam Crucem inventam narrat Pseudo-Isidorus.*

Can. 19.
de conf.
dist. 3.

Ita demum concludit Mercator: *Similiter & hæreticos omnes, quicumque Dei gratia convertuntur, & in Sanctæ Trinitatis nomine credentes baptizati sunt, Romanæ Ecclesiæ regulam tenentes per manus impositionem reconciliari precipimus. Manus quoque impositionis Sacramentum magna veneratione tenendum est, quod ab aliis perfici non potest, nisi a Summis Sacerdotibus. Nec tempore Apostolorum ab aliis, quam ab ipsis Apostolis legitur, aut scitur peratum esse; neque ab aliis, sicut jam dictum est, quam ab illis, qui eorum locum tenent, unquam perfici potest, aut fieri debet. Nam si aliter præsumtum fuerit, irritum habeatur, & vacuum; nec inter Ecclesiastica unquam reputabitur Sacramenta. Postrema hæc verba illi sunt, quæ referuntur a Gratiano in can. 4. de conf. dist. 5., quorum integram omnino sententiam retuli, ut constaret, Gratianum ea descripsisse, quasi liquidum esset apud Eusebium ibi sermonem fieri de Sacramento*

Can. 4.
de conf.
dist. 5.

mento Confirmationis, quod apud veteres & Sacramentum impositionis manuum fuit adpellatum. Verum non una perpetuo fuit ejusdem nominis significatio; aliquando enim pro penitentium reconciliatione manuum impositio dicta est, uti apud Augustinum in can. 74. cau. 1. qu. 1. Quis autem dixerit in memorato Eusebii fragmento nomine impositionis manuum intelligi potius debere confirmationis Sacramentum, quam reconciliationem illorum, qui ab hæresi revertuntur? Sane, si priora verba de manuum impositione concepta ad reconciliationem referantur, facilius de eadem reconciliatione & posteriora intelliguntur.

De ceteris canonibus Eusebio adscriptis.

Eusebio Papæ primus Burchardus tribuit canonem 27. cau. 27. qu. 2. Non esse tamen Eusebii, vel ipsa mentio Monasterii a puellulis eligendi aperte demonstrat; neque enim adhuc illius Pontificis temporibus instituta erant monasteria puellarum. Ego sane non miror Burchardi fidem, qui consuevit inscriptiones capitum immutare, quemadmodum sæpe, ac sæpius animadverti, præsertim ubi aliquid defumisset ex Capitularibus Francorum, a quibus commemorandis sibi proposuerat abstinendum. Porro in lib. 6. Capitularium cap. 92. editionis Baluzianæ hæc leguntur: *Puellam desponsatam non licet parentibus dare alteri viro, tamen ad monasterium licet ire, si voluerit.* Fortassis autem auctores Capitularium id defumserunt ex Penitentiali Theodori Cantuariensis; nam & in eo, qualis editus est a Petito in cap. 11., eadem omnino verba leguntur ibi: *Puellam desponsatam non licet parentibus dare alii viro, nisi illa omnino resistat, tamen ad monasterium licet ire, si voluerit.*

Primus quoque Burchardus Eusebio tribuit canonem 46. de conf. dist. 1., qui potius pertinet ad epilogum Concilii Romani, quod Sylvestro Papæ tribuitur. Extractum ex eo proficisci potuit, quod Collector & Eusebii, & Sylvestri Pontificum acta in uno codice congesta præ oculis habuerit; ut enim hi Pontifices proximi temporibus erant, ita facile illorum gesta jungi poterant. Plane in epilogo Romanæ Synodi, quæ 2. dicitur Sylvestri, hæc leguntur: *Hic inter cetera prædicta omnium consultu constituit in Synodo, ut sacrificium altaris non in serico panno, aut tincto quisquam celebrare præsumeret, sed in puro lineo ab Episcopo consecrato, terreno scilicet vino procreato, atque contexto, sicut Corpus Domini nostri Jesu Christi in Sydone munda sepultum fuit.* Nihil heic adjicio, postquam de hoc ipso canone egerim in cap. 6. prioris partis.

Burchardo demum debemus, quod canon 17. de conf. dist. 5. Eusebio Papæ tribuatur, cum tamen apud Eusebium non legatur. Legitur potius apud Reginionem dist. 5. in prima appendice suæ Collectionis cap. 17. ibi: *Jejunia sane legitima, idest quarta, & sexta feria non sunt solvenda sine grandi necessitate;* cui hanc inscriptionem adjecerat unde supra, fortasse, ut significaret statuta Concilii Gangrensis, quæ supra laudaverat in can. 5. 6. 7. 8., & 9. Verum Regino hæc exceperat ex Capitularibus Francorum, ubi ita recensentur, ac si in Gangrensi essent Concilio constituta. Laudo heic Capitulare Caroli Magni anni 789., ubi hæc leguntur cap. 47. *Item in eodem (idest in Concilio Gangrensi, quod supra memorabatur) ut Ecclesiastica & Sacerdotibus jejunia constituta sine necessitate rationabili non solvantur.* Quod ipsum relatum est in librum 1. cap. 47. & in lib. 5. cap. 81. Capitularium. Verba canonis

nis Concilii Gangrensis, ad quæ respiciebant Capitularium auctores, habentur in canone 8. dist. 30. Itaque Burchardus, ut agnovit fragmentum hoc Capitularium acceptum quodammodo ferri Concilio Gangrensi, abstinere volens a Capitularibus memorandis, nomen adjecit Eusebii Papæ, ex eo suspicor quod ipse putaverit, sub Eusebio Papa Concilium Gangrense celebratum fuisse.

CAPUT XXX.

De Melchiade.

Melchiadi Papæ sequentes canones a Gratiano tribuuntur.

- | | | |
|---|---|--|
| Apocryphi omnes. | { | <i>Can. 13. cau. 2. qu. 1. consonat cum integris epistolæ exemplaribus.</i> |
| Ex epistola ad Episcopos Hispaniæ. | | <i>Can. 14. de cons. dist. 3. consonat cum auctore libri Pontificalis.</i> |
| | | <i>Can. 2. de cons. dist. 5. est potius Eusebii Emisseni.</i> |
| | | <i>Can. 3. de cons. dist. 5. consonat cum integris epistolæ exemplaribus.</i> |
| Ex epist. de Munificentia Constantiniani. | { | <i>Can. 1. dist. 88. est potius Concilii Chalcedonenfis, & Gregorii Magni.</i> |
| | | <i>Can. 15. cau. 12. qu. 1. a Melchiadis temporibus prorsus alienus.</i> |
| Adjicitur. | (| <i>Can. 7. cau. 13. qu. 2. forte referendus ad Concilium Londoniense.</i> |

Melchiades, alio nomine Miltiades appellatus, Pontificatum gessit ab anno Christi 311. usque ad annum 313. Duo hujus Pontificis nomine habemus monumenta apud Isidorum Mercatorem. Primum est epistola ad plures Hispaniarum Episcopos; alterum est oratio quædam de primitiva Ecclesia, & munificentia Constantiniani Magni Imperatoris erga eandem, quodque modo epistola dicitur, modo decretum.

De epistola ad Episcopos Hispaniæ.

Dilectissimis fratribus Marino, Benedicte, Leontio, & ceteris Hispaniarum, ac in illis partibus Episcopis Melchiades. Hæc est epistolæ inscriptio, quæ data fertur kalendis Martii Volusiano, & Rufino Consulibus. Volusiani, & Rufini Consulatus annum designat 314., ac propterea illud tempus, quo jam Melchiades obierat. Quid clarius ad epistolam a Melchiade abjudicandam? Stylus illius sane Mercatoris est, utentis, sicut in ceteris, ita & in hac epistola Hieronymi versione in describendis Sacrarum Scripturarum sententiis, utentis præterea fragmentis recentiorum Patrum, Cælestini, Leonis Magni, Eusebii Emisseni, & Sixti Pythagorici; demum nihil ferme aliud prosequentis, quam Episcoporum accusationes, & Ecclesiastica judicia.

Huc pertinet canon 13. cau. 2. qu. 1., cujus verba ad initium ejusdem epistolæ referenda sunt; postquam enim Mercator verba Cælestini, in epist. 1. ad Gallos Semipelagianis

Can. 13.
cau. 2.
qu. 1.

impelagianis faventes, præfationis instar retulit, primum & præ ceteris Episcopis cavendum ait, ne in judiciis a veritate, aut æquitate deflenderent.

Can. 2.
c. 3. de
conf.
dist. 5.

Post nonnulla de judiciis Ecclesiasticis de more discussa, aliam quæstionem dirimendam suscipit Melchιάdes. Ejus verba habentur in can. 3. de conf. dist. 5. & paulo inferius ad eandem rem explicandam leguntur, quæ Gratianus retulit in can. 2. de consecr. dist. 5.; depromptaque fuerunt ex Eusebio Emiseno, eadem recitante in homilia de Pentecoste ab initio.

Can. 14.
de conf.
dist. 3.

Absolutis Eusebii verbis sequuntur statim ea, quæ legimus in can. 14. de conf. dist. 3. Porro quod die Dominico jejunandum non sit, jam statutum legimus apud eum, qui constitutiones Clementis composuit, cum ibidem in lib. 5. cap. ult. ita scribatur: *Reus peccati eris, qui dominico die jejunaveris, cum sit dies resurrectionis, aut qui Pentecosten, aut denique ullum Domini festum in fastitia egeris: letari enim his diebus oportet, non autem lugere.* At de jejunio quintæ feræ non arbitror alibi constitutum, quod a Melchiade fertur decretum; ita ut in eo Ecclesia Christi, ut ait Pseudo-Melchiades, ab hæreticis, atque infidelibus distinguatur. Neque enim, ubi quinta feria ex receptissimo, ac diuturno Ecclesiæ ritu jejunamus, cum Ethnicis, aut hæreticis congruere aliquando visum sumus. Ceterum auctor libri Pontificalis hanc ipsam constitutionem Melchiadi adscripsit, ita scribens in Melchiade: *Hic constituit, ne ulla ratione die dominica, aut quinta feria jejunium quis fidelium ageret, quia eos dies Pagani quasi sacrum jejunium celebrant.*

De epistola de Munificentia Constantini.

Est & alia apud Mercatorem Melchiadis nomine epistola, quæ a nonnullis decretum Melchiadis appellatur, de primitiva Ecclesia, & munificentia Constantini Imperatoris. Apocryphum monumentum esse jamdiu omnes cognoverunt post Baronium ad annum 312. §. 80. Etenim ejus auctor multus, immo totus est in commendanda Constantini Imperatoris munificentia erga Romanam Ecclesiam, quum tamen Constantinus sub Melchiade nondum Christo nomen dedisset; immo & ibidem mentio fit Nicæni Concilii post duodecim circiter annos a morte Melchiadis celebrati, ulterius etiam refertur canon Concilii Chalcedonenfis, quod nemo non videt, quantum ab ætate Melchiadis distet. Priora hujus epistolæ verba legimus in can. 15. cau. 12. qu. 1., cujus auctor longe se post Constantini ætatem vixisse significat; qui enim aut Melchiadis, aut etiam Sylvestri tempore esse poterant *Romani Principes*, qui ibidem memorantur? memoratur etiam illic constitutio Constantini Imperatoris, & Melchiade multo recentior, quæ habetur in l. 1. cod. de Sacrosanctis Ecclesiis; memoratur templum B. Petri a Constantino erectum, & donatio urbis Romæ a Constantino facta favore Romani Pontificis: memorantur verba Constantini in Concilio Nicæno prolata, memorantur Basilicæ, & monasteria innumera jam tum constructa; quæ omnia aut a veritate prorsus, aut saltem a Melchiadis temporibus omnino aliena esse facile unusquisque pronuntiabit.

Can. 1.
dist. 88.

Ad exemplum Constantini subdit epistolæ auctor, Reges ceteros per universa terrarum regna munificos fuisse in Ecclesiam, quæ sine enarratio aperte demonstrat, epistolæ auctorem jam diu post discissum Romanum imperium vixisse. Deinde vero tradit hisce donariis locupletatam Ecclesiam ideo fuisse, ut hiac egeni alerentur,

tur,

tur, & singulorum necessitatibus consuleretur, non vero, ut Clerici secularibus se negotiis immiscerent. Et statim: *que autem sint negotia secularia sancti canones manifestant* (huc referendus est canon 1. dist. 88.) & inibent, dum perspicue docent, quod quidam, qui in clero videntur electi, propter lucra turpia conductores alienarum possessionum fiant, & secularia negotia sub cura sua recipiant, Domini quidem ministerium parum pendentes, per secularium vero domos discurrantes, & propter avaritiam patrum suorum sollicitudinem sumentes. Decrevit namque supradicta Sancta Synodus, nullum deinceps Clericum, aut possessiones conducere, aut negotiis secularibus se miscere, nisi propter curam pupillorum, & orphanorum, ac viduarum, aut si forte Episcopus civitatis Ecclesiasticarum rerum sollicitudinem habere præcipiat. Ubi liquido patet, quia alia sunt negotia secularia, alia Ecclesiastica. Nonne Moses in sæculo erat, cum crebro tabernaculum intraret, & exiret, qui intus contemplatione raptus, foris infirmantium negotiis urgebatur, intus Dei arcana considerans, foris onera carnalium portabat? Cujus typum sacerdotes in Ecclesia agere debent, ut, dum foras exeunt ad exercenda negotia pro necessitatibus subditorum, intus ad se redeant per contemplationem manlatorum, sicut Paulus, qui celestibus secretis inseritur, & tamen per condescensionis viscera carnalium cubile perscrutatur. Sic & Jacob ascendentes, & descendentes Angelos vidit, quia videlicet Religiosos Ecclesiæ non solum Deum contemplando superna appetunt, sed deorsum quoque ad membra illius miserando condescendunt. Et Domini Sacerdotes horum falsa imitantur, & se custodiunt, & subditorum onera portant, & videntur tales esse, quales idem egregius Prædicator præcepit, ut qui utuntur hoc mundo, tanquam non utantur, & qui gaudent, tanquam non gaudentes, & qui emunt, tanquam non possidentes. Quæ prioribus hisce, verbis continentur, pertinent sane ad canonem 3. Concilii Chalcedonensis, seu canonem 26. dist. 86., & can. 1. cau. 21. qu. 3., quod Concilium Pseudo-Isidorus pro Nicæno laudavit, forte credens, Nicænum Concilium magis Melchiadis ætati congruere. Quæ vero a vers. Unde Moses usque in finem descripta sunt, excerpta videntur ex Gregorio Magno tum in epist. 24. lib. 1., tum in Pastoralis lib. 2. cap. 5., ubi eadem propemodum leguntur. Quæ cum ita sint, haud dubium erit, quin hæc epistola, sive decretum, in quo recentiora monumenta evidentur Mercator inseruit, jure optimo ab eruditis viris a Melchiade abjudicata fuerit, atque inter cetera Mercatoris monumenta rejecta.

De Canone 7. cau. 13. qu. 2.

Nondum a falsis monumentis Melchiadi tributis recedere nos finit Gratianus, qui Melchiadi adscripsit canonem 7. cau. 13. qu. 2. contra quam materies, de qua ibidem agitur, ferat. Siquidem sepulcræ, ut ibi traditur, in Ecclesia haberi non potuerunt, nisi post invecam recentiorum disciplinam, quemadmodum alibi perspicue demonstravi. Ipsa etiam Magni Concilii mentio indicat, id Melchiadis ejusdem temporibus non convenire. Ex hoc autem ipso arbitror, hunc canonem tribuendum esse ignoto cuiquam auctori sæculi duodecimi, & ipsa Gratiani propemodum ætate scribenti, qui susus Conciliorum suæ ætatis canones describere adamarit, inter cetera vero Concilii Londoniensis anni 1102.; nam in cap. 25. hujus Concilii ita legimus: *Ne corpora defunctorum extra parochiam suam sepelienda portentur, ut Presbyter Parochiæ perdat, quod illi inde juste debetur*. Porro non deservunt Scriptores

Scriptores, qui Concilliorum, aut suæ provinciae, aut suæ ætatis sententias modo brevitas, modo citius fusiore oratione explicatas ediderunt, quorum plures apud Labbeum agnoscimus. Fieri propterea potuit, ut quispiam laudatum Londoniensem canonem relaturus ita exprimeret, ut clarius exhiberet, eisdemque verbis, quæ apud Gratianum leguntur in dicto can. 7. Conjectura hujus rei etiam est in prioribus verbis illis: *Placuit per omnia magno Concilio &c.* Concilium enim Londoniense magnum appellari potuit merito, quod quamplurimi totius fere Angliæ Episcopi interfuerint, & Paschalis Pontificis Maximi auctoritas Synodalibus actis accesserit. Interpretatione indigere videntur verba illa: *nisi cui usus antiquorum parentum canonica institutione subjacere perhibetur.* Neque enim arbitror ita esse intelligenda, quemadmodum nonnullis placet, ut unusquisque in suorum parentum tumulo sepeliatur, neque aliam sibi possit sepulturam eligere, sed ne quispiam sibi eligat sepulturam extra illa loca, quæ ab antiquis Patribus canonicis legibus fuerint sepulchris destinata. Sunt autem loca illa, de quibus actum est in Concilio Triburiensi can. 15. quem integrum retuli ad canonem 6. cau. 13. qu. 2., ex quo etiam illa exceptio erui videtur ab auctore sequentis canonis, quæ illis verbis concipitur: *Nisi infirmitatis causa præpeditus &c.*

CAPUT XXXI.

De Julio.

Canones Julio adscripti apud Gratianum.

Apocryphi
omnes.
Ex epist. 1.

- Can. 3. dist. 11. paullo varius in diversis exemplaribus.
Can. 9. cau. 3. qu. 6. perperam Julio Papæ, eoque minori juræ Apostolis adscriptus.
Can. 1. cau. 5. qu. 4. ex integris epistolæ exemplaribus supplendus.
Can. 13. cau. 24. qu. 1. est potius Siricii Papæ.
Can. 11. cau. 25. qu. 2. supplendus ex integris epistolæ exemplaribus.

Ex epist. 2.

- Can. 2. dist. 17. ad integros epistolæ codices exigendus.
Can. 5. cau. 2. qu. 2. supplendus ex integris epistolæ exemplaribus.
Can. 9. cau. 2. qu. 6. est potius Concilii 3. Carthaginensis.
Can. 10. cau. 2. qu. 6. consonat cum ceteris Mercatoris fragmentis.
Can. 17. cau. 2. qu. 6. idem est cum can. 10. cau. 2. qu. 6.
Can. 4. cau. 2. qu. 7. ex variis recentiorum fragmentis congestus.
Can. 10. cau. 3. qu. 5. ex variis recentiorum fragmentis congestus.
Can. 5. cau. 15. qu. 3. ad leges Theodosianas referendus.

Adjiciuntur.

- Can. 9. cau. 14. qu. 4. potius pertinet ad Capitularia Caroli Magni.
Can. 41. cau. 24. qu. 1. potius pertinet ad Pœnitentiale Burchardi.
Can. 12. cau. 26. qu. 6. referendus potius ad Concilium Moguntinum.
Can. 15. cau. 27. qu. 2. exigendus ad Concilium Triburiense.

Can.

- Can. 1. cau. 29. qu. 2.) simul jungendi, & ab Julio Pontifice
 Can. 3. cau. 29. qu. 2.) adjudicandi.
 Can. 7. cau. 35. qu. 2. non convenit Julii Papae temporibus.
 Can. 12. cau. 35. qu. 2. ex variis veterum fragmentis compositus.
 Can. 13. cau. 35. qu. 2. est potius Theodori Cantuariensis.
 Can. 7. de cons. dist. 2. est potius Concilii Bracarensis anni 675.

O Misso Sylvestro, & Marco Pontificibus ad Julium gradum facio. De Sylvestro enim jam satis, quod ad rem meam attinet, egi in priore parte cap. 6. De Marco autem non est, cur sermonem inlicitum, quam Gratianus nullum caput ejusdem Pontificis nomine retulerit in codicem suum: Pontificatum Julitis gessit ab anno 336. usque ad annum 352. Quamquam vero huic Pontifici congruant epistolæ duæ, altera ad Orientales, altera ad Alexandrinos; non tamen illæ eadem sunt, quas Isidorus Mercator illius nomine edidit; referunturque omnes in Collectionibus Conciliorum. Duas tantummodo, & quidem editas a Mercatore Gratianus laudavit, quas omnino persequi juvabit.

De epistola 1.

Prior Mercatoris epistola inscribitur: *Venerabilibus fratribus, universis Orientalibus Episcopis Julius*, dataque est Kal. Octobris Feliciano, & Maximiano Consulibus. Falsitas consularis notæ deceptorem facile reprehendit; etenim postremus Maximiani Consulatus notatur a veteribus anno 311. pluribus annis ante Julii Pontificatum, & Felicianus consul quidem fuit anno 337., at non cum Maximiano, sed cum Titiano. Adparent præterea iidem semper Pseudo-Isidori characteres; quis enim ipsum non agnosceret, dum aut sententias, & verba recentiorum Patrum indigesta methodo concervat, Concilii scilicet Chalcedonenfis, & Carthaginensis 7., Siricii, Leonis, aliorumque Pontificum successorum, aut nomine Apostolicorum decretorum epistolas suas designat, quas antiquioribus Pontificibus adscribere conabatur, aut dum nihil urget pressius, quam judicia Episcoporum ad imminuendam Metropolitanoꝝ potestatem? Initio epistolæ inducitur Julius redarguens Orientales Episcopos, quod invicem semetipsos vexarent iniquis accusationibus, eosdemque concitans ad mutuam dilectionem. Atque ad eundem conciliandæ inter Episcopos charitatis finem non solum dicitur multa Sanctorum Patrum edita fuisse scripta, (quorum sane nomine Pseudo-decretales suas intelligit) verum etiam celebratum Nicænum Concilium, ubi decretum refertur, eos, qui Episcopis nocere tentaverint, siquidem Clerici fuerint, a proprio gradu decidere, qui vero Monachi, aut laici fuerint, anathematizari. Hæc sane constitutio in canonibus Nicæni Concilii minime legitur; neque erit, qui facile sibi persuadeat Julium, qui Nicæni Concilii temporibus vixerat, ad eos etiam scribentem, qui Nicæno Concilio interfuerant, tales laudasse Nicænos canones, qui in Concilio ediri non adparerent. Hodie vero clarius etiam liquet Mercatoris mendacium, dum ipse usus adparet formulis Concilii Chalcedonenfis, tum in canone 2., tum in canone 27.; etenim in can. 2., ubi prohibetur Simoniacæ ordinationes fuerunt, subditur, Simoniacos, & Simoniacorum fautores, siquidem Clerici fuerint, proprio gradu decidere, si vero laici

aut monachi, anathematizari; eademque propemodum verba repetuntur adversus raptores mulierum in can. 27., seu in can. 1. cau. 36. qu. 2. Post hæc utitur Ildorus nonnullis verbis depromtis ex typo Constantis Imperatoris editi in gratiam Monothelitarum, & subdit: *Audite jam factam in Nicæa civitate Synodum, cui & ego ipse conscientie meæ* (verba hæc sunt Constantiniani Magni Imperatoris epistola ad Alexandrinum apud Socratem lib. 1. histor. cap. 6., lib. 3. historiz tripartitz cap. 22.) *cultum decenter exhibui, nihil aliud volens, quam concordiam omnibus fabricare, & præ cunctis arguere, & removere hanc insidiantium altercationem, quas prævidentes Sancti Patres insidias, & illicitas altercationes unanimiter in prædicta Nicæna statuerunt Synodo, ut nullus Episcopus, nisi in legitima Synodo, & suo tempore Apostolica auctoritate convocata, super quibusdam criminationibus pulsatus audiat, idest judicetur, vel damnetur. Sin aliter præsumtum a quibusdam fuerit, in vanum deducatur, quod egerint, nec inter Ecclesiastica ullo modo reputabitur.* Ita uberius describendum erat apud Gratianum canon 1. cau. 5. qu. 4.: etsi enim scopus Mercatoris ibidem totus adpareat, omittitur tamen mentio Nicæni Concilii, qua omissa non adeo facile mendacium detegimus. Porro statim atque hujusmodi constitutiones Nicæno Concilio tribuuntur, quas in Nicæno Concilio editas non fuisse ignorare non poterat Julius, aut ii ad quos Julius scribebat, quis dixerit inter Julii epistolas hæc esse merito referenda?

Eadem propemodum repetantur inferius post nonnulla, habenturque in can. 9. cau. 3. qu. 6., ubi etiam traditur ipsos Apostolos constituisse, non debere in provinciis Concilia celebrari præter sententiam Romani Pontificis, quatenus, uti subditur, *non ita proterve, & pro lubitu cuiuspiam suo proprio arbitrio quibusque Metropolitanis, sicut agere solebant, liceat inconsulto Romano Pontifice aut majores Ecclesiæ causas deturbare, atque Episcopos damnare.* Quem non pueret Apostolis hæc leges adscribere, sive quod ita faciendi nulla Apostolis occasio fuisset oblata; sive quod Apostolicis temporibus frustra quis assereret Metropolitanos auctoritate, jurisdictioneque sua abusus fuisse, cum nulli tum adhuc instituti in provinciis essent, aut divixit provincie?

Plura ad eandem rem eongerit Mercator, monetque Episcopos omnes, ne, alios Coepiscopos suos accusare audeant, & damnare, amputato scilicet totius usurpationis excessu, quia nullus debet præsumere, quæ sibi non videntur esse concessa. Quam culpam (prosequitur auctor epistolæ) nullo modo potuisset incidere, si unde consecrationem honoris accipitis, inde legem totius observantia sumeretis, & B. Apostoli Petri Sedes, quæ vobis sacerdotalis mater est dignitatis, esset Ecclesiæ magistra ratio. Unde sicut multum nos ea, quæ a vobis pie, relicte sunt adia, letificans, ita nimium ea, quæ sunt perperam gesta, contristant, quoniam necesse post multarum talium experimenta caussarum, hæc in posterum sollicitius prospici, & diligentius præcaveri, quatenus ea, quæ sunt ab Apostolis, eorumque successoribus statuta nulla desidia negligantur, nulla diffensione violentur, nulla concertatione turbentur. Hæc omnia, quæ ex variis Leonis Magni fragmentis in epist. olim 5. & 84. congesta sunt, paucis retulit Gratianus in can. 11. cau. 25. qu. 2.

Canonem 3. dist. 11. a Gratiano olim corruptum emendaverunt, atque ad fidem integrorum codicum eegerunt Romani Correctores. Unum adhuc observandum est in illis verbis: *En instituta Apostolorum, & Apostolicorum virorum* &c. Etsi enim ita in nonnullis epistolæ exemplaribus editis habeatur, tamen in aliis ita legitur: *Et instituta Apostolicorum virorum* &c. Parvi tamen ego interesse video in conspectu illorum

illorum, quæ superius in epistola ipsa leguntur; etenim si ab Apostolis constitutum asseritur, Episcopos sine auctoritate Romani Pontificis non posse Concilia celebrare, item Metropolitanos non debere adeo suffraganeis imminere, ut eosdem aliquatenus vexent, potuerunt etiam prope finem epistolæ fida hæc Apostolorum constituta commemorari.

Postrema epistolæ verba ea sunt, quæ Gratianus refert in can. 13. cau. 24. qu. 1., potiori autem jure tribuerentur Siricio Papæ, qui eadem omnino habet in epistola 1. Can. 13.
cau. 24.
qu. 1.

De Epistola 2.

Omnes Isidori Mercatoris epistolas una exhibet epistola 2. Julio tributa, atque ita inscripta: *Julius Sanctæ Romanæ, & Apostolicæ Ecclesiæ Episcopus Theognis, Theodorus, Berinthus, & ceteris orientalibus Episcopis*; & quidem sub eorundem consularu, qui & in præcedente epistola notatur. Præter falsitatem consularis notæ, de qua superius animadvertimus, sunt in hac epistola omnes Isidori characteres, imo repetitæ sententiæ propemodum universæ: Prodamus integrum deceptoris propositum. Fingeat ille, orientales Episcopos epistolam ad Julium scripsisse in causa Athanasii, & aliorum, quos iidem a sua communione dejecerant; conquærentes eosdem abs Julio receptos, cum potius rejici debuissent. Crimina, quæ Athanasio, aliisque opponebant, erant homicidia mille, sacrorum templorum eversiones, stupra, sacrorum codicum incendia, in sacris vasis, ceterisque ministeriis admixta fraus, in officiis negligentia; adversus Imperatores perfidia, proditio in patriam, inter Sacerdotes ipsos excitata discordia, usus demum in doctrina fidei vocabuli *homousion*, seu *consubstantialitatis*, ut scribit Mercator; atque his verbis concludebant: *Deinceps ad vestras hinc venientes aures non tam facile admittatis, neque a nobis excommunicatos ultra velitis excipere, ne canonum transgressores inveniamini, sed magis salva fraterna charitate erratum hoc in posterum minime patiamini*. Non dubitant viri eruditissimi hanc epistolam deceptoris tribuere vel ex eo, quod tota confarcinata est ex variis fragmentis, Concilii Africani ad Cælestinum Papam, Felicis III. ad Acacium Constantinopolitanum, & Martini I. in Concilio Lateranensi. Qui vero ita ad Julium scripsisse dicuntur, sunt Eusebius, Theognis, Theodorus, & Berinthus, alique in Antiochia congregati. Episcopi autem cum Athanasio damnati dicuntur Paulus Constantinopolitanus, Marcellus Ancyræ, Asclepius Gaze, & Lucianus Adrianopolites. Hæc non consonant historicæ veritati. In primis enim Ariani nunquam Athanasio opposuerunt, quod vocem *homousion*, seu *consubstantialitatis* in formula fidei adjecisset, quoties præsertim de Athanasio conquerebantur apud vindices Nicænæ fidei, qualis erat Julius Papa. Volabant potius Ariani Episcopi Athanasio infensi audire catholici, atque apparere non alias se Athanasio adversaturos, nisi enormibus criminibus se se christiana communione reddidisset indignum. Præterea nomina illa *Theodorus, & Berinthus* non alia ratione heic videmus adposita, quam ex imperitia deceptoris. Legerat ille fortassis Theodorum Perinthium, sive, quod idem est, Heracleensem, unum fuisse ex acerrimis Athanasii hostibus; & propterea volens inter ceteros Athanasii adversarios Theodorum Perinthium nominare, errore nominis captus scripsit duo nomina, Theodori videlicet

videlicet, & Berjâthi. Item ubi Paulus Constantinopolitanus inter damnatos cum Athanasio Episcopo memoratur, minime convenit historice veritati. Etenim Paulus ad Constantinopolitanam sedem ascendit anno demum 340., at responsio Julii ad hanc Orientalium epistolam cum data dicatur sub consulatu Feliciani, qui incidit in annum 337., supponit epistolam hanc aliquot annis ante Pauli electionem fuisse missam. Nihil adjicio ulterius ad hanc rem; sed ad rescritum Julii progredior. Fingitur Julius laudatis Episcopis rescrisisse, acerbis verbis eosdem objurgans, quod ea ratione non tam de consecratoribus accusatis, quam de ipso Romano Antistite conquererentur. Immo eosdem Romanos vocat causam diducros, eosdemque vocando utitur verbis Constantini Imperatoris in epistola ad Concilium Tyrium, quam suis historiis inseruerunt Socrates lib. 1. cap. 33., Sozomenus lib. 2. cap. 27., Athanasius apologia 2., & auctor historiarum tripartitarum lib. 3. cap. 7. Interea vero illos objurgat gravissime, quod Synodum fecerint non obtenta a Romano Pontifice facultate, contra quam in Concilio Nicæno statutum dudum fuerat. Bone Deus! Quomodo venire poterat in mentem Julii constitutiones illas Nicæni Concilii laudare, quæ in Nicæno Concilio editæ non adparebant? Julii, inquam, qui Nicænos canones ignorare non poterat, & ad eos scribentis, qui in Nicæno Concilio præsentibus adfuerant, immo & subscripserant? Porro nihil tale in canonibus vere Nicænis legi unquam potest. Immo eo etiam temeritatis devenit deceptor, ut in persona Julii laudaret ingentem Nicænorum canonum numerum, recenset enim non tantum canonem 18. & 19. ex Nicænis, sed etiam 21., 23. 26. 27. 28. 33. 41. 51. 52. 53. 54. 55. 57. 58. 59. 60. 61. 63., & 66. Quis hinc non agnoscat, hanc epistolam tunc temporis fuisse compositam, cum numerus Nicænorum canonum ultra viginti germanos canones excrevit ex imperitia collectorum recentiorum, qui Nicæni canonibus priore loco descriptis alios hinc illinc excerptos canones inordinate assuebant? Clarius etiam id ipsum liquet, quod in hac ipsa epistola nonnulli legantur canones, qui Nicæni dicuntur, revera tamen sunt ex editis in Sardicensi Concilio anno demum 347., qui etiam si editi fingerentur, dum Julius ista scripsisset, nonnisi ex dolo potuissent opponi Orientalibus, qui decreta Sardicensia rejecerunt. Quid adjici potest post tot argumenta gravissima ad demonstrandam hujus epistolæ falsitatem? quando tamen vel illud unum sufficeret, quod initio adnotaveram, scilicet in ea nihil aliud contineri, quam Mercatoris sententias in aliis epistolis ab eodem confictis effusas.

Cam. 2.
dist. 17.

In editis epistolæ hujus exemplaribus tribuitur illa in capita 36., in quorum vigesimo nono legitur canon 2. dist. 17., cujus verba ita referenda erunt ex integris codicibus: *De receptione vero Sedis, & Sacerdotii, atque honoris, quæ dixisset Athanasium absque Concilii decreto suscipere, non ita invenimus, sicut calumniati estis, sed quorundam Episcoporum consilio, atque decreto recepit suum, quod injuste perdidit, Sacerdotium, ac resedit in Sede. Quod enim scripsistis, non eum posse a pauciore numero Episcoporum restitui, quam deposuit fuerat, non ita est: nec hæc regula Orthodoxorum Sanctæ Ecclesiæ est Episcoporum, sed Arianorum, sociorum videlicet vestrorum hæc inventio ad perditionem Orthodoxorum Episcoporum contexta est, nam, ut nobis a veracibus et testibus relatum, quando Antiochia pro damnatione fidei de consubstantialitate prolata fuisset congregati, odio prædixit Athanasius hanc regulam prolatis, quæ nullas habet vires, nec habere poterit, quoniam nec ab Orthodoxis Episcopis hoc Concilium actum est; nec Romanæ Ecclesiæ legatio interfuit, canonibus præcipientibus sine ejus auctoritate.*

Concilia

Concilia fieri non debere; nec ullum ratum est, aut erit unquam Concilium, quod non fultum fuerit ejus auctoritate. Plura in hisce verbis, & quidem aperia mendacia produntur. Scilicet Athanasius damnatus fuit non in Antiocheno Concilio, quod deum anno 341. celebratum est, sed potius in Tyrio anni 335. siquidem Concilium Antiochenum ex 90., aut etiam pluribus Episcopis constabat, Athanasius vero damnatus tantum fuerat ab Episcopis sex supra triginta, quemadmodum scribit Julius in sua germana epistola, quæ extat apud Athanasium apologia 2. Neque fingat quispiam alias Antiochenas Synodos, quas tribuat Arianis, etenim ea fingenda Synodus est, cui integra conveniat nuper relata epistolæ sententia, & in qua ea regula tradita fuerit, ut qui semel fuerit ab honore dejectus Clericus, is non nisi a majori judicum numero restituitur. Ego autem hanc regulam ipsam ostendo in Concilio Antiocheno anni 341. can. 12. seu can. 2. cau. 21. qu. 5. Deinde ad quænam canones Mercator referenda putat illa verba: *Canonibus præceptentibus &c.* Silet hic deceptor, quod tamen clarius exprellit initio hujus epistolæ his verbis: *Vellem enim vos magis ad jam distam canonicam convenire vocationem, ut coram universali Concilio redderetis rationem, cur Synodum ad statum Ecclesiæ, & fratrum in Antiochia subvertendum, & Nicæni magni Concilii destructionem fecistis, aut cur nobis inconsultis Episcopos in eam convocastis, ad quam nec Maximus Hierosolymitanus venit, nec nostra interfuit legatio, canonibus quippe in Nicæna Synodo jubentibus, non debere præter sententiam Romani Pontificis ullo modo Concilia celebrari, nec Episcopos damnari.* Itaque Mercator nomine canonum Nicænos intelligit, licet frustra; etenim nihil tale, ut diximus, in Nicænis canonibus continetur. Quid vero est, quod Julius conquiritur, & legationem Romanæ Sedis non interfuisse, simul & non interfuisse Maximum Hierosolymitanum? Non sane quod Episcopi illi potestate destituerentur Synodi celebrandæ: quid enim auctoritatis adcessisset ex Maximo Hierosolymitano? sed quod destructionem Nicæni Concilii, ut heic dicitur, meditarentur; pravitatis autem suspicionem non abstulissent facile, nisi viros probos; & integræ fidei sui Concilii confocios effecissent.

Jam animadvertenter Romani Correctores canonem 5. cau. 2. qu. 2. decerptum fuisse tum ex cap. 8., tum ex cap. 35. hujus epistolæ mutatis quidem verbis, sed retenta sententia 1. in cap. 8. ita legitur: *Nemo Pontificis deinceps aliquem Episcopum suis expoliatum rebus, aut a Sede pulsum excommunicare, aut judicare præsumat, quia non est privilegium, quo possit spoliari jam nudatus.* Hæc porro eadem omnino sunt cum iis, quæ jam Mercator assererat in epist. 2. Sixti I., in epist. 2. Sixti II., in epist. 3. Eusebii, & in epist. 1. Johannis. In capite 35. ita habetur: *Nec his contenti in vestra estis prævaricatione, sed etiam quod prius expulsos eos, & suis expoliatos rebus qua si vocastis, atque damnastis, cum nullis regulariter aut vocari, aut judicari possit, antequam sit regulariter restitutus, & sua omnia ei legibus sint integerrime reformata.* Est namque in sæpe jam dicta Sancta Synodo ab omnibus unanimiter decretum & Apostolica auctoritate roboratum, ut si quis Episcoporum suis fuerit rebus expoliatus, & in accusatione pulsatus, ordinatione Pontificum oportet, & decet sanctum propositum prima fronte cedere, ut omnia, quæ super suggestiones inimicorum suorum amiserat, legaliter primo potestati ejus ab honorabili Concilio redintegrentur, & Præsul regulariter prius statui pristino reddatur, & ipse dispositis, ordinatisque suis, tunc ad tempus veniat ad causam, & si ita juxta videretur, accusantium propositionibus respondeat. Quam temere capitis hujus auctores effingantur Nicæni Concilii Patres, nemo ignorat, qui Nicæ-

Con. 5.
can. 2.
qu. 2.

Nicænos canones legerit, cum nihil tale ibidem statutum deprehendatur. Potius laudandum a deceptore fuisse Concilium 3. Romanum sub Symmacho, ubi eadem propemodum legimus, aut se referre dumtaxat debuisset ad epistolam, quas vetustioribus Pontificibus tribuit, atque ita ad epistolam 2. Zephirini, 2. Fabiani, 2. Stephani, 2. Felicis I., 1. Caji, 2. Marcelli, 2. Eusebii, 1. Felicis II., aliasque similes.

Can. 9. Verba canonis 9. cau. 2. qu. 6. leguntur in cap. 22. epistolæ Julii, quæ tamen
cau. 2. Isidorus Mercator eadem jam descripserat in epistola unica Lucii Papæ, revera au-
qu. 6. tem pertinent ad Concilium Carthaginense vulgo 3. cap. 10. relato apud Gratianum in can. 37. cau. 2. qu. 6.

Can. 10. Caput 30. ejusdem epistolæ Julii relatus apud Gratianum in canone 10. cau. 2.
C. 17. qu. 6. pro parte etiam fuit adjectus ab auctore palearum in eadem causa, & quæ-
qu. 6. stione num. 17. Nescio sane, cur adeo ostentanda erant in collectionibus canonum hæc apocrypha monumenta, ut adeo facile repeterentur, & sine causa; nihil enim aliud ibidem continetur, quam quod Mercator & superius in epistola fufus, & in aliis suis monumentis sæpius scripserat.

Can. 4. In capite ultimo epistolæ habetur canon 4. cau. 2. qu. 7., ubi rursus Mercator
cau. 2. sententiarum suarum Nicænos Patres demonstrat auctores non sine maxima temeritate.
qu. 7. Quis enim illa in Nicænis canonibus exhibere poterit? Sunt potius in epist. 1. Pseudo-Eusebii, epist. 1. Pseudo-Stephani, epist. 2. Pseudo-Fabiani, & aliis; immo si velimus loca prodere, quibus Mercator abutebatur, referenda illa erunt aut ad canonem 6. Concilii Constantinopolitani, aut ad canonem 1. Concilii Carthaginensis vulgo 7., aut ad Gelasium de vinculo anathematis, aut ad Zosimum epist. 1. cap. 1., aut demum ad Siricius epist. 1., quorum omnium fragmenta deceptor Isidorus hoc in loco inordinate de more suo conglutavit.

Can. 10. Canon 10. cau. 3. qu. 5. rursus, quasi Nicænam Constitutionem contineat, ex-
cau. 3. hibetur tum apud Gratianum, tum apud Pseudo-Julium in cap. 33. ejusdem epistolæ,
qu. 5. cum tamen non Nicænus sit canon, sed potius Isidorianus, qualis sæpe ac sæpius in Mercatoris epistolis deprehenditur; forte autem compositus ex variis nonnullorum recentiorum conciliorum fragmentis, videlicet Concilii 2. Carthaginensis cap. 6., Concilii Constantinopolitani can. 6., Concilii Chalcedonenfis can. 21., Concilii 4. Carthaginensis cap. 58., & Concilii Carthaginensis 7. cap. 1. 2. &c.

Can. 5. Nemini de se confesso credi potest super crimen alienum, quoniam ejus omnique rei
cau. 15. confessio periculosa est, & admitti non debet. Ita jam in epistola 2. Dionysii scripserat Isidorus Mercator, ita etiam repetere non dubitavit in epistola 2. Julii cap. 18. vix aliquibus immutatis ibi: Nemini de se confesso credi potest super crimen alienum, quoniam ejus, atque omnis rei confessio periculosa est, & admitti adversus quemlibet non debet. Gratianus verba eadem retulit in can. 5. cau. 15. qu. 3., addidit tamen hanc exceptionem: Præterquam de crimine læsæ majestatis. Tutius erit tam a Gratiano, quam a Mercatore recedere, remque potius referre ad codices illos, quibus deceptor utebatur in epistola hac elucubrandam. Abusus ille videtur lege 12. tit. 1. lib. 9: in codice Theodosiano, ubi hæc leguntur: *Neganda est accusatis licentia criminandi, priusquam se crimine, quo premuntur, exuerint. Nam sanctorum veterum conditores alimendam licentiam omnibus censuerunt in accusatores suos invidiosam dicendi vocem. Nullam itaque obtrineat in judiciis auctoritatem periclitantium furor, qui si latius evageretur, ne ipse quidem cognitor tutus eris, aut questionem securus agnabit, qui exsequendo juris severitatem, non potest illorum, quos punit, odium evitare.*

De

De ceteris capitibus Julio adscriptis.

Non est valde operosum investigare causas, ex quibus canon 9. cau. 14. qu. 4. Julio Papæ tributus fuerit, cum potius pertineat ad Capitularia Caroli Magni. Primum ex Capitularibus laudaverat Regino hac inscriptione: *Ibidem cap. 125.* Incidit in Collectionem Reginonis Burchardus, qui eadem verba relaturus in suam, retento numero capituli 125., pro voce *ibidem* adscripsit nomen Julii Papæ hoc modo: *Ex decretis Julii Papæ usurariis missis cap. 125.* Conferantur cap. 187. lib. 1. apud Reginonem, & caput 127. lib. 2. apud Burchardum. Porro, vel id ex eo profectum fuerit, quod Burchardus pro voce *ibidem* ex oscitantia nomen Julii legerit, vel ex eo quod a memorandis Francorum Capitularibus abstinere decrevisset, unde errandi occasione Gratiano frequens dedit, illud pro certo habendum erit dictum canonem 9. ad Caroli Magni Capitularia referendum esse, cum legatur in Capitulari Noviomagensi anni 806. cap. 18., cum enim *ibidem* in capitibus præcedentibus nonnulla de usuris, & senore constituta saluberrime fuissent, subditur: *Quicumque enim tempore messis, vel vindemie non necessitate, sed propter cupiditatem comparat annonam, aut vinum, verbi gratia de duobus denariis comparat modium unum, & servat, usque dum iterum venditari possit contra denarios quatuor, aut sex, seu amplius, hoc turpe lucrum dicimus. Si autem propter necessitatem comparat, ut sibi habeat, & aliis tribuat, negotium dicimus.* Hæc eadem translata sunt in librum 1. Capitularium cap. 125. in editione Baluziana; ex quibus etiam juvabit non tam inscriptionem Gratiani canonis emendare, quam verba ejusdem capituli omissa supplere.

Canon 41. cau. 24. qu. 1. apud alios Eutychiano tribuitur, in vulgatis autem Gratiani editionibus Julio Papæ, in aliis etiam Theodoro Cantuariensi. Sed fragmentum illud Burchardi potius est, qui dum elaboraret Pœnitentiale ad usum Ecclesiæ suæ, inter cetera illud inseruit, ad marginem Eutychiani nomen adjiciens, ut forte innueret, quæ ipse faciebat, consonare cum epistolis duabus olim Eutychiano tributis, ubi societates, & exempla hæreticorum a fidelibus vitanda omnino dicuntur. Hoc Eutychiani nomen etiam apud Ivonem Carnotensem habetur. Quomodo vero in nonnullis Gratiani exemplaribus pro Eutychiano adscriptus fuerit Julius, prorsus ignoro, nisi dixerim hoc ex crassa amanuensium oscitantia profectum fuisse. De nomine Theodori Cantuariensis dixero, forte illud huic fragmento adjectum fuisse, quia caput 104. apud Burchardum lib. 19. laudatur nomine Pœnitentialis Theodori; at fragmentum illud, quod Burchardus refert adscripto nomine Eutychiani Papæ, est caput sequens, idest 105. ejusdem libri; neque novam est in Collectionibus canonum inscriptiones præcedentium ad sequentia capita reduci, præsertim cum contingeret in nonnullis codicibus omissam ex errore, fuisse aliquam ex marginalibus notis. Integrum hoc loco referam Burchardi fragmentum. Ita ipse: *Siquis dederit, aut exceperit communionem de manu hæretici, & nescit, quod Catholica Ecclesia contradicit, postea intelligens, annum integrum pœniteat. Si autem scit, & neglexerit, & postea pœnitentiam egerit, decem annos pœniteat, alii judicant septem, & humanius quinque annos pœniteat. Siquis permiserit hæreticum missam suam celebrare in Ecclesia Catholica, & nescit, quadraginta dies pœniteat. Si pro reverentia ejus, annum integrum pœniteat. Si pro damnatione Ecclesiæ Catholicæ,*

Et consuetudine Romanorum projiciatur ab Ecclesia, sicut hæreticus, nisi habeat pœnitentiam: Si habuerit, decem annos pœniteat. Si recesserit ab Ecclesia Catholica in congregationem hæreticorum, & alios persuaserit, postea pœnitentiam egerit, duodecim annos pœniteat, quatuor annos extra Ecclesiam, & sex inter auditores; & duo adhuc extra communionem. De his in canone dicitur, ut decimo anno communionem sine oblatione recipiant. Si Episcopus, aut Abbas jubet monacho suo pro hæretici mortui Missam cantare, non licet, & non expedit obedire eis. Si Presbytero contigerit, ubi Missam cantaverit, & alius recitaverit nomina mortuorum, & simul nominaverit Hæreticos cum Catholicis, si post Missam intellexerit, hebdomadam pœniteat. Si frequenter fecerit, annum integrum pœniteat. Si quis autem pro morte hæretici missam ordinaverit, & pro religione sua ejus reliquias ibi tenuerit, & nescit differentiam Catholicae fidei, & postea intellexerit, pœnitentiamque egerit, reliquias ibi debet igne concremare, & annum pœniteat. Si autem scit, & neglexerit, pœnitentia commotus decem annos pœniteat. Si quis a fide Catholica discesserit sine ulla necessitate, & postea ex toto animo pœnitentiam acceperit, tres annos extra Ecclesiam, id est inter audientes juxta Nicanum Concilium, septem annos in Ecclesiis inter pœnitentes, & duos annos adhuc extra communionem pœniteat. Sic se habet integer Burchardi canon, cujus prudentiam imitati sunt Patres Concilii Beneventani anni 1087., in quo inter cetera fertur constitutum, ut communio a nemine, nisi a catholico, suscipiatur.

Can. 12.
cap. 26.
§ 1. 6.

Canon 12. cau. 26. qu. 6. Julio Papæ tribuitur non solum apud ipsummet Gratianum, sed etiam apud Magistrum sententiarum, Ivonem, ac Burchardum. Ceterum Julio falso adscriptus est; potius autem adscribendus fuisset Concilio Moguntino anni 847., in eo enim ita legimus constitutum can. 27. Si omnibus de peccatis suis puram confessionem agentibus, & digne pœnitentibus commundo in fine secundum canonum iustum data est, cur non eis, qui pro peccatis suis penam extremam persolvunt? Scriptum est enim: non vindicabis Deus his in idipsum; Nam ipse Dominus ait: In quocumque die conversus fuerit peccator, peccata ejus non reputabuntur ei, & iterum: Nolo mortem peccatoris, sed ut convertatur, & vivat. Salutem ergo homini adimit, quisquis mortis tempore pœnitentiam denegat, & desperat de clementia Dei, qui eam ad subveniendum morienti sufficere, vel in momento posse non credit. Perdidisset Lathro in cruce præmium ad Christi dexteram pendens, si illum unius horæ pœnitentia non juvisset: Cum esset in penâ, pœnituit, & per unius sermonis professionem habitaculum Paradisi, Deo promittente, promeruit: Vera ergo ad Deum conversio in ultimis postoramente potius estimanda, quam tempore, Propheta hoc taliter asserente: Cum conversus ingemueris, tunc salvus eris. Verosimile est, hæc Burchardum referre voluisse Julii Papæ nomine, qui alias recentiorum Conciliorum canones laudaturus, non tam mutatis verbis sententias retulit, quam inscriptiones ipsas canonum variavit. A Burchardo autem deceptus Ivo occasionem Gratiano dedit errandi, sicut in pluribus aliis, ita etiam in hac parte.

Can. 15.
cap. 27.
§ 1. 2.

Falso præterea inscriptum fuit nomen Julii Papæ canoni 15. cau. 27. qu. 2. Quod Romani Corredores recte arbitrantur profectum ex falsa quadam inscriptione, quæ agnoscitur apud Polycarpum his verbis: Ex Concilio Triburiensi a Julio Papa confirmato. Sane hæc minime consonant invicem, cum a temporibus Julii Papæ ad tempora Concilii Triburiensis plura sæcula interfluxerint; sed interea occasio qualicumque exinde offerri potuit Collectoribus canonum, ut sententias Triburiensis Synodi Julio Pontifici adscriberent. Imo Collectores ipsi amplius ausi

sunt

sunt; videlicet non dubitarunt adscribere Julio breviatas ipsas Concilii sententias, five argumenta capitibus adjecta. Hujusmodi esse cenfeo memoratum canonem 15., quasi argumentum adpositum canoni 41. Concilii Triburiensis, qui his verbis exprimitur: *Siquis legitimam duxerit uxorem, & impediens quacumque domestica infirmitate uxorum opus non valens implere cum illa, frater vero ejus suadente diabolo adamatus ab ipsa clanculum eam humiliaverit, & violatam reddiderit, omnimodo separentur, & a neutro ulterius eadem mulier contingatur. Igitur conjugium, quod erat legitimum, fraterna commaculatione est pollutum, & quod erat licitum, illicitum est factum, & ut Hieronymus ais: Mulier duorum fratrum non ascendas iborum; Si autem ascendit, adulterium perpetrabit. Quia vero humana fragilitas proclivis est ad labendum, aliquomodo muniatur ad standum. Idcirco Episcopus considerata mentis eorum imbecillitate per pœnitentiam sua institutione perastam, si se continere non possint, legitimo consoleretur matrimonio, ne, dum sperantur ad alta sublevari, corruant in canum. An vero hæc consonent cum argumento, quale a nonnullis adscribi potuit, & quale apud Gratianum relatum est ad memoratum canonem 15., facile quispiam potest judicare.*

Jungere oportet canones 1. & 3. cau. 29. qu. 2. quemadmodum habentur tum apud Ivonem, tum apud Burchardum. Burchardum potius sequor, velut antiquiorem, qui in lib. 9. cap. 18. nomine Julii Papæ ex cap. 4. decretorum hæc scribit: *Siquis ancillam suam (consonant hæc cum dicto can. 3.) libertate donaverit, & in matrimonio sibi sociaverit, dubitabatur apud quosdam; utrum hujusmodi nuptiæ legitimæ esse videantur, an non. Nos itaque verisimam ambiguitatem decedentes, talia nubia legitimæ esse censuimus. Si enim ex affectu sunt omnes nuptiæ, & nihil impium, & legibus contrarium in tali copulatione fieri potest; quare prædictas nuptias inhibendas existimaverimus? Omnis vobis unus est pater in cælis (consonant hæc cum dicto can. 1.), & unusquisque dives, & pauper, liber, & servus æqualiter pro se, & pro animabus eorum rationem daturi sunt. Quapropter omnibus, cujuscumque conditionis sint, unam legem, quantum ad Deum, habere non dubitamus. Monumentum hoc ita integrum ex vetustioribus Collectoribus descriptum facile in primis ostendit, quantum a proposito Gratiani distent memorata duo fragmenta in dictis canonibus 1. & 3. Siquidem Gratianus ex eo ostendere conabatur, servorum conjugia legitimæ dici posse, quum tamen ibidem non de servorum conjugis agatur, sed de conjugio Domini, & libertæ, quam scilicet Dominus a servitute ideo liberaverat, ut sibi iusto legitimoque nubio sociaret; imo & ex hoc forte in contrariam opinionem quis posset abduci; ubi enim dubitatio fuisse poterat de vi conjugii, quoties ancilla manumissa proponeretur, supponere oportebat ancillæ necdum manumissæ conjugia non subsistere.*

Quid tamen diutius in expendendis Gratiani sententiis immoror, cum integrum fragmentum hujusmodi non solum Julii Papæ esse non possit; sed nec alterius recentioris Pontificis Maximi, aut alicujus, cujus auctoritas quidpiam valere possit? Imo facile de nontrari potest, hujus capitis conditorem vix juris Romani principia, aut disciplinæ Romanæ praxim calluisse. Asserit ille, dubitatum fuisse apud quosdam, utrum legitimæ esse viderentur nuptiæ inter Dominum, & ancillam libertate donatam celebratæ? Quid dubitationis esse poterat, aut apud Julium, aut apud ceteros Pontifices Maximos five recentiores, five antiquiores Julio, quando jam a tempore legis Papæ, five ab ætate Augusti Imperatoris, ac propterea ab

ipſiſmet Eccleſiæ noſtræ exordiis nuptiæ hujusmodi legitimæ habitæ fuerant? Teſtem habeo Jureconſultum in leg. 33. de ritu nuptiarum ſcribentem, exceptis Senatoribus ejuſdemque liberis, omnibus ingenuis ex lege Papia licuiſſe libertinas uxores ducere. Imo ex tempore Juſtiniani Imperatoris nuptiæ inter Dominum, & libertam contraxæ tali privilegio dignæ habitæ ſunt, ut ex iis etiam legitimi juſtque filii dicerentur, qui in concubinato olim ante manuſiſſionem ex matre ancilla progeniti fuiſſent, Novella 18. cap. ult., & Nov. 78. cap. 3. ac 4. Porro, ubi juſ Civile Romanorum etiam antiquiſſimum hæc nuptias probavit, quænam eſſe poterat ratio dubitandi apud quoſpiam, aut apud Julium Papam de vi earundem nuptiarum? aut quomodo Julius Papa, aut quivis alius profiteri potuiſſet, ſe cenſendo hæc legitimæ eſſe connubia *vetuſtam ambiguitatem decidere*? Itaque monumenti hujus nulla habenda erit ratio, utpote quod nemini ex Pontificibus tribui poſſit; quamquam tamen non iverim initia eum, qui ejuſdem capitis auctor exiit, abuſum fuiſſe authenticis monumentis, qualia habentur in Concilio Cabilonenſi 2., & Capitularibus Francorum, quæ aliis in locis commodius exhibentur, ideſt ad canonem 2. 4. & 5. cau. 29. qu. 2.

Can. 7.
cau. 35.
qu. 2.

Perperam Julio Papæ tributum legimus canonem 7. cau. 35. qu. 2., vel quia temporibus Julii Papæ non convenit, quibus longe pauciores erant conſtituti gradus, quibus vetita conjugia haberentur, vel quia Collectores Gratiano antiquiores, Burchardus in lib. 7. cap. 14., Ivo in lib. 9. cap. 49. eadem verba retulerunt nomine Concilii Aurelianenſis cap. 10. ibi: *Nullum in utroque ſexu permittimus ex propinquitate ſui ſanguinis, vel uxoris uſque in ſeptimi generis gradum uxorem ducere, vel inceſti macula pollueri*. Porro heic laudari videtur ſententia Concilii Aurelianenſis 3., quæ ita concepta eſt can. 10. *De inceſtis conjunctionibus ita, quæ ſunt ſtatuta, ſerventur, ut hiſ, qui aut modo ad Baptiſmum veniunt, aut quibus hæc ſtatuta Sacerdotali prædicatione in notitiam antea non venerunt, ita pro novitate converſionis ac fidei ſuæ credidimus conſulendum, ut contraxiſſa hæc uſque hujusmodi conjugia non ſolvantur, ſed in futurum, quod de inceſtis conjunctionibus in anterioribus canonibus interdictum eſt, obſervetur; id eſt ut ne quis ſibi ſub conjugiæ nomine ſociare præſumas reliquam patris, filiam uxoris, reliquam fratris, ſororem uxoris, conſobrinam, aut ſobrinam, reliquam avunculi, vel patruſ &c.* Prolixam Concilii hujus ſententiam mutatis nonnullis referre voluerunt Ivo, & Burchardus, numerantes etiam ſeptimum conſanguinitatis, & adſignatis gradum, quo nuptias prohibitas docerent juxta recentiore ſuorum temporum traditionem.

Quod ut clariuſ obſervemus, juvabit animadvertere, olim non alios gradus in conjugiis conſanguineorum obſervatos, quam primum, ſecundum, & tertium (aliquando etiam quartum in certo genere perſonarum juxta §. 3. inſtit. de nuptiis) & quidem juxta civilem computationem, quæ duos fratres ſecundo, fratrum autem filios quarto gradu diſtincto collocat, quemadmodum docet Juſtinianus nuper memoratus in §. 4. eod. tit. Quando vero hunc Imperatorem laudo, eum laudatum velim, qui ſaltem velut teſtis diſciplinæ ſexti ſæculi habeatur. Quum tamen generaliter, ſive civilibus, ſive Eccleſiaſticis legibus matrimonia conſanguineorum improbarentur, ſeptimus gradus viſus poſtea eſt, in quo demum conjugia celebrarentur, cum ſeptimo gradu conſanguineorum nomina finiſſentur, quod & Iſidoro Hiſpalenſi viſum eſt, ſi Iſidori ſunt, quæ legimus in fine capitis 6. lib. 16. originum ibi: *Hæc conſanguinitas, dum ſe paulatim propagationis ordinibus dirimens uſ-*

que

que ad ultimum gradum subtraxerit, & propinquitatē esse deserit, eam rursus sex matrimonii vinculo repetit, & quodammodo revocat fugientem. Ideo autem usque ad sextum generis gradum consanguinitas constituta est, ut sicut sex ætatibus mundi generatio, & hominis status finitur, ita propinquitatē generis tot gradibus terminaretur. Hæc Isidori, aut cuiusvis alterius verba Isidoro tributa occasionem nonnullis dederant, ut conjugia infra septimum gradum contracta reprobarent, præsertim etiam, quod successiones hæreditatum legitimæ apud nonnullas gentes ad septimum usque consanguinitatis gradum extenderentur. Sic in lege Bajuvariorum, seu Capitulari 3. Dagoberti Francorum Regis anni 630. tit. 14. §. 9. vers. 4. cævetur, tum demum Regio fisco cedere relicta defunctorum bona, quoties ultra sextum gradum nemo superest ex cognatis, & Gregorius III. in epil. ad Bonifacium Episcopum cap. 5. ait: Progeniem vero suam unumquemque usque ad septimam generationem observare decrevimus. Et clarius in Francorum Capitularibus lib. 7. cap. 432., & additione 3. cap. 123.: Nullus fideiitum usque ad finitatis lineam, idest usque in septimam progeniem consanguineam suam ducat uxorem, vel eam quoquemodo incesti macula polluat. Idipsum fere legitur in additione 4. cap. 2. ex legibus Wisigothorum depromptum, in quibus lib. 3. tit. 5. cap. 1. sextus gradus postremus definitur ex iis, in quibus matrimonia prohibentur. Huc quoque pertinet canon 1. Concilii Meldensis anni 845., Constitutio Synodi Duziacensis anni 874., Concilii Londoniensis anni 1125. cap. 16., & apud Burchardum caput 11. 12. 13. & sequentia lib. 7. & cap. 46. cum sequentibus parte 9. apud Ivonem. Et quidem septimus iste gradus juxta Civilis juris rationem computabatur, qua tot gradus numerari solebant, quot generationes ex utraque linea collateralis; at vero cum posterioribus sæculis inventa fuerit alia methodus computandi consanguinitatis gradus, qualis eruitur ex can. 2. cau. 35. qu. 5., non potuit diutius consistere usque eo producta disciplina Ecclesiastica, sed opus fuit ad quartum gradum conjugiorum prohibitionem coartare, quemadmodum factum est in Concilio Lateranensi cap. 8. de consanguin. & adfin. Sic sese habet novæ hujus Jurisprudentiæ origo, quam quemadmodum nonnulli circa sæculum undecimum conturbare conati sunt, uti colligitur ex dicto canone 2. cau. 35. qu. 5., ita non dubito, quin potuerint nonnulli audaciores monumenta quædam effingere ad suam opinionem magis magisque firmandam, quæ vetustissimis tribuerent Pontificibus, & inter ceteros Julio Papæ, cui quoque tribus legimus canones 12. & 13. cau. 35. qu. 2. ad eandem rem omnino pertinentes.

Et quidem can. 12. cau. 35. qu. 2. plurimum consonat cum relato canone 10. Concilii Aurelianensis 3. anni 538. ibi: De incestis conjunctionibus ita que sunt statuta serventur, ut his, qui aut modo ad baptismum veniunt, aut quibus Patrum statuta sacerdotali prædicatione in notitiam antea non venerunt, ita pro novitate conversionis, ac fidei suæ credidimus consulendum, ut contracta hucusque hujusmodi conjugia non solvantur, sed in futurum, quod de incestis conjunctionibus in anterioribus canonibus interdictum est, observetur; idest ut nequis sibi sub conjugii nomine sociare præsumat reliquam patris, filiam uxoris, reliquam fratris, sororem uxoris, consobrinam, aut sobrinam, reliquam avunculi, vel patrui. Quod si qui in hoc incesti adulterio potius, quam conjugio fuerint sociati, quamdiu se non sequestraverint, a communione ecclesiastica repellantur. Illud etiam adjiciendum esse credidimus, ut in Episcopi discussione constet de his, qui in civitate sua, aut territorio consistunt, & tali sunt ordine sociati, utrum ignorantes ad illicita conjugia venerint, an per consumaciam, que sunt interdicta præsumserint,

quia sicut his, qui per ignorantiam lapsi sunt, subvenitur, ita illis, quibus prius Patrum statuta in notitiam venerunt, quique etiam contra Sacerdotum interdicta in tali permissione versantur, priorum canonum in omnibus statuta servantur, ut non prius ad communionem recipiantur, quam incesti adulterium, sicut scriptum est, separatione sanaverint, quia in lege Domini manifeste legitur: Maledictus qui dormit cum uxore patris sui, cum privigna, vel uxoris sue sorore, & reliqua his similia. Quo fit, ut quos Deus maledixit, nos nisi emendatos benedicere non possimus. Nonnihil præterea simile habetur in canone 61. Concilii Agathensis, quem retulit Gratianus in can. 8. eadem causa, & questione. Addere possum Concilium Epaoense anni 517. can. 30., ibi; Incestis conjunctionibus nihil prorsus veniæ reservamus, nisi cum adulterium separatione sanaverint. Incestos vero, nec ullo conjugii nomine prævelandos, præter illos, quos vel nominare fœdum est, hos esse censemus. Siquis reliquam fratris, quæ pene prius soror extiterat, carnali conjunctione violaverit; siquis frater germanam uxoris sue accipiat, siquis novercam duxerit, siquis consobrinæ, sobrinæve se societ, quod, ut a præsentis tempore prohibemus, ita ea, quæ sunt antea, instituta non solvimus. Siquis reliquæ avunculi intercedatur, aut patrui, vel privignæ concubitu polluat. Sane quibus conjunctio illicita interdicitur, habebunt in eundem melioris conjugii libertatem.

His tamen Conciliorum Gallicanorum fragmentis nondum integram, absolutamque habeo Gratiani sententiam. Coniungenda eisdem erunt verba Theodori Cantuariensis in Pœnitentiali a Petito edito cap. 11., ibi: In tertia propinquitate carnis licet nubere secundum Græcos, sicut in lege scriptum est: in quinta secundum Romanos, tamen in tertia non solvunt, si post factum fuerit (legunt alii: postquam factum fuerit). Ergo in quinta generatione coniungantur. In quarta si inventi fuerint, non separentur. In tertia tamen propinquitate non licet uxorem alterius accipere post obitum ejus. Equalliter vir coniungitur in matrimonio his, qui sibi consanguinei sunt, & uxoris sue consanguineis post mortem uxoris. Quis non agnoscit in hoc Theodori fragmento potestatem partem dicti canonis 12., imo & integrum canonem 13. cau. 35. qu. 2., quos Julio Papæ tributos videmus a Gratiano? Huc etiam referri possent, quæ habet Regino in lib. 2. de eccles. discipl. nomine Concilii Vermeriensis sub Pipino Rege his verbis: In tertio geniculo separentur. In quarta autem conjugatione si inventi fuerint, non eos separamus, sed pœnitentiam eis indicimus. Et tamen si factum non fuerit, nullam facultatem coniungendi in quarta generatione damus. Pertinent autem ista ad Concilium Vermeriense anni 752. can. 1., & ad Concilium Compendiense anni 757. can. 1. Consonat præterea cum memoratis Gratiani canonibus canon. 29.; & canon 30. Concilii Moguntini, ut vocant, primi anni 847. Canon. 29. his verbis exprimitur: Si quis viduam uxorem duxerit, & postea cum filiastra sua fornicatus fuerit, seu duabus sororibus nupserit, aut si qua duobus fratribus nupserit, seu cum patre, & filio; item siquis reliquam fratris, quæ pene prius soror extiterat, carnali conjunctione violaverit, siquis neptem in conjugium acceperit, siquis novercam, aut nulum suam duxerit, siquis consobrinæ suæ impudice se sociaverit, vel reliquæ, sive filie avunculi, aut patris filie, vel privignæ suæ concubitu pollutus, vel huiusmodi conjunctionis attactu maculatus fuerit, eos disjungi, & ulterius nunquam conjugio copulari, sed sub magna diffinitione fieri volumus. Et canon 30. Contradicimus quoque, ut in quarta generatione nullus amplius conjugio copuletur: ubi autem post interdictum factum inventum fuerit, separetur. Sane eadem, quæ in viri, hæc nimirum in uxoris parentela de lege nuptiarum regula custodienda est. Quia ergo constat eos duos esse in carne una,

communis illis utrinque parentela esse credenda est, sicut scriptum est: Erunt duo in carne una.

Nemo sane non videt Gratianos canones memoratos ex omnibus hisce fragmentis fuisse compositos, perperamque Julio Pontifici adscriptos. Imo ex his eo luculentius constat de collectoris, aut alterius cujuslibet industria, quo nonnulla adjecta veterum sententiis fuerint a veterum eorundem disciplina prorsus aliena, & quæ juvabit hoc in loco fusius expendere ad obtinendam rerum antiquarum notitiam, quoad fieri potest, maxime conducentia.

Prioribus sex Ecclesiæ sæculis quemadmodum in consanguinitatis, ita & in adfinitatis observatione sacri canones civilem jurisprudentiam sequebantur. Porro ubi de consanguineis matrimonio jungendis ageretur, permittebantur demum conjugia, ubi consanguinei quarto invicem gradu distarent, aut etiam nec quarto in certo genere personarum juxta ea, quæ tradit Justinianus in §. 3. & 4. initit. de nuptiis. Adfinitatis vero cum nulli essent gradus l. 4. §. 5. de gradibus, & adfinibus, ipsi per singularia nomina designabantur, præter quæ adfinitas nulla intercedere dicebatur. Erant autem hæc nomina: Socer, focrus, gener, nurus, noverca, vitricus, privignus, privigna, dicta l. 4. §. 4., & l. 17. in fine cod. de nuptiis. Hinc adfinitatis causa prohibebantur nuptiæ inter socerum, & nurum, inter generum, & socrum, inter vitricum, & privignam, demum inter privignum, & novercam. Extra hujus generis personarum nullibi adparet, matrimonia fuisse interdicta causa adfinitatis, nisi fortassis de illis ageretur, qui soceri, nurus, generi, focrus, privigni, privignæ, vitrici, aut novercæ loco haberentur, uti agnoscimus ex l. 14. §. 4. de ritu nuptiarum. Et quidem illam prohibitionem quædam unius erga aliam personam reverentia, aut naturalis pudor induxerat; siquidem nurus socerum, socrum gener, privigna vitricum, privignus novercam loco parentum habebant; visum autem fuerat incongruum, ut quis illam duceret uxorem, aut quæ illi marito nuberet, quam, quemve loco parentis habuit aliquando, eadem ferme ratione, qua adoptiva filia adoptanti jungi non poterat etiam soluta per emancipationem adoptione.

Postquam vero in consanguineis observari cœperunt ultiores gradus, probatum fuit, ne matrimonia infra septimum gradum consanguinitatis celebrarentur, quemadmodum superius demonstrabam ad canonem 7. cau. 35. qu. 2., visum quoque fuit latius extendere adfinium nomina, imo etiam & varios adfinitatis gradus, & varia adfinitatis genera comminisci. Non eadem tamen æque apud Græcos, atque apud Latinos inducta est disciplina. Apud Græcos, ut ab ipsis exordiar, eo devenit, non tantum, ut adfinitatis gradus numerarentur, sed etiam, ut ii velut adfines censerentur impediendi conjugii causa, inter quos nomina per conjugium confunderentur. Adfero ad hanc rem verba ipsa Constantini Harmenopoli in promtuariorum juris civilis lib. 4. tit. 6. Porro adfinitate junctis matrimonium contrahere permittitur, si nec infra sextum gradum sint, neque cognationis nomina confundant. Qui enim hæc confundant, etiam ad septimum usque gradum matrimonio copulari prohibentur. Confundunt autem in sexto quidem gradu, ut cum duo fratres patruelles duas ducunt sorores, aut contra duo fratres duas sorores patruelles. Sic enim contingit, ut pro fratribus, aut patruelibus fiant *εγγενημένοι*, quasi congeneros dicas, id est duorum sororum mariti. Aut cum patruus, & fratris, sororisve filius, fratris sororisve filiam, & amitam ducunt, patruus quidem fratris, sororisve filiam, fratris vero,

aut

aut sororis filius amitam. Fiunt enim hinc, patruus quidem fratris, aut sororis filius, fratris autem, aut sororis filius patruus, quæ utique confusio est. Quod si patruus patruam, consobrinus consobrinam duxerit, nulla oriatur confusio. At ideo nec inter eos connubium prohibetur. Ita enim patrui, & consobrini locum inter se, & cognationem retinent. Et in reliquis eadem ratione. In septimo autem gradu confundunt, ut cum avus, & pronepos duas patruelas ducunt, aut pater, & filius duas patruelas secundas: ita & *αὐτοῦ καὶ τοῦ πατρὸς* cenfebuntur. At avus, & nepos amitam magnam, & consobrinam ducere non prohibentur; namque inde nulla resultat confusio. Siquidem & amitam magnam, & patrum magnam avum, & aviam nominant. Et hæc ea est, quæ in hac maxime cognatione tantas vires habet confusionis fuga, *αὐτοῦ καὶ τοῦ πατρὸς* Græci vocant. Quam & veteres illi solam in hac requirebant, nullo autem passo gradum. Ceterum eos, qui ex tertio profapia sese contingunt, necesse interdum est matrimonio jungi, eos nimirum, qui quarto a se mutuo gradu distant, aut etiam ultra, etsi lex duos dumtaxat aperte prohibuit, nequis scilicet cum ea matrimonium contrahat, quæ quondam privigni sui uxor fuit; nec noverca cum eo, qui quondam privignæ suæ fuerit maritus, ceteris silentio transmissis. Poterit ergo quis uxorem ducere sororem uxoris fratris suæ uxoris. Quarto siquidem gradu hi se invicem contingunt, cum in his tertiam spectare liceat progeniem. Obscura sane nonnullis videbitur loquendi ratio, cui quispiam lucem adferre poterit ex Mathæo Monacho, seu Blastare in syntagmate alphabetico litera B. cap. 8., volui autem verba ipsa Harmenopuli referre, ne crassioribus tenebris res obscuras obvolverem. Paucis dixerim, apud Græcos non unam semper fuisse sententiam in prohibendis conjugii inter adfines. Siquidem post tempora Justiniani non taptum inter eos adfines contrahi matrimonium prohibebant, qui erant legibus designati, videlicet inter socerum, & nurum, generum, & socrum, vitricum, & privignam, privignum, & novercam; verum etiam inter eos, qui si matrimonia contraxissent, ipsa familiarum nomina confudissent. Sic patruus, & nepos uxorem ducere non poterant amitam, & nepem, videlicet patruus nepem, nepos amitam, ne forte amita diceretur, quæ neptis erat; neptis e converso vocaretur, quæ erat amita. Nulli autem eo usque adfinitatis gradus numerabantur. Atque eo pertinent verba illa Harmenopuli nuper memorata: *Quam & veteres illi* (confusionis fugam) *solam in hac respiciebant, nullo autem passo gradum*. Posteriore ætate ceperunt sicut in consanguinitate, ita & in adfinitate gradus recenseri, quæ tamen in re distinguenda voluerunt adfinitatum genera a gradibus adfinitatum, quemadmodum eadem aperte distinguunt memoratis in locis Blastares, & Harmenopulus. Gradus computari solebant, quoties duæ consanguineæ ab eodem stipite descendentes feminæ duobus ex eodem stipite descendentes masculis jungebantur, ut primum computarentur gradus consanguinitatis inter feminas ipsas, nec non gradus inter masculos, utrique deinde jungerentur, ex quorum conjunctione gradus adfinitatis designabatur; hinc si patruus, & fratris, sororisve filius amitam, & fratris, sororisve filium ducebant, sextus gradus adfinitatis dicebatur, quatenus tres gradus existunt inter patruum, & fratris, sororisve filium, totidem etiam inter amitam, & fratris, sororisve filiam, qui gradus simul iuncti sex gradus efficiebant. Atque non semper sextus hic adfinitatis gradus conjugia impediēbar, sed pro adiutorum qualitate, quemadmodum fufius ostendit Blastares loco superius memorato. Alia servabatur regula in diversis adfinitatis generibus, in quibus tertia profapia servari solebat, quamquam aliquando in tertia profapia matrimonia fierent. Atque huc pertinent

illa

illa Harmonopuli verba jam prælaudata. Ceterum eos, qui ex tertia prosapia sese coniungunt, necesse interdum est matrimonio jungi; item verba Blastaris loco memorato: *Matrimonia ex tribus diversis generibus pertinent & ipsa quoque ad rationes adfinitatis, sed tertii generis interventu facilius libera sunt.* Quod ut clarius fiat, ego arbitror ex familiarum diversitate diversitatem generis fuisse repetitam. Hinc quæ soror erat uxoris fratris uxoris Titii, Titio eidem esse dicebatur in triplici adfinitatis genere, computata primum familia Titii, - secundo familia fratris uxoris Titii, tertio demum familia uxoris fratris uxoris Titii, quæ eadem erat cum familia sororis uxoris fratris uxoris Titii. Obscura sane computatio est, sed quæ luculentior fiet consideranti non tam verba Harmonopuli superius allata, quam verba Blastaris loco memorato, qui rem hanc universam variis adductis exemplis illustrat.

Paulo aliter viguit Latinarum disciplina post tempora Justiniani. Postquam enim Sancti Patres vulgo reduxerunt conjugiorum jura ad illud, quod de conjugibus dicitur in Evangelio: *Erunt duo in carne una*, emerferunt primum adinstar graduum consanguinitatis gradus adfinitatis. Sane (ita medix ætatis Patres ecclesiastici ratio cinabantur) si vir, & uxor pro eadem quodammodo persona haberi debent, illud statim ex eo proficiscitur, ut qui consanguineus uxori est, viro etiam videatur propinquus, & qui e converso consanguineus est viro, videatur propinquus uxori. Hanc autem propinquitatem, quam inter virum, & consanguineos uxoris, aut inter uxorem, & consanguineos viri agnoverunt, adfinitatem adpellavere. Et en perspicue constitutos adfinitatis gradus exemplo graduum consanguinitatis, ut quo gradu vir alicui consanguineus, eo illi uxor adfinitis haberetur, & e converso: *Erunt duo in carne una* (ita Auctor canonis 1. cau. 35. qu. 10.) *Si una caro sunt, quomodo potest aliquis eorum propinquus pertinere uni, nisi pertineat alteri? Hoc minime posse fieri credendum est.* Hinc generatim prohiberi conjugia cæperunt non tam consanguineorum, & consanguinearum, quam illorum, qui consanguineis juncti fuerunt leg. 12. lib. 2. Legum Longobardarum tit. 8., Concilio Moguntino anni 847. can. 3. jam superius relato, & aliis passim in locis etiam prælaudatis, ex quibus eo tandem res devenit, ut, quemadmodum aliquando usque ad septimum consanguinitatis gradum conjugia prohibebantur, ita quoque prohibita fuerint usque ad septimum gradum adfinitatis; & demum, quemadmodum in Concilio Lateranensi consanguineorum gradus quartum gradum excedere non potuerunt, ita nec quartum gradum excessere gradus adfinitatis, cap. 8. de consanguin. & adfinit.

Non tamen hic constitit hujusmodi jurisprudentia; itatim ac enim vir, & uxor pro eadem persona ex Divini Evangelii interpretatione (qualiscumque hæc tandem fuerit) omni modo haberi cæperunt, Cultores canonum octavo, aut nono sæculo recentiores plura invexerunt genera adfinitatis. Consideraverunt isti, binubam uxorem non tam ipsam adfinem esse consanguineis primi mariti, quam occasionem præbere secundo marito, ut & ipse affinis consanguineis primi mariti habeatur. Et quidem ratio gravissima videbatur. Etenim quemadmodum unitas personæ in viro, & uxore causam adfinitatis præbet inter uxorem, & consanguineos mariti; ita unitas personæ in uxore binuba & secundo marito causam præbebat adfinitatis (quam dicebant secundi generis) inter secundum maritum, & consanguineos primi mariti, sive inter eos, qui jam erant uxori binubæ adfines. Imo etiam si secundus maritus uxoris binubæ, uxore eadem binuba defuncta aliam superinduxisset uxorem, ex eadem ratione novæ uxori occasionem præbebat, ut adfinitis esset con-

san-

sanguineis primi mariti, quam adfinitatem tertii generis adpellabant; & quidem hæc tertii generis adfinitas usque ad prælaudatum Lateranense Concilium perduravit, uti deducitur ex cap. 8. de consanguinitate, & adfinitate, quo gradus quidem adfinitatis ad quatuor redacti sunt, sed genus tantum primum adfinitatis superfuit.

Can. 7.
de cons.
dist. 2.

Canonem 7. de consecr. dist. 2. perspicuum est esse potius referendum ad Concilium Bracarense anni 675., quod aliquibus tertium, nonnullis quartum dicitur, siquidem in eo can. 2. hæc leguntur: Cum omne crimen, atque peccatum oblati Deo sacrificiis deleatur, quid de cetero pro delictorum expiatione Domino dabitur, quando in ipsa oblatione sacrificii erratur? Audivimus enim quosdam schismatica ambitione desentos contra divinos ordines, & apostolicas institutiones lac pro vino in divinis sacrificiis dedicare: alius quoque intinäum Eucharistiam populis pro complemento communionis porrigeret: quosdam etiam non expressum (legit Gratianus etiam expressum) vinum in Sacramento Dominici Calicis offerre; sed oblatis suis populos communicare. (Nonnulla hoc in loco Gratianus adjecit de panno lineo reservato, quem multo fuisse intinäum, dicit) Quod quam sit evangelicæ, atque apostolicæ doctrine contrarium, & consuetudini ecclesiasticæ adversum, non difficile ab ipso fonte veritatis præbabitur, a quo ordinata ipsa Sacramentorum mysteria processerunt. Cum enim magister veritatis verum salutis nostræ sacrificium suis commendaret Discipulis, non illis lac, sed panem tantum, & calicem, sub hoc Sacramento benedixisse cognoscimus. (Monet Labbeana editio, alibi legi: Sub hoc Sacramento cognoscimus commendata.) Ait enim Evangelicæ veritas: Accepit Jesus panem, & calicem, & benedixit dedit Discipulis suis. Cessat ergo lac in sacrificando offerri (Monet rursus Labbeana editio, alibi legi: in sacrificio offerri), quia manifestum est, & evidens exemplum evangelicæ veritatis illuxit, quod præter panem, & vinum aliud offerri non finit. (legit Gratianus: non licet) Illud vero, quod pro complemento communionis intinäum tradunt Eucharistiam populis, nec hoc prolatum ex Evangelio testimonium recipit, ubi Apostolis Corpus suum, & Sanguinem suum commendavit; seorsum enim panis, & seorsum calicis commendatio memoratur. Nam intinäum panem, aliis Christum præbuisse non legimus, excepto illi tantum discipulo, quem intinäum buccella magistri proditorem ostenderet, non quæ Sacramenti hujus institutionem signaret. Nam quod de inexpresso (legit Gratianus: de expresso) botro, idest de uvæ gravis populus communicatur, valide est omnino confusum: calix enim Dominicus, juxta quod quidam Doctor edisserit, (referenda hæc sane sunt ad sententias Cypriani in can. 2. & 3. dist. 2. de consecr.) vino, & aqua permixtus debet offerri, quia vidimus in aqua populum intelligi, in vino vero ostendi Sanguinem Christi. (Nonnulla hæc addidit Gratianus de botris exprimendis, ac cum aqua miscendis, quoties necessitas exigit, quæ tamen in ejusdem Concilii codicibus non habentur. Et revera hæc non satis conveniunt sacrorum canonum disciplinæ, aut ecclesiasticæ traditioni, quum botrus in calice expressus vinum adhuc appellari nequeat, ex quo rite Eucharistia consistatur). Ergo quando in calice vino aqua miscetur, Christo populus adunatur, creditum plebs ei, in quem credit, copulatur, & jungitur. Quæ copulatio, & junctio aquæ, & vini sic miscetur in calice Domini, ut commixtio illa non possit separari. Nam si vinum tantum quis offerat, Sanguis Christi incipit esse sine nobis, si vero aqua sit sola, plebs incipit esse sine Christo. Ergo quando botrum solum offertur, in quo vini tantum efficientia demonstratur, salutis nostræ Sacramentum negligitur, quod per aquam significatur; non enim potest calix Domini esse aqua sola, aut vinum solum, nisi utrumque hbi misceatur. Et ideo quia jam ex hoc plurima, & multiplex majorum emanavit sententia,

quorum

quorum pietas in Deum religiosa horum Sacramentorum & efficientias copiose differuit, & institutiones verissime declaravit, omnis talis error, atque præsumptio cessare jam decet, ne perverforum ordinata compago senatim (legunt alii: statim) veritatis enervet. Et ideo nulli deinceps licitum erit aliud in sacrificiis divinis offerre, nisi juxta antiquorum sententias Conciliorum panem tantum, & calicem vino, & aqua permixtum: de cetero aliter, quam præceptum est, faciens, tamdiu a sacrificando cessabis, quamdiu legitima pœnitentiæ satisfactiōe correctus ad gradus sui officium redeat, quem amisit. (legunt alii: quod amisit). Concilii hujus Bracarenfis sanctionem paucis perstrinxisse videntur Patres Concilii Wormaciensis anni 868. can. 4. ita decernentes; Cum igitur magister veritatis verum salutis nostræ sacrificium suis commendaret Discipulis, panem tantum, & calicem sub hoc Sacramento præbuisse cognoscimus. Illeque præter panem, & vinum cum aqua mixtum, aliud offerri non debet. Calix enim Dominicus vino, & aqua permixtus debet offerri, quia videmus in aqua populum intelligi, in vino vero ostendi sanguinem Christi. Ergo quando in calice vinum aqua miscetur, Christo populus adunatur, & credentium plebs ei, in quem credidit, copulatur, & jungitur. Que copulatio, & conjunctio aquæ, & vini sic miscetur in calice Domini, ut commixtio illa non possit separari. Nam si vinum tantum quis offerat, Sanguis Christi incipit esse sine nobis; si vero aqua sit sola, plebs incipit esse sine Christo. Non enim potest calix Domini esse aqua sola, aut vinum solum, nisi utrumque sibi misceatur. Nihil heic adicio, cum satis superque constet, memoratum Gratiani canonem perperam Julio fuisse tributum, atque non tam laudato Bracarenſi Concilio restituendum, quam Gratiani exemplar ex integro Concilii exemplari esse emendandum.

CAPUT XXXII.

De Liberio.

Liberii Pontificis nomine laudantur sequentes Canones.

Uterque
apocryphus.

Ex Epist. ad { Can. 46. cau. 7. qu. 1. ex variis fragmentis Martini I. com-
omnes Episc. { positus.

Ex Epist. ad { Can. 32. cau. 24. qu. 1. pertinet potius ad typum Constantis Impe-
Athanasium. { ratoris.

Quicumque perperiderit, Liberium anno primum 352. Sedem Pontificiam conscendisse, eam cernit ætatem, qua Sanctus Athanasius impiissimis tergiversantium Arianorum calumniis premebatur. Nihil propterea altius insedit eidem Pontifici Maximo, quam Athanasii causam tueri, utpote quam eandem propemodum esse cum Nicænæ fidei causâ facile dignoscebat. Quamobrem & ipsæ plurima perpeti debuit ex odio Arianorum, inter cetera exilio pulsus in Beroam Thraciæ urbem, ubi per duos circiter annos moratus est, successio in ejus locum

in Romano Episcopatu Felice Archidiacono, donec visus est mutata sententia Athanasium damnasse, & Ariani quoquo modo indulgisse; vix enim ac Ariani sibi persuaserunt, Liberii animum se flexisse, eundem, rejecto Felice, in Episcopatum Romanum receperunt anno 358., seu ut honorificentissime reciperetur, vehementer conati sunt prospero eventu. Obiit autem Liberius 8. kalendas Octobris anno 366. Nonnulla etiam hodie supersunt, & quidem genuina, hujus Pontificis monumenta. Sed Gratianus, qui nullum delectum habuit in seligendis antiquitatis sacris capitibus, duo tantum recensuit ex collectione Isidori Mercatoris depromta, ac proinde etiam a veritate prorsus aliena.

Can. 46.
cau. 7.
qu. 1.

Prior est epistola incerti anni, nullius nimirum consulatu notata, cui hæc habetur inscriptio: *Dominis sanctissimis, & Deo amantissimis universis Episcopis Liberius Episcopus in Domino salutem.* Nemo est ex eruditis, qui hanc epistolam tanquam apocrypham non agnoscat. Refero verba Wanespæ in brevi Commentario ad 2. partem Gratiani ad canonem 46. cau. 7. qu. 1. agentis: *Citas (Gratianus) hanc in rem inter alia canone 46. fragmentum epistolæ Liberii Papæ omnium Episcopis: sed licet illud Gratiani verum sit, parum tamen ponderis accipit ex hac epistola, utpote quæ plura præfert suppositionis argumenta, ut propterea tomo 2. Conciliorum generalium col. 760. referatur cum hac nota marginali: Commentitiam esse nemo non videt.* Hanc ipsam marginalem notam habemus in collectione Labbeana Venetiis impressa tom. 2. pag. 815. Qui hanc epistolam studiose legerunt, observare, eam compositam esse ex variis recentiorum Patrum laciniis, præsertim Siricii, Leonis Magni, & Martini I. Pontificum Maximorum, item Flaviani Episcopi Constantinopolitani. Non opus est hoc in loco, ut singula persequar. Me tantummodo redigo ad Gratianæ canonem 46. cau. 7. qu. 1., cujus verba ex Isidori Mercatoris epistola integra referam, imo aliquibus etiam adjectis, eademque conferam cum duobus Martini Papæ I. monumentis, quorum primum repetendum erit ex epistola ejusdem ad Amandum Episcopum Trajectensem, alterum ex synodica ejusdem epistola, quæ habetur adjecta Concilio Lateranensi sub eodem Pontifice celebrato.

*Verba epistolæ Liberii, ad quæ refertur
canon 46. cau. 7. qu. 1.*

*Verba Martini I. in epistola ad Amandum
Trajectensem Episcopum.*

Suggestum namque nobis est, quod pro præteritis laboribus, & infestationibus nonnulli vestrum assignatas sibi met, & a Deo commissas relinquunt plebes, & in futuro plures relinquere velint eas, quas tueri debent, Ecclesias, & pro ovibus sibi commissis laborare negligant, & monasteriorum se quieti contradere festinant, & vacationem ab Episcopatus laboribus eligere, & silentio, atque otio vitam degere magis appetant, quam in his, quæ sibi commissæ sunt, permanere, dicente Domino: *Beatus, qui perseveraverit usque in finem.* Unde namque est.

Suggestum est namque nobis, eo quod presbyteri, seu diaconi, alique sacerdotalis officii post suas ordinationes in lapsu coinquinantur, & propterea nimio more fraternitatem tuam alstringi, velleque pastorale obsequium pro eorum inobedientia deponere, & vacationem ab Episcopatus laboribus eligere, & in silentio, atque otio vitam degere, quam in his, quæ sibi commissæ sunt, permanere, dicente Domino: Beatus, qui perseveraverit usque in finem. Unde namque beata perseverantia, nisi de virtute patientiæ? quia secundum apostolicam prædicationem omnes, qui voluerint in Christo

est beata perseverantia, nisi de virtute patientiæ? Quoniam secundum apostolicam prædicationem omnes, qui voluerint in Christo pie vivere, persecutionem patiuntur. Ideoque, Fratres charissimi, non vos afflictionum amaritudo a pio mentis vestri proposito coarctet recedere. Considerate namque, quanta pro absolutione nostri, & liberatione Creator, Dominusque, & Redemptor noster pertulerit, quibusve se contumeliis afficiendum tradiderit, ut nos a vinculis potestatis diabolicæ liberaret.

Attendite itaque vobis, & omni gregi, in quo vos Spiritus Sanctus constituit Episcopos regere Ecclesiam Dei, quam adquisivit proprio sanguine, ut non sit, qui vos decipiat, aut seducat in subtilitate sermonis, ut plebes vobis commissas relinquatis, & alicui propter malorum opprobrium hominum quieti vos tradatis, & ut vos solummodo salvatis, & filios orphanos relinquatis. Apertissime enim Spiritus Sanctus per Apostolum dicit, quia in novissimis temporibus recedent quidam a fide, & charitate, attendentes spiritibus seductoribus, & doctrinis demoniorum, & in hypocrisi mendacii eloquiorum, cauteriatam habentes suam conscientiam, propter quod vigilate, & orate, ut non intretis in tentationem. Quæ vero mentis transgressio operatur in his, qui non crediderint sermonibus Domini, &c.

Ex his liquido constat Isidorum Mercatorem illius epistolæ auctorem ab usum fuisse sententiarum Martini Papæ, easdemque per egregiam impudentiam ad aliam rem aliquantisper inflexas Liberio Pontifici adscriptisse.

Non minor fuit impudentia Mercatoris in aliis effingendis duabus epistolis, quarum alia ab Athanasio, & universis Episcopis in Alexandrino Concilio congregatis ad Liberium Papam directæ fuerit, alia responsionis instar obtineret a Liberio ad Athanasium, & Episcopos Alexandrinæ Synodi rescripta. Ad marginem harum epistolarum ita legitur in Labbeana Veneta editione tom. 2. pag. 817. Hanc epistolam cum sequenti falsatis adnumerandam censens non cruditi modo, sed etiam proletrarii quique Scriptores. Revera nemo percipere facile poterit, quomodo Athanasius Episcoporum Concilium celebraverit in Alexandrina Civitate, in qua potissimum ab adversariis suis maxime terrebarur, quod & ipse Athanasius in eadem Mercatoris

Christo pie vivere, persecutiones patientur. Ideoque, Frater charissime, non vos afflictionum amaritudo a pio mentis vestri proposito coarctet recedere, considerans, quanta pro absolutione nostri, & liberatione Creator, Dominusque noster pertulerit, quibusque se contumeliis afficiendum tradiderit, ut nos a vinculis diabolicæ potestatis liberaret.

Verba Martini I. in Synodica Epistola Concilio Lateranensi adjecta.

Attendite itaque vobis, & omni gregi, in quo vos Spiritus Sanctus constituit Episcopos regere Ecclesiam Dei, quam adquisivit proprio sanguine, ut non sit, qui vos decipiat, aut seducat in subtilitate sermonis per philosophiam, & inanem fallaciam. Apertissime enim Spiritus Sanctus per Apostolum dicit: quia in novissimis temporibus recedent quidam a fide, attendentes spiritibus seductoribus, & doctrinis demoniorum, in hypocrisi mendaciloquorum, cauteriatam habentium suam conscientiam; propter quod vigilate, & orate, ut non intretis in tentationem, quæ mentis transgressio operatur in his, qui non crediderunt veritati, sed consenserunt iniquitati, &c.

Can. 32.

can. 24.

tit. 1.

toris epistola fitetur, ibi: *Quotidie ab his persequimur, & damnationi tradimur, atque morti destinamur.* Præterea Athanasius ita fingitur ad Liberium scribere, quasi ex eo accusatus ab Arianis fuerit, quod perperam de fide sentiret, Nicænamque Synodum oppugnaret, quando tamen nihil tale Athanasio ab ejusdem persecutoribus oppositum scimus, sed opposita potius atrocissima, nefandaque flagitia. Consularis nota Liberii epistolæ adjecta falsitatem etiam arguit, ibi: *Data 8. Kal. Junii Asclepio, & Deodato Viris clariss. Coss. Quis inveniet hæc nomina in consularibus fastis?* Vix in istis legitur nomen cujusdam *Asclepiodoti*, qui consulatum gessit cum Mariniano. Cum vero istorum consulatus inciderit in annum 423., frustra Liberium diceremus epistolam suam Asclepiodoti consulatu signasse. Non memoro recentiorum Scriptorum fragmenta, ex quibus methodo inordinata congestis composuit Mercator epistolam utramque. Me refero tantum ad verba canonis 32. cau. 24. qu. 1., quæ pertinent ad finem epistolæ posterioris, sive illius, in qua Liberii Papæ responsio continetur: Recitabo integram Pseudo-Liberii sententiam, quam Gratianus more suo corripit. Postquam impensius præcepit epistolæ auctor, ut unusquisque veram divinitus datam doctrinam sequeretur, ait: *Qui hæc præsumserint prævaricari, primum quidem subiaceant judicio terribili omnipotentis Dei, deinde autem qualemcumque Regalem indignationem revercantur, per quam, si quidem Episcopi, aut clerici sunt, a sui Sacerdotii, sive a Cleri sui ordine modis omnibus excidant, si autem monachi sunt, segregentur, & alieni sint de suis locis. Si autem dignitatem, aut cingulum, aut militiam habeant, nudentur eis. Si autem sunt privati, si quidem nobiles existunt, suarum substantiarum proscriptionem patiantur; si autem ignobiles, non solum in corpore verberentur, sed exilio perpetuo castigentur, ut omnes timore Dei compressi, & comminata eis digna supplicia reverentes, immobilem, & sine turbatione pacem Sanctorum Dei Ecclesiarum custodiant.* Hæc ita descripta non tantum indicant, Gratianum plurimum discrepare ab integris epistolæ exemplaribus, verum etiam integram hanc sententiam Liberii temporibus minime convenire, quibus Imperatoris Romani indignationem nondum appellare consueverant Regalem, quippe Regum, aut Regale ediderit. Usus ille est in hac re Typo quodam hæretico Constantis Imperatoris, qui habetur inter acta Lateranensis Concilii sub Martino I. Pontifice celebrati anno 649. secretario 4. Persuasiōe Pauli Constantinopolitani Antistitis proposuerat Constantis Imperator edictum, quod vulgo *Typus* appellatur, in quo vetuit, ne quispiam amplius contentiones concitaret de una, vel duplici Christi Domini voluntate, sed potius quæcumque antea suborta dissidia quiescerent, sepositis partium studiis, & eo usque gestis silentio, imo & oblivione deletis. Quod ut securius ipse firmaret, hæc addidit in edicti fine: *Qui autem ea præsumserint prævaricari, primum quidem subiacent judicio terribili omnipotentis Dei; deinde autem & non qualemcumque Regalem indignationem revercantur, per quam si quidem Episcopi, aut clerici sunt, sui Sacerdotii, sive sui Cleri modis omnibus excidant; si autem Monachi, segregentur, & alieni sint de suis locis; si autem dignitatem, aut cingulum, aut militiam habeant, nudentur de eis. Si autem sint privati, si quidem nobiles consistunt, suarum substantiarum proscriptionem patiantur; si autem ignobiles consistunt, non solum in corpore verberentur,*

sur, sed in exilio perpetuo castigetur, ut omnes timore Dei compressi, & comminatis digna supplicia reverentes, immobilem, & sine turba pacem Sanctorum Dei Ecclesiarum custodiant. Sic sese habet Imperatoria Constitutio, qualemcumque tandem exitum sortita fuerit, quam Liberio Papæ in parte adscribere voluit Mercator, & ex Mercatore Gratianus: neque enim quicumque fragmentum utrumque conferrent, inficias iverint. Isidorum Mercatorem, aut alium quemcumque Gratiani fragmenti auctorem, Constantis verbis, ac sanctione abuti voluisse, cum eadem omnino verba de Imperatoris typo in illam epistolam translata ausu improbo fuerint.

CAPUT XXXIII.

De Felice II.

Canones, qui nomine Felicis II. recitantur a Gratiano, pertinent omnes ad epistolam illi tributam ad Athanasium, & omnes Orientales

Episcopos in Alexandrina Synodo congregatos.

Sunt autem sequentes.

- | | | |
|-----------------------|---|---|
| Apocryphi
omnes. : | { | Can. 16. cau. 2. qu. 6. singulari dignus observatione. |
| | | Can. 7. cau. 3. qu. 2. consonat cum Concilio Romano V. sub Symmacho. |
| | | Can. 1. cau. 3. qu. 3. jungendus cum can. 7. cau. 3. quæst. 2. |
| | | Can. 2. cau. 3. qu. 3. ex integris epistolæ exemplaribus supplendus. |
| | | Can. 11. cau. 3. quæst. 5. consonat cum vetustis Canonibus Ecclesiæ Africanæ. |
| | | Can. 4. cau. 5. quæst. 2. consonat cum nonnullis aliis veterum monumentis. |
| | | Can. 12. cau. 6. qu. 1. depromptus ex historia ecclesiastica Cassiodori. |

PARum, aut nihil attinet ad rem meam cum Viris eruditis vulgarem instituere quæstionem, jurene, an injuria in locum Liberii viventis, atque a Romana Sede dejecti suffectus fuerit Felix II., quem & recepta Martyrologia, & vetustissima monumenta, tanquam sanctissimum, & inclutum Christi Martyrem prædicant. Illius nomine nulla apud Gratianum capita recensentur, nisi forte quispiam illi tribuenda adfirmaret, quæ superius descripsi deprompta ex epistola ad Athanasium, & alios Orientales Episcopos scripta. Apagæ vero Isidori Mercatoris figmenta, in quibus vix tempus frustra tererem, nisi mei propositi ratio id postularet. Non satis fuerat Mercatori fingere epistolam Athanasii ad Liberium, & Liberii ad Athanasium, uti suo loco ostendebam. Novas confinxit epistolas, quarum unam Athanasio tribuit, & Episcopis in Alexandrina Synodo congregatis ad Felicem directam, alteram dein Felici adscripsit, quasi rescriptum ad Athanasium, & ceteros Episcopos in Alexandrina Synodo congregatos. Jampridem cum eruditis Viris agnovit Baronius ad annum 357. §. 66. nullum plane locum, vel tempus cogendæ Synodi esse

esse potuisse Athanasio fuga lapsio, & in eremo latitanti, aliis etiam Episcopis pariter suis e sedibus deturbatis. Præterea verosimile neutiquam videri potest, Athanasium ad Felicem confugere voluisse, quem sciebat ideò Liberio suspectum, quod Liberius Athanasii ipsius causam defendendam suscepisset. Quæ Felici tribuitur epistola, hac nota consulari signatur: *Data idibus Februarii Agario, & Juliano viris clariss. Coss.* Juliani quidem consulatus incidit in annum 356.; at Agarii nomen prorsus in consularibus falsis omittitur. Non opus pluribus ad agnoscendam Mercatoris manum. Paucis dixerò, epistolam hanc ex nonnullis recentiorum Patrum, Scriptorumque fragmentis esse inordinate congestam, &, quod magis est, nihil aliud continere, quam sententias illas, quas passim in epistolis Isidori ejusdem universis agnoscimus. Nimirum ibidem eadem omnino legimus, quæ habentur in epistolis Pseudo-Julii, Pseudo-Anacleti, Pseudo-Euynchiani, Pseudo-Eusebii, Pseudo-Stephani, Pseudo-Fabiani, Pseudo-Pelagii, & similibus.

Can. 12.
c. 11. 6.
qu. 1.

Juabit epistolam ipsam percurrere, ac simul Gratiani fragmenta ad ejusdem integritatem exigere. Initio proficitur Felix, se epistolam ab Athanasio, aliisque Alexandrini Concilii Episcopis recepit, eandemque recitari iussisse in Synodo Romana; quam ob causam ait, se maximo confectum mœrore fuisse, quod intelligeret viros optimos, atque integerrimæ fidei Antistites diu premi, ac vexari. Hanc ad rem ita scribit: *Quiescite, inquit Sancta Magna Nicæna Synodus, & nolite persequi eos, qui Deo perfecte ministrant, & sincera voluntate Dei superni mandata custodiunt, & nostris legibus subjugantur, quia non decet, nec ordo patitur, ut iniqui, & carnales spirituales persequantur.* Retulit hæc eadem Gratianus in can. 12. cau. 6. qu. 1., quasi illa Nicæno Concilio tribui possent, quum tamen Nicæni Concilii tempore res Ecclesiæ, & Episcoporum pacatæ prorsus erant, nec erat, qui sacros Antistites insequeretur. Sed & auctor ejusdem epistolæ eadem propemodum verba recitat in fine capitis 20. non amplius expresso Nicæni Concilii nomine, sed nomine Antecessorum Felicis, & reliquorum Sanctorum Patrum, ibi: *Quiescite, inquit, & nolite persequi eos, qui perfecte Deo ministrant, quorum orationibus & terrena bella sedantur, & recedentium a Deo Angelorum pelluntur incursus, quique omnes Dæmones, qui corrupti sunt, precum assiduitate confundunt.* Video tamen, quibus ex fontibus fragmentum hoc Pseudo-Isidorus exhauserit, nimirum ex Cassiodoro, qui in lib. 7. historię ecclesiasticę tripartitę cap. 9. refert Edictum Imperatorum Valentiniani, Valentis, & Gratiani datum Episcopis Asiæ, Phrygię, Carophrygię, & Pacatianę, ubi inter cetera hæc leguntur: *Quid ergo dicitis vos Episcopi, & Præsules? Si ita se habet vestra probatio, diligentes alterutros, imperiali abuti dignitate quiescite, & nolite persequi eos, qui Deo perfecte ministrant, quorum orationibus & terrena bella sedantur, & recedentium a Deo Angelorum repelluntur incursus: quique omnes Dæmones corruptores precum assiduitate confundunt, tributa secundum leges inferre non respuunt, potestatisque Regiæ non resistunt, sed sincera voluntate & superni mandata Dei custodiunt, & nostris legibus subjugantur.*

Can. 4.
cau. 5.
qu. 2.

Pertinent hæc ad epistolę præfationem, in cujus fine asserit Felix, se nonnulla capitula subdere velle; seu in Nicæno Concilio, seu in Romana Sede constituta, omnia autem utilia, quibus Episcopi commodius adversantium insidias, & vexationes evadant. Et quidem in capite 1. & 2. subiectis refert sententias Concilii Constantinopolitani can. 6., Romani 3. sub Sylvestro cap. 3., Milevitani cap. 19., aliorumque recentiorum, item sententias Pseudo-Stephani in epist. 2., aliorumque Ponti-

Pontificum vetustissimorum, quorum personas idem Isidorus Mercator induerat. At in cap. 1. ita progreditur: *Si quis Episcopus post hæc elegerit accusare, Summis Primasibus Episcoporum suam indicet causam, & non secularibus, qui magis ad pacem, quam ad iudicium eos revocent, ut charitas in omnibus, & ab omnibus custodiat. Si Primates accusatores Episcoporum cum eis pacificare familiariter minime pauerint, tunc tempore legitimo eos ad Synodum canonicè convocatam non infra angustia tempora canonicè convocent, & non prius, quam eis per scriptum significent, quid eis opponitur, ut ad responsionem præparati adinventiant. Nam si aut vi, aut timore egressi, aut suis rebus expoliati fuerint, nec canonicè evocari ad Synodum possunt, nec respondere æmulis debent, antequam canonicè restituantur, & sua eis omnia legaliter reddantur. Ex his supplendus erit Gratianus in can. 4. cau. 5. qu. 2., in quibus nonnulla videtur Mercator excerptisse ex Concilio Carthagenensi 4. can. 26. ibi: Statuendum est Episcopis, ut dissidentes fratres, sive clericos, sive laicos ad pacem magis, quam ad iudicium cohortentur; nonnulla etiam excerptisse ex Concilio Romano 5. sub Symmacho, ut omittam alias Isidorianas epistolæ, quarum fragmenta his plurimum consona recensentur in can. 1. 2., & sequentibus cau. 3. qu. 1.*

Complura per hæc subiiciuntur de accusatis Episcopis, quæ congruunt omnino cum epistola 2. Julio tributa, & cum epistola 2., quæ nomine Eutychiani refertur, donec in cap. 8. epistolæ hæc leguntur: *Ille vero, qui vi, aut timore seductus, aut suis rebus expoliatus fuerit, non prius vocetur ad Synodum, quam ei omnia legibus redintegrentur. Et camdiu in sede propria pacifice, & potestative cuncta disponens regideat, quamdiu expulsi, vel expoliati carere visus est rebus. Cum autem ad iudicium veneris, si voluerit, & necesse fuerit, induciæ ei petenti a Patribus constitutæ absque impedimento concedantur, & iudices a se electi tribuantur. Hæc, quæ in parte referuntur apud Gratianum in can. 7. cau. 3. qu. 2., in parte etiam in can. 1. cau. 3. qu. 3. minime consonant cum Felicis temporibus; etenim in illis Felix ipse, II. adversus semetipsum videretur tulisse sententiam, qui in vicem Liberii vi dejecti suffectus fuerat in Episcopatu Romano. Non dubito autem, quin huiusmodi sententiam, sicut & alias similes, excerpterit Mercator ex Concilio 5. Romano sub Symmacho, in quo inter cetera hæc legimus: *Prius ergo oportet omnia illis legibus redintegrari, & Ecclesias, quæ sublata sibi sunt, cum omni privilegio suo restitui, & postmodum non sub angusto temporis spatio, sed tantum temporis spatium eis indulgeatur, quantum expoliati, vel expulsi esse videntur, antequam ad Synodum convocentur, & ab omnibus quibusque Provinciæ suæ Episcopis audiantur.**

Sequuntur hinc nonnulla capita ex confectis veterum Pontificum decretalibus deprompta, donec in cap. 14. leguntur eadem verba, quæ habemus in can. 11. cau. 3. qu. 5. apud Gratianum, cujus sanctionis rationem ita subiicit Pseudo-Isidorus: *Quoniam accusatores, & accusationes, quas leges sæculi non recipiunt, qua ratione Sacerdotalis eas recipere debet ordo, invenire nequeo, cum hæc & in Nicæna Synodo prohibita sunt, &c. Ideo integram sententiam exinde supplendam arbitratus sum, ut eo luculentius adpareat Mercatoris ausus, qui ex Nicæno Concilio se exhaustisse profitetur, quod sane in Nicæno Concilio constitutum minime fuerat; neque enim in eo aut de servis, aut de libertis, aut de infamibus removendis ab accusatione quidpiam legimus. Potius laudandus fuisset ad eam rem a Mercatore aut canon 6. Concilii Carthagenensis 2. ibi: *Si criminosus est, non admittatur, ut accuset, aut canon 58. Concilii Carthagenensis 4. ibi: Eum, qui frequenter litigat, & ad cassandam* (legunt*

Can. 7.
cau. 3.
qu. 2.
Can. 1.
cau. 3.
qu. 3.

Can. 1.
cau. 3.
qu. 5.

(legunt alii ad accusandum) facilis est, testimonium nemo absque grandi examine recipiat, aut demum canon 2. Concilii Carthaginensis 7. ibi: Item placuit, ut omnes servi, vel proprii liberi ad accusationem non admittantur, vel omnes, quos ad accusanda publica crimina leges publicæ non admittunt. Omnes etiam infamie maculis adpersi, idest histiones, ac turpitudinibus subiectæ personæ, heretici etiam, sive Paganī, sive Iudei: sed tamen omnibus, quibus accusatio denegatur, in causis propriis accusandi licentia non est deneganda.

In capite 15. ejusdem epistolæ nihil est, quod peculiariter observemus. Progredior ad caput 16., quod plurimum facere potest ad interpretationem capitis 19., ex quo descriptus est canon 16. cau. 2. qu. 6. apud Gratianum. Nec ita in Ecclesiasticis agendum est negotiis, (sunt verba dicti capitis 16. in epistola Felicis), sicut in secularibus. Nam in secularibus, postquam legibus vocatus venerit, & in foro decernere cœperit aliquis, non licet ante peractam causam recedere; in Ecclesiasticis vero dicta causa recedere licet, si necesse fuerit, aut si se prægravari viderit. Postquam vero nonnulla de Episcoporum accusationibus constituta feruntur in cap. 17. & 18., hæc sequuntur in cap. 19., ex quo diximus sumtum esse canonem 16. cau. 2. qu. 6. Quoties Episcopi se a suis compvincialibus, vel a Metropolitano putaverint prægravari, aut eos suspectos habuerint, mox Romanam appellent Sedem, ad quam eos absque ulla detentione, aut suarum rerum ablatione libere ire liceat. Et dum prædictam Romanam matrem appellaverint Ecclesiam, aut ab ea se audiri exposcerint, nullus eos aut excommunicare, aut eorum sedes surripere, aut eorum res auferre, aut aliquam eis vim inferre presumat, antequam eorum causa Romani Pontificis auctoritate finiatur. Quod si aliter a quoquam presumtum fuerit, nihil erit, sed viribus carebit. Nam nec hoc perperam presumimus, sed & ipsum in Nicæna Synodo constitutum, & Antecessores nostros egisse bene Athanasii nostri; quamquam quando tu, & Paullus Constantinopolitanus, Asclepius Gazæ, & Lucianus Adrianopolites ab Orientalibus Episcopis inconsulto sanctæ memoriæ Julio Prædecessore nostro damnati es, & ad eum, quasi ad totius orbis caput (ut semper huic Sedi sanctæ licitum fuit) confugisti, cognita eorum nequitia, & reversis iustitia vos in communionem suscepit, & omnium vestrum curam gerens, propter sedis præcipuæ dignitatem, suas singulis reddens Ecclesias, Orientalibus scriptis, culpans eos, quod non velle transissent viros inculpabiles de suis Ecclesiis expellentes, & constituta Nicæni Concilii minime conservantes.

Plura in hisce verbis continentur. Et primo quidem si conferamus laudata verba capitis 16., apparebit Mercatorem voluisse certum discrimen agnoscere inter secularia, atque Ecclesiastica negotia, sive judicia, ut in secularibus quidem iudiciis ubi quis coram competente iudice siliere se cœperit, non prius ad superiorem confugere valeat, quam finem contentio habuerit, seu sententia dicta fuerit, at vero in Ecclesiasticis iudiciis liceat litigantibus causam deferre in auditorium superioris etiam ante sententiam ab inferiore pronunciatam. Secundo exinde Mercator deducit, licere Episcopis, quoties se noverint a Metropolitanis prægravari, aut Metropolitanos eosdem suspectos habuerint, mox ad Romanam Sedem adpellare, ita ut nihil deinceps fieri a Metropolitanis queat, sed unius Romani Pontificis sit expectanda sententia. Tertio subiicit auctor epistolæ, se non perperam id presumere, sed id ipsum in Nicæna Synodo constitutum fuisse. Demum concludit idem auctor epistolæ, id factum esse per Athanasium ipsum, item per Paullum Constantinopolitanum, per Asclepium Gazæ, nec non per Lucianum (Lucium alii vocant) Adrianopolitem.

Non

Non sunt hæc singula silentio prætereunda, ne forte decipiantur, qui facile recipiunt merces Isidorianas. Neque enim in primis germanæ aut rationi, aut prudentiæ consonum videri potest, ut ea differentia intercedat inter civilia, Ecclesiasticaque judicia, qua in Ecclesiasticis liceat litigatori tribunal deferere, quotiescumque de litis eventu timet, etiam ante dictam sententiam. Ubinam aut constitutum legimus hujusmodi disciplinam, aut introductam Ecclesiasticorum judiciorum consuetudinem, quæ sacrorum Antistitum, ipsorum etiam Conciliorum auctoritatem penitus frustraretur? Scimus quidem certo personarum generi privilegio quodam fuisse concessum, ut omisso ordinario judice ad superiorem in prima, ut Pragmatici vocant, instantia confugiant l. un. cod. quando Imperator inter pupillum; sed nusquam legimus concessum fuisse, ut forum, in quo quis semel consistere cœperit, deferri possit arg. l. 4. cod. de jurisdictione. Secus equis non videat, exinde, foveri vitiligandi libidinem, quæ non melius dignosci potest, quam in iis, qui sententia non expectata statim ad superiorem adpellant, futurum sperantes, ut duplici judicio adversarium jam prope in primo victorem defatigent? Afferit Mercator, hæc obtinere quidem in sæculari judicio, non autem in Ecclesiastico. Sed ostendere oportebit discriminis rationem, ubi vetustissima deest consuetudo, ubi lex etiam deficit, immo ubi adversatur evidentissima ratio, quæ, si non patitur in judiciis laicis tergiversationes, & prævaricationes litigantium ad perpetuandas contentiones, multo minus in Ecclesiasticis judiciis feret. Arbitror ego Mercatorem voluisse imitari sententiam Leonis Magni in epistola ad Marcianum 78. in editione Quænelliana ita scribentis. *Alia tamen ratio est verum sæcularium, alia divinarum.* Verum si in hæc verba respexit Isidorus Mercator, non dubium est abusum fuisse eundem memorata sententia. Ajebat Leo Magnus, translata Imperiali Sede in urbem Constantinopolitanam, translatum inde non intelligi in eandem urbem Pontificatum Maximum, quia non eadem est ratio rerum sæcularium, quæ divinarum. At nihil hoc commune habet cum optimis prudentiæ regulis ad judicia pertinentibus, quæ in utroque foro admittendæ sunt, ubi honestate præcipiente semel inducuntur, atque utilitate publica sine discrimine confirmantur.

Novit sane ipsemet Isidorus se tenui innixum esse fundamento, ubi hæc tradidit civilis; & Ecclesiastici fori discrimina, dubitavitque, ne forte a legentibus respicerentur, nisi eadem confirmaret, subdit propterea: *Nam nec hoc perperam præsumimus, sed & ipsum in Nicæna Synodo constitutum &c.* Miremur heic tantam Mercatoris impudentiam, qui Nicænz Synodo has sententiæ attribuat, de quibus tamen ne verbum quidem in ipsomet Nicæno Concilio adparet. Quæ observatio eo gravior redditur, quo proximior ætati Concilii Nicæni epistola fingitur, qua de agimus; Etenim illi attribuitur, qui Nicæni Concilii temporibus vivebat, & ad illum scripta est Athanasium, qui in Nicæno Concilio præsens adfuerat. Jam vero si Isidorus Mercator errore facti deceptus fuit, & Nicænum laudavit Concilium pro Sardicensi, in promptu erunt canones Sardicenses 5. 6. 7., & quidem ipso dirarum vexationum adversus Athanasium tempore conditi, in quibus proposuit Osius, tum demum ad Romanam Sedem referendam esse causam Episcoporum accusatorum, quum fuisset in provincia judicatum. Ibi enim dicitur, *renovandum esse judicium*, item supponitur appellatio fieri ab illo, *qui videtur esse depositus*, & omnes *judicasse congregatos Episcopos regionis ipsius, & de gradu suo eum dejecisse*, quemadmodum interpretatur græcum textum ipse Mercator.

Inquirendum tandem erit, num ad rem quidpiam valere possint proposita exem-

pla Athanasii, Pauli Constantinopolitani, Asclepii Gazæ, & Luciani Adrianopolitis, quos omnes Mercator ad demonstrationem suæ sententiæ veluti testes acciverat. Porro certissimum est, Athanasium non primum aut apud Imperatorem fuisse conquestum, aut Romani Pontificis sententiam exposulasse, quam esset in Concilio ejus provinciæ negotium gestum, ac terminatum, seu non ante, quam Episcopatu suo dejectus fuisset. Abstinere hæc ab illa celebri disputatione, utrum vere Athanasius post damnationem Synodi Tyriæ Romanam adpellasset Sedem, utrum etiam Pontifex Maximus jure summo causam ipse susceperit, an potius quasi electus Arbiter, & quæstionibus similibus, quæ quemadmodum ad rem meam parum facere videntur, ita apud eruditos viros fufius discussæ perpendi poterunt, inter ceteros apud Natalem Alexandrum in dissertatione 22. sæculi 4. Quod ad rem meam attinet, dixero, Athanasium jamdudum fuisse damnatum Synodali definitione, cum alibi causam suam retractari exoptavit. Et id quidem certo etiam constat de aliis Episcopis superius commemoratis, qui parem cum Athanasio causam habuerunt. Referam huc veterum testimonia. Nicephorus Callixtus lib. 9. histor. eccles. cap. 8. ait: *Athanasius autem Romæ agebat Constante Constantini minimo natu filio toti Occidentis imperante. Venit eo Constantinopolitanus quoque Paulus, & Marcellus Ancyranus propter eam, quam diximus, causam; Asclepas etiam Gazæorum Episcopus, quod & ipse fortiter Arianis resisteret, accusationem, judiciumque, quasi sacrificii aram evertisset, sustinuit, & ob id Episcopatum deponere coactus fuit, quem Episcopatum Quintianus est consecutus. Lucius præterea Adrianopolites eodem crimine delatus, & dignitate itidem spoliatus Romanam confugit.* Cassiodorus lib. 4. histor. Ecclesiasticæ, tripartitæ cap. 15. hæc scribit: *Igitur Athanasius relinquens Alexandriam Romam profectus est; contigit autem eodem tempore etiam Paulum Constantinopolitanum Pontificem illuc una concurrere, & Marcellum Ancyræ, Asclepamque Gazæ, post quæ subdit, hosce Episcopos jamdiu a suis sedibus dejectos communionem Papæ suscepisse, ejusque tandem judicio fuisse restitutos in Sedem; immo refert, eam ob causam conquestos gravissime fuisse Orientales Episcopos lugentes jurisdictionem suam parvipendendi, quum tamen Romanorum Pontificum judicia alias venerati fuissent, exemplo adducto Novati, quem nusquam in communionem se suscepisse profitebatur, ex eo quod fuisset a Romana Ecclesia damnatus; Idcirco concludebant neque suscipi debuisse a Romana Ecclesia Episcopos illos, quos damnatos fuisse & ejectos ab Orientali Ecclesia constabat. Hæc porro omnia perspicue indicant, Episcopos illos a Mercatore memoratos Romani Pontificis ope adjuutos fuisse tum demum, postquam in provinciali Concilio damnati fuerant. Quod si etiam ulterius progredi velimus, scimus quidem Romanum Antislitem protulisse in Synodo ad eam causam convocata sententiam; utrum vero ipsa sententia suum statim sortita fuerit effectum, non adeo perspicuum esse potest. Præterquamquod enim Cassiodorus loco memorato refert, sententiam Papæ Orientalibus Episcopis plurimum displicuisse, iidem Episcopi Orientales nova crimina, in Athanasium præsertim, ejusque consortes, intulerunt ad nova judicia provocantes, quousque ad Concilium Sardicense reduc-ta fuit hujusmodi causa. Quum vero in Sardicensi Concilio communi Episcoporum sive Occidentalium, sive Orientalium consensione definiri res minime potuisset ad recens concitatum ab Orientalibus schisma, operæ pretium fuit, ut Imperiali auctoritate sententia Concilii Sardicensis executioni demandaretur, ut scilicet cohibito impetu perditissimorum hominum, ac repulso, jure restituerentur Sedes dejectis, quorum optima adparuit causa. Rursum idipsum refert Cathodorus in lib. 4. hist.*

tripart.

tripart. cap. 30. ibi: *Imperator Paullo, & Athanasio, & Marcello, & Asclepe Gazæ, & Lucio Adrianopoleos secundum ea, quæ in Concilio Sardicensi placuerant, proprias restituerat Sedes.* Hæc itaque quum multo aliter se se habeant, quam ab Isidoro Mercatore in Felicis epistola referantur, liquido constat, nonnisi cum maxima temeritate tributa esse Felici, cum ad Athanasium scriberet; quandoquidem & Felix, & Athanasius de rebus suis, suorumque recentissimis nec ita scribere, nec ita libenter excipere potuissent.

In capite 20. ejusdem epistolæ legimus verba canonis 2. cau. 3. qu. 3., quæ Can. 2.
cau. 3.
qu. 3. ita ex integris exemplaribus supplere juvabit. *De induciis vero Episcoporum, super quibus consuluisse, diversas a Patribus regulas invenimus institutas. Quidam enim ad repellenda impetitorum machinamenta, & suas præparandas responsiones, & testes confirmandos, & consilia Episcoporum, atque amicorum quærenda, annum aut sex mandaverunt menses concedi, quidam autem annum, in quo plurimi concordant. Minus vero, quam sex menses non reperi, quia & laicis hæc indulta sunt; quanto magis domini Sacerdotibus? Nam a nostris Antecessoribus, (hæc omisit Gratianus) atque reliquis Sanctis Patribus multoties inhibuitur est, nequis domini Sacerdotibus detractiones irroget; quanto magis accusationes ex radice charitatis prolatas? Quiescite, inquit, & nolite persequi eos, (Sunt hæc, quæ superius etiam retuli ad canonem 12. cau. 6. qu. 1.) qui persequente Deo ministrant, quorum orationibus, & terrena bella sedantur, & recedentium a Deo Angelorum pelluntur incursum, quique omnes demones, qui corrupti sunt, præcum assiduitate confundunt. Inducias namque (rursus heic progreditur Gratianus) non sub angusto tempore, sed sub longo spatio concedendæ sunt, ut accusati se præparare, & universos communicatores in provinciis positos convenire, testes præparare, atque contra insidiosos se pleniter armare valeant. Hæc induciarum concedendarum disciplina, frequenter aditruitur ab Isidoro Mercatore, qui & de eadem nonnulla tradidit in epistolis Eleutherii, Caji, Marcelli, & Damasi. Imo etiam ubi traditur, inhibuitur esse ab Antecessoribus Romanis Pontificibus, & reliquis Sanctis Patribus, nequis domini Sacerdotibus detractiones irroget, quid aliud indicatur, quam epistolæ illæ a Mercatore confictæ, in quibus nihil frequentius repetitur, quam Episcopos venerabiles adeo esse debere omnibus, ut a nemine accusari aliquando possint? Quod vero dicitur, inducias aliquando ad annum cum sex mensibus concedi, aliquando ad annum tantummodo, nunquam vero brevius sex mensibus spatium assignari, & quidem, ut id etiam in laicis vigeat, ac potiori jure in clericis vigere debeat, non video, quomodo consistere possit. In primis enim ipsemet Isidorus Mercator non probat in judiciis Ecclesiasticis eadem servari posse, quæ servantur in judiciis laicorum; hinc in cap. 15. hujus epistolæ ait: *Nec ita in Ecclesiasticis agendum est negotiis, sicut in secularibus, quemadmodum superius agebam ad canonem 16. cau. 2. qu. 6.* Deinde falsum omnino erat, etiam Felicis tempore non concessas fuisse inducias minores sex mensibus; etenim jampridem Diocletianus, & Maximianus certis in casibus caverant, ne induciæ trimestre tempus excederent, & vix aliquando semestres indulgerentur. Imperatorum constitutio hodie legitur in codice Justiniano l. 1. cod. de dilationibus. Isidorus autem Mercator ignoravit profecto canonem 7. Concilii Carthaginensis vulgo 3. anni 397., in quo spatium mensis dumtaxat conceditur. Verba hujus canonis habentur in can. unico 2. cau. 4. qu. 5. Cetera ad epistolam Felicis pertinentia omitto, vel quod ad Gratiani fragmenta non spectent, vel quod exinde satis superque colligatur, epistolam ipsam inter apocrypha Mercatoris monumenta esse rejiciendam.*

CAPUT XXXIV.

De Damaso.

Damasi Papæ nomen præferunt sequentes canones.

Apocryphi
omnes.

Ex epist. 4.
apud alios 3.
ad Stephanum
& alios Epif-
copos Africa-
nos.

Can. 3. dist. 17. ex integris epistolæ exemplaribus supplendus.
Can. 2. cau. 2. qu. 3. referendus ad canonem 2. cau. 4. qu. 4.
Can. 39. cau. 2. qu. 7. ex integris epistolæ exemplaribus supplendus.
Can. 51. cau. 2. qu. 7. idem est cum can. 39. cau. 2. qu. 7.
Can. 4. cau. 3. qu. 3. jungendus cum can. 6. cau. 3. qu. 9.
Can. 6. cau. 3. qu. 6. dissonat a vetustissima disciplina.
Can. 6. cau. 3. qu. 9. jungendus cum can. 4. cau. 3. qu. 3.
Can. 7. cau. 3. qu. 9. jungendus cum can. 6. cau. 3. qu. 9.
Can. 2. cau. 4. qu. 4. consonat cum generalibus civilis prudentiæ regulis.
Can. 1. cau. 5. qu. 2. ex integris epistolæ exemplaribus supplendus.
Can. 8. cau. 23. qu. 3. ex integris epistolæ exemplaribus supplendus.

Apocryphi
omnes.

Ex epist. 5.
De Chorepif-
copis, sive ad
Episcopos A-
fricæ.

Can. 5. dist. 68. ex integris epistolæ exemplaribus supplendus.
Can. 25. cau. 1. qu. 7. non consonat proposito Gratiani.
Can. 3. cau. 9. qu. 1. idem est cum can. 25. cau. 1. qu. 7.
Can. 12. cau. 25. qu. 1. referendus potius ad Leonem Magnum.

Apocryphi
omnes.

Ex epist. 7.
ad Episcopos
Italiz.

Can. 8. cau. 3. qu. 9. } simul jungendi, & ex variis recentio-
Can. 3. cau. 5. qu. 2. } rum auctorum fragmentis compo-
Can. 76. cau. 11. qu. 3. } si.

Ex epist. ad
Aurelium.

(Can. 5. cau. 25. qu. 1. apocryphus, & ex integra epistola supplendus.

Ex epist. ad
Paulinum An-
tiochenum.

(Can. 43. cau. 7. qu. 1. incertæ est auctoritatis.

Adjiciuntur.

{ Can. 2. dist. 56. pertinet potius ad Pontificale Romanum.
Can. 15. cau. 10. qu. 1. consonat cum sententia Concilii Romani sub Damaso.

SI eo tempore, quo Ecclesia diris vexationibus premebatur, non defuit ambitus clericorum in Summi Pontificatus dignitate petenda, unde etiam schismata suborta sunt, quemadmodum liquet in ordinatione Cornelii, cui Novatianus præferri totis viribus conabatur, nemini sane mirum erit, quod pacatis Ecclesiæ rebus, quum Romani Pontificis dignitas videri splendidior cepit, contentiones aliquando excitatz, & quidem acerrimæ fuerint, ubi de novo eligendo Pontifice ageretur. Anno 367. ele-
tus

Atus in Pontificem fuerat, & quidem legitimis suffragiis, Damasus genere Hispanus: At non solum munus obire suum potuit, contra urgenie Ursicino, qui factio schismate, nonnullisque sui ausus confortibus accitis, vel admissis Damasum a sede deieccre, seque in vicem deiectionis Episcopum haberi postulabat. Maximus fuit hujusmodi conatus, quo intestinum quodammodo bellum Romæ fieri visum est, ita, ut una die, si fides est Ammiano, centum triginta septem reperta fuerint cadavera peremtorum. Rem his verbis describit Rufinus lib. 2. cap. 10. *Tanta seditio, imo vero tanta bella coorta sunt, alterutrum defendentibus populis, ut replerentur humano sanguine orationum loca.* In tanta animorum contentione ad comprimendum schismaticorum ausum totus incubuit pacis studiosus Imperator Valentinianus, qui exilio pulso cum sociis Ursicino Damasi sedem a molestorum hominum impetu liberam eidem Damaso reddidit circa annum 369., quamobrem Damasus ipse tuto Ecclesie suæ, imo & universalis negotia feliciter obire potuit, quemadmodum revera feliciter obiit usque ad annum 384., quo vita functus fuisse scribitur. Damasi nomine duas synodicas epistolas genuinas habemus, item confessionem Catholicæ Fidei ad Paulinum Antiochenum, quemadmodum tradit Theodoretus lib. 2. histor. eccles. cap. 22., & lib. 5. cap. 10. & 11., præter nonnulla carmina (Poesi enim delectatum fuisse Damasum Hieronymus scribit in lib. de scriptoribus Ecclesiasticis). Sed his germanis Damasi monumentis recentiora quædam accesserunt opera Isidori Mercatoris. Quod vero dolendum est, ad Gratianum pertinet, qui omnis germanis Damasi capitibus nihil aliud in suam Collectionem propemodum retulit, quam quod recentiore manu eidem Damaso tributum est, uti ex sequentibus abunde patebit.

De epistola 4. apud alios 3. ad Stephanum, & alios Africanos Episcopos.

Effinxerat Isidorus Mercator, Stephanum (quem *Archiepiscopum Concilii Mauritanie* vocat) una cum universis Episcopis de tribus Conciliis Africanæ Provinciæ epistolam misisse ad Damasum, qua significaret, Episcopos nonnullos sine auctoritate Romanæ Sedis damnari, atque de hac disciplina vehementer conquereretur. Unusquisque in hac epistola jamdiu agnovit Mercatoris manum, sive ex eo, quod Episcopi Africani nusquam in Conciliis usurpaverint Archiepiscopi nomen, arg. canonis 26. Concilii Carthaginensis 3., seu canonis 3. dist. 99., sive ex eo, quod Metropolitani nusquam appellati fuerint a Concilio, sed potius ab urbe, cui præsidebant; sive quod nihil aliud hoc in monumento reperitur, quam quod consonat ceteris Mercatoris epistolis, aliquibus fragmentis exceptis, quæ perspicue adparent ex recentioribus Ecclesie Patribus deprompta, nimirum Martino I. Pontifice in Lateranensi Concilio, & Sergio Cypri Episcopo in epistola ad Theodorum Papam. Sed ulterius progressus Mercator rescriptum etiam confecit, quod Damasus idem ad Stephanum memoratum, & Socios direxisse fingeretur. Rescriptum hocce hac designatur inscriptione: *Damasus servus servorum Dei, atque per gratiam ejus Episcopus Sanctæ Catholice Ecclesiæ Urbis Romæ Stephano Archiepiscopo Concilii Mauritanie, & universis Episcopis Africanæ Provinciæ.* Occurrit hic rursus Archiepiscopi nomen nemini ex Africanis Antistitibus accommodatum, qui non Archiepiscopi,

piscopi, sed potius primæ Sedis Episcopi nominabantur juxta memoratum canonem 3. dist. 99. Quod vero in hac inscriptione etiam singulare est, pertinet ad phrasim illam tunc prorsus incognitam, qua Damasus *servus servorum Dei* appellatur; Siquidem testatur Johannes Diaconus lib. 2. viz. Gregorii cap. 1. hunc titulum non fuisse a quopiam usurpatum ante Gregorium Magnum. Consularis nota rescripto huic adjecta ita se habet: *Data 8. Kal. Novembris Flavio, & Stilicone viris clariss. Coss.* Hunc Consulatam nemo est, qui ad tempora Damasi referre possit. Etenim bis ad Consulatam evehctus est Stilico, primum anno 400. cum Flavio Aureliano, deinde cum Anthemio anno 405., obierat autem Damasus, ut prenotavimus anno 384. Quid clarius ad improbandam hujus epistolæ fidem? Præterea nemo est, qui non agnoscat consuetas ibidem Pseudo-Isidori sententias, imo & nonnulla recentiorum Patrum, scriptorumque fragmenta, quorum alia ex Concilio Nicæno, Romano 3. sub Symmacho, Toletano 8., alia ex Siricio, Innocentio, Leone, Anastasio Pontificibus, alia demum ex Hieronymo, Attico Constantinopolitano, Sergio Cypri Episcopo, & Aniano legum Theodosianarum interprete deprompta videmus.

Hæc epistola in Conciliorum editionibus vulgatis quarta numero est, apud Gratianum, aliosque Collectores tertia dicitur, hodieque in novem capita distribuitur. Et quidem initio, & capite 1. inducitur Damasus loquens de Sedis Apostolicæ maxima auctoritate, quam ab ipsismet Africanis Episcopis jamdiu agnitam proficitur. In capite autem 2. ita pergit: *Discutere namque Episcopos, & summas Ecclesiasticorum negotiorum causas Metropolitanæ una cum suis comprovincialibus, ita ut nemo ex eis desit, & omnes in singulorum concordent negotiis, licet: Sed definire eorum, atque Ecclesiasticorum summas querelas causarum, vel damnare Episcopos, absque hujus Sanctæ Sedis auctoritate minime licet, quam omnes appellare, si necesse fuerit, & ejus fulciri auxilio oportet; nam, ut nostis, Synodum sine ejus auctoritate fieri non est Catholicum, nec Episcopus, nisi in legitima Synodo, & suo tempore Apostolica vocatione congregata definite damnari potest, neque ulla unquam concilia rata leguntur, quæ non sunt fulta Apostolica auctoritate.* Hæc recitavit Gratianus in can. 6. cau. 3. qu. 6., in quibus sane Mercator abusus videtur verbis, atque sententia Innocentii I. in epist. ad Victricium Rothomagensis cap. 3., quod habemus in can. 14. cau. 3. qu. 6., usus præterea videtur eadem ipsa formula, quam adscripsit Julio Papæ in can. 2. dist. 17. Ceterum, quæ hoc loco Damaso tribuuntur, non solum adversantur pristinae canonum disciplinæ, verum etiam parum sibi constant. Adversari antiquissimæ disciplinæ constat ex modo laudata Innocentii epistola ibi: *Siquæ autem causæ, vel contentiones inter Clericos, tam superioris ordinis, quam etiam inferioris fuerint exortæ, ut secundum Synodum Nicenam congregatis ejusdem Provinciæ Episcopis surgium terminetur.* Tantum igitur discriminis intercedit inter disciplinam Innocentii, & disciplinam Pseudo-Damasi, quantum interest inter negotia terminari, & querelas non defini, quæ sane contradictoria nemini non videntur. Sed præterea sibi non constant Mercatoris sententiæ, qui asserit in Episcoporum Conciliis non posse terminari Episcoporum contentiones, nisi postquam Sedis Apostolicæ auctoritas accesserit, addita ratione, quia nulla Synodus legitima dici potest, nisi auctoritate Sedis Apostolicæ convocetur. At vero si auctoritas Sedis Apostolicæ in Concilio Provincialium convocatione necessaria tunc erat, cur in Synodo sine Sedis Apostolicæ auctoritate convocata discuti ab Episcopis poterant causæ Episcoporum

com-

Can. 6.
cau. 3.
qu. 6.

comprovincialium, uti admittit idem Mercator? Cur etiam in Synodis huiusmodi damnari Episcopi non poterant, si antequam Synodus celebraretur, jam Romanæ Sedis auctoritas accessisset? Jungenda sunt hæc omnia aliis Mercatoris monumentis; quæ passim legimus in dist. 17., & in can. 5. 7. & 9. cau. 3. qu. 6., & inter apocrypha sine discrimine rejicienda.

Prosequitur Pseudo-Damasus in cap. 3. *Accusatores autem Episcoporum, & testes, super quibus rogastis, absque ulla infamia, aut suspitione, vel manifesta macula, & veræ fidei pleniter instructi esse debent, & tales, quales ad Sacerdotium eligere jubet divina auctoritas: quoniam Sacerdotes, ut antiqua tradit auctoritas, criminari non possunt, nec in eos testificari, qui ad eundem non debent, nec possunt provehi honorem.* Gratianus hæc paullisper depravata retulit in can. 39. cau. 2. qu. 7., quorum aliqua rursus descripsit, nescio qua de causa, in eadem causa, & questione canone 51. Est in hisce fragmentis quid observandum, & in quo Mercatorem redarguamus. Scipissime enim ipse docet, laicos admitti non debere ad accusationem Episcoporum, aut ad testimonium ferendum adversus Episcopos, modo vero eos omnes admittit, qui ad Sacerdotium promoveri possunt. Quinam, amabo isti esse poterant, nisi laici?

Sequitur caput 4. epistolæ his verbis: *Vocatio enim ad Synodum juxta decreta Patrum canonica ejus, qui impetitur, tam sua præsentia, quam & scriptis, & apocryphariis per spatium fieri debet congruum, atque canonicum, quia nisi canonice vocatus fuerit suo tempore, & canonica ordinatione, licet venerit ad conventum quacunque necessitate, nisi sponte voluerit, nullatenus suis respondebit insidiatoribus, quoniam nec sæculi leges hoc permittunt fieri, quanto magis divinæ?* His verbis restituendus erat Gratianus canon 1. cau. 5. qu. 2., quem jamdiu Romani Correctores depravatum aliquantisper agnoverunt. Sane in hoc canone, ubi dicitur eos, qui vocandi ad Synodum sunt, legitime vocandos esse, & quidem ad instar eorum, qui in jus in civilibus negotiis vocantur, nihil est, quod singularem observationem mereatur, cum id exigunt generales germanæ Jurisprudentiæ regulæ. Quod vero imperitiam Mercatoris arguit, sium est in mentione apocryphariorum, quorum nomine prorsus ignoro, quid hæc in specie intelligere potuerit. Scio Apocrypharios illos apud veteres fuisse appellatos, qui publicam ob causam sive Civilem, sive Ecclesiasticam honestissimo legationis munereungebantur. At vero quid sibi apocrypharii velint in proposito Pseudo-Damasi, non adeo facile quispiam divinaverit.

In capitibus 5. & 6. ejusdem epistolæ nihil aliud adjicitur, quam accusatos Episcopos, suisque rebus expoliatis non prius ad judicium vocandos, quam restituuntur, quæ sententia frequentissima est in epistolis Mercatoris. At in cap. 7., ubi auctor epistolæ eandem prosequitur accusationis materiam, ait: *Nullus autem introducatur personabiliter, sed accusatores, & accusati æqua audiantur ratione, juxta quod gestorum ordo exigit. Accusatores vero, & judices non iidem sint, sed per se accusatores, per se judices, per se testes, per se accusati, unusquisque in suo ordinabiliter ordine. Nam inscriptio primo semper fiat, ut talionem calumniator recipiat, quia ante inscriptionem nemo debet judicari, vel damnari, cum & sæculi leges hæc eadem retineant, de quibus omnibus vera semper fiat æquitas, quatenus accusationis, & judicii, ac testimonii mercedem per veritatem gestorum consequi valeant.* Supplere juvabit ex hisce verbis Gratianum canonem 2. cau. 4. qu. 4., ad quem omnino referendus erit, atque emendandus canon 2. cau. 2. qu. 3. Ceterum consonant sententiæ Mercatoris

Can. 39.

cau. 51.

cau. 2.

qu. 7.

Can. 1.

cau. 5.

qu. 2.

Can. 2.

cau. 4.

qu. 4.

juncto

Can. 2.

cau. 2.

qu. 3.

toris cum generalibus juris civilis regulis , sive ubi dicitur accusatores , testes , & iudices diversos inter se in judiciis esse debere , quemadmodum & idem Mercator asserbat in epistola 2. Fabiani , seu in can. 1. cau. 4. qu. 4. , sive ubi dicitur , inscriptionem ab accusatoribus fieri debere , ne pœnam calumniæ evadere aliquando facile possint .

Can. 4. Verba capituli 8. hæc sunt . *Induciae enim accusatis in criminalibus Episcopis sex*
 cau. 3. *mensium , vel eo amplius , si necesse fuerit , concedendæ sunt ; quoniam & laicis hoc*
 qu. 3. *permisum nullus secularibus imbutus disciplinis ignorat : quanto magis Sacerdotibus , qui*
 cau. 3. *superiores esse non dubitantur ? Habetur quoque in decretis Sanctorum Patrum sancitum ,*
 qu. 9. *non fore canonicum , quemquam Sacerdotum judicare , vel damnare , antequam accusatores*
canonice examinatos præsentés habeat , locumque defendendi accipiat , idest inducias
Ecclesiasticas ad abluenda crimina . Ita jungendi sunt canones Gratiani 4. cau. 3.
qu. 3. , & 6. cau. 3. qu. 9. , imo & istis jungendus erit canon 7. cau. 3. qu. 9. ,
etenim post verba nuper descripta statim sequitur cap. 9. ejusdem epistolæ ibi :
Nec extra propriam fiat provinciam primo discussionis accusatio sine apostolica præcep-
tione , cui in omnibus causis debet reverentia custodiri , quoniam & antiqua docet hoc
Patrum regula , in quæ & Imperialia pariter statuta continent . Crimen , inquit ,
discussioni ibi agenda est , ubi crimen admisum est . Nam alibi criminum reus prohibetur
audiri : & alibi in canonibus præcipitur : quæcumque negotia in suis locis , ubi orta
sunt , finienda sunt , & reliqua talia , & his similia , salva tamen in omnibus Aposto-
lica auctoritate , ut nihil in his definitur , priusquam ei placere cognoscatur , qua omnes
suffragati esse oportet . Et siquid eis grave , intolerandumque acciderit , ejus semper expe-
ctanda censura . Non nihil est , quod in hisce canonibus observemus . In primis
quod spectat ad inducias , quæ non minores sex mensium spatio concedendæ dic-
tuntur in can. 4. cau. 3. qu. 3. , videtur Mercator eadem hoc in loco scripsisse ,
quæ jam scripserat in epistola Felicis , seu in can. 2. cau. 3. q. 3. de quo superius
egimus . At vero ibidem agnovimus Mercatorem ignorasse constitutionem Diocle-
tiani , & Maximiani , quæ est in l. 1. cod. de dilationibus ; ignorasse præterea cano-
nem 7. Concilii Carthaginensis vulgo 3. anni 397. Ubinam vero Mercator idem
intelligere potuit , sex menses induciarum laicis concedi , idque a nemine secularibus
imbutis disciplinis ignorari , exinde autem potiori jure totidem menses Ecclesiasticis
viris concedendos ? Porro in laudata l. 1. cod. de dilationibus tres tantum menses
conceduntur , ubi negotium in eadem rei provincia agitur . At vero de negotiis
in provincia agendis Mercator ibidem differebat , ut constat ex can. 7. cau. 3.
qu. 9. in principio . Quod si respexit forte Mercator ad leges Imperatorias , quæ
habentur aut sub titulo codicis Theodosiani , ut intra annum criminalis alio termi-
natur , aut sub titulo codicis Justiniani , ut intra certum tempus criminalis questio
terminetur , video leges illas a proposito Mercatoris longe distare ; Licet enim in
legibus Theodosiani codicis annum concedatur tempus in criminalibus causis , in
legibus Justiniani codicis biennium statuatur , pertinet hoc ad inducias eorum ,
qui accusant , ne forte in longius tempus vexent eos , quos accusaverint , non ve-
ro ad inducias eorum , qui accusantur , quorum interest breviori tempora , si in-
noxii sint , quemadmodum interest etiam Reipublicæ , si hæc fuerit per illorum
scelera læsa . Est quoque quod observemus in verbis canonis 6. cau. 3. qu. 9. ,
cum quæ ibidem traduntur , dicantur in decretis Sanctorum Patrum sancita . Quænam
indicantur Sanctorum Patrum decreta ? Nullum aliud sane Sanctorum Patrum de-
 -cretum

cretum proferri poterit, nisi ex Mercatoris ejusdem officina depromptum, videlicet ex epistola 2. Marcello Papæ tributa, cum ibidem ita legatur: *Non oportet quemquam judicari, vel damnari, priusquam legitimos habeat presentes accusatores, locumque defendendi accipiat ad abiunda crimina.* Quicumque conferet hæc verba Pseudo-Marcelli cum memorato canone 6., minime dubitabit, quin Pseudo-Marcelli sententia illæ eadem sint, quas Pseudo-Damasus nomine decretorum Sanctorum Patrum retulerat. Est demum, quod observemus in laudato canone 7. cau. 3. qu. 9., ubi *Imperialia statuta* memorantur, aut quod *in canonibus præcipitur.* Nominè statutorum Imperialium intellexit Mercator verba Aniani legum Theodosianarum interpretis, qui ad legem 10. cod. Theodof. de accusat. & inscription. ait: *Criminum discussio ibi agitata est, ubi crimen admissum est, nam alibi criminum reus probetur audiri.* Sed cum initio sexti Ecclesiæ sæculi vixerit Anianus, nemo non videt, quam præpostere fingatur Damasus Papa ejusdem sententias commemorare. Nominè vero sacrorum canonum, quibus præceptum dicitur, ut *quæcumque negotia in suis locis, ubi orta sunt, finienda sint,* facile agnoscimus Africanorum Episcoporum sententiam in epistola ad Cælestinum Papam ita scribentium: *Prudentissime enim, justque viderunt, quæcumque negotia in suis locis, ubi orta sunt, finienda.* Postrema autem illa verba, quæ ex integra epistola nuper adjecti Gratiano canonis, ibi: *Et siquid eis grave, intolerandumque acciderit, ejus semper expellenda censura, videntur deprompta ex epistola Leonis Magni ad Anastasium Thessalonicensem, cujus verba ad hanc rem pertinentia habentur in can. 8. vers. sed etiam cau. 3. qu. 6.* Quæ sane omnia sive epistola Africanorum Episcoporum ad Cælestinum, sive ex epistola Leonis Magni ad Anastasium Thessalonicensem, decerpta perperam, tribuisse Damaso dignoscitur Mercator, cum Damasus fuerit & Cælestino, & Leone vetustior.

In eodem capite 9. ejusdem epistolæ alia quamplurima subduntur, quibus illius auctor probat, Episcoporum judicia soli Deo reservari, neminem autem ex Episcopis, uno excepto Pontifice Maximo, Episcopum criminis reum damnare posse; atque hanc ob rem adtulit illud Levitici cap. 19. *Ego sum Dominus Deus vester, non facietis iniquitatem in judicio, & subdit: Ille procul dubio facit iniquitatem in judicio, qui ea sibi vindicat, quæ ei vindicare non licet.* Ideo, quæ huic Sanctæ Sedi concessa sunt, nullus unquam sine ejus consultu præsumat, qui non vult honore ecclesiastico indignus ut contemtor judicari. Postrema hæc verba retuli Gratianus in can. 3. dist. 17., ex iis, quæ integra nuper retuli, necessario supplendus, ut exinde facilius pateat mens, ac sententia Mercatoris.

Non satis autem fuerat Mercatori, accusationes Episcoporum irritas facere, verum etiam amplius progressus est, scribens resistendum totis viribus fore Episcoporum accusatoribus, ibi: *Itaque oportet negligentes propulsare, sed ita ut nocentes non roborentur, & bonos improbis, aut insidiatoribus fratrum resistere, ne torpore disciæ oppressi taciturnitatis teneantur obnoxii.* Itaque qui potest obviare, & perturbare perversos, & non facit, nihil aliud est, quam favere eorum impietati. Nec enim caret scrupulo societatis occultæ; qui manifesto facinori desinit obviare. Huc referendus erit, supplendusque canon 8. cau. 23. qu. 3., quem Gratianus falso quidem nomine Damasi retulit, cum hujus epistolæ Damasum auctorem nequeamus agnoscere, at minus etiam recte tribuit Anastasio, cum nullibi aut in germanis, aut in apocryphis Anastasii epistolis legatur, sed potius in aliis Mercatoris epistolis, qualis

Can. 3.
dist. 17.

Can. 8.
cau. 23.
qu. 3.

lis esset epistola Innocentii in can. 3. dist. 83., aut epistola Eleutherii in can. 55. cau. 2. qu. 7., ex quibus eo vel clarius liquet, omnia ista Mercatoris animum ubique exhibere.

De Epistola 5. de Chorepiscopis, sive ad Episcopos Africæ.

Prodiit apud Isidorum Mercatorem altera epistola nomine Damasi, quæ numero quinta in recentioribus Collectionibus describitur cum hac epigraphe: *Dominis venerabilibus Fratribus, Prospero Numidiæ primæ Sedis Episcopo, Leoni, Reparato, Alemandro, Benedicto, Rufo, & omnibus ceteris ubique in rella, sancta, & apostolica fide consentientibus Orthodoxis Episcopis Damasus Episcopus*. Nota consularis epistolæ adjec-ta hæc est. *Datum Kal. Junii Libio, & Theodosio viris clariss. Coss.* Hac in rede more suo a consularibus vetustis monumentis recessit Mercator. Et quidem consulatus Theodosii convenire potest cum temporibus Damasi; sed quomodo congruat consulatus Theodosii cum Libio non facile quispiam agnoscat. Etenim ter Consul fuit Theodosius, primo anno 380. cum Gratiano; deinde anno 388. cum Cynegio, postremo anno 393. cum Abundantio. Sed præterea Mercatoris artem detegunt abunde fragmenta quamplurima, quæ ex auctoribus Damaso recentioribus in hanc ipsam epistolam derivata videntur; non solum enim veterum Græcorum Conciliorum canones ex interpretatione Dionysii Exigui referuntur, verum etiam nonnulla ex Concilio Chalcedonensi, Concilio Romano 6. sub Symmacho, ex Siricio, Innocentio, Zosimo, Cælestino, Leone, Gregorio deprompta conspiciuntur. Quod si aut stilum epistolæ intueamur, aut materiem, de qua ibidem agitur, omnia sane a Damaso non difficiliter abjudicabuntur. Quod ut magis, magisque compertum sit, ad rem erit nonnulla heic tradere de Chorepiscoporum dignitate, & officio, cum ad hanc rem tota hujusmodi spectet epistola, finganturque Africani Episcopi Damasum interrogasse, *quale sit Chorepiscoporum ministerium, aut quod eis agere liceat, aut quam auctoritatem habeant, vel si liceat eos fieri, an non*. Juvabit nonnulla animadvertere, ex quibus magis magisque dignoscatur, Damaso non posse tribui, quod de Chorepiscopis in hac epistola traditur, unaque, concludi possit, quæ ratio habenda sit Gratianorum canonum ad hanc eandem rem pertinentium.

Chorepiscoporum originem antiquissimam esse nemo inficias iverit; cum eorum apertissima fiat mentio in Concilio Antiocheno anni 341., in Concilio Neocæsariensi, quod Nicæno I. vetustius est, ut omittam canonem 2. Concilii Chalcedonensis; atque etiam diutius Chorepiscoporum officium in Ecclesia perseveravit, nam sub finem octavi sæculi, & initium noni, præsertim tempore Leonis III., & Gregorii IV. acerrimæ fuerunt controversiæ de Chorepiscoporum munere, ac potestate, ut patet ex Concilio Parisiensi 6. lib. 1. cap. 27., & ex Capitulari Caroli Magni anni 799., quod habetur in tomo 1. Capitularium Francorum Baluzianæ editionis pag. 327. Qualisnam vero fuerit eorundem dignitas, & qualis auctoritas, non satis apud omnes est in comperto; alii enim Episcopatus ordine fuisse illos insignitos asseverant, alii e contrario inficiantur; alii rursus certa Ecclesiasticæ potestatis munera illis tribuunt, quæ alii denegaverunt. Ego sane non ubicumque,
aut

aut perpetuo dixerim receptam fuisse disciplinam hujusmodi; sed modo Chorepiscopi Episcopatus ordine insigniti fuerunt, modo simplices, ut vocant, Sacerdotes erant; modo majorem, modo minorem potestatem explicaverunt. Primis Ecclesiæ sæculis erant Chorepiscopi, qui ab Episcopis mittebantur in vicis, & pagos, sive loca extra civitatem sita, ut ibidem sacramenta in vicem Episcopi ministrarent, adinstar Parochorum. Nondum enim erant tum constitutæ Parochiæ, sed una erat Episcopalis Ecclesia in civitate; alias autem opportunum videbatur Christianis rure degentibus quoquomodo consulere. Eo igitur Sacerdotes mittebantur, quos Chorepiscopos appellabant. Hinc in canone 10. Antiocheni Concilii legimus: *Qui in vicis, vel possessionibus Chorepiscopi nominantur &c.* Num vero isti Chorepiscopi pagorum, vicorumque fidelibus regendis præfæti Episcopatus ordine insigniti essent, generaliter definire non ausim; cum certa in hanc rem veterum Patrum monumenta adferri non possint. Si conjecturis dandus est locus, fortasse asserendum videretur, nonnullos ex Chorepiscopis Episcopali ordine fuisse insignitos, nonnullos vero infra ordinem Episcopalem constitutos, sive simplices, ut vocant, Sacerdotes fuisse, præsertim vero ante Concilium Sardicense Episcopi esse, potuerunt, cum nondum proditus esset canon, quo in vicis constitui Episcopos interdiceretur, quod primum vetitum adparet in can. 6. ejusdem Concilii; aut etiam post Concilium Sardicense in iis Provinciis Orientalium, in quibus Sardicense Concilium receptum minime fuit. At vero, ubi Sardicense Concilium sanxit Episcopos in vicis non esse ordinandos, & Sardicensis canon receptus est, tum evenire potuit, ut Chorepiscopi Episcopatus ordine non insignirentur, sed haberentur omnino juxta modum recentium Parochorum; imo etiam exinde fieri potuit, ut Parochiæ eadem ratione, qua nunc etiam ordinantur, constitui cœperint. Hinc facile percipitur canon 10. ex Antiochenis, ibi juxta Dionysium Exiguum: *Qui in vicis, vel possessionibus Chorepiscopi nominantur, quamvis manus impositionem Episcoporum perceperint, & ut Episcopi consecrati sunt; tamen Sanctæ Synodo placuit, ut modum proprium recognoscant &c.* Data scilicet facultas ipsis fuit, ut quidem Lectores, Subdiaconos, aut Exorcistas ordinarent, non vero Diaconos, aut Presbyteros, nisi mandatum ab Episcopo Civitatis suscepissent. Pertinent porro hæc ad Chorepiscopos Episcopali ordine insignitos, qui tempore Antiocheni Concilii plures esse poterant, cum nondum celebratum esset Sardicense Concilium, quod supra laudato canone primum decreverat, ne Episcopi extra Civitates ordinarentur. Cum canone Antiocheno consonat etiam canon 12. ex Ancyranis, editus etiam ante Concilium Sardicense. Facile etiam percipitur Leonis Magni sententia in can. 4. dist. 68., ubi novo jure vetitum adparet Chorepiscopis, ut abstinere ab iis, quæ Episcopis erant reservata, adjuncta ratione, quia Chorepiscopi *Pontificatus apicem non habent*; non enim aliter scribere poterat Leo Magnus, qui scribebat post tempora Concilii Sardicensis, & in iis locis, in quibus Sardicensis Concilii canones recepti fuerant.

Hæc vero priora Ecclesiæ sæcula spectant. Alia posteriore ætate inventa sunt Chorepiscoporum disciplina, & quidem a germana sacrorum canonum prudentia, prorsus aliena. Nimirum cum Episcopi locupletiores facti sunt, parum ipsi solliciti fuerunt de rerum sacrarum ministerio, atque ut impensis deliciis, & quieti vacarent, & Episcopalibus commodis fruerentur, Chorepiscopos constituerunt civitatenfes, eos scilicet, ad quos civitatis, & Ecclesiæ præsertim Cathedralis cura,

& administratio in spiritualibus pertineret, ut, dum Chorepiscopus verbi divini præco esset disertissimus, vigilanterque Ecclesiæ utilitati deserviret, Episcopus ipse otiosam vitam, delicatamque traduceret. Hinc legimus in Capitulari Caroli Magni anni 799. cap. 1., seu cap. 121. lib. 6. Capitularium Baluzianæ editionis de Chorepiscopis: *A suis quietibus ac delectationibus inherentibus facti sunt*. Nemo non videt, quam diversa fuerit horum recentium Chorepiscoporum ratio; ubi enim Chorepiscopi veteres ob pagorum, vicorumque utilitatem constituti fuerant, ut Episcopus impensius Cathedrali Ecclesiæ, & Civitati vacaret, hi porius ideo eligi cœperunt, ut Episcopi in indigno prorsus otio marcescerent. Et quidem ex universis propemodum octavi, & noni sæculi monumentis adparet, Episcopos præsertim occidentales muneri suo aut parum aptos extitisse, aut parum vacasse, qui ne Ecclesiasticis negotiis detinerentur, curas omnes in Chorepiscopos transferebant. Hinc autem gravissimæ subortæ sunt controversiæ, diversæ excitatæ sunt Sediæ, ut utar verbis Hrabani Mauri in lib. de Chorepiscopis, *invidiæ, iræ, rixæ, emulationes, dissensiones, contentiones*. Quicumque enim lugebant talem tantamque Episcoporum incuriam, atque oscitantiam, novam hanc recentium Chorepiscoporum disciplinam, tanquam teterrimam Ecclesiarum omnium luem, detestabantur. Qui e contrario Episcoporum quieti favebant, ea, quæ in honorem veterum Chorepiscoporum ab antiquissimis Conciliis constituta fuerant, his posterioris ætatis Chorepiscopis accommodabant, quasi Chorepiscopi istiusmodi vetustissimis Patribus jamdiu probatissimi viderentur. Hæc dira contentio gravissimos utrimque habuit defensores, aliis de Episcopali cura sollicitis, atque ideo vicariam Chorepiscoporum operam improbantibus, aliis contra conantibus, ne Chorepiscoporum antiquissima dignitas ab Ecclesiæ recepta, & sæpe numero probata, dedecori haberetur. Eo autem aciores, vehementioresque concitatz fuerunt seditiones, ubi de horum Chorepiscoporum auctoritate disputari cœpit. Non erant sane Chorepiscopi hi recentiores Episcopali dignitate insigniti; quia duo Episcopi in una Civitate ordinari non poterant juxta Conciliorum veterum receptissimas sanctiones. Attamen non desuerunt, qui Episcopalem quandam potestatem in ordinationibus præsertim sacrorum ministrorum Chorepiscopis ipsis assererent, ea potissimum ratione ducti, quia permissum aliquando legerunt vetustissimis Chorepiscopis, ut Clericos ordinaarent, quemadmodum superius ostendebam; quamquam tamen non animadvertierint, singularia nonnulla recipi potuisse in Chorepiscopis vetustissimis ante Concilium Sardicense ordinatis, utpote qui Episcopali ordine insigniti erant. Atque hæc controversia eo devenit, ut ob Ecclesiarum tranquillitatem ad Summum Pontificem delata fuerit dirimenda. Tenebat tunc Maximum Pontificatum Leo III., ad quem Carolus Magnus in Chorepiscoporum causa misit Arnorem Archiepiscopum Juvavensem, alioque anno 799., ut ejus sententia controversiæ finis imponeretur. Tandem vero eo devenit, ut Chorepiscopi nulli amplius eligerentur, quæ constitutio legitur in Capitulari anni 799. relata in librum 6. Capitularium cap. 121. Baluzianæ editionis. Cum tamen constitutio hæc generalis non esset, non potuit ubique recipi, ut Chorepiscoporum officia antiquarentur, sed de eisdem novæ controversiæ agi potuerunt, ut constat ex Concilio Parisiensi anni 829. lib. 1. cap. 27., & ex epistola Nicolai I. ad Rodolphum Archiepiscopum Bithuricensem cap. 1. Erant enim adhuc, qui Chorepiscopis favebant, licet non omnes eadem voluntate, alii scilicet, præsertim Episcopi, ut Chorepiscopis tanquam

Vica-

Vicariis uterentur, seseque ab ecclesiasticis muneribus obeundis eximerent, alii, ut veterem disciplinam, qua Chorepiscopi laudabantur, incolumem custodiendam curarent. Hujusmodi inter ceteros fuit Hrabanus Maurus, cujus est liber singularis ad Drogonem Metensem Episcopum directus *de Chorepiscopis, & dignitate, atque officio eorum*, ex quibus facile constat, Chorepiscoporum officium, atque institutionem in civitatibus nonnisi tardius defecisse.

Non est otiosa brevis hæc de Chorepiscopis dissertatio, ex qua nimirum facile dignosci potest, Damaso Papæ nullam fuisse occasionem scribendi adversus Chorepiscopos, quemadmodum in epistola, de qua agitur, legimus; imo occasionem, quidem fuisse Isidoro Mercatori, qui cum initio octavi sæculi scripserit, præ oculis habebat acerrimas illas, quæ Chorepiscoporum causa suboriebantur, contentiones. Huc sane pertinent ea, quæ fere in principio hujus epistolæ legimus, quæque Gratianus retulit in canonem 5. dist. 68., nonnullis omissis, quæ propterea juvabit hoc in loco supplere his verbis: *Igitur de Chorepiscopis, de quibus nos consulere voluistis, quale sit eorum ministerium, aut quid eis agere liceat, aut quam auctoritatem habeant, vel si liceat eos fieri, an non, quia audivimus eos jam esse prohibitos, aut quid de his, qui jam ordinati reperuntur, agendum sit, nil vobis certius respondere nobis videtur, quam olim a Prædecessoribus nostris decretum reperimus, ut eis ad veniam nihil prorsus aliud reservetur, quam privatio sacri ministerii, quod illicite assumerunt, quia prohibiti tam ab hac sacra Sede, quam a totius orbis fuerant Episcopis. Nimis ergo eorum institutio improba, nimis est prava, quia, ut hi de summo Sacerdotii ministerio aliquid presument, omni auctoritate carent, & sacris canonibus inventur esse contrarium, atque ad totius Ecclesiæ perturbationem superba, & superflua tendis elatio, & vacuum est, & inane quidquid in prædicto Sacerdotii summo egerunt ministerio. Quod ipsi iidem sint, qui & presbyteri, sufficienter inventur, quia ad formam, & exemplum septuaginta inveniuntur prius instituti. Sed quia (Deo gratias) modo necessarii, sicut in primitiva Ecclesia, propter studium, quod erga pauperes exigebant, non sunt, & quia illicita presumebant, & quod agebant, altum non erat, & propterea multi in securitatem lapsi ecclesiastico fraudabantur, & frustrabantur ministerio; ideo tam ab hac Sancta Sede, ut superius memoravimus, quam & ab omnibus totius orbis Episcopis a Pontificalibus sunt remoti officiis. Nam, ut nobis relatum est, quidam Episcoporum propter suam quietem eis plebes suas committere non formidant, ut & illicita, atque prohibita agant, iidem ea, quæ solis Pontificibus debentur, sibi usurpant, & ipsi in sua quiete torpent, & curam sibi a Deo commissam negligunt, cum Dominus dicat: Bonus pastor animam suam ponit pro ovibus suis, & vocat eas nominatim, & cognoscit suas, & suæ agnoscunt eum; & item: sicut novis me Pater, & ego agnosco Patrem, & animam meam pono pro ovibus meis. De mercenario autem quid dicit, bene nostis, quia videt lupum venientem, & dimittit oves, & fugit, & lupus rapit, & dispergit oves; & reliqua. Pro talibus vero negligitur cura Ecclesiæ, & ejus status perturbatur. Et ideo sunt prohibiti in tantum, ut si aliqui ex his reperti fuerint, a proprio decident gradu. Illi namque Episcopi, qui talia sibi presumunt, videntur mihi esse meretricibus similes, quæ statim, ut pariunt, infantes suos aliis nutritibus tradunt educandos, ut suam citius libidinem explere valeant. Sic & isti infantes suos, idest populos sibi commissos, aliis educandos tradunt, ut suas libidines explant, idest pro suo libitu secularibus curis inhiant, & quod unicuique visum fuerit, liberius agant. Pro talibus enim animæ negliguntur, oves pereunt, morbi crescunt, hæreses, & schismata prodeunt, Ecclesiæ destruantur, Sacerdotes vitiantur,*

Can. 5.
dist. 68.

¶

Et reliqua mala proveniunt. Non taliter Dominus docuit, & Apostoli instituerunt, sed ipsi, qui curam suscipiunt, ipsi peragant, & ipsi proprios manipulos Domino repræsentent. Nam ipse ovem perditam diligenter quæsit, ipse invenit, ipse propriis humeris reportavit, nosque idipsum facere perducit. Si ipse pro ovibus tantam curam habuit, ipse sanavit, ipse propriis humeris reportavit, atque in tantum dilexit, ut etiam animam suam, multas sustinens injurias, multa opprobria, multas passiones, pro nobis traderet; quid nos miseri, & desides diituri sumus, qui etiam pro ovibus nobis commissis curam impendere negligimus, & aliis eas educandas tradimus? Corriganur hæc, fratres, necesse est, quia qui plus laborat, majorem mercedem accipiet. Nam non amplius, quam duos ordines, inter discipulos Domini esse cognovimus, idest duodecim Apostolorum, & septuaginta discipulorum; unde iste certius processerit, funditus ignoramus. Et quod ratione caret, extirpare necesse est. Quod enim Episcopi non sint, qui minus, quam a tribus sunt ordinati Episcopis, omnibus pater, quoniam, ut bene nostis, prohibitum a sacris est Patribus, ut qui ab uno, vel a duobus sunt ordinati Episcopis, nec nominentur Episcopi. Si nomen non habent, qualiter officium habebunt? Sic ad integra epistolæ exemplaria corruptum Gratiani fragmentum exegi, ex quibus liquido constat, ibidem improbari Chorepiscoporum officium, ac dignitatem, non qualis erat prioribus Ecclesiæ sæculis, & ipsis temporibus Damasi, sed qualis fuit sæculo Ecclesiæ octavo, quemadmodum superius demonstrabam. Nimirum in hac epistola nihil urgetur pressius, quam Episcopos per sese muneribus ecclesiasticis fungi debere, non per Chorepiscopos, dum Episcopi desidia torpent; quæ sane conveniunt Chorepiscopis Civitatenibus circa sæculum octavum institutis, non Chorepiscopis rusticis, quorum vetustissimam fuisse originem, & quidem sacris canonibus maxime probatam asserui. Vel itaque hac de causa non Damaso, sed recentiori auctori hanc epistolam adscribemus, in qua præterea etiam in fragmento nuper descripto nonnulla reperiuntur, quæ Damaso tribuere nefas esset. Initio enim auctor epistolæ inquit, Chorepiscoporum officium fuisse tam a Prædecessoribus Pontificibus Maximis, quam a totius orbis Episcopis improbatum. At vero temporibus Damasi, quibus ex monumentis probari poterit, generali totius Ecclesiæ decreto Chorepiscopos fuisse damnatos, quando tamen plures sunt Conciliorum canones, (quos superius laudabam) quibus Chorepiscoporum officia definita deprehenduntur? Subdit auctor epistolæ, in primitiva Ecclesia fuisse Chorepiscopos necessarios, propter studium, quod erga pauperes exigebant. At vero in his præter solemne mendacium, est, quod deprehendimus egregiam injuriam, quam vetustissimæ Ecclesiæ hic Pseudo-Damasus intulit. Mendacium in eo solemne est, quod Chorepiscopi ideo electi in veteri Ecclesia fuerint, ut pauperibus opitularentur, quod potius Diaconorum munus extitisse Apostolorum acta demonstrant. Deinde gravis injuria veteri Ecclesiæ inferitur, dum eodem contextu scribitur, Chorepiscoporum institutionem nimis improbam fuisse, & nimis pravam, quasi improbarum, & pravarum nimis institutionum apostolicæ ætatis Ecclesiam auctorem faciat. Quod denique subditur, Christum Dominum nonnisi duos ministrorum sacrorum ordines instituisse, Apostolorum primum, alterum Discipulorum; item Apostolis Episcopos, Discipulis Presbyteros successisse, ut ordo medius Chorepiscoporum divinæ institutioni adversari videatur, arguit auctorem epistolæ, tanquam eum, qui vetustissimos Conciliorum canones ignoraret. Revera in Concilio Neocæsarensi Chorepiscopi in locum Discipulorum Christi Domini successisse traduntur in can. 13. ibi: Chorepiscopi quoque ad exemplum quidem, & formam septuaginta videntur

videntur esse. Hæc porro nemo erit, qui Damaso factorum canonum cultori ex-
mio tribuere aliquando possit.

Hæc, quæ initio epistolæ habentur, ad Chorepiscoporum originem, & institutionem pertinere noscuntur. Alia quamplurima subsequuntur de eorundem Chorepiscoporum officio, & potestate, atque inter cetera scribit Pseudo-Damasus, Chorepiscoporum non posse manus imponere ordinandorum clericorum causa, atque utitur hac phrasi, ut scilicet Chorepiscopi manus imponendo magis vulnus inferant, quam salutem. Huc pertinent verba canonis 25. cau. 1. qu. 7., quæ Palearum auctor rursus descripsit in can. 3. cau. 9. qu. 1., qui canones etsi cum integris epistolæ exemplaribus consonent, tamen ad rem Gratiani parum facere videntur; etenim ea verba ad eos referenda sunt, qui a Chorepiscopis legitima auctoritate, ut dicitur, carentibus ordinantur; at vero Gratianus in canone 25. cau. 1. qu. 7. de illis intellexit, qui ab hæreticis, auctor Palearum in can. 3. cau. 9. qu. 1. de illis, qui ab excommunicatis ordinationem susceperunt. Video autem, unde Isidorus Mercator hanc sententiam excerpterit, videlicet ex Innocentio 1. in epistola ad Rufum, Eusebium, & ceteros Macedoniæ Episcopos cap. 3. ibi: *Ventum est ad tertiam questionem, quæ pro sui difficultate longiorem exigit disputationem, cum nos dicamus ab hæreticis ordinatos vulneratos per illam manus impositionem habere caput. Ubi vulnus infixum est, medicina est adhibenda, ut possit recipere sanitatem, quæ sanitas post vulnus secuta sine cicatrice esse non poterit, atque ubi penitentia remedium necessarium est, illic ordinationis honorem locum habere non posse; nam si, ut legitur, quod tetigeris immundus, immundum erit, quomodo id ei tribuetur, quod munditia, ac puritas consuevit accipere? Sed contra adseritur, eum, qui honorem amisit, honorem dare non posse, nec illum aliquid accepisse, quia nihil in dante erat, quod ille posset accipere, adque scimus, & verum est certe, quia quod non habuit, dare non potuit, damnationem utique, quam habuit per pravam manus impositionem, dedit, & qui particeps salus est damnato, quomodo debeat honorem accipere, invenire non possum.* Hæc adamussim imitari conatus est auctor epistolæ Damasi, eo tantum servato discrimine, quod Innocentius de hæreticis, Pseudo-Damasus de Chorepiscopis ordinatoribus differebat. Ex quibus nemo non videt, quam meliori jure Gratianus Innocentii verba describere potuisset, quam verba Pseudo-Damasi; etenim in primis germana retulisset, non apocrypha ecclesiastica prudentiæ monumenta, deinde verba Innocentii ad rem. Gratiani magis pertinere videntur, utpote quæ de ordinatis ab hæreticis concepta sunt, & Gratianus de ordinatis ab hæreticis sermonem instituerat; at e converso relaturus Gratianus verba Pseudo-Damasi, vim ipsis inferre debuit, ut quæ de Chorepiscopis concepta erant, hæreticis ordinatoribus accommodaret.

Sub finem epistolæ ita concluditur: *Omnia hæc decretalia, & cunctorum Prædecessorum nostrorum constituta, quæ de ecclesiasticis ordinibus, & canonum promulgata sunt disciplinæ, ita a vobis, & omnibus Episcopis, ac cunctis generaliter Sacerdotibus custodiri debere mandamus, ut si quis in illa commiserit, veniam sibi deinceps noverit denegari.* De illis ibi decretalibus loquitur epistolæ auctor, quibus superius dixerat, Chorepiscoporum institutionem pluries reprobata fuisse, atque damnatam. Atque his usus est Gratianus ad firmandam decretalium Pontificiarum auctoritatem in canone 12. cau. 25. qu. 1. Ego vero cum noverim, Pseudo-Damasi verba decerpta fuisse ex epistola Leonis Magni ad Episcopos Campaniæ, &c. in vetustis editionibus 1., in editione Quæselliana 3. cap. ult., non dubitaverim pro Gratiano

Can. 25.
cau. 1.
qu. 7.

Can. 3.
cau. 9.
qu. 1.

Can. 12.
cau. 25.
qu. 1.

tiano Damasi verbis verba Leonis supponere, ibi: *Omnia decretalia constituta tam beatæ recordationis Innocentii, quam omnium Decessorum nostrorum, quæ de ecclesiasticis orlinibus, & canonum promulgata sunt disciplinis, ita a vestra dilectione custodiri debere mandamus, ut siquis in illa commiserit, veniam sibi deinceps noverit denegari.*

De epistola 3. ad Episcopos Italiæ.

Quæ septimo loco inter epistolas Damasi apud Collectores recensetur, hæc inscriptione designatur: *Univerſis Episcopis per Italiæ Provincias constitutis Damasus Episcopus in Domino salutem.* Facile etiam in ipsa agnoscimus Mercatoris manum, quum exhibeat consuetas ejusdem sententias, quales ad accusationes pertinent Episcoporum. Præcipuus epistolæ scopus eo spectat, ut demonstretur, accusationes non per scripturam, & ab absentibus, sed a præsentibus esse instituendas, quam ob rem inane producit, & prorsus indignum Damaso argumentum, ibi: *Nam & Dominus noster Jesus Christus Judam furem esse sciebat, sed quoniam non est præsentialiter accusatus, ideo non est ejectus; quasi Christus adinstar sæcularium judiciorum tribunali præſeſſet, aut quasi ideo Christus Dominus non suscepit Judæ accusationem, quod esset facta per epistolam ab absente. Quid memorem collecti ibidem fragmenta epistolarum Mercatoris congesta simul cum sententiis Patrum Damaso recentiorum? Satis erit intendere in consularum notam, ibi: Data 3. Idus Aprilis Siricio, & Ardabure Consulibus.* At vero Ardabures consulatum gessit non cum Siricio, sed potius cum Hierio, eumque anno 427., ac propterea multo post obitum Damasi. Brevis est hæc epistola, & ferme integra a Gratiano recitatur, omiſſa ſcilicet præſatione, quæ consonat cum epistola Leonis Magni 47. juxta veterem editionem, omiſſa etiam conclusione epistolæ, quæ eadem omnino est cum verbis Magni Gregorii epist. 128. lib. 7. Quæ apud Gratianum legimus, ad integra epistolæ exemplaria ita redigam. Ait auctor epistolæ: *Relatum est ad Sedem Apostolicam* (refert hæc Gratianus in can. 3. cau. 5. qu. 2.) *vos accusationes fratrum per scripta ſuſcipere abſque legitimo accusatore. Quod deinceps in omni orbe terrarum fieri apoſtolica auctoritate prohibemus, & quod nuper factum eſt, abſque ulla retardatione corrigi rogamus. Nec unquam prius per ſcripta eorum, qui*

Can. 3.

cau. 5.

qu. 2.

Can. 76.

cau. 11.

qu. 3.

accuſantur (repetit hæc paullo corrupta Gratianus in can. 76. cau. 11. qu. 3.) *cauſam diſcutere liceat, quam per querulantium inſtitutiones vocati canonicè ad Synodum veniant, & præſens per præſentem intelligat, quæ ei obijciuntur. Quod bene-* (hæc omittuntur quidem in dicto can. 3., sed habentur in dicto can. 76.) *& per ſapientiam Salomonis dicitur: antequam ſcruteris, ne reprebendas: intellige prius, & tunc increpa: antequam audieris, ne respondeas, & licet apertiſſima ſit contrariorum reprebenſio. Veruntamen oportet his, qui dati ſunt ad eorum examinationem ordinem ſervari ab his, qui ſecundum Deum* (hæc etiam omittuntur in dicto can. 76.) *perſcrutari deputati ſunt, quatenus ita cum operatione cooperante inveniamus & conſeſſorem Deum, qui dicit, ubi duo ſunt, vel tres congregati in nomine meo, ibi ſum in medio eorum. Nam & Dominus noster Jesus Christus Judam furem eſſe ſciebat, ſed quoniam non eſt præſentialiter accusatus, ideo non eſt ejectus. Nec vos ullo modo agere oportet, quod ille noluit facere; leges enim ſæculi* (rurſum hic Gratianus in dicto can. 3.) *accuſatores præſentes exigunt, & non per ſcripta abſentes. Unde canonica-*

Patrum

Patrum constituta non semel, sed sapissime clamant, nec accusationes, nec testimonia ullum per scripta posse proferre, nec de aliis negotiis quicumque testimonium dicunt, nisi de his, quæ sub præsentia eorum acta esse noscuntur. Similiter & qui alium accusare elegerit (jam reulerat hæc Gratianus etiam in can. 8. cau. 3. qu. 9.) præ- Can. 2.
cau. 3.
qu. 9.
sens per se, & non per alium accuset, inscriptione videlicet præmissa. Nec ullus unquam judicetur, antequam legitimis accusatores præsentis habeat, locumque defendendi accipiat ad abluenda crimina. Curandum namque est, ne ira quenquam subripiat, faciatque citius omne, quod non licet. In tota fere hac epistola, ut ajebam, plurima sunt hinc illinc deprompta fragmenta, quæ ex authenticis, & Damaso recentioribus, quæ ex apocryphis monumentis. Exemplum sit in his verbis, quæ descripserat idem Mercator in epistola unica Eleutherio Papæ tributa: Nihil tamen absque legitimo, & idoneo accusatore fiat: nam & Dominus noster Jesus Christus Judam sorem esse sciebat, sed quia non est accusatus, ideo non est ejectus. Nonnulla præterea excerpta videntur ex canone 11. Concilii Toletani 6., quem legimus in can. 9. cau. 3. qu. 9. Quis ulterius non agnoscat in hac epistolam relata verba Concilii Lateranensis sub Martino Papa celebrati anno 649., secretarii 2. initio? ibi: Sancta Synodus studuit competenter non antea per scripta eorum, qui accusati sunt, causam illorum discutere, donec per querulantium institutiones respexerit hanc, & addiscere voveris, illud videlicet, quod per sapientiam bene placuit Salomoni adimplens, quod dicit: antequam scrutaris, non reprehendas; intellige prius, & tunc increpa, antequam audieris, non respondeas. Nempe licet apertissima sit contrariorum reprehensio, verumtamen oportet & his, quæ clara sunt, ad eorum examinationem ordinem conservari ab his, qui secundum Deum scrutari deputati sunt, quatenus ita cum oratione cooperantem inveniamus & confessorem Deum, qui dicit: "Ubi sunt duo, vel tres congregati in nomine meo, ibi sum in medio eorum. Conferri hæc poterunt cum dicto can. 76. cau. 11. qu. 3. Demum quæ habentur in fine dicti canonis 3., & in dicto canone 8., descripta videntur ex verbis Aniani interpretis legum Theodosianarum ad legem 15. Cod. Theodof. de accusationibus, ibi: Ipse, qui crimen intendit, præsens per se accuset, inscriptione præmissa. Judices vero puniendi sunt, & damnandum officium, si fortasse tacerint, si innocentem, nisi præmissa inscriptione, subdendum crediderint quæstioni.

De epistola ad Aurelium Carthaginensem.

Inter epistolas Isidori Mercatoris primum locum tenet epistola Damasi ad Aurelium Carthaginensem Episcopum. Cum enim Mercator plures Summorum veterum Pontificum decretales evulgaturus esset, non primum ad illas manus admovit, quam nonnulla generatim de epistolis veterum Pontificum traderet, quibus tutius sibi videbatur merces suas effundere. Finxit itaque, Aurelium Carthaginensem Episcopum a Damaso postulassee, ut in Africam mitteret antiquorum Pontificum Romanorum decretales a Sancto Petro usque ad eundem Damasum; cui petitioni Damasus ipse responderit singulari rescripto, cujus inscriptionem ita edidit: *Beatissimo Fratri, & Coepiscopo Aurelio Damasus*, hac adjecta consulari nota: *Data 16. Kal. Junii Gratiano, & Siricio (legunt alii: Cyricio) quarto Consulibus.* Breve est hujusmodi rescriptum, quo Damasus significat, se ad Aurelium mittere omnium suorum Prædecessorum constitutiones, nullo ex Pontificibus vetustioribus præ-

Can. 5.
cau. 25.
qu. 1.

missio. Hæ porro Constitutiones nullæ aliæ esse poterant, quam quæ ab Isidoro Mercatore deinde propositæ fuerunt. Deinde pergit Damasus Aurelium monens, ut statutus sacrorum Canonum, præsertim earundem decretalium, & ipse obtinere, & auctor sit aliis, ut pareatur; quo pertinet fragmentum illud hujus epistolæ, quod legimus in canone 5. cau. 25. qu. 1., his potius verbis legendum, quemadmodum integra epistolæ exemplaria exhibent ibi: *Violatores voluntarie canonum graviter a Sanctis Patribus judicantur, & a Spiritu Sancto, cujus instinctu, & dono diserti sunt, damnantur; quoniam blasphemare Spiritum Sanctum non incongrue videntur, qui contra eisdem Sacros Canones non necessitate compulsi, sed libenter, ut præfixum est, aliquid proterve agunt, aut loqui præsumunt, aut facere volentibus sponte consentiunt. Talis enim præsumptio manifeste unum genus est blasphemantium Spiritum Sanctum, quoniam, ut jam prælibatum est, contra eum agit, cujus impulsu, & gratia iidem sancti editi sunt Canones.* Hæc sane sententia non videtur satis digna Pontifice Damaso; per ipsam enim significaret Damasus, nullum esse omnino peccatum, quod appellari non posset blasphemia in Spiritum Sanctum. Nimirum, si canonum violatores ideo blasphemæ censendi sunt, quia agunt adversus sanctiones Spiritu Sancto afflante editas, cur idem dicendum non erit de omnibus actibus adversus sacras, divinasque leges elicitis? Imo potiore jure, ubi lex divina quædam proponeretur. Non opus tamen est his, ut epistolam a Damaso abjudicemus. Si quidem notæ consularis falsitas falsam quoque epistolam esse ostendit. Revera nupiam in consularibus falsis legitur Gratianus cum Siricio, aut Cyricio gessisse consulatam. Gessit quidem quinquies; sed primum cum Flavio Nagalaipho anno 366., deinde cum Sexto Anicio Probo anno 371., tertio cum Flavio Equitio anno 374., quarto cum Flavio Merobade anno 377., & demum cum Theodosio Augusto anno 380., nullibi aut Siricius, aut Cyricius designatur. Quod vero perspicue idipsum demonstrat, repetitur ex Episcopatus Aurelii Carthaginensis tempore, quod non potuit incidere in tempora Damasi. Neque enim Aurelius Episcopus erat anno 389., quo jamdiu Damasus obierat, sed Diaconus tantum Ecclesiæ Carthaginensis. Hujus rei testis est contemporaneus S. Augustinus, qui in lib. 21. cap. 8. de Civitate Dei asserit, se statim, ac Fidem Christianam amplexus est, Carthaginem perrexisse, quod evenit anno 389., ac tum Aurelium adhuc Diaconum agnovisse. Hoc argumentum gravissimum est, atque ad hanc rejiciendam Damasi epistolam compulsi gravissimos viros, Baronium ad annum 374. §. 11., Binium in notis ad epistolam Damasi, Possevinum in apparatu sacro verbo *Damasus*, ut alios omitam bene multos. Quamobrem æquissimum erit, unumquemque Mercatoris fraudem hac præsertim occasione in omnibus agnoscere, quem videt ab initio suarum epistolarum adeo a veritate aberrasse, ut ejus deceptio ipsis propemodum oculis perspiciatur.

De epistola ad Paulinum.

Can. 43.
cau. 7.
qu. 1.

Zegerus Vanespen in 2. partem Gratiani expendens canonem 43. cau. 7. qu. 1. ita scribit: *Unica extat Damasi Papæ I. ad dictum Paulinum epistola; sed nec in hac, aut alia Damaso adscripta, verba hic a Gratiano relata occurrunt.* Non satis solenter eruditus hic Scriptor Damasi epistolas investigavit. Vidit quidem ipse epistolam Damasi

Damasi ad Paulinum, quæ incipit *Per Filium meum Vitalem*, in qua rêvera non legimus Gratiani fragmentum, & hanc asseruit unicam extare. Verum ego aliam video epistolam ejusdem Damasi ad Paulinum Theſſalonicenſem inſcriptam apud Theodoretum in lib. 5. hiſtor. Eccleſ. cap. 11., & ex Theodoro in Bibliotheca Patrum tomo 27. epittola 5. inter epittolas Damasi. Porro in medio ejusdem epittolæ hæc verba leguntur: *Eos autem, qui ab Eccleſiis, in quibus vixerunt, ad alias ſe tranſſulerunt, uſque eo ſint a noſtra communione alieni, quoad ipſas ad urbes redierint, in quibus erant primum ad aliquem honoris eccleſiaſtici gradum elati. Quod ſiquis in alterius locum, qui ſedem mutavit, cooptatus ſit, tanſper a dignitate ſacerdotali vacet ille, qui civitatem propriam deſeruit, dum qui ei ſucceſſerit, obdormierit in Domino.* Hæc ſane verba cum fragmento Gratiani collata indicant, hanc ipſam epittolam eſſe, quam Gratianus laudare, ac referre voluerit in dicto canone 43., quod enim paullisper & verbo tenus varium legitur, ex Græcæ epittolæ varia interpretatione proficiſcitur, eadem retenta utrobique ſententia. Neque morari quempiam debet, quod Theodoretus epittolam ſcriptam referat ad Paulinum Theſſalonicenſem, Gratianus autem ad Paulinum Antiochenum; Siquidem hac in re jamdiu animadvertit Baronius ad annum 378. num. 40. & 41. mendum ſolemne Theodoreti, vel ex eo, quod omnia latina ejusdem epittolæ exemplaria referant Paulinum Antiochenum, non Paulinum Theſſalonicenſem, vel ex eo, quod nullus Damasi tempore Paulinus fuerit Theſſalonicenſis Episcopopus; ideo autem ſuſpicatur idem Cardinalis, Theodoretum abſtinuiſſe a nominando Paulino Antiocheno, ne exinde deducere aliquis poſſet, Paulino Antiocheno, cui fortaiſſis Theodoretus adverſabatur, Damafum per epittolam communicaffe. Memorata epittola hanc habet epigraphen apud Theodoretum: *Confefſio Fidei Catholica, quam Damafus Papa miſit ad Paulinum Episcopum Theſſalonicenſem.* Alia exemplaria epittolæ latina ita exhibent: *Profeſſio fidei, & anathematifmi adverſus Apollinaris, Arii, Sabellii, Macedonii, Eunomii, & Photini hærefes.* Ita deſcripſit auctor collectionis Conciliorum Venetæ anni 1728. tom. 2. pag. 1061., ubi etiam adnotatur, verba illa Gratiane ſuperius relata in aliquo Codice MS. deſiderari. Quod ſi verum eſt, poterit quis facile ſuſpicari, ea verba adjeſta fuiſſe, poſteriore manu; neque enim totus epittolæ contextus eadem admittere videtur, cum tota epittola pertineat ad profeſſionem fidei variis articulis adverſus Apollinarium, Arium, Sabellium, Macedonium, Eunomium, & Photinum compoſitam, nec conveniat in media fidei profeſſione ſententiam illam interſeri, eamque unicam, quæ de Episcopis Dioceſim deſerentibus concipiatur. Quamobrem ſaltem illud concludere liceat, Gratianeum canonem dubiæ auctoritatis exiſtere.

De duobus aliis Gratiani fragmentis Damaso adſcriptis.

Cum non deſuerint, qui Pontificalem librum Damaso Papæ adſcripſerint, mi-
rum non eſt, ſi aliquando Damasi nomine relata fuerint, quæ in eodem Pontifi-
cali libro leguntur. Ita contigit in canone 2. diſt. 56., qui ad Pontificalem li-
brum potius ſpectat, attamen nomine Damasi recensetur, non quidem a Gra-
tiano, qui nullibi Damafum tanquam Pontificalis auctorem agnovit, quemadmo-
dum adparet ex can. 8. cau. 35. qu. 9., aut ex canone 9. diſt. 19., qui licet ex
Pontificali libro depromti ſint, Damasi tamen nomine non laudantur, ſed potius

ab auctore Palearum, qui in dicto can. 2. referendo Damasi nomen adiecit. Ceterum Collectores Gratiano antiquiores nequaquam Damaso tribuerunt; non Patnormix auctor in cap. 51. lib. 3., non Ivo Carnotensis in Prologo, qui potius Romanum Pontificale laudaverunt. Jam vero quid opus est argumentis, ut demonstretur Pontificale Romanum, ex quo memoratum fragmentum decerptum est, non esse Damasi? Id quidem complures Viri rerum ecclesiasticarum eruditissimi ostenderunt, observantes vulgatum errorem ex eo proficisci potuisse, quod Romano Pontificali praepositae essent duae epistolae, altera Hieronymi ad Damasum, qua Hieronymus petebat, se erudiri in gestis veterum Pontificum Maximorum, altera Damasi ad Hieronymum, qua Damasus, quidquid ab antiquioribus Pontificibus gestum erat, se significare in adiecto libello monebat. Hae porro epistolae a Viris gravissimis spuriae vocantur, tanquam tam a Damasi, quam ab Hieronymi stylo proferas alienae; nihilo tamen minus, cum Pontificale Romanum ab iis suis initia accepit, facile potuit credula posteritas idem Pontificale Damaso adscribere. Quid vero, inquam, opus probationibus ad rem meam, cum apertissime constet, unum illud fragmentum, quod habetur in dicto canone 2., minime Damaso tribui potuisse, cum Romani Pontifices ibidem memorati Damaso fuerint posteriores? Memoratur ibidem Bonifacius Papa, cujus nominis primus vixit jam caepo quinto Ecclesiae saeculo, Felix III., qui vixit jam caepo sexto saeculo, Agapitus item sexti saeculi Pontifex, Theodorus, qui Pontificatum gessit medio septimo saeculo, Silverius, Deusdedit, quorum prior sexto, alter saeculo septimo claruit; quos propterea nemo statim non videt a Damaso quarti saeculi Pontifice memorari minime potuisse.

Quicumque vero Pontificalis libri auctor esse dicatur, sive ille sit; ut vulgo creditur, Anastasius Bibliothecarius, sive quispiam alius obscuri nominis Scriptor, juvabit nonnihil in memoratum canonem diligentius inquirere, ut in primis ad fidem meliorum codicum exigatur, deinde, qualis sit rerum ibidem enarratarum auctoritas, investigetur.

Corruptissimam esse Gratiani lectionem nemo non videt, praesertim ubi in posterioribus verbis ea repetuntur, quae antea descripta fuerant. Sic primum legimus: *Agapitus Papa filius Gordiani Presbyteri*; & inferius: *Item Agapitus natione Romanus ex Patre Gordiano Presbytero originem duxit*. Corrupta quoque scriptura adaparet, ubi traditur Silverius Papa alterius Silverii etiam Papae filius. Immo nec Gratiani ipsi codices invicem consonant, cum aliud exhibeant, qui editi sunt post Romanam correctionem, aliud, qui editi ante eandem emendationem fuerunt. Codices recentiores ita habent: *Unde Damasus Papa scribit: Osus Papa fuit filius Stephani Subdiaconi. Bonifacius Papa fuit filius Jucundi Presbyteri. Felix Papa filius Felicii Presbyteri de titulo Fasciola. Agapitus Papa filius Gordiani Presbyteri. Theodorus Papa filius Theodori Episcopi de Civitate Hierosolyma. Silverius Papa filius Silverii Episcopi Romae. (emendant nonnulli: filius Hormisdæ Episcopi Romae). Deusdedit Papa filius Stephani Subdiaconi. Felix enim tertius natione Afer ex patre Episcopo Valerio natus est; item Agapitus natione Romanus ex patre Gordiano Presbytero originem duxit. Complures etiam alii inveniuntur, qui de Sacerdotibus nati Apostolica Sedi praefuerunt. Multo aliter habent antiquiores codices, ibi: *Unde Damasus Papa scribit Hieronymo Presbytero. (Inscriptio haec ab eo facta videtur, qui Pontificalis libri auctorem ideo Damasum credidit extitisse, quia viderat initio libri Pontificalis episto-**

epistolam Damasi ad Hieronymum, quemadmodum superius attigi, quæcumque tandem sit ejusdem epistolæ vis, & auctoritas) *Osus Papa fuit filius Stephani Subdiaconi. Bonifacius Papa fuit filius Jocundi Presbyteri. Felix Papa filius Felicis Presbyteri de titulo Fascole. Agapitus Papa filius Gordiano Presbyteri. Theodorus Papa filius Theodori Episcopi de Civitate Hierosolyma. Silverius Papa filius Silverii Episcopi Romæ. Deusdedit Papa filius Jocundi Presbyteri. Felix enim tertius natione Romanus ex Patre Felice Presbytero fuit. Item Gelasius natione Afer ex patre Episcopo Valerio natus est. Item Agapitus natione Romanus ex patre Gordiano Presbytero originem duxit. Quamplures etiam alii inventuntur, qui de Successoribus nati Apostolica Sedi præfuerunt. Omitto editiones alias, quas indicaverunt ad calcem ejusdem Gratiani capitis Romani Correctores. Melius ad codicem Ivonis Carnotensis respiciendum erit; ex eo enim auctor Palearum videtur fragmentum illud in Gratiani codicem transtulisse. In Prologo Ivoniani codicis in ea parte, in qua traditur, dispensatum aliquando fuisse ab archieribus canonum regulis, quibus decretum fuerat, ne filii Presbyterorum ad Sacerdotium admitterentur, ita legitur: *Et ut de nostris temporibus taceamus, sicut legitur in gestis Romanorum Pontificum* (observetur heic non Damasum auctorem laudari) *Felix III. natione Romanus ex patre Felice Presbytero fuit a temporibus Odoacri Regis usque ad tempora Theodoric Regis; item Agapitus natione Romanus ex patre Gordiano Presbytero Summus Pontifex fuit. Gelasius natione Afer ex patre Valerio Episcopo sedit annos 3. menses 8. dies 18. Silverius natione Campanus ex patre Hormisila Romano Episcopo sedit annum unum, menses quinque, dies 21. Deusdedit natione Romanus ex patre Stephano Subdiacono sedit annos 3., dies 23. Theodorus natione Græcus ex patre Theodoro Episcopo sedit annos 6., menses 5., dies 24. Non omnia illiusmodi exempla habeantur apud auctorem Panormiz, quemadmodum deducitur ex vetusto ejus codice MS., qui adservatur in Regia Bibliotheca Taurinensis Athenzi, ubi lib. 3. cap. 5. hæc legitur: *Ex lib. Pontificatus: Felix fuit Episcopus tertius natione Romanus ex Patre Felice Presbytero a temporibus Odoacri Regis usque ad tempora Theodoric Regis; Item Gelasius natione Afer ex patre Valeriano Episcopo sedit annos quatuor, menses octo, dies triginta, & multi alii. Ad marginem tamen ejusdem codicis alio, & quidem recentiore charactere, hæc adjecta sunt. Item Agapitus natione Romanus ex patre Gordiano Presbytero sedit menses 11., dies 20. Item Silverius natione Campanus Episcopus Romanus ex patre Dritusdra sedit annum 1., menses 5., dies 9. Item Deusdedit natione Romanus ex patre Stephano Subdiacono sedit annos 3., & dies 23. Item Johannes IV. natione Dalmatica ex patre Venantio Scholastico sedit annum 1., menses 9., dies 19. Item Theodorus natione Græcus ex patre Theodoro Episcopo de Civitate Hierosolymitana sedit annos 6., menses 5., dies 19. En demonstratam Gratiani capitis originem: nimirum coeperunt Collectores nonnulli exempla aliquot adferre Pontificum Romanorum a Sacerdotibus progenitorum, eaque ex Pontificali Romano depropta, quibus alii vel marginalibus notis, vel novis collectionibus compositis alia exempla ex eodem Pontificali libro adjecerunt. Porro exempla eadem hinc illinc sunt ex Pontificali libro collecta, ideoque ad ipsius Pontificalis exemplaria redigere ipsa juvabit, & quidem consisto in exemplis Gratianis, videlicet Osii, Bonifacii, Felicis, Agapiti, Theodori, Silverii, Deusdedit, Felicis III., quibus addam Gelasium, utpote de quo in vetustis Gratiani codicibus mentio habeatur. De aliis Pontificibus, qui memorantur a reliquis Collectoribus, non loquor, ne extra propositum meum vagari latius videar.***

De

De Ofio in primis frustra apud auctorem Romani Pontificalis quispiam quæreret, cum liber Pontificalis Romanorum tantummodo Pontificum vitas exhibeat, non. Ofii cuiuspiam, qui falso dicitur apud Gratianum *Ofius Papa* (dummodo nomine Papæ intelligamus Romanum Antillitem, quemadmodum auctor ejusdem canonis intellexisse videtur.) Neque enim ullus est Romanus ejus nominis Pontifex, imo uno demto Pontifice, cui nomen Deusededit, nemo alius est ex Pontificibus Maximis, cujus parentem Pontificalis auctor Stephanum Subdiaconum nominet. Quamobrem ego arbitrator hac in re pro nomine *Ofii* legendum esse nomen *Deusededit* Pontificis, ut lectio consonet *Romani Pontificali*, ex quo idem fragmentum deponitur videtur. Mea hæc opinio confirmari videtur ex iis, quæ dicto canonis 2. subjecerunt Romani Correctores, asserentes in vetusto exemplari Gratiano satis etiam emendato haberi hæc verba: *Unde Damasus Papa scribit: Deusededit Papa, filius Stephani Subdiaconi, Bonifacius Papa filius Jucundi Presbyteri, Felix Papa filius Felicis Presbyteri de titulo Fasciolæ, Agapitus, &c.* Nec forte quisquam dixerit, in principio dicti canonis 2. legi non posse nomen Deusededit, utpote de quo in posterioribus verbis mentio fit; etenim id parum referet consideranti, caput hoc maxime depravatum esse, eumque, qui caput ipsum exaravit, parum fuisse sollicitum, ne eadem bis referret; sic bis ibidem enarratur, Agapitum fuisse filium Gordiani Presbyteri. Itaque de Ofio nihil est, quod ulterius adjiciam. Ab imperio fortassis Amanuensi nomen illud adpositum erit; totaque res deducetur ad Pontifices Maximos Bonifacium, Agapitum, Theodorum, Silverium, Deusededit, Gelasium, & Felicem, sive ille Felix sit, qui Felicis Presbyteri filius dicitur, sive ille sit Felix III., qui ex patre Episcopo Valerio natus prope finem canonis memoratur. Porro in libro Pontificali hæc leguntur de Bonifacio: *Bonifacius natione Romanus ex patre Jucundo Presbytero, sedit annos 3., menses 8., dies 7. &c.* De Agapito: *Agapitus natione Romanus ex patre Gordiano Presbytero clericus ad Sanctum Johannem, & Paullum, &c.* De Theodoro: *Theodorus natione Græcus ex patre Theodoro Episcopo de Civitate Hierosolyma, &c.* De Silverio: *Silverius natione Campanus ex patre Hormisla Episcopo Romano, &c.* De Deusededit: *Deusededit natione Romanus ex patre Stephano Subdiacono, sedit annos tres, &c.* De Gelasio: *Gelasius natione Afer ex patre Valerio, sedit annos 4., &c.* De Felice hujus nominis tertio: *Felix natione Romanus ex patre Felice Presbytero de titulo Fasciola, sedit annos octo, &c.* Atque ex hoc erratum agnoscendum est in editionibus nonnullis Gratiani, præsertim recentioribus, in quibus sub initium legitur: *Felix Papa filius Felicis Presbyteri de titulo Fasciolæ; & post aliqua: Felix enim III. natione Afer ex patre Episcopo Valerio natus est.* Porro Felix III. ille est, qui in Pontificali libro non Afer natione, sed Romanus dicitur, atque ortus ex patre Felice Presbytero, ut propterea priora illa Gratiani verba: *Felix Papa filius Felicis Presbyteri de titulo Fasciola, de Felice III. sint intelligenda.* At vero posteriora verba, in quibus dicitur Felix III. natione Afer fuisse, & ex patre Valerio, emendanda erunt ex eodem Pontificali, ut pro nomine Felicis III. legatur nomen Gelasii; quemadmodum etiam lego in vetustioribus Gratiani codicibus.

Jamvero etiam nonnulla breviter attingamus, quæ ad memoratam laudatorum Pontificum historiam pertinent, quibus aut Gratiani capitis, aut libri Pontificalis fides excutiat. Nimis operosum esset, rursus agere sigillatim de Bonifacio, Agapito, Theodoro, Silverio, Deusededit, Gelasio, & Felice III. Nonnulla propterea, quæ

quæ in antiquissimis rebus expendendis sufficere posse videntur, adducam. Præ pri-
mis vero, si nihil aliud in medium adduci posset, quam auctoritas illius, qui li-
brum Pontificalem elucubravit, parum, aut nihil valeret ad demonstrandum; ete-
nim auctor libri Pontificalis, ut jamdiu Viri eruditissimi judicaverunt, obscurus ad-
modum; & ignobilis est fabellarum confutor, cujus subdolum fidem, & pueriles
nugas, imo & pudendas contradictiones jam pridem sugillaverunt. Ceterum ubi
scribit, in primis Bonifacium fuisse filium Jucundi, seu, ut alii legunt, Jocundi
Presbyteri, uti exhibent Gratianæ omnes editiones, & liber Pontificalis, nihil
est, quod contra opponi possit, cum aliis ex monumentis Bonifacii genus satis
ostendi nequeat, neque novum apud veteres fuit, Presbyterorum, imo & Episco-
porum filios ante clericatum susceptos legitime, ad ecclesiastica officia fuisse per-
ductos. Testis est, ut alia sexcenta hujusmodi omittam exempla, S. Augullinus,
qui in lib. 1. contra Julianum cap. 4. tradit, Julianum Pelagianorum antesignatum
jampridem in Capuana Ecclesia a parente suo Memorio Capuano Episcopo fuisse
Diaconum ordinatum. Testis Gregorius Magnus, qui Felicem III. Pontificem Ma-
ximum atavum suum extitisse profitetur in homil. 38. in Evangelia, cui addi pos-
set caput 16. libri 4. Dialogorum. Agapetus etiam pari ratione dicitur filius Gor-
diani Presbyteri sub titulo Sanctorum Johannis, & Pauli, quemadmodum scribit
Baronius ad annum 535. num. 29., nec, quoad noverim, quispiam ex historicis
contrarium quidpiam enarrat, licet certum produci nequeat monumentum, ex quo
id deducatur. Atque idipsum de Theodoro dixerim, qui & in Ponticali, & apud
Baronium ad annum 641. num. 5. patria Hierosolymitanus asseritur, & ex patre
Theodoro Episcopo. Quibus vero ex fontibus id hauserim, qui ita scripserunt, mihi
hactenus ignotum est; quemadmodum nec aliunde constat alium Theodoro paren-
tem extitisse. Aliter sane judicandum de Silverio, qui in codicibus Gratiani dicitur
Silverii filius, in memorato Pannormiz codice filius Druisdræ, & apud Ivonem
Carnotensem filius Hormisdæ. Et quidem hæc Ivonis lectio ceteris est anteferen-
da ob testimonium Liberati Diaconi Silverio eidem contemporanei ita in brevia-
rio cap. 22. scribentis: *Romana Civitas Silverium Subdiaconum Hormisdæ quondam
Papæ filium elegit ordinandum.* Deuseddit alicubi dicitur filius Stephani Subdiaconi, alicubi
filius Jucundi. Sed nomen Jucundi fortassis ab illis Amanuensibus adscriptus est,
quod confunderent patrem Bonifacii Papæ, cum patre Deuseddit. Ceterum, si
attendamus vetera Pontificalis libri exemplaria, ipsa non præferunt Deuseddit Pon-
tificem tanquam Stephani Subdiaconi filium, sed aliter rem exhibent, quemadmo-
dum exhibebat liber Pontificalis, quo Baronius usus est, ibi: *Deuseddit, filius Ste-
phani ex Subdiacono sedit annos tres.* Agnoscendum igitur erit recentiorum codicum
mendum, siquidem pro illis verbis: *Filius Stephani, ex Subdiacono,* legerunt recen-
tiores: *Filius Stephani Subdiaconi.* Nonnulli putant, ideo aliquibus ita potius scribere
placuisse, quod sibi facile persuadere non possent, Subdiaconum statim ad summum
Pontificatum potuisse conscendere arg. cap. 9. de ætate, qualitate, & ordine præ-
ficiendorum. Baronius asserit in electione Deuseddit tum primum contigisse, ut
Subdiaconus in Pontificem Maximum ordinaretur, atque hinc repetit originem gra-
vissimi in urbe Roma diffidii, quod eo tempore concitatum fuit. Verum his om-
nibus difficultatem gravissimam movere potest, quod nuper ex Liberati Diaconi
breviario scripsi, videlicet jam antea Silverium Papam e Subdiaconorum officio ad
Summum Pontificatum gradum fecisse. Ego potius arbitror, tum primum Presby-
teros

teros solos, aut Diaconos, non vero Subdiaconos, ceterosque inferiores clericos ad Pontificatum Maximum admissos, quum fuit celebratum Concilium Romanum anni 769. sub Stephano III., alias IV., quemadmodum probare facile potest canon 4. dist. 79. De Gelasio mentionem quidem non faciunt nonnulli codices Gratiani in dicto canone 2. dist. 36., alicubi tamen Valerii Episcopi filius dicitur, quemadmodum & apud Ivonem; alicubi autem, ut in Panormiz monumento superius laudato, dicitur potius filius Valeriani. Quicumque vero sit sive Valerius, sive Valerianus, apud auctorem Pontificalis libri Episcopus minime dicitur; ideo autem qui librum Pontificalem secuti sunt, Valerium Gelasii parentem Episcopum fortassis adpellaverunt, quia apud auctorem Pontificalis Gelasius dicitur natione Afer, & inter Afros celebre erat nomen Valerii Hipponensis Episcopi, cui Sanctus Augustinus successit non procul a Gelasio temporibus. Verum an hæc cum historia factis consonare valeant, plurimum dubitaverim, præsertim quod demonstratum aliis videatur, Gelasium non Afrum, sed gente Romanum fuisse, contra quam scribat auctor libri Pontificalis. Arbitrantur id posse deduci ex epistola Gelasii inter Labbeanas 8. ad Anastasium Imperatorem scripta, in qua hæc leguntur: *Quia, gloriose Fili, te sicut Romanus natus, Romanum Principem amo, colo, suscipio, & sicut Christianus cum eo, qui zelum Dei habet, secundum scientiam veritatis habere desidero.* Scio quidem nonnullos ita Gelasii verba interpretari, ut Gelasius amorem suum Imperatori testaretur, quasi Romanus esset, ac si Romæ natus, non quod revera se Romanum esse profiteretur, sed meo iudicio urgent posteriora illa verba: *& sicut Christianus, &c.*; eodem enim modo & se Christianum profiteretur, & Romanum; propterea qui præcedentia verba *sicut Romanus natus* explicant de eo, qui instar Romani nati se gereret, cum Romanus non esset, videant ne etiam Christianum non dicant Gelasium; sed eum tantum, qui instar Christiani se haberet. Demum error gravis emerit in Pontificales aliquot libros, quemadmodum & in Gratianæ editiones ratione Felicis III. In aliquibus Gratiani codicibus dicitur Felix III. filius Valerii, sed erratum in eo, quod Valerii nomen translatum fuerit ex illis verbis, in quibus de patre Gelasii in eodem contextu agebatur. Melius aliz editiones exhibent, quæ Felicem Felicis Papæ parentem agnoscunt, atque cum his Gratiani editionibus præter librum Pontificalem consonat Panormiz memoratus Codex, & Prologus etiam prælaudatus Ivonis. Num vero Felix Felicis Papæ parens Presbyter fuerit de titulo Fasciolæ, uti vulgatæ editiones habent, non ausim asserere; imo vetustus liber Pontificalis, quo usus est Baronius, multo aliter habet. Lego apud Baronium de Felice III. ad annum 483. num. 16. *Creatus est Pontifex patria Romanus ex patre Felice itidem genitus, fundus antea presbyterio in titulo Fasciolæ. Prodit hæc vetus Anastasi liber de Romanis Pontificibus.* Plurimum fane distant huiusmodi codices. Quod enim habetur apud Gratianum, Felicem Felicis Presbyteri filium indigitar; at vero quod habetur apud vetustum librum Pontificalem, quo Baronius utebatur, indicat quidem Felicem Felicis parem fuisse, sed Presbyterum titulo Fasciolæ adscriptum non Felicem patrem, sed filium ipsum ostendit, qui a Presbyteratu, quo munere functus est in titulo Fasciolæ, ad Summum Pontificatum ascendit. Sed jam satis de corrupto, depravatissimoque Gratiani monumento.

Con. 15.
can. 10.
qu. 1.

Supereff adhuc canon 15. cau. 10. qu. 1., cujus verba, licet in integris Damasi monumentis mihi reperiantur, arbitror tamen vel ejusdem Damasi esse, aut

ex

ex sententiis Damasi in recentiore quodam Concilio congesta. Plane ex ipsa canonis lectione adparet, illum non pertinere ad epistolam aliquam decretalem, sed potius ad quoddam Concilium, quemadmodum postrema illa indicant canonis verba: *Responderunt omnes, fiat, fiat*, quæ formula in Conciliis proferri consuevit post aliquam legis ecclesiasticæ sanctionem. At vel hoc Concilium sub Damaso celebratum est, vel recentiore fortassis ætate, ita tamen ut in eo Damasi vetera decreta renovarentur. Ajo in primis forte illum canonem ad Concilium Damasi pertinere. Revera in uno Romano Concilio ex iis, quæ sub Damaso celebrata fuerunt, cautum scimus, ut decima, atque primitiæ a fidelibus dentur, qui detrescant, anathemate feriuntur. (Refertur hoc Concilium, seu potius Concilii Breviarium, apud Labbeum in tom. 2. Venetæ editionis pag. 1199.) Sed cum illius Concilii integra acta perierint, remanserunt tantum compendiaria quædam ejusdem editio, in qua laudata verba leguntur, quid prohibet asserere, forte apud Gratianum integrum ejusdem Concilii exemplar extitisse, aut apud eum, qui auctor extitit Gratiano? Quod si aliquibus id fortasse non satis adrideat, observantibus, quæ leguntur in dicto canone 15. potius convenire sæculo nono Ecclesiæ, vel decimo, quæ nimirum ætate res ecclesiasticæ, decimæ præsertim, & oblationes sub dominio laicorum detinebantur, nihil adhuc oberit, quominus eadem sanctio ad Damasum referri quoquo modo possit. Erit forte alicujus Concilii sæculi noni, aut decimi, in quo tamen Episcopi voluerint renovare vetusta decreta sub Damaso constituta in Romano Concilio, cujus brevium canonem superius retuli. Neque novum erat in Conciliis medii illius ætatis, imo frequentissimum fuit, ut quoties ederentur canones, ad vetera Concilia, quoad fieri possent, referrentur. Dabo exemplum luculentissimum in hac ipsa decimarum materie. In canone 26. Concilii Aquisgranensis 2. anni 836. prohibendum erat, ne decimæ a laicis detinerentur, idque factum fuit, producendo Gangrenses canones septimum, & octavum his verbis: *In Concilio Gangrensi ita legitur: Si quis oblationes Ecclesiæ extra Ecclesiam accipere, vel dare voluerit præter conscientiam Episcopi, vel ejus, cui hujuscemodi officia commissa sunt, nec cum ejus voluerit agere consilio, anathema sit. Item: Si quis dederit, vel acceperit oblata præter Episcopum, vel eum, qui constitutus est ab eo ad dispensandum misericordiam pauperibus, & qui dat, & qui accipit, anathema sit, &c.* Simile quidpiam contingere potuit in alio Concilio ejusdem temporis, in quo editus fuerit canon Gratianus 15. prælaudatus, ut scilicet sanciretur Damasi nomine, idest renovatione facta canonis Concilii Romani sub Damaso. Illud unum adhuc observandum arbitror, canonem hunc non ex eo fortassis a Damaso, aut Damasi temporibus abjudicandum existimari, quod magis congruere videatur posteriori ætati, quam decimæ passim detinerentur a laicis; etenim & Damasi tempore non deerant, quæ ecclesiasticas oblationes ab ecclesiasticis Viris auferrent, sibi que temere vindicarent, quod facile demonstrant non tam laudatus canon Concilii Romani sub Damaso, quam canones Concilii Gangrensis quarto sæculo celebrati, quos deinde, ut nuper adnotabam, Aquisgranenses Patres in suos canones transtulerunt.

CAPUT XXXV.

De Siricio.

Quotquot Canones Siricii nomine referuntur apud Gratianum, omnes depromti sunt ex ejus epistola ad Himerium Tarraconensem Episcopum. Sunt autem sequentes.

- Can. 56. dist. 50. ex integro epistolæ capite supplendus.*
- Can. 66. dist. 50. falso tributus Concilio 5. Carthaginensi.*
- Can. 3. dist. 77. supplendus ex integra epistola.*
- Can. 31. dist. 81. referendus ad canonem 16. dist. 32.*
- Can. 3. dist. 82. { simul jungendi, atque ex integra epistola*
- Can. 4. dist. 82. { supplendi.*
- Can. 5. dist. 84. consensas cum integris epistolæ exemplaribus.*
- Can. 29. cau. 16. qu. 1. jungendus cum can. 3. dist. 77.*
- Can. 50. cau. 27. qu. 2. paullo varius in diversis exemplaribus.*
- Can. 12. cau. 33. qu. 2. emendandus ex integris epistolæ exemplaribus.*
- Can. 11. de cons. dist. 4. ex integro epistolæ capite supplendus.*

DEVENIMUS tandem ad ea capita, quæ revera Pontificibus Maximis tribui possunt. Neque enim apud antiquissimos collectores decretales epistolæ vetustiores reperiuntur Siricii epistolis, a quibus Dionysius Exiguus, qui ceteroquin in ipsa Romana Urbe codicem condidit, posteriorem codicis partem auspicatus est. Retulit ipse Siricii nomine epistolam unicam, quæ ad Himerium Tarraconensem Episcopum directâ fertur. Sunt, fateor, qui huic decretali epistolæ alias adjecerunt, easque Siricii nomine, quarum aliquot sine dubitatione Siricio adscribuntur, non tamen omnes, quemadmodum Viri eruditi ostendunt. De his mea parum interesse videtur, cum Gratianus fragmenta exceperit tantummodo ex epistola ad Himerium, quæ communi omnium consensione vere Siricii est. Porro tenuit Siricius Pontificatum Maximum ab anno 385. usque ad annum 398.

Consuluerat Himerius Episcopus Tarraconensis Damasum Pontificem Maximum, propositis nonnullis ecclesiasticæ disciplinæ capitibus; sed ad Damasum nuperrime vita functum epistola non pervenerat, proptereaque e re esse putavit Siricius Damasum successor, ut ipse postulanti rescriberet. In quindecim capita responso distribuit apud Dionysium Exiguum, in sexdecim vero in codice, quem Romanæ veteri Ecclesiæ Paschasius Quesnellius adscripsit. Porro in capite 15. legimus verba canonis 56. dist. 50., ubi traditur pœnitentem digamum, aut viduæ maritum posse quidem in suscepto ordine ministrare, non vero ad majora officia promoveri. Verum hæc non generaliter sunt accipienda; quod enim constituitur, pœnitentes, digamos, aut viduarum maritos ministrare in susceptis ordinibus posse, non ex canonicis regulis proficiscitur, sed ex benignitate, qua nonnihil ignoscendum esse fatetur Siricius illis, qui ex ignorantia sacrarum regularum in ea conditione ordinati

*Can. 56.
dist. 50.*

nati fuerant. Integra capitis verba id perspicue demonstrant, ibi: *Et quia his omnibus, quæ in reprehensionem veniunt, sola excusatio ignorationis ostenditur, cui nos interim solius pietatis intuitu necesse est clementer ignoscere, quicumque pœnitens, quicumque digamus, quicumque viduæ maritus ad sacram militiam indebite, & incompetenter irrepserit, hac sibi conditione a nobis veniam intelligat relaxatam, ut in magno debeat computare beneficio, si adempta sibi omni spe promotionis, in hoc, quo invenietur, ordine, perpetua stabilitate permaneat: Scituri post hac provinciarum omnium Summi Antistites, quod si ultra ad sacros ordines quemquam de talibus crediderint adsumendum, & de suo, & de eorum statu, quos contra canones, & interdilla nostra provexerint, congruam ab Apostolica Sede promendam esse sententiam.*

Jam in priorie parte cap. 15., ubi de Conciliis Carthaginensibus agebam, demonstravi ad hanc eandem epistolam referendum esse canonem 66. dist. 50., utut laudetur nomine Concilii 5. Carthaginensis. Legitur autem eisdem verbis in capite 14., dummodo in postrema canonis parte pro verbo: *fuerunt*, legamus: *fuerint*.

Canon 3. dist. 77. continet duo Siricianæ epistolæ capitula, 9. & 10., quæ ita apud Dionysium Exiguum leguntur: In can. 9. *Quicumque itaque se Ecclesiæ vovit obsequi, a sua infantia ante pubertatis annos baptizari, & lektorum debet ministerio sociari, qui ab accessu adolescentiæ, usque ad trigésimum ætatis annum, si probabiliter vixerit una tantum, & ea, quam virginem communi per Sacerdotem benedictione perceperit, uxore contentus, Acolythus, & Subdiaconus esse debet, post quæ ad Diaconii gradum, si se ipse, primis continentia præeunte, dignum probavit, accedat. Ubi si ultra quinque annos laudabiliter ministraverit, congrue presbyterium consequetur, & exinde post decennium Episcopalem cathedram poterit adipisci, si tamen per hæc tempora integritas vitæ, ac fidei ejus fuerit adprobata. Et in capite 10. *Qui vero jam ætate grandævus melioris propositi conversatione provocatus ex laico ad sacram militiam pervenire festinat, desiderii sui fructum non aliter obtinebit, nisi eo, quo baptizatur, tempore statim Lectorum, aut Exorcistarum numero societur: si tamen eum unam habuisse, vel habere, & hanc virginem accepisse constet uxorem. Qui dum initiatus fuerit, expleto biennio, per quinquennium aliud Acolythus, & Subdiaconus fiat, & sic ad Diaconatum, si per hæc tempora dignus judicatus fuerit, provebatur. Exinde jam accessu temporum Presbyterium, vel Episcopatum, si eum Cleri, ac plebis evocarit electio, non immerito sortietur. Plurimum hæc etiam consonant cum epistola Zosimi ad Hefychium Salonitanum cap. 3. relato in can. 2. dist. 77., ex quibus facile demonstratur, in primis veteres Patres valde fuisse sollicitos, ut Sacramentum baptismatis ab impuberibus susciperetur; Etenim erant nonnulli, qui animo quidem christiani erant, idest ea serebantur voluntate, ut tandem aliquando nomen Christo darent per baptismam, idem tamen Sacramentum in proventum ætatem, ac propemodum in senectutem differabant, ut sic libere vitis indulgerent, sibi blandientes, futurum, ut uno baptismo non tam crimina abluerentur, quam auferretur occasio publicis pœnitentiis satisfaciendi. Displicebat voluntas hujusmodi vetustissimis Ecclesiæ Patribus, ideoque diversam inducere disciplinam in promovendis ad Clericatum iis, qui serius, & iis, qui a prima ineunte ætate Sacramentum baptismatis petissent. Illud præterea demonstratur jam a temporibus Siricii in Ecclesia Romana obtinuisse, ut Diaconi, Presbyteri, & Episcopi (quidquid de Subdiaconis, aliisque inferioribus Clericis tunc vigeret) lege continentis tenerentur. Sunt non ignoro, ex recentioribus hæreticis clericalis continentis osiores, qui asseruerunt, Siricium indicasse quidem**

Can. 66.
dist. 50.

Can. 3.
dist. 77.

Diaconos, Presbyteros, & Episcopos continentæ observandæ præcepto teneri; at vero aliter eundem Pontificem loquutum fuisse in epistola tractatoria ad Episcopos Africanos relata in codicem Romanum Paschasii Quesnellii sub finem; in hac enim cap. 9. legitur: *Præterea quod dignum, & pudicum est, & honestum suademus, ut Sacerdotes, & Levitæ cum uxoribus suis non coeant.* Et infra: *Quapropter hortor, moneo, rogo, tollatur hoc opprobrium &c.* Ex his crediderunt, Siricium expetiisse quidem, ut Sacerdotes, ac Diaconi continentiam custodirent, suasisse, hortatum fuisse, monuisse, rogavisse, non vero præcepto sanxisse. Sed hanc epistolam jamdiu viri eruditi tanquam apocryphum monumentum a Siricio abjudicarunt, quemadmodum probat Quesnellius in dissertat. 15. cap. 4. & 5. in adjectis ad Sanctum Leonem Magnum.

Can. 31.
dist. 81.

Canon 31. dist. 81. eisdem omnino verbis legitur in cap. 12. epistolæ Siricii juxta editionem Dionysii Exigui. Paulo aliter refertur apud Reginonem cap. 91. lib. 1. de Eccles. discipl. ibi: *Feminas vero non alias esse patitur in domibus Clericorum, nisi eas tantum, quas proprie sola necessitudinis causa habitare cum iisdem Synodus Nicæna permisi.* Quoniam vero Siricii constitutio ad Synodi Nicænæ canones referri videtur, non incommodum erit accurately interpreti ad ea mentem intendere, quæ habentur in canone 3. ex Nicænis, seu in can. 16. dist. 32.

Can. 1.
4.
dist. 82.

Quod occurrit in vetustis manuscriptis Gratiani codicibus, quemadmodum Romani Correctores testantur, ut videlicet canones 3. & 4. dist. 82. simul conjuncti essent, commodum potius videtur accurately interpreti, qui alterum ex altero aut supplere poterit, aut expendere. Porro uterque canon repetendus est ex eodem capite 7. epistolæ Siricii. Juvabit integra hic verba describere, tum ut nonnulla, quæ apud Gratianum legitimus, emendentur, tum etiam ut, quod utrique deest, facile suppleatur. Ita Dionysius Exiguus. *Plurimos enim Sacerdotes Christi, atque Levitas post longa consecrationis suæ tempora, tum de conjugibus propriis, quam etiam de turpi coitu sobolem didicimus procreasse, & crimen suum hac præscriptione defendere, quæ in veteri testamento Sacerdotibus, ac ministris generandi facultas legitur adtributa. Dicat mihi nunc, quisquis ille est sectator libidinum, præceptorque vitiorum, si æstimat, quia in lege Moysis passim sacris ordinibus a Domino nostro laxata sunt fræna luxuriæ, cur eos, quibus mittebantur Sancta Sanctorum præmonet dicens, Sancti estote: quia & ego Sanctus sum, Dominus Deus vester? Cur etiam procul a suis domibus anno vicis suæ in templo habitare jussi sunt Sacerdotes? Hac videlicet ratione, ne vel cum uxoribus possent carnale exercere commercium, ut conscientie integritate fulgentes acceptabile Deo munus offerrent. Quibus expleto deservitionis suæ tempore uxorius usus solius successione causa fuerat relaxatus, quia non ex alia, nisi ex tribu Levi, quisquam ad Dei ministerium fuerat præceptus admitti. Unde & Dominus Jesus, cum nos suo illustrasset adventu, in Evangelio protestatur, quia legem venerit implere, non solvere. Et ideo Ecclesiam, cujus sponsus est speciosus forma, castitatis voluit splendore radiare, ut in die judicii cum rursus advenerit, sine macula, & ruga eam possit, sicut per Apostolum suum instituit, reperire. Quarum sanctionum omnes Sacerdotes, atque Levitæ insolubili lege constringimur, ut a die ordinationis nostræ sobrietati, ac pudicitie & corda nostra mancipemus, & corpora, dummodo per omnia Deo nostro in his, quæ quotidie offerimus, sacrificiis placeamus. Qui autem in carne sunt, dicente electionis vase, Deo placere non possunt; vos autem jam non estis in carne, sed in spiritu; si tamen spiritus Dei habitat in vobis, & ubi poterit, nisi in corporibus, sicut legimus, sanctis Dei spiritus habitare? Es quia aliquanti, de quibus loquimur, ut tua sanctitas resulis, igno-*

ratio-

ratione lapsos esse se desunt, his hac conditione misericordiam dicimus non negandam, ut sine ullo honoris augmento in hoc, quo detelli sunt, quamdiu vixerint, officio perseverent, si tamen post hæc continentes se studuerint exhibere. Hi vero, qui illiciti privilegii excusatione nituntur, & sibi asserunt veteri hoc lege concessum, noverint se ab omni Ecclesiastico honore, quo indigne usi sunt, Apostolicæ Sedis auctoritate dejectos, nec unquam posse veneranda accretari mysteria, a quibus se ipsi, dum obscænis cupiditatibus inhiant, privaverunt. Et quia exempla præsentia cavere nos præmonent in futurum, quilibet Episcopus, Presbyter, atque Diaconus, quod non optamus, si deinceps fuerit talis inventus, jam nunc sibi omnem per nos indulgentiæ aditum intelligat obseratum, quia ferro necesse est excidantur vulnera, quæ fomentorum non senserint medicinam. Cum his juvabit etiam conjungere ea, quæ diximus ad canonem 3. dist. 77.

De canone 5. dist. 84. nihil est, quod singulari dignum sit observatione. Habetur ille eisdem verbis in cap. 11. hujus epistolæ.

Can. 5.
dist. 84.

Ad caput 13. referendus est canon 29. cau. 16. qu. 1., cujus verba hoc in loco integra recensebo, cum in nonnullis Gratiani codicibus non omnino conveniant optimis epistolæ exemplaribus. Ita descripsit Dionysius Exiguus: *Monachos quoque, quos tamen morum gravitas, & vitæ, ac fidei institutio sancta commendat, Clericorum officiis aggregari & optamus, & volumus, ita ut qui intra tricesimum ætatis annum sunt, in minoribus per gradus singulos crescente tempore promoveantur ordinibus, & sic ad Diaconatus, vel Presbyterii insignia maturæ ætatis consecratione perveniant, nec statim saltu ad Episcopatus culmen ascendant, nisi in his eadem, quæ singulis dignitatibus superius præfiximus, tempora fuerint custodita.* Porro hæc tempora, quæ singulis dignitatibus se superius præfixisse adserit Siricius, sunt, quæ memorantur in can. 3. dist. 77.

Can. 29.
cau. 16.
qu. 1.

In describendo capite quarto ejusdem epistolæ non eandem rationem servarunt epistolarum Collectores. Referam verba Dionysii Exigui, ex quibus emendare quippiam possit Gratiani canonem 50. cau. 27. qu. 2. ibi: *De conjugali autem violatione* (legit Quesnellius in codice, quem vocat Romanæ Ecclesiæ: *De conjugali autem violatione, at Regino in lib. 2. de Ecclesiast. discipl. cap. 154. De conjugali autem violatione*) *requisisti, si desponsatam alii puellam alter in matrimonium possit accipere? Hoc ne fiat, modis omnibus inhibemus, quia illa benedictio, quam nupturæ Sacerdos imponit, apud fideles cujusdam sacrilegii instar est, si ulla transgressione violetur. Paulo aliter posteriora verba descripsit Regino laudato nuper capite ibi: Si illa transgressione violetur.* Ad interpretationem canonis, si plurimum facerent compendiarie expositiones, quæ a Collectoribus adjici capitibus solent, concludendum sane videretur, caput Siricii pertinere ad sponsam, ut ajunt, de futuro. Nam in codice Dionysii legitur: *Quod non liceat alterius sponsam ad matrimonii jura sortiri.* Et in codice Reginonis loco laudato: *Ut nullus alterius sponsam accipiat.* Demum Gratianus, ut omittam ceteros, habet: *Puellam alii desponsatam alter accipere non valet.* Me tamen non movent Collectorum breviora, quoties a capitibus dissonant, quemadmodum nec authenticæ Irærianæ perperam ex Novellis Justinianeis deductæ aliquando viros legum Civilium studiosos moverunt. Etenim agnosco Siricii caput tantum de ea, quæ per verba de præsentii conjugum contraxit, nondum tamen secuta copula, intelligendum fore. In primis, ut priora verba capitis exhibent, agitur ibi de violatione conjugali, seu conjugali, quæ de solis sponsalibus minime intelligi queunt, præsertim vero, si attendamus editionem Quesnellii, ubi de

Can. 50.
cau. 27.
qu. 2.

vela-

velatione conjugali sermo fit; velationis autem, seu veli conjugalis usus tantum in nuptiis erat, non in sponsalibus. Præterea fit ibidem sermo de benedictione sacerdotali, quæ a nemine violari uspiam possit. At benedictio Sacerdotalis non in sponsalibus, sed in nuptiis interveniebat, quemadmodum testantur Patres Concilii Carthaginensis vulgo 4. anni 398. can. 13., seu in can. 33. dist. 23., & can. 5. cau. 30. qu. 5. Demum, quod concludit Siricius, sacrilegii instar esse, si ulla transgressione illa benedictio violetur, indicat profecto benedictionem sacramentalem, quæ non in sponsalibus, sed in vero conjugio per verba de præfenti celebrato, tantummodo intelligitur.

Can. 12.
cau. 33.
qu. 2.

Ad caput 5. ejusdem epistolæ pertinet canon 12. cau. 33. qu. 2., in quo tamen, cum nonnulla habeantur a Dionysii Exigui codice aliquantulum diffona, ita juvabit emendare. *De his vero non incongrue dilectio tua Apostolicam Sedem credidit consulendam, qui alia pœnitentia, tanquam canes, ac sues ad vomitus pristinos, & volubras redeuntes, & militiæ cingulum, & ludicras voluptates, & nova conjugia, & inibitos denuo appetivere concubitus, quorum professam incontinentiam generati post absolutionem filii prodiderunt. De quibus, quia jam suffugium non habent pœnitendi, id duximus decernendum, ut sola intra Ecclesiam fidelibus oratione jungantur, sacre mysteriorum celebritati, quamvis non mereantur, intersint; a Dominicæ autem mensæ convivio segregentur, ut hac saltem destructione (legant alii districtione) correpti, & ipsi in se sua errata castigant, & aliis exemplum tribuant, quatenus ab obscenis cupiditatibus retrahantur. Quibus tamen, quoniam carnali fragilitate ceciderunt, viatico munere, cum ad Dominum caperint proficisci, per communionis gratiam volumus subveniri. Quam formam & circa mulieres, quæ se post pœnitentiam talibus pollutionibus devinxerunt, servandam esse censuimus. Ex hoc capite deducitur, pœnitentiam solemnem apud veteres semel tantum fuisse concessam; post eam enim siquis ad pristina crimina regressus fuisset, communicatio denegabatur, nisi forte quis in extremo vitæ discrimine constitutus esset, quo demum tempore absolutionis munere, quasi viatico, donabatur. Perspicua hæc sunt, & sine dubitatione veterum Conciliorum monumentis consonant. Turbat interpretes, quod hoc in canone dicitur de militiæ, quasi militare cingulum crimini verteretur, aut quasi post susceptam pœnitentiam ad militiam semel susceptam aditus præcluderetur. Ex Glossographis alii dixerunt, hunc canonem in ea parte consilium continere, non præceptum; alii putarunt eam disciplinam obtinere, ubi pœnitenti a Sacerdote injunctum fuerit, ne ad militiam revertatur; alii interpretati sunt canonem in ea specie, in qua delictum militiæ tempore fuisset admittum. Verum ex hisce interpretationibus meo iudicio una peior est altera, cum nulla solidæ innitatur rationi. Arbitror ego, Siricium nihil novi ibidem constituisse, sed tantummodo indicasse disciplinam, quæ suo sæculo constituta fuerat, nimirum in Concilio Nicæno can. 12., ubi statutum etiam legimus, neminem depositio semel secularis militiæ cingulo, rursus in numeros referri posse. Refertur is canon in can. 4. de pœn. dist. 5., & quidem hoc salubriter cautum adparet, non odio militiæ, sed ob singularia temporis illius adjuncta, videlicet ob edictum Licinii Imperatoris, qui decreverat, ne Christianus ad militiæ cingulum admitteretur, quamobrem nemo aut militiam cum suscipiebat, vel recipiebat, nisi abdicata Christi fide, & Ecclesiarum communione. Nihil addo in præsentia, cum hanc ipsam rem satis persecutus fuerim in priore hujus operis parte cap. 7. ad can. 4. de pœn. dist. 5. Tantum dixero, Siricium Pa-*

pari

pam renovasse statuta Nicæni Concilii, ut proinde eandem interpretationem Siricio, quam Nicæno Concilio affingere debeamus, ea etiam ratione, quia post Concilium Nicænum Julianus apostata decreverat, ne ad ullas dignitates, aut officia civilia Christiani admitterentur medio sæculo Ecclesiæ 4., & sic prope Siricii tempora, unde profuebat, idem esse tunc temporis redire ad militiam, ac Christo renunciare. Quod igitur Nicænum Concilium sanxerat in conspectu edicti Iulianii, idipsum renovavit Siricius in conspectu edicti Iuliani ita, ut propterea utrumque decretum tam Nicæni Concilii, quam Siricii Papæ intelligamus de ea militia, ad quam quis accedere non poterat, nisi primum susceptam Christi fidem abdicasset. Porro ut ex hac ipsa Siricii epistola conjecturam gravissimam capiam, adducam caput 3., ubi proponitur, tunc nonnullos ex Christianis in Tarraconensi Provincia ad idololatriam fuisse revertsos, ibi: *Adjellum est enim, quosdam Christianos ad apostasiam, quod dici nefas est, transeuntes, & idolorum cultu, & sacrificiorum contaminatione profanatos, quos a Christi Corpore, & Sanguine, quo dudum redempti fuerant, redascendo, jubemus abscindi, & si resipiscentes forte aliquando fuerim ad lamenta conversi, his, quamdiu vivunt, agenda pœnitentia est, & in ultimo fine suo reconciliationis gratia tribuenda &c.* Hæc omnino consonant cum memorato cap. 5. ejusdem epistolæ; quam vero utrobique appareat eadem disciplina pœnitentiæ, quæ imminet æque & apostatis, & militæ cingulum repetentibus, facile liquebit militæ cingulum in proposita specie cum apostasia fuisse conjunctum. Unum adhuc superest ad plenam, perfectamque canonis interpretationem observandum in ea parte, qua decernitur; pœnitentes conjugia celebrare non posse. Ecce quidem in hoc habemus veteris disciplinæ argumentum, quæ ita summo jure obtinebat, quamquam tamen aliquando ejusdem disciplinæ asperitas remitteretur, re hac universa in Episcopi prudens arbitrium collata, quemadmodum docet S. Leo Magnus in can. 13. & 14. cau. 33. qu. 3.

Demum canon 11. de consecr. dist. 4. spectat ad caput 2. ejusdem epistolæ, ex quo ita supplendus erit: *Sequitur de diversis baptizandorum temporibus, prout unicuique libitum fuerit improbabili, & emendanda consuso, quæ a nostris sacerdotibus (quod commoti dicimus) non ratione auctoritatis alienius, sed sola temeritate præsumitur, ut passim, ac libere natalitiis Christi, seu apparitionis, nec non & Apostolorum, seu Martyrum festivitatibus innumere, us assentis, plebes Baptismi mysterium consequantur, cum hoc sibi privilegium & apud nos, & apud omnes Ecclesias Dominicum specialiter cum Pentecoste sua Pascha defendat, quibus solis per annum diebus ad sibi consuetibus generalis baptismatis tradi convenit sacramenta.* Constat hinc vetustissima disciplina, juxta quam duobus dumtaxat annis diebus, nimirum Paschatis, & Pentecostes, Sacramentum baptismatis solemniiter administrabatur. Dixi solemniiter, etenim ex ejusdem Siricii sententia non dedignabantur Episcopi, hoc Sacramentum etiam aliis temporibus administrare, si aut maxime congruum, aut necessarium videretur, subdit enim Siricius: *Infantibus, qui necdum loqui poterunt propter ætatem, vel his, quibus in qualibet necessitate opus fuerit sacri undæ baptismatis, omni volumus celeritate succurri, ne ad nostrarum perniciem tentat animarum, si negato desiderantibus fonte salutari exiens unusquisque de sæculo & regnum perdat, & vitam.* Quicumque etiam discrimen naufragii, hostilitatis incursus, obsidionis ambiguum, vel cujuslibet corporalis ægritudinis desperationem inciderint, & sibi unico credulitatis auxilio poposcerint subveniri, eodem, quo poscunt, momento temporis expetita regenerationis præmia consequantur.

CA.

Can. 11.
de cons.
dist. 4.

CAPUT XXXVI.

De Anastasio.

Fragmenta Anastasii nomine apud Gratianum hæc sunt.

Apocryphi
omnes.

Ex epist. ad
Episcopos Ger-
maniz, & Bur-
gundiz. { *Can. 2. dist. 98. consonat cum libro Pontificali.*
Can. 68. de cons. dist. 1. consonare videtur cum Constitutionibus San-
cto Clementi adscriptis.

Ex epist. ad
Nerianum. { *Can. 27. cau. 13. qu. 2. est potius Gregorii Magni in epist. ad Are-*
gium.

Adjiciuntur. { *Can. 55. cau. 16. qu. 1. pertinet ad Concilium Gangrense.*
Can. 56. cau. 16. qu. 1. pertinet potius ad Concilium Ticinense.
Can. 8. cau. 23. qu. 3. depromptus ex officina Mercatoris.

A Anastasio inaugurato Pontifici Maximo anno 398., quo Siricius obierat, plu-
res quidem, exque genuinæ epistolæ tribuuntur, quarum aliquas S. Hierony-
mus memorat in epist. 78. ad Pammachium, & Marcellam ibi: *Quamquam ce-*
lebris sermone vulgatum sit, beatum quoque Papam Anastasium eodem fervore, quia eodem
spiritu est, latitantes in suis foveis hæreticos persecutum, ejusque litera doceans damna-
rum in occidente, quod in oriente damnatum est. Sanctus Paulinus Nolanus in epist.
20. ad Delphinum recenset plures Anastasii ejusdem epistolas, alteram ad ipsum
met Paulinum directam, alteram ad Episcopos Campaniz, aliasque nonnullas.
Celebris inter ceteras est epistola scripta ad Johannem Hierosolymitanum, quæ
apud Sanctum Hieronymum habetur. At non ista erant monumenta, ex quibus
Gratianus studeret, ut Collectionem suam ornaret. Potius Collector hic animum
intendit ad merces Isidorianas, inter quas duas sane reperit Anastasii nomine epi-
stolas, quarum prior ad Germaniz, & Burgundiz Episcopos scripta fertur, alte-
ra ad Nerianum, de quibus ita ait Petrus Constant ordinis Sancti Benedicti in
sua decretalium Collectione: *Neque Papæ hujus nomine perpercit Isidorus Mercator,*
sed duas ei epistolas supposuit, unam omnibus Germaniz, & Burgundiz Episcopis, al-
teram Neriano inscriptam. Utriusque falsitas a Baronio detecta, certisque argumentis
comprobata est.

De epistola ad Episcopos Germaniæ, & Burgundiæ.

Vel ipsa epistolæ inscriptio, *Anastasius Episcopus cunctis Germaniæ, & Burgundiæ* Can. 1. dist. 98.
regionis Episcopis in Domino salutem, epistolam ipsam omnino apocrypham esse demon-
 strat; etenim Anastasii tempore Burgundiones nondum erant ad Christi fi-
 dem conversi, sed demum circa annum 425. Christianam religionem professi sunt
 sub Valentiniano III., uti docet Socrates lib. 7. cap. 30., & ex Socrate Baronius Can. 68. de conf. dist. 1.
 ad annum 413. §. 26. Porro Anastasius decessit anno 402. Præterea epistolæ ejus-
 dem consularis nota tempori Anastasii minime congruit: Fertur *data nonis Octo-*
bris Arcadio, & Bautone viris clariss. Coss. Incidit Arcadii, & Bautonis consula-
 tus in annum 385., quo adhuc Romanam Sedem tenebat Siricius, Anastasius au-
 tem anno demum, ut diximus, 398. Siricio successit. His perspicuis ceteroque
 argumentis additur, hanc ipsam epistolam inordinate compositam esse ex variis
 fragmentis recentiorum Patrum, Innocentii Papæ, Flaviani Constantinopolitani,
 potissimum vero Leonis Magni, cujus epistolæ 2. ad Episcopos Italiæ lacinia non
 mediocriter in hanc Pseudo-Anastasii epistolam translata est. Ad hanc epistolam per-
 tinent canon 2. dist. 98., & canon 68. de conf. dist. 1., qui cum in epistola
 ipsa juncti legantur, juvabit eadem ratione integros hoc in loco describere. *Signi-*
ficastis enim (huc pertinet dictus canon 68.) quosdam Sacerdotes in Ecclesia, quan-
do leguntur Evangelia, sedere, & Domini Salvatoris verba non stantes, sed sedentes au-
dire, & hoc ex majorum traditione se accepisse narrant; quod ut nullatenus deinceps
fieri sinatis, Apostolica auctoritate mandamus. Sed dum SS. Evangelia in Ecclesia
recitantur, Sacerdotes, & ceteri omnes præsentis, non sedentes, sed venerabiliter curvi
(adnotant Romani Correptores vocem hanc curvi nec apud Ivonem legi, neque
apud Burchardum) in conspectu Sancti Evangelii stantes Dominica verba intente au-
diant, & fideliter adorent. Similiter (huc pertinet dictus canon 2.) & transma-
rinis homines, de quibus nos consulistis, in clericatus honore nolite suscipere, nisi quin-
que, aut eo amplius Episcoporum chirographis sint designati, quia multa per subreptionem
solent evenire. Ideo & hæc summopere sunt cavenda. Quod hic in principio legitur
de Sancto Evangelio non a sedentibus, sed a stantibus audiendo depromptum vide-
tur ex lib. 2. Constitutionum Apostolicarum, quæ S. Clementi tribuuntur, cap.
61. ibi: Cum Evangelium legitur, omnes Presbyteri, Diaconi, & laici assurgant cum
magno silentio: Scriptum est enim, tace, & audi Israel. Et rursum: Tu vero hic sta,
& audies. Verum interesse parum videtur, an hæc sententia referenda sit ad Mer-
catores Anastasii epistolæ auctorem, an potius ad eum, qui Apostolicas constitu-
tionum sub Clementis nomine clucubravit. Utrumque monumentum pari vitio la-
borat. Non desinam tamen observare, Mercatorem hac in parte imitatum fuisse,
auctorem libri Pontificalis, qui de Anastasio hæc ait. Hic constituit, ut quotiescum-
que Sancta Evangelia recitarentur, Sacerdotes non sederent, sed curvi starent; Quæ
verba expendens Severinus Binius asserit, occasionem hujus decreti ex eo profe-
ctam fuisse, quod tempore Anastasii Romæ inter Presbyteros, & Diaconos gra-
vis arderet controversia, cujus causa Presbyteri adeo Diaconorum officia tamquam
suis longe inferiora aspernabantur, ut etiam cum stantes Diaconi Evangelium pu-
blice legent, Presbyteri a suis sedibus non exurgerent, quod & Baronius com-

Tom. II.

G g

pro-

probat Augustini, & Hieronymi testimoniis ad annum 402. num. 45. Ex eodem Pontificali libro petita videtur altera epistolæ pars, ad quam pertinet dictus canon 2. dist. 98. Ita enim prosequitur auctor Pontificalis in Anastasio: *Et hoc constituit, nulla ratione transmarinum hominem in Clericatus honorem suscipi, nisi quinque Episcoporum designaret chirographos, quia & eodem tempore Manichæi inventi sunt in Urbe Roma.* Si fides scriptori Pontificalis adhibenda est hac in parte, jam in his causam habemus, quare Anastasius Romæ constituerit, ne peregrini facile admitterentur ad clericatum, nisi plurium Episcoporum literis commendarentur, cum maxima tunc temporis esset Manichæorum hominum copia, cavendumque erat, ne forte Manichæus quispiam reciperetur in Clerum.

De epistola ad Nerianum.

Can. 27. Idem, quod de superiore, de hac etiam ad Nerianum epistola iudicium ferunt
cau. 13. viri eruditii, qui eandem ab Anastasio prorsus abjudicant. Et quidem sola Con-
9^a. 2. sularis adjecta nota id apertissime demonstraret, si in omnibus codicibus habere-
tur. Data epistola dicitur 7. Idus Junii Theodosio Augusto 7., & Palladio viris cla-
riss. Coss. Hic autem consularatus incidit in annum 416., ac propterea multo post Anastasii obitum. Verum, cum veteres codices in hac temporis designatione non satis invicem consentiant, abstinere quidem ab hoc probationis genere; suppetunt tamen alia argumenta gravissima, quibus idipsum facile demonstratur. Brevis est hæc epistola, qua fingitur Anastasius consolari Nerianum nobilissimum, ac religiosum virum parentum suorum obitum lugentem: Ea vero, quæ in epistola describuntur, præter paucula deprompta ex epistola Innocentii Papæ, & ex epistola Leonis Magni, integra fere furatus est Mercator ex Gregorio Magno lib. 7. epist. 112. Iniegra subijciam verba Pseudo-Anastasii, ad quæ referendus erit canon 27. cau. 13. qu. 2., unaque verba Gregorii Magni, ut ex utriusque epistolæ collatione Mercatoris impudentia clarius perspicitur.

Verba epistolæ Anastasii ad Nerianum.

*Verba epistolæ Gregorii Magni
 ad Aregium Episcopum
 Vapincensem.*

Fraternitatis ergo vestræ afflictio, quam de amissione parentum vestrorum vos habuisse audivimus, tantam nobis causam mœroris iniecit, ut quia nos de duobus charitas unum fecit, cor nostrum in vestris specialiter ur̃i tribulationibus sentiremus. Sed in hoc dolore multum me consolata est sanctitatis tuæ ad animum redulla discretio, quam & patienter ferre tristitiam, & de morte plebis tuæ ulterius longam non habere mœritiam. Ne tamen aliqua adhuc tribulatio

Fraternitatis vestræ afflictio, quam de amissione vestrorum vos hominum habuisse cognovimus, tantam nobis causam mœroris iniecit, ut quia nos de duobus charitas unum fecit, cor nostrum in vestris specialiter ur̃i tribulationibus sentiremus. Sed in hoc dolore multum me consolata est sanctitatis tuæ ad animum redulla discretio, quam & patienter ferre tristitiam, & decet de morte spe vitæ alterius longam non habere mœritiam. Ne tamen aliqua adhuc tribulatio in vestra mente remaneat, hortor, quiescere dolere

in

lere

in vestra mente resideat, hortor quiescere a dolore, quia indecens est, te illis tædio affectionis addici, quos credendum est ad veram moriendo vitam pervenire. Habent forsitan illi (hinc exorditur *Gratianus*) justam longi doloris excusationem, qui vitam alteram nesciunt, qui de hoc sæculo ad melius esse transitum non confidunt. Nos autem, qui novimus, qui credimus, & docemus, contristari nimium de obeuntibus non debemus, ne quod apud alios pietatis tenet speciem, hoc magis nobis in culpa sit. Nam diffidentia quodammodo genus est, contra quod quisque prædicator queritur, justitiam amans, dicente Apostolo: nolumus autem vos ignorare de dormientibus, ut non contristemini, sicut & ceteri, qui spem non habent. Hac itaque, frater charissime, ratione perspecta studendum nobis est, ne, sicut diximus, de mortuis affligamur, sed affectum viventibus impendamus, quibus & pietas ad utilitatem, & sit ad fructum dilectio.

lere, desine tristis esse, nam indecens est de illis tædio afflictionis addici, quos credendum est ad veram vitam moriendo pervenisse. Habent forsitan illi justam longi doloris excusationem, qui vitam alteram nesciunt, qui de hoc sæculo ad melius esse transitum non confidunt. Nos autem, qui novimus, qui credimus, & docemus, contristari nimium de obeuntibus non debemus, ne quod apud alios pietatis tenet speciem, hoc magis nobis in culpa sit. Nam diffidentia quodammodo genus est, contra hoc, quod quisque prædicat, torqueri maestas, dicente Apostolo: Nolumus autem vos ignorare, fratres, de dormientibus, ut non contristemini, sicut & ceteri, qui spem non habent. Hac itaque, frater charissime, ratione perspecta, studendum nobis est, ut, sicut diximus, de mortuis non affligamur, sed affectum viventibus impendamus, quibus & pietas ad utilitatem, & sit ad fructum dilectio.

Quis sane posthac dubitare poterit, Isidorum Mercatorem suffuratum fuisse Gregorii epistolam, nisi forte crediderit, prioribus Ecclesie sæculis fuisse in Secretario Romanæ Sedis consolatoriarum epistolarum exemplar, quo indiscriminatum pro data occasione omnes Pontifices uterentur?

De ceteris canonibus Anastasio tributis.

Quod Anastasii Pontificis nomine refertur in can. 55. cau. 16. qu. 1., est potius Concilii Gangrensis sæculo 4. celebrati, in quo hæc leguntur can. 7. *Siquis oblationes Ecclesie extra Ecclesiam accipere, vel dare voluerit præter Episcopi conscientiam, vel ejus, cui hujusmodi sunt officia commissa, nec cum ejus voluerit agere consilio, anathema sit.* Eadem habentur in Capitulis Caroli Calvi tit. 34. cap. 4., Concilio Tullensi apud Tustiacum cap. 1., & in lib. 7. Capitularium Francorum cap. 7. In editionibus Gratiani adjectum fuit in principio: *vel decimas, ut idem jus, quod in oblationibus. etiam in decimis obtineret.* Accommoda quidem canonis extensio; etenim tempore Concilii Gangrensis potissima non decimarum, quarum fortassis institutio adhuc ignota erat, sed oblationum ratio habebatur; quum vero in locum oblationum certa decimarum præstatio successit, nihil aptius effici poterat, quam ut simile jus in decimis observaretur. Item prope finem canonis hæc ver-

Can. 55.
cau. 16.
qu. 1.

ba adjecta fuerunt: *bannum nostrum componat*. Phrasis hæc non tantum Concilii Gangrensis, sed etiam Anastasii Papæ temporibus minime congruit; congruit potius Longobardorum legibus, aut Francorum Capitularibus, ex quarum, quorumve libris derivari potuit.

Can. 56.
can. 16.
qu. 1.

Sane quod attinet ad canonem 56. cau. 16. qu. 1. nulla esse dubitatio potest, quin non sit Francorum Capitularibus tribuendus, etenim eisdem omnino verbis legitur in cap. 12. Concilii Ticinensis tit. 3., quod Concilium celebratum est anno 855. Scripserant ad Ludovicum II. Imperatorem, cujus auctoritas convocando Concilio accesserat, de pluribus Ecclesiasticæ disciplinæ capitibus Episcopi eodem convenientes; inter cetera vero laudato capite 12. hæc leguntur: *In sacris canonibus præfixum est, ut decimæ juxta Episcopi dispositionem distribuantur, quidam autem laici, qui vel in propriis, vel in beneficiis suas habent Basilicas, contempta Episcopi dispositione, non ad Ecclesias, ubi baptismum, & predicationem, manus impositionem, & alia Christi sacramenta percipiunt, decimas suas dant, sed vel propriis Basilicis, vel suis Clericis pro suo libitu tribuunt. Quod omnimodis divinæ legi, & sacris canonibus constat esse contrarium. Unde vestram potestatem, ut eos corrigatis, expetimus.* Hæc preces erant Episcoporum, quas illi Imperatori porrexerant, ut Ludovicus ipse Ecclesiarum indemnitati consuleret. Quid vero ad Ecclesiarum indemnitatem responderit, aut constituerit Imperator, non satis constat ex vetustis & illius ætatis Ecclesiasticis monumentis, nisi dicere quispiam malit, quod respondit Imperator, contineri in verbis dicti canonis 55. cau. 16. qu. 1., quo verosimiliter videtur Ludovicus Episcoporum precibus annuisse juxta veteres sacrorum canonum regulas, petitas, uti prænotavimus, ex canonibus Concilii Gangrensis: & quidem hujus rei conjectura gravis est, siue ex eo, quod alibi idem canon 55. non reperiatur, siue ex eo, quod idem canon temporibus Ludovici maxime conveniat, præsertim, attenta illorum verborum formula, *Bannum nostrum componat*, siue tandem ex eo, quod Gratianus, & canonem 55., & canonem 56. ex eodem auctore laudaverit, ac propterea si canon 56. ad Concilii Ticinensis Patres, seu eorundem preces pertinet, facile canon 55. ad responsionem Principis Concilio redditam pertinebit.

Can. 8.
can. 23.
qu. 3.

Supereffet adhuc canon 8. cau. 23. qu. 3., qui non tam Anastasii, quam Damasi nomine recensetur. Sane ipsius verba leguntur in epistola ad Stephanum Damaso tributa, quemadmodum superius in cap. 34. ostendebam; potuerunt autem Anastasii nomine etiam proponi, quod apud Collesorem epistolæ Damasi, & Anastasii in uno codice haberentur, ut propterea fragmenta ex eodem codice derivata Damaso æque tribuerentur, atque Anastasio. Ceterum eadem propemodum verba nomine Eleutherii Papæ etiam leguntur in canone 55. cau. 2. qu. 7., & nomine Innocentii Papæ in canone 3. dist. 83., ut, quocumque respiciamus, ubique manum Mercatoris agnoscere oporteat.

CAPUT XXXVII.

De Innocentio.

Plura apud Gratianum sunt Innocentii Papæ fragmenta, quæ juxta epistolarum ordinem heic sunt subjicienda.

Ex Epist. 1.
ad Decentium
Eugubinum.

- Can. 11. dist. 11. ex integris epistolæ exemplaribus supplendus.
Can. 3. dist. 95. ex integris exemplaribus supplendus, atque emendandus.
Can. 73. de conf. dist. 1. ex integris epistolæ exemplaribus supplendus.
Can. 9. de conf. dist. 2. ad meliora exemplaria, & temporis causas exigendus.
Can. 13. de conf. dist. 3. ex integris epistolæ exemplaribus supplendus.
Can. 17. de conf. dist. 3. consonat cum vulgatis epistolæ exemplaribus.
Can. 119. de conf. dist. 4. ex integra epistola, aliisve monumentis supplendus.

Ex Epist. 2.
ad Vithricium
Rothomagen-
sem.

- Can. 4. dist. 31. ex integris epistolæ exemplaribus supplendus.
Can. 5. dist. 31. jungendus cum canone præcedente.
Can. 13. dist. 34. ex integris epistolæ exemplaribus supplendus.
Can. 61. dist. 50. conferendus cum can. 12. cau. 33. qu. 2. & can. 4. de pæn. dist. 5.
Can. 3. dist. 51. consonat cum integris epistolæ exemplaribus.
Can. 5. dist. 64. conferendus cum can. 1. dist. 64.
Can. 2. dist. 71. referendus ad decreta Concilii Niceni.
Can. 14. cau. 3. qu. 6. { Simul jungendi, conferendique cum cano-
Can. 26. cau. 11. qu. 1. { nibus 36. cau. 2. qu. 6.; 4., & 73.
cau. 11. qu. 3.
Can. 3. cau. 16. qu. 1. ex integris exemplaribus supplendus.
Can. 9. cau. 27. qu. 1. recentioribus etiam canonibus probatus.
Can. 10. cau. 27. qu. 1. ex aliis ecclesiasticis monumentis expli-
candus.

Ex Epist. 3.
ad Exuperium
Tolosanum.

- Can. 6. dist. 31. referendus ad can. 2. dist. 82.
Can. 2. dist. 82. confirmatus in Concilio Agathensi anni 506.
Can. 45. cau. 23. qu. 4. recte a Romanis Correctoribus emendatus.
Can. 46. cau. 23. qu. 4. recte a Romanis Correctoribus emendatus.
Can. 3. cau. 30. qu. 4. falso adscriptus Innocentio.
Can. 23. cau. 32. qu. 5. ex integris epistolæ exemplaribus supplendus.

Ex Epist. 4.
ad Felicem
Nucerianum.

- Can. 6. dist. 33. jungendus cum can. 2. dist. 51.
Can. 2. dist. 51. ex integris epistolæ exemplaribus supplendus.
Can. 6. dist. 55. ex integris epistolæ exemplaribus supplendus.

Ex Epist. 5.
ad Maximum,
& Severum.

- Can. 6. dist. 81. ad integros codices exigendus.

Ex

- Ex Epist. 6. ad Agapitum, & alios. { *Can. 60. dist. 50. perperam apud Gratianum explicatus.*
- Ex Epist. 7. ad Rufum, & alios Macedon. Epif. { *Can. 7. cau. 35. qu. 9. ad integra epistola exemplaria exigendus.*
- Ex Epist. 9. ad Probum. { *Can. 2. cau. 34. qu. 1. ex integra epistola emendandus.*
- Ex Epist. 12. ad Aurelium Carthaginensem. { *Can. 4. dist. 61. falso tributus Innocentio.*
- Ex Epist. 18. ad Alexandrum Antiochenum. { *Can. 17. cau. 1. qu. 1. referendus ad cau. 73. cau. 1. qu. 1.*
Can. 73. cau. 1. qu. 1. ex integra epistola emendandus, atque jungendus cum can. 18. cau. 1. qu. 1.
Can. 30. cau. 24. qu. 1. referendus ad can. 73. cau. 1. qu. 1.
- Ex Epist. 22. ad Rufum, & alios Episcopos Macedoniz. { *Can. 3. dist. 26. consonat cum integris epistola exemplaribus.*
Can. 18. cau. 1. qu. 1. ad integra epistola exemplaria exigendus.
Can. 41. cau. 1. qu. 1. referendus ad can. 7. cau. 1. qu. 7.
Can. 53. cau. 1. qu. 1. ex integris epistola exemplaribus supplendus.
Can. 111. cau. 1. qu. 1. ex integra epistola emendandus.
Can. 7. cau. 1. qu. 7. ex integris epistola codicibus supplendus.
Can. 14. cau. 1. qu. 7. cum superioribus jungendus.
Can. 1. cau. 28. qu. 1. referendus est ad can. 3. dist. 26.
Can. 5. cau. 35. qu. 9. ex integris epistola exemplaribus supplendus.
- Ex Epist. 23. ad Episcopos Toletani Concilii. { *Can. 1. dist. 51. dubie fidei, & varius in diversis exemplaribus.*
- Ex Epist. 25. ad Episcopos Millevitani Concilii. { *Can. 12. cau. 24. qu. 1. ex integris exemplaribus supplendus.*
- Adjiciuntur. { *Can. 3. dist. 20. apocryphus, & a Gratiani proposito alienus.*
Can. 3. dist. 83. referendus ad epistolas Mercatoris.
Can. 13. cau. 9. quest. 3. est potius Pseudo-Synodi Romanæ sub Silvestro.
Can. 22. cau. 16. qu. 1. falso tributus Innocentio.
Can. 6. cau. 16. qu. 3. est potius Concilii Hispalensis 2.
Can. 2. cau. 23. qu. 2. apocryphus, sed ab Ecclesiæ disciplina non alienus.

<div data-bbox="234 104 455 128">Can. 2. cau. 35. qu. 10.</div> <div data-bbox="234 128 455 153">Can. 5. cau. 35. qu. 10.</div>	<div data-bbox="497 87 858 166" data-kind="parent" data-rs="2"> <i>Non sunt Innocentii Papæ, quorum potius sententia in Concilio Lateranenſi reprobata eſt.</i> </div>
---	--

Servavi in recensendis Innocentii I. epistolis, quæ in Gratiani codice memorantur, recentiorum collectionum ordinem. Ceterum apud Dionysium Exiguum, paullo aliter eadem epistolæ dispositæ sunt. Apud eos, qui & Pontificatum, & epistolas Innocentii singulari studio prosecuti fuisse videntur, quædam in incerto hærent. In primis enim sunt, qui adferunt, Innocentium Pontificem Sedem conscendisse anno 402. ineunte, eandemque tenuisse usque ad annum 417., alii vero ab anno 401. sub finem usque ad finem anni 316. ejus Pontificatum notant. Sed hæc leviora sunt, quam quæ in disputationem veniant. Illud potius me movet, quod videam, non contemnendos Scriptores de epistolarum Innocentii fide dubitare. Non memoro hic famigeratam illam epistolam numero trigessimam, quæ ad Arcadium Imperatorem directæ fertur: Hæc enim perpaucos habet defensores, sed potius ab omnibus fere eruditissimis viris apocrypha recensetur. Hæc cum aliquot aliis a veritatis epistolarum codicibus abest. Ad eas me potissimum refero; quæ in codice canonum Dionysii Exigui leguntur. Harum porro ut antiquissimas, & prope contemporaneas collector est, ita integra videtur esse fides, quam tamen elevare nituntur, qui in ipsis aut styli barbariem agnoscunt Innocentio parum dignam, aut ineptam inveniunt sacrarum literarum interpretationem, aut tales ecclesiasticos ritus ibidem memoratos intuentur, quos tempore Innocentii necdum fuisse institutos arbitrantur. Quid de unaquaque re sentiendum sit, saltem ex iis, quæ apud Gratianum laudantur, ac potissimum ex iis, quæ inferius habentur, constabit. Ceterum generatim illud præfabor, adversus has epistolas acerrime pugnasse Magdeburgenses, & post illos quotquot eorundem placitis adhæresere, quorum tamen studium hæc in re, ac sollicitudo ea fuisse videtur, ut fidem earum epistolarum tollerent, ex quibus Romanæ Ecclesiæ doctrina tamquam germana, & ceteris anteferenda demonstratur, velut illius, quæ Apostolorum Principum traditiones excipit, ita dixerim, auribus, & perpetuo custodivit, nec non auctor extitit ceteris, ut servarent, uti vel unum primæ epistolæ exordium perspicue docet. Sane ubi in examinanda veterum monumentorum auctoritate non tantum non seponuntur præjudicia sæctæ, sed potius præconceptione animorum æstui indulgetur, quid erit in tota sacra antiquitate, quod non argumentis conjecturarum instar artificiose paratis confici quoquo modo possit?

De Epistola 1. ad Decentium Eugubinum Episcopum.

In collectionibus decretalium, etiam apud Dionysium Exiguum, primum locum tenet inter epistolas Innocentii, quæ ita inscribitur: *Innocentius Decentio Episcopo Eugubino salutem*; non quod hæc epistola ceteris prior tempore sit (dummodo vera sit data temporis sub finem adjecta, ibi: *Data 14. Kal. Aprilis. Theodosio Augusto 7., & Palladio viris clariss. Coss.*, quæ incidit in annum 416., qui est Innocentii postremus) sed quod Dionysius Exiguus dignissimam eam habuerit, quæ primo loco recensetur, ex eo forte, quod Romanæ Ecclesiæ judicia præ ceteris honorabilia

xabilia ibidem dicantur; Dionysius autem ipse, juxta ea, quæ in præfatione hujus operis attigi, ad Romanæ Ecclesiæ judicia una cum consoribus suis provocaverat. Non est, meo judicio, cur hæc epistola ab aliquibus in dubitationem adducatur; neque enim aut stylus ab Innocentio abhorret, aut ineptæ sunt sacrarum literarum interpretationes, aut disciplinæ Innocentio recentioris traditio, uti visum est Magdeburgensibus, sed pro illius potius fide, atque auctoritate stant Collectores quicumque vetustissimi, imo & disciplina, quæ ibidem traditur, Innocentii ætati apprimè conveniens. Instituit Innocentius Decentium Eugubinum, cujus Episcopatus in Umbria olim, modo in Ducatu Urbinatense constitutus adparet, semper tamen Romano Pontifici immediate subiectus. In octo capita distribuitur epistola, cujus caput primum refertur in parte in can. 11. dist. 11.; illud tamen plurimum juvabit, commodæ interpretationis gratia, integrum subijcere ex codice Dionysii, ibi:

Can. 11.
dist. 11. *Si instituta ecclesiastica, ut sunt a Beatis Apostolis tradita, integra vellent servare. Domini Sacerdotes, nulla diversitas, nulla varietas in ipsis ordinibus, ac consecrationibus haberetur. Sed dum unusquisque, non quod traditum est, sed quod sibi visum fuerit, hoc existimat esse tenendum, inle diversa in diversis locis, vel Ecclesiis aut teneri, aut celebrari videntur, ac sit scandalum populis, qui, dum nesciunt traditiones antiquas humana præsumptione corruptas, putant sibi, aut Ecclesiis non convenire, aut ab Apostolis, vel apostolicis Viris contrarietatem induitam. Quis enim nesciat, aut non advertat, id, quod a Principe Apostolorum Petro Romanæ Ecclesiæ traditum est, ac nunc usque custoditur, ab omnibus debere servari, nec superduci, aut introduci aliquid, quod aut auctoritatem non habeat, aut aliunde accipere videatur exemplum? Præsertim cum sit manifestum, in omnem Italiam, Gallias, Hispanias, Africam, atque Siciliam, Insulasque interjacentes nullum instituisse Ecclesias, nisi eos, quos venerabilis Apostolus Petrus, aut ejus Successores constituerint Sacerdotes; aut legant, si in iis Provinciis alius Apostolorum invenitur, aut legitur docuisse. Qui si non legunt, quia nusquam inveniunt, oportet eos hoc sequi, quod Ecclesia Romana custodit, a qua eos principium accepisse non dubium est, ne, dum peregrinis assertionibus studeant, caput institutionum videantur omittere. Sæpe dilectionem tuam ad Urbem venisse, ac nobiscum in Ecclesia convenisse non dubium est, & quem morem vel in consecrandis mysteriis, vel in ceteris agendis arcanis teneat, cognovisse, quod sufficere arbitraretur ad informationem Ecclesiæ tuæ, vel reformationem, si Prædecessores tui minus aliquid, aut aliter tenuerint, satis certum haberem, nisi de aliquibus consulendis nos esse duxisses. Quibus ideo respondemus, non quod te aliqua ignorare credamus, sed ut majori auctoritate vel tuos instituas, vel si qui a Romanæ Ecclesiæ institutionibus errant, ut commoneas, aut indicare non differas, ut scire valeamus, qui sint, qui aut novitates inducunt, aut alterius Ecclesiæ, quam Romanæ, existimant consuetudinem esse servandam. Sic ad integram epistolam exactus est Gratianus canon, cujus interpretatio ex iis, quæ descripta sunt, commodò redditur. Aiebat Innocentius Occidentalis Ecclesiæ, imo & Provinciæ Romanæ Episcopum erudiens, in rebus ecclesiasticis administrandis, sacrisque officiis peragendis potissimum attendendam esse & Divinam, & Apostolicam traditionem. Divina autem, aut Apostolica traditio non aliunde melius in Occidentali Ecclesia derivari poterat, quam a Romana Civitate, quam unicam doctrinis suis illustrarunt Petrus, & Paulus Apostoli; quum aliæ Occidentales Ecclesiæ neminem ex Apostolis institutorem habuerint, aut auctorem, imo & ipsæ ab iis, qui a Petro, & Paulo missi fuerunt, institutæ adpareant, ut proinde Romana Ecclesia ceterarum*

fons,

sons, & origo jure optimo videatur. Hinc autem recta apud Innocentium con-
 quebatur, ut si quid ab Occidentalibus Ecclesiis decernendum, aut moribus reci-
 piendum foret, illud praprimis elaborandum esset, quo Romanæ Ecclesiæ mori-
 bus, atque institutis congrua omnia fierent; ea enim ratione quæcumque recipie-
 bantur, facile in apostolicam auctoritatem, traditionemque conferri poterant. Hæc
 etiam ratio fuit, cur apud veteres frequentissime ad Romanam Ecclesiam refer-
 rentur tam causæ Fidei, quam causæ ad disciplinam sacrorum pertinentes, quem-
 admodum liquet passim ex epistolis ejusdem Innocentii I., seu 27. ad Aurelium
 Carthaginensem, seu ad eundem Aurelium, & Augustinum Hipponensem epistola,
 quæ est 96. inter epistolas Augustini, seu in responsione ad Concilium Milevita-
 num, quæ est epistola 91. inter epistolas Augustini, seu in responsione ad Syno-
 dum Carthaginensem, quæ est 92. inter ejusdem Augustini epistolas, seu demum,
 ut alias omittam, in epistola ad Himerium Tarraconensem. Video quidem, id re-
 centioribus hæreticis displicere, quod occasione ipsi dedit nonnullarum hujus-
 modi epistolarum fidem elevandi; verum, ut superius ajebam, quoties alia non
 producantur in contrarium argumenta, id solum ipsis non prodest, ideo epistolas
 rejicientibus, quia novis illorum opinamentis necum non satis convenient, sed
 potius adversentur. At vero si quis potissimum causam inquirat, qua adductus Inno-
 centius fuerit, ut Decentium ad Romanas præferri institutiones arripiendas exci-
 taret, ceterarum vero Provinciarum mores parum spectaret, ea ex adjunctis illius
 ætatis erit repetenda. Nemo ignorat, tunc temporis Donatistarum errores in Africa
 primum natos, in Italiam fuisse etiam transvectos; imo & in Romana Provincia
 apud nonnullos obrepisse, cum clandestina comitia Donatistæ iidem in montibus,
 aut agris celebrarent, ex quo ipsi *Montenses* modo, modo *Campitæ* appellati fue-
 runt, teste Hieronymo in Dialogo adversus Luciferianos. Una tum Romana Ci-
 vitas videbatur a pravis hæreticorum hujusmodi moribus incorrupta. Quæ cum ita
 essent, nova suberat Innocentio ratio, cur Decentium Episcopum a peregrinis do-
 ctis averteret, & illum potius ad Romanarum disciplinarum, institutionumque
 studia excitaret.

Sequitur in capite 2. ejusdem epistolæ canon 9. de consecr. dist. 2., cujus verba
 ita emendare juvabit ex codice Dionysii Exigui: *Pacem igitur asseris ante confessa*
mysteria quosdam populis imperare, vel sibi inter Sacerdotes tradere, cum post omnia
quæ aperire non debeo, pax sit necessario indicenda. Per quam conflet, populum ad
omnia, quæ in mysteriis aguntur, atque in Ecclesia celebrantur, præbuisse consensum, ac
finita esse pacis concludentis signaculo demonstrantur. Hæc sane constitutio renovata est
 in Conciliis posterioris ætatis. Auctor collectionis Capitularium Francorum lib. 1.
 cap. 50. scribit: *In decretalibus Innocentii Papæ, ut pax detur ab omnibus, confectis*
Christi Sacramentis; quod depromsit ex Capitulari Aquilgranensi sub Carolo Ma-
 gno anni 789. cap. 52., & Capitulari Francofordiensi anni 794. cap. 48. Porro
 capituli hujus sententia non adeo est in aperto, ut prorsus dubitatione careat inter-
 pretationis. Illud quidem certissimum est, inter sacrarum oblationum solemniam
 pacem vel a primis Ecclesiæ sæculis consuevisse populo indicere, aut populum invicem
 se pacifice, sive per osculum in Ecclesia salutasse. Constat id luculentissime
 ex Johanne Chrysostomo homil. 3. in epist. ad Colossenses, Cyrillo in Johannis
 Evangelium lib. 12., & Concilio Laodicensi can. 19., ut alia omittam sexcenta.
 Hujus vero pacis indicendæ, vel invicem tribuendæ non una erat formula. Esti

Can. 2.
de conf.
dist. 2.

Tom. II.

H h

enim

enim unica esset pacis ratio, qua significaretur communis Fidelium omnium in res sacras consensio; ut enim ajunt Moguntini Patres in Concilio anni 813. can. 44. Oblationem quoque, & pacem in Ecclesia facere jugiter admoneatur populus Christianus, quia ipsa oblatio sibi, & suis magnum remedium est animarum, & in ipsa pace vera unanimitas, & concordia demonstratur; non tamen semel in ipsis Missarum solemnibus indicebatur, sed primum ab ipso sacrificii exordio, deinde dum Evangelium adnunciandum erat per concionem, itidem antequam sacrificium consummaretur, osculo dato, demum sacrificio omnino completo. Id innuit loco laudato Johannes Chrysostomus his verbis: *Quum ingressus fuerit Ecclesie Antistes, statim dicit, pax omnibus; quando verba facis, pax omnibus; quando benedicit, pax omnibus; quando jubet osculari, pax omnibus; peracto sacrificio, pax omnibus; & rursus in medio, gratia vobis, & pax.* De pace sacrorum initio danda meminit Cyrillus Alexandrinus lib. 12. in Johannem, ibi: *Salutat discipulos uestita illa forma, pax vobis, legem veluti quandam inde constituens Ecclesie filiis, quo fit, ut in sanctis potissimum conventibus, & synaxibus circa ipsa mysterii initia, hoc invicem dicamus.* Id ipsum de pace indicenda ab Episcopo vel initio sacrificii, vel initio evangelicæ prædicationis testatur Athanasius in epistola ad Eustathium, ibi: *Proemium sacrificii, aut doctrinæ ipsorum est blandum illud, pax vobis, Evangelium circumferunt, &c.* Videtis Ferrarium in lib. 2. de ritu concionandi. Alia erat pax, quum Episcopus a Deo Opt. Max. precabatur ante contestationem, quæ hodie *Præfatio Missæ* appellatur. Hinc in antiquis Sacramentariis, & Ritualibus contestationi præponitur oratio, quæ inscribitur *al pacem*. Videtis Sacramentarium editum a Mabillonio in fine tom. 1. Musei Italici. Major vero, & clarius significatio pacis erat, quæ per osculum fiebat, atque etiam hodie fieri in Ecclesiis solet inter clericos, aut per osculum sacre Imaginis inter laicos ante functionem Eucharistiæ fracto jam pane, & Christi sanguini ad indicandam populi cum Christo conjunctionem admixto. Huc pertinet canon 19. ex Laodicensi, ubi mentione præhabita orationum, quæ a Sacerdote ante communionem fiunt, dicitur: *Et ita demum pacem sibi invicem dabunt.* Et postquam dederit Episcopus Presbyteris osculum pacis, tunc laici sibi tribuent, & ita sancta celebrabitur oblatio. Demum dum dimittendus erat populus, pacem Episcopus publice indicebat, quo pertinere videtur, quod ait Basilius in Psalmum 28. in fine: *Ultima autem benedictionum pax esse videtur.*

Quum igitur multiplices olim fuerint concedendæ pacis formulæ, illud investigare juvabit, de qua potissimum formula fragmentum Innocentii sit intelligendum. Res hæc meo judicio adhuc in obscuro latet, & non satis commode illustrari potest, nisi forte conjecturis demus locum, atque ex temporis illius adjunctis quid verosimilius sentiendum sit, indicemus. Temporibus Innocentii Manichæorum hæresis longe, lateque diffusa Italiam quoque ipsam infecerat, atque etiam, qui ex Manichæis suboriri fuerant, Priscillianistæ falsa complura dogmata in vulgus prætextu pietatis, ac religionis spargebant. Hæc porro occasionem dare Innocentio potuerunt statuendi, ne in publicis Ecclesiarum conventibus pax ante confecta mysteria indiceretur. Etenim Manichæi, ut de ipsis primum dicam, cum duo rerum principia, sive Deos effingerent, malorum unum, alterum bonorum omnium auctorem, a Deo malo vinum conditum fuisse credebant, proptereaque ad Eucharistiam accedentes sanctum quidem panem suscipiebant, a sacro autem vino temperabant. Testis hujus rei est Gelasius Papa in can. 12. de cons. dist. 2., & Leo Magnus in Sermone.

Sermone 41. de Quadragesima 4. cap. 5. ita de Manichæis scribens : *Cumque ad regendum infidelitatem suam nostris audeant interesse mysteriis, ita in Sacramentorum communione se temperant, ut interdum, ne penitus latere non possint, ore indigno Christi Corpus accipiant, Sanguinem autem redemptionis nostræ haurire omnino declinant. Quod vestræ notum facimus Sanctitati, ut vobis hujuscemodi homines & his manifestentur indicis, & quorum deprehenſa fuerit sacrilega simulatio, a Sanctorum societate sacerdotali auctoritate pellantur.* Itaque duplex erat Manichæorum conatus : primo curabant, ut pro Christianis haberentur, nec vcrebantur ad sacræ Eucharistiæ communionem sacrilegi eam ob causam accedere ; deinde, ne Deum malum, ut ipsi aiebant, venerarentur, a calice, & vino abstinebant. Quod profecto optimam occasionem tribuere Innocentio potuit, ut decerneret, nemini concedendam esse ecclesiasticam pacem, nisi post confecta mysteria, ne fortasse inter Christianos pacem acciperent Manichæi, quorum voluntas erat ab integris eisdem mysteriis aliena. At statim ac mysteria confecta essent, constitissetque ex utriusque speciei communione, quis Catholicus esset, quisve Manetis erroribus sociaretur, tum demum pax recte concessa videbatur, iis scilicet solis impertita, qui recte sacris mysteriis communicassent. Atque his cohæret subiecta Innocentii ratio, ibi : *Per quam constet, populum ad omnia, que in mysteriis aguntur, atque in Ecclesia celebrantur, præbuisse consensum, ac finita esse pacis concludentis signaculo demonstrantur.* Hinc etiam commodè percipiuntur illa verba Innocentii : *cum post omnia, quæ aperire non debeo, pax sit necessario indicenda* ; quibus significatur, pacem indicendam esse post sumtionem calicis, quod non omnino perspicue aperiendum erat, ne forte, si ad Manichæorum notitiam pervenisset, novis eorum fraudibus locus fieret, & tribueretur occasio. Hæc si vera sunt, singularem agnoscere juvabit, temporibusque tantum illis accommodam constitutionem ; cum præsertim sciamus, generalem fuisse Occidentalis Ecclesiæ disciplinam, quemadmodum & hodie viget, ut pax mutua indicatur ante eucharisticam communionem post fractionem sacri Panis ; nisi forte quispiam diceret, mentem Innocentii eo tendere, ut pax dari nequeat ante confecta mysteria, idest ante fractionem sacri Panis, aut ante consecrationem Corporis, & Sanguinis Christi, qua in specie adhuc singularis esse potuisset ratio Innocentio Papæ, ut Manichæorum causa idipsum definiret. Etenim mos erat in vetere Ecclesia, ut antequam ad communionem eucharisticam deveniretur, benedicerentur fructus, spicæ præsertim, & uva, oblatis, populo deinde in signum communionis christianæ distribuendi, uti animadvertit Cardinalis Bona lib. 2. Rer. liturg. cap. 24. Ex eo vero facile dignosci poterat, quinam Manichæorum hæresibus adhererent, qui scilicet a fructibus offerendis abstinuissent, quos a malo Deo conditos authumabant.

Præterea, ut aiebant, ex Manichæorum grege eruperunt Priscillianistæ, qui Parentum suorum hæreses provexerunt temporibus Innocentii Papæ. Et quidem Priscillianistæ suos ipsi Episcopos habebant, exterius ostentantes Christianam Fidem, ac pacificos mores, ut ea ratione facilius allicerent populos, ac deciperent. Apud Episcopos Priscillianistas illud invahuerat, ut eandem semper salutatis populi formulam, & inferioribus Sacerdotibus non communem usurparent. Nam, ubi apud Catholicos Episcopi æque, ac Presbyteri inferiores populum consueta illa formula salutabant, *Dominus vobiscum*, Priscillianistæ potius singularem suis Episcopis salutationem præstituerunt, ut semper proclamarent : *Pax vobis.* Ita colligimus ex Concilio Bracarenſi anni 563. can. 3. ibi : *Item placuit, ut non aliter Episcopi, &*

H h 2

aliter

aliter presbyteri populum, sed uno modo salutes dicentes: Dominus vobiscum, sicut in libro Ruth legitur. Et ut respondeatur a populo: Et cum spiritu tuo; sicut & ab ipsis Apostolis tractum omnis retinet oriens, & non sicut Priscilliani pravitas permiscuit. Si quis igitur Innocentii decretum ad Priscillianitarum mores corrigendos pertinuisse diceret, non videretur ab Innocentii mente prorsus aliena huiusmodi interpretatio, quasi improbet eximius Pontifex subdolos Priscillianitarum Episcoporum mores, qui specie pacis sua sacrificia exordiebantur, moneatque Decentium, ne a recepta Ecclesiarum disciplina divertat, juxta quam pax non nisi post confecta mysteria, idest post sacri Panis fractionem, in ipso propemodum eucharistice perceptionis actu indici consueverat. Unum addo ad interpretationem verborum illorum: Cum post omnia, quæ aperire non debeo, &c. Nimirum his verbis significabat Innocentius, pacem esse dandam post celebratum sacrosanctum Eucharistice mysterium, seu post consecrationem panis, & vini, panis sacri fractionem, ejusdemque panis immersionem in calicem, quæ omnia ideo aperte aperire non debere se profitebatur Innocentius, ne sacra illa mysteria palam Ethnicis tunc adhuc existentibus plurimis fierent, ac ludibrio exposita aliquando adparerent.

Can. 73.
de cons.
dist. 1.

In cap. 2. ejusdem epistolæ legitur canon 73. de cons. dist. 1., cujus verba ita erunt ex integra epistola describenda: De nominibus vero recitandis, antequam preces Sacerdos faciat, atque eorum oblationes, quorum nomina recitanda sunt, sua oratione commendat, quam superfluum sit, & ipse pro tua prudentia recognoscis, ut cujus hostiam necdum Deo offeras, ejus ante nomen insinues, quamvis illi incognitum nihil sit. Prius ergo oblationes sunt commendandæ, ac tunc eorum nomina, quorum sunt, edicenda, ut inter sacra mysteria nominentur, non inter alia, quæ ante præmittimus, ut ipsis mysteriis viam futuris precibus aperiamus.

Can. 119.
de cons.
dist. 4.

Progreditur Innocentius in cap. 3., & ait: De consignandis vero infantibus manifestum est; non ab alio, quam ab Episcopis, fieri licere. Nam Presbyteri, licet sint Sacerdotes, Pontificatus tamen apicem non habent. Hoc autem Pontificibus solis deberi, ut vel consignent, vel Paracletum Spiritum tradant, non solum consuetudo ecclesiastica demonstrat, verum & illa lætæ Actuum Apostolorum, quæ asserit Petrum, & Johannem esse directos, qui jam baptizatis tradant Spiritum Sanctum. Nam Presbyteris seu extra Episcopum, seu præsentem Episcopum, cum baptizant, chrismate baptizatos ungere licet, sed quod ab Episcopo fuerit consecratum, non tamen frontem ex eodem oleo signare, quod solis debetur Episcopis, cum tradunt Spiritum Paracletum. En antiquissimam Romanæ Ecclesiæ disciplinam, juxta quam licebat quidem Presbyteris Sacramentum Baptismatis conferre, non vero Sacramentum Confirmationis. Hinc Gregorius Magnus in can. 1. dist. 95. cum generaliter id observandum in Occidentali Ecclesiâ præcepisset, asseruit: Et nos quidem secundum usum veterem Ecclesiæ nostræ fecimus. Porro memorata Innocentii Papæ verba referuntur apud Gratianum, non tamen integra, in can. 129. de cons. dist. 4., quam eandem sententiam laudavit Isidorus Hispalensis in lib. 2. de diff. Eccles. cap. 26. ibi: Spiritum autem Sanctum accipere possumus, dare autem non possumus, sed, ut detur, Deum invocamus. Hoc autem a quo potissimum fiat, quemadmodum Papa Sanctus Innocentius scribit, subjiciam: Dicit enim non ab alio, quam ab Episcopis, fieri licere; nam Presbyteri, licet sint Sacerdotes, Pontificatus tamen apicem non habent. Hoc autem solis Pontificibus deberi, ut vel consignent, vel Paracletum Spiritum Sanctum tradant, non solum ecclesiastica consuetudo demonstrat, verum & illa lætæ Apostolorum, quæ asserit Petrum, & Johannem esse directos,

vellos, qui jam baptizatis traderent Spiritum Sanctum. Nam Presbyteris (sive extra Episcopum, sive presente Episcopo baptizant) chrismate baptizatos ungere licet, sed quod ab Episcopo fuerit consecratum, non tamen frontem ex eodem oleo signare, quod solis debetur Episcopis, cum tradunt Spiritum Paracletum. Quoniam vero Isidorus Hispalensem laudavi ad rem hanc, non inutile erit huc referre, quod sub Isidoro eodem decretum fuit in Synodo Hispalensi 2. anni 619. can. 7., ubi postquam constitutum est, ne Presbyteri altaria erigerent, aut Basilicas consecrarent, ne ex Episcopi quidem sui delegatione, ita subditur: *Nam quamvis cum Episcopis plurimillius (idest Presbyteris) ministeriorum communis sit dispensatio, quædam novellis, & ecclesiasticis regulis sibi prohibita noverint: sicut Presbyterorum, & Diaconorum, ac virginum consecratio, sicut constitutio altaris, benedictio, & unctio; siquidem nec licere eis Ecclesiam, vel Altarium consecrare, nec per impositionem manus fidelibus baptizatis, vel controversis ex hæresi Paracletum Spiritum tradere, nec chrisma conficere, nec chrismate baptizatorum frontem signare, sed nec publice quidem in missa quemquam penitentium reconciliare, nec formatas cuilibet epistolas mittere, &c.* His decretis occasione dederat Agapius quidam Episcopus Cordubensis, qui Presbyteris mandabat, ut Altaria erigerent, ac Basilicas consecrarent. Qua tamen in re erunt sane observanda verba illa canonis: *Quædam novellis, & ecclesiasticis regulis*; non enim quæ in Ecclesia Hispalensi, Isidoro auctore, decernebantur, omnia ex divino jure repetita videbantur, sed potius ex jure recentiore ecclesiastico, quæ observatio commodam præbet interpretationem dicti canonis 119. apud Gratianum; præsertim vero, quod sciamus aliquando ab eodem Innocentio I. permissum, ut manus impositio post Baptismum a minoribus Sacerdotibus fieret, quemadmodum legimus in cap. 6. ejusdem epistolæ apud Dionysium Exiguum, ibi: *De his vero baptizatis, qui postea Demonio, aut vitio aliquo, aut peccato interveniente, arripiuntur, acquisitis dilectio tua, si a Presbytero, vel Diacono possint, aut debeant consignari, quod hoc, nisi Episcopus præceperit, non licet; nam ei manus imponenda omnino non est, nisi Episcopus auctoritatem dederit id efficiendi. Ut autem fiat, Episcopi est imperare, ut manus ei vel a Presbytero, vel a ceteris clericis imponatur. Nam quomodo id fieri sine magno labore poterit, ut longe constitutus Energumenus ad Episcopum deducatur? Cum si talis casus ei in itinere acciderit, nec perferri ad Episcopum, nec referri ad suam fac possit?*

Juvabit præterea ex integris exemplaribus supplere, atque emendare canonem 13. de conf. dist. 3., cujus verba ita legenda sunt ex cap. 4. ejusdem epistolæ apud Dionysium Exiguum. *Sabbato vero jejunandum esse ratio evidentissima demonstrat. Nam si diem dominicum ob venerabilem resurrectionem Domini Nostri Jesu Christi non solum in Pascha celebramus, verum etiam per singulos circulos hebdomadarum ipsius diei imaginem frequentamus, ac si sexta feria propter passionem Domini jejunamus, sabbatum prætermittere non debemus, quod inter tristitiam, aut letitiam temporis illius videtur inclusum. Nam utique constat Apostolos biduo isto in tristitia, & in mœnore fuisse, & propter metum Judæorum se occultasse. Quod utique non dubium est in tantum eos jejunasse biduo memorato, ut traditio Ecclesiæ habeat, isto biduo Sacramenta penitus non celebrari. Quæ forma utique per singulas tenenda est hebdomadas, propter id, quod commemoratio diei illius semper est celebranda. Quod si putant semel, atque uno sabbato jejunandum, ergo & dominicum, & sexta feria semel in Pascha erit utique celebranda. Si autem dominici diei, ac sextæ ferie per singulas hebdomadas reparanda imago est, de-*

Can. 13.
de conf.
dist. 3.

mensis

mentis est, bilui agere consuetudinem, sabbato prætermisso, cum non disparem habeat causam, a sexta videlicet feria, in qua Dominus passus est, quando & ad inferos fuit, ut tertia die resurgens redderet latitiam post biduanam tristitiam præcedentem. Non ergo nos negamus sextam feriam jejunandum, sed dicimus & sabbato hoc agendum, quia ambo dies tristitiam Apostolis, vel his, qui Christum secuti sunt, induxerunt, qui die dominico hilarati non solum ipsum festivissimum esse voluerunt, verum etiam per omnes hebdomadas frequentandum esse dixerunt. Patet ex hisce verbis vetustissimæ Romanæ Ecclesiæ consuetudo, juxta quam obtinebat, ut jejunium sabbato quocumque celebraretur. Qui vult hac in re penitus edoceri, unaque difficultates omnes evadere, quæ hanc materiem turbare quoquo modo videntur, consulat dissertationem 6. de jejunio sabbati in Ecclesia Romana a Paschasio Quesnellio editam ad calcem operum I. Leonis Magni. Mihi illud unum observare sufficiet, non unam, eandemque apud veteres fuisse disciplinam hac in parte; nam nonnullis in locis, apud Græcos præsertim, incongruum videbatur jejunare sabbato, quod Romanæ Ecclesiæ tanquam probrum objecerunt, quemadmodum testatur Nicolaus Papa in epist. 70. ad Hincmarum; alibi vero sabbati jejunium visum est maxime observandum, uti de Romana Urbe Sanctus Augustinus testatur epist. 118. ad Januarium, & epist. 86. ad Casulanum. Varias hujusmodi consuetudines dispar ratio induxerat. Qui sabbato jejunabant, totis viribus nitebantur, ne cum Judæis læti, festivique sabbato viderentur; postquam enim veteris sabbati celebritas a Christianis in diem solis, quem dominicum appellaverunt, translata est, dies ipsa sabbati cum mœrore potius transigi cepit, vel ut ab judæicis ritibus recederetur, vel etiam ut mœror recoleretur Apostolorum, qui post Christi mortem per integrum sabbati diem doluerunt; ac demum sequente luce ob Christi Domini resurrectionem lætitiæ singularis argumenta exhibuerunt. Qui contra ab jejunio recedendum esse sabbato asserabant, Manichæorum hæresim magis magisque detestari se fatebantur. Quum enim Manichæi dicerent vetus testamentum a Deo malo conditum, sanctificationem sabbati, tanquam a Deo malo in eodem vetere testamento præceptam maxime oderant, nihilque antiquius eam ob causam habebant, quam ut celebrato jejunio mœrore confecti eodem die publice apparerent. Itaque sabbati jejunium cum mœrore conjunctum nonnullis videbatur Manichæorum hæresis indicium; aliis e converso sabbati celebritas sine jejunio videbatur judæicæ cujusdam superstitionis turpe vestigium. Quid vero hac in re sequendum erat? Augustinus in epistolis memoratis obtemperandum aiebat receptæ hac in re in unaquaque provincia disciplinæ: Dummodo enim & abs Judæorum, & a Manichæorum superstitionibus desisteretur, quis aut in jejunio, aut in festiva celebritate sabbati deliquisset, secutus alias suæ provincię morem? Porro Innocentius Romanæ Ecclesiæ consuetudinem sequendam Decentio proposuit, quæ nimirum obtinebat, ut singulis sabbatis jejunium celebraretur.

Can. 17. In canone 17. de cons. dist. 3. nihil est, quod singulari indigeat observatione. de cons. dist. 3. Consonat ille cum capite 7. ejusdem epistolæ.

Caput octavum ejusdem epistolæ non satis integrum relatum est a Gratiano in can. 3. dist. 95., quem propterea ita ex Dionysio Exiguo supplere juvabit: Sane, quoniam de hoc, sicut de ceteris consulere voluit dilectio tua, adjecit etiam filius meus Cælestinus Diaconus in epistola sua esse a tua dilectione possum illud, quod in B. Apostoli Jacobi epistola conscriptum est: Si infirmus aliquis in vobis est, intucat presbyteros, & erent super eum, ungentes eum oleo in nomine Domini, & oratio fidei salvabit infirmum.

firmum, & suscitabit illum Dominus, & si in peccatis fuerit, remittentur ei. Quod non est dubium de Fidelelibus aegrotantibus accipi, vel intelligi debere, qui sancto Oleo Chrismatis perungi possunt, quod ab Episcopo confectum non solum Sacerdotibus, sed omnibus uti Christianis licet, in sua, aut in suorum necessitate unguendum. Ceterum illud superfluum videmus adjectum, ut de Episcopo ambigatur, quod Presbyteris licere non dubium est. Nam idcirco Presbyteris dictum est, quia Episcopi occupationibus aliis impediti ad omnes languilos ire non possunt. Ceterum si Episcopus aut potest, aut dignum ducit aliquem a se visitandum, & benedicere, & tangere Chrismate sine cunctatione, potest, cujus est ipsum Chrisma conficere. Nam poenitentibus istud infundi non potest, quia genus est Sacramenti. Nam quibus reliqua Sacramenta negantur, quomodo unum genus putatur posse concedi? His igitur, Frater charissime, omnibus, quæ tua dilectio voluit a nobis exponi, prout posuimus, respondere curavimus, ut Ecclesia tua Romanam consuetudinem, a qua originem ducit, servare valeat, atque custodire, &c. Pergit hinc Innocentius ad epistolæ finem, ubi ad initia propemodum revertitur, utrobique enim nihil magis urget, quam ut Decentius Romanæ Ecclesiæ mores sequatur, & servet. Unum heic observandum superest, eadem propemodum verba capituli 8. laudati recenseri in Concilio Wormatiensi anni 868. can. 72. Probanda porro erit emendatio Correctorum Romanorum, qui negativam particulam expungendam a Gratiani exemplaribus rati sunt, cum illa nec in integra Innocentii epistola apud Dionysium Exiguum collectorem antiquissimum, neque in Wormatiensi canone reperitur.

De Epistola 2. ad Victricium Rothomagensem Episcopum.

Qua ratione Innocentius ad Decentium Eugubium scripserat, eadem propemodum usus est, dum Victricio Rothomagensi in Gallia Episcopo postulanti responderet in variis disciplinæ ecclesiasticæ causis, illum principio laudans, quod disciplinam Romanæ Ecclesiæ sequi vellet, utpote quæ ab Apostolis Petro, & Paulo mores suos derivaverit. In capite 1. epistolæ hujus hæc leguntur: Primum, ut extra Can. 5. dist. 64.
conscientiam Metropolitanæ Episcopi nullus audeat ordinare, integrum enim judicium est, quod plurimorum sententiis confirmatur, nec unus Episcopus ordinare præsumat, ne futurum beneficium præstitum videatur. Hoc enim a Synodo Nicæna constitutum est, atque definitum. Hic est canon 5. dist. 64., qui, quoniam refertur ad canones Nicæni Concilii, jure optimo conferendus erit cum canone 1. dist. 64., ubi laudatur Nicæna illa constitutio, quam Innocentius sequendam esse scribebat.

Prosequitur Innocentius, & ait: Item si quis post remissionem peccatorum cingulum militiæ secularis habuerit, ad clericatum omnino admitti non debet. Hic est canon 61. dist. 50. Quare vero irregularis haberetur temporibus Innocentii, quicumque militis cingulo ornaretur, colligi satis potest ex iis, quæ observanda volui ad canonem 12. cau. 33. qu. 2., nec non ad canonem 4. de poenit. dist. 5., quorum prior est Siricii Papæ, alter Concilii Nicæni, ad quæ sane monumenta sese procul dubio referebat Innocentius. Milites tunc temporis non alii designabantur, quam qui Christianæ Religionis renunciassent, ut memoratis in locis ostendi; quamobrem nil mirum erat, si milites hujusmodi ab ecclesiasticis officiis, ac dignitatibus removerentur. Hinc autem liquido constat, toto cælo aberrare a germana hujusce- Can. 61. dist. 50.
canonis

canonis interpretatione Scriptores illos, qui exinde arripuerunt occasionem dubitandi, num milites possent ad gradus Clericorum promoveri, nonnulli vero ex ipsis distinctionibus disputationem hanc absolvere se facile crediderunt, ut patet apud Glossographos, qui canonem intellexerunt de officiali milite, qui sæva admodum præcepta dederit, vel executioni mandaverit. Supervacanea profecto Interpretum hujusmodi industria, qui veteres canones veterum temporum adjunctis accommodare nesciverunt.

Jungendi simul sunt, unoque spiritu legendi can. 26. cau. 11. qu. 1., & canon 14. cau. 3. qu. 6., pertinent enim ambo ad idem caput 3. epistolæ Innocentii. Ita lego apud Dionysium Exiguum, ex quo Gratiani editio est emendanda. *Sigue autem causæ, (hic est laudatus canon 26.) vel contentiones inter clericos tam superioris ordinis, quam etiam inferioris fuerint exortæ, ut secundum Synodum Nicænam, congregatis ejusdem provincie Episcopis, jurgium terminetur. Nec alicui liceat, sine præjudicio tamen Romanæ Ecclesiæ (hic est laudatus canon 14.), reliquis his Sacerdotibus, qui in eadem provincia Dei Ecclesiam nutu divino gubernant, ad alias convolare provincias. Quod si quis forte præsumserit, & ab officio Cleri submotus, & injuriarum reus ab omnibus judicetur. Si autem majores causæ in medio fuerint devolutæ, ad Sedem Apostolicam, sicut Synodus statuit, post judicium episcopale referantur.* Monent ad hunc canonem Romani Correctores in epistola Marcelli, & Innocentii legi: *Sine præjudicio tamen Romanæ Ecclesiæ, cui in omnibus causis debet reverentia custodiri.* Verum, licet nonnulla exemplaria recentiora epistolæ Innocentii hæc etiam exhibeant, non habet tamen codex Dionysii Exigui antiquissimus, qualis est editus abs Justello. Deinde epistola Marcelli parum apposite recenseri ad hanc rem potest; ut enim cetera præteream, agitur de epistola Isidori Mercatoris, cujus fidem jam superius improbam agnovimus. Imo non dubitaverim, clausulam illam ex epistola eadem. Marcelli apocrypha in germanam epistolam Innocentii a nonnullis recentioribus codicum Scriptoribus fuisse translata. Quod ibidem Innocentius tradit de Clericorum causis, videtur de promptum ex ca. 5. Concilii Nicæni, quem ex Dionysio Exiguo integrum retuli ad canonem 73. cau. 11. qu. 3., item de promptum videtur ex canone 3. Concilii Sardicenis, quem ego integrum retuli ad canonem 36. cau. 2. qu. 6., & ex canone 17. ejusdem Concilii Sardicenis, quem refert Gratianus in can. 4. cau. 11. qu. 3. Quoniam igitur ad Nicænum, vel Sardicense Concilium totus se retulit Innocentius in canonibus memoratis, nulla alia melior assingi Innocentio interpretatio poterit, quam quæ & Nicænis, & Sardicenis canonibus accommodator esse videatur.

Postquam vero in frequenti capite tradiderit Innocentius, neminem ex Clericis uxorem posse viduam ducere juxta illud Levitici cap. 21. vers. 13. *Sacerdos uxorem virginem accipiat, non viduam, non ejellam*, ita subsequitur: *Ut is, qui viduam, licet laicus, duxit uxorem, sive ante baptismum, sive post baptismum, non admittatur ad Clerum, quia eodem vitio videtur exclusus. In baptismo enim crimina dimittuntur, non acceptæ uxoris consortium relaxatur. Ne is, qui secundam duxerit uxorem, clericus fiat, quia scriptum est: Unius uxoris virum, & iterum, Sacerdotes mei semel nubant, & alibi, Sacerdotes mei non nubant amplius. Et si ab aliquibus existimatur, ante baptismum si forte quis accepit uxorem, & ea de sæculo recedente alteram duxerit, in baptismo esse dimissum, satis errat a regula, quia in baptismo peccata remittuntur, non acceptarum uxorum numerus aboletur: cum utique uxor ex legis præcepto ducatur, infantum,*

intantum, ut & in Paradiso, cum parentes humani generis conjungerentur, ab ipso sint Domino benedicti, & Salomon dicat: a Deo præparabitur viro uxor, quam formam etiam Sacerdotes omnes servare, usus ipse demonstrat Ecclesiæ. Satis enim absurdum est alique credere, uxorem ante baptismum acceptam post baptismum non computari, cum benedictio, quæ per Sacerdotem super nubentes imponitur, non materiam delinquendi dedisse, sed formam tenuisse legis a Deo antiquitus institutæ doceatur. Quod si non putatur uxor esse computanda, quæ ante baptismum dulcia est: ergo nec filii, qui ante baptismum geniti sunt, pro filiis habentur. Ita supplendus erit, emendandusque canon 13. dist. 34. Porro tria in hoc capite tradidit Innocentius. Primum, non licere alicui ex clericis, aut etiam laicis ad Clerum promovendis duplices inire nuptias, quod argumento gravissimo est, etiam antiquissimam Ecclesiam a sacris ordinibus bigamos arcuisse. Deinde ulterius urget Summus Pontifex, & ait mentem Ecclesiæ extendi etiam ad eum casum, quando quis cum vidua nuptias contrahit; quemadmodum enim maritus unam quodammodo cum uxore personam gerere videtur, pro bigamo consideratur, qui binubam ducit, aut saltem bigamiz potam contrahit, eo ipso, quo facto suo aliam binubam facit. Tertio demum eandem disciplinam recipiendam suadet, ubi quis ante baptismum unam, post baptismum alteram duxerit uxorem; is enim ex Innocentii sententia adhuc pro bigamo recensetur, ut ab ordinibus Ecclesiasticis excludatur. Fuit sub initium quinti Ecclesiæ sæculi, aut sub finem quarti acerrima disputatio in hac parte gravissimorum Ecclesiæ Patrum, quorum alii alias in sententias distrahebantur, quemadmodum liquet ex Hieronymo, Augustino, Ambrosio, & eodem Innocentio in epist. ad plures Macedoniz Episcopos, quorum fragmenta referuntur apud Gratianum in dist. 26. Qui matrimonium ante baptismum initum minime computandum esse, asserabant, his rationum momentis innitebantur. Siqua macula esse potest in nuptiis ante baptismum contractis, ex qua deinde quis ad ministerium Ecclesiasticum non admittatur, deletur illa in baptismatis sacramento, cujus vis maxima est ex divina institutione: Qui e contrario pro Ecclesiasticæ disciplinæ severitate pugnant, aiebant quidem in baptismate dimitti crimina, non vero nuptias, quarum vinculum venerabile semper fuit. Postquam vero Innocentius in postremam hanc sententiam ivit, eandemque servandam pluribus Episcopis proposuit, atque inter ceteros memorato Vidricio Rothomagensi, Rufo, Eusebio, aliisque Macedoniz Episcopis, nulla dubitatio fuit, quin paullatim posterior hæc sententia in Ecclesia reciperetur præ alia, vimque Ecclesiasticæ consuetudinis, ac disciplinæ obtineret. Nihil hic singulariter adjiciendum arbitror, etenim de hac re alibi sermo recurret, præsertim ubi agendum erit de canonibus distinctionis Gratianæ 26.

In cap. 7. epistolæ Innocentii legimus canonem 2. dist. 71. ibi: *Ut de aliena Ecclesia clericum ordinare nullus usurpet, nisi ejus Episcopus precibus exoratus concedere voluerit. Hoc etiam Synodus statuit Nicæna, ut abjellum ab altero clericum altera Ecclesia non recipiat.* Duplex hoc in loco constitutio palam fit, & prima quidem de clericis alienis non ordinandis, altera de clericis ejectis non recipiendis edita; & quamquam Gratianus priorem tantummodo memoraverit, posteriorem ideo addendam volui, ut ex integro Innocentii capite facile adpateret, utramque propositam esse, tanquam Concilii Nicæni disciplinam, quod denotant verba illa: *Hoc etiam Synodus Nicæna statuit*, quæ non tam posteriora, quam præcedentia respiciunt. Nicænæ autem Synodi sanctio, quam Innocentius laudat, habetur in-

Can. 2.
dist. 71.

capite 5., & 16., quæ referuntur apud Gratianum in can. 73. cau. 11. qu. 3., in can. 3. dist. 71. & in can. 23. cau. 7. quæst. 1.

Can. 4. Omisit Gratianus caput 8., ubi actum est de hæreticis ad fidem revertentibus recipiendis; retulit autem caput 9. in can. 4. dist. 31., cui auctor Palearum
 5. aliqua ex epistola ipsa adjecit, quæ habemus hodie velut canonem quintum,
 dist. 31. nescio qua de causa ita divisum etiam ab iis, qui recentiores Gratiani codices ediderunt. Verba Innocentii hæc sunt: *Præterea quod dignum, & pudicum, & honestum est, tenere Ecclesia omni modo debet, ut Sacerdotes, & Levitæ cum uxoribus suis non coeant, quia ministerii quotidiani necessitatibus occupantur. Scriptum est enim: Sancti estote, quoniam & ego sanctus sum Dominus Deus vester. Nam si præcis temporibus de templo Dei Sacerdotes anno vicis suæ non discedebant, sicut de Zaccharia legimus, nec domum suam omnino tangebant, quibus utique propter sobolis successionem uxoris usus fuerat relaxatus, quia ex alia tribu, & præterquam ex semine Aaron ad sacerdotium nullus fueras præceptus accedere; quanto magis bi Sacerdotes, vel Levitæ pudicitiam ex die ordinationis suæ servare debeant, quibus vel sacerdotium, vel ministerium sine successione est, nec præterit dies, qua vel a sacrificiis divinis, vel a baptismatis officio vacent? Nam si Paulus ad Corinthios scribit, dicens: abstinere vos ad tempus, ut vacetis orationi, & hoc utique laicis præcepit, multo magis Sacerdotes, quibus & orandi, & sacrificandi iuge officium est, semper debent ab hujusmodi consortio abstinere, quo si contaminati fuerint carnali concupiscentia, quo pudore vel sacrificare forsitan usurpabunt? &c.* Eisdem fere verbis idem Innocentius scripsit ad Exuperium Tolosanum in epist. 3., cujus fragmentum refertur in can. 6. dist. 31.

Can. 3. Quod paucis retulit Gratianus in can. 3. cau. 16. qu. 1., ita ex integris epistolæ exemplaribus erit supplendum. Legitur canon in capite 10. *De monachis, qui diu morantes in monasteriis postea ad clericatus ordinem pervenerint, non debere eos a priore proposito deviare. Aut enim sicut in monasterio fuit, & quod diu servavit, in meliori gradu postea amittere non debet. Aut si corruptus, postea baptizatus in monasterio sedens, & ad clericatus ordinem accedere voluerit, uxorem omnino habere non poterit, quia nec benedici cum sponsa potest jam ante corruptus. Quæ forma servatur in clericis maxime, cum vetus regula hoc habeat, ut quisque corruptus baptizatus clericus esse voluisset, sponderet se uxorem omnino non ducere.* Hinc colligitur Innocentii sententia. Erant nonnulli, qui e monasteriis, in quibus continentiam professi fuerant, ad Clericorum inferiorum gradus promoti, existimarent sibi licere conjugia, quæ generatim ministris inferioribus concedebantur, quasi lex continentie extra monasterii claustra eos amplius non afficeret. Statuit Summus Pontifex eandem continentie legem esse ab illis in clericatu etiam custodiendam, cum clericalis conditio tanquam monachali perfectior tantæ virtutis promovendæ apta sit, nullatenus impediendæ.

Can. 3. De canone 3. dist. 51. nihil singulare occurrit, quod observemus. Consonat ille
 dist. 51. cum capite 11. ejusdem epistolæ. Porro curiales, aliosve similes publicis officiis deservientes, aut rationibus detentos non posse ad clericalia munera promoveri pluries verustissimis canonibus statutum scimus. Ad caput 11. epistolæ pertinet canon
 Can. 10. 10. cau. 27. qu. 1., his verbis legendus ex Dionysio Exiguo: *Item quæ Christo spiritualiter nupserunt, & a Sacerdote velantur, si postea vel publice nupserint, vel se clandestino corruerint, non eas admittendas esse ad agendam penitentiam, nisi is, cui se junxerant, de mundo recesserit.* Si enim de hominibus hæc ratio custoditur, ut quæcumque

que vivente viro alteri nupserit, habeatur adultera, nec ei agenda pœnitentia licentia concedatur, nisi unus ex his fuerit defunctus, quanto magis de illa tenenda est, quæ ante immortalis se sponso conjunxerat, & postea ad humanas nuptias transmigravit? Quoties verba hæc, prout jacent, absque considerentur, videbuntur profecto arduiorem disciplinam exhibere, quam quæ ex Innocentii mente sit exhaurienda, quasi nullo unquam tempore concedenda pœnitentia sit adulteris, aut iis, qui Christo datam continentis fidem violarunt, quousque vivat ejusdem criminis conficiis, ita, ut qui pœnoriatur, is sine Ecclesiæ communionem decedat necessario. Verum non ita canonem hunc Innocentii interpretari fuerunt Gallicanæ Ecclesiæ Patres; (quando autem laudo Gallicanæ Ecclesiæ Patres, eos laudatos intelligo, ad quos Innocentius rescriptum suum direxerat, quique propterea idem Innocentii rescriptum exequuti sunt); etenim voluerunt quidem eo pertinere Innocentii mentem, ut difficile pœnitentia adulteris, corruptisque virginibus Deo dicatis concederetur, præsertim ubi peccandi periculum continuo immineret, non vero ut aliquando etiam perentibus pœnitentia denegaretur. Ita hunc ipsum Innocentii canonem referunt Patres Concilii Turonensis 2. anni 567. cap. 20. ibi: *Et quia in sententia Papæ Innocentii ad Vitrictum Episcopum Rothomagensem lata legitur scriptum de virginibus, quæ Christo spiritualiter nupserunt, & velari a Sacerdote meruerunt, si postea nupserint, quod vix etiam ad agenda pœnitentiam mereantur accedere, quia sic dicit: Si enim de omnibus hæc ratio custoditur, ut quæcumque vivente viro alteri nupserit, habeatur adultera, quanto magis & illa damanda est, quæ ante immortalis sponso se conjunxerat?* &c. Et paulo inferius laudant Turonenses Patres. canonem 32. Concilii 2. Arelatensis his verbis: *De puellis, quæ se roverunt Deo... si ad terrenas nuptias sponte transierunt, id custodiendum esse decrevimus, ut cum his, quibus se alligaverunt, communionem priventur, ita ut eis postulantiibus pœnitentia non negetur, cujus pœnitentiæ communio multo tempore differatur.* Meminit ejusdem definitionis Innocentii Papæ Zacharias Pontifex Maximus in epistola ad Pippinum Majorem domus cap. 20., ubi eisdem omnino verbis refertur, quid ipsemet Innocentius Vitrictio Rothomagensi rescripserit; sed in cap. 26. subdit Zacharias, virgines lapsas post pœnitentiam ex humanitate communionis gratiam obtinere posse. Meminit etiam ejusdem canonis Concilium Duziacense 2. anni 874. canone 6., ubi agitur de quadam sanctimoniali nomine Duza, quæ lapsa fuerat, concluditurque ex ipsamet Innocentii sanctione, delictum illud pœnitentia deliquentis esse purgandum, ut virtricum delinquenti e sæculo transeunti, si tamen pœnituerit, non negetur. Post hæc amplius non memoro canonem 55. Concilii Toletani 4. anni 633., aut canonem 6. Concilii Toletani 6. anni 638., aut alios à diversis variarum Provinciarum Conciliorum editos, quibus constat aut adulteris, aut sanctimonialibus lapsis communionem saltem in vitæ extremo non fuisse denegatam, ubi pœnitentiam egressent; ut inde adpareat, qualis Innocentii constitutioni adstringenda sit interpretatio. Illud unum adjiciam, non defuisse apud veteres, qui gravioribus hujusmodi criminibus talem poenam imposuerunt, ut essent propemodum sine expiatione: Verum, ut ex dictis facile liquet, nusquam in fuit germanus universæ Ecclesiæ sensus: Potuit id nonnullis austerioribus Ecclesiæ Antistitibus aliquando probari, quorum sententia recepta minime fuit. Ad rem scribit S. Cyprianus in epistola ad Antonianum his verbis: *Et quidem apud antecessores nostros quidam de Episcopis istic in Provincia nostra dandam pacem mæchis non putaverunt, & in totum pœnitentiæ locum contra adulteris clausurunt,*

non tamen a Coepiscoporum suorum collegio recesserunt, aut catholicae Ecclesiae unitatem, vel duritiae, vel censurae suae obstinatione ruperunt; ut, quia apud alios adulteris pax datur. qui non datur, de Ecclesia separaretur. Forte iuxta nonnullorum, quam Cyprianus heic refert, sententiam Innocentius in capite memorato loqui potuit, & quod veterum nonnulli de adulteris senserunt, iuxta austeriorem disciplinam potiore jure recipiendum fuisse asseruit de virginibus, quae post solemnem elicitam professionem lapsae proponerentur. Et quidem austeriorem illam disciplinam sequutus esse videtur idem Innocentius in epistola ad Exuperium Tolosanum cap. 4. ibi: *mulieribus proloito earum crimine, communio denegatur*, can. 23. cau. 32. qu. 3. Ceterum, quoties communio denegabatur, adhuc poenitentiae locus erat, quemadmodum & in eadem epistola ad Exuperium ait Innocentius cap. 2. ibi: *Consuetudo prior tenuit, ut concederetur eis poenitentia, sed communio negaretur*. Si verum esset, quod conjicit Sirmondus, libellum illum, qui inscribitur *Canones Romanorum ad Gallos Episcopos*, (habetur editus in editione recentiore Labbeana Veneta post epistolas Innocentii) vere Innocentio Papae tribui posse, clarius exinde liqueret mens Innocentii; etenim ibidem traditur canone 1., *virgines lapsas, etiam post emissum solemne continentiae votum, per poenitentiam expiare suum flagitium posse*.

Can. 9.
cau. 27.
qu. 1.

Tandem in postremo ejusdem epistolae capite legimus canonem 9. cau. 27. qu. 1., his tamen verbis apud Dionysium Exiguum. *Hae vero, quae necdum sacro velamine tectae, tamen in proposito virginali semper se simulaverunt permanere, licet velatae non fuerint, si forte nupserint, his agenda aliquanto tempore poenitentia est, quia sponsio earum a Domino tenebatur. Si enim inter homines solet bonae fidei contractus nulla ratione dissolvi, quanto magis ista pollicitatio, quam cum Deo pepigerunt, solvi sine vindicta non poterit? Nam si Apostolus Paulus, quae a proposito viduitatis discesserant, dixit eas habere damnationem, quia primam fidem irritam fecerunt, quanto potius virgines, quae prioris promissionis fidem frangere sunt conatae? Hae propemodum eadem recensuerunt ex Innocentio Turonensis II. Concilii Patres in canone 20., post quae ita subdiderunt. *Quis Sacerdotum contra decreta talia, quae a Sede Apostolica processerunt, agere praesumat? Ex quo sane liquet, non tantummodo canonem hunc nuperrime memoratum, verum etiam integram Innocentii epistolam in Gallicana Ecclesia receptam fuisse*. Ita enim directa erat ad Vitrictorium Rothomagensis in Gallia Episcopum, ut non tam ipse, quam ceteri Coepiscopi eadem uterentur in Ecclesiastica disciplina instituenda. Ita agebat initio hujus epistolae Innocentius: *Digestas vitae, & morum probabilius disciplinas adnexas literis meis misi, per quas advertunt Ecclesiarum regionis vestrae populi, quibus rebus, & regulis Christianorum vita in sua cuiuscumque professione debeat contineri, qualisque servetur in urbis Romae Ecclesia disciplina. Erit dilectionis tuae per plebes finitimas, & Consacerdotes nostros, qui in illis regionibus propriis Ecclesiis praesident, regularum hunc librum, quasi didascalicum, atque monitorem sedulo insinuare &c.**

De epistola 3. ad Exuperium Episcopum Tolosanum.

Non tantum Vidricius Rothomagensis, sed etiam alii in Gallia Episcopi Innocentium Pontificem Maximum consuluerunt, ut germanam Ecclesie disciplinam susciperent. Turbabat tunc pravis dogmatibus Gallicanam Ecclesiam Vigilantius clericalem, ac monasticum cœlibatum omnino contemnens, damnansque quamplurimos illius ætatis Ecclesiasticos ritus, qui præsertim ad honorem Martyrum, reliquiarum, aut ad nocturnas psallentium fidelium vigiliis pertinebant. Et quidem homo iste in schismata facile pronus aliarum Ecclesiarum, præsertim orientalium, quas perlustraverat, disciplinas laudabat, eo animo, ut fidentius occidentalis Ecclesie despiceret consuetudines. Quamobrem Gallicani Episcopi nihil antiquius habuerunt, quam ut Romanæ Ecclesie Antistites interrogarent, quorum sententias non tam ipsi exequerentur, quam ceteris exequendas proponerent. Inter hos fuit Exuperius Tolosanus Episcopus, vir egregiæ famæ, tum ob singularem vitæ ac morum integritatem, tum ob insignem rerum sacrarum doctrinam, quem propterea pluribus nominibus clarum Sanctus Hieronymus multoties commendavit. Ipse ab Innocentio Pontifice postulat, quid custodiendum in aliquot sacræ disciplinæ capitulis foret, cui propterea rescripsit Innocentius *quid sequendum vel docilis ratio persuaderet, vel auctoritas lectionis ostenderet, vel custodita series temporum demonstraret.* Et quidem in priore epistolæ capite respondit Innocentius, neminem sacris altaribus deservire posse, nisi continentiam professus fuisset. Habetur id in can. 2. dist. 82., ad quem referendus erit canon 6. dist. 31., cuius sententia ex laudato canone 2. integra dignoscitur. Gratianus canon non omnino cum epistola consonat, ideoque juvabit caput ipsum juxta exemplar Dionysii Exigui hoc in loco describere. *Proposuisti, quid de his observari debeat, quos in Diaconii ministerio, aut in officio Presbyterii positos incontinentes esse, aut fuisse generati filii prodiderunt. De his & divinarum legum manifesta est disciplina, & beate recordationis viri Siricii Episcopi monita evidentia commearunt.* (Siricii locus legitur apud Gratianum in can. 3. & 4. dist. 82.), *ut incontinentes in officiis talibus positi omni honore Ecclesiastico privarentur, nec admittantur ad tale ministerium, quod sola continentia oportet impleri. Est enim vetus admodum sacræ legis auctoritas, jam inde ab initio custodita, quod in sempro anno vicis sue habitare præcepti sunt Sacerdotes, ut servientes sacris oblationibus, puros, & ab omni labe purgatos sibi vindicent divinus mysteria, neque eos ad sacrificia fas sit admitti, qui exercent vel cum uxore carnale consortium, (nemo non videt, quam diversa sit hujusmodi sententia Innocentii ab ea, quam Innocentio mutatis verbis tribuit Gratianus in dicto canone 6. dist. 31.) quia scriptum est: sancti estote, quia & ego sanctus sum Dominus Deus vester. Quibus utique propter sobolis successionem propterea uxorius usus erat relaxatus, quia ex alia tribu ad Sacerdotium nullus fuerat præceptus accedere: quanto magis hi Sacerdotes, vel Levitæ pudicitiam ex die ordinationis suæ servare debent, quibus vel sacerdotium, vel ministerium sine successione est; nec præterit dies, qua vel a sacrificiis divinis, vel a baptismatis officio vacent. Nam si Paulus ad Corinthios scribit, dicens: Abstinete vos ad tempus, ut vacetis orationi, & hoc utique laicis præcepit; multo magis Sacerdotes, quibus & orandi, & sacrificandi jure officium est, semper debebunt ab hujusmodi consortio abstinere;*

Can. 6.
dist. 31.
& can. 2.
dist. 82.

re; qui si contaminatus fuerit carnali concupiscentia, quo pudore, vel sacrificare usurpabit? Aut qua conscientia, quove merito exaudiri se credit, cum dictum sit, omnia munda mundis, co inquinatis autem, & infidelibus nihil mundum? Sed fortasse hoc licere credit, quia scriptum est; unus uxoris virum, non permanentem in concupiscentia generandi hoc dixit, sed propter continentiam futuram. Neque enim integros corpore non admixit, qui ait: vellem autem omnes sic esse, sicut & ego, & apertius declarat dicens: Qui autem in carne sunt, Deo placere non possunt, vos autem jam non estis in carne, sed in spiritu. Et habentem filios, non generantem dixit. Sed ea plane dispar, & diversa sententia est, nam si ad aliquos forma illa Ecclesiastica vite pariter, & discipline, quæ ab Episcopo Siricio ad provincias commeaui, non probabitur pervenisse, his ignorationis venia remitteretur, ita ut de cetero penitus incipiant abstinere, & ita gradus suos, in quibus inventi fuerint, sic retinent, ut eis non liceat ad potiora conscendere, quibus in beneficio esse debet, quod hunc ipsum locum, quem retinent, non amittant. Siqui autem scisse formam vivendi missam a Siricio deteguntur, neque statim cupiditates libidinis abiecerint, illi sunt modis omnibus submovendi, qui post admonitionem cognitam proponendam arbitrati sunt voluptatem. Nemo sane non videt hanc Innocentii constitutionem adversus Vigilantii opinamenta proditam fuisse, asserentis æque continentibus, ac conjugatis morem gerendum esse in Ecclesia. Porro hanc Jurisprudentiam Gallicano Episcopo traditam Gallicana recepit Ecclesia, uti liquet ex Concilio Agathensi anni 506. can. 9. ibi: Placuit etiam, ut si Diacones, aut Presbyteri conjugati ad torum uxorum suarum redire voluerint, Papæ Innocentii ordinato, & Siricii Episcopi auctoritas, quæ est his canonibus inserta, conservetur. Epistola S. Innocentii Papæ: Dilectissimo Fratri Exuperio Innocentius. Consulenti tibi, frater charissime, & post alia. Proposuisti quid de his observari debeat &c. Illud unum heic adjiciam, Innocentium Papam eadem propemodum scripserisse ad Victricium Rothomagensis Episcopum, ut liquere potest ex iis, quæ superius tradebam ad canonem 4. & 5. diit. 31.

Can. 45.
cau. 21.
qu. 4.

Omissa capite 2. ejusdem epistolæ transit Gratianus ad caput 3., in quo legitur canon 45. cau. 23. qu. 4., & quidem eisdem verbis post Correctionem Romanam.

Can. 23.
cau. 32.
qu. 5.

In canone 23. cau. 32. qu. 5. habemus caput 4. epistolæ Innocentii, ejus integra verba hæc sunt: Et illud desideratum est sciri, cur communicantes viri cum adulteris uxoribus non conveniant; cum contra uxores in consortio adulterorum virorum manere videantur? Super hoc Christiana Religio adulterium in utroque sexu pari ratione condemnat, sed viros suos mulieres non facile de adulterio accusant, & non habent latentia peccata vindictam; viri autem libenter uxores adulteras apud Sacerdotes deferre consueverunt, & ideo mulieribus, prodito earum crimine, communio denegatur; virorum autem, latente commisso, non facile quisquam ex suspicionibus abstinetur, qui utique submavebitur, si ejus flagitium detegatur. Cum ergo par causa sit, interdum probatione cessante vindictæ ratio conspiciat. Docet ibidem Innocentius pari poenitentia affligendos esse sive maritos, sive uxores, quoties admisierint adulterium; imo & rationem reddit, cur aliquando maritis eadem non imminere poena, quæ uxoribus, videatur; scilicet quia maritorum crimen non adeo facile ab uxoribus probari poterat; alias autem Ecclesia, nisi de admissio crimine constaret, a nemine poenas exigere solebat. Hinc S. Augustinus in homilia 1. ait: Plerique autem boni Christiani propterea tacent, & sufferunt alia peccata, quæ noverunt, quia documentis sæpe deferuntur, & ea, quæ ipsi sciunt, iudicibus ecclesiasticis probare non possunt. Quamvis enim verba

finis

sine quædam, non tamen judici facile credenda sunt, nisi certis indiciiis demonstrentur. Nos vero a communione prohibere quemquam non possumus, nisi aut sponte confessum, aut in aliquo, sive seculari, sive ecclesiastico judicio nominatum, atque convictum.

De canone 46. cau. 23. qu. 4., qui consonat omnino cum capite 3. epistolæ Innocentii post Romanam correctionem, nihil est, quod singularem observationem exigere videatur.

Can. 46.
cau. 23.
qu. 4.

Gradum potius facio ad canonem 3. cau. 30. qu. 4., ejus verba in hac Innocentii epistola, quidquid in Gratiani codicibus habeatur, omnino desiderantur. Pertinet ille potius ad quendam obscuri nominis auctorem veteris collectionis, quam edidit Jacobus Petrus una cum Pœnitentiali Theodori Cantuariensis Parisiis anno 1677. pag. 97., & sequentibus tomo 1.; & quidem idem Petrus eam collectionem ex codice Herovalliano depromptam, antiquissimam fuisse probat, vel quod nullis Pseudo-Isidori fragmentis fœdata sit, vel quod vetustissimas Græcorum canonum interpretationes exhibeat, ut cetera omittam argumenta gravissima, ex quibus concludit, codicem illum esse ætate Caroli Magni antiquiorem. Porro sub capite 54. pag. 233. ita legitur memoratum Gratiani fragmentum: *Si unus ex conjugio filium, aut filiam alterius de sacro fonte suscepit, aut ad Chrisma tenuerit, vel ad Christianitatis mysterium, ambo & uxor, & vir compadres existunt parentibus infantis, quia vir, & mulier caro una effecti sunt.* Imo ex hoc ipso codice clare liquet, quare fragmentum istud Innocentio Papæ tribuatur, quasi depromptum ex ejus epistola ad Exuperium Tolosanum; etenim fragmentum istud nulli ibidem auctori tribuitur, proinde facile tribui potuit auctori capitis præcedentis. At vero in capite præcedenti relatum erat nomine Innocentii Papæ ad Exuperium scribentis germanum ejusdem Pontificis fragmentum, quod legimus in capite 6. laudatæ epistolæ ad Exuperium. Igitur canon 3. cau. 30. qu. 4. non Innocentio, sed illius collectionis obscuro auctoritribuendus erit; imo & si sententiam in canone expressam interpretari juvabit, liquebit præterea, eam non fuisse Conciliorum auctoritate receptam, sed potius lato suffragio, scriptisque canonibus reprobam. Declaravit auctor canonis, cognationem spirituales non tantum intercedere inter suscipientem, & parentes suscepti causa baptismatis, verum etiam inter uxorem suscipientis, & parentes suscepti, ex arcta ratione, quod vir, & uxor quasi unica persona habeantur, neque possit cum viro cognatio contrahi, quin & cum uxore contrahatur. At vero aliter omnino prodit sententia Triburiensis Concilii anni 895. can. 47. ibi: *Qui spirituales habet compatrem, cujus filium de lavacro sacri fontis accepit, & ejus uxor comitater non est, liceat ei defuncto compatre suo, ejus viduam ducere in uxorem, si nullam habet consanguinitatis propinquitatem: Quid enim? Numquid non possunt conjungi, quos nulla proximitas carnalis, vel in id generatio (legunt alii: vel nulla in id generatio) secernit spiritalis?*

Can. 3.
cau. 30.
qu. 4.

De Epistola 4. ad Felicem Episcopum Nucerianum.

Parum juvaret investigare, utrum Felix, ad quem Innocentius scripsit, primus fuerit Nucerinæ in Umbria Episcopus, quemadmodum aliqui Scriptores tradiderunt. Tantum dixero, eum Pontifici Maximo immediate, seu Metropolitano, fuisse subiectum, ea etiam propterea de causa Innocentium interrogasse de jure sacrarum

Ordi-

Ordinationum, five quinquam possent, deberentque ad gradus ecclesiasticos promoveri. Quid ab Innocentio postulaverit Felix, epistola Innocentii, quæ est quarta etiam in antiquissimis collectionibus, qualis est Dionysii Exigui, satis indicat in principio his verbis: *Mirari non possumus dilectionem tuam sequi instituta Majorum, omnia quæque possunt aliquam recipere dubitationem ad nos, quasi ad caput, atque ad apicem Episcopatus referre, ut consulta videlicet Sedes Apostolica ex ipsis rebus dubiis certum aliquid, faciendumque pronunciet, quod nos & libenter accipimus, & dilectionem tuam memorem canonum comprobamus.* (Arbitror heic Innocentium referre se voluisse ad vetustos canones, quibus cavebatur, ne suffraganei Episcopi quidpiam ex gravioribus negotiis, irrequisito Metropolitano, perficerent, qualis erat inter ceteros canon 9. ex Antiochenis) *Scriptisti igitur, quod servore Fidei, quo polles, & amore sanctæ plebis vel reparaveris Ecclesias Dei, vel novas quasque construxeris, sed in his clericos, quos constituas, non habere, aliquos vero mutilos, aliquos digamos esse, ad quod stupuimus, prudentem virum de his voluisse consulere, quæ omnibus suis certatione comperta. Ergo non quasi ignoranti dicimus, sed in aliis forsitan occupatos istud oblitos esse vos dicimus.* Itaque Innocentius non quidpiam novi juris in hac epistola sua Felici interroganti rescriptit, sed, quid vigeret ex antiquissima canonum disciplina, de sacrorum administratorum ordinationibus indicavit.

Can. 6.
dist. 55.

Hinc in capite 1. ita pergit: *Qui igitur partem cujuslibet digiti sibi ipsi volens abscidit, hunc ad clerum canones non admittunt; cui vero casu aliquo contingit, dum aut operi rustico curam impendit, aut aliquid faciens se non sponte percussit, hos canones præcipiunt & clericos fieri, & si in clero fuerunt reperti, non abici.* In illis enim voluntas est iudicata, quæ sibi ausa fuit ferrum injicere, quod scilicet & alii id facere dubitare non possit, in istis vero casus veniam meruit. Hic est canon 6. dist. 55. apud Gratianum; & quidem videtur ex sententia canonis 1. Nicæni (hunc habemus in can. 7. dist. 55.) derivatus. Quamquam vero non eadem fuerit & Nicæno Concilio, & Innocentio ratio, ut eos a sacris ministeriis arcerent, qui membrum aliquod sibi sponte abscidissent, tamen optime noverat Innocentius, quanto ii essent apud Imperatores odio, qui digitos sibi abscidissent; fuerunt enim Imperatoriis legibus gravissimis afflicti pœnis, quod illi se se armis tractandis ineptos reddidissent; hinc in l. 5. Cod. Theodof. de Tironibus legimus: *Si quis ad fugienda sacramenta militiæ fuerit inventus truncatione digitorum damnum corporis expellere, & ipse flammis ulcericibus concremetur, & dominus ejus, qui non prohibet, gravi condemnatione feriatur.* Murcos vulgo, & per jocum, hujusmodi desides homines appellabant, quasi murcidas, vel, ut alii explicant, quasi Murciæ desidum Dez litantes. Id olim potissimum familiæ Italis ad militiam vocatis fuisse testatur Ammianus Marcellinus lib. 15. ita de Gallis loquens: *Nec eorum aliquando quisquam, ut in Italia, munus martium pertimescens pollicem sibi præcidit, quos joculariter murcos appellant.* Sive igitur desides homines non essent admittendi ad Clerum, five rejiciendi essent a sacris officiis, quos jura civilia pœnis gravissimis damnabant; jure Innocentius censuit, hujusmodi murcos non esse in sacro ministerio recipiendos, eo vel magis, quia prope ejusdem Innocentii tempora, vel sub finem quarti sæculi sanxerint Imperatores, eos, qui militiæ addicti digitos abscidissent suos, aliis Curæ officiis mancipandos esse, ut sic Reipublicæ quacumque ratione servire cogerentur, quemadmodum constat ex l. 4. Cod. Theodof. de Tironibus; quæ lex renovavit aliam Constantini legem, qualis habetur in l. 1. Cod. Theodof. de filiis militarium, alias autem

Inno-

Innocentius nolebat inter clericos admittere eos, quos Respublica ad Curiz officia suo jure impellebat.

Canonem 2. Innocentianæ ejusdem epistolæ, qui ad digamos a sacris etiam ministeriis excludendos pertinet, omisit Gratianus, qui sequentem canonem, sive tertium descripsit in can. 2. dist. 51., quem tamen ita ex integris epistolæ exemplaribus supplere juvabit: *De laicis vero religio tua consuluit, quod (legunt alii, quos) canones ordinare prohibeant. Certum est quidem hoc regulas ecclesiasticas continere, sed non ita definitum est, ut de omnibus sit laicis constitutum. Neque enim clerici nasci, & non fieri possunt, sed designata sunt genera, de quibus ad clericatum pervenire non possunt, id est si quis fidelis militaverit, si quis fidelis causas egerit, hoc est postulerit, si quis fidelis administraverit. De curialibus autem manifesta ratio est, quoniam etsi inveniantur hujusmodi viri, qui debeant clerici fieri, tamen sæpius ad Curiam repetuntur, cavendum ab his est propter tribulationem, quæ sæpe de his Ecclesiæ provenit. Quatuor igitur hominum genera ab officiis ecclesiasticis amoveri declaravit Innocentius, in primis milites, deinde causarum patronos, tertio administratores, demum curiales. Hæc res indiget singulari observatione, ne forte quispiam vulgaribus Glossographis facile indulgeat, qui Innocentii sententiam tum de militibus, qui jam inter certamina constituti virtutis specimina præbuerunt, tum de patronis causarum, non generaliter quidem, sed in causis tantummodo criminalibus, tum de administratoribus, ac curialibus causis fiscalibus operam dantibus, intellexerunt, innixi generali principio, quod suadet ad ecclesiasticas dignitates aditum non pateri iis, qui homini etiam iuste occidendo quoquo modo causam, aut consensum præbuerunt. Verum longe abest a mente Summi Pontificis, imo etiam ab adjunctis illius ætatis, hæc, vel alia similis interpretatio. Ad aliud potius juris ecclesiastici principium. res hæc erit exigenda, illud præsertim, quod antiqui canones tradiderunt, quoniam hoc in loco Innocentius ex antiquorum canonum disciplina se rescribere profitebatur. Tradunt autem vetustissimi canones generalem disciplinam, qua ii omnes a muneribus ecclesiasticis removeantur, qui publicis aliis officiis, aut negotiis detinentur, ne forte ab Ecclesia ad reddendam suscepti muneris rationem facile revocentur; quemadmodum Ecclesia Africana statuerat in Concilio Carthaginensi vulgo 1., ex quo depromptus est canon 3. dist. 54., & testis est Cyprianus in epist. ad Clerum, & Plebem Furnitanorum. Ex hac autem generali regula nemo dubitat, quin aut milites, aut causarum patroni, aut administratores, aut curiales excluderentur ab officiis clericorum. De militibus primum cautum scimus, paulo ante Innocentii tempora non tantum ad militiam revocandos fuisse, quotquot ab illa recessissent, verum etiam eos, qui amplius militare non poterant, aliis in officiis Respublicæ famulari debuisse. Hinc Valentinianus, & Valens circa annum 364. statuerunt in l. 5. Cod. Theodof. de re militari: *Quod si quosdam aut imbecillitas valetudinis, aut habitudo corporis, aut mediocritas proceritatis ab armata militie conditione submoveris, eos jubemus in officiis ceteris militare. Patroni etiam causarum, qui apud veteres postulare dicebantur, seu advocatorum munere fungi, tum non facile ad Ecclesiarum officia recipiebantur, quia olim in unoquoque foro certum advocatorum corpus constitutum erat, atque ii quemadmodum aliis officiis inviti detineri non poterant, ita nec volentibus alia officia patebant, quemadmodum docet lex 152. Cod. Theodof. de decurionibus, lata anno 396., ac propterea paulo ante memoratam epistolam Innocentii. Administratorum nomen apud Innocentium eos**

Can. 2.
dist. 51.

significabat, qui munus publicum gerebant; hinc in Theodosiano Codice titulus inscribitur in lib. 8. *De iis, quæ administrantibus, vel officium publicum gerentibus, &c.* Hinc non tam administrationem gerere dicebantur, qui Judicis, aut Magistratus, sed etiam qui tutoris, aut curatoris officio fungebantur, atque hos omnes dubium esse non poterat, quin non facile admitterentur ad Clerum, ne forte Respublicæ viris necessariis delitueretur, aut in Clerum adsumerentur, qui ratiociniis extraneorum detinebantur. Demum de curialibus certum erat, eos, sicut & Judices, adgregari certo ordini, ut in eum reducerentur, quotiescumque propria voluntate declinarent, quemadmodum deduci facile potest ex l. 1. Cod. ubi quis de curiali, quæ lata est anno 399., ac propterea prope tempora Innocentii. Imo & id in recitato fragmento ipse Innocentius clarissime explicat, quemadmodum etiam in epistola ad Episcopos Toletanz Synodi, & in epistola ad Vidricium Rothomagensem in can. 1. & 3. dist. 51.

Can. 6. Tanquam appendix præcedentis capitis est caput subsequens, sive quartum his
dist. 13. verbis expressum: *Laici vero, qui habentes uxores baptizati sunt, aut sic se instituerint, ut opinio eorum in nullo vacillet, ut aut clericis juncti sint, aut monasteriis, ex quo baptizati sunt, hæserint, si non concubinam, non pellicem noverint, si in omnibus bonis operibus vigilaverint, non prohibentur hujusmodi ad clericatus sortem assumi.* Eadem verba retulit Gratianus in can. 6. dist. 33. Distinguitur ibi pellex a concubina, in quibus nominibus nullum interesse discrimen multi asserunt, nisi vocabulorum, forum, aut forte concubinam honestius appellari consuevisse, turpius pellicem, eandem tamen esse, quæ sine iustis nuptiis apud veteres duceretur, quemadmodum sentiebat Massurius apud Paulum in l. 144. de verb. signif. Melius vero Grajus Flaccus ibidem relatus aiebat, pellicem illam apud veteres dictam, qua utebatur, qui legitimæ præterea uxori conjunctus erat, per adulterium, cum concubina alia non esset, quam injusta uxor, sive conjux, deficiente legitima, sine solemnitatibus ducta. Aulus Gellius in lib. 4. noctium atticarum cap. 3. id manifeste probat, scribens: *Pellicem autem appellatam, probrosamque habitam eam, quæ juncta, consuetaque esset cum eo, in cujus manu, mancipioque alia matrimonii causa foret, hac antiquissima lege ostenditur, quam Numæ Regis fuisse accepimus. Pellex aram Junonis ne tangito: si tanget, Junoni erinibus demissis agnum seminam cedito.* Lex hæc Regis antiquissimi Numæ ideo subobscura, quia ad modestiam composita, si recte intelligatur, pellicem indicabit illam esse, quæ legitimæ uxori superveniat. Quæ enim ara Junonis a pellice non tangenda dicitur, nihil aliud est, quam thalamus conjugalis, quem pellex confondere singulari lege prohibebatur, indicta severiore pœna, quem thalamum Junoni sacrum ideo veteres illi, ne facile despiceretur, voluerunt. Igitur mens Innocentii in laudato canone ea erat, ut qui ante baptismum jam conjugem duxisset, deinde post baptismum soluto matrimonio suscepisset concubinam, vel nondum soluto conjugio pellicem superinduxisset, is a sacris ordinibus removeretur, quasi digamus. Sic de clericis ordinandis loquutus est Innocentius Felici rescribens; quam ad rem omittendam non arbitror auream plane sententiam, quæ in fine hujus epistolæ legitur, ibi: *Si nullam gratiam hominibus, aut beneficium præstare velimus, sales invenire possumus, de quorum assumptione nec incurrere scandalum, nec erubescere videamur.*

De Epistola 5. ad Maximum, & Severum
Episcopos per Brutios.

Quid ad Maximum, & Severum Brutiorum Episcopos Apostolicæ Sedi immedie subjectos rescripserit Innocentius, ex sequentibus facile constat, quibus integra illius, & brevis epistola continetur. Ait Summus Pontifex: *Ecclesiasticorum canonum norma nulli esse debet incognita Sacerdoti, quia nesciri hæc a Pontifice satis est indecorum, maxime cum a laicis religiosis viris & sciatur, & custodienda esse ducatur. Nuper Maximilianus filius noster agens in rebus cujusmodi querelam detulerit (ita exhibet Codex Dionysii Exigui apud Iustellum, aliter Labbeana editio his verbis: Agens in rebus hujusmodi, qualem querelam detulerit), libelli ejus series adnexa declarat. Qui zelo fidei, ac disciplinæ dulcius non patitur Ecclesiam pollui ab indignis Presbyteris, quos in presbyterio filios asserit procreasse, quod non licere exponerem, nisi nossem vestram prudentiam legis totius habere notitiam. Et ideo, fratres charissimi, libelli, qui subjectus est, tenore perspecto eos, qui talia perpetrasse dicuntur, jubebitis in medio collocari, discussisque objectionibus, quæ ipsi Presbyteris impinguntur, si convinci poterint, a Sacerdotali removeantur officio, quia qui sancti non sunt, sancta tractare non possunt, atque alieni efficiantur a ministerio, quod vivendo illicite polluerunt. Miramur autem hæc eorum dissimulare Episcopos, ut aut connivere, aut nescire esse illicita judicentur. Sic ad integros codices exactus exhibat canon 6. dist. 81.*

Can. 6.
dist. 81.De Epistola 6. ad Agapitum, Macedonium, & Marianum
Apuliæ Episcopos.

Illud laude dignum quammaxime in rescriptis Innocentii unicuique occurret, ut maximus ille Pontifex passim non tam nova jura, novæque regulis præstitueret, quam quid vetustissimis canonibus definitum jamdiu esset, postulantibus indicaret. Id, uti in epistolis superius memoratis, ita etiam liquet in epistola ejusdem sexta ad Agapitum, Macedonium, & Marianum Apuliæ Episcopos directa. Conqueritur enim in primis Innocentius, quod in Apuliæ Provincia nonnulla contra canones fieri accepisset, præsertim ab Episcopis, quibus potius canonum cura, & anxia sollicitudo commissa est; & quidem ea in parte, quæ Ministros ecclesiasticos eligendos spectat. Eum inter ceteros electum ad Episcopatum luget, qui erat multis criminibus involutus, nomine Modestus, cum canones, uti subjicit, *apud Nicæam constituti penitentes etiam ab infimis officiis clericorum excludant*. Hoc fragmentum retulit Gratianus in canonem 60. dist. 50., quem tamen minus accommode interpretatus est, scribens: *Hoc non de quibuslibet penitentibus intelligitur, sed de illis tantum, qui post aliam penitentiam secularis militiæ cingulum accipiunt*. Quod ut etiam demonstraret, adjecit aliud fragmentum ejusdem Papæ in canone sequenti. Sane in tota epistola Innocentii ad Episcopos Apulos ne verbum quidem habetur de penitentibus illis, qui post penitentiam secularis militiæ cingulum accepissent: sed generalis sententia est, qua scribit, penitentes omnes a sacris ordinibus etiam inferioribus arcendos esse. Imo cum Innocentius idem sese referat ad Nicænos

Can. 60.
dist. 50.

canones, quis ignorat in Nicænis canonibus nihil pressius urgeri, quam eos, qui pœnitentiæ subditi fuerunt quicumque de causâ, inter clericos recenseri nullo modo posse? Fateor quidem in canone 12. ex Nicænis, sive can. 4. de pœnit. dist. 5. nonnulla tradi de recipientibus militiæ cingulum post baptisma; sed id nihil commune habet cum pœnitentibus ad clericatum admittendis. Ceterum in canone 9. ex Nicænis perspicue, & generaliter definitum video, discussis criminum reis, atque confectis manus imponi non posse; & in canone 10. lapsos ab ordine Cleri deponendos esse. Quod si putavit Gratianus interpretationi suæ lumen adferre, quod ex canone sequenti, seu 61. repetebat, video & hac in parte eum fuisse allucinatum; etenim in primis Innocentii fragmentum de lapsis, & pœnitentibus post pœnitentiam intellexit, quando tamen Innocentius de lapsis non post pœnitentiam, sed post baptismum loquitur, quod significant illa verba: *Siquis post remissionem peccatorum*, dummodo ad integram epistolam referantur, & ad ætatis illius adjuncta, quemadmodum ad eundem canonem differebam. Præterea licet Innocentius lapsos, & ad militiam reverbos a clericatu removerit in epistola ad Viêtricium, non tamen exinde deducitur, Innocentium ipsum admisisse inter Clericos illos, qui aliorum criminum causâ pœnitentiam peregissent. Demum frustra in epistola ad Episcopos Apuliz eos singulari jure remove ab ordinibus ecclesiasticis studuisset Innocentius, qui ad sæcularem militiam reversi fuissent, quippe quod non aliud erat sæculari militiæ nomen dare tunc temporis, quemadmodum alibi observatum est, quam Christianam Fidem abdicare, ethnicæque superstitioni subscribere. Nemo enim ex Episcopis tunc eo adductos fuisse præsumitur, ut Clericos, quos promoveret, ab Ethnicorum hominibus, militibusve seligeret.

De Epistola 7. ad Rufum, Gerontium, Sophronium, Flavianum, Macedonium, Prosdotium, & Aristeam Episcopos in Macedonia.

Ex iis fragmentis, quorum prava interpretatione usus est Gratianus causâ propositionum suarum demonstrandarum, est canon 7. cau. 35. qu. 9. Referendus ille est ad integram epistolam Innocentii ad Rufum, Gerontium, Sophronium, Flavianum, Macedonium, Prosdotium, & Aristeam Macedoniæ Episcopos, quæ inter epistolas Innocentii septima est ita concepta: *Mora Coepiscoporum nostrorum Maximiani, & Eumenii, vel potius importunitas temporum fecit, ut vos iteraretis de Bubalio, & Tauriano querimoniam, & nos iterum in homines perditissimos insurgeremus, sed, ut possum, paucioribus verbis malorum tantorum imitabor compendium, & Aristeam, quæ in volumine literarum vestrarum conspexerim, retrahabo. Grave non potuit (ita habet editus Dionysii Exigui codex apud Justellum, quamquam alii una cum Gratiano legant: Grave non oportuit) videri piissimis mentibus vestris cujuscumque retrahari iudicium, quia veritas exagitata sæpius magis splendet in luce, & pernicies revocata in iudicium gravior, & sine pœnitentia condemnatur, nam fructus divinus est, iustitiam sæpius recenseri, Fratres charissimi. Verum illud video movisse animos vestros, quod in multis Bubalius sæpe fallacis deprehensus objecerit exemplaria silarum quasi a nobis literarum, cum pro consuetudine hominis nihil, quod proferret jam hâc dignissimum,*
vide-

Can. 7.
cau. 35.
qu. 9.

videretur. Sed fletur omne jam de tali negotio murmur, & convulsi diaboli ipsi anhelitus comprimentur. Subjuncimus autem his priores literas, quas per memoratos Episcopos miseram, quibus ita plenaria sententia nostrorum sensuum designata est, ut dom relegeris, nihil ambiguum, nihil requirendum in hac causa de cetero repetatis. Hanc autem paginulam nostram sollicitius credentibus Episcopis relegendam mittite, ut sciant plenissime, quid sit de Bubalio, & Tauriano, ceterisque provinciarum, ut servant, qui digni admonitione sunt, cavere a talibus, ne talia sortiantur. Ita sese habet integra Innocentii epistola, quæ ad Rufum Theffalonicensem Episcopum scripta est, cui alii Macedoniz Episcopi adhaerebant; nemo enim ignorat, jam tum Theffalonicensem Episcopum gessisse vices Sedis Apostolicæ in gravissimis etiam causis, ex quo Vicarius Apostolicus Theffalonicensis memorabilis est apud Scriptores ecclesiasticæ historiz; nemo etiam ignorat, inter ceteras provincias Macedoniam quoque Vicariatus Theffalonicensis fuisse subjectam, quemadmodum ostendi facile posset ex epistola Siricii ad Anysum Theffalonicensem, ex epistola Anyti ad Innocentium, ex epistola Innocentii ad Rufum Theffalonicensem, & ex epistolis Bonifacii ad eundem Rufum, quæ habentur in Actis Concilii Romani 3. sub Bonifacio anni 531. Revera postquam Illyricum in duas veluti partes sectum est, ut unum orientale, aliud occidentale Illyricum appellaretur, quod Viri eruditi circa finem quarti sæculi contigisse ajunt, Illyricum Occidentale Summo Pontifici Patriarchico etiam jure subiectum est: cum vero Theffalonica Urbs multis nominibus præclara Illyrici Orientalis caput haberetur, non dubitarunt Pontifices Maximi novis honoribus Theffalonicensem Episcopum cumulare, ut eum scilicet velut suum Vicarium constituerent, unde fieret, ut Episcopus Theffalonicensis non tam Metropolitanum & suo, quam Patriarchicum, & Pontificis Maximi nomine, jus explicaret. Porro quæ, qualisve fuerit Bubalii, & Tauriani causa, de qua scribit Innocentius in descripta epistola ad Rufum Theffalonicensem, & ad alios Illyrici Occidentalis Episcopos, non satis constat apud Scriptores ecclesiasticæ historiz, neque ipse Innocentius satis aperire voluit; conjicere tamen licet, Bubalium, & Taurianum gravissimorum criminum reos fuisse, eisdemque primum ab universis Macedoniz Episcopis damnatos, quamquam ipsorum causa apud Innocentium Papam retractata deinde fuerit, confirmata tandem Episcoporum Macedoniz sententia. Jamtum enim recepta erat Ecclesiarum disciplina, ubi vigeant Sardicenses canones, ut causæ in Provinciis retractatæ retractarentur apud Pontificem Maximum, sive renovatæ apud Sedem Apostolicam judicio dirimerentur, can. 36. cau. 2. qu. 6., can. 7. cau. 6. quæst. 4. Hinc facile constat, recte me monuisse principio, Gratianum parum apte memoratum Innocentii fragmentum retulisse; cum enim legisset ab Innocentio Papa retractatum fuisse judicium Episcoporum Macedoniz, retractandi verbum non de renovando judicio intellexit, quemadmodum latine sonat, sed potius de judicio emendando, cassandoque, quod integræ ipsius Innocentii epistolæ non respondet. Quid enim aliud significant illa verba, quia veritas sæpius exagitata magis splendescit in luce, & illa: Nam fructus divinus est justitiam sæpius recenseri? Uno verbo: qui sententia Rufi Theffalonicensis, aliorumque Macedoniz Episcoporum damnati fuerunt Bubalii, & Taurianus, iidem ab Innocentio homines perditissimi, in fallaciis deprehensi, quibus nemo sociari possit, declarati fuerunt, ut non tam retractatum, quam confirmatum judicium videatur.

De epistola 9. ad Probum.

Can. 2.
cau. 34.
qu. 1.

Quinam fuerit Probus iste, ad quem directa fertur epistola Innocentii 9., non satis in aperto collocatur apud Collectores epistolarum ejusdem Pontificis. Illud certum vix esse potest, Probum hunc nec Episcopum, nec clericali militiz adscriptum fuisse, cum Innocentius eum adloquens, *dominum filium merito inlustrem* adpeller, quz sane adpellatio ad Episcopos, Clericosve non facile refertur. Ego suspicor, eum fuisse Comitem sacrarum largitionum in Occidente; Virum enim, hujus nominis illustrem floruisse anno 412. & 414. sub Innocentio ea dignitate insignitum agnoscimus ex l. 11. Cod. Theodos. de Metatis, & ex l. 24. Cod. Theodos. de Cohortalibus, & ex l. 8. Cod. Justinian. quz res pignori; imo etiam scimus, *illustrium* titulo decoratos hujusmodi comites, uti constat ex l. un. Cod. Theodos. qui a prazbitione tyronum edita anno 412. ibi: *Vel comites sacri, ac privati ararii inlustres.* (iidem erant comites sacri, ac privati ararii, ac comites sacrarum largitionum) Item ex l. 32. anni 429. Cod. Theodos. de susceptoribus, ibi: *ad inlustres viros ararii nostri comites*; ex l. 9. anni 416. Cod. Theodos. de executor. ibi: *Inlustres Comitum sedis largitionum*; & aliis ex locis pluries. Quoniam vero Gratianus in can. 2. cau. 34. qu. 1. Innocentii epistolam aliquantisper corripit, hic integram referam: *Conturbatio procella barbarica facultati legum intulit casum; nam bene constituto matrimonio inter Fortunium, & Ursam captivitatis incursum fecerat nœvum, nisi sancta religionis statuta providerent. Cum enim in captivitate, prædicta Urfa mulier teneretur, aliud conjugium cum Restituta Fortunius memoratus inuisse cognoscitur. Sed favore Domini reversa Urfa nos adiit, & nullo diffidente uxorem se memorati esse perdocuit. Quare Domine Fili, merito inlustres, statuimus, fide catholica suffragante, illud esse conjugium, quod erat primitus gratia divina fundatum, conventumque secunda mulieris, priore superstiti, nec divortio ejecta, nullo pacto posse esse legitimum. Nemini plane mirum videatur, quod de hac re, five de conjugii non dissolvendis, scripserit Innocentius ad Probum, quem nuper aiebam Comitem sacrarum largitionum; etenim sacrarum largitionum Comites in consistorio Principis erant, quemadmodum deducitur ex l. 5. Cod. Theodos. de fide testium. proptereaque apud Imperatorem valere plurimum poterant, ut executionem sacrarum regularum juxta mentem Maximorum Pontificum impetrarent. Præterquamquod nemo ignorat ad sollicitudinem Comitum sacrarum largitionum pertinuisse, ut siquid a fisco vindicandum erat, jure imperatorum illorum auxilio vindicaretur. Porro ubi de captivis redeuntibus ageretur, jure postliminii, quz reliquerant, vindicaturi, eadem a fisco postulabant, si forte tanquam vacantia a fisco ipso fuissent occupata. Erat, ut suspicor, in his rerum adjunctis constituta Urfa, de qua in memorata epistola sermonem habet Innocentius. Ipsa in captivitatem reducta circa annum 406., cum Scythz, & Gothi Romanum orbem, ac præsertim Illyricum Occidentale armorum visusque turbassent, quemadmodum dicitur in l. 25. Cod. Theodos. de petitionibus, reversa tandem fuit in patriam, ac forte bona sua a fisco occupata jure postliminii recuperatura ad Probum comitem sacrarum largitionum confugit, ut non tam amissorum honorum compos fieret, quam marito suo, cui ante captivitatem legitime nupserrat, jungeretur. Et quidem apud Probum plurimum potuit Innocentii*

centii Papæ auctoritas, ut Ursi preces exaudirentur. Difficultatem alicui forte, ingerent postrema Innocentii verba, ibi: *Nec divorzio ejella*, quasi Summus Pontifex aliud rescripturus videatur fuisse, quoties divorcium ante captivitatem conjugis intercessisset. Verum Innocentius potius, quod ad factum pertinebat, retulit, quam rationem adjecit, qua redintegrandum conjugium optaret; nec supervacanea erat hæc facti observatio, cum ex divortii causis essent nonnullæ, de quibus non adeo constans erat veterum sententia, utrum matrimonii vinculum non abrumperet.

De Epistola 12. ad Aurelium Carthaginensem.

Apud Dionysium Exiguum duz tantummodo referuntur epistolæ Innocentii ad Aurelium Carthaginensem, quarum prior Aurelii, & Augustini nomina exhibet, estque saluatoria, posterior vero in Aurelio, cui scribitur, spectat universam Africanam Ecclesiam, docerque, qua ratione celebrandus sit Paschalis dies subsequenti anni, ut Africana eadem Ecclesia a ceteris Ecclesiis minime dissonaret. Verum ex hisce duabus epistolis nullum omnino fragmentum exceptit Gratianus, sed potius ex alia, quæ apud recentiores Collectores est numero duodecima, atque incipit: *Qua indignitate*, quæque apud Dionysium Exiguum desideratur. Ibidem exhibetur Innocentius summopere dolens, quod in Africana Ecclesia in Episcopos eligerentur indigni, atque inter ceteros ii, qui clericali militiæ nusquam essent adscripti, quo pertinet canon 4. dist. 61 ita describendus: *Quam enim miserum est, eum magistrum fieri, qui nunquam discipulus fuit; eum summum fieri Sacerdotem, qui nunquam in ullo gradu obsecutus fuerit Sacerdoti?* Verum mihi hanc integram epistolam consideranti exhiberi facile nequit Innocentius; at potius dubitaverim, ne imperitum quempiam auctorem habuerit, qui exercitationis causa, forte etiam sine fraude, sententias hæc, quasi nomine Innocentii ad Afros scribentis concinnaverit. Sane vel ipsum Dionysii Exigui silentium, qui decretales epistolas, illas saltem, quæ ad disciplinam ecclesiasticam stabiliendam, aut confirmandam, restituendamve pertinebant, non omisit, plurimum probat adversus epistolam hanc, quæ apud illum desideratur. Addamus huic conjecturæ falsitatem consularis adjunctæ notæ, ibi: *Data 5. nonas Julii Julio 4., & Palladio Viris clariss. Coss.* Nullus sane Julii consulatus fuit temporibus Innocentii, & Palladius consulatum gessit anno 416., sed cum Theodotio, quod universi Scriptores, & Historici agnoverunt, rati propterea in hanc consularem notam saltem mendum gravissimum irrepsisse. Ego vero amplius progredior, & de epistola integra plurimum vereor, ne inter apocrypha monumenta jure sit recensenda. Etenim præter memoratas gravissimas conjecturas illud quoque observatione dignum arbitror, quod maxima videatur injuria inferri in Ecclesiam Africanam illius ætatis, quoties hæc epistola tamquam germana recipiatur, quasi tunc Africanæ Ecclesiæ Episcopi oneri ferendo aut impares, aut indigni feligerentur; quando tamen ipsamet Africanæ illius Ecclesiæ monumenta sub Innocentio Papa eodem gesta contrarium omnino demonstrant manifestissime. Unus sit pro omnibus Augustinus Hipponensis, qui Innocentio I. Pontificatum maximum administrante insigne fuit & doctrinæ, & morum integritatis exemplum. Quid memorem tot Episcopos fama clarissimos, inter ceteros Aurelium ipsum Carthaginensem, sub quo quamplurima Concilia celebrata feruntur

Episco-

Can. 4.
dist. 61.

Episcoporum ad illa confluentium singulari doctrina apud universos commendatissima; ita ut Græci ipsi Africanum illius temporis Codicem quodammodo suum facere posteriore ætate non dubitaverint? Ipsa hæreticorum Africanam Ecclesiam deturbantium pervicacia nonnisi optimos Episcopos habere debuit, ut contrunderetur, quemadmodum cum laude confecta est, præsertim in celeberrimo illo consilio, quem *Collationem Carthaginensem* vulgo appellant. Quæ si quispiam sedulo perpendit, uti decet, percipere sane non poterit, quæ ratione Innocentius Africanorum Episcoporum imperitiam lugere potuisset. Tandem ipsemet epistolæ stylus minime consonat cum ceteris Innocentii epistolis, imo inexercitati cuiuspiam manum prorsus exhibet. En priora epistolæ verba: *Qua indignitate, qua molestia male traditur Ecclesia, præcipueque Episcopus, relegam, vel audiam, & tua fraternitas bene novit, & ego idonea tanto dolori verba invenire non possum, &c.* Et paullo infra: *Ecce facta est querela publica, quæ semper fecit, ut communis omnibus tremenda sit reverentia. Sic Clerici ecclesiasticorum dogmatum nutriti, vel honorati intra altaria Christi respuuntur, sic prætereunter promoventur, &c.* Nihil adjicio ulterius, cum vel ex iis satis constare possit, Innocentium sane non esse memoratæ epistolæ auctorem; quanquam tamen non inficias iverim in eadem epistola nihil reperiri, quod recte sacrorum canonum disciplinæ adversetur.

De Epistola 18. ad Alexandrum Antiochenum.

Quæ apud Dionysium Exiguum est numero decimasexta, apud alios, & recentiores Collectores est epistola 18. Innocentii ad Alexandrum Antiochenum Episcopum, qui Episcopatum gessit ab anno 408. usque ad annum 411., uti nonnullis videtur. Ad tria capita reducitur epistola. In primis monet Innocentius Antiochenum Episcopum, ut Nicæni Concilii statuta custodiat in ea parte, in qua Antiochenæ Ecclesiæ, ac Sedi sui præstituti sunt fines. Deinde regulam tradit, juxta quam Metropoles constitui, distribuique possent. Tertia, ac postrema epistolæ pars adversus Arianorum ausum scripta est, atque ad eam jure referri debent tria epistolæ fragmenta, quæ apud Gratianum legimus uno contextu describenda, qualia sunt canones 17. & 73. cau. 1. qu. 1., & canon 30. cau. 24. qu. 1. Ait Innocentius: *Arianos præterea, ceterasque ejusdem modi pestes, quia eorum laicos conversos ad Dominum sub imagine penitentiae, ac Sancti Spiritus sanctificatione per manus impositionem suscipimus, non videtur, Clericos eorum cum Sacerdotii, aut ministerii cuiuspiam suscipere dignitate, quoniam quibus solum baptisma ratum esse permittimus, quod utique in nomine Patris, & Filii, & Spiritus Sancti perficitur; nec Sanctum Spiritum eos habere ex illo baptismo, illisque mysteriis arbitramur, quoniam cum a Catholica Fide eorum auctores desciscerent, perfectionem spiritus, quam acceperant, amiserunt, nec dare ejus plenitudinem possunt, quæ maxime in ordinationibus operatur, quam per impietatis suæ perniciem potius, quam fidem dixerim, perdidit. Quomodo fieri potest, ut eorum profanos Sacerdotes dignos Christi honoribus arbitremur, quorum laicos imperfectos, ut dixi, ad Sancti Spiritus percipiendam gratiam cum penitentiae imagine recipiamus? Gravitas itaque tua hæc ad notitiam Coepiscoporum, vel per Synodum, si potest, vel per harum recitationem faciat pervenire, ut quæ ipse tam necessario percumbatus es, & nos climate respondimus, communi omnium consensu, studioque servemur. Integrum* scire

Cm. 17.
& 73.
cau. 1.
qu. 1.
Can. 30.
cau. 24.
qu. 1.

fere hoc caput legimus in dicto canone 73. cau. 1. qu. 1., licet ibidem Gratianus non eadem omnino verba descripserit; imo etiam nonnulla adjecerit in vers. *si ut legitur*, & in vers. *qui particeps*, quæ ad hanc epistolam minime pertinent, sed potius ad epistolam vulgo 22. ad Rufum, & alios Macedoniæ Episcopos, de qua sermo erit inferius institutus, ubi etiam Gratiani verba suis exemplaribus accommodabo in expendendo canone 18. cau. 1. qu. 1. Ad eandem memoratæ epistolæ ad Alexandrum partem referendus est canon 17. cau. 1. qu. 1. a prioribus verbis, usque ad versiculum *qui honorem*, hic enim versiculus potius spectat ad aliam epistolam Innocentii ad Rufum, & alios Macedoniæ Episcopos, quam inferius expendam, præsertim in can. 18. cau. 1. qu. 1. Jungendus demum erit cum dicto canone 73. canon laudatus 30. cau. 24. qu. 1., ut integra, perfectaque ejus interpretatio habeatur. Porro mens Innocentii ea erat, ut quicumque ab Ariani ad Ecclesiam converterentur, non rebaptizarentur quidem, licet manus impositione reconciliatoria indigerent; attamen procul ab Ecclesiasticis officiis arceantur, licet apud hæreticos sacris fuissent ordinibus initiati; cum multo perfectiores debeant esse, qui divinis ministeriis addicti sunt, iis, qui per baptismum Ecclesiasticam communionem nanciscuntur.

De epistola 22. ad Rufum, & alios Macedoniæ Episcopos.

Hæc epistola, quæ in recentioribus Collectionibus 22. numero est, ita inscribitur apud Dionysium Exiguum: *Innocentius Ruso, & Eusebio, & ceteris Episcopis Macedonibus, & Diaconibus in Domino salutem*. Apud alios autem Collectores ita legitur: *Innocentius Ruso, Eusebio, Eustachio, Claudio, Maximiano, Eugenio, Gerontio, Johanni, Polychronio, Sophronio, Flaviano, Claudio, Hilario, Macedonio, Calicrui, Zozimo, Profuto, Nicetæ, Hermogeni, Vincentio, Asilogo, Terentiano, Herodiano, & Martiano, & ceteris Episcopis Macedonibus, & Diaconibus in Domino salutem*. Vulgo creditum est, datam epistolam hanc fuisse ad Macedoniæ Synodum, quæ celebrata est anno 414., quod tamen certis argumentis non facile demonstratur. Quod enim nonnulli asserunt, Innocentium suas literas ad eandem Synodum memorare in epist. 16. ad Maximianum, infirmum est illorum opinioni præsidium; Siquidem epistolæ Innocentii in ea epistola 16. memoratæ ad aliam omnino rem spectare videntur, quam quæ pertractata ab Innocentio fuerit in laudata epistola 22., præterea etiam apud Dionysium Exiguum vetustissimum Collectorem epistola ad Maximianum ordine prior est epistola eadem ad Rufum, ceterosque Macedoniæ Episcopos, ut proinde, nisi quispiam apud Dionysium ipsum ordinem temporum minime custoditum adferat, mentio istius in illa epistola fieri non potuerit. Quocumque vero modo res sese habeat, illud cerium est, Rufum Thessalonicensem Episcopum, ad quem præcipue epistola scripta dicitur, Vicarium fuisse Apostolicæ Sedis, atque ei singulari jure uti Vicario Sedis Apostolicæ subiectos fuisse Episcopos Macedoniæ, quemadmodum superius ostendi ad epistolam 7. ad eundem Rufum scriptam in causa Bubalii, & Tauriani. Apud eundem Rufum, ceterosque Macedoniæ Episcopos conqueritur Innocentius, quod non satis percepissent, aut non statim executioni demandassent dudum edita Sedis Apostolicæ decreta; quam-

obrem necessarium ducit, eadem renovare, iterumque proponere observanda. Prolioxior est præ ceteris hæc Innocentii epistola, cujus sententias maxima in parte retulit Gratianus. Vix caput primum apud Gratianum omittitur, quod pertinet ad excludendos eos ab Ecclesiasticis officiis, qui viduas duxerint uxores, ex universali disciplina Ecclesiæ tam orientalis, quam occidentalis.

Can. 1.
dist. 26.

Can. 1.
cau. 28.
qu. 1.

Post hæc ita prosequitur Innocentius in cap. 2. *Deinde ponitur. Non dici oportere digamum eum, qui cathæcumenus habuerit, atque amiserit uxorem &c.* Habetur hoc caput integrum in can. 3. dist. 26., & in parte repetitur in can. 1. cau. 28. qu. 1., ex quo adparet Innocentium dirimere voluisse controversiam, quæ tunc temporis erat gravissima, utrum digamus censeretur, proindeque a sacris arceretur ordinibus, qui unam ante baptismum, alteram dein post baptismum sibi junxisset uxorem. Ipsimet vetustissimi Patres in varias opiniones distrahebantur, quemadmodum aperte liquet ex can. 1. 2. & 4. dist. 26., & quamquam Innocentius ipse jam alias rescripisset nihil referre, an ante baptismum quis viduam duxerit, vel post baptismum, idque in epistola ad Vitrictium Rothomagensem, ex qua depromtus est canon 13. dist. 34., tamen adhuc dubitabant de ea re Episcopi Macedoniæ ob nonnullorum Patrum auctoritatem, præsertim cum memoratum Innocentii rescriptum singulare esset, ac directum ad Rothomagensem Episcopum, nec propterea ad Ecclesiæ Macedoniæ pertineret. Porro Innocentius, quod alias Rothomagensi, inde etiam Thessalonicensi, aliisque Macedoniæ Episcopis rescripserat; videlicet eos admittendos non esse ad ministeria Ecclesiastica, qui viduam uxorem duxissent ante baptismum; aut duas duxissent conjuges, priorem ante, posteriorem post baptismum: Post quod Innocentii decretum, ea Jurisprudentia, ac disciplina tandem moribus obtinuit in Ecclesia occidentali.

Can. 18.
cau. 1.
qu. 1.

In tertio epistolæ capite legimus verba canonis 18. cau. 1. qu. 1.; quæ cum aliquantisper diversa videantur apud Gratianum, ita ex Dionysii Exigui codice exhibebo: *Ventum est ad tertiam questionem, quæ pro sui difficultate longiorem exigit disputationem, cum nos dicamus ab hæreticis ordinatos vulneratum per illam manus impositionem habere caput. "Ubi vulnus infixum est, medicina est adhibenda, ut possit recipere sanitatem: quæ sanitas post vulnus secuta sine cicatrice esse non poterit, atque ubi pœnitentiæ remedium necessarium est, illic ordinationis honorem locum habere non posse. Nam si, ut legitur, quod tetigerit immundus, immundum erit, quomodo id ei tribueretur, quod munditia, ac puritas consuevit accipere? Sed contra adseritur, eum, qui honorem amisit, honorem dare non posse; nec illum aliquid accepisse, quia nihil in dante erat, quod ille posset accipere: adquiescimus, & verum est certe, quia quod non habuit, dare non potuit. Damnationem utique, quam habuit per pravam manus impositionem, dedit, & qui particeps factus est damnato, quomodo debeat honorem accipere, invenire non possum. Sed dicitur vera, ac iusta legitimi Sacerdotis benedictio auferre omne vitium, quod a vitioso fuerat injectum. Et in capite 4. Ergo, si ita est, applicentur ad ordinationem sacrilegi, adulteri, atque omnium criminum rei, quia per benedictionem ordinationis crimina, vel vitia putantur auferri. Nullus sit pœnitentiæ locus, quia id potest præstare ordinatio, quod longa satisfactio præstare consuevit. Nostræ vero lex est Ecclesiæ (hæc eadem verba rursus exhibet Gratianus post canonem 9. cau. 1. qu. 4.) venientibus ab hæreticis, qui tamen illic baptizati sunt, per manus impositionem laicam tantum tribuere communionem, nec ex his aliquem in clericatus honorem, vel exiguum subrogare. Et quidem posteriora hæc verba nihil inserviunt proposito*

Gra-

Gratiani in causa 1. qu. 4. disputantis, utrum parentum peccata filiis nocere possint; cum Innocentius agat generaliter de iis, qui non tam ex nativitate, quam proprio facto hæreticis adhæserint, postquam baptisma apud hæreticos suscepissent. Melius conveniunt causæ 1. qu. 1., ubi in canone 17. & 18. Gratianus ostensus erat, eadem accommodari posse iis, qui a simoniacis ordinantur, quæ ab Innocentio decreta fuerunt de illis, qui ordinantur ab hæreticis. Sane Innocentius vult eos, qui ordinati apud hæreticos extiterunt, non posse apud Catholicos admitti in susceptis ordinibus, cuius disciplinæ etiam rationem reddit, quod ordinati ab hæreticis, cum redeunt ad communionem, recipi nullatenus queunt, nisi primum per varias pœnitentium stationes meriti reconciliatoriæ manuum impositionem fuerint; at vero qui semel publicæ pœnitentiæ addiçi probarentur, ab Ecclesiasticis ministeriis arcebantur.

Non hic constitit Innocentius, sed ita pergit in capite 4. *At vero, qui a Catholica ad hæresim transierunt, quos non aliter oportet, nisi per pœnitentiam suscipi, apud vos non solum pœnitentiam non agunt, verum etiam honore cumulantur, sed Anyfilii fratris quondam nostri (fuerat Anysius Thessalonicensis Episcopus Rufi decessor, & Sedis Apostolicæ Vicarius constitutus), aliorumque Consecratorum summa deliberatio hæc fuit, ut quos Bonosus ordinaverat, ne cum eodem remanerent, ac fieret non mediocre scandalum, si ordinati reciperentur; vicimus, ut opinor, ambigua. Jam ergo, quod pro remedio (referuntur hæc in can. 7. cau. 1. qu. 7.) ac necessitate temporis statutum est, constat primitus non fuisse, ac fuisse regulas veteres, quas ab Apostolis, aut Apostolicis viris traditas Ecclesiæ Romana custodit, custodiendasque mandat his, qui eam audire consueverunt, sed necessitas temporum id fieri magnopere postulabat. Ergo quod necessitas (hæc etiam leguntur in can. 41. cau. 1. qu. 1.) pro remedio reperit, cessante necessitate debet utique cessare pariter, quod urgebat, quia alius est ordo legitimus, alia usurpatio, quam ad præsens fieri tempus impellit. Ut Gratiani canonibus, quales hinc descripti sunt, commoda affingatur interpretatio, prænotare juvabit, fuisse in Macedonia Bonosum quendam Episcopum, a quo Bonosiani hæretici nomen accepere, de quibus ita scribit Isidorus Hispalensis in lib. 8. originum cap. 5. Bonosiani a Bonoso quodam Episcopo exorti produntur, qui Christum filium Dei adoptivum, non proprium asserunt. Sunt, qui adjiciunt, Bonosum eundem de Virginitate B. Mariz non recte sensitisse. Qualicumque tamen ejus hæresis fuerit, fertur Bonosus condemnatus ab Anyfilio Thessalonicensi, cui & Pontifex Maximus, & Provinciæ Synodus causæ cognitionem mandaverat; ii vero, qui Bonoso adhæserant, Episcopi ex humanitate quadam ita recepti sunt in Ecclesiam, postquam resipuissent, ut pristinum gradum, dignitatemque retinerent. Erat hæc singularis æconomia, ut facilius Bonosus Episcopis hæreseos suæ confortibus destitueretur, nec facile in exemplum trahenda; imo nec adeo Bonosianis favens, ut quocumque tempore Bonosiani reverfi fuissent ad fidei unitatem, perpetuo in muneribus, & gradu suo Ecclesiastico reciperentur. Non satis id intellexerant Episcopi Macedoniæ sub Rufo, qui exemplo Bonosianorum Episcoporum, qui ab Anyfilio Rufi decessore recepti erant in gradu suo, eadem ratione se recipere revertentes quoscumque hæreticos Episcopos posse arbitrabantur, imo & ipsos novis honoribus cumulabant. Innocentius vero, postquam reverfi ad fidem fuerint, ab Ecclesiasticis gradibus arcendos esse, docuit Rufum, aliosque Macedoniæ Episcopos, ne forte Anyfilii prudentiam sequerentur; quod enim Anysius singulari de causa in Bonosia-*

Can. 7.
cau. 1.
qu. 7.
17.
Can. 41.
cau. 1.
qu. 1.

nis admittendis egerat, in exemplum trahi minime poterat, cessante causa publicæ Ecclesiarum utilitatis, quæ Anyfilii tempore suadebat, nonnihil a severiore disciplina canonum recedendum esse. Qui igitur Bonosiani Episcopi recepti fuerunt in gradu suo tempore Anyfilii decessoris, recipi eodem modo non potuerunt tempore Rufi successoris, cum sub Anyfilio necessitas urgeret gravissima, quæ sub Rufo cessavit, ut ipse Innocentius scribit. Revera hanc Innocentii doctrinam probaverunt Patres Concilii Arelatenfis 2. anni 452. in can. 17. ibi: *Bonosianos autem... cum chrismate, & manus impositione in Ecclesia recipi sufficit*. Sufficit, inquam, quia non poterant ad Ecclesiastica officia peragenda promoveri.

Can. 53.
cau. 1.
qu. 1.

Itaque mens Innocentii eo tota fertur, ut tradat singularem in Bonosianorum causa prolatam ab Anyfilio sententiam & tempori Anyfilii accommodandam fuisse, nec de aliis hæreticis, quam de Bonosianis, intelligendam. Quod ut clarius demonstraret, profert canonem 8. ex Nicænis, ubi ex humanitate de Catharis ea dicta sententia est, ut quoties reverterentur ad unitatem, reciperentur in clerum, quin eadem in aliis servari debeat Jurisprudencia. Profert præterea canonem 19. ex Nicænis, quo statutum est, Paullianistas ad Ecclesiam venientes rebaptizari debere, quin tamen deduci possit, ut quod de Paullianistis dicitur, de aliis & quibuscumque hæreticis intelligatur. Huc pertinent verba illa Innocentii, quæ sequuntur in eodem capite 5. Ita & de Novatianis tantum iussu esse lucida manifestatione perlegitur, quod idcirco distinctum esse ipsi duobus hæresibus ratio manifesta declarat, quia Paullianiste in nomine Patris, & Filii, & Spiritus Sancti minime baptizant. Et Novatianis silem nominibus tremendis, venerandisque baptizant, nec apud ipsos de unitate potestatis divinæ, hoc est Patris, & Filii, & Spiritus Sancti questio aliquando commota est, & ideo de omnibus segregatis hæc sola electa est, cui istud crederent concedendum, quin nihil in Patris, & Filii, & Spiritus Sancti sacramento peccarent.

C. 111.
cau. 1.
qu. 1.

Exempla hæc erant, quibus utebatur Innocentius, ut demonstraret singularem Jurisprudenciam de certo hæreticorum genere stabilitam non facile ad aliud genus, nec rursus unius temporis definitiones ad aliud tempus protrahendas esse. Hinc ad rem propositam accedens, ait: *Siquis vero de Catholica ad hæresim transiens, aut fidelis ad apostasiam revertens respiciens redire voluerit, numquid eadem ratione poterit ad Clerum admitti? Quorum commissum nonnisi longa poenitentia poterit aboleri, nec post poenitentiam Clericum fieri ipsi canones sua auctoritate permittunt*. Unde constat, qui de Catholica ad Bonosum transierunt damnatum, atque se passi sunt, vel cupierunt ab eodem ordinari, non oportuisse ordinationis Ecclesiasticæ suscipere dignitatem, qui commune omnium Ecclesiarum iudicium deferentes suam peculiariter in Bonoso vanitatem sequendam esse duxerunt, sed multos constat vim passos (hic est canon 111. cau. 1. qu. 1., ubi tamen Gratianus nonnulla immutavit ex his sane emendanda) atque invitos adstratos, repugnantisque ab eodem ordinatos. Dicat mihi volo, quisquis hoc credit, si non post ordinationem Bonosi interfuit, cum consecraret sacramenta, si communioni ejus participatus esse duxerunt, si statim discedentibus de ejus pessimo conciliabulo ad Ecclesiam rediit, & iste talis potest habere colorem aliquem excusationis. Ceterum alii, qui vel post annum, aut mensem ad Ecclesiam redierunt, intelligitur eos, qui in Catholica novērunt, se propter vitia sua non posse suscipere ordinationem, idcirco ad illum perrexisse, qui passi, & sine ulla discussione ordinationes illicitas faciebat. Credentes se posse per istam institutionem locum in Ecclesia Catholica reperire, de quo antra desperaverant. Nunc illud, quod superest, interrogo, qui post mensem, aut amplius rediit, cum se pres-

by

hyterum a Bonoso consideret ordinatum, si non sacramenta consecit, si non populis distribuit, si non missas secundum consuetudinem complevit, quid de his censeatis, quaeso promissis apertius? Ad summam certe, qui nihil a Bonoso acceperunt, rei sunt usurpatæ dignitatis: qui consecratorum sacramentorum sibi vendicaverunt, aut non vendicaverunt auctoritatem, atque id se putaverunt esse, quod his nulla fuerat regulari ratione concessum.

Hanc tandem rem in capite 6. concludit Innocentius, quo referendus erit canon 14. cau. 1. qu. 7. Pervideat ergo dilectio vestra hætenus talia transisse, & adverterite, quod, ut dicitur, necessitas imperavit, in pace jam Ecclesias constitutas non posse præsumere; sed, ut sæpe accidit, quoties a populis, aut a turba peccatur, quia in omnes propter multitudinem non potest vindicari, inultum solet transire: priora ergo dimittenda dico Iudicio Dei: de reliquo maxima sollicitudine præcavendum.

In postremo epistolæ capite singulares quædam Photini, & Eustathii causæ dirimuntur. Erat Photinus ille Episcopus a Sede Apostolica damnatus, ejusque absolutionem petebant Episcopi Macedoniæ, adserentes, illum per suorum adversariorum insidias, ac subreptiones causâ cecidisse. (non est hic sane Photinus hæreticus in pluribus Conciliis damnatus medio sæculo 4., cujus Sectatores Innocentius ipse expellendos voluit in epist. 20. ad Laurentium Episcopum Senensem.) Porro Innocentius benigne Episcopis petentibus indulgit, ac Photinum absolvit, eodem tamen tempore ab eisdem Macedoniæ Episcopis postulat, ut absolverent Eustathium, quendam Diaconum, quem in Concilio illi damnaverant, quemque gravius aliquis criminis reum Pontifex Maximus non agnovit. Referam integra Innocentii verba ad emendationem canonis 5. cau. 35. qu. 9. *Veniam nunc ad maximum quasi quoddam thema Photinum, & quod mihi anxium est, ac difficillimum majorum meorum revolvam sententias. Fuerat de illo quoquo pælo, ut etiam ipsi commemoratis, aliquid utique gravius constitutum; verum quoniam id per rumorem falsum, ut asseritis, subreptum huic sedi, & elicium per insidias demonstratis, quia res ad salutem rediit, veniam nos hanc in tantum vobis adnitentibus post condemnationem more apostolico subrogamus, tantisque vestris dissensionibus, vobisque tam bonis, tam charis non dare consensum, omnibus duris rebus durius arbitramur. Pro vestra ergo arbitratione, fratres charissimi, sententia, ac postulatione Episcopum Photinum habetote licitum ita constituere, ut d-precamini, & nostram in melius conversam sententiam labore, vel testimonio vestro compotes voti suscipite. Æque Eustathium a me sepiissime comprobatum nolite expellere, ut diaconi gratia expolietur: Sollicitos enim vos pro salute libenter audio, contra caput etiam, si faciendum est, non libenter admitto; cui manum porrigitis, vobiscum porrigo, cui porrigo, mecum porrigite. Hæc enim ad Corinthios apostolica est declarata benignitas, ut in uno spiritu ductam, ac redullam sententiam boni semper indifferenter sequantur. Nam factor, hæc me primum res bene habet erga Eustathium diaconum, quod nec contra fidem unquam quidquam locutus sit, nec loquentem admiserit, nec ad mortem crimen aliquod commisisse, vel iactatum unquam, vel filium de eo recognoverim. Et qui in his salvus est, si quo pælo conversationes amabiles non habet, habendus est, ut minus pro tempore dilectus, non ut inimicus æstimatus, diabolo in perpetuum mancipandus. Cognosco illum inter illas similitudines, ac turbines contra multorum studia, non dico qualia, diversa sensisse, & cum hinc res, calamitatesque ipsæ emendatæ sint, adhuc Dizoniani, & Cyriaci Subdiaconorum non potuisse apud vos emendationem reviviscere. Compefcite, quaeso, ab illo, præditiisque, quorumcumque videtis animos, ac non iustas emulationes, ut ipse apud nos integer apud vos cum suis reparatus mereatur pacem, non filiam per-*

Can. 14.
can. 1.
qu. 7.

Can. 5.
can. 35.
qu. 9.

videns charitatem . Omnibus igitur vobis, ac singillatim occurrat charitas , & vinculis , quæ nullis modis a Christo solvuntur , vobiscum pariter in perpetuum connexa letetur in Domino .

De epistola 23. ad Episcopos Toletani Concilii .

Can. 1. Apud verustos Pontificiarum epistolarum Collectores, inter ceteros apud Dionysium Exiguum, hæc epistola desideratur. In recentioribus autem Collectionibus ita exhibetur, ut incertum propemodum sit, ad quos Episcopos directæ fuerit; alii enim codices habent: *Innocentius universis Episcopis in Toletana Synodo constitutis &c.* alii: *Innocentius universis Episcopis in Tolosana Synodo constitutis &c.* Plane ad Tolosanam Synodum missam fuisse non facile demonstrari potest, quum non appareat ulla illius temporis Synodus ejus nominis, ad quam directæ fingi possit epistola. Præterea cum Innocentius ad Exuperium Tolosanum epistolam etiam scripserit, aut in epistola ad Exuperium, si posterior esset, mentio fieret epistolæ ad Synodum; aut epistola eadem ad Exuperium, si prior esset, memoraretur in epistola ad Synodum; quod tamen nullibi factum esse dignoscitur. Vulgo creditum est apud cultiores viros, non ad Tolosanam, sed potius ad Toletanam Synodum hanc, de qua agimus, epistolam fuisse scriptam. Ego vero admodum dubitaverim; etenim duz laudari possent Toletanæ Synodi, ad quarum alterutram Innocentius scripsisse diceretur: altera celebrata est anno 400., & vocari solet Toletana prima; altera celebrata fertur circa annum 406. De posterioribus Conciliis Toletanis frustra mentionem facerem, etenim quod secundum vulgo dicitur Concilium Toletanum nonnisi post plures annos ab Innocentii obitu, seu anno 531. convocatum est. Plane si memoretur Synodus celebrata circa annum 406., postulabo ego, quis auctor hujus Synodi esse poterit, quis ejus acta, aut tempora, aut causas demonstraverit; etenim ignota prorsus est in Ecclesiasticis monumentis, atque ideo a nonnullis confictum arbitror illius nomen, quia cum crederent hanc, de qua agimus, Innocentii epistolam germanam esse, necessarium existimaverunt quandam Toletanam Synodum effingere, licet notitiæ facti prorsus expertes. Neque vero adeo facile in medium erunt promendæ Synodi antiquitati prorsus incognitæ, sine teste, sine monumentis, præsertim ubi vulgatus Conciliorum Toletanorum catalogus contrarium demonstrat, juxta quem Concilium Toletanum primum refertur ad annum 400., & Concilium Toletanum secundum ad annum 531. Quod si quisplam Innocentii epistolam referendam arbitretur ad Concilium Toletanum primum anni 400., non facile id unusquisque percipiet, non ignorans Innocentium anno demum 402. Sedem Pontificiam ascendisse, imo & in eadem epistolæ, quæ ad Synodum Toletanam missa dicitur, professum fuisse, *sepe se, ac nimium teneri sollicitum super dissensionis schismate Ecclesiarum*, tandem vero *necessarium emergisse semper, quo non posset emendatio tanta differri &c.* Quæ verba significant hanc epistolam ab Innocentio non scribi potuisse statim, ac ad Summum Pontificatum evehctus esset. Fateor equidem plura hujus epistolæ capita quammaxime congruere cum canonibus ejusdem Toletani Concilii 1. anni 400. Id vero minime sufficit ad ostendendam Innocentianæ epistolæ firmitatem. Potuit enim illa opus esse cujusdam, qui (nec enim defuerunt hujus generis homines) exercitationis causa Concilii Toletani disciplinam alia sub forma digesserit, videlicet per epistolam, suumque opuscu-

opusculum per imperitiam temporum Innocentio tribuerit hujus nominis primo, quem Toletanz Synodo fere contemporaneum agnoverat.

Post hæc observationes, dabo quidem lubens epistolam hanc numero 23. plurimum convenire cum sententiis Concilii Toletani 1., imo etiam cum sententiis Innocentii, quales passim in ejusdem Papæ epistolis leguntur; at vero eandem genuinum prorsus esse, & authenticum Innocentii ipsius monumentum non ausim affirmare. Quod quidem etsi adfirmaverim, adhuc tamen me anxium teneret exemplarium diversitas; non enim in omnibus codicibus eadem epistola iisdem omnino constat verbis, atque sententiis, sed alicubi fusior, alicubi contracta magis exaratur. In editione Conciliorum Veneta anni 1728. duplex habetur ejusdem exemplar pag. 37. & 39. tom. 3. Supervacaneum esset integram epistolam persequi, dum Gratianus unum tantummodo fragmentum retulerit in canone 1. dist. 51., qui legitur in capite 1. & 2. ejus epistolæ juxta primum exemplar, & in cap. 4. juxta exemplar posterius. Utrumque subicere non piget.

*Caput 1. in fine, & caput 2. juxta
primum exemplar.*

Caput 4. juxta secundum exemplar.

De ordinationibus, quas pravæ consuetudinis vitio Hispanienses Episcopos celebrare cognoscimus, fuerat aliquid secundum majorum traditionem statuendum, nisi perpenderemus, ne perturbationes quamplurimas Ecclesiis moveremus. Quorum factum ita reprehendimus, ut propter numerum corrigendorum ea, quæ quoumodo facta sunt, non in dubium vocemus, sed Dei potius dimittamus iudicio. Quantos enim ex eis, qui post acceptam baptismi gratiam in forensi exercitatione versati sunt, & obtinendi pertinaciam susceperunt, accitos ad sacerdotium esse comperimus, e quorum numero Rufinus, & Gregorius perhibentur? Quantos ex militia, qui cum potestatibus obediunt, severa necessario præcepta sunt executi? Quantos ex curialibus, qui dum parent potestatibus, quæ sibi sunt imperata fecerunt? Quantos, qui voluptates, & editiones populo celebrarunt, ad honorem Summi Sacerdotii pervenisse, quorum omnium neminem ne ad societatem quidem ordinis clericorum oportuerat pervenisse? Quæ si singula discutienda mandemus, non modicos motus, aut scandala Hispaniensibus Provinciis, quibus mederi cupimus, de studio emendationis inducemus.

De ordinationibus, quas pravæ consuetudinis vitio Hispanienses Episcopos celebrare cognoscimus, fuerat aliquid secundum majorum traditionem statuendum, nisi perpenderemus, ne perturbationes quamplurimas Ecclesiis moveremus. Quorum factum ita reprehendimus, ut propter numerum corrigendorum ea, quæ quoumodo facta sunt, in dubium non vocemus, sed Dei potius iudicio dimittamus. Quantos enim ex his, qui post acceptam baptismi gratiam in forensi exercitatione versati sunt, & obtinendi pertinaciam susceperunt, adscitos ad sacerdotium esse comperimus, e quorum numero Rufinus, & Gregorius perhibentur? Quantos ex aliqua militia, quæ cum potestatibus obediunt, severa necessario præcepta sunt executi? Quantos ex curialibus, qui dum parent potestatibus, quæ sibi sunt imperata fecerunt? Quantos, quæ voluptates, & editiones populo celebrarunt, ad honorem Summi Sacerdotii pervenisse, quorum omnium neminem ne ad societatem quidem ordinis clericorum oportuerat pervenire? Quæ si singula discutienda mandemus, non modicos motus, aut scandala Hispaniensibus Provinciis, quibus mederi cupimus, de studio emendationis inducemus.

Id.

deri cupimus, de studio emendationis inducimus. Idcirco remittenda potius hæc putamus. Sed ne deinceps similia committantur, dilectionis vestræ maturitas providere debet, ut tantæ usurpationi saltem nunc finis necessarius imponatur, eo videlicet constituto, ut quicumque tales ordinati fuerint, cum ordinationibus suis (legendum potius arbitror: cum ordinatoribus suis) deponantur.

Idcirco remittenda potius hæc putamus. Sed ne deinceps similia committantur, dilectionis vestræ maturitas providere debet, ut tantæ usurpationi saltem nunc finis necessarius imponatur, eo videlicet constituto, ut siqui post hæc adversus formas canonum, vel ad Ecclesiasticum ordinem, vel ad ipsum sacerdotium ventitentaverint, una cum creatoribus suis ipso, in quo inventi fuerint, ordine, & honore priventur.

Duo potissimum hoc in capite, qualiscumque tandem editio attendatur, erunt observanda. Primum ad facta pertinet: alterum in jure consistit. Ad facta pertinet, quod ibidem enarratur de Rufino, ac de Gregorio. Rufinus quisnam fuerit, non satis in eadem epistola constat; Juvat autem, si vera sunt, quæ in epistola enarrantur, supponere eundem fuisse Episcopum in Hispaniis constitutum, de quo ita scriptum invenio in cap. 2. posterioris editionis: *Non enim latere potuit, quod Rufinus, atque Minicius Episcopi in alienis Ecclesiis contra Nicænos canones Episcopos usurpaverunt ordinare; Et paullo inferius narratur, Rufinum contra Ecclesiasticam pacem omni oppugnatione fuisse versatum, & dudum in Concilio Toletano erroris sui veniam postulasse.* Hæc sane minime conveniunt actis editis Toletani Concilii primi, in quo Rufini nomen nec inter subscribentes, nec inter præsentēs Episcopos memoratur; nec legitur quidquam, quod ad hanc Rufini causam pertineat; nec demum ullus legitur canon, quo supposito Rufini crimini suam Diocesim excedenti in posterum occurreretur; quod quidem præconceptam suspicionem magis magisque augeat, ut epistolam hanc Innocentio falso tributam exillimem. Quisnam vero Gregorius fuerit superius memoratus, non satis est in comperto. Nonnulli enim arbitrati sunt, eundem esse cum Gregorio olim Præfecto Prætorio Galliarum. Non arbitror recedendum ab hac eadem epistola, ubi hæc de ipso Gregorio leguntur in cap. 5. posterioris editionis. *Gregorii etiam Emeritenſis Episcopi, qui in locum Patruini venerabilis recordationis est ordinatus querela, siqua est, audiat.* Gregorius igitur fuit Emeritenſis Episcopus, & quidem Patruini successor. Quod si verum esset, qua ratione fieri posset, ut hæc epistola ad Toletanam Synodum 1. scripta diceretur, cum absoluta Synodo Patruinus ipse canonibus subscripserit; Gregorii autem nomen in Episcoporum subscriptionibus desideretur?

Ad jus pertinet, quod in ipsa epistola statutum legitur, ne ad sacerdotalem gradum promoveantur, qui in forensi exercitatione versati sunt, & pertinaces in ipsa consistunt, aut qui militum nomen dederunt, aut qui curiæ additi aliquando fuerunt, aut demum qui voluptates, & editiones populo celebrarunt, sive spectaculis publicis operam dederunt. Hæc in parte consonare videntur tum Concilio Toletano 1., tum aliis Innocentii I. monumentis. Referri huc posset canon 4. dist. 51., canon 61. dist. 50., canon 2. & 3. dist. 51., alique similes, de quibus suo jam loco sermonem institui, ubi ageretur de militibus, curialibusque, aliisque munera publica exercentibus ad clerum non admittendis.

De epistola 25. ad Episcopos Concilii Milevitani.

Nemo ignorat, initio quinti sæculi turbatam fuisse Ecclesiam occidentalem prope-
modum univerfam a duobus hæreticis Pelagio, ac Cœlestio, qui tradiderunt, pec-
catum originis putum esse figmentum, proptereaque baptismum non causa ejus-
dem ablundi criminis fuisse institutum; Divinam item gratiam homini necessa-
riam minime fore, quasi per solas naturæ vires sibi met fatis constare possit. Afri-
cani Episcopi, ne passim in illis Provinciis cum animarum periculo, ac scandalo hæc
hæresis disseminaretur, e re esse putarunt, convocatis Conciliis illam omni-
no conficere, hæreticosque damnare. Quod factum est primum in Concilio Car-
thaginensi anni 416., deinde in alio Concilio Milevitano ejusdem anni. Et quidem
Concilii Carthaginensis Patres; ubi Cœlestium ac Pelagium damnaverunt velut hæ-
reticos, consensum illius sententiæ fecerunt Innocentium in epistola Synodica, ajen-
tes: *Hoc itaque gestum, Domine Frater, sanctæ charitati tue intimandum duximus, ut
statutis nostræ mediocritatis etiam Apostolicæ Sedis adhibeatur auctoritas pro sua-
da salute multorum, & quorundam etiam perversitate corrigenda.* Ut enim illa hære-
sis longe, lateque diffundebatur etiam ultra Africam, opportunum visum fuit Car-
thaginensibus Episcopis, ut decretis suis Apostolicæ Sedis sententia accederet, qua
sicut eo firmitus in Africa ipsa fidei dogma stabiliretur, ita eo facilius in aliis Ec-
clesiis reciperetur. Hoc Carthaginensium Episcoporum exemplo moti Milevitani
Patres, postquam in laudata Synodo plura adversus Cœlestium, ne Pelagium con-
stituisent, ad Innocentium Romanum Pontificem de ea re scribere non dubita-
runt, ut Ecclesiasticis rebus consultius providerent, utque Apostolica auctoritate
hæresis non latius serperet, multosque contaminaret, vel potius imcerimeret. Accedebat
alia ratio, quia scilicet & Pelagius, & Cœlestius alias jam turbaverant Ecclesias,
suzque hæreseos virus diffundere late cœperant, in Asia præsertim, ut ex eadem
epistola deducitur, ac potissimum in urbe Hierosolymitana. Imo nonnulli ex eis-
dem Episcopis Milevitani Concilii seorsum familiarem aliam epistolam ad Innocen-
tium miserunt, videlicet Aurelius, Alypius, Evodius, Possidius, & celebratissi-
mus Augustinus, in qua fusiis sententiam suam Pontifici Maximo adversus memo-
ratos hæreticos exposuerunt. Huc igitur pertinet laudata Innocentii epistola, sive
rescriptum ad Episcopos Milevitani Concilii; ubi Summus idem Pontifex Milevi-
tanorum Episcoporum sollicitudinem laudavit, in eo præsertim, quod ad Roma-
nam Ecclesiam sese convertissent, & ab ejusdem auctoritate causam persiciendam
postulassent. Verba Innocentii hæc sunt, ad quæ exigendus erit Gratianus canon
12. cau. 24. qu. 1. *Diligenter ergo, & congrue Apostolici consilii honoris arcana;
honoris, inquam, illius, quem præter illa, quæ sunt extrinsecus, sollicitudo manet om-
nium Ecclesiarum, super anxiiis rebus, quæ sibi tenenda sententia, antiquæ scilicet regu-
læ formam secuti, quam toto semper orbe necum nobis esse servatam. Verum hæc mis-
sa facio. Neque enim hoc vestram credo latere prudentiam, qui id etiam actione firmastis,
scientes, quod per omnes Provincias de Apostolico fonte petentibus responsa semper ema-
nent. Præsertim quoties fidei ratio ventilatur, arbitror omnes fratres, & Coepiscopos
nostros, nonnisi ad Petrum, idest sui nominis, & honoris auctorem, referre debere, vel
nunc recule vestra dilectio, quod per totum mundum possit Ecclesiis omnibus in com-
mune*

mune prodesse. Cetera, quæ in hoc rescripto subiiciuntur, spectant ad refutationem doctrinæ Cælestii, ac Pelagii.

De ceteris canonibus Innocentii nomine editis.

Can. 3. Quod Innocentii nomine refertur in can. 3. dist. 20. jure optimo observarunt
 dist. 20. Romani Correctores Innocentio II. haudquaquam tribui posse, quod perspicue demonstrant ex eo, quod illud ipsum fragmentum habeatur apud Ivonem, & Burchardum Innocentio II. vetustiores. Aut igitur Innocentii I. est, aut falso Innocentii nomine descriptus. Antequam vero in auctorem canonis inquiramus, emendandam in primis arbitror Gratiani scripturam, aut forte etiam in pristinum restituendam. Siquidem Romani Correctores hac in parte a Gratiano codice recesserunt, ut Gregorio Polycarpo adhzrerent, simul autem & Ivonis, & Burchardi lectionem, licet antiquiorem Polycarpi codice, neglexerunt. Varii sunt hujusmodi codices inter se; atque ego, ubi codex quispiam ceteris non præstat fide, integritate, auctoritate, potius reor antiquissimum omnium sequendum fore, tamquam eum, a quo posteriores codices excepti potius præsumuntur, juxta quæ Burchardi codex erit ceteris præferendus. Quod si quispiam in ea adhuc esset opinione, ut potiorem habendam putaret recentiorum codicum rationem, non video, cur Gratianus codex non fuisset Polycarpi codici antefereendus; neque ulla causa esse potest, ut spretis antiquioribus, recentioribusque codicibus, mediis potius adhzreamus. Itaque Gratiani codex ante Romanam Correctionem ita habebat: *Item Innocentius Papa: De quibus causis nulla solvendi, ligandique auctoritas in libris veteris, & novi testamenti, & quatuor Evangeliorum, cum totis scriptis Apostolorum adpareat, ad divina recurrit scripta græca. Si nec in illis: Ad Catholicæ Ecclesiæ historias catholicas a Doctoribus catholicis scriptas manum mittite. Si nec in illis: Sanctorum exempla perspicaciter recordamini. Quod si omnibus his inspectis hujus questionis qualitas non lucide investigatur, seniores provinciæ congregatæ, & eos interroget; facilius namque invenitur, quod a pluribus senioribus quæritur. Verus etiam repromissor Dominus ait: Si duo ex vobis, vel tres conveniunt super terram in nomine meo, de omni re, quantumque petierint, fiet illis a Patre meo. Apud Burchardum in lib. 3. cap. 128. ita legitur: Ex decretis Innocentii Papæ cap. 18. De causis, de quibus nulla solvendi, ligandique auctoritas in libris veteris testamenti, quatuor Evangeliorum, cum scriptis totis Apostolorum non adpareat, ad divina recurrit scripta græca. Si nec in illis, ad Catholicæ Ecclesiæ historias catholicas a Doctoribus catholicis scriptas manum mitte. Si nec in illis, canones Apostolicæ Sedis intueri. Si nec in his, sanctorum exempla perspicaciter recordare. Quod si in his omnibus inspectis hujus questionis qualitas non lucide investigatur, seniores Provinciæ congregatæ, & eos interroget. Facilius namque invenitur, quod a pluribus sentientibus quæritur. Verus enim repromissor Dominus ait: Si duo ex vobis, vel tres conveniant super terram in nomine meo, de omni re, quantumque petierint, fiet illis a Patre meo. Ivo eadem fere habet in cap. 70. lib. 4. nonnullis demtis, quorum varietas potius ex editione, aut manuscriptorum, aut typographiz profecta fuisse videtur. In quibus paullisper diffonet Ivo, sequentia demonstrant: De quibus causis nulla solvendi. . . . Apostolorum adpareat, ad divina recurrit scripta græca. . . . Quod si bis omnibus inspectis. . . . quod a pluribus senioribus quæritur. Verus etiam repromissor. . . . vel tres conveniunt &c.*

Sic

Sic exacto ad antiquiores codices Gratiani fragmento, statim adparet in primis, canonem 3. dist. 20. parum, aut nihil Gratiani proposito convenire, præsertim si attendatur fragmentum ipsum, prout jacet in codice Gratiani ante Romanam correctionem. Quærebat Gratianus, utrum expositiones sacrarum literarum possent Maximorum Pontificum decretalibus æquiparari, imo etiam præferri? Difficultatem movebat egregia nonnullorum sanctorum Interpretum doctrina, qui *pleniori gratia Sancti Spiritus, & ampliori scientia præcelluisse* dicuntur, quales nominantur honoris causa Augustinus, & Hieronymus, qui proinde non generatim quidem omnibus, sed aliquibus Pontificibus Maximis anteferendi videantur. Tandem adhibita distinctione, quæ intercedit inter finiendas lites, atque inter expendendas sacras literas, quoniam in litibus finiendis potestas, ac iurisdiclio, in expendendis autem literis sacris scientia potissimum attenditur, sanctos Interpretes Pontificibus nonnullis prætulit Gratianus in literis sacris expendendis, non vero in litibus terminandis. Num vera sit hæc Gratiani traditio, libenter abtinerem, nisi inquisitio fragmentum Gratiani, de quo agitur, paullisper illustraret. Paucis tamen dicam ipse, quod sentio, præsertim quod Gratiani thema a recta ratione paullisper, ne multum dixerim, aberrare videatur; etenim Gratianus ipse, dum præfert Interpretum aliquot sacrarum expositiones Pontificum Maximorum decretalibus, excipit tantum casum, quo negotia finem accipiunt, idque tantum ait consilire *vel in absolute innocentium, vel in condemnatione delinquentium*. Quid igitur? Num forte, ubi causa fidei definienda erit, quæ sane non in absolute innocentis, neque in condemnatione delinquentis, sed in dogmate ipso sita sit, licebit cuiquam a sanctorum Pontificum Maximorum recedere, eo prætextu, quod apud unum, aut alterum ex sanctis Interpretibus sacrarum literarum sensus exhiberi videatur? Num in hac expositionis sacrarum literarum specie non erit tam attendenda potestas, atque auctoritas, quam scientia? Sane si hæc esset definiendarum quæstionum fidei regula, parum tutum esset fidei nostræ, religionisve præsidium, ac fundamentum, dum quæstio eo reduceretur anceps, quis doctior in Ecclesia esset, quis sapientior, clario-
rive lumine donatus, non penes quem definiendi potestas esset. At vero quis non videat, quam necessarium sit præesse Viros in Ecclesia Dei, quorum iudicio disputatio fidei, quæ potissimum ex sacræ scripturæ interpretatione dependet, non tam ex doctrina, quam ex auctoritate definiatur?

Itaque aut sanius intelligenda, aut respuenda Gratiani traditio; melius enim, ut reor, sapiet, qui ita in proposita disputatione distinxerit. Vel Sancti Patres, ubi divinas literas interpretantur, gerunt sese veluti divinæ traditionis testes, per quos ipsa Christi doctrina Apostolis primum oretenus insinuat, ad successores dein quasi per manus devoluta ad nos usque traducitur: atque hac in specie non dubitabimus ita interpretationes Patrum Maximorum Pontificum decretalibus objici, quemadmodum sacris ipsas literas. Quid enim interest in verbo Dei, an scriptum sit, an traditum? Neque tum ulla quæstio esse potest de prælatione, ubi officia diversa sunt; videlicet Sancti Patres Christi doctrinam exhibent, Pontifices autem Maximi eandem Christi doctrinam esse demonstrant; cum non sufficiat exhiberi doctrinam Christi, nisi certo, atque infallibili testimonio, sive publica auctoritate Ecclesiæ, illa tanquam Christi doctrina quasi per indicem demonstretur. Vel Sancti Patres; ubi sacras literas interpretantur, ingenii sui ad rectas quidem regulas formati specimina exhibent causæ piæ exercitationis, aut etiam publicæ utilitatis. Tum vero

non video, qua ratione Pontificibus Maximis præferri possint, nisi forte de Pontificibus ipsis agatur, qui non publice quidpiam Ecclesiz proponant, sed simili cum memoratis Patribus officio fungantur; etenim hac in specie is facile præferetur, qui nitidiore doctrina, sapientiaque fulgebit.

Paucis tradidi, quid in difficili quæstione ipse sentirem, vix tamen indicans earationis momenta, quibus mea hæc sententia comprobaretur, sive quod recte cogitanti obvia esse possint, sive quod nolim evagari latius, & a proposito diutius recedere. Redeo ad Gratiani fragmentum, demonstraturus illud quæstioni Gratiani ejusdem minime convenire. Siquidem in primis si retinenda sit Gratiani scriptura, quemadmodum erat ante Romanam correctionem, jam satis adparet, nihil ibidem contineri de decretalibus Pontificum Maximorum, an Sanctis Patribus, eorumve interpretationibus præferendz sint, nec ne, cum ne illorum quidem decretalium mentio habeatur. Quod si ad exemplaria aliorum Collectorum Burchardi, Ivonis, & Polycarpi sit exigenda Gratiani scriptura, quis etiam non videt, nihil certi ex variis eisdem codicibus deduci posse; vel quod non eodem ubique ordine collocantur Pontificum Maximorum decretales; vel quod de interpretationibus sacrarum literarum, quæ Sanctos Patres auctores habent, sermo non occurrat; vel demum quod ex ordine scripturæ nullum prælationis argumentum inferri commode possit? Apud Polycarpum, uti observant Romani Correctores, statim post sacras literas, locus datur canonibus Apostolicæ Sedis. Quis autem, cedo, locus interpretibus scripturarum? Apud Burchardum, & Ivonem canonibus Apostolicæ Sedis fit locus, tum postquam apparuit nihil ex scripturis posse deduci sive latinis, sive grecis; tum ubi constitit, nihil adferri posse ex historiis catholicis, quas Catholici ipsi Scriptores confecerint. Ex scripturæ autem ordine quodnam haberi potest prælationis argumentum, dum postremus ordo Concilii ecclesiastici datur, etiam post exempla Sanctorum? Quæcumque sit auctoritas hujus canonis, non aliud video ibidem contineri, quam salutare quoddam monitum, prudenſive consilium, ut quicumque in dubitationem aliquam devenierit, non temere quæstionem in Conciliis statim moveat, sed primum scrutetur, an alia ratione sibi met, ceterisque studii sui consortibus satisfacere possit, videlicet sacras literas, canones Pontificum, historiam ecclesiasticam investigando sedule, ac tum demum ad Concilium res deferatur, cum in discrimine posita sit controversia.

Jamvero ego facile adduci non possum, ut credam, fragmentum istud esse Innocentii I. Pontificis; ut propterea non solum non conveniat proposito Gratiani, sed etiam canonis vi, atque auctoritate destituatur. Præterquamquod enim ea verba in epistolis Innocentii non legantur, sive in iis, quas Dionysius Exiguus edidit, sive in aliis posteriorum Collectorum indutria vulgaris, stylus, & phrasis Innocentium ipsum non exhibet, qualis in aliis epistolis adparet. Suspicio potius cujuspiam minus periti auctoris esse, qui sæculo sequiore vixerit obscurus, quique Sanctorum exempla distinxerit ab historicis monumentis; ait enim, tum demum Sanctorum exempla esse investiganda, cum nihil ex historiæ ecclesiasticæ monumentis colligi potest. Non tamen inficias iverim, fragmenti ejusdem auctorem sententias aliquot legisse Innocentii, aliorumque contemporaneorum Patrum, quas pius in eo canone perstringere voluerit. In canone primum dicitur, sacrarum literarum rationem habendam fore, ut non sit ulterius progrediendum ad disputationes, quoties ex sacris scripturis aliquid deducatur. Id sane consonat Innocentio

tio I., qui in epist. 4. ad Felicem Nucerianum cap. 2. scribebat, non debuiffe consuli de bigamis non ordinandis, quia id ex sacris literis perspicuum erat juxta illud Apostoli 1. ad Timoth. 3., & ad Titum 1. *Unius uxoris virum.* Huc referri etiam posset, quod legitur in can. 13. Concilii Carthagiensis anni 348. ibi: *De quibus apertissime divina scriptura sanxit, non ferenda (legunt alii: non differenda) sententia est, sed potius exsequenda.* Ad græca exemplaria confugiendum etiam esse, vulgaris erat Hieronymi traditio, cujus auctoritas plurimum valebat tempore Innocentii in Ecclesia Romana. Videfis canonem 6. dist. 9. Quod subditur in memorato fragmento, Romanæ Ecclesiæ canones investigandos esse, consonat cum pluribus Innocentii I. monumentis, videlicet epist. 1. ad Decentium Eugubinum, ex qua est canon 11. dist. 11., item, epistola 2. ad Viſtriciū Rothomagensē in principio, aliisque pluribus. De exemplis Sanctorum, atque historicis monumentis, quæ tanquam agendi regula in canone proponuntur, nihil quidem singulare occurrit apud Innocentium, sed potius apud Augustinum Innocentio contemporaneum, qui monet quidem illorum rationem habendam fore, dummodo tamen imitatione sint digna can. ultimo dist. 9. Tandem opus esse Concilio, ubi aliter sedari contraversia nequit, tradidit Innocentius idem in epistola ad populum Constantinopolitanum, quæ exiat græce apud Nicephorum, & Sozomenum. Ejus verba ita latine redduntur: *Synodali cognitione peropus est, quam dudum etiam cogendam esse censuimus; sola enim illa talium procellarum motus sopire potest, quam ut obtineamus, &c.*

Quæ Gratianus retulit sub nomine Innocentii in canone 3. dist. 83. alibi nomine aliorum recensuit tum in can. 3. dist. 86., tum in can. 55. can. 2. qu. 7. revera autem deprocta sunt ex epistola Isidori Mercatoris, videlicet ex epistola unica Eleutherii, ex epistola Orientalium ad Julium, & ex epistola Ægyptiorum ad Felicem II. Verba Mercatoris jam tradidi in referendo canone 55. cau. 2. qu. 7. Hoc loco tantum adiciam, nomen Innocentii forte adpositum fuisse in describendo hoc canone, quod idem canon consonet cum brevi sententia ejusdem Innocentii in epist. ad Viſtriciū Rothomagensē in fine principii, ibi: *Ergo ne silentio nostro existimemur his præbere consensum, dicente Domino: Videbas furem, & currebas cum eo; hæc sunt, quæ deinceps inuitu divini judicii omnem catholicum Episcopum expedire custodire; nisi forte quispiam hæc existimet referenda ad Innocentium II. ita scribentem in epistola 51. ad Hugonem Rothomagensē Archiepiscopum: Si enim (Episcopus) cum potest, alios ab errore non revocat, seipsum errare demonstrat. Consentire namque videtur erranti, qui ad refecanda, ut corrigi debeant, non concurrit. Consentire est, cum qui posset redarguere, taceat, vel aduleatur. Sed quid prodest alicui suo errore non pollui, qui consensum præstat erranti?*

Ad Isidorum quoque Mercatorem referendus erit canon 13. cau. 9. qu. 3., qui non Innocentio quidem Pontifici tribuendus erit, sed potius Romanæ Synodo, quæ sub nomine Sylvestri Papæ evulgata est; etenim ita legimus ibidem canone 20. *Nemo enim disjunct primam sedem justitiæ desiderant temperari, neque ab Augusto, neque ab omni Clero, neque Regibus, neque a populo judex judicabitur.* In alia autem editione hæc leguntur: *Nemo enim judicabit primam sedem; quoniam omnes sedes a prima sede justitiam desiderant temperari, neque ab Augusto, neque ab omni Clero, neque a Regibus, neque a populo judex judicabitur.* De hujus Synodi auctoritate nihil est, quod subijciam, quum jam plura tradiderim suo loco, quumque hodie apud eruditos Viros certum sit, ipsam parum, aut nihil prodesse posse ad regulas ecclesiasticas

fiaticas stabiliendas. Tantum dixero, fragmentum istud laudatum fuisse a Nicolao I. in epistola ad Michaellem Imperatorem, quz in recentibus collectionibus est numero octava, atque incipit: *Propefueramus quidem*. Verba Nicolai hæc sunt: *Consonas autem huic necessariæ sententiæ, Sanctus Silvester, & Magni Constantini baptizator Augusti, dicens: Neque ab Augusto, neque ab omni Clero, neque a Regibus, neque a populo iudex judicabitur*. Pertinebat id ad causam Ignatii sub eodem Michaelle depositi, quz sane causa cum plurimum conveniret cum causa Johannis Chriftoforni dejecti tempore Innocentii, occasionem præbere facilem potuit, ut de Nicolao ad Innocentium transferretur, quod Innocentii nomen ad marginem epistolæ Nicolai adpositum fuerit, ut indicaretur, quod Nicolaus de Ignatio sensit, idipsum de Chriftofomo scivisse Innocentium; id autem non satis compertum fuit Collectoribus, qui verba Nicolai Pseudo-synodum Silvestri Romanam recensentis ad Innocentium ex errore retulerunt.

Can. 22. Si conferatur canon 22. cau. 16. qu. 1. cum aliis Innocentii I. monumentis, vel
 cau. 16. ex ipso scribendi stylo adparebit, illum Innocentio I. tribui haudquaquam posse.
 qu. 1. Imo ipsa materies, de qua ibidem agitur, significat auctorem canonis sæculo longe posteriore vixisse, decimo scilicet, vel undecimo, quo tempore plures de Monachis in Clerum recipiendis motz controversiæ sunt, & de eorum iuribus, ubi semel in Clero admissi fuissent. Ego arbitror, Collectorem abusum fuisse verbis Innocentii I. in epistola ad Vitriricum Rothomagensem, ubi scilicet agitur de Monachis, qui ad Clericorum officia promoti sunt, ut legitur in can. 3. cau. 16. qu. 1. Revera ubi de Monachis hujusmodi ad officia ecclesiastica translati ageretur, vulgare erat ex Innocentii I. fragmento nuper memorato regulas tradere sacrorum canonum Collectoribus, quemadmodum constat ex lib. 1. Capitularium cap. 27., ex epistola Zachariæ Papæ 7. ad Pippinum Majorem domus cap. 13., & ex Concilio Londoniensi anni 1138. sub Innocentio II. cap. 14. ibi: *Item adjicimus hoc decretum Innocentii Papæ dicentis Vitririco Rothomagensi Archiepiscopo: Monachi diu morati in Monasteriis, si postea ad Clericatum pervenerint, non debent aliquatenus a priore proposito deviare. Sicut in Monasteriis positi fuerint, ita & in Clericatus ordine degere debent, & quod diu servaverunt, id in altiori gradu positi amittere non debent*. Et in cap. 16. *De omnibus primitiis rektas decimas dari apostolica auctoritate precipimus, quas qui reddere noluerit, anathematis in eum sententia proferatur*. Habuit hanc sui temporis Synodum forte præ oculis Gratianus, atque Innocentii nomine rem auspiciatus de Monachis ad Sacerdotium promotis, cetera etiam de eisdem intellexit, atque ita una oratione conjunxit, disposuitque, ut omnia ad Innocentii constitutiones referre non dubitaverit.

Can. 6. Jamdiu observaverunt Romani Corredtores, canonem 6. cau. 13. qu. 3. pertinere
 cau. 6. non quidem ad Innocentium Pontificem Maximum, sed potius ad Concilium His-
 qu. 3. palense 2., de quo egi in 1. parte cap. 36., in eo enim hæc leguntur cap. 2. *Secundo examine inter memoratos fratres nostros Fulgentium Afigitanum, & Honorium Cordubensem Episcopos discussio agitata est, propter parochiam Basilicæ, quam horum alter Cæsticensem (legunt alii: Basilicæ cujusdam, quod horum alter Cæsticensem, alii: Cæsticensem, alii: Cestacensem), aliter Reginensem asseruit*. Et quia inter utraqz partes hactenus limitis actio vindicata est, cujus, quamvis vetusta, retentio nullum iuris præjudicium adferret; ideoque ne in dubium ultra inter eos nostra advocaretur sententia, prolatis canonibus synodalia decreta periclitata sunt, quorum auctoritas præmonet ita oportere

tere inhiberi cupiditate, ut nequis terminos alienos usurpet. Ob hoc placuit inter æternas partes inspeccionem viros mittendos, ita ut sit in Diocesibus possidentis, si tamen Basilicam veteribus signis limes præfixus monstraverit, Ecclesiæ, cujus est iusta resensio, æternum dominium. Quod si & limes legitimus eandem Basilicam non concludet, & tamen longi temporis probatur objecta præscriptio, appellatio repetentis Episcopi non valebit, quia illi tricennalis objectio silentium ponit; hoc enim & secularium Principum edicta præcipiunt, & Præsulum Romanorum decrevit auctoritas. Sin vero infra metas tricennalis temporis extra alienos terminos Basilicæ injusta retentio reperitur, repetentia Episcopi juri sine mora restituetur. Clara est canonis hujus sententia, cui memorati Episcopi Fulgentius Altigitanus, & Honorius Cordubensis una cum ceteris, qui ad Synodum sub Isidoro Hispalensi convenerant, subscripserunt. Difficile potius nonnullis videbitur, quomodo contingere potuerit, ut fragmentum Hispalensis Concilii Innocentio Papæ tribueretur. Apud Burehardum in cap. 69. lib. 1. refertur nomine Hispalensis Concilii. Primum desideratur nomen ejusdem Concilii apud Ivonem Carnotensem in cap. 99. part. 3., ubi ad marginem nomen Innocentii adjectum est; forte ex eo, quod ecclesiasticæ jurisdictionis termini in canone custodiendi dicantur, quemadmodum Præsulum Romanorum decrevit auctoritas; atque id ut expenderet studiosus quispiam, referendum putavit ad sententias Innocentii I., quales habentur tum in epistola 2. ad Victricium Rothomagensem can. 2. dist. 71., tum etiam clarius in epist. 8. ad Florentium Tiburtinensem, ibi: *Non semel, sed aliquoties clamat scriptura divina, transferri non oportere terminos a Patribus constitutos quia nefas est, si quod alter semper possederit, alter invadat, &c.* Non satis id observavit Gratianus, qui cum Ivonis decretum præ manibus haberet, relaturus canonein, de quo agimus, notam marginalem transtulit in inscriptionem capituli, & quod Concilii Hispalensis erat, Innocentio per imprudentiam adscripsit.

Mox enim Corruptores Romani, canonem 2. cau. 23. qu. 8. Innocentio Papæ tributum desiderari in plerisque Gratiani exemplaribus. Ex quo facile deducitur, adjectum fuisse recentiore manu, a quopiam scilicet, qui Gratiano marginales notas adtexuit, deinde vero e margine in textum sub nomine vetuli cujuspiam auctoris transduum. Et quidem id facile demonstrari potest ex iis, quæ Gratianus habet in principio ejusdem questionis 8., ibidem enim legitur: *De Episcopis vero, vel quibuslibet Clericis, quod nec sua auctoritate, nec auctoritate Romani Pontificis armari, arripere valeant, facile probatur.* Cum enim Petrus, qui primus Apostolorum a Domino fuerat electus, materiale gladium exerceret, ut Magistrum a Judæorum injuria defenderet, audivit: *Converte gladium tuum in vaginam; omnis enim, qui gladium acceperit, gladio peribit, ac si aperte ei diceretur: Hæc tibi, tuisque prædecessoribus inimicos Dei gladio corporali licuit persequi; deinceps in exemplum patientiæ gladium tuum, idest tibi hæc concessum in vaginam converte; & tamen spirituale gladium, quod est verbum Dei, in mansione veteris vitæ exerce.* Omnis enim præter illam, vel auctoritatem ejus, qui legitima potestate utitur, qui, ut ait Apostolus, non sine causa gladium portat, cui etiam omnis anima subdita esse debet, omnis, inquam, qui præter auctoritatem hujusmodi gladium acceperit, gladio peribit. Item Ambrosius: *Arma Episcopi lacrymæ sunt, & orationes:* Item illud Apostoli: *Non vestimetis defendentes, charissimi, quamvis omnibus generaliter dicatur, specialiter tamen Prælati dictum intelligitur.* Siquis hæc Gratiani verba cum subiectis capitulis 2. & 3. contulerit, eandem utrobique sententiam descriptam inveniet, imo eadem verba bis sub Ambrosii

Can. 2.
cau. 23.
qu. 8.

brofii nomine relata . At vero concipere non possum, quomodo Gratianus uno fere contextu bis eadem exhibeat, ut propterea verosimilius dicendum sit, ea, quæ subjiçuntur in capitibus sequentibus, a Glossographis adjecta fuisse in recentioribus exemplaribus, præsertim ubi Romani Correctores eadem capita, ut nuper observabam, in plerisque exemplaribus desiderari testentur. Itaque suspicor, memoratum canonem 2. nihil aliud continere, quam brevem compendiarîam Gratiani sententiam, qualis initio quæstionis habetur. Quod si quispiam quærat, quæ ratione Innocentio Papæ tributum fuerit caput, non aliam ego reddere possum, nisi quod vel in Concilio Londoniensi anni 1138. sub Innocentio II. celebrato can. 13. fuerit Clericis interdictum, ne arma gererent, aut quod Innocentius I. milites a Clero dimovendos statuerit in can. 2. dist. 51. Jamvero non dubito, quin Gratiani sententia germanæ canonum disciplinæ conveniat, in cujus rei argumentum facile erit ex ecclesiasticis Auctoribus similia, & quidem gravia monumenta referre. Huc in primis pertinere posset caput 28. ex iis, qui Apostolici dicuntur, habeturque apud Gratianum in can. 7. dist. 45., item adferri posset canon 11. Concilii Triburiensis anni 895. Præterea ad eandem rem Johannes Chrysostomus ita scribit homilia 85. in Caput 26. Matthæi de Christo Domino: *Sed Petrum acriter, & quidem minando increpat, ut eum, & ceteros simul ab hujusmodi defensione deterreat.* Demum, ut alios complures omittam, Honorius Augustodunensis, qui Gratiano contemporaneus fuit, in gemma animæ lib. 2. cap. 233. ait: *Clerici non debent ideo arma portare, quia non contra homines, sed contra demones debent virtutibus pugnare, sicut Moyses arma non portavit, sed Jesu cum Amalech pugnante ipse precibus pugnavit. Sic Apostoli, & eorum sequentes non armis, sed orationibus pugnaverunt, & nos non resistere, sed magis injurias pati docuerunt.*

Can. 2.
& 5.
can. 35.
qu. 10.

Sub nomine Innocentii Papæ eadem sententia duobus in locis mutatis paullisper verbis recitatur, scilicet tum in canone 2., tum in canone 5. cau. 35. qu. 10. At vero non esse Innocentii I. vel ipse stylus demonstrat incomptas, inelegans, & legum Longobardarum auctori potius conveniens. Neque etiam esse posse Innocentii II., facile ex eo demonstratur, quia nullibi constat, publica auctoritate recepta fuisse varia adfinitatis genera, quæ in memoratis capitibus explicantur, quæque tanquam perniciofa damnare debuerunt Patres Concilii Lateranensis in cap. 8. de consangu. & adfin. laudatur quidem in can. 5. cau. 35. qu. 10. *Sancta Romana Synodus*, sed hæc nulla alia esse potest, quam quæ refertur in can. 3. eadem causa, & quæstione, cujus sententiam, atque auctoritatem jam satis expendi in capite ultimo prioris partis, una motens, quæ ratione Gratianus, alique similitum fragmentorum auctores potuerint Romani Concilii sub Gregorio II. celebrati sanctionibus abuti. Nihil itaque hæc adjiciam, ne actum agere videar. Unum tantum observabo, videlicet auctorem memoratorum canonum abusum forte fuisse canone 17. Concilii Romani celebrati anno 1139. sub Innocentio II., ibi: *Sane conjunctiones consanguineorum omnino fieri prohibemus. Hujusmodi namque incestum, qui fere, stimulante humani generis inimico, in usum versus est, Sanctorum Patrum instituta, & sacrosancta Dei detestatur Ecclesia; leges etiam sæculi de tali consuburnio natos, & infames pronunciant, & ab hereditate repellunt.* Eadem verba habentur in Concilio Remensi etiam sub Innocentio II. celebrato anno 1131. can. 16., similia propemodum legimus in canone 5. Concilii Lateranensis celebrati sub Callisto II. anno 1123.

De Zosimo.

Zosimi Pontificis nomine quinque tantummodo fragmenta habemus
apud Gratianum.

Ex Epist. ad
Hefychium
Episcopum Sa-
lonitanum. { *Can. 2. dist. 36. supplendus ex aliis Zosimi epistolis.*
Can. 1. dist. 59. idem est cum can. 2. dist. 36.
Can. 2. dist. 59. ex integra epistola supplendus.
Can. 2. dist. 77. ex integra epistola emendandus.

Ex Epist. ad
Episcopos Pro-
vinciæ Viennen-
sis, & Narbo-
nensis II. { *Can. 7. cau. 25. qu. 1. dubia auctoritatis, & ad integros Codices
exigendus.*

NON diu Romanam Sedem tenuit Zosimus Papa Innocentii Successor, etenim
anno 417. electus, obiit sequente anno 418., & nonnulla ecclesiastica ne-
gotia, quæ tractare jam cœperat, Successoribus suis definienda reliquit. In tribus
potissimum, & quidem acerrimis disputationibus laboravit, quarum prior pertine-
bat ad causam Cœlestii, & Pelagii, qui artibus suis eundem Pontificem circum-
venire studuerunt, altera respiciebat appellationes Africanorum ad Sedem Aposto-
licam, postrema versabatur in privilegiis augendis Arelatenſis Ecclesiæ. Apud Dio-
nyſium Exiguum duæ tantum hujus Pontificis nomine descriptæ fuerunt epistolæ,
una videlicet ad Hefychium Episcopum Salonitanum, altera ad Presbyteros, &
Diaconos Ravennates. Prioris Gratianus meminit, non posterioris.

De epistola ad Hefychium Episcopum Salonitanum.

Erat Hefychius Salonitanus Episcopus in Dalmatia prope Spalatum in Illyrico
Occidentali, proptereaſque ſingulari etiam jure Romano Pontifici ſubjectus: ut enim
Salona obnoxia erat in civilibus negotiis Præſecto Prætorio Italiz, ita Romano
Pontifici non ſolum tanquam univerſæ Eccleſiæ Principi, verum etiam jure quaſi
Metropolitico ſuberat. Conſtat venerandos, aſebat Theodoſius Echinienſis Episcopus
in Romana Synodo Bonifacium II. alloquens, *Sedis veſtræ Pontifices, quamois in
ſoto mundo Sedes Apoſtolica Eccleſiarum ſibi jure vindictet Principatum, & ſolam in
eccleſiaſticis cauſis undique appellare necesse ſit, ſpecialiter tamen gubernationi ſuæ Illy-
rici Eccleſiæ vindicaſſe.* Hefychius igitur a Romano Antiftite de nonnullis diſci-
plinæ eccleſiaſticæ capitibus edoceri ſe poſtulavit. In primis autem ſignificavit, non-
nullos ex Monachorum cœtu, ſed & laicos ad Sacerdotium ſeſtinare; de qua re ita Zofi-
mus reſcripſit: Hoc autem ſpecialiter, & ſub Prædeceſſoribus noſtris, & nuper a nobis

Tom. II.

N n

inter-

*Can. 2.
dist. 36.
Can. 1.
dist. 59.*

interdictum constat, literis ad Gallias, Hispaniasque transmissis, in quibus Regionibus familiaris est ista præsumtio, quamvis nec Africa super hac admonitione nostra habeatur aliena, nequis penitus contra Patrum præcepta, qui ecclesiasticis disciplinis imbutus per ordinem non fuisset, & temporis adprobatione divinis studiis eruditus, nequam ad summum Ecclesiæ Sacerdotium aspirare præsumeret, & non solum in eo ambitio inefficax haberetur, verum etiam in ordinatores ejus, ut carerent eo ordine, quem sine ordine contra præcepta Patrum crediderant præsumendum. Sic restituendus est canon 2. dist. 36., cujus verba repetuntur in can. 1. dist. 59. Quoniam vero Zosimus hæc jamdudum se auctore decreta asserit, & quidem epistolis datis Gallorum, Hispanorum, atque Africanorum Ecclesiis, arbitror id referendum ad epistolam, quæ in recentioribus collectionibus numero sexta est ad Episcopos Africæ, Galliz, & Hispaniz scripta anno 417. (epistola ad Hesychium scripta fuit sequente anno 418.). Porro in memorata epistola sexta reprobantur ordinationes Ursi, & Tuentii, tanquam eorum, qui præcipiti impetu ad Sacerdotium festinaverant. His adjici potest epistola eodem anno scripta ad Patroclum Episcopum Arelatensem, quæ inter epistolas Zosimi est numero nona. Ibidem enim reprobandur ordinationes, in quibus statuta non custodita fuerint tempora, sed per saltus, ut dicitur, a minoribus ad summa officia decursum est, pœna adversus ita ordinatos indicta, ut qui tempore ejus constitutionis jam consecrati proponerentur, in eo ordine permancerent, quo initiati essent; qui vero in posterum essent ordinandi, illi ab adepto ordine deicerentur.

Can. 1. dist. 59. Prosequitur in eodem argumento Zosimus: *Obssistite talibus ordinationibus, obssistite superbie, & arrogantie venienti. Tecum faciunt præcepta Patrum, tecum Apostolicæ Sedis auctoritas. Si enim officia secularia principem locum, non vestibulum actionis ingressis, &c. Referuntur hæc apud Gratianum in can. 2. dist. 59. eisdem omnino verbis, post quæ ita progreditur Zosimus. Proinde nos, nequid meritis dilectionis tue derogemus, ad te potissimum scripta direximus, quæ in omnium Fratrum, & Coepiscoporum nostrorum facies ire notitiam, non tantum eorum, qui in ea Provincia sunt, sed etiam qui vicinis dilectionis tue Provinciis adjunguntur. Sciet quisquis hoc, postposita Patrum, & Apostolicæ Sedis auctoritate, neglexerit, a nobis distantiis vindicandum, ut loci sui minime dubitet sibi non constare rationem, si hoc putat post tot prohibitiones impune posse tentari; contumeliæ enim studio sit quidquid interdictum toties usurpatur. Hæc adjiciens ideo duxi, ut de voluntate, ac studio Zosimi luculentius constaret, qui in hac decretali communem disciplinam non in una tantum, sed in omnibus Provinciis custodiendam stabilire voluit, quique ab initio hujus epistolæ conquestus fuerat, quod sua decreta dudum edita apud Hesychium Salonitanum aut non haberentur, aut non servarentur.*

Can. 1. dist. 77. Ut vero specialiter explicaret Summus Pontifex, per quos veluti gradus ad Episcopatum promoveri quispiam deberet, ita conclusit: *Hæc autem singulis gradibus observanda sunt tempora: si ab infantia ecclesiasticis ministeriis nomen delegerit, inter lectiores usque ad vigesimum ætatis annum continuata observatione perduret. Si major jam, & grandævus accesserit, ita tamen, ut post baptismum statim se divinæ militiæ desideret mancipari, sive inter lectiores, sive inter exorcistas quinquennio teneatur, exinde acolythus, vel subdiaconus quatuor annis, & sic ad benedictionem diaconatus, si meretur, accedat, in quo ordine quinque annis, si inculpate se gesserit, hæere debet. Exinde suffraganeis stipendiis, per tot gradus datis propria fidei documentis, Presbyterii Sacer-*

Sacerdotium poterit promereri. De quo loco si cum exactior ad bonos mores vita prodixerit, Summum Pontificatum sperare debet. Hac tamen lege servata, ut neque digamus, neque poenitens ad hos gradus possit admitti. Sane, ut etiam Defensores Ecclesie, qui ex laicis sunt, supradicta observatione teneantur, si meruerint esse in ordine clericatus. Integra descripti Zosimi verba, ex quibus emendaretur, supplereturque Gratiani fragmentum in canone 2. dist. 77., cum quo opportunum erit jungere canonem 3. ejusdem distinctionis, ut adpareat, Zosimi sententiam plurimum consonare cum sententia Siricii decessoris.

De epistola ad Episcopos Provinciae Viennensis, & Narbonensis II.

Romani Correctores ad canonem 7. cau. 25. qu. 1. testantur, se eam epistolam non invenisse; ad quam Gratiani fragmentum referrent. Tantum attigerunt, apud Ivonem Carnotensem tum in decreto parte 4. cap. 226., tum in epistola 60. ad Hugonem Lugdunensem laudari verba Zosimi ex epistola ad Episcopos Provinciae Narbonensis, & forte fragmentum Gratiani pertinere ad epistolam ad Episcopos Galliz, & Hispaniz, quam ipse Zosimus in epistola ad Hefychium se scripsisse testatur. Hodie conjecturis hujusmodi nullus locus superest; cum editz sint epistolae illius Pontificis, sive ad Episcopos Galliz, & Hispaniz scriptae, sive ad Episcopos Viennensis, & Narbonensis II. Provinciae, ad quam postremam exigere oportebit memoratum canonem 7., quae defuncto supplendo, quaeque corrupta sunt emendando. Est in recentioribus collectionibus epistola numero 7. sub hac inscriptione: *Zosimus Episcopis Provinciae Viennensis, & Narbonensis II. a pari.* (a pari, idest duobus paribus missis epistolae exemplaribus, quorum unum ad Viennenses, alterum ad Narbonenses directum significaretur) Conqueritur ibidem Zosimus de Proculo Massiliensi Episcopo, quod contra veterem formam ordinationes nonnullorum celebrasset, utpote qui per obreptionem obtinuerat in Concilio Taurinensi, ut tanquam Metropolitanus Narbonensis II. Provinciae haberetur. Conqueritur praeterea de Simplicio Episcopo Viennensi, qui similem ordinandorum Viennensis Provinciae Episcoporum auctoritatem sibi vindicaverat, velut Archiepiscopus. Atque ideo Pontifex Maximus id factum improbat, quia haec ordinandorum utriusque Provinciae Episcoporum potestas ad Arelatensem Episcopum ex antiquo jure spectabat. En verba epistolae, ad quae exigendus erit, emendandusque Gratiani canon: *Indecens ausus, & in ipso vestibulo resecandus, hoc ab Episcopis ob certas causas Concilium agitantibus extorquere, quod contra statuta Patrum, & Sancti Trophimi reverentiam, qui primus Metropolitanus Arelatensis Civitatis ex hac sede directus est, concedere, vel mutare ne hujus quidem felis possit auctoritas. Apud nos enim inconcussis radicibus vivit antiquitas, cui decreta Patrum sanxere reverentiam.*

Quae ut clarius intelligantur, observandum est, veterem famam fuisse apud Arelatenses, quae ferebat S. Trophimum Pauli Apostoli discipulum ab Apostolo eodem in Gallias missum, qui primus ibidem Evangelium praedicavit, atque Arelatensem Urbem elegit, in qua velut Episcopus resideret, quaeque propterea haberi cepit velut Urbs Gallicanae Ecclesiae Princeps. Hac vulgari fama commoti Episcopi Arelatenses Primatis jura sibi vindicaverunt in Galliis, pro quibus juribus iam

ardentius pugnarunt, quum Arelatenſis Urbs ex imperatoria diſtributione facta fuit ſedes Præſecturæ Galliarum, quaſi nobilem hanc civilem dignitatē eccleſiaſtica ſingularis prærogativa ſequi deberet. Inter cetera Epicoſcopus Arelatenſis in vim Primatus ad ſe pertinere aſſebat ordinationes omnium Epicoſcoporum in finitimis Provinciis conſtituendorum. Arelatenſi Epicoſcopo acerrime obſtiterunt Maſſilienſis, & Vienneniſis Epicoſcopi, quorum prior in Narbonenſi II., alter in Vienneniſi Provincia ſe Metropolitanum aſſebat, unusquiſque autem ordinationem ſuæ Provinciæ Epicoſcoporum ſibi adſerebat. Deducta controverſia fuit ad Concilium Taurinenſe (quod vulgo celebratum ferunt anno 397.), ſed in eo nihil ſingulare conſtitutum adparet, ex quo controverſia omnis ſine diſcrimine finiretur. Etenim nihil aliud decreverunt Taurinenſes Patres de Proculo Maſſilienſi Epicoſcopo, quam ut ordinaret Epicoſcopos in II. Narbonenſi Provincia in iis tantum Eccleſiis, quæ vel ipſius Parochiæ docerentur eſſe, vel eos habuiſſe Rectores, qui diſcipuli Maſſilienſis Epicoſcopi aliquando fuiſſent. Nihil aliud præterea decreverunt de Arelatenſi, ac Vienneniſi Epicoſcopis, quam ut ſi haberet Primatus honorem, qui civitatem ſuam probaret eſſe Metropolim, adjecto conſilio pacis ſervandæ cauſſa, ut ſi forte iidem Epicoſcopi conſenſiſſent, unusquiſque illas Eccleſias ſibi ſubjectas agnoſceret, prout civitati aut Arelatenſi, aut Vienneniſi eſſent propiores, can. 1. & 2. Concilii Taurinenſis. Patroclus Epicoſcopus Arelatenſis circa annum 417. cum agnoſciſſet aut ſatis dignitati ſuæ conſeſſum non fuiſſe, aut rem non fuiſſe omnino diſcuſſam in Taurinenſi Concilio, apud Zoſimum Pontificem cauſſam ſuam egit, ita ut nonnulla privilegia præ ceteris Galliarum Epicoſcopis ab Apoſtolica Sede obtinuerit. Extat inter epiſtolas Zoſimi epiſtola 5. ad univerſos Epicoſcopos per Gallias, & ſeptem Provincias conſtitutos, ex qua nonnulli repetunt initia Vicariatus Arelatenſis. Ibidem Zoſimus hoc privilegium Patroclo Arelatenſi, *meritorum ejus ſpeciali contemplatione* conceſſit, ut nemo ex Epicoſcopis Gallicanis proficiſceretur exira Provinciam, niſi ſuſceptis prius formatis epiſtolis ab Epicoſcopo Arelatenſi, item ut ipſe Arelatenſis Epicoſcopus præcipuum in ordinandis Sacerdotibus auctoritatem haberet, nec non Vienneniſem, Narbonenſem I., & Narbonenſem II. Provincias ad Pontificiū ſuum revocaret; demum, ut ſiquod negotium in Galliis emergeret, ad ejuſdem Arelatenſis Epicoſcopi notitiam referretur, niſi magnitudo cauſſæ examen etiam Pontificis Maximi requireret. Hæc eadem privilegia confirmare viſus eſt idem Zoſimus in epiſt. 6. ad Epicoſcopos Africæ, Galliz, & Hiſpaniz, data eodem anno nonnullos poſt menſes, ubi reprobatit ordinationem Urſi, & Tuentii a Proculo Maſſilienſi factam, non interveniente auctoritate Patrocli Epicoſcopi Arelatenſis; ex qua epiſtola ſicut adparet Gallicanos Epicoſcopos, quorum intererat, non ſervaffe ſtium ſua conceſſi Epicoſcopis Arelatenſibus, ita etiam probatur Pontificem Maximum in eiſdem privilegiis, & juribus cuſtodiendis, tuendiſque non mediocriter viſiſſe. Poſt paucos dies nova prodiit conſtitutio Zoſimi, illa ſcilicet, de qua ſuperius ſermonem inſtitui, ex qua ſumtus eſt Gratianus canon 7. cau. 25. qu. 1. Proſtuebatur Zoſimus, Arelatenſi Eccleſiæ jura, & ſingularem præ ceteris Gallicanis Eccleſiis honorem antiquiſſimis institutionibus inniti, præſertim vero in reverentia Sancti Trophimi Apoſtolorum diſcipuli, & primi Arelatenſis Epicoſcopi generaliter cuſtodia fuiſſe privilegia Arelatenſis Eccleſiæ. Cum vero obſervaretur canon Concilii Taurinenſis, quo percepto non ſuit eruebatur, quis præferendus, an Maſſilienſis, an Vienneniſis, an Arelatenſis Epicoſcopus eſſet, id exiſtimavit ſictum fuiſſe

fuisse ex callidis artibus aut Massiliensis, aut Viennensis Episcopi, quasi filii eundem canonem a Taurinensibus Patribus subripuissent. Hunc *indecentem ausum*, & in ipso *sestibulo refecandum* appellavit Zosimus, profitens, Primatum Arelatensem adeo statutis Patrum, & in Sancti Trophimi reverentiam esse firmatum, ut illius jura mutare nec Apostolicæ quidem Sedis posset auctoritas.

Hæc est germana, & juxta integram epistolæ sententiam accommoda memorati canonis interpretatio. Utrum vero subsequenter temporis Pontificibus Maximis ista placuerint, valde dubito. Neque enim defunt, qui asserunt, Zosimum Pontificem circumventum fuisse fraudibus Patrocli Arelatenfis ejus privilegii obtinendi causa: quæ fraudes ubi detectæ fuerunt, tantum abest, ut Pontifices Maximi semel concessa jura firmarent, quin potius acri animo iisdem juribus evertendis incubuerint. Non defuerunt etiam aliquot (quos tamen temere judicasse facile reor) qui voluerunt, ab initio Zosimum fuisse Arelatenfis Episcopi, aut Sedis Apostolicæ jurisdictionis amplificandæ studio, dum Vicariatus Romanus in Gallia constitueretur, aut captandæ benevolentiz Episcopi Arelatenfis, apud quem multa esse poterat Imperatoris gratia, cum Urbs Arelatenfis Præfecturæ Galliarum dignitate decorata, tunc esset. Illud certissimum est, S. Leonem Magnum in epistola ad Episcopos Provinciæ Viennensis, quæ apud Quesnellium est 10., revocasse privilegia Arelatenfis Ecclesiæ, ea occasione, quod, ut ibidem legitur, Hilarius Arelatenfis novis præsumtionibus Ecclesiarum statum turbaret, & ordinationes omnium per Gallias Ecclesiarum sibi vindicaret, debitam Metropolitanis Sacerdotibus in suam transferens potestatem. Verba Leonis hæc sunt inter cetera: *Quid sibi Hilarius querit in aliena Provincia, & id, quod nullus decessorum ipsius ante Patroclum habuit, quid usurpat? Cum & ipsum, quod Patroclo a Sede Apostolica temporaliter videtur esse concessum, postmodum sit sententia meliore sublatum.* Addi his posset novella Valentiniani III. Augusti, quæ adjecta est epistolæ memoratæ Leonis. Tempore autem Symmachi Papæ, uti patet ex ejus epist. 9. ad Episcopos Galliz, Arelatenfis Ecclesia videtur quidem Metropoleos honore donata, ut suas haberet Dioceses, uti hodie appellamus, suffraganeas, at suæ quoque essent Dioceses suffraganeæ Archiepiscopo Viennensi, quasi duo Metropoles æquali omnino jure positæ. Hinc brevi eo res devenit, ut Primatus Arelatenfis in universas Galliarum Ecclesias vix aliquo tempore consisterit. Quæ cum ita sint, difficultatem movere gravissimam videntur memorata Zosimi verba in canone 7. cau. 25. qu. 1., quæ indicant, privilegia semel constituta favore Ecclesiæ Arelatenfis, ne Sedis quidem Apostolicæ auctoritate potuisse mutari, nisi forte quis ita interpretetur verba Pontificis Maximi, ut nequeant ea jura semel constituta mutari, nisi tamen gravis Ecclesiarum utilitas, aut necessitas aliud exposcere videatur, quemadmodum postulavit, quum sub Leone Magno præter fines suos Arelatenfis Ecclesiæ jurisdictio egredi dignoscatur.

Mihi sane non omnino displicet, quod hac in re nonnulli opinati sunt, videlicet epistolas illas, quæ in causa Arelatenfis Ecclesiæ nomine Zosimi editæ circumferuntur, recentioris alicujus manu esse confectas, ab eo fortassis, qui in gratiam Arelatenfis Ecclesiæ, & Episcopatus scribere voluerit; puta eo tempore, quo acerrimæ de eo Primatu contentiones vigerent, aut quo Arelatenfes Episcopi antiqua privilegia recuperare studuerunt, quod contigit tempore Gregorii Magni; quemadmodum patet ex ejusdem Papæ epist. 50. lib. 4. ad Virgilium Arelatensem.

Non

Non ignoro harum epistolarum suscepisse patrocinium Paschasium Quesnellium in sua appendice ad Leonem Magnum dissert. 5. cap. 6., verum quæ ille ibidem refert suæ propositionis argumenta non tanti ponderis esse videntur, quæ necessario me in eandem veluti trahant opinionem, neque inducendus ab ipso erat Morinus Scaligerum ridens, quod Scaliger de illarum epistolarum fide dubitasset, cum idem Quesnellius statim fateatur se dubitare, utrum Morinus in præconcepta adversus Scaligerum opinione perfluerit. Refert Quesnellius ad rem suam canonem 8. Concilii Francofordiensis anni 794., ubi in causa Viennensis, & Arelatensis Episcoporum lectæ dicuntur in Concilio epistolæ Zosimi inter ceteras. Id quidem demonstrat, jam sub finem octavi sæculi epistolas Zosimi, de quibus agitur, editas extitisse, non revera a Zosimo scriptas. Refert præterea epistolam 30. lib. 4. Gregorii Magni, ubi Virgilio Arelatensi jura, quæ ex pristina consuetudine competere dicuntur Episcopis Arelatensibus, restituiuntur. Nihil vero hæc probant pro epistolis Zosimi, cum aliud sit ex consuetudine privilegia, & honores habuisse, aliud obtinuisse ex epistolis Pontificis Maximi. Aut si forte aliquid probarent Gregorii verba, tantum supponerent ejusdem Gregorii tempore evulgatas epistolas ipsas, Zosimoque adtributas, ut facilius ab Apostolica Sede Virgilio Arelatensis petitionibus satisficeret.

Certa sejungantur ab incertis. Certum habeo quidem, sub Zosimo Pontifice quædam jura concessa fuisse Patroclo Episcopo Arelatensi, sed ea Patrocli ejusdem personam minime egrediebantur. Testis est hujus rei omni fide dignissimus, & fere contemporaneus Leo Magnus, qui in epistola ad Episcopos Viennensis Provincie 10. apud Quesnellium Hilariū Arelatensem insequitur, quod Projectum Episcopum deturbaverit ab Episcopatu suo his verbis: *Quid sibi Hilarius querit in aliena Provincia, & id, quod nullus decessorum ipsius ante Patroclum habuit, quid usurpat, cum & ipsum, quod Patroclo a Sede Apostolica temporaliter videbatur esse concessum, postmodum sit sententia meliore sublatum?* Ex inscriptione hujus epistolæ adparet, Projectum in Viennensi, non in Arelatensi Provincia Episcopum fuisse, quod magis, ac magis indicant descripta Leonis verba, quibus objurgatur Hilarius, quod in aliena Provincia Episcoporum causas tractasset, & in ea quidem aliena Provincia, quam ante Patroclum nemo ex Episcopis Arelatensibus habuit, & quum Patroclus habuit, a Sede Apostolica ex speciali habuit concessione, deinde sententia meliore sublatam. Hanc sane sententiam Leonis non intellexit meo judicio Quesnellius, qui in dissertatione apologetica pro Hilario parte 2. cap. 2. voluit, Projectum non pertinere ad Viennensem Provinciam, occasioneque hinc arripuit sine causa corrigendi Baronium ad annum 445. num. 13., & Sammarthanos in Gallia Christiana, quorum judicio gravissimo Projectus in Viennensi Provincia Episcopus adseritur. Quæ cum ita sint, præjudiciis sepositis, agnoscendum erit personale, aut ad tempus omnino concessum, quod privilegium Zosimi Episcopo Arelatensi concesserat. His vero præjactis facilius adfero, eas epistolas, quæ Zosimi nomine ad firmandum Arelatensis Ecclesiæ Primatum vulgo circumferuntur, & præcipue memoraram, ex qua sumtus est Gratianus canon 7. cau. 25. qu. 1., vere Zosimi non esse.

Non hæc adferam epistolas hæc in Codice Ecclesiæ Romanæ vetere, aut in Codice Mercatoris, aut Dionysii Exigui desiderari: Sit enim hoc apud Quesnellium levissimum argumentum, Tantum id observatum velim, ut dignoscatur, ad

olten-

ostendendam epistolarum istarum veritatem nullum ex vetustissimis illis Codicibus præsidiū accedere posse. Dicam potius, temporibus Bonifacii, & Cœlestini plures motas fuisse controversias inter Episcopum Arelatensem, & Episcopos Viennensem & Massiliensem, quod Arelatensis Episcopus singularia sibi qua in Viennensi, qua in Narbonensi Provincia sibi vindicaret. Attamen Arelatenses Episcopi nunquam epistolas Zosimi commemorarunt, nedum ostenderunt, sed tantummodo vetustam consuetudinem allegarunt, quam Leo Magnus nuper laudatus probare non potuit, asserens ante Patroclum Arelatensibus ex Episcopis neminem singularia jura in Viennensem Provinciam explicare potuisse. Quomodo vera hæc essent, si genuinæ essent Zosimi epistolæ, in quibus adseritur, Primum Arelatensem in Viennensem Provinciam ex veteribus Patrum statutis descendere? Quomodo Leo Magnus nuper laudatus sententia meliore sublatum esse profiteri potuit privilegium Arelatensis Ecclesiæ, si vera est epistola Zosimi, si genuinus est memoratus canon 7. Gratianus, in quo dicitur privilegium esse, quod nec Apostolicæ quidem Sedis mutare posset auctoritas? Quomodo Bonifacius Zosimi Successor in epistola 3. ad Hilarium Narbonensem improbasset sacrum Patrocli Arelatensis, dum Lutubensem in Narbonensi Provincia Episcopum ordinavit? Quomodo Cœlestinus Bonifacii Successor Bonifacii ipsius sententiam confirmavit in epistola ad Episcopos Provincie Viennensis, & Narbonensis cap. 4., ubi voluit servandos esse uniuscujusque Provincie terminos, quemadmodum jam statuerat Bonifacius contra Episcopum Arelatensem? Quomodo aut Leo Magnus non longe postea, aut Symmachus Papa, qui se profitentur Viennensis, & Arelatensis Ecclesiæ jura scrutatos fuisse, & a subreptionibus expurgasse, vel nullam mentionem fecerunt memoratarum Zosimi epistolarum, vel etiam contra ipsas epistolas nullum jus Arelatensi Ecclesiæ in Viennensem tribuere potuerunt? Ego sane non adeo facile percipere possum, tot Pontifices Maximos adversus Arelatensis Ecclesiæ privilegia sententiam pronuntiassent, si præ manibus eorundem Pontificum extitissent decretales Zosimi, de quibus agimus, aut tanquam genuinæ habitæ fuissent.



CAPUT XXXIX.

De Bonifacio .

Quatuor sunt hujus nominis Pontifices a Gratiano commemorati .
Bonifacio I. tribuuntur sequentes Canones .

- | | | |
|---|---|---|
| Ex epist.
ad Honorium,
cui jungendum | { | <i>Can. 1. dist. 97. ex integris exemplaribus emendandus .</i> |
| Rescriptum
Honorii ad
Bonifacium . | { | <i>Can. 8. dist. 79. { simul jungendi , atque ad integrum re-
Can. 2. dist. 97. { scriptum exigendi ..</i> |
| Ex epist. ad
Episcopos
Galliarum . | { | <i>Can. 10. cau. 3. qu. 9. ex integra epistola emendandus , ac sup-
plendus .
Can. 3. cau. 6. qu. 4. pertinet potius ad novellas Justiniani .
Can. 7. cau. 11. qu. 1. Marcellino restitutus .
Can. 8. cau. 11. qu. 1. pertinet ad novellas Justiniani .</i> |
| Ex epist. ad
omnes Calari-
tanæ Ecclesiæ
Cœnobitas . | { | <i>Can. 2. cau. 1. qu. 2. apocryphus , & a Gratiani proposito
alienus .</i> |
| Adjiciuntur . | { | <i>Can. 1. dist. 78. est potius Concilii Neocesariensis .
Can. 3. cau. 12. qu. 2. pertinet ad Capitularia Francorum .
Can. 41. cau. 16. qu. 7. pertinet ad Capitularia Theodori Can-
tuariensis .
Can. 3. cau. 17. qu. 2. pertinet ad Capitularia Francorum .</i> |

De epistola ad Honorium Augustum , ejusdemque
Honorii rescripto ad Bonifacium .

POst obitum Zosimi sub finem anni 418. miserando schismate discissa fuit Ec-
clesia Romana; Clero enim, ac populo in duas partes diviso, alii Bonifa-
cium, alii Eulalium in Episcopum ordinarunt: & quidem acris illa seditio Rei-
publicæ Romanæ exitium facile peperisset, nisi Honorius Augustus opportuno
proposito edicto curasset, ut interea sive Bonifacius, sive Eulalius Roma recede-
rent, discussione causæ principalis commodiore tempore celebrandæ Synodo refer-
vata. Itaque ambo electi Roma discesserunt, sed Eulalius adventante Paschali fe-
stivitate Romam sponte se contulit sacra celebraturus. Displicuit id optimis omni-
bus,

bus, & pacis amatoribus, præsertim Honorio Augusto, qui Episcoporum sollicitudinem excitavit, ut factio Concilio causam dirimerent. Celebratum Concilium, est, ad quod conveniunt Episcopi 250., prolataque sententia Bonifacio Pontificatum Maximum adjudicaverunt. Nec mora: itatim parati omnium animi Bonifacium receperunt; imo & Eulalius ipse quievit adeo, ut post mortem Bonifacii, quæ accidit anno 423., a Romano populo vocatus, ut Sedem ipse Pontificiam haberet, si fides est Libri Pontificalis auctori, penitus recudaverit. Ex hac brevi enarratione facile intelligitur tum epistola Bonifacii Papæ ad Honorium Augustum, tum ejusdem Honorii rescriptum ad Bonifacium. Romanam jam Sedem sine controversia obtinuerat Bonifacius, qui agnoscens, quantum publica Ecclesiæ quies Honorii vigilantix, atque auctoritati deberet, epistolam ad Imperatorem scripsit, quam integram refert Gratianus in can. 1. dist. 97. Hanc ego exhibebo ex Codice antiquissimo Dionysii Exigui, ex quo Gratianus Codex erit in aliquibus emendandus. Epistolæ hoc superadjecum est argumentum: *Supplicatio Papæ Bonifacii, ut constituatur a Principe, quatenus in urbe Roma nunquam per ambitum ordinetur Antistes*. Deinde ita epistola ipsa subjicitur: *Bonifacius Episcopus Honorio Augusto. Ecclesiæ meæ, cui Deus noster meum Sacerdotium vobis res humanas gerentibus deputavit, cura constringit, ne causis ejus, quavis adhuc corporis incommoditate detinear, propter conventus, qui a Sacerdotibus univrsis, & Clericis, & Christianæ plebis perturbationibus agitantur, apud aures Christianissimi Principis desin. Si quidem secus, quam oportet, eveniat, non vos id facere, qui cuncta æqua moderatione componitis; sed nos per nostram tacentes desilium videlicet, quod civitatis quietem, & Ecclesiæ pacem pervertere valeat, admisisse. Cum enim humanis rebus divinæ cultor religionis, Domino favente, præsideas, nostra culpa erit, si non id sub vestra gloria (quam certum est divinis semper rebus animo promptiore fuisse) firmo, & stabili jure custodiat, quod per tot annorum seriem, & sub illis etiam Principibus obtinuit, quos nulla nostræ religionis cura constrinxit, idest, ut serventur licita, & sub vestræ imperio clementiæ minime, quæ sunt illicita, formidentur. Ipsa enim Ecclesiæ devotionem tuam, Christianissime Imperator, meo quidem sermone, sed suo venerabili appellat affectu, quam Christus Dominus noster, vestri fidus rector, & gubernator imperii uni desponsatam sibi, & intactam virginem servat; nec in ea aliquos potiamini insidiantium procellarum stultus illidi, & quietam faciem tempestatis insolite tumore turbari, gloriosissime, & tranquillissime Imperator Auguste, ipsa vero, quæ uni desponsata, vestra tamen mater est, Ecclesiæ, hæc pietatem vestram legatione, quam suis Sacerdotibus commisit, appellat, præterita, præsentiaque repetit. Vobis, inquit, religiose imperantibus modo tutus est populus, tam filius Deo, quam tibi, qui es Princeps Christianus. Ecce enim inter ipsa mysteria, inter preces suas, quas pro vestri felicitate pendit imperii, teste apud quem, & de cujus Sede agitur, Sancto Petro, sollicitis pro Religionis observantia vocibus clamat, cum sollicita petitione miscetur oratio; ne nos in varias res semel evulsa distrahat a cultu solito, tentatore sollicitante, discordia. Ageret pluribus, Princeps Christianissime, nisi apud te suarum esset secunda causarum, & nisi in oppressibus idolorum, in hæreticorum correctionibus, fide tua, divino cultu pariter cum imperio semper florente, vicisset. Habet refugium, pium tuæ mansuetudinis animum cum suæ religionis veneratione conjunctum. Cum quidquid vult proficiat, vos agatis, conservatis Fratribus, & Confacerdotibus meis, probatissimis viris, a me, & ab omnibus, qui Ecclesiam faciunt istiusmodi, legatis, quibus precamur sacræ causam religionis prosequentibus, in Urbe vestræ*

Can. 1.
dist. 97.

manusculis, hoc animo, quo postulatis annuisti, in perpetuum statui universalis Ecclesie consularis. Datum Kal. Julii. Noverat itaque, expertusque fuerat Bonifacius, quantum in sedando schismate valuisset pridem Imperialis auctoritas, siue quum Honorius schismate ipso vix suboriente publicæ tranquillitati, quodam veluti interdicto, consuluit, siue quum convocatis Ecclesiasticis Patribus postremam negotio manum admovendam provido consilio suasis, illudque ad finem usque salubriter, & publica cum utilitate perduxit. Non dubitavit propterea Pontifex Maximus, quin generalem disciplinam in similibus controversiis sequendam ab Imperatore ipso postulari, ut, si forte novo duorum electorum schismate Romana Ecclesia turbaretur, certum jus præstitutum jam foret, quo viri Ecclesiastici sine mora duci possent.

Can. 2. Quid vero Honorius ad Bonifacium rescripserit, facile constat ex epistola Honorii ipsius, quam idem Dionysius Exiguus refert his verbis: Rescriptum Honorii
dist. 97. Augusti ad Bonifacium Papam Romanum, in quo statuit, ut si denuo Romæ Episcopi
Can. 8. ordinati fuerint duo, ambo de civitate pellantur. Villor Honorius, inclitus triumphator, semper Augustus sancto, ac venerabili Bonifacio Papæ Urbis æternæ. Scripta
dist. 79. beatitudinis tuæ (hic est canon 2. dist. 97.) debita reverentiæ gratulatione suscepi-
mus, quibus recensitis egimus omnipotenti Deo maximas gratias, quod sanctimoniam
tuam post longum incommodum optatæ redditam didicimus sanitati. Et ideo reverentibus
venerabilibus viris gaudium nostrum sacrorum opicum adfectione signamus, ac petimus,
ut quotidianis orationibus Apostolatus tuus studium, ac votum suum circa salutem, atque
imperium nostrum dignetur impendere. Illud autem pietati nostræ facis placitum
esse cognosce, quod sanctimonia tua de Ecclesiarum, aut populi perturbatione sollicita est.
Quæ ut ne aliqua ratione possit evenire, satis clementia nostra credidit esse provisum.
Denique Beatitudine tua prædicante, id ad cunctorum Clericorum noticiam volumus per-
venire, ut, siquid forte religioni tuæ, quod non optamus, humana forte contigerit, sciant
omnes ab ambitionibus esse cessandum. At si duo (quæ sequuntur omisit Gratianus in
dicto canone 2. dist. 97., sed retulit in can. 8. dist. 79.) contra fas temeritate
certantes fuerint ordinati, nullum ex his futurum penitus Sacerdotem, sed illum solum
in Sede Apostolica permansurum, quem ex numero Clericorum nova ordinatione divinum
iudicium, & universitatis consensus elegerit. Unde id observandum est (hæc omittun-
tur in canone 8. dist. 79., habentur autem in canone 2. dist. 97.), ut omnes tran-
quillam mentem, & pacificos animos ex serenitatis nostræ admonitione custodiant, nec ali-
quid seditiosis conspirationibus tentare conentur, cum certum sit, nulli partium sua ju-
ra profutura.

De Epistola ad Episcopos Galliarum.

Quæ secundo loco apud Dionysium Exiguum Bonifacio epistola tribuitur, hanc habet inscriptionem: Bonifacius Episcopus, Patreolo, Remigio, Maximo, Hilario, Severo, Valerio, Juliano, Castorio, Leontio, Constantino, Johanni, Momano, Marvino, Mauricio, & ceteris Episcopis per Gallias, & septem Provincias constitutis. Argumentum epistolæ anno 419. scriptæ hoc fuit: Accusatus jamdudum fuerat penes Romanos Pontifices Bonifacii decessores Maximus quidam Episcopus Valentiniæ urbis, quod jamdiu confectæ Manichæorum hæresi adhæreret, homicidii etiam

etiam aliorumque gravissimorum criminum reus esset. Pontifices iidem provinciam, ut Bonifacius scribit, cognitionem delegaverunt, ea, ut arbitror, ratione, quod Sardicenf Concilium in can. 3. definiverit, Episcoporum causas primum in Provincia discutiri. Maximus variis tergiversationibus subdole iudicium evasit, donec a Clericis Valentini civitatis deducta controversia est ad Bonifacium. Hic autem Pontifex iussit, ut ad ejus dirimendam causam Concilium intra Provinciam celebraretur, cujus sententia Apostolica auctoritate tandem confirmaretur juxta Can. 10. cau. 3. memoratum Sardicensem tertium canonem. Ex hac epistola non aliud apud Gratianum fragmentum habemus, quam canonem 10. cau. 3. qu. 9., cujus verba ita 94. 9. legenda erunt: *Dilationem dedimus, & decrevimus vestrum debere intra Provinciam esse iudicium, & congregari Synodum ante diem Kalendarum Novembrium, ut si adesse voluerit, presens, si confidit, ad objecta respondeat; si adesse neglexerit, dilationem sententiae de absentia non lucretur, nam manifestum est confiteri eum de crimine, qui indulto, & toties delegato iudicio, purgandi se occasione non utitur. Nihil enim interesse, utrum in praesenti examine omnia, quae dicta sunt, comprobentur, cum ipsa quoque confessione procurata toties constet absentia. Nos autem per omnes Provincias literas dirigemus, ne excusationem sibi ignorantiae obtendat: ut ad Provinciam venire cogatur, & illic se constituto praesentare iudicio. Quidquid autem vestra charitas de hac causa duxerit decernendum, cum ad nos relatum fuerit, nostra, ut concedet, necesse est auctoritate firmetur.*

Tria quidem supersunt apud Gratianum capita, quae eandem exhibent inscriptionem, videlicet Bonifacii in epistola ad Episcopos Galliarum; sed revera neque ad hanc, neque ad aliam Bonifacii epistolam pertinent. Is est in primis canon 3. cau. 6. qu. 4., cujus inscriptio olim erat ita concepta: *Bonifacius Papa populis Galliae*, quemadmodum testantur Correctores Romani, qui sive ex vetustis aliquot codicibus, sive ex vetustioribus Collectoribus scripserunt: *Episcopis Galliae*. Porro canon idem referendus erit ad Novellam Justiniani Imperatoris 123. cap. 34. apud Julianum antecessorem, sive 123. cap. 22. apud Haloandrum ibi: *Siquis vero sanctissimorum Episcoporum ejusdem Synodi dubitationem aliquam ad invicem habeat, sive pro Ecclesiastico jure, sive pro aliis quibusdam rebus, prius Metropolita eorum cum aliis de sua Synodo Episcopis causam examinet, & judicet, & si non rata habuerit utraque pars, quae judicata sunt, tunc Beatissimus Patriarcha Diareses illius inter eos audiat, & illa determinet, quae Ecclesiasticis canonibus, & legibus consonant, nulla parte ejus sententiae contradicere valente*. Si haec cum fragmento Gratiani conferantur, nemo non ibidem inveniet eandem omnino sententiam, & vix vocum discrimen agnoscat, quod ex varia Graeci idiomatis interpretatione profectum est. Cur vero Justinianae Constitutioni inscriptum fuerit Bonifacii nomen, & quidem in epistola ad Episcopos Galliae, duplex reddi ratio potest. Nimirum in primis animadvertere juvat, cum eodem canone 3. nonnihil consonare laudatam epistolam Bonifacii ad Episcopos Galliarum in causa Maximi Valentini; cum Bonifacius voluerit habendam esse in Ecclesiastica, de qua agebatur, controversia rationem Provincialis Synodi, ac propterea Metropolitanis Episcopis, qui Provinciali Synodo praesesse solet; quod fere ipsum in Novella Justiniani Constitutione definitum adparet. Verosimile igitur esse potest, studiosum quempiam ad marginem legis Justinianae nomen Bonifacii Papae in epistola ad Galliarum Episcopos adscripsisse, ut indicaret, similia quaedam in ea epistola contineri, quae adnotatio marginalis translata

deinde fuerit in ipsam legis inscriptionem. Altera ratio reddi potest, quod veteres canonum Collectores in codicibus suis aperte non auderent leges Imperatorias canonibus sacris intermiscere. Primus ex Græcis Collectoribus id egit prope finem sexti sæculi Johannes Antiochenus cognomento Scholasticus, at ex Latinis nemo ante sæculum undecimum, sed primus Deusdedit Cardinalis circa annum 1087. Imperatorias leges Summorum Pontificum, ac Conciliorum decretis adiecit; & quoties opportunum esse poterat ad rem aliquam discutiendam quoddam legum Imperatoriarum monumentum, satius duxerunt veteres referre quidem, sed immutato nomine auctoris, ex. gr. illi Pontifici tribuendo fragmenta, qui Cathedram Apostolicam tenebat tempore legis latæ. Forte igitur evenire potuit, ut vetustus quispian Latinus Collector laudare vellet in suo codice sententiam memorati canonis 3. cau. 6. qu. 4. Ut vero ab Justiniani nomine abstineret, Bonifacium Papam laudandum potius voluit, non ejus nominis primum, sed secundum, utpote qui temporibus Justiniani vivebat, ratus Bonifacio II. tribui posse, quod Bonifacii ejusdem tempore in rebus Ecclesiasticis ab Imperatore constitutum fuerat, præsertim cum solerent Imperatores nihil ad Ecclesiasticam utilitatem constituere, nisi aut suadentibus, aut precantibus etiam Pontificibus Maximis, quorum intererat rebus sacris ea ratione consulere, ut opportune leges editæ paratam haberent commodam executionem.

Can. 7. Hæc eadem, arbitrò, causa esse potuit, cur Bonifacio tribueretur canon 8.
8. cau. 11. qu. 1. in vetustissimis quibusdam Gratiani codicibus, licet in aliquibus
can. 11. Marcello, vel Marcellino adscriberetur, quemadmodum observant Romani Cor-
qu. 1. rectores. De canone 7. eadem causa, & questione non est, cur verba faciam: etenim quod in veteribus adpositum esset Bonifacii nomen in epistola ad Episcopos Galliarum, non a Gratiano profectum est, sed potius ab eo, qui Paleas Gratiano codici inseruit; is enim canonem illum septimum, qui incipit, *quæcumque*, interjecit inter inscriptionem canonis nullus sequentis, & inter ipsum canonem nullus sequentem; quamobrem Marcellini, & Bonifacii nomen sedem suam mutare potuerunt, ut canon 7. Marcellino tribuendus tribueretur Bonifacio, & viceversa adscriberetur Marcellino, vel Marcello canon 8., quem Gratianus ex Bonifacio laudaverat. Hodie canon 7. restitutus est suo auctori, seu Marcellino Papæ in epistola 2. ad Episcopos orientales, si tamen Marcellinus ejus epistolæ auctor est; & canon 8. eam habet inscriptionem, quam Gratianus adjecerat. Quamquam vero Gratianus ab Ivone Carnotensi parte 5. cap. 278., aut a Burchardo lib. 1. cap. 168. eam inscriptionem acceperit, illud tamen certum est, canonem ipsum non Bonifacio, sed Justiniano Imperatori tribuendum fore, quemadmodum tribuit idem Ivo in eadem parte 5. cap. 369. Referendus itaque canon erit ad Novellam 123. cap. 7. & 8., ex qua etiam emendandus erit his verbis: *Nulli vero Judicum licet Dei amabiles Episcopos cogere ad iudicium venire pro exhibendo testimonio, sed quisque mittat ad eos quosdam ex personis ministrantium sibi, ut propositis Sanctis Evangeliiis, secundum quod decet Sacerdotem dicant, quæ noverint. Sed neque pro qualibet pecuniaria causa, vel criminali Episcopum ad Judicem civilem, aut militarem invitum producere, aut exhibere citra Imperialem iussionem permittimus, sed Judicem, qui tale aliquid sive ex scripto, sive ex non scripto præsumserit imperare post cinguli privationem viginti librarum auri pœnam exsolvere jubemus Ecclesiæ, cujus Episcopus produci, aut exhiberi iussus est; executorem similiter post cinguli privationem, & verberibus subden-*
dum,

dum, & in exilium deportandum. Duo igitur emendanda sunt apud Gratianum. Primum in inscriptione auctoris consistit, ut pro Bonifacio Justinianum supponamus, nisi forte quispiam adhuc retinendum Bonifacii nomen iudicaret, quod opportunum videatur ad rem propositam Bonifacii ejusdem fragmentum ex epistola jam memorata ad Episcopos Galliarum, ubi de Maximo Episcopo gravissimorum criminum reo legitur: *Quem furore suo, & insana temeritate ad secularium quoque Judicium tribunalia subditum quaestioni, quod in vili quoque persona turpissimum est, obicerent pervenisse, & damnandum asserunt, gestis prolatis in medium.* Alterum spectat ad supplendum canonem ex ipsamet Justiniani constitutione; etenim quod Gratianus simpliciter asseruit, nulla exceptione subiecta, non aliter probavit Justinianus, quam adjiciendo: *Citra Imperialem iussionem, quæ verba neque Ivo Carnotensis omisit in dicto cap. 369. ibi: Nisi Imperialis iussio processerit.*

De epistola ad omnes Calaritanæ Ecclesiæ Cœnobitas.

Canon 2. cau. 1. qu. 2. unius tantum Gratiani auctoritate Bonifacio Papæ attribuitur omnibus Calaritanæ Ecclesiæ Cœnobitis rescribenti. Eruditi omnes etiam solertissimi rerum Ecclesiasticarum investigatores hoc fragmentum alibi non reperriri adnotarunt. Quamobrem facile viderit unusquisque, quæ fides Gratiano præstanda sit, quem pluries lapsus scimus, atque inter cetera in recensendis Bonifacii Papæ decretis, quemadmodum & jam superius animadvertimus, & inferius apparebit. Romani Corretores, nonnihil, ut arbitror, auctoritatis eidem canoniconciliaturi, illum a S. Thoma commemorari observaverunt in 2. 2. quæst. 100. in fine articuli 3., imo eodem uno proposito iudicium ferri. Verum isthæc parum valere poterunt apud eos, qui apprime noverint, quanta fuerit temporibus S. Thomæ Gratianei operis existimatio, ex qua fieri facile potuerit, ut vir eximius sine discrimine thematicum demonstrandorum causâ Gratiani capitibus uteretur. Ego sane de canonis auctoritate, ac fide Collectoris plurimum dubito, non tantum ex eo, quod Dionysius Exiguus Bonifacii epistolarum etiam Collector ejus non fecerit mentionem, sed & quod non satis certum sit, an in Calaritana Ecclesia fuerint sub Bonifacio I. instituta Cœnobita, ad quæ Pontificis ejusdem epistola dirigeretur. Fateor quidem ante Benedictum occidentalium Monachorum facile Patrem nonnullos fuisse etiam in Sardinia, qui Monachorum mores imitarentur, postquam S. Athanasius monasticam disciplinam a Græcis ad Latinos quasi per traducem derivavit; hinc scimus Eusebium genere Sardum Vercellensem Episcopum in Vercellensi Ecclesia monasticas institutiones cum clericali vita junxisse, ut testatur Ambrosius in epistola ad Vercellensem Ecclesiam; Verum nondum eo res deventerat in Ecclesia Calaritana, ut talia instituta Cœnobita forent, & numero plurima, qualia a Bonifacio memorantur apud Gratianum. Quidquid enim Hieronymus, qui tempore Bonifacii obiit, in epist. 12. assererat, eos, qui serica veste non utebantur, aut candente tunica, iudicatos esse *Monachos, Impositores, & Græcos*, si jam tum Cœnobitarum in communi viventium disciplina recepta fuisset apud Latinos? Ut vero propius ad ipsum Gratiani fragmentum accedam, video statim insueta, & minus accommoda loquendi formula usum proponi Bonifacium,

Can. 2.
cau. 1.
qu. 2.

dum Cœnobitas Calaritanæ Ecclesiæ adpellat *fratres charissimos*, quæ salutationis ratio cum Episcopis, nunquam cum laicis, quales tunc erant Monachi, usuveniebat. Deinde cum auctor canonis asserat, se in quæstione proposita de monachis non gratuito suscipiendis, ipsa dubitatione reddi *anxium*, & *ineptum*, indicat satis rescriptum istud aut Romanæ Ecclesiæ, aut Bonifacio, qui nomine Romanæ Ecclesiæ scribere se profitetur, minime convenire, præsertim quod ibidem tradatur ex ipsa Apostolica traditione deduci, neminem aliquo muneris interventu ad Deum cultum provocandum fore. Antiquissima est illa Monachorum regula, quæ Sancto Hieronymo tribuitur, in qua legimus inter cetera: *Detestabilem hæresim simoniae, quam communi pravitare diaboli Moniales assuetæ committunt, etiam in auditu horreat vestra societas. Glezæ, & Simonis vos terreat pravitās. Vox Petri Vicarii Christi nunquam exeat de auribus vestris: Pecunia tecum sit in perditionem &c. Ad vos venientes sorores ad Christi suscipite nuptias gratis: preponatur sanctitas pecuniæ, exquiratur bonitas vitæ, non generositas carnis, non utilitas mundi, nulla omnino passio, nulla opinio, aestimatio, seu intentio de pecunia danda præveniat, & receptionem præcedat, quæ passio siue opinio puritatem mentis perturbat. Præterea prope capitis finem monere dicitur Monachos Bonifacius, ne ulla Ecclesiæ Monachorum distractio fiat. Quznam esse poterat tunc hæc loquendi formula, ut bona monasterii bonæ Ecclesiæ dicerentur, aut etiam nomen Ecclesiæ pro nomine Monasterii usurparetur? Igitur Gratiani canon Bonifacii esse non potest, forte a Monacho quodam compositus piz exercitationis causa, atque inter Monasterii cuspisiam libros a Gratiano adinventus. Auctori autem canonis pro exemplari esse potuit imitatio epistola quædam Gregorii Magni ad Januarium Episcopum Calaritanum scripta lib. 3. epist. 24. ibi: *De ordinationibus vero, vel de nuptiis Clericorum, aut de iis, quæ velantur, virginibus, nullus, ut nunc fieri dicitur, quidquam præsumat accipere, nisi quidpiam sua sponte conferre maluerint. Ulterius progredior; & assero, hoc ipsum Gratiani monumentum parum prodesse Collectoris ejusdem proposito. Proposuerat Gratianus initio quæstionis, an pro ingressu Monasterii pecunia sit exigenda, vel exalta persolvenda. Et post nonnulla capita recitata, inter quæ numero 2. habetur istud Bonifacii rescriptum, concludit post canonem 4. *Auctoritate Bonifacii patenter ostenditur, quod sicut nullus pretio est invitandus ad conversionem, ita nulli pecuniæ interventu Ecclesiæ largiri potest ingressum. Recedit hic Gratianus a quæstione proposita, quatenus de monasteriis sermonem instituendum ab initio voluit, deinde ea, quæ in demonstrationem opinionis suæ adfert, de Ecclesiis expressa sunt. Quantum vero, olim præcipue, diversæ essent Ecclesiæ, & Monasteriorum rationes, nemo ignorat. Sed, agendum, fingatur species facti, qualis esse poterat apud Bonifacium, & qualis ex ipsius canonis verbis deduci potest. Cœnobium erat quoddam desertum Abbate, ejusdemque Cœnobii fratres non Cœnobii sui, sed alterius Monachum in Abbatem sibi elegerant, in suum monasterium transferri eo nomine postulantes. Renebat alterum monasterium, nisi sibi quidpiam, velut permutatione, aut quasi compensatione concederetur. Interrogatus Bonifacius, an hæc passio improbanda videretur, respondit in primis, Romanam Ecclesiam compati illorum Monachorum destitutioni, deinde in ancipiti se constitutum esse, imo anxium, & ineptum, dubitantem quid ipse rescriberet (non desuerunt Glossographi, qui ironice in hac parte loquutum Bonifacium fuisse scripserunt; sed hæc interpretatio toti omnino contextui dissonat). Prosequitur***

tur Pontifex, & ait, a discipulis Domini neminem provocatum fuisse ad Dei cultum aliquo muneris interventu, nisi forte quis muneris dati nomine intelligenda arbitraretur victualia, quæ priscis fidelibus in communi suppeditabantur, quo exemplo concludit, munus Dei neque emendum fore, neque vendendum. Post hæc generaliter tradita, cavendum esse monet, quam esset ambiguum, quod Monachi petierant, consilium, quod imo nulla invenit ratione confirmari. Concludit postremo, si Abbas electus maxime sit eligentium necessitati opportunus, interea gratis ad monasterium, ad quem electus est, transire debere, quin ulla passio, aut rerum Monasticarum alienatio interveniat, facta Monachis eligentibus facultate, ut siquid subsidii gratia alteri monasterio concedere voluerint, ipsi in solatium fratrum concedant. Quicumque hæc adamussim consideret, non videbit in primis, quomodo res apud duo tantum monasteria diremta, ita Bonifacium excitaverit, ut non ad eadem duo monasteria, sed ad omnes *Calaritane Ecclesie Cœnobitas*, ut Gratianus in inscriptione testatur, rescriberet. Deinde judicabit, non adeo facile Bonifacium *anxium* reddi potuisse, & *ineptum* in proposita specie, ut quid respondendum esset, se ignorare propemodum fateretur, & *ambiguum*, quod Monachi petierant, *consilium* diceret. Agnoscat rursus rei non convenire rationem a praxi discipulorum Domini petitam, qui neminem muneribus ad baptismum, aut Christi fidem suscipiendam provocaverunt. Etenim non erat hæc Cœnobarum Calaritanorum dubitatio, qui non de gentibus convertendis ad fidem Christi, imo nec de laicis ad monasteria convertendis, sed de Monacho e monasterio in monasterium transferendo interrogaverant. Postremo observabit, manifestam antynomiam in posterioribus capituli verbis; asserit enim auctor canonis translatum Monachum fervire gratis Deo debere, dummodo nulla fiat rerum monasticarum distractio, ac subijcit postmodum, aliqua munera relicto monasterio largiri posse. Hæc sane, omnia ceteris juncta, quæ superius dicta sunt; clarius etiam demonstrant, canonem istum Bonifacio Papæ tribui nūquam posse, itidemque proposito Gratiani non convenire.

De ceteris canonibus nomine Bonifacii editis.

Quod Gratianus ex Bonifacio Papa laudavit in can. 1. dist. 78., retulit Ivo Carnotensis in parte 6. cap. 30. decreti *ex decretis Fabiani Papæ orientalibus missis*. Eodem modo Burchardus in lib. 2. cap. 10. Aliter Regino in 1. appendice cap. 39. sub hac inscriptione. *Ex canonibus orientalium antiquorum Patrum cap. 20.* Posterior hæc inscriptio Reginonis erit a nobis sequenda, ut scilicet canon, de quo quærimus, referatur ad Concilium Neocæsariense, cujus canonem 11. Martinus Bracarensis retulit in cap. 20. suæ Collectionis, quam *Collectionem orientalium canonum* adpellavit. Verba Neocæsariensis Concilii hæc sunt: *Presbyter ante triginta annos non ordinetur, etiamsi fuerit homo valde dignus, sed reservetur: Dominus enim... Iesus Christus in trigesimo anno baptizatus est, & cepit docere.* Retulit hunc eundem canonem Gratianus in can. 4. dist. 78., cujus verba si paulo diversa sunt, id profectum liquet ex varietate latinæ interpretationis. Disciplina Neocæsariensis canonis fuit apud veteres diu custodita, uti patet ex novella Justiniani Imperatoris, cujus fragmentum habetur in can. 2. dist. 78., & ex Concilio Rothomagensi anni

Can. 1.
dist. 78.

1074., in quo legimus can. 6. *Nullus ordinetur Presbyter ante 30. annos.* Hæc tamen non ita perpetuo servabantur, ut non liceret Episcopis juniores Sacerdotes consecrare, quoties nimirum junioris cujuscumque consecrationem Ecclesiarum necessitas, aut utilitas expostularet, quemadmodum rectissime idem Gratianus observavit post canonem 4. ejusdem distinctionis. Quum vero frequentiores essent hujusmodi dispensationes, tandem disciplina immutata est, primum a Clemente V. in cap. ult. de 21. & qual. & ordin. præf., dein a Concilio Tridentino, ut liceret quidem post annum vigesimumquintum ordinare Sacerdotes; at minores ea ætate nusquam Episcopali auctoritate, aut dispensatione ordinarentur, sess. 23. de reform. cap. 12., ubi tamen optandum esset, ut omnes, ad quos pertinet, sedula meditatione perscrutarentur verba illa: *Sciant tamen Episcopi non singulos in ea ætate constitutos debere ad hos ordines adsumi, sed dignos dumtaxat, & quorum probata vita senectus sit*, quibus significatur, eam fore Ecclesiæ mentem, ut quoad minus fieri potest, veteri disciplinæ, uti in ceteris, ita in hac etiam parte detrahat.

Erratum Gratiani in inscriptione canonis 3. cau. 12. qu. 2. non tam Gratiano ipsi tribuendum est, quam Burchardo, quem bona fide etiam secutus fuerat Ivo Carnotensis. Primus enim Burchardus in lib. 11. cap. 17. eadem verba laudavit nomine Bonifacii Papæ in cap. 5. decretorum, ea de causa, quod, ut alibi sæpe monui, Burchardus abstinere volebat a nominandis Francorum Capitularibus, ad quæ hic canon pertinebat, non dubitans aliis prorsus auctoribus Capitularium fragmenta adtribuere. Itaque caput hoc referemus jure optimo ad caput 405. libri 6. Capitularium Francorum editionis Parisiensis anni 1677., ex quo capite Gratianum ipsum emendare juvabit his verbis: *Nulli liceat ignorare, quod omne, quod Domino consecratur, sive homo fuerit, sive animal, sive ager, vel quicquid semel fuerit consecratum, sanctum sanctorum erit Domino, & ad jus pertinet Sacerdotum. Propter quod inexcusabilis erit omnis, qui ea Domino, & Ecclesiæ, cui competunt, aufert, vastat, invalidat; vel diripit usque ad ementationem, Ecclesiæque satisfactionem, quod sit sacrilegus, & non tantum sacrilegus, sed etiam fur sacrilegus.* Eadem omnino leguntur apud Isaac Lingonensem tit. 7. cap. 5., quibus in locis mentio non fit de excommunicatione, quemadmodum apud Gratianum legitur. Tantum apud Isaac Lingonensem in capite 7., postquam multa de sacrilegis dicta sunt, ita habetur: *Sacrilegus . . . non solum a regno Dei fit alienus, sed etiam a liminibus Sanctæ Ecclesiæ, & præcipue ab illius, quam læsit, usque ad præliam satisfactionem extorris efficitur.* Similia propemodum leguntur in Concilio Trosleiano anni 909. can. 4. ibi: *Breviter commemorandum credimus, quod omnia, quæ Domino offeruntur, procul dubio & consecrantur; & non solum sacrificia, quæ a Sacerdotibus super altare Domino consecrantur, oblationes fidelium dicuntur, sed quicquid ei a fidelibus offertur, sive homo fuerit, sive animal, sive ager, vel quodlibet artificium, ædificium, vestimentum, quodcumque mobile, vel immobile de his rebus, quæ supplementum Sanctæ Dei Ecclesiæ, ejusque ministris, atque ornatum præstare possunt, indubitanter Domino consecratur, & quicumque ab Ecclesiâ aliquid ex his quocumque modo alienaverit, abstulerit, invaserit, vastaverit, minoraverit, sive diripuerit, quia Christus, & ejus Ecclesiâ una est persona, & quicumque Ecclesiæ sunt, Christi sunt, procul dubio sacrilegium committit. . . . Tales si Ecclesiæ correctionem non recipiant, ethnicis, & publicanis sunt similes, quibus nec vivis, nec mortuis communicat Ecclesiâ Dei, &c.*

Can. 3.
cau. 12.
qu. 2.

In vetustis pluribus Gratiani exemplaribus canon 41. cau. 16. qu. 7. hac inscriptione notatur: *Item ex eodem*, quasi referendus sit ad decreta Sylvestri Papæ, ex quibus præcedens canon de promptus dicitur: sed apud Burchardum, & Ivonem, necnon in codicibus recentioribus Gratiani laudatur ejus canonis auctor Bonifacius Papæ in decretis. Verum neque Sylvestro, neque Bonifacio Pontificibus tribuendus erit, sed potius Theodoro Cantuariensi, qui in cap. 6. sui Penitentialis, qualem edidit Jacobus Petrus Parisiis anno 1677., ita scribit: *Non licet Abbati, neque Episcopo terram Ecclesiæ convertere ad aliam, quamvis ambæ in potestate ejus sint. Si mutare vult terram Ecclesiæ, faciat cum consilio Episcopi, & fratrum suorum, & dimittat in priorem locum Presbyterum ad ministeria Ecclesiæ.* Idem Petrus ex alio codice ita legendum monet. *Si mutare vult terram Ecclesiæ, faciat cum consensu amborum. Siquis vult monasterium suum in alium locum ponere, dimittat in priorem locum Presbyterum ad ministeria Ecclesiæ.* Cum his convenit caput 48. inter capitula Theodori apud Dacherium in tomo 9. Spicilegii, ibi: *Abbati non licet, nec Episcopis terram Ecclesiæ vendere ad aliam, quamvis in potestate ejus sint ambæ. Si mutare vult terram Ecclesiæ, cum consensu amborum faciat. Siquis vult monasterium suum in alio loco ponere, faciat cum consilio Episcopi, & fratrum suorum, & dimittat in priore loco Presbyterum ad ministeria Ecclesiæ.* Conferantur hæc cum canone Gratiano, & nemo dubitabit, quin Gratiani fragmentum ad hæc Theodori capitula sit referendum. Ejus porro canonis sententia hæc est, ut si quis ex Abbatibus velit monasterium suum de uno in alium locum transferre, minime transferat, nisi consilio Episcopi, ac Clericorum Ecclesiæ, cui monasterium subest, quo accedente priori loco præfici debeat Sacerdos causa ecclesiastici ministerii, ne forte locus semel religiosus aliquando fiat profanus, contra sacrorum canonum sanctiones. Similia, quædam habentur in Concilio Moguntino anni 813. cap. 20. in fine, ex quo relata sunt inter Capitularia Caroli Magni lib. 5. cap. 143. editionis Parisiensis anni 1677.

Canon 3. cau. 17. qu. 2. apud Ivonem, & Burchardum laudatur nomine Concilii Toletani. Sane Ivonem decepit Burchardus, qui auctorum nomina variare, identidem non dubitavit, præsertim ubi inscribendum esset nomen Francorum Capitularium, uti alias sæpepe monui. Sane in lib. 5. Capitularium cap. 380. postremæ Parisiensis editionis hæc habentur: *Si aliquis incognitus in monasterium ingredi voluerit, ante triennium monachi habitus ei non præstetur. Et si intra tres annos aut servus, vel libertus, vel colonus quærat, Dominus suo reddatur cum omnibus, quæ adtulit, fide tamen accepta de impunitate. Si autem intra triennium requisitus non fuerit, postea queri non potest, sed tantum ea, quæ in monasterium adduxit, Dominus servi recipiat.* Hæc eadem omnino sunt cum canone Gratiani, quem Gratianus ipse Bonifacio Papæ adscripsit. Nonnihil simile inveniri in novellis Justiniani Constitutionibus 5. cap. 2., & 123. cap. 35. Romani Corredtores observaverunt, & post Romanos Corredtores Wanespen in suo brevi Commentario ad 2. partem Gratiani, qui tamen interpres meo judicio plurimum allucinatus est, dum ibidem asseruit, improbandam esse distinctionem, quam Gratianus inivit post canonem 2. ejusdem causæ, & quæstionis, ubi de Monachis recipiendis, atque admittendis agatur. In fine canonis 1. memoratur B. Benedicti regula, & S. Gregorii Papæ canonica institutio, juxta quam unius anni probatio necessaria dicitur in Monachis recipiendis. Post canonem 2. monet Gratianus, annalem probationem ad notos

pertinere, non ad ignotos, in quibus ex subsequente canone 3. necessariam esse triennii probationem demonstrat. Optandum esset, ut Gratianus eodem ita inceteris, uii in hac parte, interpretationis genere usus fuisset; neque enim cum memorato Interprete ceteroqui eruditissimo consentire possum, ubi inquit hanc Gratiani distinctionem esse prorsus alienam a canonibus sacris, imo expresse a novellis Justiniani Imperatoris, ubi nihil tale contineri testatur. Revera, ut ablineam ab ipsomet canone Capitularium Francorum, quem Gratianus idem in demonstrationem adtulit suæ distinctionis, video Justinianum ipsum eam distinctionem manifestissime probavisse in dicto cap. 33. Novellæ 123. ibi: *Si quis autem ad monasticam vitam venire voluerit, jubemus, siquidem notus est, quia nulli fortunæ subjacet, Abbas monasterii, si perspexerit, schema ei præbeat. Si vero non cognoscitur, aut cuilibet fortunæ subiaceat, intra tres annos non accipere eum schema monasticum, ut intra memoratum tempus experiatur hujus nominis conversationem monasterii i. rægul. Et si intra triennium aliquis emerferit, dicens aut servum, aut colonum, aut adscriptitium suum, hunc esse, aut etiam tanquam fugientem agriculturam, aut quasi aliquid sapientem, aut propter aliquam culpam in monasterium eum ingressum, proprio Domino hunc restitui, cum rebus, quas probatur in monasterium introduxisse, jurando primum, quia nihil patietur a suo Domino percipiente. Si autem intra triennium nullus convenerit, aut inquietaverit, aut contra aliquam memoratarum personarum questionem fecerit, Abbas monasterii post transcursum triennalis temporis, si talem virum dignum judicaverit, tunc det ei schema, & nullus sit ei postea molestus propter fortunam, donec tamen deget in monasterio. Res autem, quas in monasterium introduxisse videtur, illas se Domino reddantur.* Apertissima sane in hoc capite, quod plurimum consonat cum canone Gratiano, exhibetur distinctio inter notos, ignotosque viros monasteria adeuntes, ut notis statim Abbas pandere possit Religionis ingressum, ignotis vero nonnisi post triennium, ac potissimum ratione, quod ubi de ignotis agitur, facile fraus fieret Dominis, aut Patronis, si forte Monachi statim recepti aut servi, aut liberti alicujus fuisset adparerent. Congruum autem fuit triennii tempus Dominis, Patronisque concedere, intra quod & inquirendi servos, libertosque facultas esset, & repertos in pristinam conditionem, quoties placuerit, revocandi. In iis autem, quorum erat nota conditio, alia regula servabatur, nec generaliter triennii spatium omnibus præfixum erat causa probationis, qua in re aut locorum, aut monasteriorum singularia statuta, vel eiam Abbatum, Monachorumque voluntas, ac dispensatio potissimum attendebantur.



De Cælestino.

Cælestini nomine inscripti sunt sequentes canones.

- | | | | |
|--|---|---|--|
| Ex epist. 1.
ad Episcopos
Galliz. | { | Can. 53. de conf. dist. 4. est potius in Capitulis epistolæ adjectis. | |
| | | | |
| Ex epist. 2.
ad Episcopos
Galliz. | { | Can. 4. dist. 59. ex integra epistola supplendus. | |
| | | Can. 12. dist. 61. ex integra epistola supplendus. | |
| | | Can. 13. dist. 61. consonat cum integris epistolæ exemplaribus. | |
| | | Can. 26. dist. 63. referendus ad can. 13. dist. 61. | |
| | | Can. 3. dist. 81. ex integris epistolæ exemplaribus emendandus. | |
| | | Can. 13. cau. 26. qu. 6. paullo varius in diversis exemplaribus. | |
| Ex epist. ad Epi-
scopos Apuliz,
& Calabriz. | { | Can. 4. dist. 38. ex integris exemplaribus emendandus. | |
| | | Can. 7. dist. 61. ex integra epistola supplendus, atque emendandus. | |
| | | Can. 2. dist. 62. jungendus cum can. 7. dist. 61. | |
| Ex decreto mis-
so ad Ecclesiam
Florentinam. | { | Can. 2. cau. 35. qu. 6. est potius Cælestini II. | |
| | | | |
| Adjiciuntur. | { | Can. 9. cau. 30. qu. 1. | { non sunt Cælestini I., sed potius
pertinent ad Pænitentiale quoddam
Romanum. |
| | | Can. 10. cau. 30. qu. 1. | |

Ex epistola 1. ad Episcopos Galliz.

ANno circiter 423. electus in Romanum Pontificem post Bonifacium Cælestinus non tantum in Orientalem Ecclesiam, quæ tum ob impiam Nestorii hæresim turbabatur, respicere debuit, verum etiam ad quasdam Occidentalis Ecclesiæ regiones in Galliarum Provinciis, præsertim Massiliensi, in quibus plures Episcopi Sancti Augustini adversus Pelagianos scriptis graviter commoti, Augustinum ipsum de nimio excessu notabant, ac proinde licet in aliquibus non adhærerent Pelagianis, in aliquibus tamen Pelagianis eisdem favebant, ex quo Semi-Pelagianorum nomine appellati sunt. Fuerunt quidem ea ætate duo gravissimi Viri, Prosper Aquitanus, & Hilarius, sive hic fuerit Arelatensis Episcopus, ut tradit Baronius, sive quisquis alius, ut docte observat Norisius in lib. 2. historiæ Pelagianæ cap. 2., qui de Augustini fama solliciti non solum scriptis suis integram Viri eximii doctrinam sustinuerunt, ac vindicarunt, sed & Cælestinum Pontificem certiorum de

contentione fecerunt. Hinc Cœlestinus occasionem arripuit scribendi ad Gallicanos Episcopos Augustino infensos, quibus non tam Augustinum ipsum commendavit, quam Augustini doctrinam excolendam proposuit. Est hæc epistola, quam primam voco ad Gallicanos Episcopos scriptam, non sane quod tempore alias Cœlestini epistolæ præcedat, sed quod prima inter Dionysii Exigui epistolæ recenseatur. Revera quum Augustinus ibidem dicatur *sanctæ recordationis vir*, liquido constat esse scriptam postremo anno Pontificatus Cœlestini, videlicet aut sub initium anni 432., quo obiit Cœlestinus, aut anno 431. aut sub finem anni 430., quo obiit Augustinus. De ejusdem epistolæ auctoritate ego nullatenus dubito, quum & apud Dionysium Exiguum collectorem vetustissimum sub Cœlestini nomine habeatur. Dubitant potius eruditi Viri de capitibus quibusdam, quæ huic Cœlestini epistolæ subiecta fuerunt etiam in codice Dionysii cum hac inscriptione: *Incipiunt præteritorum Sedis Apostolicæ Episcoporum auctoritates de gratia Dei*, suntque capitula numero undecim ad conficiendam Pelagianorum hæresim edita. Petrus Crabbus, & Sirmundus Cœlestino abjudicant; attamen cui potius auctori tribuant, se ignorare, profitentur. Vossius lib. 1. historiz Pelagianæ partim Cœlestino tribuit, partim discipulis Augustini in Galliis existentibus, ea ratione, ut edita primum capitula fuerint a discipulis Augustini, dein oblata Cœlestino, ac demum a Cœlestino adfuta epistolæ, quam Cœlestinus idem ad Gallicanos Antistites scripsit. Paschasius Quesnellus in requirendis veteribus monumentis, quæ Leoni Magno tribueret, studiosissimus non dubitavit, qualicumque moveretur conjectura, capitula isthæc sub Leonis nomine evulgare, scribens hoc opusculum elucubratum a Leone fuisse, cum Archidiaconi officio fungeretur sub Cœlestino Papa, cujus mandato capitula ipsa depromerit ex scriniis Sedis Apostolicæ. E contrario Cœlestino eadem capitula tribuerunt Petrus Diaconus in lib. de Incarnatione, & Gratia Christi ad Fulgentium cap. 8., Florus magister, seu Liber Ecclesiæ Lugdunensis nomine scriptus adversus Johannem Scotum, Hincmarus contra Gothescalcum, Cresconius, Ivo, alique complures, ut Gratianum omittam. Porro res hæc valde latet in obscuro, in qua tamen tria hæc fidenter asserere non dubito. Primum scilicet inverosimile est, hæc capitula a Cœlestino ipso condita fuisse, atque epistolæ suæ ad Gallos Episcopos adjecta, etenim epistolæ Cœlestini postrema hæc sunt verba: *Deus vos incolumes custodiat, Fratres charissimi*; quin tamen ulla de subiectis capitulis mentio fiat neque in ipso epistolæ fine, neque in superioribus epistolæ verbis, quod non omisisset Cœlestinus, si nonnulla capitula epistolæ suæ ipse adjecisset. Alterum observatione dignum versatur in auctoritate capitulorum, quæ qualemcumque tandem auctorem habeant, maxima semper apud Viros ecclesiasticos in veneratione habita sunt, & Viris nonnisi sanctitate, & doctrina conspicuis adtributa, proindeque non temere eisdem uteretur quispiam, tanquam firmis ecclesiasticæ veteris doctrinæ argumentis. Postremo adnotare juvabit, eadem capitula plurimum adfinitatis habere cum capitulis Prosperi Massiliensis objectionibus respondentis, quemadmodum unicuique facile liquebit, quoties utraque simul capitula conferre voluerit. Itaque ex hisce capitulis depromtus est canon 53. de cons. dist. 4., quem Gratianus alios Viros gravissimos secutus Cœlestino adscripsit. Verba Gratiani supplenda erunt ex capitulo penultimo, ibi: *Illud etiam, quod circa baptizandos in universo mundo Sancta Ecclesia uniformiter agit, non oculo contemplantur intuitu, cum sive parvuli, sive juvenes ad regenerationis veniunt Sacramentum, non prius fontem*

Can. 53.
de cons.
dist. 4.

vite

vite adeant, quam exorcismis, & exsufflationibus Clericorum spiritus ab eis immundus abigatur; ut tunc vere adpareat, quomodo Princeps mundi hujus mittatur foras, & quomodo prius alligetur fortis, & deinceps vasa ejus diripiantur in possessionem translata victoris, qui captivum ducit captivitatem, & dat dona hominibus. Nemo non videt, hæc scripta esse adversus Pelagianos, qui & divinam gratiam nequitiam hominibus lapsis necessariam, imo & homines nec lapsos fuisse, nec ullo originis peccato teneri asserbant.

De epistola 2. ad Episcopos Galliæ.

Altera Cælestini epistola ad universos Episcopos per Viennensem, & Narbonensem Provincias constitutos missa Felice, & Tauro Consulibus, sive anno 428., tempore quidem superius memoratam epistolam præcedit, sed sequor Dionysium Exiguum, qui hanc secundo in loco collocavit; forte quia hæc potissimum in disciplinæ capitibus consistit, illa vero aut ad fidem stabiendam potissimum pertinet, aut jam prælaudata capitula assuta habet, quibus fidei dogmata adversus Pelagianos clarius explicantur. In hac autem epistola conqueritur Cælestinus, quod in Galliis plurimi emerisissent abusus, alii ex superstitione nonnullorum; alii ex improbitate animi, omnes tamen contra disciplinam ecclesiasticam. In capite 1. invenitur adversus quosdam Domini Sacerdotes, qui superstitioso quodam cultu, non doctrina, & mentis puritate, sed potius veste, & corporis habitu a plebe se discerni curabant. Deinde in cap. 2. eos redarguit, qui poenitentiae remedium morientibus denegabant. Hinc depromptus est canon 13. cau. 26. qu. 6., cujus verba huc integra referenda sunt, ut observetur codicum nonnullorum varietas. Dionysius Exiguus ita scripsit: *Agnovimus enim poenitentiam morientibus denegari, nec illorum desiderijs adnui, qui obitus sui tempore hoc animæ suæ cupiunt remedio subveniri. Horremus, fateor, tantæ impietatis aliquem reperiri, ut de Dei pietate desperet, quasi non possit ad se quovis tempore concurrenti succurrere, & periclitantem sub onere peccatorum hominem perdere, quo se ille expediri desiderat, & liberari.* (legunt alii in aliis codicibus: *Et periclitantem sub onere peccatorum hominem pondere, quo se expediri desiderat, liberare.*) Quid hoc rogo aliud est, quam morienti mortem addere, ejusque animam sua crudelitate, ne absoluta esse possit, occidere, cum Deus ad subveniendum paratissimus invitans ad poenitentiam sic promittat peccatori, inquit, (legunt alii: *Sic promittat: Peccator, inquit,*) quacumque die conversus fuerit, peccata ejus non reputabuntur ei: & iterum: *Nolo mortem peccatoris, sed tantum convertatur, & vivat. Salutem ergo homini adimit, quisquis mortis tempore poenitentiam denegarit, & desperat de clementia Dei, qui cum ad subveniendum morienti sufficere vel momento possit, non credit.* (legunt alii: *vel in momento posse non credidit.*) *Perdidisset lauro in cruce præmium ad Christi dexteram pendens, si illum unius horæ poenitentiam non juvisset, cum esset in pena poenitentis, & per unius sermonis promissionem habitaculum paradisi, Deo promittente, promeruit. Vera ergo ad Deum conversio in ultimis poenitentium mente potius est æstimanda, quam tempore, Propheta hoc taliter asserente: Cum conversus ingemueris, tunc salvus eris. Cum ergo Dominus sit cordis inspektor, quovis tempore non est deneganda poenitentia postulanti, cum illi se obliget* (legunt alii: *se obliquet*) *judici, cui occulta omnia noverit revelari.*

Can. 13.
cau. 26.
qu. 6.

Prose-

Can. 4. Prosequitur Cælestinus in capite 3. tradens, quænam esse debeant qualitates eo-
 dist. 59. rum, qui ad Episcopatus officia promoveantur his verbis: *Ordinatos vero quosdam,*
 Can. 3. *fratres charissimi, Episcopos, (Ex his supplere juvabit canonem 4. dist. 59.) qui*
 dist. 81. *nullis Ecclesiasticis ordinibus ad tantæ dignitatis fastigium fuerint instituti, contra Pa-*
trum decreta, hujus usurpatione, qui se hoc recognoscit fecisse dilicimus, cum ad Episcopa-
tum his gradibus, quibus frequentissime cautum est, debeat perveniri, ut minoribus ini-
tialibus officiis ad majora firmentur. Debet enim ante esse discipulus, quisquis doctor esse
desiderat, ut possit docere, quod dilicit. Omnis vitæ institutio hac ad id, quo tendit, se
ratione confirmat. Qui minime literis operam dederit, præceptor esse non potest litera-
rum. Qui non per singula stipendia creverit, ad emeritum stipendii ordinem non potest
pervenire: Solum Sacerdotium inter ista, rogo, vilius est, quod facilius tribuitur, cum
difficilius impleatur? Sed jam non satis est laicos ordinare, quos nullus fieri ordo permit-
tis, sed etiam quorum crimina longe, lateque per omnes pene sunt nota Provincias, ordinan-
tur. Daniel enim nuper missa relatione ex Orientalibus ad nos partibus, ad omni, quod
tenuerat, virginum monasterio nefarius est objectionibus accusatus, multa de multis obje-
cta flagitia. In quam lateret terrarum parte quaesitus est, ut si suæ innocentiae con-
sideret, contra se judicium postulatum minime declinaret, missæ ad Arelatensem Episco-
pum per Fortunatum Subdiaconum nostrum præceptiones, ut ad judicium destinaretur Episc-
opale. Tantis gravatus testimoniis (hæc verba referuntur in can. 3. dist. 81.) tanta
facinorum accusatione pulsatus, sacrarum, ut dicitur, virginum pollutus incestu Episc-
opus adseritur ordinatus. In nostris libelli scriniis continentur, quorum ad vos quoque,
exemplaria direximus. In Pontificii dignitatem hoc tempore, quo ad causam dicendam
missis a nobis literis vocabatur, obrepit. Sacro homini absit injuria, facilius est, ut
hanc dignitatem tali dando ipse amiserit ordinator, quam eam obtineat ordinatus, cui
convulso sociabitur, qui eum sibi credidit largiendo Pontificium sociandum, qualis enim,
ipse sit, quisquis tales ordinariis ostendit. His ergo in medium nunc deducitis, cum ple-
rique vestrum sint, qui Apostolicæ Sedis statuta cognoverint, nobiscum tempore aliquanto
versati, ad disciplinæ normam nostris conventa adhortationibus, omnia fraternitas vestra,
evocare festinet. Nemo non videt, hanc epistolæ partem potissimum ad Danielis
Episcopi causam spectare; Is enim Viennensis, aut finiumarum Provinciarum
Episcopus ordinatus fuerat, vir ab Oriente redux, qui dum in Oriente versaretur
ante susceperat Episcopatum, plura, eaque gravissima, quæ hoc in loco memo-
rantur, crimina admisit. Hæc sane observatione dignissima sunt, ut facile intelli-
gatur, qua ratione Cælestinus asseruerit ad se missam fuisse relationem ex Orienta-
libus partibus.

Can. 12. Docet præterea Cælestinus in sequentibus Capitulis, quænam servandæ sint re-
 dist. 61. gule in Episcoporum ordinationibus. Hinc scribit in cap. 4. *Primum, ut juxta,*
decreta canonum unaqueque Provincia suo Metropolitano contenta sit, ut decessoris nostri
data ad Narbonensem Episcopum continent constituta, nec usurpationis locus alicui Sa-
cerdoti in alterius concedatur injuriam. Sit concessis sibi contentus unusquisque limitibus.
Alter in alterius Provincia nihil præsumat, nec emeritis in suis Ecclesiis Clericis pe-
regrini, & extranei, & qui ante temporati sunt, ad exclusionem eorum, qui bene de
suorum civium merentur testimonio, præponantur, ne novum quoddam, de quo Episcopi
sane, institutum videntur esse Collegium. Hæc habentur in can. 12. dist. 61., quem
supplere exinde juvabit: Quando vero Cælestinus memorat constituta decessoris suæ
data ad Narbonensem Episcopum, referendus erit ad epistolam Bonifacii ad Hilarium

Episco-

Episcopum Narbonensem, quæ est postrema in Collectione Dionysii Exigui; ibi enim improbat Pontifex factum Patrocli, qui prætermisso Metropolitano in aliena Diœcesi contra Patrum regulas, & Nicæni Concilii constitutiones Episcopum ordinaverat.

In capite 5. ejusdem epistolæ ita prosequitur Cælestinus: Nullus invitis detur Episcopus, cleri, plebis, & ordinis consensus, & desiderium requiratur. Tunc alter de altera eligatur Ecclesia, si de civitatis ipsius Clericis, cui est Episcopus ordinandus, nullus dignus, (quod evenire non credimus) potuerit inveniri; primum enim illi reprobandi sunt, ut aliqui de alienis Ecclesiis merito preferantur. Habeat unusquisque suæ fructum militiæ in Ecclesia, in qua sua per omnia officia transgessit ætatem. In aliena stipendia minime alter obrepat, nec alii debitam alter sibi audeat vindicare mercedem. Sis facultas Clericis renitendi, si se viderint prægravari, & quos sibi ingeri ex transverso cognoverint, non timeant refutare. Qui si non debitum præmium, vel liberum de eo, qui eos reſturus est, debent habere judicium. Hæc retulit primum Gratianus in can. 13. dist. 61., deinde etiam in can. 26. dist. 63., quæ fragmenta juvabit exigere ad integra epistolæ verba nuper descripta.

De epistola ad Episcopos Apuliæ, & Calabriæ.

Postremo loco apud Dionysium Exiguum refertur inter epistolas Cælestini epistola ad universos Episcopos per Apuliam, (seu Apulejam, uti in aliquibus codicibus lego) & Calabriam constitutos. Continet hæc pauca quædam disciplinæ Ecclesiasticæ capita, & integra fere apud Gratianum recitatur. Et quidem priora epistolæ verba habentur in can. 4. dist. 38. his verbis: Nulli Sacerdotum suos liceat canones ignorare, nec quidquam facere, quod Patrum possit regulis obviare. Quæ enim a nobis res digna servabitur, si decretalium norma constitutorum pro aliquorum libitu, licentia populis permixta frangatur? Gratianus, ut conferentibus liquet, omisit vocem illam suos, quæ sane apud Cælestinum apposite, apteque erat adjecta; olim enim erant unicuique Ecclesiæ, seu Diœcesi sui, singularesque canonum codices, juxta quos Clerici tenebantur mores suos omnino formare.

Prosequitur Cælestinus, & ait: Audivimus quasdam propriis destitutas reſtoribus civitates Episcopos sibi petere velle de laicis, tantumque fastidium tam vile credere, ut hoc iis, qui non Deo, sed sæculo militaverunt, æstiment nos posse conferre: non solum male de suis Clericis, in quorum contemptum hoc faciunt, judicantes, sed de nobis pessime, quos credunt hoc posse facere, sentientes. Quod nunquam auderent, si non quorundam illic his consentientes sententia conniveret. Ita nihil, quæ frequentius sunt decreta proficiunt, ut hoc, quasi nunquam de hac parte scriptum fuerit, ignoretur. Quid proderit per singula Clericos stipendia militasse, & omnem egisse in Dominicis castris ætatem, si qui his præfuturi sunt, ex laicis requirantur, qui vacantes sæculo, & omnem Ecclesiasticum ordinem nescientes, saltu præpropero in alienum honorem ambiunt immoderata cupiditate transcendere, & in aliud vitæ genus calcata reverentia Ecclesiasticæ disciplinæ transire? Talibus itaque, fratres charissimi, qui juris nostri, idest canonum, gubernacula custodimus, necesse est obviamus, hisque fraternitatem vestram epistolis commonemus, nequis laicum ad ordinem Episcopatus admittat, & finat fieri, unde & illum decipiat, & sibi causas generet, quibus reus constitutus decretalibus fiat. Ita supple-

duſ, imo etiam emendandus eſt canon 7. diſt. 61., cujus integra ſententia plurimum conſonat cum iis, quæ Cœleſtinus idem ſcripſerat ad Episcopos Galliarum in can. 4. diſt. 59. Sed præterea his jungenda erunt verba poſtrema ejuſdem epiſtolæ, quæ a Gratiano recitantur integra in can. 2. diſt. 62., hæc enim univerſam materiam, quam Cœleſtinus traſtandam ſuſceperat, omnino conſciunt.

De decreto miſſo ad Eccleſiam Florentinam.

Can. 2. Canonem 2. cau. 35. qu. 6. ſi forte quiſpiam Cœleſtini I. eſſe dixerit, *pana-*
 cau. 35. *contumelia offererit ſanctiſſimum virum*, ex ſententia Antonii Auguſtini in notis
 qu. 6. editis ad primam Colleſtionem decretalium lib. 4. tit. 17. cap. 1. In quonam
 vero hæc contumelia ſita eſſet, ego ſatis non video, niſi forte contumeliam dice-
 re velimus, Cœleſtino I. tribuere, quod canon Cœleſtini I. temporibus non ſatis
 congruat. Ceterum in ſententia canonis inveſtiganda, explanandaque nihil eſſe vi-
 detur aut veteribus Eccleſiæ regulis, aut rectæ rationi contrarium, quemadmo-
 dum vel ex ipſis decreti verbis facile liquet. Duo ibidem conſtituuntur. Primum
 neminem poſſe adverſus interdictum Eccleſiæ uxorem ducere, ita ut, ſi uxor ducatur,
 legitima uxor eſſe non poſſit, nec legitimæ nuptiæ, etiamſi de eo agatur,
 qui alias ad contrahendum conjugium eſſet idoneus. Deinde in matrimonioſ diſſol-
 vendis ex cauſa agnitæ cognationis inter conjuges præcipue admitti teſtimonia con-
 ſanguineorum etiam proximorum. Quid in his, amabo, reperiri poteſt, in quo
 viro ſanctiſſimo Cœleſtino I. contumelia afferri quoquo modo poſſet, ſi ejus de-
 creti auctor exiſteret? Quod enim ad primum pertinet, inſicias nemo iverit, eſſe
 in Eccleſia poteſtatem ita conjugiiſ alicui interdiciere, ut ſi contrahat, irrita proruſ
 ſint, & injuſta; hinc inter raptam, & raptorem non alias improbatæ erant
 olim nuptiæ, & proruſ invalidæ, niſi quod aut Imperatorum, aut virorum Ec-
 cleſiaſticorum interdicta interceſſerant, can. 4. & 11. cau. 36. qu. 2. l. un. §. 1.
 verſ. *nec ſit facultas* Cod. de raptu virginum. Hinc præterea hodiernis temporibus non
 alia ratione irritum eſt conjugium, quod Parocho, aut duobus teſtibus non præ-
 ſentibus contrahatur, quam quod Concilio Tridentino ſit interdictum. Neque vero
 tantummodo loquor de interdicto legis, eodemque perpetuo, verum etiam de
 interdicto Judicis, eoque, prout res incidit, condito. Siquidem novum non eſt in
 jure, ut facultas contrahendi certis in caſibus, certisve perſonis auctoritate Magi-
 ſtratus prohibeatur, ita ut nullum effectum proruſ habeat, ſiquid forte in con-
 tractum deductum eſt, quemadmodum contingit in prodigiſ, quibus bonis inter-
 dictum eſt l. 6. de verb. obligat., aut etiam contingit in bonis hæreditatis jacen-
 tiſ, pupillo ad hæreditatem vocato adhuc deliberante, l. 7. per totam de jure de-
 liberandi. Videant, qui contra ſentiunt, ac Cœleſtini canonem non adhzrent, ne
 forte ſcrupuloſius adhzreant novæ, ac vulgatæ Pragmaticorum doctrinæ, qui im-
 pedimenta matrimonii alia appellant dirimentia, alia impediencia methodo proruſ
 indigeſta, deinde ubi vetitum Eccleſiæ expendunt in conjugiiſ, illud ipſum collo-
 cant inter impedimenta impediencia, non dirimentia; quas omnes loquendi phra-
 ſes nemo plane intelligeret, niſi ipſarum auctores ad earundem explicationem pa-
 ginas integras numero plurimas, utinam apte, ac nitide, impleviſſent. Altera ca-
 nonis pars, quæ in admittendis præcipue conſanguineorum teſtibus, in controver-
 ſiſ

his conjugiorum dissolvendorum consistit, non dissonat aut a germana judiciorum disciplina, aut a recta ratione; non a disciplina judiciorum, quum nullibi adpareat, consanguineos in hisce causis fuisse reiectos, imo ubi de dissolutione matrimoniorum ageretur, potius consanguineorum pietati, ac prudentiæ, quam extraneorum accusationibus res demandata est, argumento legis 30. cod. ad leg. Juliam de adulteriis; non a recta ratione, quæ potius suadet, consanguineis negotiorum concedendum fore, utpote qui de familiarum jure, ac necessitudine certiores esse, & constantius agere, neque odio dissolvendarum nuptiarum correpti facile præsumuntur.

Itaque alia ratio subesse nequit, ut Cœlestino primo memoratus canon 2. non tribuatur, nisi quod similes de conjugis dissolvendis controversiæ fieri non solerent temporibus Cœlestini I., etenim tunc paucis in gradibus continebatur cognatio ad finem matrimonii impediendi, qui gradus facile dignoscebantur; cum sciamus inter filios fratrum, vel sororum conjugia consistere tum potuisse; imo adpareat ex variis recentioribus canonum codicibus, controversias hujusmodi post sæculum 9. aut 10. fuisse frequentissimas, uti liquet ex Collectionibus Reginonis, Burchardi, & Ivonis. Quinam vero eundem canonem tribuimus? Num Clementi III.; quemadmodum tribuit Cironius in Paratitlis in decretales? Fareor quidem in nonnullis vetustis codicibus in cap. 3. qui matrim. accus. apud Gregorium IX., ubi legitur idem decretum, nomen Clementis III. inscriptum fuisse. Verum in optimis vetustis codicibus, quorum aliquot præ oculis habui, nomen Cœlestini habetur adpositum; imo & apud Gratianum auctor Paleæ nomen Cœlestini, non Clementis adjecit, uti ex codicibus vulgatis Gratiani adparet. Referendus itaque canon erit ad Cœlestinum II., non vero III.; etenim, præterquamquod in decreto Gratiani nullum, ne ex iis quidem, quæ Paleæ nomine describuntur, fragmentum Cœlestini III. nomine descriptum fuerit, unde colligere juvat Palearum auctorem ante Cœlestinum III. Gratiani codicem auxisse, conitat hunc eundem canonem referri in prima Collectione decretalium, quæ paullo ante Cœlestinum III., & post Cœlestinum II. edita fuerat. In hanc eandem opinionem jamdiu iverunt & Contius, & Antonius Augustinus. Quæ si vera sunt, non est dubitandum, quin Gratiani exemplaria, quemadmodum & decretalium codices in cap. 3. qui matrim. accus., optimum decretum, & sine dubitatione recipiendum nobis exhibeant, quum agatur de decreto eisdem temporibus edito, quibus & Paleæ adjectiones suas elucubrabit, & Bernardus Papiensis in prima decretalium Collectione elaborabat: neque enim in antiquis Gratiani exemplaribus hic canon habetur, ut monet Baluzius in notis ad Antonium Augustinum, utque etiam ipse agnovi ex vetustissimo Ms. Gratiani codice membranaceo in Regii Athenæi bibliotheca.

Jam vero juvabit decretum ipsum integre describere, & siquæ est codicum varietas, in iis præsertim, quæ graviora videntur, demonstrare. In recentibus Gratiani codicibus hæc habetur inscriptio: *Cœlestini Papæ decretum Ecclesiæ Florentinæ missum*. Consonat id Collectioni 2. decretalium, ex qua fortassis auctor Palearum Gratianum adauxit, etenim in ipsa Collectione in cap. 1. de matrimonio contra interdictum Ecclesiæ legitur: *Cœlestinus Papa Florentinæ Ecclesiæ*; quamquam Antonius Augustinus in notis observet alicubi se legisse nomen Cœlestini III. ad Florentinum Episcopum scribentis, alicubi nomen Clementis III. *Videntur nobis* (ait auctor canonis) *quod secunda, quam contra prohibitionem Ecclesiæ duxit, non sit uxor, etiamque primam* (Antonius Augustinus notat in prima decretalium Collectione le-

gi, & si primam, quamquam fateatur Contii editionem, & tres Tarraconenses codices cum Palea consonare) non haberet desponsatam. Nam quod contra interdictum, & ordinem (melius legendum erit ordinationem, quemadmodum in uno ex veteribus Gratiani libris haberi testabatur Antonius Augustinus in adnotationibus in 1. Collectionem decretalium) Ecclesie factum est, tanquam inordinatum ratum non haberi tam divine, quam humane legis proclamat auctoritas. Quia igitur ea, quam inordinate superduxit, prohibitione renitente, uxor non est, cogendus est eam recipere, quam iuravit, & desponsavit, & ex ea prolem genuit, ut juramenti religio non vilipendatur, & fides ad invicem promissa servetur, & proles in cultu Dei nutriatur, & educetur, & alii exinde occasionem pejerandi, & alias decipiendi assumere non valeant. Sic se habet prior canonis pars, in qua describenda erravit sane Contius, dum huc expressit: Quia igitur ea, quam inordinate superduxit, prohibitione renitente, uxor, non est cogendus eam recipere, quam iuravit &c., quam lectionem improbavit Antonius Augustinus loco memorato. Proposita erat apud Pontificem Maximum species de eo, qui se cum una matrimonium initurum spondit, imo & sponsonem iurejurando firmavit; deinde ex ea ante initas nuptias prolem suscepit. Dum vero ipse conjugium cum alia contrahere meditaretur, a priori conventus apud Iudicem Ecclesiasticum prohibitus est, ne causa indiscussa nuptias cum alia celebraret. Sed neglecto interdicto matrimonium cum alia contraxit; hinc quæsitum an matrimonium istud valeret. Negative respondit Cælestinus, sive quod priori sponsæ fides data, & iurejurando firmata post susceptam etiam prolem esset implenda, sive quia nullus esse momenti poterat conjugium, quod contra interdictum Ecclesie celebratum proponeretur. Huic definitioni cuiuspiam forte adversari videbuntur recentiorum Pontificum rescripta, quæ habentur in cap. 1. 2. & 3. de matrim. contr. contra interdictum Ecclesie; in his enim, quod contra interdictum Ecclesie matrimonium initur, illicitum dicitur, non invalidum; at Cælestinus etiam nuptias non valere pronunciat. Verum, quum non omnia interdicta, quæ ab Iudicis iurisdictione dimanant, eisdem concipiantur formulis, propterea non omnium eadem vis erit, atque effectus, ut aliquando quid fieri non debeat, aliquando quid fieri non possit, expriment; & ubi sit, quod fieri non decere decernitur, valeat actus, licet honestati non congruat & æquitati, non valeat e converso, quoties fieri quidpiam non posse decernatur. Idem sane in ipsismet generalibus Ecclesie legibus servatum agnoscimus, quamquam enim ex gr. vetitum legamus in Concilio Tridentino conjugia, & præviis denunciationibus, & testibus præsentibus esse celebranda, non alia de causa valet matrimonium omisis denunciationibus, licet illicitum habeatur, non valet nullis accedentibus testibus, quam quod in denunciationibus quid debeat, in testibus quid debeat fieri, præstitutum sit. Itaque in interdicto Ecclesiastico, de quo sermo erat apud Cælestinum in canone 2., arduior erat interdicentis Iudicis formula, quemcumque subsequenter conjugii actum irritantis; at in interdicto Ecclesiastico, quod exhibetur in cap. 1. 2. & 3. de matrim. contr. contra int. Eccl. talis formula non erat adhibita. Quod si adhuc quispiam intercederet, ajendo non constare de hac formularum diversitate memoratis in locis, observandam ego proponerem regulam interpretandorum rescriptorum; in quibus cum non integra facti species exprimat, necessarium est, nedum opportunum, multa recta, commodaque interpretatione juxta rectam rationem, ac generales leges supplere, ne aut a generalibus principiis deesse nos, aut eadem invicem pugnare videantur.

Suc-

Succedit altera rescripti pars ibi: *Quod autem parentes, fratres, & cognati utriusque sexus in testificationem suorum* (in prima Collectione decretalium legitur: *in testificatione filii, vel filiae*) *ad matrimonium conjungendum, vel dirimendum admittantur tam antiqua consuetudine, quam legibus approbatae.* Ideo enim maxime parentes, & si defuerint (in prima Collectione habetur: *Ideo maxime parentes recipiuntur, si ve si defuerint: alii codices apud Antonium Augustinum, si vero defuerint, alii, si defuerint*) parentes, proximiores admittuntur, quoniam unusquisque suam genealogiam, & cum testibus & chartis (alii codices, & prima Collectio decretalium habet, *sum testibus & chartis*) tum etiam ex recitatione (ita optimi codices habent, quos memorat Antonius Augustinus, reprobata prima Collectione decretalium edita, in qua legitur: *tum etiam exercitatione*) *majorum scire laborat.* (In veteri codice, Tarraconensi notat Antonius Augustinus legi: *scire laboraret.*) *Qui enim melius recipi debent, quam illi, qui melius sciunt, & quorum est interesse ita, ut, si non interfuissent, & consensum non adhibuerint, secundum leges nullum fiat matrimonium? Quod vero legitur: Pater non recipiatur in causa filii, nec filius in causa Patris, in criminalibus causis, & contrariis verum est; in matrimonio vero conjungendo, & disjungendo ex ipsius conjugii prerogativa, & quia favorabilis res est, congrue recipiuntur.* Nihil sane hac constitutione congruentius in hac re esse poterat, dum conjugia non a quolibet turbari posse dicuntur prætexit consanguinitatis, ut alterius impediementi inter conjuges intercedentis, sed sollicitudinem hanc familiaribus, ac propinquis, quorum maxime interest, esse relinquendam. Quando vero auctor canonis ad hanc rem cum antiquæ consuetudinis auctoritate memorat auctoritatem legis, puto referri ad legem 30. cod. ad leg. Juliam de adulteriis, ubi cavetur, ne matrimonia protervis, & falsis contumeliis extraneorum deformatur. Addi potest Harmenopolus in promptuario Juris civilis lib. 6. tit. 2.

De canonibus 9. & 10. cau. 30. qu. 1.

Quotquot eruditissimi viri in canones 9. & 10. cau. 30. qu. 1. animum intenderunt, in ea omnes fuisse sententia, ut a Cælestino primo Pontifice Maximo eodem abjudicaret, aut saltem de eorundem auctoritate plurimum dubitarent. Vannespen in brevi commentario ad 2. partem Gratiani ait: *Quamvis de veritate, seu sinceritate horum decretorum respondere non auserim &c.*, & fidentius Petrus Constant in tom. 1. epistolarum Romanorum Pontificum ait: *De duobus istis decretis hoc non ambigendum videtur ea simul, & ab eodem parente fuisse edita. Neque illud iis, qui aliquam Ecclesiasticæ disciplinæ notitiam perceperunt, minus est perspicuum, hujusmodi decreta in Cælestini nostri ætatem minime convenire. Tum a gradu suo desciiebantur Episcopi, vel Presbyteri lapsi, sed publica eis poenitentia non imponebatur certo annorum numero exigenda. Longe minus tunc obtinebat usus, ut hæc poenitentia peregrinando persolveretur. Multo autem magis Cælestini III., quam Cælestini I. a vo consuetudo ista congruit. De Cælestino III. frustra hæc quaereretur, quum vixisset ille, post Gratianum. Item de Cælestino II. difficilis esset questio, sive quod incertum admodum sit, utrum Gratianus tempore Cælestini II. opus suum jam absolvisset, sive quod Cælestinus II. paucis vix mensibus Ecclesiam Romanam tenuerit, nec aut. satis temporis habuit, quo nova disciplinæ capita stabiliret, aut apud Col-*

lectores Pontificiorum decretorum constat, eum hujus disciplinæ auctorem existere, aut ulla esse potuit tunc occasio hujus constituendæ adversus Episcopos, aut Presbyteros pœnæ; etsi enim constat, plurimos ex clericis sæculo 11., aut 12. a continentiz legibus recessisse, eo tamen devenisse non legimus usque, ut Pœnitentiz Sacramento abuterentur. Igitur cum a Cœlestino I. manifesta argumenta canones illos abjicerent, dicendum erit Gratianum ex pravo aliquo codice fuisse deceptum. Is, arbitrator, esse potuit codex aliquis Pœnitentialis Gratiani sæculo edius; & forte Pœnitentialis ille Romanus, quem typis edidit Antonius Augustinus; in eo enim titulo 8. cap. 4. & 5. referuntur iidem Gratiani canones nonus, & decimus, & quidem ambo sub nomine Cœlestini, non quod revera Cœlestini existerent, sed quod fama erat, nonnulla de spirituali cognatione a Cœlestino Papa fuisse constituta, quemadmodum docebat eodem tempore Petrus Lombardus lib. 4. sentent. dist. 42. Et sane postquam in Codicibus Pœnitentialibus Cœlestini nomine evulgari cœperunt hi canones, facile intelligimus, quæ de causâ & in alios codices hi canones traducerentur, & quidem nomine ejusdem Cœlestini, vel quia codices Pœnitentiales vulgatissimi erant, & assidue a Clericis voluabuntur, vel quia iidem codices eximie apud omnes erant auctoritatis. Hinc non Gratianus tantum nomine Cœlestini canones illos commemoravit, sed etiam Guillelmus Major Andegavensis in suis statutis synodalibus synodo 16. anni 1312. in tomo 1. Spicilegii Dacheriani.

Illud observatione dignum, quod situm est in collatione variorum codicum: Nimirum canon 10. Gratianus consonat penitus cum codice Pœnitentiali Antonii Augustini, non vero penitus consonat canon 9. Gratianus; desunt enim ibidem illa verba *si laica est*, & pro illis Gratiani verbis, *peregrinando duodecim annos pœniteat*, legitur apud Antonium Augustinum: *peregrinando quindecim annos pœniteat*. In codice MS. antiquissimo Gratiani deesse ego novi vocem illam: *spirituali*, & pro voce *duodecim*, potius *quindecim* legi, demum supra verba illa: *si laica est*, hæc alia adjecta novi, licet alio charactere descripta: *non sanctimoniali*. Apud Guillelmum Majorem loco memorato nonnulla omittuntur, ibi: *Item Cœlestinus: Si quis Sacerdos cum filia spirituali fornicatus fuerit, sciat se grave adulterium commississe. Idcirco femina, si laica est, omnia derelinquat, & res suas pauperibus tradat, & conversa in monasterio usque ad mortem Deo serviat. Item: Non debet Episcopus, aut Presbyter commisceri cum mulieribus, quæ eis sua fuerint confesse peccata: Si forte, quod absit, hoc contigerit, sic pœniteat, quomodo de filia spirituali. Episcopus quindecim annis, Presbyter duodecim, & deponatur, tamen si in conscientia populi deventerit*.

Qualicumque vero habita fuerit capitum istorum auctoritas, nullum dubium est, exinde subortam fuisse nonnullarum quæstionum occasionem apud cultores ecclesiasticæ disciplinæ. Nonnulli in primis exinde statutum crediderunt, ut ex Sacramento Pœnitentiz, quemadmodum ex Sacramento Baptismi, & Confirmationis, oriatur cognatio spiritualis, quæ matrimonium contrahendum impediret, olim ex. gr. inter pœnitentem, & filium, vel filiam naturalem Sacerdotis. Statim ac prodierunt apocrypha veterum Pontificum fragmenta nomine Symmachi, Sylvestri, & Cœlestini, ut in distis canonibus 9. & 10., item can. 8. eadem causâ, & quæstione, passim tradi cœpit, spirituales Sacerdotis filiam appellari eam, quæ Sacerdoti sua peccata confiteretur, quemadmodum explicat Gratianus ante laudatum canonem 8., necnon Petrus Lombardus lib. 4. sent. dist. 42. his verbis: *Dicitur etiam*

etiam spiritualis filia Sacerdotis, quæ ei peccata sua constetur. Verum hæc spiritualis filiz adpellatio talis quidem apud veteres Theologos fuit, ut gravius delinqueret Sacerdos, quoties filiz spirituali commiseretur, non ut cognitio inde spiritualis emergere videretur exemplo Baptismatis, & Confirmationis. Id egregie docet S. Thomas in quæst. 56. art. 2., ubi, postquam statuit spiritualem cognationem tantum per duo Sacramenta contrahi, nimirum per Baptismum, & Confirmationem, ita scribit ad 8. *Dicendum, quod per Sacramentum Pœnitentiæ non contrahitur proprie loquendo spiritualis cognatio. Unde filius Sacerdotis potest contrahere cum illa, quam Sacerdos in confessione audit; alias filius Sacerdotis non inveniret in tota parochia mulierem, cum qua contrahere posset. Nec obstat, quod per pœnitentiam tollitur peccatum actuale, quia hoc non est per modum generationis, sed magis per modum sanationis. Sed tamen per pœnitentiam contrahitur quoddam sœdus inter mulierem confitentem, & Sacerdotem spirituali cognationi simile, ut tantum peccet eam carnaliter cognoscens, ac si esset sua spiritualis filia; & hoc ideo, quia maxima familiaritas est inter Sacerdotem, & confitentem, & ob hoc ista prohibitio est indulta, ut tollatur peccandi occasio. Quæ acutius Vir laudatissimus disputat in investiganda & Baptismi, & Pœnitentiæ natura, ex qua fiat, ut in Baptismo cognitio spiritualis contrahatur, non in Pœnitentia, ego facile omitto. Tantum dixerò, cognationem spiritualem ecclesiastica lege inductam, probatamque fuisse, quo fere modo civili lege inducta est cognitio civilis, quæ ex adoptione proficiscitur. Ergo non aliis in causis censerebatur spiritualis contracta cognitio, nisi in quibus ita cautum adpareat ecclesiastica lege. At enim vero, si quotquot canones antiquissimos, aut etiam recentiores consideres, nullibi cognationem spiritualem inductam agnosces, nisi in Sacramento Baptismatis, ac Confirmationis. Neque valeret dicere, pœnitentem jure adpellari posse spiritualem filiam; etenim non ex hisce, aut similibus rationum momentis cognationes inducuntur, sed ex lege; aut siquid concedendum est, tantum probatur exinde, Ecclesiam inniti posse non contemnendis rationibus, quoties cognationem spiritualem & in Sacramento Pœnitentiæ contrahi definiret. Quod vero a Sancto Thoma subjicitur de Sacerdote gravius delincente, ubi cum pœnitente delinquat, ac proinde graviori pœnitentiæ subdendum esse, probandum, laudandumque facile videtur. Etsi enim inprimis sacris canonibus id cautum expresse non haberetur, tamen pœnitentiæ modus non semper ex expressa lege Ecclesiæ dependet, cum Ecclesia ipsa frequentissime id arbitrio Sacerdotis demandaverit, qui pensatis æquissimo judicio rerum omnium, ac causarum adjunctis ipse, prout melius noverit, definiat, decernatque. Deinde canones Gratiani memorati 8., 9., & 10. statim ac ex collectione Gratiani in Pœnitentialia publica transducti sunt, haberi cœperunt tanquam optimæ regulæ, quas sequi, si non optimum, honestum saltem Sacerdotibus Sacramentum Pœnitentiæ ministrantibus visum est, ubi præsertim nihil bonis moribus officere poterat, licet auctor canonum non ille esset, qui vulgo credebatur.*

Sic soluta est præcipua quæstio: aliis disputationibus occasionem præbere possunt canonum verba. Ait auctor canonis 9. *Siquis Sacerdos cum filia spirituali fornicatus fuerit, sciat se grave adulterium commisisse.* Adulterium hic adpellatur ex canonum disciplina, juxta quam adulter etiam dicitur, qui sacratus Deo est, & incontinentiæ crimen admittit, quemadmodum habetur in Concilio Carthaginiensi 4. cap. 104. Hinc Gregorius III. in capitulis, quæ appellantur: *judicia congrua pœnitentibus cap.*

4. ait: *Adulterium dicitur, cum quis alterius violat uxorem, vel sanctimoniale. Prosequitur auctor canonis, pœnam inferendo in filiam, ut dicitur, spirituales, ut; A laica est, omnia derelinquat, & res suas pauperibus tradat, & conversa in monasterio Deo usque ad mortem serviat.* Hæc adulterarum mulierum pœna aliquando fuit; sic in libello septem capitulorum inserto in opusculo Hincmari Rhemensis de divortio Lotharii pag. 310. editionis Parisiensis anni 1615. cap. 4. §. 7., & 15. proponitur, Tetbergam adulterii crimine pollutam eidem pœnitentiæ fuisse subiectam, ut monasterio perpetuo addiceretur. His addere quispiam posset canonem §. cau. 16. qu. 6., ex quo etiam interpretaretur commode postrema verba ejusdem canonis 9., ubi pœna in Sacerdotem infligitur depositionis, & peregrinationis per duodecim, aut, quemadmodum alii legunt, quindecim annos, & inclusionis perpetuæ in monasterio. Hæc sane pœnitentiæ species in clericis absurda visa est eruditissimis canonum Interpretibus, quoties canonis auctorem agnoscere debuissent Celestinum I., cujus temporibus Sacerdotes deponebantur quidem ob enormia quædam flagitia, at vero ulteriore pœnitentia non gravabantur. Quod si probandum est, quod ibidem dicitur, in ea specie plurium annorum pœnitentiam suscipiendam fore, arbitror commodius esse legendum *quindecim*, quam *duodecim* ob antiqua exemplaria, in quibus legimus *quindecim*, atque ita emendatus canon cum aliis disciplinæ ecclesiasticæ capitibus consonat. Sic enim in judicii Gregorii III. cap. 11. quindecim annorum pœnitentia infligitur illi, qui cum filia sua, vel sorore deliquerit, quamquam non denegaverim, aliquando duodecim annorum in similibus delictis pœnitentiam inflictam fuisse, aliquando etiam minorem, quemadmodum in eisdem judiciis Gregorii III. cap. 5. Episcopi cum sanctimoniali adulterium admittentes decem annorum pœnitentiæ subjacent, Presbyteri septem, Diaconi quinque. Non fuit hac in re perpetua Ecclesiarum disciplina, sed modo severior, modo mitior pro temporum, ac causarum ratione. De canonis 10. sententia nihil aliud hoc in loco adjiciam, quam ipsam plurimum convenire cum judicii Gregorii III. cap. 4. ibi: *Adulterium dicitur, cum quis alterius violat uxorem, vel sanctimoniale. Adulter vocatur violator maritalis pudoris, eo quod alterius torum polluit. Si Episcopus adulterium commiserit, duodecim annos pœniteat, Presbyter decem, Diaconus septem, Subdiaconus quinque, clerici, & laici tres. Si autem in conscientia populi devenerit, extra Ecclesiam fiant, & inter laicos pœniteant, quamdiu vivunt.* Demta varietate disciplinæ, quæ potissimum in annorum pœnitentiæ numero sita est, parum differt Gratianæ canon a canone Gregorii. Sed, ut jam proponebam, hæc ipsa disciplinæ varietas apud eundem Gregorium agnoscitur, ibidem enim in capite §. subjicitur alia pœnæ ratio subeunda etiam in eodem crimine, quod Episcopus, aut alius quispiam de clero admiserit.

CAPUT XLI.

311

De Sixto III.

Sixto III. tribuuntur apud Gratianum sequentes canones.

Ex epistola ad Orientales Episcopos. Apocryphi omnes.	{	Can. 10. cau. 2. qu. 5. consonat cum libro Pontificali. Can. 4. cau. 2. qu. 8. { referendi ad epistolam 3. Fabiani, aut Can. 12. cau. 3. qu. 6. { ad Codicem Theodosianum.
--	---	--

PArum, aut nihil propemodum interest de Sixto III., ejusque gestis verba facere: siquidem Gratianus unicam tantummodo commemoravit epistolam ejusdem Pontificis nomine, quæ illius non est, eas e contrario, quæ illi recte tribuuntur, omisit. Tantum dixero, Sixtum anno 432. fuisse Summum Pontificem. inauguratum, vita vero functum fuisse anno 440. 5. Kalendas Aprilis. Quæ ejusdem nomine laudatur epistola, prodiit ex collectione Isidori Mercatoris sub hac inscriptione: *Sixtus Episcopus omnibus Orientalibus Episcopis in Domino salutem*. Et data proponitur Kalendis Aprilis Valentiniano, & Florianio Viris clarissimis Consulibus. Qui in suis consularibus studium impenderunt, observare nullum designari posse sub Sixto III. Consulatum Valentiniani cum Florianio, imo & Consulatum Valentiniani incidisse in annum 440., qui est postremus Sixti III., proptereaque non potuisse Sixtum anno 440. epistolam scribere Kalendis Aprilis, quando jam eodem anno obierat quinto Kalendas ejusdem mensis. Hæc ratio movit jam Viros eximios, Baronium, Severinum Binium, Alexandrum Natalem, aliosque, ut hanc ipsam epistolam a Sixto III. abjudicaret. Huic observationi accesserunt gravissima rationum momenta, vel quod dicendi ratio non satis conveniat Sixto, quemadmodum illis facile liquet, qui hanc ipsam epistolam cum aliis monumentis ejusdem Sixti genuinis conferant; vel quod plurima ibidem legantur, quæ consonant cum aliis Isidori Mercatoris epistolis, ut ad exemplar illarum scripta hæc epistola videatur, præsertim ad exemplar epistolæ 3. Fabiano adscriptæ, vel quod auctor epistolæ usus adpareat verbis posteriorum Scriptorum, Leonis Maeri, Gregorii Magni, ut omittam leges Theodosianas, eisque adjectas Aniani interpretationes, vel demum quod integra hæc epistola referatur integra ad commentitium Bassi accusationem adversus Sixtum eundem Pontificem, cujus causa Romæ Synodus celebrata dicitur, Synodus sane, quæ nulla unquam ratione adduci uspiam potuerunt eruditi Viri, ut inter germana sacre veritatis monumenta recenserent.

Paucis expressi, quid universi de hac epistola sentiant, ut indicarem, quznam sit Gratianeorum canonum memoratorum auctoritas. Primus ex illis est canon 10. cau. 2. qu. 5., in quo epistolæ præcipuum argumentum continetur. Qui fiditiam hanc Sixti accusationem, processum judicii, acta integra, sententiamque adversus Bassum accusatorem prolatam, expendere voluerit, legat acta Concilii Romani, quorum tres editiones habentur in recentioribus Conciliorum collectionibus, si tamen tam barbara, squallidaque monumenta, & procul a veritate aliena sine tædio legere

Can. 10.
cau. 2.
qu. 5.

legere poterit , aut nisi malit Scriptores historicos adire , qui non tam de hac controversia sermonem fecerunt , quam eam tanquam imperiti alicujus opus rejicere non dubitarunt . Auſtor libri Pontificalis eadem , quæ in hoc canone continentur , enarravit , a Mercatore deceptus , his verbis . *Hic (Sixtus III.) post annum unum , & menses octo incriminatur a quodam Basso . Eodem tempore audiens hoc Valentinianus Augustus jussit Concilium , & sanctam Synodum congregari . Et factò conventu cum magna examinatione per judicium synodicum purgatur a 56. Episcopis , & condemnatur Bassus a Synodo , &c.*

Post verba , quæ leguntur in memorato canone 10. , hæc statim subsequuntur in epistola Pseudo-Sixti ad unam eandemque causam pertinentia : *Cum scriptum sit : Siquis crimen objicere voluerit , scribat se prius probaturum , & alibi : Criminationes adversus doctorem nemo recipiat ; & iterum : Siquis Episcopus , Presbyter , aut Diaconus , vel quilibet clerici apud Episcopum a qualibet persona fuerint accusati , quicumque fuerit , sive ille sublimis vir honoris , sive ullius alterius generis persona , qui hoc genus illaudabilis intentionis arripuerit , noverit docenda probationibus , monstranda documentis se debere inferre : Siquis ergo circa hujusmodi personas non probanda detulerit , intelligat se iacturam famæ sustinere , & sub magna excommunicatione exilio deportari . Hanc sententiam paucis pertrinxit , imo etiam diversam reddidit Gratianus in can. 4. cau. 2. qu. 8. ibi : Qui crimen objicit , scribat se probaturum ; & qui non probaverit , quod objeceris , pœnam , quam intulerit , ipse patiatur . Potius hæc laudanda fuissent ex epistola 3. Fabiano Papæ apud Mercatorem adscripta , ubi eadem omnino verba leguntur , iis adjectis , quæ Gratiano codici recens addiderunt Romani Correctores : quamobrem hodie idem canon 4. Fabiano potius , quam Sixto adscribendus esset , quoties epistolæ Fabiani , & Sixti apud Mercatorem fidem aliquam mererentur . At vero cum Mercator consueverit alienas cujuscumque ætatis sine delectu sententias suis epistolis interferere , non diu elaborandum est , ut archetypus indicetur . Verba epistolæ Fabiani depromsit ille ex interpretatione Aniani Sixto recentioris ad legem 11. Cod. Theodos. de accusationibus , & verba Sixti depromsit ex lege 41. Cod. Theodos. de Episcopis , quæ etiam est Sixto posterior . Constitutio est Imperatorum Honorii , & Theodosii , cujus verba cum verbis Sixto tributis conferenda hæc sunt : *Si Episcopus . vel Presbyter , Diaconus , & quicumque inferioris loci Christianæ legis minister , apud Episcopum siquidem alibi non oportet) a qualibet persona fuerint accusati , sive ille sublimis vir honoris , sive ullius alterius dignitatis , qui hoc genus laudabilis intentionis arripit , noverit docenda probationibus , monstranda documentis se debere inferre . Siquis ergo circa hujusmodi personas non probanda detulerit , auctoritate hujus sanctionis intelligat , se iactura famæ propriæ subiacere , ut damno pudoris , existimationis dispendio , discat sibi alienæ verecundiæ impune insidiari , saltem de cetero , non licere . Nam sicut Episcopos , Presbyteros , Diaconos , ceterosque , si his objecta comprobari potuerint , maculatos ab Ecclesia venerabili æquum est removeri ita similis videri debet iustitiæ , quod appetitæ innocentie moderatam deferri iustissimam ultionem .**

Eadem ferenda sententia est de canone 12. cau. 3. qu. 6. Is legitur in epistola 3. Fabiano adscripta , cujus deinde verba idem Ilidorus Mercator epistolæ Sixti III. adfuerat . Verba Fabiani hæc sunt : *Peregrina vero judicia , salva in omnibus Apostolica auctoritate , generali sanctione prohibemus , quia indignum est ab externis ut iudicetur , qui provinciales , & a se electos debet habere iudices , nisi fuerit appellatus . At*

ver

vero ibi Mercator abusus est Legibus Theodosianis, videlicet l. 10. Cod. Theodos. de accusat. ibi: *Ultra Provincie terminos accusandi licentia non progrediatur; oportet enim illic criminum iudicia agitari, ubi facinus dicatur admissum. Peregrina autem iudicia presentibus legibus coercemus.*

Unum adhuc me moratur in hac expendenda Sixti III. epistola. Nimirum intueor apud Gratianum nonnulla alia capita, quæ cum hac ipsa epistola consonant, quæ tamen sub aliis nominibus describuntur. Is est inter ceteros canon 50. cau. 2. qu. 7., quem Concilio Romano Gratianus adscripsit, quemque jam expendi in 1. parte cap. 45. Is etiam est canon 55. cau. 11. qu. 5., qui licet jure optimo nomen præferat Gregorii Papæ, tamen ad literam eisdem omnino verbis in epistola Sixti III. legitur, ex quo illud magis magisque liquet, epistolam ipsam, quæ Sixto III. tribuitur, ex variis recentiorum faciniis fuisse inordinate congestam.

CAPUT XLII.

De Leone Magno.

In recensendis Leonis Magni epistolis, temporis, quo scriptæ fuerunt, ordinem sequar, ut accuratius plurima ex illis decerpta fragmenta expendantur; nisi tamen plures ad eundem scriptæ epistolæ exhibeantur; tum enim ipsa rei, de qua in illis agitur, adfinitas aliam methodum exposcit, illasque jungendas quodammodo suadet. Dabo autem priorem locum libris sermonum.

Ex libris Sermonum.	{	Can. 5. dist. 76. ex integro sermone supplendus.
		Can. 6. dist. 76. consonat cum optimis exemplaribus.
		Can. 5. cau. 24. qu. 1. ex integro sermone supplendus.
		Can. 39. de pæn. dist. 3. parum accommodus proposito Gratiani.
Ex epistola ad Episcopos Africanos, alias ad Mauros.	{	Can. 5. dist. 61. paullo varius in diversis exemplaribus.
		Can. 8. dist. 61. iungendus cum can. 5. dist. 61.
		Can. 3. dist. 78. referendus ad canonem 5. dist. 61.
		Can. 4. dist. 80. non congruit Leonis temporibus.
		Can. 25. cau. 1. qu. 1. referendus ad canonem 5. dist. 61.
		Can. 43. cau. 1. qu. 1. idem est cum can. 24. cau. 25. qu. 2.
Dubiz fidei.	{	Can. 18. cau. 1. qu. 7. ex integris epistolæ exemplaribus supplendus.
		Can. 19. cau. 1. qu. 7. non idem est in diversis exemplaribus.
		Can. 20. cau. 1. qu. 7. ex pluribus epistolæ laciniis compositus.
		Can. 24. cau. 25. qu. 2. idem est cum can. 43. cau. 1. qu. 1.
		Can. 14. cau. 32. qu. 5. non idem est in omnibus codicibus.

Pars secunda. Caput XLII.

- Can. 2. dist. 14. jungendus cum ceteris hujus epistolæ capitibus.
 Can. 10. dist. 31. paullo varius in diversis exemplaribus.
 Can. 67. dist. 50. consonat cum canonibus Carthaginensibus, & Siricii Papæ.
 Can. 1. dist. 62. jungendus cum can. 40. cau. 1. qu. 1.
 Can. 2. dist. 86. omnino consonat cum epistola Leonis.
 Can. 40. cau. 1. qu. 1. jungendus cum can. 1. dist. 62.
 Can. 34. cau. 11. qu. 1. perperam expostus a Gratiano, idemque est cum can. 65. de pæn. dist. 1.
 Can. 8. cau. 20. qu. 1. ex integris epistolæ codicibus emendandus.
 Can. 1. cau. 20. qu. 3. paullo varius in diversis exemplaribus.
 Can. 1. cau. 24. qu. 2. apud recentiores Patres non receptus.
 Can. 17. cau. 27. qu. 2. referendus ad can. 12. cau. 32. qu. 2.
 Can. 11. cau. 32. qu. 2. ex melioribus codicibus emendandus.
 Can. 12. cau. 32. qu. 2. jungendus cum can. 17. cau. 27. qu. 2.
 Can. 14. cau. 33. qu. 2. ex integra epistola supplendus.
 Can. 62. de pæn. dist. 1. ex integra epistola supplendus.
 Can. 65. de pæn. dist. 1. ex epistola Leonis integra emendandus.
 Can. 2. de pæn. dist. 5. posterioris etiam temporis discipline conformis.
 Can. 3. de pæn. dist. 5. conferendus cum can. 4. de pæn. dist. 5.
 Can. 1. de pæn. dist. 7. referendus ad can. 11. cau. 32. qu. 2.
 Can. 38. de conf. dist. 4. paullo varius in diversis codicibus.
 Can. 113. de conf. dist. 4. ex duplici Leonis rescripto compositus.

Ex epist. 1. ad
 Episcopos per
 Campaniam,
 Picenum, &
 universas Pro-
 vincias.

- Can. 10. dist. 46. ex optimis codicibus emendandus.
 Can. 1. dist. 54. idem est cum can. 21. ejusdem distinctionis.
 Can. 21. dist. 54. ex integra epistola supplendus.
 Can. 7. cau. 14. qu. 4. paullo varius in diversis exemplaribus.

Ex epist. 2.
 ad eosdem.

- Can. 61. de pæn. dist. 1. { simul jungendi, atque ex integra
 Can. 89. de pæn. dist. 1. { epistola supplendi.

Ex epistola
 ad Anastasium
 Thessalonicen-
 sem.

- Can. 2. dist. 18. consonat cum canone 5. ex Nicænis.
 Can. 1. dist. 32. ex integra epistola supplendus.
 Can. 6. dist. 45. ex integra epistola supplendus.
 Can. 19. dist. 63. ex integra epistola supplendus.
 Can. 36. dist. 63. ex integra epistola supplendus.
 Can. 4. dist. 65. consonat cum integris epistolæ exemplaribus.
 Can. 14. cau. 2. qu. 6. consonat cum integris epistolæ exemplaribus.
 Can. 8. cau. 3. qu. 6. ex integra epistola supplendus.
 Can. 31. cau. 7. qu. 1. aliis discipline ecclesiasticæ monumentis al-
 quantisper diffinis.
 Can. 1. cau. 19. qu. 2. ex integra epistola supplendus.
 Can. 5. cau. 25. qu. 2. consonat cum optimis epistolæ exemplaribus.
 Can.

Ad Nicetam Aquilejensem Episcopum. { *Can. 1. cau. 1. quæst. 1. apocryphus, & ad epistolâ sententia alienus.*
Can. 1. dist. 86. referendus ad epistolam Leonis ad Januarium.

Ex alia ad eundem epistola. { *Can. 51. cau. 1. qu. 1. jungendus cum can. 2. cau. 26. qu. 7.*
Can. 57. cau. 1. qu. 1. idem est cum can. 51. cau. 1. qu. 1.
Can. 2. cau. 26. qu. 7. ex optimis exemplaribus emendandus.
Can. 1. cau. 34. qu. 1. Justiniani constitutionibus confirmatus.

Ex epistola ad Januarium Aquilejensem, alias ad Julianum. { *Can. 42. cau. 1. qu. 3.* { *jungendi simul, atque ex integra*
Can. 112. cau. 1. qu. 1. { *epistola supplendi, necnon emen-*
Can. 21. cau. 1. qu. 7. { *dandi.*

Ad Episcopos Provinciae Viennensis in Gallia. { *Can. 7. dist. 19. ex integra epistola supplendus.*
Can. 27. dist. 63. ex ipsa epistola emendandus.

Ad Dioscorum Alexandrinum. { *Can. 4. dist. 75.* { *simul jungendi, & ex integra epistola sup-*
Can. 5. dist. 75. { *plendi.*
Can. 16. cau. 24. qu. 1. jam a Romanis Correctoribus emendatus.
Can. 51. de cons. dist. 1. ex aliis codicibus emendandus.

Ad Episcopos Siciliæ. { *Can. 10. dist. 11. jungendus cum aliis capitibus infra laudatis.*
Can. 2. cau. 25. qu. 1. paullo varius in diversis exemplaribus.
Can. 12. de cons. dist. 4. ex integra epistola emendandus.
Can. 13. de cons. dist. 4. ex integra epistola supplendus, emendan-
Can. 14. de cons. dist. 4. fere consonat cum optimis epistolæ exem-
Can. 16. de cons. dist. 4. ex integra epistola emendandus.

Ex alia epistola ad eundem. { *Can. 52. cau. 12. qu. 2. Leoni falso tributus.*

Ex epistola ad Flavianum Constantinopolitanum. { *Can. 30. cau. 24. qu. 5. paullo varius in diversis codicibus.*

Ad Pulcheriam Augustam. { *Can. 5. cau. 24. qu. 2. ex integra epistola supplendus, atque emen-*
dandus.

- Ex alia epistola ad eandem. { Can. 21. cau. 23. qu. 5. ex integra epistola supplendus.
- Ex epistola ad Clerum, & Populum Constantinopolitanum. { Can. 3. dist. 38. ex integra epistola supplendus.
Can. 38. de cons. dist. 2. ex pluribus veterum Patrum sententiis compositus.
- Ad Anatolium Constantinopolitanum. { Can. 68. cau. 1. qu. 1. a Gratiani proposito alienus.
- Ex alia epistola ad eundem. { Can. 6. dist. 47. ex integra epistola supplendus.
Can. 3. cau. 25. qu. 1. ex integra epistola supplendus.
- Ex alia ad eundem. { Can. 34. cau. 24. quest. 3. paullo varius in diversis exemplaribus.
- Ex epistola ad Marcianum Augustum. { Can. 2. cau. 25. quest. 2. a Gratiano corruptus.
Can. 17. cau. 25. quest. 2. idem est cum canone 2. cau. 25. quest. 2.
- Ad Theodorum Foro-Juliensem, { Can. 10. cau. 26. qu. 6. { jungendi simul, atque ex integra.
Can. 49. de pæn. dist. 1. { epistola supplendi. —
- Ad Theodoretum Cyrensem. { Can. 19. cau. 16. qu. 1. congruit illius temporis adjunctis.
- Ad Leonem Augustum. { Can. 69. cau. 1. qu. 1. ex integris epistolæ codicibus emendandus.
- Ad Leonem Episcopum Ravennatem. { Can. 112. de cons. dist. 4. varius in diversis exemplaribus.
- Ad Episcopos Germaniz, & Galliz. { Can. 4. dist. 68. Concilio Hispalensi II. potius tribuendus.
- Ad Galerium Episcopum Tripolitanum. { Can. 13. cau. 33. qu. 2. falso Leoni seu I., seu IV. inscriptus.
- Adjiciuntur. { Can. 1. dist. 72. est potius Concilii Romani Eugenii II., & Leonis IV.
Can. 16. cau. 3. qu. 9. verosimilius est Leonis III.

Can.

Can. 4. cau. 16. qu. 2. est potius Leonis II.

Can. 4. cau. 30. qu. 5. est potius Concilii Troslejani anni 909.

Can. 1. cau. 31. qu. 1. est potius Concilii Triburiensis anni 895.

Can. 101. de conf. dist. 4. forte referendus ad Concilium Svesvicensense anni 853.

AD oppugnandas hæreses, quæ universis fere sæculis Ecclesiam turbaverunt, Deus Optimus Maximus fidelibus suis ita consuluit, ut Viros optimos, quos propemodum natos ad rem illam dixeris, misisse perpetuo videatur. Quemadmodum itaque adversus Arianos Athanasius, adversus Nestorianos Cyrillus Alexandrinus, adversus Pelagianos Augustinus mirifice insurrexerunt, ita adversus Eutychianos egregie decertavit Leo cognomento Magnus, (patria sive Tuscius fuerit, sive Romanus, disputent illi, qui otio plurimo fruuntur) Vir non mediocris ingenii, in rebus autem sive sacris, sive civilibus, ac publicis apprime versatus. Ut enim abs juventute Romanæ Ecclesiæ addictus fuerat, ibidemque Archidiaconus ordinatus, frequenter debuit Romanorum Pontificum extra Urbem legationes suscipere, non ad Episcopos tantum missus, sed ad diversarum gentium Principes, ea ætate, quæ erat valde difficilis toti quidem Europæ, sed præsertim Italix. Quassabant Romanum Imperium jam post Theodosii senioris obitum Gothi, qui Duce Alarico Romanam ipsam cepere, exinde etiam in plures Italix Provincias irruerunt. Gallia universa, & maxima Hispaniæ pars ab Imperio divisa fuerat. Præterea barbaræ illæ gentes, quarum jurisdictioni Occidentales Provincie obtemperare cogebantur, Arianorum erroribus hærebant, & quemadmodum in Oriente nondum perierant Nestoriani, ita nec in Occidente Manichæi. In Hispania adhuc Priscillianistæ hæreseos suæ virus in vulgus spargebant, ut sileam de Pelagianis, vel Semipelagianis, qui recenti doctrina fidem, religionemque corrumpere satagebant. His omnibus accessit nova Eutychetis hæresis, qui Orientales fere omnes Viros eximios olim Nestorio adversatos in suam sententiam facile detorsit. Hac durissima tempestate florebat Leo Maximorum Pontificum lateri quodammodo adhærens, eisdemque adjuvans, quo in munere tantam sibi laudem apud Romanos conciliavit, ut mortuo Sixto III., licet absens, Pontifex Maximus electus communi suffragio fuerit anno 440., non enim aptiorem reperiri posse arbitrati sunt, qui tunc Romanam, imo universam Ecclesiam regeret. Quam dignitatem ubi Leo suscepit, incredibile propemodum est, qua vigilantia communi omnium expectationi satisfecerit. Ejus opera, & alacre ingenium, & doctrinam eximiam, & rerum agendarum prudentiam exhibent, quorum etiam stylus maxime, & ubicumque conformis est, & non inelegans.

De Libris Sermonum.

Sermones, sive homilix, publice habiti a Leone numero plurimi sunt, quibus *Can. 5. sanctus Vir populum sibi commissum instrueret, aut ne a fide diverteret, aut ne a recta virtutum via desisteret. Inter hos est sermo 1. de jejunio Pentecostes, cujus fragmentum refertur in can. 5. dist. 76., ubi notatu dignum est, eam, quæ ibi assertur, rationem, ut populus post acceptum Sancti Spiritus donum jejunium*

nium celebret, non unam esse, qua Sanctus Leo inniteretur; sed aliam, & meo iudicio potiolem, quam Gratianus non retulit. Hanc declarant Leonis ejusdem. verba immediate sequentia ibi: *Quæ ob hoc quoque studiosius exequenda est, ut illa in nobis, quæ hac die Ecclesiæ divinitus sunt collata, permaneant. Templum enim sancti Spiritus Sancti, & majori, quam unquam, copia divini fluminis irrigati nullis debemus concupiscentiis vinci, nullis vitiis possideri, ut virtutis habitaculum nulla sit contaminatione pollutum.*

Can. 6. Sequitur apud Gratianum canon 6. dist. 76. Is habetur in sermone 8. de jejunio
dist. 76. decimi mensis, ubi expenditur illud Christi Domini monitum Lucæ 21. *Cavete, ne forte graventur corda vestra in crapula, & ebrietate, & cogitationibus secularibus.* Verba canonis consonant cum codicibus Leonis, nisi forte quispiam varietatem. quandam agnoscat in illis verbis, *incessabili tuba*, pro quibus aliqui codices exhibent: *incessabiliter*.

Can. 5. Canon 5. cau. 24. qu. 1. legitur in sermone 3., quem in die anniversario af-
can. 24. sumtionis suæ Sanctus Pontifex habuit, ubi, ne videretur sibi gloriolam quærere,
qu. 1. totus in Apostoli Petri laudes erupit, cujus Sedem tenebat, ita scribens: *Verior tamen nobis, & excellentior erit causa latandi, si non in nostræ humilitatis consideratione remoremur, cum multo utilius, multoque sit dignius ad Beatissimi Petri Apostoli gloriam contemplandam aciem mentis attollere, & hunc diem in illius potissimum veneratione celebrare, qui ab ipso omnium charismatum fonte tam copiosus est irrigationibus inundatus, ut cum multa solus acceperit, nihil in quemquam sine illius participatione transferit.* Postquam vero tradiderit, omnibus Christi Sacerdotibus, totique Ecclesiæ præesse Petrum vice Christi Domini, qui veluti Princeps Ecclesiæ præest, ita subdit: *Transiit quidem etiam in alios Apostolos jus potestatis istius, & ad omnes Ecclesiæ Principes decreti hujus constitutio commeauit; sed non frustra uni commendatur, quod omnibus intimetur.* Petro enim ideo singulariter creditur, quia cunctis Ecclesiæ Rectoribus Petri forma præponitur. Manet ergo Petri privilegium, ubicumque ex ipso fertur æquitate iudicium. Nec nimia est vel severitas, vel remissio, ubi nihil erit ligatum, nihil solutum, nisi quod B. Petrus aut solverit, aut ligaverit. Instante autem passione sua Dominus, quæ discipulorum erat turbatura constantiam, Simoni inquit: *Simon ecce Satanas exposulavit vos, ut cerneret, sicut triticum. Ego autem rogavi pro te, ut non deficiat fides tua: & tu aliquando conversus confirma fratres tuos, ut non intretis in tentationem.* Commune erat omnibus Apostolis periculum de tentatione formidinis, & divine processionis auxilio pariter indigebant; quoniam diabolus omnes exagitare, omnes cupiebat elidere, & tamen specialis a Domino Petri cura suscipitur, & pro fide Petri proprie supplicatur, tamquam aliorum status certior sit futurus, si mens Principis villa non fuerit. In Petro ergo omnium fortitudo munitur, & divine gratiæ ita ordinatur auxilium, ut firmitas, quæ per Christum Petro tribuitur, per Petrum Apostolis conferatur. Volui plura ex Leonis sermone adicere fragmento Gratiani, ut apertius liqueret, quali interpretatione illustrandus sit memoratus canon 5. cau. 24. qu. 1., ut agnosceret hinc unusquisque Sedis Romanæ Principatum jam ex antiquissima Patrum traditione demonstratum, ut scrutarentur alii, quales habendæ sint, & quomodo invicem conferendæ Petri, ac ceterorum Apostolorum dignitates, & qua propterea ratione conferri invicem possint & Romani Pontificis, & ceterorum Antistitum inferiorum potestates. Illud quoque observandum videtur, eundem canonem laudari etiam ex sermone 2. Leonis Magni in festivitatem Sanctorum Petri

Petri & Paulli; sed cum in eo contineantur tum plura desumpta ex sermone 2., tum plura desumpta ex sermone 3. ab eodem Leone habitis in anniversario suo, dubitandum non est, sermonem illum 2., qui habitus dicitur in festivitate Apostolorum Petri & Paulli, non Leoni, sed alii cuiquam auctori tribuendum esse.

Con. 39.
de pœn.
dist. 1.

Canon 39. de pœn. dist. 3. legitur eisdem verbis in sermone 52., qui tertius est de passione Domini. Illic totus est Sanctus Pontifex, ut populo proponat rectissimam credendi normam, nequis aut in Nestorianorum, aut in Euthichianorum hæresim prolatur. Ait unam quidem in Christo esse personam, duas vero naturas, quibus demonstrandis peculiare erant notæ, ac characteres; id inter cetera singulare, ut humana natura passione, divina vero resurrectione redemptionem nostram operata fuerit. *Et sic*, inquit Leo, *ad omnium redemptionem utebatur malitia persequentium, ut in mortis ejus, resurrectionisque sacramento etiam interfessores sui possent salvi esse, si crederent; unde scelestior omnibus Juda, & infeliciores extitisti, quem non pœnitentia revocavisti ad Dominum, sed desperatio traxit ad laqueum: Expellasses consummationem criminis tui, & donec sanguis Christi pro omnibus funderetur peccatoribus, informis lesbi suspendium distulisses.* Hæc sane verba apud Gratianum relata parum Gratiani proposito accommodata videntur.

De epistola ad Africanos Episcopos, alias ad Mauros.

Inter epistolas Leonis Magni dedi priorem locum illi, quæ inscribitur ad Episcopos Africanos Provinciæ Mauritanicæ Cæsariensis, quod ignotum sit, quo tempore a Leone ea scripta fuerit, imo, quod mihi verosimile admodum sit, eandem fuisse Leoni suppositam, aut saltem ita dubiam esse, ut satis firmum ex illa Ecclesiasticæ disciplinæ præsidium obrineri haudquaquam possit. Revera licet hodie in Justelliana editione Dionysii Exigui cap. 49., quod postremum est, habeatur, olim tamen in codice Dionysii Exigui non extitisse, saltem prout hodie legitur, plura facile probant. In primis enim Dionysius Exiguus præfixit operi suo quendam indiculum, cujus verba in singulis subinde capitibus repetiti omnia, ne uno quidem mutato apice: at ubi agitur de hac epistola diversa plane est ab indiculo inscriptio capitis 49. Ita enim in indiculo legitur numero 49. *Leo Episcopis Mauris de conservatione, & disciplina canonum, ne inlebeant, & inordinate ad Clericum aliquis præsumat accedere.* At deinde in inscriptione capitis 49. hæc habentur: *In causa Lupicini Episcopi Leo universis Episcopis per Cæsariensem Mauritaniam constitutis.* Quod vero magis suspicionem hanc falsi augere videtur, in epistola ipsa de Lupicino vix aliqua leguntur in fine; cetera, quæ plurima sunt, ne levissimum quidem verbum, ad Lupicini causam spectare possunt. Præterea destituitur hæc epistola apud Dionysium consulari nota, hac tantummodo adjecta subscriptione: *Data quarto idus Augusti.* Ast non hæc erat Dionysio consuetudo, qui solebat notas consulares adjicere, cum copiam haberet, dum Romæ moraretur, decretales Summorum Pontificum epistolas vel in ipso forte etiam autographo contemplandi. Præterquamquod id moris fuit Dionysio, ut epistolas, quas referebat, decretales, etiam breviores distinctis capitibus exhiberet. Unam hanc Leonis epistolam minime brevem uno orationis contextu delineasse proponitur. Quod si ceteras hujus epistolæ editiones, quæ post Dionysianum codicem factæ sunt, sive in impres-

sis,

sis, five in Mss. codicibus vetustis observemus, omnia eo vel magis dubia, & undequaque incerta deprehendemus. Quippe eadem, quæ apud Dionysium Exiguum leguntur, descripta sunt in aliquibus, in aliis addita non pauca, in aliis nonnulla omissa; in aliis demum multa, quasi Leonis essent, exarata sunt, multa autem, quasi notæ marginales adjectæ, multa ad calcem adposita, quasi omissa in prioribus, vel quasi de illis dubitasset Amanuensis, aut Typographus, quemadmodum demonstrat Paschasius Quesnellius in notis & observationibus in epistolam 1. Hæc generatim dicta sufficiant, multa enim inferius observanda remanent in Gratiani canonibus illustrandis, in quibus utar potissimum Labbeana editione, utpote quæ magis vulgaris est, adiciens tamen, quæ ex Dionysii Exigui, aut Quesnellii editionibus opportune adnotanda videbuntur.

Can. 5.
dist. 61. Exorditur Leo significans Episcopis Mauritaniz Cæsariensis, audivisse se maximo cum dolore, eos in illa Provincia Antistites ordinari, qui nullatenus eligi poterant: mirantes, inquit, tantum apud vos per occasionem temporis impacati (hic est canon 5. dist. 61.) aut ambientium presumptionem, aut tumultum valuisse popularem, ut indignis quibusque, & longe extra sacerdotale meritum constitutis pastorale fastigium, & gubernatio Ecclesiæ crederetur (legunt alii dederetur). Non est hoc consulere populis, sed nocere, nec præstare regimen, sed augere discrimen. Integritas enim præsidium salus est subditorum, & ubi est incolumitas obedientiæ, ibi sana est forma doctrinæ.

Can. 15.
cau. 1.
qu. 1. Principatus autem (hæc eadem repetit Gratianus in can. 25. cau. 1. qu. 1.), quem aut seditio extorsit, aut ambitus occupavit, etiamsi moribus, atque alibus non offendat, ipse tamen initii sui est perniciosisus exemplo; & difficile est, ut bono peragantur exitu, quæ malo sunt inchoata principio. Quod si in quibuslibet Ecclesiæ gradibus providenter, scienterque curandum est, ut in Domini domo nihil sit inordinatum, nihilque præposterum, quanto magis elaborandum est, ut in electione ejus, qui supra omnes gradus constituitur, non erretur? Nam totius familiæ Domini status, & ordo mutabit, si quod requiritur in corpore, non inveniat in capite. Ubi est illa B. Pauli Apostoli per Spiritum Dei emissæ præceptio, qua in persona Timothei omnium Sacerdotum Christi numerus eruditur, & proinde unicuique nostrum dicitur: manus cito nemini imposueris, neque communicaveris peccatis alienis? Quid est cito manus imponere, (hæc eadem repetit Gratianus in can. 3. dist. 78.) nisi ante ætatem maturitatis, ante tempus examinis, ante meritum laboris (apud Dionysium legitur: ante meritum obedientiæ, laboris) ante experientiam disciplinæ sacerdotalem honorem tribuere non probatis? Et quid est communicare peccatis alienis, nisi & talem effici ordinantem, qualis est ille, qui non meruit ordinari? Sicut enim boni operis sibi comparat fructum, qui reum sellatur (apud Dionysium, & Quesnellium legitur tener) in eligendo Sacerdote judicium, ita gravi semetipsum afficit damno, qui ad suæ dignitatis Collegium sublimat (apud Dionysium legitur, qui in suum Collegium adsumit) indignum. Non enim (legit Dionysius: non ergo) in cuiusquam persona pretermittendum est, quod institutis (apud Dionysium habetur in statutis) generalibus continetur, nec putandus est honor ille legitimus, qui fuerit de pravariatione collatus. (Apud Dionysium, & Quesnellium legitur: qui fuerit contra divinæ legis præcepta collatus.) Dicente enim Apostolo &c. Pergit in his Leo recensens qualitates Sacerdotum divina ipsa lege per Apostolos, perque veteris testamenti exempla consuetas, inter cetera monet, ut bigami, aut illi, qui viduam duxerunt, a maioribus Ecclesiæ gradibus arceantur. Verba Leonis integra non exhibeo, quæ omissa fuerint a Gratiano, cumque sine illis adhuc integra adpa-

Can. 3.
dist. 78.

adpareat Summi Pontificis sententia. Prosequitur deinde Leo his verbis a Gratiano relatis in dicto canone 5. Merito Sanctorum Patrum venerabiles sanctiones, cum de Sacerdotum electione loquerentur, eos demum idoneos sacris administrationibus censuerunt, quorum omnis ætas a puerilibus exordiis usque ad proveliiores annos per disciplinæ Ecclesiasticæ stipendia cucurrisset, ut unicuique testimonium prior vita præberet; nec posset de ejus provectione dubitari, cui pro laboribus multis, pro castis moribus, pro alibus strenuis celsioris loci præmium deberetur (apud Dionysium Exiguum paullo aliter habentur hæc, imo & posteriora omittuntur ibi: Merito Beatorum Patrum, venerabiles sanctiones, cum de Sacerdotum electione loquerentur, eosdem ut idoneos sacris administrationibus censuerint, qui multo tempore per singulos officiorum gradus provectionis experimentum sui probabile præbuisent, ut unicuique testimonium vitæ suæ altum suorum ratio perhiberet. Si enim &c.) Si enim ad honores mundi sine suffragio temporis, sine merito laboris indignum est pervenire, & notari ambitus solent, quos probitatis documenta non adjuvant, quam diligens, & quam prudens habenda est dispensatio divinum munus, & celestium dignitatum, (hic desinit Gratianus in memorato canone 5., sed sequentia verba præcedentibus necessario necessaria nonnullis paullisper Immutatis retulit in canonem 8. dist. 61., propterea aut integram epistolam exigendum) ne in aliquo apostolica, & canonica decreta violentur, & his Ecclesiæ Domini regenda credatur, qui legitimarum institutionum nescii, & totius humilitatis ignari non ab infimis sumere incrementum, sed a summis volunt habere principium, cum valde iniquum sit, & absurdum, ut imperiti magistris, novi antiquis, & rules præferantur emeritis.

Can. 8.
dist. 61.

Post pauca quædam prosequitur auctor epistolæ his verbis: Cum ergo inter vos tantum valuerint aut studia popularium, (apud Dionysium legitur popularum), aut ambitus superborum, ut non solum laicos, sed etiam secundarum uxorum viros, aut viduarum maritos ad officium cognoscamus pastorale provectos, nonne apertissime exigunt causæ, ut Ecclesiæ, in quibus ista commissa sunt, iudicio severiore purgentur, & non solum in tales Præsules, sed etiam in ordinatorum eorum ultio competens proferatur? Sed circumspicit nos hinc mansuetudo clementiæ, hinc censura iustitiæ. Et quia universæ viæ Domini misericordia, & veritas, cogimur secundum Sedis Apostolicæ pietatem (apud Dionysium legitur: Sedis Apostolicæ pietate compellimur), ita nostram temperare sententiam, ut trutinato pondere delictorum, quæ constat non unius esse mensuræ, quædam definiamus (apud Dionysium credamus) utcumque toleranda, quædam vero penitus amputanda. Eos enim, qui vel secundas nuptias inierunt, vel viduarum se conjugio sociarunt, nec Apostolica, nec Legalis auctoritas (nomine legalis auctoritatis intellige hoc in loco Levitici præcepta cap. 21. vers. 13. & 14., cui consonat caput 44. Ezechielis vers. 22., de hac enim legis veteris auctoritate superius verba fecerat auctor epistolæ) Sacerdotium obtinere (apud Dionysium obtinere) permittit, & multo magis illum, si fuerit vestro iudicio confutatus, qui, sicut ad nos relatum est, duarum simul est maritus uxorum, vel istum, (Dionysius illum), qui a prima uxore dimissus alteram duxisse perhibetur, privandum honore decernimus. (Posteriora hæc verba: privandum honore decernimus, apud Dionysium Exiguum desiderantur). Ceteros vero, quorum provectio hoc tantum reprehensionis incurrit, quod ex laicis ad officium Episcopale delecti sunt, neque ex hoc, quod uxores habeant, possunt esse culpabiles, susceptum sacerdotium tenere permittimus: non præjudicantes Apostolicæ Sedis statutis, nec Prædecessorum nostrorum, nostrisque decretis, quibus salubriter statutum est (apud Dionysium

Can. 18.
cau. 1.
qu. 7.

nygium ita legitur: *Non præjudicantes Apostolicæ Sedis statutis, nec Beatorum Patrum regulas resolventes, quibus salubriter constitutum est &c.*, quod sane referendum est ad canonem 2. Concilii Nicæni, & ad caput 8. & 10. epistolæ Siricii ad Himerium cum aliis similibus) *ne primum, vel secundum, aut tertium in Ecclesiâ gradum quisquam laicorum quibuscumque suffragiis fultus ascendat, priusquam ad hoc meritum per legitima augmenta perveniat.* Quod enim nunc utcumque passim esse veniale, insultum postmodum esse non poteris, si quisquam id, quod omnino interdicitur, usurpare præsumseris, (Dionysius usurparis), quia remissio peccati non dat licentiam delinquendi, neque quod potuit aliqua ratione concedi, fas erit amplius impune committi. Integra hæc verba erant a Gratiano describenda in can. 18. cau. 1. qu. 7., in quo paucis Leonis sententiam complexus est.

Quæ huc usque descripta sunt, asserunt nonnulli facilius posse tribui Leoni Magno, quam cetera subsequenda, sive quod ibidem stylus Leonis adpareat, sive quod eadem in omnibus melioris notæ codicibus habeantur, sive demum quod hæc consonent cum indiculo Dionysii Exigui præposito omnibus epistolis Pontificum, quas collegerat, ibi: *Leo Episcopis Mauris de conservatione, & disciplina canonum, ne indebite, & inordinate ad Clericatum aliquis præsumat accedere.* Itaque in aliquibus tantum codicibus hæc subsequuntur, postquam dictum est, providentissima canonum decreta non debere violari: *Quæ enim certarum remissum consideratione causarum, antiquis deinceps custodienda sunt regulis, ne quod ad tempus pia lenitate concessimus, iusta post hæc ultione plebamus, in eos specialius, & propensius commovendi, qui in Episcopis ordinandis Sanctorum Patrum statuta neglexerint, & quos resutare debuerant, consecrarint.* Hæc retulit Gratianus in canone 20. cau. 1. qu. 7. vers. *Quæ enim*, nam quæ in principio ejusdem canonis leguntur, ad aliam epistolæ partem spectant, quemadmodum inferius demonstrabo. Quamquam vero eadem verba apud Dionysium Exiguum legantur, tamen gravis suspicio est, quæ a Leone postrema abjudicentur, sive quod omittantur in aliis codicibus optimæ notæ, quemadmodum observavit Quesnellius, sive quod phrasis Leoni convenire non possit. Etenim Leo non est credendus usurpasse illa verba specialius & propensius commovendi, ut significaret, se gravius animadversurum; nimirum latinis sicut vox *propensius* idem significat ac libentius, sive majore cum benevolentia, ita *propensius commoveri* idem significat majore benevolentia aliquem prosequi, quæ sane interpretatio Leonis sententiæ potius adversatur.

Quæ immediate sequuntur, duobus in locis retulit Gratianus, idest in can. 43. cau. 1. qu. 1., & in can. 24. cau. 25. qu. 2. his verbis legenda: *Unde si quis Episcopi talem consecraverint Sacerdotem, qualem non liceat, etiam si aliquo modo damnum proprii honoris evaserint, ordinationis tamen jus ulterius non habebunt, nec ei sacramento inseruerunt, quod neglecto iudicio immerito præstiterunt.* Habentur hæc quidem etiam in codice Dionysii Exigui, sed in codice Quesnelliano desiderantur, quemadmodum etiam ea, quæ Gratianus descripsit in can. 4. dist. 80. Verba ipsa non refero, cum Gratiani codex aliis codicibus apprime consonet. Tantum dixerò, huic decreto causam dedisse Retitutum quendam Episcopum, qui conquestus fuerat apud Leonem, quod in ejusdem Diocæsi plurimi numero Episcopi ordinati fuissent. Sed cum ibidem Diocæsis nomen usurpatum legatur, exinde nonnulli eruditi viri magis, magisque apocrypham hanc epistolæ partem censuerunt, etenim apud Sanctum Leonem, vel ejus Prædecessores Diocæseos nomen nondum signifi-

cabat

Can. 20.
can. 1.
qu. 7.
Vers.
Quæ
enim.

Can. 43.
cau. 1.
qu. 1.
Can. 24.
cau. 25.
qu. 2.

Can. 4.
dist. 80.

cabat locum illum, intra quem unius Episcopi potestas, ac jurisdictio continetur. Quod vero magis, ac magis spuriam esse hanc epistolæ partem suadet, ad ipsam rem pertinet, & causam a Restituto propositam. Inquit Restitutus in Africæ Provinciis vilescere cœpisse ordinem Episcopalem, ex eo quod tunc temporis *inconsiderata facilitate ordinandi superflua multiplicatione Sacerdotalis dignitas minueretur*. At vero quando tunc temporis Vandali barbara gens universam Africam occupaverant, quorum exercitus universas Ecclesias susdeque vertebat, incredibile est tot numero Episcopos ordinatos fuisse, quum vix in insignioribus civitatibus Ecclesiam sibi creditam Episcopi regere possent, aut in Ecclesiis viduatis vix clanculum, & furtim in locum decedentium Episcoporum alii subrogarentur.

De canone 14. cau. 32. qu. 5. non est concors codicum omnium scriptura. Alicubi enim, uti in codice Dionysii Exigui, post memoratam Restituti causam, ita immediate legitur: *De his autem, quæ in sacro virginis propositio constituta barbaricam percellere violentiam, & integritatem pudoris non animo, sed corpore perdidērunt, ea nobis videtur servanda moderatio, ut neque in viduarum deiciantur gradu, nec in sacrarum, & perseverantium virginum numero censentur: quibus si in omnibus virginalibus perseverant, & castimonie soliditatem mente custodiunt, sacramentorum non est neganda communio, quia injustum est, illas in eo vel argui, vel notari, quod non voluntas amittit, sed vis hostilis eripuit*. Deinde post hæc Dionysii Exigui epistola nihil aliud exhibet, quam quod spectat ad causam Lupicini Episcopi, de qua nihil heic adjicio, quum nihil ad eam pertinens apud Gratianum inveniat. Aliter sese habet Quesnellianus codex, in quo post verba canonis 20. cau. 1. qu. 7. subiunguntur causæ Donati Salicinenfis, Maximi, Aggari, & Tyberiani, omnis omnino nuper relatis Dionysiani codicis verbis, sed post hæc omnia ita legitur: *Illæ autem famulæ Dei, quæ integritatem pudoris oppressione barbarica perdidērunt, laudabiliores erunt in humilitate, ac verecundia, si se incontaminatis non audeant comparare virginibus. Quamvis enim omne peccatum ex voluntate nascatur, & potuerit corruptione carnis mens invita non pollui; minus tamen hoc illis oberit, si quod potuerunt animo non amittere, doleant se vel corpore perdidisse*. Hæc potius verba consonant cum capite Gratiani, quam verba memorata codicis Dionysiani. Quis vero in hac codicum varietate adeo divinus erit, ut unum codicem alteri præferat, aut adeo de opinione sua securus, ut alterutrum codicem recipiendum asseveret? Aliiter etiam sese habent vulgares Conciliorum codices; qui primo loco exhibent memorata verba codicis Theodosiani, deinde causam Donati Salicinenfis, causam item Maximi, præterea causam Aggari, & Tyberiani: & postremo fere loco exhibent causam famularum Dei, quæ integritatem pudoris oppressione barbarica perdidērunt, eisdem omnino verbis codicis Quesnelliani memoratis, ad quæ canon Gratianus refertur; quasi Leo Magnus bis in eadem epistola de eadem re verba fecerit ordine non servato. At vero exinde facilius eruimus, codices hujusmodi depravatissimos esse.

Superfunt adhuc ex hac eadem epistola deprompti canones 19. & 20. princ. cau. 1. qu. 7. nam de canone 20. vers. *Quæ enim jam superius sermonem habui, & vericuli verba in sua sede collocavi*. Sed hic rursus observanda varietas codicum. Si Dionysii Exigui codicem consulas, nihil ibidem reperies, quod pertineat ad causas Donati, & Maximi, de quibus in dictis canonibus agitur. Si codicis Quesnelliani fidem quis sequi adamaverit, hos canones junget cum can. 18. cau. 1. qu. 7.

Assumatur idem canon 18., qualis superius exaratus est, & post illa verba: *fas erit amplius impune committi*, ita legendum erit cum Quesnellio: *Donatum autem Salicinensem* (hic est canon 20.) *ex Novationis, cum sua, ut comperimus, plebe conversum, ita dominico volumus gregi præsidere, ut libellum fidei suæ ad nos mementur dirigendum, quo & Novationi dogmatis damnet errorem, & plenissime confiteatur catholicam veritatem. Maximum quoque ex laico* (hic est canon 19.) *licet reprehensibiliter ordinatum, tamen si Donatista jam non est, & a spiritu schismaticæ pravitatis alienus, ab Episcopali, quam quoquo modo adeptus est, non repellimus dignitate, ita ut & ipse libello ad nos edito catholicum se esse manifestet. Vulgatæ Conciliorum editiones, inter quas Labbeana, hosce duos canones exhibent post ea, quæ de virginibus barbaricam vim passis constituta leguntur. In hac varietate codicum nulum satis firmum erui poterit argumentum, ex quo canonum istorum auctoritas adferatur. Unum interea ad coronidem harum in istam epistolam observationum adjecero; nimirum post Dionysii Exigui Collectionem Fulgentium Ferrandum Carthaginensis Ecclesiæ Diaconum breviationem canonum edidisse; item Crisconium Episcopum Africanum simile breviarium canonicum composuisse; utrumque autem Dionysii quidem canones adjecto auctoris nomine paucis perstrinxisse, nullam vero, ne minimam quidem, mentionem fecisse hujus epistolæ Leonis ad Africanos, quod sane inverosimile videretur, si temporibus Ferrandi, aut Crisconii epistola Dionysiano codici adjecta jam fuisset. Etenim hi Collectores Africani omittere minime debuissent talem epistolam, quæ ad Africanas potissimum Ecclesias pertinebat. Igitur aut integra hæc epistola inter apocryphas facile recensabitur, aut plurimum depravata erit agnoscenda, quod nemini novum videri poterit, commode ex vetustis Ecclesiæ monumentis agnoscanti, quantus fuerit Leonis Magni temporibus falsarius auctor, quemadmodum manifeste probant acta Concilii Chalcedonensis tunc celebrati, imo probat Leo ipse, testatus etiam suæ ætate corruptam fuisse epistolam, quam ipse scripserat ad Flavianum.*

De epistola ad Rusticum Narbonensem.

Rusticus Narbonensis in Gallia Episcopus, ad quem Leo Magnus scripsit, is idem est, quem S. Hieronymus ad monasticam vitam instituerat; Postquam enim in monasterio probatus ad Clericatum promotus est, tantum profecit in Ecclesiasticis ministeriis, ut Narbonensis Ecclesiæ Antistes inauguratus fuerit. Verum in Episcopatu ob maximas & gravissimas, quibus angebatur, curas tædio adfectus, prope erat, ut dignitatem abdicaret. *Miror autem, ita scribit ad ipsum Leo, dilectionem tuam in tantum scandalorum quacumque occasione nascentium adversitate turbari, ut vacationem ab Episcopatus laboribus præoptare te dicas, & malle in silentio, atque ocio vitam degere, quam in his, quæ tibi commissa sunt, permanere.* Præter anxias Episcopatus inhærentes sollicitudines, quibus modo ab hæreticorum ausibus defendendi fideles erant, modo moribus informandi, modo ad disciplinam Ecclesiasticam custodiendam excitandi, res erat tunc maximi momenti Arelatenis Archiepiscopi nova dignitas, qua idem Archiepiscopus ceteris Galliarum Metropolitibus præferri se studebat in solemnioribus præsertim, sive nationalibus, Galliarum Conciliis, & eisdem regulas præstituræ. Revera jam a temporibus Zosimi, & Boni-

Bonifacii Romanorum Pontificum inter memoratos Episcopos subortas fuisse simultates quasdam liquet apud historicos, quæ inter Rusticum Narbonensem, & Hilarium Arelatensem aciores extiterunt. Quamobrem scimus in pluribus Conciliis, quæ Hilarius ex variis Galliarum Provinciis collegerat, Rusticum minime intervenisse, ratum, ut arbitror, dignitati suæ, non parum derogatum iri, quoties Arelatensis Episcopo veluti obnoxius paruisset. Videtis Acta Concilii Regensis, Arausiacani I., Vasensis I., & Arelatensis II. Quoniam vero in hisce Conciliis omnibus multa utiliter constituta fuerant ad disciplinam Ecclesiasticam pertinentia, de quibus apud Gallos dubitatio erat, non meliori ratione & sibi, & Ecclesie suæ consulendum putavit Rusticus, quam si de eisdem Romanum Antistitem interrogaret. Vel enim Romani Pontificis rescriptum conforme futurum erat synodalibus Hilarii decretis; & tum Rusticus synodalia decreta servando, auctoritati suæ detrahi non censebat, nimirum non illa custodiebat, quasi Synodi Gallicanæ, sed quasi Romani Pontificis sententias: vel rescriptum Romani Pontificis disforme futurum erat, aut etiam forte contrarium synodalibus statutis; tum vero occasionem sibi optimam exhibitam lubens arripiebat Rusticus, qua majori fretus auctoritate Arelatensis Episcopi actis obsteret. Itaque quod Leo Magnus epistola sua Rustico Narbonensi respondit, illud ipsum est, quod Gallicanis in Conciliis fuerat tunc temporis pertractatum, & de quo fuerat a Rustico per Hermetem Diaconum Summus Pontifex requisitus. Novemdecim propositæ fuerunt quæstiones, quibus post præfationem Leo satisfecit. In præfatione primum hortatur Leo Rusticum, ne turbari se sinat, neve abdicationem Episcopatus meditetur, proponens patienter ferenda, siquæ mala in diocesi noscuntur, ac cum benignitate vincenda, his verbis: *Permanendum ergo est in opere credito, & in labore suscepto. Constante tenenda est iustitia, & benigne præstanda clementia. Odio habeantur peccata, non homines: Corripiantur tumidi, tolerantur infirmi, & quod in peccatis (legunt alii: in peccantibus) severius castigari necesse est, non severius plectatur animo, sed medentis.* Hic est canon 2. dist. 86.

Can. 2.
dist. 86.

Post pauca ita prosequitur Leo: *De consultationibus autem dilectionis tuæ, quas separatim conscriptas Archidiaconus tuus detulit, quid sentiendum sit, inter præsentis oportunitus quæreretur de singulis, si nobis tui conspectus copia proveniret. Nam cum quædam interrogationes modum diligentie videantur excedere, intelligo eas colloquiis optiores esse, quam scriptis; quia sicut quædam sunt, quæ nulla possunt ratione (legunt alii, traditione) convelli, ita multa sunt, quæ aut pro consideratione atotum, aut pro necessitate (legunt alii, necessitudine) rerum oporteat temperari: illa semper conditione servata, ut in his, quæ vel dubia fuerint, aut obscura, id noverimus sequendum, quod nec præceptis Evangelicis contrarium, nec decretis Sanctorum Patrum inveniamur adversum.* Is est canon 2. dist. 14., quibus verbis videtur Leo prudentissime Rustico respondisse, veritus forte, ne Rusticus ad contentiones excitandas, aut fovendas magis magisque Pontificis rescripto uteretur. Neque enim Leo initio profectus est, se rem definiendo describere, sed potius ita respondere, ut res ipsa accuratorem exigeret investigationem, quæque inter præsentis fieret mutuis colloquiis, non scriptura inter absentes. Quamobrem nemo dubitaverit, quin hæc verba hærere debeant animo cuiusque Interpretis, qui ad explanationem sequentium capitulum ex hac Epistola descriptorum velit accedere.

Can. 2.
dist. 14.

Prima

Can. 1.
dist. 62.
O can.
40. can.
3. qu. 2.

Prima inquisitio Rustici erat de Presbytero, vel Diacono, qui se Episcopos esse mentiti sunt, & de iis, quos ipsi Clericos ordinarunt. Quod Leo respondit, refert Gratianus in can. 1. dist. 62., & can. 40. cau. 1. qu. 1. Verba Epistolæ hæc sunt: Nulla ratio finis, ut inter Episcopos habeantur, qui nec a Clericis sunt electi, nec a plebibus expetiti, nec a Provincialibus, (legunt alii Comprovincialibus) Episcopis cum Metropolitanis iudicio consecrati. Unde cum sæpe questio de male accepto honore nascatur, quis ambigat, nequaquam istis esse tribuendum, quod non docetur fuisse collatum? (Huc usque etiam Gratianus in d. can. 1., cetera, quæ sequuntur, habentur in d. can. 40.) Siqui autem Clerici ab istis Pseudoepiscopis in eis Ecclesiis ordinati sunt, quæ (legunt alii qui) ad proprios Episcopos pertinebant, & ordinatio eorum consensu, & iudicio Præsidentium facta est, potest rata haberi, ita ut in ipsis Ecclesiis perseverent. Aliter autem vana habenda est creatio (legunt alii consecratio; Gratianus ordinatio), quæ nec loco fundata est, nec auctore (legunt alii auctoritate) munita. Ubi codices varii sunt, ignoro sane quis cui præferatur, atque in dubiis huiusmodi lectionibus liceat huc referre Leonis ejusdem regulam, de qua in memorato can. 2. dist. 14., ut sequamur, quod Sanctorum Patrum decretis accommodatius videatur. Sed non tantum in codicibus conferendis difficultas canonis hujus sita est, sed etiam, ac potissimum in interpretatione sententiarum. Ait Leo, eorum, qui sunt a Pseudoepiscopis ordinati, quique propterea sacrum ordinem minime susceperunt, adhuc posse ordinationem ratam haberi, quoties iudicio, & consensu Præsidentium facta fuerit, ita ut in ipsis Ecclesiis perseverent. Num forte is, cujus irrita est ordinatio, officio Ecclesiastico rite recteque fungi poterit sine nova consecratione? Ex eruditis viris illi hanc difficultatem neglexere; alii impares se professi sunt dissolvendo, alii demum sive ex hæreticis, sive ex catholicis conati sunt sententiam Leonis ex variis illius temporis observationibus illustrare. Quidquid vero senserit unusquisque suo ingenio indulgens, verosimilius mihi videtur, Rusticum Narbonensem in proponenda huiusmodi quaestione respexisse ad canones Concilii Regensis, quibus consonant canones Concilii Arausiaci I., & Arelatenis II., ex iis enim liquet in Galliis frequentes tunc fuisse ordinationes Episcoporum non per tres Episcopos, quemadmodum Ecclesiarum generalis disciplina postulabat, sed per duos tantum Episcopos celebratas; Episcopis autem ita ordinatis in Concilio Regensi memorato anni 439. quædam Episcopalia officia exercenda concessa fuerant, ut patet ex can. 3., & 4. De his itaque, ut verosimilius videtur, sermonem habuit Leo Magnus, quos recipiendos non esse inter Episcopos scripsit, quod integra ordinationis formula servata non fuisset, valide tamen, ut ajunt, ordinatos fuisse non ambigebat, proptereaque validam ab ipsis factam ordinationem asserere non dubitavit, quamquam in admittendis ordinatis Clericis, & in possessionem, ita dixerim, Ecclesiarum mittendis, Præsidentium, & legitimorum Episcoporum auctoritas requireretur. Quod ut commodius intelligatur, non esset inopportunum huc referre, quod in ista materie disputavit vir Anglicus Herbertus Thorndicius in suis exercitationibus de originibus Ecclesiasticis cap. 20. Ait ipse in sacrorum ministrorum ordinationibus duo potissimum requiri; primum auctoritatem in ordinante; deinde solemnitatem ordinationis, per quam designetur ordinem Ecclesiasticam etiam auctoritate conferri; huiusmodi autem solemnitatem, quoties desideretur, in causa esse, ut ordinatio irrita prorsus sit, ac tum demum convalescat, quum Ecclesiarum consensus accedat, sive ratihabitio subsequatur. Hinc vero palam fieret, ordinationes

tionem Clericorum, de quibus loquitur Leo, irritas initio fuisse ex defectu Ecclesiasticarum solemnitatum, ratas vero haberi dein potuisse, si consensus, & auctoritas Episcoporum accessisset. Num autem hæc opinio satis ponderis habeat, acutioribus viris Theologicis potissimum scholæ studiosis definiendum relinquo. Tantum addidero, hoc Leonis fragmentum meo iudicio subobscurum esse, idque ex industria Pontificis factum ea de causa, de qua superius sermonem habui ad canonem 2. dist. 14.

Secunda inquisitio hæc erat: *De Presbytero, vel Diacono, qui cognito crimine suo penitentiam petunt, utrum eis per manuum impositionem danda sit?* Quod respondit Leo, habetur eisdem verbis post Romanam emendationem in can. 67. dist. 50., & quidem ea definitio e diametro pugnat cum generali sententia canonis 4. Arausiacani I. Concilii, quod Hilarius Arelatensis celebraverat, ibi: *Pœnitentiam desiderantibus Clericis non negandam.* Hinc autem facile conjicere juvat, hæc in parte Rusticum statutis synodalibus Hilarii nullatenus consensisse, præsertim quod sententia Leonis veteri & Apostolicæ traditioni innixa proponatur. Non laudo hic tantum Carthaginense Concilium, cujus verba sunt in can. 66. dist. 50., sed etiam Siricum Papam, qui in epistola ad Himerium Tarraconensem ita scribit: *Illud quoque nos par fuit providere, ut sicut pœnitentiam agere cuicumque non conceditur Clericorum &c.*

Tertia inquisitio his verbis exprimitur: *De his, qui altario ministrant, & conjuges habent, utrum eis licito misceantur?* Quid responderit Leo, habetur in can. 10. dist. 31., ubi tamen in posterioribus ita habent melioris notæ codices: *quo & salva sit charitas connubiorum* (legunt alii *conjugiorum*) *& cesset opera* (legunt alii *operatio*, alii *exercitatio*) *nuptiarum.* Duo in hoc capite occurrunt observanda. Primum pertinet ad conjuges, quæ obtentu religionis dimittendæ non sunt, quemadmodum definitum etiam legitur in can. 6. ex vulgo Apostolicis. Alterum situm est in lege continentiz, quam Leo eandem esse asserit ministris, ac Presbyteris, & Episcopis. Sane nomine *ministorum*, illud sententiz Leonis conformius esse videtur, ut non tantum Diaconi veniant, sed etiam Subdiaconi; etenim ait idem Leo in epistola ad Anastasium Thessalonicensem, *nec Subdiaconis quidem connubium carnale conceditur.* Quod si quispiam tantum de Diaconis intelligendam arbitretur Leonis sententiam, in hac parte consonabit can. 22. 23. & 24. Concilii Arausiacani I. eodem tempore sub Hilario celebrati; ut propterea inferri possit ruto, jam tum in Gallicana Ecclesia continentiz legibus obnoxios fuisse Diaconos, atque hanc disciplinam custodiendam voluisse Rusticum ex Leonis decreto in sua Diocesi, quemadmodum voluerunt in suis Dioccesibus alii Episcopi sub Hilario Arelatensi vi Synodicarum Constitutionum.

Sequitur quarta inquisitio, *de Presbytero, vel Diacono, qui filiam suam virginem illi viro in conjugium dederit, qui jam habebat conjugiam mulierem, ex qua etiam filios susceperat?* Respondit Leo: *Non omnis mulier juncta viro uxor est viri, quia nec omnis filius hæres est Patris.* Nuptiarum autem sœdera inter ingenuos sunt legitima, & inter æquales, (hæc habentur in can. 12. cau. 32. qu. 2.) multo prius hoc ipsum Domino constituyente, quam initium Romani juris existeret. Itaque aliud est uxor, aliud concubina, sicut aliud ancilla, aliud libera. Propter quod etiam Apostolus ad manifestandam harum personarum discretionem, testimonium ponit ex Genesi, ubi dicitur *Abrahæ: Ejice ancillam, & filiam ejus; non enim hæres erit filius Ancillæ cum filio*

meo

Can. 67.
dist. 50.Can. 10.
dist. 31.Can. 17.
cau. 27.
qu. 2.
can. 12.
cau. 32.
qu. 2.

meo Isaac. Unde cum societas nuptiarum (omittit hæc Gratianus in dicto can. 12., sed exprimit in can. 17. cau. 27. qu. 2.) ita ab initio constituta sit, ut præter sexuum conjunctionem haberet in se Christi, & Ecclesiæ Sacramentum, dubium non est, eam mulierem non pertinere ad matrimonium, in qua docetur nuptiale non fuisse mysterium. Igitur (rursus hæc pertinent ad canonem 12. cau. 32. qu. 2.) cujuslibet loci Clericus, si filiam suam viro habenti concubinam in matrimonio dederit, non ita accipiendum est, quasi eam conjugato dederit, nisi forte illa mulier, & ingenua facta, & dotata legitime, & publicis nuptiis honestata videatur. Succedit apud Leonem quinta inquisitio de puellis, quæ viris concubinas habentibus nupserint, quodque Leo rescripsit, iterum habetur in eodem canone 12. apud Gratianum, ibi: *Paterno arbitrio viris junctæ carent culpa, si mulieres, quæ a viris habebantur, in matrimonio non fuerunt, quia aliud est nupta, aliud concubina*. Ex his satis emendati videntur iidem Gratiani canones, quæ tamen in re observatum velim, in nonnullis codicibus, quemadmodum apud Dionysium Exiguum, desiderari eam quintam inquisitionem de puellis, quæ viris concubinas habentibus nupserint; & versiculum *Paterno arbitrio &c.* haberi statim post illa verba *honestata videatur*; observandum præterea est, Gratianum præsertim in dicto canone 17. abusum fuisse sententia Leonis, non alia fane de causa, nisi quod depravatos codices sequutus est. Cum enim ipse legisset, eam mulierem non pertinere ad matrimonium, cum qua docebatur non fuisse, nuptiale ministerium, ubi potius legendum erat nuptiale mysterium, quemadmodum habet etiam antiquissimus collector Dionysius, occasionem arripuit asserendi, ex sententia Leonis eam non esse dicendam uxorem, quacum copula subsecuta non fuerit post datam fidem, quando tamen ex emendatis codicibus diversa prorsus adparet loquendi formula. Et quidem ut clarius de sententia Leonis constet, jungenda erit sexta inquisitio Rustici, de his, qui mulieres, ex quibus filios habent, relinquunt, & uxores accipiunt. Responsum Leonis habetur in principio canonis 11. cau. 32. qu. 2. his verbis: *Ancillam a thoro abicere, & uxorem certæ ingenuitatis accipere non duplicatio conjugii, sed profectus est honestatis*. Hæc interez sitio, nam quæ sequuntur apud Gratianum alio spectant. Itaque Leo de re valde gravi interrogatus est, seu in quarta, quintave, seu in sexta inquisitione. Ut enim illa ætate frequentissima erant virorum mulierumque divortia, præsertim ubi non matrimonium, sed concubinatus intercessisset, ut etiam concubinatus illius temporis quandam conjugii speciem ut plurimum præferebat, difficile admodum erat de conjugiorum hujusmodi juribus respondere. Erant tunc uxores justæ, quæ videlicet secundum omnes legum solemnitates ductæ fuerant; erant & injustæ, in quibus naturalia tantum conjugiorum jura servabantur, licet legum subtilitas non custodiretur, quemadmodum in servorum conjugiiis, in conjugiiis filiorumfamilias sine consensu Patris celebratis; erant & concubinz, in quibus scilicet ab initio matrimonium non erat, sed longo usu facile matrimonium juxta leges duodecim tabularum convalescere poterat. Distinguuntur hæc apertissime apud Ulpianum in l. 15. princ. & §. 1. ff. ad leg. Jul. de Adulter. In istis autem uxorum generibus singularia erant, & prorsus diversa jura, imo & diversæ provinciarum consuetudines, quibus magis magisque postea occasionem præbuerunt barbaræ Gentes, quæ Leonis temporibus in Europam propemodum universam irruerant. In his temporum, locorum, & causarum adiunctis, nil mirum, si Leo magnus rescripto suo potius generalibus regulis involvere verba studuerit, qui initio profectus fuerat colloquens potius,

Can. 11.
can. 32.
qu. 2.

potius, quam scriptis indigere rem, quæ propofita fuerat, quemadmodum dixi fuperius ad canonem 2. diff. 14. Ceterum, fi quoquomodo Leonis mentem attingere velim, dixerò, Leonem initio dilinguendam voluiffe uxorem a ceteris mulieribus, quæ viro quidem junctæ fuerunt, fed uxores minime dici poffunt; quales vero uxores effe dicantur, aperte non definit. Subdit deinde, inter ingenuos nuptiarum fœdera effe legitima. Clara erat hæc in re juris Romani regula, qua fervi a legitimis conjugii excluderentur. Addit, æquales etiam conjuges effe debere, quafi id a Domino jampridem statutum fuerit. Ubi vero id ftatuerit Dominus, non indicat Leo. Forte refpexit ad caput 2. Genefeos verf. 20., ubi dicitur Deus uxorem velut *fmilem adjutorem* viro voluiffe conjungere. Eo autem ufque nondum tradidit Leo, inter ingenuum, & ancillam, aut inter inæquales nuptiarum fœdera effe non poffe, nifi quis a contrario fenfu vellet argumentari, quæ fane argumentandi ratio non femper viget in refcriptorum interpretatione. Profequitur Pontifex Maximus, & ait aliud uxorem effe, aliud concubinam, ficut aliud eft ancilla, aliud libera. Jungenda hæc omnino funt ita, ut videatur ita fcriptum, aliud uxorem effe, idelt liberam, aliud ancillam effe, idelt concubinam. Sic enim refpicebat Leo morès fuz ætatis, juxta quos jamdiu vivebat, ingenuas in uxores, & ancillas in concubinas adfumi. Uxores ingenuæ ducebantur, animo fcilicet perpetuæ individuz vitæ, qui animus potiffimum matrimonium efficit. Concubinæ ducebantur ancillæ, quandocumque domino libuiffet, dimittendæ, qua in fpecie nullum effe poterat matrimonium. Concubinatum hujusmodi tunc frequentiffimum, improbandum voluit Leo, referens ad eam rem teftimonium Genefeos cap. 21. Quod fubdit Pontifex, matrimonium effe non poffe, nifi ubi myfterium nuptiale, five Chrifti, & Ecclefiz Sacramentum doceatur, plurimis graviffimis viris maximam ingeffit difficultatem, præferens in confpectu Tridentinæ fæctionis, qua cautum quidem fuit, ut clandestina conjugia irrita in potterum haberentur, attamen antea celebrata valuerint. Ego fane ex iis, quæ huc ufque interpretando expofui, nihil aliud voluiffe Leonem exiftimo, quam animum individuz vitæ neceffarium effe, quomodocumque exprimeretur matrimonii initio, five clam, five in confpectu Ecclefiz; in declaratione autem hujus animi nuptiale myfterium, five Chrifti & Ecclefiz Sacramentum contineri quodammodo, quatenus ita vir, & uxor perpetuo fimul manfuros fe profitentur, quemadmodum Chriftus Ecclefiz numquam fe ab ipfa difceffurum fpondit. Sic re explicata, facile intelligitur Leonis conclusio, ubi pluries afferit, uxorem legitimam illi poffe concedi, qui concubinam dimittit.

Nondum tamen recedendum eft a canone 11. cau. 32. qu. 2., cujus pofterior pars a verficulo *culpanda* ufque in finem non pertinet ad inquisitionem 6., fed ad inquisitionem 7. *de his, qui in ægritudine pœnitentiam accipiunt, & cum reva- luerint, agere eam nolunt.* Fateor Dionyfium Exiguum non diftinxiffe hæc, quæ fequuntur, a præcedentibus, fi vulgatos Dionyfii codices fequamar. Sed jam Quænellius adnotavit, codices alios plures ifta fejungere, & parum apte, quæ fequuntur, præcedentibus adfui poffe, imo nec intelligi. Præpofita igitur laudata inquisitione 7. ita refpondit Leo. *Culpanda eft talium negligentia, fed non penitus deferenda* (legunt alii *deperanda*) *ut crebris cohortationibus incitatis, quod neceffarie expetierunt, fideliter exequantur. Nemo enim deperandus eft, dum in hoc corpore confiftutus eft, quia nunquam quod diffidentia ætatis differtur, confilio maturiore perficitur.* Poftrema hæc

Can. 1.
de pœn.
diff. 7.

Can. 1.
cau. 14.
qu. 2.

verba habentur etiam in can. 1. de pœn. dist. 7. Similes propemodum causæ agitatae fuerunt in Conciliis Hilarii Arelatensis, ut patet ex Concilio Arausicano I. can. 3., seu can. 7. cau. 26. q. 6., cui addi posset Concilium Vasense II. can. 2. Horum Conciliorum sanctiones plurimum etiam consonant cum canone 1. cau. 24. qu. 2., in quo continetur rescriptum Leonis ad octavam inquisitionem *de his, qui animo jam deficientes* (legunt alii, *de his, qui jam deficientes*) *pœnitentiam accipiunt, & ante communionem moriuntur*. Respondit Sanctus Pontifex: *Horum causa Dei iudicio reservata est, in cujus manu fuit, ut talium obitus usque ad communionis remedium differretur*. Nos autem, quibus viventibus non communicavimus, mortuis communicare non possumus. Ex his sane supplendus erit memoratus canon 1. Fortasse vero paullo aultera videbitur alicui disciplina Leonis, sed, ut arbitror, erat illis temporibus accommodata, quibus opus erat ab ingruentibus undequaque hæresibus homines avertere, & saltem metu pœnitentiæ ante obitum non perficiendæ rerere. Ceterum aliter viguit apud Gallicos Antilitres in Concilio Arausicano I. can. 3., & Vasensi II. can. 2., quorum Conciliorum sanctionem veluti mitiorem sequuti anno 675. fuerunt Toletani Concilii XI. Patres can. 12., ibi: *De his autem, qui accepta pœnitentia, antequam reconciliantur, ab hac vita recesserint, quamquam diversitas preceptorum de hoc capitulo habeatur, illorum tamen nos sententias placuit sequi, qui multiplices numero de huiusmodi humanius decreverunt, ut & memoria talium in Ecclesiis commendetur, & oblatio pro eorum dedicata spiritibus accipiatur*. Et quidem mitior hæc disciplina paullatim ubique in Ecclesiis recepta est.

Can. 62.
de pœn.
dist. 1.

Inquisitio nona hæc erat: *de his, qui dolore nimio perurgente rogant dari sibi pœnitentiam, & cum veneris Presbyter daturus, quod petebant, si dolor parumper quieverit, excusant, & nolunt accipere, quod offertur*. Responsio Leonis ita concipitur. *Dissimulatio hæc potest non de contentu esse remedii, sed de metu gravius delinquendi. Unde pœnitentia, quæ dilata est, cum studiosius petita fuerit, non negetur, ut quoquo modo ad indulgentiæ medicinam anima vulnerata perveniat*. Ex his supplendus erit can. 62. de pœn. dist. 1.

Can. 65.
de pœn.
dist. 1.

Decimo inquirebat Rusticus *de his, qui pœnitentiam professi sunt, si in foro litigare cœperint*. Quod respondit Leo, habetur in can. 65. de pœn. dist. 1., cuius tamen verba ex optimis codicibus ita legenda sunt: *Aliud quidem est debita iusta reposcere, aliud propria perfectionis amore contemnere: Sed illicitorum veniam postulantem oportet a multis etiam licitis abstinere, dicente Apostolo, omnia mihi licent, sed non omnia expediunt. Unde si pœnitens habet causam, quam negligere forte non debeat, melius expetit quis (ita legit Dionysius, contra quam legat Gratianus expedit, aut alii, exigit) Ecclesiasticum, quam forense iudicium*. Consilium optimum erat Leonis, ut pœnitentes non forenses strepitus expeterent, sed potius Episcoporum arbitria, juxta facultates Episcopis jam factas a Constantino Imperatore, quemadmodum refert Sozomenus lib. 1. cap. 9. Hæc eadem descripserat jam Gratianus in can. 34. cau. 11. qu. 1., adjecta tamen minus accommodata interpretatione, ibi: *Non ait propter criminalem tantum, sed generaliter propter quamlibet causam, tam civilem, quam criminalem intelligens*. At vero Leo Magnus tantum de civilibus, non de criminalibus causis loquutus est, ut ipsamet verba demonstrant, cum egerit de iis, qui *debita iusta reposcere velint, eamque causam meditentur, quam negligere forte non debeant*.

Can. 34.
cau. 11.
qu. 1.

De his, qui in pœnitentia, vel post pœnitentiam negotiantur erat undecima Rustici inquisitio. Quod respondit Leo, habetur eisdem verbis in canone 2. de pœn. dist. 5., dummodo demas particulam etiam, quam Gratianus adjunxit, quæque in aliis codicibus antiquissimis, & optimæ notæ desideratur. Par disciplina in usu fuisse videtur posterioribus etiam sæculis in Gallia; nam Herardus Turonensis in suis capitulis hoc etiam recensuit num. 100. Quod pœnitenti nulla lucra negotiationis exercere conveniat, & ut injusta populi petitio effectus careat. Idipsum legitur in lib. 7. Capitularium Francorum cap. 62. apud Khabanum in epist. ad Heribaldum cap. 15., & apud Halitgarium lib. 3. cap. 6.

Sequitur apud Gratianum canon 3. de pœnit. dist. 5., cujus verba continent rescriptum interrogationi 12. de his, qui post pœnitentiam ad militiam revertuntur. Contrarium est omnino Ecclesiasticis regulis, post pœnitentiæ actionem redire ad militiam secularem, cum Apostolus dicat: Nemo militans Deo, implicet se negotiis secularibus. Unde non est liber a laqueis diaboli, qui se militia mundana voluerit implicare. Indiget interpretatione Leonis sententia, non enim Leo de quacunque militia ita sensit, cum & in hac ipsa epistola honestam militiam laudet, ut in can. 1. cau. 20. qu. 3., sed de ea militia, ad quam ea ætate redibant nonnulli ex Arianis pœnites legitimo apud Ecclesiam pœnitentiæ curriculo expleto. Plane tunc temporis idem erat Gothorum, Vandalorum, similiumque Gentium militiæ adscribi, atque Arianorum partibus adversus Ecclesiam adherere. Non id quidem expresse, & nitide explicat Leo, sed quid aliud indigitat, cum sese refert ad Ecclesiasticas regulas jampridem præstitutas? Sunt istæ in Nicæno Concilio can. 11., sive can. 4. de pœn. dist. 5., cujus sententiam ad rem hanc commode expolui in 1. parte hujus operis cap. 7. Conferantur cum hac sententia Leonis, quæ ibidem tradebatur.

Inquisitio decimatertia erat de his, qui post pœnitentiam uxores accipiunt, vel concubinas sibi conjungunt. Rescriptum Leonis habetur in can. 14. cau. 33 qu. 2., cujus verba ita supplenda erunt ex integris epistolæ exemplaribus: In adolescentia constitutus si urgente, aut metu mortis aut captivitatis periculo pœnitentiam gessit, & postea timens lapsum incontinentiæ juvenilis, copulam uxoris elegit, ne crimen fornicationis incurrat, rem videtur fecisse venialem, si præter conjugem nullam aliam omnino cognoverit. In quo tamen non regulam constitutus, sed quid sit tolerabilius, æstimamus. Nam secundum veram cognitionem nihil magis ei congruit, qui pœnitentiam gessit, quam castitas perseverans & mentis, & corporis. Erant hæc necessario Gratiano capiti adjungenda, ut de integra Leonis sententia constaret. Ceterum non eadem recepta fuit apud Gallicanos Episcopos disciplina ipsius Leonis Magni temporibus, quemadmodum constat ex can. 21. Concilii Arlatisensis II., quo receptum est, ut post peractam pœnitentiam quis a secundis tantummodo nuptiis abstineret.

Sequitur decimaquarta inquisitio, de Monachis, qui aut militare cœperint, aut uxores accipere. Rescriptum Leo: Propositum Monachi proprio arbitrio, aut voluntate susce- ptum deserti non potest absque peccato. Quod enim quis vovit Deo, debet & reddere. Unde qui relicta singularitatis professione ad militiam, vel ad nuptias devolutus est, publice pœnitentiæ satisfactione purgandus est; quia & si innocens militia, & honestum potest esse conjugium, electionem meliorem (ita legitur in Codice Dionysii: legunt alii meliorum) deseruisse transgressio est. Is est can. 1. cau. 20. qu. 3.

Can. 8.
Caus. 20.
qu. 1.

Decimoquinto quæsitum est de puellis, quæ aliquandiu in habitu religioso fuerunt, non tamen consecratæ, si postea nupserint. Rescripsit Leo: Puellæ, quæ non coactæ Parentum imperio, sed spontaneo iudicio virginittis propositum, atque habitum suscep-
erunt, si postea nuptias eligunt, prævaricantur, etiam si consecratio non accessit, cujus utique non fraudarentur mutere, si in proposito permanerent. Huc utque Sanctus Pon-
tiffex, qualem exhibent vetustissimi Codices, ipse etiam Dionysianus. Gratianus, quem sequuti sunt aliqui ex iis, qui Leonis epistolæ ediderunt, aliqua adjecit, uti
adparet in can. 8. cau. 20. qu. 1. vers. *ambigi vero*, usque in finem. Sed dubitan-
dum non est, hunc versiculum falso Leoni tributum esse, quippe quod opus po-
tius est Glossographi cuiuspiam, qui huiusmodi notam in margine forsitan primum
adjecit, quam deinde ignota, atque imperita manus in ipsum canonem transulit.
Ceterum hæc adjectio videtur deprompta ex sententiis Innocentii I. ad Victricium
Rothomagensis cap. 15. ibi: *Nam si inter homines solet bonæ fidei contractus nulla
ratione dissolvi, quanto magis illa pollicitatio, quam cum Deo pepigit virgo, solvi sine
vincula non debet?* Notatu dignum est, apud Leonem in memorato capite perspi-
cue distingui velatam virginem, & voto adstrictam a virgine consecrata; etenim,
etsi virgines olim ad professionem continentiz adhuc puellæ admitterentur, ubi ta-
men de consecratione ageretur, quadragesimus annus necessarius erat, quasi conse-
cratio præmium haberetur probatz virginittis, uti etiam habetur in Concilio Aga-
theni anni 506. can. 19., & Concilio Chalcedonensi can. 15., ubi eadem de Dia-
conissis præstituta disciplina. Quid vero ipsa Leonis Magni ætate in Galliis ob-
tinerit, facile deduci potest ex Concilio Arelateni II., quod alias sub Hilario
celebratum adserui, nam in can. 52. ita legitur: *De puellis, quæ se voverunt Deo,
& præclari decore nominis floruerunt, si post viginti, & quinque annos ætatis ad ter-
renas nuptias sponte transferint, id custodiendum esse decevimus, ut cum his, cum qui-
bus se alligaverint, communionem priventur, ita ut eis postulantis penitentia non negetur,
cujus penitentia communio multo tempore differatur.*

Can. 113.
de conf.
dist. 4.

Ex duplici inquisitione, atque rescripto, videlicet 16., & 17. compositus est ca-
non 113. de conf. dist. 4. Inquisitio 16. De his, qui a parentibus Christianis parvuli
relictæ sunt, & utrum baptizati sint, non potest inveniri, an debeant baptizari? Respon-
sum. Si nulla existant indicia inter propinquos, & familiares, nulla inter Clericos, at-
que vicinos, quibus hi, de quibus quæritur, baptizati fuisse doceantur, agendum est, ut
renascantur, ne manifeste pereant, in quibus quod non ostenditur gestum, ratio non finit,
ut videatur iteratum. Inquisitio 17. De his, qui parvuli ab hostibus capti sunt, &
non se sapiunt baptizatos; sed sciunt se aliquoties ad Ecclesiam a parentibus ductos, utrum
possint, vel debeant cum ad Romaniam venerint, baptizari? Responsum. Qui possunt
meminisse, quod ad Ecclesiam veniebant cum parentibus suis, possunt recordari, an quod
eorum parentibus dabatur, acceperint. Sed si hoc etiam ab ipsorum memoria alienum est,
conferendum eis videtur, quod collatum esse nescitur, quia non temeritas intervenit præ-
sumptionis, ubi est diligentia pietatis. Hodie post receptas conditionales baptismi for-
mulas facilius obviam itur huiusmodi difficultatibus.

Can. 18.
de conf.
dist. 4.

Superest 18. inquisitio, etenim ex 19., quæ postrema est, nihil omnino promittit
Gratianus. Est illa de his, qui ex Africa, vel de Mauritania venerunt, & nesciunt,
in qua sessa sunt baptizati, quid circa eos debeat observari? Respondit Leo. Non se
isti baptizatos nesciunt, sed cujus fidei fuerint, qui eos baptizaverunt, se nescire professen-
tur; unde quoniam quolibet modo formam baptismatis acceperunt, baptizandi non sunt, sed
per

per manus impositionem invocata virtute Spiritus S., quam ab hæreticis accipere non potuerunt, catholicis copulandi sunt. Rescriptum ita exhibet Quesnellius in sua editione. Paulo aliter Dionysius Exiguus, ibi: Hi autem, de quibus scripsisti, qui se baptizatos sciunt, sed cujus fidei fuerint, qui eos baptizaverunt, se nescire profitentur, quoniam quolibet modo formam baptismatis acceperunt, baptizandi non sunt, sed per manus impositionem virtutem Spiritus S., quam ab hæreticis accipere non potuerunt, Catholicis copulandi sunt. Ex his supplere, aut emendare juvabit canonem 38. de conf. diit. 4. Idipsum Leo asseruit in epistola ad Nicetam can. 51., & 57. cau. 1. qu. 1., item in epist. ad Neonam Ravennatem in fine. Nolim tamen, quispiam forte ita Leonis sententiam intelligeret, quasi etiam hæreticorum baptismum validum declararetur, in quo verba Sacramenti corrupta fuerint. Licet enim Sanctus Pontifex generaliter loqui videatur de baptismo collato ab hæreticis, supponit tamen revera baptismum administratum esse, quod sane dici non posset, nisi verba Evangelii pronunciata fuissent. Forte etiam ex eo Leo de hæreticis corruptentibus formam sermonem non habuit, quia facilius ea recte inveniebantur hæretici, qui non baptizarent, quam qui baptizando Evangelii verba corrumpere, uti observat S. Augustinus in lib. 6. de baptismo contra Donatistas.

De epistolis ad Episcopos per Campaniam, Picenum, & universas Provincias.

Dux sunt Leonis epistolæ ad Episcopos Campaniæ, finitimarumque Provinciarum scriptæ. Priori hic inest titulus: *Leo Episcopus urbis Romæ omnibus Episcopis per Campaniam, Picenum, Tusciam, & universas Provincias constitutis*. Incipit autem. *Ut nobis gratulationem, & data est 4. idus Octobris Maximo iterum, & Paterno Consulibus, idest anno 443., atque est prima inter epistolas Leonis apud Dionysium Exiguum. Posterior ita inscribitur. Leo universis Episcopis per Campaniam, Samnium, & Picenum constitutis*. Incipit Magna indignatione commoveor; Data autem est Ricimero Consule pridie nonas martii, idest anno 459. Apud Dionysium Exiguum desideratur, sed in aliis Codicibus habetur, alicubi numero 80., alibi numero 136. Ex utraque epistola fragmenta nonnulla depromsit Gratianus. Atque ut a priore exordiar, ibidem conqueritur Leo in præfatione, quod plura adversus disciplinam Ecclesiasticam ab Episcopis admissa fuerint, quæ præpterea reformatione indigere proficitur; deinde in cap. 1. luget in Ecclesia passim recipi Clericos sine ullo delectu, quod exhibet Gratianus in can. 21. diit. 54., sed omisiss aliobus verbis, quæ ex integris epistolæ exemplaribus ita supplere juvabit. *Admittuntur passim ad ordinem sacrum, quibus nulla natalium, nulla morum dignitas suffragatur; & qui a Dominis suis libertatem minime consequi potuerunt, ad fastigium Sacerdotii, tamquam servilis vilis hunc honorem capiat, (aliqui Codices habent: iure capiat), provehuntur, & probari Deo posse creditur, qui Domino suo necdum probare se potuit. Duplex itaque in hac parte reatus est, quod & sacrum ministerium (legunt alii mysterium) talis consortii vilitate polluitur, & Dominorum, quantum ad illicitæ usurpationis temeritatem pertinet, iura solvantur. Ab his itaque, Fratres charissimi, omnes Provincie vestre absint Sacerdotes, & non tantum ab his, sed ab illis etiam, qui aut origini, aut alicui conditioni obligati sunt, volumus temperari, nisi forte eorum petitio, aut voluntas accesserit,*

Can. 21.
diit. 54.

cesserit, qui aliquid sibi in eos vindicant potestatis. Debet enim esse immunis ab aliis, qui divine militiæ sunt adgregandus, ut a castris Dominici, quibus nomen ejus ascribitur, nullis necessitatis vinculis abstrahatur. Ex his non solum supplere, atque emendare juvabit memoratum canonem 21., sed etiam canonem 1. ejusdem distinctionis 54., ubi Gratianus eandem Leonis sententiam concisore stylo descripsit, quæ nescio de causâ in eadem distinctione bis idem fragmentum referendo. Ceterum servos, non obtenta a Dominis facultate, non potuisse Clericos ordinari, sexcenta docent Ecclesiasticæ antiquitatis monumenta, quemadmodum nec illi, qui tanquam coloni prædiis rusticis cujuspiam additi erant. Paullatim vero recentiore ætate, aliter vigere cœpit, opusve aliquando fuit, ut Domini cum colonis suis transigendo illud specialiter adjicerent, ne coloni ipsi sine Dominorum eorundem voluntate ad gradus Ecclesiasticos promoveri possent. Videantur notæ Baluzii ad Reginonem pag. 539. Parisiensis editionis 1671.

Caput 2. ejusdem epistolæ, quo bigami, aut viduarum mariti a sacris ministeriis arcentur, omisit Gratianus, retulit autem caput 3. in can. 7. cau. 14. qu. 4. ejusdem omnino verbis. Observandum est, idem caput haberi apud Reginonem in lib. 1. cap. 224., ubi tamen pro illis verbis *usurariam exercere pecuniam*, legitur, *usurariam exercere pœnam*, monetque ibidem Baluzius in editione Helmstadiensi neque *pecuniam* legi, neque *pœnam*. Notant præterea viri eruditi, hoc primum canonem Ecclesiastico definitum fuisse, ut laici etiam ab usuris abstinerent; nam quotquot alii vetusti canones editi sunt, ad Clericos tantummodo pertinebant, qualis est canon 12. Concilii Arelatensis I., sive canon 2. cau. 14. qu. 4., canon 17. Concilii Nicæni, sive canon 8. cau. 14. qu. 4., alique similes non pauci.

De Clericis tantum exprimitur canon 10. dist. 46., in quo habetur caput 4. epistolæ Leonis his verbis: *Illud etiam duximus præmonendum, ut sicut non suo, ita nec alieno nomine aliquis Clericorum exercere sænus attente; indecens enim est, crimen suum commodis alienis impendere. Sænus autem hoc solum adspicere, & exercere debemus, ut quod hic, misericorditer tribuimus, (paullo aliter hic legit Gratianus), ab eo Domino, qui multipliciter, & in perpetuum mansura retribuet, recipere valeamus.*

Progredior ad posteriorem Epistolam, in qua conqueritur Leo, quosdam ex Episcopis per Campaniam, Samnium, & Picenum constitutis Apostolicarum traditionum oblitos esse, quos propterea monet in primis, ut Sacramentum baptismatis non nisi in diebus Paschatis, & Pentecostes administrent, excepto aut ægritudinis, aut inopinato aliquo casu. Deinde ita pergit: *Illam etiam contra Apostolicam regulam præsumtionem, quam nuper agnovi a quibusdam illicita usurpatione committi, modis omnibus confituo subverteri, ne videlicet de singulorum peccatorum genere libello scripta professio publicetur (legunt alii publice recitetur), cum reatus conscientiarum sufficiat solis sacerdotibus indicari confessione secreta. Quamvis enim plenitudo fidei videatur esse laudabilis, quæ propter Dei timorem apud homines erubescere non veretur, tamen quia non omnium hujusmodi sunt peccata, ut ea, qui (legunt alii quæ) pœnitentiam postulant, non timeant publicare, removeatur tam improbabilis consuetudo, ne multi a pœnitentiæ remediis arceantur, dum aut erubescunt, aut metuunt inimicis suis sua facta referari, quibus possint legum constitutione percelli. Sufficit enim illa confessio, quæ primum Deo offertur, tum etiam Sacerdoti, qui pro delictis pœnitentium precator accedit. Tunc enim demum plures ad pœnitentiam poterunt provocari, si populi auribus non publicetur conscientia confitentis; legunt alii: Conscientia pœnitentis. Ex his suppleendus erit,*

erit, atque emendandus canon 61. de pœn. dist. 1., item huc referendus erit canon 89. ejusdem distinctionis, in quo etiam, quæ superius recitata fuerant in can. 61., paulo fufius repetuntur. Juvabit enim hæc omnia referre ad ea, quæ suo loco observabuntur ad can. 90. de pœn. dist. 1., ubi specialiter agendum erit de capitibus Theodori Cantuariensis.

De epistola ad Anastasium Thessalonicensem.

Tres vulgo proferuntur Leonis Magni epistolæ ad Anastasium Thessalonicensem Episcopum. Prima, quæ incipit, *Omnium quidem literas*, scripta est Theodosio XVIII. & Albino Consulibus, idest anno 444. pridie idus Januarias. Ex hac nullum depromptum fragmentum est apud Gratianum. Verum quoniam ex eadem plurimum pendet secunda ad eundem Anastasium Leonis epistola, ideo non erit inopportunum summam illius epistolæ argumentum recensere. Itaque consueverant Romani Pontifices Thessalonicensibus Episcopis munus legati committere per provincias Illyrici, quemadmodum exemplo ceteris extitit Siricius Papa, qui Anysium Thessalonicensem Anastasii decessorem legatum Sedis Apostolicæ constituerat. Cum enim in pluribus Illyrici Provinciis essent quidem Archiepiscopi, sed Romano Pontifici singulari etiam jure veluti Primati subiecti, ita ut viderentur propemodum in una provincia consistere, opportunum erat uni præ ceteris electo munus committere legationis. Nolo de hac re fusiore oratione differere, cum satis abunde pertractata fuerit a viris eruditissimis, quos facile curiosus quispiam adire potest. Tantum dixerò, in eo potissimum sitam fuisse Legati Thessalonicensis potestatem, quemadmodum ipse Leo Magnus indicat, ut ipse Metropolitanorum sui Vicariatus ordinationes celebraret, inferiorum item Episcoporum consecrationibus a Metropolitanis factis consentiret, Synodo nationali præset, demum invigilaret, ut Ecclesiasticæ regulæ ab omnibus custodirentur. Itaque scopus Leonis in priore epistola is fuit, ut postquam Anastasius Thessalonicensi vices suas commisit, eundem doceret, quo demandatum sibi officium solerter obiret. Porro hinc facile intelligitur Leonis ad eundem epistola secunda, quæ apud Dionysium Exiguum relata est, referturque ad annum 445., in vulgatis editionibus est numero 84., & numero 12. in editione Quæsnellii. De tertia epistola, quæ a Dionysio Exiguo omittitur, quæque refertur apud Quæsnellium ad annum 449. num. 43., & in vulgatis collectionibus num. 29., verba non facio, vel quod a Gratiano prætereatur, vel quod parum prodesse possit ad interpretationem capitum ex prioribus epistolis depromptorum.

Itaque in memorata epistola 2. initio refert Leo, Anastasium Thessalonicensem Can. 6.
dist. 45. constitutum fuisse Sedis Apostolicæ Vicarium, & in capite 1. subdit, sibi reservata fuisse majora negotia, causasque difficiliore, interea Anastasium eundem erudiens, qua prudentia, & moderatione vices gerere debeat Apostolicæ Sedis erga Episcopos illius Vicariatus. Huc pertinet canon 6. dist. 43., cujus verba si commode interpretari volueris, ita supplere oportebit ex integris epistolæ exemplaribus. *Quæ moderatio si quibuscumque inferioribus membris ex Apostolica institutione debetur, quanto magis fratribus, & Coepiscopis nostris sine offensione reddenda est? Ut licet nunquam accidant, quæ in Sacerdotalibus sunt reprehendenda personis, plus tamen erga corrigendos*

dos agat benevolentia, quam severitas; plus cohortatio, quam commotio, plus charitas, quam potestas. Sed ab his, qui quæ sua sunt, quærunt, non quæ Christi Jesu, facili-
ab hac lege disceditur, & dum dominari magis, quam consulere subditis placet, honor
inflat superbiam, & quod provisum est ad concordiam, tendit ad noxam. Sic habetur in
Codice Dionysii Exigui, qui epistolæ Pontificum collegit non procul a Leonis
ætate, quidquid habeant alii Codices, inter quos Gratianus. Ex his autem adpa-
ret, Anastasium Thessalonicensem dignitatem Vicarius sibi concessam in ambitum
detorlisse, atque eadem aliquando abusum fuisse, id ægrè ferentibus Episcopis ejus
potestati subjectis. Inter ceteros Atticus Nicopolitanus veteris Epiri Metropolitani
senex vocatus ad Synodum, neglecta Epistola, non statim sese exhibuerat,
sed excusatione infirmitatis allata serius obtemperaverat. Anastasius itatim concita-
vit adversus eundem Præfecturam Illyrici, ut quantocius, nullisque concessis in-
ducibus ab Episcopatu dimoveretur. Conqueito Attico apud Leonem, Sanctus Pon-
tifex vehementer in hac ipsa epistola Anastasium oburgavit, quo referendus est ca-
non 8. cau. 3. qu. 6. his verbis: *Multum stupeo, Fraier charissime, sed & plurimum*
doleo, quod in eum, de quo nihil amplius indicaveras (perperam in editis Gratiani
exemplaribus legitur judicaveras) quam quod evocatus alisse differret, & excusationem
infirmitatis obtenderet, tam atrociter, & tam vehementer potueris commoveri; præsertim
cum, etiam si tale aliquid mereretur, expellendum tibi fuerat, quid ad tua consulta re-
scriberem. Sed, ut video, bene de meis moribus existimasti, & quam civilia pro conser-
vanda Sacerdotali concordia responsurus essem, verissime previdisti. Et ille motus tuos
exequi sine dissimulatione properasti; ne, cum moderationis nostre aliud disponentia scripta
sumisses, faciendi id, quod factum est, licentiam non haberes. An forte aliquot tibi faci-
cinus innotuerat, & Metropolitani (ita Dionysius, legunt alii: & Nicopolitani)
Episcopum novi apud se criminis pondus urgebat? At hoc quidem alienum ab illo esse
etiam tu nihil ei obijciendo confirmas; sed etiam siquid grave, intolerandumque committe-
ret, nostra erat expectanda censura, ut nihil prius ipse decerneres, quam quid nobis pla-
ceret, agnosceres. Vices enim nostras ita tuæ credidimus charitati, ut in partem sis vo-
catus sollicitudinis, non in plenitudinem potestatis. Unde sicut multum nos ea, quæ a
te pie sunt curata, lætificant, ita nimium ea, quæ perperam sunt gesta, contristant.
Ut igitur ex integra Leonis sententia liquet, compescuit Pontifex Maximus Vica-
rii sui Thessalonicensis excessum, illud potissimum commendans, ne in gravissimis
caussis aliquid executioni demandet, nisi primum de ea re Pontificem ipsum fe-
cerit certiorum, siquidem gravissimæ causæ non adeo facile intelliguntur mandata, ut
Vicariorum potestas ad illas etiam extendatur, juxta tritas probatasque juris utrius-
que regulas.

Can. 5.
cau. 25.
qu. 2.

Quanam vero moderatione utendum Anastasio fuerit, docet in sequentibus Leo,
monens quidem ad curam pertinere Vicarii Thessalonicensis, ut Metropolitani singu-
lularum Provinciarum Episcopi Sacros præstitutos canones servent, custodiantque,
ita tamen, ut salva semper intelligatur sua Metropolitani dignitas, atque jurisdic-
tio secundum vetustos, receptosque canones, quorum nomine non alii commo-
dius intelliguntur, quam canones Concilii Nicæni, nam can. 4. hæc leguntur: *Fir-*
mitas autem eorum, quæ geruntur, per unamquamque Provinciam, Metropolitano tri-
buitur Episcopo. Verba Leonis eadem habentur in can. 5. cau. 25. qu. 2.

Can. 1.
dist. 32.

Pergit ulterius Leo, & varia disciplinæ Ecclesiasticæ capita custodienda proponit.
Quæ habentur in can. 1. dist. 32. huc sunt referenda, sed ex integra epistola non-
nulla

nulla supplere juvabit. In Civitatibus, quarum Rectores obierint, de substituendis Episcopis hac forma servetur, ut is, qui ordinandus est, etiam si bonæ vitæ testimonio fulciatur, non laicus, non neophytus, nec secundæ conjugis sit maritus, aut qui unam quidem habeat, vel habuerit, sed quam sibi viduam copularis. Sacerdos enim tam excellens est electio, ut hac, quæ in aliis membris Ecclesiæ non vocatur ad culpam, in illis tamen habeantur illicita. Nam cum extra Clericorum ordinem constitutus nuptiarum societati, & procreantii filiorum studere sit liberum arbitrium, ad exhibendam tamen perfectæ continentiæ puritatem, ne Subdiaconis quidem connubium carnale conceditur, ut & qui habent, sint tamquam non habentes, & qui non habent, permaneant singulares. Quod si in hoc ordine, qui quartus est a capite, dignum est custodiri; quanto magis in primo, vel secundo, tertio servandum est, ne aut Levitico, aut Presbyterali honore, aut Episcopali excellentia quisquam idoneus æstimetur, qui se a voluptate uxoris necdum frangere detegitur? Ita legit Dionysius Exiguus, alii pro illis verbis: a voluptate uxoris, legunt a voluptate uxoria, alii a voluptate luxuria.

Poſt hæc ita ſtatim ſequitur Leo: Cum ergo de Summi Sacerdotis (nomine Summi Sacerdotis qui ſtatim hoc in loco Episcopum non intelligit, ſi orationem hanc ſuperioribus jungat, in quibus de electione agitur Episcopum, qui Summus dicitur in conſpectu graduum ſuperius memoratorum) electione tractabitur, ille omnibus præponatur, quem Cleri, plebiſque conſenſus concorditer poſtularint, ita ut ſi in aliam forte perſonam partium ſe vota diverſerint, Metropolitanis iudicio is alteri præponatur, qui maioribus & ſtudiis juvatur, & meritis, tantum ut nullus invitis, & non petentibus ordinetur, ne Civitas Episcopum non optatum aut contemnat, aut oderit, & ſiat minus religioſa, quam convenit, cui non licuerit habere, quem voluit. Ex his emendandus erit, ſupplendusque canon 36. diſt. 63., junctis Romanorum Correſtorum notis.

Can. 36.
diſt. 63.

Succedunt in epiſtola Leonis illico ea verba, quæ integra refert Gratianus in can. 4. diſt. 65., hinc etiam verba canonis 19. diſt. 63., quæ tamen ita emendare, ac ſupplere juvabit: Metropolitanis vero deſuncto, cum in locum ejus alius fuerit ſubrogandus, Provinciales Episcopum ad Civitatem Metropolitam convenire debent, ut omnium Clericorum, atque omnium civium voluntate diſcuſſa, ex Presbyteris ejusdem Eccleſiæ, vel ex Diaconis optimus eligatur. De cujus nomine ad tuam notiſſimam Provinciales referant Sacerdotes, impleturi vota poſcentium, cum quod ipſis placuit, tibi quoque placuiſſe cognoverint. Sicut enim juſtas electiones nullis dilationibus volumus fatigari, ita nihil permittimus te ignorante præſumi.

Can. 4.
diſt. 65.
& can.
19. diſt.
63.

Docet præterea Anaſtaſium Leo tempora, & modos Conciliorum Episcopaliſum celebrandorum eiſdem omnino verbis, quæ habentur apud Gratianum in can. 2. diſt. 18. Quando vero ibidem Sancti Patres memorantur, non alii ſane ſunt, quam Nicæni; nimirum in Nicæno Concilio annuus Synodus celebrari decretum eſt, quemadmodum liquet ex can. 3. diſt. 18.

Can. 2.
diſt. 18.

Transiſſiones etiam Episcoporum, quæ ex ambitu quorundam fiebant tunc temporis, interdixit a Leone fuerunt juxta Conciliorum jam editos canones. Verba Pontificis habentur in can. 31. cau. 7. qu. 1. ita legendo ex Dionysii Codice. Si quis autem Episcopum Civitatis ſue mediocritate deſpecta, adminiſtrationem loci celeberrimis ambierit, & ad majorem ſe plebem quacumque ratione tranſulerit, a Cathedra quidem pellatur aliena, ſed carebit & propria, ut nec illis præſideat, quos per avaritiæ concupiſcit, nec illis, quos per ſuperbiam ſprevit. Suis igitur terminis quiſque contentus

Can. 31.
cau. 7.
qu. 1.

As, nec supra mensuram juris sui afficeret augeri. Jampridem alia Concilia constituerant, nequis Episcopus ambitiose de una ad aliam sedem migraret, sed non ea, quam Leo induxit, pœna præstituta erat adversus migrantes. Ait Leo, migrantem Episcopum utraque dignitate carere debere. Voluerunt Nicæni Patres in can. 15. Episcopum translatum antiquam in sedem restitui. Asperior igitur fuit disciplina Leonis, cui forte causam dederunt frequentiores hujusmodi translationes. Ceterum in Chalcedonensi Concilio pristina Nicænorum canonum disciplina confirmata est, ut adparet ex canone 5. ejusdem Concilii. Quod ipsum factum suo comprobavit Hilarus Papa Leonis successor in epistola 1. ad Episcopos Provincie Tarraconensis, qui non aliam voluit pœnam esse Irenzi Episcopi translato, quam ut ad pristinam sedem reverteretur.

Can. 1.
cau. 19.
qu. 2.

Quod de Episcopis statuerat Leo, ut non possent ad aliam sedem migrare, servandum esse voluit de Clericis inferioribus, ne ad aliam Ecclesiam pergentes suscipi-
rentur. Refertur id in can. 1. cau. 19. qu. 2., cui ex integra epistola exceptio erit adjicienda his verbis: *Alienum Clericum invito Episcopo iphus nemo suscipiat, nemo sollicitet, nisi forte ex placito charitatis id inter dansem, accipientemque convenit.*

Can. 14.
cau. 2.
qu. 6.

Tandem concludit Sanctissimus Vir egregia sane sententia, qua Anastasio Legato suo moderationem sequendam proponit, ut suis unicuique Episcopo honos, sua potestas, & jurisdictio servetur. Tradit ibidem, Ecclesiam unam esse, invicemque conjuncta Ecclesie membra in unanimitate, & concordia Sacerdotum; Quemadmodum vero inter Apostolos non fuit æqua potestas, ita nec hodie inter Episcopos omnes æqualem esse auctoritatem, sed unum alteri præesse hoc ordine, ut essent in singulis Provinciis singuli, quorum inter fratres haberetur prima sententia, & rursus quidam in majoribus urbibus constituti sollicitudinem susciperent ampliorem, per quos ad unam Petri Sedem universalis Ecclesie cura consueret, & nihil usquam a suo capite dissideret. Qui ergo scit se quibusdam esse præpositum &c. Quæ sequuntur, integra leguntur in can. 14. cau. 2. qu. 6., atque hæc, quemadmodum norma esse possunt unicuique Episcopo, aut etiam majori Prælato, ut recti regiminis æconomiam addiscat, ita unicuique etiam erunt documento, ut de Ecclesiasticæ Hierarchiæ, & ordinis Episcopalis ratione penitus informetur.

De epistola priore ad Nicetam Episcopum Aquilegiensem.

In recentioribus Epistolarum Pontificiarum collectionibus dux recensentur Leonis epistolæ ad Nicetam Episcopum Aquilegiensem. Prior apud Quænellium numero 6., apud alios 86. incipit *Relatione Sancti fratris*, & sine consule ac die, concluditur. Multa hac in re dubia emergunt; in primis enanimadvertitur, in MSS. Codicibus vetustis inscribi quidem ad Aquilegiensem Episcopum, sed Nicetæ nullam fieri mentionem. Amplius quæritur, quis iste Nicetas fuerit, & quo tempore Cathedram Aquilegiensem tenuerit; Nam Ughelli, aliorumque, qui seriem Aquilegiensium Episcoporum texerunt, fides non omnibus hac in parte probatur. Hinc autem difficile agnoscitur definire, quo anno eadem epistola scripta fuerit. Non defuerunt, qui rati sunt, hanc Epistolam scriptam fuisse an-

no 444., ea ratione, quod ibidem Leo Magnus acriter pugnavit adversus Pelagianos, breviterque exposuit fidei dogmata adversus eosdem hæreticos; Auctor autem libri de promissionibus, & prædictionibus medii temporis inter opera Prosperi cap. 6. testatus est, eodem tempore Leonem contra Pelagianos scripsisse, quo scripsit contra Manicheos; Quamobrem cum idem Pontifex contra Manicheos scripserit anno 444., ut patet ex ejus epistola ad Episcopos Italix, quæ incipit, *In consortium*; deducunt eodem anno illam epistolam ad Aquilegiensem Episcopum fuisse directam. Hinc vero coguntur asserere, non ad Nicetam fuisse scriptam, sed ad Januarium, qui ante Nicetam eo anno fertur Sedem Aquilegiensem tenuisse. Mihi non solum obscura valde hæc esse videntur, sed etiam supposititia, ita ut judicaverim, hanc priorem epistolam apocrypham esse. Et quidem non me movet unius Dionysii Exigui silentium; Etenim optime novi, Leonis epistolas non omnes apud illum referri, illas autem omitti inter ceteras, quæ ad fidem potius declarandam, quam ad disciplinam stabiliendam pertinebant, qualis esset ista, quæ incipit *Relatione Sancti Fratris*. Sed movet me plurimum, quod hæc epistola tota fere consonat cum epistola Leonis ad Januarium Episcopum Aquilegiensem, quæ incipit *Lectis Fraternitatis*, habeturque apud Dionysium Exiguum. Quoties duæ istæ epistolæ invicem conferantur, statim utrobique easdem omnino sententias agnoscemus, nonnullis exceptis, quæ pertinent ad conficiendam hæresim Pelagianorum. Idem utrobique epistolæ initium, eadem conclusio eisdem etiam verbis adhibitis, ut propterea verosimile esse non possit, Leonem ad eandem Ecclesiam Aquilegiensem binas misisse eisdem formulis expressas epistolas diversis temporibus. Forte, igitur studiosus quisquam voluit Leonis stylum imitari, arripensque illius epistolam ad Januarium Aquilegiensem, imitator ejus novam epistolam elucubravat Marte proprio, cujus quidem inscriptionem integram reliquit demto Januarii nomine, aut etiam supposito nomine Nicetæ, consularem autem notam prætermisit, ne facilius de falsitate redargueretur. Hinc eatenus hanc epistolam recipiendam putaverim, quatenus ejusdem sententiæ referuntur, & consonant cum alia germana epistola ad Januarium.

Nihil sane cum epistola ad Januarium commune habet canon. 1. cau. 1. qu. 1., *Can. 1. licet habeatur in epist. ad Nicetam*, ubi tamen animadvertendum est, Gratianum *cau. 1. plurimum detorxisse auctoris epistolæ sententiam, imo & verba ipsa immutasse, qu. 1.* Auctor epistolæ loquitur de veritate Cælestianorum, ac Pelagianorum, hisce verbis: *Cumque omnes definitiones suas ad subrependi facilitatem improbare se simulent, atque deponere, hoc sibi tota arte fallendi, nisi intelligantur, excipiunt, ut gratia Dei secundum merita dari accipiemus sentiantur. Quæ utique, nisi gratis detur, non est gratia, sed merces, retributioque meritorum.* Hæc, quæ de Divina gratia non præcedentibus nostris meritis Divina liberalitate concessa forent intelligenda, Gratianus, aut quicumque Gratiano auctor extitit, in aliud omnino propositum inflexit, & de illis, qui simoniace Sacramenta conferunt, interpretatus est.

In fine ejusdem epistolæ inducitur Leo adeo de Ecclesiastica disciplina sollicitus, ut profiteatur se vehementius commovendum, quoties ea violentur, quæ pro custodia canonum, & pro fidei integritate ipse decreverat, addita ratione, quia inferiorum ordinum culpæ ad nullos magis referendæ sunt, quam ad desides, negligentisque Rectores, qui multam sepe nutriunt pestilentiam, dum austeriorem dissimulant adhibere medicinam. Hæc verba referuntur in can. 1. dist. 86., neque dubium ullum

erit, quin tribui debeant Leoni Magno, utpote quæ eadem omnino habentur in epitola ipsius genuina ad Januarium Aquilegiensem, dummodo in postremis verbis ita legatur: *Dum necessariam dissimulant adhibere medicinam.*

De posteriore ad eundem Nicetam epistola.

Posterior epistola ad Nicetam, quæ incipit *Regressus ad nos filius meus Adeodatus* data 12. Kal. Aprilis Majorano primum Consule, sive anno 458, genuina est, utpote quæ Dionysio Exiguo Collectori antiquissimo cognita fuit, ac probata. Istud est epistolæ argumentum. Romam redierat Adeodatus Sedis Apostolicæ Diaconus, ac Leoni renuntiaverat, Nicetam Aquilegiensem postulare a Pontifice Maximo rescriptum, quo gravissimis, ut videbantur, propositis quæstionibus satisfaceret. Septem capitibus respondit Leo, quorum priora quatuor referuntur in can. 1. cau. 14. qu. 1. Juvabit ea integra referre juxta Codicem Dionysii Exigui ob nonnullorum codicum varietatem. Cum ergo per bellicam cladem, & per gravissimos hostilitatis incursus ita quedam dicatis divisa esse conjugia, ut abductis in captivitatem viris feminae eorum remanserint destitute, quæ viros proprios aut interemptos putarent, aut nunquam a dominatione credere liberandos, & in aliorum conjugum solitudine cogente transferint (legunt alii: *Quæ cum viros proprios . . . ad aliarum conjugum complexus solitudine cogente transferint*); Cumque nunc statu rerum, auxilium Domino, in meliora converso nonnulli eorum, qui putabantur periisse, remearint, merito charitas tua videtur ambigere, quid de his mulieribus, quæ aliis junctæ sunt viris, a nobis debeat ordinari. Sed quia novimus scriptum, quod a Deo jungitur mulier viro, & iterum præceptum agnovimus, ut quod Deus junxit, homo non separet, necesse est, ut legitimarum fœderum nuptiarum redintegranda credamus, & remotis malis, quæ hostilitas intulit, unicuique id, quod legitime habuit, reformetur, omnique studio procurandum est, ut recipiat unusquisque, quod proprium est. Nec tamen culpabilis judicetur, & tamquam alieni juris perceptor habeatur, qui personam ejus mariti, qui jam non esse existimabatur, assumpsit. Sic enim multa, quæ ad eos, qui in captivitatem ducti sunt, pertinebant, in jus alienum transire potuerunt, & tamen plenum justitiæ est, ut iisdem reveris propria reformentur. Quod si in mancipiis, vel in agris, aut etiam in domibus, ac possessionibus rite servatur; quanto magis in conjugiorum redintegratione faciendum est, ut quod bellica necessitate turbatum est, pacis remedio reformetur? Et ideo si viri post longam captivitatem reveris ita in dilectionem suarum conjugum perseverent, ut eas cupiant in suum redire consortium, omittendum est, & inculpabile judicandum, quod necessitas intulit, & restituendum est, quod fides poscit. Si autem aliquæ mulieres ita posteriorum virorum amore sunt captæ, ut malint his coherere, quam ad legitimum redire consortium, merito sunt notandæ, ita ut etiam Ecclesiastica communione priventur, quæ de re excusabili contaminationem criminis elegerunt (legunt alii: *Quia inexcusabiliter res excusabilis in crimen evadit*) offendentes sibi pro sua incontinentia placuisse, quod iusta remissio poterat expiare. Redeant ergo in suum statum voluntaria redintegratione conjugia, neque ullo modo ad opprobrium malæ voluntatis trahatur, quod conditio necessitatis extorsit; quia sicut hæ mulieres, quæ reversi ad viros suos noluerint, impiæ sunt habendæ, ita illæ, quæ in affectum ex Deo initum redeunt, merito sunt laudandæ. Sic exhibet Dionysius Exiguus. At vero hinc elegans disputatio nascitur de jure postliminii, quod in-

redia-

redintegrandis matrimoniis Leo Magnus aditruit. En species: Titio marito Titiz in captivitatem abducto, Titia secundo conjugii juncta fuit. Ex regulis juris Romani, quæ tunc potissimum custodiebantur, secundum hocce conjugium consistebat: Ut enim nonnisi inter cives Romanos nuptiæ valere poterant, ita civitate per captivitatem amissa, nuptiæ dissolvi penitus censebantur. Una tantum erat exceptio in liberta nupta Patrono, quo etiam in captivitatem abducto Juliani sententiam nonnulli probabant, asserentis adhuc matrimonium durare jure quodam singulari, sive, ut dicitur in l. 45. §. ult. ff. de ritu nuptiarum, propter patroni reverentiam. Quid vero si Titius e captivitate redux civitatis jura recuperasset? Num postliminii jura priorem conjugem adstringebant? Huc pertinet relata definitio Leonis, asserentis eodem jure, quo postliminio reversis omnia restituntur, ita etiam jura conjugiorum redintegrari. Non ita placuit Romanis veteribus Jureconsultis, ex quibus Pomponius in l. 14. §. 1. de captivis, & postlim. rev. ait: *Non ut pater filium, ita uxorem maritus jure postliminii recipit, sed consensu redintegratur matrimonium*: Et Paulus in l. 8. eod. tit. *Non ut a patre filius, ita uxor a marito jure postliminii recuperari potest, sed tunc cum & voluerit mulier, & adhuc alii post constitutum tempus nupta non est; Quod si voluerit, nulla causa probabili interveniente, patris discordiæ tenebitur*. Hæc sane in causa fuerant, cur veluti in dubio hæreret Nicetæ animus, quid in ea disputatione definiendum foret, merito ambigentis. Quid ergo? Num Pontifex Maximus a Legis Romanæ principiis recessit? Ego potius arbitrarer, Leonem Magnum Romanarum legum principiis potius inhaesisse, diversitatem autem disciplinæ non a diversâ Philosophia, sed a diversâ conjugiorum, qua apud Ethnicos, qua apud Christianos, qualitate fuisse profectam. Certa erat regula apud Jureconsultos veteres Romanos, jure postliminii ea redintegrari, quæ in jure consistent, non vero quæ in factis, l. 12. §. 2., & 6. ff. de captivis. Ab hac regula nusquam Leo recessit, sed potius illam amplexus est. In eo tantum discrepat & Leonis, & Romanorum Jureconsultorum opinio, quod apud Leonem magis in jure, apud Romanos Jureconsultos magis in factis matrimoniis consistent. In hoc vero nulla est philosophiæ diversitas, sed potius diversitas naturæ conjugiorum apud Ethnicos, & apud Christianos. Apud Ethnicos, qui prolis tantummodo procreationem in matrimonio considerabant, conjugia potissimum in factis consistebant; apud Christianos, qui Sacramentum in conjugio celebrabant, & arctissimam in eo Christi & Ecclesiæ conjunctionem considerabant, conjugia in jure consistebant. Quid ergo mirum, si Leo, & Jureconsulti Romani veteres ex eisdem fere principiis, ille restituit, isti non redintegrari postliminio nuptias definierint? Hanc rem propterea omnino perfecit Justinianus, qui utpote Christianus Imperator, & Sacramenti conjugii apprime conscius Leonis Magni sententiam confirmavit, abrogata doctrina veterum Jurisconsultorum; ea enim Christianorum conjugii amplius accommodari non poterat. Novella 22. cap. 7.

Canon 2. cau. 26. qu. 7. legitur in capite 6. ejusdem epitome, & quidem eisdem verbis, dummodo jungantur Romanorum Correctorum adnotationes, dummodo etiam pro illis postremis verbis, *per Sacerdotalem necessitudinem &c.* legamus *per Sacerdotalem sollicitudinem &c.*, quemadmodum legitur apud Dionysium Exiguum, aliosque Codices optimos. Interea vero erit observandum, a Gratiano non satis apte eundem canonem esse laudatum, ut generaliter traderetur, arbitrio præsentium definienda esse penitentiarum tempora; Etenim Leo id tantum tradidit in ea specie,

qua

Can. 2.
cau. 26.
qu. 7.

qua quis bis baptizari se permiserit, & quidem aut metu coactus, aut errore transductus.

Can. 51.
& 57.
can. 1.
qu. 1.

Quæ Gratianus refert in canone 51. cau. 1. qu. 1. iungenda omnino sunt verbis memorati canonis 1. cau. 26. qu. 7. Siquidem post verba postrema ejusdem canonis ita sequitur Leo, quasi præcedentium rationem reddens: *Nam hi, qui baptismum ab hæreticis acceperunt, cum baptizati antea non fuissent, sola Sancti Spiritus invocatione per impositionem manuum confirmandi sunt, quia formam tantum baptismi sine sanctificationis virtute sumserunt. Et hanc regulam, ut scitis, servandam in omnibus Ecclesiis prædicamus, ut lavacrum semel initum nulla iteratione violetur, dicente Apostolo, unus Deus, una fides, unum baptisma, cujus oblitio nulla iteratione temeranda est, sed, ut diximus, sola sanctificatio Spiritus Sancti invocanda est, ut quod ab hæreticis nemo accipit, a Catholicis Sacerdotibus consequatur.* Hæc eadem Gratianus, nescio qua ratione, repetita voluit in canone 57. ejusdem causæ, & quæstionis.

De Epistola ad Januarium, alias Julianum Aquileiensem.

Fuisset hæc Leonis epistola ad Januarium proponenda memoratæ epistolæ ad Nicetam, cum hæc anno 447. sive Alipio, & Ardabure consulibus edita fuerit, illa demum anno, ut diximus, 458., sed ab ordine temporis paulisper ibidem recessi, quod nonnulli crediderint, priorem epistolam ad Nicetam ad annum 444. pertinere. Quidam codices pro Januario Julianum exhibent, & hos sequutus videtur editor Gratiani codicis in can. 42. cau. 1. qu. 1. Verum Dionysius Exiguus, cui antiquitas majorem præ ceteris auctoritatem conciliat, Januarium scribit, cujus propterea codicem sequi nemo dedignabitur. Hæc est Epistola illa, quæcum plurimum ajebam consonare epistolam priorem, quæ fertur ad Nicetam Aquileiensem scripta, quemadmodum specialiter observabam ad canonem 1. dist. 86. cujus verba habentur etiam in hac ipsa epistola ad Januarium. Gratulatur ibidem Leo in primis Januario, quod curam pastorem vigilantem exequeretur, deinde subdit: *Dilectionem tuam duximus commendam, insinuantes ad animæ periculum pertinere, si quisquam de his, qui a nobis in hæreticorum (ex his supplendus, emendandusque*

Can. 42.
& 112.
can. 1.
qu. 1.
can. 21.
cau. 1.
qu. 7.

erit Gratianus in can. 42. & 112. cau. 1. q. 1. & can. 21. cau. 1. qu. 7.) *atque schismaticorum sectam delapsis, & se utcumque hæreticæ communionis contagione maculari, respiciens in communione catholica sine professione legitime satisfactionis habeatur. Saluberrimum enim, & spiritualis medicinæ utilitate plenissimum est, ut sive Presbyteri, sive Diaconi, vel Subdiaconi, aut cujuslibet ordinis Clerici, qui se correctos videri volunt, atque ad catholicam fidem, quam jampridem amiserant, rursus reverti ambiunt, prius errores suos, & ipsos auctores erroris damnari a se sine ambiguitate fateantur, ut sensibus pravis etiam peremptis nulla sperandi superstit occasio, nec ullum membrorum talium possit societate violari, cum per omnia illis professio propria cæperit obviare. Circa quos etiam illam canonum constitutionem præcipimus custodiri, ut in magno habeant beneficio, si alecta sibi omni spe promotionis, in quo inveniuntur ordine, stabilitate perpetua mancant, si tamen in crasa insidione non fuerint maculati.*

De Epistola ad Episcopos Provinciæ Viennensis
in Gallia.

Acceperat Hilarius Arelatenſis Episcopus, in sua Provinciâ Celidonium quendam Episcopum contra sacrorum canonum statuta fuisse ordinatum, quod vlduam conjugem duxisset. Quamobrem convocato Concilio Coepiscoporum Provincialium Celidonium eundem ab Episcopatu deiecit. Romam perrexit Celidonius a Leone Pontifice opem imploraturus. Eundem sequutus statim fuit Hilarius, qui tamen, parum valuit apud Leonem, quippe in solemnî conventu Celidonius restitutus est in Episcopatum suum, nonnisi cum maximo Hilarii dolore, qui clanculum Roma ad Episcopatum suum abcessit. Acciderat præterea, in quadam Gallicana Diœcesi extra fines Provinciæ Arelatenſis Projectum Episcopum ægrotasse, in cujus locum præmature Hilarius Metropolitani ordinaria, ut arbitror, auctoritate fretus novum Episcopum subinduxerat. Projectus, ejusdemque amici, cum novissent Hilarii causam adversus Celidonium Romæ corruisse, suam in medium proponere non dubitarunt. In qua Projectus Episcopus adversus Hilarium vicit, in suam sedem & ipse restitutus, deturbato eo, qui auctoritate Hilarii suffectus fuerat. Hinc suborta occasio fuit, cur Leo Magnus adversus Hilarium nonnulla scripserit anno 445. in epist. ad Episcopos per Viennensem Provinciam constitutos, & quidem acriore stylo, quemadmodum ex illa facile agnoscere unusquisque potest. Quæ vero causa tunc Hilario fuerit singularis; cur ea perageret; aut pateretur, non satis conitat apud Historicos. Illud certum est, tunc temporis maximam fuisse in Galliis Arelatenſis Episcopi auctoritatem; certum præterea est, subortam tum fuisse apud Gallos impiam Semipelagianorum doctrinam, imo & cepisse largius serpere in dies; eamque ob rem suspicionem suboriri potuisse, ne Hilarius forte hæresi progredienti faveret. Ut enim ipse erat Arelatenſis Metropolita, & Primas, cujus jurisdictioni parebat, doctrinam venerabatur, consilii indulgebat universam, fere Gallia, non alias videri poterant Semipelagianorum semina radices extendere, nisi quoquomodo Arelatenſis idem Episcopus saltem conniveret. Porro Leo Magnus, cujus lateri Prosper Aquitanus quasi a secretis adibat, fuerat Pelagianis, eorundemque surculis maxime insensus. Commoda itaque videbatur ad novam hæresim conficiendam occasio, qua Episcopus Arelatenſis coerceretur, atque ea ratione ad meliora peragenda excitaretur. Forte hæc Leoni mens esse potuit, qui sagacissimus erat, ac prudentissimus rerum gerendarum, ea præsertim de causa apud omnes laudatus. Sed tandem finis controversiis impositus, emicuitque Hilarii integritas morum, atque doctrina: Superfunt tantum hodie veterum simultatum pura, putaque vestigia, quæ etiam puto subtrahenda fuisse a scrinio Romanæ Ecclesiæ adhuc vivente Leone post agnitam Hilarii sanctitatem insignem, & vehementem Ecclesiasticæ disciplinæ servandæ voluntatem. Atque hujus rei gravissimum habemus argumentum ex eo, quod Dionysius Exiguus, qui Leonis ætatem prope modum attigit, epistolasque Romanorum Pontificum e Romanæ Ecclesiæ scriniis depromptas collegit, memoratam Leonis epistolam omiserit. Pervenit illa ad nos ex aliis locis, forte ex scriniis Episcoporum, ad quos missa fuerat; qui quoniam

sub-

subdebantur Arelatenſi Epifcopo, epiftolam eandem vigilantius cuſtodiebant, ut monumentum haberent, quod pro emergentibus ſimilibus cauſis Arelatenſibus Epifcopis opponerent, ſi forte illi poteſtate ſua abuti quoquo modo viderentur.

Con. 7.
diſt. 19. Duo ſunt fragmenta, quæ ex ea Leonis epiftoła depromta fuerunt, apud Gratianum relata. Primus eſt canon 7. diſt. 19., cujus priora verba non integra deſcripſit Gratianus, ita propterea ſupplenda. Initium epiftołæ iſtud eſt: *Divinæ cultum Religionis, quem in omnes gentes, omneſque nationes Dei voluit gratia coruſcare, ita Dominus noſter Jeſus Chriſtus humani generis Salvator inſtituit, ut veritas, quæ antea Legis, & Prophetarum præconio continebatur, per Apoſtolicam tubam in ſalutem univerſitatis exiret, ſicut ſcriptum eſt: In omnem terram exiet (ita legit Queſnelius, legunt alii exivit) ſonus eorum, & in fines orbis terræ verba eorum. Sed hujus muneris Sacramentum ita Dominus ad omnium Apoſolorum officium pertinere voluit, ut in Beatiffimo Petro Apoſolorum omnium ſummo principaliter collocarit, & ab ipſo quaſi quodam capite dona ſua vellet in corpus omne manare &c. Paulo aliter, quæ deſcripta heic ſunt, Gratianus exhibet; cetera, quæ apud Gratianum ſequuntur, cum optimis epiftołæ exemplaribus conſonant, pertinentque univerſa eo, ut concluderetur, perperam diſceſſiſſe Roma Hilarium exaſperato animo poſt diſcuſſam, ſinitamque Celidonii cauſam, quaſi Hilarium idem Sancto Petro, & Petri ſucceſſoribus morem gerere detrectaſſet.*

Con. 27.
diſt. 63. Alterum fragmentum habetur in can. 27. diſt. 63., pertinetque ad cauſam Projeſti Epifcopi, de qua ſuperius verba feceram. Aſſerebat Leo inter cetera, non potuiſſe ab Hilario alium Epifcopum in locum Projeſti ordinari, niſi primum. ſuffragia civium exquisita fuiſſent, his verbis: *Expeſtarentur certe vota civium, teſtimonia populorum, quaereretur honoratorum arbitrium, eleſtio Clericorum, quæ in Sacerdotum ſolent ordinationibus ab his, qui noverunt Patrum regulas, cuſtodiri. Et poſt plurima monens Leo, quomodo faciendâ in poſterum ſit Epifcoporum ordinatio, ſubdit: Per pacem, & quietem Sacerdotes, qui futuri ſunt, poſtulentur: Teneatur ſcriptio Clericorum, honoratorum teſtimonium, ordinis conſenſus, & plebis. Ex his facile & emendabis, & interpretaberis memoratum canonem 27.*

De Epiftoła ad Dioſcorum Epifcopum Alexandrinum.

Extat inter opera Leonis epiftoła quzdam ad Dioſcorum Epifcopum Alexandrinum data Kalendis Julii, alias 11. Kal. Julias; ſine conſule tamen, ex quo incertum eſſe videtur, quo anno ſcripta fuerit. Sed cum videatur ad Dioſcorum miſſa, cum primum is fuit Alexandrinus Epifcopus ordinatus, uti oſtendunt priora epiftołæ verba; *Quantum dilectioni tuæ Dominicæ charitatis impendamus aſſeſſum, ex hoc poteris approbare, quod tua firmius fundare deſideramus initia; & Dioſcorus Alexandrinam ſedem tenere cæperit aut ſub finem anni 444., aut ſub initium anni 445., ad iſtud ſane tempus commodè referetur. Forte quiſpiam de hujus epiftołæ fide dubitaret, animadvertens in codice Dionyſii Exigui deſiderari. At vero duplex genus epiftołarum ſecernere juvabit, quarum aliz familiares, qualibus Summus Pontifex privatum amicum inſtruit monitis peculiaribus; aliz decretales, quoties uni, vel pluribus Epifcopis quidpiam agendum quaſi lege mandatur. Hanc, de qua agimus, epiftołam familiarem eſſe nemo ambiget, qui formulas a Leone expreſ-*

expressas consideraverit. Appellat hinc epistolam Leo Paternam, & Fraternali col-
lationem, item ait: *Studiose ergo dilectionem tuam; & familiariter admonemus.* Porro
Dionysii Exigui propositum non illud erat, ut in Codicem suum familiares etiam
Romanorum Antistitem epistolam referret. Romam miserat Dioscorus Possidonium
Presbyterum, per quem de electione sua Pontificem Maximum redderet certiore.
Possidonio redeunti Alexandriam commendavit epistolam Leo, Dioscorum hortatus
ad unitatem cum Romana Ecclesia custodiendam, ad quam obtinendam se retulit
ad ipsa Alexandrinæ Ecclesiæ initia, asserens Sanctum Marcum Alexandrinæ Ec-
clesiæ primum institutorem fuisse S. Petri Discipulum, ejusdemque doctrinæ jugiter
adhæsisse. Huc pertinet can. 16. cau. 24. qu. 1., cujus verba apprimè confo-
nant cum integris epistolæ exemplaribus post Romanam Correctionem.

Can. 16.
cau. 24.
q. 1.

Post hæc docet Leo, quoniam die Clericorum ordinationes sint celebrandæ. Verba
Pontificis referuntur in can. 4., & 5. dist. 75., sed quoniam in Codicibus varietas
quædam inest, eadem referam, qualia edidit Quesnellus. Quod ergo a Patribus
nostris propensior cura novimus esse servatum, a vobis hec volumus custodiri, ut non
passim diebus omnibus Sacerdotalis, vel Levitica ordinatio celebretur, sed post diem sab-
bati ejus nobis, quæ in prima sabbati luceat, exordia delignantur. (Gratianus scribit:
Exordia consecrandi eligantur. Addiderunt alii in editione Labbeana: Hoc est, sub lege
Divini Officii substituantur. Sed forte hæc adjectio e margine in textum irrep-
si) in quibus his, qui consecrandi sunt, jejunis, & a jejunantibus sacra benedictio confere-
tur. Quod ejusdem observantiæ erit, si mane ipso Dominico die continuato sabbati jeju-
nio celebretur, a quo tempore præcedentis nobis initia non recedunt, quam ad diem Re-
surrectionis, sicut etiam in Pascha Domini declaratur, pertinere non dubium est. Nam
præter auctoritatem consuetudinis, quam ex Apostolica novimus venire doctrina, etiam
Sacra Scriptura manifestat, quod cum Apostoli Paulum, & Barnabam ex præcepto Spi-
ritus S. ad Evangelium gentibus mitterent prædicandum, jejunantes, & orantes im-
posuerunt eis manus; ut intelligamus, quanta & dantium, & accipientium devotione cu-
randum sit, ne tantæ benedictionis Sacramentum negligenter videatur impletum. Et ideo
pie, & laudabiliter Apostolicis morem gesseris institutis, si hanc ordinariorum Sacer-
dorum formam per Ecclesias, quibus Dominus præesse te voluit, etiam ipse servaveris;
ut his, qui consecrandi sunt, nunquam benedictio, nisi in die Resurrectionis Dominice
tribuatur, cui a vespere sabbati initium constat adscribi, & quæ tantis divinarum dis-
positionum (alibi legitur dispensationum) mysteriis est consecrata, ut quidquid est a
Domino insignis constitutum, in hujus diei dignitate sit gestum. In hac mundus sumit
exordium; In hac per Resurrectionem Christi & mors interitum; & vita accipit ini-
tium; In hac &c. In conspectu hujus doctrinæ disputari posset, num Leonis sen-
tentia ea fuerit, ut in sola annui Paschatis nocte Sacri Ministri ordinarerentur, quem
admodum colligi videtur ex illis verbis: Nunquam benedictio, nisi in die Dominice Re-
surrectionis, tribuatur? Verum meo iudicio nihil prohibet, quominus hæc verba de
unoquoque Dominico die intelligamus; quem sane in honorem Resurrectionis Do-
minicæ singulis hebdomadis celebramus, dummodo tamen jejunium sacrum præ-
cesserit. Quo enim in piis pertinent verba illa Leonis, quibus docet, eodem die
& mundum fuisse exordium, & illapsum fuisse Spiritum S., & Apostolos præ-
dicandi auctoritatem a Domino accepisse; uno verbo, quidquid a Domino insignis
constitutum est, in hujus diei dignitate gestum fuisse? Hæc non pertinent ad unum
Paschatis diem, sed generatim de quocumque die Dominico intelliguntur. His ad-

Can. 4.
& 5.
dist. 75.

dere possumus Leonis tempore solemnem Paschatis diem transigi debuisse in Ca-
thecumenis baptizandis, quemadmodum etiam præcedentes dies in scrutinis, exor-
cismis, variisque super baptizandos orationibus infumebantur. Hinc Gelasius Papa
in epistola ad Episcopos per Lucaniam cap. 7. præfigens sacris ordinationibus dies
meminit de sabbatis juniorum; de sabbato autem, quod Sanctum appellamus,
ne verbum quidem habuit, quippe quo aliud tum agendum Episcopis incumben-
bat. Præterea semper maxima fuit Sanctorum Patrum solertia, ut vacantibus Ec-
clesiis quam citissime confuleretur, novum Episcopum ordinando, quod sane fieri
non potuisset, si solo die Paschatis consecrationes Episcoporum celebratz fuissent.
Hinc hodie etiam ætate nostra observatur, ut quocumque die Dominico celebren-
tur Episcoporum consecrationes, licet in ordinandis ministris inferioribus certi in-
fra annum dies sint præstituti. Hac occasione non inopportunitum erit animadver-
tere, quod hodie servatur in ordinationibus ministrorum Episcopo inferiorum, ni-
mirum non Dominico, sed sabbati die fieri, ex eo proficisci, quod olim tota nox,
quæ sabbatum subsequebatur, in hujusmodi ordinationibus infumebatur, reservata
in mane Dominicum hora tertia Episcoporum consecratione, quæ sane tempora
ad Dominicum diem pertinere videbantur. Sed postea, sublata nocturnarum vigi-
liarum consuetudine, ad diem sabbati pertinere cœperunt, quæ sub noctem fieri
consueverant adventante Dominico, cujus rei vestigia adhuc adparent in officio Ec-
clesiastico Sabbati Sancti.

Can. 51.
de conf.
dist. 1.

In postrema hujus epistolæ parte legitur canon 51. de conf. dist. 1. Tradit ibi-
dem Leo, Sacrificii oblationem indubitanter iterandam esse in basilicis, quoties po-
puli multitudo simul adesse non potest, quod contingere asserit in solemnioribus
præsertim festivitibus, atque inter cetera ita scribit: *Necesse est autem, ut qua-*
dam pars populi sua devotione privetur, si unius tantum Missæ more servato Sacrificium
offerre non possint, nisi qui prima diei parte convenerint. Studiose ergo dilectionem
tuam, & familiariter admonemus, ut quod nostræ consuetudini ex forma paternæ tra-
ditionis insedis, tua quoque cura non negligat, ut per omnia nobis & fide, & actibus
congruamus. (legunt alii: *Us omnia nobis ex fide, & actibus congruant.*) Propter
quod remeanti filio nostro Possidonio Presbytero hanc ad fraternitatem tuam epistolam
dedimus perferendam, qui nostris processionibus, atque ordinationibus frequenter interfuit,
& toties ad nos missus, quid in omnibus Apostolica auctoritatis teneremus, agnovit.
Ita exhibent optimi codices, ex quibus emendari poterit Gratianus. Ex hoc au-
tem capite facile intelligemus, cur aliquando pluries Missæ Sacrificium in Eccle-
siis celebraretur; atque ea, arbitror, ratione in die Natali Domini adhuc in præsen-
tia pluries oblatio sit; nimirum mutandæ disciplinæ generalis causam dedit frequen-
tior populi fidelis eodem die congressus.

De Priore Epistola ad Episcopos Siciliæ.

Dux proferuntur epistolæ Leonis ad Episcopos Siciliæ directæ. Prior incipit
Divinis præceptis, dataque est 12. Kalendas Novembris Calopodio, sive, ut alii le-
gunt, Alipio, & Ardabure Consulibus, idest anno 447. Hanc vero germanam
esse vel sola Dionysii Exigui Collectio probat, in qua eadem epistola recensetur.
Ex illis, quæ apud Gratianum relata sunt, fragmentis, satis liquere potest, quid
nam

nam fuerit Leonis scopus. Et primo initium epistolæ habetur in can. 2. cau. 25. qu. 1., cujus verba ita ex codice Dionysii Exigui erunt legenda: *Divinis præceptis, & apostolicis monitis incedamus, ut per omnium Ecclesiarum statu impigro vigilemus adfectu, & siquid usquam reprehensum invenitur demouitum, Cleri sollicitudine, (apud Gratianum, Quæstnellium, alioque codices legitur: Celeri sollicitudine) aut ab ignorantie imperitia, aut a presumptionis usurpatione revocemus. Manente (legunt alii: Monente) enim dominica vocis imperio, quo Beatissimus Apostolus Petro trina repetitione mystica sanctionis imbutur, & Christi oves, qui Christum diligit, pascant; ipsius Sedis, cui per abundantiam divinæ gratiæ præsumus, reverentia coardamur, ut periculum deficiæ, quantum possumus, declinemus, ne professio Summi Apostoli, qui se amatores Domini testatur est, non inveniat in nobis, quia negligenter pascens toties commendatum gregem convincitur Summum non amare Pastorem.*

Ita præfatus Leo, in capite 1. conqueritur de nonnullis Scilicet Episcopis, quod numerosius in die Epiphaniæ, quam in die Paschatis, Sacramentum Baptismatis administrarent contra regulas à Romana Ecclesia perpetuo custoditas. Et in cap. 2. fufe de hac materie differens docet, servandam esse temporum, & mysteriorum Christi distinctionem, deinde in cap. 3. ad eandem rem ita subjicit: *Quamvis ergo & illa, quæ ad humilitatem, & illa, quæ ad gloriam pertinent Christi, in unam concurrant, eandemque Personam, totumque quicquid in illo & virtutis divinæ est, & infirmitatis humanæ ad nostræ reparationis tendat effectum; propriè tamen in morte crucifixi, & in resurrectione mortui potentia baptismatis novam creaturam condit ex veteri, &c.* Hæc restitit Gratianus cum sequentibus in can. 13. de conf. dist. 4. usque ad vers. Hoc autem: qui versiculus habetur in capite 4. ejusdem epistolæ. Observandum tamen, ubi Gratianus scripsit, *interclusit, invitat, ut, &c.* Dionysium Exiguum ita exhibere *interclusit invitans, ut quibuslibet necessitatibus impediti, &c.* quæ eadem habet Quæstnellius ex MSS., ut ipse testatur, codicibus emendata. Quid vulgares codices contineant, Romani Correctores adnotaverunt. Observandum præterea, pro illis Gratiani verbis *omnium credentium numerum* legi apud Dionysium Exiguum *omnem credentium numerum*.

Post pauca subsequitur Leo in cap. 5. ad eandem rem his verbis: *Unde quia manifestissime patet, baptizandis in Ecclesia electis hæc duo tempora, de quibus loquuti sumus, esse legitima, dilectionem vestram monemus, ut nullo alio die huic observatione misceatis.* Hic est canon 12. de conf. dist. 4., cujus priora verba Leonis minime sunt, sed alicujus collectoris, qui paucis præmonere voluit, quid Leo in eo capite scriberet. Revera Dionysius Exiguus in epitome capituli ita scripsit: *Quod hæc duo tempora, idest Pascha, & Pentecoste ad baptizandum à Romano Pontifice sunt præfixa.* Hæc cum verbis Leonis conjuncta apud Dionysium Exiguum imprudens Amanuensis non distinxit, occasionemque dedit posterioris ætatis Collectoribus, ut omnia simul juncta Leoni tribuerent. Ceterum Epitome Dionysii Exigui minime diffonat a sententia Leonis, qui etsi generaliter dicat, duo tempora præstituta esse ad conferendum Baptismum, nec specialiter, quænam sint ea tempora, designet, tamen ex his, quæ superius dixerat in verbis supra memoratis in can. 13. de conf. dist. 4., adparet de temporibus Paschatis, & Pentecoste loqui voluisse.

Huc usque generalis tradebatur disciplina. Quid vero, si certæ causæ emerissent, quibus extra tempora memorata necessario Baptismum conferendus esset?

Hiñce causas exceptas voluit Leo, inquit : *Non interdicta licentia, qua in Baptismo tribuendo quolibet tempore periclitantibus subvenitur. Ita enim ad has duas festiuitates connexas subinet, atque cognatas incolumam, & in pacis securitate degentium libera vota differimus, ut in mortis periculo, in obsidionis discrimine, in persecutionis angustis, in timore naufragii nullo tempore hac veræ salutis singulare præsidium cuiquam denegemus.* Ita emendandus erit canon 16. de conf. dist. 4., cujus verba aliter retulit Gratianus.

Can. 14.
de conf.
dist. 4.

His statim subiiciuntur, quæ Gratianus exhibet in canone 14. de conf. dist. 4., quæque consonant cum Dionysio Exiguo, aliisque optimis exemplaribus, dummodo pro verbis illis evangelicis : *Qui non ex sanguinibus, legamus qui non ex sanguine.* Observatione digna sunt hoc in loco, quæ Leo scribit ; nimirum quosdam putasse in die Epiphaniæ, sive 8. idus Januarii, Christum Dominum fuisse baptizatum. Erat hæc tantummodo nonnullorum opinio ; contrarium enim docuerat Sanctus Epiphanius lib. 2. adversus hæreses hæresi 5., tradens Christum baptizatum fuisse. 6. idus Novembris. Leo Magnus cum accepisset ea de causa in aliquibus Ecclesiis administrari consuevisse Baptismum in die Epiphaniæ, quod crederent eodem die Christum baptizatum fuisse, eam facti disputationem adgredi noluit ; sed asseruit non satis opportunum videri illud Servatoris exemplum : nimirum aliud erat Baptisma, quo Christus ipse ablui voluit, aliud Baptisma fidelium, de quo quærebatur, cujus ut virtus ex resurrectione potius Christi pendebat, ita nonnisi tempore, quo celebrabantur ejusdem Resurrectionis mysteria, collationem fieri decebat.

Can. 10.
dist. 11.

Hæc, quæ de Baptismate certis temporibus conferendo fuisse disputando decrevit Leo, firmavit his verbis : *His itaque, Fratres charissimi, tot, ac tantis existentibus documentis, quibus omni ambiguitate submotæ evidenter agnoscitis, in baptizandis electis, qui secundum apostolicam regulam, & exorcismis scrutandi, & jejuniis sanctificandi, & frequentibus sunt prædicationibus imbuendi, duo tantum tempora, idest Pascha, & Pentecosten esse servanda, hoc vestræ indicimus charitati, ut ab apostolicis institutis nullo ulterius recedatis excessu. Quia inultum post hæc esse non poterit, si quisquam apostolicas regulas in aliquo crediderit negligendas.* En quo pertinet sententia Leonis, quam generaliter paucis tradidit Gratianus in can. 10. dist. 11. ex nuper memoratis verbis eam ob rem supplendo.

De altera epistola ad Episcopos Siciliae.

Alteram ad Siciliae Episcopos Leonis epistolam primus evulgavit ex antiquo MS. codice Cardinalis Sirlerti Gerardus Vossius. In Labbeana collectione est numero 104., apud Quæsnellium est numero 17. Sed hanc Viri eruditi Leoni suppositam fuisse judicaverunt, quibus sane non contemnendæ conjecturæ, imo & gravia argumenta esse potuerunt. In primis enim, ut omittam nemini ex veteribus notam fuisse, nec ipsi Dionysio Exiguo, qui non procul a temporibus Leonis Romæ Pontificias epistolas colligebat, apparet nitide styli diversitas, ut cum aliis Leonis epistolis consonare non possit ; deinde nota consularis hæc adscripta est : *Data 11. Kalendas Novembris Alipio Viro clarissimo Consule ;* at cum superior, quam expendebam, epistola data sit 12. Kalendas Novembris sub Alipii ejusdem Consulatu, nemo sibi persuadebit, Leonem tam frequenter, scilicet duobus successive, & singulis diebus ad

ad eodẽm Siciliæ Episcopos duas decretales epistolas direxisse. His accedit in hac epistola illud potissimum Episcopis commendari, ne res ecclesiasticas alienent. Quod si jam fuisset a Leone decretum, sequentes Pontifices facile laudavissent illud occasione oblata. Id laudavissent aut Hilarius in epistola ad Episcopos Galliarum, aut Symmachus in Concilio Romano, aut Agapetus in epistola ad Cæsarium Arelatensem, aut Gregorius Magnus in epistola ad eodẽm Siciliæ Episcopos, qui omnes Romani Antistites eandem rem fusc pertrastarunt. At vero apud omnes altum servatur Leonis decreti silentium: quz sine indicant, epistolam ipsam Leoni falso tributam ab auctore recentiore fuisse. Gratianus unum tantum fragmentum ex hac epistola derivavit in can. 52. cau. 12. qu. 2., cui tamen plurima adiecta sunt, quz sane ad ipsam epistolam minime pertinent. In epistola ita legitur: *Quamvis ergo ordinatum a nobis sit, quemadmodum utriusque Ecclesiæ utilitatibus consulatur, (Nomine utriusque Ecclesiæ auctor intelligit duas Siciliæ Ecclesias, in quibus scripsit, abusum irreperisse alienationis rerum ecclesiasticarum: Quznam istæ Ecclesiæ fuerint, quærant illi, qui argumenta fictitiarum epistolarum ament investigare; quemadmodum etiam quærant, quibus in codicibus reperiantur ea, quz Leo inducitur jam antea ordinasse in utriusque Ecclesiæ utilitatem), ne tamen hoc perniciosum nequissimæ deprædationis exemplum cuique posthac fiat imitabile, hanc præcepti nostri formam apud dilectionem vestram volumus esse perpetuam; qua sine exceptione decernimus, ut nequis Episcopus de Ecclesiæ suæ rebus audeat quidquam vel donare, vel commutare, vel vendere, nisi forte ita aliquid bonum faciat, ut meliora prospiciat, & cum totius Cleri tractatu, atque consensu id eligat, quod non sit dubium Ecclesiæ profuturum. Quz sequuntur apud Gratianum, in epistola ipsa non leguntur, sed potius in Concilio Carthagenensi vulgo IV. can. 31., & 32., qualicumque sit canonum istorum auctoritas. In canone 31. hæc leguntur: *Ut Episcopus rebus Ecclesiæ tanquam commendatis, non tanquam propriis utatur. Et in can. 32. Irrita erit donatio Episcoporum, vel venditio, vel commutatio rei ecclesiasticæ absque conniventia, & subscriptione Clericorum.**

Can. 52.
cau. 12.
qu. 2.

De epistola ad Flavianum Constantinopolitanum.

Celeberrima est Leonis epistola ad Flavianum Constantinopolitanum Episcopum scripta, in qua Eutychie hæreses validissime conficiuntur. Data illa est anno 449., duobus scilicet annis ante Concilium Chalcedonenſe. Initio epistolæ enumerat Leo causas, quz Eutychem præcipue impulerunt, ut perperam de Christi natura sentiret, præsumtionem videlicet, & imperitiam. Huc referendus est canon 30. cau. 24. qu. 3., qui cum integra Leonis epistola consonat, dummodo aliquot codicum varietas observetur; siquidem ubi Gratianus legit: *Dolterioribusque non credere,* legerunt alii: *Dolterioribusque non cedere;* item ubi Gratianus legit: *Aliquo impediuntur obscuro,* legerunt alii: *Per aliquod obscuritatis impedimentum.* Qualicumque tamen verba retineantur, eadem semper erit Leonis sententia.

Can. 30.
cau. 24.
qu. 3.

De epistola ad Pulcheriam Augustam.

Eodem anno 449. scripsit Leo ad Pulcheriam Augustam epistolam, quæ incipit: *Quantum præsidii*, eandem exhortans, ut auctoritate etiam sua Eutychis ausum cohiberet, priusquam illius hæresis ex pertinacia auctoris, aut ex imprudentium consensione vires acquireret. Ita vero loquitur Sanctus Pontifex de Eutychæ: *Multam doleo, multumque contristor, quod hic, qui antea de humilitatis proposito laudabiliter videbatur, contra unam spem nostram, Patrumque nostrorum, vana, & nimis solida audent adstruere. Qui dum videret insipientie suæ sensum Catholicis auribus displicere, revocare se a sua opinione debuerat, nec ita Ecclesiæ Præsules commovere, ut damnationis sententiam mereretur excipere, quam utique si in suo sensu (legunt alii: in sua sententia) voluerit permanere, nullus poterit relaxare. Hæc eadem sunt, quæ Gratianus retulit in can. 5. cau. 24. qu. 2., quamquam Gratianus idem paullo aliter verba composuerit, ut ea, quæ de Eutychæ singulariter dicta fuerunt, in generalem sententiam converteret his accommodandam, qui in malis operibus sunt perrivaces.*

De alia ad eandem Pulcheriam epistola.

Præter superius memoratam, alias numero plures ad Pulcheriam Augustam Leo scripsit epistolas. Una adhuc mihi superest recensenda, quæ incipit: *Gaudere meo plurimum*, data Valentiniano, & Avieno Consulibus, seu anno 450., ex ea enim depromptus est Gratianæus canon 21. cau. 23. qu. 5. Gratulabatur Leo Pulcheriæ, quod noverit, ipsam in recta fide consistere, & sese a novis Eutychis erroribus avertere, inter quæ ita concludit: *Spero autem adfuturam misericordiam Dei, ut cooperante clementia vestra pestiferi erroris possit morbus auferri, ut quidquid ipso inspirante, atque auxiliante potuerit salubriter fieri, cum vestræ fidei laude peragatur, quoniam res humana aliter tutæ esse non possunt, nisi quæ ad Divinam confessionem pertinent, & Regiæ, & Sacerdotalis defendat auctoritas. Ex his supplendus erit laudatus canon 21.*

De epistola ad Clerum, & Populum Constantinopolitanum.

Anno Domini 449. coacta per Dioscorum Alexandrinum Episcopum Pseudo-Synodo thephina, quam vulgo *latrocinium* vocant, ibidem Eutychiana hæresi pro Christiana fide proposita, receptaque, cui scilicet Episcoporum alii vi, alii sponte subscripserant, damnatus fertur S. Flavianus Constantinopolitanus Episcopus strenuus germanæ doctrinæ defensor, a sua sede depositus, imo etiam, uti plures scribunt, in eodem Concilio per Dioscorum ipsum atque inaudito ausu percutus, atque occisus. Id ægre tulerunt Constantinopolitani Cives, lugentes unum cum optimo Pastore se constantissimum Catholicæ Fidei vindicem amisisse. Hæc erat Constantinopolitanæ Ecclesiæ conditio, dum ad eam scripsit Leo Magnus in epistola,

epistola, quæ incipit: *Licet de his, &c.* numero 46. in editione Quesnellii, sed in editionibus vulgatis numero 23. data idibus Octobris Asterio, & Protogene, Consulibus, de qua consulari nota videtur Quesnellii observationes. Epistolæ inscriptio ita habet: *Leo Episcopus Clero, Honoratis, & Plebi consistenti Constantinopoli.* Quæ res ibidem pertractatur, hæresim potissimum respicit Eutychanorum; atque in primis illi populo gratulatur Leo, quod veram fidem semel amplexus in eadem diutius perseveraret, rogatque, ut perpetuo consistat, neve ullus usquam, præsertim de Clero, fideles audeat novis opinionibus turbare: *Nec quisquam, ait, sibi audeat de sacerdotali honore blandiri, qui potuerit in execrandi sensus impietate convinci; nam si vix in laicis tolerabilis videtur inscitia, quanto magis in eis, qui præsumt, nec excusatione est digna, nec venia; maxime cum etiam descendere perversarum opinionum commenta præsumunt, & in consensum suum aut terrore, aut gratia instabiles quoque, traducunt?* Ex his supplere possumus canonem 3. dist. 38., ubi videtur Sanctus Vir paullo asperius de Clericis loqui, ideo, ut arbitror, quod jam suspicaretur, Anasolium Dioscori amicissimum esse, & Flaviano intensum, imo facile in Flaviani locum concitato schismate subrogandum, quemadmodum revera post aliquod tempus successus est.

Can. 1.
dist. 38.

Amplius progreditur Leo, atque ita de viris facile populum in hæresim adducen-
centibus loquitur: *Spernantur* (legunt alii: *separantur*) *hujusmodi a sanctis membris Corporis Christi, neque sibi catholico libertas infidelium jugum patiatur imponi. Extra enim donum divinæ gratiæ, & extra Sacramentum habendi sunt salutis humores, qui negantes naturam nostræ carnis in Christo, & Evangelia contradicunt, & Symbolo vacillantur, nec sentiens se in hoc præruptum suo obsecratione deduci, ut nec in Passionis Dominica, nec in Resurrectionis veritate consistant, quia utrumque in Salvatore vacuatur, si in eo nostris generis caro non creditur. In quibus sunt ignorantia tenebris? (hæc refert Gratianus in can. 38. de cons. dist. 2., cujus verba ex ipsa Leonis epistola ita supplenda sunt, atque emendanda). In quo hactenus desiderio torpore jacuere? ut nec auditu discerent, vel lectione cognoscerent, quod in Ecclesia Dei in omnium ore tam consensum est, ut nec ab infantium linguis veritas Corporis, & Sanguinis Christi inter Communionis Sacramenta taceatur? (ita legit Quesnellius, monens in codice quodam MS. desiderari illa verba, vel lectione cognoscerent; at editio Labbeana in posterioribus verbis hæc exhibet: *Inter communis Sacramenta Fidei taceatur, quemadmodum etiam exhibet Gratianus) quia in illa mystica distributione spiritalis alimonie hoc impartitur, hoc sumitur, ut accipientes virtutem celestis cibi, in carnem ipsius, qui caro nostra factus est, transeamus. Ut hæc commode intelligantur, animadvertendum est vetustis Ecclesiæ ritus, qualis in usu erat in administratione Eucharistiæ: Nimirum Sacerdos sacram particulam porrigens dicebat: Corpus Christi; suscipiens respondebat: Amen. Testis hujus sacræ coremoniz Ambrosius est in lib. 4. de Sacramentis cap. 4. iniquis: Non aliose, cum accipis, tu dicis, amen, jam in spiritu consistens, quod accipias Corpus Christi: dicis tibi Sacerdos: Corpus Christi. Et tu dicis, amen, hoc est verum. Ex hac communi Ecclesiarum disciplina ita argumentabatur Leo adversus Eutychanos: ipsi etiam infantes, dum ad Eucharistiam suscipiendam accedunt, fatentur se Corpus Christi suscipere. Ergo inveterata, & ipsiusmet infancibus nota traditio est, vere existere Corpus Christi; ac proinde naturam hominis Deo junctam in naturam Dei minime abiisse, quod cum suis affectis Eutyches contendeat. Hanc eandem sententiam alibi exposuit idem**

Can. 38.
de cons.
dist. 2.

Leo,

Leo, videlicet in sermone 6. de jejuniis mensis septimi, scribens: *Sic sacra mensa communicare debetis, ut nihil prorsus de veritate Corporis Christi, & Sanguinis ambigatis. Hoc enim ore sumitur, quod fide creditur, & frustra ab illis amen respondetur, a quibus contra id, quod accipitur, disputatur.* Super sunt adhuc in Gratiano fragmenta nonnulla, quæ apud Leonem minime leguntur, sed potius excerpta sunt ex aliis Patrum veterum monumentis, a vers. *Idem est cibus refectiois usque in finem.* Romani Correctores jamdiu asseruerunt, hæc referenda esse ad Ambrosium. Revera apud Ambrosium plura ex ipsis leguntur, quæ cum Gratiano canone sunt conferenda. Porro Gratianus videtur hæc ex incerto quodam auctore sumisse, qui ejusdem ætate scripserit contra Berengarium ad asserendam catholicam doctrinam de Christi Corpore, & Sanguine. Ait Gratianus: *Idem est cibus refectiois, & cibus sanguinis. Sicut enim caro Domini vere est cibus, ita sanguis vere noster est potus.* Romani Correctores observaverunt in nonnullis codicibus haberi: *Idem est cibus, &c.*, quæ lectio integre sententiæ magis convenire videtur, quodque si attendisset Glossographus, abstinuisset ab hac inepta interpretatione, quam adtexuit: *Idem est cibus, id est similis.* Gratianus igitur apposuit particulam *item*, ut significaret se aliud fragmentum non Leonis, sed alterius auctoris referre. Quamobrem qui post Gratianum capita distinxerunt, id attendere debuissent, ut quæ in hoc fragmento subjiciuntur, a præcedentibus sejungerent. Verba illa: *Est cibus refectiois, &c.* sunt auctoris illius, quem Gratianus sequebatur, quique ad demonstrandum, quid in Eucharistia contineretur, usus est verbis Christi Johannis cap. 6. *Caro mea vere est cibus, & sanguis meus vere est potus.* Prosequitur Gratianus: *Idem est etiam Corpus, de quo dictum est: Caro mea vere est cibus, & Sanguis meus vere est potus. Circa hoc corpus aquila sunt, quæ alis circumvolitant spiritibus.* Hæc sunt Ambrosii in caput 17. Lucæ in fine lib. 6., quæ Gratianus quasi ejusdem auctoris nomine laudabat, quia forte apud eundem auctorem laudatum Ambrosium legerat. Pergit Gratianus: *Idem: Unde & Corpus Christi edimus, ut vitæ æternæ possimus esse participes.* Rursum hæc Ambrosii sunt in lib. 10. Lucæ cap. 22. cap. 9. De illis, quæ subjiciuntur in vers. *Cujus clare*, & in vers. ul. imo, nihil adjicio; cum enim eadem sint cum iis, quæ referuntur Ambrosii nomine in can. *Revera* 69. eadem dist. 2. de consecrat., opportunius erit de ipsa sententiâ verba facere, cum suo loco agendum mihi erit de Ambrosii capitibus ad eundem canonem 69.

De epistola ad Anatolium Constantinopolitanum.

Celebre est in Ecclesiastica Historia Anatolii nomen. Is amicissimus primum Diofcoro Alexandrino fuit, & in Eutychna hæresi propugnanda sodalis; forte etiam in Flaviani Episcopi Constantinopolitani necem quidpiam aggressus fuerat, aut saltem illius confectus extiterat. Nihilominus tanta erat ejus exilimatio apud Orientales, ut minime dubitarent mortuo Flaviano ipsum in Flaviani locum, sive regimen Constantinopolitanæ Ecclesiæ vocare, id præ ceteris penes Romanum Antistitem curante Imperatore, ea potissimum ratione, quod Anatolius Christianæ fidei vindex exiturus esset, atque Eutychnam hæresim damnaturus. Leo Magnus in rebus agendis prudentissimus in hanc ordinationem facile consensit, quatenus sperabat, Anatolii animum erga Ecclesiam, veramque fidem conciliandum fore, atque

atque ita numerum, & auctoritatem Eutychianorum, nisi prorsus extingueretur, saltem plurimum diminuendam. Itaque mense Aprili sub Consulatu Adelphii, sive anno 451., ad Anatolium scripsit epistolam Leo, summa ibidem prudenti, atque animi moderatione usus; non tam enim sibi gratulandum cum Anatolio fuerat de nova illius electione, quam animus Anatolii catholicis doctrinis imbuendus; imo etiam explorandum tacite, & solerter erat, qualis & antea fuisset, & in posterum futura esset mens novi Episcopi, de cujus improbitate vehementem suspicionem Summus Pontifex praeconceperat. Inter cetera sermonem ibidem habet de Episcopis, qui Dioscoro faverant in latrocinio Ephesino, ad unitatem revocandis, quoties Eutychianam hæresim detestarentur; eaque occasione adlruit, quid a Catholicis sentiendum sit contra Eutychem, videlicet Christum Dominum verum hominem esse, ac vere nos in humana natura Deo Patri reconciliavisse. Huc spectant verba canonis 68. cau. 1. qu. 1., quæ ita legenda sunt ex optimis codicibus: *Aliter enim in Ecclesia Dei, quæ corpus est Christi, nec rata sunt* (legunt alii, *nec sacra sunt*) *Sacerdotia, nec vera sacrificia, nisi in nostræ proprietate naturæ verus nos Pontifex reconcillet, verus immaculati agni sanguis emundet.* Ex his autem adparet, quantum distet a Gratiani proposito illius fragmenti sententia; etenim Leo nihil aliud ibidem prædicat, quam Christum verum hominem esse, atque in humana ejus natura fieri sacrificia, eademque pro peccatis nostris offerri. At Gratianus ex eo deducit, extra Ecclesiam per hæreticos fieri vera sacrificia, aut sacramenta non posse. Memorata epistola in editione Quesnellii est numero 60., in aliis editionibus numero 40.

Can. 68.
cau. 1.
qu. 1.

De alia epistola ad Anatolium.

Monitis Leonis, de quibus nuper verba feci, aurem præbuit, aut saltem præbuisse visus est Anatolius, utpote qui in Chalcedonensi Concilio anni 451. Eutychianam hæresim cum ceteris Episcopis unanimi consensione damnavit. Verum novo ambitu Episcoporum sedium in Oriente prærogativas turbare cæpit, & quidem in Concilio ipso Chalcedonensi, in quo nullum non lapidem movit, ut Constantinopolitanæ Ecclesiæ suæ novus honor concederetur, & dignitas, scilicet ut inter Patriarchales Ecclesias recenseretur, imo etiam Patriarchalibus ceteris præstantior haberetur. Hos Anatolii conatus ægre exceperit Leo, quos ut compesceret, epistolam ad illum misit anno 452., (incipit *Manifestatio*, estque numero 80. apud Quesnellium, & 53. in aliis editionibus) monens, ut cum recta fidei doctrina animi jungat humilitatem, neve a traditis in Concilio Nicæno regulis discedat, quibus Episcoporum sedium prærogativæ firmatæ jam fuerant. Ex his facile percipimus sententiam canonis 6. dist. 47., qui ex hac ipsa epistola depromptus est; cum autem a Gratiano nonnulla omissa fuerint, nonnulla adjecta, juvabit hic integra Leonis verba exhibere. Ait ille: *Virum enim Catholicum, & præcipue Domini Sacerdotem, sicut nullo errore implicari, ita nulla oportet cupiditate violari: dicente quippe scriptura sancta: Post concupiscentias tuas non eas, & a voluntate tua avertere* (legunt alii *vetare*) *multis mundi hujus illecebris, multis vanitatibus resistendum est, ut veræ continentie obtineatur integritas, cujus prima est labe superbia, initium transgressionis, & origo peccati; quoniam mens potentie avida nec abstinere novit vitæ, nec*

Can. 6.
dist. 47.

gaudere concessis, dum inordinato, pravoque progressu impanitarum transgressionum auge-
re excessus, & crebrescunt culpæ, quæ toleratæ sunt studio fidei reparandæ, & amore
concordiæ.

- Can. 3. Facile quoque est exinde percipere sententiam canonis 3. cau. 25. qu. 1., ubi
 1031. 25. Leo Magnus suadet, Nicæni Concilii canones servandos esse, illos scilicet, quibus
 qu. 1. Episcopatum sedium honores præstituti fuerant, quosque Anatolius parvipendebat,
 ut dignitatem suam supra ceteras eveheret. Verba Leonis hæc sunt: *Sancti & ve-
 nerabiles Patres, qui in urbe Nicæna sacrilego Ario cum sua impietate damnato man-
 furas usque in finem mundi leges Ecclesiasticorum canonum condiderunt, & apud nos, &
 in toto orbe terrarum in suis constitutionibus vivunt; & siquid usquam aliter, quam illi
 statuere, præsumitur, sine cunctatione quassatur, ut quæ ad perpetuam utilitatem generali-
 ter instituta sunt, nulla commutatione variarentur, nec ad privatum trahantur commodum,
 quæ ad bonum sunt commune præfixa, & manentibus terminis, quos constituerunt Pa-
 tres, nemo in viam tendat alienam, sed intra fines proprios, atque legitimos, prout quis
 voluerit, in latitudine se charitatis exerceat, cujus satis uberes fructus Constantinopoli-
 tanus potest Antistes acquirere, si magis humilitatis virtute nitatur, quam si spiritus
 ambitionis infletur.*

De alia epistola ad Anatolium.

- Can. 14. Alia est Leonis ad Anatolium epistola, quæ incipit *Diligentiam necessariæ*, data
 1031. 24. anno 457., in qua Anatolius monetur inter cetera, ut coerceat suæ Dioceseos
 qu. 3. Clericos, qui Eutychanis adhærere dignoscerentur. Fragmentum hujus epistolæ
 habetur in can. 34. cau. 24. qu. 3., cujus verba post Romanam Correctionem
 cum epistolæ ipsius integris exemplaribus consonant. Unum tantummodo observa-
 re adhuc oportebit, nimirum varietatem codicum in illis verbis: *Quia melius sit
 bis in Ecclesia carere membris*; licet enim sicut apud Gratianum, ita in pluribus
 codicibus hæc habeantur, alibi tamen sic legitur: *Quia melius sit bis in Ecclesia
 officiis carere membrorum &c.*

De epistola ad Marcianum Augustum.

- Can. 2. Quoties huc referantur, quæ superius enarravi ad epistolam Leonis ad Anato-
 17. lium secundo loco memoratam, in comperto erit argumentum epistolæ Leonis
 1031. 25. ad Marcianum Augustum scriptæ eodem anno 452. Hæc refertur apud Quesnel-
 qu. 2. lium num. 78., apud alios Collectores num. 54. Cum Leo apprime novisset,
 Anatolium consuevisse cum Imperatore congredi, proindeque apud illum sui am-
 bitus causas honestissime tegendo, gratiam, & patrocinium facile captaturum, ut
 tandem aliquando Constantinopolitani Episcopi dignitas præstantior fieret, oppor-
 tunum duxit ad Marcianum ipsum scribere, suadens, ut perpetuo firma manerent
 Nicæni Concilii statuta, quibus unicuique Ecclesiæ sua jura, ac privilegia serva-
 bantur. Hanc sententiam retulit Gratianus in can. 2. cau. 25. qu. 2., imo & de-
 nuo exhibuit in can. 17. eadem causa, & questione. Verba Leonis hæc sunt: *Satis est prædicto (videlicet Anatolio), quod vestra pietatis auxilio, & mei favoris
 adfensu*

assensu Episcopatum tantæ urbis obtinuit. Non dedignetur Regiam Civitatem, quam Apostolicam non potest facere sedem, nec ullo speret modo, quod per aliorum possit opinioniones augeri. Privilegia enim Ecclesiarum Sanctorum Patrum canonibus instituta, & venerabilis Nicænæ Synodi fixa decretis, nulla possunt improbitate convelli, nulla novitate violari (legunt alii: mutari). In quo opere, auxiliante Christo, fideliter exequendo necesse est, me perseverantem exhibere famulatum, quoniam dispensatio mihi credita est, & ad meum tendit reatum, si paternarum regularum sanctionum, quæ in Synodo Nicænâ ad totius Ecclesiæ regimen, spiritui Dei instruenti, sunt conditæ, me, quod alius, conivente violentur, & major sit apud me unius fratris voluntas, quam universæ domus Domini communis utilitas. Gratianus in memorato canone 2. Leonis sententiam de Ecclesiarum privilegiis expressam extendit ad monasteria, ipsamet Pontificis verba depravando. Quid vero commune habet Gratiani propositum cum proposito Leonis? Dignoscitur sane hinc, quod alias sæpe, ac sæpius attigi, quanta sæculo circiter duodecimo sollicitudo monachorum fuerit in privilegiis exemptionum effingendis, quacumque tandem ratione contingere id ipsis posset.

De epistola ad Theodorum Forojulensem.

Theodorus quidam Forojulensis in Gallia Episcopus Leonem Pontificem consuluerat de Sacramenti Pœnitentiæ administratione. Respondit Leo data epistola anno 452., quæ incipit *Sollicitudinis*, estque in editione Quesnellii 83., in aliis 91. Ibidem in primis Theodorum Leo reprehendit, quod Metropolitanum suum primo loco non consuluisse; noverat enim prudentissimus Pontifex, quantum interstiti, optimi regiminis ordinem ita fervari, ut infima per media, media per suprema dirigantur. Noverat præterea in Galliis diffissimas tum inter Episcopos subortas fuisse contentiones ob recentem Hilarii Arelatensis, uti superius attigi, & Cœlidonii, aliorumque Episcoporum controversiam, quorum alii aliorum potestatem evadere, alii præesse aliis nitebantur. Quamobrem opportunum duxit Leo ita Theodorum Forojulensem monere, ut Metropolitanum primum proponeret, de quo dubitaret; nihilominus tamen plura interea rescripsit, quibus interroganti faceret satis, concludens, ut eadem epistola Metropolitanò exhiberetur, ad cujus sollicitudinem pertineret, eandem suffraganeis Episcopis communem quodammodo facere, sive veluti normam optimam proponere servandæ ecclesiasticæ disciplinæ. De hujus epistolæ fide dubitare nemo poterit, qui animadvertit, eam non solum commemorari, sed & ejus fragmentum referri a Vigilio Papa in suo Constituto ita scribente: *Nam Beatissimus Papa Leo ad Theodorum Episcopum Forojulensem post alia ita dicit: Non necesse est, nos eorum, qui sic abierunt, merita, abususque discernere, cum Dominus Deus noster, cujus judicia nequeunt comprehendere, quod sacerdotale mysterium implere non poterat, suæ justitiæ reservavit.* Nec forte quisquam adhuc in dubio versetur, quod hæc epistola apud Dionysium Exiguum desideretur. Nam ego, ut cetera omittam, quæ hac occasione observanda occurrerent, suspicor, epistolam istam a Dionysio ideo prætermisam, non quod in Romanis suæ ætatis codicibus desideraretur, sed quod suæ causæ, quam Romæ pertrahabat, plurimum adversaretur. Ut enim monui in præfatione universi operis observat. s., Dionysius unus erat ex Monachis illis Scythiis, qui Romam venerant, causam dicturi

coram Summo Pontifice, quando in Orientalibus Provinciis eorundem causa dirimipotuisset. Ipse propterea Leonis epistolam, quæ Metropolitans velut ordinariis sua jura concessit, quæque neminem, ut ajunt, in prima instantia Romam confugere debere sinebat, silentio prætermisit, ne suo ipsemet codice damnetur.

Can. 10.
cau. 26.
qu. 6. &
can. 49.
de pen.
dist. 1.

Duo sunt ex hac epistola fragmenta Gratiani, nimirum can. 10. cau. 26. qu. 6. & can. 49. de pen. dist. 1., quorum verba ita invicem conjuncta sunt, ut alia ab aliis separari debeant. Ait Leo: *Ut quoquomodo instruat ambiguitas consulens, quid de penitentium statu Ecclesiastica habeat regula, non tacebo. Multiplex misericordia Dei (hic est can. 49. de pen. dist. 1.) ita lapsibus subvenit humanis, ut non solum per baptismi gratiam, sed etiam per penitentiae medicinam spes vite reparetur æterna, ut qui regenerationis dona violassent, proprio se judicio condemnantes ad remissionem criminum pervenirent: Sic divinæ bonitatis prædictis ordinatis, ut indulgentia Dei, nisi supplicationibus Sacerdotum, nequeas obtineri. Mediatrix enim Dei & hominum homo Christus Jesus hanc Præpositis Ecclesiæ tradidit potestatem, ut & continentibus actionem penitentiae darent, & eosdem salubri satisfactione purgatos ad communionem Sacramentorum per januam reconciliationis admitterent. Cui utique operi (hæc omittuntur a Gratiano) incessabiliter ipse Salvator intervenit, nec unquam ab his abest, quæ ministris suis exequenda commisit, dicens: Ecce ego vobiscum sum omnibus diebus usque ad consummationem sæculi, ut siquid per servitutem nostram bono ordine, & gratulando impletur effectum, non ambigamus per Spiritum Sanctum fuisse donatum. Si autem aliquis eorum, (rursum hic Gratianus in d. can. 49.) pro quibus Domino supplicamus, quocumque interceptus obstaculo, a munere indulgentiæ præsentis exciderit (legit Gratianus cum aliis exceßerit), & priusquam ad constituta remedia perveniat temporalem vitam humana conditione finierit, quod manens in corpore non recipit, consequi exutus carne non poterit. Nec necesse est, nos eorum, (hæc itidem omittit Gratianus), qui sic obierint, merita, aliusque discutere, cum Dominus Deus noster, cujus iudicia non queunt comprehendere, quod sacerdotale ministerium implere non potuit, suæ justitiæ reservaverit, ita potestatem suam timere volens, ut hic error omnibus proficiat, & quod quibusdam tepidis, aut negligentibus accidit, nemo non metuat. Multum enim utile, ac necessarium est, ut peccatorum reatus ante ultimum diem sacerdotali supplicatione solvatur. His autem, qui in tempore necessitatis, (hæc retulit Gratianus, tum in d. can. 49., tum in d. can. 10. cau. 26. qu. 6.), & in periculi urgentis instantia prædictum penitentiae, & mox reconciliationis implorant, nec satisfactio interdicenda est, nec reconciliatio deneganda, quia misericordiæ Dei nec mensuras possumus ponere, nec tempora definire, apud quem nullas patitur venire moras vera conversio (legunt alii: vera confessio, alii, uti adverterunt Romani Correctores, nullas patitur venire moras &c.) dicente Spiritu Dei per Prophetam: Cum conversus ingemueris, tunc salvus eris. Et alibi: (hæc omittuntur apud Gratianum) Dic tu iniquitates tuas prior, ut justificeris; & iterum: Quia apud Dominum misericordia est, & copiosa apud eum redemptio. In dispensandis itaque Dei donis non debemus esse difficiles; nec accusantium se lacrymas, gemitusque negligere, cum ipsam penitentiæ affectionem ex Dei credamus inspiratione concepimus, dicente Apostolo: ne forte det illis Deus penitentiam, ut respiciant a Diaboli laqueis, a quo captivi tenentur ad ipsius voluntatem. Unde oportet unumquemque christianum conscientie suæ habere iudicium, ne converti ad Deum & de in liem differat, nec satisfactionis sibi tempus in fine vite suæ constituit, quia periculose hac se conditione fragilitas, & ignorantia humana concludit, ut*

ad paucarum horarum se reservet incertum, & eum possit pleniore satisfactione indulgentiam promereri, illius temporis angustias eligat, quo vix inveniat spatium vel confessio pœnitentis, vel reconciliatio Sacerdotis. Verum, ut dixi, etiam talium (habentur hæc in d. can. 49.) necessitati ita auxiliandum est, ut & alio illis pœnitentiæ, & communionis gratia, si eam etiam amisso voeis officio per indicia integri sensus postulant, non negetur. At si aliqua ægritudine ita fuerint aggravati (leguntur etiam ista in d. can. 10.), ut quod paullo ante pœcebant, sub præsentia Sacerdotis significare non valeant, testamenta eis fidelium circumstantium proferre debebunt, ut simul & pœnitentiæ, & reconciliationis beneficium consequantur; servata tamen regula canonum paternorum circa eorum personas, qui in Deum a fide discedendo peccarunt. Integra fere in his continetur Leonis epistola, ex qua memorati Gratiani canones & supplendi erunt, & emendandi. Cum his etiam jungere juvabit canonem 1. cau. 24. qu. 2., canonem 62. de pœn. dist. 1., & canonem 1. de pœn. dist. 7., canonem. 2. Concilii Arausiaci, sive can. 7. cau. 26. qu. 6., ex his enim omnibus canonibus, quos jam expendi superius, ubi agerem de epistola Leonis ad Rullicum Narbonensem, facile liquet de pœnitentibus excipiendis, seu de excipiendorum modo plurimum in Gallicana Ecclesia fuisse tunc temporis dubitatum.

De Epistola ad Theodoretum Cyrensem.

Theodoretus Cyrensis Episcopus ex illis fuit, qui, cum Chalcedonensi Concilio interesset, contra Eutychem alacriter, itrenueque pugnavit. Absoluto Concilio Chalcedonensi ipsi gratulatus est Leo Magnus per Epistolam datam tercio Idus Junii sub Opilionis consularu, sive anno 453. Incipit *Remeantibus ad nos fratribus*, apud Quesnellium numero 93., in vulgatis Conciliorum editionibus numero 63. Quoniam vero duo potissimum capita Leonem Pontificem angebant; & primum hæresis Eutychis; deinde ambitus Anatolii Constantinopolitani, de quo superius jam sermonem habui, utramque hanc causam complexus est in hac epistola Sanctissimus Pontifex. Hinc inter cetera ita scribit: *De his vero, quæ in sæpe dicto Concilio (nimirum Chalcedonensi) illicita contra venerabiles Nicænos canones præsumptione tentata sunt (scilicet ab Anatolio) ad Fratrem, & Coepiscopum nostrum Antiochenæ sedis Præsulem scripsimus; adjicientes & illud, quod nobis propter improbitatem Monachorum quorundam regionis vestræ verbo mandatis per Vicarios nostros; & hoc specialiter statuentes, ut præter Domini Sacerdotes nullus audeat prædicare, seu Monachus, sive ille sit Laicus, qui cujuslibet scientiæ nomine gloriatur.* Hæc retulit Gratianus in can. 19. cau. 16. qu. 1. Porro quod hic scribit Leo de Monachis a prædicationis officio arcendis, non solum ad Theodoretum scripsit, sed ad Episcopum etiam Antiochenæ Ecclesiæ scripsisse se tradidit, ut eadem disciplina in oriente passim reciperetur. Revera in epistola Leonis ad Maximum Antiochenum Episcopum data eodem anno 4. Idus Junii, eadem fere verba leguntur, ibi: *Illud quoque dilectionem tuam convenit præcavere, ut præter eos, qui sunt Domini Sacerdotes, nullus sibi docendi, & prædicandi jus audeat vindicare, sive ille Monachus, sive sit laicus, qui alienius scientiæ nomine gloriatur.* Porro quod hoc loco de Monachis decernitur, ne divinum verbum populo prædicent, id erat Leonis ætate maxime opportunum, quatenus Eutyches Monachorum Archimandrita, cum per-

Can. 19.
cau. 16.
qu. 1.

perperam de Christi natura sensisset, Monachos suos, aliosque quamplurimos præsertim instituti consortes in suam sententiam facile traxerat; quomobrem quis non agnoscat, quanto in periculo res erat tunc constituta, divinæ fidei prædicationem Monachis hujusmodi committere?

De Epistola ad Leonem Augustum.

Vita sancto Marciano Imperatore circa annum 457. suffectus fuit in ejus locum Leo Augustus dignissimus sane vir fidei Catholicæ Patronus, ac propugnator. Ad ipsum scripsit sæpe Leo Pontifex; postquam enim de suscepto imperio gratulatus est, nihil antiquius habuit, quam stabilitam in Chalcedonenſi Concilio fidem ipsi commendare, quemadmodum commendavit per epistolam, quæ incipit *Litteras clementiæ tuæ* numero 125. in editione Quesnellii, & 75. in aliis editionibus. Ibi inter cetera enarrantur, quæ perpetravit Dioscorus Alexandrinus flagitia, quemadmodum ille Alexandrinam Ecclesiam susdeque turbaverit, atque exemplis pessimis depravaverit.

Huc referendus est canon 69. cau. 1. qu. 1. Ait enim Leo Papa: *Perspicuum est, quibus pietas vestra succurrere, & quibus debeat obviare, ne Alexandrina Ecclesia, quæ semper fuit domus orationis, spelunca sit nunc latronum. Manifestum quippe est per crudelissimam, insanissimamque sævitiam, omne illic cælestium Sacramentorum fuisse lumen extinctum. Intercepta est Sacrificii oblatio, defecit chrismatis sanctificatio, & parricidalibus manibus impiorum omnia se subtraxere mysteria.* Spectant hæc ad Dioscori impietatem, qui cum Alexandrinam Ecclesiam teneret, turbas idemtidem concitavit, ita ut plures Alexandrini a catholico se regi Episcopo detrectaverint, & Sanctum Proterium Dioscori successorem interficere non dubitarint impio ausu, imo & in ejus cadaver flammam sævire, ut Timotheum quemdam Ælurum Eutyrianæ sectæ assecram ipsi ordinarent; quemadmodum referunt Evagrius lib. 2. cap. 8., & Nicephorus lib. 15. cap. 16. Hinc autem adparet, quæ de causâ dixerit Leo, in Ecclesia Alexandrina omne Sacramentorum lumen extinctum fuisse, interceptam Sacrificii oblationem, defecit chrismatis sanctificationem, quia scilicet Timotheus Ælurus contra regulas canonum ab impiis ordinatus, imo & ab iis, qui ordinandi Alexandrinum Episcopum auctoritate carebant, consecratus, sacra mysteria celebrare non poterat.

De Epistola ad Leonem Episcopum Ravennatem.

Gratianus in can. 112. de cons. dist. 4. refert fragmentum epistolæ Leonis Papæ ad Leonem Episcopum Ravennatem. Alii non Leonem, sed Neonam vocant, alii Neoniam. Hic successit in Ravennatensi Episcopatu Petro Chrisologo anno Domini 450., ac, si fides est Vghello in Italia sacra, tertio Pontificatus sui anno decessit. Si hæc vera sunt, hæc epistola non alio tempore scripta dici potest, quam post annum 449., & ante annum 454. Nota consularis hæc adjecta est: *Data nono Kalendas Novembris consulatu Marciani Augusti*; qui consulatus incidit in annum 451. Verum non carent ista dubitatione apud omnes. Etenim qui Xerum Chrisologum anno 450. obiisse testantur, non aliud facti argumentum adse-

adferunt, quam hujus epistolæ auctoritatem; proptereaque si inscriptionis illius fides falsitatis vitio laborat, non est cur Leonis, seu Neonæ Episcopatus referatur ad annum 450. usque ad annum 453. Sunt qui rectius putant, notam consularem ita emendam esse: *Data &c. Consulatu Majorani*, qui consulatus incidit in annum 458., neque enim difficile fuit aut amanuensibus, aut typographis pro Majorano edere Marcianum ob maximam nominis, & literarum similitudinem. Emendationem sudent apertissimæ rationes. In primis anno 451. plures sunt epistolæ Leonis Magni. Extat ad Marcianum Augustum, quæ incipit *Literas*; extat alia ad Pulcheriam Augustam, quæ incipit *Quod semper*, alia ad Anatolium, quæ incipit *Gaudemus*, alia ad Julianum, quæ incipit *Literas*, alia ad Paschasium, quæ incipit *Quamvis*, alizque nonnullæ. Nulla autem ex ipsis notam exhibet consularem Marciani Augusti, sed potius hanc: *Adelphio Viro clarissimo consule*: Notabat enim Leo in Occidente scribens non Orientalem consulem, sed Occidentalem. Quenam ergo esse ratio potuit Leoni in epistola ad Ravennatem Episcopum styllum immutandi, & inscribendi notam consularem, quæ potius græcos respiceret, quam latinos? Quod magis ex eo confirmatur, quia in memoratis epistolis ad græcos scribebat, in hac vero epistola ad Episcopum Ravennatem alloquebatur Episcopum Occidentalem, quocum commodior erat Occidentalis consulis adnotatio. Si autem præcipuum epistolæ ejusdem scopum consideremus, magis, ac magis exinde liquebit, eam nullatenus pertinere posse ad annum 451. Quæritur ibidem de illis, qui cum parvuli in captivitatem deducti essent, deinde postliminio reversi in civitatem restituti sunt, de suscepto baptismate prorsus incerti. Porro anno 451. Atila adhuc in Galliis versabatur, & licet jam nomine suo Italiz universæ terrorem incuteret, nondum tamen in Romanos, aut Ravennates irruerat. Ingressus Italiam tantummodo est anno 451., quo tempore, uti scribit Paulus Diaconus, Aquilejam, Ticinum, & Mediolanum invasit, pluresque in captivitatem abstraxit. Facilius itaque est, eam de captivis redeuntibus quæstionem pertinere non potuisse ad annum 451., sed potius ad annum 458. sub Majorani consulatu. Qualecumque autem tempus, quo scripta epistola fuerit, demonstretur, ego non dubito, quin Leoni Papæ rectissime tribuatur, quippe in ea comtus ejusdem Pontificis stylus perspicue elucet. Difficultatem facessere posset unus Dionysii codex, in quo eadem epistola non recensetur. Verum ego animadverto, Dionysium non synodicas, sed tantum decretales epistolas in suo codice recensuisse. Porro synodicz epistolæ illæ dicebantur, quibus Pontifices celebrato Concilio Nationali, aut Provinciali de canonibus ibidem editis ceteros Episcopos absentes certiores reddebant. Has non constat relatas fuisse in codicem Dionysii Exigui, uti quamplurimis demonstrari posset exemplis. At epistola isthæc ad Ravennatem Episcopum synodica erat, quemadmodum priora epistolæ verba demonstrant, ibi: *Frequenter quidem in diversarum ambiguo quæstionum titubantia. Fratrum corda, Spiritu Dei instruente, solidavimus, respondentis formam vel ex Sanctarum Scripturarum disciplinis, vel ex Patrum regulis colligentes, sed nuper in Synodo novum, & inauditum antea genus consultationis exortum est; nam quorundam Fratrum suggestione comperimus, aliquos captivorum ad sedes suas libere redeuntes, qui scilicet in captivitatem illa ætate devenerint, quæ nullius rei ferme (legunt alii: firmam) poterat habere notitiam, remedium quidem implorare baptismatis, sed utrum ejusdem mysterium baptismatis, ac Sacramenta (legunt alii: ejusdem mysterii ante Sacramenta) perce-*

perceperint, infantiae inscientia non posse remitti; & ideo sub hoc latentis recordationis incerto animas suas in discrimen adduci, dum sub specie cautionis negatur his gratia, quae ideo non impenditur, quia putatur impensa &c. Post pauca sequuntur verba dicti canonis 112., in quo qualis sit §. primi varietas jamdiu observaverunt Romani Correctores. Unum adjiciam, nimirum in nonnullis Gratiani codicibus legi prope finem canonis: *ignorantiam nascentis*, quum tamen omnes integerrimi epistolae codices potius exhibeant: *ignorantiam nascentis*. Sententia hujus canonis omnino etiam consonat cum alia Leonis epistola ad Rasticum Narbonensem juxta ea, quae superius observabam ad canonem 113. de conf. dist. 4.

De Epistola ad Episcopos Germaniae, & Galliae.

† Non peperit Leoni Magno Isidorus Mercator, sed in suo Codice unam ejusdem Pontificis nomine epistolam elucubravit, cum hac inscriptione: *Leo Romanae Ecclesiae, & Apostolicae Sedis Episcopus universis Germaniarum, atque Galliarum regionum Episcopis salutem*. Verba illa atque Galliarum in aliquibus Codicibus desiderantur. Nulla ipsi nota consularis adjecta est, imo ita concluditur, ut mutilum quoddam fragmentum, non integra epistola videatur. Est in vulgatis editionibus numero 88. Quesselius eam rejecit in secundam partem dissertat. 11. Nemo ferme est hodie, qui eandem a Leone non abjiciet, in primis, quod apud veteres nullibi recensetur, & primum apparuerit ex Codice Isidori Mercatoris; Deinde quod stylus Leonis esse non potest, qui potius barbaris loquendi formulis incommis abundat. Praeterea ipsamet epistolae inscriptio, qualis nuper proposita est, non erat in usu apud Leonem, qui potius se modo *Romae*, modo *Romanae Urbis*, modo *Catholicae Ecclesiae Urbis Romae* Episcopum nominabat. Insuper si sequamur vulgatos Codices, in quibus ad Episcopos Galliae atque, ac Germaniae scripta fertur epistola, gravis erit conjectura, qua posteriori auctori tribuenda eadem sit, qui nimirum vixerit ea aetate, qua Franci occidentale Imperium tenuerunt. Item in hac ipsa epistola laudatur canon Concilii Neocaesariensis non ex antiqua versione, sed ex interpretatione Dionysii Exigui Collectoris Leone recentioris. Quod si cum hac ipsa epistola conferatur canon 7. Concilii Hispanensis a. anni 619., liquido constabit, ipsam ex eodem canone fuisse decerptam, cum utrobique eadem omnino sententiae, eademque etiam loquendi formulae deprehendantur. Demum ipsamet causa, quam tractandam suscipit auctor epistolae, ea est, quae tractanda fuit saeculo 8. aut 9., quo tempore plures de Chorepiscopis, eorundemque officio emerferunt disputationes, praefertim apud Gallos, qua etiam aetate, etsi plures de Chorepiscopis scripserint, inter quos Rhabanus Maurus, nemo tamen ex ipsis hanc Leonis epistolam laudavit, quae sane fuisset causa, quam tractabant, accommodata. Jam igitur constat quid sentiendum sit de canone 4. dist. 68., cujus verba ita legenda sunt: *Quamvis cum Episcopis plurima illis (idest Chorepiscopis, & Presbyteris, de quibus superius fermo fuerat institutus) ministeriorum communis sit dispensatio; quaedam tamen auctoritate veteris legis, quaedam novae etiam Ecclesiasticis regulis sibi prohibita noverint, sicut Presbyterorum, & Diaconorum, aut virginum consecratio, sicut constitutio altaris, ac benedictio, vel unctio. Siquidem nec erigere eis altaria, nec Ecclesias, vel altaria consecrare licet, nec per impositiones manuum fidelibus baptizandis, vel con-*

Can. 4.
dist. 68.

versis ex hæresi Paracletum Spiritum S. tradere, nec Chrisma conficere, nec Chrismate baptizatorum frontes signare, nec publice quidem in missa pœnitentem reconciliare, nec formulas cuilibet epistolas mittere. Hæc omnia illicita sunt Chorepiscopis, qui ad exemplum, & formam septuaginta discipulorum esse noscuntur, vel Presbyteris, qui eandem gestant formam; quoniam quamquam consecrationem habeant, Pontificatus tamen apicem non habent. Quoniam vero superius aiebam, epistolam hanc excerptam fuisse ex canone 7. Concilii Hispalensis 2., opportunum erit hoc loco ejusdem canonis 7. verbi describere, ut Gratianus canon germanis potius, suisque auctoribus tribuatur. Hispalenses Patres ita decreverunt: *Quamvis cum Episcopis plurima illis (id est Presbyteris, de quibus, non autem de Chorepiscopis, Hispalenses Episcopi agebunt) inferiorum communis sit dispensatio, quædam tamen auctoritate veteris legis, quædam novellis, & Ecclesiasticis regulis sibi prohibita noverint, (in aliquot Concilii editionibus desiderantur illa verba: Quædam tamen auctoritate veteris legis) sicut Presbyterorum, & Diaconorum, ac virginum consecratio, sicut altaris constitutio, benedictio, vel unctio. Siquidem nec licere eis Ecclesiam, vel altaria consecrare, nec per impositionem manus fidelibus baptizatis, vel conversis ex hæresi Paracletum Spiritum tradere, Chrisma conficere, nec Chrismate baptizatorum frontem signare, sed nec publice quidem in missa quemquam pœnitentium reconciliare, nec formatas cuilibet epistolas mittere; Hæc enim omnia illicita esse Presbyteris, quia Pontificatus apicem non habent, atque solis deberi Episcopis, auctoritate canonum præcipitur. De Chorepiscoporum juri- bus, & potestate nihil hoc loco adjicio, cum fufius hanc rem persequutus fuerim superius ad canonem 5. dist. 68. pag. 210. & sequ.*

De Epistola ad Galerium Episcopum Tripolitanum.

In veteribus Gratiani Codicibus aut irrepsisse mendum in inscriptionibus canonum Can. 13.
13., & 14. cau. 33. qu. 2., aut Gratianum ipsum erravisse perspicue constat. cau. 33.
Etenim canon 14. tribuebatur Leoni Quarto, quem esse Leonis I. in epistola ad qu. 2.
Rusticum jam adnotaverunt, qui codicem Gratiani emendarunt; & canon 13. tri-
buebatur, quemadmodum etiamnum tribuitur Leoni I. ad Galerium Episcopum
Tripolitanum scribenti, quem Pithæus putat potius inscribendum Leoni IV., quasi
illorum duorum canonum inscriptiones invicem mutaverint locum. De canone 14.
nihil amplius loquor, quem superius ad epistolam Leonis ad Rusticum commode
observavi. Quod vero attinet ad canonem 13., illud primum fidenter asseruero,
non posse ullo modo tribui Leoni Magno, quemadmodum perspicuis argumentis
facile demonstratur. In primis enim silentium veterum non tantum de epistola
ipsa, verum etiam de epistolæ sententia, quæ sane laudanda fuisset a pluribus, non
nihil probat, præsertim cum adhuc ignorandum sit, quis fuerit Galerius ille Tri-
politanus Antistes, quem dici possit in finibus Christianorum Episcopatum gessisse,
quemadmodum ait auctor canonis. Non enim Leonis Magni temporibus in finibus
Christianorum sita dici poterat aut Tripolis in Hellesponto, aut Tripolis in Phœnicia,
aut demum Tripolis in Africa. Præterea in eo fragmento nemo agnosceret Leonis Magni
stylum, quem sane in comperto semper habet quicumque vel leviter ejusdem Leonis
opera attigerit. Quod vero magis est, ad ipsam canonis sententiam pertinet. Siquidem
ibidem narratur, plurimos a pœnitentia agenda recedere, aut abstinere, quod arbi-
trentur

teneatur pœnitentibus uti conjugio non licere. Hos errare, inquit auctor canonis, & de veritatis calle discedere, addita ratione, quia pœnitentia conjugia non dissolvuntur. At vero, licet verum sit per pœnitentiam conjugia non dissolvi, ipse tamen Leo Magnus alibi constituit apertissime, non licere pœnitentibus conjugio uti. Scribit ipse in epistola ad Rusticum Narbonensem in can. 14. cau. 33. qu. 2., adolescentibus ex venia, majorisque criminis evitandi gratia, dum in pœnitentium gradibus consistunt, vix usum conjugum concedi, in quo non regula constituit dicitur, sed quid sit tolerabilius æstimatur. Quomodo igitur aliud ad Rusticum, aliud ad Galerium scribebat Leo? Quomodo insuper ita ad Galerium scribere poterat, ut tacite fateretur se erravisse, & de veritatis calle discessisse? Non ita de sententia Leonis ad Rusticum judicarunt Toletani Patres, qui eandem potius laudaverunt, ac sequuti sunt in can. 19. cau. 33. qu. 2. Quod si verum est, non possum ego eo adduci, ut aut Leoni IV., uti scribit Pithæus, aut alii Pontifici Maximo hanc sententiam adscribam; Neque enim verosimile esse potest, ullum ex Pontificibus Maximis eos damnasse, tamquam errantes, & discedentes de veritatis calle, qui antiquissimam, perpetuamque Ecclesiæ disciplinam custodiendam sedulo arbitrarentur. Porro apud veteres idem erat in pœnitentium gradibus consistere, ac quandam monasticæ vitæ speciem suscipere, uti recte animadvertit Albaspineus ad canonem 8. Concilii Barcinonensis circa annum 540. celebrati. Hinc defuncto viro mulier pœnitens alii nubere minime poterat, nec maritus pœnitens aliam ducere post mortem uxoris, uti definivit Concilium Arelatense II. can. 21. temporibus Leonis Magni celebratum, quod ipsum adhuc vigeat recentioribus sæculis, cum adpareat relatum in libros Capitularium Francorum lib. 7. cap. 317. Baluzianæ editionis, in canones Isaac Lingonensis tit. 1. cap. 38. Hinc juvenibus, de quibus gravis oriebatur suspicio, ne vehementius conjuges adamarent, difficilius pœnitentia concedebatur, quemadmodum docet Concilium Agathense anni 506. can. 15. ibi: *Juvenibus etiam pœnitentia non facile committenda est, propter ætatis fragilitatem*; Quam disciplinam in canonum collectionibus servatam fuisse testatur Petitus in suo Pœnitentiali Theodori pag. 255. editionis Parisiensis, cui addi possunt Capitularia Francorum lib. 7. cap. 310., & Collectio Isaac Lingonensis tit. 1. cap. 37. Vix igitur ex dispensatione, aut peracta pœnitentia novum conjugium appetere, aut conjugio pœnitentibus uti adolescentioribus indulgebatur, ut ait Leo Magnus superius laudatus, Hincmarus Rhemensis in epist. ad Rodulfum Bituricensem, & Frotarium Burdigalensem, & Rhabanus in epist. ad Heribaldum c. 17. Quid plura? Temporibus ipsis Leonis IV. illa vigeat in Ecclesiis disciplina, ut nuptiæ, dum quis in pœnitentiæ gradibus consisteret, prohiberentur. Clara est sententia Concilii, quod recentiores Collectores Regiaticium vocant, anno 850. can. 9., item clara sententia Concilii Romani anni 853. ab eodem Leone IV. celebrati canone 29. juxta Breviarium Luitprandi, aut alterius cujusquam auctoris. In conspectu hujus antiquissimæ disciplinæ ad tempora usque Leonis IV., & ulteriora productæ, quis memoratum a Graiano fragmentum aut Leoni I., aut Leoni IV. tribuere fidenter poterit, nisi ita velit de Sanctissimis Pontificibus sentire, ut perpetuam, ac constantem Ecclesiarum disciplinam in errore versari, & de veritatis calle discedere, professi aliquando fuerint? Incertus potius auctor liberioris vitæ cupidus inter pœnitentes hunc canonem effinxit, unde vetus disciplina antiquareretur; neque enim puto auctorem ipsum Gratiano esse multo antiquiorem, vel quod nullus, quod sciverim, Gratiano vetustior Collector mentionem

tionem ejusdem canonis fecerit, vel quod demum circa tempora Gratiani aboleri cœperit vetusta disciplinæ penitentium austeritas, inflexa paullatim in liberalem humanitatem.

De ceteris Canonibus Leoni Magno adscriptis.

Huc sane referendus non fuisset canon 1. dist. 72., si apud Gratianum saltem in recentioribus Codicibus adnotaretur, Leoni potius IV. adscribendum fore. At vero canonis inscriptio ita exhibet; *Unde Leo Papa ait*; quasi quæ sequuntur, Leoni I. tributa aliquibus videantur. Itaque potius Leoni IV. adjudicandus erit canon. ille, sive Concilio Romano sub Eugenio II. celebrato anno 826., cujus Concilii acta cum Leo IV. confirmaverit, imo & adjectis canonibus exornaverit, facile Leoni eidem IV. tribui a Collectoribus potuerunt. Videantur ad hanc rem, quæ scripti in 1. parte cap. 32. Juvat canonem Concilii in medium proferre ad supplendum, atque emendandum Gratiani fragmentum. Est canon 18. Concilii: *Episcopus subiecto sibi Sacerdoti, vel alii Clerico, nisi ab alio postulat, dimissorias non faciat, ne ovis quasi perdita, aut errans inveniat, sed per consensum unius in alterius inveniat ovili. Et ne falsæ ut veræ credantur, & veræ ut falsæ suspicentur, universalis Pontificis, aut Imperialis, vel Metropolitani bulla eos roborari oportet.* Ita habetur in editione Lucæ Holstenii, cui propemodum consonat Breviarium ejusdem Synodi sub nomine Luitprandi ibi: *Ottavodecimo, ut Episcopus sibi subiecto Sacerdoti, vel alio Clerico, nisi ab alio postulat, dimissorias non faciat; & ne falsæ ut veræ credantur, & veræ ut falsæ suspicentur, universalis Pontificis, vel Imperiali, vel Metropolitani bulla eas roborari oportet.* Jurè propterea emendabimus verba illa Gratiani *nisi ab ipso postulat*, utpote quæ non solum ceteris codicibus minime consonant, sed etiam sententiam ipsam canonis ineptam propemodum exhibent, ut legenti statim liquet. Volebant Eugenius II., & Leo IV. vagandi licentiam Clericis adimere, statuendo ne quispiam ex illis a propria Ecclesia abscederet. Cum vero aliter suaderet aliquando potuisset certarum Ecclesiarum utilitas, nimirum ut Clericus unius Ecclesiæ ad aliam Ecclesiam transferretur, duo necessario concurrere, statuerunt prudentissimi Pontifices, primum dimissorias literas ab Episcopo, ad quem digreditur Clericus, petendas esse, alterum easdem literas ab Episcopo, a quo absceditur, concedendas. Eam emendationem Gratiani canonis jam suaserat Antonius Augustinus in lib. 2. dial. 1. in fine, adferens Cæsaraugustanum librum, in quo etiam legebatur: *Nisi ab alio postulat*. Addit ibidem Antonius Augustinus nomine Bullæ Metropolitani significari sigillum.

Frustra hodie quæreres, quibus ex fontibus hauriendus sit canon 16. cau. 3. qu. 9., si certum autographum monumentum desiderares. Apud Gratianum non indicatur an Leonis I. sit, an potius recentiori ejusdem nominis Pontifici tribui debeat. Conjecturis in re dubia, & prorsus obscura dandus est locus. Arbitror ipse, adscribendum esse Leoni III., cujus opinionis rationem ex eo repeto, quod certum sit, Leonem III. de eadem testium discussione, illorumque fide investiganda pertractavisse, licet tamen hujusmodi opuscula desiderentur. Erat Leonis III. tempore, sive sub finem octavi, & initio 9. sæculi fallacium testium quotidianus fere usus, cui occasionem præbebat privata illa pugna, qua, cum duo in testimonio ferendo

dissonarent, arreptis armis de veritate disceptabant, ut ille verum adfirmasse censeretur, qui in certamine adversarium vicisset; hinc enim nemo non videt, non veritatem, sed vim in judiciis prævaluisse. Id prope erat, ut etiam induceretur in Clericorum causis, nisi Sacrorum Antistitum vigilantia id malum a Clero avertisset. Carolus Magnus, sagax optimæ prudentiæ cultos, Leonem Pontificem Maximum de hac re consuluit, ut quid commodius Pontifici visum fuisset, & aptius, in fori disciplina custodiendum juberetur. Id constat ex Capitulis selesiis Caroli Magni editis a Sirmondo tit. 3. Rescripsit Leo, quid magis adpositum ea in re videbatur; at rescriptum hoc integrum hodie non habemus. Verosimile autem est, plurima ibidem tradita fuisse de testium fide investiganda, de eorundem testimonio conferendo, de ratione temporis, de quo testimonium tulerint, aliaque his similia, ex quibus deduceretur, recedi facile posse a dubietate certaminum singularium eliciendæ veritatis causâ, alia proposita judiciorum methodo, qua fieret ex prudentia judicis, ut clarius, ac simplicius, quid fuisset actum inter litigantes, constaret. Quod si admodum, ut reor, probabile est, quis statim non videat Leonis III. rescriptum, sive rescripti partem in memorato canone 16.?

Can. 4. Pithæus ad canonem 4. cau. 16. qu. 2., ubi laudatum agnovit nomen Leonis
 cau. 16. Papæ, statim Leonem IV. subaudiendum voluit, adjiciens temporis notam ita:
 qu. 2. *Fortè anno 855. Romæ.* Mihi recedendum non est ab eadem opinione, immo quæ non tradidit suæ opinionis argumenta Pithæus, ipse prodam, unaque causas adjiciam, cur Leoni IV. eadem sententia facile tribuatur. Sæculo Ecclesiæ 9., 10., & 11. cum plures Ecclesiæ ædificarentur, quæ in fundatorum quasi dominio esse censebantur, cæperunt nonnulli Parochiales Ecclesiis decimis fraudare, ac potius decimas novis illis Ecclesiis concedere, uti legitur in Concilio Ticinensi anni 855. Id statim displicuit Sacris Antistitibus, qui formulam generalem conceperant, quæ omnes publice admonebant, ne quispiam decimas aliquibus Ecclesiis jamdiu quæsitâs in alias Ecclesias transferret. Vocabantur istæ admonitiones Synodales, quæ videlicet, dum Synodi celebrabantur annuæ, præsentibus Clericis agitabantur. Regino in lib. 1. de Ecclesiast. discipl. in inquisitione Episcopi inducit inter cetera num. 48. Episcopum a Presbyteris inquirentem: Si decimam ad alterum pertinentem recipit. Extat in appendice ejusdem Reginonis editionis Parisiensis anni 1671. Synodalis admonitio antiqua ex duobus MSS. Codicibus excerpta pag. 602., in qua Diaconus monet Presbyteros his verbis: *Nullus decimam ad alium pertinentem recipiat.* Id ipsum fere legitur in alia admonitione Synodali ibidem edita pag. 607. ex Pontificali Romano Augustini Patricii de Picolominibus Episcopi Pientini, ibi: *Nullus decimam alterius recipiat.* Eadem verba habentur in alia admonitione Synodali ex Pontificali Romano ibidem edita pag. 611. Id ipsum dicitur in alia admonitione Synodali præfixa operibus Burchardi Wormaciensis, ut alias numero plurimas omittam, in qua num. 45. ita legitur: *Nullus decimam ad alium pertinentem recipiat.* Quis non agnoscat in his verbis canonem 4. cau. 16. qu. 2. ? Perspicua sane res est, nisi difficultatem adhuc faceret Leonis Papæ nomen canonis inscriptum. Sed conferamus Leonis IV. sanctionem, qualis memoratur in Breviario Synodi Romanæ ab eodem Leone celebratæ apud scriptorem, cui nomen Luitprandi tribuitur; ibidem enim hæc leguntur de Leone IV. *Item in eadem Synodo monuit, & Apostolica auctoritate præcepit, ut unusquisque Episcopus per Dioceses, & Parochias suas per se, & per Sacerdotes suos subjectum sibi populum moneat, ut primitias, & decimas incan-*
tanter

Santer persolvant. Itaque admonitio illa Synodalis, cujus vi nemo fraudaret Parochiales Ecclesias decimis, Leonem IV. habuit institutorem: Quid propterea mirum, si caput illud admonitionis, ubi de decimis agitur, Leoni eidem Pontifici tributum est, cujus auctoritate editum fuerat? Addere possem, eadem propemodum verba legi in lib. 1. Capitularium Francorum cap. 148. lib. 5. cap. 50., & 115. Ubi enim ex Leonis IV. mandato Episcopi consueverunt hanc admonitionis formulam adhibere, passim apud collectores Ecclesiasticarum legum idipsum recenferi cepit, quasi constitutio generalis.

Romani Correctores jam animadverterunt, canonem 4. cau. 30. qu. 5. nomine Leonis Papæ relatum pertinere ad canonem 8. Concilii Troslejani anni 909., & ad lib. 7. Capitularium Francorum, quemadmodum adparet ex cap. 179. Baluzianæ editionis. Notarunt præterea, in memoratis locis tributum esse non Leoni, sed Augustino. Verba Concilii, quibus etiam Capitularia consonant, hæc sunt: *Scribit namque de legitimo matrimonio B. Augustinus ita: Talis esse debet, quæ uxor habenda est, ut secundum legem sit casta in virginitate, & dotata legitime, & a parentibus tradita sponso, & a paranympis accipienda, & ita secundum Legem, & Evangelium publicis nuptiis honestata, in conjugio licite sumenda, & omnibus diebus vitæ suæ, nisi ex consensu, & causa vacandi Deo, nunquam propter hominem separanda. Et si fornicata fuerit, & vir ejus voluerit, dimittenda; sed illa vivente, altera non ducenda, quia adulteri regnum Dei non possidebunt, & penitentia illi accipienda. Nolite vos viri habere uxores, quarum priores mariti vivunt, adulterina enim sunt ista conjugia*. Hinc emendare oportebit canonem Gratianum, cui si non Concilii Troslejani, aut Capitularium Francorum nomen adscriptum primo fuit, causam dedit Burchardus, qui cum a recensendis Capitularibus abstinendum sibi proposuisset, ut alibi pluries animadvertebam, Leonis nomen adjecit; nisi forte quispiam Burchardum adhuc excusatum velit, quod forte deceptus fuerit ex aliqua marginali adjunctione, qua significaretur, idipsum confirmari a Leone Magno, scribente, aut vivente marito uxorem alteri quacumque de causa conjungi non posse, ut in can. 1. cau. 34. qu. 1., aut legitimis modis uxorem esse ducendam, ut in can. 12. cau. 32. qu. 2., eadem fere ratione, qua in Capitularibus, & in Concilio Troslejano eadem verba videntur B. Augustino tributa, non quod legantur in ejusdem operibus, sed quod nonnullæ sententiæ his similes apud Sanctum eundem Antistitem habeantur. Non est etiam inverosimile, ideo in Capitularibus, & Troslejano Concilio eam sententiam Augustino tribui, quia similia leguntur in Concilio Carthaginensi, quod quartum dicitur, & cui inter ceteros Africanos Episcopos Augustinus idem interfuit. Id statim liquebit, si cum descripto canone conferas canonem 13. illius Concilii, qui habetur apud Gratianum in can. 5. cau. 30. qu. 5.

Canon 1. cau. 31. qu. 1. non quidem ad Leonem pertinet, sed potius ad Concilium Triburienſe anni 895., in quo ita legitur canone 51. *Illud vero communi decreto secundum canonum instituta definimus, & præjudicamus, ut si quis cum uxore alterius, vivente eo, fornicatus fuerit, moriente marito, Synodali judicio aditus ei claudatur illicitus, nec ulterius ei conjugatur matrimonio, quam prius polluit adulterio. Nolumus enim, nec Christianæ Religionis oportet, ut ullus ducat in conjugium, quam prius polluit per adulterium*. Postrema tantum hæc verba retulit Gratianus, quæ ipse, aut qui ipsi auctor extitit, ideo forte Leoni Papæ adjudicavit, quod in antecedentibus canonibus Leonem ipsum laudatum animadverterit: Sic memoratur in cap. 12., 29.,

& 38. ejusdem Concilii; Quamobrem imperitus quispiam canonum Collector non dubitavit, quominus sequentes Concilii Triburiensis canones eidem Leoni tribueret.

Ca. 101.
de conf.
dist. 4.

Demum canon 101. de conf. dist. 4. nullo modo esse potest Leonis I., cujus ætate nulla esse poterat occasio, qua definiretur, non plures ad suscipiendum de baptisinate infantem accedere, quam unum, sive virum, sive mulierem. Etenim quousque immersionis disciplina in baptisinate in usu fuit, opportunius erat, plures ad suscipiendum de sacro fonte emergentem infantem accedere; Atque ii ut plurimum parentes erant, ut indicat S. Augustinus in Epist. 98. ad Bonifacium, & discrete probat Josephus Vicecomes de antiquis baptisimi ritibus lib. 1. cap. 33. Pauciores numero esse cœperunt susceptores, postquam non adeo frequens per immersionem baptismus administrabatur, præcipue vero postquam cognationis spiritualis jura constituta sacris canonibus fuerunt, quod primum sæculo 8., aut 9. productum videtur in can. 55. Concilii Moguntini anni 813. Ivo, & Burchardus indicant clarius, quem ad auctorem memoratum fragmentum sit referendum. Illud exhibent Ivo in parte 1. cap. 219., & Burchardus in lib. 4. cap. 25., adjecta hac inscriptione: *Ex Decretis Leonis Papæ apud S. Medardum*. Si vera sunt hæc, agnosceremus auctorem canonis Leonem IV., cujus ætate, nimirum anno 853., celebratum fuit Concilium Sueffionense in Monasterio S. Medardi. Et quidem verosimilis est Burchardi inscriptio; Etenim opportuna tunc temporis erat est sanctio, dum nuper cognationis spiritualis jura producta fuerant ad matrimonia impedienda. Sed an Leonis Papæ nomen recte adjectum fuerit, nolim definire; Etiam si enim nonnulli, inter quos Hincmarus Rhemensis Præfex ejusdem Synodi, curassent, ut a Leone IV. hoc ipsum Concilium confirmaretur, quo casu facile capitula Concilii Leoni tribuerentur; tamen de obtenta confirmatione non constat, imo liquet Concilium illud Nicolao I. improbatum in parte fuisse. Quidquid vero sit de hac re, error Burchardum Leonis Papæ nomen adjecisse non ea de causa, quod censuerit vere Leoni IV. canones Concilii Sueffionensis tribui posse, sed ut Capitularia, & Concilia Francorum alio nomine exhiberet, præsertim Romani alicujus Pontificis, quemadmodum in pluribus aliis capitulis referendis facere non dubitavit. At vero, quod difficultatem maximam facit, verba ejusdem canonis a Burchardo primum, deinde ab Ivone, & Gratiano relati in actis ejusdem Sueffionensis Concilii desiderantur; Immo nihil ibidem deprehenditur, quod cum eadem sententia convenire, quoquo modo possit. Nihilominus tamen, cum videam Burchardum non longe remotum esse a temporibus Synodi Sueffionensis, eoque tempore scripsisse, quo integra adhuc illius Concilii acta esse poterant, utpote quæ sub Nicolao I. Pontifice discussa abunde fuerunt, & propterea occasionem pluribus datam eadem describendi, legendique, ut initio sæculi 11. possent facile ad eruditorum manus devenire; ego hac in re Burchardi fidem sequar; & quamquam in recentioribus Concilii ejusdem exemplaribus non habeantur, illud tribuam eorundem exemplarium maximæ confusio, & indigestis, depravatisque codicibus, quales se reperisse Sirmondus in editione hujus Concilii testatur. Interea facile erit similem sententiam exhibere, qualis habetur in Pœnitentiali Theodori Cantuariensis edito a Petito; Nimirum in cap. 4. ita legitur: *In Cathecumena, & baptisinate, & confirmatione unus potest esse Pater, si necesse sit, non est tamen consuetudo. Per singula singuli suscipiunt.*

De Hilario.

Ex monumentis Hilari hæc Gratianus laudavit.

Ex epist. ad Af-
canium, & E-
piscopos reli-
quos Provin-
ciæ Tarraco-
nenfis.

Can. 13. cau. 1. qu. 7. ex integra epistola supplendus.
Can. 30. cau. 7. qu. 1. conferendus cum can. 5. cau. 8. qu. 1.

Ex Concilio
Romano.

Can. 9. dist. 34. ex integris Concilii exemplaribus supplendus.
Can. 3. dist. 55. ex integris Concilii exemplaribus supplendus.
Can. 5. cau. 8. qu. 1. conferendus cum can. 30. cau. 7. qu. 1.
Can. 4. cau. 25. qu. 1. referendus ad causam Auxanii Aquisfis.
Can. 3. cau. 35. qu. 9. consonat cum canone 4. Concilii.

LEONI MAGNO successit in Romana Sede Hilarius, quem alii Hilarium vocant, natione Sardus. Is Romanæ primum Ecclesiæ Archidiaconus constitutus, deinde legatione Sedis Apostolicæ functus apud Orientales inter Dioscori contentiones, & schismata, tandem circa annum 461. Summum Pontificatum adeptus est, quo statim suscepto nihil antiquius habuit, quam ut emergentes nonnullorum abusus præsertim in Ecclesiis Galliarum, & Hispaniarum evelleret, ac germanam disciplinam canonum a Prædecessoribus acceptam restitueret, vel confirmaret. Hujus rei argumentum nobis exhibet Gratianus tum in epistola Hilari, quam memorat, ad Ascanium, & reliquos Tarraconensis Provinciæ Episcopos, tum in Concilio Romano, cujus plures canones & ipse recenset.

De Epistola ad Ascanium, aliosque Provinciæ Tarraconensis Episcopos.

In Hispania Silvanus quidam Calaguritanorum Episcopus in extrema Tarraconensis Provinciæ parte constitutus nullis postulantis populis sponte Episcopum ordinaverat, quin & nulli peculiariter Ecclesiæ addixerat. A Comprovincialibus increpatus, imo verius admonitus, tantum absuit, ut veniam peteret de temere admissio, quin potius perversior factus, novo ausu disciplinam canonum violavit; Nam alienum Presbyterum assumpsit invitum, & hunc Episcopum propria auctoritate ordinavit. Hac perversicia graviter commotus Ascanius Tarraconensis Provinciæ Metropolitæ una cum suffraganeis ad Hilarem Pontificem Maximum scripsit, consilium petens, qua ratione seu cum Episcopis ita ordinatis, seu cum Silvano ordina-

- ordinatore agendum esset. Interea vero non defuerunt, qui factum Silvani excusarent penes Hilarum per epistolas, ea ratione, quod Silvanus in Civitate admodum a Metropoli distita versaretur, & Ecclesiastica utilitas non pateretur, differri diutius aliquot in illis regionibus Episcoporum designationem, atque ordinationem. Prudentissime rescripsit Hilarius, adfirmans in primis factum Silvani prorsus improbandum fore; deinde monens, ut pro temporum & locorum adjunctis quidpiam indulgeretur, nec quod factum esset, rescinderetur. Huc pertinet can. 13. cau. 1. qu. 7., cujus verba ita ex integris epistolæ exemplaribus erunt supplenda, atque emendanda. *Reprehensione justissima eorum pariter justa allegatio (idest illorum, qui Silvanum excusabant) non carebat, quia præter conscientiam Metropolitani Fratris, & Coepiscopi nostri Ascanii nonnullis Civitatibus ordinatos claruit Sacerdotes; unde quoniam quidquid ab alterutra parte est indicatum, omni videmus perversitate confusum, temporum necessitate perspecta hac ratione decernimus ad veniam pertinere, quod gestum est, ut nihil deinceps contra præcepta B. Apostoli, nihil contra Nicænorum canonum, constitutum tenetur. Hoc autem primum juxta eorundem Patrum regulas volumus custodiri, ut nullus præter notitiam, atque consensum Fratris Ascanii Metropolitani aliquatenus consecratur Antistes &c.*
- Can. 30. cau. 7. qu. 1. Aliter definitivè Hilarius in causa Nundinarii Episcopi Barcinonensis, de qua etiam ab eodem Ascanio, & suffraganeis Episcopis fuerat interrogatus. Cum enim Nundinarius, accedente ceteroqui Cleri sui, populi que consensu, successorem sibi adhuc vivens designasset Ireneum quendam, pati debuit ex sententia Pontificis Maximi hæc acta rescindi, ne res isthæc in exemplum ab aliis Episcopis facile traheretur. Verba ipsa Hilari, & quidem integra, habentur in can. 30. cau. 7. qu. 1., cujus postremis verbis adjiciam optimam illam Papæ sententiam, quæ statim in epistola sequitur, ibi: *Nec Episcopalis honor hereditarium jus putetur, quod nobis soli Dei nostri benignitate confertur. Conferantur hæc cum can. 5. cau. 8. qu. 1.*

De Concilio Romano.

- Anno 465. 15. Kalendas Decembris in annua suæ consecrationis celebritate Romæ Synodum Episcopalem habuit Hilarius disciplinæ Ecclesiasticæ firmandæ causâ. Ibidem interfuerunt Episcopi numero complures, inter quos Maximus Taurinensis primo post Hilarum loco recensetur. Superius memoratæ Tarraconensium Episcoporum causæ proposiæ in celebri conventu fuerunt, de quibus suam sententiam ipse Pontifex publice explanavit. Quinque canonibus confecta est res universa, quos omnes Gratianus commemoravit. Canon Concilii primus refertur in can. 4. cau. 25. qu. 5., cui definitioni occasionem hanc datam fuisse arbitror. Auxanius Aquisensis in Gallia Episcopus, & secundæ Narbonensis Metropolitæ in Provinciam Alpiam maritimam ab Hilario per obreptitias literas jus Metropoliticum impetraverat. Id ægre sensit Ingenuus Ebredunensis Episcopus, qui Metropolitani Provincie Alpiæ maritimarum honore fruebatur, de eadem propterea re apud Pontificem Maximum gravissime conquestus. Causæ cognitionem demandavit Pontifex Maximus Leonio, Verano, & Viêturo Episcopis Gallicanis, præcipiens, ut si forte quidpiam per obreptionem in rescripto contigisset, statim Metropoliticus honor Auxani concessus revocaretur. In his rerum adjunctis statuit Hilarius, decreta-
- Sedis

Sedis Apostolicæ a nemine negligi, aut temerari debere, eos autem esse damnandos, qui per obreptionem studuerint, ut a veteribus regulis recedatur. Verba Hilari eadem sunt, quæ apud Gratianum, ubi sane spernendæ non sunt Romanorum Correctorum adnotationes. Addam, hec nonnulla similia legi in epistola 4. ejusdem Hilari ad Leontium, Veranum, & Victurum, ut ajebam, delegatos, ibi: *Ita vestrae charitati cognitionem adnexæ querimonie delegamus, ut nihil adversum venerandos canones, nihil contra sanctæ memoriæ Decessoris mei judicium valeat, quidquid obreptum nobis esse constiterit. Nolumus namque Ecclesiarum privilegia, quæ semper sunt servanda, confundi; quia per hoc non minus in sanctorum traditionum delinquitur sanctiones, quam in injuria ipsius Domini proflitur.* Ex his sane verbis colligebam, & ad eandem causam pertinere memoratum canonem 1. Concilii Romani.

Canon 2. ejusdem Concilii his verbis exprimitur: *Cavendum ergo in primis est, Can. 9. ne ad sacros gradus, sicut gestis prioribus ante præscriptum est, quisquam, qui uxorem dist. 14. non virginem duxit, adspiret. Repellendus est etiam quisque, qui in secundæ uxoris nuptiis contra Apostolica præcepta convenit.* Hic est canon 9. dist. 34., in quo tamen nonnulla Gratianus omittit.

Sequitur post hæc canon 3. his verbis: *Inscit quoque literarum, nec non & aliqua membrorum damna perperissi, & hi, qui ex penitentibus sunt, ad sacros ordines aspirare non audeant. Quisquis talium consecrator extiterit, sacrum suum dissolvat.* Hæc habentur, quamquam paullisper immutata, in canone 3. dist. 55. Can. 3. dist. 55.

Progreditur Hilarius in can. 4., & ait: *Sed & quod quis commisit illicite, aut a decessoribus suis invenit admissum &c.* Quæ sequuntur, habentur integra apud Gratianum in can. 3. cau. 35. qu. 9., ex quibus liquet, Hilarium fuisse constantissimum Ecclesiasticæ disciplinae custodem, a qua ne uspiam recederetur, apud Episcopos vigilabat, curamque omnem impendebat. Et quidem statim universi Episcopi una cum Presbyteris Pontifici adclamaverunt, singula confirmantes, nec non tenenda, servandaque docentes. Can. 3. cau. 35. qu. 9.

Nondum tamen in his Concilium absolverat Pontifex, cujus propositum illud etiam erat, ut ea in Synodo discuterentur, quæ sibi ab Afcanio, ceterisque Tarraconensis Provinciæ Episcopis significata fuerant in causâ Nundinarii Barcinonensis, de qua superius sermonem habui ad canonem 30. cau. 7. qu. 1. Acta Concilii ita exhibent: *Et factò silentio, Hilarius Episcopus dixit: Præterea, Fratres, nova & inaudita (sicut ad nos missis de Hispaniis epistolis sub certa relatione pervenit) in quibusdam locis perverstatum semina jubinde nascuntur. Denique nonnulli Episcopatum, qui non nisi meritis præcedentibus datur, non divinum munus, sed hæreditarium putant esse compendium; & credunt, sacre res caducas, atque mortales, ita Sacerdotium, velut legali (legunt aliqui legatorio) aut testamentario jure posse dimitti. Nam plerique Sacerdotes in mortis consilio constituti, in locum suum feruntur alios designatis nominibus subrogare, ut scilicet non legitima expectetur electio, sed defuncti gratificatio pro populi habeatur assensu. Quod quam grave sit, æstimate. Atque ideo, si placet, etiam hanc licentiam generaliter de Ecclesiis auferamus, ne, quod turpe dictum est, homini quisquam putes debere, quod Dei est. Ut autem, quod ad nos perlatum est, ad vestram etiam possit pervenire notitia, Hispanorum Fratrum, & Coepiscoporum nostrorum scripta legantur. Paullus notarius recitavit: . . . Et cum legeret, ab universis Episcopis, & Presbyteris, acclamatum est: Exaudi Christe: Hilario vita: Dictum est decies. Hæc præsumio nunquam fiat: Dictum est sexies. Quæ Dei sunt, ab homine dari non possunt;*

dictum est sexies. Ex his facile suppleri poterit canon 5. cau. 8. qu. 1., licet jam Romani Correctores nonnulla Gratianæ editioni adjecerint; quem etiam juvabit conferre cum memorato can. 30. cau. 7. qu. 1., meisque in eundem animadvertionibus.

CAPUT XLIV.

De Simplicio .

Simplicio Papæ sequentia capita tribuuntur .

Ex epist. ad Johannem E- piscopum Ra- vennatem .	{	<i>Can. 7. dist. 74. consonat cum Simplicii epistola .</i> <i>Can. 63. cau. 11. qu. 3. perperam relatus nomine Gregorii .</i> <i>Can. 23. cau. 25. qu. 2. referendus ad can. 7. dist. 74.</i>
---	---	---

Ex epist. ad Severum , E- quitium , & Florentium E- piscopos .	{	<i>Can. 13. dist. 23. referendus potius ad Concilium Hispalense II.</i> <i>Can. 28. cau. 12. qu. 2. ex integra epistola supplendus .</i>
--	---	---

Improbis temporum labente quinto Ecclesiæ sæculo , quo Arianæ Principes in Occidente, Eutychiani in Oriente dominabantur, ipsi etiam Ecclesiæ Antistites deplorandis schismatibus Diœceses discedebant, strenuum, prudentissimumque Pontificem exigere videbantur post Hilari obitum eligendum . Is sane fuit Simplicius, qui Pontificatum tenuit ab anno 467. usque ad annum 483., cujus doctrinam, æquanimitatem, virtutemque pauca illa, quæ hodie supersunt, ipsius acta demonstrant. Apud Gratianum duarum tantum epistolarum mentio habetur . Prior scripta est ad Johannem Episcopum Ravennatem, quæ in editionibus Conciliorum est numero 2., Posterior ad Florentium, Equitium, & Severum. Episcopum in eisdem editionibus numero 3.

De Epistola ad Johannem Episcopum Ravennatem .

Consueverant quinti sæculi Pontifices Maximi in variis Christiani orbis Provinciis habere Vicarios, quorum opera Ecclesiarum omnium utilitati commodius, cautiusque prospicerent; Imo in dies augebatur horum Vicariorum numerus, prout novæ causæ locorum emergebant . Hinc Simplicius Hispalensi Episcopo vices suas commisit in omnibus Hispaniarum Ecclesiis, & Acacio Constantinopolitano in Ecclesiis Orientis. Ex his Vicariis, quos Summorum Pontificum vigilantia diversis in Provinciis constituerat, erat Johannes Ravennatensis Episcopus, qui tamen muneri sibi demandato non satisfecerat, quemadmodum Simplicius idem optabat .

tabat. Quid Johannes perpetraverit, ex epistola Simplicii ad Johannem facile colligi potest. Vacante Mutinensi Ecclesia Johannes Ravennas, ad quem vice Apostolica fungentem novi Episcopi constitutio pertinebat, Episcopum ordinavit Gregorium quondam invitum, & reluctantem, vi attractum, atque vexatum, non quidem ut utilitati Mutinensis Ecclesie confuleret, sed odio Gregorii, atque invidia, ut scilicet ab alia, cui adscriptus erat, Ecclesia expelleretur. Improbatur hoc factum Simplicius, minitatus Johanni, futurum, ut illi interdicit ordinatione Episcoporum, interea vero translationem Gregorii ex œconomia ratam habet, ita tamen, ut siquid negotii inter Gregorium, & Johannem emergat, illud Pontifici Maximo discutiendum, dirimendumque reservatum intelligatur. Sic interpretatus jam videor canonem 7. dist. 74., cujus verba cum epistola ipsa penitus consonant. Illud adjiciam, huc referendum esse canonem 63. cau. 11. qu. 3., quem Gratianus melius, quam Gregorii, Simplicii nomine laudavisset; referendum prætere esse canonem 23. cau. 25. qu. 2., cujus verba eadem omnino sunt cum illis, quæ leguntur in dicto can. 7. in fine.

Can. 7.
dist. 74.
Can. 63.
cau. 11.
qu. 3.
Can.
23. cau.
25. qu.
2.

De Epistola ad Severum, Equitium, & Florentium Episcopos.

Epistolam Simplicii ad Severum, Equitium, & Florentium Episcopos jam ante Gratianum paucis perstrinxerat Regino in lib. 2. de Eccles. discipl. cap. 34.; omisit enim, quæ singularia erant, & ad causam Gaudentii Sacerdotis spectabant, generalem tantummodo regulam exinde educere contentus ita scripsit: *De redditibus Ecclesie, vel oblatione fidelium sola Episcopo ex his una portio remittatur, duæ Ecclesiasticis fabricis, & erogationi peregrinorum, & pauperum profutura*: Ultima Clericis pro singulorum meritis dividatur. Reginonem sequutus est Gratianus in can. 28. cau. 12. qu. 2., quem integram hic describendo epistolam supplere juvabit, ut commoda interpretatio possit haberi. Scribit Simplicius: *Relatio nos vestre dilectionis instruxit, & gestorum series plenius intimavit, Gaudentium Ausiniensis Ecclesie Sacerdotem, contra statuta canonum, ac nostra præcepta ordinatione illicitas perpetrasse, quarum illi totam penitus auferri præcipimus potestatem. Scripsimus enim ad Severum, Fratrem, & Coepiscopum nostrum, ut, si necesse fuerit, ipse in supradicta Ecclesia, consideratis Patrum regulis, hoc fungatur officio, quo ille abusus esse convictus est, ita ut hi, qui illicitè ab eodem sunt provecti, ab Ecclesiasticis ministeriis sint remoti. Simul etiam de redditibus Ecclesie, vel oblatione fidelium, quid deceat nescienti, nihil licere permittat, sed sola ei ex his quarta portio remittatur. Duæ Ecclesiasticis fabricis, & erogationi peregrinorum & pauperum profutura ab Onagro Presbytero sub periculo sui ordinis ministrantur: Ultima inter se Clericis pro singulorum meritis dividatur. At vero ministeria Ecclesie, quæ alienata comperimus, reparare Prasumtor præditi Fratris compellatur instantia, cui etiam hoc specialiter præcipimus imminere, ut tres illas portiones, quas per triennium dicitur sibi tantummodo vindicasse, restituat. Erat antiquis Ecclesie temporibus disciplina, juxta quam Episcoporum sollicitudine universi Ecclesiarum redditus dispensabantur in Clericos, Ecclesiarum reparationem, pauperum, & peregrinorum necessitatem, aliosque his similes usus. Porro cum Gau-*

Can. 28.
can. 12.
qu. 2.

dentius Aufiniensis hac potestate abuteretur, auctoritate Pontificis Maximi eadem privatus est, concessa illi tantummodo ea reddituum parte, qua uti ipse potuisset. De his portionibus, in quas redditus Ecclesiastici distribui olim solebant, pluries alibi sermonem institui, praesertim ad interpretationem canonis 10. cau. 10. qu. 1. parte 1. cap. 24.

Can. 13. De canone 13. dist. 23. nihil adiciendum videretur, postquam Romani Cor-
dist. 23. rectores adnotaverunt, & eundem in manuscriptis omnibus exemplaribus desiderari, & falso adscriptum esse Simplicio Papae in epistola ad Severum, & Florentinum Episcopos; unaque indicarunt errati causam ex codicibus Burchardi, & Ivonis imperitia auctoris Palearum profluxisse. Revera habetur idem caput tum apud Burchardum lib. 1. cap. 111. (incipit: *Ad cognitionem*, tribuiturque Concilio Bracarenfi), tum apud Ivonem parte 5. cap. 213. tributum Concilio Carthaginensi, atque incipit *Ad cognitionem*, & parte 6. cap. 102. tributum Concilio Spalensi II., atque incipit: *Quinto iudicio ad agnitionem &c.* Gratianus idipsum descripserat in can. 14. dist. 23. nomine Concilii Toletani, sed non satis recte, quemadmodum ostendi in prima parte cap. 17. pag. 256., ubi & integrum canonem exhibui, observavique, ad Concilium Hispalense II. pertinere. Auctor Palearum ubi incidit in canonem illum 14. Gratianum, crediditque alium esse a canone, quem laudaverant memoratis in locis Burchardus, & Ivo, voluit canonem Ivonis, & Burchardi veluti similem adicere; cumque non advertisset facis inscriptiones Burchardi, aut Ivonis, canonis auctorem nominavit, non qui erat adscriptus in dicto cap. 111. apud Burchardum, aut in dicto cap. 213. apud Ivonem, sed qui erat adscriptus in capitibus praecedentibus, tum apud Burchardum, cum apud Ivonem. Ivo autem, & Burchardus in cap. proxime praecedenti laudaverant epistolam Simplicii Papae ad Equitium, Florentium, & Severum, incipientes ab illis verbis epistolae, quae nuper ego descripsi: *Relatio nos vestrae dilectionis &c.* Itaque perspicua res est, canonem 13. dist. 23. spectare potius ad Concilium Hispalense II., sive eundem esse cum canone 14. ejusdem distinctionis; Quod magis, magisque quispiam intellexerit, quum huc referet integrum Hispalensem canonem, quem edidi in memorata parte 1. cap. 17.



De Felice III.

Felici III. tribuuntur sequentia capita.

Ex epist. ad
Univerfos E-
piscopos. { *Can. 10. cau. 1. qu. 7. ex integra epistola supplendus.*
Can. 118. de cons. dist. 4. ex integra epistola supplendus.

Adjiciuntur { *Can. 3. dist. 10. depromtus ex epistola ad Zenonem Augustum.*
Can. 4. dist. 10. pertinet potius ad Capitula Agilramni.
Can. 3. cau. 24. qu. 1. pertinet potius ad Gelasium Papam.

Ubi primum Felix III. anno 483. Pontificatum Maximum adeptus est, debuit Christianam Fidem ab hæreticorum conatibus, præteritum apud Orientales, vindicare, in Occidentali autem Ecclesia sacram disciplinam tueri, atque, ubi custodita non esset, restituere, quod constantissime, egregieque perfecit usque ad annum 492., quo demum obiit.

De epistola ad universos Episcopos.

Anno circiter 487., cum Romæ adessent aliquot Africani Episcopi, Felix Provinciale Concilium ex pluribus Italiz Antistitibus convocaverat, ad quod memorati Africani Episcopi etiam convenerunt. Ibidem præ ceteris opportunum visum fuit constituere, ac renovare plura disciplinz Ecclesiasticæ capita, quæ apud Afros in desuetudinem abiisse ex oscitantia Sacerdotum, aut etiam protervia compertum fuerat. Id in Synodo professus est Felix, cumque jampridem ipse epistolam encyclicam elucubrasset ad eam rem, epistolam eandem legi in Concilio jussit, ut noscent Episcopi, qualis esset Papæ sententia, imo & sententiam suo suffragio confirmarent. Lecta itaque fuit in Concilio epistola, probata ab omnibus, & missa sequenti anno 488. ad Episcopos omnes. Hinc facile constat, ea, quæ ex ista epistola laudantur apud Gratianum, non tam sententiam Felicis exhibere, quam Episcoporum omnium, qui una cum Felice ad Concilium Provinciale convenerant. Ibidem vero, postquam de rebaptizatis, & lapsis apud Donatistas (quæ erat præcipua res apud Africanos discutienda) nonnulla constituta sunt, ita prosequitur Felix: *Us ergo ab Ecclesia summatibus inchoemus, eos, quos Episcopos, Presbyteros, vel Diaconos fuisse de conscriptis, & seu optantes forsitan, seu coactos lavacri illius unici, salutariisque claruerit fecisse iuramentum, & Christum, quem non solum dono regenerationis, verum etiam gratia percepti honoris induerant, exuisse, cum scisset neminem ad secundam tinctionem venire potuisse, nisi se palam Christianum negaverit, & professus fuerit se esse paganum. Quod cum generaliter sit in omnibus execrandum, multo magis in Episcopis, Presbyteris, Diaconibus audire saltem, distulque probatur horrendum. Sed quia idem Dominus,* *atque*

atque Salvator elementissimus est, & neminem vult perire, usque ad exitus sui diem, in penitentia, si respiciunt, facere conveniet: nec orationi non modo Fidelium, sed ne Castechumenorum omnimodis interesse, quibus communio laica tantum in morte reddenda est. Quam rem diligentius explorare, vel facere probatissimi Sacerdotis cura debet. De Clericis autem, & Monachis, aut Puellis Dei, aut secularibus servari precipimus hanc senorem, quem Nicæna Synodus circa eos, qui lapsi sunt, vel fuerint, servandum esse constituit; ut scilicet qui nulla necessitate, nullius rei timore, aut periculo, se, ut rebaptizentur, hæreticis impie dederunt, si tamen eos ex corde peniteat, tribus annis inter audientes sint, septem autem annis subiaceant inter penitentes manibus Sacerdotum, duobus autem annis oblationes modis omnibus non sinantur offerre, sed tantummodo secularibus (legunt alii: popularibus) in oratione socientur. Nec confundatur Deo collata submittere, qui non eum timuit abnegare. Quod si, utpote mortales, intra metas præscripti temporis carperit vitæ finis urgere, subveniendum est imploranti, & seu ab Episcopo, qui penitentiam dederit, seu ab alio, qui tamen datam esse probaverit, aut similiter a Presbytero, viaticum abeunt de seculo non negetur. Pueris autem, quibus, quod adhuc impuberes, a pubertate vocabulum est, seu Clericis, sive laicis, aut etiam similibus puellis, quibus ignorantia suffragatur ætatis, aliquandiu sub manus impositione detentis, reddenda communio est; nec eorum expellenda penitentia, quos excipit a correctione censura. Ex his supplendus, emendandusque erit canon 118. de cons. dist. 4., cujus sententia commodius explicabitur, quoties hujus sanctionis occasio animadvertatur. Post obitum Hunerici Gundabundus Rex Vandalorum pacem Ecclesiæ reddiderat, quemadmodum Isidorus testatur, Catholicosque olim in exilium pulsos restituerat. Illi, qui apud Donatistas hæreticos defecerant, novo se ablui baptismate confenserunt, sive laici, sive Clerici, sive etiam Episcopi, de quibus omnibus ad Ecclesiam, & fidem revertentibus qualis disciplina adhibenda esset, declarandum erat. Pro qualitate admissi, ac dignitate peccantium penitentiam Felix præstituit Nicæni Concilii regulis consentaneam.

Can. 10.

can. 1.

qu. 7.

Post nonnulla sequuntur in epistola verba canonis 10. cau. 1. qui 7. ita legendas: *Illo per omnia custodito, ne ex eis unquam, qui in qualibet ætate alibi, quam in Ecclesia Catholica aut baptizati, aut rebaptizati sunt, ad Ecclesiasticam militiam prorsus non permittantur accedere. Quibus satis esse debeat, quod in Catholicorum numero sunt recepti: Quoniam de suo ordine, & communione videbitur ferro judicium, quisquis violaverit institutum, vel qui non removerit eum, quem ex eis ad ministerium Clericale obrepisse cognoverit.*

De ceteris capitibus Felicis III.

Can. 3.

dist. 10.

Quod apud Gratianum refertur nomine Felicis Papæ in can. 3. dist. 10., atque in notis Gratiano adjectis ex Veronensi Codice dicitur ad Felicem III. pertinere, revera Felici III. tribuendum est in Epistola ad Zenonem Augustum, quæ incipit: *Quoniam pietas tua*, data die 1. Augusti sub Consulatu Venantii, sive anno 484. Damnaverat Felix Petrum Fullonem, quod per additamentum sacro, ut vocant, trifragio factum visus fuisset hæreticorum errores renovare voluisse. Acacium quoque Constantinopolitanum Episcopum acriter objurgaverat, quod hæreticis obsecundaret, imo Imperatorem ipsum, ut faveret hæreticis, captaret. Ut Ecclesiasticæ rei

rei provide confuleret Pontifex, ad Zenogem Imperatorem ipsemet scripsit, monens illum, ut Catholicam unitatem sedulo teneret, ac sese ab hæreticorum insidiis subtraheret, siuens, ut in fidei causis per viros Ecclesiasticos omnia dirimerentur juxta cœlestia scripturarum, ac dogmatum traditorum oracula. Huc referendus erit memoratus canon 3. dist. 10., cujus verba habentur in fine ejusdem epistolæ ita legenda: *Certum est enim hoc rebus vestris esse salutare, ut cum de causis Dei agitur, & juxta ipsius constitutum, Regiam voluntatem Sacerdotibus Christi studeatis subdere, non præferre, & Sacrosanctæ per eorum Præsules discere potius, quam docere: Ecclesiæ formam sequi, non huic humanitus sequenda jura præfigere: Neque ejus sanctionibus velle dominari, cui Deus voluit clementiam tuam piâ devotionis colla submittere; ne, dum mensura cœlestis dispositionis exceditur, eatur in contumeliam disponentis.*

Adjeci hoc in loco canonem 4. dist. 10., non quod revera sit Felicis III., sed quod apud Gratianum ita referatur, quasi auctorem eundem habeat, quem canon præcedens, ac propterea eundem Felicem. Ceterum ad Felicem III. non aliter pertinere potest, nisi forte huc referatur, quod idem Pontifex ait in tractatu adversus Acacium, qui editus est una cum adnotationibus Scipionis Massei in Labbeana Veneta collectione anni 1728., tom. 5. pag. 185. & sequ., ibidem enim nihil pressius urgetur, quam nihil contritui posse adversus canonum sacrorum, Sedisque Apostolicæ decreta, ubi de fidei regulis stabilitendis agitur. Porro verba ipsa Gratiani canonis leguntur apud Ivonem parte 5. cap. 38. nomine Hadriani Papæ in epist. ad Ingelramnum, item parte 16. cap. 10. nomine Concilii Triburiensis. Eadem nomine Concilii Triburiensis descripsit Burchardus in lib. 15. cap. 9.; At Burchardus, ut reor, eadem legerat inter Capitularia Francorum, quemadmodum etiam hodie leguntur in lib. 7. cap. 346. editionis Baluzianæ, ac pro Capitularibus nomen Concilii Triburiensis supposuit juxta morem suum, de quo alibi pluries sermo mihi occurrit. Quicumque vero auctor, aut Collector hujus fragmenti memoretur, non est dubitandum, quin primum ex collectione Agilramni Hadriano Papæ exhibita, fuerit illud derivatum. Qua in re exoprandum foret, ut Agilramnus meliores fontes adiverit, quam quos præ oculis habuit, videlicet epistolas Pseudo-Isidori, in quibus eadem fere sententia sæpissime legitur.

Superesset adhuc, ut nonnulla adnotarem de canone 3. cau. 24. qu. 1., qui apud Gratianum Felici Papæ adscribitur, cujus nomine nonnisi Felix III. intelligi posset, utpote cui res ipsa, de qua agitur, plurimum congruit. Verum commodius de eo canone inferius mihi agendum erit in sequenti capite, cum idem fragmentum habeatur in Commonitorio Gelasil ad Faustum. Si Gratianum excusare velimus, animadvertendum erit, fuisse in vetustis codicibus permixtas Felicis III. & Gelasilii Pontificum epistolas, eas præsertim, quæ Acacii causam respiciunt, quod facile evenire vel ex eo potuit, quod Gelasius Felici immediate successerit; vel quod laudatum Commonitorium ad Faustum non Gelasio, sed Felici III. adscriptum fuerit a nonnullis.

CAPUT XLVI.

De Gelasio.

Numero plurima sunt, quæ Gelasii nomine in decretum Gratiani relata fuerunt.

Ex Concilio Romano.

- Can. 3. dist. 15. in diversis codicibus varius.
Can. 3. dist. 21. convenit Gelasii temporibus.

Ex Commonitorio ad Faustum.

- Can. 5. dist. 22. jungendus cum can. 3. dist. 22. & can. 46. cau. 11. qu. 1.
Can. 16. cau. 9. qu. 3. consonat cum integris Commonitorii exemplaribus.
Can. 1. cau. 24. qu. 1. emendandus ex integris Commonitorii exemplaribus.
Can. 3. cau. 24. qu. 1. falso tributus Felici III.
Can. 2. cau. 24. qu. 2. consonat cum integris Commonitorii exemplaribus.
Can. 36. §. ult. cau. 24. qu. 3. ex integris Commonitorii exemplaribus emendandus.

Ex epist. ad Episcopos per Siciliam, Brutios, & Lucaniam constitutos.

- Can. 5. dist. 33. paullo varius in diversis exemplaribus.
Can. 1. dist. 36. ex integra epistola supplendus.
Can. 59. dist. 50. ex integra epistola supplendus.
Can. 12. dist. 54. jam a Romanis Correctoribus emendatus.
Can. 1. dist. 55. emendandus, jungendusque cum can. 8. & 9. dist. 77.
Can. 7. dist. 75. paullo varius in diversis exemplaribus.
Can. 8. dist. 77. jungendus cum can. sequente, & can. 1. dist. 55.
Can. 9. dist. 77. jungendus cum can. præcedente, & can. 1. dist. 55.
Can. 2. dist. 88. ex integris epistolæ exemplaribus emendandus.
Can. 2. dist. 95. omnino consonat cum vulgatis epistolæ exemplaribus.
Can. 6. cau. 1. qu. 1. consonat cum integris epistolæ exemplaribus.
Can. 99. cau. 1. qu. 1. ex integris exemplaribus emendandus.
Can. 6. cau. 1. qu. 7. ex integra epistola supplendus.
Can. 12. cau. 1. qu. 7. referendus ad canonem 1. dist. 36.
Can. 23. cau. 1. qu. 7. jungendus cum can. 6. vers. cum enim de conf. dist. 1.
Can. 47. cau. 2. qu. 7. consonat cum integris epistolæ exemplaribus.

Can.

Can. 27. cau. 12. qu. 2. consonat cum integris epistolæ exemplaribus.

Can. 1. cau. 14. qu. 4. referendus ad canonem 2. dist. 88.

Can. 11. cau. 20. qu. 1. consonat cum integris epistolæ exemplaribus.

Can. 14. cau. 27. qu. 1. apud Gratianum ex Concilio Triburienſi laudatus.

Can. 42. cau. 27. qu. 1. ex integris epistolæ exemplaribus emendandus.

Can. 4. de conf. dist. 1. } simul jungendi, atque juxta adjuncta Gelasiani temporis explicandi.

Can. 6. de conf. dist. 1. }

Can. 18. de conf. dist. 4. consonat cum integris epistolæ exemplaribus.

Ex eadem

Ex epist. ad
Episcopos per
Siciliam.

Can. 1. cau. 13. qu. 2. }

Can. 2. cau. 16. qu. 3. } apocryphi, & simul jungendi.

Can. 3. cau. 27. qu. 1. potius Symmacho Papæ adscribendus.

Ex epist. ad
Episcopos Dar-
daniz.

Can. 6. dist. 64. ab Anselmo Lucenſi primum adscriptus Gelasio.

Can. 15. dist. 96. ex integra epistola supplendus.

Can. 17. cau. 9. qu. 3. } simul jungendi, & ex integra epistola

Can. 18. cau. 9. qu. 3. } supplendi.

Can. 9. cau. 16. qu. 3. tribuendus potius Felici III.

Can. 2. cau. 24. qu. 1. ex integra epistola supplendus.

Can. 4. cau. 24. qu. 2. pertinet ad epistolam num. 11. juxta recentiorum Collectiones.

Can. 36. cau. 24. qu. 3. ex integra epistola supplendus.

Can. 1. cau. 25. qu. 1. Gratiani proposito non accommodatus.

Ex epist. ad
Episcopos O-
rientis.

Can. 12. dist. 96. ad integram Gelasii epistolam exigendus.

Can. 46. cau. 11. qu. 3. potius Felici III. tribuendus.

Ex epist. ad
Anastadium Im-
peratorem.

Can. 10. dist. 96. a Gratiano nonnullis detrahitis, nonnullis adjectis depravatus.

Ex epist. ad
Anastadium E-
piscopum.

Can. 2. dist. 87. non dissonat ab aliis Gelasii sententiis.

Ex epist. ad
Bonifacium E-
piscopum.

Can. 32. cau. 17. qu. 4. non dissonat a Gelasii temporibus.

Ex epistola
ad Clerum.
Brundusii, &
Tarentinum.

Can. 26. cau. 12. qu. 2. } pertinent ad librum Diurnum Pontificium,
Can. 17. de cons. dist. 4. } sed consonant cum Gelasii sententiis.

Ex epist. ad
Caelestinum E-
piscopum.

Can. 3. dist. 24. convenit Gelasii temporibus.

Ex epist. ad
Cresconium,
& Joannem.
Messalix Epif-
copos.

Can. 19. cau. 25. qu. 2. Gelasii sententiis potius adversatur.

Ex epist. ad
Ezechiam Co-
mitem.

Can. 12. cau. 11. qu. 1. apocryphus, & jungendus cum cau. 13. cau. 11. q. 1.

Ex epist. ad
Crispinum, &
Sabinum Epif-
copos.

Can. 13. cau. 11. qu. 1. apocryphus, & jungendus cum can. 12. cau. 11.
qu. 1.

Ex epist. ad
Elpidium Epi-
scopum.

Can. 92. cau. 1. qu. 1. jungendus cum can. 26. cau. 23. qu.
8.
Can. 26. cau. 23. qu. 8. a temporibus Gelasii non alienus.

Ex epist. ad
Epiphanium.
Episcopum.

Can. 11. cau. 17. qu. 4. non dissonat a Gelasii temporibus.

Ex epistola
ad Fabianum.

Can. 5. cau. 10. qu. 3. auctori seculi undecimi tribuendus.

Ex epist. ad
Gerontium, &
alios Episco-
pos.

Can. 11. dist. 63. dubia admodum auctoritatis.
Can. 1. dist. 87. } simul jungendi, & consonant cum aliis Gelasii
Can. 3. dist. 87. } sententiis.
Can. 29. cau. 23. qu. 4. consonat cum principiis juris Romani.
Can. 24. de pen. dist. 4. referendus ad can. 29. cau. 23. qu. 4.

Ex epist. ad
Herculen-
tium, Stepha-
num, & Ju-
stum.

Can. 10. dist. 54. consonat cum aliis Gelasii fragmentis.

Ex epist. ad
Honorium E-
piscopum . { *Can. 5. cau. 13. qu. 2. Gelasii temporibus congruit.*

Ex epist. ad
Johannem E-
piscopum So-
ranum . { *Can. 7. de conf. dist. 1. incerta auctoritatis.*

Ex epist. ad
Johannem
Episcopum
Viennensem . { *Can. 33. cau. 17. qu. 4. incerta auctoritatis.*

Ex epist. ad
Justinum Ar-
chidiaconum ,
& Faustinum
Defensorem . { *Can. 23. cau. 12. qu. 2. referendus ad canonem 25. cau. 12.
qu. 2.
Can. 25. cau. 12. qu. 2. Gelasii sententis consensus.*

Ex epist. ad
Martinum , &
Iustum Epif-
copos . { *Can. 9. dist. 54. consonat cum aliis Gelasii monumentis.
Can. 7. cau. 16. qu. 3. paulo variis in diversis Codicibus.*

Ex epist. ad
Majoricum ,
Serenum , &
Johannem . { *Can. 14. cau. 12. qu. 2. ex aliis codicibus supplendus.
Can. 25. cau. 25. qu. 2. ex aliis codicibus emendandus.
Can. 12. de conf. dist. 2. paulo variis in diversis exemplari-
bus.*

Ex epist. ad
Maximum , &
Eusebium E-
piscopos . { *Can. 5. cau. 16. qu. 4. paulo variis in diversis exemplari-
bus.*

Ex epist. ad
Palladium E-
piscopum . { *Can. 12. dist. 55. paulo variis in codicibus Leonis.*

Ex epist. ad
Quingesium E-
piscopum . { *Can. 50. cau. 11. qu. 2. incerta admodum auctoritatis.*

- Ex epist. ad
Rufinum, &
Aprilem. { *Can. 11. dist. 10. referendus est ad can. 11. dist. 54.*
Can. 11. dist. 54. consonat cum aliis Gelasii monumentis.
Can. 13. dist. 55. nec Gelasio, nec Pelagio, cui tamen apud aliquos
adscribitur, tribuendus.
- Ex epist. ad
Rusticum, &
Fortunatum. { *Can. 2. cau. 7. qu. 2. apocryphus, & paullo varius in diversis*
exemplaribus.
Can. 5. dist. 87. non dissonat a Gelasii temporibus.
- Ex epist. ad
Senecionem E-
piscopum. { *Can. 26. cau. 16. qu. 7. } Gelasio falso tributi.*
Can. 27. cau. 16. qu. 7. }
- Ex epist. ad
Siracusanum,
Constantinum,
& Laurentium
Episcopos. { *Can. 34. cau. 17. qu. 4. Gelasio falso tributus.*
- Ex epist. ad
Victorem,
Constantinum,
Martyrium,
Felicissimum,
& Timotheum
Episcopos. { *Can. 10. cau. 17. qu. 4. incertæ admodum auctoritatis.*
- Ex epist. ad
Victorem E-
piscopum. { *Can. 9. dist. 74. non dissonat a Gelasii temporibus.*
- Ex epist. ad
Theodoricum
Regem. { *Can. 12. dist. 10. congruit Gelasio Papæ.*
- Adjiciuntur { *Can. 48. dist. 50. potius editus septimo, aut recentiore seculo.*
Can. 1. cau. 2. qu. 3. jam a Romanis Correctoribus ad Caji epistolam
exactus.
Can. 48. cau. 2. qu. 7. referendus ad Collectionem Deusdedit.
Can. 13. cau. 3. qu. 5. potius ad epistolas pertinet Pelagio II. tri-
butus.
Can. 37. cau. 11. qu. 3. } simul jungendi, & Gelasii sententiis in-
Can. 38. cau. 11. qu. 3. } parte conformes.
Can. 15. cau. 16. qu. 1. incertæ auctoritatis.
Can. 28. cau. 16. qu. 1. Gelasio falso tributus.

- Can. 1. cau. 16. qu. 3. } potius sunt Conciliorum Chalcedonensis,*
Can. 8. cau. 16. qu. 3. } & Constantinopolitani IV.
Can. 8. cau. 16. qu. 6. potius referendus ad Concilium III. Aure-
lianense.
Can. 5. cau. 22. qu. 2. incertæ auctoritatis.
Can. 4. cau. 22. qu. 5. ad libros Pœnitentiales potius referendus.
Can. 49. cau. 27. qu. 2. incertæ auctoritatis.
Can. 2. cau. 36. qu. 1. idem est cum can. 49. cau. 27. qu. 2.
Can. 5. de cons. dist. 1. falso tributus Gelasio.

Inter viros & doctrina, & morum integritate insignes, qui sæculo 5. apud Afros
 floruerunt, adversus hæreses invidios fidei propugnatores, adversus schismata pa-
 cis amatores optimos, & in tuenda Ecclesiastica disciplina canonum vindices so-
 lertissimos, est sane recensendus. Gelasius Magnus, dignus qui ab illa Ecclesia ad
 regendos universos Christi fideles in Romano Pontificatu advocaretur, quemadmo-
 dum advocatus est anno 492., quo Felix III. obiit. Pauci quidem numero, nempe
 quatuor, anni fuerunt, quibus regere Ecclesiam potuit, vita sanctus anno 496.,
 verum vel exiguo temporis spatio gravissima exhibuit, eademque plurima sapien-
 tiæ, doctrinæque sua argumenta. Dionysius Exiguus, qui paulo post Gelasii obitu-
 tum Romæ scripsit, ita de eo testatus est in epistola ad Julianum Presbyterum.
 præfixa 2. parti suæ Collectionis. *Quantique sit apud Deum meriti beatus Papa Ge-*
lasius, & nos qui eum præsentia corporali non vidimus, per vos alumnos ejus facilius
æstimamus. Cujus eruditione formati gradum Presbyteri sancta conversatione, decoratis,
ut in vestrorum morum perspicuo munere ejus videatur quodammodo aditio præluere. Quem
sicuti vestra relatione comperimus, in tantum bonæ voluntatis extitisse gratulamur, ut
annuente Domino, principatum in Ecclesia pro multorum salute suscipiens, eum serviendo,
potius quam dominando, sustolleret, vitæque castimoniam doctrinæ meritis ampliaret.
Denique omne opus ejus aut oratio fuisse memoratur, aut lectio. Interdum quoque scri-
bendi curam sumebat, prout causa vel ratio poposcisset, servorumque Dei maximi conso-
ratio, atque societas gaudebat. Quorum spiritali collatione tanto divini amoris studio, tanta
verbi Dei meditatione fovebatur, ut huic etiam illud quod Psalmista cecinit, aptaretur:
Beatus homo, quem tu erudieris, Domine, & de lege tua docueris eum, ut mitiges eum
a diebus malis. Hujus enim sæculi malos dies ita Domino mitigante, atque gubernante
transiit, ut universas tentationes mira prudentia & longanimitate sufferret, delicias je-
junii sperneret, superbiam humilitate calcaret, tanta misericordia animi alacritate cla-
resceret, ut omnes fere pauperes suscipi inops ipse mereretur. Professo beatus hac inopia,
per quam divinis semper laudibus inherebat, sicut Propheta dicit ad Dominum, Pauper
& inops laudabunt nomen tuum. Fuit enim vir ingenio luculentus, vita præcipuus, aucto-
ritate reverendus. Ex ideo tot virtutum ornatus insignibus, ad tam celsum officium non
accessit indignus, honorem summæ dignitatis grave nimis onus existimans, parvamque ne-
gligentiam Pontificis ingens animarum discrimen esse contendens. Idcirco nullo se desi-
diolo otio tradidit, nec luxurioso convivio, effusoque servivit. Ex quibus rebus & anima-
rum morbi nascuntur & corporum. Hic itaque pastor summi atque boni pastoris imitator
existens egregius præsul Sedis Apostolicæ fuit, qui divina præcepta fecit & docuit: Unde
eum magnum inter Sanctos esse confidimus, juxta promissionem Christi Domini dicentis;
Qui fecerit & docuerit, maximus vocabitur in regno celorum. Quamquam vero lügen-
dum.

dum illud est, non omnia ejusdem Gelasii monumenta perpetuo custodita fuisse, sed maximam partem priiisse, ita, ut in fragmentis quibusdam vix eadem hodie dignoscamus. Et quidem mihi in illis investigandis præ ceteris laborandum fuit, vix autem de pluribus potui nonnulla congerere, in quibus adhuc, ut majus mihi lumen affulgeret, exoptavi. Quid tamen agendum mihi erat in rebus antiquissimis, iisdemque, ut auguror, deperditis? Conjecturis si aliquando indulgero, ut ex illis veritatem in obscuro latitantem inquirerem, veniam mihi daturus arbitror eos, qui in rebus hujusmodi aliquandiu versati sunt, forte etiam iudicium non omnino improbaturus. Non erit abs re initio pauca describere, quæ tradidit Cassiodorus in cap. 8. libri Divinarum Lectionum, de adnotationibus in epistolas Sancti Pauli, ibi: *In cunctorum manibus ita celebres habebantur, ut eas a S. Gelasio Papa Urbis Romæ doctissimi viri studio dicerent fuisse conscriptas. Quod solent facere, qui res vitiosas cupiunt gloriose nominis auctoritate defendere; sed nobis ex præcedentibus lectionibus diligentis retractione patuerunt subtilissimas quidem esse, ac brevissimas dissensiones, sed Pelagiani erroris venena illic esse seminata.* Duo hinc deducuntur. Primum maximo in honore apud veteres fuisse Gelasii Pontificis monumenta; Deinde, nonnulla falso fuisse eidem Pontifici adscripta, in quibus propterea investigandis non inanis sit studiosorum virorum solertia.

De Canonibus Concilii Romani.

Can. 2. Extat in editionibus Conciliorum Romana Synodus, quæ vulgo dicitur a Gelasio
dist. 15. celebrata anno 494. Asterio, atque Præsidio Consulibus, convenientibus in eam Episcopis numero 70., quorum omnium suffragio authenticis libri Ecclesiasticis rebus
6 Can. utiles ab apocryphis discreti fuerunt. Ibidem contextus primum est Divinæ Scripturæ Catalogus, deinde post explicatam præcipuarum Episcopaliū sedium prærogativam canones Conciliorum germani, germana etiam Sanctorum Patrum volumina enumerata fuerunt. Gratianus duo exinde fragmenta depromsit: Videlicet canonem 2. dist. 15., & can. 3. dist. 21. quorum sententia ex ordine ita erit collocanda. Supponendus in primis est Divinæ Scripturæ, seu Sacrorum voluminum tam veteris, quam novi testamenti catalogus: Deinde hæc leguntur: *Post has omnes Propheticas, Evangelicas, atque Apostolicas scripturas, quibus Ecclesia Catholica per gratiam Dei fundata est, illud etiam intinandum putamus, quod quamvis universa per orbem Catholica Ecclesie unus thalamus Christi sit, sancta tamen &c.* Hic sequuntur 21, quæ Gratianus descripsit in dicto can. 3. dist. 21. eisdem verbis, post quæ secunda. Ecclesie Sedes dicitur Alexandrina B. Petri nomine a Marco ejus discipulo consecrata; tertia vero Antiochena, utpote quæ Beati etiam Petri nomine, & Episcopatu venerabilis habeatur. Erat ista definitio Gelasii temporibus congrua, nimirum ut contineretur quodammodo Constantinopolitani Antistitis ambitus, qui non modo supra ceteros Orientales Episcopos, verum etiam supra ipsum Romanum Pontificem evehi totis viribus contendebat. Optimum autem, & gravissimi momenti argumentum illud erat, quod a dignitate Petri Apostolorum Principis deducebatur, cujus Principatum cum in successorem Ecclesie ab ipso demum consecratæ transire ipsamet perpetua Ecclesie universæ constitutio exigeret, nullo jure indulgere quispiam poterat Constantinopolitani Episcopi voluntati, qui Petri successorem se vocare nulla ratione valebat.

Subse-

Subsequitur Gelafius, five Romani ejusdem Concilii Patres: *Et quamvis aliud fundamentum nullus possit ponere, præter id, quod positum est, qui est Christus Jesus, tamen ad edificationem nostram, eadem Sancta Romana Ecclesia post illas veteris, vel novi testamenti, quas regulariter suscepimus, etiam has suscipi non prohibet scripturas: idest Sanctam Synodum Nicenam &c.* Quæ sequuntur, exhibet Gratianus in dicto canone 3. dist. 15., ubi tamen observandum est, verba illa, *Jam nunc subjiciendum est de opusculis Sanctorum Patrum, quæ in Ecclesia Catholica recipiuntur, in ipsis Concilii exemplaribus desiderari;* sed potius post verba illa decernimus, & mandamus, statim adjicitur: *Item opuscula B. Cypriani Martyris, & Carthaginensis Episcopi in omnibus recipienda. Item opuscula &c.* Gratianus, Ivo, & Burchardus omiserunt illa verba 3 in omnibus recipienda; forte quod credidissent, per illa etiam probari, quod Cyprianus adversus Stephanum de rebaptizandis hæreticis disputaverat. Non est tamen inverosimile, Gelasium hunc honorem voluisse deferre Cypriano comprovinciali suo, ut e ratione sanctissimo viro bonum nomen apud nonnullos, præferretim Romanos, paulisper obscurum conciliaret. Neque enim sine causa martyrem eum adpellavit, ut significaret, germanam Ecclesiæ doctrinam fuso pro ipsa Ecclesia sanguine confirmasse, imitatus hac in re comprovincialem etiam suum, Augustinum Hipponensem, qui pluribus Cyprianum jamdudum ab invidorum injuriis vindicaverat. Quæ apud Gratianum sequuntur usque ad vers. Ceterum. *qui libri leguntur eadem in Concilii Romani exemplaribus, in quibus tamen levis, & nulla observatione digna sententiarum transpositio animadvertitur. Videatur Covarruvias variat. resolut. lib. 4. cap. 14. & sequ., ubi canon hic integer expurgatur.* At vericulus Ceterum *qui libri in Concilio desideratur, ac potius pertinet ad librum Romani Ordinis, quod jam Romani Correctores adnotaverunt. Antonius Augustinus in lib. 1. dial. 20. de emendatione Gratiani hæc insuper adnotat: Postrema pars, cujus initium: Ceterum qui libri, licet superioribus conjungant Burchardus, Ivo, & Gratianus, non est in Conciliis, & pars esse videtur alicujus libri de divinis officiis. A. Relicte dictum est. Namque Amilarii librum habeo, in quo hæc sunt, & alia quedam nomine fragmentorum Caroli Magni edita. Ea vero verba, Ceterum qui, usque ad illa, in septuagesima, non inveniunt apud Burchardum, & Ivonem, neque in veteribus Gratiani libris.* Observaverunt præterea Romani Correctores, in vetustis Gratiani codicibus multa alia desiderari; omnia videlicet a §. *Item gesta Sanctorum Martyrum usque in finem, quod & animadvertit Baluzius in notis ad Gratianum, duorum veterum Gratiani exemplarium auctoritate fretus, quamvis in aliis exemplaribus extasse adfirmet. In editione Romana Anastasii Bibliothecarii tom. 4. in prolegomenis pag. 121. tria habentur exemplaria Gelasiani decreti, primum ex codice antiquissimo Florentino a Luca Holstenio, & Emmanuele a Schelestrate, maxime commendato; Alterum ex codice Furensi sub nomine Hormisdæ; postremum ex codice Palatino Bibliothecæ Vaticanæ; in quibus sane non modica est scripturarum varietas. Præterquamquod enim, qui recensentur libri, diverso sint ordine dispositi, aliqui etiam referantur in uno, qui in alio desiderantur, animadvertitur, in tertio deesse decreti initium, quo continetur Sacrorum librorum Catalogus; Ejus autem priora verba hæc sunt. *Post Propheticas, & Evangelicas &c.* Item animadvertitur in primo exemplari, five Florentino ea omitti, quæ pertinent ad Synodum Constantinopolitanam, cujus nulla omnino fit mentio, sed statim post illa verba: *Mediante Maximo Constantino Augusto, hæc sequuntur: Sanctam Synodum**

Synodum Ephesiam, in qua Nestorius &c. Hæc ipsa de Synodo Constantinopolitana in tertio exemplari desiderantur. Demum tum in primo, tum in tertio exemplari non leguntur verba illa, sed si qua sunt Concilia a Sanctis Patribus hætenus instituta post istorum quatuor auctoritatem & custodienda, & recipienda decrevimus. Aliud etiam exemplar edidit Mansius in suo supplemento Labbeano ab aliis codicibus nonnihil diversum, quæ omnia facile unusquisque conspiciere poterit. Singulos ibidem descriptos libros recensere, ac rationes adferre, quibus motus Gelasius fuerit, ut illorum alios reciperet, alios improbaret, magis diuturnum laborem, & singulare opus exigeret, quam meum propositum patiatur; Ideo abstinendum duxi, præsertim, quod non defuerunt viri eruditi, qui hanc provinciam adgressi sunt, & non sine laude perfecerunt. Unum dumtaxat breviter attingam: magis obvium legentium oculis, quodque difficile visum est pluribus: nimirum in priore parte decreti, in qua scripta authentica recipiuntur, referuntur opera Eusebii Cæsariensis, idest *Chronicon*, & *libri historiæ Ecclesiasticæ*, dein mutata sententia in posteriore parte, in qua rejiciuntur apocryphi libri, ita decernitur: *Historia Eusebii Pamphili apocrypha*. B. Rhenanus in epist. ad Stanislaum Turzum Episcopum Olomutzensem, quæ præfixa est editioni latinæ Eusebii, aliorumque historicorum Basileensi anni 1523. ait: *Quod eadem dist. 15. paullo post legitur, historiam Eusebii Pamphili apocrypham esse, ab aliquo æsno adjectum est, nisi velimus dicere Gelasium sibi contrarium, ut qui in eodem decreto improbet librum, ante a se probatum.* Carolus Molinæus Rhenanum reprehendit, quod ea verba, quæ ab imperito adjecta fuisse Rhenanus ajebat, in omnibus omnino codicibus reperiantur, concluditurque cum historiam, quam Gelasius apocrypham declaravit, aliam esse ab historia Eusebii Cæsariensis, sive ab altero Eusebio conscriptam. Hanc vero Molinæi opinionem de altero Eusebio Contius probare non potuit in scholio ad hunc locum; neque probare potuit Baluzius in notis ad Gratianum, qui hisce omnibus in medium adductis concludit cum Cotelerio, animadvertens in primis, a Gelasio apocrypha non sumi dumtaxat pro pseudoepigraphis, verum pro omnibus, quæ quia notam aliquam mereri videntur, sive suppositionis, sive erroris, sive impietatis, ignorari potius debent, nec in Ecclesiastica notitia versari, sicut libri Patrum, quos inoffenso pede decurrere quisque potest; hinc inter apocrypha ibidem recenseri scripta Tertulliani, Arnobii, aliæque quamvis indubia; deinde observans hæc significatione eandem historiam Eusebi modo receptam fuisse, modo improbatam, receptam scilicet in ea parte, quæ plura Ecclesiæ utilia continebat, improbatam in altera, in qua in laudes Origenis idem Eusebius excurrit. Nemo est, qui hanc interpretationem facile recipere nequeat, utpote quæ codicibus omnibus nullam vim facit, imo contonat eisdem Gelasii verbis, qui ubi Origenis historiam inter utiles libros recenset, non eandem probat omnino, & undique recipiendam declarat, sed ita suam explicat sententiam. *Item Chronicon Eusebii Cæsariensis, atque ejusdem Historiæ Ecclesiasticæ libros, quomodo in primo narrationis sue libro tetulerit, & postea in laudibus, atque excusatione Origenis schismatici unum conscripserit librum; propter rerum tamen notitiam singularem, quæ ad instructionem pertinent, usquequaque non dicimus revocandos.* Neque vero tantum in Eusebii operibus ita Gelasius sententiam temperavit suam, sed etiam in aliorum scriptorum monumentis, ut reciperet in parte, in altera parte rejiceret; uti exemplum extat in ipsis Origenis operibus, ex quibus legenda voluit, quæ Hieronymus non repudiaverat, cetera cum auctore suo damnavit.

Qualitercunque vero sua exercuerint ingenia Viri eruditissimi in restituendo Gratiani canone juxta optimos codices, nondum tamen in eo omnes convenire potuerunt, ut certo auctorem canonis designarent: Etsi enim vulgati codices Gelasio tribuant, non desunt tamen, qui & canonem, & Concilium referant ad Damasum Gelasii decessorem, alii etiam ad Hormisdam Gelasii successorem. Adferuntur a patronis diversarum hujusmodi opinionum singulares codices antiquissimi, ita ut, qui omnia invicem conciliare maluerunt, asseruerint tribus illis Pontificibus adscribi illa commode posse; Damaso, quatenus opus coeperit; Gelasio, quatenus compleverit; Hormisdæ demum, quatenus confirmaverit. Ego sane non video, quare a Gelasio sit idem canon abjudicandus, tum quia codices numero plurimi Gelasio tribuunt, tum quia Pontifices Maximi Nicolaus, & Gregorius VII. Gelasii nomine laudaverunt. Antonius Pagius ad annum 494. num. 2., & seq. probare conatur, tempore Hormisdæ Pontificis hunc canonem jam editum fuisse, ut propterea non ab Hormisdæ repeti primum possit, idque ex epist. 70. Hormisdæ ad Possessorem docentis jam præfixos veneranda Patrum sententia libros veteres Ecclesiasticos, quos fidelis posteritas sequeretur, quosque abominaretur; deinde, subdit, non referendum esse canonem ad Pontificem Damasum perspicua ratione, quia scilicet plures ibidem libri recensentur, quorum auctores Damaso sunt posteriores. Sic Gregorius Nazianzenus, Johannes Chrysostomus, Theophilus Alexandrinus, alique, quorum scripta, tamquam beatorum virorum, ibidem memorantur, post Damasum vita functi sunt, & Synodus Chalcedonenfis, quæ ibidem confirmatur, longe post Damasum celebrata est. Sed præter hæc ad demonstrandum eundem canonem vere Gelasio tribui, illud gravissimum argumentum videtur, quod deponitur ex ipsamet canonis materie, quæ Gelasii ejusdem temporibus apprime convenit. Ut enim jam superius attigi ad canonem 3. dist. 21., quid convenientius esse poterat apud Gelasium, quam jura primæ sedis Ecclesiæ universæ definire adversus ambitum Antistitum Constantinopolitanorum, qui tunc temporis curante, primum Anatolio, dein urgente Acacio, eo excesserat, ut illi cum Romano ipso Antistite de summo Primatu contendere auderent. Item formula, qua declarantur opuscula B. Cypriani *in omnibus recipienda*, conjecturam optimam præbet, qua asseramus; Pontificem eadem formula usum in Africa educatum fuisse, ubi sub Augustini disciplina, Cypriani laudes adversus invidos ejus gloriæ resonabant; qualis esse potuit Gelasius, non Damasus, aut Hormisdas. Formula etiam, qua recipienda mandatur epistola Leonis Papæ ad Flavianum, anathema illi infligendo, qui ejus *textum usque ad unum jota disputaverit, & non eam in omnibus venerabiliter receperit*, magis illi Pontifici convenit, qui Leoni ipsi proximus extiterit successor, cujus nimirum tempore Eutychianorum secta adhuc vigeret, quemadmodum vigere vividius potuit temporibus Gelasii, quam temporibus Hormisdæ (De Damaso heic verba non facio, cum ipse Leonis tempora antecesserit): Quæ observationes, etsi forte singulæ rem perspicuam minime reddant, junctæ tamen rem in tuto quodammodo collocant, cum res ipsa codicum auctoritate, & virorum gravissimorum suffragio sustineatur.

De Commonitorio ad Faustum.

Cum Theodoricus Gothorum Rex (ita scribit Severinus Binius) integra Italia potius esset, bello diuturno fatigatus duos misit Legatos ad Anastasium Imperatorem Constantinopoli degentem, Faustum, & Irenzum, per quos pace una cum Italico Regno libere uti sibi concederetur. Hac occasione oblata Gelasius Papi cum Fausto Theodorici Legato congressus, eidem mandavit, ut Acacii jam ab Apostolica sede damnati nomen ab Ecclesiasticis dypticis deleretur apud Græcos in urbe Constantinopolitana, præsertim vero id curaret apud Euphemium Acacii, non tam in sede, quam in schismate, atque ambitu successorem. Sane Euphemius tantum aberat, ut Acacii nomen detestaretur, quin potius Gelasio infensus adversus eum Anastasii Imperatoris animum concitabat, inter cetera illud obtestans, Gelasium ab Imperatoris iuribus alienum esse, Romanæque Urbis Senatam ad proclamandum in libertatem suasionibus crebris impellere. Hanc universam causam commendavit Gelasius Fausto Constantinopolim proficiscenti, cui tamen cum res non satis feliciter cessisset, Commonitorium per literas dedit anno 493., ut scribit Baronius ad eundem annum num. 3., & seq. Refertur id inter epistolas Gelasii numero 4. sub hoc titulo: *Commonitorium ad Faustum magistrum fungentem Legationis officio Constantinopoli*. Commonitorii hujus propositum eo pertinet, ut concludatur, Acacium jure fuisse damnatum, & post mortem absolvi nullatenus posse, utpote qui in Ecclesiæ pace non obierit.

Ita adfirmant illi, qui de hujus Commonitorii veritate non dubitant. Verum non desunt, qui illud ipsum apocryphum esse contendunt, ea ducti ratione, quod Faustus nunquam fuerit legatione functus temporibus Gelasii, sed potius Anastasii, qui Gelasio successit: Sic scripsit Harduinus. Si hæc vera essent, actum foret de controversia; verum satis obscura res est in hac parte, nec facile ostendi potest, quibus potissimum temporibus Faustus legationem obierit. Ego sane non video, quænam alia argumenta suppetere possint iis, qui Commonitorii auctorem Gelasium fuisse negant, quum alias & stylus, & sententiæ ibidem descriptæ Gelasio maxime conveniant. Dixeris forte, ibidem legi Episcopum Constantinopolitanæ Civitatis nullum nomen habere inter canones, quando tamen Constantinopolitana Ecclesia visa est priorem locum obtinuisse per Concilium Constantinopolitanum I. can. 3. dist. 22., & Concilium Chalcedonense can. 9. Verum jam alibi accommode eosdem canones interpretatus sum, præsertim vero tradidi, quænam habenda sit canonum vulgo Chalcedonensium auctoritas, ut propterea hi omnes canones parum, aut nihil prodesse valeant ad aliquid adversus memoratum Commonitorium demonstrandum. Itaque, quousque validioribus rationibus non demonstretur, Commonitorium hoc falso tributum esse Gelasio, ego non dubitavero, quin commode Gelasio eidem adscribatur.

Ex hoc Commonitorio aliqua recensentur fragmenta apud Gratianum, quæ ut commodius expendam, singula juxta Commonitorii ordinem persequar. Initio Gelasius de Græcis conqueritur, quod Romanam sedem odio habeant, ac Romano Pontifici apud Imperium gravissimis calumniis detrahant; afferentes inter cetera, Romanos Antistites nihil antiquius habere, quum ut Græcos ipsos damnent Ecclesia-

Can. 2.
can. 24.
qu. 2.

clesiasticis judiciis, ipsi etiam Imperatori non parcaut, tum apud Romanum Senatum, tum apud fideles omnes, proponentes eum tamquam fidei hostem, atque hæreseos propugnatores. Falso hæc omnia sparsa fuisse adfirmat Gelasius, qui & honorificis literis Imperatorem salutasse se scribit. Imo & Græcis in hæresim, aut schisma abeuntibus paratam esse veniam proficitur, dummodo tamen ad unitatem reverti cupiant; quod si a schismate non recedant, frustra asserit veniam concedi posse. Huc pertinet canon 2. cau. 24. qu. 2., cujus verba omnino consonant cum integris Commonitorii exemplaribus. Non est omitendum, in postremis verbis ibidem a Gratiano descriptis Gelasium tacite de causa Acacii loquutum fuisse, quem veluti defundum non in pace Ecclesiæ absolvi amplius non posse, constantissime pronuntiabat.

Et sane post pauca statim expresse loquitur de Acacio, & ejus legitima damnatione. Felix III. in Concilio Romano damnaverat Acacium velut hæreticum, ac turbatorem Ecclesiæ. Mortuo Acacio Euphemius successor damnationem Acacii irritam asserbat, quod a solo Romano Antistite, aut a sola Romana Ecclesia damnatus esset, quasi diceret, alias non esse damnandum, nisi in Synodo generali Orientalium Episcoporum. En animum Episcoporum Constantinopoleos urbis, qui abs jurisdictione Romanorum Antistitis exemtos esse se arbitrabantur. Quid vero respondit Gelasius? Prudentissimus ipse a disceptatione Primatus temperavit, atque illud unum opposuit, Acacium jam fuisse in generali Synodo Chalcedonensi damnatum, utpote qui in hæresi eadem constitisset, quam anathemate proseripserat Chalcedonense Concilium. En verba Gelasii: *Euphemium vero miror, si ignorantiam suam ipse non perspicit, qui dicit, Acacium ab uno non potuisse damnari. Itane non perspicit, secundum formam Synodi Chalcedonensis Acacium fuisse damnatum, nec novit eam, aut se nosse dissimulat, in qua utique per numerosam sententiam Sacerdotum erroris hujus auctores constat fuisse damnatos, sicut in unaquaque hæresi a principio Christianæ Religionis, & factum fuisse, & fieri, manifesta rerum ratione monstratur. Decessoremque meum executorem fuisse veteris constituti, non novæ Constitutionis auctorem? Quod non solum Præsuli Apostolico facere licet, sed cuicumque Pontifici, ut quoslibet, & quemlibet locum secundum regulam hæreseos ipsius ante damnatæ, a catholica communione discernant. Acacius quippe non fuit novi, vel proprii inventor erroris, ut in eum nova scitta prodirent, sed alieno facinori sua communione se miscuit. Itaque necesse est, ut in illam recideres justa lance sententiam, quam cum suis successoribus per convenientiam synodalem susceperat auctor erroris. Sic emendandus est canon 1. cau. 24. qu. 1., qui sane ad hanc Gelasii sententiam pertinet; atque huc referendus merito erit canon 3. cau. 24. qu. 1., quem capite præcedenti adferbam falso tributum esse Felici III. Sane ille canon 3. omnino consonat cum memoratis Commonitorii verbis; & ideo forte Felici III. tributus est, vel quod non defuerint, qui Commonitorium illud Felici III. tribuerint, vel quod ibidem ageretur de sententia Felicis III. adversus Acacium.*

Amplius prosequitur Gelasius, & propositis Græcorum objectis respondet his verbis: *Nobis opponunt canones, dum nesciunt, quid loquantur. Contra quos hoc ipso venire se produnt, quod Primæ Sedi sana, rectaque suadenti parere fugiunt. Ipsi sunt canones, qui appellationes totius Ecclesiæ ad hujus Sedis examen voluerit deferri. Ab ipsa vero nusquam prorsus appellari debere sanxerunt, ac per hoc illam de tota Ecclesiâ judicare, ipsam ad nullius committere judicium, nec de ejus unquam præceperunt judicio*

julicari, sententiamque illius constituerunt non oportere dissolvi, cujus potius decreta sequenda mandarunt. Hæc retulit Gratianus in can. 16. cau. 9. qu. 3.

Can. 5.
dist. 22.

Ad eandem rem varia adducuntur exempla Episcoporum Sedis Apostolicæ auctoritate damnatorum, & quidem aliquando mandata Apostolica exequente ipso met Acacio, de quo potissimum disceptabatur. Quod vero urgere plurimum poterat Euphemium Acacii defensorem, illud erat, quod Episcopi ipsi plures Orientales, Coepiscopos suos viros optimos aliquando sine Synodo generali dejicere, ac damnare non dubitarent. Hinc concludit Gelasius post tot proposita exempla: *Qua traditione majorum Apostolicam Sedem in judicium vocant? An secundæ Sedis Antistites, & tertiæ, ceterique bene sibi conscii Sacerdotes depelli debuerunt, & qui Religionis extitit inimicus. (nimirum Acacius) depelli non debuit? Viderint ergo, si alios habent canones, quibus suas ineptias exequantur. Ceterum isti, qui sacri, qui Ecclesiastici, qui legitimi celebrantur, Sedem Apostolicam ad judicium vocare non possunt: Et Constantinopolitanæ Civitatis Episcopus, quæ utique per canones inter sedes nullum nomen accepit, in communionem recidens perfidorum, non debuit submoveri?* Habentur hæc in can. 5. dist. 22., in quo sane notatu dignum est, quod dicitur, Constantinopolitanam Civitatem inter sedes Ecclesiasticas nullum adhuc nomen tunc temporis obtinuisse, quod sane magis, magisque explicat, confirmatque, quod scribebam ad canonem 3. dist. 22., & ad canones Concilii Chalcedonenfis, potissimum can. 46. cau. 11. qu. 1.

Can. 36.
§. ult.
cau. 24.
qu. 3.

Postquam vero Gelasius de potestate Apostolicæ Sedis loquutus est, ita subsequitur: *Sed religiosi viri, atque perfecti (sic Græcos ironice nominat) secundum canones concessam Sedi Apostolicæ potestatem nimirum conantur eripere, & sibi met eam contra canones usurpare contendunt. O canonum magistros, atque custodes! Nobis nullum fas est inire certamen cum hominibus communionis alienæ, divina Scriptura prædicante, hominem hæreticum post primam, & secundam correptionem devota &c.* Gratianus in §. ult. canonis 36. cau. 24. qu. 3. pauca ex istis descripsit, sed depravata, quæ propterea ex iis, quæ hic oculis subjeci, emendare poterit unusquisque; quod enim Gelasius de Græcis illudendo scripserat, Gratianus ita retulit, ut Gelasio ipsi, & Romanis Pontificibus tribueretur.

De Epistola ad Episcopos per Siciliam, Brutios, & Lucaniam constitutos.

Collector antiquissimus Dionysius Exiguus, & Gelasio ipsi fere contemporaneus recensuit epistolam Gelasii, cui hæc inscriptio inest: *Dilectissimis Fratribus universis Episcopis per Lucaniam, & Brutios, & Siciliam constitutis Gelasius.* Hinc nullus unquam de ejus fide, atque auctoritate dubitavit. Distributa est eadem epistola in 28. capita, & quidem iis potissimum data, qui Romanæ sedis jure etiam metropolitico suberant; ut enim patet ex subscriptionibus Episcoporum in Conciliis Romanis quinti, & sexti sæculi Provincialibus, Episcopi Siciliæ, Brutiorum, & Lucaniæ habebantur tamquam Romani Antistitis suffraganei. Quod si de causa queratur, cur hujusmodi decretalis epistola scripta fuerit, eam facile percipimus ex epistolæ ipsius exordio, cujus fragmentum Gratianus retulit in can. 6. cau. 1. qu. 7.

Can. 6.
cau. 1.
qu. 7.

ita

ita ex integris exemplaribus supplendum: *Necessaria rerum dispensatione restringimur, & Apostolicæ Sedis moderamine convenimur, sic canonum paternorum decreta librare, & retro Præsulum, decessorumque nostrorum præcepta metiri, ut quæ præsentium necessitas temporum restaurandis Ecclesiis relaxanda deposcit, ahibitâ consideratione diligenti, quantum potest fieri, temperemus, quo nec in totum formam veterum videamur excedere regularum, & reparandis militiæ clericalis officiis, quæ per diversas Italiæ partes ita belli, famisque consumpsit incurso, ut in multis Ecclesiis, sicut fratris, & Coepiscopi nostri Johannis Ravennatis Ecclesiæ Sacerdotis frequentî relatione corperimus, usquequaque deficiente servitio ministrorum, (in aliis codicibus legitur ministeriorum) nisi remittendo paulisper Ecclesiasticis promotionibus antiquitus intervalla præfixa remaneant, sine quibus administrari nequeant, Sacris Ordinibus Ecclesiæ funditus destitutæ; atque in pluribus locis per inopiam compentis auxilii salutare subsidium redimendarum desit animarum, noxæ magno reatu, si tanto cordante periculo, non aliquatenus videamur innelli. Ex his sane liquet, illud fuisse Gelasii in hac epistola scribenda consilium, ut rebus Ecclesiasticis belli, famisque tempore plurimum conturbatis, alicubi etiam pene labentibus prospiceret, iisque restituendis in pristinum decus invigilaret. Quod sane tum in Italia decebat Pontificem Maximum, cujus exemplum, auctoritatemque ceteri Italiæ Episcopi facile sequerentur.*

Quæ post hæc initio tradit Gelasius de ministrorum Ecclesiasticorum electione, atque ordinatione, Gratianus triplici in capite comprehendit, ubi tamen eundem sequutus semper est ordinem verborum, ac sententiarum. Ii sunt canon 1. dist. 55., canon 8., & 9. dist. 77. Ipsa Gelasii verba, prout jacent in integris Epistolæ exemplaribus, hæc sunt: *Priscis igitur pro sui reverentia (habentur in d. can. 1. dist. 55.) manentibus constitutis, quæ ubi nulla vel rerum, vel temporum perurget angustia, regulariter convenit custodire, eatenus Ecclesiis, quæ vel cunctis sunt privatæ ministris, vel sufficientibus usque adeo dispoliatæ servitiis, ut plebibus ad se pertinentibus divina munera supplere non valeant, tam intuenti, quam promovendi Clericalis obsequii sic spatia dispensanda concedimus: Ut si quis etiam de religioso proposito, (reperuntur hæc in dicto can. 8. dist. 77.) & disciplinis monasterialibus eruditus ad clericale munus accedat, in primis ejus vitæ præteritis acta temporibus inquiretur, si nullo gravi facinore probatur infectus, si secundam non habuit fortassis uxorem, nec a marito reliquâ sortitus ostenditur: Si pœnitentiam publicam fortassis non gessit, nec ulla corporis parte vitiatus adparet, si servili, aut originariæ non est conditioni obnoxius, si curiæ jam probatur nexibus absolutus, si adsequutus est literas, sine quibus vix fortassis ostiarii possit implere ministerium: ut si his omnibus, quæ sunt prædicta, fulciatur, continuo leilor, vel notarius, aut certe defensor esset, post tres menses existat Acolytus, maxime si huic ætas etiam suffragatur; sexto mense Subdiaconi nomen accipiat: ac si modestæ conversationis, honestæque voluntatis existit, mono mense Diaconus, completoque anno sit Presbyter, cui tamen quod annorum interstitia fuerant collaturæ, sancti propositi sponte suscepta doceatur præstitisse devotio. Si vero de laicis (hæc leguntur in dicto can. 77. una cum præcedentibus a vers. Ut si omnibus; quæ sunt prædicta, ubi tamen Gratianus perperam de Monachi ad ordines Ecclesiasticos promovendi juribus aliqua interseruit) quispiam Ecclesiasticis est aggregandus officiis, tanto sollicitius in singulis, quæ superius comprehensa sunt, hujusmodi decet examinari personam, quantum inter mundanam, religiosamque vitam constat esse discriminis: quia utique convenientia Ecclesiæ ministeria reparanda sunt, non inconvenientibus meritis*

inge-

ingerenda: tantoque magis, quod sacris aptum possit esse servitiis, in eorum querendum est institutis, quantum de tempore, quo fuerant hæc assequenda, decerpitur: ut morum habere deceatur hoc probitas, quod proximior consuetudo non consulit, ne per occasionem supplicande penuria Clericalis, vitia potius divinis cultibus inutilis iudicemur, non legitima familie computemur procurasse compendia: quorum promotionibus super anni metas, sex menses nihilominus subrogamus, quoniam, sicut dictum est, distare convenit inter personam divino cultui deditam, & de laicorum conversatione venientem: quæ tamen eatenus indulgentia credidimus, ut illis Ecclesiis, quibus infestatione bellorum vel nulla penitus, vel exigua remanserunt, ministeria renoventur; quatenus his Deo proprio restitutis, in Ecclesiasticis gradibus subrogandis canonum paternorum vetus forma servetur; nec contra eos ulla ratione prævaleat, quod pro accidentis defectus remedium providetur, non adversus scita majorum nova lege proponitur, ceteris Ecclesiis ab hac occasione cessantibus, quas non simili clade vastatas, pristinam faciendis ordinationibus convenit tenere sententiam. His integram proposui Gelasii sententiam, ad quam memorati Gratiani canones exigentur. Sunt enim apud eum Colledorem nonnihil corrupti, atque ex eis, prout jacent, non satis Pontificis voluntas percipitur, quæ in eo tota consiltebat, ut generaliter præceptum Pauli Apostoli renovaretur de manibus cito non imponendis in ordinationibus sacris, deinde ut quidpiam ex factorum canonum rigida disciplina ex temporis illius, & aliquot locorum adjunctis dispensaretur, quin tamen abrogati generaliter canones ipsi censerentur.

Cam. 59.
dist. 50.

Hinc ne forte quispiam ex Episcopis ex illa dispensatione argumentum sumeret, ut in ordinandis Clericis nullum delectum haberet, statim monet Gelasius: Nec fas esse confidat quisque Pontificum bigamos, aut conjugia sortientes ab aliis de relictis, sive quoslibet penitentium, vel sine literis, vel corpore vitiatis, vel conditionarios, aut curiæ, publicarumque rerum nexibus implicatos, aut passim nulla temporis congruentis expellatione discussos divinis servitiis applicare mysteriis, neque pro suo libitu jura studeant aliena pervadere absque Sedis Apostolicæ iusta dispositione mandante. Hic est canon 59. dist. 50. apud Gratianum.

Cam. 6.
de conf.
dist. 1.
et con.
4. ibid.

In capite 4. Gelasianæ hujus epistolæ leguntur priora verba canonis 6. de conf. dist. 1. ibi: Basilicas noviter institutas, non petitis ex more præceptionibus, dedicare non audeamus, nec ambians Episcopi sibi vinctum vindicare Clericos potestatis alienæ. Quæ in eodem canone subsequuntur, inferius expendam, cum habeantur in cap. 9. ejusdem epistolæ. Huc potius referam, quæ habentur in cap. 25., referunturque apud Gratianum in can. 4. de consecr. dist. 1. ita legenda: De iocorum consecratione sanctorum, quamvis superius stricte fuerit comprehensum, nobis quoque patefactum est, quod absque præcepto Sedis Apostolicæ nonnulli sacras Ecclesias, vel oratoria sacrare præsumant: Hoc sumus tamen indicio destabiliore permoti, quod in quocumque nomine sanctorum, & (quantum dicitur) nec omnino fidelium, constructiones edificatas sacris processibus audacter instituere memorantur: quæ quoniam tam acerba, tam dura sunt, si revera Christianitatis asserui in illis regionibus certus, & fixus est, & districte illa querantur, & a quibus fuerint gesta, prodantur: Quoniam sicut latentibus in hac atrocitate nominibus non extat, in quem sententia debita proferatur, ita cum manifestis fuerit documentis expositus, quem (legunt alii, & melius quam) tanti sceleris poscit immanitas, non effugiet ullatenus ulionem. Isti canones cum similibus, quales sunt canon 5. & 7. de conf. dist. 1. nonnullorum torferunt Interpretum ingenia, non satis percipientium, qua ratione voluerit Gelasius, Ecclesias sine sua auctoritate sacrari

nullo

nullo modo posse, quando tamen veteres canones, & perpetua Ecclesiarum omnium disciplina hanc facultatem Episcopis singulis liberam asseruerit. Qui sacros canones juxta rectas interpretationis regulas explicarunt, asseruere in epistola Gelasii sermonem tantum esse de suburbicariis Ecclesiis, videlicet de Episcopis, qui Romano Antistiti subsunt etiam ut Metropolitæ. Ita scripsit Fleury in historia Ecclesiastica lib. 30. num. 34. Non repugnat hæc interpretatio generalibus sacrarum constitutionum, & quidem antiquissimis, regulis, quæ suadebant, non tantum consecrationes Ecclesiarum, sed etiam cetera gravia Diocesæ negotia non posse ab Episcopis sine Metropolitanæ consilio administrari. Consonat etiam propositum Gelasii, qui ad eos Episcopos scribebat, nimirum Lucanæ, Siciliæ, & Brutiorum, qui singulari etiam jure Romano Antistiti subdebantur. Verum & aliam non minus commodam affingi posse interpretationem agnosco. Non sum in præsentia sollicitus de canonibus 5. & 7. de cons. dist. 1., utpote qui ad hanc Gelasii epistolam minime pertinent. Agam de illis inferius. Tantum consisto in canonibus 4. & 6. principio, eadem dist. 1. de cons. Ibi video agi de Episcopis in aliena Diocesi institutas Basilicas dedicare volentibus. Nam, ut exordiar a canone 6., quid aliud sonant ea verba, *nec ambiant Episcopi sibi met vendicare Clericos aliene potestatis*? Quod eo etiam clarius intelligitur, si verba expendantur, quæ immediate præcedunt: *Neque pro suo libitu jura studeant aliena pervadere absque Sedis Apostolicæ iusta dispositione mandante. Basilicas noviter institutas &c.* In canone autem 4. Gelasius ipse sese refert ad ea, quæ jam superius definiverat, ibi: *Quamvis superius strictim fueris comprehensum.* At superius loquutus fuerat de Ecclesiis in aliena Diocesi constitutis, uti nuper demonstrabam. Igitur utrobique nihil aliud voluit Gelasius, quam in Ecclesiis dedicandis unumquemque Episcopum transilire non posse suæ Diocesæ fines, quemadmodum nec in Clericis vindicandis, nisi Pontificis Maximi auctoritas accesserit. Difficultatem forte ingerere videntur verba illa: *Non petitis de more præceptionibus*, quasi tunc mos fuisset Episcopis in consecrationibus Ecclesiarum præceptiones Pontificias expectare; aut mos fuisset Pontifici facultatem concedere Episcopis suffraganeis consecrandi Ecclesias in aliena Diocesi. Verum & id perspicuum fieri potest, quoties adjuncta Gelasiani temporis expendantur. Memorat in hac ipsa epistola Gelasius, plures tum fuisse bellorum calamitates, sive bellorum causa plura parta fuisse Ecclesiis incommoda. Hinc facile est agnoscere turbatos fuisse Dioceses Ecclesiasticarum fines; cum enim a Barbaris occuparentur Civitates, seu pars Diocesæ, quin tamen pagi, aut suburbana loca in eorum potestatem redigerentur, quid verosimilius effingi potest, quam propinquo Episcopos, petitis a Pontifice Maximo præceptionibus, eorundem locorum administrationem Ecclesiasticam interea suscepisse, atque ibidem, ut & Clericos suæ subdividissent potestati, ita & Ecclesiarum seu templorum dedicationes celebrasse? Quid plura? Ipsemet Gregorius Magnus ita interpretatus fuisse videtur hæc Gelasii Papæ decreta in can. 3. cau. 16. qu. 5. Non esset præterea contemnenda alia interpretatio, nimirum si quispiam diceret, singularia quædam ibidem constituisse. Gelasium ex adjunctis illius ætatis peculiaribus in exemplum minime trahenda, aut ad diuturnum tempus non extendenda. Erat tum, ut ipsemet Gelasius testatur principio epistolæ, Italia fame laborans ita, ut vix inveniretur, qua ratione Clericorum necessitatibus satisfaceret, imo nec invenirentur Clerici, qui Ecclesiis destitutis addici vellent. Quid mirum, si Gelasius extra ordinem novas dedicari Ecclesias interdi-

terdi-

- terdixerit non petitis primum Apostolicæ Sedis præceptionibus? Præterea in dedicationibus Ecclesiarum Episcopi quidam sua abuti gravissime fuerant. iurisdictione, dum templa ipsa quorumcumque sine defectu defunctorum nomine dedicabant, quando tamen plures ex eisdem defunctis aut Christianæ Religioni nunquam nomen dederant, aut ab ea recesserant, aut etiam in ea manentes, turpissima vita functi fuerant, ut perspicue indicant ipsa Gelasii verba superius descripta. Quid opportunius Gelasio videri poterat, quam ut Episcopis huiusmodi non alias dedicationes Ecclesiarum novarum celebrandas indulgeret, quam si primum ipse de causa cognovisset? Unum adhuc superest hac in re observandum, quod spectat adnotationem Correctorum Romanorum adjectam canonis 5. de conf. dist. 1. verbo, *antiquis canonibus*. Ajunt illi: *Socrates in Ecclesiastica Historia lib. 2. cap. 8. & 17. refert, tamquam antiquissimum canonem, sine Romani Episcopi auctoritate nullam Ecclesiam posse dedicari*. Venia ipsorum dixerim, non est hæc Socratis sententia. Refert Socrates memoratis in locis, Eusebium Arianum Episcopum medio quarto sæculo convocasse in Antiochenam Civitatem complures Episcopos ad novam Ecclesiam dedicandam, eoque prætextu Synodum celebrasse, qua nonnihil Nicænæ fidei derogaretur. Quibus enarratis scribit Socrates in cap. 8. *Sed neque Julius interfuit Romanæ Urbis Episcopus, nec quemquam eo misit, qui locum suum impleret, cum tamen Ecclesiastica regula vetet, ne absque consensu Romani Pontificis quidpiam in Ecclesia decernatur*. Item in dicto cap. 17. refertur, Julium Pontificem conquectum fuisse, de Eusebii ausu, adjecta hac ratione: *Cum Ecclesiastica regula interdictum sit, ne præter sententiam Romani Pontificis quidquam ab Ecclesiis decernatur*. Itaque Socrates non aliud ieltatur, quam Eusebii, & Julii Papæ temporibus nihil potuisse adversus Nicænæ Synodum, aut ad ejusdem Nicænæ Synodi explicationem sine Romani Pontificis auctoritate decerni, quod ideo constitutum fuerat, ne liceret Arianis quibusdam novis conceptis formulis Nicænæ Sanctiones eludere. At vero de Ecclesiis consecrandis ne verbum quidem legiunt apud Socratem, apud quem tantummodo habetur, dedicationem Ecclesiæ Eusebianæ Pseudosynodo occasionem præbuisse.
- Can. 99.** In capite 5. ejusdem epistolæ legitur eisdem fere verbis canon 99. cau. 1. qu. 1., quem si exigere ad optimos codices velis, pro illis Gratiani verbis: *Prorsus excipere moliantur, quæ &c.*, legas oportet: *Prorsus exigere moliantur, quo &c.*
- Can. 2. dist. 95.** Postquam Gelasius in præcedentibus capitibus de Episcopis egit, ad instituendos Presbyteros progreditur in cap. 6. his verbis: *Nec minus etiam Presbyteros ultra modum suum tendere prohibemus, &c.*, quæ habentur in can. 2. dist. 95. eisdem omnino verbis.
- Can. 6. vers. cum enim de conf. d. 1. & can. 23. cau. 1. qu. 7.** In cap. 7. ad Diaconos ordinate pergit Gelasius, quorum quale sit officium ostendit etiam in capitibus 8. & 9. Inter hæc leguntur verba canonis 6. de conf. dist. 1. vers. *cum enim usque in finem*; ubi dicitur, neminem a statutis regulis deflectere posse, sive quæ pro Episcopis, sive quæ pro Presbyteris, sive quæ pro Diaconis propositæ fuerunt. Hæc sane nescio qua ratione ibidem Gratianus affuerit capiti præcedenti de dedicandis Basilicis. Potius cum dicto vers. *cum enim* jungere juvabit canonem 23. cau. 1. qu. 7.; legitur enim in eodem Gelasianæ epistolæ capite, & quidem in ea parte, in qua generaliter decernitur, Sacrorum canonum disciplinam, quoad fieri potest, perpetuo esse custodiendam.
- Can. 18. de conf. dist. 4.** De canone 18. de conf. dist. 4. nihil est, quod specialiter animadvertatur. Habetur ille eisdem omnino verbis in cap. 10. epistolæ Gelasii; quemadmodum etiam

in capite sequenti, sive 11. legitur canon 7. dist. 75., in quo tamen observandum est, pro illis verbis Gratiani: *Sed & etiam Quadragesimalis initii, ac mediane hebdomadae, & Sabbati jejuniu &c.* ita legi in codice Dionysii Exigui, aliisque exemplaribus: *Sed etiam Quadragesimalis initii, ac mediana Quadragesimae die Sabbati jejuniu &c.* Can. 7. dist. 75.

Quemadmodum in precedenti capite de temporibus conferendi baptismatis constitutum est, ita in sequenti capite 12. tempora definita sunt, quibus virgines Deo devotæ velamen acciperent his verbis: *Devotis quoque Deo virginibus, nisi aut in Epiphaniarum die, aut in Albis Paschalibus, aut in Apostolorum Natalitiis sacrum minime velamen imponant, nisi forsitan, sicut de baptismo dicitur, gravi languore correptis, ne sine hoc munere de hoc seculo exeant, implorantibus non negetur.* Et in capite 13. *Viduas autem velare Pontificum nullus attentet, quod nec auctoritas divina delegat, nec canonum forma præstituit &c.* Habentur hæc in can. 11. cau. 20. qu. 1. Can. 11. cau. 20. qu. 1.

In capite 14. ejusdem epistolæ legitur eisdem verbis canon 12. dist. 54., cujus tamen postremus versiculus, qui incipit: *Nihil perire credimus*, apud Gelasium, aut omnes collectores minime invenitur, uti recte animadvertenter Romani Correctores. Forte autem ad marginem primum adjectus fuit, quasi breviata canonis sententia, a quopiam studioso, & deinde oscitantia librariorum in canonem ipsum translatus. Can. 12. dist. 54.

Verba capituli 15. ejusdem epistolæ hæc sunt: *Consequens fuit, ut illa quoque, quæ de Piceni partibus nuper ad nos missa relatio nunciavit, non prætercunda putaremus, idest plurimos Clericorum negotiationibus inhoneſtis, & lucris turpibus imminere, nullo pudore cernentes Evangelicam læſionem, qua ipse Dominus negotiatores e templo verberatos flagellis aſſerit expulſiſſe, nec Apoſtoli verba recolentes, quibus ait: nemo militans Deo implicat ſe negotiis ſecularibus: Psalmiſtam quoque David ſurda diſſimulantes aure cantantem: Quoniam non cognovi negotiationes, introibo in potentias Domini. Proinde, bujuſmodi aut ab indignis poſthac quæſtibus noverint abſtinendum, aut ab omni cujuſlibet negotiationis ingenio, vel cupiditate ceſſandum, aut in quocumque gradu ſint poſiti, mox a Clericalibus officiis abſtinere cogantur, quoniam domus Dei domus orationis & eſſe debet, & dici, ne officina negotiationis, & ſpelunca potius ſit latronum. Ita emendare juvabit canonem 2. diſt. 88., & canonem 1. cau. 14. qu. 4., quem Romani Correctores ideo non exegerunt ad fidem integrorum codicum, quod Gloſſographorum adnotationes fruſtrari noluerint.* Can. 2. diſt. 88. & Can. 1. cau. 14. qu. 4.

Canon 1. diſt. 36. reſertur quidem ad caput 16., & 17. ejusdem epistolæ, cujus tamen verba a Gratiano corrupta ita erunt reſtituenda: *Illiteratos quoque, & non nulla parte corporis imminutos ſine ullo reſpectu ad Eccleſiaſticum didicimus venire ſervitium. Quod ſimul antiqua traditio, & Apoſtolica Sedis vetus forma non recipit; quia nec literis carens ſacris eſſe poſeſt aptus officiis, & vicioſum nihil proſuſ. Deo offerri legalia præcepta ſanxerunt. Itaque de cetero modis omnibus hæc viciuntur, nec quiſquam talis ſuſcipiatur in Clerum. Siqui vero vel temeritate propria, vel incuria præſidentium tales ante ſuſcepti ſunt, in his, quibus conſtituti ſunt, locis eatenus perſeverent, ut nihil unquam promotionis accipiant: ſatiſque habeant, hoc ipſum ſibi pro nimia miſeratione permiſſum. De his autem, qui ſeipſos abſcindunt, paterni canones evidentiter ſequenda poſuerunt, quorum tenorem ſufficiat indiſſe. Dicunt enim, talia perpetrantes, mox ut agniti fuerint, a munere Clericali debere ſecludi. Quod modis omnibus cuſtodire nos convenit, quia ſas eſſe nulli ſuppeditat, quidquam præter illa,* Can. 1. diſt. 36. & Can. 12. cau. 1. qu. 7.

quæ memorabilis decrevit forma, censere. Nomine patrum canonum intelligendū sunt canones Concilii Nicæni, inter quos num. 1. sententia fertur in eos, qui semetipsos absciderint. Ad hunc eundem canonem referendus etiam est canon 12. cau. 1. qu. 7., cujus verba ad ea, quæ nuper descripsi, sunt exigenda.

Can. 5. dist. 33. Canon 5. dist. 33. legitur in cap. 19. ejusdem epistolæ ibi: *Usque adeo sane comperimus, illicita quæque prorumpere, ut demoniacis, (legit Gratianus demonibus, alii demone, aliisque), similibusque passionibus irretitis ministeria sacrosancta tractare. tribuatur. Quibus si hoc opere positis aliquid propria necessitatis occurrat, quis de sua fidelium (legunt alii: de sua, & fidelium: Gratianus, quis fidelium de sua) salute confidet, ubi ministros ipsos curationis humane tanta perspexerit calamitate vexari? Atque ideo necessario removendi sunt, ne quibuslibet, pro quibus Christus est mortuus, scandalum generetur infirmis. Postremo, si corpore sauciati fuerint, aut debilem nequaquam sancta contingere lex divina permittit, quanto magis doni celestis dispensatores esse non convenit, quod est deterius, mente percussos?*

Can. 14. cau. 27. qu. 1. Verba canonis 14. cau. 27. qu. 1. non solum apud Ivonem, sed etiam apud Burcardum referuntur nomine Gelasii Papæ. Gratianus retulit nomine Concilii Triburiensis; non quod revera habeantur Patres Triburienses ejusdem canonis germani auctores; sed quod in Triburiensi Concilio ex Gelasii epistolis hæc sententia deprompta fuerit. Id jam attigi in priore parte cap. 39. pag. 517. Addam hoc in loco ita legi in cap. 20. Gelasianæ epistolæ: *Virginibus autem sacris temere se quoddam sociare cognovimus, & post dicatum Deo propositum incesta fœdera, sacrilegaque miscere. Quos protinus æquum est a sacra communione detrudi; & nisi per publicam, probatamque penitentiam omnino non recipi, sed tamen viaticum de sæculo transcurrentibus, si tamen penituerint, non negetur. Melius igitur, quæ Triburiensi Concilio, hunc canonem Gelasio tribuimus, ubi viatici nomine intelligemus non sacram. Euchristiam, quemadmodum nostra ætate designari solet, sed Pœnitentiz Sacramentum, quemadmodum apud veteres Patres adpellari solebat.*

Can. 42. cau. 27. qu. 1. In capite 21. ejusdem epistolæ legimus canonem 42. cau. 27. qu. 1., quamquam posteriora Gratiani verba paullo aliter in integra epistola describantur, ibi: *ne sexus instabilis non tam deterreat, quam admoneri videatur. Quando vero Gelasius ait, se de viduis benedictione non velandis loquutum fuisse superius, id exigemus ad ea, quæ habentur in can. 11. cau. 20. qu. 1. junctis illis, quæ ad eundem canonem adjeci superius ex integra Gelasii ipsius epistola.*

Can. 6. cau. 1. qu. 1. Can. 6. cau. 1. qu. 1. eisdem omnino verbis legitur in fine capitis 24. epistolæ Gelasii.

Can. 27. cau. 12. qu. 2. In cap. penultimo epistolæ legimus eisdem omnino verbis canonem 27. cau. 12. qu. 2.; in quo sane illud observandum est, quadripartitam illam Ecclesiasticorum reddituum distributionem non adeo rigide esse intelligendam, ut ad proportionem quandam, ut vocant, geometricam, non ad arithmeticam rationem exigatur. Quis enim facile sibi persuadere possit, tantum Episcopo soli illis temporibus fuisse concessum, quantum universis Clericis numero quamplurimis in Ecclesia eadem, non minori aliquando sedulitate singulis ministrantibus? Nisi forte quispiam tales Episcopos tum effingere maluerit, quales pingebat auctor canonis 23. dist. 93. ibi: *Singulis quique per potentiam Episcopalis nominis, quam sibi ipsi illicite absque Ecclesia vindicarunt, totum, quod Levitarum est, in suos usus redeunt &c.* Quis præterea credet, tot tantaque fuisse annua in fabricis restaurandis impendia, quot necessaria-

erant

erant, & quanta ad alimoniam Clericorum? Id ut a quocumque tempore alienum esse videretur, ita minus congruit Gelasii ejusdem temporibus, quibus ipse testatur Ecclesias devastatas fuisse belli, famisque urgentis calamitatibus, conqueriturque vix agnosci redivus Ecclesiasticos, quibus Clerici sustentarentur.

Poitremum epistolæ caput, sive decretalis sanctio legitur integra in can. 47. cau. 2. qu. 7., post cujus verba nota consularis designat epistolam scriptam esse anno 494. ibi: *Data 5. Idus Martii Asterii, & Præsido Viris Clarissimis Consulibus.* Can. 47. cau. 2. 5^{ta} 7.

De Epistola ad Episcopos per Siciliam.

In Labbeana Collectione post expositam nuper epistolam alia subicitur perbrevis ad Episcopos Siciliæ, data sub Consulatu eorundem Asterii, & Præsidi Idibus Maii. Hanc integram reulit Gratianus in can. 2. cau. 16. qu. 3., & can. 1. cau. 13. qu. 2. His verbis integra concipitur: *Præsulum auctoritas nostrorum emanavit, ut facultates Ecclesiæ Episcopi ad regendum habeant potestatem, ita tamen, ut viduarum, pupillorum, atque pauperum, necnon Clericorum stipendia distribere debeant. Hoc eis etiam statuimus dari, quod hactenus decretum est. Reliquum sibi Episcopi vindicent, ut, sicut ante diximus, peregrinorum, atque captivorum largitores esse possint. Illud etiam adnecti placuit, ut si, quod abest, facultates Ecclesiæ, necnon & Dioceses, quæ ab aliquibus possidentur Episcopis, jure sibi vindicent, quod tricennalis lex conclusit, quia & filiorum nostrorum Principum ita emanavit auctoritas, ut ultra triginta annos nulli liceat pro eo adpellare, quod legum tempus exclusit. Data Idibus Maii &c.* Ego sane in suspensionem adducor falsitatis hujus monumenti, quod fragmenti potius, quam epistolæ nomine quisque donaret. Neque enim in primis a Dionysio Exiguo, apud quem præcedens epistola relata est, memoratur. Deinde quomodo verum esse potest, Gelasio, qui ad Siciliæ Episcopos scripserat 5. Idus Martii proximam epistolam ad disciplinam Ecclesiasticam pertinentem, Idibus Maii ejusdem anni novam epistolam scribendi porrectam fuisse occasionem, aut causam? Imo si primum posterioris hujus epistolæ caput velimus conferre cum capite penultimo epistolæ præcedentis, seu cum can. 27. cau. 12. qu. 2., invenimus statim Gelasium sibi metipso contradicentem, cum enim in epistola priorē dixisset, reditum Ecclesiasticorum quadruplicem fieri debere distributionem, ut una portio Episcopis cedat, altera Clericis, tertia pauperibus, & fabricis postrema; in posteriore mutata sententia decernit, omnia bona in manu Episcopi esse; singulaque ex ejus administratione pendere. Scio quidem, hanc disciplinæ diversitatem variis in locis, variisque temporibus obtinuisse, sed quomodo intra duorum mensium spatium mutata fuerit apud Gelasium, difficiliter intelligo. Quod si stylum hujus posterioris epistolæ perpendas, agnosces illum satis barbarum, & Gelasiano minime conformem, agnosces informem texturam, atque epistolaribus formulis destitutam. Quod demum de tricennali lege præscriptionum dicitur, facile redarguit mendacii epistolæ ejusdem auctorem: Traditur ibi tricennalem legem Imperatorum auctoritate omnem exclusisse appellationem. Id vero nonne aperteffime impingit in legem 4. cod. de præscript. 30., vel 40. annorum? Est hæc lex 4. Anastasii Imperatoris, lata Olibio Consule, cujus Consulatus antecessit tribus annis consulatum

Atterii, & Præsidii juxta Chronicon Cassiodori; ac propterea eadem lex 4. tribus annis ante epistolam hanc Gelasii lata dicenda esset. At vero in ipsa lege 4. cavetur, ut in rebus antea editis legibus minime comprehensis, locum habeat non tricennalis, sed quadragenaria præscriptio. In conspectu itaque novæ hujus Constitutionis falso dixisset Gelasius, rebus Ecclesiasticis accommodari ex Constitutione Imperiali præscriptionem triginta annorum, quando de rebus Ecclesiasticis præscribendis nihil olim cautum fuerat. Quamobrem jure arbitror concludendum, epistolam hanc apocrypham esse, nec satis tutum veteris Ecclesiasticæ disciplinæ argumentum.

Can. 3.
cau. 27.
qu. 1.

Tribuitur etiam Gelasio Papæ in epistola ad Siciliæ Episcopos canon 3. cau. 27. qu. 1., falso tamen, nam tribuendus est potius Symmacho Papæ in epistola ad Cæsarium. Revera in eadem cap. 5. ipsa memorati canonis verba integra leguntur. Gratianus deceptus est ab Ivone, qui in parte 7. cap. 64. hoc fragmentum nomine Gelasii ad Siculos laudavit; Ivo autem eadem ratione deceptus est ex Burcardo lib. 8. cap. 46. Errati hujus, cujuscumque tandem sit Collectoris, duplex esse potuit causa. Prima, quod Collector illum canonem desumeret ex codice, in quo una cum epistolis Symmachi recenserentur epistolæ Gelasii, quod facile evenire potuit, cum Symmachus post Anastasium Gelasio successerit; At Collectori potuit videri epistola Symmachi quasi epistola Gelasii. Altera causa esse potuerunt notæ marginales: Etenim studiosi canonum consueverunt ad margines adjicere non solum auctorum nomina, verum etiam illa monumenta indicare, in quibus similia quædam continerentur. Porro in memorato canone 3. ponit in codicibus duplex esse nota marginalis, una indicans Symmachum in epistola ad Cæsarium velut canonis auctorem, altera indicans Gelasium in epistola ad Siculos, tamquam eum, qui similia forme tradiderit, uti vidimus ad can. 14. & 42. cau. 27. qu. 1. At Amanuenses, qui de codice in codicem fragmentum transposuerunt, facile notas marginales confundebant; Hinc potuerunt aliquando pro Symmacho Gelasium auctorem canonis facere. Hujus confusionis perspicuum argumentum est apud Ivonem, qui postquam eundem canonem nomine Gelasii in epistola ad Siculos retulit in cap. 64. partis 7., deinde in cap. 144. illum ipsum adscripsit Gelasio Papæ in epistola ad Cæsarium. Non est, cur hoc loco aliqua subijciam de epistola Symmachi ad Cæsarium, etenim de illa inferius sermo erit instituendus in cap. 48.

De Epistola ad Episcopos Dardaniæ.

Fuit olim Dardania, quemadmodum etiam Dacia, & Illyricum, Primati Thesalonicensi subiecta, licet recentiore ætate assignatæ eadem Provinciæ fuerint Primatui Achridensi. Nihilotamen secius earum Ecclesiarum sollicitudinem singulari etiam jure sibi vindicarunt Episcopi Romani, ea potissimum ratione, quod illæ vulgo haberentur, tanquam primo institutæ a Paulo Apostolo, præsertim cum olim Illyricum occidentalibus Provinciis accenseretur, teste Socrate lib. 2. cap. 16. & Sozomeno lib. 3. cap. 9. Ante tempora Gelasii Papæ Sirmium erat Urbis principalis Illyrici, quemadmodum deducitur ex Synodo Aquilejensi anni 383., quam Urbem Urbium matrem vocavit Ammianus Marcellinus lib. 20. & 26., erat enim illa

illa Sedes Civilis Præfecturæ Illyricianæ, ac propterea juxta veterum morem majori prærogativa & in juribus Episcopalibus donabatur. At cum Attilæ ætate Illyricum armis quassatum esset, ac penitus devastatum, Apennius Præfectus prætorio sese in Thessalonicam Civitatem recepit, ibique Præfecturam exercens, in causa fuit, cur Episcopus quoque Thessalonicensis jura sibi Sirmienis Ecclesiæ adfereret, & tamquam Illyrici Primatem se haberi vellet. Id totum constat ex Novella 11. Justiniani Imperatoris. Gelasii vero tempore Episcopi Daciz, Dardaniz, alique in Illyrico consistentes turbatis Imperii regionibus facile sese ad Romanum Pontificem contulerunt neglecto Episcopo Thessalonicensi, vel quod ægre paterentur, se novo more subjici Thessalonicensi Episcopo, vel quod ad Thessalonicam pergere commode non possent, dum illa esset Imperatorum præsidio munita, e contrario Dardania, Dacia, & Illyricum Attilano exercitu detineretur. Hinc illud evenit, ut Romani Pontifices, atque inter eos Gelasius, singularem curam susciperent horum Episcoporum in Illyrico constitutorum: Quamobrem ad Bonifacium II., qui vivebat anno 530., scribebat Theodosius Echinienis Episcopus Thessalici Provinciz: *Nam constat venerandos Sedis vestre Pontifices, quamvis in toto mundo Sedes Apostolica Ecclesiarum sibi jure vindicet principatum, & solam Ecclesiasticis causis undique appellare necesse sit, specialiter tamen gubernationi sue Illyrici Ecclesiæ vindicasse.* Res, ut arbitror, ita constitit, quousque per Justinianum Imperatorem Illyricianæ Ecclesiæ subiectæ fuerunt novæ Urbis Justinianæ juxta Novellam ejusdem Imperatoris 11. Ceterum ante Justinianum singulari jure suberant Ecclesiæ Romanæ, atque eo lubentius illarum Civitatum Episcopi sese in Romani Pontificis singularem tutelam contulerunt, quo vehementius Thessalonicensis Episcopus in eos jurisdictionem suam extendere meditabatur, postquam Primatus Illyrici de Sirmio in Thessalonicam translatus fuisse videbatur.

Paulo disertius hæc sum prosequutus, ut demonstrarem, Gelasium Papam justas causas habere potuisse, quibus ad Dardaniz, Daciz, aut Illyrici Episcopos scriberet: Neque vero defunt epistolæ hujusmodi apud Collectores. Epistola numero 3. in Collectione Labbeana postremæ Venetæ editionis ad universos Episcopos Dardaniz directæ est, incipit autem, *Ubi primum respicere &c.* Severinus Binius in adnotationibus monet, aliam excidisse epistolam ad eosdem Episcopos scriptam. Alia est numero 11. scripta ad Episcopos *per Dardaniam, sive per Illyricum* constitutos, addunt alii & *Daciam*. Alia item numero 13. ad Dardanos etiam Episcopos missa. Hæc duæ posteriores epistolæ diverso quidem tempore datæ sunt, quæ enim est numero 11. data est ponis Augusti sub Consulatu Asterii, & Præsidii, sive anno 494. Incipit *audientes: Quæ* numero 13. est, data fertur Kalendis Februarii sequentis anni 495. sub Consulatu Valentis. Incipit *Valde mirati sumus.* Utraque tamen spectat Acacii causam. Gratianus de prioribus Gelasii epistolis ad Dardanos nullam mentionem fecit, tantum de duabus posterioribus 11. & 13.

Ex 11. epistola decerptus est canon 4. cau. 24. qu. 2., cujus verba omnino consonant cum vulgatis epistolæ codicibus, atque eo collineant, ut ostendatur, neminem ex Episcopis debere in communionem Ecclesiasticam recipere nomen Acacii, utpote qui in pace Ecclesiæ non obierat, sed damnatus velut hæreticus, imo etiam hæreticorum patronus.

In epistola 13. fusius persequitur Gelasius causam Acacii, de qua jam superius sermonem habui, ubi de Commonitorio ad Faustum. Et quidem initio ait, se mi-

Can. 4.
cau. 24.
qu. 2.

Can. 2.
cau. 24.
qu. 1.

rari

rari viros Catholicos adhuc dubitare, an Acacio communicandum esset; quia nondum speciali Concilio fuisset damnatus. Asserit hinc, quoties in Conciliis quædam generaliter jam sunt constituta, retractari amplius novis Conciliis non posse, & quamquam novæ hæreticorum hominum causæ emergant, has debere sine novo Concilio juxta veterum Conciliorum sanctiones ab Ecclesiasticis Pontificibus definiri; Quamobrem Concilium Chalcedonense jam satis de Eutychianorum hæresi egisse, & quando illam anathemate damnavit, non solum illius temporis, sed & posteriores hæreticos anathemate perculisse; propterea Acacium proprio factò, quod Eutychianis adhereret, sine nova discussione fuisse damnatum. Huc pertinent verba canonis 2. cau. 24. qu. 1. ibi: *Quæ majores nostri divina inspiratione cernentes, necesse præcaverunt, ut quæ contra (in aliquibus codicibus legitur, ut contra) unamquamque hæresim coacta semel Synodus pro fide, communione, & veritate Catholica, atque Apostolica promulgasset, non sinerent post hæc novis retractationibus mutari, ne pravis occasio præberetur, quæ medicinaliter fuerant statuta, pulsanti, sed auctore cujuslibet insanix, ac pariter errore damnato, sufficere judicarent, ut quisquis aliquando hujus erroris communicator existeret, principali sententia damnationis ejus esset obstrictus, quoniam manifeste quilibet vel professione sua, vel communione posset agnosci. Et ut priora taceamus, quæ diligentius inquisitor facile poterit vestigare, Sabellium damnavit Synodus, nec, ut Seditiores ejus postea damnarentur, necesse fuit singulas viritum Synodos celebrari, sed pro tenore constitutionis antiquæ cunctos, qui vel pravitate illius, vel communionis extitere participes, universalis Ecclesia duxit esse refusandos. Sic propter blasphemias Arii forma fidei, communionisque catholicæ Nicæno prolata conventu, Arianos omnes, vel quisquis in hæc pestem sive consensu, sive communione deciderit, sine retractatione conclusit. Sic Eunomium, Macedonium, Nestorium Synodus semel gesta condemnans, ulterius ad nova Concilia venire non sivit &c. Ita supplendus erit memoratus canon. Gratianus.*

Can. 1.
cau. 25.
qu. 1.

Poſt nonnulla ad eandem rem demonſtrandam allata ſubſequitur Gelafius, concludens: *Quibus convenienter, ut dictum eſt, ex paterne traditione perpenſis, conſiliis, quod nullus jam veraciter Chriſtianus ignoret, uniſcujuſque Synodi conſtitutum, quod univerſalis Eccleſia probavit aſſenſus, non aliquam magis exequi ſedem præ ceteris oportere, quam primam, quæ & unamquamque Synodum ſua auctoritate confirmat, & continuata moderatione cuſtodit, pro ſuo ſcilicet Principatu, quem B. Petrus Apoſtolus Domini voce percepit, Eccleſia nihilominus ſubſequenti, & tenuit ſemper, & retinet. Hæc referuntur apud Gratianum in can. 1. cau. 25. qu. 1., quæ propterea ad ipſam epistolam exacta, uti decet, ſtatim videntur Gratiani propoſito minime accommodari: Etenim Gratianus ex illis adnktur probare; neminem magis, quam Apoſtolicum, decreta ſanctorum canonum ſervare oportere: At vero verba Gelafii alio pertinent. Poſtquam ipſe adſeruit, Acacium jam ſententia Chalcedonenſis Concilii generaliter cum omnibus ejusdem hæreſeos confortibus fuiſſe damnatum, illud adſecit, eandem damnationem executioni demandandam fuiſſe ſententia Romani Epifcopi, ad quem potiſſimum pertinet ex ſuprema in Eccleſiam auctoritate generales Conciliorum ſanctiones emergentibus ſingulorum cauſis accommodare. Et quidem id opportunum erat demonſtrare adverſus Acacii Patronos, qui Felicis III. Papæ ſententiam ad Acacii damnationem prolatam improbant, adfirmantes non Papæ ſententia, ſed novo Concilio Acacii cauſam conſici debuiſſe.*

Non heic constitit Gelasius, sed demonstravit, quibus modis sese erga Acacium exhibuerint Pontifices Maximi, ut eum, antequam damnarent, ad unitatem Catholicam invitarent, iidemque demonstravit ad se pertinuisse de Acacio sententiam ferre, præsertim quod Orientales primarum sedium Episcopi Eutychianis favere viderentur. Inter cetera ita subdidit: *Non reticemus autem, quod cuncta per mundum novit Ecclesia, quoniam quorumlibet sententiis ligata Pontificum Sedes B. Petri Apostoli jus habeat resolvendi, utpote quod de omni Ecclesia fas habeat judicandi, neque cuiquam de ejus liceat judicare judicio, siquidem ad illam de qualibet mundi parte canones appellari voluerint, ab illa autem nemo sit appellare permixtus. Quapropter cum satis constet, Acacium nullum habuisse Pontificium, sententia Sedis Apostolicæ damnatum, sine ulla ejus notione solvendi, dicant certe qua Synodo hoc ille præsumserit, quod nec sic quidem absque Apostolica Sede fas haberet efficere? Cujus Sedis Episcopus? Cujus Metropolitanæ Civitatis Antistes? nonne Parviæ Heraclienfis Ecclesiæ? Si illi certe licuit sine Synodo sententiam Apostolicæ Sedis abrumpere, nulla ejus consultatione quaesita, itane vero non licuit Primæ Sedi Chalcedonenfis Synodi constituta, sicut decuit, exequenti, hujusmodi prævaricatorem sua auctoritate detrudere? Sed nec illa præterimus, quod Apostolica Sedes frequenter, ut auctum est, more majorum, etiam sine ulla Synodo præcedente, & absolventi, quod Synodus inique damnaverit, & damnandi nulla existente Synodo, quos oportuit, habuerit facultatem &c. His supplere juvabit canones 17. & 18. cau. 9. qu. 3., quæ fragmenta nescio qua de causa ita distinxerit Gratianus, cum in utroque eadem sententia contineatur; nisi forte quod Gratianus crediderit, eadem a Gelasio tradi diversitas in monumentis, idest & in epistola ad Episcopos per Dardaniam constitutos, quemadmodum habet in inscriptione canonis 18., & in Encyclicæ ad omnes Episcopos, quemadmodum habet in inscriptione capituli 17. Verum hac in re decipi facile potuit ex codicum diveritate, ex quibus fragmenta sua derivabat. Unum hoc loco adjiciam, nimirum postrema illa verba & hoc nimirum &c. in can. 17., non haberi in hac parte epistolæ Gelasii, sed descripta esse ex præcedentibus, ex iis videlicet, quæ superius exhibui ad canonem 1. cau. 25. qu. 1.*

Cum vero potissimum insisterent Græci Acacii Patroni, necessitatem allegantes convocandæ Synodi Acacii damnandi causa, Gelasius inter cetera opposuit, non potuisse Synodum convocari apud Græcos, in qua Concilii Chalcedonenfis decreta executioni commode demandarentur, quod Episcopi Orientales non satis adhererent Concilii Chalcedonenfis doctrinæ. Ait ille: Cum quibus ergo erat Synodus inventa? Catholici Pontifices fuerant undique jam depulsi, solique remanserant socii perfidorum, cum quibus jam nec licebat habere conveniunt, quia moris Ecclesiastici omnino non esset, cum his, qui pollutam communionem tenebant, permixtamque cum perfidis, ululatum miscere Concilium; (Hæc verba, quia moris &c. in aliquibus codicibus desiderantur) Propheta quoque dicente, non sedi in Concilio vanitatis, & cum iniqua gentibus non introibo: Odiosi congregationem malignorum, & cum impiis non sededo, (Rursus verba hæc, Odiosi &c. desiderantur in aliquot codicibus) Relle igitur per Chalcedonenfis Synodi formam hujusmodi prævaricatio repulsa est, potius quam ad Concilium, quod nec opus erat post primam Synodum, nec cum talibus habere (legunt alii haberi) licebat, adducta est &c. Sic supplendus erit canon 36. cau. 24. qu. 3. Quæ sequuntur in §. Canonum magistris jam superius integra exhibui, ubi de Com-

Can. 15.
dist. 96.

Acacii defensores aliam causam adferebant, ex qua a Romanis Antistitibus ille damnari non potuisset. Adferebant, post translata in urbem Constantinopolitanam Imperii sedem, & Imperialem dignitatem, Episcoporum ejusdem urbis nemini subjectum fuisse, sed veluti primum in Ecclesia habendum esse, cujus Antistitem nemo alius condemnaret. Ad hæc ait Gelasius: *Risum autem, quod prærogativam voluit Acacio comparari, quia Episcopus fuerit Regiæ Civitatis. Numquid apud Ravennam, apud Mediolanum, Sirmiam, apud Trevis multo temporibus non constitit Imperator? Numquidnam harum urbium Sacerdotes, ultra mensuram sibi met antiquitus deputatam, quidpiam suis dignitatibus usurparunt? Et post pauca leguntur ea, quæ Gratianus retulit in principio canonis 15. dist. 96. ibi: Sicut enim quamvis parva Civitas prærogativam præsentis regni non minuit, sic Imperialis præsentia mensuram dispensationis religioſæ non mutat. Quæ sequuntur in §. Semper est effectum, usque in finem, multo postea in epistola ipsa leguntur. Multa enim a Gelasio objecta fuerunt adversus Acacium, inter cetera quod Acacius nonnulla pertentasset in causis Episcopi Alexandrini, & Antiocheni. Excusabant factum Acaciani, agentes non Acacium, sed Principem potius præcepisse, quæ gesta fuerant. Urgebat Gelasius his verbis: Sed Principi christiano decuerat suggerere Sacerdotem, maxime cujus familiaritate, & favore fruebatur, salvam fore de ejusdem injuria contumeliæ vindictam tantum, ut Ecclesiæ sinceret christianus Princeps regulam custodiri, quia & nova in utroque Pontifice causa esset exorta; & novam discussionem consequenter inquireret, & sicut semper esset effectum, ac divine pariter leges, humanæque censerent, (hæc verba ac divine &c. in aliquot exemplaribus desiderantur) ut Sacerdotali Concilio de Sacerdotibus (legunt alii: de Sacerdotalibus) judicia provenirent; non a seculari viderentur qualescumque Pontifices, etsi errore humanitus accedente, non tamen religionem ullatenus excedentes, potestate percelli. An adhuc justa ratione Principi suggerenda non erant? Regiæ Civitatis honore sublimis, si factus erat illa Regia Civitate sublimior, tanto magis in his suggerendis debuit esse constantior &c.*

Can. 6.
dist. 64.

Refertur ex epistola Gelasii ad Episcopos Dardaniz canon 6. dist. 64. Verum in nulla ejusdem Pontificis ad Dardanos Episcopos scripta epistola legitur. Non ignoramus tamen, quibus ex fontibus hoc fragmentum Gratianus exhauserit. Accepit scilicet ex Anselmo Lucensi recentiore Collectore, qui in lib. 6. suæ Collectionis cap. 39. hæc ex epistola Gelasii ad Natalem Episcopum refert. Quia per ambitiones illicitas non pudet quosdam Ecclesiarum jura turbare, ac privilegia, quæ Metropolitanis, vel Provincialibus Episcopis decrevit antiquitas, temeraria præsumptione pervadere, propter quod etiam communionis Apostolicæ desiderant tenere discidium, quo scilicet ab ejus auctoritate divisi vel impune proprias usurpationes exercent, non respicientes, quod æterno iudicii rationem tam de Catholicæ sinceritatis injuria, quam de traditionum præjudicio paternarum non sine perpetuæ sint damnationis interitui reddiduri. Si in hac oblatione permanserint, Charitatem suam duximus instruendam, nos pariter ad Metropolitanos vestra Provinciæ, siue cuiusquam contigæ, quæ catholicam servam unitatem, magnopere delegasse, ut obeuntes Episcopos in eadem regione Metropolitanus suus debeat ordinare; eundemque ipsum Metropolitanum, si humana morte transierit, non nisi comprovinciales Episcopi juxta formam veterem studeant ordinare, quatenus quæ veneranda decrevit antiquitas, nullus sibi met contra fas usurpare contendat. Integra hæc verba describere volui, quod Gratianus in fine eadem paullisper immutaverit de more suo. Verum quam fidem præstabitur Anselmo Lucensi, qui primus,

primus, & solus ex Collectoribus ante Gratianum Gelasianum istud fragmentum edidit? Ipsemet Anselmus ex iis se esse profectus fuit, qui capita veterum Auctorum, non qualia in integris codicibus exhibentur, sed per compendium in aliam rationem digesta descriperunt, quamobrem Collectionem suam *compendiosam* appellavit. Deinde cum idem hoc caput assabre efformatum videatur, ut temporibus ejusdem Anselmi inserviret, quibus nimirum de ordinatione, & electione Episcoporum acerrimæ erant controversiæ, non potest non suboriri gravissima suspicio, cum in controversiis iisdem Anselmus ipse maximam partem habuerit, earumque de causa nonnulla perpeffus fuerit. Sane Gelasii temporibus nulla esse causa poterat, cur adeo alacriter in tuenda Metropolitanorum jurisdictione in ordinandis Episcopis Pontifex idem insisteret; præsertim in Oriente, ubi Episcopi majore fulgentes dignitate Acacianis favebant, resque erat plena periculi, vividius, ac constantius majorum Episcoporum jurisdictionem, licet canonibus consonam, vindicare. Adeft quidem apud Collectores germana epistola Gelasii ad Natalem, quam exhibet Labbeana Collectio recentioris Venetæ editionis tom. 5. pag. 206., sed Natalis ille, non Episcopus est, sed Monachus, & Abbas; deinde, etsi ibidem multa Gelasius scribat de sollicitudine Ecclesiarum & Episcoporum habenda, ut evitetur communio cum pravis hominibus, quales erant Acaciani, tamen nihil habetur, quod cum memorato Anselmi Lucensis fragmento commune videatur. Memorat quidem illic Gelasius, se similia jam scripsisse ad Episcopos Dardaniz. At quid aliud hinc deduci potest, quam nova conjectura, ex qua suspicemur, Anselmum Lucensem eam ad Felicem Abbatem epistolam aliter digessisse, ex errore scripsisse Felicem Episcopum, imo etiam adjecisse ad marginem, similia scripta fuisse ad Episcopos Dardaniz, unde Gratianus, aut quisquis auctor Gratiano fuerit, tribuerit idem caput Gelasio ad Dardanos rescribenti?

Epistolam quoque Gelasii ad Dardanos scriptam laudat inscriptio canonis 9. cau. 16. qu. 3., falso tamen; Nicolaus I. in epistola ad Episcopos Galliz eadem verba refert nomine Gelasii in epistola ad Orientales. Adeft inter epistolas Felicis III. Papæ quidam tractatus adversus Acacium, qui exhibetur in memorata Labbeana editione tom. 5. pag. 185., & principio suo carens ex defectu MSS. Codicum, ex quibus excerptus est. Priora, quæ ibidem describuntur verba, eadem sunt cum fragmento Gratiani ita concepta: *Post quingentos annos constituta Christi eos velle subvertere*, (de Acacianis, ut reor, loquitur) *cum triginta annorum lex hominum non possit abrumpi*. Sane facile fuit hæc Gelasio tribuere Felicis successori; cum enim adversus Acacium, & Acacianos plurima scripta fuerint a Felice æque, atque a Gelasio, epistolarum horum Pontificum facile confundi in codicibus potuerunt. Addi etiam potest, eam sententiam tribui quoquo modo Gelasio potuisse, quia similia quædam Gelasii nomine referuntur in epistola ejus ad Siculos, quemadmodum observabam ad canonem 2. cau. 16. qu. 3.

De Epistola ad Episcopos Orientis.

Inter Gelasianas in Collectionibus recentioribus habetur numero 15. epistola ad Episcopos Orientis, sed non integra ad nos usque pervenit, cum illius initium desideretur. In ea idipsum fere continetur, quod in aliis in causa Acacii scriptis pa-

iam sit, convenit cum illis stylus, & sententiarum singularum ratio, ut proinde omnium statim adpareat esse eundem auctorem. Nec mirum, si pluries eadem scripserit Gelasium conslet; etenim maxima ipse agebatur sollicitudine in causa Acacianorum, quam apud omnes fere Episcopos insequi tunc decebat; ne forte Acacii Patroni facile Episcoporum, præsertim Orientalium, animis illuderent. Unum est Gratiani fragmentum ex hac epistola, videlicet canon 12. dist. 96., cuius sententia ut perspicua reddatur, supponere oportet Gelasium apud Orientales Episcopos conquestum, quod, Acacio penes Imperatorem curante, Episcopi omnes Catholici, etiam Metropolitæ, qui Acacianæ hæresi minime adhærebant, a propriis sedibus expulsi fuissent innoxii, inauditi, indiscussi, nedum inconvicti, atque in locum viventium expulsores totidem hæretici Episcopi ordinati. Id patet ex ipsiusmet epistolæ verbis. Sed præterea Gelasius Episcopos Orientales objurgat, quod non statim Ecclesiasticæ utilitati consuluisse, ejedorumque fratrum causam non suscepissent, ibi: *Cur compassi non estis tantis Fratribus vestris? Cur non adistis Imperatorem? Cur non Ecclesiæ causam, & Sacerdotii miserabilem decolorationem continuatis vocibus deservistis? Allegantes nunquam de Pontificibus, nisi Ecclesiam judicasse &c.* Subsequuntur hic verba Gratiani.

Can. 46.

cau. 11.

q. 1. 3.

Ex epistola Gelasii ad Orientales refertur canon 46. cau. 11. qu. 3., verum in ea epistola, quam in præsentia expendebam, minime legitur. Imo quæ ibidem Gratianus addit de damnatione Dioscori extra rem omnino sunt, quum Dioscorus jam sententia Concilii Chalcedonenis damnatus fuisset; propterea melius legendum de damnatione Acacii, quemadmodum Ivo scripsit in cap. 8. partis 14. sui Decreti. Jamdiu Romani Corredtores observaverunt, sententiam hujus canonis legi in tomo Gelasii de anathematis vinculo, quem totum tanquam informem, & sine ullo ordine compositum, initio quidem abruptum, in reliquo variis, minimeque invicem connexis sententiis compaginatam jure optimo Scipio Massejus ait, nihil ferme aliud esse, quam centonem ex diversis fragmentis librorum vitio contextum. Sane ego, cum ibidem plurima agnoscam eo pertinentia, ut Acacius tum demum sit absolvendus, quum ab errore suo resipiscat, noverimque Acacium jam obiisse Gelasii temporibus, frustra propterea ea Gelasio tribuerem, quibus Acacius ad pœnitentiam invitetur. Siquis desiderat verba, quibuscum a Romanis Corredtoribus consonare dicitur Gratiani fragmentum, hæc sunt: *Cui erranti pœna præfigitur, quamdiu manet errans, eadem pœna constringitur, quia errans esse non potest sine pœna errati. Hæc eadem pœna perpetua est, nunquamque solvenda, quamdiu errans esse perseverit. Qui si errans esse destiterit, pœna, quæ erranti est præfixa perpetua, non erranti, idest alteri effello, quam cui præfixa est, non solum non potest esse perpetua, sed nec jam pœna &c.* Hæc porro etsi quidpiam commune habeant cum canone Gratiani, nondum tamen ipsum canonem exhibent, quem video potius pertinere ad Felicem III. Gelasii Prædecessorem. Felix III. in tractatu hodie edito non satis integro adversus Acacii sectatores inter cetera hæc scribit: *Si nullam meam putas esse sententiam (idest eam, qua Felix Acacium damnaverat) contemnatis illam: Quid sanctepere possitis absolvi? Si possitis absolvi, & esse alicujus utique momenti non dubitis, & justa damnationis esse confirmat, qua se teneri non declinat obstrillum. Itaque fateatur errorem, cui est illata sententia, deponat errorem, & vacua sententia est. Si injusta est, tanto eam curare non debet, quanto apud Deum, & Ecclesiam ejus neminem potest iniqua gravare sententia. Ita ergo ea se absolvi non desideret, qua sa-*
nulla-

nullatenus perspicit obligatum. Sunt hæc ipsamet Gratiani verba, quæ ego ad suum autographum exigenda curavi: neque enim negotium facessit, quod Gratianus non Felicis, sed Gelasii nomen inscripsit; nam ex his, quæ jam superius attigimus, constat, apud veteres rescripta tum Felicis III., tum Gelasii adversus Acacium, & Acacianos fuisse adeo permixta, atque confusa, ut eadem promiscue alterutri tribuerentur.

De Epistola ad Anastasium Imperatorem.

Elegantissima est, quæ profertur Gelasii epistola ad Anastasium Imperatorem, Cm. 10.
dist. 96. cujus scribendæ occasio hæc fuit. Celebrato jam Chalcedonenſi Concilio, atque in eo damnata hæresi Eutychianorum, Anastasius Augustus vulgo credebatur Eutychianis ipsis favere, spreta Generalis Concilii sententia, erant enim assidue adstantes Imperatoris lateri viri hæretici maxime subdoli, & ad decipiendum ita dixerim nati. Id Gelasius zgæ admodum sensit, plurimum extimescens, ne catholicæ fidei causa deterior fieret, hæreticis ipsis Anastasii patrocinium publice ostentantibus. Imo hæretici ut de Augusto benemererentur, ejusque animum a Pontifice Romano abtraherent, asserere non dubitaverant, Gelasium sollicitum apud Romanos esse, ut a Constantinopolitano Imperio recederent, minuerentque Imperatoris auctoritatem. En jacta inter Anastasium, Gelasiumque dolendi discidii semina, quæ in causa fuerunt, cur Imperator Legatis in Occidentales Provincias missis prohibuerit, ne Gelasium suo nomine salutarent, quandoquidem aliis mutua hæc salutationum officia in usu erant; Gelasius quoque Legatos in Orientalem Ecclesiam mittens epistolis eosdem non commendaverit Imperatori. Hinc Imperator, urgentibus Eutychianis, qui nullum non movebant lapidem, ut infensum Gelasio Anastasium redderent, gravissime de Gelasio conquestus est, quod cum ad Gelasii ejusdem notitiam pervenisset, statim Pontificis animum adeo commovit, ut celeri manu epistolam scriberet, qua inter cetera prudenti simul, eruditique sermone illum ab Eutychiana hæresi, atque ab Eutychianorum consortio, quoad fieri posset, averteret. Initio vero suum erga illum amorem proficitur, quem his verbis potissimum exprimit: *Gloriose Fili, te, sicut Romanus natus, Romanum Principem amo, colo, suscipio*. Dein sese ex officio obstrictum subdit, ut ipsum ab hæresi avertat, unaque exorat, *ne intimatam suis sensibus veritatem arbitretur injuriam*. Duo quippe (scribit Gelasius; quæ verba retulit Gratianus in can. 10. dist. 96.) sum, *Imperator Auguste*, quibus principaliter mundus hic regitur, *auctoritas sacra Pontificum, & Regalis potestas*. In quibus tanto gravius est pondus Sacerdotum, quanto etiam pro ipsis Regibus Domino in divino reddituri sunt examine rationem. *Noti etenim, Fili Clementissime*, quod licet (hæc omisit Gratianus) *præfideas humano generi dignitate, rerum tamen Præsulibus divinarum devotus colla submittis, atque ab eis causas tuæ salutis expetis, inque sumendis celestibus Sacramentis, eisque, ut competit, disponendis, subli te debere cognoscis religionis ordine potius, quam præesse*. *Noti itaque inter hæc* (rursum hic prosequitur Gratianus) *ex illorum te pendere judicio, non illos ad tuam velle redigi voluntatem*. Si enim, quantum ad ordinem pertinet publicæ disciplinæ, cognoscentes Imperium tibi superna dispositione collatum, legibus suis ipsi quoque parent Religionis Antistites, ne vel in rebus mundanis exclusæ videantur

tur obviare sententiæ, quæ, rogo, te decet affectu eis obedire, qui pro erogandis venerabilibus sunt attributi mysteriis? &c. Sic integram describere volui Gelasii sententiam, cui sicut quidam detraxit utilia Gratianus, ita nonnulla adjecit in vers. talibus, usque in finem ab historica veritate longe remota, quorum etiam ne verbum quidem apud Gelasium reperitur, imo si ea Gelasius scripssisset, eo vel magis Anastasii animum exasperasset, quod sane in ea epistola non sibi Gelasius proposuerat. Sane, quæ in eo versiculo describuntur, multo recentiores, & imperitum auctorem habere ex eo facile colligitur, quod tribuat falso librum Pastorem S. Ambrosio, quemadmodum suo loco demonstrandum erit. Quod si inspicimus fontem, ex quo hæc omnia Gratianus exhaustit, videlicet caput ultimum partis 5. Ivonis Carnotensis, plura agnoscemus ibidem congesta, Gelasianis temporibus posteriora: Nimirum ibi mentio fit & de Pipino Rege, & de Carolo Imperatore, & de Vigilio Papa, ac de Theodora Justiniani Imperatoris uxore. Melius forte hæc adferberentur Gregorio VII. Pontifici in Regesto, in quo eadem fere tradi videntur; sed de eo opportunior alibi erit occasio differendi. Interea adnotare sufficiet, quod asseritur de Arcadio, tamquam purum, putumque mendacium a viris eruditis judicari, ex quibus inter ceteros Natalis Alexander in histor. Eccles. cap. 2. art. 1., tradens, epistolam Innocentii ad Arcadium, & Arcadii ad Innocentium, quibus qui factum illud probant, innituntur, confictas fuisse a Georgio quodam solitario, idque evidentissimo argumento demonstrat. Quod de Sancto Ambrosio subditur apud Gratianum, suo etiam in loco discutietur.

De Epistola ad Anastasium Episcopum.

Con. 2.
dist. 87.

Exhibetur apud Gratianum, non vero apud Collectores Gratiano antiquiores, rescriptum Gelasii ad Anastasium Episcopum in inscriptione canonis 2. dist. 87., in quo Pontifex Anastasio commendat Clericos Maximum, & Januarium pupillos, parentum, aut propinquorum auxilio destinatos. Non est cur diutius immorem in investiganda hujus rescripti fide, atque auctoritate. Stylus a Gelasiano non dissonat, imo & sententia rescripti generalibus Gelasii sententiis conformis est. Quid enim aliud dicitur in dicto canone 2., quam Pontifices pupillorum præsertim tuitionem gerere debere? At vero similia leguntur in epistola Gelasii ad Episcopos Siciliæ ibi: *Facultates Ecclesiæ Episcopi ad regendum habeant potestatem, ita tamen, ut viduarum, pupillorum, atque pauperum, necnon Clericorum stipendia distribuere debeant.* Eadem disciplina recepta est, ac probata in Concilio Aurelianensi l. anni 511. can. 18., seu can. 1. dist. 82., & Gregorio Magno passim in suis epistolis. Quamquam vero hæc probent, istam Gelasio convenire sententiam, nondum tamen satis agnitum videtur, quis Anastasius ille Episcopus fuerit, ad quem Gelasius scribebat, & cui Maximum, ac Januarium commendabat. Arbitror ego, lumen adferri posse huic canonis ex illis, quæ tradidit Baluzius in tomo 5. Miscellaneorum pag. 459., ubi refertur quoddam Gelasii decretum ita inscriptum: *Dulcio defensori: Eitque hujusmodi: Ecce, sicut magnitudinis vestræ desiderium postulavit, sine mora aliqua, & sine ullo dispendio, ita ut nec ipsas dare Ecclesiasticis officiis consuetudines sineremus, Anastasium Diaconem Lucerinæ Civitatis ordinavimus Sacerdotem.* Propterea nunc magnificentia vestra ejusdem Episcopi, vel Ecclesiæ Lucerinæ utilitatibus in uni-

universis, quæ sunt necessaria, libenter impendat, & competentia vigilantia suæ tribuat Christiana devotione solatia. Ex his facile erit conjicere, in canone 2. memorato contineri rescriptum ad Anastasium Lucerinæ Ecclesiæ, in Beneventana Neapolitanorum Provincia Episcopum, & quidem tunc Romano Antistiti etiam tamquam Metropolitæ subjectum; eidem insuper Lucerino Antistiti commendatos fuisse pupillos Maximum, & Januarium, quæ conjectura ex eo vel maxime adjuvatur, quod in Baluziano fragmento legamus, illud potissimum a Romano Pontifice mandatum fuisse Defensori, ut Anastasio Ecclesiasticis usibus necessaria solatia competenti vigilantia suppeditarentur.

Ex Epistola ad Bonifacium Episcopum.

Nomine Gelasii Papæ ad Bonifacium Episcopum scribentis laudatur canon 32. cau. 17. qu. 4., cujus tamen verba duobus in locis ab Ivone Carnotensi descripta Can. 32.
can. 17.
§ 4. diversis auctoribus tribuuntur. In parte 3. cap. 115. exhibetur quasi rescriptum Gelasii; at in parte 16. cap. 68. quasi rescriptum Gregorii, utrobique ad Bonifacium Episcopum. Sane in codicibus Ivonis primum irrepsit mendum; etenim in dicto cap. 115. partis 3. Gregorii potius, quam Gelasii nomen edendum erat, atque editum ab Ivone supponitur, quemadmodum deducitur ex inscriptione capituli sequentis 116. ibi: *Idem Petro Subdiacono Campaniæ.* Quis vero eo nomine denotatur, quam auctor capituli præcedentis? Cum igitur capituli 116. auctor Gregorius sit, etiam capituli 115. auctor Gregorius esse debuit. Itaque si in codice Gratiani agnoscendum erratum est ex corruptis Ivonis codicibus profectum, ad Ivonis codicem confugere juvabit; atque Gregorio tribuendum foret fragmentum illud, utpote duobus in locis Gregorio ab Ivone tributum, si Ivonis auctoritas plurimum valeret ad fidem monumentis Ecclesiasticis præstandam. At vero inter epistolas Gregorii rescriptum illud minime legimus, nec antiquior Ivone Collector mentionem ullibi rescripti ejusdem fecit. Ceterum quicumque auctor canonis esse dicatur, verosimile est, illum circa tempora Gelasii editum fuisse, ac propterea ante tempora Gregorii Magni; siquidem disciplina, quæ ex hoc rescripto inventa supponitur, in usu esse cœpit tempore Concilii Aurelianensis I. anni 511., in quo canone 5. legitur, quid de servis agendum sit, quoties ad Ecclesiam pro qualibet culpa confugerint, quemadmodum exhibetur in can. 36. vers. *servus* cau. 17. qu. 4. Hanc ad rem non erit incongruum animadvertere originem, & incrementum hujus disciplinæ. Mos olim vigeat apud servos, ut quoties indignationem Domini metuerent, confugerent ad Ecclesias, ex intercessione Episcoporum sperantes futurum, ut Domini ad pietatem, ac clementiam concitarentur. Verum cum pluries contingeret, fieri id vel ex injusta confugientium protervia, vel ex Clericorum immoderata custodia, qui debitores in Ecclesiis latitantes in præjudicium creditorum clanculum fovebant, Arcadius Imperator constituit, servos omnes, ancillasque, item debitores in fraudem creditorum ad Ecclesias confugientes exhibendos esse statim, ac postulanti tradendos l. 3. cod. Theodof. de his, qui ad Ecclesiæ confug. Facit ad hanc ipsam rem Sozomenus lib. 8. histor. cap. 7., & Sozocrates lib. 6. cap. 5. Non vixit diu constitutio Arcadii, nam Theodosius junior, aliquæ Imperatores decreverunt, prodesse posse servis ad Ecclesias confugientibus Cleri-

Clericorum intercessionem. Tum vero Episcopi illud curare canonibus cœperunt, ut & confugientibus auxilia non denegarent, & alias abusus illinc gliscentibus obviam irent, nec passim, & sine discrimine, Dominorum juribus detraherent. Constituerunt eam ob causam, ut Domini servos ab Ecclesiâ extrahi postulantes jurarent, se capitalem pœnam de servis suis non esse sumturos, quo jurejurando, veluti cautione quadam, præstito a Clericis servos suos reciperent. Hujusmodi est canon Concilii Aurelianensis nuper commemoratus ad annum 511., quem expendent Epaoenses Patres in Concilio anni 517. in can. 39. voluerunt, ut, si quando servi ad Ecclesiâ confugissent, Dominis jurantibus restituerentur, ita tamen, ut liceret Dominis servos eosdem cuicumque operi addicere, aut capillis denudare, quasi in opprobrium, ac pœnam fugæ. His addi potest lex 6. cod. de his qui ad Ecclesiâ confugiant, quæ omnia si apprimè considerentur, facile aut Concilii Aurelianensis, aut etiam Gelasii, quicumque tandem ille esse videatur.

De Epistola ad Clerum Brundusii, & Tarentinum.

Can. 26.
can. 12.
qu. 2. c.
Can. 17.
de conf.
dist. 4.

Ex Collectione Anselmi Lucensis lib. 6. cap. 46. Gratianus laudavit duos canones nomine Gelasii, videlicet canonem 26. cau. 12. qu. 2. & can. 17. de conf. dist. 4., priorem ex epistola ad Clerum, & ordinem, & plebem Brundusii, posterioriorem ex epistola ad Clerum, & plebem Tarentinam. Uterque canon uno contextu apud Anselmum legitur, & quasi ex eadem Gelasii epistola his verbis: *Gelasii Clero, Ordini, & plebi Brendesii: Concesso vobis, quem petistis, Antistite.* (consonant hæc cum dicto canone 26.) *Fratre jam, & Coepiscopo meo Juliano, necessarium fuit, eodem ad Ecclesiâ suam mox remisso, ad vos nostra scripta pariter destinare, quibus agnosceretis, eidem fuisse præceptum, ne unquam ordinationes præsumat illicitas. Ne bigamum, & qui virginem non est sortitus uxorem, atque illiteratum, vel obnoxium, in aliqua parte corporis debilem, notatumque modis omnibus ad Sacros Ordines permittat accedere. Quod etiam de peregrinis, atque incognitis, vel expientibus cavere debet, quia hujusmodi a venerabilibus prohibentur officiis, ac nihil ex ministris, atque ornatu, postremo de quacumque re, quam constat ad Ecclesiâ pertinere, audeat in alterum qualibet ratione transferre. Reditus, & oblationes fidelium in quatuor partes dividat, quarum sibi unam ipse retineat, alteram Clericis pro officiorum suorum sedulitate distribuat, fabricis tertiam, quarum rationem divino est redditurus examini. Sacris quoque Ordinibus applicando hac observatione promoveat, ut jejuniis quarti, septimi, & decimi mensis vespere Sabbati Presbyteros, atque Diaconos ordinandos esse cognoscat. Venerabilis etiam (consonant hæc cum dicto can. 17.) baptismi Sacramentum, nisi in festivitate Paschali, & Pentecostes, tradere non præsumat, exceptis ægritudine laborantibus. Ita Anselmus Lucensis: An vero hæc rectè tribuantur Gelasio, ipse dubitaverim, ac potius dixerim, referenda esse ad auctorem libri Diurni Romanorum Pontificum, apud quem eadem fere leguntur, ibi: *Papa ille, Clero, Ordini, & plebi consentientibus Civitate illa: Dilectissimis Filiis in Domino salutem. Probabilibus desideris nihil attulimus tarditatis. Fratrem jam Coepiscopum nostrum illum vobis ordina-**

dinavimus Sacerdotem, cui dedimus in mandatis, ne unquam ordinationes præsumat illicitas, ne bigamum, aut qui virginem non est sortitus uxorem, neque illiteratum, vel in qualibet corporis parte vitiatum, aut expñitentem, vel curiæ, aut cuilibet conditioni obnoxium, notatque ad Sacros Ordines permittat accedere. Sed si quos hujusmodi sorte reperit, non audeat promovere. Afros passim ad Ecclesiasticos ordines prætendentes nulla ratione suscipiat, quia aliqui eorum Manichæi, aliqui rebaptizati sæpius sunt probati. Ministeria, atque ornatum Ecclesiæ, vel quidquid illud est in patrimonio ejusdem non minuire studeat, sed augere. De redditu vero Ecclesiæ, vel oblatione fidelium quatuor faciat portiones, quarum unam sibi ipsi retineat, alteram Clericis pro officiorum suorum sedulitate distribuatur, tertiam pauperibus, & peregrinis, quartam Ecclesiasticis fabricis noverit reservandam, de quibus divino erit redditurus judicio rationem. Ordinationes vero Presbyterorum, seu Diaconorum, nonnisi quarti, septimi, & decimi mensium jejuniis, sed & ingressu quadragesimalis, atque medio vespere Sabbati noverit celebrandas. Sacrosancti autem baptismi Sacramentum nonnisi in Paschali festivitate, & Pentecoste meminere esse præbendum, exceptis his, qui mortis urgentur periculo, ne in æternum pereant, talibus oportet remediis subveniri. Huic ergo Sedis nostre præcepta servanti devotis animis obsequi vos oportet, ut irreprehensibile, placidumque fiat corpus Ecclesiæ per Christum Dominum nostrum, qui vivit, & regnat cum Deo Patre omnipotente, & Spiritu S. per omnia sæcula sæculorum. Amen. Deus vos incolumes custodiat dilectissimi Filii. Ex his plane deducitur, hanc esse jamdiu constitutam generalem formulam, qua sese explicare solebant Pontifices Maximi, dum Episcopos postulanti- bus populis conferabant, atque in plebes mittebant. Ex his præterea liquet, nihil aliud, quam ipsam hanc formulam in memoratos Gratiani canones esse relata- tam. Quod si Anselmus Lucensis Gelasii nomen adjecit scribentis ad Clerum, ordi- nem, & populum Brendesii, seu Brundusii, ex quo Gratianus erravit, id tri- buendum est Anselmo ipsi, qui eandem formulam nominibus specialiter accom- modare voluerit arbitrio suo dispositis, vel qui crediderit, eam formulam ex de- cretis potissimum Gelasii Papæ fuisse primum elucubratam. Rêvera bigamos, il- literatos, corpore vitiatos, pœnitentiæ semel addictos, curiæ, aliique conditioni obnoxios ordinibus sacris non esse initiandos ipse Gelasius decrevit in can. 59. dist. 50., redditus Ecclesiæ in quatuor partes distribuendum, in can. 18. de conf. dist. 4., ordinandos Clericos quarti, septimi, & decimi mensis, item quadragesimalis je- junii tempore, in can. ult. dist. 75., demum baptismum tantum in Paschatis, & Pen- tecoste solemnitatibus regulariter esse administrandum, in can. 18. de conf. dist. 4. Quid mirum igitur esse cuiquam poterit, si ea formula ex Gelasii constitutionibus maxima in parte composita Gelasio tributa fuerit apud aliquos Collectores? Præte- rea & ipsum Brendesii, sive Brundusii nomen ex errore adjici potuit; cum enim memorata Gelasii decreta decerpta sint ex epistola Gelasii ad Episcopos Brutios, facile evenire potuit, ut Collector pro voce Brutii legerit Brundusii, vel Brendesii. Possent etiam iidem canones æque adscribi Gregorio II. Est enim quoddam ejus- dem Pontificis Capitulare datum Martiniano Episcopo, Georgio Presbytero, & Dorotheo Diacono in remotas Provincias proficiscentibus, ubi inter cetera cap. 5. hæc leguntur; quæ sane eadem propemodum sunt cum memoratis Gratiani frag- mentis. *Ut ordinatis Episcopis unicuique illorum hoc detis ex figura nostre ordinatio- nis in mandatis, ne unquam ordinationes præsumat illicitas; & paullo infra: De reditu vero Ecclesiæ, vel oblationibus fidelium quatuor faciat portiones, quarum unam sibi reti-*

retineat, alteram Clericis pro suorum officiorum sedulitate distribuat, tertiam pauperibus, & peregrinis, quartam Ecclesiasticis fabricis noverit reservandam, de quibus divina erit redditurus judicio rationem. Item paullo inferius: Sacrosancti autem baptismi Sacramentum, nonnisi in Paschali festivitate, & Pentecoste noverit esse præbendum, exceptis iis, quibus mortis urgente periculo, ne in æternum pereant, talibus oportet remediis subvenire. Quod vero Gregorius II. scripsit, plurimi etiam alii Pontifices forte scripserunt, si hæc, ut aiebam, tamquam formula generalis in libro Diurno continebatur.

De Epistola ad Cœlestinum Episcopum.

can. 3.
dist. 24.

Lucas Holstenius edidit aliquot fragmenta epistolarum Gelasii ex Collectione. Deusdedit Cardinalis. Inter hæc legimus: *Gelasius Cœlestino Episcopo inter cetera. In Ecclesia B. Martyris Eleutherii, quæ in Histoniensium Civitatis Parochia probatur esse constructa, Julianum Diaconum, si nil in eo est, quod contra canonum veniat instituta, Presbyteri honore decorabis, sciturus cum Visitatoris te nomine, non Cardinalis creasse Pontificis.* Consonat istud fragmentum cum Gratiano canone 3. dist. 24., ubi tamen Gratianus ipse plura describit. Ego non dubito, quin revera hoc rescriptum sit Gelasio tribuendum. Licet enim in Collectionibus epistolarum Gelasii desideretur, parum refert: nimirum Collectores contenti fuerunt referre epistolas decretales generaliter in Ecclesiarum utilitatem editas; de peculiaribus, & privatas causas spectantibus rescriptis parum, aut nihil solliciti fuerunt. Vix de nonnullorum Pontificum gestis hanc curam quispiam exhibuit, ut omnia colligeret obeximiam, quam in auctorem profitebatur, reverentiam, ut contigit in epistolis Gregorii Magni, quæ in plures libros, quasi in singularem eodicem, ac collectionem, per ordinem temporum distributæ fuerunt. Ceterum in Gelasianis, aliorumque Pontificum rescriptis non ita res sese habuit, sed nonnulla ipsorum aut integra, aut in parte perierant, aut hinc illinc per fragmenta, centonesque derivare vix possumus. Sane in memorato canone 3. nihil est, quod Gelasio convenire non possit. Congruit stylus optime cum ceteris Gelasii opusculis comparandus: convenit etiam integra rescripti sententia. Vacaverat Stromensis Ecclesia, seu, ut alii legunt, Storienfis; & antequam novus ordinaretur Episcopus, obierat Presbyter addictus Ecclesie S. Eleutherii Martyris in Diocesi Stromensi constitutus. Hæc S. Eleutherii Ecclesia, utpote non insuetu concursu populi frequentata, non poterat diutius destituta Presbytero manere, nec æquum erat, ut expectaretur Stromensis Episcopi consecratio. Gelasius mandavit Cœlestino Episcopo, forte illi Ecclesie proximo, ut ipse Presbyterum ordinaret, ad eum gradum promovendo Diaconum ejusdem Ecclesie Julianum, & vice Juliani Felicissimum quemdam substitueret, dummodo nihil contra canonum disciplinam admitteretur, subiciens id esse a Cœlestino peragendum, quasi a Visitatore, non quasi ab Episcopo Cardinali. Hæc omnia si consideres, ea invenies Gelasii temporibus consentanea. Siquidem apud veteres in usu erat, ut Ecclesiis vacantibus darentur Visitatores, qui velut Episcopi ea negotia gererent, quæ gerenda necessario essent, & differri nullatenus possent. Ii apud Afros *Interventores*, aut *Intercessores* vocabantur Concilio Carthaginensi vulgo 5. can. 8., seu in codice canonum Ecclesie Africane can. 74. In aliis autem Provinciis Occidentali-
libus

libus vocabantur *Visitatores*. Et quidem jam a temporibus Gelasii *Visitatorum* disciplina invaluerat; nam illorum mentionem, quasi jam antea constitutorum, facit Symmachus Gelasii successor in epist. ad Cæsarium Arelatensem cap. 5. Non memoro Gregorium Magnum, qui in suis epistolis *Visitatores* passim vacantibus Ecclesiis adsignat lib. 1. epist. 51. 55., & 76.; lib. 2. epist. 19. & 20.; lib. 4. epist. 13., ut ceteras omittam. Non memoro etiam Concilium apud Carisiacum anni 877., ubi generaliter præcipitur, ut *Visitatores* Ecclesiis vacantibus dentur can. 8., ex his enim liquido demonstrari posset, *Visitatorum* constituendorum disciplinam a quinto Ecclesie sæculo usque ad nonum viguisse, qua fieret, ut Ecclesiarum vacantium necessitatibus per alios Episcopos, Romani ut plurimum Antistitis auctoritate, consuleretur. Hinc distinguebatur Episcopus *Visitor* ab Episcopo *Cardinali*; Cardinalem enim Episcopum appellabant eum, qui certæ Ecclesie adscribebatur in vim suæ ordinationis, quemadmodum etiam Presbyterum, aut Diaconum Cardinalem Gregorius Magnus aliquando nominavit. Itaque Gelasius jure optimo Cœlestino commisit, ut ordinationes Clericorum in certa Ecclesia celebraret, ita tamen ut id perageret jure *Visitoris*, non vero jure Episcopi Cardinalis, sive, ut hodie loquerentur Pragmatici, jure ordinario.

De Epistola ad Cresconium, & Johannem Messaliæ Episcopos.

Canon 19. cau. 25. qu. 2., quem Gratianus, aut quicumque Gratiano auctor extitit, Gelasio tribuit in epist. ad Cresconium, & Johannem Messaliæ Episcopos his verbis: *Decessorum statuta, sicut legitima, & justa successorem custodire convenit, ita debet etiam male facta corrigere*, perperam eidem Pontifici adscriptus est, aut saltem a Collectoribus in aliam prorsus sententiam, & a Gelasiana diversam detortus. Revera cum hodie integram hujusmodi epistolam non habeamus, operæ prærium erit animadvertere, utrum illud fragmentum consonet, an potius adversetur ceteris Gelasii monumentis. Ego sane agnosco potius adversari; nam siquis unquam Decessorum suorum memoriam veneratus est, veterumque Patrum prudentiam custodire semper studuit, atque imitari, is fuit Gelasius. Hujus rei argumentum perspicuum suppeditat una Gelasii epistola ad Honorium Episcopum, quem Pontifex monet, ne Pelagianorum hæresim latius vagari sinat. Inter cetera ibidem hæc leguntur: *Numquidnam licet nobis a venerandis Patribus damnata dissolvere, & ab illis excisa nefaria dogmata retrahere? Quid est ergo, quod magnopere præcavimus, ne cujuslibet hæresis semel dejecta pernicies ad examen denuo venire contendat? Si quæ antiquitas a nostris majoribus cognita, discussa, refutata sunt, restitueranda nitamur; nonne ipsi nos, quod absit, & quod nunquam catholica patietur Ecclesia, adversarii veritatis universis contra nos resurgendi proponimus exemplum? Ubi est, quod scriptum est: Terminos Patrum tuorum non transgredieris? & interroga Patres tuos, & annuntiabunt tibi, & seniores tuos, & dicent tibi? Quid ergo tendimus ultra definita majorum, aut cur nobis non sufficit? ... Namquid aut sapientiores illis sumus, aut poterimus firma stabilitate constare, si ea, quæ ab illis constituta sunt, subruamus? &c.* Constat itaque Gelasii eam fuisse sententiam, ut nusquam voluerit, statuta.

Tom. II.

F f f

majore

Can. 19.
cau. 25.
qu. 2.

majorum in novam discussionem venire, quod sane convenire non potest cum sententia canonis 19. cau. 25. qu. 2., in quo cum custodienda proponantur Decessorum statuta legiima, ac iusta, corrigenda vero malefacta, remanet amplius arbitrariæ discussioni locus, quæ iusta a male factis discriminari quis possit. Auctor illius canonis, ut arbitror, quum illum Gelasio tribuit, forte abusus est verbis ejusdem Papæ, quæ habentur in cap. 1. epistolæ ad Episcopos Lueaniz, sive in can. 6. cau. 1. qu. 7., in quo decretum legimus, aliquando a veterum statutis recedendum fore, non quod male facta deprehendantur, sed dispensatione sic exigente, ubi nimirum certis in casibus aliud exigere videtur vel necessitas, vel utilitas Ecclesiarum. Qui primus hoc fragmentum edidisse videtur, is est Anselmus Lucensis in lib. 2. contra Vivibertum.

De Epistola ad Ezechiam Comitem, item de Epistola ad Crispinum, & Sabinum Episcopos.

C. 12. Simul jungendos arbitror canones 12. & 13. cau. 11. qu. 1. Gelasii nomine a
6. 13. Gratiano descriptos, licet ille ex epistola ad Ezechiam comitem, iste ex epistola
cau. 11. ad Crispinum, & Sabinum Episcopos depromtus fuisse dicatur; etenim in utroque
qu. 1. fragmento eadem caussa pertractatur, & ex unius interpretatione, ac discussione alterum quoque discuffum, atque explanatum intelligitur; imo & ex utriusque collatione eorundem fides, & auctoritas investigatur. Ego quidem scio de Sabino Episcopo mentionem fieri, quasi ad eum Gelasius scripserit, apud Cardinalem. Deusdedit in collectione, quemadmodum Lucas Holstenius testatur hoc referens fragmentum: *Idem Gelasius Sabino Episcopo: Quartum Defensorem Diaconum sibi met consecrari populus Grumentinæ Civitatis exposcit. Hunc ergo si nil est, quod ejus persone possit opponi, Diaconii provectione decorabis, ut noverit tamen dilectio tua, hoc se delegantibus Nobis exequi Visitatoris officio, non potestate proprii Sacerdotis.* Si ex hoc fragmento aliquid certi deduci potest, adparet Sabinum Episcopum non Grumentinam Ecclesiam rexisse, sed prope Grumentinam Ecclesiam gessisse Episcopatum, ac vacante eadem Ecclesia Grumentina datum fuisse Pontificia auctoritate Visitatorem, juxta ea, quæ superius adnotabam ad canonem 3. dist. 24. Dicere igitur quispiam posset ad interpretationem canonis 12. & 13. cau. 11. qu. 1., eundem esse Felicem Episcopum, cui, tanquam Visitatori vacantis Ecclesiæ Grumentinæ, mandatum fuerit discuffio propositæ causæ Clericorum Sylvestri, & Faustini, juncto tamen Crispino Episcopo, ut commodius per duos judices, arbitrosve controversia finiretur. Verum multa me movent, ne hosce canones Gelasio tribuendos putem. Paucis in primis canonum sententiam referam, deinde prodam falsitatis illorum, non sane contemnenda argumenta.

Proposuisse feruntur Sylvester, & Faustinianus Ecclesiæ Grumentinæ Clerici, post Clericatum jamdiu susceptum, se opprimi a quadam Theodora, sive a matris numissoris sui hæredibus, ut servi esse pronunciarentur, & ab Ecclesiasticis muneribus avocarentur: Gelasius in hac causâ Ezechiz Comiti eosdem Clericos commendavit, ne vis in illos ab adversariis inferretur; Crispino autem, & Sabino Episcopis mandatur, ut hæredes manumissoris contra factum defuncti venientes tam-

namquam indignos hæreditate defuncti spoliandos declarent; Archidiaconum demum Ecclesie Grumentinæ excidisse abs jurisdictione sua, quod eisdem Clericos etiam vexasset, causisque cognitionem totam ex ipsorum delegatorum potestate pendere. In duobus hiis fragmentis sibi in referenda facti serie contradicit Gelasius: Nam in canone 12. Sylvestri, ac Faustianus *ingenui* primum dicitur, quod sane nomen non nisi de illis intelligebatur, Gelasii temporibus, qui liberi nati fuissent, etiam aliquandiu in servitute postea mansissent, ac postremo manumissi essent, §. 1. instit. de ingenuis; at in eodem canone, & in canone sequenti dicuntur *absoluti pristinae conditionis nexibus*, & accepisse *libertatem sibi Domini sui benignitate concessam*, quandoquidem jam a cunabulis Clericos factos fuisse dicatur, quod sane facile intelligi nequit, nisi proponantur in servitute nati, ac propterea non ingenui, sed libertini, quæ sane nomina Gelasii tempore maxime distinguebantur, arg. l. 1. ff. si ingenuus esse diceretur. Præterea quæ ibidem dicuntur de jurisdictione Archidiaconi in utroque canone in dirimendis hujusmodi controversiis, ætati Gelasii convenire haudquaquam possunt, sed tantummodo posterioribus sæculis, quibus hujus jurisdictionis Archidiaconalis plurima existunt monumenta, ejusmodi sub finem quinti, aut initium sexti sæculi desiderantur. Quod ut perspicue intelligatur, observandum est, quum olim introduci cœpit manumissio in Sacrosanctis Ecclesiis, Clericos, qui manumissionis præcipui testes fuerant, Episcopos præsertim, ac majores Ecclesie viros patrociniū quoddam libertis præstitisse, officiisque suis curasse, ne amplius in pristinam servitutem redigerentur, Causa vero agebatur *apud aëta municipum* etiam post medium quintum sæculum, uti deducitur ex canone 34. Concilii Arelatenis II. anni 452. Primum audiri Ecclesiam debere in causis hujus generis, voluerunt Agathenses Patres consentientes etiam Alarico Rege in can. 29. edito anno 506., quem refert Gratianus in can. 7. dist. 87. Hinc suborta occasio fuit viris Ecclesiasticis aëta manumissionum describendi in Chartulariis Ecclesiarum per Notarios Ecclesiasticos. Et quemadmodum Notariis Archidiaconus præerat, paulatim factum est, ut Archidiaconi quædam harum causarum notionem obrinuerint, non quidem ut ipsi jam jurisdictionem nati essent, sed tanquam manumissorum procuratores, aut defensores coram iudice competenti. Sane vel sexto Ecclesie sæculo nullam fuisse adhuc jurisdictionem Ecclesiasticam Archidiaconis quæsitam, demonstrat canon 4. Concilii Tarracoenensis anni 516., seu canon 1. cau. 15. qu. 4., ubi memorantur Ecclesiastici viri jurisdictione Ecclesiastica fungentes, quin tamen de Archidiaconis sermo ullus instituitur. Ubi vero recentiore tempore Episcopalis jurisdictio partim ex Justiniani Imperatoris Constitutionibus, partim ex consuetudinibus patere latius cœpit, ac multitudo causarum dirimendarum exegit, ut Archidiaconi in dirimendis controversiis vices Episcoporum gererent, Archidiaconi non tanquam testes, & defensores manumissionis aliorum judiciis accesserunt, sed sibi hanc judicandi potestatem vindicarunt, suffragio etiam legum publicarum. Nam in lege Ripuariorum, quæ prope medium sexti sæculi edita fertur, cap. 58. hæc statuta sunt: *jubemus, ut qualicumque Francus, Riparius, seu Tabularius servum suum pro anima sua remedio, seu pro pretio secundum legem Romanam libertate voluerit, ut in Ecclesia coram Presbyteris, Diaconibus, seu cuncto Clero in manu Episcopi servum cum tabulis tractetur, & Episcopus Archidiaconum jubeat, ut ei tabulas secundum legem Romanam, qua Ecclesia vivit, scribere faciat: & tam ipse, quam & omnis procreatio ejus libere*

permaneant, & sub tuitione Ecclesie constant. . . . Et non aliubi, nisi ad Ecclesiam, ubi relaxati sunt, mallum teneant. En primum lege publica concessum, ut servorum apud Ecclesias manumissorum causae ad Episcopum, sive ad Archidiaconum Episcopi nomine pertinerent. Res paulatim crevit adeo, ut passim reciperetur eadem disciplina, atque in Conciliis confirmaretur. Quae omnia cum ita sint, quis dixerit sententiam memoratorum capitum Gratianeorum Gelasio tribui posse, cum aliquanto recentiorum exhibeant disciplinam? Illud demum animadvertitur, non convenire Gelasio Papae ea, quae in favorem ibidem dicuntur Clericorum, qui a servitutis conditione ad Ecclesiasticum gradum promoti fuerant: Haec etenim ordinationes etiam consentientibus Dominis factas ad custodiendam Clericalis Ordinis dignitatem Gelasius idem improbavit in epistola ad Episcopos Lucaniz, can. 12. dist. 54. Nihil adjicio de foro caelestis militis, quod ibidem memoratur, fortassis enim temporibus Gelasii nondum obtinuerat ejusmodi disciplina, praesertim in conspectu postremorum verborum, ibi: *Ecclesiae jura, quae vetusti Principes assidua sanctione firmaverunt, quae verba melius, quam Gelasio vetusto Pontifici, alteri auctori saeculi 8. aut 9. convenirent.*

De Epistola ad Elpidium Episcopum.

Elpidium quendam Volaterranum Episcopum Gelasii Papae temporibus vixisse indubitatum est, nam subscripsit anno 501. & 502. Conciliis Romano 3. & 4. sub Symmacho; Erat enim tum universa Tuscia, in qua Volaterranus Episcopus constitutus erat, Romano Pontifici immediate subiecta. Degebat etiam tum Rex Theodoricus in Urbe Ravenna, & toti ferme Italici dominabatur. Hujus rei argumentum suppeditat auctor Pontificalis in Symmacho Gelasii successore, enarrans, contententibus de Summo Pontificatu Symmacho eodem, ac Laurentio, rem eo redactam fuisse ad evitanda certamina, ut ad Theodoricum Regem deferretur dirimenda. Haec si vera sunt, uti verissima, non dubitaverim, quin canon 26. cau. 23. qu. 8. jure optimo sit Gelasio adscriptus, & quidem in epistola ad Elpidium. Quamquam enim haec epistola perierit, quemadmodum aliae plurimae, quae privatorum quorundam causas spectabant, ea tamen, quae ibidem exhibentur, a Gelasio temporibus, & a Gelasio ipso minime dissonant. Quid enim aliud ibi Gelasius scribit, quam Elpidium jure etiam Metropoleos sibi subiectum non debuisse sponte ad comitatum novi Principis proficisci, Romano Pontifice inconsulto? Haec sane conformia erant Concilio Antiocheno, cujus canonibus praestitutum erat, ut nemo ex Episcopis sponte ad Principes accederet, non obtenta a Metropolitano facultate; can. 27. cau. 23. qu. 8. Et quidem harum canonicarum definitionum causa optima erat, ac providentissima: Etenim apud veteres molestiam ingesserunt Principibus Episcopi nonnulli, praesertim apud Gracos; atque ut de ceteris fileam, quid ipsa aetate Gelasii apud Anastasium Imperatorem non moliti sunt Acaciani Episcopi, seu Acacii Episcopi defensores? Ecclesiae autem intererat, ut Imperatores recens ad fidem Christianam conversi, quoad fieri poterat, ad unitatem fidei, & Ecclesiae custodiendam allicerentur, non Episcoporum exemplo gravissimo proposito, quoquo modo amoverentur. Erant praeterea singularia tempore Gelasii adjuncta respectu Theodoricus Regis: Ipse erat Arianorum Patronus, recens Italia potius in-

discip-

Can. 16.
cau. 23.
qu. 8.

discissionem Imperii Romani; quamobrem non facis opportunum visum Gelasio fuit, ut Elpidius statim, ac sponte ad novi Principis comitatum accederet. Integram quidem ad uberiorem canonis interpretationem non habemus Gelasii epistolam: Verum Romani Corretores aliqua jam ex Prolycarpi collectione adjecerunt.

Ex eadem epistola depromptus videtur canon 92. cau. 1. qu. 1., quod non solum probat Gratianus in sua inscriptione, sed & Ivo duobus in locis, videlicet in cap. 90. parte 2., & cap. 110. parte 6. Hinc vero magis, magisque auguror, Gelasium, quoad fieri posset, avertere voluisse animum Elpidii, ut a communione hæreticorum, aut saltem eorum, qui de hæresi suspecti videbantur, recederet, propterea sine causa non proficisceretur Ravennam, qua in Urbe Ariani numero plurimi Theodorici Regis lateri adstant animo, ac religione concordes, si tamen, eorum religio hoc nomine digna erat. Eadem ferme ratione scribebat Gelasius ad Euphemium Episcopum Constantinopolitanum, dum eum monebat, ut ab Eutychianis omnino recederet, inquit: *Rejedis contagiis perfidorum, integra fide, sincera sui communionē potiatur communio Catholica, atque Apostolica, ne hæreticorum, tabe depulsa, intemeratam suæ fidei confessionem nitatur adstruere &c.* Idipsum ad Episcopos Dardaniz in epistola quæ incipit: *Ubi primum*, in qua eos monuit, ne contagione Eutychianorum sinceritatem Catholicam inficere niterentur. Idipsum in epistola ad omnes Episcopos per Picenum prope finem; idipsum in epist. ad Anastasium Imperatorem, quæ incipit *Famuli vestræ*; idipsum demum in epist. ad Episcopos per Dardaniam, & Illyricum, quæ incipit *Audientes* in illis potissimum verbis: *Abstine ergo a fidelibus Christi viperæ capitis dira commercia, & procul a caelestibus pascuis mortifera venena pellantur, ut salutaris alimonia panis illius, qui de cælo descendit, fideles hanc sumentes ad vitam perducatur æternam.*

Can. 92.
cau. 1.
qu. 1.

De Epistola ad Epiphanium Episcopum.

Fuit Epiphanius Ticinensis Episcopum Gelasio Pontifici admodum dilectus; Hic ad gentis suæ captivos redimendos in Gallias profectus est anno circiter 494., quem Gelasio idem per epistolam Rustico Arelatenſi Episcopo commendavit, quemadmodum eruitur ex epistola edita in tom. 5. Spicilegii Dacheriani. Tribuitur Gelasio epistola ad Epiphanium, ex qua decerptus dicitur canon 11. cau. 17. qu. 4., quemadmodum etiam tribuitur eisdem verbis apud Iyvenem in parte 3. cap. 119. Etsi hæc integra non pervenerit ad nostram usque ætatem, tamen genuina esse videtur, utpote quæ illorum temporum adjunctis apprimè conveniat. Certum est enim ex his, quæ nuper dixeram, Gelasium scripsisse ad Epiphanium in Galliis degentem; immo & mentem suam apud Gallicanos Episcopos, præsertim apud Rusticum Arelatenſem, aperuisse. Erat tunc temporis abusus in Gallia, quo Ecclesiæ bona diripiebantur, quemadmodum liquet ex epistola Cæsarii Arelatenſis ad Symmachum, & rescripto Symmachi ad Cæsarium circa annum 502. Quid convenientius erat, quam ab Epiphanio redditum fuisse certiorum Gelasium de ea re, ac Gelasium rescripsisse, se Episcopos jam monuisse, ut bonorum Ecclesiasticorum detentores injustos, sive, ut dicitur, violatores Ecclesiarum, ab ingressu Ecclesiæ arcerent?

Can. 11.
cau. 17.
qu. 4.

De

De Epistola ad Fabianum Episcopum.

Can. 5.
can. 10.
qu. 3.

Non omnes Gratiani codices eandem exhibent inscriptionem canonis 5. cau. 10. qu. 3., vulgati enim tribuunt Gelasio ad Fabianum Episcopum scribenti; aliqui vero tribuunt quidem Gelasio, sed scribenti ad Sabinum Episcopum. Nominum similitudo Amanuentibus, aut Typographis occasionem errandi præbere potuit. Ceterum ego, si eum canonem, velut genuinum Gelasii monumentum, reciperem, legendum potius existimarem Sabinum, quam Fabianum; siquidem in dyptycis Episcopalibus Gelasiani temporis ignotum prorsus est Fabiani Episcopi nomen; Sabinum vero Episcopum Canusinum interfuisse scimus in Concilio Romano circa annum 531., & in Constantinopolitano anni 536., cumque ibidem primo loco idem Sabinus recensetur, verosimile est seniore ceteris extitisse, qui propter ea jam Episcopus esse potuerit anno circiter 495. quo vivebat Gelasius. (Erat olim Canusina Ecclesia in Barensi provincia, nunc Barensi Archiepiscopatu juncta). Verum fragmentum illud Gratiani arbitror depromptum esse ex corruptis, falsisque alicujus Monasterii, in quo Gratianus ipse degebat, codicibus, effusumque esse sæculo circiter undecimo, vel ipsamet ætate Gratiani. Hujus rei suspicio non tantum ex eo nascitur, quod nemo ex Collectoribus Gratiano vetustioribus hujus fragmenti mentionem fecerit, sed ex eo etiam, quod illud monumentum Monachorum cuidam, & Monachorum sæculi undecimi voluntati maxime convenit, minus autem convenire Gelasio potest. Quod a Monachis sæculo undecimo confectum videtur, spectat illa verba fragmenti, quibus dicitur, unumquemque baptizari posse aut in vicina sibi Ecclesia, aut in ecclesia pro sua mentis arbitrio. Hæc erat Monachorum sollicitudo ea ætate, ut officia Ecclesiastica sibi, quoad fieri posset, contradicentibus licet Clericis, vindicarent, ut liquet ex innumeris propemodum monumentis illius sæculi, quorum aliqua retulit Gratianus in causa 16. qu. 1. Hinc palam profitebantur, in potestate cujuspiam esse, sicut sepulturam eligere, ita Sacramenta ubicumque suscipere, etiam extra Parochialem Ecclesiam, in cujus ambitu quisque degeret, contra quam sacrorum canonum definitiones exigerent. Quod sane in memorato canone adeo perspicue adparet, ut non aliam, nisi Monachi cujuspiam manum, agnoscere quispiam possit, Monachi inquam, neque enim, ut alias demonstravi, ab hisce fragmentis illius conditionis homines erant tunc temporis alieni. Non consonat autem temporibus Gelasii, quod dicitur de Ecclesia vicina, aut pro arbitrio eligenda, in qua quispiam baptizetur; etenim olim vix in unaquaque civitate una baptismalis Ecclesia constructa erat, licet forte plures essent Parochiales, ut proinde non fieret locus questioni, an quis proximior, an remotior Ecclesiam eligeret, an aliam quamcumque pro arbitrio in baptismo suscipiendo. Videantur adnotationes Baluzii ad Capitularia Francorum tom. 2. pag. 1063. verbo *Ecclesiæ baptismales*. Jungatur etiam canon 59. Synodi Quinisextæ, nec non canon 48. Concilii Meldensis anni 845., ut æque constet in Occidentali, atque Orientali Ecclesia post constitutas Parochias, constitutas fuisse baptismales Ecclesias, in quibus, & non alibi pro arbitrio, regenerationis sacre mysterium celebraretur. Præterea non convenit Gelasii temporibus, quod dicitur initio canonis, apud Fabianum, sive apud Sabinum constitutionem editam fuisse,

se, qua certus baptizandorum numerus præfinitur, ultra quem non liceret Episcopo alios ad baptismum admittere. Quis talia unquam audivit in tota Ecclesiastica antiquitate, nimirum desipuisse Episcopum illum, ut *constitutione* lata id caveret, & adeo perperam de baptismo sentiret, ut non esse omnibus necessarium arbitrareretur, sed veluti merum ritum in aliquorum tantummodo persona compleandum? De Cathedrali nihil adjicio; etenim, an jam temporibus Gelasii Episcopis lueretur, dubitare jure, & merito quispiam posset; nondum enim tum distributa, divisæque prorsus erant Cathedralium Ecclesiarum, & Episcoporum jura ab juribus Ecclesiarum, & Clericorum inferiorum, ad quos oblationes de manu laicorum devenirent. Dixerim tantummodo, Gelasium nullo modo potuisse, ut in canone dicitur, adserere, Cathedralicum exigendum esse, *non amplius, quam vetusti moris esse constiterit*: Quis sane in Ecclesiastica disciplina paulisper versatus Gelasii tempore agnoverit rationem, qua determinarentur jura Cathedralici juxta morem vetustum? Profecto Cathedralici luendi consuetudo saltem ad quartum Ecclesiæ sæculum esset referenda.

De epistola ad Gerontium, & alios Episcopos.

Inter fragmenta Gelasio tributa apud Gratianum pluries fit mentio Gerontii cujusdam Episcopi, qui in aliquibus codicibus Leontius perperam, & corrupto nomine appellatur. Si pro germanis habenda sunt illa monumenta, ego in Gerontio facile agnoverim Episcopum illum Fidenatem in Latio constitutum, quem scimus interfuisse Romanis Conciliis 3. & 4. sub Symmacho anno 501. & 502., quum nemo alius proponi possit Episcopus, cui epistolæ Gelasianæ accommodari facile queant. Illi modo jungitur nomen Petri, modo Johannis, modo Philippi, modo Germani Episcoporum. Petrus sane fuit Gelasii tempore etiam in Latio Laurentis Episcopus, quem anno 487. scimus interfuisse in Concilio Romano sub Felice III. Gelasii decessore, ad quem Gelasii epistola referri posset, nisi forte, quispiam arbitrareretur referendam ad Petrum Episcopum Ravennatem, qui sub Symmacho Papa interfuit Conciliis Romanis anni 501. 502. 503. & 504. Johannes, ad quem etiam Gelasii epistola scripta fertur, vel est Ariminensis, qui interfuit aliquot Romanis Conciliis sub Symmacho, vel Thuritanus, qui adfuit in Romano Concilio anni 501., vel Spoletanus, qui in eisdem Romanis Conciliis Symmachi interfuit; vel demum Vibonensis Episcopus, cujus nomen adparet in subscriptionibus Concilii Romani sub Symmacho anni 499. Philippus alius esse nequit, nisi Episcopus Numانات ex Piceno, cujus fit mentio in Concilio Romano 3. Felici III. anni 487. Demum Germanus fuit Episcopus ille Pisarenis, quem memorant acta Concilii Romani anni 499. sub Symmacho celebrati. Ita quodammodo sub incerto de his Episcopis disserui, quod non satis aperte constet, quos Gelasianæ epistolæ, seu fragmenta epistolarum spectent, præsertim etiam quod non adeo certi esse possumus de eorundem fragmentorum fide, atque integritate, quæ vel ex uno Gratiano, aut ex aliis non prorsus, & undequaque probatis Collectonibus penderet. Ut vero exordiar a canone 11. dist. 63., is hanc habet inscriptionem: *Gelasius Papa Philippo, & Geruntino Episcopis*. In aliquibus codicibus pro *Geruntino* legitur *Gerontio*, in aliis *Gerentino*. Epistolæ argumentum est de plebe

Can. 11.
dist. 63.

Dio-

Diotrensi, quæ lugebat, se suo Rectore, sive Episcopo destitui; ceterum jam unus electus fuerat a paucis, & tenuioribus, jam Episcoporum Philippi; & Gerontii suffragio probatus. Hinc Gelasius monet Episcopos eodem Philippum, & Gerontium, ut curent Episcopum consecrari, & quidem eum, qui electus fuisset communi omnium suffragio, sine ulla contradictione, non prout cui-cumque libuisset. Ego de hujus fragmenti auctoritate plurimum dubito, animadvertens in primis, Anselmum Lucensem primum fuisse inter Collectores, qui illud in codicem suum referret. Quis autem ignorat eidem Collectori parum fidendum esse in illis, quæ ipsius proposito conveniebant, in quibus recensendis non solum nullum habuit delectum, sed & nonnulla ingenio suo elucubravir, aut jam elucubrata diverso ordine, atque structura composuit? Quoniam vero præcipuum ipsius propositum in electionibus sacrorum Antistitum versabatur, facile agnoscitur quemadmodum idem canon 11. Anselmum congrueret. Præterea obscurum est nomen plebis Diotrensis, cujus Episcopum eligendum esse ibidem dicitur, nec facile quispiam divinare poterit, ad quem Episcopatum canon ipse pertineat, qua in re industria illius eo maxime dignoscitur, qui Gelasii fragmentum primus descripsit, quo sub ignotis nominibus facilius illuderet. His accedit, Ecclesiæ illi vacanti non unum datum fuisse Visitatorem Episcopum, sed duos effingi designatos, Philippum, & Gerontium, & quidem illum ex Piceno, istum ex Latio; quum tamen unus tantummodo Ecclesiæ vacanti Visitator dari solet Episcopus, & quidem ut plurimum ex proximioribus. Hinc etiam in diro schismate, quod concitatum est Romæ occasione electionis Symmachi Pontificis, nonnisi unum datum esse Romanæ Ecclesiæ Visitatorem novimus, ad cujus curam spectaret contentiones omnes pacare. Quis itaque dixerit duobus Visitatoribus indignuisse Ecclesiæ Diotrensem, cui ut consuleretur e duabus illis Ecclesiis essent Antistites advocandi? Insuper disciplina, quæ ibidem dicitur Gelasii tempore viguisse, juxta quam ad electionem novi Episcopi confluere deberent omnes Diocesani ex quibuscumque Parochiis cum universa turba, & quidem sæpius, non congruit vetustis moribus Episcopatum electionum, quæ a solo Clero, & populo civitatis celebrabantur. Quod si nomine *omnium Parochiarum* quis intelligeret eas, quæ essent in Civitate constitutz, novum suppeditaretur argumentum, quo recentius epistola eadem efformata videretur; siquidem Gelasii ætate nondum receptum erat, ut in una civitate plures Parochiæ constituerentur. Unum hic addo, quod spectat canonis ejusdem verba: nimirum in postrema parte, ubi legitur: *a constitutis possit revocare præscriptis, in vetustioribus Gratiani codicibus legitur: a constitutis possit revocare rescriptis*.

Can. 1.
c. 1.
diff. 87.

Potius videtur Gelasio convenire canones 1. & 3. diff. 87., quos ex uno, eodemque monumento depromptos olim fuisse non dubito, cum idem sit in utroque argumentum. Quamquam enim canon 1. videatur ex nonnullis Gratiani codicibus epistolam continere ad Gerontium, & Petrum; canon vero 2. epistolam ad Leonitium & Petrum; tamen facile est suspicari, inscriptiones hujusmodi vitio librarium fuisse corruptas; neque enim in omnibus codicibus eadem prorsus sunt; sed alicubi nomen Leontii, alicubi nomen Gerontii legitur. Quemadmodum autem superius animadverti, Gelasii tempore fuisse & Gerontium & Petrum in Latio Episcopos, illum Fidenatem, hunc Laurensem, admodum verosimile est, Sanctum Pontificem orphanorum, & viduarum in Latio consistentium causas utrique Episcopo eadem epistola commendasse. Stylus a Gelasiano non dissonat; sententia etiam plu-

plurimum congruit cum aliis Gelasii capitibus, quorum aliqua videre superius quispam poterit ad canonem 2. dist. 87. Immo quod ibidem Gelasius scribit, consonat etiam cum aliis veterum Patrum, & Maximorum Pontificum monumentis. Ex veteribus Patribus, ut ceteros omittam numero plurimos, laudari possent Carthaginenses Antistites in can. 101. Concilii Carthaginensis vulgo 4., & ex Pontificibus Maximis laudari posset Leo IV. in homilia de cura pastoralis ita scribens: *Curam pauperum, peregrinorum, & orphanorum habete*. Non opus est pluribus in re tritissima, ac pervagata.

In canone 24. de pœn. dist. 4. nihil est, quod speciali indigeat animadversione, cum ille referendus sit ad canonem 29. cau. 23. qu. 4., in quo integralis sententia exhibetur. Sed & in canone 29. nihil est, quod a Gelasio Pontifice alienum videatur. Etsi enim ad plures Episcopos Gerontium, Johannem, Germanum, & Petrum scripta Epistola sit, id tamen ex eo forte profuxit, quod causa Stephani ibidem memorata plures diversarum civitatum homines spectaverit. Agitur ibi de Stephano quodam, qui injuriam in alios intulerat, alias autem dicebatur injuriam eandem remissam fuisse. Scribit Gelasius, injuriz judicium *redivo dolore* (ita legendum arbitror, non ut in aliquibus Gratiani codicibus *recidivo dolore*) iterari non debere. Plane sunt hæc Romani juris principia, ex quibus receptum est, per pœnitentiam recoli non posse injuriam semel remissam l. 11. §. 1. ff. de injuriis, l. 17. §. 1. ff. de pactis. Addidit Gelasius divinum exemplum, quo dimissa semel peccata redire Deus clementissime non patitur.

Can. 29.
cau. 23.
qu. 4. &
Can. 24.
de pœn.
dist. 4.

De Epistola ad Herculentium, Stephanum, & Justum Episcopos.

Non dubito, quin epistola relata apud Gratianum in can. 10. dist. 54. vere Gelasii sit, cum illa maxime conveniat aliis ejusdem Pontificis sententiis, eique nonnulla rerum, quæ ibidem memorantur, adjuncta suffragari quodammodo videantur. Restituenda in primis erit Gratiani scriptura, exigendaque ad codicem Ivonis, utpote antiquiorem. Habet Ivo in parte 6. cap. 354. *Gelasius Herculentio, Stephano, & Justo Episcopis*. Nuper etenim auctores illustris famina (quæ priora leguntur verba apud Gratianum, omisit Ivo; erant enim illa adinstar præfationis in epistola) *Placidie petitorii oblatione conquesti sunt, Sabinum Marcellianensis, sive Cuslinatis urbis Antiochum servum juris patronæ suæ, absens Domine occasione captata, ad presbyterii honorem usque perductum, ejusque fratrem Leontium Clericalis officii privilegio decorasse*. Et ideo, *Fratres charissimi, inter supradictos auctores, & eos, qui conditionis extreme repetuntur, obiectam cognitionem vobis nostra auctoritate deputamus, ut omni veritate discussa, si revera obiectam sibi maculam justitiæ refragationis non potuerit ratione diluere, Leontium Clericum, quem gradus præfinitus legibus non defendit, ad sequendam cognitionis (melius hic forte legit Gratianus conditionis) suæ necessitate modis omnibus reddibete*. Antiochum vero, quia per Sacerdotium non jam potest tolli, si in suam Ecclesiam in hoc, in quo est, honore desiderat collocare, non velut redditum sibi, sed habeat pro ministeriorum celebratione susceptum. Siquis mature epistolam istam perpendet, eandem referet directam ad Africanos Episcopos

Can. 10.
dist. 54.

scopus. Erat tunc Africana Ecclesia diris vexationibus concussa, Episcopatus turbati, nonnulli etiam everfi; quique ibidem erant constituti Episcopi, nullis servatis legibus pro arbitrio res Ecclesiasticas moderabantur. Sabinus quidam Marcellianensis Episcopus in Provincia Africæ Proconsulari (forte etiam regebat Ecclesiam Cusitanam in eadem Provincia vacantem, quamobrem & Marcellianensis, & Cusitanus Episcopus appellari a Gelasio potuit, sive Cuslinates, ut habet Ivo, aut Clusitanus, ut legit Gratianus) sacris ordinibus insigniverat homines servili conditioni subiectos in fraudem Placidiz illorum dominz. Vigeat apud Africanos vetus consuetudo, ut in causis Ecclesiasticis Iudices in Provinciis designarentur a Primatibus, cujus disciplinz vestigia supersunt in cap. 3. de foro compet. apud Gregorium IX. At vero rebus Africæ, ut ajebam, turbatis Placidiz Actores apud Pontificem Maximum querelam proponentes, Iudices postularunt. Annuit Gelasius, Iudicesque delegavit tres Africæ Episcopos, Herculentium ignoti, quoad sciam, nominis virum; item Iustum, quem arbitror fuisse Episcopum Acusidentem in Mauritania Sitifensi; hic enim anno 484. cum aliis numero plurimis fidei suæ rationem reddidit in Urbe Carthaginensi Rege postulante. His junxit Gelasius Stephanum, quem puto Sinitensem fuisse in Numidia Episcopum, quemque eodem tempore vixisse constat. Eam mandati formam illis sequendam proposuit Pontifex Maximus, ut illi, qui nondum erant sacris susceptis ordinibus Deo dicati, in pristinam restituerentur servitutem; ii vero, qui Presbyteratus dignitate sacri essent, in gradu suo consisterent, id vix dominz concedendo, ut siquam sui juris Ecclesiam haberet, in ea Sacerdotem illum constitui postuleret. Sic in similibus causis aliis rescripsit Gelasius, ut in can. 9. 11. & 12. dist. 54., in quibus conqueritur, passim Episcoporum placito huiusmodi homines servili conditioni obnoxios ordinari. Videantur ea, quæ diximus, aut inferius observabimus ad memoratos canones, ut enim eandem propemodum sententiam, licet in pluribus propositis speciebus, exhibent, ita demonstrant sine ulla difficultate Gelasio adscribi facile posse.

De epistola ad Honorium Episcopum.

Can. 5. Canonem 5. cau. 13. qu. 2. Gelasio Papæ ad Honorium Episcopum scribenti tributum retulit Gratianus, ut exinde ostenderet, servos testamenti condendi facultate destitui. Sententia sane Romani juris principii apprime conformis, quæque ea demonstratione non indigebat, quæ penderet ex canone, cujus vix inter veteres Collectores vestigium est apud Ivonem in cap. 111. partis 16., qualis est quintus memoratus Gratianus. Quæ ibidem laudatur Gelasii epistola, deperiit; ut enim continebat singulare mandatum pertinens ad rem privatam, certaque Ecclesiæ prædia, facile excidere potuit, quemadmodum tot alia similia monumenta exciderunt Pontificum veterum, si forte illos excipias, quorum epistolæ in libellos singulari solertia distributæ, ac collectæ fuerunt, quemadmodum contigit in epistolis Magni Gregorii: Ceterum non video, cur Ivoni, & Gratiano hac in parte morem gerere quispiam non possit; quidquid enim in eo capite continetur, minime dissonat, aut a Gelasii temporibus, aut a Gelasii ejusdem doctrina. Agitur de Ampliato quodam servo Ecclesiæ, qui Ecclesiastica quædam prædia conduxerat, eamque ob rem pluribus capitibus, nimirum & causa rationum reddendarum, & causa

caussa conditionis suæ Ecclesiæ erat obnoxius. Is nihilominus testamentum con-
 dederat, deque rebus, quas possidebat, ex arbitrio, ac libere disposuerat. Id intel-
 ligens Gelasius Honoratum Episcopum monuit, (forte hic Honoratus fuit Dal-
 matiz Episcopus, cujus nomen exhibent dux Gelasii epistolæ 3., & 6.) ne ea oc-
 casione juribus, ac bonis Ecclesiæ fraus fieret, mandavitque, ut Sedis Apostolicæ
 auctoritate non sineret, post mortem testatoris illius bona Ecclesiastica in alios transfe-
 ri, sed potius penes defuncti filios, quibus etiam commissum erat Ecclesiasticum
 patrimonium, remanere curaret. Sollicitudo singularis, quam de certis illis bonis
 Gelasius habuit, indicat ea bona pertinuisse ad Romanam Ecclesiam; neque enim
 ignoratur, Romanam Ecclesiam in pluribus Diocesibus, ac Provinciis prædia pos-
 sedisse, quorum causa non multo postea, temporibus nimirum Pelagii II., aut
 Gregorii Magni, Defensores numero plurimi in diversis regionibus constituti fuerunt.
 Amplius autem conductor, de quo illic agitur, ut reor, fuit colonus Ecclesiæ
 juxta mores quinti Ecclesiæ sæculi, & sequentium, quibus servi Ecclesiarum præ-
 diis rusticis Ecclesiasticis excolendis addicebantur, eadem obligatione & in servo-
 rum filios, quos servos originarios appellabant, perpetuo transeunte. De his ser-
 mo est apud Leonem Magnum in canone 21. dist. 54., apud ipsummet Gela-
 sium in epistola ad Episcopos per Lucaniam, seu in can. 12. dist. 54., apud Gre-
 gorium Magnum in epist. 42. lib. 1. Et quidem Gelasii tempore hujusmodi servi
 coloni testamentum condere nullatenus poterant juxta generales juris regulas, sed
 quidquid adquirebant, quasi peculium Ecclesiasticum habebatur, quæ disciplina vi-
 guit usque ad tempora Gregorii Magni. Sed sub Gregorio Magno, cum mitius
 etiam juxta jus civile Romanorum haberi cœpisset servilis conditionis jugum, non
 quidem colonis illis testandi facultas concessa est, sed indultum, ut bona illorum
 decedentium filii, vel parentes tenerent, quæ recens consuetudo benignitatem, pie-
 tatemque virorum Ecclesiasticorum quammaxime decebat, dummodo tamen Ec-
 clesiastica prædia in Ecclesiæ semper jure consistereant. Ita scribit Gregorius epist.
 42. lib. 1. ad Petrum Siciliæ Subdiaconum: *Cognovimus etiam, quod nonnullis con-*
ductoribus morientibus parentes sui non permittuntur succedere, sed res eorum ad usus
Ecclesiæ pertrahuntur; de qua re definimus, ut parentes morientium, qui in possessione
Ecclesiæ degunt, heredes eis succedere debeant, nec aliquid eis de substantia morientium
subtrahatur. Si vero filios parvulos aliquis reliquerit, quousque ad ætatem talem perve-
niant, ut substantiam suam regere valeant, persone eligantur causa, quibus parentum
eorum res tradi debeant ad custodiendum &c. Itaque paullo rigidior erat disciplina,
 quæ in hac re tempore Gelasii vigeat, aliquantisper inflexa recentiore ætate, seu
 tempore Gregorii; ex cujus definitione præsidium etiam capere possumus, ut epi-
 stolam illam Gelasio tributam apud Gratianum, & Ivonem, vere esse Gelasii va-
 lidius judicemus.

De epistola ad Johannem Episcopum Soranum.

Cum non alium noverim Anselmo Lucensi antiquiorem Collectorem, qui pa-
 lam ediderit Gelasii nomine canonem 7. de cons. dist. 1., jure ac merito de ejus-
 dem auctoritate dubitavero; præsertim, quod dubitationem augeant non contem-
 nendæ conjecturæ. Dicitur ibi Megetia quædam spectabilis femina a Gelasio pa-
 -

Can. 7.
de cons.
dist. 1.

stulasse, ut templum, quod ipsa in Sorana Diœcesi in prædiis suorum sepultura destinatis construxerat, dedicaret. Erat Sorana Ecclesia, uti & recentioribus temporibus, Romano Pontifici velut Metropolitæ subiecta in Campania Felice. Gelasius rescriptit, se id benigne indulgere, quin tamen jam editis præceptionibus derogaretur, mandans Johanni Sorano Episcopo, ut in iis locis divina celebrentur officia, non publica frequentatione, aut processione, sed defunctorum tantum subsidio, quorum cadavera jacere ibidem dicebantur. Verosimilia quædam in hoc fragmento quidem adparent, quatenus jam tum oratoria celebrari extra Urbes consuevisse certum est, quemadmodum deducitur ex can. 33. Concilii Aurelianensis 4. anni 541., item Gelasii tempore Provinciali decreto in Romana Diœcesi statutum fuerat, ne quispiam sine Sedis Apostolicæ facultate Ecclesiam dedicaret, quemadmodum facile colligitur ex canonibus 4. & 6. de conf. dist. 1., quibus & addi forte posset canon 5. Præterea quinto, & sexto Ecclesiæ sæculo publicas in Ecclesiis pro defunctis orationes celebratas fuisse liquido constat ex Concilio Bracarenfi 3. anni 572. can. ult., ex quibus conjicere forte quispiam posset, ea, quæ in dicto canone 7. continentur, & Gelasio, & Gelasii temporibus convenire. Verum aliqua sunt, quæ negotium facessunt, & quidem non leve. Etenim in primis non consonat cum disciplina quinti, aut sexti sæculi, quod ibi dicitur, ideo constructum esse templum in prædiis, quod ibidem cadavera tumularentur; siquidem tunc alius sepulchris, alius Ecclesiis construendis locus erat, quemadmodum alias memini me demonstravisse; demonstratque perspicue canon 9. Theodulphi Aurelianensis Episcopi in Capitulari ad Diœceseos suæ rectum regimen edito, quo investita consuetudo de tumulandis in Ecclesia cadaveribus octavo etiam Ecclesiæ sæculo improbata animadvertitur. Illam autem eo pressius improbasset Gelasius Papa, quo deterius erat sui temporis nonnullorum exemplum. Videlicet plurimi Ecclesias novas construxerant, & improborum hominum nominibus dedicandas curaverant, illorum nimirum, quorum cadavera veluti sanctorum ibidem condita demonstrabantur, quemadmodum superius ostendi ad canones 4. & 6. de conf. dist. 1. Quod cura detestatus Gelasius fuisset in epistola ad Episcopos Lucanæ, Brutiorum, & Siciliæ cap. 25., quis facile sibi persuadebit, inducendo eidem abusui novam occasionem dedisse rescripto suo ad Johannem Soranum, Megetiæ petitionibus indulgendo? Præterea num Soranam Ecclesiam Gelasii tempore regeret Johannes Episcopus, incertum penitus est; neque enim monumenta Ecclesiastica illius temporis de eodem faciunt mentionem. Potius mentio fit Sebastiani Sorani Episcopi in Concilio Romano anni 501., quinto scilicet anno a morte Gelasii; At Johannis Sorani nomen adparet in libris epistolarum Gregorii VII. ad calcem libri 1., quem fortasse scribere voluit, aut Anselmus Lucensis, aut alius quilibet Anselmi contemporaneus, dum fragmentum illud Gelasio adscriberet. Hinc vero conjectura deducitur, ex qua Anselmum, aut quemvis alium capitis illius auctorem agnoscamus, de cujus fide parum integra eruditi viri sæpe, ac sæpius conquesti sunt. Neque vero de Anselmo temere judicamus, quem scimus plura confinxisse, ubi proposito erat intervendum. Porro in contentionibus Ecclesiarum ipse promovendæ alicujus partis studiosissimus fuit, nec pepercit diuturnis investigationibus monumentorum sine delectu exhaustorum, dummodo adversariorum partem conficeret. Sæculo undecimo, quo florebat Anselmus, Episcopi Gallicani ægre tulerunt, in Diœcesi Turonensi consecratam fuisse Ecclesiam auctoritate Johannis Pontificis Ma-

ximi a Petro Cardinali, ita obtinente post subreptitias, aut obreptitias preces Fulcone comite, qui ab Episcopo Turonensi obtinere id ipsum non potuerat. Hinc autem similitates, atque contentiones exortas scribit Glabrus Rodolphus lib. 2. cap. 4. Histor. Eccles. Quamobrem Anselmus Lucensis a rebus istiusmodi, ac disputationibus fovendis minime alienus tale fragmentum Gelasio adscripsit, quod plurimum inferviret questioni propositæ adversus Gallicanos Antistites dirimendæ. Quæ omnia ita observata velim, non quod certo ex illis deducendum existimem, dictum canonem falso per Anselmum adscriptum fuisse Gelasio, sed quod non levis falsi monumenti suspicio suboriri videatur.

De Epistola ad Johannem Episcopum Viennensem.

In codicibus Gratiani sive vetustis, sive recentioribus canon 33. cau. 17. qu. 4. Can. 33.
can. 17.
qu. 4. Gelasio tribuitur scribenti ad Johannem Episcopum Viennensem. At vero apud Ivonem in parte 16. cap. 77. tribuitur Gelasio scribenti ad Johannem Episcopum Vivavensem, sive, quod idem est, Saltzburgensem. Ex hac autem inscriptione, sive Gratianum, sive Ivonem sequamur, deducitur non esse germanum hujusmodi canonem. Neque enim temporibus Gelasii ullus fuit ejus nomine Antistes in Ecclesia Viennensi; aut in urbe Vivavensi, sive Saltzburgo instituta erat Episcopalis sedes, quod & Baluzius notavit in notis ad Gratianum. Sed & incertam reddit capitis ejusdem auctoritatem, quæ ibidem Gelasii nomine sententia refertur. Et si enim subobscura videatur epistolæ species, hæc tamen, quoad commodius fieri potest, elicitur. Felix quidam servus Orthasii vexationem domini fugiens sese receperat in Ecclesiam, quæ ibidem appellatur *Basilica Barbarorum*. Præceperat Gelasius, ut servus idem ab Ecclesia egrederetur, adjecta conditione, ut nihil asperum, aut durum pateretur, si justam fugæ suæ causam fuisse ostendisset, secus vero apud dominum legitimas pœnas lueret. Causa apud Romanum Antistitem discussa fertur, in qua Orthasius vicit, & Felix custodiæ mancipatus arbitrio domini erat prorsus obnoxius, eamque ob rem Romam etiam se contulerunt servi in custodia detenti uxor, & filiz, subsidium fortasse parenti suo, quoad fieri poterat, præstituræ. Integra hæc facti series, quæ magis magisque percipiur, ubi pro verbo *precipimus* legatur *præcepimus*, quemadmodum habetur in codicibus Ivonis, aberrat a similitudine veri. Nemo enim facile sibi persuadere poterit, eam causam, qualis refertur, adeo gravem fuisse, ut ad judicium Pontificis Maximi deferretur a remotissimis usque Civitatibus, qualis erat aut Viennensis, aut Saltzburgenensis; ut non solum servus ipse, ejusque uxor, & filiz (si tamen, quam duxerat servus, uxor appellari Gelasii tempore poterat), sed etiam Orthasius dominus Romæ ea de causa perrexisset. Sane in hac, aut simili specie tunc observandum erat, quod declinante quarto sæculo statuerat Leo Imperator in l. 6. §. 5. cod. de his, qui ad Ecclesiam confugiant. Qui illorum temporum disciplinam de servis ad Ecclesias confugientibus custoditam scire desiderat, præter constitutiones Imperatorum sub eodem titulo positas, observare poterit canonem 3. Concilii Aurelianensis 5. anni 549.

De epistola ad Justinum Archidiaconum,
& Faustinum Defensorem.

Can. 23. Non eadem est auctoritas canonis 23., ac sit canonis 25. cau. 12. qu. 2., licet uterque Gelasio tribuatur in epistola ad Justinum Archidiaconum, & Faustinum Defensorem. In canone 25. illud ipsum fragmentum est, quod retulit Ivo plenius in cap. 151. parte 3. Et quidem ex eo corruptam Gratiani inscriptionem jure optimo emendaverunt Corretores Romani, quemadmodum ipsi in sua annotatione aperte demonstrant. Adjiciam ego non pauca ex ipso Ivone, quæ apud Gratianum desiderantur. In prioribus verbis legit Ivo: *Volaterranæ*, (vel, ut alii codices exhibent, *Vulteranæ*) *Ecclesiæ alius, vel patrimonium, quod hactenus compertum defecit, vel post damnationem Eucharistii, quo fuerat &c.* Item apud Ivonem pro nomine Episcopi *Eumancii* legitur nomen *Eumatii*; ac demum post verba illa postrema Gratiani: *pariamini generari*, hæc subsequuntur apud Ivonem: *Siquid vero in Ecclesiæ vestre damnum, aut in his; quæ sunt præceptionis nostræ prohibita, Pontificem vestrum videritis admittere, mox nostris auribus relatione signate, ut quid fieri debeat, censeamus. Decimas justo ordine non tantum nobis, sed majoribus visum est, plebibusque tantum, ubi Sacrosancta dantur baptismata, deberi.* An posteriora hæc verba a vers. *decimas &c.* ad epistolam Gelasii pertineant, ego dubitaverim, cum ea quaestio, num decimæ baptismali tantum Ecclesiæ deberentur, posterioribus sæculis suborta fuerit, quemadmodum facile demonstrari posset ex Capitulari Karoli, quod retulit Regino in lib. 1. de Ecclesiæ discipl. cap. 52., ex Capitulari Ticinensi Ludovici Imperatoris anni circiter 855. cap. 12., ex Leone IV. apud Gratianum in cau. 13. qu. 1. parte 2. vers. *de decimis*, & can. 45. cau. 16. qu. 1., ubi eadem omnino verba leguntur, ac ea, quæ nuper ex Ivone descripti sub nomine Leonis IV. Porro in iis verbis deceptus forte fuit Ivo ex quodam exemplari, in quo plures constitutiones, vel epistolæ Pontificiæ, aut illarum fragmentum quodpiam sine ordine, ac diligentia adjecta fuerint, Ceterum, quæ in prioribus ejusdem capitulis verbis ab initio usque ad illa, *ut quid fieri debeat, censeamus*, plurimum conveniunt Gelasio, ejusque temporibus. Agitur ibidem, nil ego dubito, de Ecclesiâ Volaterrana in Etruria constituta, recens etiam Pontifici Maximo immediate subiecta. Ejus urbis Episcopus promovendis Ecclesiæ suæ utilitatibus parum sollicitus fuerat; ille enim erat Elpidius, de quo superius egi ad canonem 92. cau. 1. qu. 1., & can. 26. cau. 23. qu. 8., qui aliquandiu ab Ecclesiâ suâ absuit ignorante primum, deinde reluctante Gelasio, quemadmodum ex iis, quæ ibidem tradidi, perspicue liquet. Quid opportunius Gelasio videri poterat, quam res Volaterranæ Ecclesiæ, cujus specialem etiam curam Metropolitico jure gerebat, commendare Archidiacono, ac Defensori? Jam tum constituti Archidiaconi fuerant, qui Episcopos præ ceteris in administratione Ecclesiasticorum reddituum juvabant. Usus præterea invalere cœperat Defensorum, illorum saltem, quos ab Imperatoribus, aliisve supremam potestatem habentibus Episcopi postulabant, tuendorum Ecclesiæ bonorum causa, juxta canonem Concilii Carthaginensis relatum in can. 10. cau. 23. qu. 3., quorum paucis annis post Gelasii obitum meminit Synodus Romana

mana 4. sub Symmacho cap. 7. Itaque & Faustino Defensori, & Justino Archidiacono commendata sunt jura Volaterranz Ecclesiæ, quorum plura jam ab Episcopis erant alienata. Et idipsum consonat Gelasianis temporibus; etenim ex Concilio memorato Romano sub Symmacho, aliisque initio sexti sæculi celebratis, facile adparet, quanta fuerit Episcoporum oscitantia, aut facilitas in alienandis bonis Ecclesiarum suarum. Difficultatem forte movere poterunt verba illa: *Quia contra constituta Synodi ab Episcopis prædia alienari nullo potuerunt commento*, quasi Gelasius supponat Synodum celebratam jam tum fuisse, qua prohibita esset bonorum Ecclesiasticorum alienatio, quæ constitutio non ad aliam Synodum referri posse videtur, nisi ad Synodum Romanam sub Symmacho Gelasio recentior. Verum quis prohibet ea verba referre ad Synodum Romanam sub Gelasio, vel priorem, vel posteriorem, quarum acta integra ad nos usque non pervenerunt? Dicere etiam quispiam poterit, nomine Synodi ibidem non intelligi eam, quæ generatim caverit, ne bona Ecclesiastica alienarentur, sed intelligi conventum Clericorum Volaterranorum, qui Episcopo suo alienanti non consenserant. Etenim ea ætate, quotiescumque negotium Ecclesiasticum peragendum erat, Episcopus Cleri consilium convocata Synodo expetebat. Eucharistus autem, Eumathius, & Opilio, qui in dicto canone alienavisse bona Ecclesiastica dicuntur, contra Cleri sui sententiam, quod idem est, ac contra Synodum, ad alienationem processerant. Hanc interpretationem probant verba illa Gelasii subsequencia: *Sic emtoribus ad eum reuersus, qui præsumpsit aliquid de Ecclesiæ rebus illicita venditione distrabere &c.*, quæ sane verba non totius Cleri consensu factam indicant distractionem, sed unius Episcopi. Demum in dicto canone 25. concluditur, in quatuor portiones Ecclesiasticos proventus distribuendos esse; qua in sententia nemo non videt ipsammet Gelasii sanctionem, quales habentur in epistola ad Episcopos per Lucaniam in can. 27. cau. 12. qu. 2., quem jam superius expendebam.

Hæc vero ipsa, quæ animadverti ad canonem 25. cau. 12. qu. 2., aperte demonstrant, non eandem esse auctoritatem canonis 23. eadem causa, & quæstione. Eandem ipse habet inscriptionem, nimirum Gelasii ad Justinum Archidiaconum, & Faustinum Defensorem scribentis; ac si ipsum cum canone 25. conferas, nihil aliud adparebit, quam auctorem canonis 23. studuisse Gelasii sententias imitari, quales habentur in canone 25. Sane verosimile non est, Gelasium ipsum ad eosdem scribentem eadem bis edidisse, quasi fingeret Justinum, & Faustinum suorum præceptorum immemores. Itaque arbitror eum, qui primus edidit eundem canonem 23., voluisse paullo aliter describere, quæ Gelasii erant juxta canonem 25., in describendo vero aliqua forte per imperitiam immutasse, nisi forte immutavisse dicatur, ut propositio suo serviret. Revera initio canonis dicitur, Episcopi loco alium esse eligendum, qui nomine Episcopi universa Ecclesiastica bona disponat, deinde subjicitur, omnia ad Episcopum esse referenda. Non consonant hæc invicem; nam si omnia ad Episcopum referenda erant, frustra alius erat designandus, qui & loco, & nomine Episcopi cuncta disponderet. Qui primum eundem canonem edidit, videtur esse Anselmus Lucensis, quem deinde alii canonum Collectores sequuti sunt. Canisius in collectaneis Anselmi ejusdem paullo aliter fragmentum retulit, atque habeatur apud Gratianum. In inscriptione ita exhibuit: *Idem* (nimirum Gelasius) *Justino Archidiacono, & Fausto*. Verba vero canonis, quæ a Gratiano aliquantulum discrepant, sunt sequentia: *Vobis, & famæ vestre consultum du-*

ximus

ximus . . . ut de medio sequeſtretur, & quarta portiones, vel fidelium oblationes de hac ſiant modis omnibus penſione . . . aliam Clericus pro ſuo iudicio, & electione diſperſiat, tertiam pauperibus ſub omnium conſcientia faciat erogari; Fabricis vero, quod competis, ad ordinationem Pontificis erogatione veſtra decernimus eſſe penſandum. Siquid forte ſub annua remanebit expenſa, electo idoneo ab utraque parte cuſtode condatur in ſbecis, ut ſi major emerſerit fabrica, ſint ſubſidio, quæ diverſi temporis diligentiâ potuerint cuſtodiri &c.

De epistoſis ad Martinum, & ad Juſtum Epiſcopos.

Can. 9. Ad Martinum, & Juſtum Epiſcopos ſcripta apud Gratianum fertur epiſtola, quæ diſt. 54. continetur in can. 9. diſt. 54. Emendanda ſane inſcriptio eſt ex codice Ivonis, utpote antiquiore, in quo ita legimus in inſcriptione capitis 353. parte 6. Gelafius Martyrio, & Juſto Epiſcopis. Non erant iſti Epiſcopi a Romana Civitate admodum diſſiti; nam in primis Martyrius præerat Eccleſiæ Tarracinenſi in Campania, de quo fidem faciunt monumenta tum Concilii Romani anni 499., tum alterius Concilii Romani anni 502. Deinde Juſtus non ille eſt Acufidenſis in Mauritania. Sitifenſis Epiſcopus, ad quem ſcriptam fuiſſe aliam Gelafii epiſtolam ſuperius adſerebam ad can. 10. diſt. 54., ſed potius Epiſcopus Acherontinus in antiqua Lucania, quæ recens ad Provinciam pertinet Regni Neapolitani. De hoc Juſto mentio eſt in Concilio Romano anni 499. Neque vero quiſpiam utrumque confundat, ſive quem ſpectat d. can. 9., ſive quem ſpectat d. can. 10. diſt. 54. ex eo, quod utroq; in loco eadem materies tractetur, de ſervis non ordinandis; etenim præter ea, quæ ſuo loco animadvertebam ad canonem 10., demonſtrans, Juſtum, de quo ibidem agebatur, Africanum Epiſcopum fuiſſe, plurimum movere debet diverſa ratio, qua Gelafius de eadem re in utraque epiſtola ſcribit. In canone 10. conqueritur Gelafius de Epiſcopis, quod antiquas regulas, nec decreta noviter directâ cogitarent, quibus nimirum cavebatur, ne ſervilis conditionis homines ipſorum domino ignorante ad ſacros ordines promoverentur. In canone 9. conqueritur de Epiſcopis, quod non ſolum antiquas regulas parvipenderent in ordinatione ſervorum, ſed præterea non obſervarent, quod novella ſynodali explanatione comprehenſum erat. Hæc ſynodalis explanatio opponenda jure optimo erat Epiſcopis Tarracinenſi, & Acherontino, utpote qui Romanæ Synodi Provincialis conſtitutionibus velut ſuffraganei ſuo etiam ſuffragio adſtrangebantur; non erat opponenda Epiſcopis Africanis, ad quos eadem non pertinebat. Itaque Gelafius apud Epiſcopos Romanæ Provinciæ in memorato canone 9. commendat veterem diſciplinam, juxta quam ſervi invitis, aut ignorantibus dominis non ordinarentur, imo memoriam renovat novellæ ſynodalis explanationis, quam ipſe ad eoſdem Epiſcopos miſerat ad eandem rem. Illa eſt epiſtola Gelafii ad Epiſcopos Lucaniz, Brutiorum, ac Siciliz, præſertim vero in capite 14., quod Gratianus retulit in can. 12. diſt. 54. Quæ omnia cum invicem conſonant, & Gelafio omni ex parte convenire videantur, nihil eſt, in quo Gratiani fragmentum rejiciamus, præſertim etiam, ſi conferatur cum canone 10. & 11. eadem diſtinctione 54.

Ad

Ad eundem Iustum Acherontinum Episcopum directum arbitror rescriptum; quod legimus in can. 7. cau. 16. qu. 3., cuius integrum monumentum deperit quidem, quamobrem nemo facile poterit integram Gelasii sententiam exhibere, qualis ex proposita specie erueretur; Attamen non dubito, quin recte Gelasio tribuatur, cum nihil ibidem contineatur a Gelasianis temporibus, aut a Gelasio ipso alienum; cum præterea Ivo Carnotensis duplici in loco illud ipsum fragmentum descripserit, videlicet in cap. 135. part. 3., & in cap. 105. part. 6. Illud autem in ipso Ivonis codice est animadvertendum, non eadem omnino utrobique verba describi; nam ubi Gratianus legit: *Siqua pars confidit*, Ivo habet in dicto cap. 135. *Siqua pars diffidet*, & in dicto cap. 105. *Siqua pars fidei*. Præterea ubi Gratianus legit: *Possedisse probatur*, Ivo in eodem cap. 135. habet: *Possedisse perhibetur*, & in cap. 105. *Possedisse probabitur*. In codice autem vetere MS. Panormix, qui adseruatur in Bibliotheca Regii Athenæ, pro adverbio illo *fideliter*, recentiore manu emendatum est ita, ut legatur *firmiser*; item pro illis Gratiani verbis: *Siqua pars confidit, præbeat Sacramentum*, ita legitur scriptum: *Siqua pars fidei præbeat Sacramentum*.

Can. 7.
cau. 16.
qu. 3.

Can. 24.
cau. 12.
qu. 2.

De Epistolis ad Majoricum, Serenum, & Johannem Episcopos.

Edidit Lucas Holstenius ex Collectione Deusdedit nonnullas Gelasii Papæ epistolas, inter quas hæc habetur: *Gelasius Majorico, Sereno, & Johanni Episcopis. Qui & humanis legibus incivili temeritate calcatis, & reverentia religionis abjecta vel Ecclesiastica privilegia calcare contendunt, vel ubilibet in pauperum prostrare dissidium, nec huiusmodi saltem commoniti, convitiisque nequitiam sopire consentiunt, atque illata sacris rebus detrimenta sarcire, merito divini muneris sunt participatione privandi; ut huius perceptione careant, quod sacrilegis ausibus habuere despectui. Quapropter Dionysii, qui sicut vestrae textus relationis ostendit, non solum Viconensis Ecclesiæ jura turbare, sed etiam repensare, quod nequiter admiserant, respuerunt, sacrae communionis arceantur accessu, donec quæ honori divino competunt, discant devota mente deferre. Contra quas etiam quidquid publicis legibus agi poterit, minime negligatur. Ut qui utrumque temserunt, utrisque cohibiti, tam sibi, quam ceteris præbeant, quod necessaria disciplina poscit exemplum. Cælestinus vero Presbyter Fratris, & Coepiscopi nostri Sereni, qui contra Pontificale iudicium, contraque Apostolicæ Sedis mandata prorumpens supradictis communionem sacram ministrare præsumpsit, cum non posuerit ignorare sententiam proprii Sacerdotis, ab officio protinus Ecclesiastico pellatur, ut nullus Ecclesiæ ministrorum contra Pontificalia instituta venire contendat. Ex hoc monumento depromptus est canon 24. cau. 12. qu. 2., ubi tamen nonnulla omissa sunt, quæ sane si ex nuper descriptis suppleantur, integram propemodum Gelasii sententiam palam facient. Etiam Ivo Carnotensis sive in cap. 150. part. 3., sive in cap. 185. part. 4. hujus epistolæ meminit; sed priora tantum retulit verba, ab illis *Qui & humanis*, usque ad illa *habuere despectui*. Quum vero & Ivo, & Deusdedit in prioribus verbis omnino consonent, jure ex iisdem Gratianum emendabimus; ut non sit legendum: *Qui & divinis, & humanis legibus &c.*, sed potius, *qui & humanis legibus &c.* Porro in-*

tegrum superius exhibitum monumentum partim demonstrat, partim conjecturam præbet, ut dignoscamus, quinam fuerint Episcopi, ad quos Gelasius scripserit. Agitur ibidem de Ecclesia Vibonensi, cujus inter ceteras jura a Dionysii quibusdam turbata dicuntur. Facile igitur colligo Johannem, ad quem Gelasius scribit, Vibonensem Episcopum fuisse, quod eo luculentius demonstratur, quo apertius liquet, Johannem Vibonensem subscripsisse Romano Concilio anni 499., tribus circiter annis post obitum Gelasii. Huic addo Serepam Nolanum, qui & eidem Synodo Romanæ subscripsit, nec longe distans erat ab Episcopatu Vibonensi, proindeque communem propemodum causam cum Johanne Vibonensi habere poterat. De Majorico alium est in Ecclesiasticis monumentis silentium, nisi quispiam codices forte emendare maluerit, & pro Majorico, Mercurium substituat Sutrinum Episcopum, qui & in eodem Romano Concilio anni 499. cum aliis interfuit. Quod si subobscurum Gratiani canonem ita ad ampliores codices exactum in meliori lumine collocare quispiam modo velit, facile ibidem agnosceret agi de iis, qui Ecclesiam Vibonensem turbabant, ejus jura diminuentes, eosdemque Ecclesiæ communionem Pontificia auctoritate privari, imo etiam jure privatos extitisse; Presbyteros vero, qui cum illis Sacra Mysteria celebrare sprete Episcopali sententia voluerant, ab Ecclesiastico officio deiciendos. Non dissonant hæc a Gelasii temporibus; etenim circa finem quinti sæculi fuisse turbatores Ecclesiarum, rerumque Ecclesiasticarum, præsertim in Romana Provincia, demonstrant perspicue Romana ipsa Concilia sub Symmacho Pontifice celebrata in ipsomet initio sexti sæculi, demonstrat etiam Gelasius ipse, qui passim in epistolis suis Ecclesiarum sui temporis inopiam deplorat, atque conqueritur. Item alias Gelasius removendos voluit ab officio Ecclesiastico Sacerdotes, quoties in re gravi suis Antistitibus, præceptivæ Apostolicis non obtemperaverint, arg. can. 99. cau. 1. qu. 1.

Can. 25.
cau. 25.
qu. 2. &
Can. 12.
de cons.
dist. 2.

Etiam ad Johannem Vibonensem Episcopum, nec non ad Majoricum pertinent duo Gratiani fragmenta, nimirum canon 25. cau. 25. qu. 2., nec non canon 12. de cons. dist. 2., utpote quos apud aliquos ex Collectoris simul junctos repererunt Correctores Romani, non tamen apud Ivonem, quidquid ipsi fateantur; Etenim qui est canon 25. apud Gratianum, is est apud Ivonem 18. parte 10., qui vere est apud Gratianum canon 12., is est apud Ivonem canon 89. part. 2., licet utrobique sub inscriptione: *Gelasius Majorico, & Johanni Episcopis*. Ibidem autem constat, Gelasium conquestum fuisse apud illos Episcopos de pluribus violatæ canonum prudentiæ capitibus. In primis perspicua esse videtur causa canonis 25. cau. 25. qu. 2., in quo tamen describendo non omnes omnino consonant codices. Nam apud Ivonem hæc occurrit a Gratianeis exemplaribus diversa: *Ita nos quidem latinorum cædes geminata Pontificum horrendi sceleris atrocitate confudit, ut diu constituto nostræ deliberationis hæsitaret, dum & ingerere quemquam parricidalibus exemplis dubitarem Antistitem. Quapropter jam velut usum . . . ut paracæ vices ab extrinsecus postis Sacerdotibus gubernentur, quia (legunt alii qui) ibidem committentes ferro dilicerunt necare Pastores, inauditoque facinore, quod etiam nullis Provinciis nusquam prorsus acciderit. . . . quæ Præsules ministrando sibi fidem Christianam, sine persecutore profernat. Curandum . . . eoque modo vel illa, dum in quos se viat, non habebit, ab hujusmodi temeritate desistat, vel aliis imitantibus dira contagia non præbeat. Egeat . . . aliunde deperis . . . crudeliter macularas . . . siue scilicet insindu domestico, seu furiis incitata nefas hoc committis exterius. Ita concluditur Ivonis caput,*

put, apud quem desiderantur ea, quæ apud Gratianum sequuntur in vers. *Præbeat*. Non videtur contemnenda Ivonis lectio, tanquam codicis antiquioris, excepta voce *Latinorum*, quæ habetur in principio, pro qua sane legendum est, non *Syllanorum*, quemadmodum habebant aliquot codices Gratiani, sed *Scillacinorum*, ut habet codex Anselmi Lucensis, seu *Scyllacenorum*, seu etiam *Squillacinorum*, ut habent emendatiora Gratiani exemplaria. Erat Scyllacium, sive Squillacium Urbs Episcopalis in Calabria ulteriore, ac propterea in eadem Provincia, in qua erat Johannes Vibonensis Episcopus. Ibidem, uti perspicue ex Gelasii epistola liquet, duo jam fuerant odio civium Episcopi interfecti, eamque ob rem Gelasius vacanti Ecclesie non illico consuluit, sed illius regimen duobus in vicinia constitutis Episcopis Majorico, & Johanni commisit, ne forte, si alium successorem ocius designasset, simili ille fato subjaceret. Illud sane animadvertendum est, deduci perperam ex hac epistola, Ecclesiam Episcopali dignitate privari, in qua populus aut Episcopum aliquando interfecit, aut Episcopos interficere consuevit; quemadmodum ostendere voluit Gratianus; etenim si Ivonis codicem potius, quam Gratianum sequamur, constat potius, Gelasium ad tempus quidem Scyllacenus Episcopo suo destitui voluisse, non vero in perpetuum Scyllacenam Ecclesiam Episcopatu privari. Et quidem lectionem Ivonis confirmat rei exitus; scimus enim, non multo post Gelasii obitum Scyllacenos Episcopos & interfuisse, & subscripsisse Ecclesiasticis monumentis. Sic Zachæus Scyllacenus Episcopus anno 553. subscripsit Constituto Vigili Papæ; & Augustinus Scyllacenus Episcopus subscripsit Concilio Romano anni 649., ut alios posteriores omittam.

Apud eosdem Episcopos conquestus præterea fuit Gelasius, quod nonnulli in eadem Provincia existerent, qui dum ad Sacram Eucharistiam accederent, de sacro quidem Pane participabant, at vero a Vino, seu Christi Sanguine sub vini specie exhibitò abstinebant. Gelasii verba habemus in can. 12. de cons. dist. 2., referuntur præterea apud Ivonem in cap. 82. partis 2. his verbis: *Gelasius Majorico, & Johanni Episcopis: Comperimus autem, quod quidam in eadem regione summa tantum Corporis Sacri portione a Calice Sacri cruoris abstineant. &c.* Eadem laudavit Auctor Micrologi in cap. 19., ubi improbatum illorum consuetudo, qui sacramentum Panem non seorsim a sacro Vino sumebant, sed Panem Vino intinctum, eamque ad rem adfertur Gelasii Papæ decretum his verbis: *Unde & Gelasius Papa in ordine quinquagesimus primus scribens quibusdam Episcopis, excommunicari illos præcepit, quicumque sumto Corpore Dominico a Calicis participatione se abstinerent, nam & ipsæ in eodem decreto asserit: Hujusmodi Sacramentorum divisio sine grandi sacrilegio provenire non poterit. Illam ipsam Gelasii epistolam commemoravit Algerus in lib. 2. de Sacramento Corporis, & Sanguinis Domini in fine capituli 8. ibi: Item Gelasius Majorico, & Johanni Episcopis: Comperimus, quod quidam summa tantum Corporis Sacri portione a Calice Sacri Cruoris abstineant, qui procul dubio aut integra Sacramenta accipiant, aut ab integris arceantur, quia divisio unius ejusdemque mysterii sine grandi sacrilegio non potest provenire.* Non desunt alii ejusdem sæculi scriptores, qui ejusdem monumenti mentionem faciant. Verum, etsi temere his omnibus Collectoribus denegari fides videretur, si forte in discrimen adduceretur capitis ejusdem auctoritas, non desuerunt tamen, quibus idem caput negotium facessere potuit, quasi Gelasius decreverit, communionem sub utraque specie omnibus indiscriminatim fidelibus fuisse præceptam, nec alterutram speciem sine grandi sacri-

legio omitti posse. Jamdii mentem Sancti Pontificis exposuerunt, & quidem optime, viri eruditi, non quidem illi, qui asseruerunt, agi apud Gelasium de Sacerdotibus Sacra Mysteria celebrantibus, quos propterea reprehendit Baronius ad annum 496. num. 20. 21. & sequ., sed illi, qui animadverterunt Gelasii ætate extitisse Manichæos, qui inani superstitione ducti a vino abstinebant, proindeque dum se Catholicos publice fingerent, ad Sacram Synaxim accedentes de Panis quidem, non de Vini Sacramento participabant. Hos damnandos Gelasius judicavit; atque eam ad rem pertinere videntur verba illa: *Quoniam nescio qua superstitione videntur obstringi*: Hæc interpretatio sententiam Gelasii sententiz Leonis Magni consentaneam facit. Nimirum Leo Magnus id apertius expressit in sermone 41., sive 4. de Quadragesima ita loquens de Manichæis: *Cumque ad tegendum infidelitatem suam nostris audeant interesse mysteriis, ita in Sacramentorum Communionem se semperant, ut interdum, ne penitus latere non possint, ore indigno Christi Corpus accipiant, Sanguinem autem redemptionis nostræ haurire omnino declinent. Quod ideo vestræ notum facimus Sanctitati, ut vobis hujuscemodi homines & his manifestentur indiciis, & quorum deprehensa fuerit sacrilega simulatio, a Sanctorum societate Sacerdotali auctoritate pellantur.* Quod itaque Romæ contigerat sub Sancto Leone, in Calabria ulteriore contigit temporibus Gelasii; Manichæi enim undequaque jactati modo in unam, modo in alteram Provinciam sese recipiebant, quemadmodum universi propemodum Ecclesiasticæ historiz scriptores tradiderunt. Unum adhuc me moratur in hac interpretatione, ceteroquin pervagata, ac fere communi, quod desumitur ex laudato capite 19. Micrologi; Auctor enim ejusdem libri Gelasii decreto usus est, ut demonstraret sacrum Vinum seorsim a sacro Pane sumendum a Christianis esse, non panem intinctum vino. Vel ergo Gelasius de Manichæis non loquebatur, qui non tantum a vino abstinebant, sed nec panem vino intinctum suscipiebant; vel auctor Micrologi Gelasii mentem non agnovit. Verum, licet parum solliciti esse debeamus de auctore Micrologi, utpote satis obscuro, tamen dixerimus, illum usum fuisse non integra Gelasii sententia, quasi hæc ad rem ejusdem esset prorsus accommodata, sed potius generali Gelasii ratione, scribentis, *Divisionem unius, ejusdemque mysterii non posse sine grandi sacrilegio provenire.*

De Epistola ad Maximum, & Eusebium Episcopos.

Canon 5. cau. 16. qu. 4. apud Collectores omnes eandem omnino inscriptionem habet, & ubique tribuitur Gelasio ad Maximum, & Eusebium Episcopos scribenti. Verba tamen Gelasianæ epistolæ non eadem ubique describuntur. Tria potissimum exemplaria, præter Gratianum, proferam. Primum Ivonis in cap. 97. part. 3., alterum Anselmi Lucensis in Collectaneis editis a Canisio, postremum Baluzii in Miscellaneis, ex quibus etiam exhibuit Mansius in supplemento Labbeano. Cum his autem omnibus Gratianum codicem conferam hoc modo: *Licet in regulis* (omittitur in tribus illis codicibus particula *in*) *contineatur antiquis, Parochias unicuique Ecclesiæ pristina dispositione deputatas nulla posse ratione convelli, ne per consuetudinem pessimam exempli mali temeritate crescente, universalis* (tres illi codices habent:

habent: *Ubique universalis* confusio nasceretur, tamen etiam decretis nostris (Anselmus, & Baluzius scribunt: Jam in decretis nostris) ante non multum temporis destinatis, omnia jussimus, quæ taliter fuerunt invasa, restitui. Sed quia temeritas pervasentium legem sibi putat posse generari, si sceleri suo pertinaciam retentionis adjungat, ea, quæ inter Fratrem, & Coepiscopum nostrum Constantium Anuscanæ (tres illi codices exhibent Camiscanæ, alii Gratiani codices habent Canuscanæ, aut Tamuscanæ) Ecclesiæ Sacerdotem, & inter nuncios directos (verba illa inter nuncios in tribus illis codicibus desiderantur) ab Anconitano Pontifice decrevimus, per vos impleri cupimus, tunc formam in ceteris cognitionibus, quæ sit sequenda, perscripsimus. Nulla igitur presumptione statum Parochiarum, qui perpetuæ ætatis firmitate duravit, patimur immutari, quia nec negligentia Pontificis, nec temporalis oblectio (legit Anselmus, & Baluzius oblectio) quia per incuriam forte generatur, neque ignavia faciente consensus adhibitus (Ivo omisit vocem adhibitus) nec subrepente supplicatione (legit Baluzius, & Ivo: Nec subripiente supplicatione) præcepto divellere potest semel Diocesium constitutum, ex qua semper ad regenerationem, atque consignationem plebs devota convenit. (Baluzius, & Anselmus legunt: Plebs devota consistit.) Territorium etiam (postrema hæc verba usque in finem in omnibus codicibus uno excepto Gratiani codice desiderantur) non facere Diocesim olim nascitur ordinatum. Ita ad varios codices exactum Gratiani fragmentum clarius Gelasii sententiam exhibebit. In primis illud animadverto, nomine Parochiæ ibi non intelligi eam, qualis hodie Parochia dicitur, sive fidelium cœtum sub uno Parocho Sacramenta administrante, sed potius intelligi Diocesim, sive fidelium cœtum sub uno Episcopo in diversas Parochias, ut recentiore utar phrasi, distributum. Sane Parochiæ vocabulum hac in significatione acceptum fuisse a Gelasio, manifeste demonstrat canon 25. cau. 25. qu. 2., ea autem in significatione accipiendum esse in eodem canone 5., facile probatur ex eo, quod ad antiquas regulas Gelasius sese referat, quales sane sunt, quæ in Antiocheno Concilio constitutæ fuerant can. 9. ibi: *Unusquisque Episcopus habeat sue Parochiæ potestatem*, quibus sane verbis Parochiæ nomen idem significat, quod nomen Dioceseos. Deinde animadvertitur, contentionem propositam ibidem fuisse dirimendam inter Episcopum Anconitanum, nec non inter Episcopum Anuscanum, seu Camiscanum, seu Canuscanum, seu Tamuscanum de finibus, & usurpatione Dioceseos. Depravati sane codices omnes hac in parte videntur, cum non facile inveniri possit Anuscana, aut similis nominis Ecclesiæ Anconitanæ finitima, ut propterea inter utramque suboriri de finibus controversia potuerit. Forte pro *Anuscana* Ecclesiæ *Asculanam* legendam putarem, cui Constantinus Episcopus præerat. Ut vero inter Constantinum, & Anconitanum Episcopum controversia finiretur, Gelasius causam dirimendam commendavit Eusebio, & Maximo. Eusebius erat Fanensis Episcopus in Anconitana etiam vicinia constitutus, atque ejus mentionem faciunt acta Concilii Romani sub Symmacho anni 502., item acta alterius Romani Concilii anni 503. Quis autem fuerit Maximus Episcopus, certo definire non ausim; forte tamen esse potuit Maximus Bleranus in Etruria Episcopus, qui interfuit Concilio Romano Felicis III. anni 487., item Concilio sub Symmacho anni 501., nisi quispiam vellet pro *Maximo* legendum esse *Maximiano*, cujus sane nomine veniret Maximianus Perusinus in Umbria Episcopus, qui etiam interfuit memorato Concilio Romano anni 501. Hæc vero nonnullis leviora videbuntur, cum sit adhuc investiganda in hoc fragmento præcipua Gelasii sententia. Interpretes universi,

universi, etiam cultiores, ex eo canone deducendum putaverant, Parochiarum limites præscribi non posse, ubi certo pridem definiti fuerint, quo etiam pertinet sententia cap. 4. de Parochiis. Id mihi perspicuum esse videtur, imo etiam ipsis præcipuis præscriptionum regulis non adversatur. Certum est, jura præscriptionum, sive usucapionum a Romanorum vetustissimis legibus ortum habuisse; a Romano autem foro facile ad res Ecclesiasticas fuisse traducta, præsertim cum usucapiendi potestas bono publico inserviret, ne rerum dominia, vel jura manerent in incerto, perpetuæque contentionibus, ac jurgiis litigantium subjacerent. Itaque usucapionis, ac præscriptionis qualitates eadem fuerunt in Ecclesiasticis rebus, ac fuerint in civilibus; cum præscriptio a rebus civilibus ad Ecclesiasticas traducta cum suis qualitatibus derivata fuerit. At vero in civilibus negotiis ita obtinuerat præscriptio, atque usucapio, ut in terminis, sive finibus prædiorum locum nullatenus haberet, quatenus finium ac terminorum designatio jure publico facta fuerat, & ad privatorum jura minime pertinebat. Huc referenda est lex 5. cod. finium regundorum, ita concepta: *Quinque pedum præscriptione submota, finalis jurgii, vel locorum libera peragatur intentio*, quæ verba licet viris jurisperitissimis difficultatibus obvoluta visa fuerint gravissimis, tamen hac arbitror interpretatione explicanda. Jamdiu veteribus Romanorum legibus cautum erat, ne spatia; quæ inter confines agros intercedebant, usucaperentur. Erant illa juris publici, & ideo definita, ut finitumorum jurgiis nulla tribueretur occasio, proptereaque singularis erat ratio, ne eadem præscriberentur, aut usucaperentur, quod in ea specie præscriptio, atque usucapio non ad quietem publicam, & tranquillitatem hominum ordinata fuisset, quemadmodum ordinabatur in ceteris causis. Porro iidem Romanorum legibus cautum etiam fuerat, ut viz limitares ad quinque pedes extenderentur, non vero minore spatio concluderentur. Hinc oriri disputatio potuit de viis, quæ latiores extitissent, & ultra quinque pedes, nimirum num istæ, in ea saltem parte, quæ latius extendebatur, usucapi possent. Ut enim major illa extensio juris privati esse videbatur, ita & legitimam usucapionem admittere, quæ privatorum jura sine exceptione spectabat. Disputationi obviam iverunt, aut etiam finem imposuerunt Imperatores in dicta lege 5., decernentes, finalis jurgii, vel locorum liberam peragi intentionem posse, submota quinque pedum præscriptione, id est, spatium quinque pedum nulli usucapioni veluti publicum subjacere, at vero spatium, quod quinque pedes excederet, quodque Imperatores appellant *locum*, & *finale jurgium*. (loci nomen eadem significatione sumitur in l. 60. de verbor. signif.) usucapi recte posse. Igitur cum limites publico jure constituti nullatenus privatorum arbitrio, seu conniventia, aut tacita voluntate mutari possent usu, nemini mirum videbitur, si eadem regula in rebus Ecclesiasticis usucapiendis recepta fuerit, ut omnia propemodum Ecclesiarum jura præscriptioni obnoxia sint; limites vero Parochiarum, sive Dioceseon, sive Provinciarum a præscriptione immunes habeantur, quoties certo constat eos aliquando definitos fuisse.

De Epistola ad Palladium Episcopum.

Chr. 12. Integra Gelasii epistola ad Palladium Episcopum, qualis referri videtur in ca. dist. 55. nonne 12. dist. 55., ad nos usque non pervenit, nisi subsidio Collectorum recentiorum

rum, Ivonis, Anselmi, aliorumque ejusdem sæculi Scriptorum. Erat illud singulare rescriptum ad Stephani cujusdam causam pertines, ac propterea non magna solertia apud veteres custoditum. Nihil sane in eo est, quod a Gelasio abjudicari possit. Illud animadvertero, Palladium, de quo ibidem agitur, Episcopum eum fuisse, qui subscripsit Concilio Romano sub Symmacho anno 499., & Sulmontinæ Ecclesiæ in Aprutio citeriore præfuisse. Ei commissa fuit Stephani Presbyteri causa, qui barbarorum e Tuscia prodeuntium, & diversa loca devastantium impetum effugiens ita debilitatus fuerat, ut Ecclesiasticis ministeriis per biennium vacare non potuisset. Præterea observatur, nonnulla in codice Ivonis parte 6. cap. 107. paullo aliter legi; nam ubi Gratianus habet: *ita & si quis in eo fuerit constitutus, ac tunc fuerit sauciatus*, scripsit Ivo: *Ita & si quis in eo actu fuerit constitutus, ac fuerit sauciatus*. Item pro verbo *suscepisset*, legit Ivo, *suscepit*, pro vocibus *illis interiores partes*, legit Ivo, *inferiores partes*, item pro *illis in invaletudinem*, Ivo omissa particula *in* legit *invaletudinem*. Imo & ipsi Ivonis codices non omnes invicem consonant, nam ubi aliqua exemplaria una cum Gratiani codicibus exhibent, nuper propter Provincie vastitatem, quam Thuscie præ omnibus Barbarorum &c., exhibent alia exemplaria: nuper propter Provincie vastitatem Thuscie, quam præ omnibus Provinciis Barbarorum &c. Demum & codicum varietas animadvertitur, si cum Gratiano codice conferatur codex Pannormiz. In eo, quem præ manibus habui, in Regio Athenzo adservato pro illis verbis: *oblato, quod habetur in subditis*, legi: *oblato, quod habebatur in subditis*; item pro illis verbis, *præ omnibus barbarorum feritas &c.* legi: *præ omnibus barbarorum diversa sestantium ambiguitas innoxia animorum, cum imminentes &c.* Ibidem etiam omittitur particula *vix* in illis Gratiani verbis, *quæ vix addibita*, omittitur etiam particula *in* in illis Gratiani verbis: *in invaletudinem*.

De Epistola ad Quingesium Episcopum.

Dis similem in diversis codicibus Gratiani esse inscriptionem canonis 50. cau. 11. Can. 50. cau. 11. qu. 1. qu. 1., recte animadverterunt Correctores Romani. Vulgati Gratiani codices ita exhibent: *Gelasius Papa Quingeso Episcopo*. Vidi ego veteres MSS. Codices, in quibus legitur *Quinquagesimo Episcopo*. Alii etiam habent *L. Episcopo*. Alii demum *Lucio*. Nemo non videt nomen *Quinquagesimi*, aut exinde corruptum nomen *Quingesi*, ex crassa Amanuensis imperitia profectum esse, qui scilicet literam *L.* pro numero quinquagesimo intelligens, cum alias Lucium significaret, non Lucium, sed Quinquagesimum Episcopum nominavit. Verum ego progredior ulterius, & reor, hunc canonem falso adscriptum esse Gelasio, aut saltem tantam vim illi non inesse, ut certo Gelasio tribui possit. Quis primus illud fragmentum ediderit aut Gelasio, & cujuspiam alterius nomine, ignotum est. Sane, apud neminem ex Colleetoribus Gratiano antiquioribus legitur; imo non desunt etiam Gratiani codices, in quibus illud ipsum fragmentum desideratur. Inter ceteros unus erat vetustissimus MSS. Codex membranaceus in Bibliotheca Regii Athenzi, in quo post canonem *In Clericorum*, qui est 49. cau. 11. qu. 1., statim ad verba quæstionis secundæ, *Quod vero culpa illa &c.* gradus fit; eamque ob rem non solum omisus est canon *quia res 50.* Gelasio in aliis codicibus tributus, verum etiam omissa sunt verba illa Gratiani post canonem 49. *Res vero in litigio posita*

sua ante legitimum cognitionis eventum in nullam debet omnino transferri personam. Quamquam vero id tribuere quispiam posset incuri Amanuensis, tamen hanc rem, quæ dubietate non caret, magis, ac magis in incerto collocat Gratiani propositum. Nimirum Gratianus in quæst. 1. nihil disputandum proposuerat de translatione rei litigiosæ in aliquem, sed tantum de competenti foro Clericorum agendum. fuserat. Quamobrem inverosimile omnino non est, verba tum Gratiani, tum Gelasio tributa in dicto can. 50., utpote ad Gratiani quætionem non pertinentia, recentiore manu adjecta fuisse. At si ipsam canonis sententiam scrutemur, magis magisque constabit, illam a germana jurisprudentia abhorreret, proindeque non facile Gelasio Viro Jurisconsultissimo tribuendam. Afferitur ibidem, rem in litigio positam a nemine interea possidendam, neminem sinendum exigere pensiones, præjudicia demum omnia submovenda esse. Verum quo pertinent saluberrima possessionum interdicta, quorum vi publicæ tranquillitatis causa interea possessor rei litigiosæ in sua possessione defenditur? Quis præjudicia, sive præjudiciales actiones Gelasio displicuisse adferebat, quando hæc ex publica utilitate perpetuo petitorium judicium præcedere consueverunt, ubi præsertim petitorium judicium facile, & quantocius expediri non possit? Sequestrationi perarum fit locus, tum demum scilicet, quum de possessoris dolo ac fraude suspicio suboritur, quod in iudicio præsertim Ecclesiasticis rarius fieri, ipsamet Pragmaticorum documenta demonstrant, quemadmodum apud Fabrum in codice lib. 4. tit. 3. defin. 3. num. 8.

De Epistolis ad Rufinum, & Aprilem.

Cum. 11. dist. 10. & Can. 11. dist. 54. Si præcipuam sententiam canonis 11. dist. 54. spectaveris, qua nimirum statuitur, servos sine Dominorum voluntate sacris ordinibus non esse iniciandos, non, dubium erit, quin Gelasio Pontifici illam jure optimo tribuere possis. Consonat cum ea canon 12. dist. 54., erutus ex epistola Gelasii ad Episcopos per Lucaniam, Brutios, & Siciliam constitutos; consonant alia, & quidem plura hujusmodi monumenta, inter cetera canon 9. & 10. dist. 54., ex quibus facile constabit, in dicto canone 11. dist. 54. nihil penitus contineri, quod Gelasii doctrinæ adversetur. Sed præterea nonnulla in eodem canone animadverto, quæ Gelasianis temporibus apprimè conveniunt. Scripta fertur ea epistola ad Rufinum, & Aprilen. Porro Rufinus erat Gelasii tempore Canusinus Episcopus in Prævincia Barenfi in Regno Neapolitano, cujus mentio fit in Concilio Romano anni 499., à Aprilis autem erat Episcopus Lateranensis in citeriore Principatu Regni Neapolitani, qui interfuit Concilio Romano anni 501., item Concilio Romano anni 502., demum Concilio Romano anni 504., quibus sane congruum fuit, ut Gelasius causam committeret cognoscendam de servis in Nucerina Civitate ordinatis, cum Nucerina Urbs sive Lateranensis, sive Canusina, quibus præerant Rufinus, & Aprilis, effect finitima. Hinc vero facile noverit unusquisque, verosimili admodum ratione emendanda esse Gratiani, aliorumque Collectorum exemplaria in illis verbis: *A Lucerino Pontifice*, pro quibus hæc erunt commodius substituenda: *A Nucerino Pontifice*. Eam ad rem epistolæ auctor ad *Patrum regulas* sese refert. Jure optimo poterat id Gelasius adferere; etenim servos sacris ordinibus non esse iniciandos, jamdudum sacris Canonibus constitutum fuerat. Hujus rei argumento esse possunt

possunt decreta Leonis Magni in epistola ad Episcopos per Campaniam &c. constitutos, cujus fragmenta sunt in can. 1. & 21. dist. 54., item canon 3. Concilii Gangrensis, necnon canon 4. Concilii Chalcedonenfis. Præterea auctor epistolæ sese refert ad *almonitiones modernas*. Antonius Augustinus in Dialogo 19. lib. 1. de emendatione Gratiani asserit apud Gratianum ita potius legendum esse: *Quis autem leges Principum, aut Patrum regulas, aut almonitiones paternas dicat &c.*, atque hanc lectionem probatam vult Baluzius ex quodam Romano libro in annotationibus ad Antonium Augustinum. Si quispiam sequi malit Antonium Augustinum, nomine *paterarum admonitionum* facile intelliget nuper laudatam epistolam Leonis Magni, aut canones Gangrenses, vel etiam canones Chalcedonenses. At vero si quispiam Gratiani potius, & Ivonis codicem vulgatum sequatur, legendumque arbitretur: *Almonitiones modernas*, id referre facile poterit ad ipsam Gelasii epistolam scriptam ad plures Italiz Episcopos, cujus fragmentum recensetur in dicto canone 12. dist. 54. Hæc omnia, ut aiebam, adeo Gelasio Papæ conveniunt, ut nihil sit, in quo non ipsemet Gelasius agnosci possit. Unum tamen superest, quod investigandum est, num Gelasio conveniat, atque ea verba spectat: *Quis autem* (sive, si legendum est cum Antonio Augustino, *quis autem*) *leges Principum &c.* Quænam erant Gelasii tempore leges Principum, quibus caurum jam fuerat, ne servi dominis non consentientibus ad sacros Ordines promoverentur? Sunt qui hoc referunt Constitutionem Justiniani Imperatoris in Novella 123. cap. 17. Potuissent eo etiam referre Capitularia Caroli Magni pluribus quidem in locis. Verum & Carolus Magnus, & Justinianus Imperatores multo recentiores Gelasio sunt, quorum propterea jurisprudentiam Gelasius laudare non potuit. Arbitror ego, Gelasium voluisse illic commemorare Constitutionem Leonis, & Anthemii, quam legimus in l. 37. cod. de Episcopis & Clericis. De canone 11. dist. 10. nihil amplius adjicio, cum referendus sit ad dictum canonem 11. dist. 54., tamquam fragmentum ex illo decerptum.

Ex epistola etiam Gelasii ad Rufinum Episcopum retulit Gratianus canonem 13. dist. 55. Verum in primis animadverto, in codice Ivonis antiquiore in parte 6. cap. 111. tribui potius Pelagio Papæ ad Rufinum Episcopum scribenti. Mansius in Labbæano supplemento eundem canonem referens, sub nomine Pelagii descripsit, adnotans in aliis codicibus haberi sub nomine Gelasii. Frequenter id contigit, præfertim in vetustis codicibus MSS., ut hæc nomina Gelasii, & Pelagii promiscue describerentur, adeo ut viderim ego Panormiz codicem, in quo, ubi refertur canon 26. lib. 4., qui idem est cum Gratiano can. 2. cau. 6. qu. 3., ita legitur: *In decretis Pelagii: Gelasius Papa Romanus Episcopis omnibus. Scitote &c.* Sane, si ex canonis ejusdem sententia licet augurari, quoniam fuerit ipsius canonis auctor, facile conjicietur, Gelasio perperam fuisse tributum. Imo & si, quod sentio, libere aperiã, arbitror falso etiam tribui sive Gelasio, sive Pelagio, quicumque ipse sit, primus nimirum ejus nominis, vel secundus. Proponitur ibidem species de Presbytero, qui iracundia correptus in Diaconum quendam irruit, eundemque non solum fuisse percussit, sed & oculo eruto afflixit. Auctor Epistolæ Rufinum Episcopum monet, ut Presbyterum a gradu suo dejectum penitentiz causa in Monasterium relegat, laica tantummodo communione concessa; caveat autem, ne Diaconum oculo carentem ad Sacerdotalem ordinem promoveat, id suadentibus generalibus sacrorum canonum regulis, quæ prohibent, ne quis, qui

Can. 13.
dist. 55.

oculo careat, etiam quocunque fato, ad sacra ministeria accedat. Si nihil aliud in hoc fragmento haberetur, quam Presbyterum, qui a gradu suo dejicitur, laica communione donandum esse, id sane non dissonaret a veterum disciplina; etenim dejectis Clericis laicam communionem concessam fuisse scimus ex epistola Siricii ad Himerium Tarraconensem, sive can. 5. dist. 84., item ex Basilio in epist. ad Amphiloichium can. 32. At vero cum dicatur, Presbyterum a gradu suo dejectum in Monasterium poenitentiae causa detrudendum fore, non possum sane hanc sententiam Gelasio tribuere, nisi fingam Monasteria jam plurima tunc temporis edificata fuisse, eademque Clericis poenitentibus patuisse, quod sane probare difficillimum esset; neque enim constat, hanc disciplinam vetustiore esse Concilio Agathensi anni 506., si tamen canon 50. inter canones ejusdem Concilii vere Agathensis Concilii est, quem Eruditi Viri ad Concilia referunt posterioris ætatis. Melius diceret, qui originem ejus disciplinæ repeteret ex canone 22. Concilii Epaoensis anni 517., ubi in Monasterium detrudendos esse Clericos decernitur, qui crimen capitale admisissent; cui deinde canonem morem gesserunt Patres Concilii Aurelianensis III. anni 538. can. 7., Patres Concilii Toletani IV. anni 633. can. 29., & Concilii Toletani VIII. anni 653. can. 3., quibus addi posset can. 8. dist. 81. Imo observanda occurrit hac in re vetus ipsa disciplina, quam exhibet Vir Eruditissimus Petrus de Marca in interpretatione canonis *Clericus* cau. 3. qu. 4. Tradit ipse, non eandem Clericis reis inflictam perpetuo poenam fuisse media Ecclesiæ ætate, sed modo laicam communionem tantum concessam post dejectionem a gradu, modo illos in Monasteria fuisse detruendos, quod poenarum discrimen ipsa criminum, seu delictorum diversitas efficiebat. Nam si crimen a Clerico admis- sum ex gravioribus fuisset, vel Ecclesiasticum, vel publicum & civile, Clericus in laicam communionem dejiciebatur; at Monasterio addicebatur tum demum, si Clericus in Ecclesiastico ministerio obeundo deliquisset. Quæ si vera sunt, non video, qua ratione utraque poena in dicto canone 13. jungatur; imo & Monasterio poenitentiae causa addicatur Clericus, qui publici criminis reus agnoscitur. Difficultatem etiam graviolem patitur altera canonis pars, in qua dicitur, oculo carentem ex generali canonum sacrorum disciplina a Sacerdotali honore arcendum esse. Id non tam a Gelasii, quam etiam a Pelagii sive I., sive II. temporibus alienum est. Qui enim in primis canones illi demonstrari poterunt, in quibus ea disciplina tradatur? Imo in contrarium urgent quinti, aut sexti Ecclesiæ sæculi monumenta, quibus nimirum vixit & Pelagius uterque, & Gelasius. Profero in medium canonem 76., apud alios 77. ex vulgo Apostolicis; etsi enim facile Apostolis ipsis non tribuatur, quinto tamen, vel sexto Ecclesiæ sæculo pro generali, germanaque disciplina Ecclesiæ habebatur. Ita ibidem legimus: *Siqui vel oculo orbat- us, vel femore oblat- us, Episcopatu autem dignus sit, fiat. Non enim Corporis damnum eum polluit, sed anime inquinatio*; & in can. sequenti: *Qui autem est surdus, & cæcus, ne sit Episcopus, non ut pollutus, sed ne Ecclesiastica impediatur*. Hinc Balsamon ad interrogationem 23. Marci Alexandrini his canonibus usus est, ut ostenderet mancos, aut monoculos posse ad Sacerdotium promoveri, dummodo corporis vitium tale non proponatur, quod sacrum officium a Sacerdote obeundum impedi- at. Consulatur Vvanespem, qui nonnulla adfert ad hanc rem veteris Ecclesiæ Historiæ monumenta in parte 2. Jur. Eccles. universi tit. 10. cap. 5., ostenden- s, tum demum corpore viciatos apud veteres ab ordinibus sacris fuisse remotos, quando

quando aut vitium ipsi sibi intulerint, aut tale vitium fuerit, quod officio sacro fungi non sineret ordinatos. Quamobrem frustra apud Gratianum aut Gelasius, aut Pelagius inducitur, tradens canonum eam fuisse quintro, aut sexto sæculo disciplinam generalem, ut qui oculi careret, a sacro ordine suscipiendo arceretur, quum nec de huiusmodi canonibus constet, alias autem longe diversa in parte adpareat Virorum Ecclesiasticorum consuetudo, atque doctrina. Forte igitur quispiam in eo fragmento elucubrando abuti voluit canone 11. Concilii Ilerdensis ita expresso: *Siqui Clerici in mutua eadem proruperint, prout dignitas officiorum in tali excessu contumeliam pertulerit, a Pontifice distriktius vindicetur.* Forte quispiam latius expendere malens poenitentiam Clericis percussoribus indicendam, ea descripsit, quæ in dicto canone 13. legimus, eademque Pelagio tribuit, quod crederet Ilerdense Concilium Pelagii Pontificis temporibus celebratum fuisse, sive anno 546. quemadmodum nonnulli Viri Eruditi tradiderunt. Aut forte quispiam abuti voluit fragmento epistolæ Gelasii ad Episcopos Lucaniz, quale habetur in can. 1. dist. 36., quem tamen intelligendum esse de iis, qui propria voluntate semetipsos absciderint, facile demonstrat mentio ibidem facta *antique traditionis*, quæ sane ad canones Nicæni I. Concilii est referenda, quemadmodum superius animadvertbam.

De epistolis ad Rusticum, & Fortunatum.

Quandam Gelasii epistolam ad Rusticum Lugdunensem Episcopum edidit Dacherius in tom. 3. sui Spicilegii pag. mihi 304. Quæ tamen ibidem legimus non disciplinam Ecclesiasticam respiciunt, sed potius causam Acacii, de qua jam superius sermo fuit instituendus. Quamobrem ad illam epistolam frustra referret quispiam canonem 2. cau. 7. qu. 2., qui tributus est Gelasio ad Rusticum, & Fortunatum scribenti, cum ibidem non de Acacii causa, aut alias stabilienda fide tractetur, sed potius de Ecclesiastica disciplina in singulari causa Foropopiliensis Episcopi, gravi morbo identidem correpti. Erat Foropopiliensis (ita legendum arbitror, non Foropopulensis, uti habent Gratiani Cedices) Episcopus olim in Romana Provincia, & Maximo Pontifici etiam tamquam Metropolitæ suberat. Cum itaque eo morbo correptus diceretur, quo vel in ipsis sacris officiis adfectus ministeria sacra turbaret potius, quam conficeret, fertur Gelasius Foropopiliensis Ecclesie visitationem commississe Rustico, & Fortunato Episcopis, illis commendans, ut de rei veritate cognoscerent. Rusticus ille, qui ibidem memoratur, Episcopus esse non potest Buxentinus, constitutus in Principatu citeriore Regni Neapolitani sub Salerno; cuius mentio fit in Concilio Romano anni 501., hic enim cum esset ab Urbe Foropopiliensi distitus, non satis commode visitationem illius Ecclesie obire poterat. Potius dicendus esset Cælius Rusticus Episcopus Minturnensis in Latio, qui primus post Symmachum Papam subscripsit Romano Concilio anni 499.; eademque ratione Fortunatus, qui ibidem memoratur, dicendus esset Episcopus Fulginas, qui subscripsit Concilio Romano anni 499., deinde alteri Romano Concilio anni 501. Verum parum ego Gratiano indulgere soleo in illis capitibus, quæ apud antiquiores Collectores aliquo nomine illustres desiderantur, quæ præsertim nonnulla continent a veri specie aliquatenus aliena. Sane memoratus canon 2. primum apud Gratianum adparet, non autem in vetustioribus Colle-

Can. 2.
cau. 7.
qu. 2.

Rationibus ex illis, quæ ad nos usque pervenerunt. Deinde proponuntur conquesti fuisse de Præfule suo non solum Foropopiliensis Ecclesiæ Clerici, ac Laici, sed etiam Sabinus Episcopus, & Pelagius. Nescio qua ratione Sabinus Episcopus, & Pelagius potuerint suum Præfulem appellare Episcopum Foropopiliensem, qui nullos suæ jurisdictioni obnoxios habebat Antistites. Præterea Gelasius fingitur de ea causâ ad duos Episcopos scripsisse, Rusticum, & Fortunatum; at in postremis epistolæ verbis, ubi probandum demandatur, an revera Foropopiliensis Episcopus morbo gravissimo corripereetur, Gelasius ad unum Rusticum sermonem dirigit, quasi de Fortunati sollicitudine dubitaret, quem tamen ad causæ cognitionem cum Rustico peragendam æque selegerat. His accedit, visitationem alienarum Ecclesiarum tunc temporis non consuevisse Episcopis demandari, nisi quoties aut illarum Episcopi obiissent, novusque eligendus foret Antistes, aut Episcopi earundem gravi crimine admissio ab Ecclesia sua erant deturbandi. At vero ubi Foropopiliensis Episcopus gravi corporis morbo aliquando detineretur, non iusta videbatur occasio, visitationem illius Ecclesiæ Episcopis aliis demandandi. Num enim causâ infirmitatis hujusmodi, quasi publico iudicio, damnandus erat Episcopus, ut ab Ecclesia sua quodammodo pelleretur? Non hæc erat juris Ecclesiastici doctrina, quemadmodum nuper superius ostendebam ad canonem 13. dist. 55. Illud demum mihi negotium accessit, quod in fine ejusdem canonis 2. animadverto, nimirum ita Foropopiliensem Episcopum Rustici Episcopi custodiz mancipari, ut carnibus indifferenter uti compelleretur; quasi Episcopi infirmitas probanda esset, eo præcepto vitæ tenore, quo facilius in infirmitatem, quam forte cibi paritate, aut qualitate evaderet, collapsus demonstraretur. Hæc porro gravissimæ conjecturæ plurimum me movent, ut concludam, hanc epistolam perperam fuisse Gelasio tributam. Ego sane reor, auctorem hujus canonis præ oculis habuisse epistolam Isidori Mercatoris, atque inter ceteras epistolam Pii Papæ, ad quam pertinet Gratianæ canon 3. dist. 33. Nonnihil adhuc superest observandum ad emendationem canonis, quemadmodum monuit Baluzius in notis ad Gratianum, cujus verba hoc in loco integra referam. Ait ille ad illa verba canonis *triginta diebus. In codice Sangermanensi legitur, ut eum lxxx. diebus; in regio, ut eum vi lxxx. diebus. Sed duo puncta supposita sunt literis vi, quæ ostendunt illas esse superfluas. In antiquiore Vidorino, ut eum l. xxx. diebus, quo loco litera l. divisa est per lineolam superius, ut significet vel. Verum mendum heic est. Codex Colbertinus, ut eum xxx. diebus. Recentior Vidorinus: ut eum l. triginta diebus; quo etiam loco litera l. significat vel. Prima editio Moguntina: ut eum xxx. diebus: Veneta: ut eum vel xxx. diebus, quo etiam modo legunt Demochares, & Contius. At, Correptores Romani expunxerunt particulam vel, ut simpliciter legerent triginta. Fortassis nonnullorum veterum scriptorum auctoritas, & vestigia sincera lëssionis in aliis ostendunt legendum esse octuaginta.*

Can. 5. Quis fuerit Fortunatus Episcopus, ad quem directæ est epistola, cujus fragmentum habemus in can. 5. dist. 87., incertum prorsus habeo; fuit enim temporibus Gelasii sive Fortunatus Fulginas superius memoratus, sive Fortunatus Anagninus, sive Fortunatus Sueffanus, qui omnes interfuerunt Concilio Romano anni 499., omnes etiam Romano Pontifici tunc immediate, velut Metropolitæ, subiecti, ad quos propterea indiscriminim eadem epistola referri commodissime posset. Nihil est in eo fragmento, quod aut a Gelasio, aut a Gelasianis temporibus alienum videatur.

deatur. Imo quod ibidem conjicitur de negligentia Diaconi in bonis illorum, qui ejus curæ commendati fuerant, facile de Gelasianis temporibus intelligitur, quibus Ministri Ecclesiæ ad alienationes rerum sibi commendatarum libentissime deveniebant, quemadmodum docent Romani Concilia sub Symmacho Pontifice celebrata initio sexti sæculi. Alias vero scimus, Gelasium Papam pia animi adfectione ductum fuisse, ut illorum personis, qui alieno auxilio indigerent, provida quaque ratione opitularetur, quemadmodum inter cetera docent monumenta illa, quæ retulit Gratianus numero plura in dist. 87., docerent alia etiam, si ad nos usque monumenta Gelasii integra pervenissent, quæ privatorum causas respiciunt. Pervenit autem memoratus canon 5. non tantum opera Gratiani, sed etiam opera Ivonis in cap. 109. parte 6., ex quo Romani Correctores Gratianeum codicem aliquantisper emendandum voluerunt.

De Epistola ad Senecionem Episcopum.

Apud Interpretes sacrorum canonum vulgatissimi sunt canones 16. & 27. cau. 16. qu. 7., etenim nonnulli crediderunt, hinc originem sumxisse jura, præsertim honorifica, Fundatorum, seu Patronorum. Nonnullos e converso paullisper torxisse visum est jus, quod ibi dicitur processionis, quod & Fundatori concessum esse dicitur, alias vero Fidelibus omnibus esse commune. Nihil est, quod hoc in loco ad canonis interpretationem adjiciam post egregiam, eruditissimamque canonis expositionem editam a Francisco Florentie tom. 2. operum Juridicorum pag. mihi 83. & sequentibus. Tantum adnotavero, processionis nomen pro publico conventu usurpatum fuisse in aliis Gelasio tributis capitibus, nimirum in can. 3. dist. 24., in canone 5. & 7. de conf. dist. 1., eamque ob rem consecrata Ecclesia dari Fundatoribus jus processionis Christianis omnibus commune, nihil aliud esse potuisse apud Gelasium, quam concessam fundatoribus facultatem, ut ipsi conventum in Ecclesia ædificata fidelium celebrare possint; quidquid alii ad hanc rem tradiderint, qui processionis jura singularia ex errore invexerunt. Potius mihi elaborandum erit, investigandumque in canonum eorundem vim, atque auctoritatem exhibendam, si tamen exhiberi quoquo modo possit. Nimirum plurimum vereor, ne uterque canon commentitius sit, posterioribus demum sæculis editus, atque ut venerabilior videretur, Gelasio Sanctissimo æque, atque eruditissimo Pontifici tributus. Nondum Gelasii temporibus invaluerat, ut hæc Ecclesias, quas ipsi ædificaverant, in suum quodammodo privatum jus omnino converterent, partim, ut Parochorum vigilantiam eluderent, quod octavo sæculo factum fuisse lugebat Agobardus Lugdunensis in libro de privilegio, & jure Sacerdotii cap. 11., partim ut redditus Ecclesiasticos a se, vel majoribus suis dimissos quoquo modo recuperarent, quemadmodum sæculorum octavi, noni, & sequentium innumera propemodum monumenta demonstrant. Quamobrem frustra Gelasius cavisset, ut ædicatoribus Ecclesiarum nihil aliud juris concederetur, quam jus processionis, quod Christianis omnibus dicitur esse commune. E contrario quum abusus jurispatronatus irrepere cepit post septimum Ecclesiæ sæculum, nihil adversus illum accommodatus videri poterat, quam canones, edere, quibus Patronorum jura cohiberi viderentur. At vero ex iis, qui adversus abusum illum scripserunt, non defuerunt, qui sine delectu falsa ger-

Can. 16.
& 27.
cau. 16.
qu. 7.

germanis monumentis jungerent monumenta, imo etiam falsa componerent sub nomine virorum gravissimorum, dummodo proposito suo servirent. Hujusmodi fuisse videtur Anselmus Lucensis, qui in Collectione sua indiscriminatum usus est illis capitibus, quæ rei suæ aptiora dignoscebat, quemcumque tandem auctorem haberent. Cum autem primus ipse fuerit, qui duos canones illos ediderit, qui sunt 26. & 27. cau. 16. qu. 7. apud Gratianum, hinc non levis desumitur conjectura, ex qua iidem vere Gelasio tribui non facile debeant ex unius Anselmi testimonio. Quis non agnoscat nimiam ibi Gelasii sollicitudinem aut in cavendo, ne quidpiam præter processionis aditum sibi vindicent fundatores, aut in cavendo, ut Fundatores donationem solemnem conficiant, quod posterioribus sæculis caveri sollicitius cœpit, Concilio Wormaciensi anni 868. can. 3., & eisdem fere temporibus apud Jonam Aurelianensem in epistola, quam edidit Baluzius post notas ad Reginonem pag. 622., nec non apud Hincmarum in capitulis tit. 4. §. ultimo. His accedit duos illos canones ita descriptos esse, ut, licet ad diversorum causas pertineant, invicem tamen ita consonent, ut unus quasi exemplar alterius videatur; at Gelasii tempore nondum vigeant illæ Curialium formulæ, quæ in similibus causis promiscue describerentur. Præterea Gelasius in epistola ad Episcopos Lucanæ gravissime conquestus est, quod Ecclesiæ institutæ, atque jamdiu dedicatæ ministris propemodum destitutæ essent, eamque causam opportuno remedio indigerent. Quis itaque credat in his temporum adjunctis, Gelasium facile concessisse, ut novæ dedicarentur Ecclesiæ? Id enim potius in destitutionem legendam aliarum Ecclesiarum facile vergebat adversus ejusdem Gelasii voluntatem. Atque hæc animadversio eo gravior reddetur, quo simplicius conferatur cum alio Gelasii monumento, quod habemus in can. 7. dist. 1. de cons. Ibi enim Sanctus idem Pontifex adeo caute Megetiæ spectabili feminae oratorii dedicationem concessit, ut tantum ibidem de functorum nomine celebrarentur divina officia, publica tamen frequentatione, & processione cessante. Digna illa erat Gelasii sollicitudo, qui destitutis Parochiis consulendum potissimum proposuerat, non fidelium animos ad oratoria privatorum divertere. Imo Gelasius in eadem epistola profitetur, se id indulgisse, humanitatis intuitu, atque ut Matronæ, quam *specabilem* vocat, quoad fieri per tempora posset, morem gereret. Non igitur video, qua ratione ampliorem dederit facultatem, publicæ nimirum processionis, Julio, aut Frigentio, quin tamen exprimeret singularia illorum merita, & quasi hæc dedicandorum oratoriorum concessio tunc vulgaris esset, & sine discrimine obtineretur. Hæc omnia si invicem jungantur, argumento erunt non contemnendo, quo memoratis canonibus parum, aut nihil fidere quispiam possit.

De Epistola ad Syracusanum, Constantinum, & Laurentium Episcopos.

Can. 34.
cau. 17.
§. 4.

Artequam de canone 34. cau. 17. qu. 4., qui Gelasio ad Syracusanum, Constantinum, & Laurentium Episcopos scribenti tribuitur, verba faciam, paucis tradenda est, quæ apud veteres vigerit disciplina de Judæis Christiana mancipia possidentibus, aut etiam circumcidentibus; id enim ad vim, auctoritatemque dicti

cano-

canonis 34. expendendam plurimum facit. Vetustissimis Romanorum legibus vetitum erat, indicta deportationis poena, nequis Judaico ritu se, servosve suos circumcidi pateretur, imo & circumcidens poena capitis pledebatur, ut tradit Paulus in lib. 5. sententiarum tit. 22. §. 3. Tantum id Judzis permissum erat, ut impune ritum sequerentur suum ipsi, dummodo alios non circumciderent, alienæ scilicet nationis homines, ne servos quidem suo dominio obnoxios, indicta poena capitis in reos, vel deportationis, ut rursus tradit Paulus in loco memorato §. ult., & Modestinus in l. 11. ff. ad legem Cornel. de Sicariis, ubi dicitur, D. Pium ita pridem constituisse. Constantinus Imperator illud præterea addidit, ut si Judæus mancipium Christianum, vel cujuslibet alterius sectæ sibi obnoxium circumcidisset, circumcissus ipse statim libertatem consequeretur, l. 1. cod. Theodof. ne Christianum mancipium. Hæc vero non constitit idem Imperator, qui cum probe dignosceret, grave Christianis fuisse fidei periculum, si in servitutem Judæorum abduci aliquando possent, vetuit insuper, ne Judæi compararent alterius sectæ, vel nationis mancipia, poena indicta amissionis mancipii, & si mancipium Christianum fuisset, non solum mancipium statim auferendum voluit, sed etiam emtoris bona publicari, l. 2. cod. Theodof. eodem titulo. (non defunt qui posteriorem hanc legem tribuant Constantio Imperatori, & successori Constantini). Atque hæc Principum Constitutiones futuras tantummodo Christianorum mancipiorum acquisitiones prohibebant, ad mancipia jam Judæis acquisita non pertinebant. Hanc ob rem Valentinianus, & Theodosius in l. 5. cod. Theodof. de contrah. emptione, postquam confirmaverunt aliorum Imperatorum sanctiones de servis Christianis minime comparandis, voluerunt, ut siqui ex Christianis servitute Judæorum adhuc premerentur, soluto per Christianos competentis pretio, ab indigna servitute redimerentur. Verum non multos post annos mitius cum Judæis actum est in Imperio Occidentali sub Honorio anno circiter 415., etenim Honorius Imperator plura quidem adversus Hæreticos constituit tamquam veræ Christi doctrinæ patronus; attamen erga Judæos clemens, ac benignus visus est, quemadmodum demonstrant leges 17. 20. 23. & 24. cod. Theodof. de Judæis, lex ult. eodem codice de Feriis, & lex 8. eodem codice de executoribus. Hinc ipse facultatem fecit Judæis, ut Christiana mancipia rursus habere in sua potestate valerent, eademtaxat adjecta conditione, ut propriam religionem servos custodire permitterent, l. 3. cod. Theodof. ne Christianum mancipium, edita anno 415. Non ita Theodosius Imperator in Oriente, qui eodem anno 415. lege sua Constantianam legem confirmaverat, sive in ea parte, qua cautum erat, ne Judæi servos suos Christianos, aut alios quoscunque Judaica nota afficerent, sive in ea parte, qua constitutum erat, ne mancipia Christiana apud Judæos retinerentur l. 22. cod. Theodof. de Judæis. Idipsum idem Imperator probavit anno 417. Cum enim agnovisset, ex memorata Honorii lege palmam quodammodo tulisse sibi visos esse Judæos, quemadmodum circa eadem tempora querebatur Rutilius Numatianus lib. 1. itinerarii de Judæis scribens, *Vidoresque suos natio viâta premit*, statim Theodosius generali lege sanxit, ne Judæi servos Christianos comparare auderent, nec largitatis titulo consequi, ita tamen legem suam moderatus est, ne videretur Honorii constitutionem nuper latam penitus contempsisse, aut reprobasse, volens in primis, ut quæ mancipia jam antea comparata fuissent, ab anno scilicet 415. usque ad annum 417., libere a Judæis possiderentur, imo & in posterum adquiri alia possent uni-

universalis tantum titulo hereditatis, vel fideicommissi, quibus tamen in casibus nullo modo Judzi fervos illos in suam superstitionem adducerent, imo nec volentes quidem reciperent. Hæc eadem lex relata est in codicem Justinianum sub titulo, ne Christianum mancipium; sed hoc ipsum monumentum non laudo, cum perperam depravatum fuerit a Triboniano, tutiusque sit ad codicem Theodosianum in hac parte confugere. Quum vero obiisset Honorius in Occidente Imperator anno 423., & Theodosius in Occidentem etiam Imperium suum extenderit, liberior, & latius extendendas renovavit veteres Leges de Christianis mancipiis ab Judzis minime comparandis his verbis, quæ habentur in l. ult. cod. Theodof. ne Christianum mancipium: *Christiana mancipia Judæorum nemo audeat comparare. Nefas enim æstimamus, religiosissimos famulos impiissimorum emtorum inquinari dominio. Quod si quis hoc fecerit, statutæ pœnæ absque omni erit dilatione obnoxius*. Porro statuta pœna erat, ut servus ipse id palam faciens libertate donaretur, aliquando etiam bona emtoris publicarentur, si insuper Judæus Judaica quadam nota servum affecerit, capitali pœna plecteretur; quod demum confirmaverunt Theodosius & Valentinianus in novellis Constitutionibus tit. 3. His ita præhabitis nemo amplius dubitaverit in definienda disciplina juris, quæ in hac parte mancipiorum Christianorum ab Judzis minime possidendorum, præsertim titulo singulari emtionis, Gelasii Pontificis temporibus vigere poterat. Hinc vero palam sit canonem 34. cau. 17. qu. 4. Gelasii temporibus nullatenus convenire; Floruit enim Gelasius anno circiter septuagesimo post leges Theodosii Junioris, quibus gravissimæ inflicte erant pœnæ adversus Judæos Christiana mancipia comparantes. Quomodo itaque ea species-Gelasio proponi poterat de Juda Judæo, qui ante paucos annos Christianum mancipium comparaverat? Forte dices, Judæum illum publicas leges fuisse transgressum? At vero ipsi facti series in eodem canone exhibita hanc interpretationem non patitur; etenim Judas ipse exhibetur postulasse mancipium sibi restitui, *asserens se ante paucos annos comparasse*. Nemo facile sponte sua asserit id, in quo gravissime adversus leges deliquit, quodque professus capitalem pœnam securus expectet. Ut igitur verosimilis species proponeretur, oporteret, ut temporibus Gelasii adhuc viguisse demonstraretur memorata lex Honorii Imperatoris, quam tamen tantum viguisse ostendi ab anno 415. usque ad annum 417. Num forte referes acquisitionem servi Christiani abs Judæo factam ad acquisitionem hereditariam, vel fideicommissariam Gelasii ætate forte adhuc permissam, uti deducitur ex Constitutionibus supra laudatis? Verum verba illa: *se asserit comparasse* ab hac rursus interpretatione aliena esse videntur, cum comparandi verbum ad singulares acquisitionum modos pertineat juxta phrasim eorundem Imperatorum in eisdem superius memoratis legibus, præsertim in dicta lege Theodosii, quæ est ultima in cod. Theodosiano sub titulo ne Christianum mancipium. Si hæc, ut arbitror, vera sunt, frustra laborandum esset in investigando, quis sit Syracusanus ille Episcopus, ad quem Gelasius fingitur rescripsisse. Ivo Carnotensis in parte 13. Decreti cap. 113, illum non Syracusanum, sed Syracusum nominat. De aliis Episcopis Constantino, & Laurentio facile notitiam haberemus; etenim Gelasii tempore erat Constantinus Episcopus Venafranum, qui subscripsit Concilio Romano anni 499., & ad ipsum non inverosimile est directam epistolam, in qua ageretur de servo, qui ad Ecclesiam Venafranam confugerat. Erat præterea Laurentius Episcopus Bovianensis prope Venafranam Ecclesiam constitutus, qui interfuit Concilio Romano anni 401,

Unum

Unum adhuc adjicio; nimirum apud Ivonem pro illis Gratiani verbis, *quapropter vestra diligentèr inter utrumque sollicita cura rerum &c.* ita legitur: *quapropter diligenter vestra inter utrumque sollicitudo rerum &c.*

De epistola ad Victorem, Constantinum, Martyrium, Felicissimum, & Timotheum Episcopos.

Ubi perpendendus occurrit canon 10. cau. 17. qu. 4. laudatus ex epistola Gelasii ad Victorem, Constantinum, Martyrium, Felicissimum, & Timotheum Episcopos, re mature pensata adhuc fateor; me hæzere in incerto, cum æqua sit in utramque partem, nec contemnenda argumenta, quibus modo moveri me sentio, ut canonem illum inter germana Gelasii monumenta recenseam, modo ut a Gelasio prorsus abjudicem. Quamobrem liceat mihi eadem tantummodo exponere, eorum, qui sanius sapiunt, judicium libentissime expectaturo. Illud quidem pro certo est, eundem canonem a nonnullis Collectoribus Gratiano antiquioribus memorari, inter ceteros apud Ivonem in parte 3. cap. 120., ubi tamen pro illis verbis Gratiani: *Sacra communione indicavit . . . qui admistere . . . qui injuriam sanctorum locorum profuisse probabuntur &c.* ita legitur: *Sacra communione indicavit . . . ubi admistere . . . qui in injuriam sanctorum locorum profuisse probantur &c.*

Can. 10.
cau. 17.
qu. 4.

Itaque in primis multa in eo canone dignoscuntur & Gelasio ipsi, & Gelasii temporibus convenientia. Nimirum Epiphanius Beneventanus Episcopus, de quo ibidem mentio fit, Gelasio contemporaneus fuit, subscripsitque Romano Concilio anni 499. Item cum proponatur, municipes quosdam Beneventanz Civitatis insectos fuisse Curialem suum eo usque, ut ille ne in templo quidem securus extiterit, id sane illa tempora designat, quibus Curiales odio apud municipes habebantur. At vero id congruit Gelasii temporibus, quibus non ignoramus, Curiales, caussa nimis importunæ exactionis, civium sibi obnoxiorum odia in se convertisse. Hujus rei testis est Salvianus, qui labente quinto sæculo ita scribebat in lib. 5. de gubernatione Dei. *Quæ enim sunt non modo urbes, sed etiam municipia, atque vici, ubi non quot Curiales fuerint, tot tyranni sunt? . . . Quis ergo, ut dixi, locus est, ubi non a Principalibus Civitatum, viduarum, & pupillorum viscera devorentur, & cum his fere omnium sanctorum? . . . Nemo itaque horum tutus est, nec ulli admodum præter summas a vastatione latrocinii populantis immunes.* His accedit, propositæ causæ discussionem; diremptionemque mandatam exhiberi a Gelasio Episcopis in Beneventana vicinia constitutis, qualis erat Constantinus, quem tunc temporis Capuanum Episcopum fuisse scimus, cum interfuerit Concilio Romano anni 487., subscripseritque alteri Concilio Romano anni 499., qualis præterea erat Martyrius Episcopus Terracinenfis, qui interfuit Romanis Conciliis anni 495., & 499., qualis insuper fuit Felicissimus Episcopus Sabinensis, qui etiam interfuit in Concilio Romano anni 487., qualis demum fuit Timotheus Episcopus Abellinas, qui subscripsit Concilio Romano anni 499. De Victore verba non facio, quum de eo non facile constet. Hæz sane conjecturæ si invicem jungantur, quadam similitudine veri memoratum Gratiani canonem exornabunt.

At enim vero nonnullæ aliæ in contrarium conjecturæ non contemnendæ trahere nonnullos videbuntur. Vyanespen in sua dissertatione canonica de asylo templo-

rum cap. 3. ex eo, quod hæc epistola inter vulgatas Gelasianas desideretur apud Collectores etiam diligentissimos, deduxit *non exiguum argumentum*, ut ipse ait, *hanc epistolam huic Pontifici recentiore manu suppositam*. Id sane levissimum est, quum pateat, Gelasiana monumenta ad privatorum potissimum causas pertinentia maxima in parte periisse. Potior conjectura est, quæ deducitur ex eo, quod Gelasius exhibetur, in duorum hominum causis singulari tot fere integræ Provinciæ Episcopos designasse, ad quorum sollicitudinem pertineret, inquirere de veritate rei gestæ, & in reos anathematis sententiam pronunciare. Imo, quod amplius esse videtur, Gelasius causæ cognitorem non designavit Epiphanium Episcopum Beneventanum, in cujus Ecclesia facinus admissum fuerat, sed extraneos Episcopos tantum; Præterea poena, quæ ibidem adversus reos infligitur, asperissimis concipitur formulis, illis præsertim verbis: *Nec enim jure ad supplicandum debet admitti, qui admittere sacrilegium non dubitavit*, quasi Gelasius vir ceteroqui piissimus, ac prudentissimus reorum preces spreverit, & irremissibili anathemate damnaverit. Asperior etiam præter morem est integra epistola, ut Gelasianum stylum exhibere, non facile possit. Animadvertere etiam juvabit, in eadem materie recentioribus sæculis nonnulla fuisse veteribus Sanctissimis Antistitibus falso tributa, inter cetera, falso adscriptam fuisse Augustino epistolam ad Bonifacium Comitem, ex qua depromptus est canon 8. cau. 17. qu. 4., accurati Augustinianorum operum Revisores testati sunt. At cum hoc ipsum fragmentum apud Ivonem fere junctum habeatur cum eadem Gelasii epistola in eadem parte 3. Decreti cap. 120., & 122., videtur Ivo codicibus depravatis usus fuisse in illis omnibus describendis, in quibus scilicet spuria germanis commixta deprehenderentur, & quidem eadem manu composita, atque eodem etiam auctore sub diversorum nomine ex industria elaborata. Demum suspicio falsitatis eo gravior redditur, quod auctor epistolæ videatur ignorasse aliquot Christianorum Imperatorum leges in eadem proposita specie Curialium ad Ecclesiam confugientium l. 3. cum similibus cod. Theodof. de his, qui ad Ecclesiam confugiant, cum quæ conferri jure possent, quæ in toto eodem titulo tradit Gothofredus elegantissime; at vero Gelasium constitutiones sacras, quæ suo potissimum tempore vigeant, ubique passim promulgatas, ac receptas ignorasse nemo usquam dixerit. Potius itaque videretur, memoratam epistolam recentiori auctori tribuendam fore; neque enim ignoro, recentiore ætate eandem, quæ ibidem generaliter traditur, disciplinam receptam fuisse.

De Epistola ad Victorem Episcopum.

Ch. 9. Quod nomine Gelasii ad Victorem Episcopum scribentis refertur in can. 9. dist. 74. jam eodem nomine descripserat Ivo Carnotensis in parte 6. cap. 106. usque ad illa verba, in *Presbyteratum Judeas promovere*; quæ vero apud Gratianum se-
 quantur, illic desiderantur. Ivonem itaque secuti sunt recentiores Collectores, quorum aliqui, ut movent Correctores Romani, adjecerunt, epistolam scriptam esse ad Victorem Alexandrinum. Quis fuerit Victor Alexandrinus, non satis constat ex monumentis Ecclesiasticis. Ego potius suspicarer, eum fuisse Victorem Episcopum Lunensem, quem scimus interfuisse Romanis Conciliis anni 501. 502. 503. & 504. Quæ in eo capite habentur, minime dissonant a Gelasii temporibus; etenim, qualis tunc fuerit Diaconorum ambitus, qui Presbyteratus ordinem negligebant, facile

facile constat ex epistola ejusdem Gelasii ad Episcopos Lucanæ cap. 7. & 8. item Ecclesiæ Sacerdotali officio tunc destitutus fuisse, idem Gelasius conquestus est initio ejusdem epistolæ ad Episcopos Lucanæ, aliarumque Provinciarum.

De epistola ad Theodoricum Regem.

Antonius Augustinus in dialogo 19. lib. 1. de emend. Gratiani canonem 12. dist. 10. inter incerta, sive incertæ fidei, atque auctoritatis capita refert. Ego vero nil dubito, quin jure Gelasio Papæ tributus fuerit, & quidem ad Theodoricum Regem scribenti, non solum ex eo, quod Ivo Carnotensis in parte 4. cap. 180. eodem nomine monumentum retulerit, verum etiam, & potissimum, quod temporibus Gelasii Theodoricus Rex Italia fere universa potitus fuerit, maximeque decuerit Romanum Antistitem, novi Principis animum per epistolam ad Romanæ Ecclesiæ benevolentiam excitare, ea præsertim ætate, qua Imperialibus privilegiis Romana eadem Ecclesia jamdiu decorata fuerat, ac distincta, quibus servandis, custodiendive plurimum valere poterat Theodorici auctoritas; ut omittam etiam alias causas, ac præ ceteris causis fidei, quæ ab Arianis sub eodem Principe turbabatur. Sane in memorato Gratiani fragmento Gelasius exhibetur apud Theodoricum Regem postulare, ut privilegia jamdiu Romanæ Ecclesiæ concessa servaret. Quid congruentius esse poterat, dum Theodoricus ipse Italiam regendam susceperet, & supremam loco Imperatorum potestatem explicaret? Imo quoties hanc epistolam Gelasio tribuimus, exinde illud honorificentissimum Gelasio eidem accedet, quod nimirum plurimum apud Theodoricum valuerit; Nam scimus Theodoricum Regem, etli Arianorum potius hæresi faventem, Romanam tamen Ecclesiæ benevole animo excoluisse, quemadmodum testatur Isidorus Hispalensis in Chronico Gothorum æra 554., ac deduci etiam potest ex præcepto ejusdem Theodorici ad Senatum Urbis Romæ directo edito apud Lucam Holstenium. Quemadmodum igitur, quod favore Mediolanensis Ecclesiæ idem Theodoricus statuit, tribuendum jure optimo est petitionibus Eustorgii Mediolanensis Episcopi, uti colligitur perspicue ex epistola Theodorici ad Adilam Comitem apud Cassiodorum lib. 2. variar. epist. 29., jure merito conjicere possumus Theodoricum eundem Romanæ Ecclesiæ benevolentiam exhibuisse ex petitione Gelasii Antistitis prudentissimi Romanæ ipsius Ecclesiæ.

Can. 12.
dist. 10.

De Ceteris Canonibus Gelasio tributis.

Quæ huc usque descripta sunt nomine Gelasii monumenta, ex certis ejusdem epistolis, aut aliis actibus excerpta indicantur. Alia adhuc supersunt apud Gratianum, quæ ita Gelasio tribuuntur, ut ignores, quo illa exigi merito possint. In primis ex iis est canon 48. dist. 50. in cujus inscriptione minime consonant codices Gratiani: etenim in aliis Gelasio, in aliis, & quidem vetustissimis, Pelagio tribuitur. Verum non opus est argumentis, ut quis facile percipiat, neque ad Gelasium, neque ad Pelagium, sive ille primus sit, sive secundus, illum referri posse. Stylus ipse capituli ab illorum Pontificum monumentis prorsus alienus est, &

Can. 48.
dist. 50.

perspicue dignoscitur ex formulis, sæculo septimo, aut etiam posterioribus, fuisse elucubratum canonem, cum apprime conveniant cum stylo Legum Longobardarum, aut Legum Bajuvariorum septimo. Ecclesie sæculo editarum; quod illico videt quicumque vel in earundem legum lectione aliquantisper versatus fuerit. Nonnihil cum eodem canone videtur commune habere constitutio quædam Regis Rotharis in lib. 1. legum Longobardarum tit. 26. num. 6. ibi: *Si mulier libera sulfreal super furtum comprehensa fuerit, furtum, quod fecerit, sibi novum reddat; nam alia culpa non requiratur pro eo, quod injuriam passa est, & vitio suo reputet, quia operam indecentem facere tentavit.* Unum adhuc juvabit animadvertere, quod ex codicum Gratianeorum varietate dependet; nimirum ubi in recentioribus aliquot Gratiani editionibus legitur, *si caballos alienos tulerit*, in antiquioribus editionibus ita legitur: *si caballos alienos furatos tulerit.*

In vetustis Gratiani codicibus etiam tribuebatur Gelasio canon 1. cau. 2. qu. 3., sed jam Corretores Romani pro Gelasii nomine substituerunt nomen Caji Pontificis, quatenus idem fragmentum legitur in epistola Cajo a Mercatore tributa. At vero jam superius cap. 26. de hoc fragmento actum est, simulque traditum, Ildorom Mercatorem usum fuisse in eo componendo legibus codicis Theodosiani.

Nomine etiam Gelasii Papæ laudatur canon 48. cau. 2. qu. 7., in quo Romani Corretores tantum solliciti fuerunt, ut illum ad vetusta Gratiani exemplaria exigèrent, & quid apud alios Collectores desideraretur, adnotarent. Illud adhuc observandum arbitror, hunc eundem canonem apud Ivonem in parte 3. Decreti cap. 151. junctum legi cum verbis canonis 25. cau. 12. qu. 2., itaut post illa verba canonis 25. in detrimentis alicujus rei patiāmini generari, hæc statim sequantur: *Siquod vero in Ecclesie vestre damnum, aut in his, que sunt præceptionis nostre prohibita, Pontificem vestrum videritis admittere, mox nostris auribus relatione signate, ut quid fieri debeat, censeamus.* Jam superius hæc ipse verba retuli ad canonem 25. nuper memoratum, tradidique Gelasio jure congruere posse, una tamen animadverti in eodem capite describendo Ivonem præ oculis habuisse corruptos codices, in quibus varia fragmenta ex diversâ decerpta locis simul adfuta continerentur. Hinc hoc in loco illud adjicere non dubitaverim, Ivonem variis forte ex laciniis hoc ipsum caput contexuisse, imo & ex variis Gelasii fragmentis unum monumentum confarcinasse. Habetur epistola Gelasii ad Justinum Archidiaconum, & Faustinum. Defensorem, ex qua Ivo excerptat caput 151., & Gratianus dictum canonem. 25., inter miscellanea Baluzii tom. 5. ex Vetus MS. eruit; in ea tamen legitur quidem verba canonis 25. cau. 12. qu. 2., non vero verba canonis 48. cau. 2. qu. 7., quemadmodum leguntur apud Ivonem in cap. 151. part. 3. Alias vero verba canonis ejusdem 48. video in Collectione Deusediti Collectione Ivonis paulo antiquiore lib. 3. cap. 99. deprompta referri ex epistola Gelasii ad Respectum, & Leoninum Episcopos, hæc verbis concepta: *Johannes Archidiaconus Falerionensis Urbis everphonem Ecclesie ab eo, qui Præsulis nomine censetur effectum grandi nobis supplicatione conquestus est, itaut se videlisset de loci sui administratione desecto iter sibi liberum ad depopulandas facultates aperiret Ecclesie. Nam ministeriis, & ornatu pro sua voluntate distrallo prædium etiam paternum, quod in alimentum Clericorum decerptor ejus reliquerat, velut proprium suis utilitatibus vindicavit, obviantemque supradictum Archidiaconum, ceterosque complures, qui pariter reclamabant, ab ordinibus suis erediis excludendos; & ideo, Fratres charissimi, divinitatis intuitu Ecclesie causam*
sum.

summa attentione trutinantes omni veritate discussa de compertis cita nostris auribus relatione signate, ut perspecta instructione diligentia vestra, quid fieri debeat, censeamus. Video quidem, hoc suo fragmento antiquitati universæ fortasse ignoto Deusdedit voluisse instituto suo servire; verum fortassis etiam video, hæc eadem posteriora verba apud Ivonem transferri in aliam epistolam potuisse, sive alteri Gelasianæ epistolæ adfui, sicut & alia, quæ Gelasii non sunt, in fine Ivoniani capituli juncta fuerunt, quemadmodum superius demonstrabam ad dictum canonem 25. cau. 12. qu. 2. Quamobrem jure concludere potero, auctoritatem canonis 48. cau. 2. qu. 7. ex Deusdedit fide omnino pendere, ex quo Ivo videtur in suum codicem monumentum traduxisse, ad calcem alterius epistolæ Gelasianæ, & ex utroque Gratianus reticito nomine epistolæ, cujus fragmentum describebat, ideo, quod non una eademque epistola laudaretur apud Deusdedit, quæ apud Ivonem.

In vetustis Gratiani exemplaribus Gelasio Pontifici etiam tribuebatur canon 13. cau. 3. qu. 5. Verum Romani Correctores jam retulerunt ad epistolam, quæ Pelagio II. Pontifici adscripta est. Nominis similitudo errandi occasionem dedit. De ipso autem canone commodius inferius agendum erit in cap. 48.

Canonem 37. & 38. cau. 11. qu. 3. jam nomine Gelasii Papæ in decretis cap. 2. & 3., sive, ut aliz editiones exhibent, 13. retulerunt Burchardus lib. 11. cap. 47. & 48., & Ivo parte 14. cap. 111. & 112. Et quidem canon 37. consonat cum aliorum Collectorum editionibus, dummodo in postremis verbis ita legamus cum Ivone, quibus vivis non communicavimus, mortuis communicare non possumus, aut cum Burchardo, mortuis non communicare possumus. Hæc sane lesio erit Gratianæ antefera, cum videatur magis consonare cum sententia Leonis Magni, ad quam refertur, juxta canonem 1. cau. 24. qu. 2. At canon 38. Gratianus ita suppleri poterit ex codicibus Ivonis, & Burchardi, quos sequendos voluit auctor Palæarum: Hi sane, qui ante audientiam communicare tentaverint, donec per penitentiam reatum suum desistant, ad communionem nullo modo reducantur (ita legitur apud Burchardum; apud Ivonem vero habetur perducantur) excepto mortis interitu urgente. Qui vero excommunicato scienter communicaverit, & amodo saltem in domo (ita Burchardus: legit Ivo: & animo saltem in domo) simul oraverit, atque latebras defensionis, ne cominus (aliqui Ivonis codices exhibent: ne quominus) ad satisfactionem perducatur, præbuerit, donec ab excommunicatore penitentiam suscipiat, Corporis, & Sanguinis Domini communione privatum se esse cognoscat, & delictum secundum canones pœniteat. Non dubito, quin hæc fuerint a recentioribus Collectoribus composita, ætate nimirum Burchardi, qua communione Ecclesiastica plurimi ob res Ecclesiasticas vi possessas dejecti fuerant, iidemque eandem Ecclesiæ censuram contemnebant; Ideo vero tributa fuerunt Gelasio, quia nonnulla his similia apud Gelasium legantur adversus Acacium, & Acacii Defensores. Revera Gelasius in epistola ad Euphemium, sive, ut alii vocant, Euphemium, docet non alia de causa Acacium jam fuisse damnatum, quia Chalcedonenſis Synodus anathemate percellendo Eutychanos hæreticos, tacite & Acacium prædamnavit, utpote, qui cum Eutychanis postea communicavit. Idipsum tradit in epist. ad Episcopos Dardaniz, in epistola ad Natalem Abbatem, & in commonitorio ad Faustum scribit: Decessores mei, Sacerdotes, qui prævaricatoribus se communicasse propria voce confessi sunt, a communione Apostolica submoverunt. Et paullo infra de iis, qui in errore persistentes obierint: Mortuos suscitasse legimus Christum, in errore mortuos absoluisse non legimus.

Can. 13.
cau. 3.
qu. 5.

Can. 37.
& 38.
cau. 11.
qu. 3.

mus. Præ ceteris idipsum legimus in epistola ad Episcopos Dardaniæ, & Illyrici, ubi duo potissimum traduntur; in primis neminem cum hæreticis quacumque ratione communicare debere, deinde eum, qui in anathemate pervicax obierit, non esse ullatenus absolvendum; quæ sane omnia plurimum consonant cum memoratis Gratiani canonibus. At vero unum est, quod Gelasianæ sententiæ adjectum videtur in eisdem canonibus; nimirum excommunicatum intra annum coram suo excommunicatore causam suam peragere debere, secus sibi videri *aditum audientie clausisse*. Non consonat id cum Gelasii epistolis. Etenim pluries Sanctus idem Pontifex protestatus est, se, aliosque Pontifices Maximos paratos extitisse, ut Acacium, & ei communicantes, si ad unitatem catholicam reverterentur, audirent; nec annalem, aut alium etiam ampliorem terminum præstituerunt. Hæc temporis præstitutio potius sæculis recentioribus fieri cœpit, cum gravissimus esset, & inferendus pœnarum Ecclesiasticarum contemptus. Atque isti disciplinæ occasionem quodammodo præbere potuerunt vetusti canones, quibus Episcopi ad Concilium Provinciale non accedentes sine causa, excommunicati dicebantur usque ad Synodum sequentem, in qua se purgare de admissa negligentia deberent; cum vero aliquando Provinciales Synodi annuo tempore renovarentur, hinc potuit usque ad annum protendi excommunicationis purgatio, quo elapso gravius excommunicati pœna redderetur. Verumtamen hæc veterum canonum sententia referenda erit ad varias excommunicationis species, de quibus passim Interpretes excutiores verba faciunt, ut qui per annum a leviori excommunicatione solvendum se non curaverit, communione Ecclesiastica penitus careret, non vero ita repelleretur, ut audiri, ac recipi pœnitens non amplius posset, quod ex Gratiano canone 37. deduci videtur. Itaque concludere jure potero, memoratos canones cum Gelasii sententiis in parte congruere, in parte autem sanius est intelligendos, ut cum germana canonum disciplina conveniant.

Can. 15. Parum, aut nihil est, quod animadvertamus ad canonem 15. cau. 16. qu. 1., *cau. 16.* qui in emendationibus Gratiani codicibus his verbis concipitur. *Consideratio Ecclesiasticæ utilitatis hoc postulat, ex iusto dispositione testatoris servandum arbitrium esse.* Romani Correctores cum Gelasii epistolam indicare non possent, ad quam idem fragmentum exigerent, adnotaverunt similia quædam reperiri apud Gregorium in can. 4. cau. 13. qu. 2. junctis ad eundem canonem ipsorum Correctorum notis. Potuissent etiam commodius subicere oculis canonem præcedentem, sive canonem 14. cau. 16. qu. 2., in quo eadem sententia sub Gregorii nomine legitur. Essent alia monumenta Ecclesiastica numero plurima, quæ ad eandem rem explicandam laudari potuissent. Num vero hæc valeret ad propositum Gratiani confirmandum, qui ex veterum Patrum dictis inferebat, posse unumquemque sibi in Monasticis locis sepulturam eligere, maxime dubitaverim, cum temporibus aut Gelasii, aut Gregorii nondum disputationum istarum suborta esset occasio. Imo ex hoc suspicio subesse potest, Gratianum utpote Monachum in illis canonibus ad eam rem pertinentibus usum fuisse Monasterii sui codicibus, qui sane in ea materie corruptissimi esse poterant, ex apocryphis, & incertæ auctoritatis ut plurimum capitibus compositi, quemadmodum Monasteriorum codices sæculo undecimo fuisse depravatos universi Viri eruditi jamdiu agnoverunt. Hinc vero nemo non videt, hujusmodi fragmentum Gelasii incertum prorsus esse, nec tuto posse tamquam firmum Ecclesiasticæ disciplinæ argumentum produci.

Eadem

Eadem esse debet sententia de canone 28. cau. 16. qu. 1., quem sane ignoraverim, an Gelasio, an Pelagio Papæ inscripserit Gratianus, cum frequentissime occurrit in nominibus hîc erratum fuisse. Suboritur mihi suspicio ex epistola Pelagio I. tributa apud Baluzium in tomo 5. Miscellaneorum pag. 465., quæ scripta fertur ad Marcellum Episcopum Senoniensem. In ea postquam descripta sunt verba canonis 20. dist. 24., post pauca ita sequitur: *Pari etiam auctoritate mandamus, ut de Monasteriis probate vitæ Monachos debeas ad sacros ordines promovendos eligere, eos dumtaxat moderamine custodito, ut neque monasteria ab optimis Personis ex toto vacuata reddantur, neque Ecclesiæ remaneant sine Sacerdotibus destituta.* Verum si Pelagio, si Gelasio hæc inscripta ferantur, nullum dubium esse potest, quin ea undecimo, aut duodecimo sæculo a Monachis conficta fuerint, nomine vetustissimorum Pontificum. Licet enim vel a prima Monachorum institutione contigerit siue in Occidentali, siue in Orientali Ecclesiâ, ut sæpe, ac sæpius, qui inter Monachos essent optimi, Ecclesiasticis ordinibus decorarentur, atque a Monasteriis ad Ecclesias advocarentur, tamen sæculo 11., aut 12. exortz fuerunt inter Monachos, ac Clericos gravissimæ concertationes, (quemadmodum universa propemodum illius temporis Concilia testantur), ex quibus Clerici a sacris officiis Monachos excludendos penitus esse dicebant, e contrario Monachi nil antiquius habebant, quam ut Sacramenta ministrare siue in Monasteriis, siue extra Monasteria possent. In hac diutissima, atque acerrima contentione mirum est, quot monumenta Monachi effinxerint etiam adversus Episcopos, quorum auctoritatem eludere satagebant; quod & alias demonstravi, & apud eruditos hujus rei Scriptores vulgatissimum est. Quæ cum ita sint, asseri haud temere poterit, memoratum canonem falso tributum fuisse Gelasio indultria Monachorum, præsertim quod sciamus, apud neminem ex Collectoris Gratiano vetustioribus recenseri, sed ab uno Gratiano editum fuisse, qui & Monachus erat, & corruptis Monasteriorum Bibliothecis utebatur. Quod si quis adhuc ad monumenta Gelasii eundem canonem exigendum adamaret, posset ejus oculis subijci caput 2. Gelasianæ epistolæ ad Episcopos Lucanæ, seu canon 8. dist. 77., in quo Sanctus Pontifex tradebat, quibusnam animi dotibus ornatus esse debuerat, qui ad Clerum promovendus erat, siue is ex Laicis, siue ex Monasteriis advocandus proponeretur, quod forte occasionem Monachis dare potuit, ut quod ipsi de Monachorum ordinationibus scribebant, Gelasio tribuerent. Ceterum Gelasius nusquam constituit, ut Abbate Monasterii petente Monachum ad Clerum admitti, Episcopus assentiri deberet, cum constet paullo post Gelasii ætatem Conciliorum suffragio probatum, ut tum demum Episcopi Monachos ad Clerum vocarent, quoties necessitas Ecclesiarum id postularet, & quidem ex Abbatum consensione, quemadmodum deducitur ex Concilio Agathensi anni 506. can. 27., & Concilio Ilerdensi anni 514. can. 3., quibus jungi potest epistola Gregorii Magni 27. ad Candidum Episcopum lib. 5.

Quod contigit in canone 1. cau. 16. qu. 3., ut Gelasio tribueretur, quod legitur in Concilio Chalcedonensi, quemadmodum suo in loco demonstratum est; idipsum fere evenit in inscriptione canonis 8. eadem causa, & questione; etenim is canon Gelasio tribuitur, sed vel ipsa canonis verba, illa præsertim, quæ ita concipiuntur, *Placuit huic sanctæ, magnæ Synodo &c.*, declarant falso Gelasio tributum esse, unaque agnoscuntur ad Concilium generale VIII., siue Constantinopolitanum IV. sub Hadriano II. celebratum pertinere, quemadmodum liquet ex collatione

Can. 28.
cau. 16.
qu. 1.

Can. 1.
& 8.
cau. 16.
qu. 3.

latione canonis 18. ejusdem Synodi, cujus verba penitus consonant cum canone Gratiano. Sane quod Gelasii nomen istis canonibus inscriberetur, ex eo profectum arbitror, quia apud aliquos traditum est, Gelasium Pontificem fuisse tricenariæ præscriptionis auctorem, quemadmodum superius retuli ad alios canones Gelasii nomine inscriptos. Quomocumque vero inveni potuerit in rebus Ecclesiasticis tricenaria præscriptio, quod alias abunde profecutus sum, certum est inter constituta Gelasii nonnihil simile reperiri, inter ea nimirum, quæ potius Felici III. tribuenda videntur, sed quoniam sunt scripta adversus Acacium, contra quem etiam scripsit Gelasius, ideo a nonnullis Gelasio adjudicata fuerunt. Itaque Felix III. adversus Acacianos scribens agebat, Christi constituta non potuisse everti ab hæreticis, hisce verbis abruptis, quæ habentur in tom. 5. Labbeanz editionis Venetæ pag. 185. *Post quingentos annos constituta Christi eos velle subvertere, cum triginta annorum lex hominum non possit abrumpi.* Hinc nil mirum esse potest, si sententia dicti canonis 8. apud Gratianum Gelasio quoquo modo tribui potuerit. Videantur, quæ superius exhibentur ad canonem 9. cau. 16. qu. 3.

Canon. 8. cau. 16. qu. 6. falso tributum esse Gelasio, facile demonstratur; ibidem enim fit mentio munificentiarum, quas Episcopi Clericis, aut aliis benemeritis hominibus concesserant, quæque a successoribus Episcopis minime revocandæ dicuntur. At vero temporibus Gelasii, sive sub finem quinti sæculi, nondum usus invaluerat, ut Episcopi Clericis Ecclesiastica bona usus causa concederent, sed adhuc per Oeconomos singula Ecclesiæ bona administrabantur tributis in singulos Clericos reddituum, seu obventionum portionibus. Origo illius concessionis, ac singularis munificentiz a Viris eruditissimis repetitur primum ex Concilio Agathensi anni 506., in cujus canone 7. ita legimus: *Minusculas vero res, aut Ecclesiæ minus utiles peregrinis, vel Clericis, salvo jure Ecclesiæ, in usu præstari permittimus; idipsum propemodum eruitur ex canone 22. ejusdem Concilii, seu can. 32. cau. 12. qu. 2. Quæ sane verba quoties adamussim perpendantur, nemo percipiet, quomodo jam sua ætate Gelasius dicere potuisset aliquando erga Clericos suos, aut sibi fervientes munificentias Episcopos exhibuisse. Id potius dici potuit recentiore tempore, quo sacri Antistites non amplius res minusculas, vel Ecclesiæ minus utiles Clericis, aliisque benemeritis concedere consueverunt. Hinc jure arbitror, auctorem canonis 8. cau. 16. qu. 6. sub nomine Gelasii voluisse referre sententiam posteriorum Conciliorum. Revera in Concilio Aurelianensi III. anni 538. can. 17. eadem propemodum sententia legitur, his verbis expressa. *De munificentis vero Sacerdotum id observandum, ut siquid præsentis tempore (notatu digna sunt postrema hæc verba, quibus recens inducta disciplina significatur) a Clericis de decedentium munificentis habetur, vel possidetur, deinceps a successoribus nullatenus auferatur, ita ut qui decessorum largitatibus gaudent, officia Ecclesiæ, obedientiam, & affectum Sacerdotibus præbeant. De quibus tamen munificentis, quæ præsentis tempore ab his, sicut dictum est, possidentur, si pro opportunitate Episcopo placuerit, quod voluerit commutare, sine accipientis dispendio, in locis aliis commutetur. De munificentis vero præsentibus, quas unusquisque Clericis pro sua gratia eorum obsequiis æstimat conferendas, sicut in arbitrio dantis est, ut tribuere, quibus voluerit, debeat, ita si inobedientia, vel contumacia in aliquo accipientis extiterit, culpa agnita, in arbitrio si præfidentis, utrum, vel qualiter debeat revocari.* Huc itaque referri jure poterit memoratus Gratiani canon, quem in aliam ab authographo formam redigere potuit Anselmus*

Lu-

Lucensis, retenta sententia, quod non semel hic Collector fecisse probatur.

Canon 5. cau. 22. qu. 2. apud unum Gratianum legitur, fruitraque sive apud veteres Collectores canonum, sive apud eos, qui Gelasii monumenta congesserunt, investigares. Si ex authenticis scripturis erui quoquo modo posset, Paullum Apostolum promississe se ad Hispanos iturum, ego pro certo haberem, fragmentum istud nullo jure a Gelasio abjudicandum esse, aut ab aliquo Pontifice Maximo, qui prope Gelasii tempora vixerit. Vel enim Gelasium, vel Pelagium hujus nominis II. ipse laudarem; præsertim cum noverim apud Collectores, Pelagii, & Gelasii monumenta promiscue laudari consuevisse, nominum similitudine errandi occasionem præbente. Et quidem si fragmentum istud Gelasio tribueremus, a cujus stylo minime dissonare videtur, facile conjicerem, ibidem agnosci opus quoddam Gelasii adversus Priscillianistas editum, quod ad nos usque minime pervenerit. Porro quinto Ecclesie sæculo Priscillianistæ nihil sollicitius in vulgus spargebant, quam mendaciorum formulas; has enim passim ajebant in sacris Literis quæ veteris, quæ novi testamenti probari. Adversus ipsos quemadmodum paullo antea scripserat Sanctus Augustinus, ita scribere facile potuit Gelasius, explicando nonnulla sacramentorum literarum testimonia, quæ a Priscillianistis in medium producebantur. Sanctus Augustinus inter cetera in Sermone 133. de verbis Evangelii Johannis cap. 7. interpretatur, quæ ratione, & sine ulla mendacii specie Christus Dominus dixerit, se ad templum festivitatis causâ non ascensurum, cum tamen illum revera ascendisse deprehendatur. Eadem ratione Gelasius explicare potuit nonnulla Apostolorum gesta, quæ mendacii speciem apud Priscillianistas habebant, sed revera sunt a mendacio aliena. Huc pertinebat protestatio Petri Apostoli detestantis pedum lotionem a Christo faciendam, deinde vero eidem lotioni sese libentissime subjicientis; quemadmodum habetur in cap. 13. Evangelii Johannis. Huc quoque pertinebat nonnullorum traditio, asserentium Paullum Apostolum promississe, se ad Hispanos iturum, atque a data hujusmodi fide recessisse. Quæ cum optima ratione in eodem canone Gratiano, licet paucis, explicata videantur, ego sane non auderem eadem a Gelasio Viro sapientissimo abjudicare, præsertim cum de ea re edisserendi Sanctissimo Pontifici occasio optima fuerit, nimirum cultodiendæ optimæ morum regulæ adversus Priscillianistas, & mendacii improbandi. At vero si quis potius amaret, hæc Pelagio II. Pontifici tradere, parem eidem Pontifici ita scribendi oblatam occasionem agnoscerem. Nemo ignorat, quam gravis adhuc vigeret temporibus Pelagii II. controversia in causâ trium Capitulorum, quæ reprobata nuper fuerat in Concilio Constantinopolitano II., alias autem probata a pluribus ferebatur in Concilio Chalcedonensi. In eadem causâ plures, & magni nominis Antistes in Sede Apostolica defecerant, præ ceteris allegantes, Vigilium Pontificem, qui in causâ trium Capitulorum nonnulla peregerat, modo illa probasse, modo damnaſſe; ac propterea illius auctoritati, quemadmodum, & Synodo sub ipso celebratæ parum esse fidendum. Hos viros schismaticos auctores, vel patronos Pelagius II. totis viribus exagitavit, atque confecit, ostendendo ex ipsis sacrarum literarum exemplis posse aliquando justis de causis sine ulla mendacii specie a priore sententia recedi. Videatur ad hanc rem epistola Pelagii II. ad Eliam Aquilejensem, aliosque Iſtræ Episcopos schismaticos, qui damnationi trium Capitulorum nondum consenserant. Sane exempla, quæ in memorato can. 5. cau. 22. qu. 2. referuntur, a Pelagii ejusdem proposito aliena non videntur, eamque ob

rem Pelagio fortassis tribui jure ab aliquo possent. Fateor, hac in parte destitui-
mur monumentis, quibus rem istam paullo liberius conficiamus. At vero in re
obscurissima satis mihi est qualequale lumen adtulisse.

Can. 4.
cau. 22.
qu. 5.

Canonem 4. cau. 22. qu. 5. nemo ambiget, quin potius ad librum aliquem pœ-
nitentialem referat potius, quam ad Gelasium, aut quemvis alium Pontificem.
Maximum. Notant Romani Correctores apud Polycarpum hunc canonem tribui
Pio, apud alios collectores tribui Pelagio. Hinc sane ex nominis similitudine, uti
in aliis plurimis contigit, factum est, ut pro Pelagio Gelasius apud Gratianum
scriberetur. Verum in antiquioribus collectionibus breviter characteribus arbitror
inscriptionem capituli ita exhibitam fuisse *ex P.* aut, *ex PL.* quæ nota significaret
Pœnitentialem librum; attamen Amanuenses aut ignaros, aut incautos scripsisse
ex Pio, aut *ex Pelagio*, alios deinde *ex Gelasio*. Ceterum vulgatissimi sunt pœni-
tentialium libri, in quibus eadem traduntur. In pœnitentiali, quem descripsit Re-
gino in lib. 1. de Ecclesiasticis disciplinis cap. 300. ita legitur: *Si sciens pejerasti,*
& alios in perjurium induxisti, septem annos pœnitere debes; & rursus idem Regino
in lib. 2. cap. 324. ita scripsit: *Ex Pœnitentiali: Quicumque sciens pejeraveris,*
septem annos pœniteat, & post hæc communionem accipiat. Idipsum legitur in Pœni-
tentiali Halitgarrii lib. 4. cap. 28., in epistola Rhabani ad Heribaldum cap. 18.,
imo & eadem verba, quæ apud Gratianum in dicto canone 4. laudantur, descripta
legimus in Pœnitentiali Romano edito ab Antonio Augustino tit. 2. cap. 5. Quod
autem subditur tam apud Gratianum, quam apud auctorem Pœnitentialis Antonij
Augustini de iis, qui perjuris consentiunt, æquali pœna plectendis, videtur desum-
tum ex Concilio Turonensi III. anni 813. can. 34. ibi: *Et hoc notandum, quod non*
solum illi, qui pejerant, sed etiam qui perjuris consentiunt, simili plectendi sunt dam-
natione.

Can. 49.
cau. 27.
qu. 2. &
can. 2.
cau. 36.
qu. 1.

Quæ verba sub Gelasii nomine retulit Gratianus in can. 49. cau. 27. qu. 2.,
eadem omnino descripsit in can. 2. cau. 36. qu. 1. An vero jure optimo tributa
Gelasio fuerint, merito dubitaverim, non solum quod inter Gelasii monumenta
apud Collectores eorundem minime reperiantur, sed potissimum quod sententia
illius fragmenti non satis convenire videatur Gelasii temporibus. Revera quænam
designari potest nomine *Legis Præteritorum Principum*, quæ raptum ibi dixerit esse
commissum, ubi puella videatur abducta? Qui notas Gratiani codicibus adjecerunt,
canones illos referendos voluerunt ad legem 1. cod. Theodos. de raptu virginum,
vel viduarum, quæ est Constantini Imperatoris. Verum nihil tale ex eadem lege
deduci potest. Voluit quidem Imperator, gravi pœna puniendos esse puellarum
raptores, sed quoniam in loco crimen raptus videretur admissum fuisse, minime
definierunt. Forte melius designari potuisset lex 1. cod. Theodos. de accusatio-
nibus, & inscriptionibus, qua definitum ab Imperatore Constantino dignoscimus,
raptorem virginis intra Provinciam, in qua facinus admiserit, esse publicis legi-
bus subigendum. Forte, inquam, melius designari potuisset: at nondum hæc
Gelasii sententia deprehenderetur. In memoratis Gratiani canonibus legitur, raptum
ibidem admissum dici ex Principum legibus, *ubi puella abducta est*, nimirum licet
fortassis in aliam Provinciam abducta fuerit, in qua videatur scelus omnino per-
fectum. Sed in Constitutione Constantini Imperatoris non istud erat propositum.
Tantum volebat Imperator, raptum, sicut & cetera flagitia, in Provincia illa pu-
niri, in qua admissa fuerant, atque an raptus in Provincia illa admissus dicere-
tur,

tur, e qua puella fuisset abducta, an in illa, ad quam perducta fuisset, indefinitum reliquit. Præterea temporibus Gelasii Legum nomen non facile accommodabatur Constitutionibus, rescriptivis Imperatorum, quæ suum singulare propriumque nomen habebant, & vulgo a Legibus distingui solebant. Hinc inverosimile est, Gelasium Imperatorum sanctiones, aut edicta *Legem* appellavisse. Potius ego video, ea verba canonum Gratianorum Gelasio tributa facile referri posse ad *Leges Regis Rotharis*, quæ habentur in lib. 1. Legum Longobardarum, tit. 31. num. 8. & 9. ibi: *Siquis rapuerit aidiā alienā, & in curte alterius duxerit, & secutus fuerit Dominus, & parentes ejus, & ille, cujus curtis fuerit, antesteterit, & non permisisset vindicare, aut foras extrahere, componat solidos xl., medium Regi, & medium, cujus aldia fuerit. Siquis ancillam alienam rapuerit, & in curte aliena duxerit, & secutus fuerit Dominus, aut parentes ejus, & ille, cujus curtis fuerit, antesteterit, componat solidos xx. qui antesteterit, medium Regi, & medium, cujus ancilla fuerit.* Hæc sane Leges esse potuerunt Principum, qui constituerunt, in raptu non considerandum esse locum, in quem rapta puella deducta fuerit, sed potius locum, a quo deducta fuisset. Porro Gelasius Papa, qui sub finem quinti Ecclesiastici sæculi obiit, memorare non potuit, aut explicare *Leges Rotharis Regis*, qui septimo Ecclesiæ sæculo floruit; quamobrem jure optimo videntur laudata Gratiani fragmenta tribuenda esse auctori Gelasio longe recentiori, qui nimirum Rotharis Regis leges fuerit interpretatus.

Demum Gelasio Papæ tribuuntur verba canonis *5. de cons. dist. 1.* primum apud Anselmum Lucensem, deinde ex ejus codice apud recentiores Collectores. Inter cetera ibidem adferitur, *Ecclesiam noviter conditam sine Summi Pontificis auctoritate, non posse dedicari*, idque consonum esse antiquis canonibus. In vulgatis animadversionibus Gratiano codici adjectis ad illa verba *antiquis canonibus*, ita legitur: *Socrates in Ecclesiastica historia lib. 2. cap. 8. & 17. refert tamquam antiquissimum canonem, sine Romani Episcopi auctoritate nullam Ecclesiam posse dedicari.* Qui ita scripserunt, forte aliis codicibus usi sunt, quam iis, qui nomine Socratis editi sunt; nam in vulgata Socratis historia nihil tale uspiam legitur. Sententia capituli 8. lib. 2. apud Socratem hæc est. Eusebius Nicomediensis Arianorum Antesignanus curaverat, ut Episcoporum Concilium Antiochiæ celebraretur, ea potissimum mente, ut Nicæna fides convenientium Episcoporum suffragio se suadente, aut etiam quoquomodo impellente, everteretur. Et quidem vir subtilis consilium, hoc suum non aperuit palam, sed tantum Antistites invitavit causâ dedicandæ novæ Ecclesiæ, quam Constantinus Imperator zdificare cœperat, Constantius Constantini filius perfecerat, ratus ea occasione se fieri voti compotem posse. Conveniunt illuc Episcopi ex diversis Provinciis nonaginta ac Synodum celebrarunt. Maximus Hierosolymitanus, alias Eusebii arte deceptus, interesse noluit. Julius Romanus Antistes, neque per se, neque per legatos interfuit, cum tamen (hæc sunt Socratis verba) *Ecclesiastica regula vetet, ne absque consensu Romani Pontificis quidquam in Ecclesia decernatur.* Sententia capituli 17. eodem libro apud Socratem hæc est. Conqueitus fuit Julius adversus Arianos Episcopos, qui curante Eusebio Nicomediensi Antiochiā conveniant Synodum celebraturi, ex eo quod ad Romanum Antistitem acrem, & Episcopis prorsus indignam epistolam scripsissent, item ex eo quod regulam fidei corrumpere voluissent, inter cetera vero, quod (sunt rursus verba Socratis) *contra canones ipsum ad Synodum non vocassent, cum Ecclesia-*

*stica regula interdictum sit, ne præter sententiam Romani Pontificis quidquam ab Ecclesiis decerneretur. Nihil plane aliud apud Socratem exhibetur, quod ad rem Gratiani canonis quoquo modo possit accedere. At verò in his, quæ nuper explicavi, quid continetur, ex quo deducatur, sine Romani Episcopi auctoritate nullam Ecclesiam posse dedicari? Imo potius contrarium deduci videtur. Si enim Eusebius Synodum clanculum celebraturus eo prætextu usus est, ut Episcopos ad dedicationem Ecclesie convocaret, quid amabo clarius, quam tunc temporis pervagatum fuisse, liberam extitisse penes Episcopos templorum dedicationem? Julius, ait Socrates, conquestus est de celebrato Concilio irrequisito Romano Antistite in causa gravissima, quæ Nicenam fidem spectaret, non de dedicata Ecclesia. Quod si eo amplius progredi licet, quo progressi sunt viri eruditissimi, agnoscemus Socratem in ea re nonnihil defecisse; etenim in epistola Julii ad Episcopos Antiocheni Concilii, quæ habetur integra apud Athanasium in defensione 2. adversus Arianos, ne legitur quidem eum fuisse conquestum, quod Orientales Romano Antistite irrequisito Concilium congregassent. Refero verba Valesii in adnotationibus ad Socratem dicto cap. 17. ita scribentis: *Quod vero addit Socrates, Julium in suis literis conquestum esse, quod ipsum non invitassent ad Synodum, regulam enim esse Ecclesiasticam, ut absque consensu Episcopi Romani nihil in Ecclesia decerni possit, id in epistola illa nusquam legitur. Queritur quidem, nec immerito, Julius, quod Orientales accepta ipsius epistola, qua ad Synodum Romanam vocabantur, parviducentes hanc ipsius citationem Gregorium Athanasii loco ordinaverant, sed de illa Ecclesiastica regula nihil dicit. Sozomenus tamen idem habet, quod Socrates. Hæc ita digesta facile demonstrant, non potuisse Gelasium ea scribere, quæ in dicto canone §. legimus, nisi ipsum in scribendo parum accuratum, uti Sozomenum, & Socratem, quisquam dicere vellet, contra quam de viro sanctissimo atque eruditissimo egregii viri perpetuo testati sunt. Sed præterea, si conferatur idem canon cum cap. 25. epistolæ Gelasii ad Episcopos Lucanæ, facile constabit, in germanis Gelasii monumentis legi quidem, in dedicationibus Ecclesiarum Episcopos Romano Antistiti immediate subiectos debuisse præceptiones Apostolicas petere, nullibi tamen id refertur ad veteres canones, sed ad adjuncta illius ætatis Gelasiana Constitutio exigenda est, quemadmodum superius ad eandem epistolam animadvertēbam. Adde in eodem canone §. Romanum Antistitem appellari *Summum Pontificem*, quæ appellatio recentior quinto sæculo esse videtur. Item ibidem adferitur bis consecratam fuisse eandem Basilicam, quod tamen adversus vetustissimam Ecclesie præxim admitteretur; quum consecratio Ecclesiarum baptismati fidelium æquiparata fuerit; utrumque autem bis celebrari non potuerit. Illud sane facile concludetur, eum canonem illi auctori tribuendum esse, qui quoquomodo imitari studuerit Gelasii sententias, quæ habentur in can. 4. & 6. de cons. dist. 1., licet illas aliquantisper depravaverit, & in parte a Gelasii proposito alienas reddiderit; eaque de causa, quod nimirum Gelasii sententiis convenire plurimum arbitraretur, Gelasio eidem adscripserit.**

CAPUT XLVII.

De Anastasio II.

Ad Anastasium II. Pontificem duo canones apud Gratianum pertinere videntur.

Ex ejusdem Pontificis gestis. { *Can. 9. dist. 19. falsitatis redarguitur apud Librum Pontificalem.*

Ex epist. ad ad Anastasium Augustum. { *Can. 8. dist. 19. perperam a Gratiano notatus.*

EX his, quæ superius & de Felice III., & de Gelasio Pontificibus enarrata sunt, liquet, circa finem sæculi Ecclesiæ quinti maxime turbatam fuisse Orientalem Ecclesiam ex causa Acacianorum, quibus Imperator Anastasius favere videbatur. In his temporum, ac locorum adjunctis mortuo Gelasio Anastasius II. Pontificatum maximum gessit per annos fere duos, ab anno scilicet 496. mense Novembri, usque vel annum 498. ejusdem mensis. Erat quidem ille vir & doctrina, & moribus integerrimus: at non fuit constans apud posteros ejusdem nominis fama: non enim defuerunt, qui scriberent, illum Acacianis communicasse, imo & Acacium in sedem suam voluisse restituere, quod ideo exequi non potuerit, quia divino Judicio percussus interiit. Lugubrem hanc historiam narrat Gratianus in can. 9. dist. 19., & quidem eadem ipsa refertur in libro Pontificali, cujus hæc sunt verba: *Can. 9. dist. 19. Anastasius natione Romanus ex Patre Petro de Regione quinta caput Tauri, sedit anno uno, mensibus undecim, diebus 24. Hic fuit temporibus Theodorici Regis. Hic fecit confessionem B. Laurentii martyris ex argento pensante libras 80. Eodem tempore multi Clerici, & Presbyteri se a communione ipsius exemerunt, (legunt alii eruerunt), eo quod communicasset sine consilio Episcoporum, vel Presbyterorum, vel Cleri cunctæ Ecclesiæ Catholice Diacono Thessalonicensi nomine Photino, qui communis erat Acacio, & quia occulte voluit revocare Acacium, & non potuit. Qui nutu divino percussus est &c. Isthæc eadem sunt, quæ Gratianus descripsit, quæque jam Romani Correctores tamquam apocrypha rejecerunt ex luculentissima ratione, nimirum quia Acacius jam pridem objerat, & quidem etiam ante Gelasium Anastasii Prædecessorem. Anastasius Bibliothecarius, qui libri Pontificalis auctor esse dicitur, ex libris Græcorum, præsertim Photianis, deceptus est. Ut enim erat Photio amicissimus, inito arduissimo sedere in Urbe Constantinopolitana, quum legationis munere fungeretur apud Basilium Imperatorem mandante Ludovico Augusto, quemadmodum mutux Anastasii & Photii epistolæ testantur, nihil antiquius habuit Anastasius in describendis Romanorum Antistitem gestis, quam Græcorum monumentis uti, illis præsertim, quæ a Photio excipere potuisset. At vero quis ignorat, Photium Codices Ecclesiasticos depravasse producendi sui schismatis, suæque contentiosis gratia, in odium præsertim Pontificum Romanorum, quorum primatum, auctoritatemque detestabatur? Porro*

vero-

verosimile est, Photium ea de Anastasio-II. Pontifice tradidisse, ut palam faceret Romanos Episcopos non omnes semper in una eademque sententia constituisse, sed quod a decessoribus statutum erat, a successoribus fuisse emendatum; esse item nonnullos ex Romanis Antistitibus, qui malo consilio Ecclesiam administrarunt, Deoque ultore penas luerunt improbræ administrationis. Hæc sine discrimine Anastasius Bibliothecarius excepit, & in Pontificali descripsit, quod etiam alii recipere non dubitaverunt ex verosimilibus conjecturis. Miserrat Leo magnus epistolam ad Thessalonicenses, quam Græci interpretes non multo postea corruperunt. Id ubi scivit Anastasius II. a Photino Thessalonicensi Diacono Leonis epistolam petiit, ut ex prototypo, qui in Romana Ecclesia servabatur, emendaretur. En occasionem subortam, qua posset a schismaticis effingi, Anastasium II. communicasse cum Photino Acaciano, & cum illo de restituendo Acacio tractasse. Additum est, Anastasium ea de causa fuisse percussum. Ex alia conjectura hoc erratum facile irrepsit. Beda, Cedrenus, ac Zonaras, item Paulus Diaconus scripserunt, Anastasium Imperatorem, qui alias Acacianis favebat, fulmine idum fuisse. Quid verosimilius apud calumniatores esse potuit, seditiososque viros, quam Anastasio Pontifici adtribuere, quod ab historicis de Anastasio Augusto scriptum fuerat? Confecta res videretur, nisi unum adhuc adnotandum esset ex codice Ivonis Carnotensis, qui postrema ejusdem canonis verba ita refert: *Et quia occulte voluit revocare Acacium, & non potuit, quia divino nutu percussus est Acacius*, parte 14. decreti cap. 40. Ita etiam legi in libro Cæsaraugustano notavit Antonius Augustinus in dial. 6. lib. 1. de emendatione Gratiani, ubi tamen probare omnino non possum, quod ipse ait, Gratianum codices in ea parte corrupisse; etenim liber Pontificalis, ex quo & Ivo, & Gratianus fragmentum desumerunt, Gratiano ipsi, non Ivoni consonat; Forte potius Ivo, & auctor libri Cæsaraugustani verba illa, *quia divino nutu percussus est*, ad Acacium expresso ejus nomine referenda maluerunt, quia eadem de Anastasio Pontifice intelligi non posse crediderint.

Can. 8. Ad hæc in meliore lumine collocanda plurimum facere potest ejusdem Anastasii
 dist. 19. Papæ epistola ad Anastasium Imperatorem, data in exordio Pontificatus ipsius, in qua ubi plura in laudem Imperatoris prolata sunt, progreditur Pontifex ad causam Acacii, quem jam vita functum esse dicit, iustique a Felice Papa damnatum. Rogat autem inter cetera, ut Acacii nomen reticeatur ab omnibus, sive, quod idem est, a sacris dyptichis deleatur; ac ne durum id videatur illis numero plurimis, qui ab Acacio aut baptizati, aut ordinati fuerant, docet & baptismum, & ordinationem ab Acacio susceptam valuisse, non quod Dei gratia penes eos extitisset, qui Acacio in schismate communicassent, sed quod nec baptismus, nec ordo semel collatus iterum esset conferendus. Huc pertinet canon 8. dist. 19. cujus verba consonant cum ipsamet Anastasii epistola, dummodo ubi legit Gratianus: *Ad eo autem non queritur &c.* legamus: *A Deo autem non queritur &c.* Item ubi legit Gratianus: *quod quidem generaliter verum est, nisi aliquorum in tantum se extenderet curiosa suspicio, ut &c.* legamus: *quod cum ita sit, aliquorum in tantum se extendit curiosa suspicio, ut &c.* Hæc ita concepta non video, cur a Gratiano improbata fuerint, quasi præcedentium Patrum decretis, evangelicisque præceptis contraria, quemadmodum & Romani Corredtores observaverunt ante eundem canonem 8. Illud certum est, eam Anastasii œconomiam ab Iustino Imperatore laudibus exornatam fuisse, ita scribente ad Hormisdam Pontificem. *Anastasius religio-*

lignissima memoriae, vestrae culmen Ecclesiae, palam aperteque constituit, cum hoc idem negotium scriberet decessori nostro, satis esse pacem affectantibus, si nomen tantum retineatur Acacii. Ergo priora vestrae sedis constituta sequitur, qui non omnes memorias mortuorum iudicat contemnendas.

CAPUT XLVIII.

De Symmacho.

Quæ Symmacho Papæ adscribuntur, alia deprompta sunt ex Conciliis in ejusdem causa celebratis, alia ex ipsius epistolis.

Ex Concilio Romano I.	<div> <div>Can. 2. dist. 79.</div> <div>Can. 10. dist. 79.</div> </div>	<div> <div>simul jungendi, atque ex integris Concilii</div> <div>Capitulis emendandi.</div> </div>
Ex Concilio Romano IV. & Libello Ennodii.	<div> <div>Can. 1. dist. 96. ex integra Synodo supplendus.</div> <div>Can. 20. cau. 12. qu. 2. ex integra Synodo supplendus.</div> <div>Can. 23. cau. 16. qu. 7. referendus ad can. 1. dist. 96.</div> <div>Can. 24. cau. 16. qu. 7. referendus ad can. 1. dist. 96.</div> <div>Can. 1. cau. 17. qu. 4. referendus ad can. 20. cau. 12. qu. 2.</div> <div>Can. 6. dist. 17. est in libello Ennodii in sequenti Synodo confirmato.</div> <div>Can. 1. dist. 40. est in libello Ennodii.</div> <div>Can. 1. cau. 8. qu. 4. est in libello Ennodii.</div> <div>Can. 14. cau. 9. qu. 3. est in libello Ennodii.</div> </div>	
Ex Concilio Romano V.	<div> <div>Can. 3. cau. 3. qu. 5. cum ipsis Concilii actibus consonat.</div> </div>	
Ex Concilio Romano VI.	<div> <div>Can. 2. dist. 10. cum sequentibus jungendus.</div> <div>Can. 21. cau. 12. qu. 2. jungendus cum can. 57. cau. 16. qu. 1.</div> <div>Can. 57. cau. 16. qu. 1. jungendus cum can. 21. cau. 12. qu. 2.</div> <div>Can. 58. cau. 16. qu. 1. referendus ad canonem præcedentem.</div> </div>	
Ex ep. ad Laurentium Mediolanensem.	<div> <div>Can. 45. cau. 1. qu. 1. recte consonat cum epistolæ exemplaribus.</div> </div>	
Ex ep. ad Cæsarium Episc.	<div> <div>Can. 118. cau. 1. qu. 1.</div> <div>Can. 1. cau. 1. qu. 6.</div> <div>Can. 61. cau. 16. qu. 1. ex aliis ejusdem temporis monumentis interpretandus.</div> <div>Can. 3. cau. 27. qu. 1. falso tributus Gelasio.</div> <div>Can. 2. cau. 36. qu. 2. ex integra epistola emendandus.</div> </div>	<div> <div>simul jungendi, & ex integris epistolæ</div> <div>exemplaribus supplendi.</div> </div>
Adjiciuntur	<div> <div>Can. 2. dist. 81. referendus aut ad libellum Ennodii, aut ad epistolam Symmachi ad Laurentium.</div> <div>Can. 8. cau. 30. qu. 1. pertinet ad Penitentialem Romanum Antonii Augustini.</div> </div>	Quæ

Quæ contentiones esse cœperunt acres inter Orientalem Ecclesiam, ac Romanam ex causa Acacii, & Acacianorum, sive Eurychianorum temporibus Felicis III., Gelasii, & Anastasii II., eo graviore factæ sunt post ejusdem Anastasii obitum. Dum enim Clerus, populusque Romanus de novo Antistite eligendo deliberabant, qui Acacianis favebant nihil solertius, vividiusque exoptabant, quam ut talis ordinaretur, qui non decessorum gesta imitaretur, sed potius revocaret. Laurentius quidam Romanæ Ecclesiæ Presbyter Acacianorum Patronis, specialiter vero Festo Senatori sponderat, se illis morem gesturum; si ad Summum ipse Pontificatum eveheretur. En originem schismatis, quod, Laurentianum apud Scriptores Ecclesiasticos appellatur. Qui Acacianorum causam tuebantur Laurentium, qui illos, illorumque hæresim detestabantur, Symmachum integerrimæ doctrinæ, ac fidei virum elegerunt. Hinc eo res redacta est ob animorum æstum, ut ad arma, & cædes deveniretur, donec curante Theodorico Rege, qui plurimum de infausito, & adversus Romanam Urbem eventu expavescebat, remoto Laurentio Symmachus tamquam germanus Romanæ Ecclesiæ Antistes agnitus est. Verum non potuerunt pacari itatim Acacianorum animi ad turbandam Romanam Ecclesiam. prout, præsertim ubi Laurentius cum suis vires addebat; quomobrem Symmachi Pontificatus ab anno 498. usque ad annum 514. variis vicissitudinibus obnoxius fuit, quemadmodum ex sequentibus animadversionibus abunde liquebit.

De Concilio Romano 1.

Statim ac Symmachus sibi visus est tuto Romanam Ecclesiam regere, nemine contradicente, imo & Laurentio ejecto, Synodum plurium Episcoporum Romæ celebrandam indixit, ut electionibus Maximorum Pontificum in potterum celebrandis consuleretur, ne iterum illarum occasione frequens emergerent seditiones, ac schismata. Celebratum Concilium est initio anni 499. convenientibus Episcopis 72., & unanimi consensione certæ præstitutz sunt regulæ, quibus etiam subscribere præter Diaconos aliquot Presbyteri numero 67., inter quos primo loco Cælius Laurentius Archipresbyter tituli S. Praxedis, quem eundem esse ajunt ac Laurentium adversus Symmachum in Pontificem ordinatum. Auctor libri Pontificalis scribit, eundem Laurentium in hoc ipso Concilio bono pacis, & intuitu misericordie Episcopatu Nucerino insignitum fuisse: Verum non omnes historici id ipsum probant. Id sane in actis Concilii minime legitur; sed tantummodo capita

Can. 2.
& 10.
dist. 79.

5. ad electionem Romanorum Antistitem pertinentia. Major eorum pars apud Gratianum refertur in can. 2. & 10. dist. 79., qui ita erunt jungendi, atque emendandi. Propter frequentes ambitus quorundam, & Ecclesiæ nuditatem, vel populi collisionem, quæ molesta, & iniqua incompetenter Episcopatum desiderantium generavit aviditas, ut extinguatur futuris præsumptio tam perniciose temporibus, constituit Sancta Synodus, ut si Presbyter, aut Diaconus, aut Clericus Papa incoli, & eo inconsulto, aut subscriptionem pro Romano Pontificatu commodare, aut pittacia promittere (legunt alii: pittacia committere. Pittacii, seu pitacii, sive etiam pitacii nomen liberulum quendam sive scripturam significat. Sic Zacharias Papa in epistola ad Theodorum Ticinensem Pittacium sibi oblatum esse, sive epistolam profitetur,) aut sacramentum præbere tentaverit, aut aliquod certe suffragium polliceri, vel de hac causâ

fa

sa privatis conventiculis factis deliberare, atque decernere, loci sui dignitate, atque communione privetur. *Univerſa Synodus ſurgens, privetur, acclamavit: Exaudi Chriſte: Symmacho vita. Diſtum eſt decies. Hic pax cum Symmacho. Diſtum eſt quinquies. Cujus ſedem, & annos. Diſtum eſt oſties. Pari ſeveritate ſeriendo eum, qui hoc vivo, ſicut diſtum eſt, Pontifice, quolibet modo fuerit ambiſſe conviſus, aut certe tentaffe, omnibus pariter hujus culpe reis anathematis poena pleſtendus. Symmachus Epiſcopus dixit: Ergo Univerſitati placet, & ab omnibus recognoſcitur, vel probatur iſta ſententia? Univerſa Synodus dixit: Placet, & quod omnibus placet, fiat. Hæc leguntur in capite 3. Synodi, nec non in diſto canone 2. principio apud Gratianum. Sequitur caput 4. Concilii, quod legimus in can. 10. diſt. 79. Si, quod abſit, tranſitus Papæ inopinatus evenierit, ut de ſui electione ſucceſſoris, ut ſupra placuit, non poſſit ante decernere, ſi quidem in unum totius inclinaverit Eccleſiaſtici Ordinis electio, conſecretur electus Epiſcopus. Si autem, ut fieri ſolet, ſtudia cœperint eſſe diverſa eorum, de quibus certamen emerſerit, vincat ſententia plurimorum: Sic tamen, ut Sacerdotio careat, qui capitis promiſſione non recto judicio de electione decreverit. Synodus dixit: Placet. Diſtum eſt decies. Sequitur hinc caput 5., cujus fragmentum habetur in diſto canone 2. ejusdem diſtinctionis ibi: Propter occultas autem fraudes, & conjurationum ſecretas inſidias, quas hujus ſententia diſtinctionis conſequitur, ſiquis ad Eccleſiaſticam pertulerit noſtitiam conſilia eorum, qui contra hanc Synodum de Pontificali egerint ambitu, & rationabili probatione convicerit, particeps actionis hujusmodi non ſolum purgatus ab omni culpa ſit, ſed etiam remuneratione, quæ non indigna ſit, ſublevetur. Univerſa Synodus ſurgens acclamavit: Placent omnia &c. Unum adhuc obſervandum eſt in prioribus verbis Gratiani canonis 2., quod jam obſervarunt Collectores Conciliorum, videlicet ea verba: *Ut ſiquis Papa ſuperſtite pro Romano Pontificatu cuique quolibet modo favorem præſtare convincitur, loci ſui ordine privetur, in pluribus codicibus deſiderari; Quamobrem probabilis eſt conjectura, ut illis continueatur integra ſequentis canonis ſententia quaſi per compendium de more aliquorum Collectorum præmiſſa.**

De Concilio Romano IV., & Ennodii Libello.

Pax reddita Urbi Eccleſiæque Romanæ non diu vigere potuit, eam turbantibus Laurentiani ſchiſmatis auctoribus; ut enim Symmachus nunquam adduci potuit, ut Acacianis faveret, qui erat præcipuus Laurentianorum ſcopus, ita eorundem Laurentianorum improbitate tanquam publicorum criminum reus accusatus eſt per calumniam, ut a Summo Pontificatu decidiffe declararetur, ad quem juſte accendiſſe, dudum fuerat pronunciatum. Hinc nova contentionum occaſio, quæ eo pervernerunt, ut adminiſtratione rerum Eccleſiaſticarum Symmacho interdium fuerit, datusque Romanæ Eccleſiæ Viſitator, qui vice Pontificis omnia gereret, inter ceteros auctoritatem præſtante Theodorico Rege, cujus, ut ipſemet in ſuis epitoſis proſitetur, maximi intererat, ne Romana Civitas contentionibus quateretur in ſui regni perniciem. In hac cauſa dicitur celebratum Concilium Romæ 115. Epiſcoporum anno 500., quo & abſolutus eſt Symmachus, & damnatus Petrus Altinenſis Epiſcopus, quem Viſitatore conſtituerant. Præterea celebratum aliud Concilium Romæ anno 501., quo eadem definita fuerunt. Sed celebrior Synodus

est Romana 4., quam & Palmarem adpellant, quod celebrata esset in Basilica Sancti Petri, cujus porticus adpellabatur ad *Palmaria*, quemadmodum tradit Anastasius in Honorio Papa. Posteriorum istarum Synodorum acta nonnulli confundunt codices, nec satis acta unius ab actis alterius secerni facile possunt. Illud unum præcipuum est, Symmachi Papæ causam bonam visam fuisse, Pontificios honores illi decretos; itidem consultum esse Ecclesiasticis utilitatibus, decernendo ne a sacris administris bona Ecclesiarum alienarentur. Dux itaque potissimæ fuerunt ejus Concilii causæ, quarum prior ad Symmachi personam, altera ad bona Ecclesiarum, ac præsertim Romanæ Ecclesiæ regimen referebatur. Quod ad primam pertinet, licet res bene cesserit Symmacho, tamen non destiterunt Symmachi accusatores, sicut & in Symmachum, ita in eandem Synodum invehī, illamque detestari, libello etiam publice edito sub hoc themate: *Adversus Synodum absolutiōis incongrua*. E contrario fuerunt, qui Synodum ipsam, Symmachicæ causam defenderent, inter quos Ennodius Ticinensis Episcopus edito libello apologetico. Quoniam vero, ut nuper aiebam, acta Synodi posteriore ætate valde confusa fuerunt, nil mirum est, si aliquando apud Collectores canonum verba Ennodii usurpata fuerint pro sententiis Synodi; id enim vel ex eo facile fieri potuit, quod libellus Ennodii ipsimet Synodo subjectus edi consueverit. Altera causa pendebat ex legibus paulo antea latis anno circiter 483. ab Odoacre Rege Herulorum, & Italicis. Hic Princeps, licet Arianorum Patronus, suasu, ac monitu, ut ipse aiebat, Simplicii Papæ dudum vita functi, duo constituerat, in primis ut nemo rite electus in Romanum Antistitem censeretur, nisi consilium suffragiumque Regis Italicis intercessisset; deinde ut bona quidem Ecclesiarum minime necessaria distraherentur, prædia vero, quæ necessitati Ecclesiarum serviebant, perpetuo manerent in Ecclesiæ potestate. Huc igitur pertinet integra Synodus hodie in octo capita distributa in editionibus Conciliorum.

Can. 1.

dist. 96.

Can. 23.

c. 24.

c. 16.

q. 7.

In cap. 1. legimus canonem 1. dist. 96., in quo sequentia legenda erunt, atque sup-
 plenda: Bene quidem fraternitas vestra... fecit respuere, quos propterea schisma fecisse
 apud vos constitit, quibus misericordiam tamen, quam Deus mandat universis impendi,
 sicut oportuit, non negastis; si duritia cordis eorum non sibi adquirat peccatum, dum con-
 temnis oblata remedia, quorum excessus enarrare... ne vero ego inde disputem, sed ut
 possit vestrum judicare concilium... Hormisdas Diaconus recitavit: Cum in unum apud
 B. Petrum Apostolum resedissent sublimis, & eminentissimus Vir... Quamquam studii
 vestri, ac religionis interstet... Viri Papæ nostri Simplicii, quam ante oculos... ce-
 lebretr electio. Et cum legeret, Cresconius Episcopus... quocumque titulo, atque com-
 mento alienentur... Hormisdas Diaconus legit: Quam etiam peccatum placuit accipientis
 hæredes, proharedeque respicere. In qua re... conveneras, in alienitatem transferan-
 tur... aliquam potestatem, cui obsequendi (legunt alii: cui subsequendi) manet neces-
 sitas... evidentissimis documentis constat invalida... non existente Præsule, qui præro-
 gativa Beati meritis Apostoli Petri per universum orbem... Sancta Synodus dixit: Li-
 quet secundum prosecutionem... nullius esse momenti, quam, etiam si aliqua posset sub-
 sistere ratio, modis omnibus &c. Sic ad suam integritatem restitutus est Gratia-
 neus canon, ad quem alia fragmenta reduci debent, videlicet canon 23. & 24.
 cau. 16. qu. 7., ex quibus adparet, ibi revocatam fuisse legem ab Ariano Principe
 antea latam, hortatu, ut ille aiebat, Simplicii Papæ, de prohibenda alienatione
 rerum Ecclesiasticarum etiam auctoritate Pontificis Maximi, item de ejusdem Pon-
 tificis Maximi electione.

Quam-

Quamquam vero Symmachum ab eadem dudum lata lege Synodus solverit, ipse tamen Symmachus ne videretur ea in parte liberam nimis, & effrazem sibi vindicare in rebus Romanæ Ecclesiæ potestatem, prudentissime novam legem, & priori ferme similem, & Synodi & sua etiam auctoritate firmandam edi fuisse, quam aiebat Ecclesiæ maxime utilem futuram. Hinc ait: *His ergo perpensis, mansuro cum Dei nostri consideratione decreto, sancimus, ut nulli Apostolicæ Sedis Præsuli a præsentis die (donec disponente Domino Catholice fidei manserit doctrina salutaris) liceat prædium rusticum, quantumque fuerit vel magnitudinis, vel exiguitatis, sub perpetua alienatione, vel commutatione ad cuiuslibet iura transferre. Nec cuiusquam excusentur necessitatis obtentu, quippe cum non sit personale, quod loquimur: nec aliquis Clericorum, vel Laicorum sub hac occasione accepta tueatur. Sed nec in usufructuario jure aliquibus dare liceat, nec data retinere, præter Clericos, & captivos, atque peregrinos, ne male transactionis ministretur occasio, cum liberalitati illi alia itinera reserventur. Sane tantum domus in quibuslibet urbibus constitutæ, quarum statum necesse est expensa non modica sustentari, acceptis, si offerri contigerit, sub iusta æstimatione redditibus, & divini timore iudicii, commutentur. (legunt alii: commodentur.)* Pari etiam Ecclesiarum per omnes Romanæ Civitatis titulos, qui sunt Presbyteri, vel quicumque fuerint, adstringi volumus lege custodes: quia nefas diu est, obligatione, qua se per charitatem Christi connexit Summus Pontifex, ea hominem secundi in Ecclesiæ ordinis non teneri. Quicumque tamen (hæc habentur in can. 1. cau. 17. qu. 4. plurimum tamen immutata, atque corrupta) obligatus Dei, & decreti hujus immemor, cujus Romanæ Civitatis Sacerdotes volumus religiosis nexibus devinciri, in constitutum præsens committens, quidquam de jure titularum, vel Ecclesiæ superius præfate quolibet modo, præter aurum, argentum, vel gemmas, vestes quoque, si sint, vel si acceperint aliqua mobilia, ad ornamenta divina minime pertinentia, perpetuo jure, exceptis dumtaxat sub præfata conditione domibus, alienare tentaverit, donator, alienator, ac venditor honoris sui amissione multetur. Præterea qui petierit, aut acceperit, vel qui Presbyterorum, aut Diaconorum, seu Defensorum danti subscripserit, quo iratus Deus animas percussit, anathemate feriatur. Sitque accipienti, vel subscribenti de personis superius comprehensis, idest, quas anathemate feriri censuimus (instituta pœna contubernaliū servata) quam præmimus in alienatore vindicta: Nisi forte & alienator sibi dum repetit, & qui acceperit celeri restitutione, prospexerit. Quod si minore animæ suæ cura quisquam remedium oblatum forte neglexerit, supra ea pœnarum genera, quæ superius tenentur adscripta contra fas siquod conceptum fuerit documentum, universis viribus, quamvis ab initio nullas habuerit, effretur. Sed etiam liceat quibuscumque Ecclesiasticis Personis vocem contradictionis asserre, & Ecclesiastica auctoritate fulciri, itaut cum frustibus possit alienata reposcere; nec aliquo se ante tribunal Christi obstaculo munit, qui a religiosis animabus ad substantiam pauperum derelicta contra fas sine aliqua pietatis consideratione dispergit. Hujus autem constitutionis legem in Apostolica tantum volumus Sede servari, in universis Ecclesiis per Provincias secundum animarum considerationem, quem proposito religionis convenire Rectores earum viderint, more servato. His non solum ad optimos codices exactus est memoratus canon 1. cau. 17. qu. 4.; quem perperam Gratianus de omnibus generaliter Ecclesiis, & Episcopis editum voluit, verum etiam canon 20. cau. 12. qu. 2., quem paucis Gratianus expressit, imo & ab ipso authographo dissonum reddidit, præsertim in potestremis verbis; Ubi enim Romana Synodus, imo & Symmachus ipse decretum

M m m 2

illud

illud voluerunt ad solam Romanam Ecclesiam pertinere, aliarum autem Ecclesiarum regimen liberum suis Antistitibus reliquerunt, Gratianus voluit Ecclesias universas eodem canone comprehendere. Præterea ex his ita descriptis adparet etiam, quæ ratione interpretari debeamus ea Gratiani canonis verba *pro aliqua necessitate*, cujus necessitatis nomine non Ecclesiarum ipsarum necessitas intelligitur, sed potius privatorum, quorum favore alienatio fieret, quemadmodum exigunt illa Concilii verba: *Nec cujusquam excusentur necessitatis obtentu, quippe cum non sit personale, quod loquimur*. Demum observatione dignum est, eam legem sibimetipsi Symmachum Pontificem dixisse, liberaque illi se subiecisse voluntate, uti demonstrant ea verba: *Sancta Synodus dixit . . . in vestra est potestate sequenda disponere*, item illa: *nefas dictum est, obligatione, quæ se per charitatem Christi connektit Summus Pontifex &c.* Quamobrem quod in postrema canonis parte legitur de anathemate, & revocatione rerum alienatarum, verosimilius est non ad factum Romani Pontificis pertinere, sed potius ad factum eorum, qui Romanæ Ecclesiæ titulis præerant, qui arctius eodem decreto adlitrgebantur.

Can. 1.
dist. 40.

Quæ huc usque explicata sunt ad ipsam Synodum pertinent: Sunt & alia apud Gratianum, quæ potius leguntur in libello apologetico, quem pro eadem Synodo Romana 4. scripsit Ennodius Ticinensis Episcopus, uti jam superius animadverti. Ennodius in principio inimicos Symmachi tamquam schismaticos non esse audientes scribit; nihilominus tamen proficitur, se velle eorumdem objectionibus satisfacere. Cum vero passim objiceretur, Symmachum esse gravissimis criminibus irretitum, respondit Ennodius nunquam id probari in judicio potuisse, alias vero præsumendum non fore Pontificem Maximum talem esse, qualem passim Symmachum ejus hostes effingebant. Huc pertinet canon 1. dist. 40., qui sane non Symmachi est, sed Ennodii, uti recte animadverterunt Romani Corredtores, repetentis non tantum auctoritatem, sed etiam morum integritatem in Romano Pontifice ex successione S. Petri Principis Apostolorum.

Can. 1.
cau. 8.
§4.4.

Alia inimicorum Symmachi objectio erat, quod Symmachus in propria causa Synodum ipse Romæ convocasset. Ennodius inquit, Synodi Romanæ convocationem ad Pontificis Romani auctoritatem pertinuisse, his verbis: *Nonne directæ verba sunt canonum: quicumque Clericorum ab Episcopo suo, ante sententiæ tempus, pro dubia suspitione discesserit, manifestam in eum remanere censuram? Ad hujus rei ministerium devotum Deo oportuit agmen occurrere, ut perdisi, & prostrigati gregis ulceribus medicorum exercitus subveniret; quia quoties morborum violentia celeri gressu ad animæ secreta festinas, obvias manus adferre non potest salutare consilium, nisi ex collatione multorum. Nam & hoc a Rege nostra poposcit allegatio, ut abscessis Clericorum præjudicii de accusatorum Papæ merito per humanum os supernum judicaret Imperium. Viteamus tamen, si placet & illas didascalici (sic ironice accusatorum libellum appellabat Ennodius, quasi libellum accuratum, & ad docendum aptissimum) libelli vestri relegamus argutias: habentibus etiam nobis ante oculos Patrum sanctiones, quibus excessuum vestrum sentina ponderetur. Lex Ecclesiastica Pontificem ab illis accusatum, priusquam sub lucem obiecta constiterint, exigit non relinqui. Vos vero divini, ut puto, juris memores, qui levia errata despicitis, qui peccati nobilitate gaudetis &c.*

Ex hisce verbis supplendus erit canon 1. cau. 8. qu. 4.

Urgebant adversarii Symmachi, asserentes etiam sine Symmacho potuisse Concilium Romæ convenire, adjecta hac ratione: Ergo Concilia Sacerdotum Ecclesiasticis legibus quotannis decreta per Provincias, quia præsentiam Papæ non habent, valetudinem perdiderunt? Respondit Ennodius: *Legite, insanissimi, aliquando in illis præter Apostolici apicis sanctionem aliquid constitutum, & non de majoribus negotiis ad collationem siquid occurrit, præfate Sedis arbitrio fuisse servatum. Sic enim habes: siquis Episcoporum judicio Provinciali depositus fuerit, Romanam Papam, si placet, rursus adpellet &c.* Hæc referenda sunt ad Concilium Sardicense can. 3. At vero quis statim non videt ex istis emendandum Gratiani canonem 6. dist. 17., qui non solum falso adscriptus est Symmacho, verum etiam in aliam omnino sententiam detortus?

In eo iterum suffugium quærebant inimici Symmachi, quod Symmachus jam sua auctoritate propemodum suspensus esset, dato jam Sedi Apostolicæ Visitatore Theodorici Regis auctoritate. Respondit Ennodius, irritam esse Visitatoris hujusce constitutionem, inquit: *Aliorum forte hominum causas Deus voluerit per homines terminare: Sedis istius Præsulem suo, sine quæstione, reservavis arbitrio, &c.*, quæ integra habentur in can. 14. cau. 9. qu. 3.

De Concilio Romano V.

Synodus Romana v. sub Symmacho celebrata vulgo dicitur a ducentis octodecim Episcopis: Verum cum Episcoporum plurium subscriptiones ibidem legantur, qui interfuerunt Chalcedonenſi Concilio ante annos 50. & amplius, illud omnino inverosimile videtur. Ejus celebrandæ occasio hæc fuit: Proderat, ut diximus, Schismaticorum opera libellus adversus Synodum Romanam iv., ejusdemque constituta in causâ Symmachi. Id cum novas concitaret turbas, ac seditiones, utilissima visa est nova Synodus, celebrata, ut vulgo creditur, anno 503., vel, ut Pagi placet, anno 504. In ea primum confirmata sunt, quæ in præcedenti Concilio decreta fuerant, deinde probatus est Ennodii libellus adversus inimicos Symmachi, & in apologiam Synodi iv. elucubratus. Hinc jure optimo concludemus ea, quæ ex libello Ennodii Gratianus retulit, quæque nuper commemorabam, habenda esse, ac si in hoc quinto Concilio edita fuerint. In hac Synodo legimus verba Gratiani in can. 3. cau. 3. qu. 5., in quo adparet, quam graves pœnæ inflictæ fuerint adversus eos, qui Synodi hujus decretis minime paruiſſent. Nimirum agebatur de auferendo diffidio, quod adhuc sœvebant Laurentiani schismatici auctores, qui præcedenti Concilio non solum non obtemperabant, verum etiam conviciis laceſcebant, & tamquam improborum hominum conventiculum palam libellis editis vociferabantur. Consonant his postrema Concilii verba, ibi: *Universa Synodus dixit: Quisquis Clericorum, aut Monachorum, aut Laicorum tam majoris Ordinis, quam etiam inferioris, post hanc formam a nobis prolatam, his decretis contraire præsumserit, statutis canonicis velut schismaticus percellatur.* In illis Gratiani verbis: *Et exilio, suis omnibus sublati, perpetuo tradantur*, suspicor forte legendum esse: *Et exilio, suis omnibus &c.* Etenim similis formula habetur in Synodo Romana vi., ubi de rerum Ecclesiasticarum injuriis detentoribus dicitur: *Ne illi in ruinam incidunt, & perpetuo damnentur exilio.*

De

De Concilio Romano VI.

Anno circiter 504. rursus conveniunt Episcopi numero plurimi, quorum tamen nomina incerta sunt ob codicum varietatem. Synodi convocandæ causa fuit Ecclesiarum utilitas, quarum bona undequaque devastabantur, prædique ab iniustis possessoribus detinebantur. Salubria Episcoporum convenientium decreta probavit etiam Rex Theodoricus, quacumque tandem voluntate Ecclesiæ Romanæ, Catholicæque utilitates proficeretur. Apud Cassiodorum in lib. 2. variar. epist.

Can. 51.
cau. 12.
qu. 2.

29. & lib. 4. epist. 17. hujus rei egregia habemus monumenta. Itaque initio Concilii ex sententia Symmachi Papæ statuitur, eos esse ab Ecclesiæ liminibus arcendos Episcopi auctoritate, qui absque ejusdem Episcopi jussu Ecclesiastica bona possideant, adjecta ratione: *Indigne enim ad Altare Dei properare promittitur (legunt alii permittitur) qui res Ecclesiasticas audet invadere, aut injuste, id est sine licentia Episcopi, possidere, aut iniqua, vel injusta defensione in eis perdurat.* Ita legendus initio erit canon 21. cau. 12. qu. 2., cujus verba ex sequentibus ita supplenda erunt, atque emendanda: *Pergit enim Symmachus, inquiens: Necatores etiam pauperum judicandi sunt præfixo tenore, & si non emendaverint vitium, extirpandi. Debet tamen esse provisio, ut vindictam admonitio manifesta præcedat, & res usurpatae injuste qui abstulit, aut injuste ablatas retinet, æquitate patrocinante legibus restituat. Quod si neglexerit, & necessitas compulerit, demum prædationem Sacerdotalis districtionis maturata percellat. Neque quisquam per internas res Deum defendere nitatur, quia Dei potentia cunctorum regnorum terminos singulari damnatione concludit. (in aliis codicibus ita legitur: Neque enim quisquam per imperia terrena res Domini interna defendere nitatur, quia Dei potentia cunctorum regnorum terminos singulari dominatione concludit.) Quod si præsumserit, & ipsius offensam, & prædictæ damnationis periculum sustinebit. Competitoribus etiam hujusmodi fræna districtionis imponimus, qui facultates Ecclesiæ sub specie largitatis Regiæ, vel cujuscumque potestatis improba subreptione pervaserint. Sæva namque his rebus penituntine commovemur, cum jam transactis temporibus contra hujusmodi personas canonum suffulti præsidio, se Sacerdotes Domini erigere debuissent, ut non mansuetudo indulgentiæ ad similia perpetranda improborum audaciam adhuc quotidie provocaret. Nunc tarde, injuriarum mole depreßi, damnis quoque Dominicis compellentibus, excitamur. Quod si is, qui res Dei competit, in aliis, quam ubi res agitur, maxime solet territorii commorari, Sacerdotem loci ipsius, ubi habitat, hujusmodi pravitate contemptus neglectu personæ Episcopus literis instruum reddat. (legunt alii: *Ubi habitat Episcopus hujusmodi pravitate contemptus neglectu personæ literis reddat instruum.*) Tunc Antistes ipsius fratris anxietate comperta aut pervasorem rerum Dominicarum admonitione corrigit, aut prætaxata canonica districtione condemnet. Unde & in canonicis &c. Quæ sequuntur hoc in loco, habentur in can. 57. cau. 16. qu. 1. usque ad verba illa transferri, vel converti, ex quibus emendandus erit versiculus *Valde iniquum usque ad verba: vel converti permittatur in dicto canone 21. cau. 12. qu. 2.* Hinc statim sequuntur in Concilio, quæ in eodem can. 21. Gratianus descripsit in vers. Propterea usque in finem; ubi tamen pro illis verbis & *instructæ pænæ contubernium*, aliqui codices habent & *in statuta pænæ contubernium*. Post hæc sequuntur in actis Synodi acclamationes Patrum, quibus se Symmachi sententiis consentire*

Can. 57.
cau. 16.
qu. 1.

sentire profitebantur. Rursum autem Symmachus post pauca ita prosequutus est: *Similiter & hoc ad omnium Ecclesiarum notitiam, &c.*, quæ legimus eisdem omnino verbis in can. 38. cau. 16. qu. 1. & statim: *Generaliter vero, &c.*, quæ habentur in dicto canone 57. a vers. *Generaliter*, usque ad verba, *ut præceptum est judicemur*. Sequentia Symmachii verba hæc sunt. Sanandum est ergo hoc celerius, ne longius execrandus animis morbus inferpat, ut, si medicus cum viderit hujus terreni corporis aliquem esse languorem, magnum suæ artis æstimat documentum, si cito quis illius interuentu desperatus evadat, vel cum postea vulnus adspexerit, addibet fomenta, vel cetera, quibus illud posset, quod natum fuerat vulnus, abduci: ac, si id manens sanari non potuit, ne corpus reliquum sua tæbe corrumpat, ferro amputat, quod nocebat, quo reliquum integrum servet, & intactum. Præcidendum id ergo est, quod velus puro, sanoque nimium corpori vulnus obrepfit, ne cum tardius obfertur in ipsis pene visceribus hujus mali non exhaurienda post sentina confidat. Ferro enim abscindenda sunt vulnèra, &c., quæ leguntur in dicto canone 57. a vers. *Ferro* usque in finem.

Can. 38.
cau. 16.
qu. 1.

Sic plures corrupti apud Gratianum canones restituti sunt, & ad codices integros exacti. Unum adhuc superest observandum de canone 2. dist. 10. Is legitur post pauca, ubi nimirum Symmachus auditis Episcoporum acclamationibus, novis repetitisque ad eandem rem sententiis, & formulis sancire firmius visus est, ne in bonis suis Ecclesiæ detrimentum pateretur.

Can. 2.
dist. 10.

De epistola ad Laurentium Mediolanensem.

In Conciliis fere omnibus sub Symmacho celebratis, illis præsertim, quæ ad Symmachii ejusdem causam pertinuerunt, non interfuit tantum, sed etiam maximam auctoritatem explicavit Laurentius Mediolanensis Episcopus, qui, ubi Symmachus non subscripsit, primo ipse subscripsit loco, aut ubi subscripsit Symmachus, a Symmacho primus. Quamobrem nemo non videt, ubi Symmacho causa bene cessit, plurimum idipsum tributum fuisse prudentiæ Laurentii, cujus potissimum auctoritate, ac moderatione quotquot adversus Romanum Pontificem opposita fuerant, irrita ceciderunt. Id occasionem dedit Symmacho, epistolam in grati animi testimonium, ac monumentum perenne ad Laurentium scribendi, in qua ejus laudes perstricto quidem, sed prægnanti stylo persequitur; quod demonstrant postrema epistolæ verba: *Hæc beatitudini tuæ quasi stridim pro linguæ meæ commendatione dedicavi: Si precibus tuis vitæ successus adfueris, gestorum tuorum plena me relatione consecrabo, ut quæ universis nota sunt, mansuris in posterum literis, quatenus gaudeat ætas secutura serventur*. Ad eandem epistolam referendus est canon 45. cau. 1. qu. 1., ubi enim Symmachus laudat in Laurentio & morum integritatem, & doctrinam eximiam, & plane officio parem, ait: *Vilissimis comparandus est, nisi præcellat scientia, & sanctitate, qui est honore præstantior*.

Can. 45.
cau. 1.
qu. 1.

De Epistola ad Cæsarium Episcopum Arelatensem.

Cæsarius Arelatensis Episcopus initio 6. sæculi cum agnosceret nonnullos abusus in variis Galliarum Provincias irrepere, certas regulas postulavit a Symmacho Ponti-

Can. 61.
cau. 16.
qu. 1.

Pontifice Maximo, quas & ipse custodiret, aliisque custodiendas proponeret. Nimirum tunc Episcopi zgro animo intuebantur bona Ecclesiarum alienari, eos in Antilites ordinari, qui muneri subeundo non erant pares, feminas Deo sacratas conjugibus jungi, & his familia. Sex capitibus propofitis refcripfit Symmachus, quorum in primo legitur canon 61. cau. 16. qu. 1., ita emendandus: *Poffeffiones igitur, quas unusquisque Ecclesie proprio dedit, aut reliquit arbitrio, alienari quibuscumque titulis, atque contradidibus, vel sub quocumque argumento non patimur: nisi forsitan aus Clericis honorum meritis, aut Monasteriis religionis intuitu, aut certe peregrinis necessitas largiri suaserit, sic tamen ut hæc ipsa non perpetuo, sed temporaliter, donec vixerint, perfruantur.* Sententia generalis hujusce canonis, qua prohibetur, ne bona Ecclesiarum alienentur, consonat cum sententia Concilii Romani VI. sub Symmacho eodem, quemadmodum adparet ex can. 21. cau. 12. qu. 2. Tres ibidem proponuntur exceptiones. Prior est, si Episcopus bona Ecclesiarum Clericis honorum meritis largienda existimaverit. Hinc nonnulli repetunt beneficiorum originem, qualia recentiore ætate obtinuerunt. Etenim vetustissimis temporibus bona omnia Ecclesiarum in manu, & potestate Episcopi erant, ita ut Clerici ab Episcopis, vel ab alio Episcopi nomine, quod sibi necessarium erat, annuis, mensuris, aut etiam diurnis portionibus acciperent. Postea vero primum factum, ut Presbyteris ruralibus, quos Parochos adpellabant, bonorum administrationem concederent, eorundemque exemplo Presbyteris illis, qui in Civitatibus titulos, sive Ecclesias tegere dicebantur. Id etiam totum constat ex Concilio Agathensi, cui præfuit idem Cæsarius anno 506., præsertim vero can. 32., & 33. cau. 12. qu. 2. Altera exceptio est, si Monasteriis aliquid donetur intuitu religionis. Id sane non habetur in Synodo Romana IV. sub Symmacho; ibi enim cap. 4. legimus: *Sed nec in usufructuario jure aliquibus dare liceat, nec data retinere, præter Clericos, & captivos, atque peregrinos; ne male translationis ministeriorum occasio &c.* Item nec habetur in Concilio Agathensi sub Cæsario celebrato, nam in can. 7. hæc legimus: *Minusculas vero res, aut Ecclesie minus utiles, peregrinis, vel Clericis, salvo jure Ecclesie, in usum præstari permittimus.* Quamobrem facile suspicor, eam adjectam fuisse posteriore ætate, præsertim cum noverim recentioribus demum temporibus nonnulla Ecclesiarum bona Monasteriis addici. Tertia exceptio spectat peregrinos, quam memorata tum Symmachi, tum Concilii Agathensis loca confirmant.

Can. 2.
cau. 16.
qu. 2. &
Can. 3.
cau. 17.
qu. 1.

In 2. & 3. epistolæ capite modum expendit Symmachus, quo quispiam ad Superiores Ecclesiasticos gradus promoveatur. At in tertio sermonem habet de raptoribus viduarum, aut virginum Deo sacratarum. Verba Symmachi habentur in can. 2. cau. 16. qu. 2., ibi: *Raptores igitur viduarum, vel virginum pro immanitate tanti facinoris detestamur, illos vehementius persequendo, qui Deo sacratas virgines, vel volentes, vel invitæ matrimonio suo sociare tentaverint, quas pro tam nefandi criminis atrocitate a communione suspendi præcipimus.* Cum hoc capite jungendum etiam erit caput 5. ejusdem epistolæ, quod retulit Gratianus sub Gelasii nomine in can. 3. cau. 27. qu. 1.

Can. 118.
cau. 1.
qu. 1. &
Can. 1.
cau. 1.
qu. 6.

Jungendi simul sunt canon 118. cau. 1. qu. 1., & canon 1. cau. 1. qu. 6., uterque enim ex eodem capite ultimo epistolæ Symmachi depromptus est, ibi: *Nullus itaque per ambitum ad Episcopatus honorem permittatur accedere. Nam cum hic excessus in laica conversatione culperetur, quis dubitat, quod religionis, & Deo servientibus inurat opprobrium? Siquis Episcopatum desiderat, data pecunia potentes personas minime*

minime suffragatrices adhibeat: Nec ad decretum sibi faciendum Clericos, vel Cives subscribere, alibito cujuslibet generis timore, compellat, vel præmiss aliquibus hostetur. Decretum sine Visitatoris præsentia (Visitatorem eum fuisse, qui vacanti Ecclesiæ dabatur, ut ejusdem necessitatibus consulere, jam superius animadverti) nemo conficiat, cujus testimonio Clericorum, aut Civium possit unanimitas declarari.

De Ceteris Capitibus Symmacho tributis.

Duplici de causa potuit Gratianus Symmacho Papæ adscribere canonem 2. dist. 81. Can. 2.
dist. 81.
Et primo quidem, quia in libello Ennodii apologetico pro IV. Romana Synodo habetur; etenim Ennodius inter cetera Symmachi inimicos insequitur, ajendo prope finem, neminem debere accusatoris, aut monitoris officio fungi, nisi qui criminis expertus habeatur, ibi: *Nemo recte monitoris personam suscipit, nisi qui alibus suis errata condemnat, & amorem innocentia conversatione demonstrat.* Hac sane eadem sunt cum canone 2. dist. 81. Altera causa esse potuit, quod similia quædam legamus in epistola Symmachi ad Laurentium Mediolanensem; ubi enim Laurentium ipsum laudat, quod virtutibus Episcopalibus egregie ornatus esset, inquit: *Manet te singularis sapientia, quæ licet generaliter optanda est, tamen existit in magistro necessaria: Frustra monitoris personam suscipit, qui ipsius non prævalet æstimare pondus officii. . . Tu his eruditus, & formatus cæli beneficiis, plus agendo populum institues, quam docendo. Illa monita discipulorum conscientiam erudiunt, quæ probantur exemplo. Sine pudore inquit ad innocentiam, qui illam fuerit ipse sectatus. Nihil hic adjicio aut de libello Ennodii, aut de epistola Symmachi ad Laurentium; cum de utroque superius egerim.*

Canonem 8. cau. 30. qu. 1. falso esse Symmacho adscriptum, facile ea demon- Can. 8.
cau. 30.
qu. 1.
strant, quæ jam superius tradidi ad canonem 9. & 10. eadem causa, & questio-
ne; etenim & Symmacho, & Sylvestro ibidem memorato recentior est discipli-
na, quæ in eisdem canonibus exhibetur. Mendum profluxit ex auctoribus Pœni-
tentialium, a quibus hoc fragmentum repetendum est. Illi enim recentiores, ut
disciplinæ a se inductæ majorem adderent auctoritatem, solebant adjicere capitibus
suis nomina vetustissimorum Pontificum. Ita evenit in dicto canone 8. Habetur
in Pœnitentiali, quem Romanum appellavit, ediditque Antonius Augustinus, &
quidem nomine Symmachi Papæ eisdem omnino verbis in tit. 8. cap. 3.



CAPUT XLIX.

De Hormisdæ.

Hormisdæ Pontifici sequentia capita adscribuntur.

- | | | | |
|--|---|---|---|
| Ex epist. ad
Johannem E-
piscopum. | { | Can. 6. cau. 25. qu. 2. paullo varius in aliquot exemplaribus. | |
| | | | |
| Ex epist. ad
Episcopos His-
paniz. | { | Can. 2. dist. 61. | } simul jungendi, & ex integra epistola.
supplendi. |
| | | Can. 3. dist. 61. | |
| | | Can. 9. cau. 25. qu. 1. consonat cum pluribus Hormisdæ monumentis. | |
| Ex epist. ad
Eusebium E-
piscopum. | { | Can. 2. cau. 31. qu. 2. Hormisdæ falso tributus. | |
| | | | |
| Adjiciuntur. | { | Can. 29. dist. 50. | } simul jungendi, apocryphi quidem, sed ab Hor-
misdæ sententiis non alieni. |
| | | Can. 58. dist. 50. | |
| | | Can. 2. cau. 30. qu. 5. pertinet potius ad Capitularia Franco-
rum. | |
| | | Can. 25. de cons. dist. 1. pertinet potius ad Capitularia Franco-
rum. | |

SUb Hormisdæ Pontifice ab anno videlicet 514. usque ad annum 523. res Ec-
clesiæ Orientalis in bonam frugem converti visæ sunt, partim studio optimi
Pontificis, cujus sollicitudine Legati selecti in eas Provincias missi sunt adversus
Eutychianos, atque Acacianos, partim auctoritate Justiniani Imperatoris, Viri Ca-
tholicæ fidei Patroni, & unitatis amatoris, qui mortuo Anastasio in Imperio
Constantinopolitano successit. Damnatæ igitur Eutychianorum reliquæ, confir-
mataque Concilia Oecumenica Ecclesiastica fuerunt pulsæ hæreticis. In Italia re-
gnum tenebat Theodoricus, qui etsi Arianorum hæresi favere videretur, res tamen
Ecclesiasticas ipsum etiam Pontificem Hormisdæm benevola voluntate prosequutus est.
In Galliis Clodoveus Rex docente Rhemigio Rhemenfi Catholicam fidem, pieta-
temque in Deum fovebat: Item in Africa sub finem Pontificatus Hormisdæ re-
stituti sunt ad suas sedes Catholici Antistites antea ab hæreticis in exilium puls-
i, Ecclesiæ apertæ, & religionis officia restaurata. Quæ omnia, ut videtur, volun-
tatem optimam Hormisdæ explere satis potuerunt.

De Epistola ad Johannem Episcopum.

Postquam Theodoricus Rex Italix anno circiter 510. Hispaniarum quoque regnum suscepit, Hispaniarum Ecclesiæ cœperunt magis ac magis cum Ecclesiis Italix, ac potissimum Romana conjungi. Hinc anno circiter 516. Johannes Tarraconensis Episcopus literas ad Hormisdam Pontificem scripsit, quibus significabat, plures in Hispaniis irrepsisse abusus, qui emendari omnino debebant, proptereaque se a Romana Ecclesia postulare generales regulas, ad quas mores suæ, ac finitimarum Ecclesiarum formarentur. Id æquo, lubentique animo excepit Hormisdas, qui ejusdem, laudans sollicitudinem, curam ita probavit, ut non solum quid agendum esset, quive canones sequendi forent, ipse proponeret, sed etiam illum tamquam Sedis Apostolicæ Vicarium in Hispania constitueret. Id totum liquet ex epistola ejusdem Hormisdæ ad ipsum directâ, quæ incipit *Fecit dilectio tua*, ad quam referendus erit canon 6. cau. 25. qu. 2., in quo ubi legitur in nonnullis codicibus *pendantur*, legendum erit juxta optima epistolæ exemplaria: *pendantur*. Sane ex eo liquet, quâ ratione idem Johannes mandatum Pontificis Maximi suscepit, & quomodo commissâ fuerit ipsi sacrorum canonum exequutio. Eadem epistola ita signatur: *Data quarto nonas Aprilis Agapito V. C. Consule*; qui annus incidit in 517. juxta emendationem Severini Bini, aut signatur secundo Consulatû Agapiti, qui incidit in annum 521. Verum aut in hanc, aut in alias notarum consularium subscriptiones aliquod mendum irrepsit: Etenim in epistola ad Episcopos Hispaniæ data anno 517., seu Consulatû Agapiti, jam mentio fit epistolarum Johannis Tarraconensis; & in Concilio Tarraconensi anni 516., necnon in Concilio Gerundenſi anni 517. Johannes idem Tarraconensis jam visus est Vicarii Apostolicæ Sedis munere functus fuisse, dum Conciliis eisdem præfuit, ac primus subscripsit.

De Epistola ad Episcopos Hispaniæ.

Argumentum epistolæ, quam sub Consulatû Agapeti, seu anno 517., ut superius attingi, scripsit Hormisdas ad universos Hispaniæ Episcopos, pendet ex epistola nuper explicata ipsius Hormisdæ ad Johannem Tarraconensem. Ut enim abs Johanne acceperat Pontifex Maximus, disciplinam Ecclesiasticam lapsam propemodum fuisse in Hispaniis, ita curavit per epistolam illarum Provinciarum Antistites admonere, ut quæ moribus pravis interierant optima, restituerentur juxta sacrorum canonum sanctiones; præcipue vero ut rite ordinarentur Episcopi, & annua Antistitum Concilia frequentarentur. Huc pertinent canon 2. & 3. dist. 61. ita legendi ex integris epistolæ exemplaribus: *Ut in Sacerdotibus ordinandis, quæ sunt a Patribus præscripta, & definita cogitetis, quia sicut est caput Ecclesiæ Christus, Christi autem Vicarii Sacerdotes, sic & in eligendis his curam oportet esse perspicuam. Irreprehensibiles enim esse convenit, quos præesse necesse est corrigendis: nec quidquid illi deesse personæ, penes quam est religionis summa, & substantia disciplinæ. At timeat quis pretium Domini gregis, ut sciat, quod meritum constituendi deceat esse Pastoris.* Hoc

N n n 2

ita

ita fiet, si non Sacerdotii gradus saltu quodam passim laicis transferantur. Longa debet vitam suam probatione monstrare, cui gubernacula committuntur Ecclesie. Non negamus esse in laicis Deo placitos mores, sed milites suos probatos sibi querunt instituta fidelia. Discere prius quisque debet, antequam doceat; & exemplum religiose conversationis de se potius aliis præstare, quam sumere. Emendatiorem esse convenit populo, quem necesse est orare pro populo. Longa observatione religiosus cultus tradatur, ut luceat, & Clericalibus obsequiis erudiendus inserviat, ut ad venerandi gradus summa perducatur, qui sit fructus humilitatis, ostendat. Nec leve, nec vacuum fuit, quod nec apud veteres quidem, nisi Leviitici generis viri, ad sancta admittebantur altaria, ne pessime, moribus contemptis, aut pretio, aut præsumptione ad sacros cultus impar accederet. Tunc migrabant per illam prærogativam familiarum ad instituta cultorum, nunc est doctrina pro genere quod illis fuit nasci, hoc nobis imbui. Illos tabernaculo dabat natura, nos altaribus parturit disciplina. Nec tantum de laicis consecrari inhibemus, sed nec de prænitentibus quidem quisquam ad huiusmodi gradum profanus temeratur adspiret. Satis illi postulanti sit venia. Qua conscientia absolvat reum, qui se peccata sua populo scitis teste confessum? Quis enim, quem paulo ante vidit jacentem, veneretur Antistitem? Præferens miserando criminis labem, non habet lucidam Sacerdotii dignitatem.

Can. 9.
con. 85.
qu. 1.

Ex eadem epistola ad Episcopos Hispaniæ laudatur apud Gratianum canon 9. cau. 25. qu. 1., verum non satis recte. Fateor quidem, initio ejusdem epistolæ nonnulla haberi similia in illis verbis: Nec unquam ab illa via, quæ Christus est, devio tramite declinemus, ne ab eo iuste, quem nos impie relinquimus, deseramus. Quod, cum superni favoris auxilio, ea nobis potest ratione contingere, si Apostolica dogmata, si Patrum mandata servemus. Verum eadem Gratiani verba potius legimus in regula fidei, seu libello, quem Hormisdas per Fulionem Ecclesiæ Romanæ Subdiaconum misit ad Johannem Episcopum Nicopolitanum anno 516., cuique idem Johannes subscripsit. Ejus hæc sunt priora verba: Prima salus est, regulam recte fidei custodire, & a constitutis Patrum nullatenus deviare. Eadem omnino habentur in simili libello, seu regula fidei, quam professus est postulante Hormisdas Johannes alter Episcopus Constantinopolitanus. Quum vero eundem libellum Hormisdas miserit ad Episcopos Hispaniæ in epistola, quæ incipit *Inter ea*, quæque in recentioribus Collectionibus est 51., jure dixerimus, inscriptionem apud Gratianum germanam esse. Porro in hac epistola Hormisdas suadet Hispaniæ Episcopis, ne quemquam ex Orientalibus recipiant, nisi fidem professi fuerint juxta formulam in eodem libello descriptam.

De Epistola ad Eusebium Episcopum.

Can. 2.
con. 31.
qu. 2.

Quicumque canonem 2. cau. 31. qu. 2. accurate perpenderit, facile animadvertet, five ex stylo, five ex sententia decreti illum falso tributum esse Hormisdæ, & quidem in epistola ad Eusebium Episcopum. Non est idtribuendum Gratiano, sed potius Palearum auctori, qui canonem eundem Gratiani decreto inseruit ex prima Collectione Decretalium excerptum, in qua eadem verba leguntur cap. 2. de desponsat. impuberum nomine Hormisdæ ad Eusebium Episcopum scribentis. Adnotavit Antonius Augustinus in notis ad eandem Collectionem, in nonnullis codicibus legi non nomen Hormisdæ, sed potius nomen Honorii III. Utrum vero

vero Honorio III. sit tribuendum, plurimum ipse dubitaverim, cum auctor primæ Decretalium Collectionis non videatur ejusdem Pontificis tempora attingisse. Potius crederem, canonem ipsum tribuendum fore Honorio II., vel quod in Decretalibus Gregorii IX. sub nomine Honorii referatur (ubi notandum est non haberi postrema illa verba, quæ leguntur in Gratiani codice; *Hoc ab omnibus orthodoxæ fidei &c.*) vel quod sub Honorii II. temporibus ea disciplina recipi visa est, qua fieret, ut Parentes impuberes filios possent conjugio alligare, quod ab ipsis dissolvi non posset, etiam quum puberes facti filii fuissent. Id sane Parentes contra generales juris utriusque regulas se facere posse crediderunt, quod usus invaluisse, sua voluntate invitos filios posse se Monasteriis addicere impuberes. Verum non diu id obtinuit, sed passim receptum est, ut, quemadmodum Parentes nequeunt amplius invitos filios Monasticæ vitæ tradere, ita quoque nequeant conjugio sociare. Videatur ad hanc rem Franciscus Florens in Commentario hujus causæ, & questionis; item Vvanespén in Brevi Commentario in Gratianum, ubi non sine ratione etiam eo progreditur, ut hunc canonem prorsus apocryphum dicendum velit. Et quidem mihi magis opinio ista probatur, cum certa hujusmodi disciplina nusquam obtinuerit, ut filii in quacunque ætate constitutæ possent ex sola Parentum voluntate nuptiis adstringi, etiam invitæ, & repugnantes; inverosimile autem sit, aut Pontificem Maximum in hac specie ita decrevisse: *Hec omnibus orthodoxæ fidei sancimus, & vobis tenenda mandamus*, quemadmodum legitur in 1. Collectione Decretalium, aut si ita decrevit, certam hanc disciplinam receptam aliquandiu non fuisse. Scio quidem, Glossographos aliquot ita canonem fuisse interpretatos, quasi honestum filiis haberetur sequi paternam voluntatem, non necessarium. At vero hæc interpretatio illis canonis verbis omnino repugnat: *Omnino observare, & adimplere debet*.

De Ceteris Canonibus Hormisdæ adscriptis.

Certo certius est, canones 29. & 58. dist. 50. falso adscriptos fuisse Hormisdæ Pontifici, quod vel illud unum evidentissime demonstrat, nimirum quum memoretur ibidem Johannes Pontifex Maximus, qui Hormisdæ ipsi successit. Ex toto autem eorundem, qui sane simul jungendi sunt, canonum contextu liquet, illorum auctorem non alium fuisse, quam ignoti nominis Collectorem, qui variis productis Patrum veterum fragmentis ostendere voluerit eos, qui in gravissimum adulterii crimen prolapsi fuerint, non posse ad pristinum Ecclesiasticum gradum, ne post penitentiam quidem, revocari. Sane eos canones ipse reperio inter canones selectos ex antiqua Collectione Codicis Herovalliani, quam edidit pag. 97. Jacobus Petit in tomo 1. Penitentialis Theodori Cantuariensis; inter cetera autem pag. 143. hæc leguntur: *Epistola Hormisdæ Papæ per universas Provincias*. (hanc inscriptionem ipsemet Petit in suis adnotationibus animadvertit posteriore manu exaratam esse) *Siquis Diaconus, vel Presbyter* (hic est Gratianus canon 29.) *post acceptam benedictionem Leviticam cum uxore sua incontinens invenitur, ab officio abjiciatur. Ecce manifestissime constat, quod secundum titulos antiquorum Patrum a S. Johanne Papa transmissos* (Gratianus loco istorum verborum habet: *Patrum Sancto Spiritu suggerente conscriptos*) *& 318. Episcoporum sententias Canones Galli-*

Can. 29.
& 58.
dist. 50.

Gallicani continere videntur, quod Clerici in adulterium deprehensi, & aut ipsi confessi, aut ab aliis repositi ad honorem redire non possunt. Et quia fortasse non desunt, quibus pro nimia pietate supra scripta Sanctorum Patrum severitas minime placeat, sciant se, & 318. Episcoporum, & qui reliquos canones constituerunt, vel statuerunt, sententias reprehendere, vel damnare. Sed fortasse major est in illis pietas, quam in supradictis 318. Episcopis? Major in illis misericordia, quam in S. Johanne Papa? Major charitas, quam in reliquis Sanctis Sacerdotibus, qui hæc exempla, vel remedia Ecclesiarum suis definitionibus deliberaverunt? Et ideo aut prona voluntate præceptis illorum consentiant, aut omnibus illis contrarios se, & inimicos esse cognoscant. Quæ est iustitiæ inimica benignitas, palpare criminosos, & vulnera eorum usque in diem iudicii incurata servare? Quod si eos durissimam penitentiam per plures annos agere videremus, sic & id ipsum, & saluti eorum consulere, ut & canonum deberemus statuta servare. Cum vero in aliquibus nec compunctio humilitatis, nec instantia orandi, vel plangendi adpareat, nec B. David imitetur, qui dixit: Lavabo per singulas noctes lectum meum, lacrymis meis stratum meum rigabo: & illud: Cinerem sicut panem manducabam, & potum meum cum fletu miscebam; nec eos jejuniis, vel lectionibus vacare videamus; possumus agnoscere, si ad honorem pristinum redirent, cum quanta negligentia, & cum quanto tepore, & inimica animæ securitate permanerent, credentes, quod sic eis non alia digne penitentia dimiserit Deus, quomodo & Sacerdotes indulgisse videntur. Vere dico, quia illi ipsi, quibus cum periculosa, & falsa misericordia indulgere videmur, cum ante tribunal Christi pro tantis peccatis damnandi advenierint contra nos ipsos causas disturi sunt, dicentes: quod dum asperitatem lingue eorum expavimus, aut falsa blandimenta, & periculosas adulationes libenter accepimus, nos eos, dum illis inutiliter indulgeremus, in peccatis permanere, aut ipsa peccata etiam augere permiserimus, non recordantes illud, quod in veteri Testamento scriptum est, quia uno peccante contra omnes ira Dei deserviet. O pietas! O misericordia! (Hæc omittuntur apud Gratianum) uni parcere, & omnes exemplo malo in discrimen adducere. Non ita suadet S. Cyprianus dicens: Qui peccantem verbis adulantibus palpat, peccandi fomitem subministrat, nec premis delicta, sed fovet: & iterum: Imperitus est medicus, qui ante dejectam putredinem superducit vulneri cicatricem, & ideo diligenter perpendite, si aut potest, aut debet fieri, ut tantorum, ac talium, quos supra memoravimus, Sacerdotum canones contemnentes, aliter, quam illi statuerunt, obsecrare, vel agere præsumamus; præcipue cum, si illorum 318. Episcoporum, qui per omnes Ecclesias Concilia fieri statuerunt, tam sancta decreta neglexerimus, non solum illos despiciemus, sed & Africanos, & omnes reliquos, qui ipsi ordinantibus per totum mundum pro Ecclesiastica disciplina aliquid statuerunt, cum peccato animæ nostræ contemnemus. Ego me in hoc periculo mittere omnino non audeo, quia nec talia sunt merita mea, ut aliorum peccata in me excipere præsumam, nec tantam eloquentiam habeo, ut ante tribunal Christi contra tantos, ac tales sanctos Sacerdotes, qui canones statuerunt, causas dicere possim. Videat unusquisque, qui aliter sentire, vel observare disponit, qualiter possit in die iudicii reddere rationem. Ego, in quantum vires dignatur dare Deus, volo eorum præceptionibus obedire, quia cum illis non rixas, sed pacem, & qualemcumque partem habere desidero. Et hoc diligenter attendendum est, ut illi Clerici, qui ad uxores proprias redeunt, ad integrum ab officio suspendantur, & sic etiam digami, & in-ternuptarum mariti, qui utique rem licitam faciunt, Clerici tamen ordinari non possunt, & si ordinati fuerint, dejiciantur; de quibus etiam Sanctus Basilius in epistola sua dixit:

Per-

Perdit gratiam consecrati, qui adhuc officium vult excitare mariti. Cum hæc a tantis, ac talibus viris statuta sint, qua conscientia quisquam dicere poterit, quod ille, qui adulterium commiserit, iterum ad honorem redire possit? Quod si aliquis dicat: Ergo magis misericordiam Dei, qui dixit: Nolo mortem peccatoris, sed ut convertatur, & vivat; & illud: Numquid qui cadit, non adjiciet, ut resurgat? Et peccator in quacumque die conversus fuerit, omnes iniquitates ejus oblivioni tradentur. Ad hanc objectionem libera voce respondere & possumus, & debemus: Absit a nobis, ut de istis sententiis videamur vel leviter dubitare. Definitissime enim credimus, quod is, qui usque ad finem vitæ suæ poenitentiam digne egerit, non solum indulgentiam accipiet, sed etiam ad vitam æternam perveniet. Propter regulam tamen Ecclesiasticam, & precepta antiquorum Patrum statuta, quæ absit a nobis ut aut reprehendere, aut discutere audeamus, cum credamus ad vitam æternam post peractam poenitentiam venire, ad bonam Clericatus secundum tantorum Patrum præcepta novimus non debere reverti; In tantum, ut in canonicis scriptum sit: Ne ullus unquam Clericus poenitens ordinetur. Et si ille, qui ultro petit poenitentiam (hæc retulit Gratianus in memorato canone 58.) quamvis eam perficere agat, non potest Episcopus, aut Presbyter ordinari, ita ut etiam si per ignorantiam ordinatus fuerit, deiciatur; ille qui invitatus ad poenitentiam agendam in Monasterium mittitur, (& utique quid aliud, quam poenitens dicendus est?) qua conscientia ad Sacerdotium redire permittitur? Nemo mihi alia qualibet contra auctoritatem Sedis Apostolicæ, vel contra 318. Episcoporum præcepta, vel reliquorum canonum statuta objiciat: Quia quidquid contra illorum definitionem, in quibus Spiritum S. loquutum esse credimus, dictum fuerit, recipere non solum temerarium, sed etiam periculosum esse non dubito; valde enim metuo, & contremisco illam damnationem, quam Heli Sacerdos propter stultam indulgentiam accipere meruit, qui pro eo, quod filios suos negligenter castigavit, & eos nec cadere, nec excommunicare voluit, ipsi filii uno die occisi sunt, & 30. millia de populo interfecisti sunt, & Arca Testamenti capta est, & ipse retro cadens fratris cervicibus mortuus est, & nomen ipse de libro vitæ deletum est, & contra Phinees, qui pro eo, quod zelo Dei commotus duos adulteros interfecit, totum populum Dei ira liberavit. Nec hoc ideo dico, ut scis ille fecit, etiam nunc per mortem corporis Sacerdotes Domini debeant vindicare, sed quia melius est, ut unusquisque parvo tempore in hoc mundo confusionem sustineat, quam postea ad supplicia æterna perveniat, & multum ei utilis est propter aliorum exemplum, quamdiu vivit, remotus ab honore poenitentiam agat, & remedium sibi in die necessitatis adquirat. Quicumque parvitas meæ in hac causa voluerit esse onerosus, aliud responsum ei non dare delibero, nisi quod supradicti canones continere videntur. Integrum, descriptum ejusdem collectionis fragmentum, ut exinde constaret non solum, qualis esset auctoris integra sententia, ad quam Gratiani canones exigantur, verum etiam quibus de causis jure sit idem fragmentum ab Hormisdâ abjudicandum. Ceterum dissimulare nemo potest, sententias ibidem traditas vetustis sacris canonibus omnino consonare, inter ceteros canonum 23. Concilii Arausiaci I., can. 4. Concilii Aurelianensis V., canoni 68. Concilii Carthaginensis vulgo IV., can. 3. Concilii Epaonenfis, & can. 43. Concilii Agathensis. Addere his omnibus possem consonare Hormisdæ Pontificis sententiam in ea parte, in qua dicitur, neminem ex Poenitentibus posse ad sacros Ordines evehi, quemadmodum idem Pontifex scribit in epistola ad Hispaniæ Episcopos superius memorata, cujus etiam verba huc spectantia superius retuli ad canones 2., & 3. dist. 61. Ex hoc autem ipso

pro.

profectum forte fuit, ut ii canones Gratiani apud Collectores antiquiores nomine Hormisdæ descripti fuerint.

Can. 20. Sed præterea falso tributus est Hormisdæ Papæ canon 2. cau. 30. qu. 5. non-
 cau. 30. quidam primum a Gratiano, sed a Burchardo in cap. 3. lib. 9., quem etiam se-
 qu. 5. quutus est Ivo Carnotensis. Hinc vero patet, eundem canonem non potuisse in
 secunda Collectiōne Decretalium titulo de clandestina desponsatione adscribi Ale-
 xandro III. tamquam primo ejusdem auctori, cum Alexander III. non tam post
 Gratianum, quam post Ivonem, ac Burchardum vixerit. Errati auctor fuit Burchardus,
 qui, ut alias sæpe tradidi, quoties sententias Francorum Capitularium referre vo-
 luit, alium omnino a germano auctorem inscripsit. Legerat ipse aut in Capitu-
 lari Vernensi sub Pippino Rege anni 755. cap. 15. *Ut omnes homines laici publicas*
nuptias faciant, tam nobiles, quam ignobiles; aut in Capitulis Herardi Turonensis
 cap. 130. *Ut nullus occulte nuptias faciat;* aut in lib. 6. Capitularium cap. 133.
Nec sine publicis nuptiis quisquam nubere præsumat; aut demum in lib. 7. cap. 179.
 cui consonat Concilium Troslejanum cap. 8., & Isaac Lingonensis in tit. 5. cap. 6.
Sancitum est, ut publicæ nuptiæ ab his, qui nubere cupiunt, fiant. . . Sed prius conve-
niendus est Sacerdos, in cujus Parochia nuptiæ fieri debent in Ecclesia coram populo &c.
 Omnes istiusmodi sententias paucis perstrinxit, eisdem etiam retentis verbis, at-
 que de more suo uni ex veteribus Pontificibus pro lubito attribuit.

Can. 25. Burchardo etiam ex eadem ratione imputandum est, si canon 25. de conf.
 de conf. dist. 1. apud Gratianum tribuatur Hormisdæ. Huic Pontifici ante Gratianum tri-
 bui Ivo, sed Ivoni errandi occasionem Burchardus ipse præbuit. Porro non so-
 lum Burchardus reticere voluit, auctores Capitularium Francorum esse auctores
 ejusdem canonis, verum etiam canonem ipsum corruptit, & ex duobus omnino
 disjunctis Capitularium fragmentis composuit. Revera, omisiss iis, quæ Romani
 Correctores observaverunt, conferendo codicem Gratiani cum codice Ivonis, &
 Burchardi, ita statutum legitur, ut nullus Presbyter aliud erigere possit Al-
 tare in Ecclesia, quam quod ab Episcopo loci consecratum fuerit. Deinde pœna
 adjicitur adversus Presbyterum ita facientem, ut si Clericus est degradetur, si vero
 laicus, anathematizetur. Non video quomodo hæc invicem consonent, aut quo-
 modo Presbyteri in duplicem ordinem distribuuntur, quorum alii laici anathemate
 percellendi, alii Clerici, & a gradu deiciendi, quoties statutum minime custo-
 diant. Referenda igitur res erit ad integros Capitularium codices, & unaquæque
 sententia ad sua capita exigenda. In lib. 6. Capitularium cap. 202. ita legitur: *Us nullus*
Presbyter in Ecclesia consecrata aliud altare erigat, nisi quod ab Episcopo sanctificatum est,
ut sit discretio inter sacratum, & non sacratum. Sic explicat integrum Capitularium
 caput; deinde vero post multa ad Ecclesiasticam stabiliendam disciplinam perti-
 nentia a laicis, ac Clericis custodienda in cap. 303. ita subjicitur: *Siquis statuta*
supergressus corruperit, vel pro nibilo habenda putaverit, si laicus est, communionem, si
Clericus, honore privetur. Hæc posteriora cum prioribus conjungere Burchardus non
 dubitavit.

CAPUT I.

De Jobanne.

Johannis I. nomen præferunt sequentia capita apud Gratianum.

Ex epist. ad
Episcopos Ita-
liz. { *Can. 21. de conf. dist. 1. ab Isidoro Mercatore confictus.*

Ex epist. ad
Zacchariam
Archiepiscopum. { *Can. 1. cau. 2. qu. 2. }
 Can. 3. cau. 3. qu. 1. } apocryphi, & aliis Mercatoris sententiis
 Can. 1. cau. 3. qu. 2. } conformes.
 *Can. 7. cau. 12. qu. 2. }**

Ex ep. ad Salo-
monem Regem
Brittonum. { *Can. 10. cau. 3. qu. 6. est potius Nicolai I.*

Ex epist. ad
Isaac Episcopū
Syracusanum. { *Can. 1. cau. 16. qu. 2. Johanni falso tributus.*

Quum in Oriente Imperator Justinus res Ecclesie cum summo bonorum pro-
fectu foveret, in Italia vero Theodoricus Rex eandem rationem inire vide-
retur, Johannes post Hormisdæ obitum anno 523. Maximus Pontifex inau-
guratus eo curam suam totam, sollicitudinemque convertit, ut Arianorum con-
venticula dirimeret, illorum Ecclesias in Ecclesias Catholicorum dedicando. Quod
tamen ubi scivit Rex Theodoricus animo Arianus, ægre admodum tulit ita, ut Pon-
tificem Maximum injuriis acerbissimis laceffitum Ravennæ carcere detinuerit us-
que ad necem, quæ accidit anno 526. Hæc facile demonstrantur ex Gregorio Tu-
ronensi Scriptore fere contemporaneo in cap. 40. libri de gloria Martyrum. Ce-
tera, quæ auctor libri Pontificalis de eo Pontifice memorat, lubentissime præ-
termitto; sunt enim admodum dubia, imo etiam contradictionibus implicata. Quod
ad rem meam attinet, illud animadvertere juvabit, singula fere, quæ Johanni per
Gratianum adscripta sunt, tamquam supposititia recenseri.

De epistola ad Episcopos Italix.

Isidorus Mercator cum plures epistolas vetustissimis Pontificibus adscripsisset, iis
etiam aliquod adscribere voluit, qui suis temporibus essent proximiores. Inter
has est epistola Johannis dicta numero 2. ad Episcopos Italix, cujus Data Consul-
ris

Item. II.

O O O

ris

ris hæc est: *Data 3. Idus Junii Maximo, & Olybrio Viris Claris. Coss.* Exinde autem ejus epistolæ falsitas adparet, cum vel ipso teste Baronio ad annum 526. §. 3., qui ceteroquin eandem epistolam velut germanam recepit, Maximus, & Olybrius diversis temporibus gesserint consulatum, item Maximus fuerit consul anno 523., nec propterea potuerit Johannes scribere eodem anno 3. Idus Junii, qui mense tantum Augusto Pontificatum suscepit; Olybrius autem Consul fuerit anno 526., quo obiit Johannes mense Majo, nec propterea fingendus erat scripsisse mense Junio. Præterea integra fere hæc epistola de more Mercatoris confecta est ex variis Patrum laciniis, Leonis Magni epist. 70., & Paulli Apostoli ad Cor. iis demtis, ex quibus auctor Pontificalis, alique Scriptores errandi, fabulasque in vulgus spargendi occasionem sumserunt. Non possum ab illis recensendis abstinere, utpote quæ a Gratiano relata sunt in can. 21. de conf. dist. 1. Hortatur in epistola Johannes Italix Episcopos, ut adversus Arianos armentur gladio Spiritus Sancti, eorumque perfidiam opprimere valeant, ut nec radix ejus in postremum inveniat. Statimque hæc subiicit, quæ ad Gratiani fragmentum pertinent: *Ecclesias vero Arianorum, ubicumque inveneritis, Catholicas eas divinis precibus, & operibus absque ulla mora consecrate; quia & nos quando fuimus Constantinopoli, tam pro Religione Catholica, quam & pro Regis Theodorici causa negotii, suadente atque hortante, Arianosque extirpante piissimo, atque christianissimo Justino Orthodoxo Imperatore, quascumque illis in partibus eorum Ecclesias reperire potuimus, Catholicas eas, Domino opem ferente, consecravimus. Et quamquam prædictus Theodoricus Rex, eorum peste tactus intrinsecus, & obvolutus extrinsecus, nos, & omnem regionem nostram perdere & gladio, & igne minetur, nolite tamen propterea deficere, sed viriliter in agro dominico elaborare studeate &c.* Historicam quandam narrationem continet hæc epistola, quam auctor libri Pontificalis latius prosequutus est. Exinde enim fertur Johannem statim electum, fuisse accitum Ravennam a Rege Theodorico, ut ejus legatione fungeretur apud Justinum Imperatorem in Urbe Constantinopolitana, ea de causa quod Justinus in Oriente acerrime insequeretur Arianos, Arianorumque deleter Ecclesias, quibus Theodoricus patrocinium impendere se profitebatur, minitatus se similia in Italia perpetraturum, si ab incepto non desitisset Justinus. Fertur hinc eam legationem suscepisse Pontificem Maximum, eundemque quod petatum fuerat ab Imperatore obtinisse. Isidorus Mercator in verbis supra descriptis fingit, Johannem in Oriente dedicasse Catholico ritu quascumque reperit Arianorum Ecclesias; deinde redeuntem in Italiam aliis Episcopis, ut similiter dedicarent, auctorem fuisse. Non video sane, quomodo hæc constare invicem possint. Probrum in primis esse videtur Pontifici Maximo, fundum ideo fuisse Legatione Theodorici ad Justinum, ut Justinum induceret ad favendum Arianæ perfidiæ: quod si dicatur, id agi a Pontifice prudentissime potuisse, ne Italiam perderet, quemadmodum minitabatur Theodoricus, cur, inquam, Isidorus Mercator inducit Johannem excitantem Episcopos ceteros ad evertendas Ecclesias Arianorum? Cur idem Pontifex in Occidente fit quodammodo Arianorum patronus, quos in Italia totis viribus insequendos clamat? Deinde si Johannes ita fundus est Legatione Theodorici, ut quod peteret, abs Justino impetrasset, causa producatur in medium, cur redux in Italiam honorifice potius non exceptus fuerit a Theodorico, & cur assiduus fuerit cruciatibus plane gravissimis? Qui de hujus epistolæ auctoritate bene opinantur, inter quos Cardinalis Baronius, innituntur testimonio Gregorii Turonensis superius me-

morato; sed, tanti Visi venia dixerim, Gregorius Turonensis nihil de epistola loquitur, neque hæc omnia, quæ in epistola continentur, probat: tantum asserit Johannem dedicasse in Italia Ecclesiis Arianorum, hinc autem suborram occasionem diffidii inrer eundem, ac Regem Theodoricum. Hæc vero potius epistolæ illius auctoritatem infirmant; si enim verum est, quod ait Gregorius, Johannem dedicasse in Italia Ecclesiis Arianorum, quomodo verum esse potest ideo Constantinopolim perrexisse, ut, ne Arianorum Ecclesiæ dedicarentur, operam suam impenderet? Siquis in hac dedicandarum Ecclesiarum ab Hæreticis quodammodo evictarum materie aliqua addiscere voluerit ex authenticis illis temporis monumentis, adeat Concilium Epaonense anni 517., in quo canone 33. constitutum legitur, ne Basilicæ Hæreticorum uspiam purgentur, nec sacris usibus applicentur; nisi agatur de Basilicis, quas Hæretici a Christianis olim abstulerint, quæve recens, quasi reversæ postliminio, a Catholicis fuerint revocatz.

De Epistola ad Zachariam Archiepiscopum.

Potiore sane ratione inter figmenta Isidori Mercatoris recensenda erit epistola, cui titulus: *Johannes Urbis Romæ Episcopus Zachariæ Archiepiscopo salutem*. Præterquamquod enim eandem habet adjectam Consularem notam, quam præcedens epistola, ibi: *Data 15. Kal. Novembris Maximo, & Olybrio Viris Clariss. Coss.*, nihil aliud continet, quam paucis perstricta illa omnia, quæ idem Pseudo-Isidorus passim in ceteris suis epistolis tradiderat; nimirum de Episcopis non accusandis, de ejectis ante sententiam restituendis, & similibus. Plura etiam ibidem describuntur ex Innocentii epistolis, aliisque Zosimi, Prosperi, Symmachi, & Ennodii monumentis.

Si canonem 1. cau. 3. qu. 2. observemus, agnoscere poterimus cum epistola Eusebio adscripta consonare, præsertim si illum conferamus cum can. 6. eadem cau. 3. qu. 2., quamquam in epistola Johannis non eadem legantur, quæ apud Gratianum, ibi: *Præus ergo oportet omnia illis legibus reintegrari, & Ecclesias, quæ sibi sublatae sunt, cum omni privilegio suis restitui, & postmodum non sub angustis temporis spatio, sed tantum temporis spatium eis indigeatur, quantum expoliati, vel expulsi esse videntur, antequam ad Synodum convocentur, & ab omnibus quisque suæ Provinciæ Episcopis audiantur.*

Post pauca in eadem epistola subsequuntur verba canonis 1. cau. 2. qu. 2., cuius verba Romani Corredores ad integra exemplaria jam exegerunt. Similia autem etiam leguntur in epistola 2. Eusebio Pontifici tributa.

Item post aliqua referuntur verba canonis 3. cau. 3. qu. 1. quæ etiam ex Eusebii epistola deprompta fuisse ipsemet Gratianus testatur in canone 4. eadem causæ, & quæstione. Romani Corredores eidem canonî nonnulla adjecerunt, atque ad integros epistolæ codices exegerunt.

Demum in eadem epistola legitur canon 7. cau. 12. qu. 2., cuius sententia refertur apud Eusebium in canone 10. ejusdem causæ & quæstionis, atque in horum interpretatione animadvertenda est Mercatoris imperitia, asserentis juxta leges sæculi pœnam furti undecuplum fuisse, quando tamen certissimum erat ætate Johannis ex legibus Romanis, quæ in usu maxime erant, dupli vel quadrupli pœnam pro

furti qualitate fuisse indictam, quamquam deinde recentiorum Principum placitis fuerit in aliquibus Provinciis exasperata.

De Epistola ad Salomonem Regem Brittonum.

Cam. 10. Nemo dubitare potest, epistolam ad Salomonem Regem Brittonum scriptam, ex
 can. 3. qua depromptus est canon 10. cau. 3. qu. 6., non pertinere ad Johannem I., quod
 qu. 6. apertissimum facit mentio ibidem facta Caroli Imperatoris, mentio ejusdem Salomonis, qui tempore Caroli Calvi vixit, mentio demum controversæ, quæ fuit inter Episcopos Brittaniz, & inter Archiepiscopum Turonensem; quæ gravissima extitit Caroli Calvi temporibus. Si Johannis nomen, prout habent Gratiani codices recentiores, retinere deberemus, fragmentum illud potius Johanni VIII. tribuendum foret. Sed vereor, quin verius adscribendum sit Nicolao I., cui non solum vulgatæ collectiones epistolarum Pontificiarum integram epistolam adscribunt; verum etiam antiqui Gratiani codices ante Romanam correctionem editi Nicolai nomen inscriptum præferunt. Imperatori Carolo Magno subjecti Brittones, uti perspicue demonstrat canon 37. cau. 11. qu. 1., petierant, ut sibi Rex constitueretur Imperatori ipsi subiectus; quod obtinuerunt, necessitate quadam ita exigente, ut professus est Carolus Calvus in Capitulari anni 877. apud Carisiacum cap. 23., hac tamen adjecta conditione, ut ex certa tantum familia progeniti Regio nomine ac dignitate potirentur. Inter hos Reges postremus fuit Salomon, qui obiit anno 874., quamobrem per Carolum Calvum nuper laudato capite libere idem regnum avocatum est, his verbis: *Qualiter regnum, quod necessitate Brittonibus quondam juramento confirmatum fuerat, quia de illis, quibus firmatum est, nullus superstes est, a fidelibus nostris recipiatur.* Non desunt, qui putent, Salomonem primum fuisse, & unicum Brittonum Regem, obtenta dignitate a Carolo Calvo bellis Britannicis fatigato. Hæc tamen res eo clarior evadet, quo solertius causam inquiram, quam in epistola ad Salomonem Nicolaus tractabat. Graphice eam describere videtur auctor opusculi, quod Sirmondus edidit in Analectis post annotationes ad Capitularia Francorum num. 5. Refert ille, Numenorum Salomonis prædecessorem plures Urbes invasisse, illisque potum fuisse, ex quo nihil ardentius optavit, quam ut Regio titulo decoraretur. Id sibi commodius cessurum ratus est, si Episcopos in sua ditione consistentes expelleret, aliosque ambitus sui consocios subrogaret. Et quidem hoc consilium facile exequutus est; etenim evocatis in unum Episcopis ac Proceribus, palam conqueri cepit de Episcopis, quod variis & gravissimis criminibus irretiti essent, testibus etiam productis, quos ad id paratos intruxerat, una etiam minitans, ut si forte Episcopi infidias ivissent, eosdem capite damnalet. Nemo non videt hinc, quo terrore Episcopi concussi fuerint, qui metu supplicii statim confessi sunt se fecisse, de quibus ne cogitaverant quidem. Dissoluto Concilio optimam se causam habere existimans Numenorum, alios in locum illorum elegit Episcopos, illi vero ad Carolum Francorum Regem sese contulerunt, ut quid gestum a Numenojo esset, renunciarent, ac de injuria conquererentur. Interea vero Numenorum cogitans Episcopos, quos elegerat, ab Archiepiscopo Turonensi, cui tanquam Metropolitano Brittones suberant, non esse benedictionem, seu consecrationem consecuturos, in sua ipse ditione

tionem Archiepiscopum creavit, aliosque Episcopos, ut ipse, ipsiusque consortes omnia libere moderarentur. Turonensis Archiepiscopus ægre sensit, ea ratione jura sua diminui, quæ sane tempore Numenonji facile recuperare non potuit; proindeque tempore successoris Salomonis postulavit, ut sua sibi jurisdictioni restitueretur. Et quidem sub Carolo Calvo hæc tractata fuerunt, videlicet ut & Brittonum Episcopi Turonensi Metropolitæ subicerentur, ut antea; & Salomon Regi Carolo fidem suam obstringeret, ac servaret. Quod constat etiam ex Synodo Tullenensi apud Saponarias anni 859. cap. 8. ibi: *Ad Episcopos siquidem Brittonum, qui contra auctoritatem a Metropoli sua moluntur discindere, Synodus literas secundum auctoritatem sacram direxit, quatenus ad suam Metropolim redeant, eique debito jure se subdant, nec a canonica, & Episcopali communione se segregent. Excommunicatis etiam, sicut sacra decernunt regule, nequaquam communicent, & Salomonem commoneant, ut promissam fidem glorioso Regi Karolo observet, & ipse, & Brittones communicantes ipsi se sacra communione non privent.* Ex his plana erit interpretatio memorati canonis 10. cau. 3. qu. 6., integræque epistolæ Nicolai I. Pontificis, ex qua liquet, jam inter Carolum, & Salomonem initam fuisse pacem; unum illud supererat, ut causa ejectorum, successorumque Episcoporum dirimeretur. Siquis integram legere epistolam desideret, eam inveniet in recentioribus Conciliorum, & Pontificiarum Epistolarum Collectionibus in appendice epistolarum Nicolai I. epist. 22. junctis observationibus Jacobi Sirmondi, & Harduini. Quod vero nomen Johannis Papæ adscriptum fuerit in aliquot Codicibus, id factum arbitror ex marginali quadam adnotatione, qua animadvertendum quispiam studiosus voluerit, de eadem causa aliam esse, Johannis VIII. Epistolam ad Episcopos Brittaniz scriptam, quæ in recentioribus codicibus est 124.

De epistola ad Isaac Episcopum Syracusanum.

Non opus est pluribus ad demonstrandum, canonem 1. cau. 16. qu. 2. Johanni I. Pontifici nulla ratione convenire posse, cum sufficiat vel ejusdem verba spectare, ut statim appareat fuisse suppositum. Imo ego arbitror, nec Johanni VIII., quod aliqui censuerunt, adscribi recte posse, sed ab otiosis hominibus circa seculum XI., aut XII. confictum fuisse. Paucis idipsum tradit Wanespén in Brevis commentario in Gratianum ita scribens ad hunc canonem: *Non indicatur, cujus Johannis sit, neque alibi hæc epistola reperitur, eamque fœlitiã esse, ipse contextus admodum verosimile facit.* Agitur ibi de Ecclesiis, quæ Episcopali auctoritate Monachis, seu Monasteriis concessæ fuerunt, decerniturque liberum esse Monachis ibidem Sacerdotes constituere, sive investitores suarum Ecclesiarum fieri, sive, quod idem significat, *investituram concedere*, & quidem irrequisitis Episcopis. Quis non agnoscat in hac re sæculi XI. & XII. contentiones, pugnantibus Monachis adversus Episcopos, & in libertatem proclamantibus? Revera vel temporibus Johannis X. anno 922. ea disciplina obtinebat, ut licet Monachis capellæ concessæ dudum fuissent, adhuc tamen illæ ab Episcoporum institutione penderent; quemadmodum manifeste comprobât Concilium Confluentinum ejusdem anni celebratum præsentibus Carolo Franciæ, & Henrico Germaniæ Regibus in can. 6., cujus hæc sunt verba: *Hec quoque statutum est, quatenus Ecclesiæ quorumcumque Monachorum in singulis Parochiis sitæ,*

Can. 1.
cau. 16.
qu. 2.

*Atque, Episcoporum, ut decet, divinitus jubdantur regimini, etque debita obsequia in-
exercendis Ecclesiasticæ curæ negotiis sollicitè exhibeant. Ipsi procul dubio Monachi
Episcopis suis in omnibus obediant. Primum singulari privilegio concessum adparet
Monasterio Cluniacensi ab Agapito II. Pontifice circa annum 946., ut capellæ
in Monasterii ejusdem potestatem redactæ manerent perpetuo in potestate Mona-
chorum, & siquæ aliz auctoritate Episcopi erigerentur, nullum damnum Mona-
sterio circa decimas ingererent, quemadmodum legimus in epistola ejusdem
Agapiti ad Aymardum Abbatem. Paullatim uberiora etiam privilegia concedi
cœperunt Monasteriis a Pontificibus Maximis non quidem generaliter, sed pro
petitionibus nonnullorum, præsertim Fundatorum, uti liquet ex epistola Leonis
IX. ad Fulconem Corbejensem Abbatem circa annum 1050. aliisque id genus
bene multis. Ceterum sub finem etiam 11. sæculi liquet, non licuisse Monachis
hujusmodi jura Episcoporum propria non obtenta ab Episcopis facultate sibi vin-
dicare, uti demonstrari posset ex can. 9. cau. 16. qu. 1. Quid plura? De hac in-
stitutionum Ecclesiasticarum materie disputatum etiam fuit temporibus Gratiano re-
centioribus, hinc Abbatibus privilegia sua allegantibus, illinc Episcopis ægre fe-
rentibus sui jura diuinui, quemadmodum liquet ex pluribus capitibus in Colle-
ctionem Gregorii IX. relatis, inter cetera cap. 15. & 18. de prescriptionibus, &
cap. 6. de Religiosis domibus; quæ sane disputationes facile dirimi potuissent,
si germanus fuisset habitus memoratus canon Johanni Papæ tributus. Hinc jure
merito canon idem tanquam apocryphus judicandus erit, Monachorum quorum-
dam opera editus, qui conarentur Episcoporum auctoritatem in Clericis desig-
nandis in capellis sibi subiectis eludere; potiore autem jure reprobanda erit in-
dustria illius, qui in Labbeana Collectione Veneta recentiore hanc ipsam episto-
lam retulit inter epistolas Johannis IV. circa annum 640., cui sane tempore
nulla ratione congruere potest. Potius laudandus esset Pithæus, qui in sua edi-
tione Gratiani canonem fortetribuendum voluit Johanni VIII., non quod reve-
ra esset Johannis VIII., sed quod ex epistolis Johannis VIII. videtur depromta
canonis ejusdem præfatio, quemadmodum liquet conferenti ipsius canonis præfa-
tionem cum præfatione epistolæ 65. 169. 183., 286. & aliarum Johannis VIII.
in eadem Labbeana editione.*



De Felice IV.

Unicam retulit Gratianus Felicis IV. nomine epistolam, ex qua deprompta sunt sequentia capita.

<div style="display: inline-block; vertical-align: middle;"> <div style="font-size: 4em; vertical-align: middle; margin-right: 5px;">{</div> <div style="display: inline-block; vertical-align: middle;"> <p>Can. 1. de conf. dist. 1.</p> <p>Can. 2. de conf. dist. 1.</p> <p>Can. 11. de conf. dist. 1.</p> <p>Can. 16. de conf. dist. 1.</p> </div> </div>	<div style="display: inline-block; vertical-align: middle;"> <div style="font-size: 4em; vertical-align: middle; margin-right: 5px;">{</div> <div style="display: inline-block; vertical-align: middle;"> <p>Apocryphi omnes, & ad integram epistolam exigendi.</p> </div> </div>
---	---

FELICI IV., qui sedit in Maximo Pontificatu ab anno 526. mense Julio usque ad annum 530. mense Octobri, Isidorus Mercator duas epistolas tribuit, priorem ad omnes Episcopos per diversas Provincias constitutos, alteram ad Sabinam. De posteriore sermonem non habeo; ex ea enim nihil est apud Gratianum. Prima vero perspicuo argumento apocrypha demonstratur; plura enim ex Leone Magno, & Gregorio Magno deprompta fuerunt, praesertim ex lib. 4. Gregorii epist. 36., item ex epistolis Innocentii, & Siricii, & passim recentiorum monumenta una cum vetustiorum sententiis congesta. Inter cetera haec scribit: *Sanctitatis vestrae scripta, quae ad Sedem Apostolicam misistis super quibusdam consultis, quasi ad caput, ut inde acciperetis responsa, unde omnis Ecclesia totius religionis sumsit exordium, gratanter accepi, & vobis respondere curavi.* Quis non videat hic oscitantiam Mercatoris, qui fingit Felicem uno eodemque tempore esse ab omnibus universarum Provinciarum Episcopis interrogatum incredibili quodam casu, ita ut una epistola posset omnibus satisfacere. Imo, quod mirum est, cum in tota epistola nil aliud rescriptum adpareat, quam de Ecclesiarum dedicationibus, de eadem re ab universis Episcopi fingitur Pontifex interrogatus fuisse. Hinc vero liquet abunde, quae sit auctoritas canonum Gratiani ex hac epistola depromptorum. Isti sunt canones 1. 2. 11. & 16., quibus addi potest canon 17. de conf. dist. 1., qui omnes, uti a Gratiano non satis ordinate digesti sunt, nec satis juxta fidem integrorum exemplarium, ita erunt potius describendi. De Ecclesiarum enim consecratione (hic est canon 1. apud Gratianum) & de Missarum celebrationibus non alicubi, quam in sacris Domino locis absque magna necessitate fieri debere liquet omnibus, quibus sunt nota novi, ac veteris Testamenti praecepta. Tabernaculum vero Mesem (hic est canon 2.) Domino praecipiente fecisse & sacrasse cum Mensa, & Altari ejus, & ceteris vasibus utensilibus . . . divinis praeceptis, ac precibus ea sacrasse . . . & templum Domini edificare voluit, sed . . . Salomonque filius ejus . . . in libro Regum inter cetera legitur ita: *edificans, inquit Salomon Domino &c.* Haec omittuntur a Gratiano, cum pluribus, quae sequuntur ex cap. 8. libri 3. Regum excerpta. Post quae ita sequitur Pseudo-Felix, & cum eo Gratianus in memorato canone 2. *Fecit ergo Salomon in tempore illo . . . & pigritia agatur. Satis ergo* (haec omisit Gratianus in eodem canone 2., sed alia methodo descripta retulit in canonem 11.) *est, Missam non cantare, aut non audire, quam in illis locis, ubi fieri non oportet, nisi*

ut

ut saepe dictum est, pro summa contingat necessitate, quoniam necessitas non habet legem; unde scriptum est: *Vide ne offeras holocausta tua in omni loco, quem videris, sed in loco, quem elegerit Dominus Deus tuus; & in Exodo legitur: Vos vidistis, quia de caelo loquutus sum vobis: non facietis Deos argenteos, nec Deos aureos facietis vobis: Altare de terra facietis mihi, & offeretis super illud holocausta, & pacifica vestra, oves vestras, & boves in omni loco, in quo fueris memoria nominis mei: Et sicut non alii, quam sacrati Domino Sacerdotes debent Missas cantare, nec sacrificia super Altare offerre, sic nec in aliis, quam in praefatis Domino sacratis locis Missas cantare, aut sacrificia offerre licebit. Si autem, ut legitur in Concilio I. aolicensi (hæc rursus habentur apud Gratianum in memorato canone 2. vers. si autem) cap. 26. quod bi, qui . . . ad eos gratias sunt sacrati . . . offerri licet. Quod autem . . . Episcopis, & Presbyteris. Solemnitates vero dedicationum (hæc habentur in can. 16.) Ecclesiarum, & Sacerdotum . . . celebrandæ ipso Domino exempla dante, qui ad festum dedicationis Templi omnibus id faciendo dans formam, cum reliquis populis eandem festivitatem celebraturus venit, sicut scriptum est: Facta sunt Encænia in Hierosolymis, & hæc erat, & ambulabat Jesus in Templo, in porticu Salomonis. Quod autem octo dierum sint Encænia celebranda, in libro Regum, peracta dedicatione Templi reperies. De Ecclesiarum vero consecratione quoties dubitatur, & nec certa scriptura . . . ne talis trepidatio facias deteriorationem, quoniam . . . nescitur falsum. Postrema hæc verba, quæ omnia maxima in parte fuerunt in dicto canone 16., a Gratiano relata inde sunt in canonem 17., sed nomine Gregorii Papæ. Unum, adnotandum superest, quod attinet ad dedicationes Sacerdotum, & Episcoporum, ut ait Gratianus in can. 16., per singulos annos solemniter celebrandæ; ex eo enim argumentum depromitur ad demonstrandum, in hisce capitibus eam contineri disciplinam, quæ sacris canonibus generatim non consonat; nullibi enim constat annuatim consuevisse in Ecclesia, sicut Ecclesiis, ita & Sacerdotum, aut Episcoporum consecrationes solemniter celebrari.*

CAPUT LII.

De Bonifacio II.

Unicum Bonifacii II. nomine habemus fragmentum in codice Gratiani ex ejus epistola ad Eulalium.

[Can. 7. dist. 89. ab Isidoro Mercatore confictus.

VIta functo Felice, diro quidem, sed brevi schismate discissa fuit Romana Ecclesia, aliis Bonifacium, aliis Dioscorum eligentibus anno Domini 530., sed Dioscoro post exiguum tempus obeunte sine controversia rexit Ecclesiam Bonifacius brevi etiam tempore per biennium scilicet, aut per annum tantummodo, ut alii volunt. Quod apud Gratianum illius nomine refertur fragmentum in can. 7. dist. 89., ejusdem revera non est, sed potius Isidori Mercatoris, qui huic Pontifici adfinxit epistolam ad Eulalium, ut dicitur, Episcopum Alexandrinum. Sane verba

Can. 7.
dist. 89.

verba memorati canonis eadem sunt cum verbis epistolæ, dummodo adnotationes adjiciantur Romanorum Correctorum. Habentur præterea apud Leonem Magnum epist. 24., apud Pseudo-Zephyrinum epist. 2., Pseudo-Dionysium epist. 2., Pseudo-Liberium epist. 13., & Gregorium Magnum lib. 4. epist. 52., ut proinde non sint omnino rejicienda, sed potius, si Leonis, & Gregorii epistolas adtendamus, tanquam optima disciplinæ sacræ monumenta haberi debeant. Ceterum ea ad Eulalium epistola hisce rationibus passim a Bonifacio abjudicatur. Fingitur ab auctore, Carthaginensem Ecclesiam jam a tempore Aurelii Episcopi a Romana defecisse, ac tum demum reconciliatam tempore Bonifacii rogante Eulalio Episcopo Carthaginensi: Fingitur præterea, de hac unitate Ecclesiarum certiores redditum per epistolam Pontificis Maximi Eulalium Episcopum Alexandrinum. Hæc sane a veritate aliena videntur, vel quod tunc temporis nullus fuerit Eulalius Ecclesie Alexandrinæ Episcopus, quam tenebat ex hæreticis Timotheus, & ex Orthodoxis Asterius; vel quia, si verum esset a temporibus Aurelii Carthaginensem Ecclesiam fuisse a Romana sejunctam, habendi essent velut in schismate, ac defensione mortui viri sanctissimi Fulgentius, atque Augustinus, & tot alii Martyres illius temporis, quemadmodum observavit Baronius in notis Martyrologii ad diem 16. Octobris; vel etiam, quod nullus tunc fuerit in Carthaginensi Ecclesia Catholicus Antistes, qui conjungi cum Romana Ecclesia a Bonifacio postularet sub Gelimere Ariano Rege; vel demum, quod in hac ipsa epistola mentio fiat Justinii Imperatoris, quasi Orientale tum teneret Imperium, quod tamen gerebat Justinianus Justinii successor.

CAPUT LIII.

De Silverio.

Omissio Johanne II., & Agapeto, utpote quos præteriiit Gratianus, gradum facio ad Silverium, cui duo, vel tria fragmenta adscribuntur.

Ex epistola ad Vigilium Episcopum. { Can. 30. §. ult. cau. 23. qu. 4. jungendus cum can. 22. cau. 25. qu. 2.
Ex epistola ad Amatorem Episcopum. { Can. 22. cau. 25. qu. 2. apocryphus, & a Gratiani proposito alienus.
(Can. 30. cau. 23. qu. 3. apocryphus.

ELECTUS Silverius in Romanum Antistitem anno 536. mense Junio, per annum tantummodo pacifice tenuit Maximum Pontificatum, postea vero curante Theodora Augusta in exilium pulsus fuit, suscepto in ipsius locum Vigilio, ac demum exul obiit anno 540. Duas epistolas huic Pontifici tribuit Isidorus Mercator, quarum prior ad Vigilium, altera ad Amatorem Episcopum directa fertur.

De epistola ad Vigilium Episcopum.

Quem hac epistola alloqui fingitur Silverius, Vigilus est in ejus locum in Romana Sede successus. Cum Silverius anathemate percellens inducitur, quemadmodum patet ex §. *habeto* canonis 30. cau. 23. qu. 4., post cujus §. verba, hæc statim subjiciuntur in epistola: *Sic enim deest fidei Sanctorum Patrum in Ecclesia servari Catholica, ut quod habuit amittat, qui improbabili temeritate, quod non accipit, assumerit*; quæ Gratianus retulit in can. 22. cau. 25. qu. 2., quamquam Collectoris proposito parum essent accommodata. Etenim Gratianus demonstratur erat, privilegium omnino amittendum esse ab eo, qui permessa abuteretur potestate. At quæ de Vigilio illic dicuntur, ad nullum privilegium, quo ille abusus esset, pertinere possunt, sed ad munus Summi Pontificis, quod ille semoro Silverio per vim assumserat. Apocrypham vero hanc epistolam evincunt præter falsam consularem notam ibi: *Data 8. Kal. Julii Principe Basilio*, subscriptiones quatuor Episcoporum post Silverium, nimirum Terracinenfis, Fundani, Firmani, & Minturnensis, omnium ex Campania. Plane inverosimile prorsus est, quatuor Campaniæ Episcopos subscripsisse post Vigilium non in Campania, sed in extremis Asiæ partibus relegatum. Inverosimilis item Basilii Principis designatio, siquidem Basilii Principis nomen eo tempore prorsus ignotum est, præsertim in Consularibus fastis. Sunt, fateor, qui loco Basilii Belissarium substituant; sed neque id convenire potest, siquidem, Baronio teste, nullus Silverii tempore fuit Belisarii Consulatus, qui incidit potius in annum 535., ac propterea uno anno, antequam Silverius Sedem Pontificiam conscendisset.

De epistola ad Amatorem Episcopum.

Vulgo arbitrantur, Amatorem, ad quem Silverius rescripsisse dicitur, fuisse Episcopum Augustodunensem, qui eo tempore egregia sanctitatis fama claruit. Hunc finxit Mercator scripsisse ad exulem Silverium solatoriam epistolam, subsidiumque præbuisse triginta librarum argenti, ac rogavisse, ut sibi de vitæ ratione, quam Silverius agebat, renunciaretur. Finxit præterea Mercator, Silverium rescripsisse commendando Episcopi charitatem, qua *plenum* Amatorem asseruit. Ubi vero ista scribuntur, usurpantur verba Gregorii Magni lib. 4. epist. 50. Deinde asserit auctor epistolæ, se innumera mala in exilio perpeti, causamque edocet, modumque, quibus pulsus fuit his verbis: *Ante omnia vero Patricia infesta mihi erat, eo quod non restituebam Anthimum dudum Patriarcham Constantinopolitanum, quem sanctæ memoriæ Agapetus prædecessor meus suis meritis damnavit. Urgente quoque ejus jussione exterunt quidam falsi testes, dicentes adversum me crimina, quorum nunquam particeps fui, sed dum multi in eadem accusatione persisterent, timuit Belissarius Patricius noster, & mandavit me ad se venire pacifice pro quibusdam Ecclesiasticis dispositionibus in palatium Principis &c. Quæ sequuntur retulit Gratianus in can. 30. cau. 23. qu. 4. Plura tamen hic inverosimilia, aut improprie dicta: Theodora enim non Patricia, sed Augusta honoris causa appellabatur; Item concipi facile nequit, quo-*

Can. 30.
cau. 23.
qu. 4.

quomodo in exilio Silverius Concilium celebraverit Episcoporum, quum ipse in arctissima detineretur custodia, ita ut ipse scripsisse fingatur, se *pene tribulationis, & apud angustias sustentari*. Nec etiam facile percipitur, quomodo potuerit illam argenti summam ab Amatore recipere, quin impedimento essent custodes, quorum curæ mandatum erat, ut inedia Pontifex consumeretur, uti scribit Liberatus Diaconus. Præterea Mercatoris manum facile produnt ea, quæ ibidem subiiciuntur de accusationibus Episcoporum, quæque etiam legantur in epistolis Eutëbio, & Fabiano tribuitis. Demum talibus Consularis notæ apocrypham esse docet epistolam ibi: *Data 9. Kal. Decembris Justiniano V., & Belisario viris clariss. Coss.* Nullus in tota Consulum epocha quintus Justiniani Consulatus, & Belissimus solum Militratum gessit anno 535., anno nimirum, antequam Silverius Pontifex eligeretur, si Baronio fides ad annum 539. §. 6., ubi hanc ipsam epistolam ex mendici Consulatum nota, aliisque argumentis indignam putat, quæ Silverii nomine censeatur. Grægius in descriptione dicti canonis 30. nomina immutaverat; siquidem & Sylveitro canonem adscripserat, & in prioribus verbis pro Belissario Guisifarium scripserat. Hodie ex Romana Correptione Silverii nomen adpositum est, retento tamen nomine Guisifarii, quia, ut ajunt Correptores, vox *Guisifarius est initium capitis*.

CAPUT LIV.

De Vigilio.

Vigilio tribuuntur sequentes duo canones.

Ex epistola ad Eutherium. { Can. 12. cau. 2. qu. 6. *dubie auctoritatis*.
Can. 24. de cons. dist. 1. paullo variis in diversis exemplaribus.

Tempora, quibus Vigilius Romanam tenuit Sedem, ita recensenda sunt, ut posteriora omnino a prioribus secernantur. Etenim Vigilius ab anno 536. usque ad annum 540. præter regulam susceptus fuit in locum Silverii adhuc viventis, atque ideo ejecti, quod Theodoræ Augustæ voluntati in certis Ecclesiasticæ fidei causis morem gerere detrectasset; ab anno vero 540. quo Silverius obiit, usque ad annum 555. Ecclesiæ præfuit legitimo Romani Cleri, populi que consensu. Sane quocumque tempore maxime exagitatus est propter fidei causas, urgente præ ceteris Theodora, quam ab initio sui Patronam habuerat; inter alias causarum Capitulum, & Concilii Constantinopolitani II. generalis eundem gravissime defatigavit. Mihi, ne a proposito aberrem, una est expendenda epistola, quæ incipit *Directas ad nos*, dataque dicitur *Kalendis Martii Volusiano, & Johanne viris clarissimis Coss.*, scriptaque ad Eutherium Episcopum, quem alii Eutherum, alii Eleutherium, alii Eucherium nominant. In primis non multum auctoritatis illi epistolæ inest, cum eo tempore edita proponatur, quo Vigilius non jure Romanæ Ecclesiæ præerat, anno nimirum 538. Deinde observavit jam Baluzius, falso epistolam inscribi ad Eutherium, sed inscribi debere ad Profuturum Bracarensem, idque non solum

bavit ex codice vetustissimo Ecclesiæ Lugdunensis, & tribus aliis vetustissimis Colbertinis, verum etiam ex eo, quod in actis Concilii 1. Bracarenensis mentio facta fuerit de epistola Vigilii ad Protacurum, quæ aliter, quam in hoc monumento, demonstrari non potest. Continet hæc epistola in vulgatis editionibus capita septem; sed in codice antiquissimo Colbertino, quem memoratus Baluzius laudavit, caput 6. & 7. desiderantur, at sub finem capituli quinti hæc verba leguntur: *Deus te incolumem custodiat, Frater charissime. Data Romæ 3. Kal. Jul. Flavio Johanne viro clarissimo consule.* Cardinalis de Aguirre in tom. 2. Conciliorum Hispaniæ pag. 278. codicem Colbertinum ait non esse antefendum aliis codicibus universis, præsertim Hispanicis, quos Loaisa vidit & contulit, in quibus postrema illa capita continentur, addita etiam ratione, quia codex Colbertinus scriptus esse potuerit in Gallia, quo tempore, inclinante scilicet sæculo 9., caput ultimum illius epistolæ adversabatur Episcopis Gallicanis de appellatione ad Romanam Sedem. introducenda disputantibus. Ego sane in hac re a Baluzio potius recedendum arbitrarer, nisi agnoscerem postrema illa epistolæ capita præcedentibus non esse connexa, imo in iis auctorem rursus ea tractanda suscipere, de quibus egerat aut in præfatione, aut in cap. 3. Siquidem in præfatione de Sedis Apostolicæ dignitate, & fide agitur, de qua rursus in cap. ultimo; in capite autem 3. agitur de forma Sacramenti baptismatis, de qua iterum agitur in capite penultimo, sive 6., postquam in cap. 4. & 5. actum fuerit de fabricis Ecclesiarum, & de Paschali observatione. Illud etiam me admodum tenet, quod sub finem 5. capituli auctor epistolæ ita concludit, ut integram epistolam, perfectamque concludere videatur, his verbis: *His igitur fraternitatis tuæ inquisitioni responsis, Deum nostrum quantum possumus exoramus, ut &c.*

His generaliter traditis, facilius expenduntur Gratiani canones, præsertim vero canon 12. cau. 2. qu. 6., hic enim pertinet ad caput ultimum epistolæ, quod scilicet in memorato codice desiderari Baluzius adserit. Canon autem 24. de conf. dist. 1. legitur in cap. 3. his verbis: *De fabrica vero cujuscunque Ecclesiæ, si diruta fuerit, instauranda, & si in eo loco consecrationis solemnitas debeat iterari, in quo sanctuaria non fuerint, nihil judicamus officere.* (ita habent vulgati codices: Baluzius legit ex codice Colbertino *efficere*) *si per eam minime aqua benedicta jassetur, quia consecrationem cujuscunque Ecclesiæ, in qua Spiritus Sancti ara non ponitur (legit Baluzius ex eodem codice: in qua Sanctuaria non ponuntur) celebritatem tantum scimus esse Missarum. Et ideo, si qua Sanctorum Basilica a fundamentis etiam fuerit innovata, sine aliqua dubitatione, cum in ea Missarum fuerit celebrata solemnitas, totius sanctificatio consecrationis implebitur. Si vero sanctuaria, quæ habebat, ablata sunt, rursus eorum repositione, & Missarum solemnitate, reverentiam sanctificationis accipiet.*

Can. 12.
cau. 2.
qu. 6.

Can. 24.
de conf.
dist. 1.

CAPUT LV.

De Pelagio.

Quæ Pelagio tribuuntur apud Gratianum, aut alios Collectores
ita obscura sunt, ut plerumque ignoretur, num Pelagio I.,
num II. ejus nominis sint tribuenda. Videntur
sequentia laudari ex
Pelagio I.

Ex epist. ad
Narsetem. { *Can. 4. dist. 17. jungendus cum can. 20. cau. 11. qu. 1.*
Can. 42. cau. 23. qu. 5. consonat cum aliis Pelagii monumentis.
Can. 43. cau. 23. qu. 5. paullo varius in diversis exemplari-
bus.
Can. 44. cau. 23. qu. 5. consonat cum aliis Pelagii monumen-
tis.

Ex epist. ad
Childebertum
Regem. { *Can. 10. cau. 25. qu. 1. ex integra epistola supplendus.*

Ex epist. ad
Viatorem, &
Pancratium. { *Can. 34. cau. 24. qu. 1. paullo varius in diversis exemplaribus.*

Ex epist. ad
Benegestum
Defensores. { *Can. 15. cau. 11. qu. 1. referendus potius ad Pelagium II.*

Ex epist. ad
Sergium Can-
cellarium. { *Can. 16. cau. 11. qu. 1. referendus potius ad Pelagium II.*

Ex epist. ad
Johannem Pa-
trium. { *Can. 45. cau. 23. qu. 2. potius referendus ad epistolam ad Narsetem.*
Can. 33. cau. 24. qu. 1. ex aliis exemplaribus supplendus.

Ex epist. ad
Laurentium
Episcopum
Centumcellen-
sem. { *Can. 15. dist. 63. supplendus ex aliis exemplaribus.*

Ex

- Ex epist. ad Mellitum, seu Melleum Subdiaconum. { *Can. 4. cau. 18. qu. 2. } Apocryphi, & a temporibus Pelagii alieni.*
Can. 5. cau. 32. qu. 1. }
- Ex epist. ad Anglium Episcopum. { *Can. 13. cau. 24. qu. 3. cum aliis Pelagii epistolis consonat.*
- Ex ep. ad Armentariū Magistrū militū. { *Can. 21. cau. 25. qu. 2. incertæ admodum auctoritatis.*
- Ex ep. ad Sindulam Magistrū militum. { *Can. 19. cau. 3. qu. 9. explicandus ex aliis Pelagii fragmentis.*
- Ex epist. ad Decoratum Patritium. { *Can. 20. cau. 3. qu. 9. commendatitiam epistolam continet.*
- Ex epist. ad Bonū Episcopū Savinatē. { *Can. 31. cau. 16. qu. 1. dubiæ auctoritatis.*
- Ex epist. ad Clerum Nardensem. { *Can. 18. cau. 7. qu. 1. posterioribus temporibus magis congruit.*
- Ex epist. ad Johannem Comitem. { *Can. 16. cau. 25. qu. 2. congruit cum sententiis Codicis Justiniani.*
- Ex ep. ad Gaudentiū Episc. { *Can. 30. de cons. dist. 4. } simul jungendi, nec non ex Ivonis exemplaribus emendandi.*
Can. 82. de cons. dist. 4. }
- Ex epist. ad Hostilium Episcopum. { *Can. 2. cau. 12. qu. 2. non dissonat a Pelagii temporibus.*
- Ex ep. ad Julianum Episc. Grumentinum. { *Can. 14. dist. 63. jungendus cum can. 12. dist. 76.*

- Ex ep. ad Pet-
rū Episcopum
Potentinum. { *Can. 12. dist. 76. jungendus cum can. 14. dist. 63.*
- Ex epist. ad
Marcellum E-
piscopum. { *Can. 20. dist. 34. non consonat Pelagii temporibus.*
- Ex epist. ad
Petrum Pres-
byterum. { *Can. 9. cau. 13. qu. 2. jungendus cum can. 44. cau. 23. qu. 5.*
- Ex epist. ad
Ceshegum Pa-
tricum. { *Can. 13. dist. 28. incertæ auctoritatis.*
- Ex epist. ad
Constantinum
Defensorem. { *Can. 11. dist. 81. incertæ auctoritatis.*
- Ex epist. ad
Opilionem De-
fensorem. { *Can. 9. cau. 18. qu. 2. recentioribus temporibus magis congruit.*
- Ex epist. ad
Potentium De-
fensorem. { *Can. 1. cau. 32. qu. 3. falso tributus Pelagio.*
- Ex epist. ad
Paulinum Soli-
tarium. { *Can. 18. cau. 16. qu. 1. incertæ auctoritatis.*
- Adjiciuntur { *Can. 1. dist. 91. jungendus cum can. 30. cau. 18. qu. 2.*
 { *Can. 1. dist. 100. falso tributus Pelagio.*
 { *Can. 30. cau. 18. qu. 2. jungendus cum can. 1. dist. 91.*

Post obitum Vigilii Papæ nemini profecto cautius Ecclesiæ universæ cura com-
mitti potuit, quam Pelagio, quem & rerum agendarum diurnus usus, &
probata in publicis muneribus fides Romanis plurimum commendaverant. Jam-
diu ille in Romana Ecclesia Diaconi ministerio cum laude functus fuerat, trium-
que Maximorum Pontificum, Agapeti, Silverii, ac Vigilii Apocryfarius electus
Imperatoris gratiam in Urbe Constantinopoleos sibi conciliaverat; deinde Romam
reversus legationem obierat ad Totilam Gothorum Regem tunc instantem Urbi
cum ingenti instructo exercitu, quem etsi eo adducere non potuisset, ut ab ar-
morum strepitu contineret, post occupatam tamen Urbem plurimis civibus apud
Regem Victorem præsidio fuerat, rursusque missus Constantinopolim, ut pacem
ibidem

ibidem inter Græcos, Romanosque faciendam curaret. Tanta hujus Viri præstantissimi in Patriam merita facile viam ipsi pararunt ad Pontificiam Sedem, quam obtinuit anno 555., vel, ut aliis placet, anno 556., tenuitque usque ad annum 559., vel, ut aliis placet, ad annum usque 566. Varix fuerunt ejusdem Pontificis epistolæ, varia rescrypta, passim apud Collectores sacrorum canonum memorata, licet omnia ex omni parte non ad nos integra pervenerint. Curabo, quoad fieri per me poterit, ut ea, quæ apud Gratianum legimus, accurate investigentur, atque ad sui auctoris mentem, ac tempora exigantur.

De Epistolis ad Narsetem.

Narsetes, quem alii Narsetem, alii Narfen adpellant, Ducis exercituum munere in Italiaungebatur Pelagii tempore, Vir Patricius, virtute potens, ejusque conditionis, ut Pontificem Maximum juvare plurimum posset, fuit arduissima necessitudine cum Pelagio junctus, quemadmodum inter plures testatur auctor Pontificalis, ita ut graviora negotia Pelagius cum Narsetis consilio susciperet, atque exequeretur. Ducis auctoritate usus est Pontifex ad compescendos Antilitis schismaticos, qui in causâ trium Capitulorum non solum Vigili Prædecessoris, sed etiam Concilii II. Constantinopolitani generalis doctrinam suscipere detrectaverunt, quique ob eam causam & a Pelagio ipso concitato schismate deficere, & Narsetem Ecclesiæ suæ communionem privare non dubitarunt. In recentioribus Labbei editionibus quatuor numero 2. 3. 4. & 5. recensentur Pelagii ad Narsetem epistolæ ejusdem propemodum argumenti; in omnibus enim illud curandum vult Pontifex, ut schismatici Episcopi coercentur. Ad priorem epistolam pertinet canon 44. cau. 23. qu. 5., in causâ duorum schismaticorum Antilitum, qui postquam a Romanæ Ecclesiæ fide defecerant, rerum Ecclesiasticarum nullam gerebant curam, sed potius illas perdebant. Hos scripsit Pelagius Narsetis ipsius potestate compescendos esse. Similia quædam ejusdem Pelagii nomine habentur in monumento, quod evulgavit Holstenius, nomine epistolæ ad Anilanum Comitem, ubi Pelagius asserit se Petrum Apostolicæ Sedis Presbyterum una cum Projecto Sedis ejusdem Notario direxisse, ut superhorum quorundam spiritus comprimerentur, quamobrem ipsius Anilani auxilium implorat in omnibus, quæ ad unitatem Ecclesiasticam pertinent, vel ad excessuum correctionem. Antonius Augustinus in memorato canone 44. asserit dialogo 2. lib. 1. de emend. Grat. eum, qui dicitur *Thracius*, in collectione Anselmi appellari *Arsacium*, in aliquibus codicibus *Tertium*; item hanc epistolam in aliquibus codicibus non Pelagio, sed Gelasio fuisse tributam.

Can. 44.
cau. 23.
qu. 5.

Can. 43.
cau. 23.
qu. 5.

In secunda epistola leguntur primo verba canonis 42., & statim post ipsa, verba canonis 43. cau. 23. qu. 5. eisdem omnino formulis, dummodo tamen observemus, ubi Gratianus legit in can. 43. *Quomodo semper factum est*, integra epistolæ exemplaria habere: *Quomodo factum est*, omiſſa particula *semper*. Illud prætereā animadvertendum est, verba canonis 42. eadem sere repeti in epistola ad Valerianum Patricium edita inter monumenta Holstenii, ab illis scilicet: *Nec in hac parte vos hominum vaniloquia reardent*, usque ad illa *providentia culminis vestri deducti sunt*. Utrobique autem ea adparet Pelagii sollicitudo, ut compescerentur schis-

schis-

schismaticorum Episcoporum conatus. In postrema epistola ex quatuor memoratis leguntur canon 4. dist. 17. & canon 20. cau. 11. qu. 1., qui apud Gratianum nomine Gregorii Magni laudantur, hoc ordine describendi: *Istud est quod a vobis poposcimus, &c.*, quemadmodum in canone 20., & deinde itatim: *Nec licuit alicui aliquando, &c.*, quemadmodum in can. 4. Iyo Carnotensis in parte 4. cap. 239. jam verba canonis 4. dist. 17. retulerat nomine Pelagii in epistola ad Valerianum Patricium, qualem revera haberi apud Holstenium nuper tradidi, in cujus initio ea ipsa verba leguntur. Gregorii nomen forte ex eo adjectum est, vel quod in epistolis Gregorii Magni plura non absimilia habeantur in causa trium Capitulorum, & schismaticorum Antistitum; vel quod epistola Pelagii I. haberetur inter epistolas Pelagii, credereturque ad Pelagium II. pertinere, cujus epistolis scribendis tamquam Notarius additus aliquando fuit Gregorius Magnus, uti tradit Paullus Diaconus lib. 3. de gestis Longobardorum cap. 10. Quod si quisquam propius ad istorum capitulum interpretationem accedere voluerit, hæc ipsi erunt necessario animadvertenda. Inter Episcopos, qui concitato schismate in causa trium Capitulorum ab unitate Ecclesie Romanæ defecerant, fuit Paullinus Aquilejensis (non sane is, qui sanctitate ac doctrina conspicuus vixit sub finem 8. sæculi, sed qui Macedonio successit anno circiter 550.) Is in Concilio Constantinopolitano II. generali præfens adfuerat, atque pro defendenda trium Capitulorum causa acerrime dimicaverat, ita ut etiam post absolutam Synodum, damnataque Capitula in suo errore persisterit, imo & alios in eundem errorem pertraxerit. Pertraxerat inter ceteros Mediolanensem Episcopum, quem tamquam consortem sui schismatis ipse ordinaverat. Eum potissimum movebat vulgaris illa ratio, qua trium Capitulorum defensores utebantur: Nimirum putabant, tria Capitula jam probata, ac recepta fuisse in Concilio Chalcedonensi, ac propterea sine injuria Concilii Chalcedonensis non potuisse aliquando damnari. Pelagius Papa, qui totis viribus conabatur, ut schismatici compescerentur, monitis primum usus est, deinde canonicis pœnis, dejectione videlicet ab Episcopali gradu. Quod cum parum prodesset, (tanta erat schismaticorum Antistitum pervicacia), Narsetem Præfectum Imperatoris Justiniani mandato res Italicas administrantem rogavit, ut ipse potestate sua illos compesceret, imo compescendos ad Imperatorem mitteret; Noverat enim, quanta cura id perfecisset Justinianus, qui in damnatione trium Capitulorum plurimum in ipsomet Concilio Constantinopolitano laboraverat. Jam vero facile constat ex his, qua ratione Mediolanensis Antistes contra canonicam consuetudinem, & contra morem antiquum ordinatus fuisse dicatur; nimirum quia a viro schismatico Aquilejensi Antistite, & extra Aquilejensem Provinciam, cui Veneti tantum, & Istrii Episcopi suberant, fuerat consecratus. Item constat, qualis esset de universali Synodo dubitatio, cujus dirimendæ causa ad Sedem Apostolicam deveniendum foret: Nimirum dubitatio de Synodis Chalcedonensi, & Constantinopolitana II., quæ invicem in trium Capitulorum causâ adversari videbantur; quamque dubitationem si unusquisque Episcopus dirimendam proprio arbitrio voluisset, facile schismata deteriora fiebant, & Ecclesie unitas jam discissa majus in dies detrimentum patiebatur. Hæc si præ oculis habeantur, facile quispiam deducet, canonem 4. dist. 17. parum Gratiani proposito esse accommodatum.

Can. 4.
dist. 17.
& can.
20. cau.
11. qu. 1.

De Epistola ad Childebertum Regem.

Can. 10. Quum varix hæreses Occidentalem Ecclesiam sexto sæculo turbarent, Childe-
 bertus Rex Galliarum Religiosissimus a Pelagio postulaverat, ut certam sibi pro-
 poneret fidei formulam, quam ipse cum suis sine dubitatione sequeretur, præfer-
 tim vero ut illam proderet, quæ jamdiu a Leone Magno conscripta fuerat. Id
 statim præstitit Pontifex, mittens ad Regem accurate formatam fidei professio-
 nem, adjecta epistola, ex qua depromptus est canon 10. cau. 25. qu. 1., cum hac
 epigraphæ; *Prostetur Pelagius Papa tomum sui Decessoris per omnia servare, quæ*
verba referuntur ad professionem fidei a Leone Magno compositam, quam ut
Childebertus sibi proponi postulabat, ita se perpetuo custoditurum Pelagius profi-
tebatur, initio epistolæ ita scribens: Humani generis Salvator, ac Dominus discipu-
los suos docens, ait: Non est voluntas Patris vestri, qui in cælis est, ut unus saltem
pereat de pusillis, de quibus nec scandalizari quemquam sine magni asserit comparatione
supplicii. Cum igitur etiam de pusillis ista forma præcepti sit, quanto nobis studio, ac
labore satagendum est, ut pro auferendo suspicionis scandalo obsequium confessionis nostræ
Regibus ministremus, quibus nos etiam subditos esse sanctæ Scripturæ præcipium? &c.,
quæ habentur apud Gratianum, ubi pro verbo significavimus legendum fuissent alii
codices: signavimus.

De Epistola ad Viatorem, & Pancratium.

Can. 34. Epistolam Pelagii ad Viatorem, & Pancratium Viros illustres non quidem in-
 tegram (illa enim deperit) sed maxima in parte edidit Holstenius, ea præfer-
 tim omnia, quæ Gratianus retulit in can. 34. cau. 24. qu. 1., his verbis adjectis
 in principio: *A schismaticorum Sacrificiis, potius autem sacrilegiis, abstinere debetis.*
Schisma siquidem ipsum, quod græcum nomen est, &c. & in fine: Simul enim cum
ad ea quisque recesserit, esse desistit Ecclesia. Unum Hierusalem templum est; idolis
neceffe est ut immolet, qui semetipsum dividerit. Adparet etiam in editione Holste-
 nii scripturæ diversitas in monumento Augustini, quemadmodum adnotaverunt jam
 Romani Correctores. Argumentum autem epistolæ Pelagio prorsus convenit:
 Quum enim tunc temporis schisma dirissimum vigeret in caussa trium Capitulo-
 rum, & Concilii V. Generalis, Pontifex Maximus pro viribus unumquemque
 monebat, Viros præsertim illustres, quorum exempla populus facile sequebatur,
 ne cum hominibus schismaticis communicarent.

De Epistolis ad Benegestum Defensorem, & ad
Sergium Cancellarium.

Can. 15.
 C. 16.
 cau. 11.
 qu. 1.

Canones 15., & 16. cau. 11. qu. 1. potius referendi essent ad Pelagium II.,
 quemadmodum referuntur apud Labbeum in fragmentis adjectis epistolis ejusdem.
 Papæ,

Rapæ, & apud Mansum in Labbeano supplemento. Sane idem, & unus utriusque auctor esse videtur, cum Gratianus, postquam in canone 15. adposuerit nomen Pelagii ad Benegetum Defensorem scribens, subdidit in canone sequenti: *Item Sergio Cancellario*. Lucas Holstenius canonem 15. inter epistolas Pelagii I. descripsit, non quidem ut integram exhiberet epistolam, sed ejus fragmentum his verbis: *Propter quod experientiæ tuæ præsentis auctoritate mandamus, ut quibus in causis quelibet Ecclesiastici officii persona loco petitoris existit quemdam laicum pulsatura, apud Provincie Judicem suas proponere non desinat actiones. In his vero negotiis, in quibus Ecclesiastici officii persona pulsatur, totius submoto pulsationis obstaculo ad Episcopum, vel Episcoporum in loco, ubi questio vertitur, constitutorum occurrat indifferenter examen, nullis causis dilationem frustrationibus declinando: quatenus omne negotii meritum de sola veritate sua, solisque legibus disceptatum, Cleri proveniente sententia, terminetur. Annitente quoque executione tua, ut quæ statui contigerint, effectui mancipentur, nulla ad nos de cujusquam Ecclesiastici pulsati contumacia deinceps querimonia reditura, per quam non solum contumaces excessus, verum tua quoque negligentia sit plerenda.* Canonem 16., qui est ex epistola ad Sergium Cancellarium, licet ad suum hodie autographum exigi nequeat, cum tamen eandem omnino sententiam contineat, ex qua judiciorum inter Clericos, & Laicos, actores reosque forma traditur, non dubium est, ad eundem auctorem pertinere. Ego verosimilius putavim, tribuenda esse hæc fragmenta Pelagio potius II., qui vixit anno 577., huic enim tempori facilius accommodatur, quæ ibidem traditur, disciplina. Prodierant tunc jam, vulgataque fuerant Novellæ Justiniani Imperatoris, quibus cautum, (Novella nimirum 83. principio), Clericos debere in civilibus actionibus coram Viris Ecclesiasticis conveniri, quo sane pertinent postrema illa verba canonis 16. *Clericis vero pulsatis in Episcopali judicio forum competere Principalium quoque sanctionum designat auctoritas*: An vero jam temporibus Pelagii I., sive anno circiter 555. satis essent vulgatæ Justiniani leges, definire non ausim. Præterea illa Defensorum Ecclesiasticorum delegatio, quæ in Benegeto contingit, videtur attingere tempora Pelagii II., & Gregorii Magni, sive annum circiter 580., & sequentia, quibus Defensorum Ecclesiasticorum usus in causis Clericorum dirimendis invaluit. Fuerant jam, fateor, antea Defensores constituti non solum in civili regimine, ut patet inter cetera ex toto titulo codicis de Defensoribus Civitatum, verum etiam in Ecclesiasticis administrationibus, quemadmodum constat ex Concilio Carthaginensi vulgo V. in can. 10. cau. 23. qu. 3., sed isti ab Imperatoribus petebantur, ut adversus impetum turbatorum facta tædæque bona Ecclesiastica servarent, non ut causas Clericorum dirimerent. Quum vero Justiniani Imperatoris constitutio usu recepta passim fuit, hoc etiam causarum dirimendarum munus Ecclesiasticum Defensoribus, qui tum viri Ecclesiastici erant, demandatum est, ut passim ex epistolis Gregorii Magni deducitur.

De Epistola ad Johannem Patritium.

Edidit Lucas Holstenius partem epistolæ Pelagii I. ad Johannem Patricium Cabburarium, ad quam referendus est canon 33. cau. 24. qu. 1., & quidem nonnulla ex Holstenio erunt adjicienda, quæ Gratianus omisit: etenim post verba

Can. 33.
cau. 24.
qu. 1.

Q q q 2

illa

illa ordinaretur Ecclesia, ita legendum erit: Noli catholicam semper mentem aliquam schismaticorum communionem polluere. Unum Christi Corpus, unam constare esse Ecclesiam. Divisum ab unitate altare veritatem Christi Corporis non potest congregare: Toleranda sunt in compage corporis positorum etiam illa nonnunquam vitia, quae pro unitate interdum parcetes rescare non possumus. Quia & Evangelicum Agricolam, minus adferentem fructum palmitem, si tamen in vite maneat, purgare posse noster Salvator edocuit: abscissum autem a vite palmitem, nisi igni ad comburendum, aptum esse non posse, ejusdem caelestis Magistri veritate didicimus. Noli ergo eorum, qui igni apti sunt, non consecrationi, sed execrationibus consentire. Nec existimes illos, vel dici Ecclesiam posse, etenim, cum, sicut diximus, Ecclesia una sit &c. Non sunt hæc a Pelagio I. abjudicanda, utpote quæ & cum aliis ipsius capitibus consonent, epistolis præsertim ad Narsetem missis, & ejus temporibus omnino convenient, quibus, ut superius dictum est, Aquilejensis Episcopus schismate a Romana Ecclesia defecerat in caussa trium Capitulorum, & Mediolanensem Episcopum sui dissidii consortem contra canones, & consuetudinem Ecclesiasticam ordinaverat.

At vero canon 45. cau. 23. qu. 5., quamquam Pelagio I. jure tribuatur, melius referendus erit ad Epistolam ejusdem Pontificis ad Narsetem Patricium, quæ ex quatuor ad ipsum directis, ut suo loco dictum est, habetur numero tertia. Gratianus canonem tribuit Pelagio in epistola ad Johannem Patricium. Melius junxisset canonibus præcedentibus, quos recte, ut jam adnotavimus, ex epistola ad Narsetem laudaverat. Verbi sane Gratiani cum ipsa epistola consonant, idemque exhibent cum ceteris epistolis ad Narsetem scriptis argumentum, nimirum de schismaticis coercendis, ac præsertim Paulino Aquilejensi schismaticorum tunc facile Principe. Verum hæc in re animum subit non contemnenda observatio, quæ proficiat ex varietate inscriptionis memorati canonis 45., quem Gratianus ex epistola ad Johannem Patricium, Collectores alii, inter quos Anselmus lib. 2. cap. 47. ex epistola ad Narsetem Patricium se depromsisse testati sunt. Etenim, ut verum fatear, cum incidere in varias hujusmodi epistolas Pelagii I., ut plurimum apud Anselmum in collectione exhibitas, singulas ejusdem argumenti, subiit animum suspicio, cogitanti, forte Anselmum esse earundem auctorem, per quas propositio suo serviret. Verum hæc inscriptionis diversitas apud Anselmum, & apud Gratianum alio me distrahit. Si enim primum in Anselmi codice hæc epistolæ adparuisse, Gratianus nonnisi ex codice Anselmi depromere potuisset, præsertim cum ab ætate Anselmi ad ætatem Gratiani vix quinquaginta circiter anni effluerint. At si Gratianus ex Anselmi codice epistolas quasi ex fonte suo exhausisset, & inscriptionem capitum, qualis erat in codice Anselmi, non aliam in suum codicem transulisset. Quod cum ita contigerit, subest non levis conjectura, ut credamus præter Anselmi codicem alios fuisse, in quibus hæc Pelagii I. monumenta continerentur.

De Epistola ad Laurentium Episcopum
Centumcellensem.

Edidit etiam Lucas Holstenius epistolam Pelagii ad Laurentium Centumcellensem Episcopum, quam fere integram exhibet Gratianus in can. 15. dist. 63. Can. 15. dist. 63.
 Pauca, quæ apud Holstenium subjiciuntur post illa verba *non differas promovere*, hæc describam. Prosequitur Pelagius: *Caveat sibi Presbyter ille nunquam se sine nostri, & tui nominis recitatione sacra mysteria celebrare.* Hujus epistolæ argumentum perspicuum est, necnon generali canonum disciplinæ consonat, quæ opportunum semper creditum est, militiæ adstrictos ad gradus Ecclesiasticos non promoveri, nisi forte ab ea legitimis modis soluti fuissent. Hinc milites, qui apud Pelagium ordinari se postulabant in Diœcesi Centumcellensi, exhibuerunt sui Principis, ut ibi dicitur, Sacram, quæ demonstrarent se militia prorsus solutos esse; quomobrem Pelagius, ut ordinarentur, Centumcellensi Episcopo suffraganeo suo mandavit.

De Epistola ad Mellitum, seu Melleum Subdiaconum.

Nec Pelagii I., nec Pelagii II. esse potest epistola ad Mellitum, qui aliis in locis Melleus vocatur; quod magis, magisque demonstrabitur, quoties duo Gratiani fragmenta jungantur, nimirum canon 4. cau. 18. qu. 2., & canon 5. cau. 32. qu. 1. Can. 4. cau. 18. qu. 2. & Can. 5. cau. 32. qu. 1.
 (neque enim dubito utriusque fragmenti unum, eundemque auctorem esse, licet primum Pelagio Papæ tribuatur ad Mellitum Subdiaconum, alterum Pelagio ad Melleum Subdiaconum scribenti; nam apud Ivonem, ubi refertur idem canon 4. cau. 18. qu. 2., tribuitur Pelagio Papæ ad Melleum, qui a Gratiano tribuitur Pelagio Papæ ad Mellitum). Pelagio I. non potest in primis adscribi illa epistola, cum in ea agatur de Abbatibus ordinandis prævia Monachorum electione, & eadem pene formula, quæ præstituitur in regula S. Benedicti, quæ nonnisi ætate Gregorii Magni, seu sub finem sexti sæculi recepta, ac probata fertur; imo quod subditur de Domino possessionis in dicto can. 4., non est consonum Benedicti regulæ, ex qua non constat Dominum possessionis, aut alium quempiam admissum fuisse in electione Abbatris. Porro inverosimile est, quo primam tempore prodiiit regula Benedicti Monachorum fere omnium Occidentalium Patris, qui sæculo Ecclesiæ sexto eximiam sibi peperit instaurandæ Monasticæ vitæ famam, eique conjunctam venerationem, regulam ipsam statim pro neglecta habitam fuisse, Monachorumque suffragiis, quæ una in Abbatis electione Benedictus voluerat, voluntatem Domini possessionis accessisse. Præterea pena illa decalvationis in adulteros infligenda, qualis innuitur in dicto canone 5., supponit jam in usu fuisse apud Romanos non leges Justinianæ, quæ Pelagii tempore promulgatæ receptæque erant, sed Leges Vvisigothorum, quarum in lib. 12. tit. 3. cap. 8. statutum est, ut qui incesta conjugia, & contra leges inierint, decalventur, atque exilio pellantur. Quid aliud porro innuit auctor dicti canonis 5. in causâ Benedicti ibidem memorati, quem, quod adulterium

rium perpetrasset, voluit decalvari primum, deinde exilio pelli in patrimonium Provincie Apulie. Mitto hic aliam conjecturam falsitatis; non enim certum esse crediderim, Apulie Provinciam tunc jam obnoxiam fuisse temporali Romani Antistitis jurisdictioni, in quam reos ipse Pontifex pelleret, & quidem ea ratione, quoniam memoratum Gratiani fragmentum exhibet. Hæc autem argumenta aperte etiam demonstrant, eosdem canones ne tribui quidem posse Pelagio II., qui non longe a Pelagio I. vixit, scilicet desinente propemodum sæculo sexto.

Juvat tamen aliqua hic adjicere, quibus & quod nuper dictum est, meliori in lumine collocetur, & commodior obtineatur præsertim dicti canonis 4. interpretatio. In regula Sancti Benedicti cap. 64. hæc habetur Abbatis eligendi norma: *In Abbatis ordinatione illa semper consideretur ratio, ut hic constituatur, quem sibi omnis concors congregatio secundum timorem Dei, sive etiam pars, quamvis parva, congregationis saniori consilio elegerit. Vitæ autem merito, & sapientiæ doctrina eligatur, qui ordinandus est, etiamsi ultimus fuerit in ordine congregationis.* Hæc disciplina medio sexto sæculo a Monachorum Parentibus instituta, prope finem ejusdem sæculi, & moribus diuturnis recepta, & Pontificum Maximorum sanctionibus confirmata sine ulla controversia multo tempore perseveravit, præsertim quousque a Monasteriis abfuerint ambitus, contentiones, & dominandi libido. Hinc in Ecclesiasticis monumentis sexti, septimique sæculi nihil omnino occurrit, ex quo adpareat de eare disputatum aliquando fuisse. At vero sub finem sæculi octavi, nec non sequentibus temporibus, ubi Monachorum virtus minui cæpit, ubi etiam locupletiora facta fuere Monasteria, cæperunt Abbatum munera, ac dignitates præstantiores videri, ad quas non tam ipsi Monachi, ut præficerentur, quam alii etiam laici, ut quoscumque cuperent, ipsi præficerent, adspirare. Inter istos potissima visa est illorum causa, qui aut Monasteria construxerant, aut constructa bonis auxerant, aut in suam clientelam susceperant, aut in territorio, ubi sita Monasteria fuerant, jurisdictionem explicabant, quæcumque tandem esset illorum jurisdictio; imo & non defuerunt ex istis, qui, quamvis laici, Abbatum dignitatem sibi vindicarent honore tenus, ac jure, non munere, atque officio. Non opus probationibus in hac re iis omnibus tritissima, qui vel primum attigerint Ecclesiastica illorum sæculorum monumenta. Hinc vero nihil antiquius habere cæperunt Monachi, quam curare totis viribus, ut pristina disciplina restitueretur, præsertim vero libera in Abbatum electionibus Monachorum suffragia essent. Ac quoniam res erat cum laicis potentioribus agenda, potissimum, veluti privilegio quodam contra receptas consuetudines, id obtinere curarunt ex Principum decretis, modo in uno, modo in altero Monasterio, ut sic paulatim vetus disciplina revivisceret, quemadmodum paulatim etiam ceciderat. Id abunde probant plura monumenta, edita a Baluzio in appendice actorum veterum adjecta Francorum Capitularibus numero 15. & sequentibus; in qua habetur privilegium Pippini pro Monasterio Fancellensi, Ludovici Pii pro Monasterio Balneolensi, item Pippini Regis Aquitanorum pro Monasteriis Carcassonenfis Diocesis, Karoli Calvi pro Monasterio S. Gratz, pro Monasterio S. Petri, pro Monasterio Arulensi, aliaque numero plurima his similia, quod adeo in usum excrevit, ut publica haberetur, consuetaque formula horum privilegiorum a Principibus concedendorum, quam propterea edidit Marculfus in libro 1. Formularum num. 1. Hisce privilegiis passim freti Monachi in libertatem veterem proclamare cæperunt, quam aut in Conciliis Nationalibus, aut Sum-

morum

morum Pontificum decretis confirmari curarunt. Laudabilis sane esset vetustæ disciplinæ zelus, si nonnulli ex Monachis fervidiores facti inter medias contentiones perfidix non levis argumenta non præbuisent. Nimirum non desuerunt, qui privilegia, diplomata, decreta, rescripta qua Principum, qua Pontificum Maximorum effingerent, propriæque manu elucubrarent, quibus ut majorem vim, auctoritatemque præberent, vetustissimorum Pontificum, eorum præsertim, qui Monastici status fundamentis jaciendis operam præstare potuerunt, sexto videlicet sæculo, nomina inscripserunt. Hinc plura confinxerunt nomine Gregorii Magni, aliquot etiam nomine Pelagii, sive primus fuerit, sive secundus; uterque enim eodem sæculo Pontificatum tenuit, potuitque nascentes quodammodo Monachos adjuvare, ac promovere. Hæc Monachorum quorundam falsa monumenta non solum detexit posterioribus sæculis Innocentius III. in cap. 6. de fide instrument., verum etiam auctor epistolæ 68. inter epistolas Petri Blesensis tom. 24. Bibliothecæ Patrum, quæ est epistola Archiepiscopi Cantuariensis ad Alexandrum III., ubi ita sermo instituitur de Abbate cujusdam Monasterii: *Nec illius admittatis privilegia, donec manifeste liqueat ex collatione scripturæ, & Bullarum, quo tempore, & a quibus Patribus sint indulta. Falsariorum enim præstigiola malitia ita in Episcoporum contumeliam se armavit, ut falsitas in omnium fere Monasteriorum exemptione prævaleat.* His addi posset epist. 24. lib. 7., epist. 31. lib. 9. & epist. 33. lib. 1. apud Gregorium VII., nec non epist. 19. inter epistolas Alexandri II. Quæ cum ita sint, ego facile suspicor, memoratum canonem 4. cau. 18. qu. 1. a Monachis ipsis fuisse confictum, qua ætate Episcoporum jurisdictionem eludere potissimum voluerunt, & sine Episcopis Abbates præficere, unum vix admittentes Dominum possessionis, cujus forte auctoritate, magis ac magis Episcopum excluderent, aut alios quoscumque laicos. Pelagii nomen adposuerunt, ut facilius antiqui Pontificis nomine illuderent; item nomen Melliti adjecerunt, forte quod id nomen apud Monachos familiare esset, in memoriam Melliti cujusdam Londinensis Episcopi, qui vixit anno 610., & in causis Monachorum pertractandis Romam ivit tempore Bonifacii IV. de quo meminit Beda in lib. 2. historix Anglorum cap. 4., quemque iidem Monachi falsarii conficto a se privilegio Gregorii Magni favore Monasterii S. Medardi subscripsisse voluerunt.

De Epistola ad Anglium Episcopum.

Quis fuerit Anglius Episcopus, ad quem scripserit Pelagius Papa, prorsus ignotum est, præsertim cum integra epistola perierit, solumque super sit fragmentum in can. 13. cau. 24. qu. 3. ita conceptum. *Apostolica auctoritatis exemplo didicimus errantium, & in errorem mittentium spiritus tradendos esse Satanae, ut blasphemare, dediscant.* Non est, cur diutius in hac re sit elaborandum, cum hæc sententia fœcentis Ecclesiastici juris capitibus consonet, imo & ex ipsismet Pauli Apostoli documentis proficiatur. Proferam in medium caput 8. Concilii Metensis anni 859., ubi similis propemodum sententia legitur his verbis: *Plerumque dediscit errare, cui nemo consentit; & iterum S. Paulus cum talibus hominibus nec cibum sumere permittit.* Quod si quispiam ad Pelagii Papæ epistolas fragmentum illud exigere voluerit, similem sententiam reperiet apud Pelagium I. in epist. 7. ad universum Populum

Dei

Can. 13.
cau. 24.
qu. 3.

Dei de Fide Catholica, & in epistola ad Johannem Patricium, ex qua depromptum esse diximus canonem 33. cau. 24. qu. 1. Similem etiam sententiam reperiet apud Pelagium II. in epist. 5. ad Eliam, & Episcopos Italix, & in epist. 8. ad Johannem Episcopum Constantinopolitanum.

De Epistola ad Armentarium Magistrum Militum.

*Can. 21.
cau. 25.
qu. 2.* Qui primus canonem 21. cau. 25. qu. 2. edidit, is est Anselmus Lucensis, & quidem nomine Pelagii Papæ ad Armentarium Magistrum militum. Num vero sicut in aliis pluribus, ita & in hac re integra sit Anselmi fides, maxime dubitaverim: video enim & ejusdem fragmenti quoddamque vestigium apud vetustiores periisse, alias autem canonem illum plurimum conducere potuisse proposito Anselmi, quamobrem non inanis omnino suscipio videatur, eundem fuisse ab Anselmo ipso confectum, præsertim quod aliis in capitibus Collector idem parem de se, suspensionem dederit. Nimirum notum est omnibus, tempore Anselmi jura Ecclesiarum auctoritate etiam Episcoporum diminuta fuisse, quibuscumque tandem titulis adquisita olim essent: Anselmus ut eadem restituere conaretur, non dubitavit & vetera monumenta confingere, quibus Episcopis facultatem ademptam demonstraret disponendi pro arbitrio de rebus Ecclesiarum. Sic interpretor eundem canonem juxta mentem Anselmi, ubi dicitur Pontificibus liberam non esse facultatem discedendi ab iuribus Ecclesiæ, ubi præsertim ipsa documentorum intercedentium fuerint auctoritate firmata, sprete interpretatione Gratiani in ea parte, qua subdit id definitum esse de iuribus Monasteriorum, quæ interpretatio ceteroqui venia dignissima est in Gratiano ipso, utpote Monacho, ac Monasteriorum suorum producendis iuribus intento. At vero Anselmus commodius, quam Pelagio, eam sententiam Symmacho tribuisset in Synodo Romana v. jura Ecclesiarum incolumia esse debere constituenti arg. can. 57. cau. 16. qu. 1. Nisi dicere velimus Anselmum abuti voluisse variis Pelagii aut I., aut II. monumentis, in quibus Ecclesiarum dogmata eadem semper apud Pontifices custodiri debere traditur, illa præsertim, quæ in generalibus Conciliis definita sunt. Sic docet Pelagius I. in epistola ad Episcopos Tusciæ, & in epist. ad Childebertum Regem, ex qua depromptus est canon 10. cau. 25. qu. 1. Idipsum Pelagius II. in epist. ad Clerum Carinensem juxta ea, quæ habentur in fine canonis 1. cau. 8. qu. 3., aut in epistola ad Johannem Constantinopolitanum, in qua illud alacriter contendit, ut Constantinopolitanus Episcopus Johannes primas non ambiat in Ecclesia sedes, quod ejus decessores Episcopi literis professi fuerint, se Romanæ Ecclesiæ subjacere.

De Epistola ad Sindulam Magistrum Militum.

*Can. 19.
cau. 3.
qu. 9.* Frustra hodie quispiam, ut arbitror, quæreret epistolam Pelagii, sive primus ille, sive secundus sit, ad Sindulam Magistrum Militum, ex qua depromptus est canon 19. cau. 3. qu. 9. Romani Corretores recte animadverterunt, ex epistola Pelagii ad eundem Sindulam laudari caput 67. partis 8. apud Ivonem Carnotensem, cujus verba hæc sunt. *Hortamur, ut nihil ulterius Montanianus, qui se contra*

omnem

omnem veritatem, & contra leges, dum sit ex ancilla genitus, legitimum filium tentat adstruere, sensibus vestris qualibet forse subripiat, quia Montanianum illum, de cujus substantia agitur, constat sine propriis liberis decessisse, & germani fratris filios, qui ei legitima ratione succedunt, superstitibus dimisisse, ac propterea istum Montanianum, de cujus substantia agitur, nullam habere in illius defuncti successione personam. Nam etsi Principalia Sacra promeruit, hoc illis legitimis successoribus præjudicare nil poterit, quia ipse Clementissimus Imperator generales leges protulit, quibus jubet nulli, qui in precibus suis deprehenditur esse mentitus, ea sacra prodesse, quæ meruit. Qui cum esset naturalis, se contra veritatem dicit esse legitimum, quod nulla ratione monstrari lege potuit. Nonnihil juvat hoc Ivonis fragmentum integrum protulisse; etenim in primis facile ex eo constat, non Pelagium II., sed I. illum esse, qui ad Sindulam Magistrum Militum scribebat, quod ex solo Gratiani fragmento satis non liquet. Revera cum apud Ivonem mentio fiat viventis Imperatoris, qui generales leges protulit, quibus jubebat, ne quispiam obreptitio rescripto uti posset, certum est ibidem intelligi Justinianum, qui tempore Pelagii I. vivebat. arg. tituli codicis, de precibus Imperatori offerendis, & tituli, si contra jus vel utilitatem publicam. Deinde constat Pelagium in his, & similibus causis auxilium impendisse hortationibus suis apud publicos Magistratus, ut patet ex verbo illo apud Ivonem *Hortamur &c.* Quod si hinc ad Gratiani fragmentum gradum faciamus, eo clarius adparebit, Pelagium I. legum Justinianearum normam fuisse sequutum, dum ait charitas non esse recipiendas, quæ absente adversario datæ fuerant arg. l. penult. & ult. cod. de fide iustitum. Posset præterea Gratianus canon referri ad eandem causam, quæ pertractari videtur in capite Ivonis, dummodo nomine Lucidii is designatus intelligatur, qui vel Montaniani ex ancilla geniti procurator existeret, vel unus ex iis esset, qui adversus eundem Montanianum de hereditate contenderet. Unum addo: nimirum emendationem commode faciendam esse in canone Gratiani; ubi enim legit Gratianus: *Talia Reges non recipiunt*, accommodatius opinor legi: *Talia leges non recipiunt*; vel quod Pelagius leges Justinianæ ibi spectabat, vel quod simili formula in memorato Ivonis fragmento usus fuisse videtur.

De Epistola ad Decoratum Patritium.

Quod officium oppressis inter forenses contentiones viris apud Sindulam Magistrum militum præstitit Pelagius I., uti adparet ex canone 19. cau. 3. qu. 9. Can. 20. cau. 1. 2^a. 9. id ipsum omnino exhibuit in epistola ad Decoratum Patritium, quem iisdem fere verbis alloquitur in canone 20. ejusdem causæ, & questionis, ibi *Hortamur, &c.* qua formula eadem usus est apud laudatum Sindulam, quemadmodum liquet ex capite Ivonis superius descripto. Cujus causam spectaret ibi Pelagius, non suis constat, cum epistola isthæc perierit, & vix illius fragmentum apud Gratianum superfit. Erant istæ epistolæ omnino privatæ, quibus Pontifex Maximus privatorum causas ita Magistratibus commendabat, ut omnia juxta leges, & æquitatem legum ipsarum magistratam definirentur: At vero qui sacrorum scriniorum curam habuerunt in monumentorum ingenti multitudine harum commendatarum epistolarum perire memoriam facile passi sunt, in alia majoris momenti monumenta incumbentes.

De Epistola ad Bonum Episcopum Savinatem.

Can. 31.
cau. 16.
qu. 1.

Si genuinum esset Pelagii monumentum, quod refertur veluti ex ipsius epistola ad Bonum Episcopum Savinatem in can. 31. cau. 16. qu. 1., ego non dubitarem, quin potius scribendum esset *Gavinatem*, pro voce illa *Savinatem*, quo nomine designaretur Gaviensis, seu Gabienfis olim in Latio Ecclesiz Episcopus, quem admodum aliquot eruditi legendum putarunt. Verum res valde dubia est, cum nullibi liqueat inter Ecclesiastica sexti sæculi monumenta, quis fuerit Bonus ille Savitas, seu Gavas, ad quem scripta Pelagii epistola dici possit. Imo ipsimet Gratiani codices una cum codicibus aliorum Collectorum tenebras monumento offundunt; modo enim canon ille Gelasio, modo Pelagio Pontifici adscribitur, etiam in eisdem codicibus, in quibus in inscriptione capituli legitur Pelagii nomen, at in argumento inscribitur nomen Gelasii. In collectionibus monumentorum sive ad Pelagium, sive ad Gelasium pertinentibus hæc epistola desideratur. Eam retulit ex Gratiano Mansius in supplemento Labbeano sub Pelagio I., ubi tamen professus est, sese vadem non exhibere, illum, aliosque canones ad Pelagium I. pertinere; interea vero adnotavit in suo vetusto codice Gratiano legi *Presbyteri*, ubi alii codices habent *Presbyterii*; quæ sine adnotatio respondet nonnullis codicibus editis, quorum plures habeo antiquos, in quibus etiam lego *Presbyteri*. Siquis capituli hujus sententiam consideraverit, facile agnoscat, illud posterioribus sæculis maxime convenire, quo nimirum tempore acres fuerunt inter Clericos, & Monachos controversæ, num Monachi ad regendas Ecclesias advocari possent, atque Ecclesiasticis muneribus fungi. Tum vero nemo non ignorat vel mediocriter in hujusmodi rebus versatus, quot fragmenta e Monasteriis prolata in medium fuerint, quorum plurima Gregorio Magno tributa fuisse scimus; eamque ob rem quis fidejussor erit, inter illa hoc etiam monumentum facile recenseri non debere, præsertim cum apud antiquiores Collectores non habeatur? Primum illud retulit in suam Collectionem Anselmus, cujus tamen auctoritas in ea re, de qua ibidem agitur, tanti esse non potest, ut pro firmo veri præsidio habeatur. His accedit, Pelagii I. tempore (eo minus Gelasii) Monachos non consuevisse, imo non facile potuisse in Italia ad Ecclesias regendas vocari, cum vix remotissimis, abditisque in locis Anachoritarum castellæ laterent, at Monasteria vix erigi ceperint. Præterea virum illum Magnificum Theodorum *Filium & Consiliarium* suum adpellat Pontifex Maximus, quæ verba de laico & nobili viro intelligi tantum possunt, si mulque haud queunt aut Pelagio, aut Gelasio facile accommodari; cum Pontifices illius ætatis nusquam laicis tamquam consiliariis vix fucrint, ne in regendis Ecclesiis Clericorum suorum officia negligere viderentur, contra quam vigeret generalis canonum disciplina. Demum admonitio illa Pontificis, qua mandabat Bono Episcopo, ut Monachum Ordine Diaconatus initiaret, sibi reservans Presbyteratus concessionem, nec illi quidem tempori congruit; nec enim moris erat Romanorum Anstitutum sibi reservare Sacerdotum consecrationes in Diocæsis inferiorum Episcoporum, etsi isti etiam tamquam suffraganei Romano Pontifici subderentur.

De Epistola ad Clerum Narniensem.

Inscriptio canonis 18. cau. 7. qu. 1. non in omnibus Gratiani codicibus eadem exhibetur: etenim vulgata exemplaria ita habent: *Pelagius Papa Clero Narniensi*, alia *Clero Navariensi*: alia etiam: *Clero Narniensi*: Non est sane singularis ratio, qua a vulgatis codicibus recedendum sit. Mansius in supplemento Labbeano hoc fragmentum tribuit Pelagio II. hac adjecta ratione, quod sub *priori Pelagio Narniensibus praeerat Juvenalis II.*, ut ex tabulis *Ughelii diximus*. At vero, etiamsi hæc ratio perspicue demonstret, canonem illum Pelagio I. tribui nequaquam posse, vereor tamen, ne Pelagio II. haud facile tribuat, cum eam ob rem demonstrandum adhuc esset, Johannem Episcopum fuisse Ecclesie Narniensis temporibus Pelagii Junioris. Johannis Narniensis in Umbria Episcopi mentio potius fit in Concilio Romano anni 963. quo potius tempore confectam arbitror sub Pelagii nomine epistolam illam, de qua in præsentia sermo est. Et quidem mea hæc de canonis auctoritate opinio non levibus innititur conjecturis, sive quod apud Collectores Gratiano antiquiores ille canon desideretur; sive quod supponatur, viros non idoneos rebus Ecclesiasticis administrandis eligi consuevisse in Antistites, quod depravatis decimi Ecclesie sæculi moribus plurimum convenit; sive quod cura gerendi Ecclesie patrimonii in eo canone Episcoporum propria dicatur; id autem non congruat temporibus Pelagii I. aut II., quibus Ecclesiastici patrimonii sollicitudo non penes Episcopos, sed penes Subdiaconos erat; Quamobrem frustra Johannes Episcopus Narniensis postulasset, se ab eadem cura eximi, aut in sui locum Constitutum Presbyterum suffici. Demum quoties observentur controversie illæ acerrimæ, quæ nono Ecclesie sæculo exarserunt de Chorepiscoporum Civitatenfium officio, juxta ea, quæ superius tradidi in hac parte 2. cap. 34. de epistola 5. de Chorepiscopis, sub nomine Damasi, statim animadvertetur, sæculo Ecclesie 9. & 10. fuisse nonnullorum Episcoporum morem, quo Auxilitates ipsi aut rebus Ecclesiasticis impares, aut in eisdem negligentes Vicarios quosdam Sacerdotes sub nomine Chorepiscoporum sibi constituebant. At vero Constitutus ille, de quo in memorato Gratiani canone sermo fit, Sacerdotii dignitate decoratus, quem in sui vicem Narniensis Ecclesie negotia administrare postulavit Johannes Episcopus, quoniam alio munere fungi dici poterat, quam Chorepiscopi Civitatenfis? Quæ cum ita sint, ego facile arbitrabor, canonem eundem temporibus Pelagio aut I., aut II. recentioribus melius convenire.

Can. 18.
cau. 7.
qu. 1.

De Epistola ad Johannem Comitem.

Et si de canone 16. cau. 25. qu. 2. non alibi apud Collectores canonum mentio fiat, quam apud Gratianum, & Ivonem, non dubito tamen, quin idem canon non jure optimo Pelagio I. tribuatur. Quisquis enim fuerit Johannes ille, ad quem scripta epistola fertur; qualiscumque etiam fuerit causa, quam Pelagius scribendo spectaverit, ipsius tamen rescripti tenor Pelagio eidem plurimum congruit. Agbatur de eo, qui Sacras, idest Imperatorias Jussiones se præ manibus habere di-

Can. 16.
cau. 25.
qu. 2.

R r r 2

cebat.

tebat. Quis per hæc melius exhibetur, quam Justinianus Imperator Pelagio I. contemporaneus, de cujus sollicitudine etiam in rebus ipsis Ecclesiasticis maxima nemo est qui ambigat? Respondet Pontifex Maximus Sacris Jussionibus morem gerendum esse, *quæ cum juris, & legum ratione concordant, non autem illis, quæ subreptione, vel falsis precibus impetrantur*; & quidem hæc juxta id, *quod ipse Clementissimus Princeps generalibus legibus constituerat*. Porro id manifeste indigitat eundem Imperatorem Justinianum, qui generalibus legibus Pelagii ejusdem temporibus nuperrime caverat, ne rescripta falsis precibus impetrata vim ullam haberent, quemadmodum perspicue colligitur ex toto titulo codicis Justiniani si contra jus, vel utilitatem publicam, vel per mendacium fuerit aliquid postulatum, vel impetratum.

De Epistola ad Gaudentium Episcopum.

Can. 30.
& 82.
de conf.
dist. 4.

Recte monuerunt Romani Corretores, ad unam eandemque Epistolam pertinere, proindeque jungendos esse canones 30. & 82. de conf. dist. 4. Revera conjuncti habentur apud Ivonem in parte 1. cap. 161., quod hoc in loco describam, ut exinde Gratianus codex nonnihil depravatus emendetur. Pelagius Papa Gaudentio Episcopo. De hæreticis, ex quibus (ex prioribus hæc verbis emendandus erit memoratus canon 82.) per Paulinum Filium tuum Virum clarissimum nos consulendos esse duxisti; ut si quidam ex iis reverti volunt ad catholicam Fidem, utrum baptizandi sint, an tantummodo reconciliandi, hæc tuam volumus fraternitatem custodire quæ circa Sirmie, & Simgidunæ, aliaque vicina loca (ubi istius hæresis homines multæ sunt), novimus custodiri, ut quia in nomine solummodo Christi una etiam mersione se adserunt baptizari. Evangelium vero præceptum (ipso Deo Domino, & Salvatore nostro Jesu Christo tradente) nos admonet in nomine Trinitatis, trina etiam mersione baptismi unicuique tribuere, dicente Domino nostro discipulis suis: *Ite, baptizate omnes gentes in nomine Patris, & Filii, & Spiritus Sancti*. Si revera (en memoratum canonem 30.) hi de præfatis hæreticis, qui in locis dilectioni tuæ destinatis vicinis commorari dicuntur, solummodo se in nomine Domini baptizatos fuisse forsitan confitentur, sine cujusdam dubitationis ambiguo eos ad catholicam fidem venientes, Sanctæ Trinitatis nomine baptizabis. Sin vero apud dilectionem tuam eorum, qui converti volunt, manifesta confessione claruerit, quod in Trinitatis nomine fuerint baptizati, sola conciliationis gratia impensa, catholicæ reconciliare fidei maturabis, ut tali dispositione servata, nihil aliter, quam quod evangelica jubet auctoritas, temeritatis cujusdam spiritus videatur effectum. Sic ad meliores, vetustioresque codices restituti sunt Gratiani canones, quos ego suspicor potius ad Pelagium II., quam ad Pelagium I. pertinere. Si enim Pelagius II. tribuantur, facile conicere licebit, epistolam illam scriptam fuisse ad Gaudentium Nolanum Episcopum, cujus in administrandis Ecclesiæ sollicitudinem sicut probavit Pelagii II. successor Gregorius Magnus in lib. 4. Regesti epist. 13. & 26., ita probare etiam potuit idem Pelagius, ubi ad Nolanam Ecclesiam e Sirmio, & Simgiduno trans Adriaticum constitutis Provinciis confluerent nonnulli ab hæreticis baptizati. Nemo ignorat, quantum turbatz ob hæreses, præsertim Eurychianorum, tunc temporis fuissent illæ Provincie, in quibus aut variz formulæ fidei ab hæreticis solebant edi, aut callide nonnulla produci pri-

primo obtutu Catholicæ fidei consona, at revera ad hæreticorum sententias quasi per gradus conducentia. Hinc cum Eutyichiani unicam in Christi naturam esse, dicerent, a recepto Ecclesiæ usu in Sacramento baptismatis conferendo recedere, aliquando voluerunt, a trina mersione abstinere, quemadmodum etiam ab invocatione expressa Sanctissimæ Trinitatis, contenti Christi nomen pronunciare, quasi sub Christi nomine ipsam Dei naturam significarent sine humanæ naturæ consortio, quod conferendo baptismati opportunum ducebant. Obviam ivit Pelagius novæ quæ discipulæ, quæ etsi suapte natura nihil improbum contineret, non tamen temporum illorum adjunctis opportuna videri poterat. Sane si de trina immersione sermo fiat, nemo ignorat, eam non necessariam judicari, ac valere posse baptismum una tantum immersione consecratum. At si de sola Christi Domini invocatione quærat, adhuc inter Catholicos controversia hodie viget in hac re, præsertim postquam Nicolaus I. in can. 24. de consecr. dist. 4. sensisse dignoscitur, sufficere Christi Domini invocationem, non invocato expresse nomine Patris, Filii, ac Sancti Spiritus. Itaque Pelagius id omne improbandum esse a Gauden-
tio proposuit, quo Eutyichianorum hæresis foveri, dissimularique quoquo modo posset, voluitque eos esse rebaptizandos, qui aut unica tantum mersione, aut uno invocato nomine Christi baptizati fuissent. Nec forte dicas, eam non esse generalis Ecclesiæ mentem perpetuam, constantemque, ut trina mersio necessaria in baptis-
mate sit; aut decreto Pelagii adversari memoratum Nicolai I. rescriptum in ea parte, quæ spectat solius Christi Domini invocationem; ut enim ablineam in præ-
sentia ab interpretatione rescripti Nicolai, in quod passim Viri Eruditi commen-
taria ediderunt, illud unum dixerò, maximum esse discrimen inter eos, qui sacras baptismatis formulas adversus receptum in Ecclesia ritum corrumpunt, deprav-
antque, ut hæresim inducant, illosque, qui id ipsum peragunt ex ignorantia, non
integram forte formulam proferentes, sed quid ipsi proferre voluerint satis ex-
plicantes. Illi Sacramentum non consecrerunt, isti e contrario ministrarunt; illo-
rum, non istorum baptisma iterandum erit: atque hanc distinctionem tradidisse,
visus est Summus Pontifex in can. 86. de cons. dist. 4. Quæ si vera sunt, jure,
Pelagius improbare potuit hæreticorum baptisma, & iterandum a venientibus ad
Ecclesiam adferere, ubi ab hæreticis collatum fuisset ideo formulas tam mersio-
nis, quam invocationis Divini nominis corruptentibus, ut hæresim introducerent;
quamquam non illud ipsum probaverint recentiores Pontifices, ubi eadem in bap-
tismo ministrando ratio, ac finis non adefset. Atque ita visus sum conciliavisse,
duo monumenta Pontificum Maximorum Pelagii, & Nicolai, in quibus manife-
stam antinomiali universi propemodum agnoverunt Scriptores, aliamque propte-
rea viam in utroque interpretando iniverunt, qualicumque tandem hæc sit ha-
benda.

De Epistola ad Hostilium Episcopum.

Quod sub nomine Pelagii ad Hostilium Episcopum scribentis legitur in can. 2. *Can. 2.*
cau. 12. qu. 2. solius Gratiani testimonio innitur; cum neque in generalibus Pon-
can. 12.
qu. 2.
 tificiorum monumentorum codicibus, neque in vetustioribus canonum Collectioni-
 bus habeatur: immo nec satis constare potest, quis fuerit Hostilius ille Episcopus,
 ad

ad quem epistola scripta fertur, aut in qua Provincia degeret. Siquis Gratiano fidendum esse malit in hac re, ego improbare non aulam, cum nihil ibidem continetur, quod a Pelagio I. alienum videri quoquo modo possit: imo agnosco sæculo Ecclesiæ 6. Clericos facile adductos fuisse, ut res Ecclesiasticas, Deoque dicatas adversus statuta Sanctorum Patrum distraherent, quod occasionem dedit Concilio illius gratis magisque alienationes hujusmodi prohibendi; quamobrem potuit Hostilius, aut quisquis alius Episcopus, ut major Dicecesanis statutis vis inesset, atque auctoritas, confirmationem statutorum eorundem alienationes interdicentium a Pelagio ipso Pontifice postulare.

De Epistola ad Julianum Episcopum Grumentinum.
Item alia Epistola ad Petrum Episcopum
Potentinum.

Can. 14. dist. 63. Jungendas arbitror duas epistolas, quarum una ad Julianum Episcopum Grumentinum., altera ad Petrum Episcopum Potentinum scripta fertur, quia una eademque causa in utraque tractatur, quemadmodum liquet ex collatione canonis 14. dist. 63. cum canone 12. dist. 76. Non omnes Gratiani codices invicem consonant; etenim in inscriptione canonis 14. dist. 63. Episcopum Grumentinum alii nominant *Julianum*, alii *Tullianum*, quemadmodum ex suo Codice MS. observavit Mansius, & antea observaverat Pithæus; deinde in nonnullis codicibus post illa verba, *qui illic conveniunt postulari*, statim sequitur: *Hoc itaque dicimus, &c.* quemadmodum animadvertit Mansius, & ego ex collatione plurium codicum novi; in aliis, & quidem vulgaris recentioribus legitur: *Qui illic conveniunt postulari. Et infra: sed nunc hoc dicimus, &c.* Item in inscriptione canonis 12. dist. 76. Petrus alicubi dicitur Episcopus *Potentinus*, alicubi *Pontinus*. Verba canonis 14. dist. 63. habentur apud Ivonem in parte 6. cap. 112., in quo cum multa habeantur, quæ desiderantur apud Gratianum, integrum propterea canonem, qualis apud Ivonem est, hoc in loco recensere. Scribit Ivo: *Pelagius Tulliano Episcopo Grumentino. Literas charitatis tue suscepimus, quibus significas Latinum Diaconum suum ad Episcopatum Ecclesiæ Marcellianensis a Clero, & ab omnibus illic conveniensibus postulari, de quo jam ante hoc tempus, retinemus nobis a Visitatore, & quibusdam loci habitatoribus fuisse velatum. Sed nos credentes, quia jam dimissoriam ipsius a tua charitate perceperint, scripsimus eum venire debere. Verum quia nunc consulis, utrum nobis de persona ejus placeat, & a te debeat relaxari, ad nos nihil attinet, nisi ut qui Sacerdotem necessarium habent, concorditer personam eligant, cui canones obviare non possint. Sed & nunc hoc dicimus, ut si eum omnes eligunt, & vis eum concedere, gratum nobis esse cognosce; & si potest, ante diem sanctum festinet occurrere, ut vel Sabbato ipso nobis magnæ post baptismum, cum Dei gratia valeat ordinari. Alioquin necesse est eos usque ad quarti mensis jejunia sustinere. Hæc Ivonis traditio magis in aperto collocat causam, de qua in memoratis Gratiani fragmentis agitur. Nimirum proponitur, Marcellianensem Ecclesiam, quæ & Ecclesiæ Culustanz (hanc Cluſitanam vocat Gratianus in memorato canone 12.) aliquandiu unita fuisse videtur, argumento ca-*
nonis

nonis 10. dist. 54., vacavisse, eamque ob rem Visitatorem vacanti Ecclesiæ præstitutum fuisse, cujus officio Clerus, & cives universi ad Antistitis electionem convenerant. Latinus Grumentinæ Ecclesiæ Diaconus electus fuisse dicitur, idemque a Pelagio Pontifice Romæ consecrationis causa advocatur; imo eam ob causam exhibetur Pelagius scribens ad Tullianum, seu Julianum Episcopum Grumentinum, profitens sibi rem gratam fieri, quoties Latinus idem Episcopatus Marcellianensis causa ab Ecclesia Grumentina honeste mitteretur, ut in can. 14. dist. 63., item exhibetur scribens ad Petrum Episcopum Potentinum, cui mandat, ut electum Episcopum quantocius Romam mittat, quo *in magno Sabbato post horam baptismatis ordinaretur*, quod si ante memoratum diem non accessisset, *cogeretur usque ad quarti mensis jejunia sustinere*; quemadmodum legimus in memorato can. 12. dist. 76. Hæc omnia si adamussim considerentur facile in suspicionem inducent, fore, ut canones illi a Pelagio Pontifice abjudicentur. Inprimis non video, quomodo contingere potuerit, Potentinum Episcopum sollicitudinem habuisse Marcellianensis Ecclesiæ, cum ille in Apulia constitutus esset, at Marcellianensis Ecclesia ad Africanas Provincias pertineret. His accedit, in Africa non consuevisse vacantibus Ecclesiis Visitatores dari, quemadmodum in laudatis fragmentis dicitur, sed Interventores, aut Intercessores. Præterea quicumque eosdem canones velut germanos reciperet, docere deberet, ubinam sita in Africa esset Grumentina Ecclesia, cui Tullianus, seu Julianus præfesset, & ex qua Latinus Diaconus ad regendam Marcellianensem Ecclesiam fuerit advocatus. Scio quidem, nonnullis placuisse Grumentinam Ecclesiam in Lucania fingere: At vero non video, qua ratione Africani Marcellianensis Ecclesiæ Clerici, & populus potuerint in Diaconum Grumentinæ in Lucania Ecclesiæ consentire. Animadvertendum etiam est, Africanam Ecclesiam Pelagii Papæ temporibus fuisse impiorum hominum ausu undecumque, concussam, in qua propterea non facile erat Episcoporum electiones unanimi Clericorum, & totius populi conventu, ac consensione celebrari, quemadmodum in memoratis canonibus celebratas fuisse fingitur. Urget etiam aliud argumentum, ex eo deductum, quod mandetur electo Episcopo, ut quamcitissime Romam accedat consecrandus Paschalis baptismatis tempore; neque enim arbitror Africanæ Ecclesiæ veteris disciplinæ congruere, ut electi Antistites Romæ ordinarentur, quemadmodum ex antiquis monumentis facile colligit unusquisque. Post hæc supervacaneum videtur inquirere, num Pelagius voluerit in electi Episcopi consecratione ita se gerere, ut aut illum in Sabbato Paschali ordinaret, aut in longius tempus, videlicet in quarti mensis Jejunia differret, etenim hæc animadversio non levis esset momenti, quum non facile constet, an in ordine Episcopali conferendo, sicut in ceteris ordinibus, certa per annum tempora constituta essent, imo eas ordinationes diu differri non potuisse, certo scimus arg. canonis 2. dist. 75. cum similibus; quod eo vel magis respectu Africanæ Ecclesiæ observandum erat, quo Africana eadem Ecclesia Episcoporum subsidio celerius indigebat. Hæc porro omnia satis demonstrare videntur, memoratos Gratiani canones Pelagio Pontifici nullatenus tribui posse.

De Epistola ad Marcellum Episcopum.

Verba canonis 20. dist. 34. eadem retulit Ivo parte 6. cap. 113. sub nomine Pelagii ad Marcellum Episcopum Atoniensem scribentis; ubi tamen pro voce illa Gratiana iterum, legitur interim. Baluzius in tom. 5. Miscellaneorum pag. 465. ex aliis codicibus canonem &c emendavit, & supplevit his verbis: *Pelagius I. Marcello Episcopo Senoniensi. Charitati tuæ, quæ observare debet, significare curavimus, idest, ut Valentino Clerico, cui mulier cum alto ante velata, non tamen ei nupta, sed virgo permanens, post mortem ejus, cum quo velata erat, sponso, conjugali est copula sociata, quia interim velamen acceperit, nullum in promovendo generetur obstaculum, quia nihil est, quantum ad hunc articulum pertinet, quod ei de canonicis obviet constitutis. Et post pauca: Pari etiam auctoritate mandamus, ut de monasteriis probatæ vitæ Monachos debeas ad sacros ordines promovendos eligere, eo dumtaxat moderamine custodito, ut neque monasteria ab optimis personis ex toto vacuata reddantur, neque Ecclesie remaneant sine Sacerdotibus destitutæ. Posteriora hæc verba, quæ apud Gratianum, minime referuntur, sed consonant cum iis, quæ legimus sub Gelasii nomine in. can. 28. cau. 16. qu. 1., facile indicant integrum hunc canonem Pelagio I. tribui nequitiam posse juxta ea, quæ superius tradidi ad eundem canonem 28., nimirum, quæ ibidem petrastrantur nec Gelasii, nec Pelagii I. temporibus satis convenire videntur. His accedit, ibidem mentionem fieri puellarum ante nuptias velatarum, quod indicat disciplinam Pelagio I. longe vetustiorē; etenim ejusdem Pontificis tempore velari jam cœperant virgines in signum consecrationis, ac velum ipsum inter Deo dicatarum virginum insignia recipi cœperat, cujus rei fidem faciunt plurima monumenta sæculi 5., atque inter cetera epistola Gelasii Papæ ad Episcopos per Lucaniam. Quamobrem verosimile non est, adhuc Pelagii temporibus velari virgines consuevisse in sponsalium signum, quemadmodum traditur in memorato canone 20., cujus postrema verba rursus descripsit Gratianus post canonem 29. cau. 27. qu. 2. vers. item si sponsa. Verosimile est auctorem illius canonis ideo hæc tribuisse Pelagio I., quia auctor Pontificalis in vita ejusdem Pontificis Valentinum quendam memorat Notarium rebus Ecclesiasticis ab illo præfectum.*

De epistola ad Petrum Presbyterum.

Can. 9. Romani Corretores ad canonem 9. cau. 3. qu. 2. observaverunt, in vulgatis
 coll. 3. Gratiani codicibus Maximilianum, de quo ibidem mentio fit, Presbyterum adpellari, sed in vetustis codicibus nomen Presbyteri desiderari. Observavit etiam Mansius in suo vetusto codice MS. non Maximilianum legi, sed Maximianum, quemadmodum pro illis verbis, *facultas Ecclesiæ, quam &c. legitur: facultates Ecclesiæ, quas &c.* Subdiderunt præterea Romani Corretores, Gratianum intellexisse sententiam canonis de Episcopo, non de Presbytero. Porro, ut canonis ejusdem vis, auctoritas, ac tenor intelligatur, nihil arbitror commodius esse posse, quam ut idem jungatur cum canone 44. cau. 23. qu. 5. Siquidem ex eo facile constabit, quis

quis fuerit Maximilianus Episcopus, in cujus res Ecclesiasticas omnino perdemus causa missus fuit Petrus Romanæ Ecclesiæ Presbyter, ac Pelagii ejusdem Legatus una cum Profecto Notario, qui viris eximiiis commendati fuere, ut potestate sua liberius, & efficacius uterentur.

De epistola ad Cethegum Patricium.

Lucas Holtenius primus edidit epistolam, quæ a Pelagio I. ad Cethegum in Sicilia Patricium scripta fertur his verbis: *Quod de ordinando Ecclesiæ Catanensis Episcopo salubris electione judicii fieri desiderastis, agnovimus; confestim sequenti die, eum juxta morem discutientes, tertio, quo venit, die Episcopum consecrare curavimus. Simili quidem modo & de Syracusanæ Urbis Antistite optaveramus in ipso initio gloriæ vestræ desideriis obedire, nisi nos multiplex ratio ipsius non paucis temporibus ordinationem differre sacerdotii coegisset; ob hoc, quod vel personæ qualitas, sicut & vos melius nostis, vel superstes uxor, aut filii, per quos Ecclesiastica solet periclitari substantia, nostros animos diutius ab ejus ordinatione suspenderent. Et quantum ad cautelam humanam pertinet, integro pene anno distulimus, opinantes, quod melius Syracusanorum provenire electio potuisset. Sed quia in voluntatis suæ proposito irrevocabiliter perstitit, & nullus est alius in eadem repertus Ecclesiæ, nisi longioris adhuc temporis differretur spatium, ne paullo amplius insanirent, sicut filii nostri Magnifici viri Prætoris testificatione didicimus, inter hujusmodi ambiguitates illud consultius judicavimus faciendum, ut congrua providentia causam, propter quam principalis constitutio habentes filios, & uxores ad Episcopatus prohibet ordinem promovere, salva dispositione Concilii muniremus. Quæ de re summo studio ab eodem, priusquam a nobis eum contingeret ordinari, hujusmodi exegimus cautionem, per quam & suam fateretur, quantula esset præsentis temporis habita rerum descriptione, substantiam, & nihil unquam per se, aut per filios, aut uxorem, sive per quamlibet propinquam, aut domesticam, vel extraneam forte personam de rebus usurparet Ecclesiæ; & universa sui Episcopatus quesita tempore Ecclesiæ dominio sociaret, nihil ultra id, quod modo descriptum est, filiis suis, vel heredibus relikturus. Hujus ejusdem epistolæ meminisse videtur Ivo Carnotensis in epist. 55. ad Hugonem Lugdunensem Archiepiscopum ita scribens: *Papa Pelagius quendam Syracusanæ Urbis electum uxorem habentem, & filios, cum ipsa occasione ordinationem ejus multo tempore distulisset, postea interveniente Cethego Patricio, quia Ecclesiæ in voluntatis suæ proposito irrevocabiliter perstitit, accepta ab eo cautione, quæ competebat, ordinari permisit.* Id retulit Gratianus in can. 13. dist. 28. Ut verum fatear, anceps ego hæreo, utrum epistolam istam germanam esse Pelagii putem. Ut enim ipsa ex Collectione Anselmi primum eruta videtur, admodum vereor, ne circa sæculum XI. composita fuerit, ut ejusdem temporis adjunctis indulgeretur. *Movement plurimum verba illa: Salva dispositione Concilii, quandoquidem scimus temporibus Pelagii I. nullum fuisse Concilium celebratum, quod laudari potuisset ad eam rem pertinens, nimirum ad causam Episcoporum, qui velut Patresfamilias & uxorem, & liberos in manu haberent; imo hoc perspicue videtur spectare sæculum X., aut XI., quibus hujusmodi designari Episcopi ut plurimum consueverunt, eamque ob rem Concilia plurima celebrata fuisse nemo ignorat. Quod præterea dicitur de principali constitutione, qua cavebatur, ne habentes filios,**

Can. 13.
dist. 28.

& uxores ad Episcopatus promoverentur, id quidem referri commodè potest ad Novellas Justiniani 6. cap. 1. §. 3. & 4., & 123. cap. 1., sed an eadem leges jam Romæ, & in Sicilia receptæ fuerint, non aſſim adſerere; aut ſi receptæ fuerunt, quâ ratione ab illis Pelagius recedere potuit, non facile percipio. Porro video ex can. 12. Concilii Turonenſis II. anni 567. nondum receptum generaliter fuiſſe in Occidentali Eccleſia, ut illi, quibus uxores eſſent, ab Episcopatibus arcerentur. Jungi his poſſet canon 1. Concilii Lugdunenſis anni 581. Quæ ſane omnia quoties matura animi meditatione perpendantur, illud ſaltem evincunt, ut memorati Gratiani canonis vis, & auctoritas in incerto propemodum pendeat.

De epiſtola ad Conſtantinum Defenſorem.

Can. 11. Quod legimus in can. 11. diſt. 81., Romanum quendam Clericum adulterii diſt. 81. cauſa non tantummodo e gradu ſuo dejectum fuiſſe, ſed in monaſterium prænitentiæ cauſa relegatum, non videtur diſſonare a diſciplina ſexti ſæculi, quo vivebat Pelagius Pontifex. Etenim liquet id perſpicue ex can. 7. Concilii Aurelianenſis III. anni 538. ibi: *De adulteriis autem honoratorum Clericorum id obſervandum eſt, ut ſiquis adulteraffe aut confeſſus fuerit, vel convicius, depoſitus ab officio, communionem conceſſa, in monaſterio toto ſue vitæ tempore retrudatur.* Immo & in Concilio Narbonenſi ſub Pelagio II. Pontifice celebrato anno 589. poena eadem regulariter ſtatuta videtur in omnes Clericos capitalium criminum reos, quemadmodum recte colligitur ex canone 6. At vero num canon idem 11. diſt. 81. jure Pelagio, vel I., vel II. Pontifici tribuatur, plurimum dubito, ex ea ratione, quod fingatur, in Urbe Romana Pelagii Papæ temporibus conſtituta monaſteria fuiſſe, quæ tamen ſcimus in reſſu ſylvarum potius conſueviſſe ædificari, & Monachos ſolitudinis tunc temporis vacaviſſe ex omnibus Hiſtoriæ Eccleſiaſticæ monumentis accipimus, ut propterea, ſiquando Monachi ad Urbes accedebant, Monachorum quodammodo nomen amittere vulgo censerentur, & quaſi a ſuis inſtitutionibus, ac regulari propoſito alieni. Quidquod enim cum primum Clerici monaſteriis addiſti prænitentiæ cauſa deportari quodammodo dicebantur, niſi quod Clerici iidem & extra Eccleſias, & extra Urbes in ſolitudines deicerentur? Nihil etiam adjicio ad hanc rem, eam Romani Clerici cauſam ex iis non fuiſſe, quæ Defenſoris officium attingere viderentur; quamobrem fruſtra de ea re Pelagius Conſtantinum Defenſorem monuiſſet. Non præterea memoro, Eccleſiæ Thzanenſis Clericum in Apulia conſtitutum, ac delinquentem, Romæ, ſive in ampliſſima Urbe prænitentiam delicti obire non debuiſſe, quamquam in monaſterio incluſum; etenim vel in Apulia monaſteria non deerant, vel non erat Clericus reus ad Urbem frequentatiſſimam advocari prænitentiæ cauſa, cum Clericos prænitentis publicis addiſci diſciplina Eccleſiaſtica interdiceret; ac ſiquando in monaſteria mitti potuerunt, ideo factum id fuit, quod monaſteria in reſſu ſita eſſent, eamque ob rem ibidem Clerici non indecore & Deo, & Eccleſiæ ſatiſfacere valebant.

De epistola ad Opilionem Defensorem.

Et Pelagio hujus nominis I., & Pelagio II. tribuit Mansius in suo supplemento Labbeano canonem 9. cau. 18. qu. 2., qui tamen utriusque esse nullatenus potest. Gratianus non satis expressit, an I., an II. Pelagio sit adscribendus, nisi forte quispiam præferendum ceteris codicibus malit ejusdem Mansii codicem, in quo, ipso teste, nomen Pelagii II. adscriptum est. Sunt aliqui etiam codices, in quibus pro nomine *Opilonis* legunt nomen *Apollonii*; atque hac in re difficile esset divinare, qualis præferenda scriptura foret. Ego, ut verum fatear, in ancipiti hæreo, an hic canon alterutri Pelagio jure tribuendus sit, an potius figmentis recentioris ætatis accensendus. Huic dubitationi causam præbent haud contemnendæ conjecturæ. Ut enim omittam, illud fragmentum vix apud Gratianum, & Anselmum Lucensem adparere, nemo ignorat, quot in monasteriis figmenta ad res monasticas pertinentia sæculo XI. prodierint, ubi præsertim de Abbatum electionibus, & electorum potestate ageretur. Qui vero fictitias epistolas produxerunt, eas tribuerunt prisce illis Pontificibus, quorum tempore monastica vita exaltior videri cæpit, atque instaurari. Huc adferri possent numero non pauca apocrypha fragmenta, quæ Gregorio Magno adjudicata fuerunt, quo fieret, ut majorem vim apud omnes exererent. Forte igitur Pelagius II. Gregorii prædecessor, quo sane tempore res Monachorum optimis institutionibus illustrabantur, in medium prolatus est a Monachis ætatis longe recentioris, quasi auctor monumentorum ad monasteria pertinentium. At vero, qui eadem monumenta confinxerunt, vix se continere potuerunt intra res vetustis illis temporibus accommodatas. Sic in memorato canone, 9. proponuntur Monachi eo usque in ea fuisse potestate, ut Abbates suos pro arbitrio dejicerent, & in locum dejectorum alios constituerent; imo & eadem potestate abusi fuerint, eamque ob rem necessaria fuerit constitutio, qua in officio continerentur. Porro hæc supponunt disciplinæ monasticæ gravem lapsum, contra quam legitima illius sæculi argumenta demonstrent; scimus enim sexto sæculo post S. Benedicti saluberrimas institutiones Monachos eos fuisse, qui vitæ sanctimonia, ac præsertim humilitate ad miraculum excelebant. Immo, cum tunc temporis Abbates Episcopis Diocesanis omnino subessent, nec eligi, aut deici unquam possent Episcopis non intervenientibus, nemo facile percipiet, qua ratione Pelagius constituitur potuerit, ut Monachi Abbati suo humiliter subessent, nec de eo ejiciendo facile meditarentur. At e converso cum circa nonum, aut decimum Ecclesiæ sæculum noverimus frequentes fuisse inter Monachos, & inter Abbates controversias, quibus sedandis & maxima fuit Pientissimorum Principum sollicitudo, & anxia Pontificum omnium cura, quæ illorum sæculorum edita passim Ecclesiastica gesta demonstrant, verosimilius erit memorati canonis sententiam recentiorum eorundem temporum auctori tribuere.

Can. 9.
cau. 18.
qu. 2.

De epistola ad Potentium Defensorem.

Canon 1. cau. 32. qu. 3. apud viros eruditos parum tuto Pelagio Papæ tribui-
can. 1.
cau. 32.
qu. 3. quamquam & apud Gratianum, & apud Ivonem in parte 8. cap. 27. illi
 adscriptus fuerit in epistola ad Potentium Defensorem. Vvanespen in brevi com-
 mentario ad 2. partem Gratiani ita habet: *Hæcenus responsum hoc inter epistolas, aut
 decreta Pelagio I., vel II. assignata non reperi, ideoque nihil certi inde concludi po-
 test &c.* Mansius in suo Labbeano supplemento illum recensuit inter monumenta
 Pelagii I., at nihil aliud se recensere ibidem professus est, quam quod apud Gra-
 tianum sub ejusdem Pontificis nomine referebatur. Ego animadverto ulterius, apud
 Gratianum parum aptam speciem propositam fuisse in dicta questione 3., quæ ex Pe-
 lagii monumento dirimeretur. Quæstio 3. his verbis exprimitur: *Cujus arbitrium
 aliquis sequatur* (intellige in nuptiis celebrandis) *an liberi avi, an originarii patris?*
 Paulo antea Gratianus idem avum non liberum tantum adpellaverat, sed & in-
 genuum. Verum quis non agnoscat ibidem manifestam antinomiam? Si pater cu-
 juspiam originarius erat, avus necessario servituti obnoxius esse debuit, cum ori-
 ginarii alii non dicerentur, nisi qui ex patre servo originem traherent. Quæcum-
 que vero sit Gratiani sententia, non ego facile adducor, ut memoratum cano-
 nem Pelagio jure tributum agnoscam. Etenim inverosimile est, Potentium Defen-
 sorem de re tritissima dubitasse, & Pelagium Pontificem interrogasse, inverosimile
 etiam est, Pelagium ipsum respondisse in ea re, quæ receptissima erat, & sine ulla
 prorsus difficultate, quasi novam ipsæ constitutione, vel decreto controversiam
 dirimeret, quemadmodum indicant postrema illa canonis verba, *decernimus atten-
 di*. Revera etiam si ageretur de patre, & avo liberis, quis vel in primis tantum-
 modo juris elementis eruditus ignorat, in matrimonio filiz in potestate avi adhuc
 cum patre existentis solum consensum avi requiri, cum requiratur juxta Roma-
 nas leges consensus illius, qui patriam habet potestatem? Perspicua est ad hanc
 rem & Pomponii, & Paulli sententia in l. 3. ff. de ritu nuptiarum, cui addi po-
 test lex 16. §. ult. eod. tit. ibi: *Neptis vero si nubat, voluntas, & auctoritas avi
 sufficit*; quamquam aliter contingeret in nepote uxorem ducente, qui & avi &
 patris voluntatem, atque auctoritatem exquirere debebat, ea discriminis ratione, quod
 in nepote nubente tantum inspicitur patria potestas, quæ in solo avo habetur; at
 in nepote uxorem ducente, præter patriam potestatem avi, inspicitur jus suitatis,
 quod inter patrem, & liberos ex eo matrimonio nascituros intercederet; regula
 autem juris exigit neminem alicui invito suum adnasci posse. Igitur in proposita
 Gratiani specie non de nepote, sed de nepte agebatur. Quæ dubitatio esse po-
 terat, quin non requireretur, nec attendendus esset consensus & auctoritas patris,
 ubi jam habebatur consensus, & auctoritas avi? Quæ cum vera etiam fuissent, si
 actum esset de avo & patre liberis, ingenuisve hominibus, eo potiore ratione ob-
 tinuissent sine ulla difficultate in proposita specie, ubi pater servus erat, cujus
 propterea nulla erat potestas in filiam. Cum hæc Pelagii seu I., seu II. tem-
 poribus certissima essent, non video, qua ratione ejusmodi constitutio Pelagio I.
 tributa fuerit, eamque ob rem vereor, ne quod ejus nomine fragmentum refer-
 tur, ignoto cuiuspiam auctori verosimilius tribuatur, qui quemadmodum in aliis
 nonnullis, ita & in hac specie sub nomine vetustissimorum Pontificum illudere
 voluerit posteritati.

De

De epistola ad Paulinum Solitarium.

Antequam de auctoritate canonis 18. cau. 16. qu. 1. nonnulla tradam, juvabit
 varietatem codicum animadvertere. Exhibebo quid vetusti Gratiani codices ha-
 berent, unaque quid alii Collectores scripserint adnotabo: ita Gratianus. *Pelagius*
Papa Paulino Solitario. (ait Mansius in suo codice legi: *Paulino Sobantio*; quis
 tamen iste Paulinus Sobantius esse potuerit, res valde in obscuro latere videtur.
 Legunt alii *Paulino Salonitano*, alii etiam *Paulino Solatino*. Quocumque respicias
 ignota prorsus nomina.) *Probinum Samariae* (Romani Correctores voluerunt le-
 gendum potius esse *Probinum Phariae*, quod apud Anselmum & Polycarpum ita
 habeatur, unaque indicaverunt Phariam esse Civitatem Dalmatiz) & *Milianum*,
 atque *Probinianum* (animadvertit Mansius in supplemento Labbeano ita potius legi
 in codice suo Gratiano: *Probinum Labariae*, & *Julianum*, atque *Probianum*) vel
 alios *Pseudo-Monachos Johanni Defensori præcipimus, ut eos debeat detinere*; quatenus,
 siquam desiderant suæ contentionis rationem cognoscere, ad nos, ut informentur, debeant
 exhiberi. Certe, si sola obstinatione ab Ecclesiastico corpore sunt scissi, in Reatina, sicut
 petisti, insula, ut exulent, præditto Defensori duximus injungendum. Franciscus Flo-
 rens in tractatu ad causam 16. Gratiani de hoc canone loquens, ait, non satis
 constare de hujus canonis auctoritate, imo incertum esse, num potius Pelagio I.,
 an Pelagio II. sit tribuendus. Et quidem hujus dubitationis non levia suppetunt
 argumenta. Ut enim abstinere a veterum Collectorum silentio memorando, plu-
 rimum facere potest, quod ex ipsomet canonis argumento eruitur: nimirum caus-
 sa illorum Monachorum, quos Pseudo-Monachos Summus Pontifex vocat, ea
 non erat, in qua exilio in insula deputando rei damnarentur, qui procul a mo-
 nasterio recesserant, cum potius ad cœnobita sua sub arctiori custodia juxta sacro-
 rum canonum disciplinam remittendi fuissent. Nec forte dicas, ideo Pseudo-Mo-
 nachos illos in insulam fuisse relegatos, quod a monasteriis ob pertinaciam ejec-
 ti fuissent, quod indicare videntur verba illa: *Obstinatione ab Ecclesiastico corpore sunt*
scissi; siquidem idipsum recentiore denotat auctorem post Pelagii I., aut II.
 tempora scribentem: videlicet nondum illa ætate obtinuerat, ut monasteria, seu
 cœnobita Ecclesiasticis corporibus accenserentur, ut proinde diceretur ejectus, aut
 scissus ab Ecclesiastico corpore, qui a monasterio ejectus, aut scissus proponere-
 tur. Corpora Ecclesiastica tum demum monasteria dici potuerunt, cum primum.
 Monachi passim sacris ordinibus insigniri cœperunt, suisque in monasteriis sacra-
 ministeria obiverunt, quod sane longe post sextum Ecclesiz sæculum viguit.

De reliquis Capitibus Pelagio tributis.

Quamquam in codicibus Gratiani diversis auctoribus tribuantur canon 1. dist. 91.,
 & canon 30. cau. 18. qu. 2., ille nimirum Pelagio, iste ante Romanam Corre-
 ctionem Gelasio, tamen si emendatiores, vetustioresque codices sequi debeamus,
 Pelagii nomen utrique fragmento rectius inscribendum fuit, quod Romani Cor-
 rectores executi sunt. In utroque fragmento agitur de Eleutherio Episcopo de-
 qui-

Can. 18.
 cau. 16.
 qu. 1.

Can. 1.
 dist. 91.
 Can. 30.
 cau. 18.
 qu. 2.

quibusdam Diocesibus suæ abusiis conquerente. Igitur vel utrumque fragmentum Pelagio, vel utrumque Gelasio tribuendum erat. At vero Anselmus Lucensis utrumque caput una conjunxit, ac Pelagio potius adscripsit. Quidni antiquiorem Collectorem sequamur, & non potius agnoscamus erratum in nonnullis codicibus Gratiani, qui sane fragmenta eadem procul dubio ex Anselmo derivavit? Hæc tamen tanti momenti esse nequeunt, ut arbitrer, utrumque fragmentum Pelagio vel I., vel II. recte tributum fuisse. Pertinent hæc ad recentiora tempora. Et si enim in can. 1. dist. 91. nihil reperiatur, quod sexti sæculi Pontificibus nequeat accommodari, tamen in canone 30. cau. 18. qu. 2. vel ipse stylus, & sermo parum politus, ceterisque Pelagii vel I., vel II. monumentis prorsus inconueniens posteriorum auctorem fuisse indicat. Sed præterea monastica disciplina, quæ ibidem custodienda mandatur, nimirum de Monachis Missas in monasterio facientibus, de Eulogiis Episcopo a Monachis offerendis, sexto sæculo longe recentior fuisse videtur, ac potius congruit illis temporibus, quibus singularia privilegia post octauum sæculum concedi, quæ ab Episcopis Diocesanis, quæ a Pontificibus Maximis cæperunt. Demum id ipsum ostendunt conditiones, quæ ibidem memorantur, adjectæ tempore dedicationis monasterii, juxta quas dicuntur privilegia quædam, aut jura concessa monasterio fuisse. At hæc fundationum conditiones post octauum sæculum fieri demum consuevisse nemo ignorat, qui in monasteriorum, juribus discernendis vel mediocriter versatus fuerit: Tunc enim fundatores incolumia voluerunt quædam jura monasteriis, idque in fundationis limine expresserunt, quam Episcopi paulo asperius Monachos exagitarunt, & monasteriorum bona ac redditus in parte sibi vindicare voluerunt, quod sane vel Pelagii I., vel Pelagii II. temporibus nunquam obtinuerat.

Can. 1. Siquid vero est a Pelagio seu I., seu II. abjudicandum monumentum, illud sane est, quod habetur in canone 1. dist. 100., quamquam enim siue apud Ivonem, siue apud Gratianum Pelagio tribuatur, tamen vel ipsa Collectorum varietas, vel materies, quæ ibidem pertractatur, recentioribus potius sæculis accommodata satis indicat, Pelagium Pontificem non esse illius auctorem. Ajebam in primis, varios in inscriptione canonis esse codices Collectorum. Reuera apud Burchardum in lib. 1. cap. 25., item apud Anselmum, atque apud auctorem Panormiz idem monumentum tribuitur Damaso Papæ. At vero sint hæc observata, non quidem ut canonem tributum velim potius Damaso, quam Pelagio, sed ut interea constet, parum fidendum esse hujusmodi Collectorum codicibus, ac præsertim in inscriptionibus monumentorum. Ceterum gravissima sunt argumenta, ex quibus deducitur, eundem canonem nec Damaso, nec Pelagio Pontificibus convenire. Statutum ibidem legimus, generaliter Metropolitæ omnes Pallium postulare debere, antequam Archiepiscopalem jurisdictionem exercent. Hæc porro recentiorem indicant disciplinam, cujus rei argumento gravissimo esse potest epistola ultima lib. 10. ad Petrum Episcopum scripta apud Gregorium Magnum Pontificem & Damaso, & utroque Pelagio recentiorem; ibi enim in signum privilegii singularis Petro Pallium concessum dicitur, quod aliis Episcopis etiam Metropolitanis honore prædictis non facile conferebatur. Eadem singularis privilegii causa Gregorius Magnus Pallium misit ad Andreæ Episcopum Nicomediensem, uti liquet ex ejus epistola 7. lib. 5., item ad Augustinum Episcopum Anglorum, quemadmodum demonstrat epistola 15. lib. 12., præterea ad Syagrium Episcopum Augustodunensem, quod eruitur ex epistola

epistola 113. lib. 7. Quidquid Vigilio Papæ Pelagii I. prædecessori in epistola ad Auxanum Arelatensem Episcopum, non aliter eidem postulanti Pallii honorem concedendum esse placuit, quamquam Arelatensis Episcopus privilegiis pluribus abundaret, quam Imperatoris consensus accessisset? Erat tunc Pallium non tam Ecclesiasticum, quam decorum insignie Principum, quod non passim Archiepiscopis omnibus concedebatur. Consuetudo petendi, obtinendique ab Archiepiscopis Pallii vis fuit introduci nono Ecclesiæ sæculo, & recentioribus etiam temporibus ea imposita Archiepiscopis petendi Pallii necessitas fuit, ut nisi illud intra certum temporis spatium postulassent, jurisdictione Archiepiscopali uti non possent. Hinc Gregorius VII. in lib. 9. Regesti epist. 1. gravissime objurgavit Vvilelmum Rothomagensis Episcopum, quod Pallium ab Apostolica Sede pro more adquirere postposuisset, inquit: *Te ipsum namque non ignorare putamus, quam districte Sanctorum Patrum censura in eos judicandum statuerit, qui post consecrationem suam per tres continuos menses Pallium, quod sui sit officii, obtinere tepuerint. Proinde Apostolica tibi præcipimus auctoritate, ut quia Sanctorum Patrum statuta parvipendisti, nullum deinceps Episcopum, vel Sacerdotem ordinare, seu Ecclesias præsumas consecrare, donec honoris tui supplementum, Pallii videlicet usum, ab hac Sede impetraveris.* Hæc sane omnia facile demonstrant, laudatum Gratiani canonem non facile alicui ex Pontificibus sexti Ecclesiæ sæculi tribui posse. Cur vero ex conjecturis, utut gravissimis, argumenta depromam, cum id ipsum perspicue constare possit ex collatione ejusdem canonis cum monumentis Concilii Ravennatensis anni 877., etenim in eo ita statutum legimus canone 1. & 2. *Quisquis Metropolitani intra tres menses consecrationis suæ ad fidem suam exponendam, Palliumque suscipiendum ab Apostolica Sede, nulla inevitabili necessitate imminente, non miserit, commissa sibi careat dignitate; ita ut tamdiu Episcopali illi Sedi cedat, omnique consecrandi licentia careat, quamdiu exponenda fide, & in exponendo Pallio præsumum morem contempserit. Sit licentia Metropolitanis aliis post secundam, & tertiam communionem viduatæ Ecclesiæ cum consilio Romani Pontificis ordinando Episcopum subvenire. Si vero consecrandi Episcopi negligentia provenierit, ut ultra tres menses Ecclesia viduata consistat, communione privetur, quousque aut loco cedat, aut se consecrandum præbere non differat. Quod si ultra quinque menses per suam negligentiam retinuerit viduatam Ecclesiam, neque ibi, neque alibi consecrationis donum percipiat, immo Metropolitanus sui judicio cedat.* Hæc sane cum memorato Gratiani canone collata, ex uno eodemque fonte derivare videntur, ut propterea quod Gratianus Pelagio tribuit, melius Ravennatensi Concilio adscriberetur, demta vix canonis illius brevi præfatione, quæ vel a Collectore adjecta est, vel, si forte in ipso Concilio sub Gratiani tempore habebatur, recentiore ætate deperit ex officiantia Amanuensium, qui in describendis Conciliorum monumentis solos Conciliorum canones, præfationibus Conciliorum omisiss, brevitatis ergo describere consueverunt.

CAPUT LVI.

De Johanne III.

Unum est Gratiani fragmentum Johanni III. tributum
ex Epistola ad Episcopos Galliz,
& Germaniz.

(*Can. 1. cau. 8. qu. 1. ab Isidoro Mercatore confusus.*)

EPistolam ad Episcopos Galliz, & Germaniz Johanni III., qui Romanam. Sedem tenuit ab anno 559. usque ad annum 572., adfinxit Isidorus Mercator, cujus tamen artem, ut in ceteris, ita & in hoc monumento eruditi omnes agnoverunt. Integra epistola eo potissimum tendit, ut demonstretur, Chorepiscoporum officium improbandum esse, atque abrogandum, eamque ad rem laudatur epistola de Chorepiscopis sub nomine Damasi, quæ falsa etiam ab omnibus habetur. Inter cetera traditur, Chorepiscopos locum tenere septuaginta Discipulorum Domini juxta Concilii Neocæsariensis canones, quamobrem eos non debere sibi vindicare officia Apostolorum, eorumque, qui in jura Apostolorum successerunt, Episcoporum. Aptum ad rem demonstrandam auctor credidit argumentum, ajendo Linum, & Cletum fuisse Petri Apostoli in Romana Ecclesia Chorepiscopos, nihil tamen peregrisse ex iis, quæ Petro in signum eximii ordinis erant reservata; quam sententiam retulit eisdem verbis Gratianus in can. 1. cau. 8. qu. 1. Porro ex hac Chorepiscoporum causa jam falsitatis Isidorum redarguit Baronius ad annum 572. §. 3., hæc enim pertinet ad recentiora tempora, quibus, ut alibi jam demonstravi, de munere Chorepiscoporum abrogando exortæ controversiæ fuerunt. Præterea quod ibidem dicitur de electione Clementis a Petro facta, incidit in alia monumenta ejusdem Mercatoris, videlicet in epistolas ipsi Clementi tributas, in quibus hæc fabella contexta est. Addit Baronius notæ Consularis argumentum; etenim epistola proponitur data 14. Kal. Augusti Justin 6. & Narsete Viris Clariss. Coss. Hic Consulatus incidit in annum 572., ac propterea 14. Kal. Augusti scribere epistolam non potuit, qui eodem anno obierat tertio Idus Julii. Dixerim sane cum Binio in notis ad hanc epistolam, vehementer esse dolendum, quod deperditis omnibus germanis hujusce Pontificis epistolis, ad nos unum hoc commentitium pervenerit monumentum.

De Benedicto.

Ex epistola Benedicti ad Gradensem Patriarcham refertur
apud Gratianum sequens caput.

(*Can. 18. cau. 27. qu. 2. apocryphus.*)

POst Johannem III. successit in Romano Pontificatu Benedictus anno 573., obiit autem anno 577. Hujus tempore maxima fuit Longobardorum tyrannis adversus Ecclesiam; illorum enim cultus in Idola pronus odio eosdem in Christianos incenderat. In Collectionibus Ecclesiasticorum monumentorum unica recensetur Benedicti epistola ad David Episcopum; sed hæc, ut ex mercibus Isidori derivatur, ita ab omnibus rejicitur. Ex alia epistola quoddam fragmentum retulit auctor Palæarum in can. 18. cau. 27. qu. 2. Verum & illud tamquam apocryphum ab eruditis viris recensetur, & quidem manifestissimis argumentis. Testantur Romani Correctores, eundem canonem legi in prima Collectione Decretalium a Bernardo Papiensi edita, ex qua forte in Gratiani codicem transferri potuit. Est ibidem aliqua scripturæ varietas, nam pro illis verbis: *Lex divine constitutionis . . . censura Apostolici Magistratus . . . de hujusmodi &c.* habet Bernardus Papiensis: *Lex divine dispositionis . . . censura Apostolici Magistratus . . . de re hujusmodi &c.* Verum non major est hac in re Bernardi Papiensis auctoritas, quam Gratiani, aut illius, qui Paleas Gratiano codici adjecit; præsertim, quod Gregorius IX., qui *refectis superfluis* voluit novam Collectionem Decretalium fieri, noluerit idem monumentum in suam Collectionem traduci. Antonius Augustinus in notis Collectionis ejusdem I. Decretalium, ubi hoc fragmentum expendit, ad illa verba: *Reddimus vobis certissimum*, ait: *Parum mihi grata sunt hæc verba, ut alia non pauca hujus rescripti, cujus scriptor alia locutus lingua videtur, quam ceteri.* Sane ibidem Benedictus appellat se novo vocabulo *Apostolicæ Cathedræ cessorem*, dicit se *censura Apostolici Magistratus mandare*, item verba Dei Creatoris Adz loquenti accommodat contra sacrarum literarum testimonia, matrimonium inquit, nisi carnali copula invicem sibi cohzreant conjuges, contra Patrum Ecclesiasticorum doctrinam non subsistere. Denique ipsamet epistolæ inscriptio falsam esse epistolam docet, ibi: *Benedictus Servus Servorum Dei Gradenſi Patriarchæ salutem*. Duo ibidem menda reperies. Primum in Pontificis appellatione; neque enim tum adhuc utebantur eo nomine, quo primum usus dicitur Gregorius Magnus, ut Constantinopolitanis Episcopis ambibus nomina quærentibus, humilitatem opponeret, quemadmodum testatur Johannes Diaconus lib. 2. vitæ Gregorii cap. 1. Alterum mendum est in Gradenſi Patriarchæ nimirum tempore Benedicti nondum erat institutus Gradenſis Patriarchatus. Primum enim Paulinus Aquilejenſis Patriarcha Gradum secesserat anno 565., ut Longobardorum vim evaderet, cui ibidem mortuo successit Probinus, quemadmodum & Probinus Elias retento semper nomine Patriarchæ Aquilejenſis. Cum vero no-

Item. II.

T t t

viffet

visset Elias se, suosve successores difficiliter Aquilejam reversuros, petiit, obtinuitque a Pelagio II. Pontifice Maximo anno 580., ut Patriarchatus Aquilejensis Gradum transferretur, ipseque non amplius Aquilejensis, sed Gradenfis Patriarcha diceretur. Quomodo itaque ad Patriarcham Gradensem scribere potuit Benedictus, quando liquet Gradensem Patriarchatum a successore ejusdem Benedicti Pelagio II. fuisse primo institutum? Tot, tantaque rationum momenta, si canonem illum apocryphum esse non demonstrant, nescio prorsus, qua ratione germana a commentitiis discriminari quispiam poterit.

CAPUT LVIII.

De Pelagio II.

En capita Pelagio II. tributa apud Gratianum.

- | | | |
|---|---|---|
| Ex epist. ad Benignum Archiepiscopum. | { | Can. 35. cau. 7. qu. 1. apocryphus, & ad integram epistolam exigendus. |
| | | Can. 36. cau. 7. qu. 1. apocryphus, & ad integram epistolam exigendus. |
| | | Can. 82. cau. 11. qu. 3. apocryphus, & jungendus cum can. 36. cau. 7. qu. 1. |
| Ex epist. ad Episcopos Italiz. | { | Can. 54. cau. 2. qu. 7. apocryphus, atque emendandus. |
| | | Can. 2. cau. 3. qu. 2. } apocryphi, & consonant cum aliis Mercatoris capitibus. |
| | | Can. 6. cau. 3. qu. 5. } |
| Ex epist. ad Episcopos, qui convenerant ad illicitam vocationem Johannis Constantinopolitani. | { | Can. 5. dist. 17. apocryphus, & ex epistola supplendus. |
| | | Can. 4. dist. 99. apocryphus, sed Gregorii sententiis conformis. |
| | | Can. 13. cau. 3. qu. 5. apocryphus, & Mercatoris sententiis consonans. |
| | | Can. 2. cau. 6. qu. 3. apocryphus, & a temporibus Pelagii alienus. |
| Ex ep. ad Episcopos Germaniz, & Galiz. | { | Can. 71. de cons. dist. 1. apocryphus, & a Pelagii temporibus alienus. |
| | | |
| Ex epist. ad Eucarpum Messanensem, & alia ad Clerum Catinensem. | { | Can. 17. dist. 61. } |
| | | Can. 1. cau. 2. qu. 3. } dubia admodum auctoritatis. |

Ex

Ex epist. ad
Florentinum. { *Can. 7. dist. 34. consonat temporibus Pelagii II.*

Ex epist. ad
Antoninam, &
Deciam. { *Can. 20. cau. 16. qu. 1. apprime congruit temporibus Pelagii II.*

Ex epist. ad
Cresconiū II-
lustrēm. { *Can. 4. cau. 10. qu. 3. } eandem omnino sententiam exhibent.*
Can. 10. cau. 10. qu. 3.

Tempora, quibus Pelagius II. Pontificiam Sedem tenuit, ab anno scilicet 577. usque ad annum 590., nec Ecclesiz, nec Imperio Occidentali felicia esse potuerunt. Nimirum Occidentalem Ecclesiam turbabant adhuc diuturna schismata olim concitata in causa trium Capitulorum post celebratum Concilium Constantinopolitanum II., Occidentale autem Imperium quassabant vi, armisque Longobardorum exercitus. Quamobrem non tam doctrina adversus schismaticos, quam animi moderatione in quibuscumque causis suscipiendis Pelagio opus erat, quam plane ostendunt germana, quæ ad nos usque pervenerunt, illius monumenta. Germana, inquam, nam nonnulla sunt, quæ eidem Pontifici ab Isidoro Mercatore, falso adscripta sunt, quemadmodum ex sequentibus animadversionibus constabit.

De Epistola ad Benignum Archiepiscopum.

Quicumque ex recentioribus aut novas Collectiones Pontificiarum epistolarum exornarunt, aut in Decretales ipsas incubuerunt, statim agnoverunt epistolam ad Benignum Archiepiscopum falso tributam fuisse Pelagio, eandemque esse a Mercatore confictam. Ejus auctoris manum facile prodit styli barbaries, quæ uti epistolam prorsus similem reddit ceteris illius epistolis, ita ab epistolis genuinis Pelagii prorsus absimilem facit; sententiæ quoque parum aptæ, ut plurimum autem eadem cum sententiis passim traditis in epistolis ceteris Mercatoris, præter nonnulla sine delectu subrepta ex aliquot monumentis Leonis Magni, Coelestini, Zosimi, Ennodii in apologia pro Symmacho, & aliorum, quod Mercatori admodum fuit familiare. Quoniam vero potissimus epistolæ scopus eo tendit, ut tradatur, Episcopos juxta de causa posse de una in aliam Ecclesiam transferri, eo potissimum utitur argumento, quod Christus ipsemet Dominus de uno in alium locum secesserit, quum illum Judæi insequerentur; quod sane Pelagio viro gravissimo non convenire certum habeo.

Ad hanc epistolam pertinet canon 35. cau. 7. qu. 1. Proponitur Benignus a Pelagio quævisse, num liceret Episcopo de una in aliam Civitatem transire, quum vetustis canonibus id fieri prohiberetur. Respondet Epistolæ auctor: *Scias, frater dilectissime, aliud esse causam necessitatis, & utilitatis; & aliud causam presumptionis, & propriæ voluntatis. Non ergo mutat sedem, qui non mutat mentem, idest qui non causa avaritiæ, aut dominationis, aut propriæ voluntatis, vel suæ electionis migrat de*

*Can. 35.
cau. 7.
qu. 1.*

Civitate ad Civitatem, sed causa necessitatis, aut utilitatis mutatur. Nam plurimum utilitas unius utilitati, aut voluntati preferenda est. Aliud est enim mutare, aliud mutari, sic aliud ministrare, aliud ministrari, unde Dominus in Evangelio loquitur dicens; non veni ministrari, sed ministrare. Hinc Mercator expendit veteres canones, quibus vetitæ videntur Episcoporum translationes, ac subdit: Nam aliud est sponte transire, & aliud est coasse, aut necessitate venire. Unde non isti mutant Civitates, sed mutantur, quia non sponte, sed coasse hoc agunt. Hæc exinde confirmans exemplo Petri Apostoli, Alexandri Hierosolymitani, Gregorii Nazianzeni, & Procli Constantinopolitani, ita concludit. Non ergo bene intelligunt Ecclesiasticas regulas, qui hoc negant causa utilitatis, aut necessitatis fieri non posse, quoties communis utilitas, & necessitas persuaserit. Plura ex istis jam tradiderat Mercator in epistola, quam Antero Papæ tribuerat.

Can. 36. Huc quoque referendi sunt canon 36. cau. 7. qu. 1., & canon 82. cau. 11. cau. 7. qu. 1. & cau. 82. cau. 11. § 3. qu. 3., ait enim Mercator, causam legitimam translationis esse, ubi Episcopus persecutionem patiatur, eaque in specie non tantum Episcopis facultatem fieri, sed & præceptum Domini imminere in cap. 10. Matthæi, cui omnino est obtemperandum. Hac occasione exemplum tradit de iis, qui olim, dum a Saul vexabantur, confugebant in Civitatem David, his verbis, quæ a Gratiano referuntur in principio dicti canonis 36. *Omnis enim, qui gemebat, & vexabatur a Saul, fugiebat, & veniebat ad David. Si ergo piissimus, atque iustissimus David sciret peccatum esse, persecutionem fugientes, & transeuntes de loco ad locum, & de Civitate ad Civitatem, tales nequaquam reciperet, nec secum teneret, nec in aliis Civitatibus collocaret.* (Aliquid sine valeret hoc argumentum, si aut factum David de Episcopis intelligi posset, aut Mercator de Episcopis ipse sermonem non instituisset.) *Qui enim persequuntur Domini Episcopos, eosque de Civitatibus ad Civitates transire compellunt, nec eos tantum persequuntur, quantum Dominum nostrum Jesum Christum, cujus legatione funguntur. Nec ipsi in hoc peccant Episcopi, quoniam non sponte, sed coasse hoc agunt, sed illi, a quibus persequuntur: nec ipsis Episcopis hoc imputari potest, sed illis, qui eos hoc agere cogunt. Sanctus enim Protomartyr Stephanus (hæc omittuntur in canone 36., sed pertinent ad dictum canonem 82.) lapidabatur, sed Jesus suscipiebat plagas. Ideoque unicuique prævidendum est, ne aliquem iniuste persequatur, judicet, vel puniat, ne Jesum persequatur, judicet, & puniat. Qui autem negant (hæc habentur in memorato canone 36.) misericordiam faciendam fugientibus, ac necessitatem patientibus, ipsum Christum negant, qui est misericordia, & veritas, & omnibus necessitatibus patientibus subvenire jubet. Pauca sunt, Frater, quæ asserui: sed quanta ex his pendeant tua providentia poteris æstimare. Quare hanc admittitur malevoli irrumperè misericordiam? Cur illudere variis intentionibus felicitatem? Excommunicationem jam non habet furor iste in credentibus, nec interest quibus itineribus ad mundi Principem currat, qui a benevolentia fratrum desciscit, aut necessitatem patientibus misericordiam negat. Negat misericordiam necessitatem patientibus, qui populus indigentibus Divinis mysteriis, & non habentibus proprium Episcopum, qui eos instruat, causa utilitatis, atque necessitatis (sibi videtur hic contradicere Isidorus, cum necessitatem majorem pati videantur populi, quos Episcopus immisericors publicæ vexationis tempore deferat,) ex alia Civitate, licet minor sit, in eam, quæ non habet Episcopum desitorem, vel utiliorem meliori consilio, non sponte transeuntem, sed majorum exhortatione mutare, aut Episcopum eisdem, & persecutionem patientem causa utili-*

utilitatis, aut necessitatis imbronizari non permittit. Ex his facile quispiam intelliget memoratos Gratiani canones, præsertim vero agnoscat canonem 82. non convenire ullatenus proposito Gratiani, qui alias consonat cum epistola 2. Marcellino Mercatoris figmento tributa; in ea quippe hæc leguntur: Detractiones, & accusationes, atque persecutiones inter Christianos oppido vitandæ sunt, quia licet pauci simus in comparatione aliorum, si tamen unanimes fuerimus, facilius adversarii resistemus. Sanctus enim Protomartyr Stephanus lapidabatur, sed Jesus susceperat plagas; ideo unicuique providendum est, ne aliquem iuste iudicet, aut puniat, ne Jesum iudicet, aut puniat.

De Epistola ad Episcopos Italiæ.

Eundem Isidorum auctorem habet altera epistola sub hac inscriptione: *Dilectissimis, atque clarissimis fratribus universis Episcopis, & cunctis specialiter per Campaniæ, & Italiæ Provincias militantibus Domino Pelagius salutem.* In hoc ipso titulo imperitia Mercatoris arguitur, quasi in una Campania ille crediderit plures extitisse Provincias, quasi etiam crediderit Provincias Campaniæ ad Provincias Italiæ non pertinere. In tota autem epistola præter aliquot sententias ex libro sententiarum Prosperi, aut ex Ennodio, aut ex Conciliis Romanis sub Symmacho, & Martino I. celebratis, nihil aliud fere continetur, quam quod idem Mercator aliis præcedentibus Pontificibus adscripserat. Sic recitantur inter cetera fragmenta epistolæ 1., & 2. Zephirini, epistolæ 1. Marcelli, epistolæ 3. Fabiani, epistolæ 2. Felicis, epistolæ 2. Sixti II., epistolæ 2. Evaristi, epistolæ 2. Iulii, epistolæ 2. Callisti, epistolæ 1. Alexandri, epistolæ 2. Stephani, epistolæ 1. Melchiadis, ut omittam epistolas Eusebii, Caji, Damasi, & Pontiani; ex quibus facile liquet, auctorem harum epistolarum in hac ipsa epistola merces suas, ita dixerim, profudisse.

Ex hac epistola non satis recte descriptus est canon 54. cau. 2. qu. 7., etenim in epistola nulla de Monachis fit mentio, quemadmodum in fragmento Gratiani. Agebatur apud Pseudo-Pelagium de accusationibus Episcoporum, ad quas non omnes passim admittendos esse decernebatur. Dicitur autem inter cetera: *Similiter & omnes, quos Divinæ leges mortuos appellant, submovendos esse ab eadem accusatione, & publicæ poenitentiae submitteudos judicamus.* Similia leguntur in epistola 2. Pseudo-Stephani ibi: *Eorum autem accusandi Sacerdotes, vel testificandi in eos vocem obstruimus, quos humanis, vel divinis vocibus damnatos, vel mortuos esse agnoscimus.* Idipsum in epistola Pseudo-Melchiadis ibi: *Eorum os accusandi Sacerdotes, vel testificandi in eos obstruimus, quos non humanis, sed divinis vocibus mortuos esse scimus.* Ex his adparet, Gratianum, aut quisquis Gratiano auctor extitit, accommodasse Monachis, quod Mercator de iis dixerat, qui divinis vocibus mortui nuncupantur, (quos eorum nomine intellexit, aliis divinaudum relinquo), item accommodasse generaliter negotiis omnibus sive Ecclesiasticis, ut dicitur, sive sæcularibus, quæ singulari jure de accusationibus Episcoporum in epistola ipsa traduntur. Integræ vero Mercatoris sententia refertur apud Gratianum in can. 6. cau. 3. qu. 5., cuius verba etiam repetuntur in epistola 2. Callisti, epistola 2. Evaristi, epistola 1. Sixti, epistola 2. Iulii, & epistola 1. Felicis, quæ sane omnia nemi-

nem

Can. 54.
can. 2.
qu. 7. &
Can. 6.
cau. 3.
qu. 5.

nem dubitare sinunt, quin hujuscemodi sententias velut Pseudo-Isidori germanas agnoscat.

can. 3.
cas. 3.
qu. 2.

Iterum dignoscimus Mercatoris axiomata in canone 2. cau. 3. qu. 2. Non solum enim in hac Pelagii epistola ita legimus: *Neque dum Ecclesie alicujus Episcopi, aut possessiones, vel res ab æmulis ejus, vel a quibuscumque aliis non sua sponte decedunt, aliquid illi debet, aut potest a quoquam ante redintegrationem omnium rerum suarum obijci; sed prius illi legibus redintegranda sunt omnia, & postea tempore a Patribus præfixito sunt negotia ventilanda*; verum etiam ipsam fere legimus in epistola 2. Zephirini, epistola 2. Fabiani, epistola 2. Stephani, epistola 2. Sixti, epistola 2. Felicis, epistola 2. Eusebii, epistola 2. Marcelli, & epistola 2. Julii, quarum singula capita cum memorato Gratiani canone convenientia hic referre, nimis operosum esset.

De Epistola ad Episcopos, qui convenerant ad illicitam vocationem Johannis Constantinopolitani.

Inter epistolas Pelagii numero 8. recensetur epistola data Kal. Martii anno 587. indictione 5. cum hac inscriptione: *Dilectissimis Fratribus universis Episcopis, qui illicita vocatione Johannis Constantinopolitani Episcopi ad Synodum Constantinopolim convenerunt, Pelagius*. Ejus argumentum hoc est. Johannes Constantinopolitanus Antistes cognomento Jejunator vix Ecclesiam Constantinopolitanam, anno nimirum 583., obtinuit, nihil vividius optavit, quam ut suorum aliquot Prædecessorum ambitum promoveret, seque non solum supra ceteros Græcos Episcopos, verum etiam supra ipsum Romanum Pontificem eveheret. Hinc se universalem Episcopum nominavit, sui que juris esse adseruit, ut totius Ecclesie Concilia indiceret, ac celebraret. Ægre id sensit Pelagius, agnoscens in dies Ecclesiam Græcam magis ac magis in schismata pronam. Cumque intellexisset, Johannem jam universorum Episcoporum Concilium indixisse, eosdemque Episcopos numero plurimos paruisse, ad Concilium conveniendo, penes illos vehementer conquestus est, quasi schismatico viro non consentirent tantum, sed & cum eo schisma magis ac magis commoverent. De hujus epistolæ fide, atque integritate jam diutius decertarunt viri studiosi sacrorum monumentorum, sive ex Catholicis, sive ex Hæreticis, quorum alii ex animi sententia germanam, alii apocrypham crediderunt; alii vero vel germanam, vel apocrypham dixerunt, quod vel suis sententiis propugnandis favere, vel adversari rati sunt. Hinc nonnulli ex Catholicis ardentiori fortasse zelo correpti, ubi visum est ipsis epistolam hanc argumentum ad firmendam Romani Pontificis auctoritatem porrigere, sine epistolæ examine illam statim receperunt, eaque usi sunt. E contrario nonnulli ex hæreticis, quia & ipsi nonnulla adversus Pontificis Primatum visi sibi sunt posse argumenta depromere, ex invidia nostrorum, parum solliciti facti de epistolæ veritate, in eam statim tamquam firmissimum monumentum incubuerunt. Apage hæc inopportuna partium studia, quæ hæreticorum perfidiam magis ac magis ostendunt, Catholicorum vero quorundam nimis anxiam curam, qui dum optima habent, certissimaque suorum dogmatum argumenta,

alia

alia undique exquirunt, & quomodocumque, quibus credunt illa magis, magisque firmari. Ego sane illis adhareo, qui pensata, ut decet, atque ad rectum criterium, exacta ipsa epistola, eandem velut ab Isidoro Mercatore confictam prorsus rejiciunt, nec dignam putant, ex qua ad fidem, aut disciplinam Ecclesie tradendam, firmandamque præsidium adferatur. Certa ab incertis separanda sunt. Certum in primis est, eo Johannis Constantinopolitani ambitum progressum fuisse, ut se universalem Episcopum nominarit, ut Concilium etiam universale Episcoporum indixerit, eidemque Episcopi numero plurimi ex Græcis obtemperaverint. Certum præterea est, Pelagium ad Johannem ipsum scripsisse, ne in suo schismate diutius versaretur. Imo Gregorius Magnus Pelagii successor in epist. 36. lib. 4. ad Eulogium Alexandrinum, & Anastasium Antiochenum earum epistolarum Pelagii exemplaria mittere se profitetur. Non hæc sunt, quæ in controversiam deducuntur. Illud quæritur, num epistola, quæ apud Isidorem Mercatorem legitur, & ex eo apud alios Collectores descripta numero 8., eadem sit, quam Pelagius ipse scripserit. Quoniam vero in ea sunt plurima apocryphi monumenti argumenta, hinc facile deducitur, in ea germanam Pelagii epistolam agnosci neutiquam posse. Revera in eadem Gregorii Magni epistola nuper laudata, in qua Gregorius proficitur se exemplar mittere epistolæ Pelagii, plura inveniuntur verba, quæ eadem sunt cum verbis epistolæ Mercatoris. Non est autem verosimile, Gregorium in scripto suo voluisse repetere fusa oratione, quæ eadem in exemplari epistolæ Pelagii, juncto sui Prædecessoris nomine significabat. Præterea stylus hujus epistolæ, de qua quæritur, omnino alienus est a stylo epistolarum Pelagii, ut liquet hanc eandem epistolam conferenti cum epistola 7. ad Eliam, & Episcopos Istriæ. Convenit autem potius cum stylo, repetitisque sententiis Isidori Mercatoris; quatenus initium epistolæ depromptum est ex epistola 53. Leonis Magni, quod fuit Mercatori familiare; alia deprompta in parte ex epistola 47. ejusdem Leonis, ex epist. 36. lib. 4. apud Gregorium, ex epistola encyclica Martini I. adjecta Concilio Lateranensi, quæ monumenta pluries Mercator idem studuit in suas epistolas transducere, nedum imitari. Addi posset his, multa ibidem contineri, quæ in aliis epistolis veteribus Pontificibus a Mercatore tributis contineantur, nimirum in epistola 4. Damasi, epistola 1. Felicis II., epistola Ægyptiorum ad Felicem II., epistola 2. Julii, epistola 1. Anacleti, & epistola Sixti, ut alias omitam numero plurimas. Demum, quæ in epistola leguntur, adeo inordinatam sententiarum, verborumque farraginem exhibent, ex scripturarum & Patrum testimoniis sine methodo compositam, ut omnia non aliam, nisi Mercatoris, manum prodere videantur, quemadmodum legenti facile patet.

Initio epistolæ post recitata nonnulla verba Leonis Magni, auctor proficitur ad Sedem Apostolicam relatum esse, Johannem Constantinopolitanum se Episcopum universalem nominasse, eoque titulo generalium Conciliorum convocandorum potestatem sibi vindicasse. Ad hanc rem ita fingitur Pelagius scripsisse. *Multis de-
nuo Apostolicis, & canonicis, atque Ecclesiasticis instrumim regulis, non debere absque
sententia Romani Pontificis Concilia celebrari: quapropter, ut jam dictum est, recte
non Concilium, sed vestrum Conventiculum, vel Conciliabulum cassatur, & quidquid in
eo actum est, irritum habetur, & vacuum. Vos quoque deinceps, ut nullius hortatu
salia præsumatis, si Apostolicæ Sedis communionem carere non vultis. &c.* Retulit hæc Gratianus in principio canonis 5. dist. 17. & quidem Gregorius Magnus testatur
in

Con. 5.
princ.
dist. 17.

in epistola 36. lib. 4. revera a Pelagio reprobata fuisse acta Synodi Johannis Constantinopolitani; sed ex eo ipso probatur clarius hanc epistolam, de qua loquimur, Pelagii non esse; cum enim hæc epistola datam exhibeat anni 587. mense Martio, & Gregorius scribens anno 595. asserat ante octo annos Synodum Constantinopolitanam fuisse celebratam, idest anno 588., ut ostendit Pagius ad annum 588. num. 1. & sequ., non possunt hæc & Concilii, & epistolæ tempora invicem conciliari, cum epistola Concilio recentior esse deberet, non epistola Concilium.

Can. 4.
dist. 99.

Prosequitur auctor epistolæ; & ait, Episcopos Constantinopolitanos veteres Johannis Prædecessores, imo & Johannem ipsum jamdiu scriptis obedientiam Romano Antistiti fuisse professos, quæ scripta in Archivo Romanæ Ecclesiæ custodiebantur, item in illis scriptis anathematizari eos, qui moliri quidpiam essent contra Romanam Sedem: proindeque Johannem ipsum propria jam sententia, & professione anathemate peritricum esse, dum se supra Romanam Sedem evehi cuperet. Num hæc vera omnia esse possint, præsertim in conspectu Acaciani schismatis, item ambitus Anatolii, aliorumque Constantinopolitanorum Antistitum, quibus non tam in dignitate, quam in ambitu Johannes hæres & successor, extiterat, facile unusquisque judicabit. Ceterum quod dicitur, Johannem esse sua ipsius professione anathematizatum, videtur depromptum ex sententiis Maximorum Pontificum Pelagii Prædecessorum in opusculis contra Acacianos; ubi enim Acacium damnatum aiebant, quin opus esset Concilio, aiebant jam sua ipsius professione Acacium fuisse damnatum, quum ipse Euthychianos omnes damnaverat. Ita in operibus Gelasii, Felicis III. & aliorum. Hinc subjungitur hæc verba: *Universalitatis quoque nomen, quod sibi illicite usurpavit, nolite attendere, nec vocatione ejus ad Synodum atque auctoritate Sedis Apostolicæ unquam venire, si Apostolicæ Sedis, & ceterorum Episcoporum communionem vultis frui. Nullus Patriarcharum hoc tam profano vocabulo unquam utatur, quia si Summus Patriarcha universalis dicitur, Patriarcharum nomen ceteris derogatur. Sed absit hoc, absit a fidelis cujusquam mente hoc sibi vel velle quempiam arripere, unde honorem fratrum suorum imminuere ex quantalacumque parte videatur. Quapropter charitas vestra neminem unquam suis in epistolis universalem nominet, ne sibi debitum detrahat, cum alteri honorem offert indebitum.* Ex his sane emendandus erit Gratiani canon 4. dist. 99., cujus sententiam etiamsi Pelagio Papæ recte tribuere non possimus, non dubitandum tamen, quin consonet cum sententia Gregorii Magni ita scribentis in epist. 36. lib. 4. *Nullus Decessorum meorum hoc tam profano vocabulo (videlicet Episcopi universalis) uti consuevit, quia videlicet si unus Patriarcha universalis dicitur, Patriarcharum nomen ceteris derogatur. Sed absit hoc, absit a Christiani mente, id sibi velle quempiam arripere, unde honorem fratrum suorum imminuere ex quantalacumque parte videatur. . . . Quapropter sanctitas vestra neminem unquam suis in epistolis universalem nominet, ne sibi debitum detrahat, cum alteri honorem offert indebitum.* Non persequor ulterius verba Gregorii Magni, quamquam plura adhuc apud ipsum sint, quæ auctor epistolæ Pelagii ibidem scriptis de nomine Episcopi universalis.

Can. 2.
cau. 6.
dist. 3.

Sed hæc satis visa sunt Mercatori, ut causam Johannis Constantinopolitani persequeretur. Non potuit tamen continere, quin alia adiceret ad rem suam de iudiciis Episcoporum, de quibus fingit Pelagium ipsum fuisse ab Episcopis Orientalibus interrogatum, ibi: *De cetero, Fratres, super Provincia causa, unde Sedem*

Apo-

Apostolicam datum consulere voluistis, videtur nobis sufficienter tractatum a Sanctis Predecessoribus nostris. Sed quia denuo nostram mediocritatem de eadem re interrogare dignum duxistis; scitote, certam Provinciam esse, quae habet decem, vel undecim Civitates, & unum Regem, &c. quæ habentur integra in canone 2. cau. 6. qu. 3., in quibus sane nemo non agnoscat imperitiam Isidori, fingentis Episcopos, qui tamquam supremum Ecclesie Principem concitato schismate Constantinopolitanum Episcopum agnoverant, a Pelagio expetisse, quid in iudiciis Ecclesiasticis, & qua ratione agendum; fingentis iterum jam hanc materiem a Pontificibus Pelagii decessoribus fuisse abunde discussam, quorum sane nomine alii intelligi nequeunt, quam ii, quorum nomine multa Isidorus idem confinxit; fingentis demum, in unaquaque Ecclesiastica Metropoli unum Regem tunc extitisse, quod sane nonnisi posterioribus temporibus congruere potuit, quibus Romanum Imperium in frustula quodammodo divisum, ac distributum adparuit. Cetera non memoro aut de numero Suffraganeorum, aut de causis Civitatum ab Episcopis dirimendis; singulas enim persequi pudet nugas Isidori. Tantum dicam, verba illa, quæ apud Gratianum leguntur: *Episcoporum, & reliquorum Sacerdotum, ac Civitatum, desiderari in codice MS. Panormiz veteri, qui adservatur in Bibliotheca Regii Athenzi, ubi ita legitur: Ad quorum iudicium omnes causæ referantur &c.*

Post verba memorati canonis 2. cau. 6. qu. 3. in epistola ipsa statim sequuntur verba canonis 5. vers. *Si vero dist. 17.*, ubi sane auctor epistolæ sese refert ad canonem 3. & 4. Concilii Sardicenis, de quo egi ad canonem 7. cau. 6. qu. 4., neque enim alia Synodus Pelagio vetustiori designari potest, in qua similia quædam definita videantur. Quod tamen an opportunum esse potuerit Pelagio II., non ipse crediderim, cum res esset apud Orientales Episcopos, qui tunc Concilium Sardicense nondum receperant.

Prosequitur tandem Mercator, & ait: *Ceterorum Sanctorum Patrum statuta sequentes, Synodali auctoritate omnes, qui adversus Patres armantur, ut Patrum inva-* Can. 13. cau. 3. qu. 5.
fores, & mactatores infames esse censemus; quoniam ea vulnere, quæ fomentis non sanantur, ferro abscindi, vel curari necesse est. Et in fine epistolæ, postquam nonnulla tradidit de iis, qui fratribus insidiantur, & falsis criminibus obiectis nocent, concludit: Horum igitur vitiorum auctores, vel patratores non sunt in accusatione Pontificum recipiendi, sed penitus repellendi, quoniam jubent canonica decreta Patrum, ut accusatio, vel testimonium eorum, qui odio quoslibet insequuntur, vel qui inimici, aut suspecti habentur, nullo modo recipiantur. Quorum statuta & nos firmantes, eadem omnibus inviolabiliter futuris temporibus tenere censemus. Hæc referuntur apud Gratianum in can. 13. cau. 3. qu. 5. ubi sane nomine veterum Patrum alii intelligi nequeunt, quam ii, quibus Mercator adscripsit epistolas, nimirum Alexander, Fabianus, Telesphorus, Stephanus, Eusebius, in quorum conficiendis epistolis eadem etiam verba recitantur.

De Epistola ad Episcopos Germaniæ, & Galliæ.

Ut dignoscatur, canonem 71. de conf. dist. 1. falso adscribi Pelagio II., exhibeo integram ipsam epistolam, ex qua ille canon depromptus est: *Pelagius de cons. Romanæ Ecclesiæ, & Apostolicæ Sedis Episcopus universis Germaniarum, ac Galli-* Can. 71. de cons. dist. 1.
Im. II. U u u rum

rum regionum Episcopis. Cum in Dei nomine Romana Ecclesia (priora hac epistolæ verba de more Iſidori Mercatoris excerpta sunt ex epistola 88. Leonis Magni) Synodus Episcoporum, sive ceterorum Conſacerdotum Dei fidelium congregatam habuisse, & de Ecclesiasticis statutis, ut sunt ab Apostolis, & Sanctis Patribus tradita, diligentius tractaremus, supervenire literæ vestræ, & ut magna essent auctoritatis, etiam vivæ voces præcesserunt, rogantes, ut ordinem Præfationum, quem Sancta Romana Ecclesia hactenus haberet, nostris literis vobis remandaremus. Tunc de vestra voluntate, & studio tam bono multum gavisi sumus, & sacrum Ordinem Romanum, Sacraque constituta nostrorum Antecessorum solerter relegentes, invenimus has novem Præfationes in sacro Catalogo tantummodo recipiendas, quas longa retro veritas in Romana Ecclesia hactenus servavit: Unam in Albis Paschalibus, aliam de Ascensione Domini, sextam de Pentecoste, quartam de Natali Domini, quintam de Apparitione Domini, sextam de Apostolis, septimam de S. Trinitate, octavam de Cruce, nonam de Jejuniis, & Quadragesima tantummodo dicendam. Has Præfationes tenet, & custodit S. Romana Ecclesia. Has tenendas vobis mandamus. Quicumque integram hanc epistolam perpenderit, statim eam a recentiore auctore conscriptam facile judicabit. In primis enim Pelagii II. temporibus non convenire dignoscet conjunctionem illam Antistiti Germaniarum, & Galliarum, qui communem disciplinam Ecclesiasticam habere, & Ecclesiasticis rebus in communi uti cœperunt temporibus Gregorii III., & Zachariæ Pontificum, sive prope medium octavi sæculi, quemadmodum multis monumentis demonstrat Baluzius in notis ad Gratianum, & ad memoratum canonem 71., ibidemque ad suam rem laudat Cardinalem Bona lib. 2. Rerum Liturgicarum cap. 10. Præterea non est verosimile, Germaniarum, & Galliarum Episcopos ideo in unum convenisse, ut de Præfationum sacrarum numero, quæ res non adeo gravis videtur, Summum Pontificem interrogarent, præsertim cum Gallicana Ecclesia usque ad Carolum Magnum suos habuerit, retinueritque singulares ritus a ritibus Ecclesiæ Romanæ distinctos. Inverosimile etiam est, Pelagium ita inde professum fuisse, ut de illorum Episcoporum voluntate, & studio tam bono multum gavissus esset, ut etiam ob eam causam veterum constituta solerter relegeret, ceteroquin in re, quam quotidiana praxis obviæ faciebat. Ex quibus Viri eruditissimi concludunt, memoratum canonem Gratianum aut inter Mercatoris monumenta rejiciendum esse, aut recentiori alicui auctori tribuendum. Videlicet adnotationes Antonii Pagii ad annum 590. n. 5.

De Epistola ad Eucarpum Messanensem, & ad Clerum Catinensem.

Can. 17.
dist. 61.
c. Can.
1. can. 8.
qu. 3.

Duas epistolas Pelagio tributas, alteram ad Eucarpum Messanensem, alteram ad Clerum Catinensem, necendas esse hoc in loco censui, quod idem sit utriusque argumentum. Vacasse proponitur Ecclesia Catinensis, cui Pelagius de more illius sæculi Visitatorem dedit Eucarpum Messanensem Episcopum, cujus interea auctoritate, atque prudentia usque ad electionem Antistitis omnia administrarentur, imo & optimi Antistitis electio juxta canonum regulas fieret. Qua formula, quoque mandato Eucarpus fuerit institutus Catinensis Ecclesiæ Visitator, colligimus

gimus ex canone 17. dist. 61., qua itidem ratione sub Eucarpo Visitatore Clerus Catinensis debuerit ad Episcopi electionem progredi, facile erimus ex canone 1. cau. 8. qu. 3. Nihil in eisdem canonibus reperitur, quod a temporibus Pelagii II., aut ab ipsius Pelagii sententiis possit esse alienum. In primis Siciliæ Episcopatus singulari etiam jure Romani Pontificis regimini subdebantur; Hinc Gregorius Magnus Pelagii successor Petro Subdiacono suas vices commisit, ut Siculis Episcopis frequenter etiam in Syracusana, aut in Caranensi urbe congregatis præficeret, epist. 1. lib. 1. Præterea erant tunc instituti in Sicilia Prætores, quorum auctoritate civilia negotia administrabantur, uti constat ex epist. 2. lib. 1. Gregorii Magni; quamobrem Pelagius de Caranensis Ecclesiæ statu conscius fieri potuit a Leone Prætoris Romam reverso, uti dicitur in can. 1. cau. 9. qu. 3. An vero pro certo habere quisque debeat, has epistolas Pelagio jure tribui, adfirmare ipse non ausim; imo nec adferere potius Pelagio II., quam Pelagio I. esse adscribendas; Ideo enim ad Pelagium II. ego referendas esse arbitratus sum, quod in recentioribus Ecclesiasticorum monumentorum Collectionibus canon 1. cau. 8. qu. 3. inter fragmenta Pelagii II. recensetur. Qui me in dubio propemodum hærentem facit, est Anselmus Lucensis, qui primus in libro 6. sue Collectionis cap. 40., & 44. harum epistolarum mentionem fecit, quia tamen de illis ne vestigium quidem extet apud vetustiores Collectores, imo nec mentio fiat in veteribus Ecclesiasticis monumentis aut Eucarpi Messanensis, aut Elpidii Catinensis. (Nisi forte in quodam incertæ fidei monumento edito a Luca Holstenio inter rescripta Pelagii I., quod habetur in recentioribus Labbeanis Collectionibus post epistolas ejusdem Pelagii. Quamobrem non video, quomodo Pelagio II. tribuatur in eisdem Collectionibus epistola, qua de electione Elpidii Caranensis agatur, confictum autem fuerit jam Pelagium I. ad Elpidium Caranensem scripsisse). Alias autem Anselmi fides non satis apud omnes probata est, ubi proposito suo serviebat, ideit ubi agebatur de Episcoporum electionibus celebrandis. Addo, in dicto can. 17. dist. 61. inter cetera, quæ ab Eucarpo Visitatore custodienda præstituntur in electione Episcopi, illud maxime commendari, ut is ad Episcopatum promoveatur, *qui nec uxorem habeat, aut filios*, quod mandatum aptius convenire poterat sæculi XI. Pontificibus, qua nimirum ætate & vivebat Anselmus, & Clerici ferme omnes continentiarum legibus minime obtemperabant. Non omitam tamen animadvertere, Baluzium in lib. 5. Miscellan. pag. 467. edidisse ampliore formula hoc ipsum, de quo agimus, fragmentum, ibi: *Pelagius Visitator Episcopo Messanensi. Caritatem illam, qua dilectionem tuam semper amavimus, omnia superare secundum Apostolum credimus, & nullum sanitati tue laborem pro Ecclesiastica statu onerosum existere. Scit Fraternitas tua, quia pro peccatis nostris omnes, quæ sua sunt, querunt, non quæ Jesu Christi. Hæc ideo prælibavimus, quia tibi rursus Catinensis Ecclesiæ Visitacionem injungimus, cujus Episcopum de hac luce transisse suscepta Clevi relatione didicimus. Mox ergo dilectio tua ad supradictam Catinensem Ecclesiam pengas, & hominem de Clero, qui nec uxorem habeat, nec filios, nec crimen aliquod canonibus inimicum, eligi cum auxilio Dei compellas, atque suadeat, & statim cum ad urbem Romanam cum decreto, & testificatione relationis tue transmittre. Ex his liquet, aliqua desiderari in Baluzii codice, quæ apud Gratianum habentur, & e converso.*



De Epistola ad Florentinum Episcopum.

Can. 7. *dist. 14.* Potius congruit Pelagii II. epistola ad Florentinum Episcopum, ex qua de- promptus est canon 7. dist. 34. Et si enim qui prius eandem evulgaverit, esse videatur Anselmus Lucensis lib. 7. cap. 68., cum tamen epistolæ argumentum non illud fuerit, cujus gratia idem Collector nullum defectum habuerit, non adeo facile in suspensionem venio, ut epistolam ab ipso, aut ab alio ejusdem ætatis arbitrer fuisse confectam. Agitur ibidem de dispensatione a recta sacrorum canonum disciplina, temporibus ita exigentibus facienda. Tempora autem in memorato canone 7. designata satis congruunt temporibus Pelagii II., quibus nimirum universa Italia armis defatigata grave excidium perpeffa fuerat. Baluzius in lib. quinto superius memorato sub nomine Pelagii II. eandem epistolam retulit, & quidem adjectis iis, quæ apud Gratianum desiderari liquet, ubi scilicet in codicibus Gratianeis habetur: & infra. En Baluzianum monumentum. *Fraternitatis tuæ relatione suscepta ejus latorem secundas quidem nuptias expertum non fuisse didicimus, castitatem tamen cum priori non servasse conjugio designasti. Et quamvis multa sint, quæ in hujusmodi casibus observari canonice jubeat sublimitatis auctoritas, tamen quia defectus nostrorum temporum, quibus non solum merita, sed corpora ipsa hominum defecerunt, distributionis illius non patitur in omnibus manere censuram, & ætas istius, de quo agitur, futuræ incontinentiæ suspensionem auferre dignoscitur, ut ad Diaconatum possit provehi, temporum, ut dictum est, condescendentes defessui, concessisse nos moveris, ita tamen, ut de moribus, & vita, vel actu ipse tu in diem judicii ante tribunal illud terribile reddas communi Domino rationem, quia sic præterita præ angustia temporis mitigamus, ut caute, atque sollicite futuris excessibus obviamus. Propter quod jubemus Micinam ancillam, de qua se post uxoris transitum habere confessus est filius, neque cum ipso manere liceat, & cuicumque Monasterio continentiam professura tua dispositione tradatur, ut meliori sorte, ad quod promovetur, officium sub bonæ possit famæ merito ministrare, nec aliqua opinionis ejus maculandæ relinquatur occasio.*

De epistola ad Antoninam, & Deciam.

Can. 20. *cau. 16. q. 1.* Num epistola ad Antoninam Patriciam, & Deciam, ex qua Gratianus fragmentum exhibuit in canone 20. cau. 16. qu. 1., tribuenda potius sit Pelagii II., quam I., incertum est ob incuriam veterum Collectorum Gratiani, necnon Ivonis in parte 7. cap. 23. minime indicantium, ad quem ex duobus Pontificibus pertineat. Controversiam diremisse videntur recentiores epistolarum Pontificiarum Collectores, qui illam inter fragmenta Pelagii II. recensuerunt. Sane, si quid est quod Pelagii II., ejusque temporibus conveniat, illud est monumentum. Postquam enim Justinianus Ecclesiastici fori jura latius extendere visus est in Novellis suis Constitutionibus, Pontifices Maximi Viros Ecclesiasticos in Civitatibus, aut Provinciis designare ceperunt, quos Defensores vocabant, quorum cura, ac sollicitudo in dirimendis Ecclesiarum, & Clericorum controversiis consisteret. Horum Defensorum passim mentionem facit Gregorius Magnus Pelagii II. successor. Temporibus

ribus etiam Pelagii II. Duce Benedicto Monachorum Occidentalium Parente, passim erigi Monasteria coeperunt, in quibus viri optimi virtutibus imbuebantur, cum Ecclesiarum utilitate maxima; fiebat enim aliquando, ut illinc adfumerentur, qui Clerici fierent post diuturnam probationem, & Ecclesiis auctoritate Episcopi ordinati ministrarent. En in his temporum adjunctis verosimile argumentum canonis 20. cau. 16. qu. 1. Cum Defensor in certa Provincia, aut Civitate causarum Ecclesiasticarum dirimendarum causa designandus esset, Antonina quidam Patricia, & Decia Pelagium Pontificem rogaverant, ut quendam Monachum probatæ vitæ, integrisque moribus ornatum illi muneri præficeret. Respondit Pelagius, id parum Monasticæ conditioni, ac Monacho illi posse congruere, quatenus, qui in Monasteriis degabant, fori contentionibus finiendis non satis apti videbantur, cum Monachorum vitæ a ratione vitæ Judicis sit quam longe remota. Potius spondet Pontifex Maximus, se illum opportunius ad Clericorum officia promoturum. Hoc Pelagii monumentum meo judicio optimum est ad dignoscendam disciplinam Ecclesiasticam sexti sæculi; ibidem enim & graphice describitur, quale esset officium Defensorum, traditur præterea, quid tum a Monachis ex vi propriæ institutionis perageretur, quæ ratione ad Ecclesiasticos gradus promoverentur; imo etiam docemur, quæ essent tunc potissima Clericorum officia.

De Epistola ad Cresconium Illustrem.

Sive apud Anselmum Lucensem, sive apud Ivonem Carnotensem, quorum fragmenta retulit Gratianus in can. 4. & 10. cau. 10. qu. 3., mentio fit epistolæ Pelagii ad Cresconium Illustrem, cujus nomine Pelagium I. intellexerunt recentiores monumentorum Ecclesiasticorum Collectores. Quin Pelagio II. tribuenda sit illa epistola, ego minime dubitaverim. Etenim ex epistola Gregorii Magni ad Episcopos Siciliæ 22. lib. 11. liquet, tunc temporis Episcopos Siciliæ Clericis suis graves fuisse exactione pecuniarum, immo & Gregorius Magnus fatetur, a Decessore suo (qui sane est Pelagius II.) missum fuisse Diaconum in Siciliam, ut Episcopis mandaretur, ne ultra modum pecuniam a fidelibus extorquerent. Quid sane dubium esse potest, Pelagium eundem apud Cresconium Illustrem, virum forte Magistratu fungentem, de eadem re conquestum fuisse, ac postulasse, ne Episcopi diutius potestate sua abuti permitterentur, sed tantum duos solidos Cathedralici nomine acciperent? Sane duorum solidorum Cathedralici nomine a Clericis luendum disciplina sexto sæculo vigeat, quemadmodum jam observavi ad canones Concilii Bracarensis II. Verum num eadem Pelagii verba habeamus apud Gratianum adferere nequeo, aut saltem quæ sint, indicare. In canone 4. eadem est sententia, quæ in canone 10., diversis verborum formulis expressa. Verba canonis 4. ex Ivonis codice, verba canonis 10. ex Collectione Anselmi derivata sunt. Pelagium eadem diversis formulis repetiisse in eadem epistola, dum ad Virum Illustrem scriberet, inverosimile est. Aut ergo Ivo, aut Anselmus verba ipsa Pelagii corruperunt. Quem potius sequar, ignoro, cum utrumque non semper verba ipsa monumentorum sacrorum retulisse noverim. Satis igitur sit, illud constanter Pelagio adscribere, in quo utrumque fragmentum consonat, id est, sive canon 4., sive canon 10. memorati.

Can. 4.
C. 10.
cau. 10.
qu. 3.

*Quæ de Pontificibus Maximis ex proposito tradenda erant, non uno
commode comprehendendi volumine potuerunt; quamobrem quæ multa
adbuc supersunt, in aliis exhibebuntur.*





